






Ex Bibliotheca
majori Coll. Rom.
Societ. Jesu

48.7.21.



[illegible]

352 352.0

BIBLIOTHECA THEOLOGICA



SEPTEM LIBRIS DISTINCTA.

I N Q V A

Exacto ordine reponuntur. cuncta ad completam Sacrae Doctrinae, vel Theologiae notitiam spectantia, tam secundum se, quam secundum diuersa eius munera, *Deducendi* conclusiones beneficio Artis Syllogisticae, vnde *Scholastica*, vel *Argumentatiua*: *Ordinandi* & *explicandi* locos Theologicos, vnde *Positiua*, siue *Thetica*, & *Fundamentalis*: *Defendendi* sua principia aduersus omnia infidelium genera, vnde *Polemica*: *Disponendi* suas materias, vnde *Methodica*: *Vtendi* metaphoris, vnde *Symbolica*: *Prouocandi*, vel *dirigendi* affectum in Deum, vnde *Mystica*.

A V T H O R E


F. DOMINICO A SS. TRINITATE

CARMELITA DISCALC. PROVINCIAE PARISIENSIS.

TOMI QVINTI PARS I.

Complectens Libri IV. in quo agitur de S. Doctrina, quoad munus defendendi sua principia aduersus omnia Infidelium genera, vnde dicitur Polemica, Sectionem Primam, de modo in communi propugnandi Fidei veritates; Secundam, in qua examinantur praecipua motiua, quibus Fidei Romano-Catholicae mysteria sunt euidenter credibilia; Tertiam de existentia Dei aduersus Atheistas; Quartam, de unitate eiusdem aduersus Politheistas; Quintam de necessitate Religionis, & in ea Fidei Diuina, ut recte colatur, aduersus Philosophos; Sextam, de unitate verae Religionis contra Politicos in ea indifferentiam admittentes; Septimam, de aduentu Messiae contra Indeos; Octauam, aduersus fatuam Secta Mahumetana superstitionem; Nonam, de modis agendi in communi contra haereticos; Decimam, ubi refelluntur praecipuae haereses in partibus Orientis primum orta, & in illis adhuc vigentes.

Bibliothecae Sec.^{te}



Catalogus in scriptis

R O M A E,

Ex Typographia Philippi Mariae Mancini. M. DC. LXXI.

S V P E R I O R V M L I C E N T I A.

I N D E X

Librorum, Sectionum, & Capitulorum huius
primæ Partis Quinti Tomi Bibliothecæ
Theologicæ.

LIBER QVARTVS

*De Doctrina Sacra, quatenus propugnando sua principia, aduersus omnia
Infidelium genera, dicitur Polemica, aut
Reflexiua.*

SECTIO PRIMA.

*Explicatur in communi Sacra Doctrina
munus, et modus propugnandi fidei
veritates aduersus Infideles
illas negantes.*



AP. I. Quod Sacrae do-
ctrinae munus sit fidei
veritates defendere. .
pag. 1.

Cap. II. Quomodo Sa-
cra doctrina ut talis, sua
possit principia probare. pag. 2.

Cap. III. Quod Sacra Doctrina, solis
naturæ viribus, probare non possit,
possibilia esse, siue non impossibilia
supernaturalia fidei mysteria. pag. 4.

Cap. IV. Mysteria fidei ita superare
omnem Intellectus creati facultatē
naturalem, ut tamen non sint con-
tra rationem; nullumque afferri pos-
se argumentum, quod ostendat illa
esse impossibilia. pag. 6.

Cap. V. Nullum posse fieri argumentū
contra fidei nostræ mysteria, quod
solui non possit. pag. 8.

Biblioth. Theol. Tom. V.

Cap. VI. Quod fidei Christianæ myste-
ria, quæ docet Ecclesia Catholica
Romana sint euidenter credibilia. .
pag. 14.

Cap. VII. Soluuntur obiectiones, ma-
ximè cur stante euidentī fidei Catho-
licæ credibilitate, tot sunt homines
qui illi assensū non præbent. pag. 20.

SECTIO SECVNDA.

*Examinantur in particulari præcipua mo-
tina, vel argumenta, quibus fidei
Catholica Romana mysteria
sunt euidenter credi-
bilia.*

CAP. I. Afferitur quædam genera-
lis diuisio argumentorum,
seu motiuorum, quibus Theo-
logus probare possit euidenter cre-
dibilem esse Christianam Fidem, vel
doctrinam; quam ut à reuelatā pro-
fitetur Ecclesia Catholica Romana.
pag. 27.

Cap. II. Explicatur primum fidei Ca-
tholicæ Romanæ motiuum à mi-
racu-

INDEX SECTIONVM,

- raculis ductum. pag. 29.
- Cap.III. Traditur vera ratio miraculi, & ad Deum solum miraculorum editionem pertinere ostenditur. p.30
- Cap.IV. Assignantur aliquæ regule, & differentie ad dignoscendum falsam, Dæmonum, ac Magorum præstigia à veris miraculis, quæ in sacris litteris, & Ecclesiasticis facta legimus ad confirmationem Fidei Catholicæ Romanæ. pag. 33.
- Cap.V. Afferuntur rationes, cur Deus aliquando patiatur Magos, & Pseudoprophetas facere signa, & prodigia in finem decipiendi, & à veritate fidei abducendi, similia veris miraculis. pag. 36.
- Cap.VI. Repugnare quod fides, aut Religio veris, ac diuinis miraculis probata, sit falsa. pag. 38.
- Cap.VII. Quod conuenientissimus Religionis inter homines constituendæ modus fuerit, illam esse publicis, & euentibus miraculis, quasi sigillo diuino innixam, & confirmatam. pag. 41.
- Cap.VIII. Satisfit objectionibus Caluini contra doctrinam superiori capite traditam, quod miracula sint necessaria ad nouam fidem, vel extraordinariam missionem persuadendam. pag. 45.
- Cap.IX. Miracula pro Christiana Religione facta referuntur, primumque aduersus Gentiles, Christi Domini nostri signa verissimæ, atque certissima extitisse, comprobatur. pag. 51.
- Cap.X. Refelluntur sophistica infidelium argumenta, quibus miracula à Christo Domino facta infirmare conati sunt. pag. 54.
- Cap.XI. Ostenditur aduersus hæreticos maxime, Ecclesiam Catholicam Romanam esse veram Dei Ecclesiam ex perseverantia doni miraculorum in ipsa. pag. 57.
- Cap.XII. Satisfit hæreticorum objectionibus contra perseverantiam, ac durationem doni miraculorum in Ecclesia Catholica Romana. pag. 61.
- Cap.XIII. Afferuntur aliquæ rationes, propter quas non expediat modo, signa tot, ac tanta communiter fieri, vt olim in primitiua Ecclesia facta, legimus. pag. 62.
- Cap.XIV. Explicatur secundum argumentum ex prophetarum oraculis, ac predictionibus desumptum. pag. 64.
- Cap.XV. Explicatur tertium argumentum depromptum ex qualitatibus, seu conditionibus primorum Fundatorum Christianæ Religionis, quæ assecuratur in Ecclesia Catholica Romana. pag. 68.
- Cap.XVI. Explicatur quartum argumentum deductum ab integritate, & Sanctitate ipsius doctrinæ Christianæ, & Catholicæ. pag. 70.
- Cap.XVII. Quod Ecclesiæ Catholicæ Romanæ, Religionisue Sanctitatem non contamineat, personalis aliquorum malorum Christianorum iniquitas. pag. 72.
- Cap.XVIII. Quod in alijs Sectis ab Ecclesia Catholica, & Romana distinctis, non reperiatur vera Sanctitas. pag. 75.
- Cap.XIX. Explicatur quintum argumentum ductum ab ipsa conditione doctrinæ Christianæ, & Catholicæ quæ licet contineat plura difficilia & ardua, miram tamen vim, & efficaciam habet in afficiendis animis. pag. 78.
- Cap. XX. Explicatur sextum argumentum desumptum à probitate, & Sanctitate eorum, qui fidem Christianam, & Catholicam conseruauerunt. pag. 79.
- Cap.XXI. Explicatur septimum argumentum desumptum ab admirabili eorum mutatione, qui ex infidelitate ad Christianam, & Catholicam fidem fuerunt vere conuersi. pag. 83.
- XXII. Explicatur octauum argumentum desumptum ab insigni constantia, animique fortitudine tot Sanctorum Martyrum, qui pro Christiana, & Catholica fide vitam posuerunt, & in dies ponunt. pag. 85.
- Cap.

ET CAPITVM.

- Cap. XXIII. Explicatur nonum argumentum desumptum ab infinita propè multitudine eorum, qui fidem Christianam, & Catholicam amplexi sunt pag. 89.
- Cap. XXIV. Explicatur decimum argumentum, desumptum à modo, quo primùm Fides Christiana fuit propagata. pag. 90.
- Cap. XXV. Explicatur vndecimum argumentum desumptum ab vniuersalitate, seu Catholicitate Religionis Christianæ, & Catholicæ Romanæ, quatenus eo nomine significatur positiua quædam Vniuersalitas locorum. pag. 92.
- Cap. XXVI. Quod in omnibus alijs ab Ecclesia Christiana, & Romana Sectis non sit vera Vniuersalitatis nota; vbi etiam satisfit quibusdam hæreticorum obiectionibus. pag. 99.
- Cap. XXVII. Explicatur duodecimū argumentum desumptum ab eodem Catholici nomine, quatenus eo significatur Vniuersalitas temporis. pag. 103.
- Cap. XXVIII. Ostenditur veram Ecclesiæ Dei perpetuitatem nulli Sectariorum huius temporis cœtui cōuenire. pag. 108.
- Cap. XXIX. Explicatur decimumtertium argumentum ductum à perfectissima doctrinæ vnitæ Religionis Christianæ Romanæ Catholicæ. pag. 113.
- Cap. XXX. Quod aliæ infidelium, & hæreticorum sectæ nullum habeant constantem in doctrina fidei, aut Religionis consensum. pag. 115.
- Cap. XXXI. Explicatur decimum argumentū pro veritate doctrinæ Christianæ, & Catholicæ Romanæ deductum ex eo quod sit Apostolica. pag. 118.
- Cap. XXXII. Explicatur decimum, quintum argumentum desumptum ab ordine qui cernitur in Instituto, & Religionē Christiana, & Catholica. pag. 119.
- Cap. XXXIII. Explicatur decimum

sexturn, & vltimum argumentum, ex parte eorum qui non credunt. pag. 120.

- Cap. XXXIV. Breuis argumentorum Christianæ fidei veritatem probantium Anacephalæosis; vnde concluditur aduersus omnes alias sectas, solam Romanæ Ecclesiæ fidem, ac doctrinam esse veram, diuinitusque reuelatam. pag. 121.

SECTIO TERTIA.

De varijs modis ex Sacra Doctrina prescripto obseruandis, in suadendo, aut defendendo fidei nostræ mysteria secundum diuersitatem Infidelium ea negantium, primumque de existentia Dei aduersus Atheos.

- Cap. I. Varia refertur Infidelium genera. pag. 129.
- Cap. II. De Atheismo, primaque eius origine, causis & effectibus. pag. 131.
- Cap. III. Ostenditur hominem ad certam, ac demonstratiuam Dei cognitionem naturaliter peruenire posse, via ascensus, & à posteriori. pag. 135.
- Cap. IV. Soluuntur argumenta, contra doctrinam superioris capite traditam. pag. 142.
- Cap. V. Præmittuntur aliqua ad disputationem contra Atheos necessaria pro demonstranda Dei existentia. pag. 146.
- Cap. VI. Deum existere demonstratur via motus, aduersus Atheos. p. 149.
- Cap. VII. Demonstratur Dei existentia via causalitatis, & efficientiæ aduersus Atheos. pag. 155.
- Cap. VIII. Afferuntur, & præcluduntur aliqua Atheorum effugia. p. 156.
- Cap. IX. Deum esse demonstratur ex necessitate vnius entis necessarii, & ad essendum determinati. pag. 166.
- Cap. X. Ostenditur Deum esse via eminentiæ, seu ex analogia, quando debent habere omnia entia cum aliquo maxime ente. pag. 162.
- Cap. XI. Verum Deum esse probatur

INDEX SECTIONVM,

- ex suprema in gubernandis rebus
providentia, pag. 166.
Cap. XII. Veritati Diuinæ existentie
testimonium perhibent omnes crea-
turæ, pag. 268.
Cap. XIII. Veritati Diuinæ existentie,
testimonium perhibent scientiæ spe-
culatiuæ, tam naturales, quam super-
naturales, pag. 170.
Cap. XIV. Deum esse probatur ex sci-
entijs moralibus, & effectiuis, pag. 176.
Cap. XV. Deum esse demonstratur ex
consensu totius humani generis .
pag. 178.
Cap. XVI. Deum esse probatur tam ex
commodis, quæ stabilita semel Dei
existentia consequuntur, quam ex
absurdis, & incommodis, quæ suam
ab Atheismo originem ducunt .
pag. 182.
Cap. XVII. Veritati Diuinæ existentie
testimonium perhibent Atheorū si-
lentium, & perplexitas, infelixque
tam illorum, quam blasphemorum,
sacrilegorum, ac periuriorū exitus .
pag. 185.
Cap. XVIII. De Atheorum obiectio-
nibus, pag. 186.
Cap. XIX. Verum Deum esse sit per
se notum, pag. 187.
Cap. XX. Vtrum de existentia Dei da-
ctis possit ignorantia inuincibilis .
pag. 1802.
Cap. XXI. Vtrum Deum esse sit primū
cognitum, pag. 210.

SECTION QVARTA

De Vnitatem Dei aduersus Polytheismum,
sive idololatriam Deorum plurium

- Cap. I. De Polytheismo, eiusque
causis, origine, & varietate .
pag. 216.
Cap. II. Tam Diuinarum Scripturarum
authoritate, quam vniuersi San-
ctorum Patrum consensu ostenditur
non esse, nisi vnum Deum verum .
pag. 237.

- Cap. III. An Deum esse tantum vnum
demonstrari naturaliter possit, pag. 247.
Cap. IV. Ostenditur verum Deum esse
vnum ex naturali instinctu consen-
suque hominum pro doctioribus pro-
fertim inter Gentiles habiturum .
pag. 251.
Cap. V. Expenduntur præcipuæ ratio-
nes vnitatem, seu immultiplicitatem
veri Dei demonstrantes, pag. 254.
Cap. VI. Nunquam licitam esse Idolo-
latrariam, falsorumque Deorum cul-
tum, pag. 259.

SECTIO QVINTA.

*In qua aduersus Philosophos Gentiles, aut
alios quoslibet Dei existentiam, & vni-
tatem admittentes, ostenditur vera Re-
ligionis, & in ea diuina fidei necessitas,
indeque, quod illa sit vera, quam pro-
fiteatur, ac docet Ecclesia Catholica Ro-
mana .*

- Cap. I. Præmittitur brevis Idea-
rum in hac sectione tractanda-
rum, pag. 268.
Cap. II. Statuitur existentia, & neces-
sitas veræ Religionis, pag. 269.
Cap. III. Ostenditur Diuinam providen-
tiam nostri maximè curam habere,
in rebus ad Religionem spectanti-
bus, pag. 272.
Cap. IV. Quod vera Religio sit ab ho-
minibus inuenibilis, pag. 275.
Cap. V. Quod homo animam habeat
immortalē, indeque teneatur ve-
ram querere, & amplecti Religionē,
pag. 285.
Cap. VI. Breuiter explicantur in gene-
re præcipua veræ Religionis officia,
seu munera, pag. 305.
Cap. VII. Quod ratio naturalis, vel
solum philosophiæ magisterium sit
insufficiens ad fundandam veræ Re-
ligionis disciplinam, pag. 307.
Cap. VIII. De necessitate diuinæ fidei
in Religione vera, pag. 311.
Cap. IX. Quod in Christiana Religio-
ne, quam profiteatur Ecclesia Catho-
lica

DE TERTIO CAPITULO.

lica Romana, reperiatur Diuina.
Fides, quæ ad veram requiritur Re-
ligionem, illaque proinde sit vera.
Religio ab omnibus amplectenda.
pag. 322.

SECTIO SEXTA.

*De unitate veræ Religionis contra Politi-
cos in ea libertatem, vel indis-
ferentiam admi-
tentes.*

- C**ap. I. Aperitur sensus contro-
uersiæ. pag. 331.
Cap. II. Statuitur unitas veræ Religio-
nis. pag. 335.
Cap. III. An sufficiat homini ad verum
Dei cultum, promerendamque ab
eo æternam beatitudinem, quod
probabiliter tantum arbitretur verū
esse, quam sequitur Religionem. pag.
338.
Cap. IV. In negotio Religionis liber-
tas, seu indifferentia nullatenus ad-
mittenda est. pag. 341.
Cap. 5. An aliquis saluari queat extra
veram Religionem. pag. 348.
Cap. VI. Soluuntur obiectiones contra
doctrinam superioribus capitibus
traditam pro unitate, & necessitate
veræ Religionis. pag. 361.

SECTIO SEPTIMA.

*De aduentu Messie, legisque Mosaicæ
post illam cessatione aduer-
sus Iudeos.*

- C**ap. I. Aperitur status controuer-
siæ, nonnullaque prænotantur ad
illius intelligentiam, ac resolutionem.
pag. 368.
Cap. II. Adducuntur testimonia vete-
ris testamenti, quæ absolute promit-
tunt Christum venturum. pag. 378.
Cap. III. Proferuntur testimonia vete-
ris Testamenti, quibus designatur
tempus aduentus Messie. pag. 382.
Cap. IV. Adducuntur loca Veteris In-

strumenti, de notis, ac signis veri
Messie à Prophetis in illo prædictis;
vbi etiam ostenditur illa omnia fuisse
in Christo Domino perfectissimè
adimpleta. pag. 397.

Cap. V. Adducuntur aliquæ rationes,
cur Iudei tam apertis prophetarum
testimoniis de Christo non credunt.
pag. 426.

Cap. VI. Soluuntur obiectiones Iudeo-
rum, quibus conantur probare Chris-
tum Iesum non fuisse verum in le-
ge promissum Messiam. pag. 427.

Cap. VII. De Iudeorum libris, & pri-
mo de Thalmud. pag. 431.

Cap. VIII. De Rabbincis libris. pag. 433.

Cap. IX. De Cabalisticis libris. pag. 435.

Cap. X. De Masorethicis libris, siue
Masora Hebræorum. pag. 437.

Cap. XI. Referuntur auctores qui ad-
versus Iudeos, vel de rebus ad illos
pertinentibus scripserunt. pag. 440.

SECTIO OCTAVA.

*Adversus falsam Sectæ Mahumetanæ su-
persitionem.*

Cap. I. De origine & progressu Se-
ctæ Mahumetanæ, vna cum bre-
ui Idea rerum in hac Sectione tra-
ctandarum ad eius confutationem.
pag. 441.

Cap. II. Ostenditur Sacras vtriusque
Testamenti Scripturas à Mahumete,
& eius sequacibus admissas, non
fuisse in vniuersum corruptas, vel
adulteratas, vt ipsi contendunt. pag. 444.

Cap. III. Ostenditur vanitas Sectæ Ma-
humetanæ, ex defectu prophetiarum,
quibus prædicta, & miraculorum
quibus à Deo confirmata fuerint, nec
non Sanctitatis Fundamentis eiusdem.
pag. 452.

Cap. IV. Ostenditur falsitas legis Ma-
humetanæ ex parte rerum in ea ad
credendum propositarum, quia mul-
ta continet turpia, & iniusta, multa
inter se contraria, rationique huma-
næ dissona: ac tandem, quia caret
vi,

INDEX SECTIONVM,

- vi, & efficacia in mutandis, & afficiendis animis. pag. 457.
- Cap.V. Aperitur vanitas legis Mahumetanæ, ex parte eorū qui credunt, hoc est, ex defectu Sanctitatis insignis, mutationis admirabilis, patientiæ inuincibilis, & multitudinis innumerabilis in illis, qui legi Mahumetanæ adherent. pag. 464.
- Cap.VI. Demonstratur fatuitas Sectæ Mahumetanæ ex modo quo eius author Mahumetes illam stabiliri, & propagari voluit; hoc est, ignorantia, & metu; seu armorum vi. pag. 467.
- Cap.VII. Ostenditur falsitas Sectæ Mahumetanæ, ex parte eorum, qui non credunt. pag. 476.

SECTION NONA.

Nonnulli proferuntur modi agendi contra hereticos.

- Cap I. Præmittitur breuis idea rerum in hac, & sequentibus Sectionibus tractandarum, nec non quo ordine, & qua methodo. pag. 480.
- Cap.II. Primi modi contra hereticos agendi principia explicantur. pag. 503.
- Cap.III. Alterius modi vniuersalis tractandi cum hæreticis principia aperiantur. pag. 507.
- Cap.IV. Adducuntur præcipui à Sanctis Patribus Canones, quibus hæreticorum mores definiuntur; tum Catalogus librorum, quibus ab iisdem refelluntur. pag. 515.
- Cap.V. Vtrum cum hæreticis, ad illos refellendos disputare liceat, & quæ in hoc regulæ seruandæ sint. pag. 524.

SECTIO DECIMA.

Præcipue refelluntur hæreses in partibus Orientis primum orta, & in illis adhuc vigentes, iuxta ordinem à Diuo Thoma in summa obseruatum.

- Cap.I. Statuitur aduersus Armenos, & alios, in beatæ & immortalis vitæ Deum non solum ab intellectu creato, nempe ab Angelis, & hominibus videri posse, sed etiam reipsa conspici propterea quod in se immediate quoad suam diuinam substantiam. pag. 533.
- Cap. II. De processione Spiritus Sancti à Patre, & Filio aduersus Græcos, Armenos, Georgianos, & Coptos. pag. 550.
- Cap.III. Statuitur aduersus Iacobitas, Abyssinos, & Armenos, animas rationales non gigni à Parentibus, sed à solo Deo creari, quando infunduntur corporibus. pag. 580.
- Cap.IV. Statuitur aduersus Armenos, verè esse aliquod peccatum originale, quod Adæ posterius in ipsa generatione contrahant. pag. 591.
- Cap.V. Ostenditur aduersus Armenos, peccatum non esse simpliciter à Demone, sed à libera hominum voluntate. pag. 607.
- Cap. VI. Ostenditur aduersus Iacobitas, Abyssinos, nonnullosque etiam Armenos, legem veterem omnino esse iam abrogatam, & mortiferam, proindeque esse illicitum Sacramenti Circumcisionis usum. pag. 611.
- Cap.VII. Statuitur aduersus Græcos, Iacobitas, Armenos, & alios Orientis hæreticos, primatus Diui Petri super Vniuersalem Ecclesiam, Romanorumque Pontificum in eo successio. pag. 627.

Cap.

ET CAPITVM.

- Cap. VIII. Ostenditur contra Coptos omne periurium esse peccatum, seu nunquam licere, falsum per Deum iurare. pag. 627.
- Cap. IX. Stabilitur contra Nestorianos in Oriente, aut alibi adhuc superstites, quod in Christo Domino vero Deo, & homine, vna tantum sit persona, eaque ipsa Diuina persona Verbi. pag. 629.
- Cap. X. Statuitur aduersus Eutychnos in Oriente, aut alibi adhuc existentes, ita per Incarnationem, seu per vnionem personæ Verbi Diuini cum natura humana, duas naturas fuisse in Christo Domino, Diuinam scilicet, & humanam, vt etiam post illam remanserint, & adhuc remaneant in illo integræ, inconfusæ, permixtæ. pag. 651.
- Cap. XI. Aduersus Armenos, quod Sancta nouæ legis Sacramenta, nedum significatiua, sed insuper causatiua sint Diuinæ Gratiæ. pag. 659.
- Cap. XII. Statuitur contra Armenos, & Abyssinos necessitas baptismi in ratione mediij, omnibus hominibus cuiuscumque ætatis, & conditionis. pag. 659.
- Cap. XIII. Statuitur aduersus Armenos, Sacrum Chrisma non adeo esse necessarium ad verum Baptisma perficiendum; vt nisi baptizandus ipso vngatur, non baptizatus censeretur. pag. 685.
- Cap. XIX. Ostenditur aduersus nonnullos Armenorum Pseudo magistros legitimam esse baptismi formam qua dicunt Latini: Ego te baptizo in nomine Patris, & Filij, & Spiritus Sancti. pag. 689.
- Cap. XV. Ostenditur aduersus eosdem Armenos in baptismo trinæ immersionis, iuxta eorum ritum, licet non posse ministrum ter repetere totam baptismi formam, itavt in vnaqueque immersione dicat, baptizetur N. seruus Christi in nomine Patris, & Filij, & Spiritus Sancti. pag. 694.
- Cap. XVI. Statuitur aduersus Armenos Sacramentum baptismi validè conferri posse à quolibet homine. pag. 696.
- Cap. XVII. Probatur contra Abyssinos illicitam esse baptismi iterationem. pag. 699.
- Cap. XVIII. Statuitur aduersus Armenos naturæ Sacramenti Confirmationis, ordinariumque eius ministrum esse solum Episcopum. pag. 704.
- Cap. XIX. Statuitur contra nonnullos Græcos, eorumque in Oriente sequaces, Augustissimum Eucharistiæ Sacramentum ritè, & validè confici etiam in pane azymo. pag. 728.
- Cap. XX. Statuitur contra Armenos, vinum aqua mixtum esse legitimam calicis Domini consecrandi materiam. pag. 745.
- Cap. XXI. Statuitur aduersus Iacobitas, dari verum pœnitentiæ Sacramentum, illudque non confici, nisi per Confessionem Pœnitentis, & absolutionem Sacerdotis. pag. 750.
- Cap. XXII. Ostenditur contra Armenos nullum dari peccatum tam enorme, vel etiam tantam peccatorum multitudinem, quæ per pœnitentiam, aut in ratione Sacramenti, aut in ratione virtutis sumptam deleri non possit. pagina, ibidem.
- Cap. XXIII. Ostenditur contra Armenos, Iacobitas, Coptos, & Abyssinos, matrimonium consummatum Christianorum non posse dissolui quoad vinculum, ob adulterium alterius coniugum, aut aliam causam, & peccatum, pag. 758.
- Cap. XXIV. Statuitur aduersus nonnullos Orientales, tum Græcos, tum Armenos, tum Iacobitas, existentia Purgatorii. pag. 765.

INDEX SECTIONVM,

Cap. XXV. Ostenditur contra Græcos, Armenos, Iacobitas, & alios ferè omnes Orientis hæreticos, vnumquemque iam hominem in die obitus, seu ante Iudicium vniuersale, promeritam retributionem accipere. pag. 765.

Cap. XXVI. Statuitur aduersus Arme-

nos, Christum, cum descendit ad inferos, non omnes inde animas liberasse, tum bonas, tum malas, nec inferni locum ab eo ita distractum, fuisse, vt deinceps substituta sit æris regio ad animas peccatorum, seu reproborum excipiendas. pag. 775.



INDEX

Locorum Sacrae Scripturae, quae hac prima
Parte Quinti Tomi Bibliothecae Theo-
logicae continentur, & ex-
plicantur.

Ex Veteri Testamento, librorum eius ordine seruato.

GENESEOS.



AP. I. Faciamus homi-
nem ad imaginem & si-
militudinem nostram, &
praestit piscibus maris, &
volatilibus Caeli, uni-
uersaque terrae, omnique
reptili quod inuoluitur in terra. pag. 393

Cap. 2. v. 7. Spiraculum vitae. 599

Ibid. Formauit Deus hominem de limo
terrae, & inspirauit in faciem eius spi-
raculum vitae, & factus est homo in
animam uiuentem. 585

Ibid. Crescite, & multiplicamini. 591

Ibid. De ligno autem scientia boni, & ma-
li ne comedas, in quocumque enim die
comederis ex eo, morte morieris. 596

Cap. 3. Inimicitias ponam inter te, &
mulierem, & semen tuum, & semen il-
lius, ipsa conteret caput tuum. 105

Ibid. Maledicta terra in opere tuo. 105

Cap. 4. v. 6. Sed & Seth natus est filius,
quem uocauit Enos, iste cepit innocare
nomen Domini. 221

Ibid. Nonne si bene egeris, recipies, si au-
tem male, statim in foribus peccatum
tuum aderis. 607

Cap. 6. Noe uir iustus atque perfectus
fuit in generationibus suis, cum Deo
ambulauit. 221

Ibid. Non permanebit Spiritus meus in
homine. 784

Biblioth. Theol. Tom. V.

Cap. 10. v. 10. Fuit autem principium
Regni eius Babilon. 219

Cap. 12. Et benedicentur in semine tuo
omnes gentes terrae, quia obedisti uoci
meae. 378

Cap. 15. Ego Dominus qui eduxi te de
Har Chaldaeorum. 220

Cap. 17. Super Ismael quoque exaudiui
te. 453

Ibid. Masculus cuius praeputij caro circum-
cisa non fuerit, delebitur anima illa de
populo suo, quia pactum meum irritum
fecit. 601

Ibid. Eris pactum hoc meum in carne ue-
stra in saeculus aeternum. 619

Cap. 18. Num celare posero Abraham,
qua gesturus sum, cum futurus sit in
gentem magnam, ac robustissimam, &
benedicenda sint in illo omnes nationes
terrae. 416

Cap. 20. Rideunte ad uesperam Iacob de
agro. 739

Cap. 21. Ejce ancillam, & filium eius.
pag. 675

Cap. 24. Ambulantique cum Deo, & non
apparuit, quia tulit eum Deus. pag.
221.

Cap. 37. Vendiderunt Ioseph Ismaelitis
triginta aureis. 412

Ibid. Descendam lugens ad filium meum
in infernum. 776

Cap. 49. Non auferetur sceptrum de
Iuda, & dux de femore eius, donec
ueniat
†† 2

INDEX LOCORVM

veniat qui mihendus est & ipse eris
expectatio gentium. 378

nus Deus vester. pag. 230.
Ibid. Tunc orabunt pro impietatibus suis,
eo quod abiecerint iudicia mea, & le-
ges meas despexerint. 424

EXODI.

Cap. 4. Non credent mihi, neque
audient vocem meam, sed dices
non apparuit tibi Dominus. 739

Cap. 6. Accepit Aarog uxorem Elizabeth
filiam Aminadab sororem Nabafon.
pag. 399

Cap. 8. Ite & sacrificate Deo vestro in
terra hac. 219

Cap. 12. Os non comminuetis ex eo.
pag. 414

Ibid. Custodietis diem istum in genera-
tiones vestras, ritu perpetuo. 619

Ibid. Nihil operis facietis in eo, exceptis
ijs, qua ad vescendum pertinent. 737

Cap. 18. De mane usque ad vesperam.
pag. 739

Cap. 20. Non habebis Deos alienos in
conspectu meo. 238

Ibid. Non assumes nomen Dei tui in vanum,
nec enim habebis infontem Do-
minus cui, qui assumpsit nomen Do-
mini Dei sui frustra. 628

Cap. 22. Qui immolat Dijs occidetur;
praterquam Domino soli. 238

Cap. 23. Loquebatur autem Dominus
ad Moysen facie ad faciem, sicut so-
let loqui homo ad amicum suum.
pag. 534

LEVITICI.

Cap. 11. Erat immundus usque ad
vesperam. 739

Cap. 19. Non periurabis in nomine meo,
nec pollues nomen Dei tui, ego Domi-
nus. 628

Cap. 23. Dies festa, sollemnis & celeberrima,
inqua non debes reperiri fermentum
in domibus. 733

Ibid. A vespera ad vesperam celebrabitis
Sabbatha vestra. 733

Cap. 26. Non facietis vobis Idolam, &
sculptile, nec titulos erigitis, nec insi-
gnem lapidem ponetis in terra vestra,
ut adoretis eum; ego enim sum Domi-

NUMERORVM.

Cap. 28. In Kalendis autem offeretis
holocaustum Domino. 77.

Ibid. Decima quarta die mensis Phase
Domini est, & decima quinta solem-
nitas. 735

DEUTERONOMII.

Cap. 4. Vt scires quoniam ipse est
Deus, & non est alius prater Deum.
pag. 337

Ibid. Cumque quaesieris ibi Dominum, in-
uenies eum, si tamen ex toto corde
quaesieris, & tota tribulatione anima
tua. 753

Cap. 18. v. 18. Gentes istae quarum possi-
detis terram, augures, & Divinos au-
dient: tu autem a Domino Deo tuo ali-
ter institutus es, prophetam de gente
tua, & de fratribus tuis sicut me susci-
pabis tibi Dominus Deus tuus, ipsum
audies, &c. 371

Cap. 28. Erit vita tua pendens ante te,
& non credes ei. 413

Cap. 33. Dominus de Sinai venit, & de
Seir ortus est nobis: apparuit de mon-
te Pharan. 453

I O S V E.

Cap. 14. Trans fluvium habitaue-
runt Patres vestri ab initio, thare
Pater Abraham, & Nachor seruerunt.
Dijs alienis. 224

Cap. 28. v. 7. Ne postquam intraveris ad
gentes, qua inter vos futura sunt, iq-
retis in nomine Deorum earum, & ser-
uiatis eis, & adoretis illos; sed adha-
reatis Domino Deo vestro. 238

SACRAE SCRIPTURAE.

REGVM.

- L** Ib. 1. Cap. 2. v. 2. *Non est Sanctus ut est Dominus, neque enim est alius extra te, & non est fortis sicut Deus noster.* 237
 Lib. 4. cap. 25. *Et ipse eris expectatio Gentium.* 387

TOBIAE.

- C** Ap. 10. *Videbar quidem vobiscum manducare, & bibere, sed ego cibo inuisibili, & potu, qui ab hominibus videri non potest, utor.* 455

IUDITH.

- C** Ap. 5. v. 19. *Quotiescumque enim penetraverunt se recessisse a cultura Dei sui, dedit eis Deus Caeli virtutem resistendi.* 753

I. O. B.

- C** Ap. 14. v. 4. *Quis potest facere mundum de immundo conceptum semine? nonne tu qui solus es?* 593
 Cap. 16. *Suscitatur falsiloquus aduersus faciem meam contradicens mihi.* 412
 Ibid. *Aperuerunt super me ora sua, & exprobrantes percuesserunt maxillam meam, satiati sunt panis meis.* 412
 Cap. 19. *Scio quod Redemptor meus viuit, & in nouissimo die de terra surrecturus sum.* 418
 Cap. 31. *Nunquid non in utero fecisti me, & formasti me in vulua unus?* 585

LIBRI PSALMORVM.

- P** Sal. 2. v. 8. *Dabo tibi gentes hereditatem tuam, & possessionem tuam terminos terra.* 93
 Ibid. *Dominus dixit ad me, filius meus es tu, ego hodie genui te.* 379
 Psal. 11. *Eloquia Domini casta argentum igne examinatum.* 76
 Psal. 13. v. 5. 1. *Dixit insipiens in corde suo non est Deus, corrupti sunt & abominabiles facti sunt in studijs suis.* pag. 131. et 181
 Psal. 18. v. 5. *In omnem terram exiit sanguis eorum, & in fines orbis terra verba eorum.* 93
 Ibid. *Lex Domini immaculata conuersens animas, iudicia Domini vera iustificata in semetipsa.* 76
 Ibidem. *Caeli enarrant gloriam Dei.* pag. 136
 Psal. 21. *Foderunt manus meas, & pedes meos, dinumerauerunt omnia ossa mea.* pag. 413
 Psal. 22. *Reminiscuntur & conuertuntur ad Dominum vniuersi fines terra.* pag. 93
 Psal. 32. *Qui finxit sigillatim corda eorum.* 585
 Psal. 33. *Quoniam apud te est fons vitae, & in lumine tuo videbimus lumen.* pag. 534
 Psal. 45. *Vacate, & videte quoniam ego sum Dominus.* 22
 Psal. 50. *Ecce enim in iniquitatibus conceptus sum, & in peccatis concepta mater mea.* 593
 Ibid. *Cor contritum & humiliatum Deus non despicies.* 753
 Psal. 67. *Currus Dei decem millibus multiplex, millia latantium, Dominus in eis insina, in sancto ascendisti in altum, cepisti captiuitatem, accepisti dona in hominibus.* 414
 Psal. 71. v. 8. *Et dominabitur a mari usque ad mare, & a flumine usque ad terminos Orbis terrarum, & omnes gentes seruiens ei.* 63
 Ibid. *Reges Tharsis, & Insulae, munera offe-*

INDEX LOCORVM

offerent, Reges Arabum & Saba dona adducunt, & adorabunt eum omnes gentes, omnes Reges seruiant ei. pag. 408

Ibid. Et adorabunt eum omnes Reges terra, omnes gentes seruiant ei. Sit nomen eius benedictum in sacula, ante Solem permaneat nomen eius, & benedicentur in ipso omnes Tribus terra, omnes gentes magnificabunt eum. 416

Psal. 81. Ego dixi Dy estis. 637

Psal. 82. Et cognoscat quia nomen tibi Dominus, tu solus altissimus in omni terra. 237

Psal. 85. Quoniam magnus es tu, & faciens mirabilia, tu Deus solus. 238

Psal. 106. v. 16. Quia contriuit portas areas, & velles ereos confregit. 781

Psal. 108. Constitue super eum peccatorem. 608

Psal. 131. Iurauit David veritatem, & non frustrabitur eum, de fructu ventris tui ponam super sedem tuam, si custodierint filij tui testamentum meum, & testimonia hec qua docebo eos. 381

Ibid. De fructu ventris tui ponam super sedem tuam. 427

LIBRI PROVERBIORVM

Cap. 9. Mortuo homine impio nulla erit ultra spes. 779

Cap. 13. Spes, qua differtur, affligit animam. 782

Cap. 30. Tria sunt difficilia mihi, & quartum penitus ignoro, viam Aquile in Celo, viam colubri super terram, viam nauis in medio mari, & viam viri in Virgine. 407

Ibid. v. 8. Vanitatem & Verba mendacij longe fac à me, mendicitatem, & diuitias ne dederis mihi, tribue tantum victui meo necessaria, ne forse satiatum illiciar ad negandum et dicam: quis est Dominus? aut egestate compulsus furer, et periret nomen Dei mei. pag. 628

LIBRI ECCLESIASTES.

Cap. 9. Si cecideris, lignum ad Asinum, aut ad Aquilonem, in quocumque loco cecideris, ibi eris. 779

Cap. 12. Et reueriatur pulvis in terram suam, unde erat, et spiritus redeat ad Deum, qui dedit illum. 585

CANTICI CANTICORVM.

Cap. 4. v. 11. Hortus conclusus, fons signatus. 407

SAPIENTIAE.

Cap. 2. Promittit se scientiam Dei habere, et filium Dei se nominat, condemnemus eum. 412

Ibid. Contumelia et tormento interrogamus eum, & morte turpissima condemnemus eum. 413

Cap. 3. Invidia autem Diaboli mors introiit in orbem terrarum. 596

Cap. 12. v. 11. Semon enim erat maledictum ab initio. 593

Ibid. v. 23. Vnde & illis qui in vita sua insensate & iniuste vixerunt, per hac qua coluerunt, dediti summa tormenti. pag. 766

Ibid. Non enim est alius Deus quam tu, cui cura est de omnibus, etc. 238

Cap. 13. Vani autem sunt homines in quibus non subest scientia Dei. 219

Ibid. v. 11. Et hec fuit vite humane deceptio, quoniam, aut affectui, aut Regibus deseruientes homines incommunicabile nomen lapidibus, et lignis imposuerunt. 238

Cap. 15. Quoniam ignorauit qui se finxit, et qui inspirauit illi animam, qua operatur. 585

SACRAE SCRIPTURAE.

ECCLESIASTICI.

CAp. i. v. 8. *Vnus est altissimus Creator omnipotens, & Rex potens, & metuendus nimis, sedens super thronum illius, & Dominus Deus.* 238.

Cap. 19. *Qui cito credit, levis est corde.* pag. 359

Cap. 4. v. 17. *Noc innocens est perfectus, & in tempore iracundia factus est reconciliatio. Ideo dimissum est reliquum terrae, cum factum est diluvium.* pag. 221

Ibid. *Abraham magnus pater multitudinis, & Rex potens, & metuendus nimis, sedens super thronum illius, & Dominus Deus.* 238

I S A I AE.

CAp. 2. v. 3. *Et erit in nonissimis diebus preparatus mons Domus Domini in vertice montium, &c.* pag. 372.

Cap. 5. *Abiecerunt legem Domini & eloquium Sancti Israel blasphemauerunt, &c.* pag. 419.

Cap. 6. *Peccatum tuum mundabitur.* pag. 783.

Ibid. *Habitabit lupus cum agno.* 427

Cap. 7. *Ecce Virgo concipiet & pariet filium, & vocabitur nomen eius Emmanuel.* 379

Cap. 9. *Erit pater futuri seculi, & multiplicabitur eius imperium, & pacis non erit finis super solium David, & super regnum eius sedebit, ut corroboraret illud.* 428

Cap. 11. *Erit radix Iesse, qui stat in signum populorum, ipsum gentes deprecabuntur.* 387

Ibid. *Et erit sepulchrum eius gloriosum.* pag. 414

Cap. 19. *Concurrere faciam Aegyptios aduersus Aegyptios.* 116

Ibid. *Clamabunt ad Dominum à facie tribulantis, & mittet eis Salvatorem, & propugnatorem, qui liberet eos.* pag. 415.

Ibid. *Ecce Dominus ascendet super nubem leuem, & ingredietur Aegyptum, & commovebuntur simulachra Aegypti a facie eius.* 409

Cap. 21. *Et vidit currum duorum equitum ascensorem asini, & ascensorem Cameli.* 454

Cap. 25. *Domine Deus meus es tu, exaltabo te.* 419

Cap. 41. *Annuntiate qua ventura sunt in futurum, & sciemus quia Dyi estis vos.* 65

Cap. 43. *Ante me non est formatus Deus, & post me non erit, ego sum, ego sum Dominus, & non est absque me Saluator.* 238

Cap. 46. *Recordamini prioris seculi, quoniam ego sum Deus, & non est ultra Deus, nec est similis ei, annuntians ab exordio nouissimum; & ab initio, qua necdum facta sunt.* 65

Cap. 53. *Quasi agnus coram tondente se obmutescet, & non aperiet os suum.* pag. 412.

Ibid. *Ipse autem vulneratus est propter iniquitates nostras, &c.* 426

Ibid. *Verè languores nostros ipse tulit, & dolores nostros ipse portavit, & liuore eius sanati sumus, posuit Dominus in eo iniquitatem omnium nostrum, propter scelus populi mei percussit eum.* pag. 418

Cap. 55. *Dedi te in ducem gentium, ducem ac praeceptorem populis.* 389

Ibid. v. 7. *Derelinquat impius viam suam, & vir iniquus cogitationes suas, et reuertatur ad Dominum, et miserebitur eius, et ad Deum nostrum quoniam multus est ad ignoscendum.* 753

Cap. 66. *Ecce Dominus in igne veniet.* pag. 418

Ibid. v. 24. *Et egredientur, et videbunt cadavera virorum, qui prauaricati sunt in me: vermis eorum non morietur, et ignis eorum non extinguetur.* pag. 778

INDEX LOCORVM

IEREMIAE.

- C** Ap. 7. Et mulieres conspergunt ad-
ipem, ut faciant placentas Regina
Celi. 219
- Cap. 11. Mittamus lignum in panem eius,
& eradamus eum de terra uiuentium;
& nomen eius non memoretur amplius
pag. 412
- Cap. 15. Occidis ei Sol cum esset adhuc
meridies. 414
- Cap. 18. v. 8. Si paenitentiam egerit gens
illa à malo suo, quod locutus sum ad-
uersus eam: agam & ego paenitentiam
super malo, quod cogitavi, ut facerem
ei. pag. 753
- Cap. 19. Hac dicit Dominus exercituum,
scilicet conteram populum istum, et ciuita-
tem istam, sicut conteritur vas fragili,
quod non potest ultra instaurari.
- Cap. 22. Scribe virum hunc sterilem, ne-
que enim de semine eius erit vir, qui
sedeat super solium Dauid, et potesta-
tem habeat ultra in Iuda. 398
- Cap. 23. Sacerdos, et propheta polluti sunt,
et in domo mea inueni malum eorum.
pag. 72
- Ibid. Ecce dies veniunt dicit Dominus,
et suscitabo Dauid germen iustum, et
regnabit Rex, etc. 406
- Cap. 31. v. 22. Vsq; quo delicys dissolue-
ris filia vaga? quia creauit Dominus
nouum super terram: semina circum-
dabit virum. 407
- Ibid. Ecce dies venient dicit Dominus, et
feriam domui Israel, et domui Iuda fe-
dus nouum. 417
- Cap. 32. Qui reddit iniquitatem Patrum
in sinum filiorum eorum post eos for-
tissime. 596

BARUCH.

- C** Ap. 5. Hic est liber mandatorum
Dei, et lex quae est in aeternum.
pag. 619

EZECHIELIS.

- C** Ap. 18. Anima quae peccauerit ipsa
moriatur; filius non portabit ini-
quitatem Patris, neque Pater iniquita-
tem Filij. 596
- Cap. 20. Dedi eis praecepta mea, et indi-
cia mea ostendi eis, quae faciens homo
vives in eis. 611
- Cap. 26. v. 19. Cum dederò te Urbem de-
solatam, sicut ciuitates quae non habi-
tantur: et adduxero super te abyssum,
et operuerint te aquae multae: et destra-
xero te cum his, qui descendunt in la-
cum ad populum sempiternum. pag.
778.
- Cap. 33. v. 12. Impietas impij non noc-
ebit ei, in quacumque die conuersus fue-
ris ab impietate sua. 753

DANIELIS.

- C** Ap. 2. In diebus autem regnorum
illorum suscitabit Deus Celi regnū
quod in aeternum non dissipabitur.
pag. 245
- Cap. 9. Viso est prophetia, cum ungetur
Sanctus Sanctorum. 371
- Ibid. Et post hebdomadas sexaginta duas,
occidetur Christus, et non erit eius po-
pulus qui eum negaturus est. 413
- Ibid. Ab exordio precum tuarum egressus
est sermo, etc. 389
- Ibid. Confirmauit autem pactum multis
hebdomada una.

OSEE.

- C** Ap. 2. Vos non populus meus, et
ego non ero vester Deus. 781
- Cap. 6. Ipsi autem sicut Adam transgre-
ssi sunt pactum, ibi prauaricati sunt in
me. 593
- Cap. 10. Et dicent non est Rex noster.
- Cap. 11. Et erit in loco ubi dicitur eis,
non populus meus vos, dicitur eis, filij
Dei uiuentis; et congregabuntur filij
Iuda, et filij Israel pariter, et ponent
sibi met caput unum, et ascendent de
terra,

SACRAE SCRIPTURAE.

terra, quia magnus dies Israel. pag. 416.

Cap. 13. v. 4. Ego autem Dominus Deus tuus ex terra Aegypti & Deum absque me nescies, & Saluator non est prater me. pag. 236

Ibid. De manu mortis liberabo eos, de morte redimam eos, pro mors tua o mors mortuus tuus ero Inferne. 779

IOELIS.

Cap. 2. Et erit in nouissimis diebus, effundam de spiritu meo super omnem carnem. 414

Ibid. v. 12. Conuertimini ad me in toto corde vestro, &c. Conuertimini ad Dominum Deum vestrum, quia benignus & misericors est, patiens & multa misericordia, & praeftabilis super malitia. 753

AMOS.

Cap. 8. Et erit in die illa dicit Dominus, occides Sol in meridie, & tenebrescere faciam terram in die luminis. 414

NAHVAM.

Cap. 1. Non iudicat Deus his in idipsum, & non consurget duplex tribulatio. 775

MICHEAE.

Cap. 5. Ex te exiet dux, qui regat populum meum Israel. 389

Ibid. Et tu Bethleem Ephrata parvulus es in millibus Iudae, ex te enim mihi egredietur, qui sit dominator in Israel. pag. 408

Cap. 4. Ererit in nouissimo dierum, erit Biblioth. Theol. Tom. V.

mons Domus Domini preparatus in vertice montium, & sublimis super colles, et fluens ad eum populi, et prophetabunt gentes multae. pag. 410.

HABACVCH.

Cap. 3. Hic est Deus noster & non estimabitur alius aduersus eum, post hac in terris visus est, et cum hominibus conuersatus est. 380

Ibid. Domine opus tuum in medio annorum viuifica illud, in medio annorum notum facies: Cum iratus fueris misericordia recorderis. 429

AGGAEI.

Cap. 2. Haec dicit Dominus exercituum adhuc medicum est, etc. pag. 380.

Ibid. Veniet desideratus cunctis gentibus. pag. 382

ZACHARIAE.

Cap. 1. v. 3. Conuertimini ad me, ait Dominus exercituum, et ego conuertar ad vos. 753

Cap. 5. v. 4. Educam illud dicit Dominus exercituum: et veniet ad domum furis, et ad domum iurantis in nomine meo mendaciter, et commouebitur in medio domus eius, etc. 628

Cap. 9. Exulta satis filia Sion, iubila filia Hierusalem, ecce Rex tuus veniet tibi Iustus et Saluator: ipse pauper, et ascendet super asinam, et super pullum filium asinae. 411

Ibid. Tu quoque in sanguine testamenti tui emisisti vineas tuas de lacu in quo non est aqua. pag. 416. 781. et 783.

Cap. 11. Et dixit ad eos si bonum est in

†††

ocu-

INDEX LOCORVM

oculis vestris offerre mercedem meam,
an. pag. 412
Cap. 12. Dicit Dominus, extendens Ce-
lum, et fundans terram, et fingens
spiritum hominis in eo. 385
Cap. 13. Framea suscitare super pasto-
rem meum, et virum copharentem mi-
hi, dicit Dominus exercituum, percu-
te pastorem et dispergentur oves, etc.
pag. 412

MALACHIAE.

Cap. 1. v. 12. Ab ortu Solis usque
ad occasum magnum est nomen
meum in gentibus, et in omni loco sa-
crificatur, et offertur nomini meo obla-
tio munda. 93
Cap. 2. v. 10. Numquid non pater
unus omnium nostrum? Numquid
non Deus unus creauit nos? quare
ergo despicit unusquisque nostrum
fratrem suum, violans pactum patrum
nostrorum. 238
Cap. 3. Erunt mihi in die, qua ego fu-
cio, in peculium, et parcam eis, etc.
pag. 83
Ibid. Et Haſim veniet ad Templum ſan-
ctum ſuum Dominator, quem vos qua-
ritis, et Angelus teſtamenti quem vos
amatis. 408

MACHABAEORVM.

Cap. 5. Ipſe non erans de ſemine vi-
rorum illorum, per quos ſalus fa-
cta eſt in Iſrael, et viri Iuda magni-
ficati ſunt. Valde in conſpectu omnis
Iſrael, et digni reuerentia. 398

EX NOVO TESTAMENTO Librorum eius ordine ſeruato.

MATTHAEI.

Cap. 1. Quod in ea natum eſt de
ſpiritu Sancto eſt. 638
Cap. 3. Paleas autem comburet igne inex-
tinguibili. 778
Cap. 4. Non in ſolo pane vivit homo ſed
in omni verbo quod procedit de ore
Dei. 455
Cap. 5. Non periurabis, reddes autem
Domino iuramenta tua. 628
Ibid. Diſtum eſt autem: Quicumque di-
miſeris uxorem ſuam, dat ei libellum
repudij, ego autem dico vobis, etc.
pag. 760
Ibid. Beati mundo corde, quoniam ipſi
Deum videbunt. 535
Cap. 8. Confeſſim mundata eſt lepra
eius. 785
Ibid. Cur remiſſi huc ante te mpus tor-
quere nos? 721
Cap. 9. Non veni vocare Juſtos, ſed pec-
catores ad poenitentiam. 93
Cap. 10. Euntes predicare, dicentes quia
appropinquavit Regnum Celorum in-
firmos curate, mortuos ſuscitate, lepro-
ſos mundate, demones ejiſte. 38
Ibid. Qui perdidit animam ſuam pro-
pter me inveniet eam. 604
Cap. 11. Euntes renuntiare Ioanni, que
audiſtis et vididiſtis, ceci vident, clau-
di ambulant, ſurdi audiunt. 29
Ibid. Ecce homo vorax et potator vini,
Publicanorum, et peccatorum amicus.
pag. 93
Ibid. Vocabis nomen eius Ieſum, ipſe enim
ſalvum faciet populum ſuum a peccatis
eorum. 436
Cap. 12. Si Saſthanas aduerſus ſe diſiſus
eſt, quomodo ſtabit regnum eius, quoniam
enim regnum diſiſum deſolabitur. 69
Ibid.

SACRAE SCRIPTURAE.

Ibid. v. 31. Omne peccatum, et blasphemia remittetur hominibus, spiritus autem blasphemiae non remittetur, etc. pag. 756

Cap. 13. Hac omnia locutus est Iesus in parabolis ad turbas, et sine parabolis non loquebatur eis, ut impleretur, quod dictum erat per Prophetam, aperiā in parabolis os meum. 411

Cap. 15. Non quod intrat in os, coinguiat hominem, sed quod procedit ex ore hoc coinguiat hominem.

Cap. 16. Porre inferi non praevalent aduersus eam. 111

Ibid. Tu es Christus filius Dei viui. pag. 631.

Cap. 18. Angeli eorum in Caelis semper vident faciem Patris mei. 772.

Cap. 19. Nisi ob fornicationem, dico autem vobis, quia quicumque dimiserit uxorem suam nisi ob fornicationem suam, & aliam duxerit, mactatur, & qui dimissam duxerit, mactatur. pag. 761.

Cap. 20. Filius hominis non venit ministrari, sed ministrare, & dare animam suam pro multis. 416

Cap. 21. Adduxerunt asinam, & pullum, & imposuerunt super eos vestimenta sua, et eum desuper sedere fecerunt. pag. 430

Cap. 22. In Caelo non nubent, neque nubentur, sed erunt sicut Angeli Dei. pag. 458

Cap. 24. Surgent Pseudo-Christi, & Pseudoprophetae, & dabunt signa magna, & prodigia ita ut in errorem inducantur si fieri potest etiam electi. pag. 38. & 68.

Ibid. v. 14. Et predicabitur hoc Euangelium Regni in uniuerso orbe in testimonium omnibus gentibus, & tunc veniet consummatio. 93

Ibid. Nisi breuiati fuissent dies illi, pag. 394.

Cap. 25. Cum autem venerit filius hominis in maiestate sua, & omnes Angeli cum eo, tunc sedebit super sedem maiestatis suae, &c. 772

Biblioth. Theol. Tom. V.

Cap. 26. Quid vultis mihi dare & eum vobis tradam? at illi constituerunt ei triginta argenteos. 412

Ibid. Tunc discipuli omnes relicto eo fugerunt. 412

Ibid. Expuerunt in faciem eius, & colaphis eum ceciderunt. ibid.

Ibid. Discubuisse in cæna. 731

Ibid. Vbi vis paremus tibi comedere Pascha. ibid.

Ibid. Scitis quia post biduum Pascha fiet, & filius hominis tradetur, & crucifigetur. ibid.

Ibid. Prima die azimorum accessisse discipulos ad Iesum dicentes, vbi vis paremus tibi comedere Pascha. ibid. & 734.

Ibid. Non in die festo. 737

Capit. 27. Tunc milites suscipientes Iesum in pratorium congregauerunt ad eum uniuersam Cohortem. pag. 413.

Ibid. A sexta hora usque ad horam nona tenebrae factae sunt super uniuersam terram. 414

Cap. 28. Ero vobiscum usque ad consummationem seculi. 61

Ibid. Euntes ergo docete omnes gentes, baptizantes eos in nomine Patris, & Filij, & Spiritus Sancti. pag. 416. & 690.

M A R C I.

Cap. 3. v. 28. Amen dico vobis, quoniam dimittentur filijs hominum peccata, & blasphemia, quibus blasphemauerint: qui autem blasphemauerit in Spiritum Sanctum, non habebit remissionem in eternum, sed reus erit aeterni delicti. 756

Cap. 5. Deprecantur Christum multum ne se expelleret extra regionem. pag. 172.

Cap. 9. v. 42. Et si scandalizaueris manus tua, abscide illam, bonum est tibi debilem introire in vitam, quam duas manus habentem ire in gehennam.

††† 2 in

INDEX LOCORVM

- in ignem inextinguibilem: ubi ver-*
mis eorum non moritur, & ignis non
extinguitur. 778
- Cap. 12. v. 29. *Iesus autem respondit ei:*
quia primum omnium mandatum est,
audi Israel, Dominus Deus tuus, Deus
unus est. 238
- Cap. 13. *Nisi abbreviaffet Dominus dies*
illos. 394
- Cap. 14. *Multi testimonium falsum di-*
cebant aduersus Christum, & conue-
nientia testimonia non erant. 412
- Ibid. *Ego sum.* 631
- Ibidem. *Et primo die azimorum, quan-*
do Pascha immolabant, quo Vis eamus,
& paremus tibi ut manduces Pascha.
pag. 734
- Cap. 15. *Summi Sacerdotes cum seniori-*
bis, & Scribis uniuerso Concilio vin-
cientes Iesum ducunt, & tradunt cum
Pilato. 736
- Ibid. v. 42. *Cum iam serò esset factum*
(quia erat Parescene, quod est ante
Sabbathum) venit Ioseph ab Arima-
thaea. ibid.
- Cap. 16. *Signa autem eos qui crediderint*
hec sequentur; in nomine meo Dæmo-
nia eijcient; &c. 61
- Ibid. *Et Dominus quidem Iesus postquā*
locutus est eis, assumptus est in Cælis,
& sedet à dextris Dei. 414
- Ibid. v. 16. *Qui crediderit & baptizatus*
fuerit, saluus erit. 662
- Cap. vlt. *Domino cooperante, & sermo-*
nem confirmante sequentibus signis. 39
- Ibid. *Euntes in mundum uniuersum præ-*
dicare Euangelium omni creaturæ. 42
- Ibid. *Qui verò non crediderit condemna-*
bitur. 475
- Ibid. *Super egros manus imponent, &*
benè habebunt. 715
- gni eius non erit finis.* 415
- Ibid. *Ideoque quod nascitur ex te vocabi-*
tar filius Dei. 631
- Cap. 4. *Iesus plenus Spiritu Sancto re-*
gressus est à Iordane. 560
- Cap. 6. *Factum est autem in illis diebus,*
exiit in montem orare, et erat perno-
ctans in oratione Dei. 410
- Cap. 7. *Noli flere & accessit, & tesi-*
git loculum: hi autem, qui porta-
bant steterunt, & ait: adolescens ti-
bi dico, surge: Et resedit qui erat mor-
tuus, & cepit loqui, et dedit illum ma-
tri suæ. 56
- Cap. 8. v. 31. *Rogabant illum ne impera-*
ret illis, ut in abyssum irent. 771
- Cap. 9. *Nam qui me erubuerit.* 266
- Ibid. *Nescitis cuius spiritus estis, filius*
hominis non venit homines perdere,
sed saluare. 410
- Cap. 10. *In nomine meo Dæmonia eijcient.*
pag. 59
- Ibid. *In eadem domo manete edentes, et*
bibentes, quæ apud illos sunt. 617
- Cap. 11. *In Beelzebub principe Dæmo-*
niorum eijcit Dæmonia. 220
- Ibid. v. 20. *Si in digito Dei eijcio Dæmo-*
nia. 361
- Cap. 13. *Nisi penitentiam habueritis om-*
nes simul peribitis. 663
- Cap. 15. *Erant appropinquantes peccato-*
res, & publicani ut audirent illum.
- Cap. 16. *Si Moysen et prophetas non au-*
diunt; neque si quis ex mortuis resur-
rexerit credent. 63
- Ibid. *Audiebant autem omnia hec Pha-*
risei, qui erant anari, & deridebant
illum. 411
- Ibid. *Mortuus est diues, & sepultus est*
in Inferno. 776
- Cap. 17. *Moyse ad duritiam cordis ve-*
stri permisit vobis dimittere uxores
vestras. 762
- Ibid. *Omnis qui dimittit uxorem suam;*
& alteram ducit, moechatur, et qui di-
missam à viro ducit moechatur. ibid.
- Cap. 18. *Ascendimus Ierosolimam; et con-*
summabuntur omnia quæ scripta sunt
per Prophetas de filio hominis. 411

Cap.

L V C AE.

Cap. 1. *Dabit illi Dominus Deus*
sedem David Patris eius, & regna-
bit in domo Iacob in æternum: & re-

SACRAE SCRIPTURAE.

- Cap. 22. Quod scriptum est oportet impleri in me: et cum iniquis deputatus est: Es enim ea quae sunt de me finem habent: 411
- Ibid. Vbi vis paremus tibi comedere Pascha? Ita in ciuitatem ad quemdam et dicite ei, Magister dicit tempus meum propè est, apud te facio Pascha meum cum discipulis meis. 730
- Ibid. Venis autem dies azymorum in qua necesse erat occidi pascha. 732
- Ibid. Occurret vobis homo quidam, signi-
mini eum in domum, ostendet vobis canaculum magnum, et ibi parate. 733
- Cap. 23. Instabant vocibus magnis, postulantes ut crucifigeretur, et inuale-
scbant voces eorum. 413
- Ibid. Et postquam venerunt in locum qui vocatur Caluaria ibi crucifixerunt eum. pag. ibid.
- Ibid. Deducebantur et alij duo nequam cum eo ut interficerentur, et crucifixerunt latrones, unum à dextris, et alterum à sinistris. ibid.
- Ibid. Per diem festum. 735
- Cap. 24. Oportebat predicari in nomine eius paenitentiam, et remissionem peccatorum, in omnes gentes, incipientibus ab Hierosolyma. 93

IOANNIS.

- Cap. 1. Vidimus gloriam eius, gloriã quasi Vnigeniti à Patre. 631
- Cap. 1. Verbum caro factum est. 638
- Cap. 2. Hic homo multa signa facit. 34
- Ibid. Erat lux vera quae illuminat omnẽ hominem. 356
- Ibid. Filioli iam nouissima hora est. 430
- Cap. 3. Scimus quia à Deo venisti magister, nemo enim potest hac signa facere, quae tu facis, nisi fuerit Deus cum eo. pag. 42
- Cap. 3. v. 5. Amen, amen dico tibi, nisi quis renatus fuerit ex aqua, et Spiritu Sancto non potest introire in Regnum Dei. 662
- Ibid. v. 36. Qui autem incredulus est filio non videbit vitam, sed ira Dei manet super eum. 593

Biblioth. Theol. Tom. V.

- Ibid. Qui facit peccatum ex Diabolo est. pag. 608.
- Cap. 4. In hoc cognoscimus, quoniam in eo manemus, et ipse in nobis: quia de Spiritu suo dedit nobis. 560
- Cap. 5. Ego habeo testimonium maius Ioanne. Opera enim quae dedit mihi Pater ut perficiam, ipsa opera quae ego facio testimonium perhibent de me, quia Pater misit me. 42
- Ibid. Scrutamini Scripturas, quia vos putatis in ipsis vitam aeternam habere, et ille sunt quae testimonium perhibent de me. pag. 64
- Ibid. Si crederetis Moysi, forsitan et mihi de me enim ille scripsit. 415
- Cap. 6. Omnis qui audit à Patre, et didicit, venit ad me. 52
- Ibid. Nisi Pater qui misit me traxerit eum. pag. 57
- Cap. 7. Hic homo multa signa facit. 34
- Cap. 8. Pater noster Abraham est, et non ex fornicatione nati sumus. 222
- Ibid. v. 44. Vos ex patre Diabolo estis. pag. 608
- Ibid. Tu quis es? dixit eis Iesus principium, qui et loquor vobis. 631
- Ibid. Antequam Abraham fieret, ego sum. 634
- Cap. 9. Tu credis in filium hominis? quis est Domine ut credam in eum, & vidiisti eum, & loquitur tecum ipse est. pag. 636
- Cap. 10. Ipsa testimonium perhibent de me, operibus credite. 39
- Ibid. Loquor vobis & non creditis, opera quae ego facio in nomine Patris mei, hac testimonium perhibent de me, si autem facio, & si non vultis credere, operibus credite. 42
- Ibid. v. 30. Ego & Pater unum sumus. pag. 239. & 631
- Cap. 12. v. 26. Si quis mihi ministras me sequatur: Et ubi ego sum, illic & minister meus erit. 767
- Ibid. Ego si exaltatus fuero à terra, omnia traham ad meipsum. 782
- Cap. 13. Ante diem festum Pascha. 666. & 701.
- Cap. 14. Amen, amen dico vobis, qui

††† 3 cre-

INDEX LOCORVM

creditis in me, opera quæ ego facio, & ipse faciet, & maiora horum faciet. 61
Ibid. Ego sum via, veritas, & vita. 560
Ibid. Ad eum veniemus, & apud illum mansionem faciemus. 637
Ibid. Qui autem diligit me diligetur à Patre meo, & ego diligam eum, & manifestabo ei meipsum. 664
Ibid. Ego cibum habeo manducare, quem vos nescitis: meus cibus est ut faciam voluntatem Patris mei. 455
Ibid. Dixi vobis priusquam fiat, ut cum factum fuerit, credatis. 65
Cap. 15. Si opera non fecissem in eis, quæ nemo alius fecit, peccatum non haberent. 42
Ibid. Hac locutus sum vobis, ut cum venerit hora eorum reminiscamini, quia ego dixi vobis. 65
Ibid. Quod si non venisset, & locutus fuisset, peccatum non haberent. 358
Ibid. Ille docebit vos omnia. 577
Cap. 16. Non enim loquetur à semetipso sed quæcumque audiet loquetur, & quæ ventura sunt annuntiabit vobis. Ille me clarificabit quia de meo accipiet, & annuntiabit vobis. 557
Ibid. v. 87. Si ego non abiero paracletus non veniet ad vos: si autem abiero mittam eum ad vos. 558
Cap. 17. v. 13. Hac est autem vita æterna, ut cognoscant te solum Deum verum, & quem misisti Iesum Christum. pag. 238
Ibid. Ut sint unum sicut & nos. 239
Ibid. Lex per Moysen data est, gratia & veritas per Iesum Christum facta est. pag. 612
Cap. 18. Unus assistens ministrorum dedit alapham Iesu dicens sic respondes Pontifici. 412
Ibid. Cohors ergo & Tribunus & ministri Iudeorum comprehenderunt Iesum & ligaverunt eum. ibid.
Cap. 19. Apprehendit Pilatus Iesum, & flagellavit. 413
Ibid. Regem vestrum crucifigam? responderunt Pontifices: Non habemus Regem nisi Cæsarem. ibid.
Ibid. Susceperunt Iesum, & eduxerunt,

& bainans sibi crucem, exiit in eum qui dicitur Calvaria locum. ibid.
Ibid. Venit ergo Ioseph ab Arimathia, & tulit corpus Iesu, &c. 414
Cap. 20. v. 22. Insufflauit, & dixit eis, Accipite Spiritum Sanctum. 558

ACTVVM APOSTOLORVM.

Cap. 2. Fiebat autem omni animæ timor, multa quoque prodigia, & signa per Apostolos fiebant. 42
Ibid. v. 24. Quem Deus suscitavit solutis doloribus inferni. 783
Ibid. 38. Baptizetur unusquisque vestrum, in nomine Iesu Christi in remissionem peccatorum vestrorum, & accipietis donum Spiritus Sancti. 664
Cap. 3. Moyses quidem dixit, quoniam prophetam suscitabit vobis Dominus Deus vester. 415
Cap. 4. Nō est aliud nomen sub Cælo datum hominibus in quo oporteat nos salvos fieri. 106
Cap. 5. Dedit Spiritum Sanctum obedientibus sibi. pag. 560
Ibid. Magis autem augebatur credentium in Domino multitudo virorum, ac mulierum, &c. 42
Cap. 8. Qui accepit verba vita dare vobis. 611
Ibid. Tunc imponebat manus super illos & accipiebant Spiritum Sanctum. 707
Ibid. v. 14. Cum autem audissent Apostoli, qui erant in Ierosolymis, quod recepisset Samaria verbum Dei miserunt ad eos Petrum & Ioannem, &c. 709
Cap. 16. Tentabant ire Bythiniam, & non permisit eos spiritus Iesu. 560
Cap. 17. Stans autem Paulus in medio Areopagi, ait: Viri Athenienses per omnia quasi superstiores vos video: præteriens enim & videns simulachra vestra, inveni & aram in qua scriptum erat, ignoto Deo, &c. 233
Cap. 19. v. 5. His auditis baptizati sunt in nomine Domini Iesu, & cum imposuisset illis manus Paulus, venit Spiritus

SACRAE SCRIPTURAE.

ritus Sanctus super eos, & loqueban-
tur linguis, & prophetabant. 709

EPISTOLARVM PAULI.

AD Roman. cap. 1. Quod tradidit
illos Deus in passiones ignominie.
pag. 82

Cap. 3. Quid ergo amplius Iudaeis est, aut
que utilitas Circumcisionis? multum
per omnem modum, primum quidem
quia concredita sunt illis eloquia Dei.
pag. 368

Ibid. Omnes peccauerunt, & egent gloria
Dei. 594

Cap. 4. Omnes quotquot peccauerunt lu-
sificati sunt. 106

Ibid. v. 5. Vbi enim non est lex, nec pra-
uaricatio. 601

Cap. 5. Christus secundum tempus pro im-
pijs mortuus est. 596

Ibid. Propterea sicut per unum hominem
peccatum in hunc mundum intravit, &
per peccatum mors, & ita in omnes ho-
mines mors pertransiit, in quo omnes
peccauerunt. 593

Ibid. Sicut per unius hominis inobedi-
entiam peccatores constituti sunt multi,
&c. pag. 600

Cap. 6. Non estis sub lege, sed sub gratia.
pag. 619

Ibid. Quicumque baptizati sumus in
Christo Iesu, in morte ipsius baptizati
sumus, &c. 701

Cap. 7. Peccatum non cognoui nisi per le-
gem. 611

Cap. 8. Quos praedestinavit hos & voca-
uit. pag. 43

Ibid. Quis nos separabit à charitate Chri-
sti. pag. 71

Cap. 9. Quorum adoptio est filiorum, &
gloria, & testamentum, & legislatio,
& obsequium, et promissas, quorum pa-
tres, & ex quibus est Christus secun-
dum carnem, qui est super omnia Deus
benedictus in saecula amen. 639

Ibid. Non omnes qui ex Israel sunt Is-
raelitae, neque qui semen sunt Abrahae,

omnes filij, &c.

Ibid. Cuius vult miseretur, & quem vult
indurat. 752

Cap. 10. Corde creditur ad iustitiam: ore
autem fit confessio ad salutem. 112

Ibid. Quomodo ergo invocabunt in quem
non crediderunt? aut quomodo credent
ei, quem non audierunt? quomodo autem
audient sine pradicante. 356

Cap. 11. Venite ad me omnes qui labora-
tis, & onerati estis, & ego reficiam
vos, & discite à me quia mitis sum, et
humilis corde. ibid.

Ibid. Vobis, dico gentibus, quamdiu qui-
dem ego sum Gentium Apostolus, mi-
nisterium meum honorificabo. 381

Ibid. Nolo enim vos ignorare fratres my-
sterium hoc ut non sitis vobis ipsis sa-
pientes, &c. 415

Cap. 14. Omnes stabimus ante tribunal
Christi. 772

I. Corinth. cap. 1. Qui adheret mere-
trici unum corpus efficitur. 241

Ibid. Qui autem confirmat nos vobiscum
in Christo, & qui unxit nos Deus: qui
signavit nos, et dedit pignus spiritus in
cordibus nostris. 709

Cap. 2. Loquimur Dei sapientiam in mi-
sterio, quae abscondita est. 5

Ibid. Sermo meus & pradicatio mea non
in persuasibilibus humanae Sapientiae
verbis, sed in ostensione spiritus et ve-
ritatis, ut fides nostra non sit in sa-
pientia hominum, sed in virtute Dei.
pag. 43

Ibid. Quae Dei sunt nemo cognovit nisi
spiritus Dei. 366

Cap. 3. Nescitis quoniam Dei templum
estis. 637

Cap. 5. Quid enim mihi de ijs, qui foris
sunt iudicare? 475

Ibid. Pascha nostrum immolatus est
Christus: itaque epulemur. 702

Cap. 6. Qui autem adheret Domino, unus
spiritus est. 637

Cap. 7. Qui matrimonio iuncti sunt, pre-
cipio non ego, sed Dominus, uxorem à
viro non discedere. 759

Ibid. Mulier alligata est legi quanto tem-
pore vir eius vivit, quod si dormierit
vir

INDE XI LOCORVM.

- vir eius liberata est à lege, ibid.
- Cap. 8. Scimus quia nihil idolum est in mundo. 230
- Ibid. Et quod nullus est Deus nisi vnus pag. 238
- Ibid. Vnus est Dominus Iesus per quem omnia. 637
- Cap. 9. Et factus sum Iudæis tanquam Iudæus, ut Iudæos lucrarer, ijs qui sub lege sunt quasi sub lege essem (cum ipse non essem sub lege) ut eos qui sub lege erant lucrificarem. 626
- Cap. 10. Fidelis est Deus, qui non sinet vos tentari supra id, quod potestis. pag. 609
- Cap. 11. Oportet hereses esse. 68
- Cap. 12. Idem Deus qui operatur omnia in omnibus. 637
- Cap. 14. Signa data sunt infidelibus, ut scilicet per ea prouocentur ad fidem, pag. 43
- Ibid. Non est dissensionis Deus, sed pacis. 114
- Cap. 15. Deinde finis cum tradiderit regnum Deo, et Patri, cum euacauerit omnem principatum et potestatem, et virtutem, oportet autem illum regnare donec ponat omnes inimicos sub pedibus eius. 415
- II. Corinth. cap. 5. v. 14. Quoniam si vnus pro omnibus mortuus est, ergo omnes mortui sunt, et pro omnibus mortuus est Christus. 593
- Ibid. Omnes nos manifestari oportet ante Tribunal Christi, ut referat unusquisque propria corporis, sicut gessit siue bonum, siue malum. 602
- Ibid. Scimus quoniam si terrestris domus nostra huius habitationis dissoluatur, adificationem ex Deo habemus, domum non manufactam æternam in Cælis. pag. 767
- Cap. 10. Obsecro vos per mansuetudinem, et modestiam Christi. 410
- Cap. 12. Signa Apostolatus mei facta sunt super vos in omni patientia, in in signis, et prodigijs, et virtutibus. pag. 43
- Ad Galathas cap. 3. Cognoscite ergo, quia qui ex fide sunt, ij sunt filij Abrahe. pag. 415
- Ibid. Lex Pedagógus noster fuit in Christo. pag. 611
- Cap. 4. Misi Deus spiritum filij sui in corda nostra clamantem Abba pater. pag. 560
- Ibid. Lex libertatis, et adoptionis filiorum. 621
- Ibid. Misi Deus filium suum factum ex muliere. 638
- Ibid. Factus sub lege. 739
- Cap. 5. Disco vobis quoniam si circumcidamini, Christus vobis nihil proderit. pag. 675
- Ad Ephes. cap. 1. Qui predestinans nos. &c. pag. 418
- Cap. 2. v. 3. Et eram usque natura filij ire, sicut et cæteri. 593
- Cap. 3. Quod alijs generationibus non est agnitiuum filijs hominum. pag. 416
- Cap. 4. Vnus enim Dominus, vna fides, vnum baptisma, vnus Deus, et pater omnium. 1315
- Ibid. Qui se tradiderunt impudicitia et repellentes bonam conscientiam, circa fidem naufragauerunt. pag. 184
- Ibid. Non esse nobis colluctationem aduersus carnem, et sanguinem, sed aduersus principes, et potestates tenebrarum harum. 610
- Ibid. v. 30. Nolite contristare Spiritum Sanctum Dei: in quo signati estis in die redemptionis. 709
- Ibidem. Christus ascendens in altum, captiuam duxit captiuitatem. pag. 768
- Cap. 6. Induite vos armaturam Dei, ut possitis stare aduersus insidias Diaboli. pag. 607
- Ad Philipp. cap. 1. Cupio dissolui, et esse cum Christo. 768
- Cap. 2. Qui cum in forma Dei esset, non rapinam arbitratus est esse se æqualem Deo. 631
- II. Thessalon. cap. 2. In omni virtute, in signis, et prodigijs mendacibus, et in omni seductione iniquitatis, ijs qui pereunt, &c. pag. 37

SACRAE SCRIPTURAE.

- Cap. 1. v. 9. *Qui pœnas dabunt in interitu eternas à facie Domini, et à gloria virtutis eius.* 778
- I. Timoth. cap. 2. v. 5. *Vnus enim Deus, vnus et mediator Dei, & hominum homo Christus Iesus.* pag. 238.
- Ibid. *Qui dedit redemptionem semetipsū pro omnibus.* 396
- Cap. 4. *Spiritus manifestè dicit, quia in nouissimis temporibus discedent quidam à fide, etc.* 123
- II. Timoth. cap. 1. *Fidelis sermo et omni acceptione dignus, quia Dominus Iesus venit in hunc mundum peccatores saluos facere.* 410
- Ibid. *Virtutis et dilectionis.* 621
- Cap. 3. *Omnis Scriptura diuinitus inspirata utilis est ad docendum, et ad arguendum.* 2
- Ad Titum cap. 1. *Episcopum debet amplecti fidelem sermonem, ut sit potens eos qui contradicunt arguere.* pag. 2
- Cap. 2. *Dedit semetipsum pro nobis, ut nos redimeret ab omni iniquitate, & mundaret sibi populum acceptabilem sectatorem bonorum operum.* pag. 79.
- Cap. 3. *Saluos nos fecit per lauacrum regenerationis, et renouationis.* pag. 596.
- Ad Hebræos cap. 2. *Qui per Angelos dictus est sermo.* 611
- Ibid. *Quomodo nos effugiemus, si tantam neglexerimus salutem, etc.* pag. 45.
- Cap. 6. *Impossibile est eos, qui semel sunt illuminati, et prolapsi sunt, rursus renouari ad penitentiam.* pag. 456.
- Cap. 9. v. 5. *Fide Henoch translatus est ne videret mortem, & non inueniebatur, quia transtulit eum Deus; ante translationem se testimonium habuit placuisse Deo.* 221
- Ibid. *Fide Noe, responso accepto de ijs, quæ adhuc non videbantur, metuens aptauit arcam in salutem domus suæ:*

- per quam damnauit mundum, & iussit, quæ per fidem est, haeres est instituta.* 221
- Cap. 10. *Quia iustus ex fide viuit.* pag. 67
- Ibid. *Vna oblatione consummavit in sempiternum sanctificatos.* 777
- Cap. 11. *Fides est argumentum non apparentium.* 5
- Ibid. *Accedentem ad Deum oportet credere, quia est.* 136
- Ibid. *Fide qui vocatur Abraham obediuit in locum exire, etc.* 222
- Cap. 12. *Contestante Deo signis et portentis.* 39
- Ibid. v. 9. *Deinde quidem patres carnis nostræ, conditores habuimus, et reuerabamur eos: non multò magis obtemperabimus patri spirituum, et viuemus.* 585
- Cap. 13. *Statutum est hominibus semel mori, et post hoc iudicium.* pag. 772.
- Cap. 15. *Fide plurimam hostiam Abel, quam Cain, obtulit Deo, per quam testimonium consecutus est esse iustus.* pag. 221
- Cap. 4. v. 8. & 15. *Accessistis ad montem Sion, et Ciuitatem Dei viuentis Ierusalem Cœlestem, etc.* 768

EPISTOLAE IACOBI.

- Cap. 1. *Lex perfecta.* 621
- Cap. 4. *Subditi estote Deo: resistite autem Dabolo, et fugiet à vobis.* pag. 607

INDEX LOCORVM

EPISTOLARVM PETRI.

- i. **C** Ap. 3. v. 19. *In quo et his qui in carcere erant, spiritibus veniens pradicauit: qui increduli fuerant aliquando quando expectabās Dei patientiam in diebus Noe, cum fabricaretur arca, etc.* 783

APOCALYPSIS.

- C** Ap. 4. *Agnus occisus ab origine mundi.* 196
 Cap. 6. v. 9. *Vidi subtus altare animas interfeclorum propter verbum Dei, etc.* 773
 Cap. 13. *Vidi aliam bestiam ascendentem de terra, et habebat Cornua duo, etc.* 451



PVtabat Author hunc Quartum Librum in quo agitur de Sacra Doctrina, quoad munus defendendi sua principia aduersus omnia Infidelium genera, vndè Polemica, vel Controuersialis dicitur, vnico Tomo comprehendere, verùm quia in nimiam cresciturus erat Molem, satius duxit illum duas in Partes diuidere, quarum prima in hoc, altera in sequenti habebitur volumine.

Imprimatur.
Si videbitur Reverendissimo Patri Magistro Sacri Palatii
Apostolici.
I. de Angelis Archiepiscopus Vrbis.
Vicesgerens.

Imprimatur,

Fr. Hyacinthus Libellus Sacri Palatii Apo-
stolici Magister.



BIBLIOTHECAE THEOLOGICAE

LIBER QVARTVS

De doctrina Sacra, quatenus propugnando sua
principia, aduersus omnia Infidelium
genera, dicitur Polemica,
aut Reflexiua.

SECTIO PRIMA.

Explicatur in communi Sacrae doctrinae munus, & modus
propugnandi Fidei veritates aduersus infideles
illas negantes.

C A P V T P R I M V M.

Quod Sacrae doctrinae munus sit, Fidei veritates defendere.



ACRAM doctrinam
vnà cum D. Thoma,
alijsque Theologis Sa-
pientiam omnium per-
fectissimam esse supra
lib. I. demonstraui-
mus,

cuius inter praecipua munera & officia,
cum sit, prima principia contra impu-
gnantes tueri; nemini certè dubium ef-
se potest, quin ad Sacram etiam doctri-

Bibliot. Theol. Tom. V.

nam maximè pertineat, veritates fidei
propugnare aduersus omnia infidelium
genera, cum huiusmodi veritates, sint
prima, & propria Sacrae doctrinae ex re-
uelatis precedentis principia.

Itaque Sacra doctrina, qua perfec-
tissima scientia, non est ita habitus
adhesiuus aliquid asserendo, iudican-
do, & ex principijs fidei nouas aliquas
veritates inferendo, quin etiam sit eo-

A

rum-

rumdem principiorū aliquo modo probatius, vel persuasius; ut videtur manifestè colligi ex cap. 3. posterioris Epistolæ D. Pauli ad Timotheum, dicentis; *Omnis Scriptura diuinitus inspirata utilis est ad docendum, ad arguendum*, id est, ut ibi explicant Patres ad veritatem fidei Christianæ docendam, & ad refellendos errores ei contrarios; unde idem Apostolus ad Titum cap. 1. ait, *Episcopum debere amplecti fidem sermonem, ut sit potens eos qui contradicunt arguere*; hoc est, tum apertis Sacræ Scripturæ testimonijs, tum firmis rationibus in illis fundatis cōtradicentes reuincere. Quod etiam sequenti ratione declaratur. Nam doctrina Sacra non habet superiorem, aliquam scientiam, saltem pro presenti statu, cuius sit probare eius principia, contra negantes illa, sicut habent aliæ scientiæ, quarum principia probat, ac defendit Metaphysica tanquam superior; superest igitur ut ipsamet hoc præstare debeat, cum hoc rament discrimine, quod sacra doctrina nunquam sua probat principia per aliquod medium, altius, sicut Metaphysica, quando demonstrat principia aliarum scientiarum; sed per suum medium proprium, nempe per diuinam reuelationem; arguendo ex vno principio ad aliud, vel etiam assumendo principia inferiorum scientiarum, quas tanquam ancillas vocat ad arcem, secundum diuersitatem aduersariorum, impugnandorum.

Quando ergo D. Thomas 1. p. q. 1. artic. 8. alijque Theologi cum illo affirmant ad Theologiam non pertinere, sua probare principia, nimirum articulos fidei; sicut nec aliæ scientiæ sua probant, sed potius supponunt. Intendunt solum Theologiam illa non probare veluti à priori, aut ex aliquo alio lumine altiori, quam sit lumen ipsum Diuinæ reuelationis, quæ virtualiter sumpta est ratio sub qua obiecti Theologici; aut etiam à posteriori, quasi sint aliqui effectus nobis euidenter, qui proportionem habeant, necessariamve connexionem cum ipsis fidei principijs ad eorū

veritatem demonstrandam. Insuper neque probat etiam Theologia sua principia, quasi ex necessitate & per se, ita videlicet, ac si non essent illa certa aliunde, nisi per probationem Theologiæ; sunt enim certa immediatè ex ipsa reuelatione diuina, quatenus hæc est formaliter sumpta ratio sub qua habitus fidei; talisque certitudo proculdubio sufficit ipsi Theologiæ per se, ut postea ex fidei articulis, tanquam ex principijs, arguitiue multa possit inferre. Cœterum negari non potest, quin alijs rationibus, & modis inferri explicandis, probari aut suaderi possint à Theologo veritates nostræ fidei.

CAPVT II.

Quomodo Sacra doctrina ut talis, sua possit principia probare.

Superiori capite breuiter ostendimus sacram doctrinam suorū principiorum esse probatiam, nunc explicandum est, qua via id præstare possit; pro cuius intelligentia, notandum est primò fidei nostræ articulos, in essentis consideratos, esse in duplici differentia; alij enim sunt mediati, ut, *Christum Dominum duas habere voluntates*, alij verò immediati, ut, *Eundem Christum, simul esse Deum & hominem*, vel, *Deum esse unum & trinum*. Dixi si considerentur præfati articuli in essentis, quia si considerentur in esse credibilis; non valet adducta distinctio, sed omnes fidei veritates, quæcumque illæ sint, & cuiuscumque conditionis equè immediatè pertinent ad fidem. Obiecta enim æquè dicuntur pertinere ad aliquem habitum, quæ æquè participant rationem formalem, seu motiuum talis habitus: singula autem fidei supernaturalis obiecta, siue veritates, æquè participant rationē eius formalem, siue motiuum credendi; igitur si considerentur in ratione credibilium, seu secundum veritatem quam habent, non in esse entitatio, sed in esse credibilis, quæ consistit

ſiſtit in ipſa conformitate obiecti crediti cum ipſo teſtimonio Dei illud reuelantis ; vnde etiam vocatur veritas extrinſeca, quia fundatur in aliquo ipſi obiecto tantum extrinſeco, ſcilicet in teſtimonio Dei, ad diſtinctionem veritatis illius in eſſe rei, quæ conſiſtit in ipſa actuali connexione principiorum inter ſe, & ideo vocatur intrinſeca, quia fundatur in principijs ipſum obiectum intrinſecè componentibus ; ſi conſiderentur, inquam, præſato modo ſinguli fidei articuli, aut veritates, æque immediatè ad illam pertinent, æqualique certitudine, & firmitate credendæ ſunt.

Obſervandum eſt ſecundò, alia item principia Theologica haberi ex ſola reuelatione Dei, vt mox enumerata, alia etiam, quorum cognitio luminis naturalis viribus comparari poteſt, vt Deum eſſe omnipotentem, æternum, immutabilem, & cætera id genus. In præſenti non loquimur de huiusmodi principijs, certum eſt enim ea demonſtrari poſſe aliquando à poſteriori per creaturas via aſcenſus, aliquando à priori, probando vnum attributum per aliud, à quo virtualiter emanare concipitur, vt libro ſecundo huius operis dictum eſt. Difficultas ergò tota reducit ad alia principia, ſola Dei reuelatione cognoſcibilia, quomodo ſacra doctrina poſſit illa probare. Pro cuius reſolutione.

Dico primò, *principia veluti mediata Theologiæ, in eſſe entis conſiderata, poſſe ab ipſa demonſtrari à priori, ſcilicet per immediata ſibi correſpondentia*. Sic probatur contra hæreticos Monotheliſtas, Chriſtum Dominum habere duas voluntates, quod eſt principium mediatum, per hoc quod ſimul ſit Deus, & homo, quod eſt immediatum principium ; iſtud enim eſt cauſa ſimpliciter neceſſaria illius. Similiter in diuinis, ex proceſſione vnius perſonæ ab alia, quod eſt principium immediatum, colligitur demonſtratiuè à priori, realis inter illas diſtinctio, quod eſt mediatum principium.

Dico ſecundò, *principia immediata*
Bibliot. Theol. Tom. V.

Theologiæ non poſſe quidem demonſtrari à priori, poſſe tamen aliquando à poſteriori, aut argumento ad hominem. Prima huius propoſitionis pars clara eſt : nam demonſtratio à priori, vt ſuppono, eſt per veram cauſam, at prima principia immediata nullam talem habent cauſam, aliàs non eſſent prima & immediata : Igitur non poſſunt demonſtrari, vel probari à priori. Secunda, etiam concluſionis pars facilè oſtenditur ; ſi quidem dantur plura principia mediata, quæ ſunt veluti effectus primorum principiorum ; igitur iſta poſſunt per illa à poſteriori demonſtrari ; ſic ex diſtinctione reali, quam admittunt Græci inter Filium & Spiritum Sanctum, colligimus à poſteriori demonſtratiuè, & argumento etiam ad hominem contra ipſos Spiritum Sanctum à Filio procedere ; ſic ex conceſſa Chriſti Domini Reſurrectione colligimus ipſum mortuum eſſe. Sic tandem ex vno fidei articulo ſemel admiſſo, vel conceſſo poſſumus ad hominem, quemcumque alium colligere neceſſariam cum illo connexionem habentem. Cum argumentatio ad hominem ſit : quandò ex quibuſdam ſibi ab aduerſario conceſſis, deducit quis veritatem ſuæ concluſionis, aut cogit cum negare, quæ prius conceſſerat, vel admittere contradictonaria, vt patet in exemplis adductis.

Quare ſimpliciter loquendo Theologia non argumentatur ad probanda ſua principia ; nec eiufmodi conſequentiæ, in quibus vnus articulus poteſt ex alio inferri, ſunt viles argumentationes niſi fiant ad eos, qui negant vnum principium, & concedunt aliud, vt probamus contra Iudæos myſterium Incarnationis iam à longo tempore peractum eſſe, ex ſactis Veteris Teſtamenti libris, quos admittunt. Similiter ex teſtimonijs Sacræ Scripturæ, quæ recipiunt heretici, plures inferuntur veritates, quas negant ; quorum exemplis plena ſunt Sanctorum Patrum opera, & volumina.

CAPVT III.

Quod Sacra doctrina, solis naturę viribus, probare non possit, possibilia esse, siue non impossibilia supernaturalia Fidei mysteria.

Explicuimus superiori capite, quæ ratione sacra doctrina, manendo intra suum proprium diuinæ reuelationis lumen, possit esse suorum principiorum, siue supernaturalium fidei veritatum probatiua; nunc videndum est, an etiam seclusa diuina reuelatione, solis naturæ viribus, earumdem possibilitatem demonstrare possit.

Pro cuius intelligentia notandum est primò, dum agitur de necessitate fidei diuinæ, in ordine ad cognoscenda supernaturalia eius mysteria, siue quod idem est, an seclusa diuina reuelatione, solis naturæ viribus illa cognosci, ac demonstrari possint, duplicem in ea distinguere debere necessitatem, vnam ex parte subiecti, & in ordine ad salutem æternam consequendam, siue quod idem est, ad cognoscendum obiectum per illam propositum, sicut oportet ad salutem. Altera est præcisè ex parte obiecti, siue in ordine ad cognitionem credibilem, seu veritatum per fidem obsecrè reuelatarum, quatenus alia via non possumus deuenire; in cognitionem illarum.

Aduertendum est secundò non impossibile, & possibile æquiuale, vnde si semel naturali ratione ostendi non potest mysteria fidei esse possibilia, sequitur eadem ratione, probari non posse, ea esse non impossibilia. Eiusmodi autem possibilitas, siue non impossibilitas duobus modis probari potest. Primò positivè, id est afferendo medium, quo affirmatiuè probemus intrinsecam aptitudinem existentie ipsius rei, vt ex eo quod animal & rationale possunt simul coniungi per modum generis & differentie, demonstramus hominem

posse esse. Secundò negatiuè, id est remouèdo illud omne quod videtur probare impossibilitatem; vt, v.g. possibilitas Mysterij Sanctissimę Trinitatis, supposita semel eius fide per diuinam reuelationem habita, ostenditur ex eo quod nec infinitas, nec vnitas naturæ diuinæ, aut alia eius perfectio impendant diuinarum personarum Trinitatem; vel etiā possibilitas Incarnationis Verbi diuini ostenditur, ex eo quod nec finitati naturæ humanæ, nec infinitati Verbi diuini, nec eius etiam immutabilitati, alteriue attributo repugnet.

His prænotatis, dum asserimus in presenti capite sacram doctrinam, solis naturæ viribus probare non posse, possibilia esse, siue non impossibilia supernaturalia fidei mysteria, atque adeò necessarium esse simpliciter, & absolutè fidei lumen ad illa cognoscenda; hoc debet intelligi de necessitate tam ex parte subiecti, quam ex parte obiecti. Insuper de probatione positiva, non autem negatiua, cum hæc spectet potius ad modum dissoluendi contraria, argumenta, supposita semel alicuius rei veritate, quam ad modum probandi illam.

Præcipuum assertionis ita explicatę fundamentum est, quia omnis cognitio naturalis, quæ ex rebus ipsis sumitur, absque testimonio, aut reuelatione, vel est à priori, & per causam, quam vocant propter quid, vel à posteriori, & per effectum, quam vocant quia, ad quã reducitur probatio per reductionem ad impossibile. At nullum est medium naturali lumine cognoscibile, quo vel à priori, vel à posteriori, aut per reductionem ad impossibile probari possint, vel in generali, vel in particulari Sacrosancta fidei nostrę mysteria: igitur solis naturæ viribus ostendi non potest illa esse possibilia, siue non impossibilia. Maior huius argumenti supponitur tantquam certa, tum ex dialectica, tum ex eo quod ad comparandã alicuius obiecti cognitionem, vt docet D. Augustinus lib. 3. cõtra Academicos cap. vlt. & lib. 6.

de or-

de ordine cap. 5. & 6. duplex tantum nobis suppetit via quam sequamur, rationis scilicet, & authoritatis, vbi per rationem intelligitur quæcumque cognitio, etiam experimentalis, & per sensus acquisita.

Minor ergò, in qua est tota difficultas, probatur. Et primò quod in probandis fidei nostræ veritatibus, locum habere non possit probatio à priori, clarius est, quam debeat probari, si quidè nullum est assignabile medium intra naturæ limites, vel terminos contentum, quo, tanquam per causam proximam, vel remoram illarum possibilitas ostendi possit. Idem probatur de demonstratione à posteriori, quia hoc solum per illam, siue per viam ascensus ex creaturis tanquam ex effectibus, naturali ratione cognoscere possumus de rebus diuinis, quod necessum est comperere. Deo quatenus est primum omnium creaturarum principium, creaturæ si quidem nos ducunt in cognitionem Dei, sicut effectus in cognitionem suæ causæ. At respectu Dei, vt est primum omnium creaturarum principium, merè concomitanter, & veluti per accidens se habent omnia fidei mysteria de ipso reuelabilia, vt quod sit Vnus & Trinus, per essentiam ab intellectu creato visibilis, creaturis hypostaticè vnibilis, cū ratio primi principij, primæque omniū rerum causæ, sit quid tantum pertinens ad vnitatem Dei naturaliter à posteriori demonstrabilem: Igitur respectu mysteriorum fidei, quæque sunt de Deo, quatenus est author gratiæ, nulli dantur effectus creati nobis euidentes, qui proportionem habeant, vel necessariam connexionem cum illis, vndè possumus à posteriori eorum possibilitatè ostendere.

Quod argumentum non solum concludit, talem possibilitatem certò demonstrari non posse, verum etiam, nec cogitari posse cum aliquo assensu probabili, vel opinatio, aut formidoloso. Quin imo cum duplex actus in nostra cogitatione distingui possit, nimirum,

inquisitio & assensus, siue apprehensiva cognitio, & iudicativa, licet ratio statim allata maximè procedat de cognitione iudicativa, cū nullum sit mediū, quo talis cognitio naturaliter efformari possit, seclusa omni reuelatione; adhuc tamen loquendo de inquisitione, vel apprehensione, probabilius est, supernaturalia fidei nostræ obiecta, sine diuina reuelatione nunquam ascendere potuisse in cor hominis, non solum ad apprehendendum illa vt possibilia, verum etiam, nec ad reuocandum ea in dubium, inuestigando, vel inquirendo, an fortè possibilia, aut vera sint; cum nullum etiam sit naturale mediū, quod talem apprehensionem, aut inquisitionem in homine excitare possit.

Vndè colligo non solum naturaliter probari non posse fidei mysteria, verum insuper quod hoc tentare, cederet in grauem illorum contumeliam. Primò quia significaretur illa posse apparere ratione naturali; cū tamen pertineat ad fidei nostræ dignitatem, esse de rebus, quæ naturalem intellectus creati capacitatem excedant iuxta illud Apostoli ad Hebræos 11. *Fides est argumentum non apparentium*: & 1. Corinth. 2. *Loquimur Dei sapientiam in mysterio, quæ abscondita est*. Secundò, quia inductis ad probanda fidei mysteria rationibus, quæ non essent cogentes, nec sufficientes, vt sine authoritate Dei reuelantis præberetur illis assensus, daretur infidelibus occasio deridendi nos, & existimandi Catholicos eiusmodi rationibus innixos, & propter eas credere mysterijs totum naturæ caput superantibus.

Quare D. Ambrosius lib. 1. de fide cap. 5. merito ait: *Tolle argumenta vbi fides queritur*. Et Carolus Rex Francorum in epistola ad Elipandum, & alios Hispaniæ Sacerdotes tom. 3. Concil. *Nec ratiocinando, inquit, humano ingenio, diuina vos mysteria inuestigare arbitramini; sed magis credendo honorate, quæ humana fragilitas temere perscrutando inuenire non valet*. Et Saluianus lib. 3. de vc-

6 Bibliothecæ Theologicæ Lib. IV.

de vero iudicio & providentia Dei, paulò post principium : *Humana*, inquit, *dicta argumentis & testibus egent*, *Dei autem sermo, ipse sibi testis est, quia necesse est, quicquid incorrupta veritas loquitur, incorruptum sit testimonium veritatis*.

Quibus tamen non obstat, quin præsupposita semel fide mysteriorum diuinorù, Theologus possit, ac debeat pro diuersitate illorum, aliquas rationes probabiles, sine congruentias etiam ex principijs philosophicis, scientijsque naturalibus desumptas adducere, quibus ostendat illa rationabiliter esse credibilia, minimèque rationi naturali repugnare. Huiusmodi enim rationes maxime conducunt, tum vt non fideles inducantur ad fidem, libentiusque iugo nostræ religionis colla subijciant; tum etiam ad remouendas tentationes, quibus interdum fideles impugnantur contra fidei veritatem. Et ita à veteribus Ecclesiæ Patribus olim vsitatum fuisse legimus, inter quos videri potest D. Augustinus tom. 2. epist. 3. Ipseque D. Thomas in summa contra Gentes nostræ fidei dogmata plurimis elegantissimis rationibus, etiam naturalibus persuadet, semper tamen supposita illorum cognitione iam habita per fidem.

C A P V T I V.

Mysteria fidei ita superare omnem intellectus creati facultatem naturalem, ut tamen non sint contra rationem; nullumque afferri posse argumentum, quod ostendat illa esse impossibilia.

Quamuis ex præcedenti capite Sacrosancta fidei Catholicæ arcana, ita superent naturalem omnem cuiuscunque intellectus creati capacitatem, vt nulla penitus ab eo ratione demonstrari possint, illi tamen non repugnant, nec dici possunt esse contra rationem, prout ly *contra*, distinguitur à *supra*. Licet enim veteres Theologi non fuerint ita religiosi, in distinguendis istis

terminis, *contra*, & *supra naturam*; vnde etiam non dubitarunt interdum asserere, multa in religione nostra fieri contra naturam, vt constat ex D. Ambrosio in lib. de his qui sacris initiatur mysterijs cap. 9. recentiores tamen Scholastici, non incongruè asserunt, in religione nostra, nihil esse, nec fieri contra, sed tantum supra naturam: intelligentes id esse contra naturam, non quod repugnat huic duntaxat, vel illi naturæ, sed quod naturæ repugnat vniuersæ; cuiusmodi est illud, quod inuoluit contradictionem. Cum igitur ab omnibus concedatur, nihil à Deo fieri posse, quod contradictionem implicet, meritò dicitur mysteria fidei nostræ in communi esse quidem supra, non tamen contra naturam. Et hoc ipso sensu in Concilio Lateranensi sub Leone X. sess. 8. definitum est; nullam fidei veritatem repugnare cum aliqua veritate naturali. Quam etiam ob causam præcipitur ne quis se conferat ad studium Theologiæ, nisi Philosophicis disciplinis prius imbutus.

Assertio sic explicata facillè probatur: primò quia veritas non potest esse veritati contraria, imò iuxta receptissimum axioma, verum semper vero consonat: sed si mysteria fidei semel probarentur esse repugnantia naturali rationi, atque adeo impossibilia, iam verum verò contradiceret; si quidem omne illud quod dicat ratio naturalis, si non errat, est verum, nam si errat, iam non est ratio, sed deceptio. Similiter omne illud quod docet fides diuina, est etiam verum; ergò si semel ratio naturalis ostendere posset mysteria fidei esse impossibilia luminique naturali refragantia, verum contradiceret vero; quod est impossibile.

Secundò Deus, nec vt author naturæ, nec vt author gratiæ, potest mentiri, aut fallere, vt suppono; si quidem Deus est summè sapiens, ac proinde decipi non potest, rursum est summè bonus, vnde nos ab eo falli non possumus; mendacium autem, vel deceptio

ex altero horum capite prouenire solet. At si demonstrari posset impossibilitas mysteriorum fidei, iam Deus, vel ut author naturæ, vel ut author gratiæ mentiretur, idem enim est author utriusque. Igitur cum Deus, ut est author luminis naturalis, non possit per se inclinare ad falsum, nec ad aliquid, quod sit contrarium vero modo existendi ipsius Dei, pro certo tenendum est, ratione naturali non errante, ostendi non posse mysteria fidei nostræ esse impossibilia.

Tertiò tandem talis impossibilitas, aut contrarietas probari non potest, per ostensionem alicuius principij generalis fidei nostræ mysterijs repugnantis: quia in tali principio plerumque non comprehenduntur, vel si comprehenduntur, quoad illâ partem ratione naturali demonstrari non potest. Quoniam ratio merè naturalis seclusa omni reuelatione, sua principia non desumit nisi à rebus finitis & limitatis ordinis naturæ, quibus omnibus superiora sunt mysteria fidei, pertinentia ad Deum, ut est author gratiæ, simpliciterque infinitus, de quo non potest sola ratio naturalis ostendere, metiendum esse eisdem legibus & principijs, quibus res finitæ, & inferioris ordinis. Ipsa enim ratio naturalis suadet in re simpliciter infinita, qualis est Deus, author fidei, & gratiæ, latere aliquid, quod naturali discursu nequeat investigari, aut sufficienter intelligi ab intellectu finito. Imò demonstrat euidenter ratio naturalis in huiusmodi rebus, adhærendum esse diuinæ reuelationi potius, quam cuiuscumque argumento naturali, vel apprehensioni nostri intellectus. Nam cum experiamur, etiam in rebus sensibilibus & imperfectissimis nos multoties deceptionem pati: multo certius erit, in rebus supernaturalibus stultum esse, nostris ratiocinationibus naturalibus vel omnino confidere. de quo vide S. Thomam 1. contra Gent. cap. 7.

Contra huc usque dicta obijciat aliquis, videri pugnare cum doctrina capitis antecedentis, in quo asseruimus

possibilitatem veritatum fidei nostræ, nulla penitus ratione naturali, secluso diuinæ reuelationis lumine esse demonstrabilem. Cum enim possibile & impossibile videantur contradictoriè opponi, & ex duabus propositionibus contradictoriè oppositis, una debeat esse determinatè vera, & alia determinatè falsa formaliter loquendo; si semel ratio naturalis demonstrare non potest veritatum fidei impossibilitatem, ut hic asserimus; sequitur quod eadem ratio positiuè demonstrare possit illarum possibilitatem.

Respondetur doctrinam præsentis capitis minimè pugnare cum superiori. Primò enim possibile, & impossibile non opponuntur contradictoriè, cum utriusque sit affirmatiuum ex lib. 2. de interpret. cap. 3. vnde inter posse demonstrari impossibilem, & posse demonstrari possibilem aliquam veritatem, datur medium, scilicet, non posse demonstrari possibilem, nec posse demonstrari impossibilem; sit enim plerumque ut noster intellectus careat medio, quo demonstret tam possibilitatem rei, quam eius impossibilitatem. Ut contingit in omnibus fidei nostræ mysterijs, quæ eo ipso quod sunt supra omnem rationis naturalis caput, & intelligentiam, inter hoc quod est, posse naturaliter demonstrari possibilia, & posse naturaliter demonstrari impossibilia, datur hoc medium, non posse videlicet, naturaliter demonstrari possibilia, propter rationes superius allatas, nec posse naturaliter demonstrari impossibilia; quia quod non est, demonstrari non potest, huiusmodi autem mysteria non sunt impossibilia, hoc igitur demonstrari non potest. Quod si præfatæ propositiones fiant contradictoriè, ita ut particula negans non amplius se teneat ex parte subiecti, aut prædicati, ut in præcedentibus, quæ propterea ambæ sunt affirmatiuæ, sed ex parte copulæ dicendo, potest demonstrari fidei mysteria esse possibilia, non potest demonstrari fidei mysteria esse possibilia, tunc propositio affirmatiua-

8 Bibliotheca Theologica Lib. IV.

firmatiua est falsa, negatiua autem vera, & demonstrabilis, prout fuit à nobis superius demonstrata.

Secundò respondetur, in propositionibus etiam contradictorijs, aliud esse, quod vna sit determinatè vera, & alia determinatè falsa, aliud verò quod possit probari vnam esse determinatè veram, & aliam determinatè falsam. Ad primum enim nihil aliud requiritur, nisi quod extrema sint, vel non sint inter se repugnantia: ad secundum autem requiritur, quod habeamus aliquod medium posituum ad probandam huiusmodi extremorum repugnantiam, vel non repugnantiam. Etsi ergò in omnibus fidei nostræ propositionibus vna sit semper determinatè vera, & possibilis, nimirum affirmatiua, v. g. *Deus est Trinus*; *Deus est per essentiam visibilis ab intellectu creato*; alia determinatè falsa, & impossibilis, nimirum negatiua, v. g. *Deus non est Trinus*, &c. ratione tamen naturali, defectu medij vnum, aut aliud à nobis posituè probari non potest, primum quidem, quoniam est omnino supra rationem naturalem, secundum verò, quia falsum & impossibile,

tionis, quæ definitur syllogismus faciès scire veritatem. In præsentì agemus quomodo sacra doctrina possit soluere argumenta, quæ sunt contra fidem; non quidem in aliqua particulari, aut determinata materia, suis enim id locis præstabitur, sed in vniuersali; pro cuius intelligentia,

Obseruandum est primò, argumenta quæ propriè sunt contra Fidei Catholicæ mysteria aut esse Gentilium, siue eorum qui Christianismum non amplectuntur, aut hæreticorum, qui licet Christianismum profiteantur, à vera tamen eius fide deficiunt.

Notandum est secundò, à prædictis aduersarijs, aut etiam Catholicis, disputationis tamen gratia, & ad maiorem veritatis elucidationem, dupliciter argui posse contra fidem. Primò si quis ex pluribus Sacre Scripturæ locis, aut ex pluribus propositionibus, quæ in aliquo sensu sunt de fide, vel certæ certitudine Theologica, malè tamen ab arguente intellectis, deduceret conclusionem aliquam repugnantem alicui veritati fidei; ita vt putaretur ab eo esse demonstrationem Theologicam. Secundò si quis ex pluribus propositionibus naturalibus, aut ex vna naturali, & altera de fide, vel Theologica, inferret alià conclusionem veritati fidei contrariam.

Notandum est tertio, ea quæ opponuntur fidei esse in duplici differentia, alia enim opponuntur ei directè, vt si diceretur, Deum non esse simul vnum & trinum; alia tantum indirectè, vt sunt ea, quæ ex se, & sua conditione spectant ad aliam scientiam naturalem, v. g. quod accidentia non possint separatim existere à suo subiecto, quatenus Philosophia docet inhærentiam actualem esse de essentia accidentis, hoc indirectè aduersaretur veritati fidei, nam eo semel admissò sequeretur substantiam panis, & vini remanere in Sacramento Eucharistiæ, cum eorum accidentia ibi remaneant.

Aduertendum est quarto, esse quidem euident lumini naturæ, Deum non posse

C A P V T V.

Nullum fieri posse argumentum contra fidem nostram mysteria, quod solui non possit.

CUm valdè conducatur ad intelligendum, declarandumque infidelibus, non esse contra rationem naturalem, aut impossibilia fidei nostræ mysteria; quod nullum aduersus ea fieri possit argumentum, quin à Theologo facile solvatur. Postquam superiori capite ostendimus, eorum impossibilitatem esse penitus indemonstrabilem, cum manifestum sit fidei nostræ diuinæ non subesse falsum, & consequenter non posse esse veram demonstrationem contra res fidei; sic enim esset vera demonstratio contra veritatem, quod implicat, & repugnat naturæ demonstra-

posse mentiri, aut dicere falsum, siue quod idem est, auctoritatem diuinam in dicendo esse omnino infallibilem; verum quia nobis euidens non est Deum reuelasse hæc vel illa mysteria, quæ credimus, sed hoc sola fide certum est, hinc etiam nobis euidens non est talia mysteria esse vera, sed illa tantum fide credimus, atque adeo non est nobis positiue euidens nullam aduersus ea fieri posse demonstrationem, sed hoc solum per fidem est certum, aut per discursum Theologicum; quatenus exercitij gratia posset quis ita discurre. *Quidquid Deus dicit est verum; Deus dicit se esse Vnum, et Trinum, Verbum fuisse incarnatum, Sacramenta instituta, et sic de alijs; Ergo hæc omnia vera sunt.* Itaque sicut ille, qui habet veram ac perfectam scientiam, de aliqua veritate naturali, habet etiã ex hoc ipso euidenciam, nullam aduersus talem veritatem iam scitam, afferri posse veram demonstrationem; pariter ille, qui habet fidem diuinam de aliqua eius veritate, hoc ipso certissimam etiam habet notitiam, quod nulla penitus adduci possit demonstratio contra talem veritatem; vnde si aliquis inter arguendum assumeret aliquam propositionem fidei repugnãtem deberet à fideli Theologo indubitanter negari in eo sensu, in quo ipsi contradiceret; licet admitti & concedi posset in alio sensu non repugnante, si talis propositio pateretur aliquam distinctionem; sed hoc non esset omnino soluere argumentum, sed negare tantum, quod in ipso assumeretur, quodque arguenti probandum incumbere.

Obseruandum est quintò, duobus modis posse aliquod argumẽtum solui: primò euidenter positiue, scilicet, ostendendo ex euidencia fundamenti propriæ sententiæ, aut ex aliquo alio capite, esse euidenter falsum, quod tamen assumitur ab arguente tanquam verum; secundo euidenter negatiue; qui modus soluendi in eo consistit,

Bibliot. Theol. Tom.V.

quod nihil per eum probetur, sed solum negetur id, quod alius manifestè probare non potest; & sic enervatur argumentum.

Sextò tandem & vltimò notandum est, dupliciter posse esse vitiosum, & fallax aliquod argumentum contra fidem. Primò ratione formæ; nimirum si peccet contra differendi artem in ipsa formâ concludendi; Secundò ratione materiæ, quia scilicet assumitur aliquod principium falsum, ex quo consequens etiam falsum contra nostram fidem deducitur. Exempli gratia; si contra mysterium Sanctissimæ Trinitatis quispiam hoc modo argueret: Omnis res vna numero secundum essentiam, est etiã vna numero secundum hypostasim; sed Deus est res quedam vna numero, & singularis secundum essentiam: Ergò Deus est etiam vna res secundum hypostasim, atque adeo non erunt in illo tres hypostasies, siue personæ. Quo in syllogismo, Maior illa vniuersalis, pro vt se extendit ad creata, & increata, est falsa, vt potè contradicens fidei mysterio Trinitatis personarum in vnitate essentiæ, quod est infallibiliter verum; atque ita eiusmodi argumentum dicitur peccare in materia.

In casu ergò quo falsitas argumenti consisteret in sola forma syllogistica, aut in aliqua fallacia merè naturali, nemini dubiũ est, quin posset Theologus etiam cum euidencia positiua, & directè soluere huiusmodi argumentum ex habitu logicæ. Quæstio igitur omnis est, quando argumentum peccat tantummodo in materia, quanta certitudine, & euidencia possit Theologus illud soluere. Vbi etiam aduertendum est, quod dum agimus de hac certitudine, & euidencia solutionis, non est difficultas de illa in ordine ad arguantem, qui sæpe ratione suæ malitiæ, vel præ intellectus debilitate, & obtusione, capere non potest solutiones, atque adeo non conuincitur earum euidencia, aut certitudine; sed

B

loqui-

loquimur de solutionibus secundum se sumptis, & in ordine ad intellectum bene dispositum, & capacem. Sicut etiam parum refert ad tales solutiones, quod aliquis Theologus parum doctus, vel instructus nesciat illas adhibere. Satis enim est quod talis modus respondendi non excedat vires intellectus Theologi maxime adiuti lumine fidei, & aliorum Theologorum, Patrumque studiis, & laboribus. His pro difficultatis apparatu prænотatis, iam pro illius resolutione subsequentes conclusiones pono.

Prima Conclusio. Argumenta omnia, quæ contra fidei mysteria proferuntur, siue fiant ab infidelibus, siue fiant ab hæreticis, possunt solui per Theologiam. Ista conclusio est certa, colligiturque manifestè ex Concilio Lateranensi sub Leone X. sess. 8. Vbi præcipitur Theologis, ac viris doctis, vt soluant rationes, quæ videntur pugnare cum rebus fidei; cuius smodi sunt Gentilium, & hereticorum argumenta. Cum ergo Ecclesia præcipiat tantum, possibilia, quia nullum est præceptum, nec exhortatio impossibilium, vt per se patet, ex hac autoritate Concilij pro certo tenendum est, omnia penitus argumenta contra fidem factibilia dilui posse, ac solui; vt amplius patebit ex sequentibus cõclusionibus. Quod igitur fefellit Robertum Olkot, contrarium opinantem, est, quod non satis hæc duo distinxit, esse *supra capium pura rationis naturalis*, et pugnare cum *ratione naturali*; primum enim non infert secundum: vnde mysteria fidei, licet quidem sint supra naturalem rationem, sicut & supra naturam, non tamen contra illam, vt supra ostendimus, atque adeo nullum aduersus ea fieri potest argumentum, quin solui possit.

Secunda Conclusio. Potest Theologus soluere euidenter negatiuè argumenta; à Gentili directè facta contra fidem. Ista conclusio videtur esse contra Durandum in prologo lib. 1.

sentent quæst. 1. num. 42. quatenus negat præfata argumenta posse euidenter solui. Est tamen ad mentem Doctoris Angelici D. Thomæ 1. p. quæst. 1. artic. 8. vbi dicit, manifestum esse, eiusmodi rationes, quæ fiunt contra fidem, non esse demonstrationes, sed solubilia argumenta: & tractatu de Trinitate super Boethium art. 5. ad 5. sic habet: *Dicendum, quod duplex est humana ratio, una demonstratiua cogens intellectum ad credendum, et talis non potest haberi de his, quæ sunt fidei, sed potest haberi ad euacuanda ea, quæ fidem destrunt, vel impossibilem astringunt, quamuis enim ea, quæ sunt fidei demonstrari non possunt, non tamen possunt demonstratiuè improbari.* Iuxta quam D. Thomæ doctrinam, ille modus respondendi, soluendique argumenta euidenter negatiuè, potest etiam aliquo modo vocari demonstratiuus, non quidem ad probandum, sed ad euacuandum, vt loquitur S. Doctor.

Probatum primò. Ad hoc vt euidenter negatiuè solui dicatur argumentum, vniuersaliter loquendo, nihil aliud requiritur, nisi quod à propugnante, aut respondente negetur id, quod arguens, aut impugnans manifestè probare non potest; sed Theologus in defendendis suis principiis aduersus Gentiles sic se habet, negando videlicet plura ab eis assumpta, quæ manifestè probare non possunt: Ergò rectè dicuntur solui à Theologo euidenter negatiuè argumenta omnia à Gentilibus directè factibilia contra fidem.

Maiores huius argumenti patet, nihil enim aliud per eiusmodi terminos intelligimus, siue per modum soluendi euidentem euidentia negatiua; quia, re vera, si aliquis argumentetur ad aliquid contra alium probandum, & ille, vel absolute, vel cum distinctione neget aliquam premissam, quam, neque arguens, aut quiuis alius possit vnquam probare, defendente simili semper modo respondente, manifestè solum videtur eius argumentum, nõ
qui-

Seſſio I. Caput V.

II

quidem poſitiuè, ſed negatiuè, quia in hoc præciſè nihil probatur, ſed ſolum negatur id quod alius non poteſt manifeſtè probare, & ſic enervatur argumentum.

Minor autem probatur, eiſque veritas fundatur in hoc, quod cum ſupponat Theologus veritatem impugnataſſe de fide, hinc veluti à poſteriori infert, quod præmiſſe illæ, quæ aſſumuntur, non poſſint habere illum ſenſum, ex quo ſequatur aliqua conſuſio contraria fidei, ſed alium; & ex hoc fundamento regreditur ſemper ad diſtinctionem præmiſſarum, quàm cum Gentilis nunquam poſſit manifeſtè impugnare, remanet ſolutum argumentum euidenter negatiuè.

Nota me dixiſſe in Conſuſione, quod argumenta à Gentilibus contra fidem adducta ſint euidenter ſolum negatiuè ſolubilia, quia quædam argumenta ita proponuntur ab hæreticis contra aliquas fidei veritates, vt non ſolum dilui poſſint indirecè, & cum euidentia negatiua, verum etiam cum certitudine poſitiua, ſive de fide, ſive Theologica, quatenus eorum falſitas poteſt oſtendi, vel ex diuinis ſcripturis quas admittunt, vel ex neceſſaria connexionè & ſimilitudine, quæ eſt inter articulum fidei, in quo diſſentiunt à nobis, & alium articulum in quo conſentiunt. Nunquam tamen poſſunt ſolui cum euidentia poſitiua, quia præmiſſæ de fide, in quantum tales, nunquam poſſunt euidenter poſitiuè demonſtrari eſſe vere.

Inſuper dixi in conſuſione direcè, quia argumenta quæ tantum pugnant contra fidem ex conſequenti, & direcè ſunt contra aliquam veritatem naturalem, quam articulus fidei ſupponit, non ſolum euidenter negatiuè, ſed poſitiuè quoque dilui poſſunt; ſicut & veritas naturalis illis oppoſita poteſt euidenter poſitiuè probari. Vt ſi quis contra Myſterium Trinitatis ita argueret: *De nullis rebus realiter diſtinctis, prædicari poteſt aliquid, quod aliquo Bibliot. Theol. Tom. V.*

modo ſit vnum; ergo Pater, Filius, et Spiritus Sanctus nullo modo ſunt vnus Deus. Tale argumentum eſſet contra myſterium Trinitatis, & nihilominus euidenter poſitiuè ſolui poſſet; quia euidenter eſt falſitas antecedentis, cum homo, qui de pluribus hominibus dicitur, aliquo modo vnus ſit. Non pugnat direcè præſatam antecedens cum myſterio, ſed cum alijs rebus naturaliter notis, quæ Logici & Metaphyſici docent agentes de vniuerſalibus. Vnde talia argumenta, non tam ſoluit Theologus ex proprio ſuo Theologi munere, quàm vt Philoſophi perſonâ gerit, vel vtitur alijs inferioribus ſciētijs, quas vt ancillas ad arcem deſenſionis gratia, vbi opus eſt, vocare poteſt.

Secundò probatur conſuſio. Vt aliquod argumentum ex parte materiæ vitioſum, dicatur abſolutè ſolui euidenter negatiuè, non requiritur vt is, qui reſpondet, oſtendat ex ipſa rei natura, aut veritate, falſitatem contrariæ propoſitionis aſſumptæ, vt opinatur Durandus, ſed ſufficit, vt idonea, & congrua reddatur ratio per aliam motiuam extrinſecam, cur id quod in argumento aſſumitur, falſum eſſe, animus ſibi prudenter perſuadeat, atque adeò tali argumento de ſua minimè ſententia dimoueat. Sed talis ratio adduci poteſt, cum reſpondetur ad quodcumque argumentum contra fidem factum ergo euidenter negatiuè ſolui poſſunt omnia argumenta à Gentilibus direcè contra fidem pugnantia.

Maior probatur quo ad primam partem, tum quia in hoc diſtinguitur modus ſoluendi euidenter poſitiuè, à modo ſoluendi euidenter negatiuè, vt dicitur conſuſione ſequenti: tum etiam quia aliud eſt reſpondere præciſè ad argumentum, & aliud redarguere etiam illum qui argumentatur: vt enim primum fiat, non eſt neceſſe oſtendere euidenter poſitiuè falſitatem propoſitionis aſſumptæ in argumentis

B 2 ſecus

secus autem si quis velit secundum, præstare, nempe argumentantem redarguere. Iam probatur secunda pars, sufficere videlicet ad solutionem euidentem negatiuè, quod congrua afferratur ratio, cur ipse respondens prudenter sibi persuadere possit, falsam, esse propositionem aliquam in argumento sumptam, sic enim statim apparet fallax esse argumentum; quod est soluere argumentum.

Probatur Minor: Si quis enim infidelis ita contra mysterium Trinitatis argumentaretur. *Ibi est distinctio naturarum, ubi est distinctio personarum; sed in diuinis datur distinctio personarum: Ergo etiam naturarum;* Theologus soluere argumentum negata maiori, cuius cum aliam probationem adducere non possit infidelis, præter eam quæ consistit in inductione, dicendo v.g. *Hæc res distincta personaliter, & hæc, et alia omnes, quas nos cognoscere possumus, sunt etiam distinctæ quantum ad essentiam, at naturam; ergo etiam illa res, quæ est Deus, erit multiplex secundum naturam, eo ipso quod est talis secundum personas.* Tali formæ probandi per inductionem, plura potest opponere is, qui respondet; ex quibus euidenter ostendat, non quidem ipsam veritatem mysterij, aut falsitatem illi contradicentem, sed prudenter se agere, quod propositiones mysterij fidei repugnantes falsas existimet: atque adeo quod non moveatur argumentis ex illis constructis.

Primum quod potest opponere, est, non esse absolute impossibile, ut quod inuenitur in omnibus alijs singularibus, minimè reperiat in vna quadam re singulari, maximè quando est infinitæ perfectionis, ut Deus.

Secundum est, quod lumen naturale rationis, tunc solum inclinare nos debet ad assentiendum alicui propositioni vniuersali, quando nullum aliud lumen altius, & perfectius, quod sit sufficienter testatum, nos docet, secus rem se habere in vno quodam singula-

ri. Tunc enim secundum legem ipsam prudentiæ humanæ, debemus ita planè opiari, propter lumen videlicet nobilius, & excellentius, quod ita rem se habere docet: ac proinde lumen naturale minimè nos impellit, ut in contrarium sentiamus; lumen enim naturale impellere non potest ad aliquod contra prudentiæ leges, aut regulas amplectendum. In omnibus autem fidei nostræ mysterijs, quæ aduersus infideles propugnamus, suppetit lumè quoddam altius, ac certius, nempe lumen diuinæ reuelationis, idque sufficienter nobis testatum, communibus videlicet fidei nostræ motiuis, & argumentis: quo lumine cum doceamur, secus plerumque se habere, quam per inductionem probatur, in eo mysterio fidei singulari; non est vnde rationabiliter adherere possimus propositioni vniuersali ipsi contradicenti, ad cuius confirmationem usurpata fuerit inductione.

Tertium est, asserre solutiones, & rationes, quæ demonstrent euidenter nostrum intellectum multoties deludi, fictis & apparentibus euidentijs, inter se pugnantibus etiam circa res minimas, ut circa naturam continui; circa morbos corporis humani, eorumque causas & remedia; circa negotia quotidiana; imò circa proprias atque præsentis vniuscuiusque hominis actiones. Inde enim ratio naturalis prudenter dicat, diuinæ auctoritatis comparatione, cunctis in rebus, calcandas esse quasunque larvas euidentiae, & certitudinis, quibus in eius præiudicium, veluti solidis corporibus nos tutò, ac firmiter subnixos esse deliramus, in densissima vitæ præsentis nocte somniantes meridianam, lucem.

Quartum denique est; quod etsi diuina mysteria conuenientiam aliquā habeant cum alijs rebus naturalibus, in communissima quadam vocabulorum, aut nominum ratione, propriè ta men illorum rationes infinitè distant à ra-

à rationibus rerum naturalium creatarum, Quod cum ita pro certo ſe habeat, humane rationi minimè videri debet incredibile, ſi quiddam aliud longè diuerſum competat rei ſingulari diuinæ, quod rebus alijs ſingularibus creatis conuenire non poteſt. Vt enim rectè aduertit D. Athanaſius, æt. nā filij generationem aduerſus hæreticorum Arrianorum argumenta defendens in epistoſa de Syno-di Nicenæ decretis ante medium: *Tameſi eadem diſtiones de Deo et hominibus, in Sacris Scripturis habentur, hominum tamen perſpicacium eſt, ut Paulus 1. ad Timoth. præcipit, leſioni attendere, ut rem cum iudicio diſcernant, et pro natura rerum vocabula accipiant, ſine intellectus conſuſione: ne qua Dei ſunt humana more intelligant, id enim eſt vinum aqua miſcere, et alienum ignem altari inferre.*

Idem docet Diuus Gregorius Nazianzenus oratione 5. de Theologia, reſpondens ad argumenta Eunomianorum contra proceſſionem Spiritus Sancti. *Valde, inquit, proſectio turpe eſt, nec turpe ſolum, ſed etiam admodum ſtultum, et inane, ex humilibus, ac terrenis rebus ſuperiorum ſimulacra ſumere, quodque Iſaias ait, videntia in mortuis guarere.*

Ex his igitur alijsque ſimilibus argumentis, ac motiuis extrinſecis poteſt Theologus euidenter negatiuè ſoluere omnia argumenta veritatis fidei ab infidelibus oppoſita, oſtendendo ſe prudenter agere, ſi propoſitiones in eis aſſumptas falſas exiſtimet, atque adeò conſtanter aſſermet, non procedere in cuiusmodi materia probationes ex illis deſumptas.

Obijciat aliquis contra noſtram conſuſionem: ſi ſemel doctrina ſacra ſoluere poſſet euidenter rationes fidei contrarias, & eius myſterijs; ſequeretur quod euidenter etiam cognosceret illa eſſe poſſibilia; cuius tamen oppoſitum ſupra docuimus.

Reſponderetur ad hoc argumentum, concedendo ſequelam illius, ſi doctrina

na ſacra ſolueret tales rationes euidenter poſitiuè, oſtendendo videlicet ex ipſa rei veritate, aut euidentia fundamenti propriæ ſententiæ, falſitatem propoſitionum in illis aſſumptarum. Neganda verò eſt, ſi procedat de ſolutione habente tantum euidentiam negatiuam, & quæ oſtendit talem falſitatem, per alia motiua, & rationes extrinſecas, quibus fideles ſunt prudenter perſuaſi de rei veritate, vt probauimus fieri poſſe.

Igitur magnum eſt diſcrimen, inter hoc, quod ratione naturali poſſit euidenter poſitiuè demonſtrari poſſibilitas myſteriorum ſupernaturalium, ſuppoſita etiam illorum cognitione, per fidem; & inter hoc, quod ratio naturalis, eadem fide ſemper ſuppoſita, poſſit aduerſus infideles defendere talia myſteria non eſſe impoſſibilia: ad iſtud enim ſufficit oſtendere per ſolutionem omnium argumentorum, nullam penitus rationem poſſe demonſtrare impoſſibilia eſſe talia myſteria; quod tamen non ſufficit, vt dicatur poſitiuè probari eorum poſſibilitas. Ex hoc enim quod vna pars non probetur eſſe ſufficienter, aut euidenter negatiuè tantum oſtendatur non ita probari, non, continuò ſequitur, quod altera pars oppoſita ſimpliciter, & abſolute oſtendatur eſſe vera, ſed ſolum quod ex vi talium probationum non ſit falſa.

Vltima conſuſio. Solui non poſſunt euidenter poſitiuè argumenta ab infidelibus facta, directe contra fidem. Hæc conſuſio debet eſſe communis, & certa inter Theologos; probaturque efficaciter. Quia ſoluere euidenter poſitiuè argumenta directe contra fidem ab infidelibus oppoſita, nihil eſt aliud, quam euidenter oſtendere falſitatem principiorum ab eis aſſumptorum, aut ex natura rei, aut ex ipſamet euidentia fundamenti propriæ ſententiæ. Theologus autem id præſtare nō poteſt; vt ſi quis v. g. in materia Trinitatis obijceret: *Nulla natura ſingularis, vel numero vna, poteſt eſſe eadem tribus*

tribus suppositis realiter distinctis: ergo Pater, Filius et Spiritus Sanctus non sunt unus numero Deus: talia, inquam, obijcienti, non posset Theologus euidenter ostendere falsitatem antecédentis; neque ex natura rei, si quidem nõ datur medium aliquod naturale, quo euidenter demonstrari possit; neque, etiam ex euidencia fundamenti propriæ sententiæ, cum Theologus, vt supponimus, euidenciam non habeat eorum quæ credit, vt ex tali euidencia soluat errorẽ oppositum: & sic non posset reddere euidentem fidei veritatem ab intrinseco, & ex proprio fundamento, quod est idem, ac non posse illum soluere euidenter posituẽ. Vnde non minus est certum, ita solui non posse argumẽta infidelium, quàm nõ haberi à nobis mysteriorum fidei euidentiam, nec posse à nobis naturaliter eorum veritatem, aut possibilitatem, demonstrari.

In fine huius capituli, si petat aliquis vnde proveniat talis euidentia, negatiua, qua intellectus cognoscit argumenta omnia contra fidem proponibilia esse solubilia.

Respondetur à lumine naturali, vt tamen adiuto, & eleuato per fidem: fides enim, reddendo intellectum certum de suis veritatibus, excitat illum ad inquirendas, & inuestigandas propositiones illas communes, quibus vt diximus ab extrinseco ostendi potest, argumenta in contrarium ab aduersariis facta nihil, conuincere. Dumque habet aliquis Theologiam, eaque est perfectè instructus, longè adhuc melius id totum præstare valet; accedente etiam diuinæ gratiæ auxilio: Cum enim soluere omnia argumenta, quæ contra fidem adduci possunt, sit res difficilis, & ardua; valdè probabilis est sententia Aegidij Romani quodlib. 5. quæst. 7. docentis, hoc ab homine Theologo rectè præstari non posse, sine peculiari Dei auxilio, quo mens dirigatur in ijs opportunè obseruandis, quæ sint neganda, concedenda, vel di-

stinguenda. Quare non mediocris in aliquo temeritatis nota esset, qui talij operi, præsertim publicè, se accingeret, non præmissis ad Deum precibus, ad implorandum eius auxilium.

Imo Sanctus Gregorius Nazianzenus in orat. 1. de Theologia tradit, hoc munus differendi de rebus diuinis, præsertim vbi agitur de illis defendendis ab aduersariorum obiectionibus, non cuiuslibet esse sed illorum tantum, qui exactissimè explorati sunt, contemplandique acumine excellunt, qui etiam, et corpus, et animam vitiorum sordibus purgant, aut iam in hoc toti sunt, vt se à vitiorum labe purgent. Vbi præter ingenium peracutum, singularemque doctrinæ peritiã, requiritur insuper in eo, qui de fide disputaturus est, vt se à vitiorum sordibus, impuritatibusque emundet; vt hostes inuisibiles superando, visibiles nullo cum negotio propulsare, ac debellare valeat. Sed de hoc satis, de quo longior sermo redibit sect. 9. huius libri cap. 5.

CAPVT VI.

Quod Fidei Christiana mysteria, quæ docet Ecclesia Catholica Romana sint euidenter credibilia.

Cum ad declarandã Fidei Christianæ veritatem, quodque eius mysterijs assensum præbentes: leuiter haud credant, quasi indoctas fabulas sequerentur, non parùm imo efficaciter conducat euidentia credibilitatis talium mysteriorum, tanquam diuinitus reuelatorum; si quidem implicat esse aliquid ex natura sua euidenter credibile fide diuina, aut tanquam à Deo reuelatum, quod sit falsum, aut impossibile; quia multa ex signis, & argumentis, quibus ea, quæ sunt Fidei Christianæ, proponuntur tanquã euidenter credibilia fide diuina, nullum, aliud habent, nec habere possunt auctorem præter Deum, quem facile constat

constat nulla penitus ratione mentiri, aut falsum testificari posse. Postquam superiori capite in hunc eundem finem declarandi veritatem mysteriorum fidei nostræ, defendendique illam aduersus omnes inimicorum eius insidias, ostendimus cuncta eorum argumenta apertè solui, ac dilui posse; superest vt in præsentī agamus de euidētia credibilitatis eiusdem.

Relictis igitur speculatiuis omnibus considerationibus, primò circa principium eiusdem, vtrum nimirum proueniat à lumine fidei, habituque supernaturali illius, vel ab aliquo alio: secundò circa necessitatem illius ad susceptionem fidei; vtrum nimirum prærequiratur ad illam in singulis fidelibus euidens notitia obiectorum, per fidem credendorum secundum rationem credibilitatis, de quibus omnibus, alijsque similibus disputant inter se Doctores in tractatu de fide 2.2. quæst. 1. artic. 4. Iam solum probare contendimus in communi (quod est proprium Theologiæ Polemicæ munus) ita fidei Christianæ obiecta, quæ tenet Ecclesia Catholica Romana, esse obscura, & à Deo obscurè reuelata, omnique lumini naturali imperuia, vt tamen habeant euidētiā credibilitatis testimonij diuini secundum se, ratione cuius propositio illorum facta cum motiuis, & argumentis talis credibilitatis proprijs, sit sufficiens, vt quis possit, ac debeat rationabiliter illis assentiri tanquam veris, & à Deo reuelatis.

Pro cuius intelligentia notandum est primò, cum Fides Christiana innitatur solo Dei reuelantis testimonio, & eatenus res sint credibiles fide diuina, quatenus constat Deum esse, qui illas testificatur, aut reuelat, dupliciter intelligi posse, quod euidenter probari possit credibilitas fidei Christianæ. Primò quia fiat euidens ipsa testificatio Dei: secundò, quia licet non fiat euidens, sit tamen euidenter credibile Deum testificari. Etsi autem aliqui

Theologi putent cum Caietano loco citato 22. argumenta credibilitatis fidei Catholicæ, esse ita efficacia, vt nò solum probent esse euidenter credibile Deum testificari, sed euidentem, etiam faciant locutionem, & testificationem Dei, quam tradunt minimè destruere rationem fidei, sed cum eius obscuritate compossibilem esse; In præsentī tamen difficultas procedit solum de euidētia credibilitatis secundò modo, videlicet, euidenter credibile esse, Deum testificari veritates per Ecclesiam Catholicam ad credendum propositas, hoc enim sufficit, vt tales veritates sint, & dicantur absolute credibiles fide diuina, atque adeò dignæ, quibus firmissimum, sine vllò erroris, aut leuitatis periculo præbeamus assensum. Quia autem intellectus dupliciter cōvinci potest ab obiecto euidenter credibili, vno modo ad iudicandum tantum euidenter esse credibile; alio modo ad illud credendum. Ad primum non requiritur vt intellectus iuueatur à voluntate nisi quantum ad exercitium, sicut in assensu scientifico; secus autem ad secundum, vbi necessaria est motio voluntatis determinantis, & captiuantis intellectum in obsequium fidei, ex communi doctorū sententia. Vnde non est opus, vt omnes qui euidenter iudicant aliquod esse credibile, statim credant, nec possint dissentire. Vt satis patet in infidelibus posituiis, qui habita sufficienti rerum per fidem diuinam credendarum propositione, illas tamen non credunt. In tantum enim sufficienter proponuntur alicui res per fidem diuinam credendæ, atque adeò tenetur ex præcepto diuino ad illas credendum, in quantum habet euidētiā credibilitatis talium rerum; siue dictamen prudentiæ euidens, quod facit eiusmodi euidētia, præsupponit esse aliquas rationes speculatiuas, quibus intellectus inducitur ad credendum; sine quibus non esset prudentia credere, sed leuitas cordis. Sicut illis semel positis non

cre-

credere, est summa cordis stultitia, & durities.

Observandum est secundò, rem aliquam dici posse evidentem tripliciter, vno modo maximè propriè, quòd ipsa in se immediatè cognoscitur, ita vt vel sensibus percipiatur, vt res omnes, quæ sunt in conspectu nostro, vel habita terminorum explicatione, statim apprehendatur: vt sunt prima, principia, v. g. omne totum est maius sua parte. Secundò propriè, quòd res per suas veras, & immediatas causas cognoscitur. Cum enim in causis maximè æquiuocis eminenter contineatur, tota ratio, & essentia effectus, si semel tales causæ clarè, & euidenter cognoscantur, secundum illam rationem, vel habitudinem principij, & causæ, quam habent ad suos effectus, debent etiam illis, & per illas clarè, & euidenter cognosci huiusmodi effectus, non solum quo ad an est, sed etiam, quo ad quid est ipsorum. Ratio est, quia sicuti se habet res in ratione suæ entitatis, ita quoque se habet in ratione suæ intelligibilitatis, cum vnumquodque sit intelligibile, in quantum & eo modo, quo est ens; vnde causa, quæ continet in se totam rei alterius entitatem, & quidditatem, eius quoque ratio, seu intelligibilitas continet totam illius rei alterius intelligibilitatem. Tertiò res aliqua potest dici euidens impropriè, & imperfectè, quòd cognoscitur per causam, aut in causa merè virtuali, & instrumentali, vel in effectù, vel in signo habente rationè effectus; Etsi enim causa, quæ effectù tantum virtualiter continet, & tanquam instrumentum non possit clarè repræsentare effectum quo ad quid est, potest tamen id præstare, quo ad an est, quando talis causa instrumentalis, & effectus necessariam inter se habent connexionem; similiter causam in effectù suo, aut in aliquo signo habente rationem effectus, quodque non sit merum signum, non videri clarè & euidenter quid sit, sed tantum quod

sit; id quoque patet, quia idcirco Deus non videtur quidditatiuè in creaturis, per quas tamen videtur quo ad an est.

Nota me dixisse, rem in effectù, vel in aliquo signo habente rationem, effectus clarè videri, quod sit: quia, qui videt merum alicuius rei signum, & quod non est effectus illius: quomodo verba nostra sunt solummodo signa conceptus, seu iudicij loquentis, nec videt euidenter quid, aut etiam, quod sit res illa cuius est signum. Vnde qui audiret Deum clarè dicentem, aut reuelantem se esse Vnum & Trinum, vel Petrum dicentem, sibi lapidem esse grauem, videret quidem; seu clarè cognosceret vocem, seu verbum; & locutionem Petri; clarè quoque cognosceret, quod Petrus vult loqui, & quod concipit verba, quæ profert; non enim loquitur nisi ex intellectu, & vt agens artificiale; attamen non videret, sed tantum obscuret intelligeret, & lapidem esse durum, & Petrum id ita de facto iudicare; quia iudicij istius nullo modo effectus, sed tantummodo signum est illud verbum, seu propositio vocalis Petri, quandoquidem Petrus potest mentiri id dicendo, quo in casu non habebit illud de lapide duro iudicium, & tamen producit signum. In quo distinguitur à locutione Dei, qui cum nulla penitus ratione mentiri possit, stante euentia talis locutionis ex parte Dei attestantis, non solum possumus cognoscere euidenter Deum velle loqui, & quod concipit verba, quæ profert, sed etiam quod loquitur conformiter ad suam mentem; non tamen propterea clarè, aut euidenter, sed certò tantum cognoscimus per fidem rem ipsam, quam attestatur, vt docent illi Theologi, qui existimant euidentiam testificationis, vel attestantis non officere fidei, & quantumcumque sit euidens Deum testificari, manere in euidentibus obiectum ipsum.

Observandum est tertio nomine *credibilitatis* nihil aliud à Catholicis intelligi, quam *dignitatem quandam*, & qua-

& quæſ meritum in obiecto, ut credatur: quæ dignitas forſſiliter ei conuenit ratione motiuorum, quæ ſunt rationes ſufficienter propoſitæ, ob quæ obiectum; quod ſic denominatur credibile, prudenter iudicatur eſſe dignum, quod credatur; vnde credibilitas duo reſpicit; primum ſunt ipſa motiua fidei, ſeu rationes, propter quæ veritas propoſita, eſt digna, quæ credatur, & hæc reſpicit tanquam formalem ſuam rationem; ſecundum, quod ipſa credibilitas reſpicit, eſt aſſenſus fidei diuinæ, vel humane, ſecundum quod res aliqua per vnam aut alteram credenda proponitur, & hunc aſſenſum reſpicit tanquam finem vltimum, ad quem in genere credendi ordinatur. Hinc aliud eſt aliquid eſſe verum, & aliud eſſe credibile, etiam dicta de vno & eodem obiecto, id enim dicitur eſſe verum, quod ita eſt in ſe, vt à me cognoscitur; credibile verò quod dignum eſt, vt à me, vel ab altero credatur.

Ex quibus omnibus colligo vltimò, hæc duo valde inter ſe diſtingui, aliquid eſſe euidenter verum, & aliquid eſſe euidenter credibile; tunc enim aliquid eſt euidenter verum, ſi vno trium modorum primo notando enumeratorum nobis innotescat, euidenter verò credibile, quando euidenter conſtat de motiuis illis, aut rationibus ob quas dignum eſt, quod ab vnoquoque credatur. Vnde etiam hæc duo valde inter ſe diſtinguntur, poſſe probari aliquid eſſe euidenter verum, aut poſſibile, & poſſe probari aliquid eſſe euidenter credibile; nam id, per quod aliquid oſtenditur eſſe euidenter credibile, eſt ſemper externum rei ipſe creditæ, ſunt enim ipſa motiua fidei, quæ oſtendunt rem eſſe dignam, cui à viro prudenti ſine vlla leuitatis nota, fides adhibeatur; medium autem per quod aliquid oſtenditur eſſe poſſibile, aut verum, eſt intrinſecum rei cognita. Quare ex eo quod myſteria noſtrę fidei, ſeu principia Theologica poſſint probari euidenter credibilia, non ſe-

Bibliot. Theol. Tom. V.

quitur illa etiam poſſe probari euidenter poſſibilia, aut vera, cum rã dix poſſibilitatis, aut veritatis non ſit ipſa credibilitas; eſt enim omnino extrinſeca rei cognoscenda; ſed debeat eſſe aliquid et intrinſecum, aut intrinſecè coniuñctum, vt fuſius explicabitur in ſolutione argumentorum.

His prænotatis certiffimum puto, Fidem Catholicam Romanam, myſteriaque per illam propoſita tanquam diuinitus reuelata, eſſe euidentia in generali ratione credibilis.

Primò id apertè colligitur ex Sacra Scriptura Pfalmo 92. *Testimonia tua credibilia facta ſunt nimis.* Illa enim particula *nimis* non videtur minorem quam euidentem credibilitatem ſignificare. Et ita D. Thomas 2.2. quæſt. 1. artic. 4. ad 2. ait, *Ea quæ ſubſunt fidei, dupliciter conſiderari poſſe. Vno modo in ſpeciali, (ſiue ſecundum propriam materiam;) et ſic non poſſunt eſſe ſimul viſa et credita. Alio modo in generali, ſcilicet ſub communi ratione credibilis: et ſic ſunt viſa (ſeu euidenter cognita) ab eo qui credit. Non enim crederet, niſi videret, ea eſſe credenda, vel propter euidentiam, vel propter aliquid eiufmodi.* Eandem doctrinam habet ibidem artic. 5. ad 1.

Etſi autem principalis huiuſce noſtrę conſuſionis probandæ, & infidelibus perſuadendæ ratio conſiſtat in eo, quod adduceremus de factò motiua, omnia, ſeu notas aut ſigna veræ, & à Deo reuelatæ religionis, quæ ad amuſſim noſtrę religioni Chriſtianæ conuenire oſtenderentur: non deſunt tamen aliæ etiam rationes communes, & ex principiis ab infidelibus facilè concedendis deſumptæ, quibus euidentiam, & certitudinem fidei Catholicæ Romanæ, quo ad eius credibilitatem demonſtrare poſſimus.

Prima igitur ratio deſumitur ex ſuauitate diuinæ providentiæ, libenter enim admittent infideles, Deum tamen agnoſcentes, ipſum ſingulari cura rebus creatis maxime humanis provide-

C

re,

re, & inter omnes creaturas corporeas peculiarem homini gubernando providentiam impendere; quamobrem, quem salutis, beatitudinisque veræ, ac æternæ capacem creavit, eidem quoque media ad illius consecutionem, apta, & commoda suppeditare debuisset; vnde cum inter illa primum locum teneat veræ religionis cognitio, profecto credendum est nobis Deum in illa indicanda, certoque demonstranda non defuisse. Quia autem ob maius fidei nostræ meritum, talem cognitionem potuit velle esse in se obscuram & inevidentem, solique suæ revelationi tanquam unico assentiendi, & cognoscendi medio innotentem, sicuti de facto est illa cognitio, quam per fidem Catholicam habemus de rebus à Deo reuelatis, oportuit divinam huiusmodi revelationem notis suis proprijs adeo claris, & evidentibus esse insigni, ut omnibus veram religionem per illam edoctam sincerè, ac serio, & cum ea, quæ in tanto negotio exigitur, diligentia inquirentibus facile occurreret, manifestèque & evidenter credibilis fieret.

Secunda ratio desumitur ex natura, & conditionibus fidei, quam sibi religionem aliquam reuelanti Deus adhiberi petit. Fides enim Divina, & supernaturalis, quæ Deo aliquid attestanti credere debemus nullam secum patitur dubitationem, sed dicit firmam, adhesionem, & qui existimat aliquid esse dignum, quod credatur fidei divinæ, debet simul iudicare illud tam esse certum, ut eius oppositum non possit eadem fide credi, vel æstimari ab ullo posse credi; ut faciliè concedat quicumque infidelis, cui solo luminis naturalis ductu evidenter cõstare potest Deum nulla penitus ratione posse mentiri, aut fallere. Igitur supposito quod fides Catholica Romana, sit vera & divina fides, ut patebit infra ex proprijs veræ, ac divinæ fidei notis illi competentibus, debuit providere Deus de medio, quo circa veritates supernaturales ab

illa propositas, tanquam à Deo reuelatas, firmissimum, qui decet fidem divinam, assensum eliciere possemus; stante autem obscuritate obiectiva talium veritatum, nullum aliud medium aptius, conditionique humanæ accommodatius esse potuit, quam si redderentur evidenter credibiles, omnis enim certitudo cognitionis, petitur ex aliqua evidentiâ, quia autem in fide divina deficit evidentiâ intrinseca, certè firmissima certitudo, & intellectus adhesio, quam exigit à nobis assensus fidei, debuit saltem dispositivè reduci in aliquam aliam evidentem, præcognitionem, qualis est in fide credibilitatis ipsius cognitio.

Confirmatur hæc ratio, ut aliquis assensus eliciatur prudenter circa aliquod obiectum, ea animi firmitate, quæ maior esse, aut concipi non potest, certè cognitio credibilitatis illum antecedens debet proportionari firmitati & certitudini, quæ debet inesse tali assensui eliciendo, quia vnumquodque debet credi pro ea dignitate quam habet, & ut conditio postulat; sic quândo assensus scientificus debet elici, cognitio credibilitatis obiecti scibilis talem assensum antecedens, debet esse maior & perfectior in tali genere cognitionis, quam sit cognitio credibilitatis obiecti antecedens assensum topicum, seu probabilem circa illud eliciendum; Cum ergo firmitas, & certitudo, quæ debet inesse assensui fidei divinæ, qualis est Catholica Romana circa veritates supernaturales ab illa propositas, tanquam à Deo reuelatas, ad quem etiam assensum eliciendum, ipsa talium veritatum credibilitas tanquam ad ultimum omnino finem ordinatur, sit summa in genere istius cognitionis, ita ut nulla alia maior dari possit. certè ad eiusmodi fidei supernaturalis assensum prudenter, & conformiter ad naturam rerum eliciendum, ipsa etiam veritatum supernaturalium tanquam à Deo reuelatarum credibilitas, ut prius cognita, quam assensus fidei

fidei circa illas producat, debet esse summa: unde, cum nulla detur maior, quam quæ est cum euidencia, ad hoc ut fides Catholica, veritatesque supernaturales per illam proposita, tanquam diuinitus reuelata acceptarentur; nec cessasse fuit, ut id prius hominibus non quidem euidenter verum, sed euidenter credibile appareret. Nec sufficiebat probabilis tantum credibilitas, sed et tali firmitate, & immutabilitate assensus; si quidem dispositiones saltem proximæ, proportionem maximam, cum forma habere debent: at iudiciū hoc euidens de credibilitate obiecti per fidem diuinam credendi, est vltima dispositio ad assensum fidei diuinæ ex parte intellectus, ergo non tantum debet esse probabile, sed firmissimum, & immobile, sicut est assensus ipse respectu veritatis rerum credendarum; talis autem certitudo iudicij prærequiriti non potest esse obscura, & sine euidencia; nam certitudo cum obscuritate solum conuenit fidei, & cognitioni Theologicæ, quæ ex fide generatur, cum tamen iudicium illud credibilitatis præcedat fidem: ergo est certitudo coniuncta euidencia.

Insuper cum eius, quod propriè cēsetur probabile, vtrique pars tam negans, quam affirmans, merito & prudenter credibilis apparere possit, si semel ad amplectendam fidem diuinam sufficeret iudicium probabile de credibilitate obiecti, cum hoc facile mutari possit, ob plerasque rationes probabiles, quæ in tali casu pro parte opposita occurrere possent; sequeretur eum, qui mysterijs fidei ritè propostis, tanquam à Deo reuelatis assensum dedit; posse prudenter & sine peccato fidem diuinam abijcere; quod sanè dici non potest, non alia ratione, nisi quia in rebus fidei, antequam credantur, debet constare de earum euidenti credibilitate, tanquam rerum diuinitus reuelatarum, qua excluditur omnis prorsus probabilitas credibilitatis circa oppositum, nec non etiam

formido, seu potentia prudenter formidandi, ne fortè id, quod creditur, non sit prudenter credibile. In tantum enim quis in rebus probabiliter solum & non euidenter credibilibus potest vni sententia: ita prudenter adherere, ut contraria sit ei probabilis, vnaque; relicta possit alteram amplecti, in quantum neutra pars est firmiter credenda; ut vera, sed tantum ut probabiliter vera, & cum formidine ne pars opposita sit vera; eo quod non raro duæ propositiones etiam contradictoriæ, tot apparentibus rationibus fulciri possint, ut ambæ appareant probabiles.

Itaque fides diuina in hoc distinguitur ab alijs virtutibus, quod ad prudenter, & honestè operandum in illis non prærequiritur semper iudiciū euidens, v.g. ad volendum ex misericordia succurrere alicui pauperi, non oportet cognoscere, quod sit euidenter pauper, sed posito solum iudicio probabili de paupertate illius, datur actus prudentiæ rationabiliter dictans, hic & nunc honestum esse sequi illud iudicium probabile; cum non tantum vera, & necessaria, sed etiam probabilis proximi miseria subleuanda, sit sufficiens materia exercendæ misericordiæ, ad quam pertinet quæcumque miseriam alienam subleuare. Cæterum stante firmitate, & immobilitate fidei diuinæ, cui sola ratio assentiendi est reuelatio Dei, idem est penitus prudenter illam amplecti, ac præuia euidencia credibilitatis illius, tanquam à Deo reuelatæ.

Tertiò tandem & vltimò probatur conclusio, quia illud est propriè euidenter credibile, tanquam reuelatum diuinitus, ad quod iudicandum, esse dignum, ut credatur fide diuina, & supernaturali, habemus omnia prorsus argumenta seu motiua, quibus res aliqua potest dici certò & euidenter credibilis tali fide: atqui ad indicandum fidem Catholicam Romanam, veritatesque supernaturales per illam propositas esse dignas, quæ credantur

fide diuina, tot dedit Deus, & ita euidentia motiua, maxime si sumantur collectiue, vt si per impossibile deciperentur, qui fidem Catholicam amplectuntur, posset non immerito quisque eorum vsurpare, vtrius illa Riccardi à Sancto Viatore lib. vi. de Trinitate cap. 12. *Domine si errar. est, quod credimus, te decepti sumus, nam in nobis tantis signis, et prodigijs confirmati sumus, et talibus, que non nisi per te fieri possunt, ergo fides Catholica Romana, veritatemque supernaturalem maxime per illam propositam, tanquam diuinitus reuelatam, sunt euidenter credibiles fide diuina, & supernaturali.*

Major huius argumenti patet, si quidem nomine credibilitatis nihil aliud intelligitur in presenti, quam dignitas quaedam, & quasi meritum in obiecto, vt credatur, sicut in principio huius capitis prenotauimus, quæ dignitas cum non sequatur præcisè naturam rei, sed formaliter ei conueniat ratione motiuorum, quæ adducuntur, vt obiectum, quod denominatur credibile, prudenter iudicetur esse dignum, quod credatur, manifestè sequitur illud esse euidenter credibile, quod euidentibus, & irrefragabilibus nititur argumentis ac motiuis, sicut per oppositum aliquid dicitur tantum probabiliter credibile, quod probabilibus solum comprobatur signis, aut suasionibus, cum credibilitas præcisè sequatur conditionem suasionis, & argumentorum eius. Vnde maiorem hanc sic explicatam non negaret infidelis, maxime si semel sibi persuaderet inter signa illa, & motiua esse aliqua, quæ nullum alium quam Deum possunt habere, autorem.

Minor autem in qua sicut, & in alijs præcedentium argumentorum, tota est difficultas, efficacius probari non potest, quam notando primò, nos in illa non subsumere, aut intendere, quod doctrina fidei nostræ possit euidentibus argumentis demonstrari, quo ad euidentiam aut certitudinem rei,

sed tantum quo ad euidentiam, & certitudinem credibilitatis: Deinde adducendo de facto omnia argumentorum genera, quibus Deus optimus, maximus testimonia sua credibilia nimis fieri voluit, quod in subsequenti sectione accuratè præstare conabimur, si prius breuiter satisfecerimus aliquibus objectionibus, quæ possunt fieri contra doctrinam à nobis huc usque stabilitam.

CAP. V. VII.

Soluntur objectiones, maxime cur ita manifestè euidentia fidei Catholice credibilitate, tot sunt homines qui illi assensum non præbent.

MVLTA possent in presenti adduci objectiones contra doctrinam superiori capite stabilitam de euidentia credibilitatis fidei Catholice, à qua doctrina sacra sua accipit principia, verum quia multa illarum potius pugnant contra necessitatem euidentie credibilitatis ad susceptionem fidei, vtrum nimirum ad susceptionem diuinæ fidei euidentia notitia obiecti debeat necessariò præsupponi secundum rationem credibilitatis, loquendo modo ordinario, cum inquam plures objectiones pugnent potius contra hanc necessitatem, cuius examen in tractatu de fide referuamus, quam contra euidentiam credibilitatis fidei catholice absolutè, & secundum se consideratæ, quam in presenti probare intendimus, libenter ab illis abstinemus, solumque aliquas difficiliores afferemus contra prædictam euidentiam credibilitatis vt sic.

Obijcitur primò, si tanta esset fidei Catholice euidentia in genere, & in vniuersum, vt spectatis diligenter omnibus motiuis & argumentis infra explicandis, non seorsim, sed simul sumptis, ac inter se comparatis, dicenda esset euidenter credibilis, siue digna cui firmissima adhibeatur fides, Quomodo tot infi-

infidelium genera, Paganorum, Iudeorum, Mahometanorum & hereticorum, non solum illas non amplectuntur, sed ita obstinate impugnant, ac persequuntur.

Respondetur hanc obiectionem retorqueri posse si enim fides Catholica Romana, non esset in genere, & in uniuersum euidenter credibilis: quomodo tot, ac penè innumeri sapientissimorum, & sanctissimorum hominum, miliones illam amplexi sunt, ac in dies amplius augetur, ut patet ex historiis nostris, his, ita ut recte dici possit cum Beatus Augustinus lib. 2 de ciuitate Dei cap. 8, qui tota mundo credentes non credit, magnum ipse est prodigium. Quod ergo tot sapientissimorum, ac sanctissimorum hominum, millionibus firmiter credentibus alij non credant, non est in causa, quod fides Catholica non sit in se, & ex natura sua, euidenter credibilis, sed ad alias rationes, quæcumque illæ sint, recurri potest ac debet; cum tamen alia esse non possit tot hominum millibus fidem Catholicam carni & sanguini repugnantem, amplectendi, quam sola eius veritas, & euidenter credibilitas, præ omnibus alijs credibilibus.

Causæ igitur cur tot infidelium genera in sua hac usque infidelitate perseverarunt, possunt esse primò ex defectu propositionis, quia plerumque fidei nostræ argumenta, ac motiua, vel nunquam, vel sufficienter eis, & ut oportet explicata non fuerunt, cum debita videlicet diligenter, assidue, facilitate, & ordine quo fieri debet.

Vel secundò, si sic expòsita fuerunt, ad illa penetranda peruenire non potuerunt septem de causis, quas affert Guillelmus Parisiensis lib. 1. de fide cap. 2. Prima est ignorantia mensuræ, & capacitatis intellectus humani. Qui enim intellectum suum omnia capere existimat, credit ex necessitate non esse, quidquid in intellectu suo non inuenit. Quemadmodum si quis crederet intra circulum, vel cælum lunæ esse omnia, necesse haberet credere non esse, quid-

quid intra ipsum non inueniret. Hæc igitur est causa, propter quam quidquid intellectus eorum non capit, non esse credunt. Tu ergo adverte hoc, & crede in te ipsum, si magnum mensuratum, & limitatum, in illa capacitate, ab ipso Creatore suo Deo, qui posuit ei termini, quos quosque, & quantum capiat, capacitate sua natus est, multa apud se secretis reseruans, & obsecunda cum volueris, & quando volueris, reserues.

Secunda causa, est auersio intellectus ab eis, quæ credenda sunt. Quemadmodum enim qui auersus habet oculos ab eis, quæ videntur sunt, & conuersos ad alia videntia, videre non potest in ista auersione esse qui intellectum habent auersum ab eis, quæ credenda sunt, & conuersum ad contraria credenda, credere non possunt in ista auersione. Hi sunt, qui tanto amore amplectuntur opinioniones suas, & sectas, ut de contrarijs, si quidem cogitare velint, itaque odio auersi sunt, & contrarij contrarijs eorum suorum, ut ea nec respicere, illatenus velint. Tu autem scias quia idem est cogitare, quod credere siue intellectum intrare, atque inspicere, & quia amor conuersio est ad amatum, & odium auersio est ab eo, quod oditur, quod ipse conuersiones, & auersiones corporales indicat & ostendunt, velut umbræ & similitudines quædam interiorum siue spiritualium conuersionum, & auersionum. Manifestum igitur est, propter quid huiusmodi homines ea, quæ credenda sunt, credere, seu videre non possunt: non enim datum est hominibus videre post tergum suum, neque videre sine intuitu, & aspectu. Tertia causa erroris est, ipsarum subtilitas, quæ turbidior, & grosso intellectui visibiles non sunt. Quemadmodum enim visus aded turbidus, & grossus est, ut ab eo pilos videri non possint, & visus quo pilus, & pillo gracilius videri potest, sic & in intellectu, bus hominum similem differentiam, & comparisonem esse contingit. Quemadmodum igitur homines grossi, & tur-

bidi

vidi pilum non videntes ubi est, & contendunt, & iurant ipsum ibi non esse, propter eius subtilitatem & gracilitatem ipsum non videntes, & ipsum videntibus credere nolentes: sic ea, quæ ex fide, quam diximus, credenda sunt, propter sui subtilitatem, grossities, & turbiditas intellectus vulgarium, & indoctorum hominum non capiens, ea non esse, & credit, & contendit, & deierat.

Quarta causa est, remotio, siue distantia, hoc est longinquitas à rebus credendis: & hæc longinquitas est imperitia, & inexercitatio in illis: sicut dicit Aristoteles, imperiti veluti longè distantes speculantur. Qui enim in sensibilibus versantur, aut in alijs quæ longè sunt à credendis, versantur, & commorantur assidue, longè sunt indubitanter ab illis, & propter hoc illa videre non possunt, qui nec studio, nec exercitatione ad illa appropinquauerunt.

Quinta verò causa est stultitia, quæ volunt intelligere intellectu naturali per se id, quod per se capi non potest. Quemadmodum si quis visu humano veller videre, quidquid aquilino visu videri potest, aut altitudinem stature suæ longè desuper eminentem contingere, & quæ in ea sunt manu capere: sic breuior intellectus credendorum altitudinem non attingit, & intellectus naturalis ad ea, quæ supra ipsum sunt, per se nullatenus extendit se.

Sexta causa est inquisitio probationum, probationes enim velut scalæ sunt quibus attingitur ad probata. Quia verò ad ea, quæ fidei sunt, scala huiusmodi non pertingit, cum non habent aliquas probationes inde quales vellent, ideo deest illis scala, vel omnino, vel saltem eius altitudinis, quæ huiusmodi res attingat. Hi tanquam deficiente scala, altitudine ascendenda incomparabiliter breuiori, ad ea, nullatenus ascendunt, eo quod solas probationes scalam, quæ illuc contingat, ascendere opinantur.

Septima causa est peccatum, siue negligentia, quæ diuinum adiutorium ad ipsa credenda non quaeritur, seu quod-

cumque aliud, quod viam gratiæ destruit, & concludit. Hactenus Guillelmus Parisiensis simplici quidem stylo, sed eleuato sensu.

Insuper ut aliquid de nostro proficeramus, existimo tot infidelium generas etiam diligenter, & ut oportet expositis credibilitatis fidei Catholice motiuis, & argumentis, in sua huc vsque infidelitate perseverasse, primo defectu præsertim studiose attentionis, & considerationis ad illa penetranda requisita, iuxta illud Psalmi 45. *Vacate, & videte quoniam ego sum Dominus*. Quam tamen diligentiam, & examen ipsi terrenis rebus dediti, & immoderato sæculi affectu exsecari volunt adhibere: non tamen ideo excusantur à peccato, debent enim attendere, & inquirere, & non inquirent. Quod potissimum habet locum in Paganis, & Mahometanis. Secundo multi apud se taciti agnoscunt optima quidem, & efficacissima esse ad probandam euidenter fidei Catholice credibilitatem argumenta: nihilominus aliquando in proprijs retinentur erroribus spiritu superbie & ambitionis, vel mundano, & diabolico meru, ne videantur victi à Catholicis, vel habeantur indocti, quod hactenus in errore, & ignorantia versati fuerint; sæpe etiam id agunt & dissimulant spe alicuius lucri, vel præmij temporalis, ne suis priuentur pensionibus & honoribus, quod maxime verum est in hæreticis, quemadmodum plures ex ijs proprio ore confessi sunt. Denique sæpius contingit occulto, sed iusto Dei iudicio, ut nec hæretici, nec ceteri infideles auditis Catholicorum rationibus conuertantur, quia grauissima peccata perpetrarunt, quibus reddiderant se gratia diuina indignos, vnde etiam incidunt in reprobum sensum, ut peccatum sit causa peccati, & videntes non videant, audientes non intelligant, quoniam Deus spreuit eos. Quod Apostolus asserit de Iudæis 2. Corinth. cap. 3. dum ait, velamen positum esse ante faciem eorum, quando legitur ab illis Moyse-

torum

eorum præclaro quodam D. Augustini testimonio illustrare placet ex tractatu 1. in Ioaninem ad illa verba, *erat lux vera*, &c. ubi ait lucem hominum, esse verbum diuinum, quo homines illuminantur non pecora. *Sed forte*, inquit, *stulta corda adhuc capere istam lucem non valent, quia peccatis suis aggrauantur, ut eam videre non possint, non ideo cogitent quasi absentem esse lucem, quia eam videre non possunt: ipsi enim propter peccata tenebra sunt, & lux in tenebris lucet, & tenebre eam non comprehenderunt.*

Obijcitur 1. Euidencia cogit intellectum ad assensum, ergo si fides Catholica semel esset euidens in ratione credibilis, illi necessario veritatibusque ab illa propositis assentiretur intellectus; cuius tamen oppositum experimur, patetque ex eo quod opus sit pia affectione voluntatis pro determinando intellectu ad præbendum illis assensum, captiuando illum in obsequium fidei.

Respondetur ad hoc argumentum, euidenciam quidem credibilitatis rectè penetratam cogere intellectum ad assensum credibilitatis fidei Catholicæ, veritatumque illius tanquam diuinitus reuelatarum, non tamen ad assensum veritatis illarum: hæc enim duo inter se maxime differunt, cum euidencia veritatis causetur in nobis, vel ex cognitione rei per causam, vel per proprios effectus, vel ex eo quod penetratur immediata connexio prædicata cum subiecto in illa; euidencia autem credibilitatis petatur ab aliquibus signis, aut motiuis, quæ sunt omnino extrinsecæ rei credendæ, & eius veritati: vnde euidencia potest tantum cogere, seu necessitare intellectum ad assensum sibi correspondentem, ita ut sicut euidencia rei necessitat intellectum ad assensum veritatis illius, sic etiam euidencia credibilitatis necessitat tantummodo intellectum eius, in quo est, ad assensum credibilitatis, & non ad assensum veritatis fidei, quæ non obstante euidencia credibilitatis, remanet semper in se ob-

scura, cum fides tali euidenciæ non innitatur tanquam motiui credendi, sed tantum testimonio Dei obscure cognito saltem obiectiue: adeoque requiritur semper ut voluntas erga res fidei piè affecta intellectum moueat ad earum assensum; etsi enim quod euidens est intellectum conuincat, nolentemque trahat, ut ipsa experientia satis demonstrat; obscurum tamen, quale est semper obiectum fidei ex parte rei reuelatæ, etiam post penetratam euidenciam eius credibilitatem, cum non penetratur ab intellectu, non ei tantam vim inferre potest, ut ipsum per se determinet ad assensum, sed necesse est ut talis determinatio fiat à voluntate captiuante intellectum in obsequium Dei, quatenus per eius impulsus fidei Christianæ & Catholicæ subijcitur.

Itaque sicut licet plerumque sciamus euidenter bonum virtutis ex gr. temperantiæ esse nobis prudenter amabile, possumus tamen illum non amare, quia vel mala consuetudo, vel libido, aut alia perturbatio nos transuersos rapit. Ita similiter licet nobis euidens sit, obiectum fidei Catholicæ esse prudenter credibile, nullasque alias sectas posse prudenter retineri, possumus tamen nolle credere, & affectu deprauato in alijs sectis retinendis, aut sequendis relicta fide Catholica imprudenter agere: eo quod euidencia credibilitatis, ut iam diximus, non sit euidencia ipsorum mysteriorum in se, nec assensus quo iudicamus immediatè, aut intrinsecè esse vera, sed quo iudicamus tantum bonum, & honestum, & debitum esse illa credere: & ita cum fides Catholica, eiusque veritates sint ratione talis obscuritatis, suæque supernaturalitatis maxime difficiles, & captum humanum longè excedentes, nisi præter rationes illas, & motiua, quibus eas esse prudenter credibiles & credendas euidenter constat, accedat adhuc pia quædam voluntatis affectio ex supernaturali Dei auxilio, vel etiam certa quædam cognitio, quod Ecclē-

Ecclesia, quæ ea proponit, regatur à Spiritu Sancto, & eo nomine infallibiles sint eius propositiones, nunquam alia motiua sufficient, vt de facto credatur, sicut oportet, eaque firmitate, qua opus est.

Indè colligendum est, ad assensum fidei duplicem prærequiri actû voluntatis, vnum quo voluntas moueat intellectum, ad cogitandum de obiecto fidei, & ad querendas rationes propter quas obiectum illud fiat credibile: alterum, quo post tales sufficientes rationes inuentas, ac propositas, voluntas determinet intellectum ad eliciendum assensum fidei. Cum tamen ad scientiam sufficiat actus voluntatis, quo moueatur intellectus ad cogitandum de illius obiecto, semel enim propositis rationibus, quibus obiectum scientiæ euidenter verum esse demonstratur, manet intellectus intrinsecè determinatus ad illius assensum; absque eo quod vlla de nouo extrinseca voluntatis determinatione indigeat. Quo fit vt Concilia, & Patres doceant hominem nonnisi volentem credere, ipsum credulitatis affectum spectare ad initium fidei, homines credendo mereri, quia actus fidei à libera voluntate proximè præcipitur. At actus scientiæ dicitur necessarius, esto actus liber voluntatis ad eam remotè concurrat.

Obijciunt 3. si principia Theologicæ, seu veritates fidei supernaturales, essent euidenter credibiles, essent etiam euidenter possibiles, adeoque euidenter veræ, quia in æternis, quale est v.g. Trinitatis mysterium, idem est esse, & posse; sed repugnat ex doctrina superioribus capitibus tradita, quod supernaturales fidei nostræ veritates sint nobis euidenter veræ, aut possibiles, ergo & credibiles.

Respondetur ad hoc argumentum negando sequelam maioris, nam primò credibilitas rei alicuius, & eius possibilitas, aut veritas, loquendo de illis in tota sua latitudine, & prout abstrahunt à materia fidei diuinæ, non habent

inter se connexionem, non solum respectu diuersorum intellectuum, sed neque etiam respectu vnius, & eiusdem intellectus, quasi, qui positivè iudicat aliquid esse euidenter credibile, iudicet etiam positivè saltem implicite & consequenter illud idem esse possibile, aut verum; vt enim superiori capite iam præmonuimus, contingit plerumque, vt res impossibilis fiat credibilis, vt vel ex eo patet, quod non raro duæ propositiones contradictoriè oppositæ tot rationibus, ac momentis hinc indè fulciantur, vt fiant ambæ credibiles; cum tamen vna sit determinatè vera, alia determinatè falsa, atque adeo impossibilis. Cuius rei hæc est ratio, quod possibilitas, aut veritas sequuntur naturam rei, petunturque ex intrinsicis eius principijs; intantum enim aliquid est verum, aut possibile, in quantum extrema illius positivam habent aptitudinè, aut saltem non repugnantiam, vt coniungantur inter se, itaque rem, quam dicimus aut possibilem, aut possibilem constituent; vnde etiam in tantum aliquid dicitur euidenter verum, aut possibile, in quantum vel videatur in seipso, vel cognoscitur per causam, vel per effectum aliquem connaturalem; ipsaque necessaria connexio prædicati cum subiecto penetratur.

At credibilitas sequitur conditionè suasionis, & argumentorum eius, siue res ita se habeant, vt hæc testimonia asserunt, siue non: si quis enim diceret aliquid verum, è contrà verò triginta alij viri sanctitate, & eruditione clarissimi assererent oppositum, cuius tamen falsitas minimè appareret, licet deciperentur, ille verò minimè, tunc quod isti triginta dicerent, esset magis credibile, quamvis non æquè verum, quàm quod vnus ille assereret, quia credibilitas innititur solum authoritate, & testimonio; authoritas autem, & testimonium triginta hominum tam doctrinæ, quàm magnæ sanctitate præditorum, præponderat authoritati vnius tantum priuatæ, & ordinariæ personæ.

Mani-

Manifeste ergo patet hæc duo, credibilitatem videlicet rei alicuius, & eius possibilitatem aut veritatem, non habere necessariam inter se connexionem in ordine ad nostrum intellectum; cum enim medium probandæ, & ostendendæ possibilitatis rei, vt iam diximus, sit intrinsecum, medium verò credibilitatis eiusdem sit extrinsecum, sicut hæc media, & obiecta non seruant inter se necessariam connexionem, sed vnum illorum potest esse sine alio, ita etiam nec assensus vnus, puta, credibilitatis, habet necessariam connexionem cum assensu possibilitatis rei, sed ille prior potest esse sine isto posteriori; dummodo tamen non habeatur dissensus certus, & euident, de ipsa impossibilitate talis rei, siue obiecti, quia, qui sic iudicat, aliquod obiectum esse impossibile, quamdiu sic iudicat, non potest iudicare illud esse credibile, siquidem iudicat etiã eos decipi, qui asserunt oppositum, neque eorum testimonia esse sufficientia pro credibilitate illius, cum aliter testentur de illa re, quam ipse certò, & euidenter iudicat; & sic est verissimum, illud quod est euidenter impossibile, esse etiam euidenter incredibile; non tamen vice versa, quod est euidenter credibile, est euidenter possibile, valet, aut est propositio vera, quin potius falsa; quatenus potest fieri, vt quis habeat euidentiam credibilitatis rei (quia pro illa habet motiua & argumenta tam aperta, vt sit indignum viro prudente illud, in cuius sunt testimonium, iudicare non esse dignum quod credatur) qui tamen non habeat euidentiam possibilitatis eiusdem istius rei, vt potè qui non attingit, aut penetrat, conuenientiam, vel non repugnantiam veritatem illius inter se.

Secundò responderetur, quod etiam si in materia fidei diuinæ, & supernaturalis, hæc duo nimirum aliquod obiectum esse credibile, & possibile aut verum, necessariam inter se connexionem habeant, propter diuinæ prouidentiae suauitatem, cuius nõ est permittere aliquid

Bibliot. Theol. Tom. V.

sub suo nomine & autoritate, tam firmiter & per tanta motiua confirmari, vt prudenter iudicari posset esse illud firmiter, & immobiliter credendum, quod tamen reipsa esset falsum: maxime cum ad assentiendum per fidem diuinam, & infusam, nulla alia via de lege ordinaria nobis præsto sit, quam per iudicium illud, quo articuli fidei & credibiles, & reipsa credendi euidenter iudicantur: unde si huic viæ ordinariæ falsum reipsa subesset, non posset hic error in fidem ipsam non refundi. Etiam si, inquam, ita res se habeat in materia fidei infusæ: nihilominus tamen motiua illa, & argumenta credibilitatis obiectorum fidei, necessariam & euidentem connexionem non habent cum assensu veritatis eorumdem, ita vt quicumque assentitur ipsis motiuis, iudicando ex illis res fidei esse euidenter credibiles, deueniat illicò ad cognitionem possibilitatis illarum; quia cum non attingantur positiuè, nisi cognitis earum extremis, & intrinseca quam habent ad inuicem connexionem, & entitas eiusmodi mysteriorum transcendat vim, & limites intellectus creati secundum naturæ suæ vires præcisè considerati, ipsa autem illorum credibilitas minimè, quia motiua eius sunt nostro intellectui sic considerato proportionata, hinc fit, vt cognoscat quidem euidenter credibilitatem illorum, nulla tamen habita positiua cognitione possibilitatis, aut veritatis illorum. Hinc propositio illa, *omne reuelatum à Deo, est euidenter verum, aut possibile*, est falsa, vt etiam patet ex definitione fidei ab Apostolo tradita ad Hebræos cap. 11. *quod sit argumentum non apparentium*; E contra ista propositio, *omne reuelatum à Deo, est euidenter credibile*, est vera, cum fidei nostræ motiua & argumenta euidenter ostendant, illam esse dignam, cui firmiter & immobiliter adhareatur.

Instabit aliquis & dicet, quod est euidenter impossibile, est euidenter incredibile, vt statim diximus; ergo per oppositum quod est euidenter credibi-

D

le, est

le, est etiam evidenter possibile; sed fidei nostræ mysteria sunt evidenter credibilia, ergo etiam & evidenter possibilia; Antecedens huius argumenti est certum; probatur prima consequentia, quia iuxta regulam Dialecticorum bene arguitur ab opposito consequentis ad oppositum antecedentis, sed in præsentia sic arguitur, nempe ab evidenter credibili, quod opponitur evidenter incredibili, quod erat consequens in priori argumento, ad evidenter possibile, quod est oppositum evidenter impossibili, quod erat antecedens prioris argumenti, seu propositionis hypotheticæ.

Respondetur ad hoc argumentum, concedendo antecedens, & negando consequentiam, ad cuius probationem dicimus regulam illam allatam, quæ docent Dialectici, *consequentiam valere ab opposito consequentis ad oppositum antecedentis*, habere tantummodò locum inter opposita contradictoriæ, sic enim datur immediata oppositio, ratione cuius necesse est vno existente vero, alterum esse falsum; habetur exemplum in hoc argumento, *Petrus est homo, ergo est animal*, non enim argueretur bene, *Petrus non est animal, ergo est brutum*, cum tamen brutum sit oppositum hominis, quia non opponitur homini contradictoriæ, sed contrariæ; solum ergo potest argui, *Petrus non est animal, ergo non est homo*, quod est arguere ad contradictoriam antecedentis, seu ad negatiam illius. Sic in præsentia cum isti duo termini possibile, & impossibile, secundum quod ponuntur in argumento non sint contradictorii; nam copula verbalis ponitur in utraque illa consequentia modo affirmatiua, vt per se patet, at lex contradictoriarum est vt vnæ sit affirmans, altera negans, & propositio in ratione propositionis, non tantum attenditur penes subiectum, & prædicatum, sed penes convenientiam, vel disconvenientiam, quam habent ad se inuicem, quatenus coniunguntur inter se, vel negantur per copulam verbalem; cum, inquam, isti duo termini possibi-

le, & impossibile non opponantur contradictoriæ, non est mirum quod allata consequentia non valeat.

Vt igitur argumentum hoc fieret ex opposito consequentis, ad oppositum antecedentis, deberet hoc modo construi; *Hoc obiectum est evidenter impossibile, ergo est evidenter incredibile*, per oppositum, *Hoc obiectum non est evidenter incredibile, ergo non est evidenter impossibile*: tunc enim seruaretur regula, & argueretur ad oppositum contradictorium antecedentis; quæ consequentia semper debet esse bona; nihil tamen obstat instituto nostro, non tantum, quia ambæ sunt negatiuæ, & non oppositæ contradictoriæ; sed etiam quia libenter admittimus, quod insertur in hac utraque consequentia, cum enim veritates fidei nostræ sint verissimæ, & evidenter credibiles, vt diximus, & omne verum vel existat, vel saltem sit possibile, rectè sequitur illas non posse esse evidenter incredibiles, nec evidenter impossibiles.

Ob eandem etiam rationem, quod possibile & impossibile non sint contradictoriæ opposita, non sequitur, quod intellectus nihil iudicando de possibilitate, statim iudicet saltem interpretatiuè tale obiectum esse impossibile, vt enim diximus supra, datur medium inter illa duo, scilicet nec iudicare possibile, nec impossibile, quia nimirum intellectus secundum sua naturalia consideratus, non caret medio ad probandam possibilitatem, quam ad probandam impossibilitatem mysteriorum fidei, cum tamen non careat medio ad cognoscendam credibilitatem eorum, sicque in illo priori quo intellectus solâ obiecti credibilitatem cognoscit evidenter, assensus, nec est impossibile, nec possibile respectu nostri, sed credibilium tantum. Dixi respectu nostri, quia in se sunt omnino possibilia, & nullo modo impossibilia supernaturalia fidei nostræ mysteria.

SECTIO SECVNDA

Examinantur in particulari præcipua motiua,
vel argumenta quibus Fidei Catholicæ
Romanæ myſteria ſunt euiden-
ter credibilia.

CAPVT PRIMVM.

*Aſſertur generalis quedam diuſſa argumentorum ſeu motiuorum, quibus
Theologus probare poſſit euidenter credibilem eſſe Chriſtianam
Fidem, vel doctrinam quam vt à Deo reuelatam
proſeſſetur Eccleſia Catholica Romana.*



OSTQVAM duobus
ſuperioribus capitulis
oſtendimus veluti in
generali euidentiâ
credibilitatis Chriſtia-
næ Fidei, & Religio-
nis, quam tenet Eccleſia Catholica
Romana, tanquam diuinitus reuela-
tæ; nunc pro-inſtituti noſtri ratione
accuratè explicanda ſunt in particulari
motiua omnia & argumenta, quibus de
ſa&to Deus voluit di&ctam Fidem, & Ec-
cleſiam præ omnibus alijs ſectis muni-
re. Quod quantæ ſit neceſſitatis, &
vtilitatis; patet ex eo, quod in huiusmo-
di motiuis, & argumentis attentè con-
ſideratis, diligenterque expoſitis, pri-
mum habemus vnde ſatiſſaciamus in-
fidelibus, qui Chriſtianam religionem,
tanquam indignam, quæ crederetur, lu-
dibrio habere, & Chriſtianos tanquam
leues corde ſugillare poſſent, quod ita
firmiter per fidem adhæreât rebus adeo
difficilibus, & obſcuris, omnemque
humanæ rationis captum ſuperantibus,
tantum enim abeſt, vt in hoc aliqua
vel minima leuitatis nota laborêt, quin

Bibliot. Theol. Tom. V.

porius non poſſunt non argui ſummæ
cordis duritiæ omnes illi, qui Chriſtia-
næ fidei mentem ſubijcere recuſant,
poſt tot argumenta, & motiua, non
quibus in ſe euidens fiat, ſed quæ, ſeu
ſigna clariffima lumine naturali nota
cuilibet veritatem diligenti demonſtrât
illam eſſe euidenter credibilem tanquã
à Deo reuelatam, ac proinde certam &
infallibilem.

Inſuper cùm explicatio motiuorũ,
ſeu argumentorum fidei Chriſtianæ, ni-
hil ſit aliud, quàm iplamer explicatio
ſingularum veræ Eccleſiæ proprietatũ,
ac notarum ob neceſſariam quam inter
ſe vera fides, & vera Eccleſia habent
connexionem, habemus quoque in illis
vnde veram Eccleſiam, qualis eſt Ca-
tholica Romana, ab omnibus alijs falſis
ſectis diiudicare poſſimus. Ita vt Ec-
cleſia Catholica tot à Deo illius autho-
re motiuis, & argumētis ornata, ſit qua-
ſi ſol quidam, qui radios lucis clariffi-
mos vndequeque diffundit, vt facilime
per eos ab omnibus cognosci poſſit.

Tandem hæc vna ferè via ſecundum
prouidentiam Dei ordinariam poſſumus

infideles ad fidem pertrahere, cum enim duo potissimum in illa reperiuntur, vnum est assensus intellectus in ea, quæ credenda tanquam diuinitus reuelata, media prædicatione proponuntur, alterum ipsæ res, seu mysteria ad credendum proposita; ita Deus est author, & causa primus, homines interius prouocando, & mouendo, tum per illustrationes, & inspirationes, quas immittit; tum per ipsum lumen fidei internum quod infundit, vt tamen totum negotium conuersionis infidelium, quantum est ex parte ministrorum Euangelicorum, consistat in debita, & accurata explicatione motiuorum exteriorum, hoc est, argumentorum a rebus sub aliquem sensum exteriorem per se cadentibus desumptorum, quibus tanquam sensibilibus notis ac signis, debet primum venienti ad fidem euidenter innotescere non quidem veritas, sed credibilitas illius. Ita enim ex vna parte Deus voluit dare locum merito, dum captiuamus intellectum in obsequium fidei certo & immobiliter assentiendo toti mysterijs in esse rei nobis omnino inevidentibus & obscuris, ob solam Dei sic illa obscure reuelantis auctoritatem, vt tamen ex alia voluerit illud idem obsequium nostrum esse rationale, neminem proinde ad fidei suspensionem obligando, quin prius euidentem illius habeat cognitionem secundum rationem credibilitatis, vt ex communi Theologorum sententia suo loco Deo dante docebitur.

Cum ergo res ita se habeat, quod veritas fidei sit obscura, & quod intellectus, vt præbeat assensum rei obscuræ, prærequirit hanc euidentiam credibilitatis, qua alliciat ad formandum assensum; quodque proinde præcipuum sedulorum ac prudentum doctrinæ Euangelicæ prædicatorum studium, & labor in illa credibilitate veritatis fidei suadenda versari debeat; maiori quam poterimus claritate conabimur proponere, & explicare motiua illa, & argumenta extrinseca, quibus hæc euident

cognitio credibilitatis necessario prærequisita in adulto ad suspensionem fidei, potest ipsi facilius ingenerari, non solum de obiecto materiali fidei, seu veritatis fidei propositæ ad credendum, sed de ipso formali obiecto fidei, id est, quo res illa, quæ sub ijs motiuis proponitur credenda fide diuina, sit a Deo reuelata.

Et quamuis in numero eiusmodi motiuorum, aut argumentorum designando, ipsisque recensendis Catholici Scriptores nonnihil variant, dum alij plura, alij pauciora enumerant; alij vocant signa diuinæ testificationis, alij notas Ecclesiæ Dei, reipsa tamen nulla est dissensio; si quidem diuersa ratione plura aut pauciora numerant, diuersisque nominibus motiuorum, notarum, ac signorum appellari possunt; neque semper propositum fuit singulis scriptoribus, exacte omnia numerare, sed ea, quæ vel potissima, vel magis perspicua & notabilia viderentur. Qualia mihi quidem præcipue videntur subsequenter, quæ memoria iuuandæ causa in quinque principales classes possunt contrahi; vt prima complectatur, quæ sumuntur ex parte eius cui creditur, qualia sunt miracula, & signa in fidei Catholicæ confirmationem a solo Deo primario eius authore facta; vaticinia, veræque prophetiæ oracula, seu consensus veteris, & noui testamenti, cum sint in veteri testamento prophetice annuntiata, quæ in nouo referuntur adamussim, impleta. Qualia denique sunt qualitates, & conditiones primariæ causæ efficientis in genere moris ipsius Christianæ religionis, id est, authoris eius, scilicet Christi, causarumque instrumentum in eodem genere, vt fuerunt Apostoli, & alij discipuli Christi Domini.

Secundæ classis sint, quæ deducuntur ex parte eius quod creditur, qualia sunt integritas, & sanctitas doctrinæ Christianæ, eiusque concordia cum ratione humana, & disciplinis, vis & efficacia in mutandis, & afficiendis animis.

Ter-

Tertie, quæ ex parte eorum qui credunt, qualia ſunt ſanctitas inſignis, mutatio admirabilis, patientia inuincibilis, multitudo innumerabilis eorum, qui ex omni conditione, ætate, & ſexu fidem Chriſtianam & Catholicam amplexi ſunt.

Quartæ, quæ ex modo ſtabilite, & propagatæ fidei, vt quod tam ardua & difficilia creditu, tot Philoſophis, Principibus, populis, & tyrannis contradicentibus, perſuaſa ſint à viris rudibus, & ſimplicibus; Secundò huc facit interminabilis eius amplitudo, qua non ſolùm omnia tempora, ſed etiam omnia loca, omnes nationes, omnia denique hominum genera ita complectitur, vt perfectiſſimam tamen doctrinæ concordiam & vnitatem habeant. Eodem pertinet tertio cõtinuata ſucceſſio Romanorum, adeòque Summorum Pontificum; quarto ordo pulcherrimus in magna varietate, atque differentia graduum, & officiorum Chriſtianæ diſciplinæ.

Quintæ tandem & vltimæ, quæ ex parte eorum qui non credunt, quatenus primò doctrinæ Chriſtianæ ea viſ & authoritas eſt, vt aduerſarij etiam vel inuiti coacti fuerint perhibere testimonium eius veritati; pertinet ſecundò ad hanc claſſem punitio & infaustus exitus eorum, Iudaorum maximè, qui fidem noſtram expugnarunt.

CAPVT II.

Explicatur primum Fidei Catholica Romana motiuum à miraculis ductum.

AD primam claſſem argumentorũ, aut motiuorum euidentiam credibilitatis fidei Catholicæ probantium, ex parte eius cui creditur, Dei videlicet reuelantis, primùm omnium reduco argumentum à miraculis ductum. Illa igitur fides eſt euidenter credibilis tanquam diuinitus reuelata, adeoque certa & infaillibilis, ad quam fundandam, & confirmandam innumera à Deo patrata

sunt miracula, & prodigia: talis eſt fides Chriſtiana & Catholica ſive Romana, quæ toto orbe diſfuſa eſt; nequaquàm autem vlla alia infidelium, aut hæreticorum ſecta: ergo illa ſola pro vera fide ac religione prudenter habenda eſt.

Hoc argumento vtuntur Arnobius lib. 2. contra Gentes, D. Chriſoſtomus homilia 3. in 2. epistolam ad Corinthios D. Auguſtinus lib. 22. de ciuitate Dei cap. 8. & libro de vtilitate credendi cap. 14. 15. & 16. alijque SS. PP. paſſim. *Quin etiam hanc fidei notam, & teſſeram dedis Chriſtus Dominus Marci 16. ſigna autem eos, qui crediderint, hæc ſequentur in nomine meo demonia efficiunt linguis loquentur nouis, &c. & D. Matthæi 11. Chriſtus, vt ſe Meſſiam oſtenderet, enuntes, inquit, renuntiate Ioanni, quæ audistis, & vidistis, cæci vident, claudi ambulant, ſurdi audiunt, &c.*

Ad explicandam autem irrefragabilem huius argumenti authoritatem & efficaciam ſex à nobis ſunt breuiter examinanda. *Primò* quid ſit verum miraculum; *Secundò* quod ſola virtute diuina poſſint patrari vera miracula; *Tertiò* fidem aut religionem veris, ac diuinis miraculis confirmatam neceſſario eſſe veram, ſive repugnare quod religio veris, ac diuinis miraculis comprobata, ſit falſa; *Quartò* veræ religionis propria eſſe miracula, ita vt non aliter vera Religio conuenienter fundari, & inſtuiti poſſit, quam miraculis; *quintò* miracula veritatem alicuius religionis probantia, debere eſſe publica, & euidentiffima; *Sextò* tandem & vltimò tot ac tantis, tamque certis de factis confirmatam fuiſſe miraculis fidem Catholicam Romanam, vt nemo ſanæ

mentis, de eius veritate

iam dubitare

poſſit.



CAPVT III.

*Traditur vera ratio miraculi, & ad Deum
solum miraculorum editionem
pertinere ostenditur.*

ETI aliquoties in veteri testamen-
to nomen miraculi habeatur, nuf-
quam tamen in nouo vsurpatur, sed lo-
co illius, substituitur nomen signi, &
prodigij, quotiescumque fit mentio ali-
quorum operum vires naturæ exceden-
tium, sic ætym Apostolicorum cap. 2.
*Iesum, inquit, Nazarenum virum appro-
batum à Deo in nobis, virtutibus, & pro-
digijs, & signis que fecit Deus per illum;*
&c. & cap. 5. *per manus autem Apostolo-
rum fiebant signa, & prodigia multa in
plebe,* quæ græcè *simicia*, & *têrata* di-
cuntur: ea fortè ratione quod talia ope-
ra tam à Christo, quam ab Apostolis
suprà naturæ vires præstita, non tantum
admirationem excitarent, quod signifi-
cat vox miraculi: sed quod aliquid aliud
nobis indicarent, nempe Christum
Messiam, esse Deum & hominem, &
mundi seruatorem.

Verum quidquid sit de hoc, certum
est omnia ista nomina miraculum,
prodigium, signum, portentum, mira-
bile & similia, pro vno & eodem indif-
ferenter, ac promiscuè vsurpari posse,
vnde si sumantur in tota sua latitudine,
nihil aliud significant, quam quodcum-
que opus sua vel magnitudine, vel no-
uitate, vel raritate propter occultæ cau-
sæ ignorance, in admirationem in-
ducens, vt colligitur ex D. Augustino
lib. de vtilitate credendi cap. 16. Sic tri-
plici modo intelligi potest aliquid esse mi-
raculum, aut opus miraculosum: pri-
mò simpliciter & absolute, compara-
tione videlicet cuiuslibet naturæ: &
hac significatione nullum est signum,
aut miraculum: nihil enim est, quod
respectu diuinæ potentie ac sapientie
miraculum dici queat. Etenim mira-
culum alicui dicitur, quod eius tam
facultatem, quam intelligentiam exce-

dit: Deus autem, nihil est quod admi-
rari possit, cum & causas omnium que-
runt, & possunt fieri, perfectissime cog-
prehendant, & princeps ipse causis sit ef-
ficiendi omnia. Secundo modo aliquid
dici potest miraculum respectu idiora-
rum, qui ea, quæ sunt ipsis insolita &
inuitata, & quorum causas ignorant,
quoniam maxime admirantur, vocare
solent miracula. Et hac quidem ratio-
ne dicuntur interdum miracula non de-
monum modo, & magorum, sed sapien-
tium etiam hominum inuenta quædam
noua, & artificiosa opera, cuiusmodi
fuerunt illa Archite, Architetis, Boe-
tius, & aliorum plurimum, quorum primus
vt refert Gellius lib. 10. cap. 12. Simu-
lacrum osumbe de ligno, ratione qua-
dam mechanica, ita fecit, vt volaret,
sic erat videlicet libramētis suspensum,
& aura spiritus inclusa, atque occultæ
concoctum. Archimedes ingentem na-
uem oneratam, quam plurima homi-
num turba, vi, labore maximo, moue-
re poterat, hominibus insuper multis,
multisque ponderibus impositis, pro-
cul afflens, & quæta impellens manu,
vi cuiusdam multæ fidæ machinæ, quasi
tranquillo mari prolaberetur, ad se ad-
duxit. Scuerinus autem Boëtius, in
epistola quadam sue à Casiodoro, siue
à Theodorico ad eum scripta, dicitur
miracula quædam fecisse: nempe, vt
metalla mugirent; cneus anguis sibilare-
ret; aues simulate caneretur dulcissime;
homines aerei in aere buccinant. Tã-
dem latini authores pro miraculis co-
luerunt & celebrarunt septem illa in-
gentia mundi opera, hominum indu-
stria, siue viribus confecta, atque elabo-
rata. Tertiò tandem verè ac propriè
miraculum dicitur id opus, quod ita est
insolitum, vt etiam omnis naturæ crea-
tæ vim ac potestatem superet.

Quia autem talis excessus tribus mo-
dis potest contingere, dantur etiam tres
gradus verorum miraculorum. Primò
excessus virium naturæ creatæ potest
esse in eo quod fit, quod nullo modo
tale natura posset facere, quale est, quod
duo

duo corpora sint in eodem loco, aut vnum in duobus &c. & hæc primum tenent locum, aut gradum in miraculis, quia superant vires totius creaturæ secundum substantiam eius quod fit. Secundò excessus virium naturæ creatæ potest esse, non in eo quod fit, sed in eo, vel ex quo res fit, vel in quo fit: potest enim natura facere aurum, vel arborem, sed non ex nihilo; potest etiā natura generare hominem viucentem, sed non eum qui mortuus fuerat, etsi enim natura potestatem habeat in hembryone ad ingenerandam in vitam, non tamen in hoc cadauere; potest item largiri videndi facultatem homini, sed nō ei, qui cæcus natus fuerat; hæc porro secundum in miraculis habent ordinē, quia superant vires naturæ, non secundum substantiam, sed solum secundum materiam, quatenus per creaturam ex tali materia, aut in tali produci non possunt. Tertiò tandem excessus viriū naturæ creatæ, nec est in eo quod fit, neque in eo ex quo, & in quo fit, sed vel in modo, vel in ordine, aut alia simili circumstantia, vt si morbus curetur sine vllō medicamento, aut in instanti: atque hic est infimus miraculorum gradus.

Hanc miraculorum differentiam, ac diuisionem docet D. Thomas in quæst. disputatis 96. quando asserit miracula quædam dici supra naturam, vt est incarnatio verbi; quædam contrā, quando in natura remanet contraria dispositio ad effectum, quem Deus facit: sicut cum seruauit tres pueros in camino ignis, manente tamen virtute comburendi in igne, qui Regis Chaldæorum ministros exulsit, & quando aqua Iordanis stetit, salua grauitate deorsum fluendi. Quædam verò sunt præter naturam, cum producit effectum, quem producere natura valet, sed illo modo, quo natura producere non potest: vel quia deficient instrumenta, quibus natura operatur, sicut cum Christus conuertit aquam in vinum Ioannis 2. Quod tamen natura aliquo modo facere po-

test, dum aqua in nutrimentum vitis assumpta, suo tempore in succum vuz perdigesta producit, vel quia est in diuino opere maior multitudo, quàm natura facere consueuerit, sicut patet de ranis, quæ sunt productæ in Aegypto. Vel quantum ad tempus, sicut cum statim ad inuocationem alicuius Sancti aliquis curatur, quem natura non statim, sed successiue, & in aliquo tempore non in illo curare posset.

Ex his quæ huc vsque circa naturam veri miraculi breuiter adnotauimus, facile colligitur sola virtute diuina posse patrari vera miracula; Etsi enim demones per se ipsos, aut per magos multa mira, eaque vera & non simulata, hoc est inani specie, atque imagine veritatis, sensus hominum fallentiæ præstare possint, nihilominus tamen loquendo de veris miraculis solus Deus est illorum parrator.

Quod in primis aduersus hæreticos diuinas scripturas admittentes, illarum autoritate probari potest, nam Psalmo 71. dicitur, *Benedictus Dominus Deus Israel qui facit mirabilia solus*; & Psalmo 76. *Deus in Sancto via tua: quis Deus magnus sicut Deus noster? tu es Deus qui facis mirabilia*. Rursus Psalmo 85. *Quoniam magnus es tu, & faciens mirabilia: tu es Deus solus*. Vbi per mirabilia, quæ solum Deum facere, ac præstare posse asserit Scriptura, certè debent intelligi vera miracula; nam alia etiam opera mira, quæ non sunt vera miracula possunt aliquando dii gentiū dæmonia illa edere.

Secundò idem aptè colligitur ex illis omnibus noui testamenti locis in quibus Christus Dominus, maxime D. Ioannis cap. 10. 14. 15. & vltimò, ex à se, propriæque virtute, & autoritate, editis miraculis ostendit se esse Deum, Dei filium, & Patri equalem, quod argumentum non esset efficax, si alius quispian, præter Deum, propria virtute posset aliqua vera patrare miracula.

Tertiò, edere signa aut miracula,

ita est veri Dei proprium, vt omnes falsi gentium dii, quos Psalmista dæmones vocat, *omnes dii gentium dæmonia*, non aliter se colendos hominibus perluaferint, vt rectè notat D. Augustinus lib. 10. de ciuitate Dei, cap. 18. quàm mirabilibus operum effectibus.

Quartò S. Thomas in quæstionibus disputatis quæst. 6. artic. 2. ex his tribus, scilicet quod Deus sit rebus naturalibus causa essendi; & quod propriam cognitionem, & providentiam habeat de vnoquoque; & quod non agat ex necessitate naturæ, infert, quod Deus solus possit præter cursum naturæ aliquid agere in particularibus effectibus, vel quantum ad esse, in quantum aliquam formam inducit rebus naturalibus, quam natura inducere non potest sicut formam gloriæ, aut huic materiæ sicut visum in cæco, vel quantum ad operationem, in quantum retinet operationes rerum naturalium ne agant, quod sunt natæ agere, sicut quod ignis non cõburat Danielis 3. vel quod aqua non fluat, vt patet de aqua Iordanis, Iosue 5. sed ex eodem Sancto doctore articulo sequenti, in rebus creatis aliquid operari præter causas naturales, vel contra naturam, aut cursum illius, est verum miraculum, ergò ad solum Deum, qui sic operari potest, pertinet vera signa & miracula edere.

Quemadmodum enim ad eum solû spectat in lege dispensare, qui legem condidit, ita cum solus Deus sit totius entis creati institutor, ad eum solum pertinet patrandò miracula, solitum naturæ cursum pro voluntate sua immutare & peruertere. Non idèò tamen, quod aliqua contra consuetum naturæ cursum, atque ordinem à Deo fiant, intelligendum est, totum vniuersi ordinem tolli aut peracri; sed tantum illum cursum, qui est ex ordine vnius creaturæ ad aliam; atque hoc propter salutem hominis, quæ finis est vniuersi. Quemadmodum enim contra naturam particularem est, quod graue ascēdat; considerata tamen natura vniuer-

fali, quæ horret vacuum, illud, quod, licet sit graue, ascendit, non est contra naturam. Ad eum modum Deus optimus maximus dum miracula aut signa edit, et si aliquid contra cursum naturæ, qui est secundum ordinem vnius creaturæ ad aliam faciat, non tamen contra ordinem creaturæ vniuersalem, quæ bonum, & salutem hominis respicit, & propter quem conditus est orbis. Quod totum rectè explicat S. Thomas quæstione citata de potentia articulo 1. ad 1. & in hoc sensu intelligit quoddam S. Augustini dictum, quod Deus nihil contra naturam facit.

Ex de his satis pro instituti nostri ratione, de quibus suo loco longior aliquando forsitan redibit sermo. Breuiter tantum note, si quando visi sunt dæmones, vel magi dæmonum operta, vera aliqua miracula edere, mortuos exsuscitando, ex lapidibus aut lignis equos, vel leones, aliaque animalia, perfectæ producendo, non esse putandum, sic ea fuisse tunc generata, sed aliundè inuisibiliter illuc allata; vel ea non secundum rei veritatem, sed secundum apparentiam tantum facta fuisse. Quod dupliciter contingere potest ex D. Thoma: vel ab interiori, quia dæmon mutat phantasiam hominis, & sensus corporeos, faciens aliquid ei videri, aliter quam sit, quod etiam interdum fieri dicitur virtute aliquarum rerum corporalium: vel id contingit extrinsecus, cum enim possit dæmon formare quodlibet corpus ex aëre, cuiuscumque voluerit figuræ humanæ, leoninæ, equinæ, &c. vt illud assumens, in eo visibiliter appareat: eadem ratione cuiuscumque rei corporeæ potest circumponere quamcumque formam corpoream, vt in eius specie videatur.

C A P V T I V.

Assignantur aliqua regula, & differentie ad dignoscendum falsū Dæmonum, ac Magorum prestigia à veris miraculis, quæ in sacris litteris, & Ecclesiasticis historijs facta legimus ad confirmationem Fidei Catholica Romane.

C Vm inter opera miraculosè à Deo facta in confirmationem fidei Catholicæ sint aliqua, quæ secundum substantiam considerata non ita, excedunt naturales dæmonum vires, quin eorum ope à Pseudopphetis aliquando fieri possint, sicut Christus Dominus prædixit de Antichristo, multa editurum fore signa, & prodigia, vt præcludamus omnes hæreticorum vias audacter asserentium, efficax proinde & firmum non posse desumē argumentum ex tot miraculis ad fidei Catholicæ confirmationem editis, quod difficile sit iudicare, an illa faciant à Deo, vel à dæmonibus facta, assignandæ sunt aliquæ regulæ & differentia, in quibus vera Dei opera, à falsis & mendacibus dæmonum signis luce meridiana clarius discernere possimus.

Primum igitur, loquendo de veris ac propriè dictis miraculis, quæ omnē naturæ creatæ potestatem excedunt, qualia sunt v. g. mortui excitatio, illuminatio cæci nati, sanatio paralytici & similia, solius Dei concurrentis virtute possunt effici, vnde Aëuum Apostol. cap. 3. cum Petrus & Ioannes claudum ad speciosam portam templi mendicantem in nomine Iesu Christi Nazareni ad sanitatem restituissem, respondit Petrus ad populum, *Viri Israelitæ, quid miramini in hoc, aut nos quid intuemini, quasi nostra virtute, aut potestate fecerimus hunc ambulare? Deus Abraham, & Deus Isaac, & Deus Iacob, Deus Patrum nostrorum glorificauit filium suum Iesum;* &c. v. 7. *Magi autem, & incantatores faciunt opera sua, vel virtute quarundam re-*
Bibliæ. Theol. Tom. V.

rum naturalium, quibus vtuntur occultè, vel adiutorio dæmonum, qui clam illis auxiliantur, vnde licet talia opera mira quidem dici possint, quod in admirationem spectatores eorū causas ignorantes inducant, vera tamen miracula nequaquam, quoniam naturalium virtutem agentium non excedunt; Et ita dicendum de pseudochristis, & pseudopphetis, siue de Antichristo, qui opera dæmonis adiutus, admiranda est editurus.

Secundò vera miracula, & signa, facile dignoscuntur à falsis ex qualitate eorum, qui illa faciunt tanquam ministri, & instrumenta causæ principalis, vera enim miracula, quamuis interdum etiam faciant homines improbi ob rationes capite subsequenti adducendas, raro tamen faciunt, nec nisi ad confirmationem veritatis, diuinæque virtutis declarationem, ordinariè autem sunt à personis sanctissimis, & innocentissimis, quales fuerunt Christus Dominus, & Apostoli, alijque Sancti eorum successores. At Magi, siue malefici, & incantatores, omnesque Pseudopphetæ, homines sunt improbissimi, atque flagitiosissimi, quos proinde adire, & consulere diuinis humanique legibus grauiter interdictum est.

Tertiò vera Dei miracula & opera, à falsis & mendacibus dæmonum, pseudopphetarumque signis diiudicari possunt, diuersitate materiæ, aut factorum, cum enim Magorum signa vnius ferè generis esse soleant, & ad paucas res se extendant; vera Dei miracula & opera diuersorum sunt generum: nam, & in terra, & in aqua, & in aere, & in cælo, & in panibus, & in spiritibus imundis, & in hominibus morboſis, leproſis, à dæmonibus obſeſſis, mortuis, alijsque innumeris rebus, signa à Christo Domino, eiusque discipulis facta, Sacra, & Ecclesiasticæ contestantur historiæ, quæ magnā factorum diuersitas manifestè videtur arguere, talia signa non posse non ab eo prouenire, qui perfectissimum, & absolutissimum habet

E torius

totius naturæ creatæ dominium, qualis est solus Deus.

Quartò, quotiescumque ventum est maxime ad probationem religionis per miracula, aliaque opera admiranda, Magi, & Pseudoprophetae nunquam tot & tanta ediderunt, quin Deus alia longe plura, maiorisque roboris opposuerit, nostrique semper vicerint, sic in antiqua lege exodi cap. 8. Moyses superavit Magos Pharaonis, ipsimetque illud inter sua & Moysis signa discrimen confessi sunt, quando se digito Dei victos agnouerunt; lib. 1. regum, cap. 5. arca Dei reportauit victoriam de Idolo Dagon; lib. 3. regum cap. 8. Elias de prophetis Baal. Et in noua lege Euangelica D. Petrus Simonem, Magum, D. Paulus Elimam vicit; Manichæum frustra conatum filio-regis ægrotanti sanitatem restituere scribit Sanctus Epiphanius hæresi 66. Cyrolam Episcopum Arianum planè excæcasse miserum quemdam, qui se cæcum finxerat, & ab eo præsidium implorabat, refert Gregorius Turonensis lib. 2. historię Francorum cap. 3. Eunomianum quemdam à Sancto Machario victum, in contentione de suscitatione hominis mortui, scribit Ioannes Cassianus collat. 15. cap. 3. tandem vt innumera alia, sitam exempla, Patres sextæ Synodi generalis victoriam reportarunt de Basilichronio Monacho heretico proficiente vnâ tantum voluntatem in Christo Domino, & in confirmationem huius hæresis volente suscitare mortuum, quem non potuit resuscitare, vt fusè refertur citata sexta synodo actione 15. Et quamuis Antichristo maiora quidem permittenda sint à Deo signa & prodigia, quam eo vsque Pseudoprophetae fuerint vnquam permilla, eorum tamen falsitatem poterit facillè deprehendere quilibet fidelis & prudens Catholicus, non solum ex diffusi vniuersalis Ecclesiæ reprobantis illa, & falsam doctrinam illorum exhibitione confirmatam, sed etiam ex veris miraculis, maiorisque roboris signis, quæ Deus tunc An-

tichristi prodigijs opponet, iamque opposuit, ipsam præsertim eorum prædicationem, quæ maius est miraculum, quam ipsamet signa falsa, & mendacia Antichristi: vnde etsi talia futura sint, vt quasi in errorem per ea inducantur electi, & prædestinati illius temporis, ipsi tamen de facto, vt ex Euangelio colligitur, non decipientur, sed fraudè, & fictionem eorum deprehendent.

Quintò si quantitatem operum spectemus, permulta fuerunt Christi, eiusque discipulorum, dicebant enim Iudei de Christo Ioannis 11. *hic homo multa signa facit*; & cap. 7. *Christus cum veneris, nunquid plura signa facies, quam quæ hic facit*: Præterea si adstantes spectemus, tam Christus quam eius discipuli faciebant signa coram multis, & coram paucis; coram amicis, & inimicis acerbis, imò magis coram inimicis, & in illis, quam coram amicis; cum tamen signa falsa, & mendacia non in tanto numero, & quantitate, nec coram multis, sed paucis, illisque ignaris, & benignè affectis siue amicis fieri soleat. Tandem si temporis & loci circumstantias attendamus, legimus miracula à Christo Domino, & Apostolis, aliisque Sanctis viris facta omni tempore, & diurno & nocturno, & die festo, & profecto, & in omni loco, & magis apud pauperes, & infirmos qui plus egebant, nec solum in vicis aut villis, sed etiam coram regibus & principibus, in ipsis florentissimis, & amplissimis mundi ciuitatibus, cum contra superstitioni, & malefici tempora quedam obseruent & loca, quibus ita sunt plerumque alligati, vt extra illa nihil facere possint. Sextò vera Dei miracula & opera maximè distinguuntur à falsis, penes modum quo fiunt, Magi enim in suis operibus edendis, vtuntur multis prestigijs, mendacijs, ludificationibus hominum, varijsque signis & figuris, solent insuper ignota quedam carmina, barbara & insolita nomina, aut verba nihil pensus, vel absurda significantia assumere, & vt plurimum etanculum his

¶ Tunc T. Iod T. operi

operibus vacare : ita vt apertè ostendant se lucem reformidare, & pactum cum dæmone tenebrarū principe iniisse ; vbi Christus & Apostolorumque in fide Christiana successores in cendis miraculis aut signis, nihil vnquam tale fecerunt, sed vel interiori, vel exteriori oratione omnibus nota, atque inuocatione Diuinæ maiestatis, adhibendo interdum vtilia, interdum inutilia, vt cum lutum factum ex sputo Christus adhibuit oculis cæci nati, vt cum bis cæcum redderet, opera sua miraculosa perfectisse legimus.

Septimò si attendamus finem, prestigiorum, & circulatorum finis est, signis suis opes sibi comparare, gloriam venari, curiositatem & vanitatem hominum alere, à diuinis abducere, eosque ad omnia flagitiorum genera, vti sunt furta, adulteria & homicidia impellere. Christum autem, & omnes Sanctos eius imitatores nihil minus, quàm sua quæsiuisse nouimus, cum & diuitias contemnant, & fugiant honores, Dei ergò gloria, & fructus salutis nostræ, finis semper fuerunt miraculorum tam à Christo, quàm à veris Christianis, & catholicæ religionis cultoribus editorum. Similiter non ediderunt signa ob curiositatem, & oculos hominum pascendos ; imo reprehendebat Christus Lucæ 23. ex curiositate quærentes signa, vt Herodem, quem ne verbo quidem dignatus est Dominus ; vel ex infirmitate, vt Regulum cui Ioannis cap. 4. dixit, *Nisi signa & prodigia videritis non creditis* ; vel ex malitia vt Phariseos, quibus Matth. 12. dixit, *Generatio praua & adultera signum quarit, & signum non dabitur ei ; nisi signum Ioanæ Prophete*. Eadem ratione coram dæmone tentante & petente, vt ex lapidibus efficeret panes, aut se præcipientem daret à pinnaulo templi, nullum tale signum, aut simile facere voluit. Quærentes etiam signum non vt Christum cognoscerent, sed vt commoda temporaria consequerentur Ioannis 2. reprehendens dixit : *quæritis me non*

quia vidistis signa, sed quia manducaistis ex panibus & saturati estis. Operamini non cibum qui perit, sed qui permanet in vitam æternam, quem filius hominis dabit vobis ; quasi diceret, abutimini meis signis, quæ in id adhibentur, vt trahant infideles ad me fide amplectendum, & manducandum, qui sum panis vite, non vt trahant ad panem materiale, & ad communicanda hæc bona temporaria. Ob quam causam Christus Dominus, in his, quæ magis sunt necessaria, quæque magis ad spiritualem hominum salutem conducunt, vt in reddenda sanitate, & pellendis spiritibus malignis largior & profusior fuit. Contra verò, in his, quæ putamus spectare ad externâ rerum affluentiam parciore. Quod totum egregiè docuit S. Petrus apud Clementem Romanum lib. 3. recognitionum ; Arnobius lib. 2. aduersus gentes, & Eusebius Cæsariensis lib. 3. de demonstrat. Euangelica cap. 8. quorum verba possumus consuli.

Octauò tandem & vltimò vera Dei opera à falsis dæmonum signis distinguantur ex parte effectuum, ad miracula enim aut alia admiranda opera Dei virtute facta, consequuntur præsentium admiratio simul & animi reuerentia, & magnificatio Dei, gratiarumque actio, quod talem potestatem dederit hominibus, maximeque profunt ad alendam fidem, ad confirmandam spem, & ad inflammandam charitatem nostram ergà Deum, cum interim falsa & mendacia Pseudopphetarum signa contrarios omnino effectus operentur.

Hæc sunt igitur octo principales regulæ ac differentiæ, quibus Deus Optimus Maximus vera sua, & Sanctorum opera à falsis dæmonum discerni voluit, cum enim non solum vera miracula, sed etiam ea dederit opera pro signis efficacissimis ad confirmandam veram religionem & fidem, certè providentia Dei, quæ nec in necessarijs deest, nec patitur nos tentari supra id quod possumus, exigebat, non permittere in dæmone, cuiusque instrumentis ea signa, &

eum ea frequentia, alijsque circumstā-
tijs, in quibus non possent prudenter
à veris, ac diuinis miraculis, & operi-
bus dignosci, dum agitur de confirmā-
da, vel infirmāda aliqua veritate fi-
dei nostræ. Ita vt sint inexcusabiles
omnes illi, qui spretis veris ac diuinis
Ecclesiæ Catholicæ miraculis, alijsque
diuinis operibus in eius approbationē
factis, falsis potius dæmonum & Pseu-
doprophetarum, præstigijs eorumque
doctrinæ fidem adhibent.

Placet hoc caput insigni D. Augu-
stini auctoritate sigillare lib. 83. quæ-
stionum quæst. 79. Vbi docet Magorū
miracula à veris miraculis Sanctorum
virorum diuersa esse dupliciter; tum,
sine propter quem fiunt; tum iure, id
est auctoritate & potestate qua fiunt;
Magi, inquit, faciunt quæ videntur mi-
racula, quærentes gloriam suam; Sancti
viri miracula faciunt, quærentes gloriā
Dei: & illi faciunt per quedam potesta-
tibus concessa in ordine suo, quasi priua-
ta commercia, vel beneficia, isti verò
publica administrationes, & iussu eius, cui
omnis creatura subiecta est. Aliter igitur
faciunt miracula magis & aliter bo-
ni Christiani, & aliter mali Christiani.
Magi per priuatos quosdam contractus:
boni Christiani per publicam iustitiā;
mali Christiani, per signa publicæ iustitiæ,
interdum enim vel schismatici, vel ha-
retici per nomen Christi, aut per sacra-
menta, aut per sacramenta Christiana
exigunt aliquid a demonibus, quibus
inducti est, honori Christi cedere. Quæ
admodum vix nunquam mali milites,
quos imperialis disciplina condemnat,
signis imperatoris sui nonnullos posses-
sors territant, & ab eis aliquid, quod pu-
blice non iubetur, extorquent. Cum au-
tem, malis inuentibus dæmones volunta-
te cedunt, ad seducendos homines cedunt,
quorum errore latantur, cum autem in-
uicti cedunt, in honorem Christi cedere
coguntur. Nec mirum est, ad hoc vale-
re sacra Christi signa à malis Christianis
adhibita, cum etiam ab ijs, qui nullomodo
Christiani erant, usurpata similiter

valuerint, propter honorem videlicet ex-
cellentissimi Imperatoris. Talis fuit is,
de quo discipuli dixerunt Domino, quod
in nomine eius dæmonia egeret, cum ta-
men eum non sequeretur. Si quando
tamen Dæmones non cedunt eiusmodi sa-
cris signis, Deus est, qui prohibet occul-
tis modis, cum id iustum & utile iudicat.
Non enim Dæmones, audent ista signa
contemnere; quin etiam contremiscunt
ad ea, ubicumque prospexerint; sed nec
scientibus hominibus, aliud iubetur di-
uinitus, vel ad confundendos malos, sicut
de Scæua filijs scriptum est in actis Apo-
stolorum cap. 19. quibus dixit Dæmon,
Iesum scio & Paulum noui; vos autem
qui estis? vel ad monendos bonos, vt pro-
ficient in fide, neque illa iactanter, sed
utiliter possint vel ad discernenda dona
membrorum Ecclesiæ, sicut Apostolus di-
xit 1. Corint. cap. 12. Nunquid omnes
virtutes? nunquid omnes dona habent
caritatum? propter has igitur causas,
plerumque nescientibus hominibus iube-
tur diuinitus, vt his signis adhibitis Dæ-
mones voluntati hominum nequaquam
obtemperent. Hactenus D. Augustinus.

C A P V T V.

Afferuntur rationes, cur Deus aliquan-
do pariatur Magos, & Pseudoprophe-
tas facere signa, & prodigia in finem
decepiendos, & à veritate fidei abdu-
cendi, similia veris miraculis.

Q Via, fortasse mirum alicui vide-
ri posset, Deum Optimum Ma-
ximum aliquando permittere, vt magi,
& Pseudopropheta, qui fidei nostræ
veritatibus contradicunt, signa aliqua
& prodigia faciant, similia veris San-
ctorum miraculis: cum ea res, & diui-
næ virtutis, quæ per Sanctos ope-
ratur, obscurare, & vim argumenti
desumpti à tot signis, & prodigijs in
fidei Catholicæ confirmationem edi-
tis, infirmare videatur, postquam su-
periori capite assignauimus regulas, &
differentias, quibus luce meridiana

Sectio II. Caput V.

37

clarius, vera Dei signa, & opera à falsis dæmonum, Pseudoprophetarumque præligijs dijudicari possunt; nunc adducendæ sunt aliquæ rationes, cur sine ullo diuinæ potestatis præiudicio, & efficaciæ argumenti desumpti ab innumeris signis & prodigijs, quibus testimonia sua, hoc est fidem nostram credibilem nimis fieri voluit, aliquandò permiserit Deus, eadem signa, & prodigia quantum ad substantiam fieri a Pseudoprophetis etiam in confirmationem falsæ alicuius doctrinæ, aut dogmatis.

Ad hanc igitur quæstionem primum respondens in homilia 46. super acta Apostolorum D. Chrysostomus ita scribit: *Non doleamus, quod multa sint scita, & multi Pseudochristi veritatem obscurare conantes, sed illa magis fulget manifestaque sit ubique. Hoc, etiam tempore Prophetarum euenit; fuerunt enim tunc plures pseudopropheta: verum ex illorum conspiratione, veri propheta illustriores fuerunt. Etenim morbus sanitatem magis demonstrat, & tenebræ lucem, & tempestas tranquillitatem. Non possunt dicere Græci, quod Propheta & Apostoli, impostores & magi fuerunt; cū istud genus hominum maxime contrariū illis fuerit, & ab illis confutatum & re-dargutum. Hoc etiam Moysi contigit. Permisit Dominus aliquid Magis contra Mosē, ne magus putaretur esse Mosēs. Permisit, magorum exemplo discere omnes, quantum ars magica imponat sensibus: sed non permisit ultra eos progredi, ne ab illis deciperentur homines; sed ipsosmet seruiciosos esse à Mosē cōfessi sunt. Nihil nobis nocent impostores, sed meliores potius reddunt: Hæc D. Chrysostomus, quibus ad præsens institutum, nihil clarius, aut elegantius dici potest.*

Theodoretus hanc ipsam quæstionem, quæ est decima octaua inter quæstiones eius in librum exodi; excitans his verbis: ad quid permisit Deus incantatoribus eadē facere, quæ Mosēs sic illi satisfacit. *Reperiuntur, inquit,*

etiam nunc quidam homines impij dicere audentes, Mosē prodigia illa fecisse arte magica. Quam ob rem Deus concessit tunc incantatoribus, ut quedam facerent similia eorum quæ faciebant Mosēs, quo magis utrorumque discrimen patefceret. Mutabant illi quidem virgas in serpentes; sed virga Mosēs, virgas illorum deuorabat. Mutabant illi aquā in sanguinem; sed sanguinem in priorem aqua naturam reducere non poterant. Postea subiungit; imprudentissimum igitur mendacium est dicere, Mosē artibus magicis prodigia illa perpetrasse: cum contra magi clamarent, signa illa, virtutis esse diuina. Si enim eras imaginarium, quod per Mosē gerebatur, illos quoque similiter effingere oportebat, & artificij sui socium conuincere: at verò disertè consistunt, hoc esse digi-tum Dei.

Præter has tam D. Chrysostomi quam Theodoretæ rationes, non desunt complures aliz; cur Deus aliquando patiatur Magos & Pseudoprophetas signa aliqua facere similia veris ac diuinis miraculis, primum in pœnam eorum qui flagitiosè viuunt, Christi-quæ doctrinam auersantur; nec studio veritatis, sed vanæ curiositatis cupiditate quærunt miracula; tales enim, iusto Dei iudicio permittuntur, ut, qui veritati consentire & acquiescere noluunt, circumueniantur mendacijs, & falsis miraculis persuasi, prauam doctrinam, & falsa dogmata veris ac pijs repudiatis, amplectantur. Hoc enim est quod docuit D. Paulus 2. epistola, ad Thessalonicenses, cap. 11. præmonens venturum Antichristum in omni, virtute, & in signis & prodigijs mendacibus, & in omni seductione iniquitatis, ijs qui porreunt: eo quod charitatem veritatis non receperunt, ut salui fierent. Idcirco mittet illis Dominus operationem erroris, ut credant mendacio: ut inducantur omnes qui non crediderunt veritati, sed consenserunt iniquitati.

Secundò id quoque permittit Deus ad tentandam, exercendamque, ac probandam

bandam fiduciam & constantiam, & pietatem fidelium talia Pseudoprophetarum signa cernentium; num propter hæc in fide diuinorum promissorum, & veri Dei cultu deficiant, aut titubent. Sic Deuteronomij cap. 13. legimus Deum prædixisse Hebræis, suo permisso venturos pseudoprophetas, signa & portenta facientes, vt ea ratione tententur atque explorētur Hebræorum animi, num sincerè ac perseueranter Deum suum colant, & diligant; & Dominus noster Iesus Christus apud S. Matthæum cap. 24. loquens de die iudicij: *Surgens, inquit, pseudochristi, & pseudopropheta, & dabunt signa magna & prodigia, ita vt in errorem inducantur, si fieri potest etiam electi.*

Tertiò Pseudoprophetarum signa facientium exemplo, voluit Deus, vt intelligeremus, quædam miracula etiam sceleratos homines facere, quæta Sancti facere non possunt; nec ideo tamen potiori loco apud Deum esse arbitrari debere. Non enim acceptiores Deo, inquit D. Augustinus in opere 83. quæstionum, quæst. 79. quam populus Israel, erant magi Aegyptiorum, quod non posset populus ille facere, quod illi magi faciebant, quamuis Moses in virtute Dei maiora facere potuerit. Sed ideo non omnibus Sanctis ista tribuantur, ne perniciosissimo errore decipiantur infirmi, existimantes in talibus factis maiora dona esse, quam in operibus iustitiæ, quibus æterna vita comparatur. Propterea Dominus Lucæ cap. 10. prohibuit gaudere discipulos, cum ait: *Nolite in hoc gaudere, quoniam spiritus vobis subiunguntur; sed in hoc gaudere, quoniam nomina vestra scripta sunt in calis.*

Quartò vt ex his clarius nobis infinita Dei potentia ac virtus, fideique nostræ veritas appareret, in cuius confirmationem plura semper, eaque maiora & excellentiora præstitit opera Deus, quam vnquam ob rationes allatas fieri permiserit à Pseudoprophe-

tis in probationem falsæ suæ doctrinæ, vt superiori capite diximus. Vnde si aliquorum spiritualis ruina indè aliquando oriatur, certè talis ruina, merè per accidens, & ex malitia adstantium sequitur ad eiusmodi falsorum signorum visionem, cuius proindè non est author Deus, nisi permisiuè, sufficit enim primum quod nunquā Deus ad vera aliqua miracula simul cum Magis aut Pseudoprophetis concurreat in confirmationem alicuius falsæ doctrinæ, ob rationem sequenti capite afferendam; aut si aliquando per modum primæ causæ, ad aliqua signa aut prodigia virtute naturali demonum, factibilia: concurreat simul cum Magis, & Pseudoprophetis ad falsæ doctrinæ probationem illis abutentibus, sufficiunt tot verorum & falsorum miraculorum discrimina, quibus sua ab illis demonū ita distingui, illisque præcellere voluit Deus, vt illis muniti, ac plenè persuasi, omnes fidei scrupulos, & dubitationes, quas Satanaspargit, facillè diluamus, & falsa hæreticorum aliorumque Pseudoprophetarum signa oculis nostris conspecta, vt de fide suspecta, & mendacia reiiciamus, & confutemus.

CAPVT VI.

Repugnare quod fides, aut religio veris, ac diuinis miraculis probata, sit falsa.

HÆc conclusio facillè colligitur ex dictis, eadem enim ratione qua repugnat Deum posse mentiri, aut falsum dicere, eadem penitus repugnat rem, quam suo testimonio confirmat, posse esse non veram aut falsam; atqui vera miracula pro religione confirmanda facta, sunt propria Dei loquentis testimonia; ergo repugnat, quod religio veris ac diuinis miraculis probata non solum sit falsa, sed vel minimam habeat falsitatis vmbra; vt enim rectè ait D. Augustinus epistola

stola 8. quæ est ad Sanctum Hieronymum, *quàm testimonia mendacia esse non debent, tam non debere fauere mendacio*; si igitur miracula Dei semper & ex fine suo proprio sunt eiusdem. Dei loquentis testimonia, nullo modo mendacio fauere dicenda sunt; talia autem esse, non solum ex eo constat, quod ita sint proprii Dei effectus, ut à nullo alio quam ab ipso fieri possint, sed etiam apertè colligitur ex modo loquendi Sacræ Scripturæ, in qua miracula appellari solent testificationes Dei, ad Hebræos cap. 12. *constante Deo signis & portentis*. Marci ultimo, *Domino cooperante, & sermonem confirmante sequentibus signis*, & ideo Christus Ioannis 10. de operibus suis dicebat: *ipsa testimonium perhibent de me, operibus credite*. Semel ergo ac alicui constabit per regulas superius assignatas, aliqua vera miracula, aut alia signa extraordinaria à Deo fuisse facta in confirmationem alicuius fidei, aut religionis, non est quod amplius de eius veritate dubitetur, sunt enim eiusmodi miracula ipsamet vox Dei, ut docet D. Augustinus epist. 49. qu. 6. *Deus, inquit, mirabilibus operibus loquitur*; sunt, inquam subscriptiones, & sigilla, quibus ea, quæ proponit, voluit Deus ad maiorem eorum notitiam, maioremque certitudinem obfirmare. Possset aliquis dicere repugnare quidem quod religio veris, ac diuinis miraculis probata, sit falsa, quando eiusmodi miracula immediatè à Deo fierent in confirmationem illius; at quia fortasse potest Deus cum aliquo alio concurrere ad vera miracula, quibus ipse abuti velit ad persuadendum & confirmandum aliquid falsum, iam ex hoc capite miracula facta aut exhibita in confirmationem alienius doctrinæ, non videntur esse infallibile signum, aut argumentum veræ fidei, quodque eam faciat verè credibilem & credendam. Respondetur ad hanc instantiam, eo ipso quod vera miracula ut potè

totam naturæ potestatem exuperantia sola virtute diuina supernaturaliter fieri possint, iamque ob eam rationem ex communi hominum sensu à natura ipsa insito censentur specialia signa, & sigilla, quibus Deus in scripturis specialiter voluntatem suam, & doctrinam à se reuelatam contestari dicitur: omnino repugnare quod cum aliquo concurrat ad talia vera miracula, quando petuntur ab illo, vel vult illis uti in confirmationem falsitatis, maxime in illis circumstantiis, in quibus non posset aliundè facile constare per se vera miracula, prout à Deo procedunt, non fieri ad confirmandam aut probandam illam doctrinam falsam, sed ob alium finem bonum ab ipso intentum, quia hoc esset planè Deum testificari falsum, aut mentiri, hominesque directè & per se inducere in errorem, ut statim probabo.

Imò in talibus circumstantiis, disquisitè agitur maxime de probatione religionis per aliqua signa, existimo repugnare, quod Deus concurrat cum aliquo ad ipsamet opera, quæ naturaliter à Pseudopropheta demonum, ope ac virtute fieri possunt, ut colligitur ex lib. 3. regum cap. 18. ubi refertur ignem non descendisse de cælo ad preces pseudoprophetarum Baal ope diaboli, sed ad preces Eliæ virtute Dei, non quod ignem ex superiori aëris parte in terram demittere, quo multa verè consumantur & perdantur, superet virtutes naturales demonum; cum enim Iob cap. 1. ignis de cælo cecidit, & familiam Iob vnā cum gregibus pecorum vno impetu consumpsit; & turbo domum deiiciens, filios eius occidit; ea fuerunt opera Sathana, non sanè phantastica, sed vera, ut ex D. Augustino docet D. Thomas 1. parte quæst. 114. Sed quia repugnabat infinitæ veracitati Dei, suauitatisque prouidentie eius, qua non permitte homines grauiter & supra vires tentari, post eiusmodi prophetæ sui factam ex instinctu Dei stipulationem

de descensu ignis de cælo in testimonium & signum veræ religionis, verique Dei colendi, sincere diabolū exaudire per ignem Pseudoprophetas in testimonium, & signum colendi falsum eorum Deum Baal: Aut si aliquandò id permittit alia semper excellentiora, maiorisque roboris signa facit, vnde, faciliè deprehendi possit falsitas oppositæ doctrinæ, vt legimus de Magis Pharaonis exodi 7. & 8.

Quod totum à fortiori dicendum videtur de veris miraculis, nā eo ipso quod à solo Deo fieri possunt, ob eamque rationem non solum ex institutione Dei, quam apertè colligimus ex diuinis Scripturis, sed etiam aliquo modo ex natura sua, sunt quasi voces, vel melius litteræ & nutus, quibus nō solum auribus, sed etiam visu percipimus Deum nobiscum loquentem, certè Deus non posset non mentiri, falsitatisque testimonium perhibere, si semel ad vera miracula edenda concurreret cum aliquo illis vrente ad confirmandam falsam doctrinam in talibus circumstantiis, in quibus per se loquendo non posset aliundè nobis constare talia miracula nō fieri à Deo ad confirmandam illam falsam doctrinam, sed ad alium finem bonum diuersum.

Ratio autem huius rei est; quia, vt aduersus Hurtado optimè notat Eminentissimus Cardinalis de Lugo tract. de fide disp. 2. sect. 1. num. 19. & sequentibus; virtus veracitatis obligat, vt non solum non exhibeamus signa ad significandum falsum, sed neque etiam ad aliud verum significandum, quandò talia signa ex se in his circumstantiis determinata sunt per se loquendo, & non solum per accidens ob ignorantiam priuatam alterius, ad significandum illud falsum. Vnde si interrogatus aliquis an sit filius Petri qui re vera est eius pater, responderet non sum, certè illa talis non videretur excusandus à mendacio, & deceptio, ne, ex eo præcisè quod non habet in-

tentionem proferendi ea ad respondendum, sed vel ad probandam vocè, aut exercendam linguam latinam, vel aliquid simile. Nam in ijs circumstantiis voces illæ per se loquendo, significant determinatè intentionem respondendi, & ideo responsio externa illis facta, non potest aliter accipi, quia intentio sola non variat significationem determinatam externam, quam voces vel signa de se habent, & ideo non sufficit ad excusandum à falsitate & mendacio, cuius malitia præcipuè consistit in vsu vocum, vel signorum externorum habentium determinatam significationem externam contra id, quod verum est. Sic dicendum videtur de miraculis veris, eo enim ipso quod determinatè significant auctoritatem diuinam contestantem, non potest Deus qui est infinitè verax, neminemque decipit illa operari nisi in confirmationem doctrinæ veræ; alioquin enim deciperet, vtendo signis, quæ determinata sunt ex se ad significandam veram contestationem, vt illis confirmaret aliquam falsitatem, in illis circumstantiis maximè vbi per se loquendo, nobis constare non posset, talia miracula, prout à Deo procedūt, non fieri ad confirmandam illam doctrinam falsam, sed ad alium finem bonum diuersum.

Semper dixi, non posse fieri à Deo, salua manente infinita eius veritate in testificando, vera miracula in ijs circumstantiis, quibus, aliquo illis abutente ad confirmandam doctrinā falsam, per se loquendo non posset colligi aliundè, quod procederent à Deo, non propter falsam doctrinam confirmandam, sed propter alium bonum finem diuersum. Nam si semel posset nobis apertè constare de tali bono fine à Deo intento, casu quo homo, cui Deus generalem etiam patranda miracula potestatem dedisset, illa abuteretur ad alium finem, comprobandi aliquid falsum, posset fortasse Deus absque vlla deceptionis aut mendacii

nota,

nota, cum illo tali ad verum miraculū concurrere, si quidem vt suppono aliundē manifestē constaret Deum nō operari hic & nunc miraculum ad finem illum prauum falsæ doctrinæ cōfirmandæ, sed propter alios fines bonos, quos iam semel intendisset in prima illa generali concessione potestatis ad patranda miracula. Quod potest declarari exemplo potestatis consecrandi, & conuertendi miraculosē panem, & vinum in corpus, & sanguinem Christi in augustissimo Eucharistiæ Sacramento, quæ conuersio, licet sensibilibiter fieret, sicut debent fieri miracula, quæ sunt motiua, & argumenta credibilitatis fidei nostræ, adhuc fieret, quando Sacerdos consecrare vellet ad finem prauum, vel ad comprobandum errorem, quia aliundē certō & per se constaret vt suppono tale miraculum non fieri à Deo propter illam finem prauum, sed propter veritatem institutionis Sacramenti Eucharistiæ sustinendam.

CAPVT VII.

Quod conuenientissimus Religionis inter homines constituende modus fuerit, illam esse publicis, & euidentibus miraculis, quasi sigillo diuino munitam, & confirmatam.

ET si loquendo de possibili, vel de Deo, apud quem non est impossibile omne verbum, multis alijs modis, quàm miraculis eorumque exhibitione animos nostros flectere, & ad veram fidem pertrahere potuerit, vt egregiē docet S. Thomas quodlib. 2. artic. 6. & in cap. 15. S. Ioannis lect. 5. Attamen de facto Deus elegit tanquā conuenientissimum religionis inter homines constituendæ modum, vt qui ab ipso edocti eam diuinitus acceptā hominibus alijs suscipiendam proponerēt, suam missionem miraculis, quasi diuina subscriptione, & sigillo munitam, & confirmatam probarent.

Bibliot. Theol. Tom. V.

Primum id colligimus aduersus hæreticos apertē ex diuinis Scripturis in quibus, quoties Deus nouum religionis ritum, nouamque legem tradere voluit, id per signa & miracula fecisse legimus.

Itaque Moyses populum Israeliticum de manu Pharaonis liberaturus, legemque laturus, primum miraculis tanquā à Deo missus claruit, & hoc sibi necessarium fuisse ad suæ missionis probationem videtur significasse, illis verbis exodi 4. *Non credent mihi, neque audiens vocem meam, sed dicent non apparuit tibi Dominus. Quam Moyses tergiuerfationem aut excusationem non reprehendit Dominus, sed addixit legato suo signa in testimonium missionis.*

Et quamuis de Sancto Ioanne Baptista dicatur Ioannis cap. 10. nullum fecisse miraculum, cuius rationem affert D. Thomas 3. p. quæst. 38. art. 2. ad 2. *quod tota doctrina, & operatio Ioannis ordinabatur ad Christum, qui multitudine signorum, & suam, & Ioannis doctrinam confirmaret.* Si autem Ioannes signa fecisset, homines ex aquo Ioanni & Christo attendissent. Et ideo, vt homines principaliter Christo intenderent, non est datum Ioanni, vt faceret signum. Alia tamen ratione non defuit ipsi miraculorum autoritas, quæ eius missionem prædicandique officiū confirmatum fuisse dicamus. Præterquàm quod enim miraculosē conceptus est de sterili & vetula, in vtero prophetauit, parens eius subito mutus miraculo loquelam recuperat, & de nato puero prophetat, ipse denique Ioannes vitæ suæ austeritatem & sanctitatem, fuit tam grande miraculum, & adeo Iudæis conspicuum, vt non solum suffecerit ad testimonium reddendum de Christo, sed etiam ipse putaretur Christus, quia vt Chrysostomus dicit super Matthæum, mirabile erat in humano corpore tantam poenitentiam, videre. Ob quam etiam causam existimo non immerito fuisse appellatum

F

vocem

vocem Dei clamantis, quia sicut homo loqui cognoscitur per vocem suam sibi propriam, ita S. Ioannes cognoscebatur esse missus à Deo, tanquam miraculosa vox Dei solius, quia manus Domini miraculorum effectrix erat cum illo.

Ad Christum autem Dominum quod attinet, quamvis ea esset eius sanctitas, vt omnino fidem de his, quæ prædicatione sua intendebat persuadere, mereri deberet sine miraculis, ea tamen, ad confirmandum se esse Messiam in lege promissum, & non purum hominem, sed etiam verum Deum, adhibuit: quia nimirum hoc ipsum tanquam infallibile Messiae signum prædictum fuerat Isaia 35. Vnde & à discipulis Ioannis interrogatus Matthæi 11. an ipse esset Messias, qui expectabatur, non aliud respondit, quàm, *euntes renunciate Ioanni quæ audistis & vidistis, cæci vident, claudi ambulant*. Sæpiusque doctrinam suam à miraculis, quibus est corroborata confirmat; ait enim Ioannis cap. 5. *Ego habeo testimonium maius Ioanne. Opera enim quæ dedit mihi pater vt perficiam: ipsa opera quæ ego facio, testimonium perhibent de me, quia pater misit me*. Et infra cap. 10. *loquor vobis & non creditis, opera quæ ego facio in nomine Patris mei, hæc testimonium perhibent de me: si autem facio: & si mihi non vultis credere, operibus credite*. Hinc Iudæi tali argumento conuicti Ioannis 3. dicebant, *Scimus quia à Deo venisti magister: nemo enim potest hæc signa facere, quæ tu facis nisi fueris Deus cum eo*. Quo fortasse respexit Christus, quando Ioannis cap. 15. dixit, *si opera non fecissem in eis, quæ nemo alius fecit, peccatum non haberent*. Vbi loquitur de peccato infidelitatis Iudæorum, ad quam vincendam, præter vocationem interiorē, de qua dicitur Ioannis 6. *Omnis qui audit à patre, & didicit, venit ad me*: præter doctrinam & prædicationem exteriorē secundum illud Apostoli ad Romanos 10. *fides ex auditu, auditus per verbum Christi*, innumeram adhibuerat signa & miracula visibilia & exteriora, vt nullam penitus

se se excusandi à tali peccato occasionem haberent. Vide Suarez tom. 2. in 3. partem quæst. 33. disp. 31. sect. 1.

Denique Christus Dominus quàm primum discipulos emisit per Iudæam ad prædicandum, dedit illis virtutem super omnia dæmonia, & vt languores curarent, & dixit illis Matth. 10. & Luc. 10. *Euntes prædicate, dicentes, quia appropinquauit regnum calorum: infirmos curate, mortuos suscite, leprosos mundate, dæmones eijcite*. Quando verò secundum amandauit illos ad euangelizandum, per vniuersum urbem, dixit eis, Marci cap. vlt. *Euntes in mundum vniuersum, prædicate Euangelium omni creaturæ*. &c. illi autem profecti prædicauerunt ubique: *Domino cooperante, & sermonem confirmante sequentibus signis*. Imo Christus Dominus voluit per Apostolos maiora præstare miracula, quàm per se solum, vt fusè disputat S. Augustinus tra& 72. in Ioannem; quia nimirum maxime agebatur, vt prima tunc iacerentur fundamenta nascentis religionis Christianæ, seu quæ à Christo instituta est, fidesque de eodem, & doctrina ab illo tradita per Apostolos populis, ac gentibus suscipienda proponeretur, quibus nihil prius erat de Christo annuntiatur: adeo verum est illis, qui noua prædicant, necessarium esse, vt miracula faciant, non solum ad hoc vt homines eis credant, sed etiam, vt teneantur eis credere, quidquid in contrarium oblatrent hæretici Caluinistę inferius adducendi: sed quis, nisi insanus hæreticorum sententiam præferat Christi, & Apostolorum consilio, qui ad prædicandum missi, nullis alijs armis magis, quam signorum vsi sunt. Vnde in Actis cap. 2. dicitur: *Fiebat autem omni anime timor*. Multa quoque prodigia & signa per Apostolos in Hierusalem fiebant. Et capite 5. *Magis autemangebatur credentium in Domino multitudo virorum ac mulierum: ita vt in plateas eijcerent infirmos, & ponerent in lectulis ac grabatis, vt veniente Petro, saltem umbra illius obumbraret quemquæ illorum, & liberarentur omnes ab infirmitatibus*.

raſibus ſuis. Et Apoſtolus Hebręos inſtituens cap. 2. ait, *quomodo nos effugiemus ſe tantam neglexerimus ſalutem? quæ cum initium accepiffet enarrandi per Dominum ab eis qui audierunt in nos, confirmata eſt, conſeſtante Deo ſignis & portentiſ, & varijs virtutibus, & Spiritus Sancti diſtributionibus ſecundum ſuam voluntatem.* Quare idem Apoſtolus 1. Corinth. cap. 2. gloriatur in ſignis & miraculis, quaſi in testimonijs ſui Apoſtolatus, dum ait: *Sermo meus, & prædicationis mea non in perſuaſibilibus humana ſapientia verbis, ſed in offenſione ſpiritus & veritatis, ut fides noſtra non ſit in ſapientia hominum, ſed in virtute Dei.* Et in 2. ad eodem Corinthios cap. 12. *Signa Apoſtolatus mei facta ſunt ſuper vos in omni patientia, in ſignis & prodigijs, virtutibus.* Quaſi diceret hanc eſſe veram Apoſtoli notam, & authenticum veræ miſſionis, veræque doctrinæ ab eo prædicandæ, tanquam diuinitus reuelatæ ſignum, & argumentum.

Quibus omnibus accedit commune Sanctorum Patrum ſuffragium, quod vnanimiter miraculorum neceſſitatem afferunt, in ijs maximè, qui noua aliqua tanquam à Deo ſibi reuelata prædicant. Tertullianus de præſcript. cap. 30. *Probat ſe nouos Apoſtolos eſſe: ſic enim Chriſtus Apoſtolos ſolet facere, dare illis præterea virtutem eadem ſignædendi, quæ & ipſe.* S. Clemens lib. 8. conſtitutionum cap. 1. Origenes lib. 2. contra Celſum poſt medium. Chriſoſtomus homil. 39. in Ioannem & homil. 60. Gregorius Nyſſenus de vita Moysiſ, iſdem, inquit, *miraculis hoſtes expugnantur, fideles muniuntur.* Auguſtinus lib. 22. de ciuitate Dei cap. 8. & alibi paſſim. Gregorius Magnus homil. 4. in Euangelia, alijque plures, *adiuncta ſunt, inquit D. Gregorius, prædicatoribus Sanctis miracula, ut fidem verbis daret virtus offenſa, & noua facerent qui noua prædicarent.*

Ratio autem cur hanc miraculorum viam ad ingenerandam primitus fidem, & ad eam fouendam & reſciendam,

Bibliot. Theol. Tom. V.

quaſi mortalibus magis familiarem, accommodatam & propriam, adde etiam minus improbabilem, minusque calumnijs expoſitam diuina elegit prouidentia; deſumitur ex ſupernaturalitate Fidei Catholicæ, cum enim ea, quæ ſunt fidei, humanam rationem excedant, atque adeo non poſſint per rationes humanas probari, conuenientiſſimum fuit, quod probarentur per argumenta diuinæ virtutis, ut dum aliquis facit opera, quæ ſolus Deus facere poteſt, credantur ea, quæ dicuntur, eſſe reuelata à Deo, ſicut cum aliquis deſert litteras annulo regis ſignatas, creditur ex voluntate regis proceſſiſſe, quæ in illis continentur: Miracula autem vera, eſſe opera ſolius Dei virtute factibilia demonſtrauiſus ſupra, igitur conuenientiſſimum fuit, ut Apoſtolos, & diſcipulos, non tam mundi ſapientia, vel eloquentia, quam ſignorum poteſtate, & ſancta quadam ſimplicitate inſtructos eligeret tanquam Euangelicos præcones vniuerſum orbem expugnaturus, & in obſequium fidei Chriſti illum captiuaturus.

Secunda ratio qua vtitur Sanctus Thomas quodlib. 2. artic. 6. deſumitur ex parte conditionis humanæ, quia nullo tenetur ad hoc quod eſt ſupra vires ſuas, niſi per hunc modum quo ſit ſibi poſſibile, credere autem eſt ſuper potentiam hominis naturalem: vnde ex dono Dei prouenit; homo ergo tenetur tantum credere ſecundum hoc, quod adiuuatur à Deo ad credendum. Adiuuatur autem à Deo aliquis ad credendum tripliciter. Primò quidem per interiorẽ vocationem: de qua dicitur Ioannis 6. *Omnis qui audit à Patre & didiciſt venit ad me, & ad Romanos 8. quos prædeſtinaviſt, hos & vocaviſt.* Secundò per doctrinam, & prædicationẽ exteriorẽ, ſecundum illud Apoſtoli ad Roman. 10. *Fides ex auditu, auditus autem per verbum Chriſti.* Tertiò per exteriora miracula, vnde dicit 1. Corinth. c. 14. *Quod ſignum data ſunt infidelibus ut ſcilicet per ea pronocetur ad fidẽ.*

Cuius discursus summa hæc est, quod cum homo non solum sit naturæ intellectualis, sed etiam corporeæ, ad hoc ut sine ullo penitus excusationis prætextu, teneretur ad amplectendam fidem tanquam diuinitus reuelatam, pertinuit ad suauitatem diuinæ providentiæ subministrare illi media non solum merè interna, & inuisibilia, sed etiã externa & visibilia, inter quæ, cum primum videantur habere locum signa & miracula, conuenientissimum, fuit, quod Deus illis vteretur ad confirmandam, sufficienterque proponendam Christi doctrinam, tanquam ab ipso reuelatam.

Præterea quicumque mittitur, debet ostendere testimonio eius à quo mittitur, suam auctoritatem, alioquin innumeræ sequerentur fraudes, nemo, que teneretur eum recipere: omnis autem, qui mittitur ad prædicandum, vel mittitur à Deo missione visibili, ut loquitur Innocentius III. *de hæresibus cap. cum ex iniuncto*, vel mittitur, inquam, missione visibili; seu qua ordinariè à pastoribus, & prælatis Ecclesiæ mittuntur doctores ad annuntiandum fidem, vel mittitur missione inuisibili, seu extraordinariè à solo Deo immediatè facta: & quidem qui mittitur per ordinarium prælatum, debet ostendere testimonium prælati ordinarij, nimirum litteras eius sigillo munitas, propriaque manu subscriptas; qui verò mittitur à solo Deo, debet ostendere sigillū Dei, quod nihil est aliud, quam verum miraculum à solo Deo factibile.

Miracula etiam, quæ pro religione fundanda, constituendaque, & auctoritate fundatoribus eius, magistrisque primis concilianda à Deo sunt, ea euidentiſſima, & publica esse oportere, nec priuata, aut dubia sufficere, docet D. Augustinus lib. 17. de ciuitate Dei cap. 13. *cum*, inquit *de lege mosaica loquutus, oporteret Dei legem in dictis Angelorum terribiliter dari, non uni hominum, paucisque sapientibus, sed uniuerſæ genti, & populo ingenti, coram eo-*

dem populo magna facta sunt in monte, ubi lex per unum dabatur, conspicienda, multitudine metuenda, ac tremenda, que fiebant: non enim populus Israel sic Moysi credidit, quemadmodum suo Lycargo Lacedæmonij, quod à Ioue, seu Apolline leges quas condidit, accepisset: cum enim lex dabatur populo, qua coli unus iubebatur Deus, in conspectu ipsius populi, quantum sufficere diuina providentiā indicat, mirabilibus rerum signis, ac motibus apparebat, ad eandem legem dandam creatori, seruire creaturam.

Idem docet D. Thomas 3. p. qu. 29. artic. 1. ad 2. *Sciendum*, inquit, *quod miraculorum Dei, quedam sunt, de quibus est fides, sicut miraculum virginæ partus, & resurrectionis Domini, & etiam Sacramenti Altaris, & ideo Dominus voluit ista occultiora esse, ut fides eorum magis meritoria esset: quedam verò miracula sunt ad fidei probationem, & ista debent esse manifesta.*

Cuius ratio afferri potest ex eodem Sancto doctore 3. par. quæst. 43. artic. 2. ubi docet duabus de causis à Deo fieri miracula, primò ad ostendendam præsentiam Dei in homine per gratiam Spiritus Sancti, suæ ut sanctitatem alicuius, quem alijs virtutis exemplum proponere vult, demonstrat. Secundò magisque principaliter ad confirmandam veritatem, quam aliquis docet; si ob priorem causam sunt, ab eodem Sancto, aut ad eius inuocationem illa solum fiunt; si verò ob posteriorem causam, etiam à malis hominibus fieri possunt; sicut enim repugnat, Deum eedere signa ad comprobandam falsam doctrinam, ita ad comprobandam sanctitatem alicuius, qui impius & flagitiosus existat: bene tamen ad doctrinam Catholicam, quam & impius predicat confirmandam, quod docet D. Thomas 1. p. quæst. 110. art. 4. ad 2. 2. quæst. 178. artic. 2. secunda ad Thessalonicenses cap. 2. lect. 2.

Quemadmodum ergo prioris generis miracula debent esse nota ijs, quibus illius viri sanctitas utilis esse debet: ita postea

posterioris generis miracula palam, & publico testimonio, seu scientia communi euidentia esse debent, quia religio cuius sunt argumenta, & motiua, quoad euidentiam credibilitatis illius tanquam diuinitus reuelatę, est quid omnibus commune, & ad salutem necessarium.

CAPVT VIII.

Satisfit obiectionibus Caluini contra doctrinam superiori capite traditam, quod miracula sint necessaria ad nouam fidem, vel extraordinariam missionem persuadendam.

ETh doctrina superiori capite tradita ita sit vera, vt inimicorū etiā nostrorum iudicio comprobetur, heretici enim Lutherani fatentur miracula esse instar litterarum, quas vocant credentię, sine quibus non est credendum reformatori religionis vulgō receptę extraordinarię misso. Ita Brentius in Lucam, & Philippum Melancthon in cap. 3. Matthęi, vbi ait, quandō magis sunt tenebrę, vocari nouos doctores, & semper addi à Deo miracula, vt certō sciamus, à Deo esse missos.

Caluinus tamen illam negat, duoque dicit in præfatione institutionum; primò sibi in particulari non opus fuisse miraculis; vt potē qui doceret illam ipsam doctrinam, quam Christus, & Apostoli satis miraculis confirmarunt, hac ratione eludere putans vim argumenti desumpti ex necessitate miraculorum ad nouam fidem, vel extraordinariam missionem persuadendam, quo manifestē demonstratur nec apud Caluinum, nec apud alios hereticos esse veram Ecclesiam.

Secundò, quia per oppositum ex innumeris miraculis, quę singulis ætatibus Ecclesia Catholica habuit plurima, & testatissima, manifestē sequitur eam solam esse veram Dei Ecclesiam, vt vim huius argumēti infirmaret Caluinus, absolutē dicit ex miraculis in-

confirmationem alicuius fidei aut doctrinę faciis, firmum & efficax non posse desumi argumentum ad asserendam illius veritatem. Cum multi infideles, & heretici plura etiam ediderint miracula in confirmationem suę falsę doctrinę.

Primò enim Magi Pharaonis fecerunt miracula similia illis, quę Moyles faciebat exodi cap. 2. Secundò ad sepulchrum Ieremię, inquit Caluinus plura fiebant miracula ope demonum, quod indē patere ait, quia fiebant in eorum vtilitatem, qui Ieremiam sacrificijs diuinisque honoribus pro Deo colebant. Tertiò Gentiles ipsi & Ethnici miracula fecerunt, Suetonius enim & Tacitus referunt Vespasianum Imperatorem ceco lumen, & claudum gressum restituisse. Quartò plures etiam heretici, quemadmodum narratur in Ecclesiasticis historijs multa ediderunt miracula, & de Antichristo Matthęi 24. Apocalip. 13. & 2. ad Thessalonicenses cap. 2. dicitur quod sit facturus signa, & prodigia; magna.

Quibus omnibus accedit authoritas S. Chrysostomi homil. 49. in Matthęum asserentis signorum operationem suo tempore iam ablatam fuisse, & extitisse apud falsos Christianos; & D. Augustini tract. 13. id Ioannem dicentis non esse credendum Donatistis etiam si miracula faciant, vbi per contemptum vocat eos mirabiliarios, opponens eis ex cap. 24. S. Matthęi prædictum esse à Christo, etiam Pseudopphetas falsos signa.

Similia docet idem D. Augustinus libro de vnitate Ecclesię c. 16. vbi postquam docuit non esse credendum miraculis Donatistarum, addit nec etiam miraculis Catholicorum: *quacumque*, inquit, *talía in Catholica sunt Ecclesia, ideo sunt approbanda quia in Catholica sunt: non ideo ipsa manifestatur Ecclesia, quia hac in ea sunt.*

Tandem cum vera miracula facillē non possint discerni à falsis, multaquę interdum putentur esse miracula, quę tamen

46 Bibliothecæ Theologicæ Lib. IV.

tamen vera non sunt, non est cur firmi, aut sufficiens ex illis duci possit argumentum ad comprobandum alicuius fidei aut religionis veritatem.

Hæ sunt principales Caluini & sectariorum eius obiectiones, quibus distinctè & accuratè est à nobis respondendum.

Ad primum igitur, quando dicit Caluinus sibi non fuisse opus miraculis, libenter ab eo peterem, cur ergo ea facere tantopere affectauit si sibi necessaria non esse putauit. Vt enim refert testis oculatus Hieronymus Bolsecus in vita Caluini cap. 13. quemdam pauperem nomine Brulæum subornauit vt se mortuum simularet, moxque ad imperium suum quasi suscitatus resurgeret, sed vicit veritas. Apostoli de mortuis viuos faciebant: Caluinus de viuo mortuum fecit, Apostolos in peruersum æmulatus, vt olim sui temporis hæreticis impropèravit Tertullianus libro de præscriptionibus cap. 30. Cum enim Caluinus comediam vellet absolueret, Brulæoque vt surgeret imperaret, inuenta fuit pro comedîa tragœdia, ita vt Brulæus nullum prorsus vitæ sensum præberet, sed post multas vociferationes remaneret exanimis omni sensu & vitæ carens, moxque vxor defuncti inciperet seriò in Caluinum debacchari, impostorem, sicarium, latronem vocando, adeo vt facinus omnibus innotesceret.

Respondeo secundo negando absolute hæreticis, maximèque Caluino & Caluinistis apertè gloriantibus se extraordinariè missos fuisse à Deo ad Ecclesiæ collapsæ ruinas instaurandas, vt patet ex confessione Gallicana num. 15. nego, inquam, non esse talibus necessaria miracula, ad suam missionem & doctrinam confirmandam. Eo enim ipso quod constat eos aliter docere, quam doceant ordinarij pastores & prælati Ecclesiæ, nec ab illis fuisse missos, certè non tantum non tenemus, sed etiam turò non possumus eos recipere, nisi

suam missionem, & Apostolatam probent diuino testimonio, maximè cum illa quæ ipsi conuellere tentant, magnis & innumeris miraculis stabilita sint: & nullo modo de Dei prouidentia sit existimandum, quod, quæ tot ac tantis miraculis confirmauit, velit ab impiæ & palam sceleratæ vitæ hominibus eueri, sine vilo signo diuinæ missionis.

Quod autem in sui patrocinium adducunt, iniuriòse ab eis miracula exigî, qui prædicant doctrinam antiquâ, innumeris iam olim miraculis ab Apostolis & martyribus confirmatam; præter quam quod est falsissimum, suis enim locis Deo dante demonstratum sumus doctrinam eorum esse nouam, & cum tota antiquitate pugnantem; hoc eodem subterfugio potuissent vtî omnes, qui post Apostolos sexdecim iam pene sæculis Fidem Catholicam propagarunt. Vti tamen non sunt, sed illam ipsam, quam ab Apostolis eorumque discipulis fidem acceperant, maioribus nostris prædicarunt, Domino sermonem contestante, & confirmante sequentibus signis. Deindè miracula sunt maximè necessaria propter incredulitatem eorum qui prouocantur & inducuntur ad fidem, vt colligitur ex Apostolo 1. Corinth. cap. 14. dicente, signa data esse infidelibus: atqui totus orbis Christianus non minus reclamauit, & etiam nunc reclamatione doctrinæ Caluiniæ & Lutheranæ, quam olim Christianæ doctrinæ repugnabant Ethnici & Iudæi, cum primum annuntiaretur. Tandem hoc ipsum, quod aiunt Caluinistæ, se antiquam ac proinde veram doctrinam prædicare, aduersum quam miracula quantumvis prodigiosa nihil valere volunt, insignis profectò videtur esse petitio principij, quasi non esset eis nobiscum contentio, vtri potius faueat Dei veritas, Caluino an successioni Sedis Apostolicæ Romanæ Catholicæ Ecclesiæ, cuius miracula idèd à Caluinistis reijciuntur, quia in eius fidei confirmationem fiunt, quæ repugnat falsis Cal-

Caluini dogmatibus. Quandò igitur Calvinistæ negant necessaria sibi esse miracula, certè tyrannidem impij Mahumetis emulantur & imitantur, qui gladio, non miraculis suam perfidiam volebat propagari, & lege sanxit, suis tanquàm Dei verbis, nullo desiderato miraculo, fidem simpliciter adhibendam.

Ad secundum, dato quod infideles & heretici aliqua fecerint, aut possint facere miracula vera, non tamen inde sequitur, vt malè arguit Caluinus, firmum & efficax ex miraculis duci non posse argumentum, ad probandum certè & euidenter fidei Catholicæ credibilitatem, cum talia miracula nunquam fuerint facta, nec possint vnquam fieri ab infidelibus in confirmationem falsæ eorum religionis, aut falsi cuiusdam dogmatis, sed potius in approbationem alicuius veritatis ab Ecclesiâ Catholica receptæ, & commendatæ. Sic quando Claudia vestalis, quo suam castitatem probaret discinxit se, zonamque naui immobili alligans, eam quoque volebat deduxit; Tucia quoque Vestalis, quo suam etiâ probaret pudicitiam, aquam è Tyberi haustam cribro tulit vsque ad Capitolium anno Urbis conditæ 609. vt tradit Plinius lib. 28. cap. 2. & S. Augustinus lib. 10. cap. 16. de ciuitate Dei existimat S. Thomas in questionibus de potentia, quæst. 6. artic. 5. etiam ministerio bonorum Angelorum, opera illa de facto fieri potuisse, Deo nimirum sic volente virtutis castitatis dignitatem & excellentiam hominibus commendare. Sic Sancti Lucæ cap. 9. Iudæus ille, supposito quod non fuerit Christianus aut Christi discipulus vt volunt aliqui, in nomine Christi dicitur eiecisse dæmonia, ad illustrandum nimirum veritatem Christi Domini.

Sic denique possunt intelligi illa opera, quæ tanquàm miracula ab hæreticis Nouatianis facta refert Socrates Nouatianus lib. 1. Historiar. Eccle-

sia. cap. 7. Primum Constantinopoli in magno urbis incendio, per miraculum Ecclesiâ Nouatianorum fuisse seruatam: libro verò 7. cap. 17. tribuit Paulo Episcopo Nouatiano miraculum, quo aqua præparata ad baptizandum Iudæum, alias eo nesciente iam baptizatum, euauit: Etsi enim talia non fuerint vera miracula superantia virtutem diaboli, cui facile fuisset subito ignem auertere, & aquam auferre, ea tamen & similia iuuat à Deo facta fuisse credere, non ad commendandum, aut perhibendum testimonium errori Nouatianorum, quod est impossibile Deo, qui est prima & summa veritas, sed ad confirmationem Catholicæ veritatis de erectione templorum contra hæresim Manichæorū, Petrobussianorum & aliorum, nec non, de non iterando baptismo semel ritè & legitime suscepto; nam Iudæus ille, qui ad corradendas pecunias simulauit se non esse baptizatum, postulabatque ab illo Paulo Episcopo Nouatiano baptizari, iam antea fuerat legitime baptizatus ab Attico Episcopo, vt ibidem prædictus Socrates refert. Quæ ob causam etiam asserit D. Augustinus superius citatus schismaticos, & hæreticos posse facere miracula per signa publicæ iustitiæ, non autem per publicam iustitiam, vt faciunt boni Christiani. Et ex ipso D. Thomas 1. p. quæst. 110. artic. 4. ad 2. quæst. 114. artic. 4. ad 3. 2. 2. quæst. 178. artic. 2. ad 3. de veritate quæst. 27. artic. 3. Etsi enim miracula ad commendationem Sanctitatis propriæ tantum fieri possint à Sanctis, vt diximus supra, attamen ad commendationem doctrinæ possunt fieri, suntque interdum à malis Christianis per veram fidem & nomen Christi, ab hæreticis verò aut schismaticis per signa tantum publicæ iustitiæ, id est per nomen Christi, vel per aliqua eius Sacramenta, vt docet idem Sanctus Doctor locis statim citatis.

Vndè tantum abest vt ipsa infidelium,

lium, & hæreticorum miracula, si quæ ab illis facta sunt, à fide nostra evidentiâ credibilitatis ex illa parte auferant, quin potius eam summopere confirmant. Deindè quando recensemus miracula inter præcipua motiua credibilitatis nostræ religionis, quæque in nulla alia religione possunt habere locum, nos id præcipuè intelligimus de his, quæ fuerunt facta in confirmationem alicuius rei propositæ ad credendum fide diuina, seu etiam ad confirmandam aliquam religionem, tanquam veram, vel aliquam propositionem ad illam spectantem; quo casu nostros semper vicisse vidimus supra.

Verùm quia hæretici, vt aliquid in sua obiectione probent debent intendere infideles & hæreticos in confirmationem falsæ suæ religionis, aut alicuius dogmatis contrarij veritati fidei Catholicæ plura fecisse miracula. Respondeo hoc esse falsum & absolutè impossibile loquendo de veris miraculis, cum enim vera miracula, vt potè totum naturæ creatæ ordinem superantia, sint opera solius Dei virtute facibilia, dederitque insuper Deus Apostolis, eorumque sectatoribus, tanquam suis ministris talem virtutem faciendi miracula, vt quædam sigilla, quibus veritatem ab illis prædicatam obsignaret, si semel hæretici possent facere miracula in confirmationem falsæ religionis, aut falsi cuiusdam dogmatis, Deus posset falsum testari, & proindè mentiri, cuius oppositum vt fide Catholica tenendum suo loco docebimus.

Ad primum igitur de Magis Pharaonis, dico opera ab illis facta, non fuisse vera miracula, & ea talia quæ superarent vires totius naturæ creatæ: applicando enim actiua passiuus, permixti à Deo demones, mirâ qua polent celeritate & sagacitate ea facile patrare poterunt, vt ad cap. 7. exodi communiter docent interpretes sacri; vnde si qui Sancti Patres dicunt Magos aut alios Pseudopphetas fecisse

aut posse facere miracula in confirmationem suorum falforum dogmatum, debent intelligi de miraculis non propriè dictis, sed in ampla illa significatione, qua omne opus mirum solet vocari miraculum, vel loquuntur de veris miraculis vt opponuntur præstigijs & illusorijs, non autem de veris vt opponuntur ijs, quæ virtute alicuius creaturæ fieri possunt.

Ad secundum libenter admittimus plura olim ad sepulchrum Hieremiæ Prophetæ fieri potuisse vera miracula mendacium autem est Caluini operadæmonum illa fuisse facta, in veilitatem eorum, qui Hieremiam pro Deo colebant; nam nullum huius rei testè adducit Caluinus, nisi quod in margine ponit (Hieronymus præfatione in Hieremiam) Ceterum neque in præfatione D. Hieronymi in Hieremiam à se translaturum, neque in præfatione commentariorum Hieremiæ vlla fit mentio huius historiæ. Præterea extat alia quædam præfatiuncula in Biblijs Benedicti, Hieremiæ præfixa, ad quam fortasse Caluinus respexit: sed ea non est D. Hieronymi, neque in ea fit mentio sacrificiorum, diuinorumque honorum: sed solum quod miracula facta sint ad sepulchrum eius, quod idem asserunt D. Epiphanius & Isidorus in vita Hieremiæ Prophetæ.

Ad tertium quod dicitur de Imperatore Vespasiano, primum responderet Cardinalis Baronius tomo 1. annalium ad annum Christi Domini 71. n. 6. & tom. 2. ad annum Domini 139. ista miracula tributa Vespasiano fuisse conficta. Secundò respondeo, admiffa adhuc veritate huiusmodi operum, si verba Cornelij Taciti illa referentis expendantur accuratè, nullum in eis reperiri miraculum, nam vt ait Cornelius lib. 4. historiæ, interrogati medici, an morbi duorum illorum curabiles essent, responderunt esse curabiles. Medici, inquit, variè differere, huic non exesam vim luminis, & redituram, si pellantur obstantia; illi elapsos in præ-

in primum artis, se salubris vis adhibeatur posse integrari; At miraculum non est, si morbi suapte natura curabiles farentur, quales fuisse illos, colligimus facile ex verbis Cornelij asserentis ex medicorum consilio illi cæco non fuisse excæsam vim luminis, sed solummodo oculos illius fuisse impeditos aliqua tabe: vnde possumus intelligere aliqua arte medica virtute alicuius agentis naturalis probè cognoscentis naturam, proprietates & cōditiones visus, & oculorum & rerum etiam naturalium, tabem aut aliquid aliud simile exercitiū visus impediens posse tolli, & ita dæmonem id fecisse ad præsentiam Vespasiani, aut Vespasianum fecisse ope dæmonis, quæ sæpius vsum fuisse valdè credibile est, si quidem ex Philastrio lib. 5. Vespasianus Apollonio Tyanæo insigni mago familiarissimè utebatur. Adde quod, vt Tertullianus docet c. 22. Apologetici, credibile est, illos morbos fuisse à diabolo, qui insidens in oculo vnus, & alterius tibia impediēbat vsum eorum membrorum (quod sæpius videre est in personis à dæmone vexatis) idque eo fine, vt videretur sanare, cum desineret nocere, & illustre Christi miraculum, quo cæcum à natiuitate modo singulari, & admirabili illuminauit, deprimeret, & extenuaret, quod ex eodem Tacito colligi potest, qui refert cæcum istum id postulasse à Vespasiano monitu Serapidis.

Ad quartum similiter dicitur, plures Pseudoprophetas, & hæreticos sæpius quidem tentasse non solum vera miracula, sed etiam alia tantum miracula opera facere, sicque Deum in suæ falsitatis testimonium adducere, semper tamen infelici exitu, vt vidimus supra, & statim rezulimus de Caluino ex oculato testi Hieronymo Bolsco, qui in vita Theodori Bese etiam scribit de eodem Caluino, cum vellet Geneuæ feruam quemdam exorcizare, ab eo seditimè verberatum, ac penè discerptum fuisse. Idem narratur de falso Propheta Martino Lutero, cum Wi-

Bibliot. Theol. Tom. V.

tembergæ dæmoniacam puellam liberare vellet, pessimè à dæmone acceptū esse, ita vt totis artibus contremiscens cogereetur coram omnibus turpissimam fugam arripere, teste Federico Staphylo eius discipulo, qui toti actioni seu potius passioni interfuit, ex eaque, fauente Deo suæ conuersionis occasionē feliciter sumpsit. De quo videndus est ipse Staphylus libro contra Sandelinū, nec non Bredebachius lib. 7. cap. 4. Rursum, vt scribit Ioannes Cochlaus in actis Lutheri anno 1523. Nefenum in Albi miserè submersum, spe miraculi Lutherus vanis immurmurationibus frustra in vitam reuocare tentauit.

Ad quintum de Antichristo, respondeo maiora quidem ei permittenda fore à Deo signa & prodigia, quam eo vlque falsis alijs prophetis fuerint vnquam permittenda: non tamen erunt vera miracula, aut mirabilia illa, quæ David propheta dicit solum Deum posse facere psal. 135. sed solummodò miranda opera, quæ non excedent naturam & efficaciam virtutis naturalis dæmonum.

Ad sextum desumptum ex autoritatibus Sanctorum Chrysostomi, & Augustini: respondeo primò, verba ibi citata non esse D. Chrysostomi, sed auctoris incogniti, qui scripsit opus illud imperfectum, multisque in locis grauiter errauit, vt ad oculum demonstrant Sacri Sanctorum Patrum eorumque operum critici, Baronius in annalibus, Bellarminus de Scripturis Ecclesiasticis, Possseuinus in apparatu sacro, & alij plures à nobis suo loco citati. Præterquam quod obiectio allata continet mendacium, quasi author operis imperfecti sentiat vera, & propriè dicta miracula mansisse apud falsos Christianos, non enim ipse hoc asserit, sed tantum falsa & ficta signa, vt discretè illic legitur.

Secundò respondetur, etsi B. Chrysostomus esset author illius operis, non tamen negare simpliciter omnia miracula suis temporibus, sed ea solum, quæ

G

initio

initio nascentis Ecclesiæ omnibus ferè Christianis communia erant, vt tunc Spiritum Sanctum acciperent specie visibili, vel signo aliquo sensibili ad impositionem manuum Episcoporum, vt baptizati sanarentur ab infirmitatibus suis, & linguis loquerentur nouis; hæc enim & alia similia concedimus libenter re vera desisse saltem quantum ad illam frequentiam, nec tamen consequens, vt nulla alia penitus ex mente S.Christostomi remanserint, cum ipsemet varia miracula affirmet singulis ferè diebus suo tempore adhuc contigisse, vt patet ex eius orat. aduersus Gentiles, quare etiam si gratis admitteretur prædictum opus, verbaque ex eo citata esse D.Christostomi, non tamen de omnibus miraculis & explicari possent, sed eo tantum modo, quem diximus, & quo etiam loquitur D. Augustinus libro de vera religione cap. 25. dum ibi videtur negare miracula, id enim asserit eo tantum sensu, quem statim explicuimus, vt constat ex propria eius interpretatione lib. 1. retractationum c. 13. manifestèque colligitur ex lib. 22. de ciuitate Dei cap. 8. vbi maximi facit vera miracula, pluraque adducit contra Paganos facta ad reliquias Sanctorum præcipuè Sanctissimi Protomartyris Stephani.

Vndè quando S. Augustinus citato loco tract. 13. in Ioannem miracula Donatistarum contemnit, eisque docet non esse credendum, manifestum est non fuisse vera miracula, aut talia, qualia in Ecclesia Dei fiunt, sed occultas quasdam visiones tantum, quas sine villo teste iactabant se vidisse: qualis etiam fuit visio Mahumetis, quem Alcorani interpretes ad cap. 64. referunt aliquando vidisse lunam in duas partes diuisam, tuncque eam in manus accepisse, & reparatam ad celum remisisse: qualis etiã fuit visio Zuuinglij, qui in libro inscripto subsidium de Eucharistia, dicit se vidisse spiritum, sed non potuisse discernere, essetne albus an niger. Itaque non sine causa similia Donatistarum,

miracula aut signa S. Augustinus irridere, eaque fabulas vocare potuit. Similiter ad id, quod affertur ex libro de vnitatem Ecclesiæ cap. 16. vbi D. Augustinus dicit Ecclesiam non demonstrari ex miraculis, sed ex scripturis: cum idè D. Augustinus contrario modo loquatur, non tantum citatis locis, sed insuper in libro contra epistolam fundamèti cap. 4. & 5. vbi expressè asserit, Ecclesiam demonstrari ex miraculis non ex scripturis, immo scripturas demonstrari ex Ecclesia: nè tantus doctor secum aperte pugnet, dicendum est in utroque loco eum loqui de miraculis, aut prodigijs in sensu à nobis adducto.

Vel secundo responderi potest, videturque esse legitimus eorum duorum locorum sensus, D. Augustinum in eis fuisse loquutum ex hypothesi, & arguendo ad hominem, qui est efficacissimus aduersus Hereticos disputandi modus: quia igitur Manichei addebant miracula, & negabant scripturas: nam veterem dicebant esse à diabolo, nouam verò corruptam à falsarijs: D. Augustinus in libro contra epistolam fundamenti Manichæorum, ad hominè ex miraculis ab ipsis admissis demonstrat Ecclesiam, deinde ex Ecclesia Scripturam. At quia Donatistæ per oppositum credebant Scripturæ tam veteri, quam nouæ, & suas iactabant visiones, contemnentes vera Ecclesiæ Catholicæ miracula: idè D. Augustinus aduersus Donatistas alia via procedit, & ex Scripturis demonstrat Ecclesiam, deinde per Ecclesiam vult iudicari de miraculis, maxime quo ad certitudinem fidei: rectè enim probatur ex miraculis Ecclesia, & ex Ecclesia miracula, diuerso tamen genere demonstrationis: quemadmodum ex effectu demonstratur causa, & ex causa vicissim effectus: nam ex miraculis vera demonstratur Ecclesia non quo ad euidèntiam aut certitudinem rei, sed tantum quoad euidèntiam & certitudinem perfectissimæ, & prudentissimæ credibilitatis: At ex Ecclesia iam stabilita demonstratur miraculum.

ſum quo ad certitudinem rei, quia quando Eccleſia quæ eſt columna veritatis declarat miraculum factum eſſe verum miraculum, certi ſumus rem ita ſe habere, nullo tamen interueniente errore facti circa patrati miraculi narrationem.

Ad vltimum patet ex diſtis ſupra, cap. 4. vbi tot regulas attulimus, vnde vera Dei miracula & opera, à falſis demonum, aut Pſeudoprophetarum ſignis facile dijudicari poſſunt.

C A P V T IX.

Miracula pro Chriſtiana religione facta referuntur, primùmque aduerſus Gentiles, Chriſti Domini noſtri ſigna veriſſima, atque certiſſima exiſtiſſe, comprobatur.

Poſtquam in ſuperioribus capitibus, manifeſtè vt puto, oſtendimus omninò repugnare, quod religio veris ac diuinis miraculis confirmata ſit falſa, ſupereſt vt pro conſeſſione demonſtrems primò religionem Chriſtianam, contra gentiles, ſecundò verò noſtram Eccleſiam Catholicam Romanam contra hæreticos, eſſe veram & vnicam Dei Religionem, & Eccleſiam, ex veris miraculis, diuinisque operibus, & ſignis, quæ ſingulis ætatibus habuit plurima & teſtatiſſima.

Incipiendo ergò à Chriſto Domino primo Religionis Chriſtianæ inſtitutore, probandum eſt eum re vera exiſtiſſe, pluraque ſigna & miracula vera in confirmationem ſuæ doctrinæ præſtiſſe; relictisque illis argumentis ex authoritatibus veteris teſtamenti deſumptis, quæ intra aduerſus Iudæos Deo iuuante ad longum proſequemur, id apertè colligitur ex hiſtoria Euangelica, in qua magna cum diligentia & fidelitate tota Dominicæ Incarnationis æconomia, miraculaque ab eo patrata, conſcribuntur, & enarrantur. Qua in re ſi aliquid à Sacris Euangelis tis peccatum fuiſſet, proſectò neque Iudæi

Biblioth. Theol. Tom. V.

qui eo tempore vixerunt, neque Gentiles qui aduerſus noſtram religionem ſcripſerunt illis peperciffent. Si igitur falſa eſſent miracula, quæ de Chriſto in Hiſtoria Euangelica narrantur, dicendū eſſet illam ab aliquo, aut ab aliquibus poſtea in hoc fuiſſe corruptam, quod tamen eſſe falſum oculari demonſtratione ſupra demonſtrauiſmus agendo de incorruptione Sacre Scripturæ.

Præter hiſtoriam Euangelicam, & innumeratos Scriptores noſtros Eccleſiaſticos habemus inſuper allatæ veritatis teſtimonium ab ipſiſmet inimicis noſtris. Et ſi enim Gentiles hiſtoriographi de Chriſto eiufque miraculis nihil quod legatur tradiderint, ea fortè ratione quod ad plures eorum talis Chriſti non perueniret notitia, vel ſi peruenit, ea ſuis hiſtoriis inferere & monumentis illuſtrare noluerunt, quæ tanquam homines deſtituti fide pro meris fabulis, & deliramentis habebant, & quæ parum erāt plauſibilia & grata futura illis principibus, aut populis, quibus ſuæ hiſtoriæ libros dicabant. Eſſi inquam, res ita ſe habeat, nihilominus tamen cum cælitus ad ſalutem vtriuſque populi, Iudæi atque Gentilis à Patre filius mittendus eſſet in terram, conſilium Dei fuit, vt longè ante eius aduentum, tantæ rei Sacramentum non ſolum Iudæis multifariam multiſque modis loquendo illis in prophetis, ſed etiam Gentilibus innotefceret, per ſuos ipſorum vates, cum enim à veritate veri cultus procul abeſſent, nec facile externæ religionis hominibus admoſſent aures, per ſuos ipſorum vates, de Chriſti aduentu miraculoſiſque ab eo patrandis, voluit Deus eos præmoneri. Hi fuerunt Mercurius Trimegiſtius Hydaſpes, præcipueque Sybillæ, ſic dictæ à Dei conſilij denuntiâdis, quaſi Theoboulai, decem numero, vt aiunt, omnes virgines; quibus ob Virginitatis inſigne meritum diuinationem eſſe conceſſam D. Hieronymus exiſtimauiſſe lib. 1. contra Iouinianum, quam & ob cauſam eas appellare PP. conſueuerunt Prophetiſſas

fas Gentilium, sicque illarum testimonium aduersus ipsos tam validum est, quam validum prophetarum aduersus Iudæos; vt iam tom. 1. lib. 2. scilicet. 5. c. 19. notauimus.

Vnde etiam crebrò vsi sunt Sancti Patres, ad conuincendos errores Gentilium, Sybillarum oraculis: quomobrem Gentiles ipsi (vt auctor est Origenes contra Celsum lib. 5.) Christianos Sybillistas appellabant, vt rectè notauit Cardinalis Baronius in apparatu ad Annales Ecclesiasticos, vbi etiam tribuit speciali Dei providentiæ & consilio, quod longè ante Christi aduentum carmina Sybillina disquiri, examinari atque probari, in omnibus voluerit ab ipsismet Gentilibus, nè cum ea aduersus ipsos citarentur à Christianis, iidem falsitatis, vel imposturæ argui possent, tanquam minus recepta, ac recens ab illis essent excogitata.

Sybilla igitur Lybica ita de Christi miraculis cecinit:

Ille quidem pressos morbis sanabit, & omnes

Lasos quotquot ei fident, cæcique videbunt,

Incedent claudi, surdisque audire licebit,

Infolias mutis dabitur formare loquelas,

Expellet furias, oppressi morte resurgent.

Lege Lactantium Firmianum lib. 4. diuinarum institutionum cap. 15. vbi ex testimonijs Sybillarum colligit, Christum verbo edidisse signa, expulisse omnem infirmitatem: & versus Græcos prædictam sententiam continentes proponit: addit etiam alia carmina, quibus firmat, quod ventos compesceret, sterberet mare insanum, & pedibus calcandum exhibebit.

Post Sybillarum testimonium, primus ex Scriptoribus externis Iosephus Iudæus reperitur, qui Christi miraculorum meminerit, etsi enim Christianus non esset, tamen ne inofficiosi historici quærela tam iusta virgeri posset,

quod rem roto orbe perspicuam obuolutam silentio reliquisset; potius cum videret Iudæorum res penitus esse collapsas, Vespasianumque defecisse, cui vaticinatus tribuerat, quod Christo vera oculis Prophetarum prænuntiati erat imperium; iamque tempus Messias aduentus præterisse videri posset: prudentis potius quam pij hominis partes agens, subsequens de Iesu, quod Christus haberetur à plurimis tam Iudæis, quam Gentilibus, perhibuit testimoniū lib. 18. antiquit. cap. 4. *Eo, inquit, tempore (scilicet quo Pilatus adinastabat Iudæam;) fuit Iesus vir sapiens, si tamen cum virum fas est dicere. Erat enim mirabilium operum patratior, & doctor eorum, qui libenter vera suscipiunt: plurimosque tam de Iudæis, quam de gentibus sectatores habuit, Christus hic erat: quem accusatum à nostræ gentis principibus Pilatus cum addixisset cruci, nihilominus non destiterunt eum diligere, qui ab initio ceperant. Apparuit enim eis tertia die viuus, ita vt diuinitus de eo vates hoc & alia multa miracula prædixerunt: & usque in hodiernum diem Christianorum genus ab hoc denominatum non deficit.* Hæc Iosephus: cuius testimonium in peruerso Iudæorum Codice, in quo eius historie à Græco in Hæbraicum translatæ, antiquitus scriptæ sunt, cum Romæ requireretur, abraham inuentum esse narrat Cardinalis Baronius tomo 1. Annalium ad annum Domini 34. nu. 226. adeò vt nulla ad excusandū scelus posset afferri defensio, cum membrana ipsa id exclamare videretur. Habetur eiusdem Iosephi de Christo testimoniū ab Eusebio recitatum histor. lib. 2. c. 11. & à Hieronymo lib. de Scriptoribus Ecclesiasticis cap. 13. de quo quidem testimonio illud tantum monuisse sufficiat, aliter se habuisse eius lectionem S. Hieronymi temporibus, ab ea quæ legitur in præsentiarum. Nam quod latina versio habet: *Christus hic erat*: S. Hieronymus sic ex Græco reddidit: *Et credatur esse Christus*, quam etiam lectionem magis probat Cardinalis Ba-

ronius, vt quæ consentiens videatur authoris studio & professioni; quippè qui se esse Iudæum, & non Christianum in omnibus præ se ferret: licet in ceteris quæ in eam sententiam de Christo scribit, numine ipsum cogente; professus sit veritatem.

Tertium testimonium pro miraculis Christi sunt duæ litteræ Pilati ad Tiberium de quibus videndus est prædictus Cardinalis Baronius ad annum Christi 34. num. 225.

Quartò Philostratus octo libros conscripsit de vita Apollonii Tyancæ insignis magi, & Hierocles Pythagoricus totidem alios elucubrauit: quos confutauit Eusebius Cæsariensis tom. 1. qui non ob aliam causam videntur scripsisse, quam vt Apollonium Christo in signis edendis non inferiorem fuisse comprobarent. Sed vt serpens Moysis, Magorum serpentes deuorauit, & in tertio signo Pharaonis sapientes defecerunt: ita Christi sapientia mundi sapientiam stultam reddidit atque infatuauit; & vera Christi miracula, omniq; acceptione digna, mendacia illa & falsa Apollonii, Simonis & aliorum Dæmonis organorum euicerunt.

Quintum & vltimum testimonium est Mahumetis, etsi enim Christo Domino Deitatis formam deneger, illum tamen inter prophetas, supremo in loco reponit, & tam miraculorum gloria, quam Sanctitatis præstantia, toto orbi fuisse conspicuum fatetur: insuper & eius Matrem, Virginem concepsisse, Virginem peperisse, & Virginem in æuum permanisse. In Alchorano enim cap. Elbachera, introducit Deum loquentem in hunc modum: *Dedimus Iesum filium Mariæ, vt faceret miracula & prodigia manifesta: & fecimus eum per Spiritum Sanctum, & insusflauimus in Mariam de Spiritu Sancto, & conceptus est Christus ex virtute Dei de matre Sanctissima & purissima super omnes mulieres.* Habemus igitur non tantum ab Euangelij, & Prophetis, sed etiam ab externis, & inimicis Crucis Christi

verissima extitisse miracula quæ Christus edidit.

Quod si quisquam sit adeo corde & animo durus, vt tot testimoniorum autoritate adhuc non persuadeatur, audiat S. Augustinum, qui lib. 10. de ciuitate Dei cap. 18. sic respondet: *An dicit aliquis, ista falsa esse miracula, nec fuisse facta, sed mendaciter scripta? quisquis hoc dicit, si de his rebus negat omnino vllis litteris esse credendum, potest etiam dicere, nec Deos vllis curare mortalia; Non enim se aliter colendos esse persuaserunt, nisi mirabilibus operum effectibus, quorum & historia gentium testis est, quarum dy se ostentare, mirabiles potius quam utiles ostendere potuerunt. Porro autem si multorum Deorum cultores, qualescumque Deos suos esse arbitrentur, ab eis facta esse miracula, vel ciuiliū rerum historie, vel libris magicis, sine, quod honestius putant, theurgicis credunt: quid causa est, cur illis litteris nolint credere, ista facta esse, quibus tanto maior debetur fides, quanto super omnes est magnus, cui vni soli sacrificandum præcipiunt.* Hæc D. Augustinus, quibus cerè nihil efficacius ad obstinatam animi duritiam superandam, nihil rationabilius dici posse videtur. Si enim ista creduntur, quæ Livius, Cicero, Valerius Maximus & alij referunt? quid ni nostra veracius conscripta? si quæ enim nostri referebant miracula, vera non erant? quid est quod tot libris Apologeticis nostrorum nemo ausus est contradicere.

Iterum idem D. Augustinus lib. 22. de ciuitate Dei cap. 5. excellenti dilemmate totam hanc rem absoluit; miracula enim quæ in Euangelio, & actibus Apostolicis recensentur facta in confirmationem nostræ fidei, vel sunt verè facta, vel non sunt facta; si primum, habetur intentum; si verò secundum dicatur, scilicet miracula hæc non fuisse facta, sequitur aliud maius miraculū, nimirum Apostolos, homines obcuros, pauperes, abiectos, & aliorum iudicio idiotas, destitutos humano auxilio & eloquentia, nullis factis miraculis traxisse

xiffe totum orbem terrarum in eam doctrinam, quæ superat humanum captû, quæq; omnino repugnat humanæ prudentiæ, & concupiscentiæ carnis. Quod argumentum evidentiae credibilitatis pro doctrina fidei Christianæ tanti est ponderis, ut Sanctus Thomas lib. 1. cōtra Gentes cap. 6. non vergeat aliud motuum pro evidentia credibilitatis. Et idem Sanctus Augustinus eodem lib. 2. de ciuitate Dei cap. 8. *Possent quidem, inquit, dicere necessaria fuisse prius quam crederet mundus, ad hoc ut crederet mundus. Quisquis adhuc prodigia, ut credat, inquiri, magnum est ipse prodigium, qui mundo credente non credit.*

CAPVT X.

Refelluntur sophistica infidelium argumenta, quibus miracula à Christo Domino facta infirmare conati sunt.

Aliqui vi argumentorum superiorum capite allatorum oppressi fatentur quidem libenter Christum extitisse, multaque de facto tam ab ipso, quam ab eius Apostolis & discipulis miracula facta fuisse; negant tamen sufficiens, aut efficax propterea ex illis defumi posse argumentum ad demonstrandam fidei nostræ tanquam diuinitus reuelatæ credibilitatem; quod varijs modis & vijs explicare & ostendere conantur.

Quidam enim similia miracula apud Ethnicos in Gentilibus historicis patrata fuisse dicunt. Alij Astrologiæ, & signis cæli illa tribuunt. Sunt qui ad artem Cabbalisticam illa referenda putent. Rursus alij secretiori magia, hoc est, virtute lapidum, herbarum, aut animalium edita fuisse contendunt. Ad hæc alij naturæ quodam temperamento, siue hominis Idiosyncrasia miraculosas morborum curationes fieri posse affirmant. Postremo alij illas reijciunt in vim imaginationis, vel animæ, aut in spiritus qui ab homine exhalant.

Hæc sunt, quibus, ut fatear verum, non tam infideles Deum agnoscentes, quam insipientes Athei, non solum Christianæ religionis veritatem, sed etiam veri Dei, ac numinis existentiam, quot miraculis, tot firmissimis argumentis stabilitam oppugnare contendunt; dum asserunt nullum esse effectum, quantumuis miraculosum, qui virtute alicuius agentis naturalis perfici non possit.

Verum cum in præsentem, ex tot miraculis à Christo Domino, eiusque discipulis in Christianæ fidei confirmationem editis, non Dei existentiam, præcisè aduersus Athæos demonstrare, sed, illa supposita, supposita etiam veritate alicuius religionis in communi, qua verum Deum coli debere natura ipsa duce nobiscum sentiunt Gentiles, intendamus tantum ostendere religionem Christianam, esse hanc veram religionem, qua sola se coli velle infinita miraculorum multitudine declarauit, quæ etiam vera miracula à solo Deo fieri posse admittunt infideles; absque eo quod examinemus in præsentem prædictos omnes modos, quibus, nullo existente Deo, vanè contendunt Athæi vera miracula præstari posse, ut suo loco fusè demonstrabitur, sufficit in præsentem aduersus infideles probare miracula à Christo Domino eiusq; discipulis edita, fuisse vera miracula, in tantum enim talia miracula, quæ de ipsis referuntur, possent infidelibus rationabiliter videri non efficacia ad confirmandam veritatem fidei Christianæ tanquam à Deo reuelatæ, in quantum dubitarent ea non esse vera sed ficta miracula, meraque dæmonum prestigias. Sic igitur pro instituti nostri ratione arguo.

Illæ opera sunt verè & propriè miraculosa, quæ sunt supra totum ordinem naturæ, omnesque eius vires excedunt, sed inter opera, quæ de Christo, & Apostolis, eorumque successoribus nostris narrant Historici, quibus infideles dant fidem, ut suppono, & ita debere superiori capite probavi, sunt aliqua quæ
supe-

superant totum ordinem naturæ, omnemque eius potestatem, ergo sunt opera verè, & propriè miraculosa.

Major est certa ex definitione miraculi, & ex conuentione circa illam, prius facta cum Gentilibus; qua semel facta, consequenter etiam admittere debent vera miracula, aut opera miraculosa à solo Deo fieri posse, qui cum mentiri, nec falsitati testimonium perhibere possit, impossibile esse supra demonstrauimus, quod religio veris ac diuinis miraculis confirmata, sit falsa, vnde tota difficultas consistit in probanda Minori argumenti facti.

Probatur Minor, quia inter Christi miracula, referuntur plures mortuorum resurrectiones, leproforum mundationes, restitutio visus cæco etiam nato, Dæmonum fugationem, sed ista, & alia huiusmodi, sunt opera totum ordinem naturæ superantia, nam à priuatione ad habitum naturaliter regressum non dari docent communiter omnes Philosophi ex Aristotele in Physicis, quibus cum præsertim agimus in præsentī, & contendimus de veritate fidei, ac religionis Christianæ.

Has autem omnes morborum curationes, maximèque mortuorum resurrectiones à Christo factas, fuisse verè, ac propriè dictas resurrectiones, patet ex eo quod ad veram ac propriè dictam resurrectionem nihil aliud requiritur, nisi quod præcesserit animæ à corpore separatio, hanc autem in resurrectionibus à Christo Domino factis primum præcessisse manifestè colligitur ex insigni Lazari suscitatione, qui iam sororis testimonio ferebat, erat enim quadriduanus; quemque ideo Christus suscitauit vt appareret Dei gloria: quapropter Ioannis 11. eleuatis oculis dixit, cum alij lapidem è sepulchro tollerent. *Pater gratias ago tibi quoniam audisti me ego autem sciebam, quia semper me audis, sed propter populum, qui circumstat, dixi, vt credant, quia tu me misisti.* Hac cum dixisset, voce magna clamanis, Lazare veni foras. Et statim prodijt, qui fuerat

mortuus, ligatus pedes, & manus inuictis, & facies illius sudario erat ligata. Dixit eis Iesus: Soluite eum, & sinite abire. Quibus peractis, multi, inquit D. Ioannes, ex Iudeis, qui venerant ad Mariam & Martham, & viderant, quæ fecit Iesus, crediderunt in eum. Alij verò postquam retulerunt Phariseis, quæ fecerat, illico concilium fecerunt, dicentes. Quid facimus quia hic homo multa signa facit? & ab illo ergo die cogitauerunt vt interficerent eum. Pharisei enim, cum miracula Christi in hominum corporibus curandis in Beelzebub patrata esse calumniari potuerunt, nunquam de illo tollendo deliberarunt; At vbi, ipsa rei euidentia non solum Phariseorum, sed etiã totius populi mentes vrgente, in nullam magiam, & in nullam diaboli potestatem Lazari quadriduani suscitationem, quæ cæteris fuit illustrior, vnquam refundere potuerunt, ne, si sic dicerent, apertè Sycophantæ à populo haberentur, tam de Christo quam de Lazaro è medio tollendo deliberare cæperunt.

Sed quia ad veram resurrectionem, non solum requiritur præcedens animæ à corpore separatio, sed etiam subsequens postea eiusdem animæ cum eodè corpore reunio; hæc etiam conditio non defuit Lazaro per Christum Dominum suscitato, vt patet ex vitalibus operibus per illum longo post tempore exercitis. Et si enim dæmones magna qua præditi sunt potestate, valeant aliquando assumere corpora quorundam defunctorum, eaque & illorum organa ita artificiosè mouere, vt apparenter existimantur viuere, & resuscitati, id tamen nunquã fecerunt ad longum tempus, sed solummodò ad breue, ita vt paulò post constiterit de ipsa falsitate. Insuper dæmones in corporibus assumptis ita simulant actiones vitales, & æmulantur calorem natium, vt, qui voluerit attentè, & cum magna consideratione illa attendere statim deprehendat non esse vera corpora, id est, humana, sed fictitia seu composita ex aëre, vel si sunt vera corpora hominum proximè defunctorum.

motus

motus tamen & actiones per illa exercitas non provenire ab anima rationali, tanquam vera forma informante, vt solet doceri in materia de Angelis: at constat de Lazaro diutissimè post suam resurrectionem vixisse, cum alijs familiariter conuersatum fuisse, verasque actiones vitales exercuisse, qui plerumque fuit de numero conuiuantium cū Christo Domino, & in cuius vitam conspirauerunt ipsimet Iudæi aduersarij Christi Domini.

Idem penitus asserendum est de suscitacione Archysinagogi filij, in qua præcessisse animæ à corpore separationem, colligitur ex eo, quod cū Christus illam dormientem tantum appellaret, ab omnibus circumstantibus irrisus fuit, vt dicitur apud Marcum cap. 5. quâ certè ridendi occasionem non habuissent, si puella re vera non fuisset mortua: Idè autè Christus Dominus puellam quantumuis mortuam, dormientem tantum appellauit, quia Scriptura solet mortis horridiorem vocem, somni, & dormitionis meliori vocabulo commendare, aut quia diu in morte non debebat manere, vt enim somnus diuturnus esset mors, ita mors breuis quidam esset videtur somnus; vel melius Christus Dominus dixit, *puella non est mortua, sed dormit, non est mortua mihi: quia illam multò facilius à morte, quam homo hominem à somno exciet, reuocabo: & sum ille Rex, cui omnia viuunt.*

Christus itaque eiecit omnibus, assumptisque patre, & matre puellæ, & ijs qui cum eo erant, ingressus vbi puella erat iacens, eiusque manum tenens clamauit, dicens: *Puella surge, & confestim surrexit puella, duoque signa, veræ resurrectionis exhibuit, alterum, quod ambulabat; alterum, quod præcepit illi dari cibum.*

Idem denique dicendum est de filio viduæ resuscitato Lucæ 7. à Christo Domino cum enim iam defunctus efferebatur, multa ciuitatis turba illum cum matre ad locum sepulchri comitante, Christus Dominus misericordia motus

super eam, dixit illi: *Noli flere: Es accersit & tetigit loculum. Hi autem, qui portabant, steterunt, & ait: Adolescens tibi dico, Surge. Et resedit qui erat mortuus, & cepit loqui. Et dedit illum matri suæ. Sicut enim signa veræ resurrectionis in puella fuerunt ambulare, & comedere: ita in hoc adolescente, surgere vt sederet, & loqui.*

Vndè apparet quanta sit illorum infania, qui non tantum morborum curationes à Christo Domino factas, sed etiam mortuorum suscitaciones in artem magicam refundunt, ex dictis enim sufficienter falsitatis conuinci videntur, nec non ex omnibus illis regulis, quibus supra certò certius vera Dei opera & miracula, à falsis dæmonum & magorum præstigijs dignosci posse ostendimus.

Sed certè longè maior est illa insipientium Atheorum, qui resurrectione absolute negant, vel eam in causas merè naturales reducere conantur, ne ex hoc ingenti miraculo Deum aliquem inferamus; verum quam vanè & ridiculè id asserant, patet ex ipsismet modis, quibus hanc rem explicare conantur, quos refert, doctissimèque impugnat Pater Merfennius Ordinis Minimorū S. Francisci de Paula in Genesim. Potest etiā de hac materia videri Pater Salmeron Societatis Iesu tomò 6. in Euangelia, vbi non minori pietate, quàm doctrina veritatem miraculorum Christi Domini, tam in communi quàm in particulari ab obstructorum, & calumniatorum omnium cauillis, & sophismatis vendicat. Vt enim aurum igne rutilantius, & defæcacijs efficitur, ita quò signorū Christi veritas magis illustrata, & apud omnes diligenter illa examinantes inconuulsa maneret, Deus Optimus Maximus ineffabili suæ prouidentie dispositione ordinauit, vt multis inimicorum mendacijs impeterentur.

CAPVT XI.

*Ostenditur aduersus hereticos maximè,
Ecclesiam Catholicam Romanam esse
veram Dei Ecclesiam ex perseuerantia
doni miraculorum in ipsa.*

Quamuis non sit necessarium, nec etiam expediat modo signa tot ac tanta, vt olim in primitiua Ecclesia fieri, quia fides nostra factis iam probata, satis confirmata fuit, & planta diligentius rigari solet, quando est recens, & tenella, donec in terra coaluerit, radicesque fixerit, inquit D. Gregorius homil. 25. in Euang. nihilominus tamen vt nulla nobis deesset nota dignoscendi veram Dei Ecclesiam, ac doctrinam, præ omnibus alijs falsis hæreticorum sectis, quibus hodiè mundus miserè distrahitur, & quod sola Ecclesia Catholica Romana est illa, quæ antiquæ similis est, in qua durat & perseuerat adhuc donum miraculorū, Deus Optimus Maximus singulis ætatibus illam innumeris, ipsque testatissimis miraculorum signis ornare voluit.

Ac primum de vndecim primis sæculis planum est ex 11. tomis historiæ Ecclesiasticæ Centuriatorum Magdeburgensium. In singulis enim centurijs illis cap. 13. annotant ex authoribus illorum temporum omnia miracula, & in singulis sæculis reperiunt plurima in confirmationem dogmatum fidei Catholicæ, vt confessionis Sacramentalis, reliquiarum, imaginum, Eucharistiæ, pontificatus, monachatus, inuocationis Sanctorum, &c. ipsi enim hos titulos ponunt, & quamuis postea subiungant illa omnia fuisse demonum præstigias, aut falsas narrationes, non alia ratione, nisi quod ea miracula pugnent cum Euangelio Lutheri, tamen quam infusa sit talis responsio constabit ex dicendis infra.

Interim iuuat breuiter, ac distinctè per omnia sæcula potius adnotare, quam referre si non omnia, saltem in
Bibliot. Theol. Tom. V.

signiora miracula, quibus semper Ecclesia Catholica floruit.

Primo sæculo habemus miracula Christi, & Apostolorum in Euangelijs & Actis, de quibus possunt consuli interpretes Sacri, & Cardinalis Baronius tomo 1. & 2. Annalium, alijque Historici Ecclesiastici.

Secundo sæculo ab anno 100. ad 200. primum occurrit miraculum Sancti Clementis, qui vt constat ex actis eius in deserta ciuitate Cherson, quo ad locum exilij fuerat amandatus, diuina ope implorata, vberimum aquæ fontem ad potum necessariam (nam illa insuper molestia inter plures alias vrgebantur pauperes Christiani illuc delegati, vt humeris aquam sex millibus passuum, procul positam, iugiter ferrent) è terra in loco diuinitus agni signo monstrato fecit erumpere: quo miraculo edito, Christi fidem loci accolis annuntiante Clemente mirificè Christiana Religio fuit propagata; adeo vt idololatria, quæ in ea regione antè vigeat, extincta propemodum fuerit. Similiter Gregorius Turonensis de gloria martyrum cap. 35. & 36. narrat alia insignia miracula ad eiusdem S. Clementis sepulchrum facta.

Habemus insuper miracula Christianorum militum in exercitu Marci Antonini; miraculum S. Narcysii Hierosolimorum Episcopi, qui aquam ex puteo statim haustum in oleum mutauit; miraculum de libris Sacris incendio traditis, & ab illo diuinitus liberatis; miraculum de fonte scaturiente in martyrio S. Iulitæ, de quibus omnibus videndus est Cardinalis Baronius to. 2. Annalium.

Tertio sæculo ab anno 200 ad 300. præter innumera miracula quibus D. Gregorius indè Taumaturgus dictus clauit, de quibus præcipuè agit S. Basilius lib. de Spiritu Sancto cap. 29. Gregorius Nyssenus in vita eius: Hieronymus de viris illustribus & alij; Eusebius etiam lib. 10. cap. 12. asserit miracula per Dei gratiam Constantino ostentata,

H

nec

58 Bibliothecæ Theologicæ Lib. IV.

nec dicendo quidem exprimi posse.

Quarto sæculo ab anno 300. ad 400. Romanum Martyrem Antiochenum præfecta abs tyranno lingua locutum esse refert Chrysostomus in Encomio Romani, & Prudentius in hymno ipsius. Albanus Verolamienſis Tameſis fluuij alueum cum mille viris ſiccò pede tranſgreſſus eſt: ex Beda lib. 1. cap. 7. hiſtor. Angliæ. Per Paphnutium non minus quàm dudum per Apoſtolos ſigna facta fuiſſe narrat Ruſinus lib. 1. cap. 4. Nam & dæmones verbo tantum fugauit, ægros ſola oratione curauit: ſed & cæcis viſum reddidit, & paralyticos ad ſtabilitatem corporis reuocauit. Innumera tandem habemus miracula Antonij, Hilariſis, Martini, Hilarij, Nicolai, & aliorum ſcripta ab Athanaſio, Hieronymo, Sulpitio, Fortunato & alijs in eorum vitis.

Quinto ſæculo ab anno 400. ad 500. præter miracula plurima, quæ deſcribit D. Auguſtinus facta ſuo tempore lib. 22. de ciuitate Dei cap. 8. plura alia refert Theodoretus in philotheo cap. 9. 16. & 22. de Petro Eremita, Simeone Stylita, & Thalaſio; DYNAMIUS de Maximo Rhegienſi Episcopo in eius vita; Gregorius Turoſenſis lib. 2. Hiſt. Franc. cap. 34. de Mamerto Viennenſi Episcopo; Matthæus Vveſtmonaſterienſis de S. Patritio Hiberniæ Archiepiſcopo; Idem Gregorius Turoſenſis de S. Remigio cap. 31.

Sexto ſæculo ab anno 500. ad 600. in Annalibus Eccleſiæ Catholiæ laudantur duo miracula duorum Summorum Pontificum Ioannis & Agapeti ex lib. 3. Dialogor. Sancti Gregorij cap. 2. & 3. quorum primus Conſtantinopoli in conſpectu omnium roganti cæco lumen reddidit; ſecundus verò claudum curauit & mutum. Idem Gregorius lib. 2. plura alia refert miracula de S. Benedicte Abbate; de S. Mauro & Placido, Fauſtus & Gordianus in eorum vitis: præterea idem

D. Gregorius lib. 9. epiſt. 58. & Venerabilis Beda lib. 1. Hiſtor. Angliæ. c. 31. referunt miracula facta in Angliæ à S. Auguſtino, & ſocijs illuc ad fidem Euangelicam prædicandam miſſis.

Septimo ſæculo ab anno 600. ad 700. miraculis floruit Theodoſius Archimandrita ex Georgio Preſb. in eius vita; Anulphus Metenſis Episcopus ex Surio tom. 4. Amandus Episcopus Traieſtenſis ex Gaudemundo in eius vita; Eligius Nouiomenſis Episcopus, ex Audoeno in eius vita; Trudo Prefbyter ex Theodoro Abbate in eius vita; Florentius Episcopus Argentinienſis ex Surio; Agatho Papa ex Platina in eius vita.

Oſtauo ſæculo ab anno 700. ad 800. miracula S. Gudberti, & S. Ioannis in Angliæ ex Beda lib. 4. & 5. hiſt. S. Suniberti Episcopi, ex Marcell. in eius vita; S. Erhardi Treuirenſis Episcopi, ex actis Episcoporum Treuirenſium.

Nono ſæculo ab anno 800. ad 900. miracula Tharaſij ſcripta ab Ignatio Nicæno; Ioannicij Abbatis ex Metaphraſte in eius vita; Angarij ex Alberto Stradenſi; Remberti Hamburgienſis Danorum, & Suedorum Apoſtoli, ex Alberto Crant. in Metrop. lib. 2. cap. 10. Rumoldi Scotiæ regis filij ex Surio tom. 7. & tandem innumera alia quæ in ciuitate Sueſſionenſi in translatione reliquiarum S. Sebaſtiani Martyris facta referunt Annales Francorum, ſcripti ſumma fide ab auctore qui illo ipſo ſæculo floruit.

Decimo ſæculo ab anno 900. ad 1000. miraculis clauerunt in Eccleſia Catholica S. Romualdus cuius vitam ſcripſit Cardinalis Petrus Damianus, S. Venceslaus Bohemorum Rex, S. Vdalricus ex Bernone in eius vita; S. Dunſtanus Cantuarienſis Episcopus, ex Osberto in eius vita; Maiolus Cluniacenſis Abbas, ex Odilone Presbytero in eius vita cap. 11.

Vndecimo ſæculo ab anno 1000. ad 1100. habemus miracula S. Eduardi Regis

Regis Angliæ; Heriberti Colonienſis Archiepiſcopi ex Ruperto Tuitienſi in eius vita; Odilonis Abbatis Clunia- cenſis ex Petro Damiano in eius vita, S. Anſelmi Cantuarienſis Epifcopi, ex Edinero in eius vita.

Duodecimo ſæculo ab anno 1100. ad 1200. miraculorum gratia inſignes fuerunt, Beatus Malachias Hiberniæ Epifcopus legatus Pontificis Romani, ex D. Bernardo in eius vita; S. Bernardus, qui vt ſcribit Goſfridus lib. 4. c. 4. vitæ eius, vna die in Conſtantiendi diœceſi illuminauit cœcos vndecim, curauit mancos decem, & claudos decem & octo; Thomas Cantuarienſis Epifcopus, qui aquam in vinum ſua benedictione conuertit ex Helmoldo in Chronico Sclauorum lib. 2. c. 19.

Decimo tertio ſæculo ab anno 1200 ad 1300. SS. Franciſcus & Dominicus duorum inſignium Ordinum fundatores, inſignium quoque miraculorum, fuerunt operatores. Claruerunt eodem ſæculo miraculis B. Petrus Martyr, & B. Thomas ex ordine Prædicatorum; & B. Antonius, ac Beatus Bonauentura ex ordine Minorum; Elifabeth Vngariæ regis filia, quæ ſeptemdecim mortuos ſuſcitauit, & cœcum natum illuminauit ex Bonfinio lib. 7. dec. 2. rerum Vngaricarum; Petrus Cæleſtinus V. Pontifex Romanus, tam ante Pontificatum, quàm poſt eius abdicationem ex Petro Aliacenſi in eius vita.

Decimo quarto ſæculo ab anno 1300. ad 1400. claruerunt miraculis etiam multi, ſed præcipuè S. Rochus, S. Catharina Senenſis, S. Bernardinus Senenſis, S. Nicolaus Tolentinus, de quibus videndi Scriptores vitarum Sanctorum.

Decimo quinto ſæculo ab anno 1400. ad 1500. clauit S. Vincentius Ferrerius viuus & mortuus miraculis plurimis, adeo vt B. Antoninus 3. p. hiſt. tit. 23. dicat conſtare de 38. mortuis per eum excitatis. Eodem etiam ſæculo idem Beatus Antoninus defun-

Bibliot. Theol. Tom. V.

ctum vita excitauit, & parum olei, ac mellis inſtar Eliæ multiplicauit, ex Vincentio Mainard. in eius vita.

Decimo tandem ſexto ſæculo ab anno 1500. ad 1600. omni genere miraculorum claruerunt multi ſed præcipuè S. Franciſcus de Paula, Ignatius Loiola Societatis Ieſu fundator, Sanctus Franciſcus Xauerius, S. Mater Thereſia Ordinis Carmelitici reſtauratrix, Diſcalceatorum Fratrum in eo fundatrix, S. Carolus Borromæus, S. Philippus Nerius, aliique plures quos omitto, ſicut & miracula quæ ad Diuorum, Mariæ Dei Genitricis, Apoſtolorum, Martyrum, Confefſorum, Virginum, & Viduarum imagines, ſepulchra, memorias, aut aliàs ad rerum ſacrarum præſentiam, vel vſum diuina virtute contigerunt, cum copioſè ſatis eadem apud diuerſos, & ſtudioſè congeſta reperiantur.

Pro conſuſione tantum, & cor- onide huius capituli, paulò longius exami- nabo perſeuerans euidenter in Ec- cleſia Catholica Romana miraculorū donum, circa dæmonum corpora hu- mana poſſidentium expulſionem: Ete- nim Chriſtus Dominus ſuæ promiſit Eccleſiæ poteſtatem calcandi ſupra, omnem poteſtatē inimici, ſupra ſcor- piones, & ſerpentes, Lucæ 10. & Mar- ci 16. *in nomine meo dæmonia ejcient*; Catholici igitur Exorciftæ dæmones corpora humana poſſidentes vel co- gunt exire, vel ſi non ſtatim, quia Deus plerumque ad honorem nominis ſui vult diuturniorem eſſe vexationem, vt veritas magis eluceſcat, nec dicatur fraus aliqua ſubſeſe, plerumque etiam ad vtilitatem eorum qui vexantur, vel ad exemplum, & terrorem aliorum, vel propter tepidiorem fidem exorci- ſtæ, aut circumſtantium: nam & Ma- thæi 17. & Lucæ 9. legimus etiam Apoſtolos aliquando non potuiſſe eiſcere Dæmonia, interim tamē Exor- ciſtæ, ſolo iuſſu, ſuiſque verborum fla- gellis eoſdem dæmones cruciabiliter exagitant donec exierint; compellunt

etiam respondere de rebus occultissimis, quæ ipsos energumenos penitus lateant, compellunt loqui peregrinis linguis, vel si non loquantur, cogunt saltem facere, & exequi omnia, quæ sibi Græcè, vel Hebraicè iussa fuerint, & directè obedire ad sensum huiusmodi verborum, neque id semel duntaxat, & casu fortuito, sed multoties & constanter per integras horas, cum tamen obsessi harum linguarum sint omnino imperiti.

Quæ omnia certè non ex aliquo pacto, & conuentione cum dæmone, sed sola Dei virtute ab Exorcistis Catholicis fieri posse manifestissimè sequentia demonstrant argumenta. Primo enim si ex tacito pacto id fieret, nõ iam vterentur exorcistæ asperrimis verbis, & acerbissimis conuicijs aduersus dæmones, sed potius quasi rogarent, ac obsecrarent, nec perpetuas maledictiones, sed preces adhiberent, nec imperando, sed potius impetrando negotium peragerent, cuius tamen contrarium quotidiana docet experientia, nullus enim in Ecclesiæ Catholicæ exorcismis reperitur modus alloquendi dæmonem, nisi comminatorius, execratorius, varijsque maledictionibus, & probris plenus; quod egregiè olim Tertullianus docuit lib. de anima cap. 57. *Nos, inquit, spiritalia nequitia, non inuitatoria operatione, sed expugnatoria dominatione tractamus, non sociæ conscientia, sed inimicæ scientia; idem penitus tradit S. Cyprianus lib. aduersus Demetrianum circa medium. Et epistola 76. nec non D. Damascenus lib. 1. de Imaginibus, Magi, inquit, adiurant, Ecclesiæ quoque exorcizat; sed magi inuocant dæmones, Ecclesiæ autem Deum contra dæmones inuocat.*

Secundò dato quod aliquando etiam magi ex conuentione & pacto cum dæmone superiori cogere possint dæmones inferiores obiurgando, & comminando; attamen illud est rarissimum, nec potest fieri per pactum cū

dæmone inferiori, sed tantum superiori, qui postea ex vi promissionis mago factè torqueat alium inferiorem sibi subditum; At nostri exorcistæ, vt optimè notauit Philippus Gamachæus doctor, & socius Sorbonicus 12. quæst. 1. de Theolog. Virtut. nullo prorsus discrimine, eodem modo, iisdemque formulis adoriuntur quoscumque dæmones, cuiuscumque ordinis summi, medijs, infimi, nec vni tantum, aut alteri imprecantur, vel maledicunt, sed pariter omnibus sine vlla exceptione, eorumque pompis abrenuntiant, hortanturque ipsos dæmoniacos, vt forti animo & magna fide id ipsum præstent: quod satis arguit nullum penitus intercedere consensum tacitum cū dæmone, alioqui suo ipse se iugularet gladio, suis armis periret, propriumque suum regnum data opera euertiret ac destrueret: quod tamen negat Christus Dominus Matth. 12. Iudæis enim aduersus ipsum blasphemantibus, vt hodiè faciunt hæretici aduersus Ecclesiæ eius sponsam, quod in Beelzebut eijceret dæmonia, respondit: *Si Sathanas aduersus se diuisus est, quomodo stabit regnum eius, omne enim regnum diuisum desolabitur.*

Tertiò si mirabilia ista, quæ in Ecclesiæ Catholica per eius exorcistas fiunt, niterentur aliqua fraude, & conuentione diabolica, quare igitur non fiunt etiam inter Mahometanos, Iudæos, aliosque infideles toto terrarum orbe, sed solum inter Catholicos Romanos, & Pontificios. De hoc argumento vide præcitarum doctorem.

†



CAPUT XII.

Satisfit hæreticorum obiectionibus contra perseuerantiam ac durationem doni miraculorum in Ecclesia Catholica Romana.

TAntæ miraculorum multitudini superiori capite relatæ, nihil aliud habent, quod opponant nostri temporis hæretici miraculis carentes, nisi illa omnia fuisse ficta, & supposita; quod miracula post Christum, & Apostolos omnino desierint.

Putabam sanè tam absurdam, & infulsam obiectionem relinquere, nec ei respondendo satisfacere, cum Sapiens dicat Prouerb. cap. 26. *Noli respondere stulto iuxta stultitiam suam, ne efficiaris illi similis.* Verumtamen quia subiungitur; *Responde stulto iuxta stultitiam suam, ne sibi sapiens esse videatur.* Primum dico falsissimum esse, quod miracula post Christum, & Apostolos omnino desierint, præterquam quod enim euidenter constat de contrario ex relatis superiori capite, Christus ipse Marci 16. ait: *Signa autem eos qui crediderint hæc sequentur, in nomine meo demonia ejicient; loquus loquentur nouis: serpentes tollent: essi mortiferum quid biberint, non eis nocet: super agros manus imponent, & benè habebunt, &c.* nec restringit ad certum tempus, sic & Ioannis 14. *Amen amen dico vobis, qui credit in me, opera, quæ ego facio, & ipse faciet, & maiora horum faciet.* Matth. 28. *Ero vobiscum vsque ad consummationem seculi.*

Vbi tria sunt adnotanda; primum, non obstante hoc, quod Christus ipse suam doctrinam ingentibus, ac plurimis confirmarat miraculis, adhuc tamen necessarium visum fuisse, vt Apostolis quoque consimile patratorum miraculorum donum diuinitus conferretur.

Secundum non ea tantum miracu-

la à Christo fuisse commemorata, quæ ex suo genere vniuerso, omnem naturalem, seu creatam virtutem excederent, sed insuper etiam quædam alia, quale est, linguis nouis loqui, serpentes innocuè tollere, à mortifero haustu non lædi: vt ne statim videlicet, cū aliquid eorum factum subindè à Sanctis, & Catholicis vident, impudenter exclamare ausint hæretici, id demonum ope, aut vi creata esse perfectum. Non tamen putandum est, Christum ea signa ita commemorasse, vt excludere voluerit alia, pleraque etiam maioris momenti, totumque naturæ ordinem superantia, ab Apostolis, eorumque successoribus pro fidei confirmatione perpetranda; si quidem ipsemet Christus loco statim citato Ioannis 14. de credētibus in se dixit, facturos opera quæ fecit, & adhuc maiora.

Tertium est, eam potestatem non solum spectare ad Apostolos, sed ad eorum quoque successores, aliosque Christi fideles: etsi enim necessarium non sit, nec etiam expediat, à fidelibus singulis eiusmodi edi miracula, vt rectè notauit D. August. & ideo Christus non dixit, omnes eos, qui crediderint, ea signa esse sequutura; sed indefinitè eos, qui crediderint, hoc est, Christi fideles; certè tamen in vera Dei Ecclesia nunquam omnino defutura sunt miracula, & potestas illa patrandi: id quod etiam ex supra citato textu Euangelico manifestè colligitur. Illud enim Christi mandatum, quod ibidem præcesserat, quodque miraculorum virtute concessa obsignauerat, *euntes in mundum vniuersum, &c.* non ad solos Apostolos, sed etiam ad eorum successores, totamque adeò Ecclesiæ posteritatem se extendit; quandoquidem hætenus ad finem vsque mundi, nunquam defuerunt, nec deerunt nouæ gentes, quibus Christi fides prædicanda, ac miraculis confirmanda sit, vt diximus superiori capite, & sequenti paulò latius explicabitur.

Vndè

62 Bibliothecæ Theologicæ Lib. IV.

Vndè hæretici negantes omnia miracula post mortem Apostolorum, quod ea sibi deesse videant, faciunt apertè Christum mendacem.

Deindè quando asserunt hæretici miracula, aut signa in Ecclesiâ Catholica patrata esse ficta, vel intelligunt ea esse ficta ab ijs, qui illa ediderunt, ita, vt ope demonum, aut aliquibus præstigijs in hoc vsu fuerint, vel intelligunt ea esse ficta, aut supposita ab historicis illa referentibus; certè si hæretici primum asserant, hac in parte se ostendunt Iudæorum imitatores, qui manifestis Christi miraculis conuicti obijciebant ea esse falsa, & diabolica, & fieri in Beelzebuth principe dæmoniorum; sed sicut hæc Iudæorum blasphemia aduersus Christum, ita & hæreticorum aduersus Ecclesiam Catholicam sufficientissimè falsitatis arguitur, ex ijs omnibus regulis, quibus supra vidimus vera Dei signa, & opera à falsis dæmonum præstigijs distinguui.

Si secundum dicatur, miracula videlicet superiori capite allata fuisse à nostris Historicis conficta, & supposita. Nos excipimus debuisse hoc non dici, sed probari, atqui è contrario eadem miracula, vel sunt litteris mandata ab aliquibus viris sanctissimis, vel sunt publicis tabulis, & suffragijs confirmata, post longam & diligentem inquisitionem, & adhibitos iuratos testes omnis ætatis, sexus, conditionis, sicut patet ex processu celebrari solito in solemnè declaratione, & apothecosi Sanctorum, quod in canonem referuntur. Præterea inter illos testes, aliqui sunt Reges & Principes, alijque Magistratus nonnunquam integræ ciuitates: quis verò tam fatuus, vt credat, tot personas tamque illustres gratis mentiri voluisse, & ad mentiendum simul conuenire potuisse; vel etiam ita alijs imponere potuisse, vt mendacium ab aliquo tandem non deprehenderetur? Etenim fraus diu latere non potest; & veritas est filia temporis; & quibuscumque angustijs interclusa respirat: nec Deus

in necessarijs deest, nec patitur nos tentari supra id quod possumus.

C A P V T X I I I.

Afferuntur aliquæ rationes, propter quas non expedit modo signa tot ac tanta, communiter fieri, vt olim in primitiua Ecclesiâ facta legimus.

QVia aliqui non tam ex aduersarijs, quàm ex nostris vrgere possent, quod sit in causa cur perindè modo tot signa, & miracula non fiant, quot olim in primitiua Ecclesiâ facta fuisse legimus? Et nominatim, cur modo nemo per impositionem manuum Episcoporum, & acceptionem gratiæ Spiritus Sancti, accipit intelligentiam variarum linguarum, sicut solitum, & solemne erat illis primis nascentis Ecclesiæ temporibus; vt huic dubio satisfaciamus adducendæ sunt aliquæ rationes cur Deus ita ineffabili sua providentia disposuerit.

Prima ratio sumitur à simili, quemadmodum enim in rebus naturalibus, v.g. vt producat homo, & vt genitus adolescat, requiruntur multa adiumenta, quæ in ætate virili essent ei, aut superflua, aut etiam noxia: quemadmodum in rebus moralibus, plura solemnibus quibusdam ceremonijs, & nobili pompa principio firmantur, non item postea quam hominum consensu sunt comprobata: eligitur enim v.g. rex, aut Imperator ingenti ceremoniarum apparatu, quæ tamen postea non repetuntur: tandem sicut in rebus artificialibus, v.g. in ædificijs, primum ligna & trabes, aliaque plura eiusmodi, quæ operi extruendo supponi solent, necessaria sunt, quæ peractò opere tolluntur: ita similiter maiora, magisque frequentia miracula & signa fuerunt necessaria, vt fundaretur Ecclesiâ, & vt primum constitueretur, quam vt ea iam fundata conseruaretur, maximè apud eos qui iam credunt, nam vt Apostolus ait, 1. Corinth. 14. *Lingue in signum sunt, non fide-*

fidelibus sed infidelibus, ut scilicet ad fidem adducantur.

Secunda ratio est, quia veteribus adhuc fidem facientibus, & quo ad auctoritatem suam adhuc perseverantibus, tanta novorum miraculorum multitudo necessaria non fuit, Ecclesia iam constituta, ut docet S. Augustinus lib. 2 de civitate Dei cap. 8. *Necessaria, inquit, fuerunt miracula priusquam crederet mundus, ad hoc ut crederet mundus, ea enim ut fidem facerent innotuerunt, & eadem per fidem quam fecerunt multo clarius innotescunt; leguntur quippe in populis, ut credant, nec in populis tamen nisi credita legerentur.* Unde etiam si idem S. Augustinus eodem loco dicat, etiam nunc fieri miracula in Christi nomine, siue per Sacramenta eius, siue per orationes vel memorias Sanctorum eius, non eadem tamen claritate illustrari docet, ut tanta quanta vetera gloria diffamantur. Canon quippe sacrarum litterarum, quem diffamatum esse oportebat; illa, facit ubique recitari, & memorie Sanctorum inhaerere populorum; hæc autem ubique fiunt, ibi sciuntur, vix à tota ipsa civitate. Nam plerumque etiam ibi paucissimi sciunt, ignorantibus cæteris, maxime si magna sit civitas: & quando alibi, alijsque narrantur, non tanta ea commendat auctoritas, ut sine difficultate, vel dubitatione credantur, quamvis Christianis fidelibus à fidelibus indicentur. Hactenus D. Augustinus docens veram rationem cur modo ad confirmationem fidei, & apud eos maxime qui iam credunt non edantur tot miracula, ac in prima Ecclesie fundatione, cum illa quæ scripta sunt in Evangelio, nobis credentibus deferuiant; & si quæ modo fiunt non tanta gloria illustrantur, quod non confirmarentur ut illa, testimonio Evangelico.

Tertia ratio desumitur ex natura miraculi apud S. Augustinum cap. 25. de vera relig. & cap. 16. de utilitate credendi, quia si in Ecclesia continuo fierent miracula ea multitudine & frequen-

tia, qua principio nascentis Ecclesie facta referuntur, iam non essent insolita, & ita desinerent esse miracula, de quorum ratione est, ita esse opera supernaturalia solius Dei virtute factibilia, ut etiam sint insolita & inusitata. Imo ex tali frequentia sequeretur homines illis parum admodum moveri, nec deessent fortasse, qui contenderent ea non esse præter cursum naturæ.

Quartò, quemadmodum Deus non deficit in necessarijs, ita nec abundat in superfluis, & non necessarijs, semel autem iam fundata & instituta Ecclesia, tot tamque frequentia miracula non solum non sunt necessaria, sed etiam superflua videntur, quia qui scripturæ, quam scit confirmatam tot miraculis, non credit, aut à peccatis non recedit, neque si coram illo innumera patrarentur miracula, crederet; dixit enim Dominus Lucæ 16. *Si Moysen, & prophetas non audiunt; neque si quis ex mortuis resurrexerit credent.* Dicam ego, qui toto mundo credente non credit, cum tot populorum in Christum credentium fides, & unio sit veterum miraculorum effectus, & in isto adhuc se prodant, neque si innumera per singulos dies fierent, crederet. In tantum enim post tot miracula, quorum veritas satis constat ex tot sæculorum, totque sapientium cuiuslibet conditionis virorum consensione, intantum inquam aliquis post illa non credit, in quantum putat non fuisse vera sed ficta miracula; at eadem ratione posset dubitare de illis quæ modo fierent, & ab illo viderentur. Multa, si quidem admiranda Christi signa viderunt Pharisei; neque propterea, vel à peccatis resipuerunt, vel à morte Christo patranda destiterunt.

Quinta ratio est, quia cum iam miraculorum auctoritati successerit auctoritas Ecclesie, modò tot ac tanta signa non sunt necessaria, quanta olim facta legimus: In tantum enim Apostoli eorumque discipuli, primis illis Ecclesie nascentis temporibus innumera ediderunt miracula, ut per illa tanquam per

authen-

authentica suæ missionis signa, probarent se à Deo missos, & vt legatos ipsius esse audiendos; iam ergò constante, quinam sint homines illi diuini, qui Dei reuelationes annuntiant, quique sunt in rebus ad religionem pertinentibus audiendi, & apud quos eandem doctrinam ad posteros transmittendam deponerunt, quosque suæ fidei, & religionis heredes reliquerunt; non est amplius opus tanta miraculorum multitudine, ac frequentia; vt enim docet D. August. libro de utilitate credendi cap. 16. dupliciter mouemur partim miraculis, partim multitudine, facta autem sunt opportunissimè miracula, vt his multitudine credentium congregata, atque propagata, in ipsos mores utilis conuerteretur auctoritas; quasi diceret auctoritate miraculorum constitutam fuisse Ecclesiam, cuius auctoritas illi alteri miraculorum auctoritati succedens sufficit nobis, absque eò quod tot fiant de nouo miracula, vt vnde sit petenda veritas fidei, & religionis sciamus; *Ecclesia enim Dei vini*, inquit D. Paulus 1. ad Timotheum cap. 3. *est columna, & firmamentum veritatis*, quia quemadmodum in columnis proponi & describi solebant leges, aut sicut columna erecta signum est manifestum locum aliquem indicans, ita in Ecclesia & adunata fidelium multitudine vera Christi lex & doctrina visibiliter, & infallibiliter omnibus illam requirentibus proponitur.

Sextò tandem & vltimò, loquendo in particulari de dono linguarum, quod ordinariè in primitiua Ecclesia per impositionem manuum Episcoporum diuinitus conferebatur, dici potest tunc ideò fuisse frequentius tale donum, vt facilius per illam diuersarum linguarum intelligentiam Euangelium per vniuersum orbem annuntiaretur, & Ecclesia Christi propagaretur; qua semel propagata in nationes varias & populos, cum ex illis ad fidem conuersis plures doctores electos habeat, non est amplius necesse, vt per miraculosam institutionem conferatur ordinariè intelligentia

variarum linguarum, sicut solitum & solemne erat illis primis nascentis Ecclesie temporibus.

Hæ sunt ergò præcipuæ rationes, quibus sufficienter comprobatum puto, non esse tot modò signis opus ad conseruandam Ecclesiam, quod olim ad illam fundandam; quamuis absolutè loquendo voluerit Deus omnibus sæculis illam aliquibus miraculis ornare, potestatemque illa patrandi munire, vt etiam nunc ex hac nota intelligeremus illam solam, esse veram Dei Ecclesiam, in qua perseuerat hoc donum.

CAPVT XIV.

Explicatur secundum argumentum ex prophetarum oraculis ac prædictionibus desumptum.

Secundum argumentum, aut motiuum pro euidencia credibilitatis fidei Christianæ & Catholicæ tanquam diuinitus reuelatæ deducitur ex prophetarum oraculis ac prædictionibus: Dubitari enim non potest, quin illa meritò pro vera fide, & Ecclesia tenenda sit; quæ partim prophetis oraculis approbata, & collaudata; partim etiam affectas quamplures habuit vero prophetiæ dono insignes: talis est fides Christiana, & Catholica Romana; non autem vlla alia secta; ergo, &c. Hoc argumentum: primùm nos docuit Christus Ioannis 5. *Scrutamini Scripturas, quia vos putatis in ipsis vitam æternam habere: & ille sunt quæ testimonium perhibent de me.* Et paulò inferius, *si crederetis Moysi, crederetis forsitan & mihi: de me enim ille scripsit.* Vnde hoc etiam argumèto vsi sunt Iustinus Apologia 2. ad Antoninum Pium, Tertullianus in Apologetico cap. 20. Clemens Alexandrinus lib. 6. Stromat. Lactantius lib. 4. diuinarum Institut. cap. 9. Augustinus lib. de catechizandis rudibus cap. 26. lib. 17. de ciuitate Dei à c. 15. & lib. 13. contra Faustum à cap. 8.

Ut vis iſtius argumenti illuſtrius appareat, primum ſtabiliendum eſt tanquam certum, & indubitatum etiam apud Gentiles, & hereticos neminem poſſe certo, inſallibiliter, in particulari, & cum omnibus circumſtantijs multo ante prædicere futura merè cōtingentia ſine ſpeciali, & ſupernaturali Dei aſſatu iuxta illud Iſaiæ cap. 41. *Annuntiate qua ventura ſunt in futurum, & ſcietis quia dñs eſtis vos*, & cap. 46. *Recordamini prioris ſæculi, quoniam ego ſum Deus, & non eſt ultra Deus, nec eſt ſimilis ei: annuntians ab exordio nouiſſimum, & ab initio quæ necdum facta ſunt*. Qua etiam de cauſa Chriſtus ſeruator, vt ſe Deum verum oſtenderet, maioremque fidem ſuæ doctrinæ tanquam à Deo proficiſcenti conciliaret, futura multa prædicere voluit in ſcripturis, Io: 14. *Dixi vobis priuſquam fiat, vt cum factu fuerit credatis*, & capite ſequenti 15. *Hæc locutus ſum vobis, vt cum venerit hora eorum rem inſcramini, quia ego dixi vobis*. Idcirco & dæmones in ſuis oraculis aſſectantur maximè diuinationem futurorum, & ambigüe loquebantur. Vt enim ait Tertullianus in Apologetico cap. 20. *Idoncum teſtimonium diuinitatis eſt veritas diuinationis*. Quod etiam probat D. Hieronymus in cap. 41. & 46. Iſaiæ, & communiter interpretes ſacri, inter quos videri poteſt Chriſtophorus Caſtro Societatis Ieſu in libris prolegomenicis ad 12. prophetas, vbi hanc materiam accuratè pertraſtat. Alijque Theologi ad quæſt. 171. 2. 2. Sancti Thomæ.

Si igitur ex hoc quod vera miracula ſolius Dei virtute perfici poſſunt, repugnat ex dictis ſupra, quod religio veris ac diuinis miraculis confirmata, & in qua perſeuerat poteſtas & facultas miracula patrandi, ſit falſa, quia ſcilicet Deus illorum author nec mentiri, nec falſitati teſtimonium perhibere poteſt; eadem etiam ratione ſuppoſito ſemel, vt ſuo loco, Deo dante probabitur, quod certa accurata, & inſallibilis futurorum merè contingentium co-

Bibliot. Theol. Tom. V.

gnitio non poſſit eſſe niſi à Deo eiufque aſſatu, apertè ſequitur, vt quàm impoſſibile eſt, Deum falſitatis teſtem eſſe, tam etiam certum merito credi debeat, eam veram eſſe fidem, Deique religionem, quæ prophetiſis oraculis conteſtata ſit.

Hoc ſuppoſito pro explicatione & probatione maioris, argumenti ſuperius allati, nunc pro explicatione & probatione minoris propoſitionis oſtendendum eſt, quod ſola religio Chriſtiana, ſolaque Eccleſia Catholica fuerit prophetiſis oraculis collaudata & approbata, plureſque habuerit aſſectas, qui prophetiæ dono inſigniter enituerunt.

Nam I. Sybillarum antiquiſſimis vaticinijs, quorum etiam Varro, alijque Scriptores Etrici meminerunt, vt ſuo loco ſupra vidimus lib. 2. præcipui fidei noſtræ articuli iam olim clarè & perſpicuè prædicti, & collaudati fuerunt, vt ſpecialim etiam contra Ethnicos referunt & obijciunt Clemens Romanus lib. 5. Conſtitut. Apoſtolic. cap. 6. Iuſtinus oratione Parænetica ad Gentes, Lactantius lib. 1. inſtitut. cap. 46. & Auguſtinus lib. 18. de ciuitate Dei cap. 43.

I I. Veteris teſtamenti prophetæ, alijque libri, pleraque fidei Chriſtianæ myſteria perſpicuis verbis vaticinando aſſeruerunt v. g. *non deficiet ſceptrum de Iuda, &c. oriatur ſtella ex Iacob*. Ecce Virgo concipiet. Et in Bethleem Iuda. *Septuaginta hebdomades abbreviata ſunt*; aliaque eiufmodi complura, ſuis locis afferenda, quæ non fuiſſe poſt Chriſtū Dominum ſicta, vt Gentiles poſſent nobis obijcere, ſed verè longè ante ipſum à Deo prædicta, tantò certius eſſe debet, quanto Iudæi inſenſiſſimi hoſtes fidei Chriſtianæ prophetias illas diligenter aſſeruant, eaſque maximè reuerentur, fatenturque multis ſæculis ante Chriſtum fuiſſe conſcriptas: ita vt in hac cauſa iure poſſimus illud Deuteronomij 32. uſurpare, *Inimici noſtri ſint Iudices*.

Quare Sanctus Auguſtinus lib. 12. contra Fauſtum Manicheum cap. 23.

I

Gen-

Gentem Iudaicam hodiè nihil aliud esse docet, nisi quædam scriniaria, Christianorum baiulante legem, & prophetas, vt nos honoremus per Sacramentum, quod runtiat illa per litteram: & lib. 13. cap. 14. enumeratis prophetijs aliquibus sic concludit; Cum ergò Gentilis iste his atque huiusmodi alijs testimonijs prophetarum, de persecutione regum, & populorum, de fide regum, & populorum, de abolitione idolorum, de cæcitate Iudæorum, de probatione codicum ab ipsis custoditorum, de amentia hæreticorum, de excellentia Sanctæ Ecclesiæ verorum, & germanorum Christianorum, antè prædicta, & nunc impleta conspiceret; quid inueniret fide dignius quàm illos prophetas, quibus de diuinitate Christi eligeret credere? Etenim si antequam ista fierent, ingereret gentili prophetas Hebræos, quibus ea futura crederet, quæ facta nondum videret, meritò fortasse diceret, quid mihi est cum istis prophetis, quos vndè veraces probem, non mihi ostenditur; cum verò tam magna, & tam multa, quæ prædixerunt, iam ad effectum, manifestationemque perducta sunt; planè si ille peruersus esse nollit, nec ista villo modo contemneret, quæ tanto antè, & tanto apparatu prævidendo, & prænunciando commendari meruerunt, nec illos à quibus prævideri, & prænuntiari potuerunt; nullis enim prudentius credimus, vel de præteritis, quæ olim facta sunt; vel de futuris, quæ nondum facta sunt, quam eis, qui nobis fidem verborum suorum in tam multis, tamque magnis, quæ ab eis prædicta iam facta sunt, probauerunt. Ita S. Augustinus qui de earundem prophetiarum autoritate disputat, etiam in lib. 16. contra Faustum c. 21. & sequentibus.

Et diluit obiectionem, qua potest dici Iudæos non credere prophetias illas, esse iam in Christo impletas, cui ita responderet, vt indè nostræ doctrinæ, veritatisque religionis Christianæ ar-

gumentum debile non petat. Nam, eorundem Iudæorum incredulitas & dispersio, ab ipsis prophetis prædicta est, & ea signum euentissimum est, eas prophetias, non esse fabellam ad libitum compositam à Christianis, quo facilius religionem nostram mundo obtruderemus. Sed de hac Iudæorum toto orbe exulantium deplorata calamitate redibit sermo inferius. Interim tam de illa quam de alijs prophetijs de Christo Domino, eiusque doctrina & Ecclesia, inter alios videri potest D. Augustinus lib. 17. & 18. de ciuitate Dei: cuius ætate si hæ prophetiæ à Iudæis propositæ, & à Christianis explicatæ, satis virium, satisque euentiæ ad quoslibet infideles arguendos, & de Christianæ Religionis veritate instruendos habuerunt; quid modo respondere potest quiuis infidelis? an eas prophetias fuisse confictas? at tunc à Iudæis agnitas, & vt fidele Dei testimonium acceptas fuisse patet ex dictis supra. Et certè si Aristoteles, & Plato à Gentilibus credantur suorum operum architecti, & Sybillæ suorum carminum, quæ à Romanis tanto in pretio habita sunt, cur prophetas suorum prophetiarum autores non fatebuntur; adde quod opera Ptolemei regis infidelis Biblia à septuaginta interpretibus, vt refert Aristæas antiquissimus scriptor, ex Hebræo in linguam Græcam translata fuerunt, in qua translatione omnes ipsæ prophetiæ continentur, quod argumento est eas non fuisse à Christianis mendaciter suppositas.

An fortè, cum obscuræ pleræque sint ex illis prophetijs, ab Sanctis Patribus ingeniosius potius, quam verius ad suum institutum accommodatè explicatas fuisse contender infidelis? at ita eas explicauerunt, vt iam post decursu tot, plique quam quindecim sæcula id ipsum, & eodem prorsus modo, quem in illis tanto ante & prædictum, & prænuntiatum esse asseruerunt, contigisse manifestè videamus;

mus. Nam & modo Iudæos, vt prædictum est, se habere cernimus, & religionem Christianam dilatarî, mundumque vniuersum occupare, & percam, quod & fuerat prophetatum, idolatriam profigatam.

An denique instabit infidelis? estò prophetiæ illæ non fuerint confictæ, aut ad libitum explicatæ, non tamen propterea evidens esse prophetas diuino numine afflatos fuisse, cum opera dæmonum potuerint ea longè ante prædicere. Sed esto dæmones possint interdum aliqua, quæ ipsi facient, aut ad quæ impellent ipsos homines, vt docet Augustinus prædicere; Attamen non possunt certò, infallibiliter, in particulari, & cum omnibus circumstantijs multò antè prædicere futura contingentia, dependentia partim à sola diuina voluntate, partim à voluntate humana freta, & adiuta auxilio diuino, cuiusmodi sunt illa, quæ à prophetis in veteri testamento prædicta legimus, vt satis testet in mysterio conuersionis gentiũ, & idolatriæ euersione; vndè sequitur Prophetas veteris Testamenti, qui singula mysteria nostræ religionis longè antè prædixerunt, ea absque diuino afflatu, non cognouisse, & prædixisse: ac per consequens religionem nostram non aliundè, quàm à Deo deriuari.

III. Christus Dominus ipse vaticinans præuidit, prædixitque sui collegij fugam & perfidiam; necis suæ propudiam, Euangelij promulgationem, ruinam Hierosolymorum, Iudæorum supplicia, & calamitates; aliaque id genus plura, quibus ab euentu fides, & constans veritas.

IV. Tandem quod speciatim contra hæreticos pugnat, præter Prophetas veteris Testamenti, & eos, qui fuerunt primis quingentis annis à Christi aduentu, vt Agabum, de quo in actis cap. 21. Gregorium Taumaturgum, de quo Basiliius libro de Spiritu Sancto cap. 29. & Antonium, de quo Athanasius in eius vita: & Abbatem Ioannem, de quo Augustinus lib. 5. de ciuitate

Biblioth. Theol. Tom. V.

Dei cap. 26. fuerunt etiam posterioribus sæculis, quibus iuxta Lutheranos perierat apud Romanos Ecclesia, fuerunt inquam, plures, & quidem Monachi, ac Romano Pontifici additißimi, qui prophetiæ dono floruerunt, dum occultas hominum cogitationes patefecerunt, dum mirabiles animorum, & morum mutationes, itemque penas diuinitus quibusdam ob peccata infligendas prædixerunt. Quod mirabile vaticinandi, sicut & miracula patrandi donum siue concessum ipsis fuerit à Deo, ad ipsorum sanctitatem manifestandam, siue ad fidem, quam tuebantur, directè contestandam, maximum, certè fidei nostræ præbet argumentum; neque enim, aut vera Sanctitas sine vera fide esse, quia *iustus ex fide uiuit*, Hebræor. 10. neque vera fides non esse potest, quam Deus eiusmodi signis testatam facit.

Igitur de Sancto Benedicto ita scribit S. Gregorius libro secundo Dialogorum cap. 15. *Benedictus, inquit, regem (Torilam scilicet Arrianum) de suis actibus increpauit, atque in paucis sermonibus, cuncta quæ illi erant euentura, prænuñciauit dicens: Multa mala facis, multa mala fecisti, iam aliquando ab iniquitate conuulsa. Equidem Romam egressurus es, mare transiturus: nonem annis regnans, decimo morieris.* Quæ omnia completa se uidisse, ibidem Gregorius testatur.

Similia multa asserti possunt ex historia Sanctorum Bernardi lib. 4. cap. 3. Francisci, Dominici, & aliorum; ferè enim nulli coluntur in Ecclesia Sancti homines, qui simul cum miraculis, non etiam hoc insigni prophetiæ dono clauerint.

Ex aduerso autem neque Ethnici, neque Iudæi, neque Mahometani, neque hæretici pro sua quique religione adstruenda, nulla vera vaticinia, nisi fortè fierent in testimonium nostræ fidei, vt fuerunt vaticinia sybillarum, & aliqua oraculorum, in medium producere possunt. Etenim Ethnici habue-

runt plurima oracula Apollinis, tamen illa, vel per ambages respondebant, quando scilicet Apollo non sciebat re vera, quid esset futurum: vel ea prædicebant, quæ dæmones ipsi facturi erant: vel ea quæ cæpta erant fieri, ignorantibus nuntiabant tanquam futura: vel demum ea prædicebant, quæ naturales habent causas nobis ignotas, illis autem notas propter maiorem naturæ subtilitatem; de qua re videndus est S. Athanasius in vita S. Antonij, S. Augustinus libro de diuinatione Dæmonū, & Theodoretus libro de oraculis, Christophorus Castro in libris Prolegomenicis ad 12. Prophetas minores.

Mahumetus quidem, atque Hæresiarachæ prophetas se iactant, verum non tantum nullam in suorum dogmatum confirmationem, aut approbationem prophetiam adferunt: quam, omnes illos (Christi & Apostolorum exemplo) oportet adferre, qui nouæ fidei fidem adhiberi volunt; sed quotiescumque aliquid prædicere voluerunt decepti sunt; fuit olim Montanus, qui propheta videri voluit cum duabus Prophetissis Prisca & Maximilla, & prædixerunt bella, & nescio quæ alia tunc futura: sed planè contrarium accidit, vt notat Eusebius lib. 5. Historiar. cap. 16. & 18. Nostri etiam temporibus Lutherus, quem Lutherani constanter Prophetam Germanicum, & Heliam vocant, multa prædicere tentauit; quæ tamen falsa inuenta sunt, vt patet ex Cochleio in actis Lutheri; nullumque Scripturæ locum reperio, qui ad hanc rem pertineat, præterquam illos 1. Corinth. 11. *Oportet hæreses esse*, & Matthæi 24. *Surgens Pseudopropheta*, & 1. Timoth. cap. *Spiritus manifestè dicit, quia in nouissimis temporibus discedent quidam à fide, attendentes spiritibus erroris*, &c. hæc nimirum Evangelij sectariorum sunt prophetiæ; non aliæ.

G. A P V T X V.

Explicatur tertium argumentum de promptum ex qualitatibus; seu conditionibus primorum fundatorum Christianæ Religionis, quæ asseruatur in Ecclesiæ Catholica Romana.

Illa enim fides ac religio pro vera merito habenda est, cuius author tam insigni vitæ innocentia, & sanctitate etiam hostibus irreprehensibili, tanta vi, ac potentia miraculorum iusanandis omnis generis morbis & infirmitatibus, in dæmonibus eiiciendis, in naturis rerum variè commutandis, ipsisque mortuis suscitandis; tam admirabili etiam rerum abstrusarum, ac longè postea futurarum cognitione, & prædictione claruit: talis autem est fides, & christiana religio; si quidem primaria causa efficiens ipsius in genere moris fuit Christus Dominus, quem virum admirabilem, & vndequaque perfectum, potentemque in opere & sermone, non solum Euangelicæ historiæ Scriptores, sed ipsimet etiam Christiani nominis hostes, & aduersarij testantur; quorum testimonia refert Card. Baronius tom. 1. Annalium.

Et vt nihil dicam de illius absoluta sapientia præsertim in prudentissimis responsis, quibus ex tempore soluebat captiosa dilemmata suorum aduersariorum, quæ tamen iudicio Phariseorum & Scribarum aliorumque doctissimorum videbatur, non posse euadere, qualia sunt hæc; primum *de soluendo tributo Cæsari*; secundum, *de muliere adultera*; tertium *de potestate qua omnia faciebat*: Item ex varijs eius interrogationibus, responsis, & parabolis, quibus non tantum plebem, sed & primates Synagoge Iudaicæ instruebat. Vt nihil dicam de singulari innocentia vitæ sic in ordinem missæ, sic exactæ ad libellam; vt Momus ipse nil addere quiverit, vel demere. Vt nihil dicam de patientia admiranda, de signis stupendis, quæ illius vitam, & mor-

mortem, & resurrectionem admirabilem toti mundo reddiderunt: de virtutibus denique omnibus, quæ conciliare doctrinæ alicuius apud homines auctoritatem possunt; nonne sufficienter veritatis se doctorem ac magistrū esse, multarum rerum prophetica prædictione, quarum aliquas iam euenisse constat, luculentissimè probauit. Nonne Hierosolymitanæ vrbs excidium, Lucæ 19. conuersionem Gentium Ioan. 12. & 17. prædicationem Euangelij vbique Matth. 24. futuram in Ecclesia hæreticorum perfidiam Math. 7. trinā Petri negationem, Matth. 26. Iudæ prodicionem, Ioan. 13. Apostolorum martyrium prædixit? Et hæc omnia, quemadmodum prædixit, ad amulum contigisse narratur in Euangelica historia, quam si quis neget, planè barbarus tum erit, qui pari ratione historijs aliarum rerum, quas ipsi non vidimus, nullam deberemus adhibere fidem, vt argumentatur D. Augustinus lib. 10. de ciuitate Dei cap. 18. Vndè et si Gentiles & Iudæi Euangelicæ historiæ libros non admittant, nec eos pro Sacra Scriptura habeant, tamen eis saltem fidem humanam iure abrogare non possunt; vt potè recentia adhuc rerum gestarum memoria, iam dudum olim publicè & in oculis hostium fidei editis, & à diuersis diuerso tempore, diuersoque etiam loco, magna consensione conscriptis.

Quod spectat ad qualitates, seu condiciones causarum instrumentaliū in genere moris, quales sunt Apostoli, & alij discipuli Christi, illorumque successores, per quos religio Christiana est plantata, & doctrina nostræ fidei propagata, ad eò Sancti, omniumque virtutum laude conspicui extiterunt, vt nihil eis posset obijci à Gentilibus nisi quod essent Christiani, sic docet Tertullianus in Apologetico cap. 3. & cap. 44. referens etiam Plinium laudasse Christianos, sic S. Iustinus in fine Apologiæ secundæ, refert epistolas trium Imperatorum in com-

mendationem christianorum, sic Philo Iudeus ex S. Hieronymo libro de Scriptoribus Ecclesiasticis in Marco laudauit Christianos, qui Alexandriæ vixerunt, & qui per instructionem S. Marci erant insignes propter continentiam & Sanctitatem, de qua iterum redibit sermo infra.

At Ethnicorum doctores fuerunt vel Poetæ leues, vel Philosophi superbi, vtrique autem impurissimi, vt testatur Athenæus lib. 13. cap. 17. & ex nostris Theodoretus libro de legibus: Mahumeto autem nihil incontinentius fingi potest; nam ipse in Alcorano, cap. 43. dicit se à Deo priuilegium accepisse coniungendi sibi omnes fœminas, quas dilexisset, etiam consanguineas.

Similiter de Hæresiarchis plurima adduci possent ex annalibus Ecclesiasticis, sed vnum est vitium omnibus commune, superbia, teste D. Augustino libro de pastoribus cap. 8. *Diuersis locis, inquit, sunt diuersæ* (scilicet hæreses) *sed vna mater superbia, omnes genuit, sicut vna mater nostra Catholica omnes Christianos fideles toto orbe diffusus.* Hæc Augustinus loquens de sui sæculi hæresibus, quod æquiori iure profectò dici potest de innumeris huiusce nostri temporis sectis, quas ex mera ambitione, superbia, inuidentiâ, & odio exortas fuisse Lutheri, Caluini, & aliorum dicta, & facta testantur; Quid Luthero superbius aut arrogantius, dum in libro contra Regem Angliæ ita iactat se & sua, vt dicat Reges, Principes, Pontifices, &c. non esse dignos, qui soluant suorum corrigiam calceamentorum: & se non magni facere mille Cyprianos, & mille Augustinos.



CAPVT XVI.

Explicatur quantum argumentum deducitur ab integritate, & Sanctitate ipsius Doctrinæ Christianæ, & Catholicæ.

Postquam in superioribus egimus de motiuis fidei, veluti ex parte eius cui creditur, quatenus miracula & prophetiæ, quibus supra religionem Christianam fuisse confirmatam probauimus, sunt opera solius Dei propria; nunc incipimus agere de motiuis desumptis ex præstantia & perfectione doctrinæ Christianæ & Catholicæ, tam secundum suam substantiam, quam secundum varias eius condiciones & circumstantias consideratæ: Primumque argumentum hunc in modum effornio.

Nemini potest esse dubium quin ea sit vera religio, veraque Dei Ecclesia, quæ verè Sancta est, & disciplina Sanctitatis; loquor enim in præsentî de doctrina, & institutis, non verò de personis singulis; at, qui Religionem Christianam, Ecclesiamque Catholicam Romanam accuratè pro vt decet considerauerit, is aperitè deprehendet nihil in eius doctrina, & institutis non esse sanctum, in aliarum autem sectarum ab ea separatarum doctrina, & institutis multas esse labeas, corruptelas, vitia, & Sanctitatis defectus: Ergò sola religio Christiana, & Ecclesia Catholica Romana est vera Dei religio, & Ecclesia.

Maior huius argumenti est clara, foloque lumine naturali nota, ex ipsamet notione veræ religionis; quare si semel ostendatur solam Christianam religionem, & in ea Ecclesiam Catholicam esse Sanctam, sanè probatum remanebit eam solam esse veram religionem. Quia autem perfectâ numerisque omnibus absoluta Sanctitas plura comprehendit, vt ordinatim procedamus, primum agemus de veritate doctrinæ, quæ duplex est, speculatiua & practica, illa fidei, seu credendorum, ista mo-

rum, seu agendorum.

Loquendo ergò de ijs dogmatibus, quæ fides Christiana docet & continet, tanquam partes intrinsecas & substantiales, tantum abest vt rationi aduersentur, quin potius, quæ de summa diuini numinis natura lumen dicat naturale, mirum profectò, quam pulchro ordine stabiliat nostra fides, quæ Deum infinitum, immensum, æternum, incomprehensibilem, ineffabilem, independentem, omnipotentem docet. Item visibilibus omnium, & inuisibilibus creaturæ rerum omnium etiam minutissimarum absque alio labore, aut molestia prouisorum, infinitè bonum, sapientem, misericordem, iustum, liberalem in bonos, in improbos seuerum, primam perfectionem, à qua omnis, qualiscumque sit perfectio tanquam à suo fonte deriuatur; Purum actum, omnis materiæ, compositionis, ac potentialitatis expertem, planè immutabilem, cui nihil demi valeat, aut addi, seipso denique beatissimum. Alia verò mysteria, etsi naturalem rationis captum excedant, tamen & per se dignissima sunt diuinæ naturæ, ac prouidentie maiestate, & nullam adeò patiuntur grauem ex ratione naturali difficultatem, cui non commodè satisfieri possit, vt fusè docet Sanctus Thomas tota suo opere contra gentes, & speciatim omnes Scholastici, vbi agunt de singulis mysterijs nostræ fidei, solent enim afferre varias congruentias, & rationes, quibus illorum conuenientiam explicant, vt primæ parte, Sanctissimæ Trinitatis, prædestinationis, & Beatitudinis supernaturalis, & mediorum eius; tertiæ parte Incarnationis Diuini Verbi, Passionis, Resurrectionis, Ascensionis, Sacramentorum & reliquorum eiusmodi mysteriorum, quorum aliqua, etsi primo aspectu humilia appareant, intimius tamen considerata summam Dei sapientiam, potentiam, iusticiam, ac bonitatem, egregiè testata relinquunt.

Similiter, si agatur de agendis, est certè admirabilis legis Euangelicæ Sanctitas,

Seſtio II. Caput XVI.

71

ſtas; Chriſtianæque & Catholicæ religionis præceptorum rectitudo? Quid enim ſanctius decalogo, & duobus illis præceptis de diligendo Deo ſuper omnia, & proximo tanquam ſeipſo, quibus tota lex Chriſti continetur? lege S. Auguſtinum libro de vera relig. cap. 3. & 4. & lib. 1. de moribus Eccleſiæ cap. 8. & ſeq. ubi enumerat præcepta viuendi in Euangelio tradita, & nominatum cap. 11. & 12. explicando illud S. Pauli ad Rom. 8. *Quis nos ſeparabit à charitate Chriſti?* & cap. 13. quomodo Sanctus ſit, qui plena, & integra charitate flagrans Deo potius, quam huic mundo conformatur; cap. verò 14. & ſequentibus refert Euangelij præcepta, de quatuor illis virtutibus, quibus reliquæ contineri dicuntur. Quis ergò Catholicam fidem neget, ſinceram eſſe virtutum omnium ſcholam, perfectam bonorum operum diſciplinam, cui non alius ſcopus & finis, quam in omnibus ſuis præceptis hominis officia præſcribere ad Deum, erga ſe, aduerſus reliquos; quàm virtutem altè animis imprimere, leuiſſimas culpas auerruncare, minimas iracundiæ ſcintillas extingueret, primos comprimere concupiſcentiæ motus, vno verbo, vitium radicitus euellere.

Secundum Sanctitatis caput in aliqua religione, eſt vis eius ſanctificatiua, hanc autem ineſſe Eccleſiæ Catholice, vel ex eo colligitur, quod non tantum doctrinam, & inſtituta ſanctitatis ſuis diſcipulis tradit, omneque peccatum quantumvis ſecretum, aut paruum prohibet, ſed etiam media habet, & proſert, quibus quivis homo cuiuſlibet conditionis & ſtatus ſanctificari poteſt. Id patet ex virtute Sacramentorum Eccleſiæ. Baptiſmus enim regenerat, & Chriſtianos ſanctificat; Confirmatio contra tentationes corroborat; Euchariftia Sanctitatem auget, & nutrit; Poenitentia lapſos reparat, commiſſaque peccata emaculat; homines diuino cultui confecrati, propriam vniuſcuiuſque ſtatui Sanctitatem in ordinem Sa-

cramentis ſibi ſuppeditatam habent; coniugatis matrimoniū amoris mutui, & continentie coniugalis ſanctitudinē dat, & tandem contra mortis horrorem, tentationeſque ex morborum vi oriſi ſolitas armat, & munit Extrema Vnctio. Quam aptè autem & religioſè, nihil inutile, ſuperfluum, ſuperſtitioſum, aut vanum admittendo, illa omnia celebret, & adminiſtret Eccleſia, Catholica, patet ex eius ritualibus libris.

Tertium Sanctitatis caput, quodque in Eccleſia Catholica reperitur, eſt publica profeſſio Sanctitatis, qualis eſt in Clericorum continentia, Monachorum, religioſorumque Sanctimoniæ, & in alijs eiufdem Eccleſiæ ſtatibus, pietatis, virtutumque reliquarum officijs, & exercitijs.

Addo tandem pro quarto Sanctitatis Chriſtianæ capite, quod omnium aliorum ſimpliſſimè rectè vocaueris, Sanctitatem vitæ, quam geſſit Chriſtus Dominus, quamque imitandam ſibi proponit Eccleſia Chriſtiana, de qua Chriſti Domini Sanctitate, cum non ſit hic longiorem de ea protrahendi ſermonem locus, iuuat ſolum audire Sanctum Auguſtinum libro de vera religione cap. 16. ubi contra omnes vitiorum illecebras, obſeruat fuiſſe perfectiſſimū abſolutiſſimæ Sanctitatis exemplar: *Satellites, inquit, voluptatum diuitias pernicioſè populi appeſcebant, pauper eſſe voluit, & alia quæ perſequitur, concluditque, omnia quæ habere cupientes nō rectè vivebamus, carento vilia fecit: omnia quæ vitare cupientes à ſtudio deviamus veritatis, perſeſcendo deiecit. Non enim ullum peccatum committi poteſt, niſi dum appetuntur ea quæ ille contempſit, aut fugiuntur quæ ille ſuſtinuit. Tota itaque eius in terris per hominem, quem ſuſcipere dignatus eſt diſciplina morum fuit.*

Eſt igitur Eccleſia Catholica Sancta dogmatibus, præceptis, virtute ſanctificandi, officijs & exemplis, vnde nemini dubium eſſe poteſt, quin ea ſit vera religio, & Eccleſia Catholica ſit fide-

fid^elium Dei cultorum cætus ac respública: atque hoc præcipuè argumento Indi, apud quos alia moriua non erant tanti ponderis, dicuntur fuisse conuerſi ad fidem Chriſtianam; Lex quippè Domini immaculata, domumque eius decet ſanctitudo.

CAPVT XVII.

Quod Eccleſiæ Catholica Romana, religioniſue Chriſtiane Sanctitatem non contaminet, perſonalis aliquorum malorum Chriſtianorum iniquitas.

CVM hæc fit vetus Schiſmaticorū querela, & vt plurimum apparens eorum ab Eccleſia ſeparationis prætextus, hæc fit quoque hæreticorum contra Eccleſiam accuſatio, infidelium offenſio, & ſcandalum, quod in ea per multi fuerint hætenus mali Chriſtiani, malique miniſtri, negligentes, auari, luxui, & ambitioni dediti, breuiter explicandum eſt quomodo non ſolum nullum inde Sanctitatis, & authoritatis ſuæ detrimentum patiatur Eccleſia Catholica Romana, ſed potius firmiſſimū pro illius veritate ſtabilienda argumentum à quouis prudente petendum eſſe videatur.

Quia autem in huiuſce noſtræ aſſertionis probatione rem poſſumus habere, vel cum infidelibus nullam penitus diuinarum Scripturarum authoritatem admittentibus, vel cum alijs illas recipientibus, cuiuſmodi ſunt Iudæi, hæretici, aut Schiſmatici, primum ex authoritate Scripturæ aduerſus iſtos oſtendā nunquam Sanctitatem Eccleſiæ malorum communionem fuiſſe contaminatam.

Fatentur Iudæi, noſque cum ipſis antè aduentum Chriſti Domini fuiſſe Synagogam Iudeorum, & Cathedram Moysi, id eſt fuiſſe cætum religioſum, & in eo inſtitutos præſides Sacrorum, legis Moſaicæ Doctores, & Antitiſtes, ad quos omnes de religione Iudaicæ quæſtiones referendæ erant, & quorum

iudicio tanquam legitimorum iudicium omnes Iudæos acquieſcere oportebat: fatentur quoque omnes Chriſtiani tam Catholici quam hæretici inſtitutum eſſe à Chriſto Eccleſiam, quam qui non audierit, eſt tanquam Ethnicus à nobis habendus; ſed tam in Iudæorum Synagoga, quàm in Eccleſia Chriſti, eo ipſo tempore, quo eas veras & legitimas exiſtiſſe concedunt omnes, per multi fuerunt mali non ſolum ex plebe, & ignobiles, ſed etiam Pontifices & Paſtores; ergo non eſt cur nobis obijciant inimici noſtri Eccleſiam Catholicam Romanam per malorum etiam paſtorum communionem ſuam perdiſſiſſe Sanctitatē, ſine qua vera Dei Eccleſia ſtare non poteſt. Maior huius argumenti eſt certa ex admiſſis, aut neceſſariò admitrendis ad illis cum quibus diſputatur, tantum ergò minor probanda eſt.

Eam autem probo primò de Synagoga, vt enim omitam Aaronem qui vitulum aureum conſtrauit, & vt ei exprobat Moyses exodi cap. 32. induxit ſuper populum peccatum maximum: ob quod tamen crimen non deſijt eſſe Sacerdos legitimus, nec Synagoga Iudæorum periijt; manifeſtū eſt Ezechielis tempore fuiſſe prophetas Iſrael prauos, quique peccata populi fouebant, vt ipſe cap. 13. & 14. fuſè proſequitur, & ante Ezechielem Ieremias cap. 23. inuehitur in paſtores populi Iſrael, atque quod Sacerdos, & propheta polluti ſunt, & in domo mea inueni malum eorum ait Dominus: nec tamen tunc ceſſabat eſſe populus Iſrael, & ſuam adhuc domum agnoſcebat Deus; non alia cerè ratione niſi quia legis Sanctitas, & Eccleſiæ ſeu communitalis authoritas per mores prælatorum peruerſos non polluitur nec labefactatur. Vnde etiam Chriſtus Dominus Matthæi 23. quantumuis frequentiſſimè Scribarum, & Phariſæorum ſui temporis ſuperbiam, auaritiā, hypochriſim, & alia ſimilia crimina increparet, nihilominus tamen probat authoritatem cathedræ Moſaicæ: quia nondum ea

per Euangelicæ & Christianæ Ecclesiæ foundationem exauthorata fuerat; vultque vt Iudæi illi cathedræ adhæreant, nec ab ea se separent, licet tunc in ea sederent pessimi ministri: *Super Cathedram Moysi, inquit, sederunt Scribæ & Pharisei, omnia ergo quæcumque dixerint vobis seruate & facite, secundum opera verò eorum nolite facere*; vt fusius tom. 3. lib. 3. sect. 3. diximus.

De Ecclesia verò Christi, quod per pastorum ipsorum, & prælatorum peruersitatem non corrumpatur, clarissima tam in Scriptura, quam in historia antiqua, Sanctisque Patribus habemus testimonia. Et ne quid dicam de perfido Iuda, quem D. Augustinus lib. 2. contra Parmen. cap. 11. ait Euangelium fidei sine detrimento fidelium prædicasse, & in nomine Christi baptizasse, & reliqua Apostolici muneris officia validè exercuisse; de Sancto Petro blasphemante, & Christum abnegante, quæ tamen supremum Ecclesiæ caput visibile constituerat; nonne etiam post dies Pentecostes in Ecclesia primitiua dicit S. Paulus ad Titum cap. 1. multos fuisse inobedientes, vaniloquos, & seductores; & ad Philipenses cap. 1. quod quidam propter inuidiam, & contentionem, Christum prædicabant, & ex contentione Christum annuntiabant, non sincerè existimantes pressuram se suscitare vinculis Pauli, qui ait de eo se gaudere, quia hoc etiam modo Christi Euangelium annuntiabatur, pluresque ad illius fidem conuertebantur.

In consequentibus verò temporibus idem ipsum obseruare licet ex antiquis historiæ Ecclesiasticæ Patrumque monumentis, vt enim omittam libellos in Nicæa Synodo contra plerosque Episcopos oblatos, & in pluribus alijs contra Simoniacos, & alijs criminibus implicitos decreta, quæ certè nunquam nisi ex criminis fororum prælatorum occasione ab Ecclesia facta fuissent; vt hæc inquam, & similia prætermittam, meminerim tantum, quales suo tempore plures Episcopos fuisse dicat S. Mar-

Bibliot. Theol. Tom. V.

tyr Cyprianus, ait enim eos, *diuina procuratione contempta, procuratores rerum secularium fieri, derelicta Cathedra, plebe desertas, per alienas provincias oberrantes, negotiationis quæstuosæ nundinas aucupari: Esurientibus in Ecclesia fratribus habere argentum largiter, velle fundos insidiosis fraudibus rapere, usuris multiplicantibus fenus augeri*. Hæc tamen D. Cyprianus. Nec tamen Apostolorum, aut etiam D. Cypriani temporibus Ecclesiam desisse, siue quod idem est, Sanctam non exitisse nullus hæreticorum asserit, qui enim eam corruptam aliquando & adulteram fuisse factam, contendunt, id ante tertium aut quartum sæculum contigisse dicunt. Atque ita manet sufficienter aduersus ipsos probatum Ecclesiam Sanctam esse posse, licet malos pastores & ministros habeat. De quo etiam videndus D. Augustinus libro de vnico Baptismo. contra Petilian. cap. 16.

Ratio autem, cur Ecclesiam non maculet malorum communio, nec eius Sanctitas pendeat à Sanctitate ministrorum suorum, etiam si longè plures in ea mali quam boni reperirentur, ratio, inquam huiusce rei est, quia, quod Sancti sint aliqui, id habent ex doctrina & institutis Ecclesiæ, quod autem alij mali sint, non tantum præter, sed etiam contra leges, mores, & instituta disciplinamque Ecclesiæ sunt eiusmodi, quos proinde grauiter detestatur, ac reprehendit; eoque ipso quo mali esse incipiunt, peccatoque mortali perdunt charitatem vinculum vitale membrorum, Christi, & Ecclesiæ, non tam partes propriæ eiusdem corporis, quam purgamenta quædam & excrementa esse videntur; loquendo de Ecclesia vt Sancta formaliter, non vero vt sanctificatiua est, seu sancta efficienter. Scio enim pessimos posse esse pastores ipsos qui tamen, quamdiu ab Ecclesia tolerantur plenissimam habent vim & potestatem tam ordinis, quam iurisdictionis in ordine ad aliorum sanctificationem, vt suo loco dicetur.

K

Et

Et in supradicto sensu intelligendus est Sanctus Augustinus, cum aliquando videtur docere solos iustos esse in Ecclesia, sic enim seipsum explicat lib. 5. de baptis. contra Donatistas c. 16. & cum dicat lib. 6. cap. 2. *Quisquis non habet charitatem, intus videtur esse cum foris sit*, postea tamen cap. 3. se explicat, & ita negat malos habere primatum, aut etiam locum in Ecclesia, secundum charitatem & gratiam sanctificantem, ut tamen admittat operationes munerum Dei bonis malisque communes, quæ sunt gratiæ gratis datæ, seu institutæ ad edificationem Ecclesiæ, aliorumque utilitatem & sanctificationem. Idem habet cap. 4. & 14. & fusius libro 7. cap. 51. ubi ait in domo Dei esse alios, qui ipsi etiam sunt ipsa domus Dei. Alios verò in domo Dei, ita ut non pertineant ad compagem domus: nec ad societatem fructiferæ pacificæque iustitiæ, sed sicut palea dicitur esse in frumento: & postea ait hereticos & schismaticos esse magis ex domo, quam in domo, ut libri 3. sect. 3. fusè diximus.

Secunda nostræ assertionis ratio sic potest deduci. Per Ecclesiæ Sanctitatem vel intelligitur Sanctitas effectiua, vel Sanctitas formalis, utraque autem Ecclesiæ Sanctitas potest stare cum malitia etiam pastorum, & prælatorum; loquendo enim primò de effectiua, quæ posita est maximè in ministracione verbi, aut doctrinæ fidei, & Sacramentorum, certum est utriusque sanctificationis ministros posse esse malos, cum igitur Ecclesiæ prælati sint tantum ministri Christi, & sit ipse qui sanctificat, ad hanc sanctificationem nihil conducit sanctitas seu iustitia illorum, sed tantum vis prædicandi, & potestas Sacramenta conferendi, quæ diversa est à iustitia, & sanctitate. Ut enim aliquis doctrinam Evangelicam proponat ac doceat, satis est si illam sciât, at potest scire, & non velle, nec amare, nec qui virtutis præclara documenta tradit, cum necesse est esse studiosum, & probum, sed tantummodò doctum, & scientem. Simi-

liter, ut quis tanquam Christi minister, & instrumentum conferat validè Sacramenta, & per ea gratiam sanctificantem ritè suscipientibus; sufficit, quod habeat potestatem ordinis, aut etiam iurisdictionis; quod eleganti similitudine explicuit S. Augustinus lib. 6. de baptis. contra Donat. cap. 1. ait enim in arundine sterili, atque arida alligatam solere vnam pendere, quæ arundo non fecundatur tunc suò, sed fructu oneratur alieno.

Si verò loquamur de Sanctitate formali, & qua ipsa Ecclesia in se Sancta, solet appellari, hæc etiam haberi potest, licet in Ecclesia mali sint ipsi prælati, & rectores, si enim istorum quantumvis malorum opera, & ministerium conferre potest ad aliorum sanctificationem, quid prohibet eos non solum esse Sanctos, sed etiam per Ecclesiam eiusque malos ministros sanctificari.

Ex quibus omnibus, satis ut puto remanet explicatum, & probatum, quomodo Ecclesiæ Catholicæ Sanctitati non obstat, quod tam multi in ea mali, nec solummodò quilibet, sed etiam nonnulli pastores, & prælati aut extiterint, aut etiam fortè adhuc existant, *Ecclesia*, inquit Optatus Mileuanus lib. 2. contra Parmen. initio, *una est, cuius Sanctitas de Sacramentis colligitur, non de superbia personarum ponderatur*. Nunc retorquendum est argumentum, breuiterque ostendendum ex hac iniquorum, aut prælatorum, aut aliorum missione cum bonis, non solum non minui, sed maximè patefieri Ecclesiæ Catholicæ Sanctitatem, ac veritatem, quæ in tali morum prauitate suam tamen legum, rituum, ceremoniarumque perfectionem incolumem, & illibatam conseruat.

Primam huius rei rationem suggerit D. Bernardus in sermone 33. in cantica, ubi enumerat quatuor Ecclesiæ tentationes significatas à regio Prophetæ verbis illis Psalmi 90. *Non timebis à timore nocturno, à sagitta volante in die, à negotio perambulante in tenebris, ab incursu & damonio meridiano*: Et per dæ-

monium

monium intelligit Antichristum, cuius persecutio erit omnium grauissima, per timorem nocturnum intelligit tyrannorum persecutionem, qua afflicta est Ecclesia primitiua: sagittam volantem in die interpretatur hereticos, quos sedata tempestate illa tyrannorum, aut potius per martyres superata, diabolus suscitauit homines vanos, & inanis gloriæ cupidos: tandem per negotium perambulans in tenebris intelligit malos Ecclesiæ ministros, auaritiæ, luxui, & ambitioni deditos, qui sua quarunt, non quæ Iesu Christi, quorum persecutionem eo periculosiorem quo interiorem appellat D. Bernardus, cuius verba possunt videri loco à me citato.

Quemadmodum ergò probari solet Ecclesiæ Sanctitas, ac veritas, ex eo maxime quod tot tyrannorum, hæreticorum, aliorumque acerrimorum hostiū persecutionibus appetita, semper tamen firmissima stetit, & ex illis, tanquam ex fornace purior semper euasit, cum de ea sit dictum, quod portæ inferi non preualebunt aduersus eam: idem penitus asserendum videtur de persecutione, aut tribulatione à prauis morum prælatorum, aut aliorum moribus proueniente, de qua dubitari non potest, quin inter inferorum portas sit recensenda: Quotiescumque enim illorum pretextu se Ecclesiæ reformatores heretici prædicarunt, aliud nihil egerunt, quam quod occasionem dederunt Ecclesiæ antistitibus sanctissima sua decreta renouandi, ut quiuis iustus arbiter facile poterit iudicare ex S. Concilio Tridentino, post quod maiori splendore doctrina, eruditio, pietas & omnium Ecclesiasticorum ordinum tam secularium quam regularium disciplina vigere, & florere ceperunt.

Secunda ratio est, quia nemini dubium esse potest, quin Ecclesia Catholica Romana vera sit, & Sancta si Deū ipsum autorem habet; nam quæ Deum autorem habet, non potest non esse vera & Sancta Religio: Ex hoc autem

Biblin, Theol. Tom. V,

quod in tanta morum corruptela, quam obijciunt aduersarij, Ecclesia Catholica & Romana incorrupta perseueret, suamque legum, rituum, ceremoniarum institutorumque Sanctitatem incolumen, & illibatam conseruet, perspicue apparet illam verissimam esse, nec humana, sed diuina eaque speciali prouidentia niti, alioqui tot annorum centurijs stare, & ad nos peruenire nunquam potuisset; ut fusius inferius persequar agendo de vniuersalitate Ecclesiæ.

Tertiò tandem ea est Ecclesia verè Sancta, cuius disciplinam qui sequitur bonus est, Deoque gratus, & ad beatitudinem acceptus; ea est Sancta, cui obedire & quam audire pro salute animæ sufficit, quæque in quauis suorum quorumlibet corruptela adhuc filijs suis ingenerat verum sensum pietatis, & Sanctitatis: atque Ecclesia Catholica Romana est eiusmodi: non est ergò cur de eius Sanctitate dubitetur; cum non quæ in pastorum moribus est prauitas, sed in dogmatibus, & præceptis bonitas, & rectitudo pertineat ad Ecclesiæ Sanctitatem, indeque petatur reliquorum Christianorum disciplina.

CAPVT XVIII.

Quod in alijs Sectis ab Ecclesia Catholica, & Romana disunctis non reperiatur vera Sanctitas.

Certe si veritas alicuius religionis ex eo maxime apparet, quod professio eius sit sancta, nihil continens falsum, quo ad fidei doctrinam: nihil iniustum quo ad doctrinam morum; quis eam prudenter querat in alijs sectis ab Ecclesia Catholica & Romana separatis, in quarum nulla vera Sanctitas reperitur, quæ posita est in dogmatum veritate, in equitate, pietate, & sanctimonia legum, ceremoniarum, & institutorum omnium? nam ut ait D. Augustinus lib. 12. Genes. ad litteram cap. 14. *Non magnum est tunc malignum*

K 2 spiri-

*spiritum dignoscere cum ad aliqua per-
nenerit, vel produxerit quæ sunt contra
bonos mores. Quamvis enim vera fi-
des, supra rationem sit, eidem tamen
nequit esse contraria, dicente Regio
Propheta psal. 11. Eloquentia Domini elo-
quia casta, argentum igne examinatum,
&c. & psal. 18. Lex Domini immacula-
ta conuertens animas, iudicia Domini
vera iustificata in semetipsa, & rursus,
qui operantur iniquitatem in vijs eius
non ambulauerunt. At omnes Paga-
norum aut Gentilium, Iudæorum, Ma-
humetanorum, hæreticorum sectæ in-
numera continent deliria, & commen-
ta, innumeras blasphemias & impo-
sturas, quæ nullo prorsus modo apud
prudentes sustineri queant.*

Et ut incipiam ab Ethnicis, aut
Gentilibus, qui Deum cognouerunt,
nunquid sicut Deum glorificauerunt:
nequaquam, sed euanuerunt in cogi-
tationibus suis, & mutauerunt gloriam
in corruptibilis Dei in similitudinem
imaginis corruptibilis hominis, & vo-
lucrum & quadrupedum & serpentum;
quatenus plures eorum etiam philo-
sophi ipsa idola lignea & lapidea pu-
tauerunt esse Deos, & quamvis aliqui
inter eos sapientiores, scirent ipsa ido-
la non esse Deos, & tantum in idolis
ipsis Deos ipsis representari: verum-
tamen omnes, non Deum verum in
Idolo tanquam in imagine, ut vult
Calvinus ad explodendum cultum
Sanctarum imaginum, sed idola
ipsa uti Deum vel numen, aut ali-
quid Dei & numinis adorarunt & ado-
randa crediderunt, ut clarissimè patet
ex psal. 113. Baruch. 6. & Sapientie 14.
idque expressè docent Patres Tertul-
lianus, Lactantius, Iustinus, Athana-
sius, Athenagoras, & alij qui passim
rident Gentiles, quod lapides & ligna
pro dijs colebant, ut etiamnum faci-
unt Indi & Iapones, Quin & sterenti-
um, cloacinam, pestem, febrem,
aliaque his absurdiora veteres pro
dijs coluisse fusè tradit S. Augustinus
lib. 3. de ciuitate cap. 22. lib. 4. cap. 10.

& libro 18. cap. 15. de quo infra
sect. 4.

Minutius verò Felix in Octauio,
Arnobius lib. 4. 5. 6. & 7. contra gen-
tes, & Diuus Augustinus lib. 7. de ci-
uitate Dei per totum de Paganis mul-
torum Deorum cultoribus ostendunt
quam absurda, ac turpia senserint. Ari-
stoteles ipse Licæi princeps, licet cum
vis veritatis euexerit ad primi vnus
motoris agnitionem, qualis tamen
ille sit, reuera nesciuit: quem arbitrij
libertate spoliât, prærogatiua omnium
sanè præstantissima.

Quod si ab inanibus & fatuis Phi-
losophorum Gentiliū dogmatibus, ac
fabellis circa Dei diuinorumque na-
turam, ad doctrinam morum transie-
mus, constat ex eorum libris quot sce-
lera approbarunt, ac legibus permise-
runt. Legatur Eusebius lib. 1. de præ-
parat. Euangelica cap. 4. S. Iustinus
Martyr contra Græcos, Lactantius to-
to libro 3. & lib. 4. cap. 3. Theodoretus
lib. 10. de curâdis Græcorum affec-
tibus, qui est de legibus, vbi docet
Lycurgi legibus permitti adulteria:
legibus Persarū permitti incestus, nup-
tias cum matribus, filiabus, sorori-
bus: legibus Massagetarum, moritu-
ros & senes à propinquis deuorari: le-
gibus Tiberanorum, deiici senes ex
altis turribus: legibus Hircanorum,
proijci cadauera hominum canibus:
legibus Scytarum cum mortuis sepe-
liri viuos, qui ab eis dilecti, & amati
fuerant: legibus Platonis, quæ visæ
sunt omnium optimæ, horrenda vitia
præscribi, vel laudari, ut communio-
nem vxorum, nefandam libidinem,
extinctionem conceptuum, cædes in-
fantium, & similia, quorum multa hoc
tempore, etiam apud vtrosque Indos,
Iaponios & Chineses reperire est, ut
recentes historici testantur.

Et quamvis aliqui inter Philoso-
phos Gentiles plura subtiliter de vir-
tutibus etiam moralibus scripserint,
in ordine ad vitam ciuilem, & politi-
cam, de religione tamen, aut Dei cul-
tu vix

tu vix locuti ſunt, ſed res ad illum, pertinentes aut ieiunè admodum attri- gerunt, aut etiam ad cultus patrios, etiam inter idololatrias viſitatos, ſuos diſcipulos remiſerunt. Vndè licet Ca- tharinus de Socratis, & Platonis ſa- lute benè ſperet & exiſtimet; tamen Xenophon & Plato docent, Socratem dijs Græcorum ſacrificaffe, & inter alia Gallum Aſculapio. Sic Plato eoſdem colendos cenſuit, quod lex gentium ita iuberet, vt teſtatur Eu- ſebius lib. 13. de præpar. Euang. c. 8. & 11. Idem Plato in Epimionide diu- num cultum tribuit, cælis, aſtris, & dæ- monibus. Sic & Seneca ſacrificia lau- dat, non quaſi dijs placita, ſed quia legibus iuſſa, vt teſtatur S. Auguſti- nus lib. 6. de ciuitate Dei cap. 10. De- nique Mercurius Triſmegiſtus dæmo- num ſimulachra colenda eſſe docet, vt benefaciant, inquit idem D. Auguſti- nus lib. 8. de ciuitate Dei cap. 23. Ea- dem colenda eſſe ob metum legum, politicarum docuit Cicero lib. 1. de natura Deorum. En quomodo Gen- tilibus, eorumque Philoſophis deſuit omnino doctrinæ veritas, ſicut & rectè ac religioſè viuendi diſciplinæ ſancti- tas. Vide Cornelium à lapide in c. 1. Epiſt. ad Rom.

Quod ad Iudæos attinet, poſt im- pium illum Euangelicæ legis contem- ptum, patet illos in denſiſſimas rerum diuinarum, & ad perfectam vitæ inſti- tutionem ſpectantium ignorantix te- nebras immerſos fuiſſe: adeo vt ab eo tempore quo à religione vera excide- runt, non tantum prophetas nullos habuerint, ſed nec legis peritos eru- ditos, ſed tantum Rabinos aliquot ſomniatores potius, quam diuinarum litterarum interpretes, vſque adeo nu- gis illas ſubſarcinarunt, vt eſt mani- feſtum ex libris ipſorum. Nam in pri- mis Rabbi Salomon præcipue apud Iudæos authoritatis commentario in cap. 2. Genetiſ in illud, *hoc nunc os ex oſſibus meis*, ait Adamum ante Euam conditam cum omnibus beſtijs carna-

liter congreſſum, nec potuiſſe libidi- nem explere quoviſque ad Eux am- plexus peruenit. Idem in cap. 28. nu- merorum ad illa verba, *in kalendis au- tem offeretis holocauſtum Domino*, ipſe legit holocauſtum Domini, & ait ibi præceptum imponi ſacrificandi pro peccato Dei, quod commiſit, cum di- minuit lumen lunæ. In ipſorum quo- que Thalmud, ſeu doctrinali fidei tot reperiuntur abſurda & impura, vt ex- tra dubium relinquatur ſcientiam ab eis receſſiſſe cum diuinam, tum hu- manam: noſtrumque re vera Ieſum aduentaffe, vt Synagogæ tyrocinij ſi- nem, ac terminum imponeret.

De Mahumetanis idem patet ex Alcorano varijs, nugisque mendaci- bus: impudicitia etiam & dedecore, oppleto; vt ſuſius infra demonſtrabi- tur ſect. 8.

Quod ad hæreticos verò, aut ſchiſ- maticos pertinet, longum eſſet referre quot in errores contra Sanctitatem inciderunt, ſtatim ac ab Eccleſia Ca- tholica & Romana ſeiuncti ſunt. Car- pocratiani docebant teneri vnumque- que ad omnia genera ſclerum perpe- tranda: & ſi cum moriebantur, non; patrauerant omnia, dicebant animas remitti ad corpora, idque toties, do- nec implerent ſclerum menſuram: & hoc modo intelligebant illud Euan- gelij, *non exies inde donec reddideris no- uiſſimum quadrantem*; vt reſert D. Epi- phanius hæreſi 27. Montaniſtæ ſacri- ficium efficiebant ex ſanguine annicu- li infantis, quem minutis vulneribus æreis aciculis totum exprimebant in- credibili crudelitate. Teſtis eſt D. Au- guſtinus hæreſi 26. Manichæi Deum malum, ſeu vnum rerum corporea- rum principium Deo bono cōtrarium fingebant; alij libidinibus ſcra laxa- bant, & edocebant, quæ vel humanam mentem audire pudeat, adeo qui ſe- mel Dei lumine carent, excēpantur; Illimere hæretici qui ſc ab Eccleſia ſub prætextu pietatis ſeperarunt, plura in ſuis ipſis dogmatibus Sanctitati ad- uerſan-

uerfantia docuisse conuincuntur, patet in Donatistis de quibus Optatus Mileuitanus lib. 2. & 6. contra Parmenianum, & D. Augustinus epist. 163. patet in Nouatianis negantibus pœnitentiam lapsis, tam enim videtur hoc dogma impium, Sanctitatisque Ecclesiæ inimicum, quàm ea medica ars esset manca, & imperfecta, quæ valetudinem bonam fouere posset, nulla autem pro ea perdita recuperanda, remedia suppeditaret. Testes denique sunt omnes ferè antiqui hæretici; quorum mores ad viuum expressos & notatos describit Tertullianus lib. de præscript. cap. 41. & 42. *non omitam*, inquit, *ipsius etiam conuersationis hæretici descriptionem, quam futilis, quam terrena, quam humana sit sine grauitate, sine auctoritate, sine disciplina vt fidei sue congruens, &c.*

Sed quid veteres hæreticos commemoro nonne sufficiens huius rei testimonium habemus in huiusce nostri temporis sectarijs; qui prodicionem Iudæ, adulterium Davidis, latrocinia, mendacia, cæteraque omnia scelera Deo tribuunt auctori; qui non solum confessionis Sacramentum, & pœnitentiæ opera, quibus diuinam maiestatem peccatis nostris offensam placare studemus, explodunt, sed omnia esse peccata, contritionemque hominem reddere magis peccatorem auctaster asserunt. Ecquis enim non videt talibus, alijsque similibus commentis suo loco confundendis homines apertissimè à studio bonorum operum, & fuga vitiorum auocari? quis peccata multum horrescat, quæ nec confessione, nec satisfactione, nec ullis penis expianda, vel luenda credit; quis Christianarum virtutum exercitia, aut munera amplectatur, quas sibi persuadet non solum non esse ad salutem necessarias, sed insuper grauius scelera, & peccata. Sed de his alias.

CAPVT XIX.

Explicatur quintum argumentum ductum ab ipsa cõditione doctrinæ Christianæ, & Catholicæ, quæ licet plura contineat ardua & difficilia, miram tamen vim & efficaciam habet in afficiendis animis.

Hoc argumẽto præsertim vsi sunt Clemens Alexandrinus lib. 6. Stromatum non longè à fine, Lactantius lib. 3. diuinarum Institut. cap. 23. S. Augustinus libro de vera religione cap. 3. & 4. Omnino enim credibile est, diuinam ac verissimam esse eam doctrinam, quæ diuinè prorsus animos hominum afficit, & ad omnium virtutum genus impellit, talis est sola religio Christiana & Catholica Romana; credi ergò debet eam esse verissimam, atque diuinam.

Maior huius argumenti probatur si quidem psalmo 118. lex Domini nõ solum immaculata, sed etiam conuertens animas appellatur, & sermo viuus penetrans vsque ad diuisionem animæ, & spiritus, Hebræor. 4. Quippè Dei solius animi secreta penetrare, & dirigere; quod maximè verum est, quando aliqua doctrina, vt Christiana & Catholica Romana præscribit multa, quæ sunt hominum deprauatis voluntatibus, atque studijs contraria, nisi enim in ea inesset magna vis veritatis, diuinoque patrocinio, & auxilio niteretur, non potuisset villo modo, vel initio persuaderi; vel postea consistere.

Minor autem, quod nimirum religio Christiana id præstet, demonstrabitur inferius 1. ex sanctitate & probitate eorum, qui illam coluerunt; 2. ex instantanea & admirabili eorum mutatione, qui fide recepta cum antea vitij omnibus disfluerent, excellere postea omni virtutum genere. 3. ex constantia Sanctorum martyrum, qui cum antea ne leuissimum quidem in-

com-

commodum perferre poſſent , poſtea pro Religione Chriſtiana quælibet etiam atrociffima tormenta forti animo ſubierunt, quæ omnia ſunt euidentiffima argumenta efficaciz doctrinæ Chriſtianæ in afficiendis, & conuertendis animis.

Quod autem ſola doctrina Chriſtiana, & Catholica hoc inter omnes præſtet facilè probatur. Nam primò antiqui illi ſapientes gentiliumque legiſlatores, tametiſi magnam ſapientiã oſtenderent, quidquid tamen ab eis priſcis legibus edictum, eos euidenter arguit non vltra homines; quando in rebus ad religionem pertinentibus foris ſiſtunt, intra cultum exteriorem; nihilque adhuc in eo docent, quod aliqua aut erroris, aut vitij, aut imminutz virtutis macula non aſpergatur. Quis neſcit niſi omnium inſcius, Religionem Chaldaicis curioſam, Aegyptijs fatuam, Græcis vanè ſuperſtitioſam, Romanis impiè crudelem, Mahumeti nænijs ac nugis oppletam. Quare ſi Gentiles & Mahumetani traxerunt multos, non efficaciz & virtuti doctrinæ, ſed terrori armorum, ſed violentiz, ſed voluptatibus tribuendum oſtendemus infra ſect. 8.

C A P V T X X.

Explicatur ſextum argumentum deſumptum à probitate & Sanctitate eorum qui fidem Chriſtianam, & Catholicam conluerunt.

EXplicatis motiuis tam ſe tenentibus ex parte eius cui creditur, quam ex parte eius quod creditur, hoc eſt ipſius doctrinæ, quæ ad credendũ proponitur tanquam diuinitus reuelata, ea maximè ratione quod ſit ſancta, & immaculata, conuertentq; animas, cum tamen diſciplinam contineat repugnantem alioqui propenſis hominũ cupiditatibus, nunc erit nobis ſermo de motiuis, aut argumentis ex parte

eorum qui credidit deſumptis, primũq; occurrit illud, quod ducitur ab inſigni fidei Chriſtianæ & Catholicæ cultorũ ſanctitate, quo vtuntur Laſcarius lib. 5. diuinar. Inſtitut. cap. 13. S. Auguſtinus libro de vtilitate credendi cap. 14. *Nullis, inquit, video me credidiſſe niſi populorum atque gentium confirmata opinioni ac fama admodum celeberrime.* Et contra epiſtolam fundamenti c. 14. *tenet me in Eccleſia conſenſus populorum atque gentium, tenet authoritas miraculis inchoata, ſpe nutrita, charitate aucta, vetuſtate firmata.* At ſi Diuus Auguſtinus cum hæc ſcribens neque Auguſtinum, neque reliquos qui poſt ipſum in Eccleſia Sanctitatis laude floruerunt, haberet, quorum etiam authoritate, & exemplo moueretur: Nos verò qui & Auguſtinum ipſum, & alios è fidelium numero innumerabiles Eccleſiæ doctores ſanctiſſimos, & eruditiffimos ſequimur, quando vehementius eorum exemplo prouocari par eſt ad fidem Chriſtianam & Catholicam tota mente totoque corde amplectendam. Sic igitur argumentum eſſo.

Non dubium eſt, quin ea religio prudentiſſimè exiſtinetur vera, & à Deo omnis Sanctitatis authore eſſe, quæ ita eſt Sancta ob Sanctitatem authoris, & capitis ſui, ob Sanctitatem finis, ob totius inſtututi Sanctitatem, & efficaciam, ad Sanctitatem comparandam, vt etiam ſit Sancta ſecundum præcipua quibus conſtat membra, hæc autem Sanctitas propria eſt Eccleſiæ Catholicæ Romanæ, nec vlli alteri religioni conuenit: Ergo ſola Eccleſia, Catholica Romana eſt vera Dei, & Chriſti Eccleſia. Maior huius argumenti præterquamquod videtur lumine naturali nota, colligitur manifeſtè ex multis Sacræ Scripturæ locis epiſt. ad Titum cap. 2. *Dedit ſemetipſum pro nobis vt nos redimeret ab omni iniquitate, & mundaret ſibi populum acceptabilem, ſectatorem bonorum operum.* Et 1. Petri cap. 2. *Vos autem genus electum,* *rega-*

regale Sacerdotium, gens Sancta, populus acquisitionis ut virtutes annūtiatis eius, qui de tenebris vos vocavit in admirabile lumen suum. Qui aliquando non populus, nunc autem populus Dei.

Minor autem propositio faciliè probatur, quo ad partem affirmatiuam, nam primò si consulamus tempus illud verè aureum Ecclesiæ primitiæ, Christianorum quemque nullius non virtutis spirantem, & expressam imaginem reperimus, ita ut nihil eis posset obijci à Gentilibus nisi quod essent Christiani, sic docet Tertullianus in Apologetico cap. 4. & cap. 44. referens etiam Plinium Iuniorem laudasse Christianos, cum enim esset procōsul in Bithinia, Traianum consulens super Christianorum secta, iam sparsa vbique, hæc scribit lib. 10. epist. 97. quod essent soliti, statò dic, antè lucem conuenire: carmenque Christo quasi Deo, dicere secum inuicem: seque Sacramento, nō in scelus aliquod obstringere, sed ne furta, ne adulteria, ne latrocinia committerent; ne fidem fallerent, ne depositum appellati abnegarent. Quibus peractis morem sibi discedendi fuisse: rursusque coeundi ad capiendum cibum, promiscuū tamen, & innoxium. Sic S. Iustinus in fine apologiæ secundæ refert epistolas trium Imperatorum in commendationem Christianorum.

Neque verò pietas illa Christianorumque innocentia vixit solū primis duobus, aut tribus sæculis, sed etiā alijs sequentibus, licet in diuerso gradu, habuitque Ecclesia Catholica, Apostolica & Romana quamplures viræ Sanctitate insignes viros, ac mulieres, ut patet ex omnibus fastis & Martyrologijs, ipsisque calendarijs vulgatis, quibus quotquot Sancti Christianum nomen professi, ac post Christum defuncti reperiuntur, omnes Catholici fuerunt, ut potè magna ex parte Romani Pontifices, Episcopi, Sacerdotes, Eremitæ, Monachi, Moniales, Virgines; quibus vel ex ipso no-

mine faciliè deprehenditur nihil cum sectariorum fide potuisse esse commune, ut patet ex ipsa eorum confessio-
ne, dum vel inuiri hoc Ecclesiæ nostræ testimonium sapius perhibuerūt, multos in ea esse pios, magnosque Sanctos. Inter alios videri possunt Magdeburgenses cap. 7. centuria 7. nempe circa tempora S. Gregorij Papæ, quando vel maximè effloruisse volunt Papatum.

Sed quid his opus? vbi ipsa ocularis euidencia, & experientia attestatur, nullo vnquam tempore Ecclesiæ Catholicæ deesse multos & magnos omnis conditionis ætatis & sexus Sanctos, in quos verissimè competat illud, quod Augustinus de sui tēporis Sanctis velut admirandus scripsit, libro de vtilitate credendi cap. 17. his verbis: quod continentia vsque ad tenuissimum victum panis & aquæ, & non quotidiana solū, sed etiam per contextos plures dies perpetuata ieiunia: castitas vsque ad coniugij prolisque contemptum; quod patientia vsque ad cruces, flammæque neglectas: quod liberalitas vsque ad patrimonia distributa pauperibus, quod denique totius huius mundi aspernatio vsque ad desiderium mortis intenditur. Pauci hoc faciunt; pauciores benè prudenterque faciunt: sed populi probant, populi audiunt, populi fauent, diligunt postremò populi. Populi suam imbecillitatem, quod ista non possunt, nec sine propectu mentis in Deum, nec sine quibusdam scintillis virtutis accusant. Ita D. Augustinus loco citato, qui etiam de hoc argumento plura persequitur lib. 1. de moribus Ecclesiæ cap. 30. & 31.

Vbi etiam inter alia Ecclesiā Catholicam alloquens ait: *Meritò apud te diuina precepta latè diffusèque seruātur, &c. meritò tibi tam multi hospitales, multi officiosi, multi misericordes, multi docti, multi casti, multi Sancti, multi usque adeo Dei amore flagrant, ut eos in summa continentia, atque huius mundi in-*

di incredibili contemptu etiam solitudo delectet. Et cum ibidem in speciali Anachoretarum, seu Eremitarum, & Cœnobitarum, seu Monachorū, itemque Monialium insignem vitam sanctitudinem percensuisset, tandem concludit: Hos mores, hanc vitam, hunc ordinem, hoc institutum, si laudare velim, neque dignè valeo, &c. & statim: hac Manichæi reprehendite si potestis. Nolite cæcis hominibus ostentare nostram zizania.

Et rursus ibidem cap. 32. de cæteris Ecclesiæ præsulibus, ac ministris loquens ait: Quam multos Episcopos optimos viros, sanctissimosque cognoui; quam multos Presbyteros, quam multos Diaconos, & huiusmodi ministros diuinorum Sacramentorum; quorum virtus eo mihi mirabilior, & maiore predicatione dignior videatur, quo difficilior est, eam in multiplici hominum genere, & in ista vita turbulentiore seruare.

Tandem cap. 33. concludens Manichæos hæreticos, & in ipsis Lutheranos, & Calvinistas ita alloquitur: Istis si potestis obsequi; intuemini istos sine mendacio, si audetis, & cum contumelia nominare, istorum ieiunij vestra ieiunia, castitatis castitatem, vestitum vestitum, epulas epulis, modestiam modestiam, charitatem denique charitatis; & quod res maxime postulat præceptis præcepta, conferre, &c. Nunc vos illud admoneo, ut aliquando Ecclesie Catholice maledicere desinatis, vituperando mores hominum, quos & ipsa condemnat, & quos quotidie tanquam malos filios corrigere studet. Hactenus D. Augustinus, quocertè aduersus non solum sui, sed etiam nostri temporis hæreticos nihil illustrius dici potuit ad commendandam insignem Ecclesiæ Catholice cultorū Sanctitatem; vnde etiam & facillè colligitur fidem Catholicam verissimam, ac indubitatam meritò censeri debere, tum quia diabolus nec potuit, nec potest esse author, & suator tantæ pietatis, tantæ innocentie, ac probitatis, tum quia diuina bonitas nunquā per-

mississet, vt tot & tam Sancti viri omnes perirent, eorumque virtus suo fructu, ac sine priuaretur; sed potius errorem eorum, si aliquis fuisset, aperuisset, vt à falsa tandem Ecclesiā ad verā transirent, & salui fierent: vnde si falsitas ad veritatem non adducit, si sine fide impossibile est placere Deo, vel fidem nostram veram & à Deo esse facere necesse est, vel sanctissimos illos Dei amatores, innocentia vitæ, sui ipsius ac terrenarum rerum despectu, diuineque gloriæ zelo insignes, impios fuisse, æternisque ignibus adiudicatos; quod certè bonitati Dei, prouidentieque eius suauitati repugnare omnino videtur.

Quod autem in Ecclesia Catholica Romana multi in omni vitæ genere sint improbi, iam ostendimus supra, nihil officere illius Sanctitati; quandoquidem hoc ipsum prædixit Christus futurum scilicet, vt in vera Ecclesia zizania tritico, bonisque piscibus malis, vsque ad sæculi consummationem sint permixti.

Nunc probanda est minor, quoad alteram partem negatiui, nempe in alijs ab Ecclesia sectis nullam eiusmodi reperiri Sanctitatem.

Loquendo enim vniuersaliter de Philosophis, ac Gentilibus, etiam aliqui inter illos varijs virtutibus moralibus nonnunquā præditi viderentur; ordinariè tamen impurissimi, & propter vitia contra naturam, etiam apud suos infames erant; semper autem superbi, & arrogantes ac vanæ gloriæ cupidi, vt testantur Athenæus lib. 13. cap. 27. Philo Iudæus lib. 2. de vita contemplatiua, Diogenes Laërtius in vitis Philosophorum, Aulus Gellius lib. 18. nocturnæ Atticarum cap. 2. & lib. 19. cap. 12. Plutarchus libro de educandis liberis ante finem, & cæ nostris S. Ioannes Chrysostomus in epistolam ad Romanos cap. 1. vbi docet Philosophos non solum pederastiam fecisse, sed & eam quasi honestam laudasse, & legibus laxasse, statuique

L illam

illum exercere possent liberi, non autē serui: quasi prædæstina non seruos, sed liberos tantum deceat, sitque & ipsa ars libera & liberalis: adeo vera est D. Pauli sententia ad Romanos cap. 1. *quod tradidit illos Deus in passionem ignominie*. Eant nunc politici, & naturalistæ nostri, inquit Cornelius à Lapide commentans hunc locum, Philosophos honeste, ut viros probos prædicent, eosque ut Sanctos, & Beatos canonizent, quos infandæ veneris mancipia Asmodæus auctoravit, orcoque addixit. Præclarè S. Bernardus contra Petrum Abailardū platonizantem epistola 109. ad Innocentium Pontificem: *Vbi, inquit, dum multum sudas, quomodo Platonem facias Christianum, se probat Ethnicum*.

Quantum ad ludæos, ne vel vnum inter eos veræ Sanctitatis cultorem reperiri, manifestè patet ex modo, viuendique genere ipsorum, qui vbiq; usuram exercent, & quod amplius est eius exercitium nō esse prohibitum docent, ut taceam innumera alia quibus scatent vitia, quemadmodum colligitur ex doctrina Talmudica, quam pro lege habent, & sequuntur.

Mahometus autem etsi gloriatur de sono, & voce Sanctitatis, dum se vocat super omnes sanctissimum, prophetarum optimum, omnium creaturarum excellentissimam Deoque charissimam, sunt tamen omnes tituli sine re, quos operum veritate nec sustinuit, nec comprobavit; nam si Sanctitas ex virtutibus, & ex innocentia, & puritate, tam ipse, quam eius sectatores fuerunt, & sunt omnium vitiorum, & obscenitatum, cloaca impurissima.

Quoad hæreticos præsertim huiusce temporis, nullam amplius inter ipsos reperiri sanctitatem, non solum quo ad doctrinam, & instituta, ut vidimus supra, sed etiam quoad personas ipsas, potest probari primò propria illorum confessione, Lutherus enim in postilla domestica, Dominica prima aduentus, de sua doctrina, suisque discipulis sic loquitur: *Mundus ex hac doctrina in dies*

deterior euadit: quod pessimi demonis opus, & negotium est; Enimquero videmus, quod hoc tempore homines sunt magis avari, immisericordes, impudici, prociaces, adeoque deteriores, quam antea in papatu fuerunt. Similia habet Lutherus in sermonibus conuiuialibus Germanicis, in præfatione postillæ Ecclesiasticæ, & ibidem Dominica 26. post Trinitatem. Nec minus tragicè Melancton ad c. 6. Matthæi, Ioannes Wigandus de bonis & malis Germaniæ, Andreas Musculus Dominica 1. aduentus, Schmidelinus concione 4. ad caput 21. Lucæ, alijque plures à Tannero citati in anatomia confessionis Augustanæ, hanc iniquam suorum sortem fateri coguntur; vnde Erasmus, cuius testimonio tantò maiorem fidem dare debemus, quantò magis Lutheranorum partibus in pluribus fauisse visus est, in epistola anni 1529. ad Valturium Neocomum ita scribit: *Circumspice populum istum Evangelicum, & observa, num minus illic indulgeatur luxui, libidini, & pecunie, quam faciunt ij quos detestamini. Profer mihi, quem istud Euangelium ex comessatore sobrium, ex feroci mansuetum, ex rapaci liberalem, ex maledico benedicum; ex impudico rediderit verecundum. Ego tibi multos ostendam, qui facti sunt seipso deteriores. Hactenus Erasmus, nec mirum, cum sola vera Dei lex sit immaculata, conuertensque animas; quod falsa Lutheri, & sectariorum doctrina illas peruerterit.*

Hoc idem insuper demonstrari potest ex generali confessione, & professione sectariorum; cum enim ipsimet profiteantur hæc dogmata, ut suis locis explicabitur. 1. Precepta Diuina à se seruari non posse. 2. seipso in omnibus operibus suis peccare mortaliter. 3. ac proinde nullum verè bonum opus facere. 4. Observationem Consiliorum Evangelicorum de voluntaria paupertate, continentia, & obedientia perpetua nullius esse momenti; sed potius cultus esse superstitiosus; & corpus non esse certis ieiunijs, alijsque pœnitentis modis castigandum, & in seruitutem

redi-

redigendum. Cum, inquam, hæc dogmata aliaque plura illis ſimilia profiteantur huiuſce temporis ſectarij. Quo modo fieri poteſt vt vllus eorum ſit Sanctus.

Si qui igitur apud illos reperiuntur homines moraliter boni, tales certè non euaserunt ex vi, & ductu noui Euangelij, quod profitentur; eſto fortasſe bonitas indolis, ac naturę gratia diuina, ſuffulta; vicerit nonnunquam eius Euangelij improbitatem. Quod ſi tamen illi ipſi cum honeſtate quadam morali pertinaciam falſæ fidei adiunctam habuerunt, certum eſſe debet, eos nec ſaluos, aut Sanctos eſſe poſſe, ſi ita moriantur; cum ex Apoſtolo ad Hebręos cap. 11. ſine fide impoſſibile ſit placere Deo, & ſimul etiam præterheſim, pluribus alijs vitijs Sanctitati aduerſis obnoxios eſſe; ita vt proindè ne vnus quidem nominari ab aduerſarijs aduſus poſſit, quem vtrinque fateamur in fide Catholicę Romanę contraria, fuiſſe ſaluatum: cum tamen è contrario aduerſarij multos fidei noſtrę cultores, eoſdemque non tantum infantes, ſimplices, quoſque ipſa ignorantia à grauiffimis fidei erroribus excuſare potuerit; ſed ipſos etiam fidei noſtrę doctores, fortiffimosque propugnatores fateri cogant Sanctos fuiſſe, vt rectè animaduertit Tannerus loco citato, & 2.2. diſp. 1. quæſt. 3. dub. 4. cuius ſunt prædicta verba paucis mutatis.

Deindè cum ſuperba mentis obſtinatio hæreticū faciat, nec niſi ſibi placens, tumidus, ſuperbus, & Eccleſiæ rebellis hæreticus eſſe queat, quantumuis fortè vitam exterius honeſtam agere, aut ſpeciem aliquam pietatis habere videatur, nihil tamen verè Sanctitatis habere poteſt, vt in Monachis Scythiſ Eutyſchianis iam pridè obſeruauit Hormiſda Papa in epiſtola ad poſſeſſorem. Quando, inquit, corda malè ſibi credula, veritatis obtemperant inſtitutis? quando induit obedientię humanitatem, opinionibus ſuis vallata ſuperbia? quando acquieſcunt paci, contentionum ſtimulis aſſneti?

Biblioth. Theol. Tom. V.

ſola certamina auentes de religione capere, & mandata negligere: nunquam apud eos charitas nouo commendata præcepto, nunquam pax dominico relicta diſceſſit, vna pertinacis cura propoſiti rationi velle imperare, non credere: contemptores authoritatum veterum, nonnarum cupidi quæſtionum, ſolam putantes ſcientiæ rectam viam, qualibet conceptam facilitate ſententiam, eoſque tumoris elati, vt ad arbitriū ſuum vtriuſque orbis putent inclinandum eſſe iudicium: nec in numero fidelium deputantes ſequacem traditionis paterne, ſi ſue viderint credere nolle ſententiæ, docti crimina ſerere, obreſtationum venena cõponere, integrum Eccleſiæ corpus odiſſe, ſeditiones ſtruere, inuidiam concitare, & pro obedientia, quæ in cænobijs principatum regularis obtinet diſciplina, obſtinationem pertinacis amare ſuperbiæ. Haſtenus Hormiſda, profectò non tam Eutyſchianorum, quam Lutheranorū, Caluiſtarum, & aliorum huiuſce noſtri temporis ſectariorum mores deſcribens.

C A P V T XXI.

Explicatur ſepimum argumentum deſumptum ab admirabili eorum mutatione, qui ex infidelitate ad Chriſtianam, & Catholicam fidem fuerunt verè conuerſi.

E St etiam pro fide noſtra evidentiſſimum, & efficaciſſimum argumentum, illud quod deſumitur ab instantanea, & admirabili quadã animi mutatione eorum, qui eam amplectuntur & colunt. Hoc argumento primùm videtur vſus fuiſſe Malachias propheta, vel potius Deus per ipſum cap. 3. Erunt, inquit, mihi in die, quæ ego facio, in peculium & pariam eis, ſicut parciſ vir filio ſuo ſeruienti ſibi. Et conuertimini, & videbitis, quid ſit inter iuſtum & impium, inter ſeruientem Deo, & non ſeruientem ei. His enim verbis futuram in melius animarum

L 2 muta-

mutationem proponit, vt homines ad legitimum Dei in Ecclesia cultum, spe quoque illam experiendi alliciantur. Eodem argumento vsi sunt D. Paulus ad Ephesios cap. 5. *Eratis, inquit, aliquando tenebrae, nunc autem lux in Domino; vt filij lucis ambulate, fructus enim lucis est in omni bonitate, & iustitia, & veritate; & D. Petrus 1. epist. cap. 4. vbi recens ad fidem Christianam conuersos adhortatus ait. Sufficit prateritum tempus ad voluntatem gentium consummandam, ijs qui ambulauerunt in luxurijs, desiderijs, vinolentijs, comessionibus, potationibus & illicitis idolorum cultibus. In quo admirantur, vel vt alia fert traditio, obstupefunt, non concurrentibus vobis in eadem luxuria confusionem.* Ex Patribus Iustinus Martyr Apologia 2. pro Christianis ad Antoninum Pium Imperatorem, Tertullianus libro ad scapulam Carthaginis Presidem, & Lactantius Firmianus lib. 3. Institut. cap. 26. cuius placet audire verba. *Dei, inquit, precepta, quia & simplicia & vera sunt, quantum valeant in animis hominum, quotidiana experimenta demonstrant. Da mihi virum, qui sit iracundus, maledicus, effrenatus; paucissimis Dei verbis tã placidum, quam ouem reddam. Da cupidum, auarum, tenacem; iam tibi eum liberalem dabo, & pecuniam tibi plenius manibus largientem. Da timidum doloris ac mortis; iam cruces & ignes, periculum omne, & taurum contemnet. Da libidinosum, adulterum, ganeonem; iam sobrium, castum, continentem videbis. Da crudelem, & sanguinis appetentem, iam in veram clementiam furor ille mutabitur. Da iniquum, insipientem, peccatorem: continuo & equus, & prudens, & innocens erit. Vno enim lavacro malitia omnis abolebitur. Tanta diuina sapientia vis est, vt in hominis pectus infusa, matrem delictorum stultitiam, vno semel impetu expellat. Hactenus Lactantius.*

Formamus autem id argumentum hoc pacto: Illa religio, aut fides vera, & à Deo reuelata meritiò censenda est, quæ tantum roboris, ac virium confer-

re cognoscitur ijs, qui ex alijs religionibus ad eam seriò conuertuntur, vt nõ modo quam antea naturæ legem turpissimè violarant, postea faciliè, & admissimè obseruent, sed insuper in omni virtutum genere egregiè proficiant, ex iracundis mansueti, ex superbis humiles, ex incontinentibus casti, ex auaris, & rapacibus liberales, ex intemperantibus abstinentes facti: talis est sola Religio Christiana & Catholica Romana; ergò censendum est solam Christianã, & Catholicam religionem veram esse religionem.

Maior huius argumenti videtur esse certa, talis enim mutatio non nisi dexteræ excelsi potest esse, videturque omnino impossibile, & Dei bonitati, ac suauitati providentiæ ipsius repugnans, vt fides non vera sed falsa animum, & robur homini conferat piè, sanctèque viuendi.

Minor autem probatur infinitis eorum exemplis, qui vel à Paganismo, vel perfidia Iudaica, vel ab hæresi, vel etiã à scelerata vita conuersi, eorum mediocri virtute quæ Christiana, & Catholica fides Romana præscribit, & exhibet, ad piam, sanctam, & inculpatam vitam transiunt. De quibus omnibus per singula secula consulendus est Cardinalis Baronius in Annalibus, & alij qui Sanctorum historias conscripserunt.

Hanc autem vim & efficaciam conuertendi animas nulli alteri sectæ inesse, quin potius illas mores peruertere, & ad omnem vitæ licentiam homines facere procliuēs, non solum probant ea, quæ superiori capite reuolimus, sed etiã quotidiana id nos docet experientia in illis, qui desertis Ecclesiæ Catholicæ castris ad Mahumetanorum, hæreticorum, aliorumque infidelium partes transiunt: Quid enim Apostatis, aut transfugis illis obscurius, ac impurius excogitari potest? qui non vi veritatis adacti, aut pulchritudine virtutis, sed voluptatum duntaxat illecebris allecti alias ab Ecclesiæ Catholicæ Romanæ sectas amplectuntur.

At dicet fortè aliquis repentinas illas morū mutationes in melius etiam apud Gentiles extitisse, vt de Polemone fertur, qui cum vitam flagitiosissimam duceret, scholam Xenocratis de virtutis excellentia & pulchritudine differentis ingressus, repente in virum alterum mutatus est.

Sed quid huic mutationi, & similibus, cum illis christianorum, aut eorū qui christianam fidem seriò suscipiunt & colunt? Primo enim in moribus Gentilium nunquam fuit perfecta mutatio; nam etsi varijs virtutibus moralibus, ac naturalibus nonnunquam præditi fuerint, semper tamen vitio aliquo, si non palam, saltem clanculum laborarunt, vt vidimus superiori capite. Secundo, si quæ mutationes repentinæ in ijs extiterunt, præterquam non fuerunt vndeque perfectæ, fuerunt rarissimæ, & fortè vnum, aut alterum ad emendationem vitæ prioris, Philosophia Paganorum adductum fuisse legimus, vbi fides Euāgelica infinitos omnis ætatis, sexus, conditionis, generis à sceleratissima, & profligatissima vita ad sanctissimam cōuertit. Tandem Philosophia nonnullos tantum diuitiarum & voluptatum contemptum edocuit, sed ad nunciū mundum, & sibi ipsi remittendum, nullum, sicut in dies edocer fides Euangelica: quod tamen longè est altero difficilius, & excellentius.

Dicendum est ergò solam religionem Christianam, & Catholicam Romanam esse veram Dei fidem, ac legem, fieri enim non posset, vt catholica fides, si semel falsa esset, animum & robur homini conferret piè sanctèque viuendi. Nam vel cæteræ omnes religiones ponuntur veræ, & Catholica sola falsa; aut quædam ex alijs veræ, & Catholica cum reliquis falsa; aut Catholica sola vera, reliquæ omnes falsæ. Duo priora membra dici non possunt. Non primum, quia incredibile prorsus videtur, eam fidem, quæ sola falsa est, tantum roboris hominibus posse conferre ad veræ virtutis, & Sanctitatis cultum, cæte-

ras veras non posse. Neque secundum, quia non minus incredibile diuinæque bonitati dissentaneum est, veram fidem id præstare non posse, & tamén posse falsam. Ergo necessario tertium fatendum est, solam fidem Catholicam Romanam esse veram fidem, quæ sola est lex verè conuertens animas.

CAPVT XXII.

Explicatur octauum argumentum desumptum ab insigni constantia, animique fortitudine tot Sanctorum Martyrum, qui pro Christiana, & Catholica fide vitam posuerunt, & in dies ponunt.

Tertium argumentum desumptum ex parte eorum qui credunt, ad probandam fidei Catholicæ credibilitatem, est innumerabilis Martyrum multitudo, omnis sexus, ætatis, conditionis, qui alacri, & inuicto animo prorsus fidem sanguine suo consignarunt. Quo argumento iam olim vsi sunt Iustinus Martyr Apologia 1. ad Senatum Romanum, vbi testatur se potissimum hoc argumento fuisse inductum ad suscipiendam fidem Christianam, Tertullianus de præscript. cap. 29. Lactantius Firmianus lib. 5. institut. cap. 13. & 14. S. Ambrosius lib. 3. de fide cap. 7. Quomodo, inquit, eorum fidem possumus denegare, quorum victoriam predicamus. S. Augustinus lib. 12. de ciuitate Dei cap. 5.

Potest ergò sic argumentum efformari. Nullo modo verisimile est, eam esse falsam fidem, aut religionem, quam innumerabiles penè omnis sexus, ætatis, & conditionis. Martyres sui sanguinis vitæque voluntaria profusione fortissimè, & patientissimè sunt contestati; talis est sola Religio Christiana, & Catholica Romana; ergò censendum solam Christianam, & Catholicam religionem Romanam veram esse religionem.

Neque efficaciæ istius argumenti obstat, quod aliquos à Religione Christiana & Catholica alienos, vt Paganos, Iudæos,

Iudæos, Mahumetanos, & hereticos, pro suis superstitionibus, & erroribus mortem etiam appetiisse legamus, ut videre est apud Eusebium lib. 5. historiz cap. 18. ubi refert Montanistas solitos fuisse gloriari de numero suorum Martyrum, quod idem asserit de Messalianis heresi 12. & de Arianis heres. 76. D. Epiphanius, & de Donatistis S. Augustinus ep. 68. Ex paganis habemus Lelium, Codrum, Regulum & alios, qui pro suis etiam idolis mortem olim subisset, & seipsos deuouisse narrantur. Hoc, inquam, non obstat, neque vim nostri argumenti enervat, quod non tam debet attendi nudè & solitariè penes amissionem vitæ, & perfectionem mortis, quam prout eiusmodi mors habet tales condiciones, & circumstantias; quæ in solis Martyribus Christianis, & Catholicis, non autem in hereticis, aut in alijs aliarum sectarum aëclis reperiuntur; quibusque facilè est iudicare patientiam ipsorum in tormentis, & doctrinam, pro qua tam alacriter ad mortem usque decertabant, non aliundè quàm à Deo manare posse.

Prima ergò circumstantia est, Martyres Christianos, quosque Ecclesiæ Catholica Romana veneratur, quoad multitudinem fuisse propemodum innumeros, ex omni genere, sexu & ætate, uti eorum acta ab Ecclesiæ Catholica recepta, probata, laudata, præiudicata, autoritate restantur. Legimus enim sub Maximino Imperatore septemdecim Christianorum millia spatio vnus mensis occisa, integramque ciuitatem, apud Phrigiam vnà cum omnibus ciuibus à Romanis militibus crematam, propter religionem Christianam, nemine profusus ex ea fugere volente, nec se à morte liberare. Consule Martyrologium, & notas Cardinalis Baronij die 26. Aprilis, & 7. Februarij. Habemus & historiam legionis Thebæorum die 22. Septembris, qui Duce Sancto Mauritio, vno eodemque die omnes mori maluerunt, quam sacrificare idolis: sic & Ecclesiæ Iunij 22. memoriam agit

Martyrum vno die crucifixorum usque ad decem millia, & die 21. Octobris vndecim mille Virginum Martyrum cum Beata Virgula; in nocte verò quæ memoria Natiuitatis Christi recolitur, viginti, vel amplius millia Martyrum Nicomediæ combusta sunt; cum enim in Christi natali ad Dominicum conuenissent, Diocletianus Imperator ianuas Ecclesiæ claudi iussit, & ignem circumcirca parari, tripodemque cum thure præ foribus poni, ac præconem magna voce clamare, ut qui incendium vellet effugere, foras exirent, & Ioui thus adolerent: cumque omnes vna voce respondissent, pro Christo se libentius mori, incenso igne consumpti, eo die nasci meruerunt in cælis, quo Christus in terris pro salute mundi nasci dignatus est. Quid opus pluribus D. Hieronymus epistola ad Eliodorum refert se reuolutis Romanorum Pontificum analibus iam suo tempore inuenisse, numerum Martyrum ita excreuisse, ut si omnium memoriam vellemus celebrare, singulo quoque die celebranda essent trium millium natalicia, quod si alios è fidelium numero innumerabiles addamus Sanctissimos Ecclesiæ Martyres, quorum etiam à tempore S. Hieronymi cathalogi prolixissimi existunt, & in dies excrescunt, ut patet ex relationibus Indiarum maximè orientalium. Meritò ergo cum D. Gregorio homilia 17. in Euangelia exclamare liceat: *Tantum mundum fratres aspiciite, Martyribus plenus est: iam pænè tot qui videamus non sumus, quot veritatis testes habemus: Deo ergò numerabiles, nobis super arenam multiplicati sunt: quia, quanti sint à nobis comprehendi non possunt.* Quæ etiam de causa Christianos cruciarios olim, vocari solitos puto, & apud Tertullianum, Sarmenitios, & Semaxios in Apologetico cap. 50. quod dicto citius, & quotidie omnique hora, & momento in crucem agerentur, vel ad dimidij axis stipitem reuincti subiectis sarmen-tis passim cremarentur.

Quid ergò raris, ac pænè nullis in alijs

alijs ſectis non Chriſti, ſed diaboli martyribus, cum innumerabili Sanctiſſimorum Eccleſiæ Catholicæ Romanæ Martyrum ad hæc vſque tempora multitudine? Et vt Gentiles, ac Paganos prætermittam, quot quæſo legimus hæreticos Lutheranos, Caluinistas & alios cum ſui capitis periculo, in fame, & ſiti Ethnicorum & Paganorum, aliorumque infidelium terras obire, vt ſuam illic fidem ſolo diuini honoris ſtudio propagent. *Negotium enim, inquit Tertullianus lib. de præſcription. cap. 42. eſt hæreticis, non Ethnicos conuertendi, ſed noſtros euertendi, noſtra ſuffodiunt vi ſua adificent; hanc magis gloriam captant, ſi ſtantibus ruinam, non ſi iacentibus eleuationem operentur.*

Secunda circumſtantia deſumitur ex parte cauſæ finalis, vt enim ait D. Auguſt. in pſal. 34. concl. 2. *Martyres non faciunt penam, ſed cauſam.* Et S. Cyprianus lib. de vnitatē Eccleſiæ: *Ardeant licet flammis, & ignibus traditi, vel obiecti beſtijs, animas ſuas ponant, non erit illa fidei corona, ſed pena perfidiæ, nec religioſa virtutis exitus glorioſus, ſed deſperationis interitus. Occidi talis poteſt, coronari non poteſt.* At præterquam quod rariora fuerunt exempla eorum, qui extra religionem Chriſtianam, & Catholicam, mortem ſubierint, ſi cum noſtris Martyribus conferantur, adhuc non legimus Paganos ſe deuouiſſe pro idolis ſuis, ſed pro patria, pro amicis, alijsque huiusmodi obiectis ſenſibilibus externis & corporeis, quæ quidem obiecta multò vehementius mouent carnales homines quam ſpiritualia. Idemque iudicium ferendum eſt de quibuſdam hæreticis, qui etſi nonnumquam viſi ſint conſtanter pro religione, & honore Dei mortem ſubire, vt ipſi exterius fingebant, ac præ ſe ferebant, re vera tamen id faciebant pro ſeipſis, nempe vt gloriam temporalem venarentur, nomenque ſuum apud poſteros celebrarent, vel ne quis diceret eos erroris conuictos fuiſſe, ſi ſententiam mutuiſſent, aliquando etiam ex pertinacia, & obſti-

natione, vel ex odio Catholicæ religionis, ſæpe ex deſperatione, quia credabant ſe non euafuſos mortem, etiam ſi hæreſim ſuam agnoſcerent, quo ſenſu diabolus etiam ſuos Martyres habere dicitur, docetque D. Auguſtinus lib. de patientia cap. 17. *quemque iniquorum tanto eſſe ad toleranda mala duriores, quanto eſt maior mundi cupiditas; moxque addit hanc eſſe patientiam diabolicam.* Veri autem Chriſtiani, Eccleſiæque Catholicæ cultores è contrario mortem ſubierunt, & in dies alacriter oppertunt pro honore Dei, & pro fide Catholicæ, pro vitæ æternæ obtinenda, quamuis & vitæ æternam, & myſteria fidei obſcurè tantum cognoscerent, calcando etiam ſaltum, diuitias, honores, voluptates, & omnia huius vitæ commoda, quærendo ignominiam, & contumeliâ, contemnendo hominum probra, & irriſiones; cum olim maximè apud Paganos nihil eſſet vilius, & abiectius nomine Chriſtiano, omneſque Catholici tanquam ſtulti, & fatui, tanquam ignobilia mancipia vulgò tenerentur. Vnde rectè Concilium Arauſicanum ſecundum can. 17. *Fortitudinem Gentilium, addam & hæreticorum, faciunt mundana cupiditas, fortitudinem Chriſtianorum charitas Dei diſfuſa in cordibus noſtris.*

Tertia circumſtantia eſt Sanctitas, & innocentia vitæ noſtrorum Martyrum. Nunquam enim in tot acerbiffimis ab Imperatoribus illatis in Chriſtianos & Catholicos perſecutionibus, quæ impiam illorum, ob aliud ſcelus, quam quod eſſent Chriſtiani, & Catholici, conueniunt eſſe iudicio, quis poterit inuenire; quod, qui ſcripſerunt pro Chriſtianiſ Apologias, vt Tertullianus & alij facile demonſtrarunt; Quamobrem D. Ambroſius in expoſitione Pſalmi 118. corum eſſe illam vocem non incommodè interpretatur. *Principes perſecuti ſunt me gratis. Quia cum nihil male fecerint, inquit Ambroſius, peiora laſtronibus ſubire tormenta ſunt coacti.* Non igitur Deo vindice ob aliqua ſtagitia, vt quidam Ethnici, ſed adiutore Deo vitam pro verita-

veritate perfudisse Christiani, & Catholici Martyres existimari debent; ut etiā docet D. Chrysostomus homil. 4. in 1. epistol. ad Corinth. cap. 7.

Quarta circumstantia sunt innumera pene miracula; & signa quibus, nostrorum Martyrum supplicia, & tormenta, morsque ipsa diuinitus illustrata fuerunt, quemadmodum obseruat S. Gregorius Nazianzenus orat. prima, aduersus Iulianum Apostatam, nec non Theodoretus sermone octauo de Martyribus, ita ut in historiis Ecclesiasticis nihil sit frequentius quā Sanctos Martyres fuisse Magiæ accersitos, adeo frequentibus prodigijs ac miraculis ius illis omne suum natura concessisse videbatur; Inter quæ miracula inferiorem locum non habet, grauiora plerumque & atrociora fuisse Martyrum tormenta, quam ut virtute naturali possent sustineri, & superari.

Quinta circumstantia est inuicta animi constantia, & patientia Sanctorum Ecclesiæ Catholicæ Martyrum, tanto magis commendabilis, quanto minus coacta, magis spontanea. Quoties inclytis illis Christi militibus à cruciatibus vacationem, immunitatemque obcinisset, una hæc vocula, *non sum Christianus, non sum Catholicus*. Sed inde magis suspiciendi, quod pueri, etiam & mulierculæ inspirata patientia dolori illuderent, & carnificinæ, quod omnes læti, & hilares, laudando, & benedicendo Deum, illumque pro suis carnificibus bonum pro malo reddentes exorando, ad martyria tanquam ad epulas duci viderentur. Quæ tanta animi fortitudo Sanctissimorum Ecclesiæ Catholicæ Martyrum tyrannos veritatis in admiratores, carnifices fecit imitatores, spectatores ex infidelibus fideles, certo sibi persuadentes Deum singulari auxilio assistere martyribus dando illis & consolationem, & constantiam inter tot acerbissima tormentorum genera, ut patet de Beato Laurentio, de Beato Vincentio, & alijs innumeris, quorum acta leguntur in Martyrolo-

gijs, & Ecclesiæ Annalibus.

Et si ergo ex martyrio, & persecutione Christianorum secundum se, & seorsim à prædictis circumstantijs, fortasse non posset euidenter constare religionem Christianam & Catholicam esse credibilem tanquam diuinitus reuelatam, illis tamen attentis, diligenterque consideratis, certo certius concludendum est illam prorsus dignissimam esse, quæ pro vera diuinitusque reuelata habeatur. Cum enim Deus homines ad eum finem ipse creauerit, ut sibi vera religione, veroque cultu seruirent; aut nullis omnino (quod incredibile est, nec asserunt infideles Deum agnoscentes) aut illis maximè secundum rectissimam, ac suauissimam suæ bonitatis, & prouidentiae rationem, opulari ad eam rem putandus est; qui tanta simul pietate, virtute, eruditione, & tam ædenti veræ fidei, ac religionis zelo, Deoque in illa seruendi desiderio flagrantibus fuerunt, ut seipsos pro vera fide tuenda, omni tormentorum genere excrucianos vltro persecutoribus tradere, mortemque subire non dubitauerint. Quam enim ab infinita Dei bonitate, & charitate esset alienum, imò verò quam crudele permittere, & pati, tot, & quidem propè innumeros vtriusque sexus, omnis conditionis, & ætatis homines sic affectos, in diligenda fide, sine qua impossibile est placere Deo, decipi, ac vitam etiam sine utilitate prodigere, Maxime cum aduersus hæreticos innumera Sacræ Scripturæ habeamus testimonia, quibus manifestè constat Deum inquirentes se non desistere, *Quæritis me, inquit Hieremias cap. 29. & inuenietis, cum quaesieritis me in corde vestro inueniatur vobis.*

Quæritis me, inquit Hieremias cap. 29. & inuenietis, cum quaesieritis me in corde vestro inueniatur vobis.

CAPUT XXIII.

Explicatur nonum argumentum desumptum ab infinita propè multitudine eorum, qui fidem Christianam, & Catholicam amplexi sunt.

Quartum & ultimum argumentū fidei Catholicæ ex parte credentium, est infinita propè multitudo eorum, qui illam amplexi sunt, quo utitur Lactantius lib. 5. Instit. cap. 13. & D. Augustinus lib. de utilitate credendī cap. 14. & contra epistolam fundamenti cap. 4. *Tenet me, inquit, in Ecclesia consensus populorum, atque gentium.* Etenim credibile id meritò cēseri debet, quod omnes penè gentes & nationes totius mundi, & in his innumerabiles viri summa autoritate, summoque ingenio, & doctrina præstantes libenter, sua sponte, nemine cogente receperunt, maximè ubi cogitari non potest humanum aliquod commodum aut diuitiarū aut voluptatis, aut mundanæ gloriæ, quod eos transuersos rapere, & in deligenda religione excæcare potuerit, vt enim ait Philosophus 1. ethic. cap. 20. *quod vniuersis videtur, nos tale esse diximus.* Et cap. 5. *tale aliquid debet cēseri, quale vir prudens indicauerit.* Atqui fidem Christianam, & Catholicam Romanam quantumuis rudem, & asperam, carnique & sanguini reluctantem innumera propè multitudo doctissimorum etiam, & subtilissimorum Philosophorum amplexa est, quales in primo à Christi natiuitate sæculo sunt S. Dionysius Areopagita à D. Paulo, & Euladius Platonicus à S. Apollinare Episcopo Rauennate ad Christi fidem cōuersi; in secundo sæculo Iustinus, Athenagoras, Ammonius, & alij plures de quibus consulendus est Cardinalis Baronius in suis Annalibus, qui cum veræ sapientiæ amantes essent, & veritatis studiosi, subtilissimam omnium Christianorum Philosophiam esse conside-

Bibliot. Theol. Tom. V.

rantes, admirantesque apud eos non paucos quosdam illud vitæ culmen attingere, sed equè omnes eo nomine esse dignos; pedestri quam seclati fuerant, philosophiæ nuncium remittentes, delegerunt in schola piscatorum discipulos esse potius, quam Athenis magistratos profiteri.

Vnde apparet, non simplices tantum & rudes, (vt Celsus Epicureus, & alij in Christianam religionem insensissimi falso iactabant) Christo nomen dedisse, sed omnes propemodum, qui veræ philosophiæ studiosi essent, ac veritatis cupidi; vt contra eundem Celsum egregiè docet Origenes lib. 3. *Sic igitur quandoquidem elegans, & precipuum aliquid mortalibus visa est Christiana esse religio: non modo ad Celsi opinionem seruiles quidam & imperiti, sed Græcorum plerique eloquentia eruditi & peritissimi viri necessario hanc subiere, nec tamen per seditionem & contentiosas hæreses, sed quia philosophi omnes student, vt earum rerum cognitionem assequerentur, quibus Christiana Religio niteretur.* Vnde & subsequutum est, vt cum omnes diuinam hanc esse disciplinam admitterent, hæreses & sectæ oborirentur, quæ ab his & nomen sibi sumerent, qui eius quidem doctrina principium admirati, vicumque postmodum vt ab inuicem dissentirent, suasionibus quibusdam inducebantur. Hæc Origenes ad illos alludens, qui sic persuasi sunt omnium nobilissimam Christianam esse Religionem, vt tamen sua cum ea miscerent dogmata studentes, hæreses nouas statuerint: aduersus quos in libro de præscriptionibus Tertullianus pluribus differit.



CAPVT XXIV.

*Explicatur decimum argumentum de-
sumptum à modo, quo primum
Fides Christiana fuit
propagata.*

QUARTA Classis argumentorum pro evidenti credibilitate veritatis Fidei Christianæ comprehendit ea quæ deducuntur, ex modo quo primum fuit propagata & stabilita, quia autem in illo plures circumstantiæ admiratione Deique digito dignæ reperiuntur, plura etiam argumenta ex illis deducemus; primumque occurrit, quod sine armis, sine eloquentia, nullis propositis bonis sensibilibus, & temporalibus, sed tantum æternis, gravissimas inter persecutiones fides Christiana & Catholica fuerit propagata; quo argumento vsi sunt olim Iustinus Martyr apologia 2. ad Antoninum Pium, Clemens Alexandrinus lib. 6. Stromatum in fine, Lactantius lib. 5. Diuinarum Institutionum c. 13. Chrysostomus homil. 34. in Math. & homil. 4. & 5. in epistol. 1. ad Corinth. D. Augustinus lib. 22. de ciuitate Dei c. 5. & libro de vera religione cap. 3. & 4. & libro de vtilitate credendi cap. 14.

Credibile enim omnino est, eam doctrinam aut fidem esse veram, diuinæque autoritate niti, quæ cum & multa naturalem intellectus capacitatem superantia doceat, & pleraque carni ac sensibus contraria præcipiat, tam efficaciter nihilominus, nulla armorum vi aut metu, nullis persuasibilibus humanæ sapientiæ verbis, nulla temporalis alicuius commodi spe, seu promissione, sed sola æternorum, quæ cum non sint præsentia, nec sensibilia parum mouent, per paucos ignobiles, & in speciem simplices, & abiectos homines ita propagata est, vt breui temporis spatio totum orbem repleuerit, grauissima non obstante repugnantia & contradictione, quam ipsa in suis veluti incunabilis experta est:

atqui talis est sola fides Christiana, & Catholica; ergo prudentissimè creditur solam fidem Christianam, & Catholicam esse veram Dei fidem, ac religionem.

Maiores huius argumenti videtur esse omnino certa, maxime ex eo quod in illa referuntur viæ non solum debilissimæ, sed etiam in speciem omnino oppositæ ad suadendam, aut stabilendam hominibus aliquam doctrinam; superbis enim contra ambitum, prædicare neglectum honoris; diuitibus contra cupiditatis voragines, spontaneam paupertatem, faciliusque esse cameum intrare per foramen acus, quam diuitem in regnum cælorum; pauperibus suam paupertatem patienti animo toleratam, esse diuitijs omnibus locupletiores; carnalibus contra voluptatis lenocinia, crudum, austerumque viuendi genus sapientibus huius sæculi eorum sapientiam esse meram, & inanem stultitiam; regibus eos esse subditos Christo inter latrones suspensos & mortuos; hæc, inquam, omnia & similia prædicare nonne secundum humanæ prudentiæ leges, ac regulas potius homines à religione auocare, quàm ad eam amplectendam incitare deberent; Igitur si his non obstantibus grauissimas etiam inter persecutiones hostiumque iuratorum contradictiones fides Christiana & Catholica ab omni hominum genere promptissimè recepta, & constantissimè retenta fuit per tot annorum & sæculorum curricula, eoque fuerunt adducti tot Imperatores & Reges, tot Philosophi, & Oratores, tot denique alij ex omni conditione, ætate, & sexu, vt desertis patrijs religionibus, quæ vel ipsa diuturnitate valde confirmatæ erant, solam Christianam fidem amplecterentur; id profecto vi veritatis, diuinæque virtuti tribuendum est; cum naturaliter hæc omnia non magis fieri, aut præstari potuerint, quam si ferocissimi lupi à manivertissimis agniculis superati fuissent.

Ad probationem ergo minoris, rem ita in fidei Christianæ, & Catholice propagatione se habuisse ostendendum est. Præterquam quod enim Christus ipse nouus homo natus in angulo Galilææ, omni destitutus ope humana, exteris ignotus, suis odiosus, non opum illecebris, quod Cirus: non gloriæ, vt Alexander: non victoriæ, aut voluptatum, vt Cæsar, & infamis ille orbis prædo Mahumetes; sed pauperie, contumelijs, crucibus, tormentisq; propositis, primum mortales vocauit ad fidem rerum naturalem rationis captum excedentiuni, vt Deum esse Trinum & Vnum, & ad praxim virtutum arduissimarum, sensuique & carni omnino contrariarum, vt crucem, spontè assumere, honores & diuitias contemnere, & mortem crudelissimam potius oppetere, quàm leue aliquod peccatum committere: item inimicis ignoscere: & à matrimonio inuito & consummato nunquam facere diuortium. Præterquam quod, inquam, primum Christus ita se gessit in prædicando doctrinam Euangelicam, eadem etiam via floruit à morte superstes illius disciplina, vt intra annos quadraginta orbem impleuit vniuersum; vt enim ostenderet Sp. S. quod stultum est hominibus, esse Deo sapientiam, & quod ijs infirmum, esse illi fortissimum & e contra, duodecim non amplius elegit, è remo & reti barones, inopes, & incios, qui sine armis, sine eloquentia, absque vllis promissionibus temporalibus, sed potius promittendo in hac vita supplicia, carceres, cruces, sine fauore humano, quin potius repugnantiis omnibus, repugnante principum & magistratum potentia, philosophorum sapientia, rethorum eloquentia: item repugnante idololatria, quæ per totum ferè mundum inualuerat, nec non sensibus, & affectibus humanis; euntes docuerunt omnes gentes, baptizantes eos in nomine Patris, & Filij, & Spiritus Sancti.

Et vt esset quod magis in fidei
Biblioth. Theol. Tom. V.

Christianæ, & Catholice propagatione miraremur, & vnde alius à Deo tanti dux facti existimari non posset; non solum medios inter persecutionis fluctus, licet vndeque frementes; tum ex parte tyrannorum, tum ex parte philosophorum, tum ex parte hæreticorum, tum ex parte malorum Christianorum, submergi nunquam potuit, sed inde firmitas illi maior semper accreuit. Ex ijs namque qui religionibus dederunt initia, sicut nemo præter Christum suæ institutioni immortalis est, sic sola Christianorum nece, Christianam religionem augeri, & stabiliri decebat. Vt meritò asseruerit Tertullianus sub finem Apologetici sanguinem Christianorum esse germen & semen Ecclesiæ, & propterea Tyrannos ad eos cædendos prouocare non dubitauerit: *Hoc agite, boni prædes, cruciatis, torquetis, asseritis, nos plures efficiamur, quoties metimur à vobis.* Et libro aduersus Scapulam statim in principio; *Cum sentitia vestra concertamus, & magis damnati quàm absoluti gaudeamus.* Ideoque Iustinus Martyr dialogo contra Tryphonem, Ecclesiam viti comparat: quæ amputatione ad vbertatem prouocatur: & D. Leo agro fertilissimo, in quo grana, quæ singula cadunt, multiplicata renascantur: quam ob causam Saluianus libro de prouidentia, hanc ait esse Christianæ vitæ rationem, vt inter ipsas persecutiones; incrementum suscipiat, & inter prospera marcescat: Vnde refert Baronius tomo 2. Annalium ex Eusebio, Zonara, & alijs, Diocletianum Mediolani in Occidente, & Maximum eius in imperio socium Nicomedie in Oriente; imperio spontè se abdicasse; quod non possent suis cedibus & tormentis Christianos extinguere: quin imò eos in dies incrementum maximum suscipere suis oculis intuerentur. Constat ergo solam doctrinam Christianam, & Catholicam esse velut malleum conterentem petras, eloquium Dei conuertens animas, atque etiam gladium penetrabili-

liorem omni alio gladio ancipiti; quomissa sub iugū & Christi fascibus submissa fuere, vbiq; Dæmonum cultus & immanitas, Philosophorum sapientia, eloquentia rethorum, Iurisperitorum prudentia, Tyrannorum vis, & potentia, carnicum denique laniena.

Quod totum egregio Sancti Augustini testimonio libro de vera religione cap. 3. signare placet. Si enim priusquam Christianam fidem mundus cōplecteretur, sapientium Philosophorū aliquis interrogatus fuisset, vtrum censeret, sine virtute diuina per vnum vel aliquos paucos homines nulla neque humana eruditione, eloquentiave instructos, neque potentia & vi armatos, neque nobilitate claros, neque opulentia præstantes, persuaderi illa mundo posse, quæ Christum & Apostolos persuasisse iam cernimus: Respondisset credo ille, inquit D. Augustinus, non posse hoc ab hominibus fieri, nisi quos ipsa Dei virtus atque sapientia commendasset, ut omnia contemnendo, quæ prauis homines cupiunt, & omnia persequendo quæ horrescunt, genus humanum ad tam salutrem fidem summo amore atque auctoritate conuerteretur. Hoc ergo cum iam factum & adimpletum videamus; non nisi diuina planè ope esse factum confitendum est, Christianamque proinde religionem esse probatā diuinitus, modus, quo in orbem est introducta, & propagata, apertissimè declarat.

CAPVT XXV.

Explicatur undecimum argumentum desumptum ab Vniuersalitate, seu Catholicitate Religionis Christianæ, & Catholicæ Romanæ, quatenus eo nomine significatur positiua quedā vniuersalitas locorum.

Hoc est alterum argumentum, quo Christianæ Religionis, Ecclesiæq; Catholicæ veritas ostēditur, pertinens ad modum propagationis illius, quod sit Catholica, seu vniuersalis, quia

autem Vniuersalitas, quæ importatur hoc nomine Catholica, non restringitur ad illam solam, quæ est penes locum, sed etiam importat vniuersalitatem temporis, quam appellamus perpetuitatem, item vniuersalitatem doctrinæ, quatenus complectitur omnia dogmata, quæ debent venire in notitiam hominum, innixa non particulari iudicio, sed communi & vniuersali cōsensu fidelium fundato in reuelatione Dei factæ Ecclesiæ, quàm ideò doctrinæ vnitatem possumus appellare; nam vt eleganter ait Vincentius Lirinensis cap. 3. contra hæreses; *verè proprièque Catholicum (in fidei doctrina) est, tenere, quod vbiq; quod semper, quod ab omnibus creditum est;* quia, inquam, nomen Catholici applicatum Ecclesiæ, aut Religioni, iuxta diuersitatem vniuersalitarum, diuersas etiam significationes allatas habere potest, vt clarius & distinctius in hoc motiuo, veraque Ecclesiæ, ac religionis nota explicanda procedamus, primum agemus de illa quæ attenditur penes locum; quo sensu S. Augustinus sermo 131. de tempore ait Ecclesiam Catholicam dici, quæ toto orbe diffusa est, hæreticorūque Ecclesias ideò Catholicas non dici, quia per loca, atque per suas quasque prouincias continentur, hæc vero à solis ortu vsque ad occasum, vnius fidei splendore diffunditur. Argumentum ergo sic efformari potest.

Ea ratione fides aliqua, aut religio maximè commendatur, veraque, & à Deo tradita esse intelligitur, quæ vniuersalis est & Catholica: hoc autem, solum conuenit religioni Christianæ, & Catholicæ Romanæ, non autem vllis alijs ab illa sectis, ergo sola religio Christiana & Catholica est vera Dei religio.

Maiores huius argumenti primum, probari potest, aduersus infideles auctoritatem diuinarum Scripturarum, negantes, subsequenti ratione desumpta ex ipsamet notione religionis, aut Ecclesiæ, quæ, vt & nomen indicat, aliud

aliud non est, quam cætus & communio vocatorum à Deo ad eandem gloriam & felicitatem: eiusdem ergò rationis aut conditionis beatitudo, & religio, seu Ecclesia, tamque communis & vniuersalis vna, quam altera esse debet, si quidem ad beatitudinem consequendam necessarium est medium, religio, vt libenter admittunt infideles Deum agnoscentes, atqui non vni loco, non vni hominum genti, aut personarum generi propria & particularis est beatitudo, sed Deus vult omnes homines saluos fieri, 1. ad Timoth. c. 2. quod Sanctus Augustinus in Enchirid. c. 103. sic explicat vt. per omnes homines omne genus humanum intelligatur, *per quascumque. differentias distributum, reges, priuatos, nobiles, ignobiles, sublimes humiles, doctos, indoctos, integri corporis, debiles, ingeniosos, tardicordes, fatuos, diuites, pauperes, mediocres, mares, feminas, infantes, pueros, adulescentes, iuuenes, seniores, senes, in linguis omnibus, in moribus omnibus, in artibus omnibus, in professionibus omnibus, in voluntatibus & constitutionibus varietate innumerabili constitutos, & si quid aliud differentiarum est in hominibus;* ergò si quæ est vera, ac diuina religio, eam esse vniuersalẽ, & vicissim, quæ vniuersalis est, quæque omnia loca, omnes nationes, omnia hominum genera complectitur, eandem quoque esse veram oportet.

Deinde, quotiescumque, aliquid pluribus commune est, id in illis vnã causam, & principium vnũ commune agnoscit, v.g. quæcumque eandem temperiem habent naturalem, ea vel terrea, vel ignea, vel alia solent appellari, vniue elementis, aut potius principio elementari vni attribui: ergò eo ipso quod datur aliqua religio aut fides communis, in quam æquẽ omnes homines maximè tanquã in quid ad salutem necessarium conueniunt, debet etiam talis religio, aut fides habere pro principio aliquid vnũ, quod in omnes vim suam habet: & maximè

quod in omnium hominum animos illabi, eosque in vnã sententiam flectere, ac trahere potest: tale autem non potest esse aliud quam Deus author naturæ hominum & gratiæ, cuius solius fides seu authoritas apud omnes homines valet; est igitur dicenda illa vera Dei Ecclesia, in qua non est distinctio Iudæi, aut Græci, aut barbari, sed quæ ex se communis est, cuilibet loco, cuilibet nationi & genti.

Secundò probatur eadem maior aduersus hæreticos autoritate Sacræ Scripturæ, & Sanctorum Patrum. Vt psalmo 2. v. 8. *Dabo tibi gentes hereditatem tuã, & possessionem tuã terminos terræ, & psal. 18. v. 5. in omnem terram exiuit sonus eorum, & in fines orbis terra verba eorum.* Quæ ad Apostolos, & fidei christianæ prædicatores referuntur, Roman. 10. v. 18. Item psal. 22. v. 28. *Reuoluentur, & conuertentur ad dominum vniuersi fines terra.* Psal. 71. v. 8. *Et dominabitur à mari usque ad mare, & à flumine usque ad terminos orbis terrarum, &c. omnes gentes seruiant ei.* Similia habentur Isaïæ 52. versu 10. & 60. v. 3. Malachiæ 1. v. 11. *ab ortu Solis usque ad occasum, magnum est nomen meum in gentibus; & in omni loco sacrificatur, & offertur nomini meo oblatio munda, &c.* Quæ omnia pertinere ad Ecclesiam Christi, quam hæretici admittunt esse veram, ex contextu & circumstantijs locorum apertè colligitur. Eandem etiam vniuersalitatem locorum Ecclesiæ Christi non minus clarè noui testamenti Scripturæ declarant. Matthæi 24. v. 14. *Et prædicabitur hoc euangelium regni in vniuersa orbe, in testimonium omnibus gentibus: & tunc veniet consummatio.* Matth. 28. v. 19. *Euntes ergo docete omnes gentes. Lucæ 24. oportebat prædicari in nomine eius penitentiam, & remissionem peccatorum, in omnes gentes, incipientibus ab Hierosolyma,*

Ex quibus, alijsque similibus diuinarum Scripturarum autoritatibus colligunt Sancti Patres, veram fidem, & Ec-

& Ecclesiam Christi per omnes gentes diffusam esse debere, & sicuti nondum prædicata fuit, adhuc prædicandam esse; Dicebat, inquit Origenes lib. 1. contra Celsum initio, & lib. 2. post initium, *Deum mundi authorem, & qui uniuerso orbi leges dedit, eam vim dictis suis indere, ut omnia quæ ubique terrarum sunt, vincere, ac tenere possent.*

Eodem sensu D. Augustinus libro de unitate Ecclesiæ cap. 6. & sequentibus ita contra Donatistas dissertit, tanquam si ex instituto contra nostri temporis sectarios scribere, eorumque friuolas obiectiones in hoc argumento refellere decreuisset, ut pluribus demonstrat Tannerus in anatomia Confessionis Augustinæ parte 2. demonstrat. 3. Explicans ergo D. Augustinus Scripturæ locum, *Benedicentur in nomine tuo omnes gentes.* Ecce, inquit, testamentum Dei, aperite aures. *Hominis confirmatum testamentum nemo irritum facit, & superordinat; quare vos (hæretici) irritum faciis testamentum Dei, dicendo, nec in omnibus gentibus esse completum, & peruisse iam de gentibus, in quibus erat semen Abraham; quare superordinatis dicendo: in nullis terris heredem permanere Christum, nisi ubi poteris coheredem habere Donatum (siue Caluinum, siue Lutherum?) & infra; Date mihi hanc Ecclesiam, si apud vos est; ostendite, vos communicare omnibus gentibus, quas iam videmus in hoc semine benedicti; date hanc, aut furore deposito, accipite.* Hactenus Augustinus loco citato, qui etiam epistola 50. ait, *Innumerabilia sunt testimonia librorum Sanctorum, in quibus apparet Christi Ecclesia non in sola Africa, sicut isti impudentissima vanitate delirant, sed toto orbe terrarum diffusa.*

Quam ob causam Eusebius lib. 1. de demonstrat. Euangelica cap. 5. docet legem Mosaicam non posse esse veram, & vnicam religionem, quia ea vni tantum populo Israelitarum propria erat, nulloque modo alias nationes obligabat aut complectebatur; quare erat tantum pars præcæ illius, & antiquæ om-

nibus gentibus communis, & Christianæ, quam Christus non soluit sed adimpleuit, & omnibus suis numeris absolutam perfectamque reddidit.

Neque verò Sancti Patres rem ipsam solam, per nomen Catholici significatam, sed & nomen quoque ipsum existimauerunt esse propriam veræ Ecclesiæ notam, firmissimumque veritatis illius argumentum. Primum huius rei testis adhibeo Iustinum Martyrem qui secundo sæculo floruit: *Ei sunt,* inquit in Tryphone loquendo de falsis hæreticorum Synagogis ad distinctionem veræ Christi Ecclesiæ, *distincti cognominibus, denominati à quibusdam viris, ut quisque fuit huius author alicuius nouæ doctrine: ex his alij vocantur Marcioniste, alij Valentiniani, alij Basilidiani; alij Saturniani, alij alio vocabulo, quisque à primo inuentore sui dogmatis.*

Idem habet Irenæus lib. 1. cap. 20. qui eodem sæculo visit, *Habent, inquit, & vocabula; à principe impiissima sententiæ Simone, dicti Simoniani.*

Ab anno Domini 200. ad 300. Tertullianus libro de præscriptionibus c. 26 & lib. 7. contra Marcionem cap. 17. Cyprianus epist. 41. 42. 43. 44. & 45. veram Christi Ecclesiam Catholicæ nomine insigniunt, insigniendamque supponunt ex diuinis Scripturis superius allatis. Eodem sæculo Lactantius, cum Marcioniste, inquit lib. 4. cap. 30. ant Arriani nominantur, *Christiani esse desierunt, qui Christi nomine amisso humana, & externa vocabula induerunt.*

Sæculo quarto ab anno Dom. 300. ad 400. D. Athanasius ferm. 2. contra Arrianos; *Nunquam,* inquit, *populus ab Episcopis suis, sed à Domina in quem creditum suis nomen accepit, &c.*

Pacianus Episcopus Barchinonensis epist. 1. ad Sympronianum, quæ est de nomine Catholico, eandem planè contra Nouatianos hæreticos dignoscendæ certæ fidei, & Ecclesiæ regulam; aut argumentum præscribit. *Ego, forte ingressus,* inquit, *populosam urbem hodiè, cum Marcionitas, cum Apollinarios, Casaphry-*

sapbrigas, Nouatianos, & ceteros eiusmodi comperissem qui se Christianos vocarent, quo cognomine congregationem meam plebis cognoscerem nisi Catholica diceretur. Et infra: Catholicum istud nec Marcionem nec Apellem, nec Montanum sonat, nec hæreticos sumit authores, &c. Et rursus inferius: Ne esues frater, Christiani mihi nomen, Catholicus verò cognomen: illud me nuncupat, istud ostendis; hoc probor, inde significor. Et rursus: Ab hæretico nomine noster populus hac appellatione diuiditur, dum Catholicus dicitur.

Idem tradit Cyrillus Hierosolymitanus Catechesi 18. Si iueris, inquit, in aliquam urbem, non petas, ubi sit Ecclesia, ubi domus Dei; nam etiam hæretici dicunt, se habere domum Dei, & Ecclesiam, sed petas ubi sit Catholica Ecclesia. Id enim nomen proprium huius Sanctæ Ecclesiæ Matris omnium nostrum, quæ est sponsa Domini nostri Iesu Christi Vniuersi filij Dei.

S. Hieronymus contra Luciferianos in fine; Sicubi audietis eos, qui dicuntur Christiani non à Domino Iesu Christo, sed à quoquo alio nuncupari, ut Marcionistas, Valentinianos: Scito non Ecclesiam Christi, sed Antichristi esse Synagoga.

D. Chrysostomus homil. 33. in acta Apostolorum; Illi, loquendo de hæretico, habent quosdam à quibus appellantur: prout enim heresiarchæ nomen: ita & secta vocatur: nobis autem nullus vir, nomen dedit sed fides ipsa.

Tandem ut omittam innumeros alios maxime recentiores, qui videri possunt, apud Canisium in suo Catechismo, finem imponet D. Augustinus contra epistolam fundamenti cap. 4. Tene me, inquit, in Ecclesia ipsum Catholicum nomen: quod non sine causa inter tam multas hereses sic ista Ecclesia obtinuit, ut cum omnes hæretici se Catholicos dici velint, quærenti tamen peregrino alicui, ubi ad Ecclesiam Catholicam conueniatur, nullus hæreticorum, vel basilicam suam, vel domum audeat ostendere. Et libro de vera Religione cap. 7. Tenenda est nobis Christiana Religio, & eius Ecclesia

communio, quæ Catholica est, & Catholica nominatur non solum à suis, sed etiam ab omnibus inimicis. Velint enim nolint, ipsi quoque hæretici, & Schismatici alumni, quando non cum suis sed cum extraneis loquuntur, Catholicam nihil aliud quam Catholicam dicunt: non enim possunt intelligi, nisi hoc nomine eam discernant, quo ab universo orbe nuncupantur.

Ut planè manifestum sit aduersus hæreticos, ex diuinis Scripturis, ex doctrina Patrum, ipsoque vsu, ac traditione Ecclesiæ in vitro; Symbolo Apostolico, & Nicæno, nec non Athanasiano, ipso nomine Catholice, veram Christi Ecclesiam significari, & ab omnibus alijs hæreticorum conuentibus vbique terrarum dignosci, ita ut Ecclesiam esse & vocari Catholicam aut vniuersalem, non minus sit certum veritatis illius argumentum, quam falsitatis hæreticorum Synagogarum, quod alij vocentur Ariani, alij Marcionistæ, vel Lutherani, alij Zuuingliani, alij Caluinitæ.

Vnde ne vel ipsa Symboli recitatione suæ Synagogæ vanitatem, ac falsitatem proderet Lutherus, in suo Catechismo vulgari, vocem Catholicam, nefarie eliminauit, substituta eius loco voce Christianam. Neque refert, quod interdum ea vox inter se, & cum vera Ecclesia conuertantur. Id enim primo non sufficit ad excusandum flagitium Lutheri, alioquin pariter excusandus esset Manichæus, si in Symbolo, pro Patrem omnipotentem Creatorem cali, & terre posuisset, Patrem bonum Creatorem lucis. Aut si Ebion, vel Eluidius pro natus ex Maria Virgine, posuisset terminos conuertibiles: nam ex Maria Iosephi coniuge, quæ tamen omnia vana, nefaria, & sacrilega esse pluribus demonstrat Adamus Tannerus Societatis Iesu in Apologético præfationis colloquij Ratiponenfis.

Deinde quod ait Hunnius in examine eiusdem præfationi, hos terminos Christianam, & Catholicam esse isodunamontas,

montas, seu æquipollentes; est apertè falsum: sunt enim diuersissimæ rationis & significationis, ita quidem, vt licet Christiani appellatio vim habeat ad discernendum Christianos ab alijs infidelibus Christum non agnoscentibus, eam tamen nequaquam habeat ad distinguendos veros fideles ab Hæreticis se Christianos etiam profitentibus, quam habet vox Catholici, vt supra ex doctrina Patrum vidimus.

His ergo sic stabilitis circa maiore propositionem nostri argumenti, nunc ad probationem minoris eiusdem, ostendendum est tam aduersus infideles, religionem Christianam, quam aduersus Hæreticos, Ecclesiam Romanam esse verè Catholicam, & Vniuersalem, ac pròinde veram Dei Ecclesiam. Prius tamen aliqua sunt breuiter noranda.

Primò Christianam Religionem sumi posse dupliciter, strictè videlicet, & latè, per Christianam Religionem prefus, vel strictius sumptam, intelligo eam quam Christus ipse Dominus docuit, & per Apostolos consequentibus discipulis tradidit; latius autem sumpta significat Religionem, quæ Dei vnus & Christi mediatoris cultum proficitur.

Obseruandum est secundo nos agere in præsentem tantum, non de vniuersalitate temporum, aut dogmatum, sed locorum; à qua magis principaliter Ecclesia dici debet Catholica, ad quam rectè docet D. August. epist. 30. ad Hefichium non requiri; vt sit in omnibus hominibus totius mundi, sed tantum, vt innotescat omnibus prouincijs, & in omnibus fructificet, ita vt in omnibus prouincijs aliqui sint de Ecclesia; donec enim hoc fiat, non veniet dies Domini, vt patet ex Matthæi 24.

Tertiò notat Cardinalis Bellarminus ex Driedone lib. 4. de notis Ecclesiæ cap. 7. non requiri, vt hoc fiat simul, ita vt vno tempore in omnibus prouincijs necessario esse oporteat aliquos fideles, sufficit enim si fiat successiue. Ex quo id sequitur, quod si sola vna prouincia retineret veram fidem, adhuc verè &

proprie diceretur Ecclesia Catholica, dummodo clare ostenderetur, eam esse veram & eandem cum illa, quæ fuit aliquo tempore, vel diuersis in toto mundo diffusa: quemadmodum nunc quilibet diocesis dicitur Catholica, quia est continuata cum alijs; quæ faciunt vnam Ecclesiam Catholicam.

Quod si aliquis dicat, hoc esse incidere in errorem Petilian, & Donatistarum, qui dicebant, Ecclesiam quidem fuisse in toto orbe, sed postea perisse ex omnibus prouincijs, & in sola Africa remansisse, quos Augustinus reprehendit psal. 101. conc. 3. libro de vnitates Ecclesiæ cap. 2. Quem etiam errorem nostri temporis nouatores ab inferis excitarunt, negantes Ecclesiam esse Catholicam, vnde Lutherus vocem illam è Symbolo abstulit vt vidimus, & lib. contra Catherinum dixit Ecclesiam inuisibilem esse & spirituales, passim dispersam, nec temporum continuationi, neque locorum vniuersitati, nec successioni ordinariæ alligatam.

Respondetur tam Donatistas, quam Nouatores cum illis dexteris pariter miscentes errasse in duobus, primum quod Donatistæ vellent, Ecclesiam tantum fuisse in Africa, Lutherus Vitembergæ, Calvinus Genæ, eo tempore quo manifestè fructificabat, & adhuc fructificat in toto fere mundo: Secundo quod suam Ecclesiam Africanam, aut Vitembergensem, aut Gebennensem non poterant continuare cum illa, quæ in toto orbe fuerat.

His ita prænotatis probatur primò Religionem Christianam, vt erat ante Christum Dominum, quæ nimirum in Deum vnum, & mediatorem Christum venturum credebat, iam tunc Catholicam, & omnes homines, seu omnium generum aliquos diuersis in mundi partibus, ac prouincijs complexam fuisse.

Ita D. Augustinus lib. 18. de ciuitate Dei cap. 47. Nec ipsos, inquit, Iudeos existimo audere contendere neminem peruenisse ad Deum præter Israelitas: populus enim re vera, qui populus Dei proprie dice-

diterecur, nullus alius fuit, homines autem quosdam non terrena, ſed celeſti ſocietate ad veros Iſraelitas ſuperna ciues patria pertinentes, etiam in alijs gentibus fuiſſe negare non poſſunt: quia ſi negant facillime convincuntur de Sancto, & mirabili viro Iob, qui nec indigena, nec proſelytus id eſt advena populi Iſrael fuit: diuinitus autem proniſum fuiſſe non dubito, ut ex hoc vno ſciremus etiam per alias gentes eſſe poſuiſſe, qui ſecundum Deum vixerunt, eique placuerunt pertinentes ad ſpiritualem Ieruſalem. Quod nemini conſeſſum fuiſſe credendum eſt, niſi cui diuinitus reuelatus eſt, vnus mediator Dei, & hominum homo Chriſtus Ieſus, &c. Et epiſtola 49. quaſt. 2. cum nonnulli commemorantur in ſanctis hebraicis litteris, iam ex tempore Abrahe, nec de ſtirpe carnis eius, nec ex populo Iſrael, nec ex aduentitia ſocietate in populo Iſrael, qui tamen huius Sacramenti, ſcilicet Incarnationis Chriſti participes fuerant, cur non credamus etiam in ceteris hac, atque illac gentibus, alijs alios fuiſſe, quamuis eos commemoratos in eiſdem authoritatibus non legamus? ita ſalus religionis huius, per quam ſolam veram, ſalutem vera veraciterque promittitur, nulli vnquam deſuit qui dignus fuit, & cui deſuit dignus non fuit. Quam vltimam authoritatem à Pelagianis pro ſua deſenſione aſſumptam, idem S. Auguſtinus explicat lib. 1. de prædeſtinat. Sancti. cap. 9.

Eandem penitus doctrinam tradit S. Proſper lib. 2. de vocatione Gentium cap. 5. qui de quibuſcumque nationibus aut gentibus, quæ quibuſque locis, aut temporibus Deo placere potuerunt, ſpiritu gratiæ Dei, & mediatoris noſtri Ieſu Chriſti aſſerit fuiſſe discretas, quæ eſſe parior antea, atque occultior fuit, nullis tamen ſaculis ſe negant virtute vna, quantitate diuerſa conſilio incommutabili, opere multiformi; & cap. 10. Manifeſtaverunt diuinorum eloquiorum multe authoritates, & continua omnium ſeculorum experimenta docuerunt, iuſtam Dei miſericordiam, miſericordemque iuſtitiam, nec alendis vnquam corporibus hominum

Biblioth. Theol. Tom. V.

nec docendis, iuuandisque eorum mentibus deſuiſſe.

Cui tam D. Auguſtini, quam ſiſdeliſſimi eius diſcipuli doctrinæ ſuffragantur antiquiſſima hiſtoriarum monimenta; vt enim taceam Melchiſedech, Iob, Naaman Syrum, & alios plures tã ex Chaldeis, quam ex Aegyptijs, qui ab Abraham edocti multa de Religione Chriſtiana, ſeu de Deo Vno, & Saluatore accepta diutiſſimè conſeruauerunt; ipſiſmet temporibus ante Chriſti aduentum proximis, quibus iniquitas & Idololatria, & conſequenter Dei obliuio, aut ignorantia maximè vigeat, notat Cardinalis Baronius & ad copiam probat tomo 1. Annalium in apparatu, vix vllam orbis partem fuiſſe, in qua non eſſent aliqua Chriſtiana, ſeu veræ Religionis, non ſolum inter Iudeos, ſed etiã inter Gentiles relicta veſtigia.

Quod ſi inquirat aliquis vndè hanc ſuam cognitionem tam de Chriſto Saluatore, quam de alijs fidei noſtræ myſterijs haurire potuerint Gentiles, ſuperius lib. 2. ſect. 5. cap. 18. dixi ex quatuor fontibus. Primò ex oraculis ipſis Gentium. Secundò ex libris Sybillarum. Tertiò ex conſuetudine cum Hebreis, quos Theodoretus lib. de providentia, ſerm. 10. obſeruat Deum gentibus immiſuiſſe, & in varias nationes diſperſiſſe, vt ſua conſuetudine, & inſtitutis eos quibuſcum morarentur de Deo, Chriſtoque Domino ſeu mediatore edoceret. Quartò ex ipſiſmet ſacris litteris. Quibus ex D. Proſpero poſt S. Dionyſium lib. de celeſti hierarchia, cap. 9. addo Angelos, per ipſos enim ad Dei cultum inſtitutas eſſe gentes quibus præerāt, colligitur ex viſionibus per eos exhibitis Pharaoni & Nabuchodonofori, quibus addi poſſunt Balaam numer. cap. 22. Cornelius actuum 10. & in noſtra Gallia, in quam non videntur penetraſſe Iudei, Druides Gallorum doctores, inter quorum myſteria & dogmata, Chriſti Domini ex Sanctiſſima Virgine naſciturum Sacramentum & Chriſtiana religionis fundamentum præcipuum

puum fuisse, quod illi suos discipulos edocerent, testatur celeberrimū illud & augustissimum Carnotense templū eo in loco à Druidibus exædificatum, in quo olim longè ante Christi Domini aduentum Virgini parituræ extructam aram fuisse fert antiqua traditio. Et quod pro vita hominis, nisi vitam hominis reddatur, non posse Dei numen placari inter alia docerent, non malè allusum esse ad diuina mysteria obseruat Ianus Cæcilius Frey opusculo de Philosophia Druidarum; nam expedit vnum hominem mori pro populo, vt est in sacris litteris.

Nunc probandum est Christianam Religionem pressius & strictius sumptam pro ea, quam Christus ipse Dominus docuit, & per Apostolos consequentibus discipulis tribuit, esse Catholicam; quod cum duobus modis possit intelligi, primò ita vt ab initio ortus sui mundum vniuersum caperit occupare; secundò, vt à quo tempore orta est, semper creuerit, crescatque in dies in nouas mundi partes, & regiones penetrans seque diffundens; sitque spargenda & diffundenda semper vsque in finem huiusce mundi, & diem 2. aduentus Christi Domini, in vtroque sensu Ioannes Bagothus Societatis Iesu tomo 1. Apogetici fidei lib. 3. disput. 5. cap. 3. commodè intelligi posse putat, Ecclesiā Christi fuisse, & esse, foreque semper Catholicā, vniuersalem, seu per vniuersum hunc mundum diffusam.

Et ad probationem primi sensus facit quod notat S. Augustinus lib. de vnitae Ecclesiæ cap. 10. Ecclesiam videlicet in Apostolis primisque Christianis locutā fuisse linguis omnibus, vt præsignaretur quod ea esset itura in omnes linguas, & vt nunquam verum esset dicere, quod Christi Ecclesia esset, & non complecteretur vniuersitatem linguarum, quod docet idem S. Augustinus serm. 2. de Pentecoste, qui est 186. de tempore; Ecclesia, inquit, tunc in una domo erat, accepit Spi-

ritum Sanctum in hominibus paucis erat, in linguis totus orbis erat, &c. & postea 2. Nemo dicat accepit Spiritum Sanctū, quare non loquor linguis omnium Gentium? id enim vt soluat, aduertit Spiritum Sanctum esse in Ecclesia id quod in corpore est anima, quæ omnia membra vegetat, per oculos videt, per aures audit, vitamque dat membris omnibus, officia singulis: Sic est, inquit Augustinus, Ecclesia Dei, in alijs Sanctis facit miracula, in alijs Sanctis loquitur veritatem, in alijs Sanctis custodit Virginitatem, in alijs Sanctis custodit pudicitiam coniugalem, in alijs hoc, in alijs illud, singuli propria operantur, sed pariter viuunt; idem repetit serm. 188. vnde præcitur Theologus rectè aduertit & colligit, quod quemadmodum Sanctitatem suam perfectam officijs omnibus, & numeris suis absolutam, Ecclesia Christi semper habuit, aliquando in paucioribus conclusam, aliquando per plures dispersitam; ita quoque suam vniuersalitem semper habuit, linguisque omnium gentium, loquuta Deum benedixit, & laudauit, vnde cum eodem capite habere filios, seu Christianos omnium linguarum, & præsertim viros Apostolicos, qui Euangelium prædicare poterant; tunc miraculum illud linguarum Christianis per manuum impositionem, seu Confirmationis Sacramentum, quo nō fideles, sed fidei testes, & intrepidi professores constituuntur, concessum cessare cepit. De quo etiam vide Cardinalem Baronium tomo 1. Annalium.

Loquendo modo in secundo sensu, quo magis propriè Ecclesia dicitur Catholica, non potest manifestiori argumento probari Religionem Christianam esse ralem, quam notato loco in quo ea primum originem habuit, & vnde in reliquis mundi partes nullæ prorsus excepta, extendi seu peruenire cepit. Sed vt constat tam ex historia Evangelica, actibusque Apostolicis, quam ex historijs retro actorum

læcu-

læculorum, christiana religio primum incipit, & nata est in vrbe Ierosolyma, & ex ea in vicinam Iudæam reliquam, Samariam, aliasque remotissimas tam Orientis, quam Occidentis regiones tunc notas dilatata, vt pluribus ostendit Cardinalis Baronius tomo 1. & 2. Annalium, & Lualdus in opere lingua Italica scripto, de origine Christianæ Religionis in Occidente.

Verum quid opus est præteriti temporis memoriam reperere, tantum attendendus est huiusce ætatis status, facileque constabit ipsa euidencia facti, primum aduersus Christiani nominis hostes, Christianam Religionem pro vt comprehendit omnes etiam hæreticos, & schismaticos Christum agnoscetes, esse adhuc toto orbe diffusam; Deinde comparatione facta inter diuersas Christianorum congregationes de vera Christi Religione inter se contententes, solam Ecclesiam Romanâ Catholicâ Ecclesiæ nomen retinere, & conseruare. Ipsa enim præter Italiam & Hispaniam totam, præter Galliam in qua pro maiori parte, Germaniam, Angliam, Poloniam, Boemiam, Hungariam, Græciam, Syriam, Aethiopiam, Aegyptum, in quibus multi inueniuntur Catholici, in ipso nouo orbe habet Ecclesias sine admixtione hæreticorum, in omnibus quatuor mundi partibus: ad Orientem in Indijs: ad Occidentem in America: ad Septentrionem in Iaponia: ad meridiem in Brasilia, & exteriori parte Africæ. At sectæ hæreticæ nunquam totum orbem, aut cerè dimidiam eius partem occuparunt, vt videbitur capite subsequenti. Nemoque vnquam communi vsu loquendi, nec præteritos, nec præsentēs sectarios catholicos vocauit, aut eorum Ecclesiam Catholicâ, vt satis etiam fateretur Aegydius Hunnius in examine Protocolli Monacensis de colloquio Ratisponensi citatus à Tannero 22. disput. 1. quæst. 3. dub. 4. num. 150, nec obscure agnouit ipse Lutherus dum ex Symbolo Apostoli-

co Germanica lingua ab ipso edito, vbi de Ecclesia sermo est, expunxit particulam, *Catholicam*.

Contrario nobis *Catholica*. & *Catholica Ecclesia* nomen etiam ipsi aduersarij tribuunt, vt apud eundem, Tannerum dolenter agnoscit Iacobus Hilbruner in suo Acatolico volumine pag. 457. & videre est in plerisque Catalogis librorum, quos ipsi in nundinis Francofurtensibus conficiunt, & typis impressos edunt; vbi nostrorum libris hanc inscriptionem præfigunt: *Libri Theologici Catholicorum, qui Romana Ecclesia subijciuntur*, cum tamen suos interim libros, vel protestantium appellent, vel eorum, qui confessioni Augustinæ adherent. Idem facit ipsa confessio Augustana Latina, Concordiæ libro inserta, præfatiuncula de abusu, vbi dicitur: *Cum Ecclesia apud nos de nullo articulo fidei dissentiant ab Ecclesia Catholica; tantum paucos quosdam abusus omittant*, &c. vbi per Ecclesiam Catholicam, vtique nostram intelligunt, à qua, vt ipsi aiunt, nonnisi ratione quorundam abusuum dissentiant.

CAPVT XXVI.

Quod in omnibus alijs ab Ecclesia Christiana, & Romana sectis non sit vera Vniuersalitatē nota, vbi etiam satisfit quibusdam hæreticorum obiectionibus.

Cum inter omnes, quas sibi tanquam certas, & proprias veritatis suæ notas Ecclesia vendicat, nulla sit illustrior, quam quia Catholica, & per mundum vniuersum diffusa est; Hæc enim nota facile probari, & nullo ferè negotio cognosci potest, vt superiori capite diximus, cum interim in alijs reperiendis, & agnoscendis plus studij, & doctrinæ requiri videatur: Vt enim omittam, quæ ad eius Sanctitatem spectant: Quod sit hæc nostra Apostolica, antiqua, & eadem perseverans à Christi Domini tempore, vix sciri potest, nisi diligentissimè euolu-

nantur Scripturæ & antiquorum Patrum monumenta, vt hoc modo constet, nos aliam quàm eorum doctrinam fidei non profiteri. Cum inquam ita res se habeat, vt ad cognoscendum, quæ Ecclesia, seu Christianorum congregatio sit Catholica, non sit opus retroactorum sæculorum historias, aut memoriam repetere, sed solum attendere huiusce ætatis statum, & considerare quanam latius se diffundit, quæque in omnibus mundi regionibus celebratur, singulari etiam Dei prouidentia cautum est, hanc Catholicæ Ecclesiæ appellationem soli veræ Christi, seu ab eo fundatæ Ecclesiæ ita esse propriam, vt nulla alia non solum falsa, sed nec etiam vera religio eo vnquam nomine fuerit insignita.

Primum id proba de veris, quæ duæ tantum à lapsu, & peccato Adami fuere, Naturalis, videlicet, & Mosaica, neutra autem duarum illarum fuit vnquam perfectè Catholica; vt enim Ecclesia, seu religiosa congregatio ex Scriptura & Patribus superiori capite citatis, à quibus huius appellationis vera germana; significatio petenda est, sit verè & propriè Catholica, duo sunt necessaria, prius vt ea sit perfectè vna etiam vt est visibilis, posterius vt cum hac vnitatem sit diffusa, per quamlibet mundi partem, & in qualibet prouincia, non vnâ tantum familiam, aut genus aliquod, sed quâlibet nationem complectatur, & indies crescat, dilaturque in eas orbis regiones quæ deteguntur, seu ad quas aditus patet; quam ob causam Sancti Patres comparant Ecclesiam Catholicam Soli, Irenæus lib. 1. cap. 2. & 3. Sicut enim Sol creatura Dei in vniverso mundo vnus & idem est, ita & doctrina Ecclesiæ Catholica vna & eadem semper manens ybique lucet, & illuminat omnes homines, qui volunt ad cognitionem veritatis manere.

At lex Mosaica, licet habuerit aliquam vnitatem, quatenus omnes Iudei vt pars Christianæ Religionis non

tantum eandem in Christum venturum fidem, sed etiam vnum in terris caput visibile, scilicet Summum Sacerdotem, communia sacrificia, Sacramenta & ritus eosdem habebant; vniuersalitatem tamen locorum non habuit, quia erat alligata vni loco, id est templo Salomonis, extra quod non poterant sacrificare, & vni familiæ, id est, filiis Iacob. Et quamuis per Dei prouidentiam, vt superiori capite notauimus, crescente idololatriæ superstitione, & totum ferè mundum ignorantia Dei occupante, Iudei vnus veri Dei cultores in quamplurimas easque remotissimas orbis regiones dispersi fuerint, tum vt ita ad Christum & Euangelium via sterneretur, exindeque inciperet esse aliquo modo vniuersalis & Catholica Religio Christiana, vt superiori capite obseruavi, tum etiam vt saltem per Iudeorum commercium in gentibus conseruaretur vnus veri Dei notitia, hocque pacto Gentiles in sua lege naturali per fidem vnus veri Dei saluari possent; eorum tamen aut religio aut congregatio non potuit dici propterea Catholica, quia in illis locis sola Iudeorum natio in ea congregatione continebatur, eaque sola legem, Mosaicam obseruabat, paucis admodum ex alijs gentibus profelytis ad illam se adiungentibus. At Ecclesia, verè & propriè Catholica sic in omnes mundi partes diffunditur, vt non tantum contineat Christianos fideles eo commeanes, sed earum quoque nationes & populos conuertat, & in suam vnitatem congregationemque admittat.

Similiter qui in lege naturali veram religionem Deique cultum tenebant, etsi crederent omnes in vnum Deum, expectarentque Saluatorem, & in eum saltem confusè cognitum crederent, vnâ & eandem gloriæ spem habendo, ij tamen non habebant vllâ perfectam vnitatem Ecclesiæ visibilem, cum nec caput in terris visibile vnum agnoscerent, nec eosdem colendi Deum

per Sacriſicia, per Sacramenta, ritus-
Ve communes haberent.

Igitur loquendo de Vniuerſalitate
proprie dicta, & in ſenſu quo ſuperio-
ri capite diximus eam certiſſimam, ac
euidentiſſimam eſſe veritatis Chriſtiana-
e & Romanæ fidei notam; tam lex
naturalis, quam Moſaica, nunquam,
verè & proprie fuerunt vniuerſales, ſed
imperfecto ad ſummum modo, pro
conditione legum Vmbraticarum, &
quæ erant tantum præparationes ad
legem Euangelicam.

Quod ſi iam ad alias ſectas oculos
conuertamus certè ſeculorum omniū
conſequentium experientia probabit,
nullam earum vnquam, aut Catholi-
cam appellatam fuiſſe, aut re vera ſe-
in omnes mundi partes aut nationes
extendiſſe, vt patebit diſcurrenti per
ſingulas; eæ enim vel Philoſophorum
fuerunt, vel Idololatrarum, vel Ma-
hometanorum, vel hæreticorum.

At Philoſophorum Sæctæ, & quæ-
cumque ratione, non autoritate ni-
tuntur, præterquam quod ſolis inge-
nioſis conuenire poſſe videntur, pau-
ciſſimos ſingulæ ſectatores habuerunt,
& quamuis magnam ſapientiam ali-
quæ earum oſtendant, ſummaque
eloquentia leges ſuas populis ſuade-
rent, nunquam tamen vnum non di-
cam populum, ſed nec vicum aut op-
pidulum totum ad ſuas leges trahere,
aut inſtitutis informare potuerunt. Vt
docent Athanaſius lib. de humanita-
te Chriſti, & Theodoretus lib. de le-
gibus.

Idololatræ ſuperſtitio latiſſimè
quidem olim peruagata eſt, ſed ea nū-
quam conſtituit vnā Eccleſiam, aut
Sæctam, vbi enim ſunt diuerſorum nu-
minum cultus, ibi non eſt religio vna;
ſingulæ autem non tantum nationes,
non tantum ciuitates, ſed etiam fami-
liæ ſup̄ Deos proprios, Lares penates-
que habebant.

Sæcta Mahumeti omnium aliarum
ampliſſima, quæ ſerè totam Aſiam,
Africamque occupat, & ipſam Euro-

pam aliqua ex parte contaminat, ad-
huc tamen vniuerſalitatem qua reli-
gionem veram notatam eſſe diximus,
non habet, vt commodius demonſtra-
bitur ſeſtione octaua agendo de illa
in particulari.

Tandem nunquam hæreſis vlla ad
tantam terrarum amplitudinem ſar-
menta ab Eccleſiæ vinea projecta ex-
tendere potuit aut poterit, vt meritò
Catholica videri poſſit; quantumli-
bet veras Eccleſiæ miſſiones aliquan-
do voluerit imitari; obest hæreſeos
natura, quæ à diuiſione orta in diuiſio-
nem tendit; obest amor proprius que-
ſtū animarum contrarius; obest Dei
providentia, quæ ſoli fidei ſuæ, & Ec-
cleſiæ promiſit vniuerſalitatem.

Sic Arriana hæreſis, quæ olim om-
nium latiſſimè graſſata eſt, paucas
mundi partes occupauit, & in ſolo
oriente ita ſtetit, vt eam ob cauſam D.
Auguſtinus eam Orientalem alicubi
appellarit: nam quod ait S. Hierony-
mus in dialogo aduerſus Luciferum; quod
in Synodo Ariminenſi Episcopis Ca-
tholicis Valentis Verſaciique Arriano-
rum confeſſioni ſubſcribentibus, inge-
muit totus orbis, & Arrianum ſe eſſe
miratus eſt, haud ſic accipiendum eſt,
quaſi Arriana hæreſis adeò tunc præ-
ualuerit, vt orbem vniuerſum occupa-
ret; cum pauci Arriani eſſent extra
orientem, pauciſſimi in Italia, quaſi
nulli in Gallia. Similiter haud ita
intelligendum eſt, vt quam adeò dete-
ſtati erant tot qui in illa Synodo ex
diuerſis mundi partibus conuenerant
Episcopi Catholici, atque hætenus
abominaretur, Arrianam hæreſim cre-
derent ſe inuitos nolentesque eſſe cõ-
plexos, cum tamen nõniſi volens quis
effici poſſit hæreticus: ſed quod in-
noua fidei regula, vt optimè obſerua-
uit Cardinalis Baronius Annaliū to: 3.
Conſubſtantialitatis nomine præter-
miſſo, atque ſubſtantiaè pariter ablegato,
patefacto eam ob cauſam Arria-
nis aditu ad inuadendam Catholicam
fidem, iidem viſi eſſent Nicenæ fidei
pro-

proditores : difsecta enim munitione illa fortissima, qua Patres in magno illo confessu Nicæno summa industria aduersus Arrianorum fallacias Catholicam fidem instruxerant; hostium negotium egisse videbantur, atque cum Arrianis conuulisse in dispendium confirmatæ, ac traditæ à Patribus Nicænis Catholicæ veritatis.

Quod de Arriana hæresi idem penitus asserendum de Nestoriana, Eutychiana, Lutherana, Calviniana, & alijs : Etsi enim videantur hæretici hoc tempore magnam Septentrionis partem obtinere, tamen non tenentur omnia illa loca ab vna secta, sed à plurimis, non minus inter se, quam nobiscum pugnantibus. Quare scitè D. Augustinus lib. de pastor. cap. 8. docet Ecclesiam esse vbique, & hæresim vbique. Sed Ecclesiam esse vnam, & eandem vbique, hæreses autem non easdem, sed diuersissimas, quæ se inuicem non nouerunt, & proinde nullam earum esse Catholicam. Vnde rectè eas comparat sarmentis præcis, quæ ubi cadunt, cum præciduntur, ibi manent : cum interim Ecclesia tanquã vitis viuã vbique palmites suos quotidie extendat, destinatis fidelibus in messem Domini operarijs, deficienteque in sectarijs fide transferatur ingentem facientem fructus eius.

At obijcient hæretici, nostram Ecclesiam passim etiam vocari *Papisticam*, itemque Romanam, non est ergò vnde tantum nomine Catholicæ gloriemur tanquã certissimo veritatis Ecclesiæ nostræ argumento.

Respondetur primò ad hanc objectionem, Papistarum nomen non nisi à sectarijs nobis imponi; more etiam veterum hereticorum, qui Catholicis antiquam & tot sæculis præscriptam appellationem subindè inuidentes, nouis eos agnominibus quasi per ludibrium traducere conabantur, vt colligitur passim ex Annalibus Cardinalis Baronij, sic enim iam olim etiam Catholici à Valentinijs hæreticis dicti sunt

simplices, ab iisdem, & à Montanistis *Psychici*, seu *Animales* : ab Origenistis *Philosophi*, & *Animales*; ab Arrianis *Homousiani*; à Vigilantio *Cinerej*; à Donatistis *Macariani*; ab Acephalis *Synodici*; à Iacobitis *Melchiti*, vt & à Grecis quibusdam *Azymisti*. Vna videlicet est Catholica Ecclesiæ cui hæreses aliæ diuersa nomina imponunt : cum ipse singula proprijs vocabulis, (v.g. Lutheranorum, Calvinistarum, &c.) quæ negare non audeant, appellentur : vt rectè iam suo tempore notauit D. Augustinus libro de vtilitate credendi cap. 7. & iam tetigimus superiori libro sect. 3. cap. 9. 10. & 11.

Respondetur secundò quod ad rem ipsam prædictis nominibus significatâ spectat, quæ est consensus & vnio cum Papâ, seu Romano Pontifice & Cathedra Apostolica, tantum abest, eam vilius falsæ religionis, aut fidei esse notam, vt potius semper in Ecclesiâ Christi pro manifestissimo Orthodoxi signo habita fuerit : *Ego interim clamo*, inquit D. Hieronymus, *si quis Cathedra Petri iungitur, meus est*, quatenus sola Româ, seu quam Romæ fundauit S. Petrus, Ecclesiâ, quamque ipse vt propriâ rexit Episcopus & Pastor, & quam hætenus rexerunt S. Petri successores Romani Episcopi, per se primò Catholica est, aliarum omnium Catholicarum mater, & caput : ita vt Ecclesia totalis dicatur Catholica, quia Romana est, non autem Romana quia Catholica; quia quod ea Catholica sit, Romana causa est, & eius partium seu particularium Ecclesiarum communio cum Episcopo & Ecclesiâ Româ, vt pluribus demonstrat Tannerus in Apologetico pluries citato præfationis colloquij Ratissponensis, & par. 2. Anathomizæ confess. Augustanæ demonstr. 1. de quo etiã redibit sermo infra sect. 5. & iam plura dicta sunt tomo 3. lib. 3. sect. 3. & 4.

CAPVT XXVII.

Explicatur duodecimum argumentum deſumptum ab eodem Catholici nominis, quatenus eo ſignificatur vniuerſalitas temporis.

Poſtquam ſuperiori capite explicuimus argumentum ab Eccleſiæ, aut Religionis Chriſtianæ catholicitate deſumptum, quatenus eo nomine ſignificatur poſitiua quædam locorum vniuerſalitas, eaque ſola vocatur Eccleſia Catholica, quæ ab ortu ſuo cepit creſcere in varia loca extendi, & ſemper hætenus ſe dilatat, propagatque in omnem locum, regionem & prouinciã; nunc aliud explicandum eſt ab eodem etiam nomine deduſtum, quatenus tamen illo ſignificatur vniuerſalitas temporis, ſeu conſtans duratio, ratione cuius religio Chriſtiana eſt omnium antiquiſſima, & ad nos uſque nuſquam interrupta ſerie continuata. Sic igitur formo argumentum.

Ea eſt vera religio & à Deo fundata, quæ eſt omnium antiquiſſima, & huic mundo, vt ita dicam coæua, quæque hætenus perſiſtit cum eadem doctrina fidei & morum, ita vt illibata, integraque modo ſit eadem, quæ ante octo, decem, duodecim, & ſexdecim ſæcula fuit, licet adeo mutata fuerint tempora, inſtituta, moreſque hominum; atqui hoc ſolum competit Religioni Chriſtianæ, & inter omnes cætus, qui Chriſti nomen profitentur, ſoli Eccleſiæ Catholicæ, quam ſectarij Romanæ vocant; non autem vlli ſectarum ab ea diſtinctarum, ergo ſola Eccleſia Catholica eſt vera Dei, & Chriſti Eccleſia.

Maiores huius argumenti, quo ad primam partem de antiquitate, primùm probari poteſt aduerſus infideles diuinarum Scripturarum authoritatem non recipientes ex communi conſenſu omnium inter illos Sapientum, qui ſemper antiquas religiones venerati ſunt, vnde

apud Origenem lib. 1. contra Celſum initio, & Euſebium lib. 1. de præparat. Euang. cap. 1. Chriſtianæ religioni nouitatem, tanquam falſitatis notam certiffimam obijciebant, nec alio quam antiquitatis argumento efficaciore apud Imperatores pro reſtituenda ara victoriæ vtitur Symmachus apud S. Ambroſium in lib. 5. Epiftolarum, vbi ſic ait: *Si longa atas authoritatem religionibus faciat. Seruanda eſt tot ſeculis fides, & ſequendi ſunt nobis parentes, qui ſequuti ſunt feliciter ſuos.* Reſpondet autem S. Ambroſius epift. 31. *Celi myſterium doceat me Deus ipſe qui condidit, non homo qui ſe ipſum ignorauit; cui magis de Deo, quam Deo credam?*

Ratio autem cur religio eo ſit verior, ac diuinior, quo antiquior, ita vt duæ iſte rationes veræ, aut à Deo reuelatæ, & antiquiſſimæ, ſeu coæuæ, & æqualis orbe condito ſe ſe mutuo comitentur & inferant, deſumitur ex hoc quod religio diuinitus tradita habetur per authoritatem, non autem acquiritur per intelligentiæ rationem; etſi autem ea, quæ per rationem addiſcuntur poſſint maiora in dies incrementa ſuſcipere, vnde vt experimenta noua ſiunt, nouaque diligentia in ratiocinando adhibetur, ſcientias, & artes quotidie perſici videmus. At quæ veritas per authoritatem comparatur, cum ab vno aliquo authore in cæteris deriuatur, quo magis ab eo, & per plures diſcedit, eo maius periculum eſt ne puritatem, ſinceritatemque deperdat; vnde ſic acutè diſputat Ioannes Bagoſius Societ. Ieſu tomo 1. Apologetici fidei lib. 2. diſp. 6. cap. 2. ſect. 2. Quo magis religio Deo ſuo auctori vicinioreſt, eo eſt purior & ſincerior: at quo eſt antiquior, eo magis eſt Deo vicinioreſt: igitur quo aliqua religio aut fides antiquior eſt, eo quoque verior ac ſincerior exiſtimari debet. Maiorem probat ex hoc, quod omnis vera religio profecta à Deo per homines à Deo ipſo edoctos traditur alijs, & ita addiſcitur: & quo veritas aliqua per authoritatem cognita vicinioreſt autho-

authori ipsi, eo purior & defæciator est. Pro minoris verò probatione supponit predictus doctor, religionem ita doceri à Deo, ut is non singulos homines per se proximè & immediatè doceat & suis institutis informet, sed nonnullos diuinos homines, & aliorum doctores instituat, inter quos maximè reponere debemus primum hominem, quem nos asserimus fuisse Adamum, indeque manifestè colligitur, quia idem ipse debuit posse saluari, & consequenter scire disciplinam salutis, quam cum ab alio homine addiscere non potuerit, ab ipso Deo edoctum eum esse oportuit.

Quod argumentum est efficacissimum maximè si cum antiquitate coniungatur nunquam interrupta, & perpetuò constans eiusdem religionis per tot sæcula immutabilitas, re enim benè, prudenterque perpensa, talis diuturnitas aut stabilitas, præsertim inter innumeras quibus illa religio agitaretur procellas, nonnisi verum miraculum soliustque Dei omnipotentis opus esse potest; omnem enim religionem, aut sectam ad componendos mores, & legè homines ad salutem dirigentè, si Deū authorem non habet, nec diuina est, sed humana; caducam esse, & aliquando deficere oportere, manifestè probat vniuersalis omnium aliarum sectarum præter Christianam ruina. Eaque fuit sententia, Gamalielis in cap. 5. Act. Apostol. Si, inquit, est ex hominibus consilium hoc, aut opus, dissoluetur: si verò ex Deo est, non poteritis dissolvere illud, ne forte & Deo repugnare inueniamini.

Secundò probatur eadem maior propositio, maximè quo ad secundam partem de constanti & perpetua veræ Ecclesiæ duratione, aduersus hæreticos authoritatibus Sacre Scripturæ, & Sanctorum Patrum ab illis admisis. Nam de vniuersalitate temporum, qua ad finem usque mundi à primo sui exortu perpetuò sit permanens, præter multa veteris testamenti loca, suppetunt apertissima noui testimonia; Lucæ 1. Dabit illi Dominus Deus sedem David patris.

eius & regnabit in domo Iacob in æternū, & regni eius non erit finis; Item cap. 22. Ego autem rogavi pro te, ut non deficiat fides tua. Matthæi 16. Super hanc petram ædificabo Ecclesiam meam, & portæ inferi non præualebunt aduersus eam. Item 28. Ecce ego vobiscum sum omnibus diebus usque ad consummationem sæculi. Ioannis 14. Ego rogabo Patrem & alium paraclitum dabit vobis, ut maneat vobiscum in æternum. Quæ omnia pertinere ad Ecclesiam Christi, quam hæretici non dubitant esse veram, ac Diuinam, ex contextu, & circumstantijs locorum euidentibus est.

Eandem etiam perpetuitatem, seu temporum vniuersalitatē, tanquam certissimum veræ Ecclesiæ signum tradunt SS. Patres speciatim S. Irenæus lib. 3. contra hæres. cap. 3. & 4. Tertullianus de præscript. cap. 28. & 31. Cyprianus lib. de vnitate Ecclesiæ cap. 5. Basiliius epist. 61. Epiphanius hæres. 55. & 75. Ambrosius lib. 1. hexameron c. 7. & lib. 4. cap. 4. Chrysostomus serm. de Pentecoste, & in cap. 6. Isaia, nec non in vers. 10. Psal. 44. *Adstitit regina à dextris tuis: Ecclesia oppugnatur, euincitur, appetita insidijs superior euadit, iniurijs contumelisque lacerata illustrior constituitur sauciatur, nec cedit impressioni vulnecum, vicumque fluctet non submergitur; immanes sustinet procellas, nec sic quidem patitur naufragium, luctatur, sed non succumbit. Athanasius epist. de Synodo Ariminen. & Seleuc. item in oratione, quod vnus sit Christus, ad illa verba, eiusdem Matthæi 16. Tu es Petrus, & super hanc petram ædificabo Ecclesiam meam, & portæ inferi non præualebunt aduersus eam. Fidelis sermo & non vacillans promissio. Ecclesia inuicta reseat. Etiam si infernus ipse commoueat, & si qui in inferno sunt, mundi principes, & tenebrarum tumultum faciant.*

Item D. Hieronymus in dialogo contra Luciferianos cap. 9. ubi ait: *In illa Ecclesia permanendum est, quæ ab Apostolis fundata, usque ad hanc diem durat. Si cubi audieris eos, qui dicuntur Christi* (scu

(*seu Christiani*) non à Domino Iesu Christo, sed à quocumque alio nuncupari, utpote Marcionitas, Valentinianos, Montenses, siue Campsias, scito non Ecclesiam Christi, sed Antichristi esse Synagoga. Similia apud eundem videri possunt in cap. 4. Isaia, & in epistola ad Pammachium, & Oceanum.

Tandem ex innumeris, quæ circa hanc materiam habet D. August. ep. 48. & lib. de vnit. Eccl. cap. 14. & 15. & in libro contra epistolam fundamenti c. 4. & in libro de veritate credendi cap. 14. & alibi, vnum afferam locum ex con- cione 2. in Psalmum 101. *Sed illa Eccle- sia, inquit Donatista, quæ fuit omnium gentium, iam non est, perijt. Hoc dicunt qui in illa non sunt. O impudentem vo- cem! Illa non est, quia tu in illa non es? Vide ne tu ideo non sis: nam illa eris, etsi tu non sis. Hanc vocem abominabilem, & detestabilem, presumptionis & falsita- tis plenam, nulla veritate suffulcam, nulla sapientia illuminatam, nullo sale conditam, vanam, temerariam, præcipitem, perni- tiosam præuidit Spiritus Dei.*

Quæ omnia tam diuinarum Scri- pturarum, quam Sanctorum Patrum, maxime D. Augustini loca euidenter damnant sectatorum huius temporis errorem, cum aiunt, veram Ecclesiam, Christianam, veramque fidem ac doctri- nam defecisse, totque sæculis in tene- bris, ac puluere conspultam iacuisse: de quo etiam vide dicta tom. 3. lib. 3. sect. 3. cap. 3. & 10.

Nunc ergo probanda est minor quo ad affirmatiuam partem, nempe Religio- nem Christianam esse omnium antiquis- simam, eamque hætenus in Ecclesia Romana perseuerasse; pro quo breuiter recolendum est illud, quod iam supra adnotauimus lib. 3. sect. 3. cap. 3. Chri- stianam videlicet Religionem duobus modis considerari posse, primò pro ea quæ nunc Christiana dicitur, quia sacri- ficia, Sacramenta, reliquamque disci- plinam suam à Christo Domino acce- ptam tenet, estque ipsa ab eodem fun- data. Secundo intelligi potest ea, quæ

Biblioth. Theol. Tom. V.

non tantum vnum Deum, sed etiam, Christum Dominum tanquam seruato- rem, mediatorumque suū coluit, siue eū venturū crediderit, siue iam venisse, & modo regnare triumphantem credat. Et in hoc secundo tantum sensu asserimus Christianam Religionem esse omnium antiquissimam, mundoque coæuam & ætate parem, quod non potest aliter ef- ficacius probari, quam per annales no- stros, & historiam Sacrorum librorum; Geneseos cap. 3. cum dixit Deus Ser- penti, *Inimicitias ponam inter te, & mul- lierem, & semem tuum, & semem illius; ipsa conteret caput tuum.* Ibi Adamus to- tius societatis humanæ, naturæque pa-rens & caput Deum vnum, & Saluato- rem Christum facillè agnouit, nam hoc semen Christum esse interpretatur om- nes Patres, & loci illius expositores. Præter Adamum eandem in lege natu- ræ Christi Saluatoris cognitionem non solum implicitam, sed etiam explicitam habuerunt Noë, Melchisedech, Abra- ham, Isaac, & Iacob; in lege veteri, aut scripta Moyses, Aaron, David, & alij plu- res, ut propheta, & qui in vnoquoque statu fuerunt, vel summi Sacerdotes, vel Rectores & capita aliorum quo ad vitam & directionem spiritualem.

Quare D. Augustinus lib. 16. de ci- uitate Dei cap. 1. ubi agit de continua eiusdem Christianæ religionis duratio- ne, etsi dicat difficile esse liquidò pro- bare ex Scripturis Sanctis, an à Noë usque ad Abraham veri vnus Dei cul- tor quisquam extiterit, *quia non inueni- mus, inquit, usque ad Abraham cuius- quam pietatem euidenti eloquio diuina prædicatam; cuius rationem & causam adducit, quod Moyses in libro Geneseos non habuerit in animo contexere histo- riam aut annales Ecclesiæ Dei; sed eo maxime spectasse, ut ad Abraham ex cu- ius semine Christus secundum carnem oriundus erat, properaret; & si quæ alia occurrerent, quasi per occasionem at- tingeret.* Nihilominus tamen idem S. Augustinus non obscure colligi ex eadem Scriptura docet ibidem cap. 2.

O

sem-

semper durasse Ecclesiam Dei, & Christianam Religionem in Adamo edificari ceptam. Quod idem scribit scdm. 2. 17. de tempore.

Sunt & huius veritatis ac doctrinæ testes plures alij Sancti & antiqui Patres; Origenes lib. 1. contra Cellsum initio, & homil. 2. in cantica post medium ad illa verba, *quam speciosa, &c. Antequam*, inquit, *tempus horum adesset, in multis Angelorum ministerio excolebatur sponsa, qui apparebant tunc hominibus, & loquebantur ea que res poscebat & tempus. Non enim tu mihi ex aduentu Saluatoris in carne sponsam dici, aut Ecclesiam putes, sed ab initio humani generis, & ab ipsa constitutione mundi.* Posteaque fusè probat Adamum fuisse prophetam Christi.

Item Eusebius Cæsariensis lib. 1. de preparatione Evangelica cap. 1. & lib. 1. de demonstrat. Euangel. cap. 5. & 6. Et lib. 1. histor. cap. 1. Omnes, inquit, qui ab Abraham sursum versus usque ad primum hominem generationum ordine conscribuntur, etiamsi non nomine, rebus tamen & religione Christianos fuisse si quis dicat, is mihi non videtur errare. Etenim nomen Christiani hoc indicat, quod Christo quis credens per eius doctrinam, fidem, pietatem, ac iustitiam tenet.

S. Epiphanius in epistola ad Acaciū & Paulum, quæ est præfatio librorum, aduersus hæreses. D. Chrysostomus in cap. 4. ad Ephesios orat. 10. Alijque plures, qui consuli possunt apud Patrem Bolducum in lib. de Ecclesia ante legē. Etenim si quis eorum dicta solo veritatis studio impulsus velit expendere, non dubitabit Christianam Religionem non solum post aduentum Domini, & Saluatoris nostri Iesu Christi prædicatam esse, sed etiam ab initio mundi multis figuris, & Sacramentis secretioribus designatam ac reuelatam; nec enim Actū Apostol. cap. 4. *Est aliud nomen sub cælo datum hominibus, in quo oporteat nos saluos fieri*; quod esse intelligendum de hominibus cuiuscumque legis & status patet ex Apostolo ad Romanos 4. *Omnes quotquot peccauerunt iustificati sunt*

per redemptionem quæ est in Christo Iesu, quem Deus proposuit propitiatorem per sanguinem in fide ipsius; Vnde Apocalipt. 13. dicitur: *Agnus occisus ab origine mundi*.

Quia autem ad perfectissimam temporis vniuersalitem, secundum quam vera Ecclesia dicitur Catholica, non solum pertinet quod ab initio mundi fuerit, sitque omnium antiquissima, sed etiam continuata, nec vnquam interrupta eius duratio; nunc probandum est, præcipuè aduersus huiusce tēporis hæreticos, nostram Ecclesiam; quam ipsi Romanam, vel Papisticam vocant, esse illam ipsam, quam prius in veteri Testamento præfiguratam postea Christus Dominus personaliter instituit, & per Apostolos ac discipulos propagauit; sic enim apertè constabit illam esse veram, & vnicam Dei Ecclesiam.

Ad hanc ergo constantem Ecclesiæ nostræ durationem, perfectamque in doctrina cum Ecclesia antiqua conspirationem demonstrandā possemus procedere primò proferendo sententias veterum, quibus singula nostra dogmata confirmaremus, aduersariorum refutaremus; vel etiam secundò ostendendo quod Nouatores nullo modo ad Apostolos, & Apostolicos viros, sed tantum ad Apostatas suorum dogmatum census possunt referre; verum quia vterque modus prolixissimus esset, & in vnaquaque materia Theologica suis locis Deo dante præstabitur; sufficiat nunc subsequens ratio ad probationem intentæ veritatis, qua vtitur Cardinalis Bellarminus tomo 1. lib. 4. de notis Ecclesiæ.

In omni insigni mutatione religionis semper ista sex demonstrari possunt. Primò author eius. Secundò, dogma aliquod nouum. Tertiò, tempus quo cepit. Quartò locus vbi cepit. Quintò, quis eam oppugnaverit. Sextò, aliquis cætus, vnde paulatim alijs accedentibus ceperit; atqui sectarij, quamuis sæpius prouocari, nihil vnquam horum de nostra Ecclesia, aut aliquo eius dog-

dogmate post Apostolica tempora demonstrare potuerunt; cum tamen illa omnia de singulis hæreticorum sectis facillimè ostendi possint; vt suis locis declarabitur, agendo de vnoquoque fidei Catholicæ dogmate.

Deindè ante Lutheri & Caluini tempora, non erant in mundo nisi hæ religiones Paganismus, Iudaismus, Mahumetismus, Græcismus, Nestorianismus, Hussitarum heresis, & Romana Ecclesia; sed certum est non fuisse, nec perseuerasse veram Ecclesiã Christi apud vllam ex prædictis sectis, vt etiam Lutherani, & Caluinistæ fatentur; ergo fuit apud Romanam Ecclesiam, aut certè perijt de mundo per tot sæcula omnis vera & visibilis Ecclesia: cuius tamen oppositum docent omnes Sancti Patres, & ipsèmet Christus Dominus promisit Matthæi 28. *Ecce ego vobiscum sum omnibus diebus usque ad consummationem sæculi.*

Tandem cum ex ipsamet aduersariorum confessione iam Ecclesia nostra in diuturna admodum possessione à Gregorio I. huc vsque per mille & amplius annos legitimæ, ac perpetuò continuatæ successionis Apostolicæ perdurauerit, idcirco, nec tenetur quidem ad aliã probationem, sed in sua possessione iure perseuerat, donec sectarii, noui vtique homines, qui se & ab Ecclesia Romana, & hoc ipso ab vniuersa antiqua Ecclesia Christi visibili separarunt, vt contra sui temporis hæreticos loquitur S. Cyprianus de vnitæte Ecclesiæ cap. 9. contrarium perspicuo aliquo argumento probent; quod nunquam præstabant.

Quod enim aiunt Ecclesiã Romanã post primos quingentos annos tempore Gregorij I. defecisse, & in ea religionis mutationem factam fuisse, præterquam quod id non possunt ostendere per vllam historiam, aut veterum scripta; oppositum manifestè constat ex rotius orbis communicatione cum Gregorio, vt ex epistolis eius, quas ad omnes prouincias mittit cognosci potest.

Bibliot. Theol. Tom. V.

Item post Gregorij obitum celebratum est Concilium sextum generale, ex quo manifestè colligitur, totum orientem, & occidentem eo tempore cum Romano Pontifice, vt membra cum suo capite coniuncta fuisse.

Quod si dicant non posse ostendi de nostra Ecclesia, quo tempore, quo loco, per quem authorem præcisè cæperit; non quod re vera non sit noua, sed quia non facta est simul ista mutatio, sed paulatim irrepserunt errores in aduertentibus; immò etiam dormientibus pastoribus; hæc certè responsio non valet, nam etiam alię mutationes non factæ sunt totæ simul, sed paulatim, & tamen scimus de singulis quahdò & quomodo ortæ sunt, & à quo authore suam originem, ac denominationem habuerunt. Sed de his satis, qui plura desiderat consulat Cardinalem Bellarminum loco citato, & Adamum Tannerum in Anatomia confess. Augustanæ par. 2. obiect. 7. à num. 204. vsque ad 256. Quod enim aduersarii nobis obijciunt, & opponunt pro nouitate aliquorum dogmatum, suis locis discutietur. Deoque fauente ostendemus non esse hereses, sed antiquissima dogmata, quod vel ex ipsis centuriatoribus in singulis centurijs facillimè demonstrari posset, capite enim 4. illarum circa finem annotant, qui authores & Patres defenderint nostra dogmata: quæ nunc ipsi oppugnant: nec originem inueniunt nisi tempore Apostolorum; nam etiam Dionysium, Ignatium, Martialem, Iustinum, Irenæum & alios numerant inter nostros fautores, quos constat proximè insequutos Apostolorum tempora. Hæc tamen dogmata quæ in omnium Patrum libris inueniunt, in patribus vocantur æquos, in nobis hereses: scilicet hæc est astutia aduersariorum, vt ostendant nos esse extra Ecclesiam, nostra dogmata vocant hereses; vt. non videantur ipsi separati ab Ecclesia Patrum, eadem dogmata in illis vocant æquos, *deplorationeque dignum esse*, aiunt in præfat. Centuria 2. ad Ducem

Saxoniam, quod tam cito magnæ obscuræ rationes magnorum articulorum fides sensim inciderunt. Summi enim in Ecclesia Doctores suas quasdam opiniones habuerunt, quibus sequentibus temporibus Ecclesia quassata, & turbata est. Nam doctrina de libero arbitrio statim hoc sæculo capiti vitari, nimiumque viribus humanis tributum est, &c. operibus iustitiae plusquam debebat ascripserunt: quod forte ex errore de necessitate operum ad salutem promanavit. Martyria Sanctorum, sentire ceperunt esse peccatorum expiationes.

Item centuria 3. cap. 4. Videas, inquiunt, in doctoribus huius sæculi, ante annum videlicet trecentesium, non obscura (hoc est clara) vestigia invocationis Sanctorum. Et sic de alijs, de quibus supra tom. 3. lib. 3. sect. 3. c. 3. & 10.

CAPUT XXVIII.

Ostenditur veram Ecclesiam Dei perpetuitatem nulli sectariorum huius temporis casui conuenire.

Certe si Ecclesiam nostram durasse ab initio mundi huc usque: vel si de statu noui testamenti loquamur, durasse à Christo huc usque per mille sexcentos sexaginta nouem annos, frustra eam oppugnantibus Iudæis, deinde paganis, vltimò hæreticis: nec solum durasse, sed etiam ex persecutionibus creuisse; si, inquam, tam diuturna, & constans per tot sæcula. Ecclesiæ nostræ immutabilitas certissimum est, & euidentissimum veritatis illius argumentum, vt enim ait Theodoretus lib. 5. de curat. græc. affect. falsitas non modo ipsi veritati, sed sibi quoque ipsi contraria est; veritas autem, & sibi constans est, & vnam tantummodò falsitatem infestam habet. Per oppositum omnes alias ab Ecclesia Catholica sectas, aut superstitiones, inter tot humana præsidia, & subsidia,

Sapientum huius sæculi, potentum, nobilium ac diuitum periisse, non minus euident, ac certum est falsitatis earum signum, nec Deum auctorem habuisse, aut diuinus esse, sed humanas easque caducas.

Incipiendo igitur ab Idololatrica superstitione cuius innumerae fuerunt species, claram est omnem antiquam idololatriam funditus periisse, adeo vt nec ipsa eius vestigia supersint. Idem constat de omnium Philosophorum sectis; etsi enim eorum aliqua plures adhuc in scholis discipulos habeant, non tamen totæ quantæ sunt, nec secundum eas partes, quæ Religioni Christianæ repugnant, quia videlicet quod in earum philosophia falsum erat obsoleuit, nec quæ præcepta ad mores spectantia continent veritatem indubitam habent, nisi quia Religionis Christianæ autoritate fulciuntur. Idem dico de legibus Licurgi, Solonis, Numæ Pompilij, & aliorum, quæ respublicas instituerunt, ea enim omnes vnà cū suis rebus publicis tandem antiquatae & deletæ sunt, cum primum fulgere cepit Christiana Religio, licet nationes, populi, reges, & quidquid potens in hoc mundo videtur esse, pro ijs conseruandis nihil intentatum reliquerint, & ea præsertim de causa tam atrociter inuecti fuerint in Christianos, quia animaduertebant legem Christianam prophanas eorum leges, ac ritus ex hominum mentibus radicitus extirpare.

Tandem si loquamur de hæreticis, præterquam quod nulla est eorum secta, cuius mutatio, & ab Ecclesia Catholica defectio manifestè demonstrari non possit, ex ducentis diuersissimis hæreticorum sectis, quas numeramus usque ad tempora Lutheri, & Caluini, non supersunt nisi reliquæ quædam Arianorum in Transyluania, Nestorianorum, & Eutychianorum in Oriente, & Hussitarum in Bohemia: reliquæ omnes funditus interierunt. De hæreticis enim S. Paulus dicit, sed ultra

non proficiunt, 2. Timoth. 3. & B. Cyprianus lib. 4. epist. 2. docet, Schismaticos semper inter initia feruere, incrementa verò habere non posse, sed statim cum praua sua æmulatione deficere. Et D. Hieronymus in cap. 3. Habacuc in ea verba; disperges aquas; Feruntur hareses, inquit, prono eloquentia cursu & precipites, ut quemque obuium, & leuē inuenerint secum trahant, sed tanquam torrentes velociter transierunt, quia non erant flumina perennia de Deo veritatis, & Sanctitatis fontē prouidentia. Idem penitus docet D. Augustinus psal. 57. in illud: Ad nihilum deuēientes, tanquam aqua decurrens. Non vos terream, inquit, fratres quidam flumē, qui dicuntur torrentes: decurrit aqua, ad tempus perstrepit, mox cessabit, diu stare non possunt. Multa hareses iam emortuæ sunt, concurrerunt in riuus suis, quantum potuerunt, decurrerunt, siccati sunt riuus, vix eorum memoria reperitur, vel quia fuerunt.

Quod de antiquis suorumque temporum hæreticis prædicti Patres docuere, idem penitus de huiusce nostri temporis sectarijs asserere possumus; quod enim primò ad doctrinæ nouitatem spectat, posset ex eo facile probari, quod omnia ferè eorum dogmata iam olim habita fuerunt in Ecclesia, antiqua pro exploratis hæresibus, quæ ponuntur in Catalago hæresum ab Irenæo, Hieronymo, Epiphania, Philastrio, Augustino, Theodoro, Damasceno, & alijs probatis authoribus, verum quia longum esset talem hæreticorum nostri temporis cum veteribus in doctrina collationem prosequi sufficiat nunc ad probationem huius veritatis propria illorum confessio, qui non rarò fatentur suam doctrinam esse nouam, totique antiquitati repugnantem, sic Caluinus lib. 2. institut. cap. 2. §. 4. protestetur se nullum veterum, excepto Augustino, sequiturum: & paulò post etiam Augustinū deserit. Nam eiusdem lib. 2. cap. 3. §. 7. reprehendit illam Augustini sententiā ex ep. 106.

voluntatem nostram cooperari gratiæ, non vt præuiam, sed vt pedissequam: asseritque Caluinus, nec vt pedissequam cooperari, sed simpliciter totum fieri à gratia. Et lib. 3. cap. 11. §. 15. *Ac ne Augustini quidem, inquit, sententia per omnia recipienda est, qui gratiam ad sanctificationem refert, qua in uita nouitatem regeneramur per spiritum.*

Eodem sensu loquitur Lutherus in præfatione operum suorum, & alibi passim, dum ait: *Primò solus eram, & in colloquijs latinis tomo 2. cap. de pastoribus, Tertulliani & Cypriani ætate degenerasse Ecclesiam; imo ipsis Apostolis adhuc uiuentibus.*

Quid plura tam Caluinus, quam Lutherus, eorumque discipuli, vt nouas mundo obruderent hereses, veteresque ab inferis commodius excitarent, omnia fidei Catholice dogmata, quæ primis etiam illis sæculis Martyrum sanguine, Sanctorumque Patrum testimonio sanctissimè iuxta Apostolicam doctrinam & traditionem defensa legimus, non aliud isti, quam peculiare, incommodas, monstrosas opinioniones, stipulas, nauos, & errores, quia nunc etiam à Papistis uidelicet, mira cum Ecclesia antiqua in doctrina conspiratione fideliter retinentur, contumeliosè appellant. Cum tamen hoc argumento ab antiquitate, & conspiratione in doctrina cum Ecclesia, antiqua semper vsi fuerint veteres Patres contra hereticos, ad ostendendam veram Ecclesiam. Laudaturque Theodosius Imperator à Sozomeno lib. 7. histor. cap. 12. quod hac arte compefecerit hæreticos sui temporis. Iussit principes sectarum conuenire, deinde perijt an existimarēt antiquos Patres, qui Ecclesiam rexerant, antè dissidium illud, quod tunc de religione ortum fuerat, rectè sensisse, & verè Sanctos & Apostolicos fuisse: quod cum illi concessissent (& utinam hodiè sectarij nostri concederent, sic enim omnia facile inter nos & illos componerentur) subiunxit: *Examinemus ergo doctrinā uestram*

vestram ad illorum scripta, & si cum illis consenserint, retineatur, sin minus abijciatur.

Porro eleganter aduersus istos, qui omnes antiquos errasse dicunt, corūque auctoritatem in materia fidei cōtemnunt loquitur Tertullianus lib. de præscript. *Age, inquit, nunc omnes Ecclesie errauerint, nullam respexeru Spiritus Sanctus, uti eam in veritatem deduceret, ad hoc missus à Christo, ad hoc postulatus de Patre, ut esset doctor veritatis. Neglexerit officium Dei Villicus, Christi Vicarius, sinens Ecclesias aliter interim intelligere, aliter credere, quod ipse per Apostolos predicabat, & quid verisimile est, ut tot ac tanta in vnam fidē errauerint. Audeat ergo aliquis dicere, errasse eos, qui tradiderunt? quoquo modo sit erratum, tandiu vtiq; errauit error, quandiu hereses non erant. Aliquos Marcionitas, & Valensinianos, dicam Lutheranos, & Caluinistas, liberanda veritas expectabat, interea perperam euangelizabatur, tot millia millium perperam tintia.*

Ratio autem cur omnes Sancti Patres, nosque eorum exemplo ad probandam Ecclesiæ nostræ veritatem tanti facere debemus conspirationem in doctrina cum Ecclesia antiqua, deducitur ex hoc, quod comparando nō solum plebem cum plebe, sed etiam capita Ecclesiæ post Apostolos, seu Episcopos immediatos successores Apostolorum cum alijs eiusdem Ecclesiæ in statu gratiæ capitibus, seu Episcopis sequentium sæculorum, ij, qui immediatē successerunt Apostolis, regulariter, vt plurimum, seu maiori ex parte habuerunt fidem magis explicitam, quā qui longē postea illis successerunt.

Si quidem ea omnia, quæ conducunt ad tradendam fidem magis explicitam ex parte docentis, item & ex parte suscipientis, fuerunt modo perfectiori primis illis sæculis, quam sequentibus: Tria enim potissimum requiruntur ex parte docentis, primum est

maior efficacia, & perspicuitas in docendo; secundum maior penetratio obiecti, quod docetur, & veritatum in illa contentarum; tertium affectus, & diligentia in tradenda, & docenda, fide: ex parte suscipientis requiritur potissimum pietas, & feruor fidei per charitatem informata: atqui singula hæc fuerunt perfectiori modo simul & semel primis illis sæculis Ecclesiæ, quibus Apostoli Episcopos, vel à se constitutos, vel sibi successuros instruebant in doctrina fidei, vt facillē colligitur ex annalibus Ecclesiæ, & ex hoc quod Apostoli edocti sunt à Christo Domino omnem veritatem, & in die Pentecostes repleti sunt Spiritu Sancto, & eius donis, etiam ad tradendam fidem requisitis: Ergo vbi agitur de vera Christi Ecclesia, quæ teste Tertulliano lib. de præscriptionibus non solum dicitur Apostoli a propter lucceptionem Episcoporum ab Apostolis vt dicitur infra, sed etiam propter doctrinæ consanguinitatem, non potest aliundē efficacius probari, quā ex consensu in doctrina cum Ecclesia antiqua, vt ibidem docet Tertullianus cap. 20. cuius verba hæc sunt.

Postea in orbem profecti, scilicet Apostoli, eandem doctrinam eiusdem fidei nationibus promulgarunt, & proinde Ecclesias apud vnamquamque ciuitatem condiderunt, à quibus traducem fidei, & semina doctrine, cætere exinde Ecclesie mutuate sunt, & quotidie mutantur, vt Ecclesie fiant, ac per hoc, & ipsæ Ecclesie Apostolica deputantur vt soboles; Ecclesiarum omne genus ad originem suā censetur necesse est; postea sequenti c. 21. constat proinde omnem doctrinam, quæ cum illis Ecclesijs Apostolicis, matricibus & originalibus fidei conspiret, veritati deputandam, id sine dubio tenentem, quod Ecclesie ab Apostolis, Apostoli à Christo, Christus à Deo suscepit: reliquam verò omnem doctrinam de mendacio præiudicandam, quæ sapiat contra veritatem Ecclesiarum, & Apostolorum, & Christi, & Dei.

At dicit Calvinus in præfat. institut. suam Ecclesiam non esse nouam, sed antiquissimam, imò illam ipsam quam Christus fundauit, & Apostoli professi sunt. Sed faciliè responderetur primò hunc esse Trasonismum omnibus hæreticis consuetum, vt iam à mille quædægentis annis egregiè adnotauit Lactantius Firmianus lib. 4. diuinarum institutionum cap. vltimo, *Sola Catholica, inquit, Ecclesia est, quæ verum cultum retinet. Hic autem est fons veritatis, hoc est domicilium fidei, hoc templum Dei: quo si quis non intrauerit vel à quo si quis exierit, à spe vitæ, ac salutis æternæ alienus est. Sed tamen singuli quique hæreticorum cætus se potissimum Christianos, & suam esse Catholicam Ecclesiam putant.*

Caluinus igitur & Lutherus cum omnibus alijs hæreticis iactant, suam doctrinam ad vnguem esse doctrinam Christi, & Apostolorum, ac proinde Catholicam, qui tamen vel ex hoc ipso de mendacio apertissimè conuincuntur, quod post Apostolorum tempora, nec vnum ostendere possunt Christianum doctorem, qui cum ipsis idem per omnia, quoad fidem, non solum in ijs, quæ ipsi adia phora vocant, sed etiam in fundamentalibus fidei articulis, in quibus à nobis ipsi dissentiant, fenserit; nec vllam Ecclesiam, in qua talis doctrina continuò durauerit; imò nec vnum fidelem hominem, qui eam doctrinam disertè fuerit professus ostendere.

Quod si respondeant Calvinus, & Lutherus, (quod est vltimum, ad quod se veluti ad extremam arcem pulsus vndique recipiunt) hanc suam Ecclesiam per multa sæcula non esse visam, & nunc demum apparuisse; idque ipsum fuisse diuinitus prædictum asserit Iacobus Hadbrunnerus Neoburgensis prædicans in suo Acatolico volumine artic. 15. cap. 9. & 10. Seriem videlicet ac successionem puræ Ecclesiæ Christi interruptam iri, per apostasiam ac defectionem à vera fide & regnum

Antichristi, Danielis 12. Matth. 24. Thessalonic. 2. 1. Timoth. 4. 1. Ioannis 2. & in Apocalypsi.

Respondeo id ipsum quidem iam olim aduersus Augustinum obieciſſe Donatistas lib. de vnitæ Ecclesiæ cap. 13. *Sed postea, inquit, orbis terrarum apostatauit, & sola remansit Donati communio;* Quod etiam in scripturis fuisse prænuntiatiū ibidem c. 15. & 16. fusè conatur ostendere. Verum cum eodem D. Augustino ibidem c. 16 & clarius lib. 3. de Baptismo contra Donatistas cap. 2. hoc argumētum facere possumus, aut ista Ecclesia, quæ nunc apparuit, antè perierat, & nunc resurrexit: aut non perierat, sed tantum inuisibilis latuerat, & nunc exiit caput.

Non primùm, quia tunc non potuissent renasci ipsi, si mater perierat. *Si perijt vnde ergò, inquit D. Augustinus, Donatus (dicam, Lutherus, Calvinus, Zuuinglius) apparuit? de qua terra germinauit? ex quo mari emerſit? de quo celo cecidit?* quod idem antea suorum temporum hæreticis obiecerat Tertullianus lib. de præscript. *Qui estis vos, inquit, vnde & quando venistis? ubi tamdiu latuistis?* Et præterea falsæ erunt promissiones Christi Matth. 16. *Porte inferi non præualebunt aduersus eam, & cap. vltimo: Ego vobiscum sum vsque ad consummationem sæculi.*

Non secundum quia tunc vel ista Ecclesia latens, & inuisibilis profitebatur illam ipsam Lutheri, & Caluini fidem, vel non profitebatur: si profitebatur, ergò non erat latens & inuisibilis, sed manifesta: & si manifesta, quomodo nullum vestigium nullaque memoria extat, quomodo non aliquem saltem nomen, qui eamdem cum ipsis fidem per omnia professi sint: Si autem non profitebatur fidem, sed verè & propriè latebat (quam partem ipsi defendere coguntur, vt stabiliant ineptum suum dogma de Ecclesia inuisibili) ergò illa non

non fuit Ecclesia; ac proinde nulla fuit in mundo vera Ecclesia: si quidem ut ipsi dicunt & concedunt, confessio fidei est nota veræ Ecclesiæ, & Rom. 10. *corde creditur ad iustitiam, ore autem fit confessio ad salutem*. Deinde veram Ecclesiam fuisse aliquando inuisibilem, & per tot sæcula latentem, figmentum esse prædicantium, toti Scripturæ soli Ecclesiæ visibili, & ad Ecclesiam visibilem scriptæ contrarium, iam suo loco supra demonstrauimus 10. 3. Idè asserimus de eo, quod dicunt de veræ Ecclesiæ Christi interruptione per apostasiam, ac defectionem à vera fide, & regnum Antichristi.

Nusquam enim, si tota Scriptura à capite vsque ad calcem perlegatur, inuenitur in ea assertum, Ecclesiam veræ Christi ita defecturam, sub Antichristi tyrannide, aut alia, ut idcirco inuisibilis, & latens fiat, & per totum orbem non sit diffusa: sed potius contrarium ut videre est ex parabola zizaniorum, Matth. 13. ubi dicitur: *Sinite utraque (triticum simul, & zizania) crescere usque ad messem; & in tempore messis dicā messoribus, colligite primum zizania, & alligate ea in fasciculos ad comburendum; triticum autem congregate in horreum meum*.

Quem ipsum locum aduersus Donatistas vrget D. Augustinus lib. de unitate Ecclesiæ cap. 14. *Dicit & Dominus de superfeminatis zizanijs: sinite utraque crescere usque ad messem, id est, triticum & zizania*. Et ipse interpretatur messem finem esse sæculi, agrum verò, ubi utrumque seminatum est, mundum esse. Oportet igitur usque in finem sæculi crescere utrumque per mundum. Vnde iam non permittuntur isti (hæretici scilicet) suspicari, aut asserere, quod dicunt omnes bonos defecisse de mundo, ut in sola parte Donati remanerent. Conantur enim contra certissimam sententiam Domini dicentis: *Ager est hic mundus: & sinite utraque crescere usque ad messem: Et messis est finis sæculi*.

Quibus omnibus addo, calumnia-

tores esse prædicantes; dum in supradicta obiectione supponunt Papam esse Antichristum, & ex ea hypothese probare conantur tunc veram Ecclesiam, defecisse iuxta Christi prædictionem, Matthæi 24. quando Romanus Pontifex obtinuit à Phoca Imperatore, ut caput Episcoporum diceretur; vel quando Romæ aperuit Pantheon templum, omnium Deorū; ut docent Magdeburgenses cent. 7. cap. 1. & concordant plerique aduersariorum. Cum tamen hoc ipsum adeo execrabile figmentum superius à nobis refutatum, vel ex eo ipso Matthæi loco validissimè refutetur; in quo asserit Christus abbreviandos fore dies regni Antichristi propter electos; Qualis enim hæc esset abbreviatio, si, ut volunt sectarij Antichristus iam per mille, & amplius annos in Romanis Pontificibus regnasset; ut ita scilicet diuturnius fuerit regnum Antichristi; quā Christi; breuior periodus veræ Ecclesiæ Christi, quā Sinagoge Antichristi; maior potentia diaboli, quam virtus Christi: De quibus etiam consule dicta tom. 3. lib. 3. sect. 3. cap. 3. & 10. & sect. 4. cap. 11.

Superest pro coronide huius capituli ut aliquid dicamus de Iudæorum perfidia, & impia superstitione Mahumetis quarum illa antiquior est Christiana Religione, ista tot iam sæcula durat. Posset enim quis inde arguere inefficaciam argumenti à nobis adducti.

Quod spectat igitur ad Iudæos præterquam quod vix vllū religionis exercitium habent; adhuc hoc ipsum ut ita dicam Religionis cadaver, & informe corpus tamdiu perseverasse ad maiore veritatis Christianæ Religionis probationem conducit; sic enim consecuti sumus, ut testimonia nostræ fidei secum ipsi, contra se & pro nobis conseruerent; sed de hoc latius infra sect. 7.

Quantum ad sectam Mahumetanam sicut nulla penitus ratione fauet ipsius amplitudo, & dilatatio per varias mundi partes, ita nec antiquitas, quæ iam paulò amplius mille annis durat & viget;

viget; primò enim dum asserimus constantem religionis alicuius durationem, efficacissimum esse veritatis, ac diuinitatis illius argumentum, loquimur maximè de illa, quæ passa est tot aduersarios, quæque quotidie legem peccati in membris nostrum omnium insitam repugnantem, & acriter persequentem experitur, & tamen in tanta labe humani generis, tantaque humanæ naturæ infirmitate adhuc perseverat, & se se quotidie in nouas mundi prouincias feliciter diffundit, qualis est sola religio nostra, non autem superstitio Mahumetana carni, & sanguini fauens, vnde non est mirandum magis, cur ea tantoperè perseveret, quàm mirum est cur à tot sæculis durat ebriosorum, libidinosorum, & id generis sceleratorum colluuius. Secundo diximus eam solam esse verissimam religionem, quæ antiquissima est, mundo coeua, & à Deo primos homines edocta, cuiusmodi est sola religio Christiana, quæ ab initio mundi cepit, & postea à Christo Domino in plenitudine temporis suam perfectionem habuit, sicut enim idem homo varias ætates habet, & in illis varia officia, ita quæ religio in lege naturali, & Mosaiica pueritiam agebat imperfecta, & rudis, eadem à Christo perfecta capit habere, quæ ætatem adultam decent. Quo respiciens Christus Dominus cōtestatur passim se ex Iudæis oriundum; non quo legem solueret; sed adimpleret, tanquam illius, & scopus & finis, cui proprium non perdere, sed perficere; non finiendo consumere, sed terminando consummare.

Vide dicta tom. 3.
lib. 3. sect. 3.
cap. 3.



CAPVT XXIX.

Explicatur decimum tertium argumentum ductum à perfectissima doctrinae vnitatis Religionis Christianæ Romanæ Catholicæ.

Non agimus in presenti de illa vnitatis, qua veram fidei, ac religionis doctrinam vnica esse, & non plures credimus, sed de illa, qua plura inter se distinctissima membra firmiter in se eadem penitus doctrina fidei coherere, stabilique vnione coalescere sensibilibiter cognoscimus.

Par est ergo credere diuinam, ac verissimam esse eam fidei doctrinam, quæ peritit hæcenus perfectissimè vna, ita vt illibata, integraque modo sit eadem, quæ ante octo, decem, duodecim, & sexdecim sæcula fuit, licet adeo mutata fuerint tempora, instituta moresque hominum. Atqui sola doctrina Christiana, & Catholica Romana est huiusmodi; ergo par est credere eam solam esse diuinam, ac verissimam fidei doctrinam.

Maior huius argumenti potest primum probari subsequenti ratione, si enim alicuius doctrinæ veritatem, manifestè probat diuturna & cōstans illius per tot sæcula immutabilitas, indeque colligimus non esse hominum meritum, & opus, sed Dei, cuius veritas manet in æternum; certè non minus etiam id probat perfectissima eius vnitas; vnus enim Dominus, vna fides. Ephes. cap. 4.

Similiter si nullum efficacius signum habemus vanitatis, vel falsitatis alicuius doctrinæ, quodque humana sit, quàm in ea asserenda diuisio; certè per oppositum nullum euidentius asserri possit videtur argumentum veritatis eiusdem, quòdque sit doctrina diuinitus inspirata, quàm si sit perfectissimè vna, semperque & vbique consentiens, maximè tot inter nationes quo ad mores, ingenia, gubernationemque politicam, & res

alias humanam vitam spectantes, toto cœlo inter se diuersas ac discrepantes, quales sunt Galli, Hispani, Itali, Germani, &c. eandem tamen fidei Christianæ, & Catholicæ doctrinam, unanimiter amplectentes.

Sicut enim discordia est signum regni Diaboli, quod tandem ruere debet, ita concordia est signum regni Dei, quod stare debet in æternum. Vnde Matth.

12. *Omne regnum in se ipsum diuisum desolabitur.* Et 1. Corinth. 14. *Non est dissensionis Deus, sed pacis.* Eamque ob causam inter præcipuas veræ Ecclesiæ notas in Symbolo Nicæno, vel Constantinopolitano exaratas, ponitur quod sit vna vnitate videlicet fidei, & doctrinæ: *Credo Vnam, Sanctam, Catholicam, & Apostolicam Ecclesiam.*

Vt proinde merito Cyprianus lib. de Vnitate Ecclesiæ cap. 5. scripserit: *Ecclesia Domini, luce perflusa per orbem radios suos porrigit; vnum tamen lumen est, quod ubique diffunditur; nec vnitas corporis separatur. Ramos suos in vniuersam terram copia vbertatis extendit; profluente largiter riuos latius expandit; vnum tamen caput & origo vna, & vna mater, secunditatis successibus copiosa. Illius factu nascimur, illius lacte nutrimur; spiritu eius animamur. Adulterari non potest Sponsa Christi; incorrupta est, & pudica; vnā domum nonit; vnius cubiculi Sanctitatem casto pudore custodit.* Ita Cyprianus loquens de vera Christi Ecclesia. Quod idem docet S. Pacianus Barcinonensis epist. 2. ad Sympronianum. S. Irenæus lib. 1. cap. 3.

Iam probatur minor nostri argumenti primò ipsamet euentia facti, qua cernimus omnes Catholicos Romanos toto orbe dispersos eandem fidem habere, idem credere, & in rebus ad fidem spectantibus idem omnino sentire; ita vt si quæ sit, aut fuerit aliquando inter eos varietas, aut solū pertineat ad diuersas cæremonias, & ritus, quæ vnitati Ecclesiæ nihil officit; aut solū cōcernat controuersias Scholasticas, seu quæstiones subtiliores, quæ

ad fidem non pertinent, in quibus proinde cuique sentire licet, quodlibet, vt Beatus Augustinus scribit de dissensionibus Doctorum sui temporis lib. 1. cōtra Iulianum.

Vnde apparet quā inceptè aliqui hæretici arguant aliquam in Ecclesiæ Catholica diuisionem, aut varietatem, quod in ea diuersæ Thomistarum, Scotistarum, & aliorum scholæ reperiantur; siquidem Thomistæ & Scotistæ, non dissentiunt nisi in ijs rebus, quæ ad fidem non pertinent, & in quibus proinde vnusquisque potest abundare in sensu suo; ceterum omnes tam Thomistæ, quàm Scotistæ, hoc est tam Angelici, quàm subtilis doctoris discipuli in omnibus dogmatibus fidei vnam miter cōueniunt, idemque penitus de illis sentiant, nec possunt aliter sentire, cum omnes id vnum credere se profiteantur, quod in Ecclesia Catholica Romana, credendum esse iudicatum fuerit. Quia ratione videmus omnes stare legitimum Conciliorum, & Pontificum decretis, tanquam certissimæ componendarum controuersiarum regulæ. Vide dicta tom. 3. lib. 3. sect. 3. cap. 4.

Nec minus infelicitè putat Caluinus lib. 4. institut. cap. 13. §. 14. officere Ecclesiæ nostræ vnitati, quod in ea diuersi religiosi ordines Carmelitarum, Benedictinorum, Dominicanorum, Franciscanorum, Augustinianorum, & aliorum reperiantur. Nec enim ob id diuisus est Christus, vt ipse calumniatur, nec potest illis attribui similis diuisio illi de qua agit Apostolus 1. Corinth. 2. dum aliter dicebat: *Ego sum Pauli; alter, Ego Cepha, tertius, Ego Apollo:* quia hi putabant meliorem esse Baptismum à meliori baptizate, & ideo gloriabantur quidam se à Paulo, alij se à Petro baptizatos. Quod reprehendit Apostolus, quia Christus est, qui principaliter baptizat, qui non est diuisus, siue differens in sua virtute, & effectu, secundum differentiam ministrorum.

Hæc, inquam, diuisio non potest attribui viris Religiosis diuersorum ordinum

dinum, qui eandem penitus fidei doctrinam cum omnibus talis Catholicis amplectuntur, vniq; summo Pontifici supremo Ecclesiæ pastori ita obediunt, vt etiam ordinentur Presbyteri ab Episcopis ordinarijs; quare diuersa illa nomina Dominicanorum, Franciscanorum, & similia desumpta sunt non ab auctore doctrinæ, sed ab institutore seuerioris disciplinæ; quatenus Sancti Religiosorum ordinum fundatores nihil aliud sunt quam diuersi tantum duces sub eodem Imperatore Christo, à quibus in suas cohortes siue familias nomen deriuatum est; eo quod ipsis Duces extiterint in via perfectionis ad Christum.

Præter ipsam facti euidentiā, quæ notum est in nostra Ecclesia omnes cuiuscumque status, conditionis, & sexus personas in vnam & eandem fidei doctrinam conuenire; cui possumus addere omnes Scriptores Sacros, qui licet fuerint homines diuersi, & in locis, temporibus; ac linguis diuersis scripserint, mirifice tamen inter se consentiunt: quod pro re planè diuina D. Augustin. obseruat lib. 18. de ciuitate Dei cap. 41. Similiter omnia legitimorum Conciliorum, & Pontificum decreta, etiam in omnibus dogmatibus inter se conuenire videmus, quamuis edita sint à diuersis hominibus, diuersis locis, temporibus, occasionibus, & contra diuersissimas, immò æpè contrarias hæreses.

Præter hanc, inquam, facti euidentiā, efficacem adhuc habemus rationē ad probandum proprium esse solius Ecclesiæ Catholicæ, esse vnam consentientem in eadem fidei doctrinā, seu rebus per fidem credendis; idque non solum actu, sed etiam habituali dispositione, ita vt in se, ac suo corpore eiusmodi fidei vnitatem ex se, ac natura sua firmiter, constanterque retineat; eo enim ipso quod Catholicæ præter Scripturam Sacram, admittunt etiam viuum ac visibilem indicem, qui publica, & infallibili autoritate diuinitus accepta Scripturam explicet, vt suo loco vidimus lib. 2. sect. 6. & sicubi opus est, contro-

Biblioth. Theol. Tom. V.

uersas ad fidem spectantes definiat; cui omnes se suæque iudicia, ac sententias subijciant, certè impossibile est, vt vlla sit in Ecclesia Catholica credēdi, adeoque fidei ipsius diuersitas.

Quod si quis à iudicio communi Ecclesiæ Catholicæ pertinaciter deuiat, is iam hoc ipso non est in Ecclesiæ gremio; sed ab omnibus velut hereticus, imo velut Ethnicus, & Publicanus iuxta Christi Domini præceptum habetur. Vt proinde D. Cyprianus lib. de vnitæte Ecclesiæ meritò asseruerit, nō aliundè hæreses obortas esse, aut nata schismata, quam quod Sacerdoti Dei non obtemperetur, nec vnus in Ecclesia ad tempus Sacerdos, & ad tempus iudex vice Christi cogitatur.

C A P U T X X X .

Quod aliæ infidelium, & hereticorum Sæcra nullum habeant constantem in doctrinā fidei, aut Religionis consensum.

Certe, si pax & concordia firmusque in fidei dogmatibus consensus, stemma est veræ Christi Ecclesiæ, apertumque signum vnius & eiusdem Spiritus Sancti illam dirigentis: per oppositum non minus euidens est argumentum vanitatis, & falsitatis aliarum ab Ecclesia nostra seclorum, confusarum multiplicitas, & in varias contrariasque inter se doctrinas distractio. Ac primum de Paganorum sectis docet D. Augustinus serm. 11. de verbis Domini, ad eandem Religionem apud eos Iunonem, & Herculem, aliosque Deos inter se dissidentes, & etiam beligerantes pertinuisse.

De Philosophis, notum est omnibus, eos circa vltimum hominis finem, quod est primum vitæ rectè, & honestè instituendi fundamentum, diuersas opiniones habuisse, teste D. August. lib. 19. de ciuitate Dei cap. 1. Qui etiam in alijs rebus adeo diuisi sunt; & in tot contrarias

rias partes abierunt, vt D. Basilius oratione 1. de opere sex dierum dicat, non esse opus vt nos pugnemus contra Philosophos, cum illi mutuis dissensionibus sufficiant ad suam ipsorum doctrinam euerendam: quod idem asserit Theodoretus libro de fide, & D. Augustinus lib. 18. de ciuitate Dei cap. 41.

Quod pertinet ad impiam Mahumetanorum sectam innumeræ in eorum Alchorano reperiuntur contradictiones, pro vt illas refert, & in vnum collegit Philippus Guadagnolus in Apologia pro Christiana Religione sect. 3. cap. 9. de quibus infra:

Tandem proprium fuisse semper quorumlibet hæreticorum cætuum, ab vno aliquo hæresiarca procedentium, nullum habere constantem in fide consensum; sed à prima sui origine, mox in varias sectas diuidi & seccari, manifestissimum est ex Annalibus Ecclesiasticis, eorumque libris, qui historiam hæresicon conscripserunt. Nam S. Irenæus lib. 1. cap. 21. & sequentibus docet, hæresim Simonis primi hæresiarchè mox diuisam, & inde natas esse sectas Menandrianorum, Basilidianorum, Saturnianorum, &c. Item lib. 1. cap. 5. scribit de Valentinianis, quod cum essent pluri, vix duo, aut tres inter se conueniebant in omnibus dogmatibus.

Marcionitas quoque mox diuisos fuisse, & inde ortos Lucianistas, Appellianos, & Seucrianos docet Epiphanius lib. 1. tom. 3. contra hæreses. Insuper lib. 2. tomo 1. scribit Montanistas diuisos fuisse in Pepusianos, Artotyritas, Phrygastas, &c. Manichæos pariter in sectas diuisos asserit D. Augustinus lib. de hæresibus cap. 46. & de Donatistis testatur lib. 1. de Baptismo cap. 6. eorū hæresim iam suo tempore in multa minutissima frusta concisam fuisse. Messalianos autem diuisos in Martyrianos, Sathanianos, Enthusiastas docent Epiphanius hæresi 80. & Theodoretus lib. 4. de hæret. Fab. Ariani mox diuisi sunt in Acacianos, Macedonianos, Eanomianos, vt patet ex Rufino lib. 10. histor.

cap. 25. Eodem etiam Arianos singulis ferè annis fidem mutasse testatur D. Hilarius in vtroque libro ad Constantium.

Sed quid præterita secula reuoluo, quasi non haberemus euidentissimum huius rei testimonium in huiusce nostri seculi hæreticis. Quis enim, nescit in quot sectas, mox à suo ortu Lutherana fides, per ipsos Lutheri discipulos diuisa fuerit: Fredericus Staphylus in libello de concordia, discipulorū Lutheri vsque ad 34. diuersas enumerat. Et hoc quidem tempore Staphyli: nunc autem numerantur ferè 100. diuersissimæ sectæ ab vno Luthero prodeutes, id quod fit singulari Dei providentia: nam hoc modo hæreses seipsas consumunt, eorumque dissensio fidem nostrā confirmat. Vnde Isaia 19. dicitur: *Concurrere faciam Aegyptios aduersus Aegyptios*. Et D. Hilarius lib. 7. de Trinitate. *Bellum hæreticorum, inquit, pax est Ecclesie & triumphus*.

De Sacramentariis ipsimet Lutherani ministri in confessione Mansfeldensi scribunt sibi Sacramentariorū doctrinam meritò suspectam esse, tum propter nouitatem tum propter dissensum: *Alios enim esse Carolstadianos; alios Zuuinglianos; alios Oecolampadianos; alios Schuuenckfeldianos; alios Calvinistas; qui Calvinistæ rursus in plures alias sectas diuisi sunt, & in dies diuiduntur*.

Sed quod omnium miserabilissimū est, certissimaque falsæ doctrinæ nota, vt ipsamet vis veritatis ab ore Lutheri extorsit in libro de votis monasticis, etiam authores hæretici secum nō consentiunt; Lutheri contradictiones innumeras collegit Ioannes Cochleus in Septicipite, vbi ad finem adiecit 36. varias sententias vnus Lutheri de vno articulo, id est de communione sub vtraque specie. Confessionem quoque Augustanam, quam omnes pro Sacrosancta fidei suæ regula, & formula habent, ita immutarunt, & variè ediderunt, vt ignorent ipsi, quæ sit vera Confessio Augustana. Quod totum plurius demonstrat Adamus Tannerus Societat.

Iesu 2. parte Anatomiae Confessionis Augustinae demonstrat. 10. §. 11.

Adeo verum est, proprium esse, falsae, & haereticae doctrinae perpetua, secum contrarietate pugnare; notam, haereseon, factiones esse & partium studia; pacem vero & concordiam stemma Christianitatis. Mos quippe Dei, veritatis doctrinam Cathedrae vnitatis imponere: haeticorum, vnitatem diuidere in plura: Hinc primus eorum, impetus secessio fit ab Ecclesiae vnitatem, nec non communione fidelium. Mox itur in partes; studiisque accensis suis, singuli somnia, calide & obstinate defendunt. Tandem vt mendacio finis nullus, factioni nullus limes; vltimo velut fato aberrantes tot sectis inuicem lacerantur, quot in illis aut superciliosis, aut ceruicosis. Nam & Catholici aliqui numerant trecentas explicationes super illa sola verba, *hoc est corpus meum*. Sed has dissensiones, Deo providente, apud eos in iudies multiplicari videmus, vt tandem confusi linguis, desistant ciuitatem Diaboli, & turrim Babel aedificare aduersus ciuitatem Dei, & Ecclesiam Christi. Interim tamen enixe rogandus est Deus, vt protegat nos in tabernaculo suo a contradictione linguarum. Quid enim est, inquit D. Augustinus in psal. 30. Tabernaculum nisi Ecclesia huius temporis? Illa tabernaculum adhuc dicitur, quia in hac terra adhuc peregrinatur: Tabernaculum enim est habitaculum militum in expeditione positorum. Ergo in hoc tabernaculo proteges eos a contradictione linguarum. Contradicunt lingua multe, diuersae hereses, diuersa schismata, diuersa doctrinae. Tu curre ad Tabernaculum Dei, Ecclesiam Catholicam tene, a regula veritatis noli discedere, & proge- ris in tabernaculo a contradictione linguarum. Ita Augustinus loco statim citato, & in psal. 74. Qui volunt, inquit, vnā linguam, veniant ad Ecclesiam, quia & in diuersitate linguarum carnis, vna est lingua in fide cordis.

Nec fauet haeticorum sectis, earumque diuisionibus, quod pro sua re-

spondet Caluinus in praefat. Institut. vt vim argumenti nostri eluderet, videlicet non esse mirum, si ex religione sua mox oriantur diuisiones, & sectae contrariae; nā id etiā accidit Ecclesiae Apostolorū. Ex ea enim prodierunt Simoniani, Nicolaitae, &c. Semper enim diabolus, vbi videt bonum semen seminari, accedit & superseminat zizania.

Hoc inquam non fauet, hoc enim est discrimen inter diuisionem haeticorum ab Ecclesia, & diuisionem ab aliqua heresi; quod in Ecclesia Catholica reperitur certa regula componendarum controuersiarum, id est sententia summi pastoris, vel Concilij plenarij, & ideo non oritur ex doctrina Ecclesiae dissensio, sed ex sola malitia Diaboli. Preterea vndecumque oriatur, mox damnatur, & cuncto haeretico scissura refarcitur: nec vltius in ipsa Ecclesia progreditur.

At apud Haeticos, ita a prima sui origine videmus illos mox in varias sectas diuidi, & discerari, vt iuxta fidei suae principia, & ex vi illorum nec possint quidem constanter firmam aliquā in fide consensionem tueri. Cum enim nullum habeant visibile caput in terris, cuius iudicio fidei controuersias submittant, suamque fidem moderentur; hinc fit, vt dum singuli proprios, ac priuatos sensus sequuntur, necessario pro humani ingenij inconstantia, & mobilitate in variis sententiis abeant; imo vero vt iidem etiam alio, vt alio tempore aliud ac oppositum sentiant. Iisdem siquidem principiis ac modis, quibus primus alicuius sectae author se se ab Ecclesiae vnitatem separans fidem pristinae nouauit, licet etiam, cuique assecularum eandem denuo immutare, vel nouo additamento innouare. Sicut enim primus sectae author, per contemptum Ecclesiasticae authoritatis, & propriam, quam suo arbitrio coſinxit Sacrae Scripturae interpretationem, fidem primus nouauit, ita promptum & facile est iisdem medijs ac principiis, fidem ita nouatam denuo innouare & immutare. Quod

Quod eleganter exprefsit Tertul-
 lianus aduerfus hæret. cap. 42. *Mentior*
inquit, si non etiam à regulis (siue autho-
ribus) suis variant inter se; dum unus-
quisque proinde suo arbitrio modulatur,
quæ accipio, quemadmodum de suo arbi-
trio composuit ille qui tradidit. Agnoscit
naturam suam; & originis suæ morè pro-
fectus rei. Idem licuit Valentinianis,
quid Valentino. Idem Marcionitis, quod
Marcioni de arbitrio suo fidem inuolare.
Denique penitus inspectæ hæreses omnes,
in multis cum authoribus suis dissentien-
tes deprehenduntur.

Iræneus lib. I. cap. 18. de hæretico-
 rum progenie loquens ait: *Etiam qui*
recentiores eorum agnoscuntur, affectant
per singulos dies nouum aliquid inuenire,
& fructificare, quod nunquam quisquam
excogitauit.

Hieronymus in cap. 16. Ezechielisi
Semper errantium fluctuant pedes; nec
sunt solida vestigia, quæ contra veritatem
sunt; sed huc illucque discurrunt; & cir-
cumferuntur omni vento doctrine, dum
de falsitate transeunt ad aliam falsitatem.
Et cum in primis frustra se sudasse cogn-
uerint, ad secunda tertiaque transier-
dunt.

Vnde non ineptè hæresis à SS. Pa-
 tribus comparatur hydræ plurium ca-
 pitum, chymæræ plurium naturarum;
 monstro diuersorum sexuum; estque
 velut inferni ianitrix, non tantum sicut
 fabulosus Poetarum Cerberus, tria ha-
 bens capita, sed innumerabilia, vlula-
 tum edentia centum linguis, centum
 vocibus. Solumque hæretici, qui ita
 inter se dissentiunt, perpetuoque verti-
 ginis spiritu aguntur, in hoc vno pun-
 cto conueniunt, oppugnandi scilicet ve-
 ritatem, & conspirandi aduersus veram
 Ecclesiam, sicut Pilatus & Herodes,
 (alioqui inter se discordes) in Christi
 persecutione, & morte concordēs fuere.

Quam ob causam hæretici compa-
 rantur ab iisdem Sanctis Patribus, vul-
 pibus Sampsonis, quæ caudis colligatæ
 se se mutuo mordebant, & in se inuicē
 insurgēbant: sed tamen faces in caudis

colligatis gerentes, messē illam am-
 plam pariter incendebant. Quatenus
 illi dentibus se inuicem lacerant, sed
 tamen caudis ligati, Ecclesiæ messē
 quantum in se est, inuadunt pari con-
 sensu, & concordī conspiratione. demo-
 liri conantur vineam Christi.

C A P V T XXXI.

Explicatur decimumquartum argumen-
tum pro veritate doctrinæ Christiæ,
in & Catholica Romana de-
ductum ex eo quod
fit Apostolica.

CVM doctrina, quam in Ecclesia
 Catholica Romana tenemus, in-
 de potissimum Apostolica vocetur: 1.
 quoniam in Apostolis initium habuit;
 2. Quia ab ipsis propagata est per vni-
 uersum orbem. 3. Quia etiamnum eadē
 dem quam Apostoli tradiderunt siue
 scripto, siue voce diligenter adhuc re-
 tinetur, & obseruatur fides. 4. quia ha-
 bet pastores, & doctores, qui continua
 successionē, & serie per legitimam vo-
 cationem ab Apostolis ad nos vsque
 descenderunt. Suppositis ijs, quæ di-
 ximus supra circa vniuersalitatē do-
 ctinæ nostræ, nihil est amplius, quod
 in illis tribus primis nominis Apostoli-
 ci acceptionibus immoremur, solumque
 agendum esset de vltima, verum cum
 illa continua successio pastorum, & do-
 ctorum non tam sit veræ doctrinæ, quā
 veræ Ecclesiæ, (ad quam tamen spectat
 veram fidei doctrinam proponere) nota
 & argumentum; sufficiunt ea quæ dixi-
 mus de illa superius, tum agendo de
 Ecclesia, tum etiam de Summo Ponti-
 fice.

CAPVT XXXII.

Explicatur decimum quintum argumentum desumptum ab ordine qui cernitur in Instituto & Religione Christianæ, & Catholica Doctrina.

HOc argumentum latè profequitur S. Gregorius Nazianzenus in oratione de moderatione in disputationibus habenda, potestque sic breuiter efformari; in magna differentia graduû & officiorum pulcherrimus ordo Religionis, omnino est signum & iudicium, ab eo illam fundatam & institutam esse, à quo omnia, quæ sunt, ordinatissima sunt, nempe à Deo, atqui in sola Christiana, & Catholica Romana Religione, seu disciplina reperitur ordo ille pulcherrimus in magna varietate, & differentia graduum, & officiorum; par est igitur credere illam habere Deum auctorem. Maior huius argumenti videtur esse certa.

Minor autem probatur, quia ad bonum ordinem Disciplina Ecclesiasticæ spectat, tum aliquod caput visibile, sub quo vniatur, tum etiam constans varietas, & subordinatio membrorum, tam inter se, quam respectu capitis; ita vt alij sint maiores, alij minores; alij pastores, alij oues; alij doctores, alij discipuli; alij Clerici, alij Laici; idque nõ momentanea, & fortuita electione; sed constanti destinatione; quàm autem præclare hoc totum adimpleatur in Instituto, & Religione Christiana, quam Romana seruat Ecclesia, constat ipsa mer euidencia facti. Vnde si Regina Saba ex ordine, atque ratione familiæ Salomonis rectè, ac prudenter colligebat, res illius Regis singulari Dei prouidentia, atque ope contineri; quantò melius id de Ecclesia Christi asserere debemus, in qua eò certè admirabilior est ordo atque consensus, quo latius illa per vniuersum orbem diffusa, quàm

domus Salomonis, extenditur.

Hanc autem præclaram ordinis rationem omnibus alijs hæreticorum sectis deesse patet ex ipsamet eorum doctrina; secundum quam nullum est visibile, & supremum Ecclesiæ caput; secundum quam omnes nascuntur Sacerdotes tam viri, quam foemina; secundum quam, & ministerium verbi, & potestas conficiendi, & administrandi Sacramenta etiam mulieribus attribuitur. Inter quos proinde iidem sunt laici, qui clerici; subitoque euadunt pastores; ac superintendentes, qui nunquam fuerunt lectores, aut diaconi.

Itaque si Sancti Patres pro efficaci argumento veræ fidei, & doctrinæ in Ecclesia Catholica habent, quod licet multorum hominum sit congregatio, minimè tamen est, quasi Chaos aliquod confusa, sed quam rectissimè ex Instituto suo ordinata; vt potest faciliè intelligi ex multis nominibus, quibus illa propter eiusmodi ordinem afficitur in sacris litteris: Cuiusmodi sunt Matth. 25. Regnum, & cap. 5. ciuitas, & 1. Corinth. 3. templum, & ad Hebræos 3. domus, & id genus alia de quibus suo loco. Per oppositum ab horribili confusione, & ordinis perturbatione in hæreticorum cætib; iidem Patres euident aduersus illos falsæ doctrinæ argumentum sumunt. Placet hac de re audire Tertullianum, lib. de præscriptionibus cap. 41.

Non omitam, inquit, ipsius etiam hereticæ conuersationis descriptionem, quâ futilis, quam terrena, quam humana sit; sine grauitate, sine auctoritate, sine disciplina, vbi fidei sue congruens, &c. Pacem passum cum omnibus (etiam à sua fide alienis; vti non ita pridem hæretici Caluinistæ cum Lutheranis affectarunt) miscant. Nihil enim interest illis; licet diuersa tractantibus, dum ad vnius veritatis (Catholicæ) expugnationem conspirent. Omnes tument; omnes scientiam pollicentur. Antè sunt perfecti Cathecumeni, quam edocti. Ipsæ mulieres hereticæ quam procaces; quæ audeant docere, contendere, exorcismos agere, curationes repro-

repromittere; forsitan & tingere. Ordinationes eorum temerarie, leues, instantes; nunc Neophytos conlocans; nunc seculo obstrictos; nunc apostatas nostros, ut gloria eos obligent, quia veritate non possunt. nusquam facilius proficitur, quàm in castris rebellium; ubi ipsum esse illic promereri est. Itaque alius hodie Episcopus, cras alius; hodie diaconus, cras lector; hodie presbyter, qui cras Laicus. Nam & laicis Sacerdotalia munera iniungunt. Hactenus Tertullianus, quo sanè melius hæreticorum ataxia describi non poterat.

CAPVT XXXIII.

Explicatur decimum sextum, & vltimum argumentum ex parte eorum, qui non credunt.

Quinta tandem, & vltima classis argumentorum probantium euidentiâ credibilitatis Christianæ fidei, & doctrinæ, omniumque mysteriorum ad eam pertinentium; complectitur 1. plura testimoniorum genera, quibus ipsimet aduersarii Christianæ fidei, & doctrinæ illam laudauerunt. Tanta enim est vis veritatis, ut etiam aduersarios cogat interdum sibi testimonium dare, iuxta illud Deuteronomij 32. *Non enim est Deus noster, ut Dij eorum, & inimici nostri sunt Iudices.*

Primum igitur non solum Christo, & fidei nostræ, vox Patris, manifestatio Sancti Spiritus, aut etiam Beatissima Virgo, & Apostoli, cæterique cum eo conuersati integerrimum præbuere testimonium: verum etiam ex Paganis Augustus, qui aram posuit primogenito Dei; Tiberius qui de Christo inter Deos referendo egit, Tertull. in Apologet. cap. 6. ubi etiam notat eos Imperatores, qui sunt habiti optimi, fuisse Christianis: ut M. Aurelium, Vespasianum, Antoninum Pium: eos autem persecutiones mouisse & excitasse, qui sunt habiti pessimi, etiam ab ipsis Gentilibus, ut Neronem & Domitianum.

Nec prætermittendum est, quod idem author testatur ibidem cap. 1. & 2. Paganos videlicet noluisse discuti causam Christianorum, sed damnari sine discussione, quia sciebant se in eis nihil mali reperiuros.

De qua etiam vitæ, & doctrinæ Christianorum innocentia extat testimonium Plinij II. in epistola ad Traianum lib. 10. ubi scribit Christianos omnia vitia detestari, sanctissimèque vivere, & hoc solum in eis posse reprehendi, quod nimis faciliè pro Deo suo vitæ profundant, quodque horis antelucanis surgant ad canendas laudes Christo. Denique S. Antonium, S. Hilarionem, & S. Martinum fuisse honori & reuerentia Paganis referunt in eorum vitis Athanasius, Hieronymus, & Sulpitius.

Ex Iudæis habemus in primis testimonium Iosephi lib. 18. antiquit. cap. 6. ubi affirmat, Christum plusquam hominem fuisse, & verè Messiam esse. Philonis quoque Iudæi extat in laudem nascentis è gente sua Christianismi integra, eaque accurata lucubratio; ut testatur Eusebius lib. 1. histor. cap. 16. Epiphanius hæresi 29. S. Hieronymus de Viris illustribus in Philone. Sozomenus lib. 1. c. 12. Idemque putant Centuriatores cent. 1. lib. 2. cap. 3.

Mahumetes quoque in Alcorano, eiusque sectatores Christum, inter Prophetas supremo in loco reponunt: & tam miraculorum gloria, quàm Sanctitatis præstantia, toti orbi fuisse conspicuum fatentur; docentque Christianos saluari. Vnde etiam Mahumetanos, bonos, & constantes in sua fide Christianos in summo honore, ac reuerentia, semper habuisse plures testantur historiæ, S. Ludouici, S. Francisci, & alie.

Idem de hæreticis dici potest: nam S. Gregorius lib. 2. dialog. cap. 15. refert Regem Totilam Arianum summo honore affectisse B. Benedictum, ut verum Dei seruum & Prophetam, quem tamen sciebat esse Catholicum. Et Lutherus, iam hereticus existens sic scribit in lib. contra Anabaptistas, qui in odium Papæ
reij-

reiciunt baptismum paruulorum . Nos, inquit, *fitemur, sub Papatu plurimum esse boni Christiani, imo omne bonū Christianum, atque etiam illinc ad nos deuenisse . Quippè fitemur, in Papatu veram esse Scripturam Sacram, verum baptismū, verum Sacramentum altaris, veras clauas ad remissionem peccatorum, verum prædicandi officium, verum Catechismus, ut sunt oratio Dominica, decem præcepta, articuli fidei . Dico insuper, sub Papatu veram Christianitatem, imo verum nucleum Christianitatis esse . Quo certè nihil præclarius ad fidei Catholicæ Romanæ commendationem extorquere potuit vis veritatis ab infensissimo illius desertore, & hoste . Calvinus quoque institut. cap. 10. §. 17. vocat Bernardum pium Scriptorem . At certè Papistæ acerrimus fuit Bernardus, & nemo est pius sine vera fide .*

Ad hanc eandem vltimam classẽ, vltimumque argumentum pertinet infelix exitus, & finis eorum, qui fidem Christianam, & Catholicam oppugnaverunt . Omnino enim credibile est esse eam doctrinam diuinitus reuelatam, diuinitusque institutam, cuius hostes appareat fuisse vindicæ Deo grauissimis supplicijs affectos; etsi enim Deus punire suos, & flagellat, tamen tandem projicit virgam in ignem; grauissimis autem supplicijs apparet Deo vindicæ multatos esse hostes Christianæ, & Catholicæ doctrinæ .

Et vt omittam miserandam & infelicem Pilati sortem, Herodis Afcalonitæ, Tetrarchæ, & Agrippæ, Neronis, Domitiani, Traiani, Diocletiani, Galerij, Maximiani, Maximini, & aliorum fidei Christianæ & Catholicæ persecutorum, quos omnes vel à seipsis, vel ab alijs crudeliter necatos, vel certè miserè perijsse constat ex Chronicis, & historijs omnibus .

Si veniamus ad hæresiarchas & Apostatas, non minus infelix eorum exitus, & finis fuit, vt eadem testantur historiæ, quas breuitatis causa prætermitto, potestque de illis consuli Erasmus

Bibliot. Theol. Tom. V.

Alberus lib. 2. contra Carolostadianos .

De impijs autem, & Christicidis Iudæis, qui maximas calamitates, eo quod tempus non cognouerunt visitationis suæ, patiuntur in hanc vsque diem vt prædixerat illis futurū Christus Dominus, disceremus infra agendo contra illos .

C A P V T XXXIV.

Breuis argumentorum Christiana fidei veritatem probantium Anacephaleosis; unde concluditur aduersus omnes alias sectas, solam Romanam Ecclesiam fidem, ac doctrinam esse veram, diuinitusque reuelatam .

SVpposita semel Dei existentia, quodq; inter omnes creaturas corporeas peculiarem homini gubernando providentiam impendat, suppeditando illi media apta, & commoda ad consecutionem veræ, ac æternæ beatitudinis, cuius illum capacem creauit; cum inter ea primum habeat locum vera religionis doctrina, est profectò credendam, Deum nunquam in illa sufficienter indicanda, demonstrandaque defuisse, si, non vt constaret nobis euidenter de eius veritate, certè vt intelligeremus eam, quamuis per se non sit euident, esse tamen fide, & assensione prudentum dignissimam .

Verum quia inter varias Religionis doctrinas, ex quarum præscripto supremum numen hodie in mundo colitur, vna est, quæ alias omnes damnat, tanquam impias, & huic numini inuisas, non potest inter eiusmodi doctrinas inuicem pugnantes, & contrarias esse plus quam vna, quæ sit vera; Deoque accepta . Quo posito videtur omnino indignum eius providentia, si permittat aliquam doctrinam falsam habere pro se argumenta, aut motiua sine vlla comparatione maiora & efficaciora, quàm quælibet alia, ac proinde, quàm ea, quæ sit vera . Quis enim prudens, & bonus hoc faceret . At doctrina, quàm Romana

mana proponit Ecclesia, habet pro se plurima, eaque grauissima præ omnibus alijs argumenta; quæ licet fusè huc vsque persecutus sim, mihi tamen opere pretium visum est ea rursus, vno quasi obtutu aspicienda, considerandaque lectori proponere; vt si fortè singula, seorsimque sumpta tantam vim non habent ad commouendum illius animum, conglobata simul, quasi quodam impetu rapiant, & omnino conuincant.

Insuper cum ex ipsdē motiuis, veræque, ac diuinitus reuelatæ doctrinæ notis argumentari liceat non solum affirmatiuè, vt illa sola sit vera fidei doctrina, cui tales notæ conueniunt; sed etiam negatiuè, vt ea scilicet non sit vera fidei doctrina, cui vel nulla, vel non omnis eiusmodi nota competit; ita ex illis cuilibet veritatem diligenti demonstrare conabimur fidei nostræ credibilitatem, eiusque mysterijs quantumuis supernaturalibus, & humanum captum superantibus certissimum, & absque omni formidine de opposito assensum, deberi tanquam à Deo reuelatis; vt simul etiam appareant contrariæ omnes doctrinæ, sectæque vniuersæ veritatibus vacuæ, falsitatibus plenæ, atque adeo prorsus indignæ, quibus adhibeant fidem prudentes.

Primum igitur si vniuersale ad omnium errorum detergendos oculos collyrium sunt miracula; adeo vt insolens hæc agendi ratio non tam inuitet, quam cogat: fidemque potius extorquere videatur, quam suadere; innumera in doctrinæ Catholicæ, quamque Romana, amplectitur Ecclesia, confirmationem à Christo Domino, & Apostolis, alijsque fidei propagatoribus fuisse perpetrata; & huc vsque, nominatim ad inuocationem diuini nominis, implorata, etiam aliquando intercessione Beatissimæ Virginis, & Sanctorum, plurima fieri non desunt, ita vt omnino videatur Deus nos excitare, vt testimonia miraculorum contra infideles, & hæreticos vrgeamus. Quæ quidem talia sunt, vt neque conficta dici possint, nec dæmo-

nis ope fieri; sed omnem vim naturæ superantia, vnus diuini numinis supremam aduersus Atheos providentiam, conuincunt, atque adeo aduersus omnes alias sectas veritatem fidei nostræ ab eo confirmatam, qui summè verax est, quique miracula in probationem erroris facere nullatenus potest. Si quæ inter Gentiles vera referantur miracula in testimonium qualiscunque virtutis moralis sunt facta. Tentarunt mira quædam Magi Pharaonis, Simon Magus, heretici orientis, & occidentis in confirmationem suæ falsæ doctrinæ; sed infelici semper exitu. Vt proindè non immeritò Erasmus in diatribæ de libero arbitrio hoc ipsum Luthero exprobrans scripserit: *Apostolis, quoniam excutiebant viperas, sanabant agrotos, excitabant mortuos, imposita manu dabant dona linguarum: ita demum creditum est, & vix creditum est illis paradoxa docentibus. Nunc cum iuxta communem opinionem adferant paradoxotera, nullus adhuc illorum extitit, qui vel equum claudum sanare potuerit.*

Vndè sic argumentari licet aduersus huiusce nostri temporis sectarios; si quæ doctrinam singularem (hoc est abhorrentem, & alienam à recepta, communique sententia orbis) Deus aliquando eorum hominum ministerio persuaderi voluit, qui autoritate secundum humanæ prudentiæ rationem, impares cæteris viderentur; eiusmodi doctrinam necesse fuit supernaturalibus aliquibus miraculis, aut signis diuinitus comprobari, vt verissimè D. Augustinus asserit lib. 22. de Ciuitate Dei cap. 8. & exemplum prædicationis Apostolorum, & prophetarum, ratioque ipsa docet ex dictis supra. At singularem illam, & ab omni antiquitate alienam doctrinam, quam orbe vniuerso reclamante nostri temporis sectarij docere, ac profiteri cæperunt, nullis Deus miraculis comprobauit. Neque vult ergo Deus, neque voluit, vt illam amplecteremur; ac proindè neque Apostolica, neque verè Christiana Doctrina est.

Secundò prophetiæ, seu prænotio, & prædictio futurorum, quæ ex libera maxime voluntate pendentes, certa est diuinitatis operatio; quæ & cõtra Atheos conuincitur mentem aliquam esse, omnem creatam intelligendi vim excedentem, futurorum consciam, multò magis omnium præsentium, & præteritorum. Ab Gentilium autem Idolis meritò Isaie probationem exigimus cap. 41. *Annunciate quæ ventura sunt in futurum, & sciemus quia Dii estis vos*; nunquã enim veras prophetias edocere potuere Dii Gentium, quamuis amphibologicis locutionibus fucum fecerint stolidis suis cultoribus. Iudaicam etiam perfidiam suomet proprio Scripturæ Sacræ veteris testamenti, quam nobis Dei prouidentia seruauerunt, iugulam gladio: Vndè in confirmationem fidei nostræ innu-mera prophetica oracula omni exceptione maiora. Mahumetus quidem, atque hæresiarchæ prophetas se iactant, prophetiam in suorum dogmatum confirmationem non afferunt. Vbi enim obsecro Lutheri, vbi Caluini Euangelii, hoc est Euangelicæ doctrinæ Lutheranam, & Calvinianam instaurationem; per prophetas suos, aut per Apostolos promissit Deus? Equidem nullum Scripturæ locum video, qui ad eam rem pertineat, præter illos Math. 24. *Surgent Pseudoprophete*, & 1. Corinth. 11. *Opertes hereses esse*, & 1. Timoth. cap. 4. *Spiritus manifeste dicit; quia in nouissimis temporibus discedent quidam à fide attendentes spiritibus erroris, & doctrinis demoniorum, in hypocrisi loquentium mendacia, & cauteriazam habentium conscientiam*; hæc nimirum doctrinæ sectariorum sunt prophetiæ; non aliæ.

Ita vt mirum sit, cum toties legunt, & audiunt à Christo Domino eiusque Apostolis inter cætera verissimè esse prædictum, hæreticos Christiano nomine palliatos fuisse futuros, cur non tandem aliquando intelligant, ex eorum omnino se esse numero, atque adeò nihil minus, quam doctrinam retinere verè Christianam?

Bibliot. Theol. Tom. V.

Neque enim difficile est hunc in modum ratiocinari, inquit Gregorius de Valentia 22. quæst. 1. punct. 4. in 15. argumento: Hæretici, quos Christus Dominus prædixit futuros, illi homines omnino sunt, qui cū opinione quidem sua existiment, atque iactent, se propugnare veram atque Apostolicam doctrinam; se sequi prorsus sententiam Scripturæ; se in hoc non errare, se esse Christi veram Ecclesiam, alios qui ipsis contradicunt, in errore versari, nec Ecclesiam veram esse, & cætera huiusmodi; heretici, inquam, sunt ij, qui cum hæc opinione quidem sua ita de se iactent: eius tamen cæus autoritate, & sententia, qui pro Ecclesia Christi vera in orbe vniuerso ante natam controuersiam habitus fuerit, & postea etiam à cæteris omnibus habeatur, heretici iudicantur. Tales autem sunt prorsus omnes se Arii, tum Lutherani, tum Calviniani. Igitur omnes illi ex eorum hæreticorum sunt numero, quos Christus verè prædixit fuisse futuros, vide prædictum authorem loco citato.

Tertiò: Si primus discendi ardor, inquit Ambros. lib. 2. de Virgin. nobilitas est magistri, nec mediocrem alicui doctrinæ autoritatem apud homines conciliare solet authoris illius excellentia; absoluta profectò Christi Domini sapientia, singularis vitæ innocentia, stupenda signa, propheticæ prædictiones, & cætera huiusmodi manifesta diuinitatis argumenta, argumento nobis esse debent in omnibus cum doctrinæ partibus tradendis verissimi, diuinique magistri munus expleuisse; omnesque alias à nostra sectas illis carere, quæ impurissimos tantum, ac superbissimos fundatores habuere.

Quartò, quæ de summa diuini luminis natura lumen dicat naturale, mirum quam pulchro ordine stabiliat nostra fides, quæ Deum infinitum, immensum, æternum, incomprehensibilem, ineffabilem, independentem, omnipotentem docet. Item visibilium omnium, & inuisibilium creatorem, rerum om-

nium etiam minutissimarum absque ullo labore, aut molestia pronisorem, infinitè bonum, sapientem, misericordem, iustum, liberalem in bonos, in improbos severum, primam perfectionem, à qua omnis, qualiscumque sit perfectio deriuatur, purum actum, omnis materiæ, compositionis, ac potentialitatis expertem, planè immutabilem, cui nihil demi valeat, aut addi, seipso denique beatissimum. Mysteria quoque fidei nostræ, quæ primo aspectu humilia apparent, si intimus considerentur summam Dei sapientiam, potentiam, iustitiam, ac bonitatem egregiè testata relinquunt.

Tu verò non solum Atheus es, sed etiam irrationalis, ò Politice: & dum Deum à mundo, teipsum ab homine tollis: nemo enim est tam rudis, tam feris moribus, qui si rationem sequi velit, quin oculos suos in cælum tollens, intelligat ex ipsa rerum magnitudine, motu, dispositione, constantia, utilitate, pulchritudine, temperatione fieri non posse, quin id quod mirabili ratione constat, consilio maiori aliquo sit instructum Lactant. lib. 1. cap. 2. neque enim hæc omnia à seipsis esse possunt: hoc enim contradictionem implicat. Existimare ea à casu procedere magis ridiculum, & rationi est contrarium: quam si peramplam aliquam ciuitatem cum totis ædibus, ac palatijs, in eam, qua cernuntur, figuram, nulla artificis industria fortuito confluisse peregrinus aliquis sustineret. *Inuisibilia enim Dei per ea, quæ facta sunt intellecta conspiciuntur; sempiterna quoque eius Virtus ac diuinitas, ita ut sint inexcusabiles. Romanor. 1.*

Quid facitis ò cæci Idololatæ, qui creatore relicto, creaturam adoratis? desecrare mentis oculo vos ipsos interrogate: Quid est Deus? & audietis interni luminis responsum: quo maius cogitari aliquid non potest, vnus, optimus, maximus. Quidquid ergo minus eo est: Deus non est. Cur ergo aut saxa, aut animantia, aut elementa, aut cælum,

aut homines, aut doemones, aut quidquid creatum est Dei loco adorare non pudet? aut illis etiam heroibus diuinum tribuere honorem, qui Deo abstulerunt suum?

Horret & ipsa natura ad multiplicia blasphemiarum monstra, quæ in suo Talmud, atque Alcorano Iudæi, & Mahumetani diuinæ maiestati per summam impingere calumniam. In quorum schola egregiè profecerunt hæresiarachæ, cæteri; nostri temporis scelerij, qui prodicionem Iudæ, adulterium Davidis, latrocinia, mendacia, cæteraque omnia scelera Deo tribuunt auctori.

Deindè, si præter Sanctitatem intellectus, quæ consistit in carentia erroris, & cultu atque professione eiusdem veritatis; sic enim intellectus mundus est pro suo modulo, quando ab omni tali errore immunis est; loquamur de sanctitate affectus, & voluntatis, quæ consistit in perfectæ cordis munditia, quæ homo ad Deum ita conuertitur, ut à rebus omnibus illi contrarijs, quibus infallibiliter sordescit, auertatur, perfectissimam illam habet nostra fides, & religio, quæ nihil admittit contrarium, neque rationis lumini, neque gloriæ Dei; neque proximi bono: sed omne peccatum quantumvis secretum, aut paruum prohibet; commissum Sacramentis emaculat, ac poenitentia operibus expiare docet: opera virtutum necessaria prædicat, & præcipit; ad consilia, perfectionem, ac sanctitatem insignem media profert, adducit. Fides ergo nostra schola virtutum est, ac bonorum morum: reliquæ omnes vitiorum, morumque reproborum.

Quia enim insipiens Atheus, atque impius Politicus in corde suo dixit non est Deus: consequenter corrupti sunt, & abominabiles facti sunt in iniquitatibus: Non est igitur vera atheismi persuasio, aut doctrina, quæ ablato numinis metu pro fructu habet omnium scelerum turpitudinem, & abominabile enormitatem; cuius prima veritas ad omnem falsitatem, & errorem viam parat, cuius

ius summa sapientia omnem extinguit virtutem : secundum quam Athei necessario fateri coguntur, veritatē quam tenent reipublicā perniciosam esse ; quem putant errorem, & dementiam ; maximē proficua .

Gentiles & Philosophi qui Deum cognouerunt, nunquid sicut Deum glorificauerunt : nequaquam. Sed euanuerunt in cogitationibus suis . Quin & in fundamentalibus bonorum morum capitibus, animæ immortalitate, atque vltimo hominis sine hallucinari reperies .

Talmudicam quoque atque Alcorani prauis, sordidisque moribus fætentem camerinam, virtutis, & puritatis amans animus quis ferat ?

Si doctrina aliqua non solum Confessionis Sacramentum; & Pœnitentię opera, quibus diuinam maiestatem peccatis nostris offensam placare studemus, explat : sed etiam habenti fidem nullum peccatum imputari asserat; contritionem hominem reddere magis peccatorem; nulla bona opera, necessaria, imo omnia esse peccata ; hominum arbitrium non esse liberum; (quæ hæreticorum sunt commenta) an non bonis moribus, quos ipsamet naturalis ratio dictat, bellum indicit ?

Quintò cum fidei nostræ doctrina, vel ea ratione maximē commendetur, quod mirabilem vim, & efficaciam habeat in mutandis moribus suorum sceleriorum ; ex statim dictis satis patet hanc diuinæ doctrinæ notam, & proprietatem nequaquam conuenire alijs infidelium, & hæreticorum doctrinis ; si enim sceleribus omnibus viam sternant, timorem Dei ex hominum mentibus euellant, Confessionis Sacramentum, dolorem de peccatis, castigationes carnis, vniuersaque opera laboriosa abijciant : quid de ipsarum doctrinarum sceleratoribus cogitari potest, an non fortè sua doctrina meliores, an non laxum viuendi genus credentes, & docentes, ipsi cum rigore maximo vitam suam ducent ? Lutherus, inquit Du-

brauius lib. 33. Historiæ Bohemicæ sub finem, breui temporis spatio totū illum terræ angulum in quo morabatur, fidefragis, periuris, adulteris, incestuosis, & sacrilegis repleuit . Tandem tam de eius, quam de Caluini doctrina heu nimium constat, quod populos antea regibus, & principibus suis obsequentissimos, in rebelles, & seditiosos, imo regicidas mutauerit . Monachos cum rigore maximo antea viuentes, ad laxum viuendi genus traduxerit, continentes Sacerdotes mulierosos reddiderit, & Sanctimoniales voto Deo mancipatas, ad sacrilegas nuptias induxerit : tam Sanctum, tamque efficax fuit eorum Euangelium .

Sextò, si animi vigorem probant vitæ actiones, legum integritatem honestas morum, Christianæ similiter religionis, quam Romana profitetur Ecclesia, excellentiam, eorum à quibus colitur, Sanctitudo . Gloriatur enim, omnibus sæculis Romana fides in insigni, & ferè suprahumana virtute innumerabilium Sanctorum, quorum Sanctitatē, tanto tempore ante singularū hærescon ortū, totius orbis Christiani confessione celebratam negare, insolentissimæ foret insanix . Voluantur historica vitæ monumenta, in omnibus nostri sunt, atque infidelium, & hæreticorum omnium sectis contrarij; sed si falsitas ad veritatem non adducit, si sine fide impossibile est placere Deo, vel fidem nostram veram esse fateri necesse est, vel sanctissimos illos Dei amatores, innocentia vitæ, sui ipsius ac terrenarum rerum despectu, ac diuinæ gloriæ zelo insignes ; impios fuisse, æternisque ignibus adiudicatos; quod diuinæ prouidentix repugnare nemo ambigit .

Septimò addamus & constantiam Martyrum, qui agminibus integris non solum fidem nostram ore confessi sunt, sed etiam sanguine consignarunt ; vti eorum acta ab Ecclesia recepta, prolata, laudata præiudicata auctoritate testantur .

Quæ duo firmissima veræ fidei argumenta omnibus alijs ab Ecclesiâ Romana sectis defunt. Sæculorum memoriam replica, quotus verò, quisque carcerem, eculeum, piras, patibula aut subiit, aut sustinuit; ut fidem obtinerent elementa Euclidis, Hippocratis aphorismi; Platonis respublica, effata Aristotelis: Hetrusca diuinatio, tabulæ duodecim, folia sibillina, Iouis, Apolliniſue oracula, Mahumeti Alcoranus; Neque hæreticis admodum curæ esse, aut fuisse vnquam legimus, cum sui capitis periculo, Ethnicorum, & Paganorum terras obire, vt suam illic fidem diuini honoris studio propagarent. *Negotium enim, inquit Tertullianus lib. de præscriptionibus c. 42. est hæreticis, non Ethnicos conuertendi, sed nostros euertendi. Hanc magis gloriam captant, si stantibus ruinam, non si iacentibus eleuationem operentur.* Quid de personali Sanctitate dicam patronorum, & sectatorum earumdem cætuum? certè ex tam laxa, & tam latè ad liberè, & impunè peccandum patente eorum doctrina, sufficenter colligitur eos ad omnia scelera, genera fuisse promptissimos; sic Lutherus deseruit monasterium, duxit vxorem post continentiz votum, & sic de alijs. Vndè vera est aurea illa: D. Augustini sententia: *Non ex alijs hominibus sunt hæretici, quam ex ijs, qui si in Ecclesia permanſissent, propter vitæ turpidinem nihilominus perijſſent;* lib. de vera Religione cap. 8. tomo 1.

Octauò, si armis, si eloquentia, si propositis delitijs ad tanta terræ, marisque spatia duodecim mundum domuissent Apostoli, magnum profectò foret: At verò quod inermes, pauperes, non in persuasibilibus humanæ sapientiæ verbis, omni humano denudati præsidio, sub crucifixi fidem mysterijs naturalem ingenij vim superantibus plenam, inueteratis recipientium moribus contrariam, delectabilia prohibentem, præcipientem ardua, tot gentium barbaras plerumque natio-

nes cum suis regibus, ac principibus captiuato intellectu subiecerint, quodque sub iugum fidei istius, in hodiernum vsque diem innumera nationes subiectæ conqueſcant: Digitus Dei est hic; sine quo humano sensui paradoxum videretur, atque adynaton. Propagauit Mahometus Alcoranum ferro: schismatici superbiz blandientis typho: hæretici explosa operum necessitate, libertatis ad omnia quæ luberet aurea specie; cui etiam addere possumus, quod doctrinam suam non patientia, sed armis, non pacificè, sed tumultuose introduxerunt; testis infelix nostra Gallia, aliæque plures florētissimæ Europæ Prouinciæ eorum, tumultibus, & incendijs vbique depaſtæ. Ecclesiæ tamen Romanæ amplitudinem omnes scorsim sumpti longa sequuntur intervallo.

Nonò, Appellatio Catholicæ, siue per illud nomen temporis, siue locorum Vniuersalitatem intelligas, ita propria est fidei, atque Ecclesiæ Romanæ, vt nulli vnquam sectæ fuerit tributa: vndè etiam hoc tempore meritò gloriari possumus cum D. Augustino; *Tenet me in Ecclesia: ipsam Catholicam nomen, quod non sine causa inter tam multas hæreses, sic ista sola Ecclesia obtinuit; vt cum hæretici se Catholicos dici velint; querenti tamen peregrino alicui, ubi ad Catholicam conueniatur, nullus hæreticorum, vel basilicam suam vel domum andeat ostendere.* lib. contra Epistolam fundamenti cap. 4.

Catholicam vocatur quia per vniuersum sit orbem terrarum diffusa, à finibus terræ, vsque ad extrema. Cyrillus Hierosol. cathec. 18. quaquaversus enim, mundus cognitus est, fidei diffusio peragrans omnium infidelium, ita vniuersali suo splendore, perstringit oculos, vt cæcutire, si velint, non permittat. Vniuersalem profectò Dominum totius mundi redemptorem, qui vult omnes homines ad agnitionem veritatis venire, vniuersalis decet religio, non vno temporis spatio, non vno aut pau-

cis terrarum regnis conclusa. Incepit hanc denominationem possidere fides nostra ab ipsomet Apostolorum tempore, quo in tam multis, diuersisque mundi partibus prædicata & plâta, meritò vniuersalis esse incipit, coruscante iam tunc per omnes fermè mundi partes, celebri virtutum, ac signorum splendore: Debetque vsque ad mundi finem Christi oraculo Euangelium hoc prædicari in vniuerso mûdo, quod quotidie magis, magisque pastoralis Summorum Pontifici, quem erga totum mundum gerunt affectu, & sollicitudine; sacra etiam congregatio- nē ad hoc instituta grauius allaborante, destinatis fidelibus in messem Domini operarijs, Deo incrementum dāte videmus adimpleri, & deficiente in sectarijs fide transfertur in gentem facientem fructus eius.

Nunquam hæresis vlla, aliæ secta ad tantam terrarum amplitudinem farmenta ab Ecclesiæ vinea proiecta, extendere potuit, aut poterit, vt merito Catholica vocari possit; quantumlibet veras Ecclesiæ missiones voluerit, aut velit imitari: obest falsitatis, & hæreseos natura, quæ à diuisione orta in diuisionem tendit: obest amor proprius quæstui animarum contrarius: obest Dei prouidentia, quæ soli fidei suæ promissit vniuersalitatē.

Decimò; quod apud multos vnum inuenitur, non est erratum, sed traditum. *Ecquid verisimile est, quod tot, ac tanta Ecclesiæ in vnam fidem errauerint, inquit Tertull. lib. de præscriptionibus aduersus hæret. cap. 28. Quod ergo in fidei nostræ mysteria tot ingenia viro- rum doctissimorum, aliàs fermè in omnibus dissentientium, toto terra- rum orbe, tot sæculis vnanimiter con- senserunt: non aliundè quàm à diuinæ prouidentia auxilio, notarumque fidei clara veritate procedit. Cui perfectæ vnitati, doctrinæque consensioni, si passione vacuus, conferas idolorum, & idololatriæ confusam multiplicita- tem, hæreseon doctrinas varias, & pe-*

regrinas, singulorumque hæreticorum multiformem Protheum; Vah quam abominaberis errorum chaos! quàm gratanter ordinatissimum, & vnitissi- mum fidelium Romanæ Ecclesiæ cho- rum amplexus, sub vno pastore vno pasceris ouili. Imprudentia enim, at- que impudentia magna foret in nego- tio salutis, tantæ ac tam vnanimi or- thodoxorum doctrinæ paucorum quo- rumdam instabilem præferre sentiendi libertatē.


Vndecimò, quid quod hinc vitæ sanctitudo, vel ab hostibus laudes ex- torquet? Illinc doctrinæ sublimitas cunctos rapit in admirationem? non solum enim Christo, & fidei nostræ, vox Patris, manifestatio Sancti Spiritus, aut etiam beatissima Virgo, & Apostoli, cæterique Catholici integer- rimum præbuere, & præbent testimo- nium: verum etiam Tiberius, qui de Christo inter Deos referēdo egit, Phi- lo etiam & Iosephus Iudei, Pilatus ipse & milites sepulchri custodes, adeoque ipse dæmon tum in præsentia Christi, tum varijs in locis obmutescens, aut veritatem fateri coactus, & dum ad hæc vsque tempora veræ fidei virtutem nō ferens idola deserit, obfessa corpora, relinquit. Turcæ quoque & hæretici, tanta est vis veritatis, pluries fidem nostram in summo honore, ac reue- rentia habere coacti sunt. Cum inter- im nusquam inueniantur Catholici laudasse, aut approbasse doctrinam, aut vitam vllorum Ethnicorum, aut Mahumetanorum, aut hæreticorum. Scimus enim vnam tantum esse veram fidem, & sine ea nullam esse veram ius- titiam. Constantēque asserimus, er- rare omnes qui doctrinam nostrā non sequuntur.

Duodecimò tandem & vltimò in- felix exitus Iudæorum, Ethnicorum Ecclesiæ persecutorum, non minus religionem Catholicam cōtra Gentiles, quam contra hæreticos illustrat, & cō- firmat: præterquam quod enim præ- cipui hæreticæ prauitatis inuensores, hor-

horrenda, & infami morte perierunt, si non ipsi, sed Ecclesia, ut contendunt Romana, non secus, ac Iudeorum olim Synagoga, à doctrina vera, sinceraque religione descivit, cur templa, cur Sacerdotes, cur sacrificium, cur cæremonia, atque ritus, cur certa descriptio, formaque Religionis in Ecclesia Romana magis, ac fæce Iudeorum, duravit? Ita ne verò? portas inferorum aduersus veram, incorruptamque doctrinam, quam sectarij tueri affirmant, tamdiu Christus contra promissiones suas preualere permisit.

Quam excusationem ergò in die iudicij pretendet infidelis, aut hæreticus, qui tot notis à Deo testatam fidem amplecti neglexerit? omnes enim præsertim simul iunctæ compertum reddunt vnū ex his tribus, vel nullā Deo Optimo, Maximo esse curam de rebus nostris, vel ipsi placere, ut in eius cultu decipiamur, vel hanc religionem & fidem quam colimus esse veram. Quorum prima duo cum sint impia, & luminis rationis aduersa, reliquum est, ut tertium sit euidenter credibile. Quam securus igitur ea in parte comparebit Catholicus? qui etiam præ certitudine dicere poterit cum Richardo à Sā-

cto Victore lib. 1. de Trinitate cap. 2. *Domine si error esset, à teipso decepti sumus: nam ista in nobis tantis signis, & prodigijs confirmata sunt, & talibus quæ non nisi per te fieri possunt; certè à summa Sanctitatis viris, sunt nobis tradita, & cum summa & authentica atestatione probata teipso cooperante, & sermonem confirmante sequentibus signis. Quid enim vnquam de rebus non euidentibus sine culpa creditum est, si credere quæ Christiana, & Romana doctrina, tot tantisque argumentis confirmata, tradit, culpa non vacat? Vox itaque & verisissima, & consolationis plenissima, & prorsus eiusmodi videtur illa, ex Richardo statim allata, quam in omnibus, portis inferorum, demonumque tentationibus in negotio fidei confidentissimè opponere possumus. Neque enim video, ut firmiter, & immobiliter Christianæ doctrinæ, quam Romana proponit Ecclesia, assentiamur, quid vehementius nos ad hoc mouere & excitare possit, quam quod euidenter intelligimus, ut explicatum est, eam aut omnino esse veram, aut sine culpa prorsus veram à nobis iudicari.*



SECTIO TERTIA

De varijs modis ex Sacrae Doctrinae praescripto observandis, in suadendo, aut defendendo Fidei nostrae mysteria, secundum diuersitatem infidelium ea negantium, primumque de existentia Dei aduersus Atheos.

C A P V T P R I M V M.

Varia referuntur Infidelium genera.



POSTQVAM in duabus superioribus sectionibus explicui in communi principia omnia, vnde fidei nostrae Catholicae Romanae veritas sufficenter proponi, suaderi, ac defendi possit; superest iam, vt pro instituti ratione praescribam in particulari modos omnes, quibus id facilius praestari possit. Quia autem Sacram doctrinam supra sua principia sic reflectere, nihil est aliud, quam ipsam articulos, ac veritates fidei aduersus omnes, & singulos illas negantes eueri, vel suadere, tot diuersos, ac differentes procedendi modos distinguere possimus in Theologia, quatenus est reflexiua, aut polemica, quot dantur diuersi infidelium gradus, & species.

Pro cuius intelligentia notandum est duo posse considerari in peccato infidelitatis, vnum est obiectum, ad quod conuertitur per se infidelis, alterum quod talis conuersio fiat cum aliqua renitentia fidei. Quamuis igitur ex parte talis renitentiae, tres tantum, soleant infidelitatis species assignari,

Biblioth. Theol. Tom. V.

quia aut renititur fidei nondum susceptae, & talis infidelitas est Paganorum & Gentilium: aut renititur fidei Christianae susceptae, vel in figura, & sic est infidelitas Iudaeorum, vel in ipsa manifestatione veritatis, & sic est infidelitas haereticorum. Tamen si consideretur peccatum infidelitatis, secundum diuersa in quibus erratur, sic innumeratae sunt infidelitatis species aut differentiae, secundum quod innumeris modis contingit errari per sententiam falsam, ad quam quis conuertitur, vt optime explicat S. Thomas 2. 2. qu. 10. artic. 5.

Verum quia longum esset & importunum velle persequi singulos errores, aut infidelitatis species modo explicato, reducemus illas omnes ad septem principiores sectas, quibus homines misere distrahuntur, iuxta quas septuplicem etiam diuersum procedendi modum distinguimus in Theologia quatenus est reflexiua, aut polemica.

Primus est contra Atheos & Deistas, nondum villo fidei diuinæ testimonio supposito, soliusque rationis ductu; sicut enim homo nequam sensum ab-

R

dicans

dicans diuinitatis, præceps abeat in mendacia, inque omnia vitiorum genera necesse sit, ut per oppositum stabilita semel, & constituta supremi numinis existentia, vtrò se se offert omnis tam Religionis, quam puræ & sinceræ pietatis fons ac origo. Quippe descendenti in se confectum inauditur solemne istud oraculum; Deus reuera vnus est, author & patens Vniuersi, cui proinde non secus ac naturæ motus omnes, continenti serie adhærescunt; sic aurea veluti catena mancipari debere nostram omnem vitam, ratio suadet, inspirat fides. Indeque orta est Sapientum meditatio, Christianorum Sandimonia, Monachorum austera solitudo.

Secundus est aduersus Idololatrarum superstitionum vanitatem & impietatem, quam satis redarguit illa. Deorum, seu diuinorum numinum multitudo: & quæ rationes vnicum Deum esse probant, eadem illam polytheismi sacrilegam impietatem dominant. Quocirca ab omni vno, ineptissimæ numinum cateruæ, sic puduit sagaciores; ut alij Deum non coluerint nisi vnum; ut fuerunt Philosophi: alij nullum; ne plusquam vnum nosse cogerentur, ut fuerunt plures Athæi.

Tertius est contra Philosophos, qui vnum quidem verum Deum agnoscentes & colentes, nullam tamen illius reuelationem in negotio religionis, & salutis admittunt, sed solam rationem naturalem sequuntur. Ostendamque aduersus illos, nec illam, nec experientiam humanam ducem esse posse in religione, sed tantum fidei diuinæ ministrare, ita ut si quis religiosus, verusque Dei cultor esse velit, et necessario audiendi sint prophetae à Deo edocti, missique doctores, quibus se vera religione informandum committat, sequæ humilem & fidelem eorum discipulum profiteatur.

Quartus est contra Politicos, seu Libertinos Neotericos religionum indifferentiam admittentes, & vnum

quemque in sua posse saluari. Etsi enim illi non difficulter conuinci possent atheismi, qui licet Deum & esse, & colendum esse asserant, fidem tamen posse mutari contendunt, si id fortunæ commoditas, aut patris ritus exegerit; profecto sua confessione facile conuicti, quod non plus ab Atheistarum secta dissent, quam permittat volubilis fortunæ commoditas; Deum utique verum esse negaturi, si id suæ commoditatis idolum, vel rei publicæ suaserit. Aduersus hos tamen, quatenus saltem in specie verum Deum admittunt, demonstrabimus, quod sicut vnus est Deus, ita vna est eius colendi religio vera, Christiana videlicet Romana Catholica, quam ipse reuelauit, & de cuius reuelatione homines certos esse voluit. Quoties enim princeps & legislator lege sua aliquid præcipit, id non amplius liberæ subditi electioni relinquitur, ita ut indifferens, & adia-phorum dici valeat, sed nisi obseruetur, princeps offenditur.

Quintus est contra Iudæos, qui aliquando veram pietatem, & religionem coluerunt, fueruntque populus Dei electus, sed cum ipsis fatentibus rota eorum lex & religio, quatenus à Christiana differt, sit præfiguratiua, & significatiua rerum in altera Religione, vel ut melius dicam, eiusdem religionis ritum tantum altero futurarum: & nominatim tota sit in prænuntiando Messia venturo: ij profecto per necessariam consequentiam coguntur fateri eam nullo modo debere esse perpetuam, sed aliquando commutandam in aliam, quæ quia Messiam, seu Christum ipsum authorem, & institutorem habere debet, idcirco purè & simpliciter Christiana nuncupatur. Cum autem omnes eorum prophetias ætate Christi impletas fuisse constet, & quæcumque Christi venturi nota, & insignia prophetis data fuerant, ea in Iesu nostro clarissime expressa, & adimpleta videantur: sola eorum perfidia, & obdurati cordis pertinacia ab ipsis

ipsis quoque eorumdē prophetis prædicta, eos in illo errore retinere potest. Et si vocationem gentium audire horrent, liquet, quod magis ex liuore inuidiæ, quam veritatis amore, cum & in semine Abraham ipsius, cuius aded se filios gloriantur, discant ex suis Scripturis, & prophetis benedicendas omnes gentes.

Sextus est contra Mahumetanos, quorum doctrina & religio, quanto magis est plena contradictionibus, fabellis anilibus & ridiculis, tanto facilius erit vanitatem illius ostendere.

Septimus tandem, & vltimus est aduersus hæreticos, qui cum admittant vnam solam Religionem Christianam veram esse, & ad beatitudinem consequendam necessariam: *Vnus enim Dominus, una fides, unum baptisma, unus Deus, & pater omnium*, Ephes. 4. non erit difficile ex illius proprietatibus & notis, vt quod sit Sancta, Vniuersalis & Apostolica aduersus illos probare, solam Ecclesiam Romanam, quæ Romanum Episcopum Sancti Petri successorem, pastorem proprium habet, esse veram & à Christo fundatam Ecclesiam, cui adamussim conueniunt prædictæ proprietates, & notæ in diuinis Scripturis expressæ. Vnde cum non sola Sacra Scriptura, sed vera Ecclesia simul cum illa, ad hanc enim nos ipsæ ablegant Scripturæ, quo ferè modo, estque similitudo conuenientissima, & Scripturis Christus approbatur, & hæ vicissim ab illo; cum inquam sædus amborum viribus inuicem communicatis certissimam efficiat regulam: stantque simul immotum ac generale principium partim credendorum, partim agendorum ad salutem. Stabilito semel quod sola Romana Ecclesia sit vera Christi Ecclesia, aduersus quam Matt. 16. Christus affirmat *portas inferi non præualituras*, quamq; Apostolus 1. Timot. cap. 3. vocat *firmamentum, & columnam veritatis*; statim sequitur illam solam esse verum, ac legitimum iudicem, cuius vltimæ determinationi,

Biblioth. Theol. Tom. V.

& definitioni in omnibus fidei controuersijs stari debet. *Euangelio non crederem*, inquit D. Augustinus contra epist. fundam. cap. 5. *nisi me Ecclesia Catholica moueret autoritas*. Quamuis enim verum sit fidem nostram in dicta autoritatem tanquam in rationem obiecti formalem non resolui, ipsa tamen intercedit tanquam infallibiliter ex assistentia Spiritus Sancti Ecclesiæ promissa proponens obiectum, cui ratio formalis competat; hoc enim pertinet ad ipsam iudicare.

C A P V T II.

De Atheismo, primaque eius origine, causis, & effectibus.

CVM inter omnia Sacræ Doctrinæ principia, primum ac præcipuum obtineat locum supremi alicuius numinis existentia: *Accedenti enim ad Deum oportet credere, id est, eognoscere, quia est*, Hebræor. 11. si ibi sermo sit de existentia Dei, vt authoris naturæ, & ex D. Augustino lib. 4. de ciuit. Dei cap. 20. *Fidei primum, & maximum officium est, vt in verum credatur Deum*: primum etiam ac præcipuum Theologiæ, quatenus polemicæ & reflexiux, munus esse debet, talem Dei Optimi, Maximi existentiam propugnare, & ab Atheorum calumnijs vindicare; quod in sequentibus Deo iuvante, & pro seipso dimicante, totis viribus præstare conabimur, si prius ad completam huius rei tractationē breuiter examinauerimus, quid sit Atheismus, quæ prima eius origo, quæ causæ, & effectus; maxime cum ex his non parum apparitura sit tantæ impietatis difformitas ad lumen ipsum naturæ, & rationis.

Atheismus igitur est nomen græcum significans falsam, & impiam illorum persuasione, qui alicuius supremi numinis existentiam directè negant, dicuntque in corde suo non est Deus. Dixi *directè*, vt non compre-

R 2 hende-

henderem quot quot mortaliter peccant, præsertim qui ex contemptu, cōsuetudine, libertate, ac facilitate tanta, hi enim licet interpretatiuè, & secundum quandam rationem dicantur Deo demere suam diuinitatem, dum ita se gerunt, perindè ac si penitus non esset, vel non esse sibi persuaderent Deum, expressè tamen & directè id non affirmant vt Athei; qui rectè proindè à Regio Propheta insipientes per antonomasiam appellantur psal. 13. & 51. *Dixit insipiens*, vel vt vertunt Hieronymus, & Hilarius, *stultus in corde suo, non est Deus*. Extremæ enim dementiae est Deum negare, & plusquam infidelitatis, quia nec opus diuina fide, vt cognoscatur, & sciatur Deum esse, sed ad id sufficit lumen ipsum naturale. Etsi enim Deum esse ratione aliqua à priori demonstrari non possit, cum ipsemet Deus sit primum, ac fontale totius esse principium, à posteriori tamen, ex dicendis infra, id ita apertè colligitur, ex rerum motu, admirabili ordine, causalitate, gubernatione, consensu, aliisque huiusmodi; vt existimem plures Atheos potius Dei existentiam præ malitia, & quantum ad affectum nolle, quàm præ ignorantia nescire; quod fortè per illam particulam, *in corde*, significare voluit Psalmista locis statim citatis.

Quod spectat ad primam huius impietatis originem, communiter tribuitur Protagoræ, vt testantur Tullius 1. de nat. Deor. & Lactantius lib. de ira Dei cap. 9. & lib. 2. diuin. Institut. c. 2. *Primus*, inquit, *omnium Protagoras exiit tempore Socratis, qui sibi diceret nō liquere, utrum esset aliqua diuinitas, nec ne*. Et quamuis hunc initio non de Deo simpliciter, sed de Dijs Atheniensium dubitasse scripserit Iosephus 2. contra Appionem, sensim tamen Deum omnem sustulisse docent Eusebius lib. 14. de Demonstrat. Euang. cap. 6. & Epiphanius in Panario. A quo errore ita populi tunc abhorruerunt, vt referat Iosephus loco statim

citato, hoc solo nomine Protagoræ naturale solum ab Atheniensibus fuisse deletum, & vtiqum cum ipso tam horrendum impietatis monstrum! At longè aliter res se habet. Nam & complures adhuc post ipsum ex antiquitatis memoria repetuntur, qui diuinitatem funditus negarunt, vt Theodorus Cirenæicus teste Tullio 1. de nat. Deorum, & Diagoras, de quo Athanasius orat. pro Christ. *Diagoras*, inquit, *est apertè promulgata sententia, nullum plane extare Deum*. His accedit Critias, & Clitomarus, ex Theophilo Antioch. lib. 3. ad Authol. Inter Atheos etiam adnumerandus Bion, teste Laertio lib. 4. Lucianus teste Suida in dict. verbo Lucianus. Doletus teste Prateolo V. Athei, Plinius & Lucretius, ipsismet de hoc sua sententia testantibus, altero lib. 2. cap. 1. altero lib. 5. Diogenem Phrygem, Hypponem & alios his adiungit Aelianus lib. 2. variar. Histor. cap. 31. Euhemerum & Theagetem addit Laertius in Aristippo; de Selio quodam ita Martialis.

*Nullos esse Deos, inane calum
Assumat Seli.*

Sed quid antiquos memoro, dum nostris adhuc temporibus omnia ferè mundi regna tot huiuscemodi tenebrionibus scatent, eo cauendis magis, & formidandis quod testi occultique sunt, maiorque propterea impunitate grassantur. Macchiauellum cum suis inter Atheos recenset Læsius c. 2. de prouident. Dei; quod aliarum rerum procuracionem non habere videatur, quam earum, quæ ad externam reipublicæ gubernationem pertinent; de religioso autem cultu ea ratione duntaxat solliciti sint, quatenus ad cōtinendos populos in ciuili disciplina, & obedientia, arbitrio humano expedire iudicauerint. Hæc enim falsa pietatis simulatio ex alio fonte, quàm ex ipso Atheismo proficisci non potest. Merito etiam illis annumerari debent, qui animæ rationalis immortalitatem negant; hæc enim duo dogmata summa

vide.

videlicet supremi alicuius numinis existentis prouidentia, & animorum immortalitas, sunt adeo inter se connexæ, vt se vicissim statuunt & tollant; vnde etiam inter diuersa Atheorum argumenta, istud ab illis fieri solet; sola animæ immortalitas Deum esse conuincere videtur, atqui mortalis est, igitur nullum superest diuinitatis, diuinæ alicuius prouidentię fundamentum.

Apud Caluinistas vigere Atheismum testatur Petrus Gregorius Tolofanus tomo 3. comment. Syntax. artis mirabilis; qui refert librum à Caluinista impressum expressè docentem, *nullum dari Deum, præter naturam*. De alio quodam refert Maldonatus in cap. 36. Math. ver. 26. librum scripsisse, *de arte nihil credendi*. Huius tandem sectæ permultos esse Genevæ colligit Lindanus in suo Dubitatio, ex eo quod cum Caluinistæ de abolendo semel Pontificatu Romano, Purgatorio, alijsque fidei Catholicæ dogmatibus inter se consultarent, vnus insignis eorum magister dixit: *Afferamus animam vna cum corpore interire, sic purgatorium cum missa, & Romano Pontifice semel abolebimus*. Vt enim statim monui, qui semel in eum errorem adducitur, vt animam hominis putet esse mortalem, vel faciliè in Atheismum declinat, vel Atheus est. Angliam non tam circumfuso oceano, quam infuso per hæresim Atheismo fluctuantem, describit Andræas Philopater in responsione ad editum Elisabethę, idem accidere in Scotia ostendit Ioannes Durgus in confutatione responsionis Guillelmi Witacheri. Germaniam, scatere Atheistis refert Ioannes Sturm in 3. par. Antipap. 4. Poloniam, peste eadem contaminatā testatur Stanislaus Rescius in lib. de Atheismis Euangelic. cap. 9. & Vigandus in libello contra Arrianos, vbi queritur sibi ex professo probandum esse, Deum esse; neque id inconsultò factum declarat liber editus in Polonia ab Ochi-

no in controuersiam vocante: *An Deus aliquis sit adorandus*: vt testatur idem Rescius ibidem; & liber editus Cracouiæ, vt refert Bouerius tomo 1. demonst. 1. artic. 2. cum hac inscriptione, *Simonis religio*, ita rem totam concludens, *Edo, bibe, lyde; iam Deus figmentum est*. Ex quibus satis patet, quod si olim dæmonibus nihil fuerit antiquius quam polutheismū hominibus ad idolatriam potissimum persuadere; ita nihil illis modo sit carius, quam falsā Atheismi persuasionem ad omnia impietatum genera disseminare; sed hæc sufficiant de Atheismi ortu & progressu breuiter attigisse, nunc ad illius causas deueniamus, quas quia non minus prolixè, quàm doctè persequitur P. Mersehnus in Genesim cap. 1. vers. 1. artic. 3. illas tantum hic ex ipso insinuabimus.

Prima igitur causa cur aliquis Atheus fiat, est insipientia, cordisque insania atque fatuitas, per quam homines in opiniones absurdissimas, & diuersos errores faciliè labuntur, vnde Psaltes ait: *Dixit insipiens in corde suo non est Deus*, psal. 13. & 52.

Secunda, ingens peccatorum numerus, eorum præcipue, quæ ad libidinem & gulam pertinent, quæ tenebris mentem obsident, & nescio quam habetudinem, atque torporem ingenerant, vt eleganter & doctè more solito D. Thomas 2. 2. quæst. 153. art. 5. explicat.

Tertia, quod ita iudicent homines, prout affecti sunt, ac pro vt rem illam, de qua iudicium ferunt se se habere vellent. Inde enim fit, quod, etsi creaturæ omnes Deum esse appetant naturali, & innato appetitu, velut primam atque præcipuam sui esse causam, appetitu tamen elicito, ne iuxta delictorum suorum grauitatem puniatur, velent animas suas esse mortales, ac proinde Deum non esse.

Quarta, quod homines omnia Dei consilia suo iudicio metiri velint, quæ cum assequi non valeant, putant nullū esse

esse Deum, eo ferè modo quo Saducæi, qui dum spiritus concipere non possent, eos esse negarunt.

Pro quinta causa statui potest impatiencia hominum & incredulitas, qui nisi statim impetrent, quod à Deo postulant, nullum esse Deum falsissimè concludunt, ex eo quod non eos confestim exaudierit.

Sexta causa est, quia vident rerum naturalium ordinem semper eodem modo, atque tenore se se habere, quapropter nullum esse rectorem existimant, sed res suoptè genio hos, & illos cursus peragere, hanc aut illam suæ durationis periodum ex seipsis obtinere; cum tamen potius ex ordine, statoque rerum omnium tenore concludere deberent re vera sapientissimum aliquem esse prouiso rem, & gubernatorem, qui modo convenientissimo, sapientiaque ineffabili hæc omnia indebitum ordinem redigat, atque moderetur.

Septima causa est, inordinatum studium nimiaque sollicitudo, quæ nonnulli rebus naturalibus incumbunt, & earum motus omnes, opera, proprietates & affectiones in causam naturalem referunt adeo ut nihil illis supra naturam esse videatur.

Octaua causa est hæresis, quæ est ad Atheismum via latissima, nec mirum, cum hæresis & Atheismus eadem originem habeant, incredulitatem vide licet, quæ ex superbia, atque nimia proprii iudicii æstimatione proficiscitur.

Nona, impiorum familiaritas & consortium, cuiuslibet status, & sectæ hæreticos alloquendo; ubi enim vident aliqui vnumquemque eorum affirmare, atque iurciurando confirmare, quod sit ex illius parte veritas, alios verò falsitatem, & mendacium sectari, inde concludunt melius esse nihil ex ijs, quæ spectant ad religionem, quam aliquid credere.

Decima est, quia belluarum instar solis sensibus credunt, præter quorum

obiecta, cætera omnia, quæ ad diuina atque spiritualia pertinere dicuntur, Chimerica & phantastica existimant.

Vndecima, cum aliquid quod antea velut miraculosum credebatur Atheus vi causarum naturalium fieri deprehendit, statim imperitè concludit, cætera quæ miracula, atque adeo solius Dei opera nuncupantur, ut mortuorum resurrectionem, cæcorum illuminationem, & alia mirabilia, ut quod demones aliquos possideant, & energumeni quantumvis ignari varijs linguis loquantur, vel naturæ vi, vel alicuius peritissimi artificis causas occultas applicantis industria fieri.

Duodecima, quod impios bonis omnibus affluere, in regnis, atque rebus publicis primatum tenere, bonos opprimere videant, iustos autem malis omnimodis plerumque opprimi, atque pro nihilo haberi: hinc enim concludunt Athei vel nullum esse Deum, vel eum bonitate, iustitia, atque providentia carere:

Decima tertia, quia dum tam pauci eos esse audiunt, qui diuino cultui vacent, & numen diuinum debita veneratione prosequantur; hinc concludunt fieri non posse, ut re vera sit aliquis Deus optimus, qui fidelium, & omnium hominum, totiusque mundi curam habeat, alioquin, inquiunt, facere debuisset, cum illud posset, ut vel omnes verum eius cultum, vel saltem, plures amplecterentur.

Decima quarta, quia existimant quæcumque vera esse dicuntur, eodem modo probari, atque adeo res morales & diuinas sub Mathematicam demonstrationem cadere debere: cum tamen vnumquodque suum peculiare modum habeat, & alia sint moralia, alia diuina, alia etiam physica, metaphysica, & mathematica argumenta.

En ex præfato autore præcipuæ rationes & causæ Atheismi, quibus ex eodem sua etiam alexipharmaca infra subiiciemus, ad Atheorum argumenta ex supradictis rationibus, & causis, alijs-

CAPUT III.

Ostenditur hominem ad certam, ac demonstratam Dei cognitionem naturaliter peruenire posse, via ascensus, & a posteriori.

alijsque similibus deprompta respondendo; nunc superest, ut abominabiles eiusdem impietatis fructus videamus; ut enim Atheismus est effectus, ita & radix omnium vitiorum in voluntate; sic Chrysostomus in psal. 13. Athei cor templum impietatis appellauit; sic Regius Propheta tam psal. 13. quam 52. asserit, eos, qui insipienter dicunt in corde suo non est Deus, corruptos & abominabiles factos esse in studijs, & iniquitatibus suis, nec esse qui faciat bonum, non esse usque ad vnũ. Enimvero quemadmodum assensus in hanc propositionem, *Deus est*, fundamentũ est totius religionis, & principium per se dirigens voluntatem ad bonũ honestum, radixque totius bonitatis moralis, adeo ut Plato lib. 10. de legibus dixerit, *Qui Deos esse putat, nec facit quicquam sponte impie, nec loquitur*; ita semel illo sublato, necesse est omnem virtutem de medio tolli, timorem omnem e cordibus hominum eradicari, & tandem vitijs omnibus, criminibusque frãna liberius laxari, usque ad omnẽ prorsus humanitatis corruptionem. *Quomodo enim*, ait Nissenius tr. 2. psal. 13. *in suo quis esse daret, qui non est in eo, qui est? Quomodo quis maneat in eo qui est, si non credat ei qui est quod sit?* Vnde sicut corruptio abominationem meretur, inquit Hilarius ad eundem Psalmi locum, nihil etiam regnis omnibus, rebusque publicis bene institutis execrabilius esse debet; quam falsum illud insipientum Atheorum dogma, dicentium in corde suo *Non est Deus*.



Quia præter Atheos existentiam Dei absolute negãtes, sunt aliqui hæretici vt Illyricus, & Lutherus apud ipsum, qui illam ita admittunt, & saltem voce consentiunt, ut tamen existiment sine scriptura solo affulgente lumine naturali homines nihilo plus de Deo scire; quam pecudes; sunt etiã aliqui doctores Catholici concedentes, rationes naturales, quæ afferuntur ad probandum Deum, omnes quidem esse probabiles, & intra genus probabilitatis multas esse adeo efficaces: & certas moraliter, ut reddant homines inexcusabiles, si non venerentur Deũ; & illi debitum obsequium præsent(in quo valde differunt ab Atheorum & hæreticorum sensu) non tamen esse veras ac perfectas demonstrationes; ideo priusquam ad illarum examen in particulari deueniamus aduersus illos omnes, placuit videre in communi an & quatenus certum sit Dei existentia esse à nobis naturaliter cognoscibilem & à posteriori demonstrabilem; cui difficultati respondeo affirmatiue, & quia agitur cum aliquibus aduersarijs diuinarum Scripturarum auctoritatem recipientibus ex illa primum est nobis probanda nostra sententia.

Itaque in veteri testamento Iob 36. habetur. *Omnes homines vident eum, scilicet Deum, unusquisque intuetur procul*. Quod de notitia Dei euidenti ex creaturarum consideratione naturaliter acquisibili, communiter explicatur à Sanctis Patribus, sicut & illud Isaie cap. 40. v. 26. *Leuate in excelsum oculos vestros; & videte quis creauit hæc*. Item Sapient. 13. dicitur, *Vani autem sunt omnes homines, in quibus nõ subest scientia*.

scientia Dei, & de his, quæ videntur bona, non potuerunt intelligere eum, qui est; neque operibus attendentes, agnouerunt, qui esset artifex, & post pauca subiungit, à magnitudine enim speciei, & creatura, cognoscibiliter poterit creator horum videri, & post pauca rursus. Si enim tantum potuerunt scire, ut possent æstimare seculum, quomodo huius dominum non facilius inuenerunt. Vbi Sapiens ex communi interpretum consensu inuehitur contra illos, non qui nullo modo cognouerunt Deum, ne probabiliter quidem, ut satis constat ex toto contextu, & maxime ex ultimis verbis citatis; sed contra illos philosophos, & existimatos Sapientes, qui cum haberent scientiam huius sæculi, id est rerum corporalium & terrenarum, tantam tamen non habuerunt, quantam potuissent de Deo naturaliter habere ex creaturis ad excludendos falsos Deos; quantitatem autem explicat Sapiens primo illo vocabulo, *Scientia*, secundo illis verbis, *cognoscibiliter videri*, quæ in proprio & primo sensu denotant cognitionem euentem certam; sicut & illa priora: *A magnitudine speciei, & creatura*, exprimunt cognitionem istam certam & euentem peti à rebus creatis tanquam propriis effectibus ipsius Dei; similiter ex psal. 18. *Cali enarrant gloriam Dei, &c.*

Alius & principalis locus, qui afferri solet, est, ex D. Paulo ad Romanos cap. 2. ubi sic habet: *Reuelatur enim ira Dei de celo super omnem impietatem, & iniustitiam hominum eorum*, (scilicet infidelium) *qui veritatem Dei in iniustitia detinent, quia quod notum est Dei, manifestum est in illis, Deus enim illis manifestauit; Inuisibilia enim ipsius à creatura mundi, per ea quæ facta sunt, intellecta conspiciuntur: sempiterna quoque eius virtus, & diuinitas; ita ut sint inexcusabiles. ubi etiam illæ particulæ, manifestum est illis, & illæ aliæ, intellecta conspiciuntur, in prima & propria sui significatione denotant cognitionem euentem, nempe à posteriori, ut ex textu colligitur.*

Quare D. Hieronymus in illud D. Pauli, *intellecta conspiciuntur*, tam euidenter, inquit, intellecta sunt, ut conspecta dicantur. Et S. Dionysius de diuinis nominibus cap. 7. asserit Deum per scientiam cognosci. Item epistola ad Titum, *Aduertendum est, inquit, duplicem esse traditionem Theologorum: unam symbolicam & mysticam, alteram philosophicam & demonstrantem*. Quem locum explicans S. Maximus ait, *Philosophicam, & demonstrantem Theologiam appellari, quæ est ex perspicientia creaturarum*. Quo certè nihil clarius ad præsens institutum. Tandem D. Cyprianus libro de idolorum vanitate, D. Athanasius orat. contra idola, & D. August. lib. de spiritu & littera cap. 12. docent quod Athei negent Deum esse; id prouenire tantum ex eorum proteuita, vel cæcitate, quod scilicet nolint perpendere vim argumentorum; non autem ex defectu sufficientis demonstrationis ut in solutione obiectionum magis declarabitur.

Quapropter si in quibusdam alijs Sacræ Scripturæ, Sanctorumque Patrum locis videtur hominibus adimmi omnis cognitio Dei, & in psalmis sæpius habemus, non esse intelligentem Deum, & Isaia cap. 1. *Israel autem me non cognouit*. Ad vitandam omnem diuinarum Scripturarum antologiam, respondeo omnia huiusmodi loca debere intelligi ex subiecta materia, iuxta aliquem ex subsequentibus sensibus. Vel quod loquantur de cognitione existentie Dei, ut dispositiua ad salutem; ad quam non est dispositio scientia, siue cognitio Dei ut authoris naturæ; sed fides, siue cognitio Dei, ut authoris supernaturalis; *Accedentem enim ad Deum oportet credere quia est*. Hebræor. 11.

Vel secundò, debent explicari de Deo non secundum quæsitum an sit; sed quid sit, ita enim per demonstrationem à posteriori ex creaturis tanquam ex effectibus distinctè, & euidenter probari potest existentia Dei,

ut ta-

vt tamen quidditas eius, aut essentia, nisi valde imperfectè, & sub confusa quadam tantum ratione cognosci possit. S. Athanasius ad Serapionem de Spiritu Sancto, ait, *Deitas non demonstratione rationum traditur, sed fide.*

Vel tertio loquuntur de quibusdam diuinis mysterijs, quæ naturaliter minimè possumus attingere, vt Deum esse Vnum & Trinum, velle nos gratis iustificare, per Christum crucifixum peccata condonare, atque in æternæ felicitate hæc nostra corpora eadem restituere, & similia, quæ vt sunt supra totum ordinem nature, ita & supra totum rationis humanæ caput & vires. Quare D. Paulus supracitato ad Romanos loco, vbi de naturali Dei cognitione differens ait, *Quia quod notum est Dei, manifestum est in illis &c.* Græcè legitur τὸ γνωστὸν τοῦ θεοῦ, ac si diceremus, quod est cognoscibile Dei, siue potuit cognosci de Deo naturaliter, illis manifestum est.

Quarto possunt intelligi scripturæ de scelettis hominibus, qui Deum cognoscere ex creaturis non potuerunt, ex suppositione prauæ affectus, quo ad alia diuertebantur. Addes nonnullos ex illis fuisse adedò impios, vt conati sint etiam persuadere sibi & alijs non esse Deum; & quamvis hoc perficere non potuerint reclamante animo, & oblutante conscientia, tamen scriptura de illis pronunciat & loquitur iuxta eorum conatus, & sit ait illos Deum non cognouisse.

Quinto fatentur quidem impij vt habetur ex D. Paulo, & ex alijs locis supra allatis Deum esse; at quia potest de illius natura & proprietatibus ea decernunt; vnde Deum non esse optimè inferri posset; dicebant enim, suorum scelerum multitudine oppressi, & tenebris obuoluti, Deum humanis rebus non providere, nec pro meritis vnicuique reddere, hominumque cogitationes & actiones minimè respicere, & similia; ideo scriptura negat eos Deum cognouisse; verus enim Deus

Biblia. Theol. Tom. V.

non ita se habet, sicut illi insipienter fingebant.

Postremo tandem, dum sæpius asserunt scripturæ, non esse qui intelligat, vel requirat Deum, non est quod homines se vera non cognouerint, aut cognoscere non potuerint Deum certò & euidenter, sed quod ea cognitione perperam vsi sunt, non glorificando Deum, sicuti eum cognouerunt, Quia autem Deum sic nosse, non solum nihil prodest cognoscenti, sed ad maiorem etiam eius condemnationem, & confusionem vertitur, propterea scriptura sæpius ita illud reijcit, vt ne dignetur quidem nomine diuinæ notitiæ illud insignire; & impios, cum tales fuerint, asserit Deum ignorasse. Eo fere modo quo per oppositum in scriptura dicitur de Deo, eosdem impios nescire, & ignorare, quos ad salutem, & gloriam nescit. Sed de his satis, nunc ad rationes veniamus.

Secundò probatur ratione, diuinam existentiam esse euidenter demonstrabilem, vera demonstratione à posteriori; & quia de hac demonstrabilitate diuinæ existentie dupliciter loqui possumus, primo veluti secundum se, an nimirum quantum est ex se, & per se sit demonstrabilis; Secundò respectu nostri, an etiam spectata natura, & conditione humani intellectus pro presenti statu viz, non solum per se, & ex se sit demonstrabilis, sed etiam in ordine ad imperfectionem nostri intellectus ostenditur veritas nostræ conclusiones in primo sensu.

Quia ex effectu potest quantum est ex se demonstrari causa necessaria, seu necessario requisita ad productionem talis effectus, sed creaturæ omnes sunt veri quidam effectus Dei, & Deus est causa necessaria, seu necessario requisita ad illarum productionem, ergò per se loquendo, seu quantum est ex se potest euidenter demonstrari Deum esse demonstratione à posteriori, ex creaturis tanquam ex effectibus. Maior huius argumenti est certa, & euidenter lumine

S

naturæ

naturæ, ut satis patet ex tota philosophia, in qua ex effectibus, necessariaque illorum connexionem cum suis causis, argumentamur ad illarum notitiā, saltem quoad an est; Et ratio vniuersalis est, quia sicuti ex hoc, quod causa, ut sic, dicit ordinem ad effectum, possumus per illam à priori argumentari ad effectum, ita etiam à posteriori per effectum ad causam, quia etiam effectus dicit ordinē ad suam causam, præsertim quando causa non est per se nota, ut accidit, & supponitur in præsentī; vnde non video quid huic maiori ab aduersariis rationabiliter responderi possit. Minor autem assertur, ut propositio cognita per fidem, quæ a nullo consequenter Catholico negari potest; est enim argumentum Theologicum ex maiori necessaria lumine naturæ, & ex minori cognita per fidem, quod est diligenter aduertendum, ad resolvendum quanta, & quali certitudine sit certa conclusio nostra.

Ostenditur etiam veritas nostræ conclusionis in secundo sensu; 1. addendo tantum aliquas particulas argumento statim factæ: ex effectibus notioribus nobis possumus nos certò & euidenter deuenire in cognitionem existētiæ causæ illorum; sed creatura sunt effectus nobis notiores, quorum Deus est causa necessaria, hoc est necessariò ad illorū productionem desiderata; ergò ex creaturis possumus euidenter deuenire in cognitionem Dei; quod argumentum, ut dixi non differt à primo nisi quod ibi maior erat absoluta, hic autem additur illa particula nobis, seu in ordine ad nos.

Secundò probatur, quia quotiescumque est cognoscibilis certò & euidenter infallibilis & necessaria connexio effectus cum sua causa, demonstrabilis est etiam ex effectu causa; sed ab intellectu humano cognoscibilis est certò & euidenter infallibilis atque necessaria connexio inter creaturam, & Deum; ergò ab intellectu humano demonstrabilis est ex creatura Deus. Vbi maior pro-

positio videtur omnino certa, tota si quidem argumentatio ab effectu ad causam fundatur in necessaria & infallibili connexionem vtriusque. Minor verò; præterquam quod sufficienter constat ex superius adductis sacre Scripturæ locis, probabiturque inferius adducendo rationes, quibus aduersus Atheos Dei existentiam demonstraturi sumus, sic declarari potest; nomine Dei in illa contento intelligimus primā causam, primumque principium: nomine creaturæ totam entis creati collectionem; sed hæc dicit infallibilem connexionem cum causa prima & increata, certò & euidenter ab humano intellectu cognoscibilem &c. cū enim ens creatum non potuerit creari, vel produci ex seipso, alioquin esset simpliciter prius & posterius seipso, quod inuoluit contradictionem, effectusque actu antequam esset, ut inferius dicemus; statim intellectus benè ac sapienter dispositus colligit certò, & euidenter ex terminis ipsis debuit creari ab aliquo extra ipsum, atque adeo ab ente increato, quod est extra collectionem creati.

Quod spectat modo ad certitudinē nostræ conclusionis an nimirum sit de fide, vel non à diuini sunt inter se doctores, aliqui enim existant illam esse tantum certam certitudine quadam philosophica, non autem Theologica, ita ut qui illam negaret nulla prorsus censura Theologica esset dignus; alij tamen volunt illam ita esse certam, ut existiment oppositam esse, vel temerariam, vel erroneam, vel contra fidem. Diuus enim Thomas de verit. quæst. 10. artic. 12. dicit esse manifestè falsam, & 1. contra gentes cap. 12. appellat errorem, quam censuram probant multi; Bannes 1. p. quæst. 2. art. 2. temerariam in fide; nouissimèque Nicolaus Isambertus ibidem; hereticam appellat; quatenus vult conclusionem nostram esse de fide.

Nihilominus hac in re distinctione aliqua vtendum puto; sicut enim hæc duo valdè inter se distinguuntur, aliquid posse

posse demonstrari, & aliquid reipsa, & de facto demonstrari; primum si quid affirmat dari solummodo sufficiens medium, per quod talis veritas possit demonstrari, illud tamen non explicat in particulari, nec de facto applicat: Secundum verò id præstat & exequitur; sicut hæc duo, inquam, valde inter se distinguuntur, ita etiam aliud est negare absolute demonstrabilitatē diuinæ existentiae à posteriori per creaturas, & aliud negare quod rationes, quæ ad hunc finem de facto adducuntur, non sint efficaces, nec veræ & perfectæ demonstrationes; Si quis igitur Theologus id negando, concederet tamen veritatem esse ex se nobis demonstrabilem, existimarem illum non esse censura aliqua Theologica dignum, nam re vera non est certum secundum fidem, aut secundum Theologiam, quod hæc, vel illa ratio in particulari, ad probandum Deū esse, sit perfectæ demonstratio; pro pessimo tamen philosopho esset habendus, quia, ut videbimus infra, non est dubium, quin aliquæ ex his rationibus, si non omnes, attentis duntaxat principijs philosophicis solo lumine naturali notis, sint veræ, & perfectæ demonstrationes, pro demonstranda aduersus Atheos supremi alicuius numinis existentia.

At si quis negaret primò, Deum non esse à nobis tanta certitudine cognoscibilem, ex creaturis, quanta satis sit ad inducendum debitum cultus, existimarem planè illum esse hæreticum; quia testimonia sacre Scripturæ, quibus nostram conclusionem supra munimus, si accuratè ponderentur, expositione Patrum illis adiuncta, ad minimū probant, tanquam quid de fide certum, possibilem esse naturaliter talem Dei cognitionem, propter quàm homines, qui ita Deū cognoscant, teneatur eu mcolere, ita ut, si scūs faciant, sint omnino inexcusabiles.

Iterum si quis negaret cognitionem hanc non esse demonstratiuam, siue quod idem est, assereret diuinam exi-

Biblioth. Theol. Tom. V.

stentiam non esse naturaliter à nobis demonstrabilem demonstratione à posteriori per creaturas; esset illa opinio non esset apertè hæretica, ad minus tamen iuxta censuram D. Thomæ, & aliorum dicenda esset temeraria, & erronea in fide. Ratio est primò, quia negare conclusionem argumenti Theologici constantis ex maiori necessaria lumine naturæ, & ex minori cognita per fidem, non vacat temeritate, vel errore Theologico; Sed ut patet ex argumentis supersuperius facti hæc propositio, seu conclusio, quod Dei existentia sit demonstratiuè, seu euidenter cognoscibilis per creaturas, sequitur ex maiori necessaria lumine naturæ, & ex minori certa, secundum fidem; ergo illam negare nō vacat temeritate, erroreque aliquo Theologico, ut potè contra certissimā conclusionem Theologicam. Cuius multa, & manifesta possent adduci exempla; si enim aliquis existimaret, sicuti reuera est, quod ex eo, quod homo sit rationalis, euidenter sequitur quod sit risibilis, si semel ex fide certum esset, hominem esse rationalem, sequeretur ex euidenti discursu Theologico quod etiam esset risibilis, ita ut si quis negaret consequentiam, non solum esset temerarius in philosophia, sed etiam in Theologia; eodem modo, si euidentis est, ex effectibus à nobis posse cognosci demonstratiuè causam à posteriori, ut libenter admittunt doctores contrarij, cum certum sit ex fide, creaturas esse effectus Dei, certum erit etiam ex discursu Theologico, ex creaturis posse euidenter cognosci diuinam existentiam à posteriori; quare non video, quomodo, si quæ esset opposita inter doctores Catholicos sententia, posset à temeritate excusari; Dixi *Si qua esset* &c. quia non desunt, qui asserant Gabrielem, Petrum Alliaccensem, Bassolium, & alios pro illa citari solitos, tantum fuisse locutos, de aliqua demonstratione euidenti, quæ statim extorqueat assensum, conuincat omnem omnino intellectum quantumuis rudem;

dum negarunt naturalem existentiam diuinæ demonstrabilitatem; non autem de demonstratione intellectum non proteruum, ac bene dispositum conuincente, de qua tantum procedit difficultas, quando dicimus Deum non probabili solum suasionem, sed demonstratione euidenti cognosci posse ex creaturis, ut explicabitur infra tam in solutione argumentorum capite 4. quàm capite 5. notando aliqua ad disputationem contra Atheos necessaria.

Secundò etiam temeritas talis sententiæ satis patet ex superius adductis sacræ Scripturæ testimonijs; quæ in prima & propria sui significatione, ita videntur expressè denotare certam, & euidentem cognitionem petitam ex necessaria habitudine, & connexionem, quàm creaturæ, posita sua existentia, habent cum Deo, ut ad minus sit temerarium, & erroneum, contrarium asserere. Iuxta regulam enim communem & certam, quotiescumque verba S. Scripturæ in suo proprio, & primario sensu, quem præ se ferunt, accipi possunt sine periculo alicuius absurdi, non possunt sine aliqua ad minimum temeritate, detorqueri ad aliquos alios sensus minus proprios, alioquin ante expressam definitionem Ecclesiæ nihil haberemus certum in sacra Scriptura; at quod prædicta sacræ Scripturæ loca sic intelligantur non modo nullum sequitur absurdum, sed inde potius multo magis inexcusabiles redduntur mali homines, si Deum non agnoscant; ergò si non euidenter, prudentissime tamen, ita debet intelligi & explicari, ut recurrere ad alium sensum minus proprium, quod nimirum scriptura loquatur tantum de aliqua probabili, & coniecturali cognitione, censeretur debet ad minimum temerarium, & in fide erroneum.

Neque his obstat, quod illa verba, sciendi, videndi, conspiciendi, manifestandi, & si quæ alia in testimonijs scripturæ pro nostra conclusione citatis habentur, reperiantur etiam in alijs eiusdem scripturæ locis, ubi non significat

perfectam scientiam per demonstrationem habitam; ut Ioannis 17. ubi Christus Dominus dicit *Pater manifestaui nomen tuum hominibus*; & tamen non ita manifestauit, ut homines haberent scientiam de illo. Hoc inquam, & similia dictis non obstant, talis enim responsio, vel instantia; ad summum facit sententiam nostram non esse omnino certam, & exploratam secundum fidem, ita ut opposita sit euidenter heretica, non tamen impedit, quin sit adeo certa, ut opposita sit saltem erronea & temeraria.

Ratio est quia in his alijs locis sacræ Scripturæ, aliundè certum habemus, quod illi modi loquendi non possunt intelligi de vera scientia, ex subiecta nimirum materia cui applicantur, quam nonnisi per fidem cognosci posse est in confesso apud omnes; quod tamen non habemus in casu nostro, siue in locis scripturæ pro nostra conclusione citatis, quæ applicantur materię vel subiecto, ut cognito solo lumine naturæ, ex concessis ab ipsimet aduersarijs de cognitione saltem probabili, & sufficienti ad inducendum debitum Deo cultum; Vnde cum cognitio, qua aliquod obiectum naturaliter cognoscibile dicitur videri, manifestari, conspici, attrahari, non possit esse alia, quam vera, & perfecta demonstratio; hinc est, quod citata à nobis scripturæ loca, ita sunt de illa intelligenda, ut sit ad minimum temerarium, si non hæreticum, contrarium asserere; maximè cum neque aliundè constet, non ita intelligi debere, neque ex hac intelligentia sequatur aliquid absurdi.

Ultra quod, etsi nullum sit inconueniens quod aliquando in scripturis nomen scientię, vel aliquarum etiam eius proprietatum, diuinæ fidei attribuitur; quia perfectior est sua sola certitudine, quam scientia naturalis sua euidentia, ut suo loco diximus; vnde etiam ij, qui existimant Deum esse, esse per se notum, de quo infra, si explicarent loca citata scripturæ, de hac euidentia maiori, quàm sit euidentia per demonstrationem a-

posteriori, non essent digni censura, quia re vera fatentur Deum esse euidenter à nobis cognoscibilem, quod præcipue ibi intendit Spiritus Sanctus; etsi, inquam, res ita se habeat; tamen in nostro casu videtur esse magnum inconueniens, attribuire cognitioni tantum probabili & coniecturali, proprietates & nomina cognitionis demonstratiuæ; siue quod idem est, interpretari verba scripture, quæ in primo & proprio sensu significant cognitionem certam & euidentem, de probabili tantum & coniecturali; maximè cum in locis à nobis citatis, videatur scriptura vim facere in talibus verbis, & veluti illis argumentari ad probandum expressè, existentiam Dei esse euidenter cognoscibilem. Quæ regula est valde notanda, licet enim quando Scriptura sacra vtitur aliquo verbo obiter ad significandum aliquid, ex modo communi loquendi hominum, nullum sit inconueniens quod non sumatur in rigore suæ & exactæ & perfectæ significationis, quia alioquin redderet sensum falsum; tamen quando vtitur illa aliquibus verbis, ita vt vim faciat in illis, & veluti argumentetur ad probandum id, quod illa verba significant, vt contingit in nostro casu, tunc est valde temerarium illa detorquere ad aliquem improprium & Metaphoricum sensum.

Ex dictis sequitur propositionem hanc, *Deus est, si intelligatur præcisè de Deo, vt est author naturæ*, & sic nihil aliud significat, nisi quod detur vna suprema causa omnium rerum, ita esse per accidens obiectum fidei, in eo qui non habet de illa scientiam, vt tamen, per se loquendo sit obiectum merè scibile, tanquam quid præambulum ad fidem eiusq; articulos; vt docet D. Thomas 1. p. quæst. 2. artic. 2. *Sic enim, inquit, fides præsupponit cognitionem naturalem, sicut gratia naturam, & vt perfectio perfectibile.* Quatenus præsupposita semel certa & euidenti cognitione naturali diuinæ existentie, potest intellectus humanus facile conuinci, & di-

sponi ad submittendum se fidei, hoc pacto.

Subijciendum est suum iudicium, omnibus à Deo reuelatis, suppositam naturalem cognitionem quod Deus sit, cum enim ille sit prima veritas quæ nec falli, nec fallere potest, debet consequenter quilibet intellectus esse omnino, & in omnibus ei subiectus; at ea omnia quæ Ecclesia Catholica proponit credenda, non possunt non esse à Deo reuelata, quia vt diximus supra, reuelationem eorum tot miraculis & portentis, alijsque motiuis efficacissimis testatus est, quæ ab ipso solo præstari potuerunt; ergò &c. Vel alio pacto, supposito quod detur Deus, prout mihi euidenter constat, debet etiam necessario dari aliqua vera religio, per quam homines ad debitum sui cultum inducat & moueat; at illa religio non potest esse alia, quàm ea sola, quæ ab ipso approbatur, quæ cultui ipsius magis addita est, quæ maiores illi honores exhibet; quæ denique vitam moresque hominum perfectiori modo obsequio eius subijcit; ergò cum hæc omnia soli religioni Catholice perfectissimè præ omnibus alijs sectis conueniant, statim sequitur, illam solam præ omnibus alijs, esse etiam amplectendam.

Hæc insuper propositio Deus est, & alia huiusmodi, quæ per rationem naturalem nota possunt esse de Deo, vt sapientem esse, veracem esse, in tantum non sunt articuli fidei, sed præambula ad illos; in quantum fides necessario præsupponit antecedentem euidentiam credibilitatis; vnde cum prædictæ propositiones, & similes pertineant ad euidentiam credibilitatis, quæ præambula est ad fidem, rectè etiam præambula ad illam dicuntur. Igitur euidentia credibilitatis versatur potissimum circa duo, & quod Deus ea reuelat, quæ proponuntur credenda; & quod Deus verax sit: quorum vtrumque inuoluit existentiam Dei, vt satis ex se patet: licet autem ad euidentiam credibilitatis,

tis, secundum omnia, quæ includit, sufficiat certitudo moralis, tamen cum agitur de existentia Dei, quæ certitudinis non solum morali, sed etiam physica, & metaphysica est euidenter cognoscibilis, rectè etiam dicitur fidem præsupponere cognitionem naturalem, seu scientiam de existentia Dei, sicut gratia naturam, & perfectio perfectibile. Et quamvis talis scientia non reperiatur necessario in quolibet: satis tamen est, ad veritatem distorum, ut sit apud sapientes, à quibus per fidem humanam transfundatur ad rudes; Sicque utrique adhuc habent euidentiam de existentia Dei, illi quidem immediate per demonstrationem quam apud se habent: hi vero mediatè, credendo ijs qui demonstrationem habent, quod rectè euidentiam in attestante aliquo modo vocaueris; sicuti est illa, qua Constantinopolim esse credimus, pluribus id nobis ex visu vnanimiter referentibus.

At dicit aliquis, D. Paulus ad Hebræos cap. 11. docet, *accedentem ad Deum oportere credere quia est*; igitur ista propositio *Dens est*, non tam videtur esse quid certè & euidenter à nobis cognoscibile, per modum præambuli ad fidem, quàm ipsamet fidei veritas ab omnibus necessario credenda.

Respondetur primò hunc D. Pauli locum esse intelligendum de existentia Dei, ut est author supernaturalis, vltimusque finis eiusdem ordinis, habens talem, vel talem providentiam, creaturarum, &c. non autem de Deo præcisè ut est author naturæ, quosensu tantum asserimus illā veritatem *Dens est*, esse naturaliter demonstrabilem. Ratio est, quia ibi D. Paulus loquitur de accessu ad Deum per iustificationem, ad quam prærequiritur fides; siue de actu fidei necessitate medijs omnibus necessario tam ad primam, quàm ad secundam salutem, qui actus necessarius est, & esse debet supernaturalis, non solum ex parte principij, ita ut sit ab auxilio supernaturali diuinæ gratiæ; non

solum ex parte medijs, ut concipiatur propter diuinam reuelationem; sed etiā ex parte obiecti materialis, seu veritatis quæ creditur; Vnde etiam idem Apostolus ibidem definiens fidem ad salutem necessariam, vocat illam, *Sperandarum substantiam rerum, argumentum, non apparentium*; quæ definitio non esset bona, si non intelligeretur de obiectis omnino supernaturalibus, quæ sola non apparentia & obscura absolute vocari possunt, & non nisi supernaturali reuelatione Dei cognosci.

Secundò respondetur, quod si D. Paulus ibi loquatur de Deo præcisè, ut est author naturæ, ita vocari ab ipso obiectum fidei, ut tantum sit per accidens tale, *nihil enim*, inquit D. Thomas, *prohibet illud, quod secundum se demonstrabile est, & scibile, ab aliquo accipi ut credibile, qui demonstrationem non capit*; etsi enim ut docetur in tractatu de fide, fides separatim concepta de obiectis naturalibus, quæ ratione naturali euidenter demonstrari possunt, non sit per se ad salutem necessaria, tum quia iuxta probabiliorum Sæcti Thomæ sententiam, eiusmodi obiecta naturalia ab ijs, qui habent demonstrationem & euidentiam eorundem, nec possunt quidem diuina fide credi, ob impossibilitatem fidei & scientiæ in vno, & eodem subiecto, respectu vnius & eiusdem obiecti; tum etiam quia admissa tali impossibilitate, nulla ratio, vel authoritas probat, eiusmodi obiecta naturalia, si seorsim ac per se sumantur, diuina fide esse necessario credenda; licet quidem nonnulla ut inuoluta, seu comprehensa alijs obiectis supernaturalibus necessario credenda sint, ut satis ex se constet; quis enim neget saluum fore eum, qui credit Deum, etiam ut supernaturale bonum est, esse vnum infinitum, omnipotentem, &c. etiam si de Deo ut summo bono naturali seorsim nullum fidei actum eliciat.

Etsi, inquam, ita res habeat, aliquā-

do tamen diuinam talium obiectorum fidem quibusdam per accidens etiam simpliciter necessariam esse posse docent aliqui, nimirum ijs, qui & ob ingenij hebetudinem, & ob loci prauæque educationis incommoditatem, omni Dei cognitione naturali destituerentur, si semel est dabilis talis casus, de quo infra, agendo utrum Deus possit inuincibiliter ignorari naturaliter loquendo; aut si non est simpliciter necessaria, saltem potest esse tam in eo, si dabilis est casus talis ignorantie, quam in illo, qui sine perfecta demonstratione, certitudinem tantum moralem haberet existentie diuinæ, ex consentiente, v. g. & constanti testificatione quasi totius mundi profecta. Quid enim impediatur, quin ex auxilio supernaturali diuinæ gratiæ, possint illi tales elicere actum fidei, circa talia obiecta alias naturaliter cognoscibilia certo, & euidenter.

CAPUT IV.

Soluantur argumenta, contra doctrinam superiori capite traditam.

Objicitur primò, nulla causa potest certo, & euidenter demonstrari per effectus sibi improporcionatos, sed omnes creaturæ sunt effectus improporcionati respectu Dei; siquidè finiti ad infinitum, nulla est proportio; ergo per nullam creaturam tanquam per effectum potest certo & euidenter demonstrari Deus; quin potius Sap. 14. videtur innui quod ex notitia creaturarum ortum habuerit Idololatria, dum dicitur, *Quod creatura Dei in odium facta sunt, & in tentationem animabus hominum, & in musculam pedibus insipientium.*

Resp. 1. ad hoc argumentum distinguendo maiorem, nulla causa potest demonstrari per effectus sibi improporcionatos, quoad an est nego, quoad quid est subdistinguo, perfectè concedo, imperfectè, & secundum quid, nego,

cum igitur creaturæ omnes sint effectus improporcionati respectu Dei in essendo, sunt enim effectus tantum inadæquati diuinæ virtutis, atque adeò infinitè illa inferiores, non possumus ex illarum quantumuis accuratà cognitione, venire in perfectam noticiam essentiae diuinæ, etiam abstractiuam, sed imperfectam dumtaxat, & quæ sufficiat ad sciendum, quid nominis de Deo. Quomodo sunt intelligenda diuersa D. Thomæ loca, in quibus docet, nos non posse naturaliter scire de Deo, *quid sit*, sed solum, an sit, nempe quid sit perfectè, & completè, aut sicuti est in se; possumus tamen scire quod sit imperfectè, & incompletè, & confuse, quantum sufficit ad cognitionem, quid nominis; vt expressè docet idem D. Thomas super Boet. de Trinitate, quæst. 6. artic. 3. circa medium; *Est tamen sciendum*, inquit, *quod de nulla re potest sciri an est, nisi quo quo modo de ea sciatur quid est, vel cognitione perfectâ, vel cognitione confusa;* & post pauca, Sic ergo de Deo, & de alijs substantijs immaterialibus, non possumus scire, an est, nisi sciremus quodammodo de ijs, quid est sub quadam confusione, vt ipse ibi rectè explicat.

Responderi potest secundo satis esse proportionem in ratione causæ & effectus; inter quæ proportio in causando stare potest cum improporcionem in essendo, vt notat D. Dionys. de diuinis nominib. cap. 2. patetque ad oculum, in causis & effectibus æquiuocis; vt ex creaturis, tanquam ex Dei effectibus, possumus simul illius existentiam, & quidditatem demonstrare, existentiam distinctè, quidditatem confusè. Quare ad authoritatem Scripturæ Sap. 14. respondet D. Thomas 1. p. quæst. 65. ar. 1. ad 3. *Creatura quantum est à se non retrahunt à Deo, sed in ipsum ducunt quia inuisibilia Dei, per ea, quæ facta sunt, intellecta conspiciuntur, vt dicitur ad Roman. 1. sed quod aueritunt à Deo, hoc est ex culpa eorum, qui insipienter eis utuntur, unde dicitur Sap. 14. quod crea-*

ura factæ sunt in mscipulam pedibus insipientium? Quem verò sensum habeat illa particula, in; dum dicitur, quod creaturæ factæ sunt in odium, & in tentationem, & in mscipulam; explicat idem Sanctus Doctor 12. quæst. 79. att. 2. ad 2. his verbis, Cum dicitur creaturæ Dei factæ sunt in odium, & in tentationem anima hominum, hæc propositio, in, non ponitur causaliter, sed consecutivè, non enim Deus fecit creaturas ad malum hominum, sed hoc consecutum est propter insipientiam hominum.

Obijcitur secundo, creaturæ omnes sunt reuera effectus contingentes; ergo non potest ex illis demonstrativè inferri existentia causæ, nempe Dei; nam omnis demonstratio constat, seu debet procedere ex necessarijs 1. poster. cap. 7.

Respondetur ad hoc argumentum primo, negando consequentiam, nam sicuti effectus necessarius non est à se, ita, & multo minus effectus contingens erit à se, unde non minori necessitate ex effectu contingenti, quàm ex effectu necessario devenire possumus ad certam & evidentem existentiam causæ notitiam; quare ad probationem consequentiæ dicendum est demonstratione procedere ex necessarijs; id est ex ijs, ex quibus per necessariam & evidentem consequentiam inferri possit aliquid, non autem ex necessarijs quoad existentiam, maxime quando est demonstratio tantum à posteriori, & in ordine ad cognoscendam causam tantum quo ad an est; Quamvis etiam dici possit tales demonstrationes existentia divina procedere ex necessarijs, non simpliciter, sed ex suppositione existentia rerum, sicuti enim posito quod creaturæ existant, necesse est existere; ita necesse est existere earum causas, & maxime primam; quod satis superque est ad genus demonstrationis, de quo agimus in præsentia.

Secundo respondetur creaturas omnes ita esse effectus contingentes, seu quid contingens quo ad suam existentiam, eiusque nexum cum illis, ut tamè

illa iam posita, earumdem connexio cum prima causa, quam fundat illarum dependentia à Deo, non sit eis contingens, sed essentialis & intrinseca. Etsi enim Deus ex parte sui non habeat necessariam connexionem cum creaturis existentibus, quia poterat esse sine illis, creaturæ tamen existentes necessariam & essentialem habent connexionem, seu dependentiam à Deo. Iam igitur quando dicimus existentiam Dei posse demonstrari ex creaturis, ut effectibus eius, medium talis demonstrationis non erit hæc existentia creaturarum, quæ est illis contingens: sed ipsa connexio, quam existentia illarum, ut posita vel conservata habet cum prima causa seu Deo, quæ connexio importatur per dependentiam, & est simpliciter & absolute essentialis, & necessario conveniens rebus creatis sic consideratis: quare talis demonstratio existentia Dei per res creatas, semper erit per medium necessarium; neque ad illam necesse est, ut talis necessaria, & essentialis dependentia à Deo, præsupponatur cognita ante discursum, sicuti neque ipsa existentia divina, sed satis est, si cognoscatur primo creaturarum existentia, deinde per discursum procedatur ad notitiam causarum usque ad primam, ut infra videbimus.

Tertiò respondetur distinguendo antecedens, & concedendo creaturas omnes esse reuera effectus contingentes, si accipiantur secundum existentiam, nam cum possint non esse, contingit illis actu esse; negando autem si accipiantur, vel considerentur secundum suam essentiam, sic enim sunt quid necessarium, cum hoc ipsum prædicatum contingentia sit necessarium & essentialiale, nec minus formari possit propositio ab æterno, quod effectus creatus sit de se contingens, quam quod homo sit de se rationalis. At existentia causæ primæ non demonstratur ex creaturis, tanquam ex effectibus contingentibus acceptis secundum existentiam; sed acceptis secundum essentiam; secundum

eundum quam acceptionem, cum ipsa contingentia non cōtingat, sed sit prædicatum essentiale, & necessarium, ut patet in hoc enthymemate, *Datur primum effectibile contingens. Ergo datur primum effectuum necessarium.* Vbi in antecedenti effectibilitas, & contingentia sumuntur, ut prædicata essentialia, & necessaria, nihil prohibet quin demonstratio, qua Dei existentia probatur ex creaturis, dicatur procedere, ex necessarijs. Ad quam etiam non refert, quod tandem resoluitur in existentiam illarum merè contingentem; si quidem hoc est commune omnibus demonstrationibus a posteriori, ut resoluantur ultimò in existentiam contingentem; cum enim pro præsentī statu omnis nostra cognitio ortum ducat à sensibus, resoluitur sēper in aliquod singulare contingens. Igitur sicut prius ex risu actuali colligimus risibile, tum ex risibili demonstramus admiratiū; & ex admiratiuo discursuum, tum denique rationale; ita ex primo effectū colligimus primum effectibile; & ex primo effectibili probamus primum effectuum formando demonstrationem sic.

Quotiescunque datur primum effectibile, datur primum effectuum;

Sed datur primum effectibile.

Ergo datur primum effectuum.

Vel sic,

Quotiescunque dabile est ens contingens, datur ens necessarium in quo radicatur contingens;

Sed dabile est ens contingens;

Ergo datur ens necessarium.

Quæ demonstratio est in Darij, & perfectissima, nam primò constat ex præmissis veris, & necessarijs; secundò est demonstratio à posteriori, quasi à passione ad essentiam, quatenus effectibilitas entis contingentis, quasi fuit ab existentia entis necessarij, ut infra declarabitur adducendo rationes in particulari, vnde probatur existentia Dei.

Obijcitur 3. Si existentia Dei esset
Bibliot. Theol. Tom. V.

certò & euidenter demonstrabilis à posteriori per creaturas, sequeretur, quod saltem ij, qui habiti sunt pro sapientibus & philosophis, quique aliorum de hac re demonstrationes viderunt, non potuissent, neque possent negare Deum esse, siquidem euidencia demonstrationis necessitat intellectum, saltem ad speciem actus; sed ut vidimus supra capite secundo multi etiam Philosophi id negarunt; ergo.

Respondetur primò ad hoc argumentum admittendo maiorem propositionem, & negando minorem, quatenus philosophi illi, qui Deum esse negarunt, potuerunt non penetrare vim & efficaciam talium demonstrationum, aut si penetrauerunt, voce tantum, & non mente aut assensu Deum esse negauerunt.

Respondetur secundò negando sequelam maioris; etsi enim facillimum sit ex creaturis adhibita aliquali consideratione, & discursu venire in aliquā Dei notitiam, vnde etiam hanc habuerunt omnes illi, qui philosophi dicti sunt; quod sufficit ut reddat illos omninò inexcusabiles, cum ex illa potuissent paulatim devenire in aliam, perfectiorem; tamen ad habendam perfectam demonstrationem Dei, requiruntur plures discursus, ut infra videbimus, vnde cum in illorum ponderatione, & examine potuerint, & possint aliqui deficere, vel ex naturali intellectu hebetudine, vel ex multitudine vitiorum, & prava assuetudine, in contrariam falsitatem, atque adeo ex malitia voluntatis retrahentis intellectum ab huiusmodi consideratione, sicuti etiam accidit in addiscendis alijs scientijs, non est mirum; quod aliqui etiam inter philosophos veritatem existentiae diuinæ negare potuerint; quare hoc indicium non est sufficiens ad arguendum, quod Dei existentia non sit certò & euidenter demonstrabilis, respectu intellectus bene dispositi, sed quod non sit facile demonstrabilis, seu demonstratione mæ-

thematica, quæ statim extorqueat consensum, & ad simplicem terminorum explicationem conuincat omnem intellectum, sed demonstratione tantum, quæ post diligentem adhuc illius considerationem, non proteruum ad sui assensum inducat.

CAPVT V.

Premittuntur aliqua ad disputationem contra Atheos necessaria pro demonstratione Dei existentia.

ETSI ad probandam Dei existentiam dupliciter procedi possit primò ex diuina reuelatione, quatenus hæc veritas, Deum esse, seu existere, quantumuis naturaliter cognoscibilis, adhuc tamen multis in Sacræ Scripturæ locis reuelata continetur; secundò adducendo aliquas rationes naturales; satis tamen constat, disputaturum aduersus Atheos vti non posse, nec debere primo illo probationis genere, sicut enim Deum negant, ita & omnem consequenter diuinarum Scripturarum auctoritatem; vnde rationibus tantum philosophicis ex lumine, aut experientia naturali, seu ex rebus corporeis, quæ sub sensu cadunt desumptis, totum cum illis disputationis negotium absolucendum est.

Notandum est secundò duplex esse genus verarum demonstrationum. Vnum earum, quæ vt in fine superioris capitis insinauimus, statim extorquent assensum, & conuincunt omnem intellectum, tales sunt Mathematicæ & similes. Aliud earum, quæ conuincunt tantum non proteruum, vt sunt in physicis dari materiam primam, dari formas substantiales, quæ vt demonstrationes habentur ab omnibus receptissimæ, proteruum tamen, & negantem quadam principia non conuincunt. Huic distinctioni locum dedit Philosophus quando dixit 2. Metaph. tex. 16. *certitudinem sermonis Mathe-*

maticam non oportere in cunctis quærere. Enimverò cum vnumquodque, suum habeat peculiarem essendi modum, certum est, quæcumque esse vera dicuntur, eodem modo probari non posse; atque adeò res morales, & diuinas sub mathematicam demonstrationem cadere non debere, sed alia esse moralia, alia diuina, alia etiam physica, metaphysica, & mathematica argumenta. Sic igitur demonstrationes de existentia Dei non sunt primi generis, sed secundi, scilicet demonstrationes sunt non proteruo, nec suis passionibus & peccatis obsecrato.

Notandum est tertio, quinque potissimè rationes solere adduci ad demonstrandam Dei existentiam, quas ideò S. Thomas 1. p. quæst. 2. art. 3. vias appellauit, quia pluribus argumentandi modis, atque adeò pluribus rationibus, quamuis singulæ ad vnum primum medium terminum reducantur, in vnaquaque ex illis procedi potest, sicuti reuera multi diuersis modis eadem rationes efformant; omnium tamen optimi videntur quinque sequentes, constantes in maiori propositione quinque medijs terminis desumptis ex ipsa definitione quid nominis Dei; cū enim primum ad cuiusque rei notitiā aditum aperiant nouina; primū etiam quod disputaturus aduersus Atheos de Dei existentia, præstare debet, est supponere, vel cum illis conuenire, quid intelligatur per illam vocem Deus, dū ipsi negant Deum esse; vt mox dicemus; itaque ex quinque vijs, quas ponit S. Doctor, & Theologi communiter cum illo, loco statim citato, posunt sic efformari quinque primi syllogismi ad probandum Deum esse.

*Primum mouens immobile est Deus;
1 Sed datur primum mouens immobile;
Ergo datur Deus.*

*Primum efficiens non factū est Deus;
2 Sed datur primum efficiens non factū;
Ergo datur Deus.*

Pri-

- Primum ens necessarium est Deus;*
 3 *Sed datur primum ens necessarium,*
Ergo datur Deus.

- Id quod maximè est ens, est Deus;*
 4 *Sed datur id quod maximè est ens,*
Ergo datur Deus.

- Primum gubernans est Deus;*
 5 *Sed datur primum gubernans,*
Ergo datur Deus.

Norandum est quartò, circa has quinque rationes, seu syllogismos incommuni, unumquemque illorum habere in maiori pro medio termino definitiones Dei non tam quid rei, quam quid nominis; Etsi enim ad demonstrationem quid est, seu, à priori, in qua scilicet aliquod attributum, aut passio probatur de subiecto, oporteat supponere, vel præcognoscere quod subiectum sit, nec non etiam quid sit, ut docet Philosophus 1. poster. cap. 1. & satis ex se constat, tamen ad demonstrationem quia est, aut à posteriori, per quam probatur existentia causæ ab effectu, hoc non est necesse, sed sufficit accipere pro medio termino definitionem, quid nominis, seu aliqualem rei significatæ per nomen descriptionem; quia prius querimus de re an sit, deinde quid sit, atque adeò non est necesse præscire quid res sit, seu exactam illius habere definitionem, ad questionem, an sit, sed satis est præmittere, quid nominis, utcumque. Undè cum prædictæ quinque rationes, aliæque similes, quæ ad probandam Dei existentiam adducuntur, sint tantum demonstrationes à posteriori, debemus etiam tantum in illis uti pro medio termino primo, definitione, quid nominis ipsius Dei, siue quod idem est, creaturis, tanquam proprijs Dei effectibus; nam cum definitiones, quid nominis, respectu Dei, primum sumantur ab effectibus, ut docent Theologi 1. p. qu. 13. art. 1. idem est penitus in demonstranda illius existentia, dicere utendum.

Biblioth. Theol. Tom. V.

esse pro medio termino, ipso effectu loco definitionis causæ, ac dicere, quod uti debemus, definitione quid nominis eiusdem, ut rectè docet D. Thomas 1. par. quæst. 2. art. 2. ad 2. pro medio ad eandem causæ existentiam probandam. Quod etiam in pluribus alijs casibus potest contingere, ut si quis vellet querere, an datur Angeli, & ita argumentaretur, Motores cælorum sunt Angeli, sed dantur motores cælorum, ergo dantur Angeli; ibi enim maior procedit ex medio termino explicante quid nominis Angelorum ab effectu; & quamvis possit oriri difficultas inter probantem, & negantem de notitia, quid nominis, ut constat in præmissis exemplo, posset enim aliquis negare maiorem, tamen certum est; quod quando primum, queritur de aliqua re, an sit, debet conuenire inter affirmantem, & negantem, quid nominis de illa re, ut primus sciat quid probet, & secundus quid neget: illud ergo quid nominis, in quo simul conueniunt affirmans, & negans, debet poni pro medio termino in maiori; quod in casu nostro semper erit aliqualis notitia Dei per effectum, ut satis patet ex terminis ipsis in primo, secundo, & quinto syllogismo superius facto; & quamvis in tertio, & quarto non ita statim constet; re vera tamen ita est, si quidem primum ens necessarium nos non cognoscimus, nisi per ordinem ad res alias non ita necessarias, quæ sunt eius effectus; idem est de eo, quod est maximè ens, per ordinem ad ea quæ sunt minoris perfectionis.

Hinc est quod in prædictis syllogismis sic efformatis, habentibus nimirum in maiori pro medio termino definitionem, quid nominis Dei, non debet probari maior, sed supponi, sicuti in omni prorsus questione debet supponi quid nominis subiecti; Et quidem à nobis, quibus incumbit onus probandi aduersus Atheos, Deum esse, omnino supponuntur ut veræ quinque illæ, vel similes propositiones pro maiori-

ioribus syllogismorum adductæ, quia cognoscimus saltem per fidem, aut per Theologiam illas perfectiones, vel definitiones in illis contentas soli Deo competere, & ita supponimus nos per Deum intelligere, illud ens cui conveniunt talia attributa, seu perfectiones. Similiter ij, qui negant Deum, esse, aut qui à nobis petunt demonstrationes ad illud probandum, debent etiam supponere, quid intelligant per illam vocem, Deus, dum negant Deum esse; quam intelligentiam, seu significationem tenentur à nobis accipere, quibus incumbit opus probandi, & qui solum contendimus eos perducere ad cognitionem Dei, à nobis iam significati per tales descriptiones; sicuti qui negant infinitum in quantitate continua v. g. accipiunt quid nominis talis infiniti, ab ijs, qui illius possibilitatem asserunt, scilicet nomine talis infiniti intelligi quantitatem aliquam continuam actu existentem, quæ non habet terminum suæ magnitudinis, vel quid simile: quod si adversarii aliam Dei definitionem sibi fingant, & de Deo taliter ab ipsis significato, velint contendere, quod non existat, vel non sit demonstrabilis, tunc examinandum est à Theologo cum illis disputaturo, anne vera illa eorum descriptio competat Deo, quod si conveniat debet ex illa procedere, si non libenter concedere debet illis, quod talis Deus nullo modo existat, & quod benefaciât negando, talem Deum esse, donec tandem ipsi conveniant circa quid nominis veri Dei, illi quinque modis vel similibus descripti. Et hoc præsertim modo procedendum est contra Atheos; nam cum Theologis Dei quidem existentiam admittentibus, demonstrabilitatem verò naturalem illius negantibus, advertendum est, an ipsi in definitione Dei aliquid ponant, quod conveniat quidem vero Deo, non tamen sit naturaliter demonstrabile de ipso, ut esse Trinum & Unum. Sic enim vltro etiam illis faciendum est, Deum, ut

significatur, sub talis, vel tali attributo, non esse demonstrabilem, an sit.

Vnde quintò diligenter advertendum est ex Caietano 1. p. qu. 2. art. 3. prædictas quinque rationes vel similes posse asserri ad duo; primò ad concludendum dari illud ens incorporeum, immateriale, æternum, summum, immutabile, primum, perfectissimum, &c. quod & quale tenemus Deum esse; alio modo ad concludendum tantum quædam prædicata inveniri in rerum natura; quæ secundum veritatem sunt propria Dei, non curando quomodo, vel qualiter sint. Ad efficaciam ergo, & veritatem huiusmodi rationum non requiritur quod concludat primo modo, neque ad hoc intentum asseruntur, sed sufficit, quod concludant secundo modo; v. g. primæ viæ ex parte motus sat est, quod inferatur, ergo datur primum movens immobile, non curando utrum illud sit anima cæli, aut mundi; hoc enim petitur in alia questione. Secundæ quoque viæ ex parte efficiētis, sat est, quod ducat ad primum efficiens non factum, non curando, an illud sit corpus, vel incorporeum, hoc enim queritur etiam in alia questione. Tertiæ verò viæ ex parte necessarij, sat est quod ducat ad primum ens necessarium non ex alio, non curando an sit unum, vel plura; de quo etiam est distincta questio. Quartæ quoque viæ ex gradibus rerum, sat est ducere ad id quod maxime est ens; verum, bonum, perfectum, à quo sunt omnis participationes. Et similiter quintæ viæ ex gubernatione, sat est, ducere ad primum gubernans per intellectum quodecunque sit illud. Et ratio est, quia omnia hæc prædicata scilicet, primum movens immobile, primum efficiens non factum, primum ens necessarium, id quod maxime est ens, primum gubernans, & cætera huiusmodi, secundum veritatem, sunt propria Dei, ita ut illa habens non possit esse nisi Deus; & ideo concludendo hæc inveniri in rerum natura, concluditur

ditur etiam sufficienter Deum esse, seu existere. Quæ omnia sunt diligenter aduertenda, vt sciatur, quid præcisè demonstretur per has rationes, & ad quid habeant vim sufficientis demonstrationis; nimirum satis esse, quod per illos demonstretur Deum existere, sub aliquo attributo soli ipsi competente, non autem necesse esse, quod per illas omnia attributa diuina quantumuis naturaliter cognoscibilia directè demonstrentur. Dico directè, quia re vera indirectè, & consequenter adhibitis alijs discursibus, tales rationes efficaciter etiam probant, alia diuina attributa naturaliter de Deo cognoscibilia: de quo vide S. Thomam lib. I. contra Gentes.

C A P V T. VI.

Deum existere demonstratur via motus, aduersus Atheos.

ET si philosophi simul aliquando confundant motum, & mutationem, nihilominus transitum, quo substantia primum trahitur de non esse ad esse, mutationem solent appellare, non motum: transitum verò, per quem subiectum iam existens mouetur ab vno esse ad aliud, vocant motum. Ex mutatione, per quam substantia ex nō esse transit ad primum esse, via causalitatis, & efficientiæ demonstrabitur capite sequenti, Deum esse, vt primum efficiens non factum; nunc ex motu supponente rem in suo esse, & mouente ad aliud esse, probandus est Deus, vt primus motor. Sicut enim ex efficientia rerum arguimus primum ens non factum, & infactibile omnia faciens: ita ex motu rerum non minus clarè colligitur primum ens immotum, & immobile omnia mouens.

Præquam tamen in forma proponamus argumentum, notandum est, istam propositionem Aristotelicam, omne quod mouetur ab alio mouetur, in qua tota huius viæ discursus vis, &

efficacia innitur, posse duobus modis intelligi, mediatè scilicet, vel immediatè; eatenus dicitur aliquid moueri ab alio saltem mediatè, quatenus mobile accepit ab illo virtutem, aut principium quo se mouet immediatè; tunc autem dicitur moueri ab alio immediatè, quando ita mouetur, vt illud à quo mouetur, actualiter in motum, & in effectum cum notu coniunctum, per aliquam actionem influat. Hoc posito aliqui philosophi existimant propositionem Aristotelicam debere intelligi ad præsens institutum vtroque modo, ita vt sit sensus, omne quod mouetur moueri ab alio vel mediatè, vel immediatè, vnde hanc rationem ductam ex via motus finaliter explicant, vt eadem cum via causalitatis & efficientiæ, ita vt idem sit omne quod mouetur ab alio mouetur, ac omne quod fit ab alio fit. Quæ explicatio licet sit vera, & euidentis ad probandam Dei existentiam, vt dicitur capite sequenti, non videtur tamen esse ad mentem neque Aristotelis, qui 12. metaph. indagat Dei existentiam via causalitatis, & efficientiæ; 8. verò physicorum via motus; neque D. Thomæ, qui vbique suorum operum rationem ductam ex via efficientiæ manifestè contradistinguit à ducta ex via motus, quam vocat primam, & manifestiorem viam, mordicusque illam defendit tam 1. contra Gentes cap. 13. quam in compendio Theologiæ, seu opusculò 2. cap. 3. Sic igitur efformari potest argumentum.

Primum mouens immobile est Deus; sed datur primum mouens immobile, ergo datur Deus; vbi maior propositio ex dictis cap. 5. non est probanda, sed tanquam certa supponenda, continet enim definitionem quid nominis Dei, nam re vera nihil est primum mouens immobile nisi Deus; & quamuis tam hæc definitio, quam alie omnes adducendæ, non sint definitiones adæquatæ, etiam quid nominis Dei, parum interest, sufficit enim ad ostendendum an est de aliquo præcisè, quod

quod probetur eius existentia, quatenus vno aliquo attributo sufficienti definitur, etiam si reliqua prædicata naturaliter etiam cognoscibilia non possemus de illo demonstrare; unde tota difficultas est in minori, quam sic proba in forma.

Ad sensum patet plura in mundo moueri; ergo datur primum mouens immobile; ubi etiam antecedens, cum fundetur in re manifesta per sensum, nulla indiget probatione, & si aliquis proteruè, vel stolidè illud negaret, quamuis aduersus ipsum non esset locus huic nostro argumento, sed baculo potius, quam ratione cum illo esset agendum, non tamen sequeretur, quod quantum est ex se non sit vera demonstratio; consequentia igitur in qua iterum tota est difficultas probatur.

Quia necesse est, omne quod mouetur ab alio moueri, sed ut supponimus ad sensum notum, plura in mundo mouentur, ergo ab alio mouentur; rursus hoc aliud à quo cætera mouentur, vel dum ea mouet, est alicui subordinatum, aut subordinabile in mouendo, vel non. Si secundum, habetur intentum, dari videlicet primum mouens immobile, siue, quod ita moueat, ut sit omnino immobile. Si primum, iterum querendum, de illo alio, à quo mouetur, vel cui in mouendo subordinatur, vtrum moueatur, dum mouet, vel non moueatur, si hoc secundum respondeatur, ergo erit primum mouens immobile; si primum, ergo rursus mouetur ab alio, & quia in causis actu mouentibus, & mobilibus essentialiter, ac per se subordinatis, non potest dari processus in infinitum, necesse est, ut tandem deueniatur ad aliquod primum mouens immobile, quod erat demonstrandum.

Cuius rationis vis & efficacia, cum fundetur in illis duabus propositionibus, nempe, *omne quod mouetur, ab alio mouetur; & non est possibilis processus in infinitum, in causis mouentibus essentialiter inter se subordinatis*; ideo etiam

in illis probandis, totus esse debet Theologus hac via vtens aduersus Atheos, pro demonstranda Dei existentia; si enim semel sunt demonstrabiles, nemini etiam nisi proteruo, suisque passionibus excæcato dubium esse potest, quin hæc prima ratio via motus sit vera & perfecta demonstratio ad probandam Dei existentiam; & quamuis aliqui doctores Catholici, alias concedentes, Deum esse, naturaliter demonstrari possit, existiment illam primam, non solum non esse veram, sed nec probabilem propositionem, ob instantias quas patitur, nihilominus tamen hac in re præferendum puto D. Thomæ iudicium locis superius citatis, nec non etiam Philosophi; qui ex illa putauit se demonstrasse Deum esse, ut constat ex 7. & 8. physicorum & 12. metaphysicæ.

Vt autem incipiamus à secunda propositione, quæ faciliior est, & communiter conceditur, ut demonstrabilis ab omnibus philosophis, de qua fuscè agit Arist. 7. physicorum à textu 3. notandum est quod dupliciter possunt esse aliquæ causæ inter se subordinatæ, primò accidentaliter, secundò essentialiter, prima subordinatio maxime est inter illas causas, quarum vna non ageret quidem, nisi accepisset esse, & virtutem ab alia, sed tunc quando agit, non dependet actu ab alia, neque in esse, neque in operari; ita ut omnino per accidens illi sit, in quantum est actu agens, quod illa tunc existat, vel non existat, habueritque suum esse ab illa, ut satis patet in generationibus omnium animalium; At verò causæ essentialiter & simpliciter subordinatæ, quas D. Thomas 1. p. qu. 46. art. 2. ad 7. appellat causas per se requisitas, dicuntur illæ, quarum vltima, dum mouet, necesse est, ut actu moueatur ab alia, & hæc ab alia, & sic vsque ad primam, quæ nulli subordinetur; quomodo cumque id fieri intelligatur de quo est difficultas inter Theologos & Philosophos. Aliqui enim cum Durando existimant ad ef.

ad essentialē causarum subordinatiōem, sufficere, quod dum vltima, & infima causa mouet, aut efficit actū dependeat in esse, & conseruari ab alia superiore, etiam si illa superior non influat immediatē in suam operationem; Alij verō veluti per oppositum putant posse intelligi hanc essentialē causarum subordinatiōem, si vltima, & infima causa, dum agit, indigeret aliquo influxu causę superioris, recipiendo aliquid in se, quo moueretur, aut applicaretur, aut determinaretur, aut compleretur ad agendum, etiam si non haberet esse suum ab illa causa superiori; qua ratione cælum lunę subordinatur cælo Martis; & hoc cælo Iouis, vsque ad vltimum cælum; tertio tandem secundum alios, potest esse hæc essentialis subordinatiō, si vltima, & infima causa mouens, non solum indigeret influxu causę superioris, quo conseruaretur in suo esse dum operatur, sed etiam indigeret influxu eiusdē causę ad operandum, vel recipiendo in se aliquid aliud per illum influxum; vel certē connotando assistentiam illius, quatenus sine illius virtute non est completa totaliter ad operandum, nisi solum in suo ordine ad summum, sed illi necessariō subordinatur, tanquam causę superiori, veluti quoddā instrumentum illius, dependens in esse & in operari ab illa.

Quocumque, inquam, modo ex istis tribus intelligatur essentialis causarum subordinatiō, parum interest ad præsens nostrum institutum, etsi enim communiter Theologi & philosophi reijciant opinionem Durandi asserentis omnes causas secundas subordinari Deo ad operandum, non quia Deus immediatē concurrat cum illis ad eorum operationes, sed quia dum illę operantur, immediatē conseruantur à Deo in suo esse; etsi insuper in tertio subordinatiōis modo clarius adhuc appareat, qua ratione vltima & infima causa dicatur actū mota mouere, cum tam in esse, quàm in operari à superio-

ri causa actū dependeat; nihilominus tamen quilibet ex his modis sufficit ad essentialē causarum subordinatiōem in ordine ad probandum non dari in illis processum in infinitum, sed deueniendum esse ad vnā primā immotā ceteras mouentem; quatenus supradicti tres modi conueniunt in hoc, quod dum vna causa mouet, dici possit actū mota mouere; quod est propriū signum, ac veluti character essentialis subordinatiōis; nam in prima subordinatiōe de qua tantum potest esse difficultas, dum vltima & infima causa mouet, conseruatur actū ab alia superiori immediatē influente in suo esse sine qua actuali conseruatione, & influxu, non moueret, atque adeo aliquo modo actū mota, mouet, id est, actū conseruata in suo esse, quod est quoddam moueri, mouet; & sic de secunda vsque ad primā, quę mouet non mota, suę independentē ab alia conseruante illam, & suas vires in suo esse.

His ita prænotatis, etsi Aristoteles admissa de factō mundi æternitate, in quo errauit, concesserit processum infinitum in causis accidentaliter subordinatis, quod etiam putauit probabile D. Thomas non quidem de factō, sed de possibili 1. p. quæst. 46. art. 2. ad 7. de quo non disputo modo, quia hoc non est necessarium ad rem nostram; nihilominus tam Aristoteles, quam alij omnes philosophi negant talem processum infinitum in causis per se & essentialiter subordinatis, de quibus procedit argumentum; cuius propositiōnis veritas explicatis terminis videtur esse per se nota: ponatur enim, quod post hoc nunc, debeat moueri aliquod corpus, v. g. hic lapis, si hic lapis necesse est, vt moueatur ab alio actū existente, aliquo tandem modo motiōis supra explicatę, & hoc aliud similiter ab alio, & hoc ab alio, ita vt vnumquodque mouens nō moueat, nisi moueatur ab alio, si non datur primū mouens nunquam incipiet hic motus, nō enim potest assignari, id vnde principium

pium motus, quæ est definitio causæ mouentis, seu efficientis; & ob similitudinem causam Aristoteles 1. poster. cap. 16. quem sequuntur omnes philosophi, existimauit non posse dari processum infinitum in præmissis demonstrationum, sic enim nihil omnino sciretur, nam si hæc conclusio dependeat ab hac præmissa, & hæc ab alia, & sic in infinitum, nulla erit præmissa, à qua incipere possit discursus; & sic nihil sciretur, & propterea necesse est in demonstrationibus deuenire ad aliquas præmissas per se notas, & indemonstrabiles, aut quæ saltem concedantur ut tales.

Sed præter has, & similes experientias, & exempla, quæ re vera nullus intellectus bene dispositus negare deberet, veritatem adhuc prædicti axiomatis probat D. Thomas ex ipsismet terminis 1. contra Gentes cap. 13. similitudine desumpta ab instrumentis eorum quibus causæ essentialiter subordinatæ habent hoc commune, ut omnes motæ actu moueant; vnde sic discurre potest. Causæ essentialiter, ac per se subordinatæ habent hoc, ut omnes motæ actu, moueant, excepta prima, si ergo in his daretur processus in infinitum, ita ut non sit assignabilis prima, cæteras mouens, non mota ab alia, omnes hæ causæ essent mouentes motæ, in quo conuenirent cum instrumentis, quæ mota mouent; atque adeo in hoc essent omnes veluti instrumenta, vna scilicet causa esset veluti instrumentum alterius; & hæc alterius, & sic in infinitum; sed consequens est absurdum, ergo necessarium deueniendum est ad aliquam primam causam ita cæteras mouentem, ut sit prima; Maior huius argumenti est certa, continet enim definitionem causarum essentialiter subordinatarum, nec aliud per illas intelligimus; Minor ergo probatur.

Quia eadem ratione, quæ absurdum est, imo impossibile concipere, quod instrumenta agant, ex hoc quod sint mouentia mota, nisi in virtute alicuius

causæ principalis, quæ principaliter agat; ita similiter impossibile est, quod causæ essentialiter subordinatæ, in hoc cum instrumentis conuenientes, quod moueant mota; actu moueant & agant; nisi deueniatur ad causam primam, & principalem, ad quam reducantur, quæ non mota moueat; quare D. Thomas loco prædicto rectè concludit; *Ridiculum est autem, etiam apud indoctos, ponere instrumenta moueri non ab aliquo principali agente, simile enim est hoc, ac si aliquis circa constitutionem arce, vel lecti ponat ferram, vel securim absque carpentario operâgem; oportet igitur primum mouens esse, quod sit omnibus supremum, & hoc dicimus Deum.*

Nec obstat huic D. Thomæ discursui quod re vera causæ secundæ, non sint propriæ, & rigorosè loquendo instrumenta; cum habeant completam virtutem agendi in suo ordine, atque adeo in illo sint causæ principales, hoc, inquam, non obstat; comparatio enim inter instrumenta & causas essentialiter subordinatas non fit in hoc, quod habeant, vel non habeant completam agendi virtutem, in ordine causæ secundæ, sed in hoc quod ambo agant, vel moueant mota, quemadmodum ergo in instrumentis in tantum deueniendum necessario est ad aliquam causam principalem cui omnia subordinantur, in quantum mota mouent, etiamsi cum hoc adnexam habeant aliam imperfectionem, quod ex se non habent completam virtutem agendi, etiam in ordine causæ secundæ, quod parum interest; ita similiter in causis essentialiter subordinatis, quantumvis in suo ordine possint dici completæ, quia tamen non agunt nisi motæ, atque adeo cum actuali dependentia à causis superioribus, vel in essendo & causando, vel saltem in causando, ut satis patet, & supponitur ex hoc quod sint essentialiter subordinatæ, necessarium etiam deueniendum est ad aliquam primam causam, cui aliæ in motu subordinantur, nulli subordinatam.

Plures

Plures aliæ rationes huius impossibilitatis processus infiniti in causis essentialiter subordinatis adduci possent, verum quia aliquæ, aut sunt minus efficaces, aut faciliè reducuntur ad illâ quam attulimus, quæ est omnium clarissima, & efficacissima, & nonnisi à proteruo negari potest, libenter illis supersedeo, ut veniam ad probationem, & explicationem alterius propositionis, quæ multo maiorem habet difficultatem, quomodo scilicet sit verum, quod omne, quod mouetur, ab alio mouetur.

Alterâ igitur propositio, cui tota præsentis rationis vis & efficacia ad probandam Dei existentiam innitur, est, *quod omne, quod mouetur, ab alio mouetur*. Pro cuius intelligentia notandum, illum non ita debere accipi, ut omne quod mouetur, aut mutatur in omni casu sit solum principium passiuum sui motus, non autem actiuum vilo modo, neque per se totum, neque per aliquid sui; sic enim esset falsissima propositio, & non necessaria ad præsentem demonstrationem, & nullo modo ab Aristotele, aut D. Thomâ asserta; etsi enim in sententiâ vtriusque repugnet posse idem realiter mouere per se primo seipsum, siue quod idem est, posse idem esse mouens, & motum, agens & patiens respectu eiusdem, & loquendo de identitate formalis principij agendi, & patiendi; quatenus impossibile est, ut idem sit simul in actu, & in potentia secundum idem, siue sit fermo de actu formali, & potentia formali, ut omnes concedunt, siue sit fermo de actu virtuali, & potentia formali, maximè si sit actus virtualis completus & adæquatus; quod tamen contingeret in casu quo vnum & idem secundum eandem formam, vel rationem esset mouens & motum; quia nihil mouetur, nisi secundum quod est in potentia ad illud, ad quod mouetur; mouet autem, nisi secundum quod est in actu, mouere enim nihil aliud est quam educere aliquid de potentia ad

Biblioth. Theol. Tom. V.

actum, de potentia autem non potest aliquid reduci in actum, nisi per aliquid ens in actu. Etsi, inquam, in sententiâ D. Thomæ res ita se habeat; nihilominus in sententiâ eiusdem non repugnat, quin vnum & idem respectu diuerforum possit esse mouens & motum, agens & patiens; sic enim animantia mouent se ipsa, quia saltem vna pars mouet aliam, sic homo intelligit per suum intellectum; &c. vnde propositio ab illo assumpta, quod omne, quod mouetur, ab alio mouetur, non debet intelligi, quasi, quod omne quod mouetur in omni casu, solum sit principium passiuum sui motus, non autem actiuum vilo modo; quamuis sit ista differentia inter D. Thomam & alios, quod in sententiâ D. Thomæ negantis aliquid posse simul esse in actu, & in potentia, repugnat quod secundum idem sit mouens & motum, principium passiuum & actiuum sui motus; secus tamen in sententiâ aliorum, qui eo ipso, quod admittunt posse aliquid simul esse in actu virtuali, & potentia formali, concedunt etiam posse esse mouens, & motum secundum idem.

Superest igitur ut in alio sensu magis vniuersali, & ab omnibus recepto, probemus hanc propositionem esse veram, omne scilicet quod mouetur, aut mutatur, quocumque genere motus, aut mutationis, tam sensibilis quàm non sensibilis (quos aliqui appellant motus phylicos & metaphylicos) debere ab alio moueri; quatenus, siue sit principium passiuum duntaxat sui motus, siue actiuum & passiuum secundum diuersa, de quo minor est difficultas; siue tandem actiuum & passiuum secundum idem, de quo potest esse maior difficultas, quomodo ab alio moueatur; non habet tamen in se adæquatum principium sui motus in genere causæ efficientis, nisi solum ad summum in suo genere, & ordine, sed necessario debet alteri subordinari ad mouendum; donec perueniatur ad aliud, quod nulli subordinetur, atque

V

adco

adeo sit primum mouens immobile; quod est Deus: Exempli gratia dum homo per virtutem animæ suæ mouetur localiter, nec non etiam intelligit & vult, dico quod quamuis anima ipsius per suas innatas virtutes sit principium efficiens eiusmodi motuum hominis, non tamen est adæquatum principium efficiens illorum, sed necessario connotat aliud principium extra hominem, cui subordinetur ad mouendum, & sine quo non sit completum principium efficiens operationum, nisi forte cum hac limitatione, nimirum in suo genere, & ordine causæ particularis; quod dico de homine, debet etiam intelligi de omnibus alijs agentibus.

Supposita enim semel veritate huius sensus, prout illam statim demonstrabimus, docuitque D. Thomas pluribus in locis quæst. 2. de potentia artic. 7. 3. contra gentes cap. 67. & 1. p. quæst. 105. artic. 5. hoc omnino satis est ad perfectissimam demonstrationem, qua probatur existentia Dei, præcisè prout stat sub hoc conceptu primi mouentis immobilis; cum non possit primò dari processus in infinitum in causis ita essentialiter subordinatis, vt supra diximus; & cum secundò hoc satis superque sufficiat ad intelligendum, quod omne quod mouetur, ab alio moueatur, vsque ad primum, quod mouet immobile, etiam si habeat aliquod principium sui motus in se; *Nihil enim refert*, inquit D. Thomas 1. contra gentes cap. 13. *deuenire ad aliquod primum, quod moueat se secundum Platonem, & deuenire ad primum, quod omnino sit immobile secundum Aristotelem*. Vbi controuersiam conciliat in sensu, & modo loquendi inter Platonem, & Aristotelem dicebat enim Plato omne mouens moueri, etiam primum mouens, cum hac tamen differetia, quod omnia alia mouentur ab alio, vt statim probabimus, at verò primum mouens moueatur a seipso, intelligebat enim Plato, Deum mouere seipsum, quatenus seipsum intelligit, & vult & amat, sine vlla subor-

dinatione, & dependentia ad alium superiorem, quod nulli alteri, competit nisi soli Deo; At verò Aristoteles accipiebat motum, & mutationem propriè, prout dicit potentialitatem in subiecto ad aliquod superadditum, & in hoc sensu rectè dicebat primū mouens esse omnino immobile, quare solum erat differentia in vocabulis, & modo loquendi.

Resumendo modo seriem, & ordinem nostri discursus ad probandum, quod omne, quod mouetur, ab alio moueatur, in sensu à nobis explicato, sic argumentari potest. Quicquid mouetur, seu recipit in se motum, aut mutationem, impossibile est, vt ratione suæ substantiæ, seu entitatis, siue totius, siue partis eius (id est siue habeat partem suæ substantiæ motam, & aliam mouentem, siue totum se totum moueat, vt idem sit mouens, & motum, secundum diuersitatem opinionum de quibus non curamus modo) sit causa efficiens adæquata, & completa, intra totam latitudinem causæ efficientis respectu sui motus; Ergo necesse est, vt etiam aliquid extra ipsum concurrat efficienter ad suum motum, cui inferior ipsa causa subordinatur ad mouendum, sed hoc est moueri ab alio aliquo modo, ergò necesse est, vt omne quod mouetur ab alio moueatur; Vbi omnes consequentiæ sunt evidentes & notæ ex terminis ipsis, quare si concedatur antecedens in quo tota est difficultas, vt statim dicemus, sic vltcrius progredi debet; Hoc ipsum à quo illud aliud mouetur, siue cui subordinatur, vel mouet immotum, aut immobile ita vt sit in omni ordine principium adæquatum & completum sui motus se solo; vel non, sed mouet adhuc motum, alterique subordinatum, expectando ab illo suum complementum; Si dicatur primum, habemus intentum, dari videlicet aliquod primum mouens immobile; si secundum, iterum de illo alio quærendum est, vtrum moueat immotum, vel non; & quia non potest dari

ri processus infinitus in causis ita subordinatis, necessario deueniendum est ad primam aliquam causam, quæ cōpleat efficientiam causarum inferiorū, & sit primum mouens immobile, quod est Deus, à quo cuncta dependeant, in esse, conseruari, & moueri.

Cum ergo tota huius discursus moles innitatur primo antecedenti, sic probari vn̄uersaliter potest ex principijs philosophicis; quidquid mouetur, seu recipit in se motum, aut mutationem, siue totum se totum moueat, siue vna pars ipsius moueat per se aliam, impossibile est, quod sit ens à se, cum essentialiter dicat imperfectionem, & potentialitatem ad aliquid de nouo recipiendum, vt supponimus, ergo necesse est, vt actu dependeat in esse, & conseruari ab alia causa superiori vsque ad primam, tanquam ens per participationem ab ente per essentiam; atque adeo etiam in operari, ita vt eius operatio non possit respicere pro suo adæquato principio id, quod solum est in causa sua proxima, sed etiam virtutem causæ superioris, siue vn̄am, siue plures vsq; ad primam; quatenus talis operatio, nō minus est ens per participationem, quā ipsummet esse causæ quæ mouetur; vnde si tale esse, ex eo quod non sit à se, sed per participationem à superiori, necessario dependet in suo esse, & conseruari à causa superiori siue vna, siue pluribus, multo magis eius operari dependebit immediatē ab iisdem causis superioribus siue vna, siue pluribus vsque ad primam; dicitur, siue vna, siue pluribus vsque ad primam, quia Deus non omnes causas secundas eodem modo disposuit, nam aliquæ sunt, quæ præter suas naturales virtutes, & qualitates, non indigent ad complementū illarum in ordine ad agendum, nisi sola assistentia & concursu primæ causæ, vt Angeli in ordine ad suas operationes intellectuales, & motum localem, vnde in his statim fit transitus ab ipsis ad primam causam mouentem immotam; in alijs verò ita Deus disposuit, vt

Bibliot. Theol. Tom. V.

inter ipsum, & vltimam seu infimam causam mouentem intercederent aliæ causæ intermediæ plures, vel pauciores, quarum virtus requireretur ad cōplementum causæ inferioris, præter virtutem causæ primæ, sic enim Deus subordinat sibi creaturas infima per medias, iuxta suauitatem suæ providentiæ. Possent in hæc huius capitis adduci aliqua Atheorum effugia, quibus vim & efficaciam primæ huius rationis eludere conantur, verum quia non solum illi, sed etiam sequenti vig. causalitatis, & efficientiæ contradicunt, commodius afferentur post examinatam hanc secundum viam.

C A P V T VII.

Demonstratur Dei existentia via causalitatis, & efficientiæ, aduersus Atheos.

Secunda igitur ratio ad probandam Dei existentiam sumitur ex parte efficientis sic. Primum efficiens non factum est Deus; sed datur primum efficiens non factum; ergo datur Deus; vbi maior propositio ex dictis cap. 5. non est probanda, sed vt certa supponenda; probatur ergo minor, quia videmus, quotidianaque constat experientia, plura de nouo fieri, vel igitur à se, vel ab alio, non à se; cum idem causare non possit seipsum. Ergo ab alio, iuxta axioma receptum, lumineque naturali notum, omne quod fit ab alio fit; Inquiritur modo, vel illud aliud est ab alio factum & productum, vel non; si respondeatur secundum, habetur intentum; si primum, tunc rursus illud aliud non est à se. Ergo ab alio; donec tandem deueniatur ad aliud quod primum efficiens non factum, cū etiam non sit possibile, quod in causis efficientibus procedatur in infinitum, ita vt nunquam deueniatur ad primum; sequeretur enim hoc absurdum, quod scilicet non daretur hic ordo causarum efficientium, quem sensu videmus nem-

pō non daretur, hic ultimus effectus, neque eius causa, neque causa huius causæ; quia, inquit D. Thomas, *In omnibus causis efficientibus ordinatis, primum est causa medij, & medium est causa ultimi, sine media sint plura, sine unum tantum, remota autem causa remouetur effectus, ergo si non fuerit primum in causis efficientibus, non erit ultimum, nec medium. Sed si procedatur in infinitum in causis efficientibus non erit prima causa efficiens, & sic non erit, nec effectus ultimus, nec causa efficiens media, quod patet esse falsum. Quare concludit Ergo est necesse ponere aliquam causam efficientem primam, quam omnes Deum nominant.*

Ex quibus satis constat, quod sicut præcedens ratio tota fundabatur in his duabus propositionibus, *quod omne, quod mouetur ab alio mouetur, & quod, in causis motis & mouentibus sibi essentialiter subordinatis non datur processus in infinitum*; ita hæc secunda fundatur in alijs etiam duobus principijs, nempe, *omne quod fit, præsertim substantialiter, seu producit de nouo, ab alio producitur; & non est possibilis processus in infinitum in causis efficientibus sibi inuicem subordinatis*; quorum secundum licet coincidat cum illo alio secundo primæ rationis, eisdemque cum illo, si quæ sint in re tam clara, patiatur difficultates. Quia tamen prima hæc propositio, *quod omne, quod fit, ab alio fit, & non à seipso*; videtur ita nota per se, vt non indigeat probatione, sed sola terminorum explanatione; secus verò prima ratio maxime laborat, in demonstranda ea propositione, *omne quod mouetur, ab alio mouetur*; nam id quod mouetur præexistit saltem natura suo motui, atque, adeo potest habere aliquid quod causet suum motum, at verò id quod efficitur, non præexistit sibi ipsi, secundum id, secundum quod efficitur, loquendo de prima illius productione, sic enim esset antequam efficeretur, & consequenter esset, antequam esset, & ita non potest effici à seipso; hinc est quod aliqui se-

cundam hanc rationem clariorem, & faciliorem, ad demonstrandam Dei existentiam, crediderunt. Et ad illam debent reduci breuia quædam argumenta ab alijs fieri solita. Quicquid est, vel est à se, vel ab alio, non primum, quia multa videmus fieri de nouo, non secundum, quia daretur processus in infinitum in causis per se subordinatis, igitur deueniendum est ad primum, quod sit à se, & alia sint ab ipso. Vel alio modo, impossibile est vt omnia, sint ab alio, ergo deueniendum est ad primum, quod sit à se, illud autem est impossibile propter progressum in infinitum; tandem omnia argumenta, quæ fiunt ad probandum Deum ex creaturis, tanquam ex rebus factis debent necessario reduci ad prædictas demonstrationes, iisdemque cum illis principijs inniti, vt sint efficacia. Nunc veniamus ad Atheorum effugia.

CAPVT VIII.

Afferuntur, & præcluduntur aliqua Atheorum effugia.

DVabus rationibus superius factis, quatenus ex illis euidenter demonstratur existentia Dei sub ratione primi entis mouentis, & non moti; efficientis, & non facti; tria solent ab Atheis responderi. Primum est, non omne quod mouetur, aut fit, ab alio moueri, aut fieri. Secundum dato hoc, non propterea deueniendum esse ad aliquod primum ens non factum, quatenus posset deueniri tandem ad aliqua duo entia, quæ se inuicem causarent. Tertium denique, & ad quod se veluti ad extremam arcem pulsū vndique Athei recipiunt, est dari processum infinitum in causis; Si enim semel verum est dari infinitas entium productiones per totam æternitatem antè, & antè: videtur nunquam deueniri posse ad ens ab aliq. impro ductum, quia nunquam deuenietur ad primum.

Verum quam friuola, & irrationalia

bilia sint huiusmodi Atheorum effugia, patet ex primis Philosophiæ principiis; & quia iam supra sufficienter probauimus, quod omne, quod mouetur, ab alio mouetur; adeo vt non nisi à proteruo negari possit veritas talis axiomatis secundum explicationem à nobis adductam; nunc ostendendum est aduersus primum effugium, nihil seipsum physice causare posse simpliciter. Etenim oportet, id quod physice agit, iam esse actu physico, antequam agat, insuper actus secundus, præsupponit actum primum; & non entis nulla physica operatio, & nihil dat quod non habet, nec potest dare esse actu, nisi illud esse iam possideat; è contra verò, id quod physice simpliciter producitur, & quo ad suum primum esse substantiale, oportet non esse adhuc existens, non esse actu simpliciter, vt satis patet ex terminis ipsis; Apertam igitur inuoluit contradictionem, idem à seipso produci, vel causari posse; idem enim iam simul præsupponeretur esse simpliciter, & non esse simpliciter; qua causatum præsupponeretur non esse simpliciter, qua causans præsupponeretur esse; & sic simul esset, & non esset.

Quare idem à seipso causari non posse modo dicto, adeo ex ipsis terminis est clarum, vt à nullis vnquam Philosophis illud probatum, sed semper suppositum fuerit. Ideoque Plato in Timæo, *quicquid*, inquit, *gignitur, ab aliqua causa necessario gignitur, sine causa verè oriri quidquam impossibile est*. Vbi apertè loquitur de causa ab effectu ipso distincta, cum ex eo, quod causatur, colligat ens incausatum, & inferat, *Id quod semper est, esse causam generationis*. Et Aristoteles 8. Metaph. text. 30. *Quomodo*, inquit, *moueantur si nulla erit actu causa*. Non enim ipsa materia seipsam mouebit: & infra; *Oportet vt semper aliquid præexistat*. Idem supponunt vt certum Plotinus Enn. 4. lib. 7. cap. 9. Simplicius cap. 38. Enchirid. alique omnes ex Ethnicis; & ideo Deum principium sine principio vocauit

Trismegistus ferm. 4. Pymand. *Ingenitum* Zoroaster apud Eusebium de præparat. Euang. cap. vltimo. E nostris verò Augustinus tract. 1. in Ioan-nem, *Non per seipsum fieri potuit, per quod facta sunt omnia*. Auctor lib. de triplici habitat. *Nihil seipsum creat; quia enim potentia qui omnino non esset, seipsum faceret?* & D. Bernardus lib. 5. de considerat. cap. 6. *à se capis nihil, nisi forte quis putarit quod non erat dare sibi potuisse esse, vt inciperet; aut fuisse aliquid antequam esset; quorum utrumque quia ratio non consentit, constat nihil sibi-met exitisse principium*.

Nec minorem habet contradic-tionem secundum effugium, quo asseritur posse res ipsas naturales se se inuicem mutuo causare, ac generare: Et si enim vltro concedamus duas causas possè in diuerso genere se se inuicem causare per subordinationem ad aliquod terciū, vt dicitur de materia, & forma, quæ recipiunt esse à causa efficiente, quæ est primum mouens in executione, impos-sibile tamen est duas causas esse sibi inuicem causas in eodem genere; Si enim ex statim dictis idem non potest produ-cere seipsum; non poterit à fortiori producere suam causam; quia idem præxisteret ad suam causam, atque adeo ad seipsum, quod enim est prius priori, prius est etiam posteriori; ma-nifestum est igitur non posse deueniri ad plura entia inuicem effectiue produ-centia; sed necessario deueniendum esse ad aliquod ens produ-cens & im-productum, causans & incausatum, quod nunc inquirimus; potestque ad hominem instari contra Atheum sequenti argumento; quia si quis contra illum argueret, Deus est, quia creaturæ sunt effectus Dei; & Atheo interroganti, vnde habeat creaturas esse effectus Dei, responderet, quia scie Deum esse: vel hic circulus Atheo non videbitur vitiosus; & iam assentietur Deum esse, vel videbitur; & tunc cogetur etiam fateri esse vitiosum hunc alium circulum in essendo, A. est, quia B. est. B. est,

est, quia A. est, loquendo maximè in eodem genere causæ efficientis, & secundum eandem penitus rationem.

Tertium tandem & vltimum effugium infiniti processus in causis est similiter inane; vel enim est sermo de causis essentialiter subordinatis, vel accidentaliter tantum, si de primis iam supra demonstrauimus impossibilem esse talem processum in illis; si de secundis, etiam admissio in illis processu in infinitum, concluditur Deus. Primò enim Philosophi, qui cum Aristotele ponebant mundum ab æterno, atque adeò concedebant de facto processum infinitum in causis per accidens subordinatis, illum tamen vt notat D. Augustinus 11. de Ciuitate Dei cap. 4. à Deo factum fatebantur, sed semper factum, id est, sine initio factum. Ergo adhuc dato processu in infinitum in causis per accidens, Dei existentia tanquam primi mouentis primique omnium rerum principij concludi potest, sicut de facto prædicti Philosophi in sua quantumuis falsa opinione de æternitate mundi, illam collegerunt.

Et ratio est, quia licet semel concessio huiusmodi processu infinito in causis per accidens subordinatis, non possit assignari principium aliquod durationis verum, nec etiam primum aliquod principium particulare illarum, quia hoc est dari processum in infinitum in causis, nō posse deueniri ad primam, in eo ordine, in quo concedatur talis processus; vt satis patet tam ex Aristotele, quàm ex D. Thoma, qui vbique pro eodem accipiunt dari processum in infinitum in causis subordinatis, & non dari primam; potestque aptissimo æternitatis mundi à parte post exemplo declarari, quia si mundus duraret in infinitum à parte post, sine dubio daretur processus in infinitum in hominibus, genitis, & generantibus, descendendo, adeo vt non posset assignari vltimus terminus talis durationis, nec vltima generatio, & vltimus genitus, aut vltimus generans, si quidem implicat in-

terminis dari vltimum genitum, & generantem à parte post, & dari processum in infinitum in genitis, & generantibus à parte post, erit ergo eadem ratio à parte antè: Etsi inquam res ita habeat, concesso semel processu infinito in causis; nihilominus tamen debet semper assignari, extra totam illam seriem, seu collectionem causarum sic in infinitum procedentium, primum, aliquod principium efficientiæ, & causalitatis illarum, à nullo alio factum, quod intendimus in præsentì.

Etsi autem plures ad hoc probandū suppetant modi. v. g. ex limitatione, & contingentia cuiuscumque speciei, vel naturæ, intra infinitas illas causarum series contentæ; sic enim necessario sequitur debere dependere, & determinari ad esse ab aliquo supremo agente extra speciem; omnium tamen optimus, & breuissimus modus videtur ille, quo hæc secunda via reducitur ad primam, & aliqua ratione fundatur in illa; ita enim distinguitur, & in primo ingressu præ se ferro videtur claritatem & facilitatem, in eo, in quo à prima distinguitur, vt tamen in illa fundari debeat, & ab illa dependeat, quatenus efficere est quoddam mouere, & efficiens, est quoddam mouens; quo pacto etiam generatio substantialis ab Aristotele ponitur inter species motus 3. Physic. & non potest fieri transitus ab ordine causarum accidentaliter in infinitum subordinatarum, ad ordinem causarum essentialiter subordinatarum, in quibus manifestè implicat talis processus infinitus; siue quod idem est non potest reperiri in talibus efficientibus accidentaliter tantum subordinatis, ordo causarum essentialiter subordinatarum, vnde necessariò colligitur existentia alicuius primi mouentis immobilis, efficientis non facti; nisi recurrendo ad illud axioma, quod omnia mouentia secunda mota mouent, & mota generant; & propterea D. Thomas 1. contra gentes cap. 13. nullam huius rationis facit mentionem, sed for-

lius primæ; nam hæc in illa radicatur, quam etiam 1. p. quæſt. 2. artic. 3. manifeſtorem appellat viam; Sic igitur ex illa argui poteſt, ad probandum, adhuc dato proceſſu in infinitum in cauſis per accidens Dei exiſtentiam concludi.

Quæro enim de tota illa ſerie, vel collectione cauſarum, quæ faciunt illud infinitum; vtrum ſint omnes factæ, vel non? Si dicatur ſecundum, ergo iam intra totam illam infinitam ſeriem, dabitur aliqua cauſa non facta, ratione cuius verificari poſſit, totam illam cauſarum ſeriem non eſſe factam; quod intendimus: Si quidem implicat manifeſtè quâlibet cauſam, in aliqua cauſarum collectione eſſe dependentem & factam, & quod tota illa collectio ſic independens, & non facta; eſſi enim veriſſimum ſit, vltroque concedamus non valere argumentum à diſtributiuo ad collectiuum, à partibus ad totum, aut vice verſa, in illis prædicatis, quæ conueniunt parti, & toti, qua pars & totam ſunt reduplicatiue; valet tamen in illis, quæ competunt parti, & toti ſecundum ſe, & vt quædam entitates ſunt. V.g. in noſtro caſu, licet admiſſo ſemel infinito cauſarum proceſſu, ſecundum quem proinde tota illa cauſarum collectio eſſet infinita, & ab æterno, non valeret arguere; quælibet ex illis cauſis eſt in tempore, & finita, ergo etiam tota collectio eſt in tempore & finita; quia nimirum in ſerie generationum, vel cauſarum generantiû infinita, eſſe finitum, & eſſe in tempore, ſunt prædicata competentia ſingulis partibus, ſeu cauſis qua partes ſunt; infinitas verò & æternitas, toti, qua totum eſt; tamen quia eſſe factum, potentiale, & dependens ſunt prædicata intrinſeca, & eſſentialia, quæ ſequuntur naturam contingentium; manifeſtam implicat contradictionem, quod concedatur illa omnia, vel etiam ex vnum ex illis eſſe factum, vel non eſſe factum, quin etiâ ſequatur totam illam collectionem eſſe factam, vel non eſſe factam, dependentem, vel independentem; cum ad falſi-

ficandam affirmatiuam vniuerſalem, ſatis ſit negatiua particularis. V.g. omnis homo currit, falſificatur per hanc, aliquis homo non currit, & ſic ſunt æquipollentia; aliquis homo non currit, non omnis homo currit.

Si reſpondeatur primum, totam videlicet illam cauſarum ſeriem eſſe ab alia ſuperiori factam; ſtatim inferunt aliqui, ergo iam extra totam illam ſeriem datur aliqua cauſa ſuperior; vel ergo hæc non eſt ab alia, & ſic habemus primam cauſam efficientem non factam, vel eſt ab alia, & quia in his non poteſt dari proceſſus in infinitum, tandem deueniendum eſt ad primam, quæ eſt Deus; Sic inquam arguunt aliqui; quod tamen non videtur ſufficiens, in illo enim tranſitu, quæ faciunt à tota collectione cauſarum accidentaliter in infinitum ſubordinatarum, ad aliquam cauſam ſuperiorem extra ipſam; non ſatis explicant, an hic ſecundus proceſſus ſit inter cauſas accidentaliter ſubordinatas, an verò eſſentialiter, niſi omnino aliud addatur, quod pertineat ad primam demonſtrationem ex parte motus deſumptam, vt iam monuimus, quod ex eo conſtat, quia poſſet aliquis concedere totam cauſarum collectionem eſſe ab alia ſuperiori extra ipſam, & hanc ſecundam eſſe ab alia tertia, & ſic in infinitum, quia hæc etiam ſecunda progreſſio eſt inter cauſas accidentaliter ſubordinatas, ſicuti prima, & quia in talibus cauſis admittitur proceſſus in infinitum, non erit neceſſario deueniendum ad primam, ſicuti non erat in primo progreſſu; Evidenter igitur apparet, quod, niſi tandem in aliquo progreſſu, & ſerie cauſarum fiat expreſſa mentio eſſentialis ſubordinationis, in qua ſola proceſſus infinitus manifeſtam involuit contradictionem, & explicetur, in quo illa conſiſtat, non poſſit efficaciter per hanc ſecundam viam demonſtrari exiſtentia Dei, ſub ratione primi efficientis non facti, talis autem ſubordinatio eſſentialis explicari non poteſt, niſi vltimate recurrendo ad primam viam, hoc pacto.

Hæc

Hæc causa, à qua est tota hominum, aliorumque entium series, vel in suo esse, & operari actu dependet ab alia superiori, ita vt possit dici quod mota moueat, vel non, si secundum, ergo erit prima causa omnia mouens & efficiens immota, atque adeò non facta, quæ est Deus, si primum, rursus peto de hac alia causa, vel dependet in suo esse, & operari ab actuali influxu alterius, vel non, si secundum erit Deus, & quia non potest dari processus in infinitum in his causis actu simul existentibus. & sibi essentialiter subordinatis, deueniendum erit ad primam, quæ est Deus; quo in modo argumentandi omnino necessario, satis constat, iam reduci re ad primam viam, seu rationem, quod scilicet in causis mouentibus, & motis atque adeo essentialiter subordinatis, non datur processus in infinitum, sed deueniendum esse ad primum mouens immobile, in quo consistebat prima demonstratio; quæ proinde in hoc solum differt à secunda, quod illa propriè, & principaliter procedit per causas mouentes, prout motus distinguitur à generatione, aut substantiali rei mobilis productione; hæc vero per causas ipsas substantiæ rei mobilis productiuas, inter quas notissimæ sunt nobis causæ secundæ generantes, & genitæ. Vel si sumatur motus latissimè, pro quacumque videlicet productione aut mutatione; non tàm erunt duæ demonstrationes formaliter, quàm vna, aut si duæ, hæc secunda omnino fundatur in prima, sicuti particulare, in vniuersali, quatenus generatio, vel productio substantialis rerum continetur sub genere motus, vel sub motu vt sic; Sed de his satis, & vt ostenderem, quomodo adhuc dato processu in infinitum in causis per accidens, Dei existentia concluditur; ita Athei dum undequaque diffugiunt, semper in ens primum incurunt; quodlibet enim, ab ijs fingatur, nescio quo pacto ab ipsomet figmento erumpit hæc veritas, cui vel ipsa mendacia seruiunt.

CAPVT IX.

Deum esse demonstratur ex necessitate vnius entis necessarij, & ad esse determinati.

Tertia viâ, seu ratiô, ad probandam Dei existentiam, desumitur ex necessitate vnius primi entis necessarij, quæ quia non innotescit nobis nisi ex ipsamet rerum contingentia, hinc aliqui hanc viam contingentia appellanti, quod pertinet ad quæstionem de nomine; potest igitur argumentum sic efformari. Primum ens necessarium est Deus, sed datur primum ens necessarium, Ergo datur Deus. Vbi maior propositio ex dictis cap. 5, non est probanda, sed vt certa supponenda; quia per Deum nihil aliud intelligimus, nisi ens necessarium, siue quod ita existat, vt per se & necessario existat. Minor ergo in qua est difficultas probatur; quia non omnia entia in mundo sunt contingentia, hoc est possibilia ad esse & non esse, ergo necessario datur primum aliquod ens necessarium, siue quod idem est, aliquod primum ens non contingens, quod sit impossibile non esse. Consequentia patet ex regulis æquipollentiæ; nam, non omne est contingens, æquipollet huic, aliquid est non contingens. Probatur antecedens, quia si omnia essent contingentia, siue possibilia ad esse, & non esse, sic enim sumimus in præsentî contingens, non autem pro eo, quod sit à casu, sequeretur quod aliquâdo nihil fuisset, & consequenter etiam, nunc nihil esset, sed hoc est absurdum, & contra sensum, ergo & illud vnde sequitur.

Probatur sequela maioris, nam illa quæ ex se, & ex proprijs principijs sunt tantum in potentia ad esse, impossibile est quod per se & ex proprijs principijs habeat actu esse, vel existere, vt satis constat ex ipsismet terminis, ita vt hæc propositio non possit negari nisi a proteruo; sed contingentia prout de

illis

illis loquimur in presenti, dicunt solum possibilitatem ad existendum in actu exercito; ergo impossibile est, quod per se, & ex proprijs principijs habeant actu esse, vel existere; Præsupposito igitur quod omnia entia in mundo essent contingentia, hoc est possibilia ad esse, & non esse; vel nihil unquam fuisset, nec modo esset, quod est contra sensum; vel debet haberi recursus ad aliquod aliud, quod sit extra lineam rei contingentis, & naturæ eius, cui necessario existere conveniat, ad hoc ut contingentia existant. Et si enim posito semel, quod existat res aliqua, contingens, possit communicare existere & esse, alteri contingenti; sicut v. g. licet calor accidentaliter solum aquæ conveniat, tamen eo ipso, quod sit calida, potest & aliud corpus calefacere; tamen, sicut eadem aqua non posset actu esse calida, aut calefacere, nisi daretur aliquod ens, cui per se, & necessario calor conveniret, à quo primò talis qualitas oriretur, & ab eo vel mediàtè vel immediatè in aquam diffunderetur; ita non posset etiam contingens esse actu existēs, nec facere, quod aliquod actu existeret, nisi tandem esse quod participat, refunderetur in aliquod principium à se existens, cui per se necessario & ex proprijs principijs existere conveniat.

Vel igitur hoc principium, & ens necessarium habet causam suæ necessitatis, seu dependet ab alio, vel non, si secundum ergo est ens summè necessarium, & Deus, si primum rursus querendum est, an hoc aliud superius habeat necessitatem cum dependentia ab alio, & quia non potest in his causis essentialiter subordinatis dari processus in infinitum, necessario deveniendum erit ad primam, quæ sit ens summè necessarium, causaque necessitatis aliorū, & omnium effectuum contingentium, quod est Deus. En ergo quomodo, sicut in via motus, & efficientiæ ens mobile, & ab alio manuducit ad primum ens immobile, primumque efficiens

Bibliop. Theol. Tom. V.

non factum, ita ens contingens, seu mobile quo ad esse, & non esse, ad necessarium, & immobile, quod non potest non esse.

Ex antiquis Philosophis primum hac ratione videtur usus fuisse Aristoteles 2. Metaph. text. 12. cap. 1. ubi inquirens primam substantiam probat ex eo, quod actus prior fuerit, quam potentia, idest, ens actuale, & necessarium prius potenti & contingenti. *Quod enim, inquit, potentia est, contingit non esse: oportet esse tale principium, cuius substantia actus sit.* Idem clarius explicat Auctor Theologiæ Aegypt. lib. 3. de secreta sapientia cap. 3. ubi, *Deum, inquit, esse hæc demonstratio inter omnes maximè videtur efficere, quod nihil in potestate sit, quin aliud antecedit, quod actu existat, aliqui neque ipsa quidem potestas in actum suum educeretur.* Et infra. *Itaque si potestas in actum educitur, necesse est actum quemdam puram existere: quod hic nihil habere possit, à quo in actum excitetur, tale verò est ens necessarium.*

E Sanctis verò Patribus fusius hoc argumentum prosequitur S. Ioannes Damascenus lib. 1. fid. Orthodoxæ cap. 4. Theodorus cognomine Alueara dialo. 3. Anselmus in Prolog. cap. 22. *Quod, inquit, potest cogitari non esse, nisi per aliud subsistat, redit in non esse;* Omniumque elegantissimè uterque Victorinus, Richardus toto 1. & 2. li-

bro de Trinitate; Hugo lib. 1. de Sacramentis parte 3. c. 8. & 9. omnino videndi sunt.

†



CAPVT X.

Ostenditur Deum esse via eminentia, seu ex analogia, quam debent habere omnia entia cum aliquo maxime ente.

ID quod maxime est ens, seu nobilissimum in genere entis, est Deus; sed datur id quod est ens, seu nobilissimum in genere entis; Ergo datur Deus, maior supponitur, vt in cæteris superioribus factis argumentis; minor probatur, supponendo prius tanquam certum, & ab omnibus concessum, quod inter entia, aliqua sunt perfectiora, aliqua imperfectiora, nam homo v. g. est ens perfectius equo, & equus musca &c. Sicuti enim in aliquo determinato genere entis v. g. animalis potest dari perfectius, & imperfectius, & in genere quantitatis, siue continuæ, siue discretæ, alia maior, alia minor, & in genere coloris, alius perfectior, alius imperfectior, & in genere musici, aut medici, &c. ita etiam in genere entis vniuersalissimè, aliquod datur perfectius, cum hac tamen differentia, quod hæc maior, vel minor perfectio in genere entis attenditur in rebus secundum totalem & completam rationem, quam dicunt; ita vt illa, quæ cōsiderata secundum omnem rationem entis, quæ est in se, habuerit aliquid, quo aliam rem excedat, debeat absolute dici nobilior, & perfectior in genere entis; maior autem, vel minor perfectio limitata in alijs generibus, sumitur ex maiori vel minori perfectione, intra illud genus, seu secundum limitatam illam considerationem, sicuti perfectior medicus est ille, qui excedit alium in arte medendi, licet forte in alijs sit imperfectior.

Hoc præsupposito probatur minor, videlicet dari id quod maxime est ens, seu nobilissimum in genere entis; quia ad sensum patet, manifesta que constat experientia, inueniri in rebus aliquid

magis & minus bonum & verum, & nobile in ratione entis; ergo etiam debet dari id quod est verissimum, & optimum & nobilissimum atque adeo maxime ens, nam quæ sunt maxime vera, sunt maxime entia. Probatur consequentia, videmus in omni genere entis in quo plura sunt quæ magis, & minus dicuntur talia, aliquid esse, quod maxime est tale in illo genere, & in ordine ad quod cætera dicuntur magis, vel minus talia, secundum quod magis, vel minus appropinquant ad illud, atque adeo quod hoc pacto sit mensura cæterorum; ergo etiam in genere vniuersalissimo entis; in quo multa dicuntur magis, & minus, dandum erit aliquid maxime ens, maxime verum &c. quod est Deus; quia non videtur esse maior ratio, cur in alijs generibus modo dicto dari debeat primum, & nobilissimum in illo genere, & non in genere entis absolutissimè.

Cum tota huius rationis vis, & efficacia fundetur in illa propositione, quod magis, & minus in genere entis dicuntur de diuersis, secundum quod appropinquant diuersimodè ad aliquid, quod maxime est ens; aliqui existimant illam vel nullam esse, vel solum probabilem, quia non potest sufficienter probari supradicta propositio; nam primò inter numeros dantur maiores, & minores, & tamen inter eos non datur maximus, quo non possit dari maior; secundò inter corpora datur maius, & minus corpus, & tamen nullus dixerit quod detur maximum corpus; quo maius dari non possit; tertio tandem in omnibus perfectionibus humanis acquisitis datur maior, seu perfectior & imperfectior Philosophus, medicus, musicus, &c. non tamen datur maximus, quis enim hic erit maximus? Ergo licet inter entia detur magis & minus ens, magis & minus perfectum, non tamen propterea legitime potest inferri, quod detur maximum ens, quo maius & perfectius dari non potest in ratione entis; vnde cum Deus sit id, quo maius, &

perfectius dari non poteſt, non ſequitur dari Deum ex iſto modo argumendi. Et ratio veluti à priori eſſe poteſt, quia poteſt intelligi magis, & minus per comparationem ſolam ipſarum rerum comparatarum ad inuicem, vt v. g. maior numerus dicitur ille, qui excedit alium, & minor, qui exceditur, & ſic de cæteris, non ergo eſt neceſſe dicere, quod *magis & minus, dicitur de diuerſis ſecundum quod appropinquant diuerſimodè ad aliquid, quod maximè ſit.* Et confirmatur ex eo, quod etiam ſi de facto concedamus dari maximum ens, quod eſt Deus, non tamen videtur Deus eſſe poſſe meſuram, cur aliquid dicatur eſſe magis, vel minus ens, per maiorem, vel minorem acceſſum ad Deum; cum enim Deus excedat omnia infinitè, neque dici poſſit, quod magis infinitè excedit vnum, quàm alterum, quia non videtur dari magis in infinito, quantum eſt ex ſe æqualiter omnia excedit, tandemdumque nobiliſſimum Angelum, quantum & formicam.

Pro reſolutione huius difficultatis ſuppono duobus modis hic poſſe procedi; vno præciſè ex via eminentiæ; alio coniungendo viam eminentiæ cum via eſſentialiæ, ſeu aſſumendo aliquid ex primis duabus rationibus, in quibus omnes aliæ aliquo modo fundantur, ſi procedatur primo modo, non erit argumentum niſi ad ſummum probabilè; etſi enim exiſtente aliqui propoſitionem illam eſſe vniuerſaliter veram in omni prout materia, eo videlicet ſenſu, quod in omni prout re, quæ habet magis, ſeu maius & minus, datur aliquod maximum ſaltem negatiuè, id eſt, quo de facto hic, & nunc non ſit maius; ſiue quod idem eſt, quotieſcumq; datur à parte rei magis, & minus, datur etiam maximum inter ea quæ de facto exiſtunt; hæc tamen explicatio quantumuis vera non videtur excedere limites probabilis, primò, quia vel ſupponitur, quod in omni ſerie, & ordine, & genere datur maximum ſaltem negatiuè, vel probatur, ſi ſupponitur, er-

Bibliar. Theol. Tom. V.

gò etiam ſupponitur, quod in genere entis datur maximum, & ſic non probatur, cum tamen ex vi præſentis rationis intendatur probari inter entia dari maximum; Secundò quia dici poſſet ab Atheo dari proceſſum infinitum in bonis & melioribus, vnde non ſequitur deueniendum eſſe ad optimum, vel maximum; niſi probetur talem proceſſum eſſe impoſſibilem in entibus perfectioribus, & imperfectioribus, quod fieri non poteſt niſi aliquid aſſumatur, aut ſupponatur ad hoc neceſſarium ex primis duabus rationibus; igitur in tantum in hac quarta via poteſt fieri argumentum demonſtratum ad probandum Deum eſſe ſub conceptu ſummi, & nobiliſſimi entis, in quantum coniungitur cum duabus primis. Quod dupliciter fieri poteſt.

Primò ad hominem, ea ratione, quæ multi concedunt, capaces eſſe exiſtentia præter ſpecies productas, alias perfectiores, & perfectiores in infinito; *ſubſtantia enim, id eſt, eſſentia, numeri ſunt;* id eſt, ſe habet n: ſicuti numeri; vnde ſicut in numeris aſcendendo non eſt deuenire ad maximum, quo non poſſit dari maior, ita in ſpeciebus non eſt deuenire ad perfectiſſimam, quæ non poſſit dari perfectior; Ergò datur ens ſupremum eminenter continens omnes has ſpecies; antecedens ſuppono tum ex ijs, quæ ſupra contra noſtram rationem, propoſitionemque in qua fundatur obiecta fuerunt; tum etiã quia niſi id concedatur ab Atheis, ſtatim ſequitur cõtra eos, dari aliquod ens in rerum natura, quo maius & perfectius eſſe non poſſit, atque adeò maximum ens, vnde eum nomine Dei, nihil aliud intelligatur niſi id, quo maius & perfectius dari non poſſit, atq; ad eo id, quod maximè eſt ens, ſtatim ſequitur contra eos dari Deum.

Conſequentia probatur, nam hæc ſpecies perfectiores producibiles non ſunt producibiles ex ſeipſis, cum nihil eſſe poſſit cauſa ſui ipſius; neque à ſpeciebus, quæ de facto ſunt, omnis enim cauſa

causa vel æqualis est effectui in perfectione, si sit vniuoca, vel excedit effectum, si sit æquiuoca; hæ autem species in infinitum producibiles, supponuntur perfectiores, & perfectiores ascendendo supra eas, quæ de facto sunt; ergo debet dari ens, eas omnes continens eminenter, cui subordinentur in esse possibilis, & producibilis: ergo ens supremum, & nobilissimum, primumque primitate eminentiæ, quod inquiremus, cum in his gradibus maioris, & minoris perfectionis, modo statim explicando non possit dari processus in infinitum; Quod tamen non repugnat dictis, processuique in infinitum admissio intra seriem entis creati, & creabilis, cui repugnat dari maximum; cum illud ens maximum, ad quod ex vi nostri argumenti, statim deuenimus, sit ens maximum extra seriem entis creati, & creabilis, atque adeo increatum; ens autem supremum, & increatum in serie creabilium non signat vltimum; quin potius infinita eius potentia est vnicum nobis fundamentum talis processus infiniti, intra seriem entis creati & creabilis; vt suo loco dicitur.

Secundò, siue negetur vltima consequentia primi discursus superius facti, concessio antecedente, siue negetur antecedens atque adeò consequentia; omissa probatione illius antecedentis, quod *magis, & minus dicitur de diuersis, secundum quod appropinquat diuersi modis ad aliquid, quod maxime sit*; quamuis illud verissimum esse existimemus, in omni genere in quo datur magis, & minus; dico, in omni genere, in quo datur magis & minus, siue in quo alia sunt magis, aliqua minus talia; quia si in aliquo genere non daretur magis, & minus, seu perfectius, & imperfectius formaliter (quidquid sit an vera detur in omnibus) neque daretur aliquid, quod esset aliorum mensura, & in ordine ad quod alia dicerentur magis vel minus talia; omissa, inquam probatione, istius antecedentis,

quam non existimo esse necessariam absolute ad rem nostram, probò consequentiam, seu consequens, dari videlicet in genere entis, id quod maxime est ens, & consequenter Deum.

Certum est, quod sicuti in alijs generibus particularibus datur magis, & minus, seu perfectius, & imperfectius in illo genere, ita & maxime datur in genere entis, eiusque proprietatibus nempe vero, bono &c. Sed in his gradibus maioris, & minoris perfectionis in genere entis non potest dari processus in infinitum, ergo deueniendum est ad aliquod primum, illudque perfectissimum, quod possit esse mensura ceterorum; Maior vt certa supponitur, nã non nisi proteruius, aut insanus eam negare potest, minor igitur in qua est tota difficultas probatur, fumendo aliquid ens ex ijs, quæ sunt minus perfecta, & minus entia, & sic arguendo; hoc ens, ex hoc ipso, quod est minus perfectum, & habet supra se aliud magis perfectum, non est à se, sed ab alio, vt satis ex se constat, iamque superius probauimus; ergo si est ab alio, debet esse ab alio perfectiore ipso causato, vel totaliter, vel saltem secundum quid, nam nõ potest esse totaliter à sibi equali, hoc enim æquale eo ipso, quod est æquale suo effectui non potest esse ens à se, & consequenter non potest totaliter à se causare, vt supra in prima, & secunda ratione demonstratum est, necesse est ergo, vt causa totaliter considerata includat semper aliquid perfectius causato; vel ergo hoc perfectius inclusum in causa illa est à se, & sic est perfectissimum, primumque ens, vel est ab alio, & quia non potest dari processus in infinitum in his causis, quas constat esse essentialiter subordinatas, cū vnacunque mota moueat, necesse est etiã, vt in his entibus perfectioribus, & perfectioribus deueniatur ad primum ens perfectissimum, quod erat probandum. Sicque hæc quarta ratio habet vim demonstrationis, si fundatur in primis duabus, prout illam fundasse D. Thomam

nam colligitur ex mentione causalitatis ab eo facta; non enim minus reputatur dari processum in infinitum sine primo in entibus perfectioribus; & perfectioribus actu existentibus, quam in causis essentialiter subordinatis, cum vnum includatur in altero.

Quare ad rationes dubitandi superius allatas, propter quas aliqui Doctores existimant hanc rationem solum esse probabilem; Respondeo si nullo modo fundetur in alijs prioribus, transeat, quod sit tantum probabilis; nolo enim de hoc disputare, cum sufficiat ad probandam aduersus Atheos Dei existentiam, quod aliquo modo esse possit demonstratiua, nempe fundata in eo principio, quod non possit dari processus in infinitum modo explicato.

Interim ad primam instantiam superius factam contra axioma D. Thomæ, & desumptam tam ex quantitate discreta, quam continua; respondetur primò, quod quando datur maior, & minor numerus, datur maximus, quò maior non datur inter eos, qui de facto sunt; quando datur magis & minus in corporibus, inter ea corpora, quæ sunt iam, datur aliquod maximum, quo maius non existit, & sic de cæteris exemplis quæ possunt afferri. Respondetur secundò, non esse mirum quod illud axioma non verificetur in genere quantitatis, quia ipsa non recipit magis & minus, vnde potius eius propria mensura est minima, quam maxima; attamen sicut omnes numeri pendent ab unitate, sic etiam dicere possumus omnes species pendere ab vno proprio principio, atque adeò species omnes creatas, & creabiles esse, sicut numeri quantum ad distinctionem specificam, & ad habitudinem ad vnum primum principium.

Secundæ instantiæ primò potest applicari prior solutio statim data, quod ubi datur maior, seu perfectior, & imperfectior philosophus &c. datur etiam maximus quicumque sit ille, quo maior non datur inter eos, qui de facto

existunt. Secundò potest responderi illud axioma non necessariò verificari debere in entibus artificiat, aut scientijs, & actibus acquisitis, ut scilicet per quamdam accommodationem, sed de entibus naturalibus, quæ habent esse fixum in natura, quamuis, ut dixi, etiam in illis verificari possit per quamdam accommodationem, quatenus intelligere possumus perfectissimum Philosophum, vel Medicum, præciudendo ab actu exercito, & sic formare eandem propositionem in his.

Tandem ad rationem veluti à priori responderetur, melius seu perfectius dici respectiue, non tantum ad bonum infra se, sed etiam ad optimum supra se, siue quod idem est, licet sit verum, quod magis, & minus in rebus possit utrumque etiam intelligi per comparisonem ipsarum duarum rerum maioris, & minoris ad inuicem; negatur tamen non posse, aut non debere etiam intelligi per comparisonem ad optimum, & maximum, nam si solum comparatur res maior, seu perfectior ad imperfectiorem, nihil aliud habetur, nisi quod sit illa perfectior, non autem absolute, quantum intra genus suum habeat perfectionis, nisi comparatur ad perfectissimum, sic enim statim apparet, quid habeat, & quid desit illi de perfectione in illo genere, & propterea solum perfectissimum dici potest vera mensura in suo genere, extrinseca tamen, & excedens rebus mensuratis; quod sufficit ad veritatem illius propositionis. Ad confirmationem de Deo responderetur ex D. Thoma 1. par. quæst. 3. artic. 5. ad 2. Deum non esse mensuram homogeneam, seu proportionatam mensuratis, id est, quæ ex ipsis mensuratis aliquoties multiplicatis adæquetur; sed tantum dici mensuram omnium, ex eo, quod unumquodque tantum habet de esse quantum ei appropinquat, quare licet ex parte Dei, Deus æque, seu infinite distet ab omnibus creaturis, tamen ex parte creaturarum, aliquæ magis, aliquæ minus participant

pant de eſſe, & conſequenter magis, vel minus appropinquant ei, ſicuti ſi mare eſſet infinitum, atque aded infinitè eſſet maius vaſe maiori, & vaſe minori, vas tamen maius plus eius aquæ contineret, quam minus, & ita plus de illo participaret.

CAPVT XI.

*Verum Deum eſſe probatur ex ſuprema
in gubernandis rebus
providentia.*

QVinta ad probandam Dei exiſtentiam via ſumitur ex gubernatione rerum. Sic ergo more noſtro argumentari licet. Primum gubernas eſt Deus, datur primum gubernans; ergo datur Deus; ybi maior, vt cæteræ, non probatur, ſed ſupponitur nomine enim primi gubernantis, ſeu gubernantis per providentiam vniuerſalem, & per authoritatem nihil aliud intelligimus quam Deum. Probatur ergo minor, quia res naturales gubernantur, ergo datur aliquod ens gubernas; ſed in his gubernantibus non poteſt dari proceſſus in infinitum; ergo neceſſariò deueniendum eſt ad primum, quod eſt Deus.

Probatur antecedens, nam res naturales gubernari nihil eſt aliud quàm illas perpetuo tenore moueri, & dirigi ad ſuos fines particulares, & finem communem, in quem omnes conſpirant, vt ſatis patet in gubernatione magnæ domus, aut magnæ ciuitatis, aut regni; ſed ad ſenſum patet res omnes naturales, etiam quæ cognitione carent perpetuo tenore & ordine moueri, & dirigi ad ſuos fines, v. g. Sol ſemper accedit, & recedit ſtatim temporibus, vt ſiant quatuor anni tempora, & rerum generationes & viciffitudines, quas toto anno videmus ad huius inferioris mundi ſtabilitatem, & conſeruationem; Ergo res naturales gubernantur, ſive quod idem eſt non à caſu, ſed ex intentione proueniunt

ad finem; Quod enim ſemper, aut frequenter nō ſecundum accidens, neque à fortuna inquit Philoſophus 2. Phyſicorum tex. 85. Quia autem poſſet dici res naturales à ſeipſis gubernari; nunc probanda eſt prima noſtri diſcurſus conſequentia, dari ſcilicet aliquod ens gubernans; quia vt docet D. Thomas 1. p. qu. 103. per totam. 2. 2. qu. 102. art. 2. in corpore, & 3. contra Gentes cap. 64 gubernatio neceſſariò importat prouidentiam, & conſequenter intelligentiam; cum igitur multa gubernari, ſeu operari propter finem, videamus, quæ carent cognitione, oportet de neceſſitate, quod in illum tendant directæ, & ordinatæ ab aliquo cognoſcente & intelligente, ſicut ſagitta à ſagittante.

Nec reſert quod res naturales ex neceſſitate naturæ tendant in ſuos fines, ideſt, non liberè & per electionem; hæc enim ipſa neceſſitas eſt impreſſio cauſæ cognoſcentis, & dirigentis res ad finem, vt rectè aduertit D. Thomas 1. p. qu. 103. artic. 1. ad 3. *Neceſſitas*, inquit, *naturalis inhaerens rebus, quæ determinatur ad vnum eſt impreſſio quedam Dei dirigentis ad finem, ſicuti neceſſitas, quæ ſagitta agit, vt in certū ſignū tendat, eſt impreſſio ſagittantis, & nō ſagittæ, ſed in hoc differt, quia id quod creaturæ à Deo recipiunt eſt earum natura, quod autem ab homine rebus naturalibus imprimitur præter eorum naturam ad violentiam pertinet, unde ſicut neceſſitas violentia in motu ſagittæ demonſtrat ſagittantis directionem, ita neceſſitas naturalis creaturarum demonſtrat diuinæ prouidentis gubernationem.*

Neque etiam ex his ſequitur, quod ſolæ res non intelligentes ſubdantur diuinæ gubernationi, quamuis ex his ſolis hic ducatur argumentum, nam etiam homo, & aliæ creaturæ intelligentes, & liberæ gubernantur à Deo modo ſibi proportionato, quem explicuit idem D. Thomas ibidem artic. 4. ad 2. ijs verbis: *Sic igitur ſecundum unam artem Dei gubernantis res diuerſi-*

simodè gubernantur secundum earum diversitatem, quædam enim secundum suam naturam sunt per se agentia, tanquam habentia dominium sui actus, & ita gubernantur a Deo non solum per hoc quod moventur ab ipso Deo in eis interius operante, sed etiam per hoc, quod ab eo inducuntur ad bonum, & retrahuntur à malo, per præcepta, & prohibitiones, præmia, & pœnas, hoc autem modo non gubernantur à Deo creaturæ irrationales, quæ tantum aguntur, & non agunt.

Quia autem adhuc admissio aliquo intelligente, à quo omnes res naturales ordinantur ad finem, possent Athei respondere dari processum infinitum in gubernantibus, & sic nunquam deveniri ad primum, superest ultimum probandum, talem processum repugnare in gubernatione rerum; primo quia, talis gubernatio non est per solam impressionem alicuius motus, & per extrinsecam assistentiam moventis, sicuti dirigitur sagitta à sagittario, aut navis gubernatur à nauta, sed etiam per intrinsecam efficientiam rei, quæ secundum naturam ad illum finem tendit, nam hæc directio in finem primò incipit in ipsa receptione, & productione naturæ, ut apparet maximè in animalibus, quæ secundum intrinsecam suam naturam moventur ad suos fines; sed ut superius vidimus, & probauimus in causis producentibus non datur processus in infinitum, sed necesse est tandem devenire ad ultimam; ergò eo ipso quod rerum gubernatio talem importat efficientiam, repugnat etiam in illa processui infiniti. Deinde etiam si gubernatio fieret per solam assistentiam extrinsecam, & impressionem alicuius motus, quia etiam in his imprimentibus, & assistentibus non potest dari processus in infinitum, cum omnes moti moveant usque ad primum, adhuc ex hoc deveniendum est ad primum gubernans; quare supposita impossibilitate processus infiniti, tam in causis efficientibus, quam in moventibus & motis, cui tam hæc ratio, quæ

præcedentes fundamentaliter innituntur, nihil est addendum.

Quod si dicat aliquis ad omnia, quæ videmus in mundo sufficere duo principia efficientia, naturam videlicet & voluntatem, siue rationem humanam; quatenus omnes prorsus effectus vel sunt naturales, vel voluntarij; distinguendum est, & concedendum illa sufficere ut causas particulares, secus autem ut causas primas; nam ea quæ fiunt à natura, cum natura agat propter finem, reducenda sunt in aliam causam, propter quam ipsa natura agit, & hæc est Deus; & ea, quæ fiunt à ratione, & voluntate, cum sint mutabilia, & defectibilia, reducenda sunt in aliquam altiore, & indefectibilem causam; quæ etiam est Deus.

Ex antiquis Philosophis hoc argumento potissimum usus est Mercurius Trismegistus in Pymandro: *Adverte, inquit, mundi, & ordinis eius ornamentum: adverte providentiam, ex his agnoscas, percipiesque Deum.* Et Cicero lib. 2. de nat. Deorum, contra Democritum, ponentem mundum casu factum ex atomis, arguit, quod sicut impossibile est dari palatium numeris, omnibus absolutum concursu fortuito atomorum constructum, nullo architectante; aut horologium affabre ad horarum normam compactum, sine artifice; ita mundum sine Deo.

Tandem ut sequenti capite videbimus, tam Philosophis, quam Sanctis Patribus nullum familiarius fuit argumentum, quam illud, quod ex univ ersitatis aspectu, & ex eius partium descriptione, ac rata & constanti illius administratione sumitur.



CAPVT XII.

*Veritati Diuina existentia testimonium
perhibent omnes creatura.*

ET si ad probandam Dei existentiam aduersus Atheos sufficere possent quinque iam adductæ rationes, vel argumenta; tamen vt magis appareat veritatis huius ad salutem pernecessariæ firmitas, quamplurimæque illius in ipsa natura à Deo impressa esse vestigia, placuit adhuc plura alia in medium asserre, quorum si aliqua non necessariò, & apodeiktikos euincunt; neque ex anterioribus, primisque sunt petita, non ideo tamen contemnenda, sed eo magni facienda, quod saltem collecta in vnum, & coaceruata necessariam fidem faciunt apud eos, qui & sui compotes sunt, & rationis habent aliquid, ac iudicij; ita vt si quid humanitatis in Atheis reliquum sit, si non omnino mentis expertes fuerint, atque rationibus vale dixerint, æternum Deum esse fateri debeant.

Primum igitur, maximèque visitum tam Philosophis Gentilibus; quàm Christianis doctoribus argumentum eruitur ex creaturarum pulchritudine, diuersitate, ordine, aliisque huiusmodi; *Habes enim*, vt reatè Tertullianus ait lib. 1. contra Marcionem cap. decimo, *Deus testimonia totum hoc, quod sumus, & in quo sumus*. Sic Epictetus eleganter ostendit, vt ex operibus arte elaboratis, artificem agnoscimus, sic ex naturalibus Dei operibus ipsum à nobis intelligi auctorem omnium, & conditorem; sic Dio Chrysostomus in orat. 12. fieri negat posse, vt homines intellectu summæ diuinitatis careant, qui diuinis magnisque luminibus undique collustrentur celi, atque siderum, Solis item ac luna. Sic Asclepius Aristotelis interpres in 1. metaph. docet ex videndi sensu philosophiam homines accepisse. *Cum enim*, inquit, in-

calum oculos susculissent, & ordinem, qui illic est, & inexplicabilem pulchritudinem contemplati essent, ad conditoris intelligentiam peruenierunt.

Idem docet Sextus Empiricus in 8. commentar. aduersus Mathematicos, vbi triplici præsertim argumentorum genere probari dicit esse numen, aliquid diuinum. Primum ex communi hominum persuasionem deducit, de quo infra. Secundum ex mundi ipsius ordine dispositioneque partium, & administratione. *Vt si quis in alto montis Ida vertice sedens Gracorum videat exercitum decore, pulchroque cum ordine in campum procedere; equites primum cum equis, & curribus: tum pedites pone sequentes; prorsus isti veniet in mentem, esse aliquem, qui hunc ordinem instruat; ac milites sibi subiectos eum seruare iubeat: cuiusmodi Nestor est, aut alius quispiam Heroum; qui nouerat ordinare equos, & homines clypeatos. Atque ut rei nauticae peritus, simul atque nauem secundo vento impulsam, ac velis omnibus instructam viderit, agnoscit esse aliquem, qui illam regat, & ad eum portum quem sibi proposuerat perducatur.* Sic qui primi calum intuenti sunt; ac Solem contemplati sunt ab ortu in occasum usque cursum suum velut in stadio conficientem: stellarum verò quasdam velut ordine procedentes choreas, pulcherrima huius ordinationis artificem inquiserunt, cum eam minimè fortuito enquire conicerent; sed à præstantiore quadam incorruptaque natura, quæ quidem est Deus. Tertium denique caput absurda, & incommoda, continet, quæ tùm sequantur, si sublata sit diuinitas.

Philo quoque Iudæus lib. 1. de Monarchia scribit: *Cognoscendorum opticti indicia sunt semper opera ipsa. Quis enim statim atque statuas, picturasque conspexit, non statim de statuario, vel pictore cogitauit? Ecquis, vestes, naues, aut ades intuens, non subito rectorum, & nauium fabrum, & architectum intelligit? Ac si quis in ciuitatem veniat legibus optime constitutam, quid aliud specica-*

spicabitur, nisi regi ab optimis magistratibus illam ipsam Civitatem. Quamobrem qui in hanc re vera magnam introierit Civitatem, mundum videlicet, ibique contemplatus fuerit montanam, campetremque regionem animatibus refertam, ac stirpibus, & fluvij ingenuis, ac torrentibus: pabula item, & reciprocationes marium: aeris temperiem, annuarum iestestatum conversiones: deinde Solem, & Lunam diei, noctisque moderatores, ac ceterorum errantium, fixorumque syderum, & celi totius in orbem agitationes, & choreas, nonne verisimiliter, aut potius necessario de Patre, & conditore, nec non rectore cogitabit?

Quod etiam genus argumenti præclare, eleganterque tractarunt Scriptores Christiani; Tertullianus lib. 1. adversus Marcionem cap. 13. ex qualibet creatura tametsi seorsim spectata docet Deum probari posse. *Vnus opinor de sepius flosculus, non dico de pratis, una cuiuslibet maris conchila, non dico de rubro, una tetraonis pennula, taceo de pauo, sordidum artificem pronuntia-bis creatorem; Vbi aduerte per ironiam dixisse, sordidum artificem, ac si diceret: non, sed omnino præstantem: cū nullus hominum, aut etiam Angelorū nequidem vnicum flosculum efformare possit, vnde quælibet creatura Deum esse manifestò comprobatur. Sic in Apologetico cap. 17. concludit. Et hæc est summa delicti nolentium recognoscere, quem ignorare non possunt.*

Minutius felix in Octavio idè clarius docet: *Quid enim, inquit, potest esse tam apertum, tam confessum, tamque perspicuum, cum oculus in cælum sustuleris, & quæ sunt infra citraque lustraveris, quam esse aliquod numen præstantissime mentis, quo omnis natura, inspiretur, moueatur, alatur, gubernetur? Cælum ipsum vide quam late tenditur, quam rapidè voluitur, vel quod in noctem astris distinguitur, vel quod in diem Sole lustratur; iam scies quàm sit in eo summi moderatoris miras, & diuina libratio. Vide & annum, ut Solis ambitus annum*

Biblioth. Theol. Tom. V.

faciat, & mensem; vide ut Luna auctu, senio, labore circumagat. Quid tenebrarum & luminis dicam recurstantes vices, ut sit nobis operis, & quietis alterna reparatio; &c. huiusmodi, quæ eleganti sermone fusius ibi prosequitur.

Theodoreus quoque sermone 4. de provident. ex syderum contemplatione, stupore meteororum, elementorū consideratione, admirabili corporis humani structura, in quo nulla est pars, quæ non auctori suo luculentum ferat testimonium, ex manuum opificijs, & artibus, ex hominis in belluas imperio Deum esse demonstrat. Eiusdemmodi, & apud Titum Boetensem leguntur sub finem libri secundi contra Manicheos.

Tandem S. Epiphanius in libro contra gentes, Gregorius Narsianus orat. 4. & 30. S. Ioannes Chrysostomus in Psal. 13. S. Ioannes Damascenus lib. 1. de fide Orthodoxa; S. Augustinus tam lib. 8. & 11. de Civitate Dei cap. 4. quàm lib. 10. confessionū cap. 6. & lib. 3. de libero arbitrio, aliique plures fusissimè docent creaturas omnes ita Deum esse personare, ut is è numero rerū delendus esse videatur, qui post tot testimonia, de alicuius supremi numinis existentia, & providentia dubitat.

Verum quia non pudet Atheos aliquando respondere, tam præclari vniuersitatis huius tum totius, tum eorum, quibus constat, ordinis causam, ac principium naturam esse, placuit hoc caput eleganti Laëtantij Firmiani discursu sigillare. *Natura, inquit, lib. 2. diuinar. Institut. cap. 8. quæ dicitur orta esse omnia, si consilium non habet, efficere nihil potest. Si autem efficiendi, aut generandi potens est, habet ergo consilium: & propterea Deus sit necesse est. Nec alio nomine appellari potest ea vis, in qua inest & providentia excogitandi, & solertia, potestasque faciendi. Melius igitur Seneca omnium Stoicorum acutissimus: qui vidit nihil aliud esse naturam, quam Deum. Ergo, inquit, Deum non laudabimus*

Y

bimus

bimus, cui naturalis est virtus, nec illam didicis ex vlllo? Immo laudabimus, quamvis enim naturalis illi sit, sibi illam dedit, quoniam Deus ipsa natura est. Cum igitur ortum rerum tribus naturæ, ac detrahis, Deo, in eodem luto hæsitans, versuram soluis. A quo enim fieri mundum negas, ab eodem planè fieri mutato nomine confiteris. Hactenus Lactantius loco citato, qui idem pulcherrimè adhuc profecutus est lib. de Ira Dei cap. 10. *Natura, inquit, quam veluti matrem esse rerum putant; Si mentem non habet nihil efficiet unquam, nihil molietur. Vbi enim non est cogitatio, nec motus est vllus, nec efficacia. Si autem consilio suo utitur ad incipiendum aliquid, ratione ad disponendum, arte ad efficiendum, virtute ad consummandum, potestate ad regendum, & continuendum, cur natura potius, quam Deus nominetur.*

Cum igitur non sine summa prudentia, & incredibili arte, ac consilio fieri tam perfecta potuerint, tantumdem erit naturæ illorum omnium efficientiam tribuere, ac Deo: quod nos querimus; Vt enim vniuersè ex effectis causa cognoscitur, sic ex ipsdè ita eleganter, & concinne factis, vt maior cogitari indultia nequeat, summo etiam consilio, & ratione perfectum ei faciundo præfuisse coniiciendum est: quod ipsum appellamus Deum.

CAPVT XIII.

Veritati diuinæ existentie, testimonium perhibent scientiæ speculative tam naturales, quam supernaturales.

Non solum creaturarum, sed etiam scientiarum orbe supremi alicuius numinis assertioni famulante, præter posita superius, ac subindè adijcienda, placuit hic ex præcipuis disciplinis rationes aliquas depromere, ne aliquè modum prætermittere videar, adducendi Atheos ad Deum; & quamvis huic argumento feliciter iam insudarit

Merfennius in cap. 1. Genescos, aliam tamen breviori ratione illud idem prosequi conabor.

Incipiendo igitur à scientijs serminalibus, seu rationalibus, inter quas primum obtinet locum dialectica, quæta in illa, quotque radiantia diuinitatis habentur testimonia, dum subtilissima ratione prædicabiliū series, & ordines ab ente transcendente ad genera, & generibus ad species, & ab his ad indiuidua constituuntur; dum prædicamentorum ortus, prædicationes, species substantiæ, accidentiumque gradus, ordo, pondus, mensura, aliæque huiusmodi ita stabiliuntur, vt tamen summum ens ab his omnibus excludatur. *Deus enim, inquit D. Augst. cap. 3. de cognitione veræ vitæ, nullis verbis propriè exprimi, nulla potest cogitatione comprehendere, quomodo immensus, & incomprehensibilis prædicaretur, si humana locutione, vel meditatione includeretur. Nunc autem pater quàm sit admirabilis, cum omnibus linguis sit indicibilis, omnibus cordibus sit incogitabilis. Dialectica namque differendi potens, potenterque dubia definiens, cunctas scripturas euibrans, & euiscerans, cunctam humanam sapientiam annihilans, cum in diuinitatem intendit, tantæ maiestatis luce reperiussu pauidum caput tremefacta reflectit, atque in abdita mundanæ sapientie fugiens delitescit, dissolutisq; syllogismorum nexibus stulta obmutescit.*

Quod si ad physicas disciplinas transcamus, primum inter naturæ principia nobis occurrit materia prima, ex qua eruitur existentia Dei, non solum ea ratione, quod sicut datur materia ens imperfectissimum, tanquam pura potentia excludens omnem actum; ita, debet dari ens perfectissimum, & purus actus excludens omnem potentiā: Vel sicut datur *ens omnino passibile*, id est potentia merè passiva, potens pati, & non agere: ita dari debet *ens omnino impassibile*, potens agere, & non pati: Sed ex hoc potissimum, quod datur causa materiæ primæ; eo enim ipso, quod

quod est imperfectissima omnium entium, non potest habere esse à se: sed necessariò debet illud habere ab alio: vel si quis contenderet eam habere esse à se, cogeretur quoque fateri eam Deum esse, quod esse stolidissimum non immeritò dicit D. Thomas contra quemdam David de Dinando qui materię primæ diuinitatem tribuebat. Datur ergò causa materię primæ: nulla autem alia potest esse nisi Deus solus quod sic probò: Illa causa quæ producit aliquid ex nihilo, & ex nullo præsupposito subiecto est Deus: sed causa, quæ producit materiam primam, producit eam ex nihilo, & ex nullo præsupposito subiecto, vt satis patet ex hoc, quod ipsa sit primum subiectum, aliud autem se non supponens: ergò causa producens materiam debet esse Deus.

Prob. Maior quia causa, quæ producit aliquid ex nihilo, & ex nullo præsupposito subiecto, saltem vt causa principalis, debet habere virtutem infinitam: ergò debet esse Deus: patet consequentia, quia cum operari sequatur ad esse, & vnumquodque agat in quantum est in actu in genere causæ efficientis, virtus in operando infinita, arguit infinitatem in essendo in eadem virtute: vnde cum Deus sit ens infinitum in essendo, illud etiam, quod habebit virtutem infinitam in operando erit Deus. Antecedens probatur, tanto virtus agentis debet esse perfectior, & intensior, quanto magis distat terminus à quo, à termino ad quem qui producit, sed inter nihil, & ens, datur distantia infinita: ergo ad illam superandam, educendumque aliquid ex nihilo, & ex nullo præsupposito subiecto, requiritur virtus infinitè perfectæ, & intensæ: de quo argumento vide nostrum Blasium à Concept. disput. 17. Metaphysicæ.

Secundum argumentum, quod ad probandam Dei existentiam subministrant physicæ disciplinæ sumi posset ex via motus, de qua supra: secundum

Biblioth. Theol. Tom. V.

ex animæ rationalis immortalitate, quæ in libris de anima demonstratur: Tertium ex ipsamet corporis humani consideratione, cuius ad eam est excellens & artificiosa structura: vt ea Galeno homini Ethnico, ac de Deo minus commodè sentienti celebrem illam, & planè admirabilem sententiam expresse lib. 3. de vsu partium, quæ ex humani corporis dispositu, ac situ, & proportionem partium, & earum elegantia, atque opportunitatibus singularum, non alium quam Deum autorem esse professus est, immensa, & inexplicabili virtute, solertia, sapientia, & potestate præditum. Quæ in re non infimum obtinet locum tanta vultuum vocisque humanæ diuersitas, quæ cum ad hoc indurta sit, vt iniuriæ caueatur, & iustitia conferuetur, nullius alterius, quàm diuini numinis effectus esse potest.

Quod igitur pertinet ad vultuum diuersitatem, certè sine illa neque iustitia inter homines conservari, neque Reipublicæ vilius forma consistere posset, sed maxima rerum omnium perturbatio faciliè nasceretur, quomodo enim mariti suas vxores, parentes suos liberos, creditores suos debitores, subditi Principes, Magistratus impios, & sic de alijs, cognoscerent: nec enim signum aliquod externum sufficeret, quandoquidem ad libitum assumi, & deponi posset. Quia verò sæpe res in obscuro agitur, nec hominem videre possumus, quem alloquimur, aut in eo discernendo acies obtusior decipi potest, non minorem Deus vocum, quam vultuum varietatem induxit, vt gemino teste difficilior hallucinaremur.

Quare D. Augustinus istam vultuum diuersitatem miraculum appellare non veretur lib. 21. de Ciuitate Dei cap. 8. vbi contendit aduersus paganos Deum aliquid in rebus facere posse, quod homines naturaliter experiri nequeunt. Non ergo, inquit, de notitia naturarum caliginem sibi faciant infideles, quasi non possit in aliqua re diuinitus fieri aliud, quam in eius natura per humanam

Y 2 suam

suam experientiam cognouerunt, quâuis & ipsa, quæ in rerum natura omnibus nota sunt, non minus mira sint, essentque stupenda considerantibus cunctis, si solerent homines mirari nisi rara. Quis enim consulta ratione non videat in hominum innumerabili numerositate, & tanta naturæ similitudine valde mirabiliter sic habere singulos singulas facies, ut nisi inter se similes esset non discernerentur species eorum ab animalibus ceteris, & rursus nisi inter se dissimiles essent, non discernerentur singuli ab hominibus cæteris. Quos ergo similes confitemur, eosdem dissimiles inuenimus. Sed mirabilior est consideratio dissimilitudinis, quoniam similitudinem iustius videtur exposcere natura communis. Et tamen quoniâ quæ sunt rara, ipsa sunt mira, multo enim amplius admiramur, quando duos ita similes reperimus, ut in eis discernendis aut semper, aut frequenter erremus.

Quantum è Physica argumentum sit omnium elementorum, rerumque ex illis compositarum concors discordia, atque discors concordia: *Quis enim, inquit Athanasius orat. contra Idola, cernens contrarias inter se naturas, coaptatas tamen esse, & concordem inter se harmoniam tenere, atque vnum quasi corpus absoluere, non secum cogites foris, & seorsum esse cum ab istis, qui ea in hunc modum coniunxerit. Enimvero si fateamur corporis humani fabricam statim ruituram, si ex eo euolet anima, quia quatuor illos humores quatuor elementis respondentes sola regere, & in concordia retinere potest: quis ita demens fuerit, qui non fateatur totum hunc mundum tot partibus inter se dissidentibus compositum stare non posse, nisi quis illas partes à mutua internectione cohibeat, easque summo ingenio ad concordiam reducat.*

Nunc ad mathematicas tam puras, quam impuras, seu mixtas descendendo: inter quas ut primum habet locum Arithmetica, cui pro obiecto quantitas

discreta, seu numerus absolutè consideratus, primum etiam ex illa sumemus argumentum ad probandam Dei existentiam. Ut igitur omnes numeri pendent ab vnitate, cum ex ea, ut ex infinito thesauro, digiti articuleque numeri, centenarii, millenarii, ceterique infinitum emergant: Sic omnes rerum creaturarum species pendent ab vno primo principio, quod est Deus: Vnde Mercurius Trismegistus, per vnitatis, & numerorum analogiam, ad veram vnitatem cogitandam, verosque naturæ numeros nos eleuans; hæc scribit in Pimandro cap. 4. Vnitas omnium principium, radix atque origo, absque vero principio nihil, initium autem est non principium, sed alterius. *Vnitas ergo principium, omnemque continet numerum à nullo contenta, omnemque gignit numerum, nullo genita numero. Quidquid vti que genitum, imperfectum, diuiduum, cresciens, atque decresciens: ei verò quod perfectum nihil horum accidit, id sane quod augefcit, virtute augetur vnitatis, euanesct autem imbecillitate propria, cum ulterius vnitatem capere nequeat. Hac tibi pro viribus imago Dei subscripta sit, quâ si diligenter consideraueris, oculisque internis pranoueris, crede mihi fili assensum ad excelsa comperies.* Hactenus Mercurius. De quo argumêto vide Petrum Bongum lib. de mystica numerorum significat. c. 1. de Vnitate.

Posse insuper beneficio Arithmeticæ, eiusque regularum, recensere numerum arenæ maris, imo & totius terræ, aliaque huiusmodi mirabilia præstare, de quibus præter Merfennium agunt Diophantus, Stevinus, Buteo in logistica & Clavius, profectò satis ostendit animum nostrum nescio cuius infinitudinis esse participem, que toti mûdo, cuius partes singulas ita discecat, & pro libito enumerat, eiusque ambitum, etiam si immensus apparet, in se tam arte complectitur, anteponi debeat, atque adeò animum hominis ab alio, quam à mundo suam originem repetere debere: elseque præter mundum hunc

hunc, inuisibile aliquid, quod nostris corporibus hanc infuderit mentem, quæ terræ, quæ cælis, quæ toti mundo ita dominatur, vt quantus quantus sit, cum etiam veluti punctum sibi animus noster proponere valeat.

Non minus efficacia ex Geometria, quæ habet pro obiecto quantitatem continuam, desumuntur argumenta ad ostendendum Deum esse; vt enim alia omittam de quibus potest videri Nicolaus Cusanus lib. de docta ignorantia, & Mersennius in Genes. cap. I. dum Geometria docet in circulo lineas omnes circumferentiam tangentes æqualiter à centro distare, circulum principio sineque carere, seque ipso contentum esse, cæteris figuris non indigere, imo omnes comprehendere, atque superare; dum inquam Geometria hæc & similia de circulo docet, numquid in eo tersissimum habemus diuinitatis speculum, à qua tanquam à suo fontali principio, non minus quam lineæ à centro circuli, dependent omnes creaturæ, tam vt sint, & fiant, quam vt operentur; nõ minus, quam circulus cæteras figuras, polygoniamque infinitam, Deus etiam infinitas creaturas, earumque perfectiones comprehendit; sic Mercurius trigemistus dixit Deum esse Sphæram, cuius circumferentia nusquam, & centrum vbique; ea enim ratione qua creaturas in infinitum perfectiores potest producere, vel etiam omnia comprehendit, omniaque termino carens limitat, rectè dicitur eius circumferentiam nusquam esse; centrum verò vbique, quæ eius irradiatio in omnium rerum peripheriam extenditur.

Transcundo modo ad Mathematicas impuras, seu mixtas, Musica, quæ est scientia Arithmeticæ subalternata, respicitque pro obiecto numerum non absolutè consideratum, sed sonorum, suum etiam symbolum confert ad asserendam Dei existentiam; vt enim vnitas est fundamentum Musicæ, nam diapason consonantiarum omnium perfectissimum ab æqualitate suam nobili-

tatem repetit, in illa si quidem vnisonantia consistit, æqualitas autem ab vnitate profluit; ita etiam Deus solus principium sine principio, est æqualitas, vel melius vnitas æqualitatis fundamentum, cui creaturarum omnium diapason innititur. Vt insuper organa, panduræ, psalterium, sambuca, tubæ, tympana, testudines, cæteraque id genus instrumenta, iunctæque cum eis hominum voces debitam melodiam, & harmoniâ efficere nequeunt, nisi prius à viro musico in concordiam redigantur, qui fides, vel voces, & sonos magis ac magis intendat, atque paulatim remittat, donec omnes inter se consonent: Ita etiam in orbe terrarum, mundique theatro, vbi plurimæ naturæ dissonæ sunt, quæ tamen ferè semper in vnum ordinem, ac velut harmonicum concentum rediguntur, vt admirandum illud systema componant, debet dari summus aliquis Musicus, Deus videlicet, qui hæc omnia ad concordiam reducat.

Tandem si nemo est, etiam Atheorū, qui vbi cytharæ deprehendit sonum, vel cantionem aliquam è testitudine resonantem, licet instrumentum minime videat, non fateatur aliquem cytharædum esse debere, qui sonum illum efficiat, siue digitis, & plestro, siue ponderibus, atque motibus, aut etiam venti, ignis, vel aquæ beneficio, quibus omnibus varia instrumenta parari possunt, quæ etiam in hominum absentia, harmonice resonent; quid obsecro de mirabili mundi systemate tot, & tam excellentes concentus includente, quid de singulis creaturis tam perfecte resonantibus, & ad sonos harmonicos compositis dicemus, & concludemus, nisi dari necessario quemdam inuisibilem ordinis adeo concinnis, & harmonici auctorem, qui quidem mundum videat, nec tamen ab eo intuituè videatur, quem nos merito Deum appellamus, quandoquidem nihil ei deesse potest, & omnibus abundè tribuit.

Vt Musica Arithmeticæ, ita Astrologia,

logia, Geographia, & Hydrographia, & Optica Geometriæ subalternantur, secundum quod quantitatem, Geometriæque principia ad corpora cælestia, terram, aquam, & visum applicant. Incipiendo igitur ab Astrologia, quis attentè consideret cœlorum magnitudinem, quæ vsque ad firmamenti concavum 80. milliones miliarium numerantur, motuum pernecitatem, ac diversitatem, cæteraque huiusmodi, quæ tamen in cœlis, quàm in astris cernuntur, & non statim fateatur tam ingentia, & admiranda corpora fieri non potuisse, nisi ab aliquo supremo, nobisque invisibili opifice, qui necessario est Deus. In Geographia similiter, & Hydrographia multa docentur ex quibus necessario sequitur aliquod agens admittendum, esse, quod totius naturæ vim longè superet, inter quæ non ultimum obinet locum, quod terra ut potè omnium elementorum gravissima deberet aquis vnde quaque subijci, iuxta id de antiquo Chao à poëta decantatum *omnia partus erant*, cum igitur rem alio modo dispositam videamus, fatique constet hunc orbem à sua superficie aquas illas removere non potuisse, necessarium fuit, ut quis eas à terra segregarit, ut arida fieret, commodamque hominibus habitationem præberet. At nullum vivēs corporeum huiusmodi separationem facere potuit, nullum enim erat, cū totam terram circumdarent aquæ, igitur ad aliquod vivens spirituale deveniendum est, quod opus tam arduum, perfecerit, quod Deum Optimum, Maximum appellamus, ut Iob cap. 38. testatur dum omnipotentem de mari ita loquentem inducit. *Circumdedit illud terminis meis, & posui vectem, & ostia; Et dixi vsque huc venies, & non procedes amplius, & hic confringes iumentes fluctus tuos.* Verum cū Scripturæ Sacre valedixerint Athei, fortè satius fuerit ex ipsius Paganis testimonia depromere, quibus confundantur, sufficiatque modo vnus pro cæteris Ovidius lib. 1. Metamorph. qui postquam

de Chao verba fecit, hæc habet,

*Sic erat instabilis tellus, innabilis unda
Lucis egens aer, nulli sui forma manebat,*

Obstabatque alijs aliud; quia corpore in uno

Frigida pugnabant calidis; humentia siccis,

Mollia cum duris, sine pondere habentia pondus.

Quæ omnia statim fatetur Deo auctore suis fuisse constituta locis, & limitibus circumscripta

Hanc Deus, & melior lixem natura diremit

Nam calo terras, & terris abscedit undas.

Vbi Deum meliorem naturam appellat, quod in eo creaturæ omnes melius, & præstantius esse, quam in seipsis habeant, cum in eo eminenter seclusisque omnibus imperfectionibus cõtineantur. Nunc venio ad Opicam, ex qua facile quis animaduertet esse aliquid præter aspectabilia, quod nos ad se rapiat; dum enim, si in cœlum vultum erigimus, totum illud spatium, quod inter cœlum, & terram intercedit, inoffenso obitu perlustramus, nec enim hebescit acies remotissimorum syderum intervallo. si verò horisontem versus oculos intendimus, breui terrarum interpedine abrupitur, & summum Optici aiunt si 40. miliaria complectamur, quid aliud significat nisi mundum hūc elementarem non esse perpetuum hominum domicilium, eosque non ut terræ, sed ut immensæ alicuius patriæ incolæ creatos fuisse, adeo ut is, qui genus hominum condidit, desiderium ardentissimum inferuerit, quo ad melius domicilium aspicerent, & illuc pro viribus tenderent iuxta id:

Pronaque cum spectent animantia cætera terram

Os homini sublime dedit, calumque tueri

Iussit, & erectos ad sydera tollere vultus.

Iusuper quis potest intelligere, quæ ratione

ratione tam parui oculi , pupilla adeo anguſta, non tantum pyramide radioſa videre poſſit obiecta tam immania , & tam longe diſſita, ſed etiam de ijs , eorumque magnitudine, diſtantiâ , & virtute dijudicare, niſi agens infinitum, & optimum ſupponamus , qui rei tam parvæ tantam virtutem contulit, vt re vera in vnus oculi fabrica non minus videatur admirabilis, quàm in totius mundi conſtructione .

At, ſi quot ſunt ſcientiæ & artes, tot ſunt præclara diuinæ exiſtentię teſtimonia , ſi, inquam , ſcientię inferiores tot ac tanta nobis exhibent diuinitatis argumenta; quid Theologia tam naturalis , quàm ſupernaturalis , omnium ſcientiarum nobiliſſimæ ; ad primam pertinent quinque illa priora argumenta, ex parte motus, ex parte cauſæ efficientis , ex parte neceſſarij , ex parte graduum rerum , & tandem ex parte gubernationis earum, de quibus cum iam ſupra abundè egerimus, ſuperest vt ad argumenta Theologiæ ſupernaturalis tranſeamus ; Hæc igitur dùm docet dari effectus plurimos ſupra naturæ curſum, qualis eſt reſgreſſus à priuatione ad habitum , ſiue per illuminationē cæci, ſiue per reſurrectionem mortui, & ſexcenta alia admirabilia à Chriſto Domino, alijsque Sanctis Viris ad hunc uſque diem edita, omnino violenta curſui ordinario naturæ . Adde ſcrutationes cogitationum , adde tot prædictiones futurorum, quæ non antè prædici, quàm prænoſci potuerunt , adde viſiones, & reuelationes de Deo, eius perfectionibus ; dum hæc inquam , & ſimilia docet ſupernaturalis Theologia, numquid exiſtentiâ Dei luce meridiana clariorem iam pene ipsis oculis intuemur .

Cum enim hæc omnia viribus naturæ fieri nequaquam poſſint ; cum , inquam, miracula quæ in morborum curationibus, & huiusmodi rebus fieri ſolent, nec à proprietatibus occultis herbarum, lapidum , & animalium, nec ab humanæ naturæ proprietatibus ſiue

idiosyncraſia fieri, nec in animam ſenſitiuam, aut eius phantaſmata, atque ſpecies, nec in ſpiritus , & vapores a corpore exhalatos, nec in motrices intelligentias , nec in aſtra , vllamue aliâ cauſam naturalem referri poſſint . Cum inſuper reſurrectionio mortuorum non poſſit in dæmones reſundi, nec in Necromantiâ , nec in aſtra, nec in nouos legiſlatores , niſi fortè iſti legiſlatores à Deo, vt Moyses , & Dominus noſter Ieſus Chriſtus mitterentur, nec in intelligentias , & eleuationem alicuius animæ ſuper alias, nec in vim herbarum, aut ſanguinem reſuſum , nec in hominibus aſſilatum, nec in reuocationem ab extaſi, lethargo, & ſpaſmo, nec in calore putredine mixtum, aliaque ſimilia : Cum denique ſcrutationes cogitationum , prædictiones futurorum , apparitiones Angelorum ſiue etiam dæmonum , & animarum, quas Scriptura Sacra, vel etiam Sancti Patres , & hiſtoriæ Eccleſiaſtica Scriptores narrant, reuocari non poſſint in ſabellas verularum ; & pijs principum fraudes, vel Sacerdotum technas, in mathematicas ſcientias, in vapores corporis humani vel alterius, in phantaſiam, aut delirium, in ſpecula, in intelligentias . Cum inquam, omnia ſupradicta, iſſique ſimilia opera nuſquam viribus nature tribui poſſint , prout aduerſus Atheos pluribus demonſtrat eru-

ditiffimus Merſennius in

Genef. cap. 1. Superest
vt ex illis Deum
eſſe conclu-
damus.



CAPVT XIV.

Deum esse probatur ex scientijs moralibus, & effectiuis.

CVM præter scientias purè speculatiuas, vel contemplatiuas, quas alij theoreticas, & speculatiuas appellant, denteur adhuc scientiæ practicæ, seu morales; & effectiue, quæ alio nomine poëticæ, & artes nuncupantur, postquam superiori capite egimus de primis in ordine ad venandam Dei cognitionem, superest breuiter agere de alijs duabus; vt sic nulla sit scientiæ, nullusque effectus siue naturalis, siue supernaturalis, siue moralis, siue artificialis, quorum non audiantur voces eorum Deum esse annuntiantium.

igitur sicut primum totius philosophiæ moralis fundamentum est finis, sic enim se habet in practicis, sicut prima principia in speculatiuis, primum etiam argumentum ex vltimo hominis fine desumemus, ad indagandam, & probandam Dei existentiam; pro cuius intelligentia notandum est, felicitatem, seu finem hominis situm esse in nobilissima operatione, vt demonstrat Aristoteles 19. Moral. cap. 6. Hic autem necesse est, vt sit actus nobilissimæ potentiae, cuiusmodi sunt in homine intellectus, & voluntas, quarum vtraque alteri præstet, licet in controuerso sit, vtramque tamen præstare cæteris in controuerso non est, vnde concludendū est hominis finem, & felicitatem vt quo sitam esse vel in intellectu, vel in volitione, vel in vtraque. Noto secundò intellectum, & voluntatem tendere per suos actus ad omne ens: intellectū sub ratione veri, voluntatem sub ratione boni. Ex his duobus principijs apud Sapientes planè certis demonstratio de existentia Dei ita deduci potest.

Felicitas hominis, debet esse realis, & passibilis, sed non esset talis, nisi daretur ens summè verum, & summè bonum, Ergo datur &c. Maior huius ar-

gumenti pater, quia finis homini præstitutus à natura est propria felicitas; consecutio autem finis non debet esse impossibilis, nisi velimus dicere naturam hominem frustra produxisse, adeoque nihil aliud esse hominem, quàm vanitatem vanitatum; quod Athei negant, dum fatentur ad hoc hominem in mundo positum, vt secundum virtutē agat, & in omnibus rectæ rationis dictamini se se conformet, amanda diligit, mala oderit, sit in alios beneficus, sit fidelis in promissis, prudens, iustus &c.

Minor probatur, nam felicitas hominis consistit in operatione siue intellectus, siue voluntatis, siue vtriusque, vt patet ex primo supposito, & notando. Sed tales operationes non possunt felicitare, nisi detur ens summè verum, & summè bonum: intellectus enim non potest quiescere in vno, aut pluribus veris finitis: nec voluntas in vno, aut pluribus bonis finitis; non solum quia hæ potentie ex se ordinantur ad omne verum; & sic non possunt quiescere, nisi in omni; sed etiam quia, posita affectione vnus, aut multiplicis veri, aut boni finiti, intellectus, aut voluntas potest vltius tendere ad affectionem alterius veri, & boni, quo caret, & sic non quietari.

Nec potest dici vtramque potentiam quiescere in comprehensione omnis veri, aut in fruitione omnis boni distribuendo per singula vera, aut bona creata, & in infinitum creabilia; Siquidem impossibile est intellectum, & voluntatem quietari per tendentiam ad vera, aut bona in infinitum procedentia; nam neque vnquam simul ea apprehenderet, neque successiue vnquam posset peruenire ad finem, *nullus autem vt notat Aristoteles 12. Metaph. textu 8. inciperet agere quicquam, nisi esset perueniens ad finem.* Ergo debet dari verum eminenter continens omne verum, & bonum eminenter continens omne bonum, in quo intellectus, & voluntas hominis conqueſcat. Tale verum, & bonum Deus est.

Secun-

Secundò omnis potentia habet suum obiectum adæquatam, in quo quiescit, vt potentia actiua ignis in producendo summo calore, & potentia motiua in suis centris. Sed voluntas hominis, eiusque amor non quietatur in bono finito, vt satis experientia constat. Ergo signum est manifestum dari bonum infinitum, vt centrum, in quo, vt ait D. Dionysius de diuinis nominibus cap. 4. *omnia consistunt.*

Tertiò experientia patet visis creaturis tanquàm effectibus inesse homini naturale desiderium cognoscendi creatorem, seu causam primam omnium; maximeque delectari intellectum cum ad illius cognitionem peruenit, contéplaturque Deum vt ens incausatum, omnia causans, infinitum, summe bonum, & pulchrum: præsertim si sit talis intelligens expeditus à prauis affectibus, qui trahunt alio; non est autem verisimile appetitum naturæ tendere ad non ens, & ad chimæram, & intellectum, cuius obiectum est ens, & verum, maxime quiescere in non ente, & falso: datur igitur summum bonum, summumque verum, in quo omne bonum, & verum, se solo humani appetitus quietatium. Quare D. August. lib. 1. Confess. cap. 2. *Fecisti, inquit, nos Domine ad te, & inquietum est cor nostrum, donec requiescat in te.*

Quod idem argumentum alio modo fieri, & proponi potest. Quicumque asserit nihil à natura frustra, & in vanum fieri, Deum esse fateatur necesse est; Sed Athei ipsi fatentur omnia, propter aliquem finem à natura fieri, & nihil frustra, igitur Deum esse fateatur necesse. Maior probatur, quia nisi Deus admittatur natura hominem frustra produxit; Sed Athei negant hominem frustra conditum esse, ergò necessarii debent Deum admittere. Maior huius vltimi argumenti, in qua tota est difficultas probatur, nisi homo dignum amoris sui, & aliarum actionum obiectum habeat, sed obiecto debito careat, frustra est in mundo; sed nullum

Bibliot. Theol. Tom. V.

obiectum dignum, atque congruum, vel debitum habet siue amoris sui, siue aliarum virtutum, nisi Deus esse supponatur, igitur Deus admittendus est: ita Merfennius loco sæpius citato, qui vltimam huius argumenti minorem, in qua sola est difficultas ad longum probat; Maior enim satis patet, cum facultates illæ frustra esse dicantur, quæ obiecto carent.

Ad moralem etiam spectat graduum & ordinum differentia, qua videmus aliquos diuites esse, nobiles, & dominos, alios vero inopia premi, ministrare & mechanicas artes exercere, & ex hac efficacissimū pro Dei existētia depromi potest argumentum; dum enim ex paupertate, quam omnes fere mortales ita fugiunt, & odio plusquam Vatiniano prosequuntur, totus orbis omni commodorum genere, & omnibus ornamentis impletur, quidquid enim pulchri, & admirandi cernitur, paupertatis est opus, vt egregiè prosequitur Perseus initio satyr. 1. & Manilius Astronom. 1. quis ex illa, tot tantaque bona præter naturæ totius authorem, elicere potuit.

Quod videamus insuper sæpe viros pios affligi, diuersisque tribulationibus conculci, malos verò florere, licet ipsi etiam diuersis calamitatibus impetantur; mirum in modum aduersus Atheos summā alicuius supremi numinis prouidentiam, & existentiam commendat; vt fusius demonstrant Iulius Serenius, Theodoretus de prouident. D. Chrysost. sermone de terræ motu, & sermone 4. de prouidentia patebitque diligenter consideranti causas, ob quas Deus tribulationes bonis immittit, quæ videri possunt apud Merfennium cap. 1. comment. in Genesim.

Tandem si percurram singulas philosophiæ moralis non tam species, quam partes, tot habebimus clarissima diuinæ existentia argumenta; vt enim Oeconomica nullam domum sine patrefamilias, Politica nullam Ciuitatē, aut Prouinciā, sine Principe, nullum


Z

regnum

regnum, vel imperium sine Rege, aut Imperatore, nullum exercitū sine duce stare posse docent; quanto magis concludendum est totum istum mundum, ex tot dissidentibus partibus compactū stare non posse sine aliqua causa vniuersali, quæ sit illius gubernatrix & maximè cum totam rerum vniuersitatem ita conseruari, atque perpetuari videamus, vt singula iuxta naturæ exigentiam suo tempore adueniant; vbi sanè tam admirabilem, tamque constantem dispositionem obseruamus, vt ea nullo modo in casum referri possit, sed necessario in summi numinis prouidentiam refundi debeat, alioquin enim non semper continuari deberent, quæ videmus, quandoquidem illud, quod casu contingit, raro fieri solet.

Quod pertinet ad artes, quas philosophiam effectricem appellamus; quis satis mirabitur Atheorum insipientiā, qui, visa re aliqua artefacta, vt columba Tarentini, quæ in medio aere pendula conquiescebat; Sphæra Archimedis motus cœlestes referente, & cæteris huiusmodi, quæ ad miraculum vsque vnaqueque ars præstat, libentissimè fatentur, & asserunt talia casu minimè facta fuisse, sed ingeniosissimi alicuius, & excellentissimi artificis industria; & tamen visis rebus naturalibus, quæ in infinitum prope sunt artefactis præstantiores, summum artificem, & rerum omnium naturalium, atque supernaturalium, creatorem admittere nolunt.

Sed de his satis, nunc ad alia procedamus argumenta.



CAPVT XV.

Deum esse demonstratur ex consensu totius humani generis.

Atheum tacitis forsan naturæ, scientiarumque omnium vocibus obsolescentem, clamore omnium gentium premere lubet; clandestinumque mendacium dicentis in corde suo non est Deus, totius humani generis testimonio deprehendere; quo argumenti genere plures olim vsi sunt, præcipuè Minutius felix in Octauio; *Quid*, inquit, *quod omnium de isto habeo consensum? Audio vulgus, cum ad cælum manus tendunt, nihil aliud quam Deum dicunt: & Deus magnus est: & Deus verus est: & si Deus dederit: vulgi iste naturalis sermo est, an Christiani consentis oratio? & qui Iouem Principem volunt, fallantur in nomine, sed de vna potestate conueniunt; Audio poetas quoque; unum patrem diuum, atque hominum predicantes, & talem esse mortalium mentem, qualem parens omnium Deus induxerit &c.*

Igitur pro intelligentia huius rationis, notandum est non minus potentiā intellectiuam esse ex suis intrinsicis determinatam ad verum, quam sit potentia illa visua ad luminosum, & coloratum, cum non minus proportionatum sit intellectus obiectum verum, quam sit oculi lux, & color. Vnde sicut ad discernendam lucem à tenebris, album à nigro satis est consulere commune iudicium oculorum; ita ad discernendum verum à falso non oportet, nisi consulere iudicium intellectus, & si ferè omnibus hoc, vel illud constanter appareat verum: pauci aliqui, qui id falsum esse dicant, estimari debent amētes, eo planè modo, quo cæci censentur ij, qui reclamantibus cæteris negarent meridie lucescere; quare Aristoteles 1. Ethic. cap. 12. legem appellat opinionem multitudinis; & Seneca epist. 118. *multum, inquit, dare solemus pra-*

praſumptioni omnium hominum ; magnumque eſt apud nos veritatis argumētum aliquid omnibus videri ; quod maxime verum eſt, quando in illa multitudine, pariterque ſentientium pluralitate conueniunt ſapientes .

Noto ſecundò aliud eſſe quærere, vtrum Deus ſit, aliud vtrum Vnus ſit, aliudque ſimile, nos hic Dei exiſtentiam præciſe quærimus, non vnitatem, aut aliquod aliud attributum . Dari autem Deum aliquem adeò vnanimi omnium conſenſu receptum eſt ; vt non tam fuerit mortalium mentibus Dei inferenda cognitio, quam Deorum multiplicitas amputanda . Quare Auguſtinus ſerm. 10. de verbis Domini ; *Pauci, inquit, inueniuntur tanta impietatis, vt impleatur in iſ, quod ſcriptum eſt, dixit ſtultus in corde ſuo non eſt Deus. Infamia iſta paucorum eſt . Sicut enim magna pietas paucorum eſt : ita & magna impietas nihilominus paucorum eſt .* Vnde eadem ratione, qua ex hoc, quod magna pietas, magnæque vitæ ſanctitas ſit paucorum, rectè arguitur magnam, perfectamque iuſtitiam eſſe ſupra omnes naturæ vires ; ita ſimiliter ex hoc, quod pauci inueniantur tantæ impietatis, qui Deum eſſe negent, multi verò per oppoſitum, qui illum exiſtere fateantur, colligendum eſt veritatem eſſe certiffimam, luminique naturali conformem .

Superest modo referre, quid de Dei exiſtentia non ſolum rudes, & indocti, ſed potiſſimum ſapientes inter Ethnicos vnanimiter tenuerint, ſicut enim in qualibet arte ſtatur iudicio peritorum : ita ſtandum eſt in ſcientiis . Vt autem in hoc ordinatè procedamus, recolenda eſt ſuperius allata lib. 2. ſectarum omnium priſcorum ſapientum diuiſio in Ionicam, & Italicam, rurfus Ionicæ, in Academicam, Peripateticam, Stoicā, & Epicuream ; Vel ſi altius rem velimus repetere, Sectæ omnes generatim diuiduntur in tres, Barbaricam, Græcā, Italicam, vt ex Laetio in Præmio, & Lypſio in introductione ad *Bibliot. Theol. Tom. V.*

Stoicam Philoſophiam loco ſtatim citato notaui . Barbarica comprehendit Chaldaeam, Aegyptiam, Gallicam, Græcanicā Poeticā, cuius Princeps Orphæus, & Ionicam, cuius Princeps fuit Thales Mileſius &c.

Hatrum igitur, cæterarumque ab illis ortarum ſectarum principes, præcipuique ſectatores, cum inter ſe pugnarent in cæteris, in hanc vnā veritatem coniurarunt omnes, Deum aliquem dari, intelligendo nomine Dei primum ens, ſue primitate cauſalitatis, ſue excellentiæ . Quorum teſtimonia, & ſententiæ videri poſſunt apud Auguſtinū Eugubinum lib. 1. de perenni Philoſophia . Interim ſic argumentor, Quotieſcumque aliquid omni intellectui, aut ferè omni reſentatur, vt verum, id vt verum firmiſſimè habendum eſt : Sed Deum eſſe, omni intellectui, aut ferè omni præſtantiffimorum etiam Philoſophorum reſentatur vt verū . Ergò vt verum firmiſſimè habendum eſt . Maior patet tum ex primo ſuppoſito, tum etiam ex hoc quod ſi verū non eſſet Deum eſſe, non ſolum id eſſet falſum, ſed etiam penitus impoſſibile, & contradictionem implicans . Cum enim in diuinis idem ſit eſſe actū, & poſſe eſſe : non eſſe actū, & eſſe impoſſibile, vt Ariſtoteles, & omnes Philoſophi docent ; Si Deus iam non eſt : prorsus impoſſibile eſt, contradictioneque inuoluit, ipſum aliquando exiſtere . At quomodo fieri poteſt, id quod non ſolum eſt falſum, ſed penitus impoſſibile, ita omnibus gentibus maximeque inter illas ſapientibus eſſe perſuaſum, & vt verum reſentatum .

Minor probatur ex ſecundo ſuppoſito, quo ad ſapientes, quibus inſuper addo omnium gentium tam barbararū, quàm litteris cultarum conſenſum, quæ omnibus ſæculis, quantum ex hiſtoriis conſtare poteſt, tenuerunt eſſe aliquod numen, quod res humanas cognoſcat, & gubernet, quod noſtri curam gerat, ad quod in periculis, & afflictionibus ſit conſugiendum, à quo præmia pro

rectè factis, & supplicia pro sceleribus sint expectanda. Cuius rei manifestum signum, & argumentum est, quod omnes habuerint sua sacra, suas caerimonia, sua templa, suos sacerdotes ad cultum numinis institutos. Quid enim religionis sensus ita cunctis quapvis barbaris, & efferatis gentibus innatus, & in animo quasi insculptus aliud probat, quàm Dei, supremique alicuius numinis existentiam *Si non sunt Dii*, inquit Sextus Empyricus lib. 8. aduersus Mathematicos. *nec religio, quæ est scientia cultus Deorum: eorum enim quæ non sunt, cultus esse nequit; est autem religio, ergò sunt Dii*; Nihil dici poterat sapientius, si de Deo dixisset, non de Dijs.

Ad hoc etiam pertinet, quod omnes gentes in repentinis periculis naturæ quodam instinctu, absque deliberatione ad Deum recurrant, eiusque opem implorent: *O Deus succurre, ò Deus adiuua me, ò Deus miserere &c.* Rursus quod Deum dicant omnia scire, omnia posse: eius fauorem deprecantur amici, vindictam imprecantur inimici, ut doctè prosequitur Tertullianus libello de anima testimonio, & Nemesius cap. 44. de homine.

In hoc autem totius generis humani consensu de primi entis existentia, plura sunt considerata, quæ vim huius argumenti mirum in modum confirmant; primum est vniformitas, quod cum in cæteris tanta sit non solum inter sapientes, sed etiam inter rudes opinionum dissensio, in hac tamen veritatem coniurarunt omnes, Deum, aliquem dari; omnimodæ enim vniformitatis talis consensus apud tot gentes, apud sectas planè omnes, quas Varro distribuit minutius in centum octoginta, tam mira, inquam, in hoc vno consensio ab alio oriri non potest, nisi quia vis tam perspicuæ veritatis, vel à dissidentibus consensum extorquet.

Secundum est vnanimis huius consensus antiquitas, quod cum ante Protagoram, qui vixit temporibus Socratis, nulla fuerit Atheismi vel ymbra, ut te-

stantur Tullius, & Lactantius; contra verò Dei cognitio quando cæperit nulla memoria; quod argumento est vnicuique mundo inceptisse. Antiquissimus Historicorū inter prophanos Herodotus historiam orditur ab oraculis Deorum. Antiquissimi Poetarum Musæus, & Orpheus de Deo cecinere. Antiquissimi Philosophorum Zoroaster, & Mercurius, Chaldeæ, & Aegyptiæ sectæ principes de Deo philosophati sunt tanquàm de re notissima, ac pridem recepta. Hoc argumento, vtitur Simplicius in cap. 38. Enchiridionis. *Vbi omnes, inquit, homines tam Barbari, quàm Græci tum infinito superiori tempore, tum nunc alijs alijs, rationibus Deum esse censent.* Tullius vero lib. 2. de nat. Deum, hoc, inquit, (Deum esse) nisi cognitum comprehensumque animis habereamus, non tam stabilis opinio permaneret, nec confirmaretur diuturnitate temporis: nec vso cum sæculis, ætatibusque hominum inueterare potuisset.

Tertium est firmitas, & certitudo, qua apud omnes etiam Barbaros viguit hic consensus sine hæsitazione, quodque mirabilius est sine magistro. Itaque fatetur Iulianus apud Cyrillum lib. 2. cap. 4. *Cognitionem Dei rem esse, quæ doceri nequeat, sed per se discatur ab hominibus. Omnes enim absque doctore Deitatem quamdam credimus.*

Quartum tandem, & vltimum est causa tantæ vniuersalitalis, & stabilitatis in hoc consensu, nam quod semper, aut frequenter, ut sæpius monui, non est à casu. Ergò à causa per se. Sed falsitas non potest esse causa per se assensus in intellectu, hic enim ex sua natura assentitur verò, non falso. Ergò quod est causa per se talis assensus est veritas. Nec potest responderi trahi intellectum ab inclinatione, & prauo affectu voluntatis ad malum; ut accidit in Turcis propensis ad sectam Mahometicam propter licentiam veneris, aliarumque rerum carni, & sanguini fauentium. Nam primò voluntas prauè inclinans ad propriam excellentiam potius

tius inclinatur ad credendum, quod nihil sit supra hominem, quam quod sit: At dum statuit sibi Deum, statuit aliquod excellentissimum supra se, à quo distet in infinitum: quod est contra inclinationem voluntatis ad excellentiam propriam: Secundò voluntas propensa ad libere agendum, dum statuit sibi iudicem omnium operum, & cogitationum; hoc ipso connotat sibi limitēs suæ libertatis, quod etiam est contra propriam inclinationem. Non igitur consensus adeo vniuersalis, & stabilis in existentiam Dei potest oriri ex inclinatione voluntatis, vt probatum est, superest ergò vt oriatur ex inclinatione intellectus ad verum; & sic quod causa tam vniformis, tam vniuersalis, tamque stabilis, & firmi consensus sit veritas. Contra verò in paucis ijs, qui Deum negant, & adhuc dubitanter, vt cap. 2. huius sect. de Protagora dictum est, cumque suæ opinionis erubescantia, vt dicemus infra, facile apparet causam illius non esse veritatem, sed inclinationem voluntatis ad malum. Atheismi enim finis est securitas male agendi iuxta illud Prophetæ Psal. 73. & 51. *Dixit insipiens in corde suo non est Deus; corrupti sunt, & abominabiles facti sunt in studijs; quare modernus ille Athæus apud Zachariam Bouerium tom. 1. demonstr. 1. artic. 2. Ede, lude, bibe, iam Deus figmentum est.*

En ergò, quomodo omnes gentes, omnes ætates, omnes religiones, omnes sacrorum ritus, omnes sacerdotes, omnes prophetæ, omnis magorum disciplina, omnes omnium gentium, non solum post Christum, sed etiam ante illustriores Philosophi, denique natura ipsa rerum, quæ hunc sensum humano generi inculpfit, firmissimum perhibent testimonium veritati diuinæ existentiae. Et si enim non omnes conueniant, sit ne illud numen vnum an plura, corporeum an incorporeum, finitum an infinitum; omnes tamen sentiunt esse aliquod numen, idque esse colendum, vt etiam Cicero testatur lib.

1. de legibus, cum ait: *De hominibus nulla gens est, neque tam immansuetæ, neque tam ferrea, quæ non etiam si ignoret qualem Deum habere debeat, tamen habendum sciat.* Et Plutarchus lib. contra Colotem cap. 18. egregiè dixit *peregrinantibus multas occurrere sine manibus vrbes, nusquam tamen extare urbē, aut oppidum, quibus nullus sit Deus, nulla iuramenta, nulle preces, nulla sacrificia, talem urbem à nemine unquam visam, nec videri posse, potiusque conspiciendam sine sole urbem, quam sine Deo, ac religione.*

Vnde si ad omnimodam certitudinem veritatis primorum principiorum sufficit vnanimis hominum consensus, si quidem aliter probari non possunt, quam ex terminis, termini autem probari non possunt, nisi ex communi cōceptu omnium ita apprehendentium terminos; & hoc satis est ad dicendum insaniisse Heraclitū, & paucos alios negantes prima principia; ad omnimodā etiam certitudinem diuinæ existentiae, collocandosque eam negantes inter insanos, sufficit totius orbis, & omnium sæculorum de illa iudicium. Quare vbi legimus Psal. 13. *dixit insipiens; vertit* Augustinus serm. 10. de verbis Domini, *Dixit stultus in corde suo non est Deus, & insania ista paucorum est.* Præclarissimeque hinc argumentum ducens Chrysostomus in Psalmum citatum, quomodo, inquit, *omnis lingua Deum nominat? falluntur ergò omnes hominum myriades, quæ Deum esse dicunt: & solus insipiens reputat verum dicere, qui solus ita mentitur. Quicumque quidem vel seprem testimonia vult in testamentis euertere, per consensum reprobat, & eicitur: publicam autem mundi linguam solus insipiens vult euertere.*

CAPVT XVI.

*Deum esse probatur tam ex commodis, quam
stabilita semel Dei existentia conse-
quuntur, quam ex absurdis, &
incommodis, quæ suam ab
Atheismo originem
ducunt.*

INter argumenta ad veritatem diuinæ existentie demonstrandam efficacia, non inferiorem habet locum illud, quod constari solet tam ex commodis ad Dei affirmationem, quam ex absurdis, & incommodis ad illius negationem consequentibus, quæ latè prosequitur Mercennius in Genes. cap. 1. ratione 32. & Lessius lib. 1. de providentia numinis ratione duodecima.

Commoda quæ sequuntur dum admittitur Deus, sunt vera pietas, perfectaque virtutum omnium cultura, atque adeò cum illis necessario connexa rerum publicarum, & regnorum tranquilla gubernatio alique sexcenta illis similia; quid dicam de summa animi delectatione, qua mens humana semel conscia sensus diuini intra se latentis recreatur, tantoque thesauro diues, quidquid deliciarum est, quidquid honoris, aut voluptatis sensu titillat, aspernatur. O quale hominis gaudium, ubi credit opera sua præmium immensum acceptura, cum Deo grata esse credit, qui nihil virtute prædicitum sine præmio relinquit; qualis consolatio, dum in aduersis, dum in morbis Deum esse credit, qui sibi adsit, sibi que laurum, & coronam offerat, si ea patienter sustinuerit. O quantum bonum, quod Deum habeamus, qui nos, statim atque volumus aliquid turpe committere, secretò, atque benignè arguat, nobisq; ruinam è scelere futuram ostendat, ut à vitio reuocemur; qui, ubi malè fecerimus, nos ad poenitentiam hortetur, & expectet, nobisque poenitentibus libentissime veniam indulgeat. Ob quas & similes causas Deum fateri, atque cre-

dere tantùm refert, vtlicet illius existentia foret incerta, nec Deum esse rationes vllæ suaderent, singuli tamen, nullum non lapidem mouere deberent, ut sibi ipsi Deum esse persuaderent, ex quo tot sequuntur bona, & commoda; vbi per oppositum si semel creditur nõ esse, omnia inde vitia, omnia scelerum genera sublato Dei metu oriri quotidiana comprobatur experientia modernorum Atheistarum, qui sub politico-rum nomine, ut suis commodis seruiant, nullo se scelere non ingurgitant.

Igitur quam melior, & commodior summi alicuius boni affirmatio illius priuatione, seu negatione, tam prudentius ille, qui Deum esse credit, & asserit, non credenti præferendus est; ille enim, qui Deum esse ait, bonum aliquod infinitum affirmat, ex cuius credulitate non solum nullum imminet periculum, sed potius infinita oriuntur bona; qui verò Deum negat, nihil asserit; quid autem quæso ex priuatione, quid ex negatione, quid ex nihilo potest vtilitatis decerpi. Sed iterum, sequenti discursu Atheos virgeo, vel est Deus, vel non est Deus, si sit & negetur, à quanta ex tali negatione, & incredulitate Atheum manent pericula; vbi per oppositum, si per impossibile non esset, & tamen esse crederetur, & affirmaretur, nullum ex tali credulitate periculum nullumque timendum, est incommodum, quin potius innuenera sunt expectanda bona. Age igitur Athee, illam nullius Dei, vnde quaque vanam, & præposteram cogitationem excute; elige certum, & verissimum, elige optimum; & incertum, falsissimum, atque pessimum relinque, nec enim vllus vnquam te excusatum habebit, quod deceriora secutus fueris, sic enim aduersus vtilitatem tuam, aduersus ipsam naturam dimicas; at nemo te arguet; quod fueris meliora complexus, quod iucundius, & vtilius elegeris, quale est Deum credere; qui tametsi per impossibile nullus esset, nihil inde incommodi sequatur, quod eum credideris;

dideris ; saltem enim ea durante cogitatione tuus animus recreatus fuerit , ac vitam iucundè traduxeris , nec te poenitebit vnquam de huiusmodi credulitate .

Sed vt hanc rationem ad philosophicam speculationē reducamus , meliusque videamus , quot & quanta ex falsa Atheismi persuasione sequantur absurda , supponendum est primò falsum esse malum intellectus . Sicut enim bonum voluntatis secundum gradum rationalem est bonum honestum ; ita bonum intellectus , ad quod appetitu scilicet , & inclinatione naturali fertur , est verum ; quare malum voluntati rationali improporcionatum est inhonestum , sicut malum intellectui dissentaneum , est falsum . Suppono secundò intellectum , & voluntatem esse potentias per se connexas , mutuamque inter se sympathiam habere ; ita vt bonum vnius sit etiam per se connexum cum bono alterius . Ex quo sequitur vterius , vt malum vnius non possit esse per se connexum cum bono alterius , neque vice versa bonum vnius cum malo alterius . Vt igitur inuestigemus vtrum ex his propositionibus vera sit hæc , *Deus est* , an hæc *Deus non est* , videndum quæ ex his sit per se connexa cum bono voluntatis , quæ cum malo . Illa enim , quæ erit per se connexa cum bono voluntatis , erit etiam bonum intellectus , & sic vera ; quæ autem per se cum malo voluntatis , erit etiam malum intellectus , & sic falsa : Suppono tertio ex dictis cap. 2. huius sectionis Atheismum tum effectum , tum radicem esse omnium vitiorum in voluntate . Contra verò assensus in hanc propositionem Deus est , est principiū per se dirigens voluntatem ad bonum honestum , & radix omnis bonitatis moralis , vt sæpius iam monuimus , præclareque docet Plato de legibus lib. 10. *Qui Deos* , inquit , *esse putat , nec facit quicquam spontè impie , nec loquitur* .

Ex his suppositis existentia Dei demonstratur per deductionem ad sequentia absurda .

Primum est . Si Deus non esset , per se bonum in intellectu esset causa per se mali in voluntate .

Secundum est . Si Deus non esset per se malum in intellectu esset causa per se boni in voluntate . Siue quod idem est sequeretur , veram , & summā sapientiam extinguere omnem virtutem , & homines efficere pessimos : summum verò errorem , & amentiam excitare ad omnem virtutem , & homines efficere pessimos .

Tertium est . Si Deus non esset , per se malum in voluntate esset causa per se boni in intellectu .

Primi absurdi sequela probatur ; quia hæc propositio , *Deus non est* , est causa per se mali in voluntate , cum ex tertio supposito fructus illius doctrine , & persuasionis , sit omnium scelerum turpitudine , & abominabilis enormitas . Sed hæc si esset vera , esset per se bonū intellectus , vt patet ex secundo supposito , sicut enim , si est aliquod nomen , prima , & suprema veritas est *esse Deum* , qui mundum regat ; ita si nullum est nomen prima , & suprema veritas erit , *nullum esse Deum qui mundum regat* ; erit enim veritas de eo , quod apprehenditur ab omnibus esse supremum , ac primum omnium principium : Ergò per se bonum in intellectu , prima scilicet & summa veritas , esset causa per se mali in voluntate , omnium scilicet vitiorum . Confirmatur quia non potest esse causa per accidens , neque eius quod est semper , neque eius quod est frequenter , 2. Phisic. cap. 48. Sed cum Atheismo in intellectu , vt ex vtraque historia , tam prophana , quam sacra constat , videmus semper , aut frequenter coniunctam maximam malitiam in voluntate . Ergò Atheismus non potest esse causa per accidens talis malitiæ . Ergò causa per se . Ergò si esset vera hæc propositio , *Deus non est* , sequeretur primum absurdum , quod scilicet verum , quod est per se proprium intellectus bonum , esset causa per se mali in voluntate , siue quod idem est , quod vera , & summa sapien-

fapientia extingueret omnem virtutem & homines efficeret pessimos .

Secundi absurdi sequela probatur ; quia si hæc, *Deus est*, falsa esset , esset per se mala intellectus ; cum ex primo supposito malum per se intellectus sit falsitas ; & tamen esset per se causa boni in voluntate ; cum sit principium dirigens voluntatem ad omne bonum morale ; Ergo per se malum intellectus esset causa per se boni in voluntate : siue quod idem est , summus error , & amentia excitaret ad omnem virtutem , & homines efficeret optimos ; id quod est impossibile , meraque chimæra , esset causa omnis religionis , pietatis , iustitiæ , temperantiæ , modestiæ , benignitatis , patientiæ denique omnis virtutis , & honestatis : pacis insuper & tranquillitatis in republica , & omnis boni in genere humano . Persuasio enim numinis , eiusque amor , & timor , hæc omnia bona pariunt : & quo illa maiora , & vehementiora fuerint , eo maiora bona ex illis in animis hominum , & statu politico oriuntur . Vndè nunquam exitit Respublica bene instituta , in qua religio , & persuasio prouidentie numinis non vigerit : & priuati quo quisque fuit erga numen reuerentior , & religiosior , & probitate , & vitæ innocentia , fuit illustrior .

Nec potest responderi falsam persuasionem in religionibus sæpe maximam vim habere ad hominum animos à sceleribus absterrendos , & ad probitatem , ac iustitiam impellendos . Ethnici enim qui plures Deos pro multitudi-
ne , & diuersitate rerum humanarum statuebant , eorumque prouidentia res humanas geri , & mortalibus præmia vel supplicia pro meritis decerni putabant (quæ tamen omnia falsa erant , & impossibilia) nihilominus ex hac animi conceptione abstinebant à multis iniurijs , & sceleribus , quibus illa numina credebant offendi , ne in illorum iram incurrerent , & pœnas siue in hac vita , siue in futura darent .

Hæc inquam , responsio non valet ,

etsi enim persuasio Ethnicorum ' fuerit quidem falsa in particulari (quatenus sentiebant hos vel illos esse numina , & curare res humanas) nō tamen in genere quatenus sentiebant esse aliquod numen , cui res humanæ sint curæ , quodque factorum exigit rationem . Vnde , quando vel metu numinis offendendi , vel affectu placendi abstinebant à malo , vel faciebant aliquid boni , impellebantur non vi persuasionis , qua falsa erat de tali numine , sed quæ vera in genere . Solum enim errabant in re subiecta , tribuentes rationem numinis , & prouidentie illis , quibus minimè oportebat , cumque in illis venerantes . Itaque non auferrebant ipsam rationem formalem numinis , & prouidentie , sed eam statuebant : ac proinde retinebant aliquo modo iustitiæ politicæ verum fundamentum . At verò si nullum est numen , nulla prouidentia , ipsum fundamentum in genere penitus est falsum & fictitium ; ac proinde fieri non potest vt aliquam vim habeat ad vitæ probitatem ; aut si aliquam vim habet , vt experientia constat habere maximam , perspicuum est non esse rem fictitiam , sed verissimam .

Tertij tandem absurdi sequela probatur , quia malitia , & corruptio voluntatis est causa atheismi , si quidem illos videmus tandem decidere in talem impietatem , *qui se tradiderunt impudicitie , & repellentes bonam conscientiam , ut ait D. Paulus ad Ephes. 4. circa fidem naufragauerunt* . Et tamen si hæc *Deus non est* , esset vera , esset per se bonum intellectus . Ergo per se malum voluntatis esset causa per se boni in intellectu . Quæ cum omnia , & similia sint ex terminis ipsis absurda , ab omni specie veri aliena , rationis luci aduersa , & dictu horrenda , nemo etiam non videt , illud quoque principium , quod fons est scatebrarum , oportere à veritate esse alienissimum .

CAPUT XVII.

Veritati diuinae existentia testimonium perhibent Atheorum silentium, & perplexitas, infelixque tam illorum, quam blasphemorum, sacrilegorum, & periurorum exitus.

TAnta est diuinæ existentia veritas, vt testimonium etiam extorqueat ab hostibus, Atheiq; Deum fateantur, dum negant. Ita primum colligitur ex illorum silentio, quodq; suam de hoc opinionem fateri erubescunt; vt experientia constat, ideoque vt notat Diuus Augustinus in Pl. 13. *Dixit insipiens in corde suo, non est Deus; quia, inquit, nemo hoc audet dicere, etiam si ausus sit cogitare.* Vt igitur ex erubescencia hominum circa quædam inhonesta, quæ student occultare, manifestè constat talium rerum difformitas ad rationem naturalem: ita ex silentio, & erubescencia, Atheorum tam apparet diuinæ existentia veritas, quam difformitas Atheismi ad lumen naturale, & rationis. Cum enim adhuc reperiantur multi adeo profligata, perditæque conscientia, vt suos etiam errores iactitent, & in sua glorientur malitia; certè dum Atheismum qui iactet, reperitur nemo, satis inde apparet, quam id sit extremæ falsitatis, & impudentiæ, quod postremum pudet etiam impudentes.

Ad hoc secundò pertinet Atheorum perplexitas, etsi enim nolint Deum credere, & quidquid possunt efficiant, vt hanc è mente sua cogitationem expellant, ac prorsus extinguant; non alia ratione, nisi vt liberius genio indulgeant, licentius uiuant, laxentque fræna iniquitati: dum nullum timent scelerum inspectorem, eoque minus vindicem & ultorem; vnde Deum negant, quia nolunt: quia metuunt: etsi, inquam, ita res se habeat; nihilominus Atheorū

Bibliot. Theol. Tom. V.

conscientiam appello, nunquid verissimum sit illud, quod volentes nolentes saltem in magnis periculis, in morte præsertim, violentissimos patiantur syndereis motus; quibus ad Deum cogitandum, & admittendum vrgentur; non alia profecto ratione, nisi quia hæc veritas ita est à natura omnium mentibus insita, vt natuam illius persuasionem corrumpere non possit vita tametsi Atheorum profligatissima.

Tertiò tandem infelix Atheorum exitus, grauissimaque supplicia, quibus tam ipsos, quam ceteros blasphemos, & sacrilegos fuisse punitos sacra & prophana testatur historia, satis ostendunt Deum esse, supremumque aliquod numen, quod illorum iniuriam sentiat. Quamuis enim præcipua peccatorum vindicta referuetur in sæculo futuro, quando fiet omnibus iusta meritum compensatio; nonnulla tamen illius exempla in hoc sæculo interdum edere voluit Deus; vt homines intelligerent, Deum esse, cumq; nō dormire, sed excubare in rebus humanis, & omnia aduertere. Nos aliquot illustriora ex profanis scriptoribus in medium adducemus.

Primum sit Acrotheorum, seu Thoëum, quos omnes terra dehiscēte voratos fuisse narrat ex Theophrasto Porphyrius lib. 2. de Abst. Secundum Bionis, qui cum Deos nihil esse dixisset tæbe consumptus palinodiam coactus est fiendo canere, ex Laertio lib. 4. Tertiò Lucianus Deorum irrisor à canibus discerptus est, ex Suida in Lexico. Quartò Euripidem, quem ferunt in Atheismum prolapsum, terræ hiatus absorbit, ex Eusebio lib. 14. de præparat. Euangel. cap. 6. Quintò Plinius, quem inter Atheos adnumerant aliqui, Vesuuiano incendio perijs, iam tum Atheis supplicium irrogante flamma. Sextò Anastasius Imperator, cum incidisset in Atheismum, post terribilia præfagia quemdam vidit his eum verbis alloquentē.

Ecce, Imperator, ob peruersitatem fidei tue quattuordecim annos deleo vita tua. Tandem Simplicius in cap. 38. Enchirid. cū retulisset Thoës ob atheismum terrę voragine absumptos, eundem finem miserrimum testatur omnibus Atheis euenisse; *Si quis fortè vnus, aut alter ab omni aortalis fuisse perhibetur.* Sufficiant hæc pauca exempla ex innumeris quę proferri possent; nulla enim est natio, nulla provincia, nullum oppidulum, vbi Atheismus, cæteræque in Deum blasphemix, non fuerint à numine sæpius vindicata; adeò vt hic metus vbique gentium, plerumque homines ab illis flagitijs deterreat.

Nec mirum alicui videri debet, quod non solum vnus veri, summiq; numinis, sed etiam falsorum numinū contemptores, & sacrilegos legamus diuinitus fuisse punitos; cum enim in suorum numinum sacris peccarent vel contra conscientiam, qua credebant ipsis aliquid diuinitatis inesse, vel potius generali numinis; mirum non est, si pœnam subindè scelerint. Similiter dictis non obstat, quod inter Atheos; & blasphemos plures sint, qui in hac vita non puniuntur. Id enim non est signum defectus Dei existentix, vel prouidentix, sed tantum dilationis pœnæ. Ad prouidentiam pertinet non hic omnia punire, sed sinere res agi suis motibus, præcipuè vindicta in futurum dilata; alioquin, & genus humanum breui exhaustum foret, & virtutis officia seruiliter coacta, non libera, non ex ingenuo in bonum virtutis affectu profecta viderentur. Satis existentia Dei que prouidentia se prodit, dum subindè miris, & insolitis modis in hoc sæculo peccatoribus pœnas irrogat, idque in media hominum luce, omnibus animaduertentibus, ac diuinæ potentix manum ea in re cognoscentibus.

Hæc sunt præcipua tam apodicticè, & demonstratiuè, quàm moraliter probatiua diuinitatis argumenta, quibus

qui non cedit, nimis profectò hebes est, & stolidus, vt ait Gregor. Nazianzenus orat. 2. de Theolog. Ideo enim in Sole posuit tabernaculum suum, vt non possit rationis capax negare Deum esse, nisi qui oculatus solem esse inficiatur. Vnde Tullius lib. 2. de natura Deorum, de Dei existentia loquens, *de hoc, inquit, qui dubitat, haud sane intelligi, cur non idem, Sol sit, an nullus sit, dubitare possit.* Vel vt dicit Plato dialogo 10. de legibus loquens de Atheo; *Quibus si nihil melius, quam nos dicere potest nobis credat: & ita in posterum vinat, vt de dijs non ambigat.* Quo certè nihil dici poterat sapientius, si de Deo dixisset, non de Dijs. Ad hoc enim vt supradicta argumenta sint aduersus Atheos efficaciter probatiua diuinæ existentix, sufficit vt omnia illa saltem collectiue sumpta præualcant omnibus Atheorum obiectionibus in contrariū; quod quantum sit verum faciliè constabit diligenter examinanti, & conferenti omnia, quæ huc vsque diximus, cum ijs quæ Athei solent obijcere.

CAPVT XVIII.

De Atheorum obiectionibus.

QUod spectat ad Atheorum obiectiones, quibus nullum esse Deum insinuare, atque probare conantur, cū tam exactè reperiantur solutæ à Patre Mersennio loco sæpius citato Comment. in Genesim, vt nihil superesse videatur, quod impiam illorum causam iuuet, & aliundè non tam pugnent directè contra Dei existentiam, quàm contra aliquorum Dei attributorum, vel operum explanationem, de quibus iam non est sermo, longiori illorum discussione, vel responsioni libenter supersedeo; solumque Atheos moneo ex D. Augustino de nat. & grat. cap. 25. *procli-*
niores

niores nos esse querere potius, quid contra ea respondeamus, quæ nostro obijciuntur errori, quam attendere, quæ salubria, ut careamus errore; Quodque sicut multa concedunt, quæ non vident, quorumque essentiam, & proprietates penitus ignorant, ita etiam si in omnibus rerum diuinarum exacta, ab homunculis humi repentibus ratio reddi non possit, non tamen inde sequitur negandam esse statim Dei existentiam, nam ut passim animaduertit Patres, circa Deum versamur scientia, & ignorantia, scientia quod sit; ignoratione quid sit. Ita enim spectandam se exhibet existentia in huius veritatis theatro, ac veluti in Orchestra creaturarum; ut tamen lateat essentia intra proscænium: quo nomine Deus tam à SS. Patribus, quam à Sapientibus inter Etnicos passim dicitur notus, & ignotus. Hinc scitum illud Simonidis, à quo, ut refert Tullius lib. 1. de nat. Deor. cum quasiuisset hoc idem (quid esset Deus) Tyrannus Hiero, deliberandi unum sibi diem postulauit. Cum idem ex eo postridi quæreret, biduum petijt, & cum sapius duplicaret numerum dierum, admiratusque Hiero quæreret, cur ita faceret; quia quanto, inquit, diutius considero; tanto mihi res videtur obscurior.

Vtinam hæc intelligerent Athei, & saperent, non ita ex rerum diuinarum ignorantia quo ad earum essentiam, & sensum, paralogisarent ad negandam Dei existentiam, quam ex omnibus creaturis facilius est deprehendere, quam substantiam ope accidentium, quam animam ex quibuslibet animalis actionibus, quam magnetis virtutem ex ferri attractione, & ad polum conuersione, quam denique quodlibet occultum ex ijs, quæ mundo continentur, licet multa sint aperta ex quibus occultum illud conijciamus, & assequamur. Sic inter præcipuas Atheismi causas non vltimum habet locum summa animi elatio, qua Athei omnia Dei consilia penetrare volen-

tes, & non valentes, satius ducunt Deum absolute negare, quam suam ignorantiam, propriamque mentis humanæ infirmitatem humiliter agnoscere; huiusmodi Atheos; Dauid Psal. 72. increpat, *Quomodo scit Deus, & si est scientia in excelsis: ecce enim ipsi peccatores, & abundantes in saculo, obtinuerunt diuitias.* Nec non D. Augustinus quamuis ad aliud propositam in libro de dono perseuerantiæ capit. 14. dum ait *Nunquid, inquam, propterea dicturi sumus, quod ita esse perspicimus, non ita esse, quoniam cur ita sit non possumus inuenire? nunquid ideo negandum est, quod apertum est, quia comprehendere non potest quod occultum est.*

C A P V T X I X.

Virum Deum esse sit per se notum.

Etsi tam ista, quam sequentes omnes quæstiones non sint absolute necessariæ ad asserendam, vel stabilendam contra Atheos diuinæ existentie veritatem, nihilominus tamen, quia ad illam etiam conducunt, nec non ad completam huius materie tractationem, placuit in præsentii illas excitare; primumque examinare an hæc propositio *Deus est*, sit per se nota; 2. Vtrum de existentia Dei dari possit ignorantia inuincibilis; 3. Vtrum Deum esse sit primum cognitum.

Igitur quod pertinet ad primam quæstionem; quia probationum genus, quod ex antecedentibus, & prioribus ducitur, ita in propositionem per se notam tam secundum se, quam quo ad nos cadere non potest; ut tamen illud admittat, quod ex effectis, & ijs, quæ posteriora sunt, atque etiam ijs ex incommodis, & absurdis, quæ in contradicentium parte altera cernuntur; ideo etiam aliqui Theologi existimant hanc propositionem *Deus est*, ita esse à posteriori demonstr-

strabilem per creaturas, tanquam per veros Dei effectus, ut adhuc sit propositio per se nota, ex sola terminorum explicatione nobis innotescens. Cur autem propositio per se nota excludat medium à priori, non excludat à posteriori, ratio est in promptu; quia hoc ipso, quod habet medium à priori; iam prædicatum non immediatè inest subiecto: & sic non erit nota per se, sed per aliud intrinsecè intermedium inter prædicatum, & subiectum. Contra verò medium à posteriori non importat causam intrinsecā, & in essendo; sed extrinsecam, & in cognoscendo, & sic non impedit immediatam connexionem prædicati cū subiecto: Non enim est causa, ut prædicatum insit, sed ut cognoscatur inesse; medium verò à priori est ratio, cur prædicatum & cognoscatur, & insit.

Pro intelligentia, & resolutione, huius difficultatis repetenda sunt aliqua ex Logicis, & Philosophis circa naturam propositionis per se notæ, & primò supponendum tanquam certum dari aliquas veritates indemonstrabiles & per se notas; vnde postea Scholastici deriuarunt nomen propositionis per se notæ; Quod quidem minus propriè dicitur, nam cum propositio mentalis, idem sit ac cognitio obiecti complexi; non dicitur notitia per se nota, sed obiectum cognitionis, seu veritas obiectiua. Ab hac tamen transfusus est hic dicendi modus in ipsam propositionem, quæ per se nota dicitur, cum circa veritatem versatur per se notam; eadem enim ratione qua plerumque actus potentiarum suis applicantur obiectis, ita, & rationes obiectorum suis etiā actibus.

Animaduertendum est secundò, per se, posse accipi dupliciter; primò, ut contradistinguitur à per accidens; secundò ut contradistinguitur à per aliud; hic accipitur secundo modo; ita ut propositio, vel melius veritas per se nota opponatur propositioni, & veritati notæ per aliud. Co-

gnosci verò per aliud, adhuc contingit dupliciter; vel ut dicit medium ex parte subiecti cognoscentis, vel ut dicit ex parte rei cognitæ; non sumitur hic primo modo, nam quælibet veritas cognoscitur per medium ex parte cognoscentis; cum inter illam, & principium, seu subiectum cognoscens semper intercedat saltem ipsa cognitio tanquam medium, & sic nulla veritas in hoc sensu esset nota per se: quia quælibet esset per aliud, scilicet cognitionem nota. Quare hic usurpatur, per aliud, secundo modo, ita ut veritas per se nota excludat mediū ex parte obiecti, seu rei cognitæ.

Sed rursus ex parte illius medium potest sumi dupliciter: primò pro quocumque medio; secundò pro medio tantum extraneo. Non accipitur hic primo modo; omnis enim propositio, seu veritas per se nota innotescit media notitia terminorum, scilicet prædicati, & subiecti; quoniam ipsa prima principia in tantum cognoscimus, in quantum aliqua prioritate terminos prius cognoscimus. Excludit igitur propositio per se nota tantū medium extraneum; ita ut per se nota dicatur illa, quæ ex terminis proprijs est nota; seu cum præcisè ex ipsa incomplexa veritate terminorum collatorum ad inuicem veluti ex quodam virtuali discursu, potest determinari intellectus, & veluti concludere, quod inter illas res sit certa connectio, si propositio sit affirmatiua, aut diuisio, si sit negatiua: ita ut supponamus aliquo modo intellectum prius nescire talem veritatem, & veluti in aliquo priori naturæ, ut postea ex ipsa pura, meraque notitia terminorum simplicium possit determinari, quantum est ex vi illorum terminorum ad assensum, vel dissensum, ut patet in illo exemplo omne totum est maius sua parte; ad cuius assensum determinari potest intellectus, ex ipsa præcisā veritate incomplexa terminorum.

Dictum

Dictum fuit veluti *ex quodam virtuali discursu*; nam re vera non requiritur formalis discursus, aut illatio ex veritate illa incomplexa terminorum ad inferendam complexam veritatem propositionis, seu ad formandam propositionem per se notam, quia illa simplex notitia terminorum, ex qua determinatur intellectus, non est affirmatio, vel negatio, qualis requireretur ad verum, & perfectum discursum, vt suppono ex dictis suo loco, sed est simplex notitia, ex qua per virtutalem tantum, & imperfectum discursum potest inferri veritas rei per se notæ, vt si quis dicat, Hoc est totum, & hoc est eius pars, ergo hoc totum est maius sua parte, qui discursus non raro fiunt. Quare licet ad assensum propositionis per se notæ non requiratur semper, quod efformentur tales discursus imperfecti in actu exercitio, illi tamen non repugnant: siue quod idem est, non est contra rationem propositionis per se notæ, quod inferatur per discursum ex antecedenti, & consequenti, dummodo in tali discursu non assumatur pro medio termino, nisi pura ipsa, & nuda veritas incomplexa terminorum propositionis, quæ inferitur, ad inferendam veritatem complexam, ad quam determinant ipsæ veritates incomplexæ terminorum. Quod alij alijs terminis explicant, scilicet propositionē, seu veritatem complexam per se notam non excludere medium incomplexum, id est cognitionem prædicati, & subiecti; sed complexum id est aliam propositionem complexam per quam probetur.

Ex quibus omnibus habetur propositionem per se notam in tota sua latitudine esse illam, quæ est apta nata cognosci, terminis eius obiectiuis tantum cognitis, hoc est, cuius veritas est tam clara, vt cognita re per eius voces importata, seu cognita essentia subiecti, & prædicati propositionis intellectus statim ei præbeat as-

sensum. Cuius ultimam veluti radicem, fundamentalemque rationem, attingit D. T. 1. p. quæst. 2. artic. 1. in corp. dum docet, ex hoc aliquam propositionem esse per se notam, quod prædicatum includatur in ratione subiecti; loquendo maximè de propositione affirmatiua, qualis est illa de qua est quæstio in præsentī. Cum enim termini propositionis sint subiectum, & prædicatum, hæc propositio erit per se nota ex terminis, cum prædicatum in seipso sine vllō alio medio complexo, aptum est causare notitiam, quod insit subiecto, si sit propositio affirmatiua, vel non insit, si sit propositio negatiua, contrarium enim est eadem ratio, & disciplina. Tunc autem hoc accidit, quando nullum medium intercedit inter prædicatum, & subiectum; sed ipsum prædicatum immediatè, & per se est de ratione, seu definitione subiecti. Sic propositio *per se nota*, est eadem, penitus cum immediata. Omnis enim propositio excludens medium inter prædicatum, & subiectum est immediata, vt satis patet ex terminis, sed omnis propositio per se nota excludit medium inter subiectum, & prædicatum; vt patet ex dictis: Ergo omnis propositio per se nota, est immediata. Et etiā vice versa, omnis propositio immediata est per se nota; nā omnis propositio immediata habet prædicatum immediatè inclusum in ratione subiecti: ideo enim immediata dicitur; quia vna extremitas inest altera immediatè; Sed omnis propositio habens prædicatum immediatè inclusum in ratione, seu definitione subiecti est per se nota, vt constat ex dictis, ergo sicut omnis propositio per se nota, est immediata; ita etiā omnis propositio immediata est per se nota. Et in hoc sensu Aristoteles 1. poster. text. 5. dixit *Scientiam esse ex primis, & immediatis, & indemonstrabilibus*; quia omnis demonstratio resoluitur in prima principia per se nota.

Diui-

Diuiditur autem à S. Thoma propositio *per se nota*, in propositionem *per se notam secundum se tantum*, & in propositionem *per se notam secundum se, & quo ad nos simul*; addunt alij tertium membrum *propositionis per se nota, quoad nos tantum, & non quo ad se*. Ita vt iuxta illos adequata diuissio in hac re sit triplex, nempe in propositionem *per se notam, secundum se tantum*, & in propositionem *per se notam quo ad nos tantum*, & in propositionem *per se notam tam secundum se, quam secundum nos*; Prior est, quæ ita est cognoscibilis per suos terminos, & ad simplicem illorum explicationem, vt etiam nullum habeat medium, à quo veritas rei dependeat, licet habeat aliquod aliud medium, quod vocant *cognitionis*, per quod cognoscatur à nobis: Posterior est, quæ caret tam medio cognitionis, quam rei, constatque terminis à nostro intellectu statim cognoscibilibus. Tandem propositio *per se nota quo ad nos tantum*, iuxta Doctores illam admittentes, est, quando intellectus determinatur ad assensum alicuius propositionis, per cognitionem sensituiam, per quam sensus immediatè videt coniungi aliquod accidens cum aliquo subiecto, licet merè accidentaliter; & hoc pacto potest esse *per se notum*, quod creatura existat, quod Petrus moueatur, quod aliqua aqua sit calida, & sic de reliquis; dicitur autem ea veritas nobis *per se nota*, quia intellectus immediatè assentitur illi, determinatus per sensum, sine vlllo alio medio, & discursu: vnde dicitur *per se nota ad sensum*, non quia solus sensus illam cognoscat, sed quia intellectus per sensum determinatus, non indiget alio medio ad eius assensum; non dicitur autem *per se nota secundum se*, quia intellectus præcindendo à sensu representante talem accidentalem coniunctionem, non potest determinari ex ipsa veritate incomplexa terminorum ad talem assensum;

quantumcumque enim bene sciat, & noscat Petrum, & similiter, quid sit motus, non poterit ex hac veritate incomplexa terminorum, determinari ad dicendum, Petrus mouetur magis quam non mouetur; vnde non potest dici *nota secundum se*.

Quod pertinet ad duo prima huius diuisionis membra expressè à D. Thoma allata loco citato. Et si aliqui Theologi vt Henricus 1. p. summæ artic. 22. quæst. 2. & Scotus in 1. distinct. 2. quæst. 2. existiment *per se notum secundum se non opponi ad per se notum nobis*; sed omnem propositionem *per se notam secundum se esse etiã per se notam nobis*; & sic malè diuidi propositionem *per se notam in secundum se, & quo ad nos*; nihilominus tamen longè verior est dicendi modus Doctoris Angelici D. Thomæ: primò ex hoc quod Philosophus docet 1. Poster. cap. 6. & 1. Physic. text. 1. aliqua dari notiora natura, seu secundum se, ignotiora nobis; alia notiora nobis, ignotiora secundum se. Vnde sic argui potest, omne comparatiuum supponit positium, cui superaddit respectum ad aliud. Ergo si ex Philosopho notiora diuiduntur in notiora secundum se, & notiora nobis; etiam nota diuiduntur in nota secundum se, & nota nobis. Ergo etiam *per se nota, in per se nota secundum se, & per se nota nobis*. Secundò probatur veluti à priori; Omnis propositio, in qua prædicatum est de ratione subiecti, est *per se nota secundum se*, vt dictum est; Sed non omnis talis propositio est *per se nota nobis*; vt patet experientia in multis definitionibus obscurissimis: Ergo non omnis propositio *per se nota secundum se, est per se nota nobis*; & sic bona est diuissio propositionis *per se notæ, in secundum se, & nobis*.

Per quod patet ad fundamentum Scoti dicentis; quod eadem est propositio *per se nota, & per se noscibilis*; aliqui, inquit, *si nullus intellectus actu*
cogno-

cognosceret; nulla propositio erit per se nota; Vnde colligit illam esse per se notam, quæ quantum est de natura terminorum nata est habere euidenter veritatem contentam in terminis; Sed hoc non potest fieri sine respectu ad intellectum potentem illam cognoscere ex terminis. Ergo omnis propositio per se nota secundum se respectu cuiuscumque intellectus apprehendens tales terminos erit nota: Vnde inquit, patet, quod nulla est diuisio de per se nota in se, & nobis.

Respondetur enim concedendo libenter propositionem per se notam appellare tantum actum primum, & esse eandem cum per se noscibili, atque adeo dicere ordinem ad intellectum tãquam cognoscibile ad cognitionem. Negatur tamen dicere hunc ordinem, vel respectum ad omnem intellectum, sed tantum ad distinctè apprehendentem terminos, vt sunt in se. Cum igitur termini tales sunt, vt quomodocumque etiam confusè comprehensi statim præferant connexionem inter se; tunc erit propositio per se nota, secundum se, & nobis, vt hæc, quodlibet est, vel non est; omne totum est maius sua parte. Cum verò termini sunt immediatè connexi secundum se; sed confusè à nobis apprehensi, non ingerunt ex se hanc noticiam: tunc erit propositio per se nota secundum se, & intellectui apprehendenti distinctè terminos; non tamen nobis plerumque indigentibus medio termino diuerso, per quem veniamus in noticiam illius.

Vnde vltèrius propositio per se nota à nobis subdiuiditur in propositionem per se notam omnibus, & per se notam solum sapientibus: vbi per propositionem per se notam omnibus intelliguntur illæ, quarum termini ita claram, & apertam continent veritatem, vt ad simplicem illorum explanationem, sine alio medio termino diuerso, quicuis intellectus quantumuis rudis faciliè determinetur ad certum

& euidenter assensum propositionis ex illis compositæ; vt sunt illæ propositiones, omne totum est maius sua parte; si ab æqualibus æqualia demas, quæ remanent sunt æqualia, & cetera huiusmodi. At per propositionem per se notam solum sapientibus intelliguntur illæ, quarum termini apti sūt apprehendi à solis sapientibus. Sæpe enim contingere potest, vt termini propositionis per se notæ, significati talibus vel talibus vocabulis, contineant veritatem simplicem, non facile, & ab omnibus penetrabilem, sed post multum studium, & doctrinam, quia scilicet sit valdè à sensu remota, atque adeo, quæ de facto non penetratur sufficienter ad determinandum intellectum ad euidenter assensum, veritatis complexæ ex illis, & sic remanebit per se nota illa propositio secundum se, & sapientibus tantum, non autem omnibus. Hanc doctrinam habet D. Thomas (quam sumpsit ex Boëtio lib. hebdomad.) tam 1. part. quæst. 2. artic. 1. quàm quæst. 10. de potent. artic. 12. in corpore; & utrobique pro exemplo propositionis per se notæ sapientibus tantum, affert illud, *quod incorporalia non sunt in loco*, quæ est propositio negatiua per se nota, sapientibus tamen, qui transcendentes sensum, percipiunt quid sit ens incorporeum, & sic illis per se notum est talia entia non esse in loco.

Pro cuius exempli, quod multi reijciunt, intelligentia aduertendum est D. Thomam non dicere, *spiritualia non esse in loco*, nam multi existimarunt, spiritualia habere etiam suum corpus, & esse aliquo modo quantæ, & corporeæ, vt dicitur in tractatu de Angelis; neque contrarium est per se notum quo ad nos, sed indiget probari, vt sit loco prædicto de Angelis; Sed dixit *incorporalia*, sic enim per se notum est ex terminis, quod si aliqua detur substantia carens omni corpore, & omni quantitate extensa, & dimensua (hoc enim intelligitur per illam vocem,

vocem, *incorporalia*) non sit in loco, dummodo etiam intelligatur, quid sit esse in loco, scilicet propriè, ut in loco, nempe occupare locum, & extendi ad extensionem loci, & circumscribi loco; Quia tamen non omnes, sed soli sapientes habent sufficientem notitiam certam talium terminorum; ideo solis est per se nota illa propositio, non autem alijs rudioribus, qui contrario modo sæpe existimant omnia esse in loco sicuti corpora.

Hinc potest inferri primò propositionem per se notam secundum se, & sapientibus, sed aliquibus, aliquibus autem non per se notam, ita interdum non esse per se notam, ut etiam existimeretur falsa à vulgò, vel rudibus; Secundo non esse necesse ad propositionem per se notam, & solis sapientibus, ut termini talis propositionis sint per se noti lumine naturæ, sine ulla investigatione, aut studio, aut discursu antecedenti, sicuti sunt termini propositionum per se notarum omnibus hominibus, qui per solum sensum accipiuntur ut plurimum; sed satis est, si termini propositionis per seiplos apti sint semel penetrati sine ullo medio determinare intellectum ad assensum alicuius alterius veritatis complexæ ex ipsis. Et ratio est, quia quantumcumque aliquis per multos discursus, & rationes peruenit ad cognitionem quidditativam alicuius rei, & iam sciat de illa re, quid est, & conceptu definitivo apprehendat illam rem, si comparando hanc rem, cum alia item cognita, potest per se immediate determinari intellectus ad assensum complexum, seu veritatem complexam ex illis terminis, hæc propositio erit per se nota illi intellectui, seu absque ullo medio, ut constat ex suppositione facta; Sicuti si per impossibile ad hoc ut aliquis veniret in cognitionem quidditativam rei significatæ, per hoc nomen, totum, & pars, essent necessarij multi discursus, sicuti communiter esse solent necessarij

ad inuestigandas rerum definitiones occultas, adhuc tamen, posita iam notitia sufficienti quidditativa illorum terminorum, esset illi intellectui per se notum, quod omne totum esset maius sua parte, non minus, quam nunc.

Quantum ad tertium membrum primæ divisionis, etiam divisi sunt inter se Doctores, aliqui enim existimant, si dantur propositiones notæ secundum se, & non quo ad nos, debere etiam dari oppositam combinationem earum, quæ sunt notæ quo ad nos, & non secundum se, cuiusmodi sunt omnes propositiones accidentales ad sensum patentes: videturque hoc habere fundamentum in doctrina D. Thomæ quæst. 10. de potentia artic. 12. in corpore, ubi ait, *Hoc quod est esse, in nullius creaturæ ratione perfectè (id est necessario, vel essentialiter) includitur, cuiuslibet enim creaturæ esse aliud est ab eius quidditate, unde non potest dici de aliqua creatura, quod eam esse sit per se notum secundum se.* Vbi illa particula secundum se videtur addita ad ostendendum, quod illa propositio, & similes solum secundum se non sunt per se notæ; non autem quo ad nos. Alij tamen probabilius putant hanc doctrinam aduersari D. Thomæ, qui ubique propositionem per se notam reciprocatur cum immediata, & cum ea, in qua prædicatum clauditur in ratione subiecti; talis autem non est propositio contingens, & ad sensum patens, ut satis constat. Unde ad rationem primæ opinionis respondetur non dari per se nota tantum quo ad nos, quia per se notum opponitur ad per aliud: & sic debet excludere medium inter prædicatum, & subiectum: ita ut ex vi ipsius prædicati trahatur immediata connectio sui cum subiecto. Hoc autem non accidit in propositionibus notis per sensum tantum: in quibus cum sint merè accidentales termini non important ex seipsis necessariam connexionem

nem inter se. Sed hoc parum refert ad præfens institutum.

Notandum est tertio, quod etsi, ad hoc, ut aliqua propositio sit per se nota, quoad nos non sit necesse, ut nos habeamus cognitionem intuitiuam subiecti, & prædicati, seu quod idem, ut cognoscamus intuitiue quid sit de subiecto, & prædicato, sed sufficiat multoties abstractiua cognitio, quia talis cognitio imperfecta, & abstractiua, veritatis incomplexæ terminorum potest esse sufficiens in aliquo casu ad determinandum intellectum ad veritatem complexam formandam ex ipsis terminis incomplexis; vt patet in omnibus discursibus procedentibus ex medio termino solum cognito cognitione abstractiua; Verumtamen ad hoc, vt hæc propositio *Deus est*, sit alicui per se nota, requiritur cognitio intuitiua, & quidditatiua perfecta illius vocabuli, Deus, quæ non erit nisi in Patria; hoc autem est, non propter rationem vniuersalem, sed propter particularem in tali materia; potest enim interdum esse aliqua veritas adeo perfecta, & latens nobis, vt requiratur cognitio perfecta terminorum, etiam in aliquo casu intuitiua, ad hoc, vt ea veritas, sit etiam per se nota, quod ad nos, & hoc accidet respectu veritatis propositionis propositæ, *Deus est*; imo tota difficultas præsentis questionis consistit in hoc, an scilicet talem aliquam cognitionem scilicet abstractiuam, & imperfectam habeamus, aut habere possimus nos in hac vita de Deo, naturaliter loquendo, vt ex vi solius termini ita notipossit ea propositio, *Deus est*, esse etiã nobis per se nota; quod si non potest, sicuti re vera non potest, erit necessaria cognitio intuitiua.

Aduertendum est quarto, quod ad hoc vt hæc propositio *Deus est*, seu Deus existit in rerum natura sit per se nota, necesse est, vt nobis qui huic veritati assentimur per iudicium, & propositionem affirmatiuam, per quam componimus prædicatum cum subiecto, affir-

mando vnum de alio, necesse inquam est, vt præcedat simplex notitia terminorum saltem quid nominis, nempe quid intelligamus hoc nomine Deus, & quid sit esse; quæ simplex notitia si est talis, vt ex se sit apta determinare intellectum ad necessarium, & euidenter assensum huius veritatis complexæ nempe Deus est, erit illa propositio per se nota nobis, sin minus, non erit per se nota nobis, etiam si quantum est ex se sit per se nota, iuxta notitiam, & definitionem propositionis per se notæ superius traditam; & quidem de prædicato illius propositionis, nempe de particula illa, est, seu existit, satis superque omnibus, etiam rudibus notum est, quid sit, seu quid significet, ex eo ipso, quod quilibet cognoscat se ipsum esse, nam simili modo quærimus, an Deus sit in rerum natura, suo modo; sicut quolibet cognoscit se esse, & existere; quare de hac particula, *est*, non est difficultas, quantum ad notitiam, quid sit, sufficientem pro prædicato illius propositionis, *Deus est*; vt dicatur nobis per se nota; sed tantum de notitia subiecti Deus.

Vndè noto quintò, quod cum hæc propositio, *Deus est*, sit de secundo adiacente; & quidem per verbum, est, ita vt si resoluatur in propositionem de tertio adiacente, prædicatum sit ipsa subiecti existentia, resoluitur enim in hanc, *Deus est existens*; Hinc sequitur in præcognitione subiecti huius propositionis, non debere præsupponi, an sit re ipsa, sicuti sæpè præsupponitur in alijs propositionibus, quæ sunt de tertio adiacente, distincto ab existentia subiecti; nam hoc pacto tota hæc difficultas esset inanis, & ludicra, petereturque principium, nam posito semel, quod Deus sit, vel existat, omnino per se notum est Deum esse, ex suppositione scilicet quod sit; Hinc ulterius sequitur, quod in præcognitione, quid sit, de hoc subiecto, Deus, quæ necessaria omnino est ad cognitionem illam complexam Deus est; & ad ferendum

iudicium de eadem, an sit per se nota nobis, non debet inuolui existentia ipsius Dei formaliter; sed debemus attribuire Deo aliquid diuersum ab eius existentia formaliter, siue illum præcognoscere quo ad alia prædicata, quæ soli Deo tribuimus, vt si dicamus nomine Dei, nos intelligere in nostro conceptu primam causam, vltimum finem, ens independens à quo cætera dependent &c. & sic formetur difficultas, an sit nobis per se notum, dari primam causam, dari vltimum finem, dari ens independens, prout à nobis iam præconcepit sunt, & consequenter sit nobis per se notum dari Deum; vnde hæc propositio *Deus est*, sit nobis per se nota.

Sexto tandem, & vltimò notandum est veritatem diuinæ existentia, seu Deum esse, posse intelligi dupliciter, primò in confuso, & in aliqua ratione communi, nempe in eo quod aliquid detur, & quod detur bonum, & felicitas aliqua in genere. Secundò potest considerari veritas diuinæ existentia, seu Deum esse, secundum propriam, aliquam, & distinctam rationem ex illis, quæ illi soli conueniunt, vt statim diximus v. g. quod sit prima causa &c. his prænotatis pro intelligentia difficultatis ad illius resolutionem statuuntur sequentes conclusiones.

Prima Conclusio, hæc propositio, *Deus est*, est per se nota, secundum se. Fundamentum sumitur ex dictis supra. Omnis propositio in qua prædicatum clauditur in ratione subiecti, siue cuius termini ex se, & sua natura sunt cognoscibiles, quæque caret medio rei, quo extrema illius, id est prædicatum, & subiectum coniunguntur inter se; talis, inquam propositio, seu veritas quantum in se est, per se nota est, nempe secundum se, & ex parte sui. Sed *Deus*, qui est subiectum in præsentī propositione, & eius *existentia*, quæ est attributum, sunt aliquid secundum se maximè cognoscibile, cum sint aliquid maximè immateriale: item *Deus* &

cuius existentia carent omni medio rei quo connectantur inter se; imò existentia Dei est de intrinseco conceptu diuinæ essentia, etiam pro vt essentia consideratur inædæquatè, seu quatenus noster intellectus, ob suam imbecillitatem in intelligendo, & concipiendo pro præsentī statu diuidit illum in plures conceptus inædæquatos, si quidem essentia Dei distinguitur ab essentia vera creaturarum, quod hæc includat aliquid potentialitatis, ratione cuius dicitur esse possibilis antequam existat; essentia verò Dei excludat simpliciter, & absolute omnem istam potentialitatem, quæ potentialitas excluditur tantum per existentiam; Ergo Deum esse, seu existere est per se notum secundum se.

Probatum secundò veluti negatiuè, reiiciendo fundamentum eorum, qui oppositum tenent. Igitur si esset aliqua ratio cur Deum esse, seu existere, non esset per se notum secundum se, maximè quia, vt putant aliqui, semel probato à posteriori per creaturas Deum esse, habitaque ex illis aliquali Dei cognitione, possumus per quemdam veluti regressum demonstratiuum à priori probare de Deo quod existat v. g. deuenimus à posteriori per creaturas in cognitionem Dei tanquam primæ causæ; atque adeo formamus hunc conceptum de Deo, quod sit prima omnium creaturarum causa, & vltèrius discurrendo facillè deprehendimus, quod prima causa in suo conceptu inuoluit necessario existentiam; vnde sic possumus à priori regrediendo argumentari: Prima causa necessario existit, sed *Deus* est prima causa, ergo necessario existit quo in syllogismo, alijsque similibus notandum est tamen, quod quando in minori affirmamus de Deo medium terminum assumptum, quæ semper est aliqualis definitio Dei, vt cum dicimus, sed *Deus* est prima causa, est ens necessarium, est ens à se, & independens, & sic de alijs, particula illa, *est*, non debet sumi adiectiuè, ita vt significet

fice existentiam in actu exercito, sic enim esset petitio principij; sensus enim esset, sed Deus est existens prima causa, ergo est existens &c. sed debet sumi pro mera; & nuda copula, prædicati cum subiecto, ut sensus sit; sed conceptus primæ causæ, entis necessarii, entis à se, & independentis convenit Deo; vel si inuoluit existentiam ille conceptus, debet solum inuoluere illam in actu signato.

Si aliquid, inquam obstarer nostræ conclusioni, maximè esset doctrina statim allata, ex qua videtur sequi demonstrabilitas à priori diuinæ existentie, non quidem per veram causam, realiter distinctam ab ipso Deo, siue extrinsecam, siue intrinsecam, quod satis ex se patet repugnare Deo, nec esse necessarium ad præsens institutum; sed per causam virtuale, & metaphoricā, quo pacto communiter ex vno attributo demonstratur aliud; sed talis doctrina nihil obest; si quidem existentia diuina nullam prorsus habet causam, neque extra Deum, ut certum est, neque intra Deum quantumvis virtuale, & metaphoricā, quia esse conuenit Deo ex modo nostro concipiendi in primo modo dicendi per se, atque adeo maximè essentialiter, multoque magis, quam homini rationalitas, ut supponimus, conceduntque omnes; ergo nullo modo est demonstrabilis à priori diuina existentia.

Quod totum clarius fiet, si ostenderimus syllogismum supra factum, vel alios similes non procedere per causam à priori; ad hoc enim ut aliqua demonstratio in prima figura, ut est syllogismus allatus, dicatur esse per causam à priori, necesse est ut medius terminus sit, causa maioris extremi; id est, ut subiectum maioris sit causa siue formalis, siue virtualis prædicati eiusdem maioris, alioqui non erit syllogismus per causam à priori, ut satis ex se patet; medius autem terminus syllogismi superius facti, & similitum, qui est illa qualiscumque Dei definitio non

Bibliot. Theol. Tom. V.

est villo pacto causa maioris extremi nempe diuinæ existentie; & ratio est, quia existere est de essentia primæ causæ, entis summè necessarii, entis à se, & independentis, non minus, quam rationale est de essentia hominis; unde ea propositio prima causa existit; ens summè necessarium existit, & similes sunt per se notæ secundum se ex illo genere, in quo prædicatum est de intrinseca ratione, & definitione subiecti, sicut diximus de illa alia, Deus existit; unde nullo modo dicendum est, quod esse primam causam, esse ens summè necessarium, sit causa cur existat, sed omnino inuoluitur in conceptu, & ratione primæ causæ, entisque summè necessarii, secundum se, existentia, non minus quam in definitione hominis rationale: Hoc ergo non videntur considerasse auctores oppositæ sententiæ; sed tantum supposuerunt illas propositiones, prima causa existit, ens summè necessarium existit, esse per se notas secundum se, & hoc sufficere ad demonstrationem propter quid, quod tamen non sufficit, sed debet esse ita per se nota secundum se maior indemonstrabilis, ut contineat causam maioris extremi, qualis est illa, omne rationale est admiratum, vel discursium, vel risibile, in qua verè subiectum est causa prædicati.

Non tamen propterea illi modi argumentandi supra positi videri debent inutiles; sed reducuntur semper ad demonstrationem quia, latè sumpto vocabulo pro omni demonstratione non procedente per causam; quod est verum etiam si procedant ex definitione, aut quasi definitione subiecti; non enim procedunt ex adæquata definitione illius, sed tantum ex inadæquata, ad probandum aliquid, quod spectat etiam ad eandem definitionem subiecti, & cuius non sunt causæ illæ inadæquate definitiones; quod totum provenit ex eo, quod, cum Deus sit infinitæ perfectionis, atque adeo non possit à nobis sumi adæquata eius definitio, sic enim ma-

B b 2

ximè

ximè in eius definitione poneretur existentia, tanquam prædicatum indeinostabile à priori; sumitur tantum à nobis aliquid eius definitionis imperfectè conceptum, & ex eo procedimus ad aliud eiusdem definitionis propter necessariam connexionem inter illa duo; non quia primum sit causa secundæ; sed quia secundum est etiam de ratione primi, ut satis constat in exemplis positis; & interdum etiam contingere potest in rebus naturalibus: v.g. supposito, quod hæc definitio adæquata animæ; nempe esse id, quo viuimus, sentimus, mouemur, & intelligimus, in sensu collectiuo conueniat soli animæ rationali; si quis ita argueret; illud quo intelligimus, est illud, quo sentimus, sed anima rationalis est illud, quo intelligimus, ergo anima rationalis est illud, quo sentimus; talis syllogismus procederet ex inadæquata definitione animæ rationalis, nempe esse illud quo intelligimus; ad concludendam aliam partem definitionis eiusdem, nempe esse id quo sentimus; cuius tamen perfectionis non est causa anima rationalis ut sic, sed tantum in illa est necessario coniunctum vnum prædicatum cum alio.

Secunda conclusio, Deum esse, si sumatur in consulo, & in aliqua ratione communi, nempe in eo, quod aliquid detur bonum, & felicitas aliqua in genere, est nobis per se notum; Est D. Thomæ 1. p. quæst. 2. artic. 1. ad 1. & 3. ratio est, quia certum est per se nobis notum esse, quod detur aliquid, quod detur bonum, & aliqua felicitas, & beatitudo in communi, quam naturaliter omnes appetunt, certum est autem, quantumcumque homo id ignoret, quod Deus est præcipuum ens, præcipuum verum, & bonum, præcipua beatitudo; & omnia sunt talia per participationem ab ipso, & per analogiam ad ipsum; necesse est ergo, per se nobis notum esse Deum sub hac communi, & confusa ratione entis, veri, vel boni. Itaque si aliquid per se nobis notum est, quodcumque illud sit, oportet,

ut in illo sit etiam per se notum nobis Deum esse, secundum hanc communem, & confusam rationem essendi; omne enim ens creatum essentialiter in tantum est, in quantum est participatio, & similitudo diuini entis, & omne bonum, diuinæ bonitatis, omneque verum, diuinæ veritatis; atque adeo si quid verum semel est nobis per se notum, notum est etiam nobis Deum existere secundum suam similitudinem, & participationem, & communem rationem; prout idem S. Doctor expressius docet 1. contra Gentes cap. 12. in solutione quarti argumenti, q. 10. de veritate artic. 12. ad 3.

Tertia Conclusio, hæc propositio, seu veritas, *Deus est*, non est per se nota, quo ad nos viatores: dico quo ad nos viatores, quia loquendo de beatis nemini dubium esse potest, quin Deum esse sit illis per se notum; etsi enim loquendo formaliter de illis, ut sic, & ex vi visionis beatificæ nulla possit ab illis formari propositio, atque adeo neque propositio per se nota de deitate, quatenus omnis propositio formaliter sumpta eo ipso, quod fiat per compositionem, vel diuisionem, requirit essentialiter duos terminos, siue alietatem prædicati, & subiecti saltem per intellectum; à beatis autem Deitas non videtur nisi per modum vnius simplicissimi terminis; Dei tamen existentia, est veritas illis per se nota; eo enim ipso, quod Deum esse sit veritas per se nota secundum se, ut prima conclusione ostensum est, debet etiam esse veritas per se nota, cuiuscumque intellectui videnti Deum, ut est in se, atque adeo quidditatiuè, & intuitiue; sed talis est intellectus Beatorum, ergo &c. Conclusio sic explicata, & ad intellectum viatorum, siue humanum, siue Angelicum restricta, probatur sequentibus rationibus.

Quotiescumque intellectus indiget medio ut cognoscat aliquam propositionem, tunc illa propositio non est nota nobis secundum se, seu quo ad nos: sed ita est, quod tam intellectus Angelicus

gelicus, quàm humanus in statu viæ consideratus indiget medio, vt cognoscat Deum existere; ergò non est propositio per se nota quo ad nos viatores. Maior est certa, probatur minor, non potest intellectus cognoscere immediatè, seu sine medio, nisi ea quæ immediatè mouere eum possunt, satis enim constat intellectum eodem modo cognoscere obiectum, quo ab eo mouetur, ita vt si ab obiecto moueatur immediatè, cognoscat illud immediatè, si mediatur tantum, etiam mediatur cognoscat; Sed Deus non potest mouere immediatè intellectum creatum, secundum quod ab illo naturaliter cognoscitur in statu viæ, ergò ad illius cognitionem indiget aliquo medio. Probatur minor, quia si Deus immediatè moueret intellectum creatum, ita vt ista propositio Deus est in statu viæ esset per se nota nobis viatoribus, iam cognosceremus quidditatiuè perfectè Deum, quod est absurdissimum: Probatur sequela; ad hoc enim, vt aliquid cognoscatur quidditatiuè perfectè nihil aliud videtur requiri, nisi quod noster intellectus immediatè atque adeò per propriam speciem attingat necessariam, & immediatam connexionem prædicati cum subiecto, sed si semel Deus immediatè moueret intellectum creatum: iam cognosceret immediatè, & per propriam speciem necessariam, & immediatam connexionem, quæ est inter Deum eiusque existentiam, ergò cognosceret Deum quidditatiuè perfectè; non enim potest immediatè cognosci talis connectio, nisi etiam natura talis subiecti, talisq; prædicati cognoscatur; si quidem connectio prædicati cum subiecto, non est aliquid præter ipsum prædicatum, atque subiectum quatenus ad inuicem vniuntur, & maxime si considerentur ex parte subiecti. Cum igitur pro præfenti statu viæ secundum naturæ vires repugnet talis cognitio immediata Dei & per propriam speciem, siue quod idem est, quod sciamus de Deo perfe-

ctè quid est, concludendum est hanc veritatem Deus esse, ita esse per se notam secundum se, vt tamen non sit nobis per se nota, sed necessariò indigeat demonstrari per ea, quæ sunt magis nota, quo ad nos, nempe à posteriori, & per creaturas, vt supra vidimus.

Secundò probatur, siue alio modo explicatur præcedens ratio, omnes enim eidem fundamento defectus cognitionis quidditatiuæ Dei pro præfenti statu innituntur; Illa sunt per se nobis nota, quæ statim terminis notis cognoscuntur, sed ad simplicem terminorum huius propositionis, Deus est, explicationem, & cognitionem, non statim cognoscimus Deum esse, siue quod idem est, nulla notitia, seu cognitio, quam habemus, aut habere possumus in hac vita naturaliter de Deo, quantum ad quid est, est sufficiens ad determinandum intellectum ex ipsa præcognitione terminorum ad hunc certum assensum, quod Deus sit in rerum natura, ergò veritas huius propositionis, *Deus est*, non est nobis per se nota in hac vita. Maior patet ex ipsa definitione propositionis per se notæ; minor probatur primò ab experientia, quia nemo experitur proposita sibi illa propositione, Deus est, & explicatis vècūque solis terminis, determinari suum intellectum ad certum, & euidentem assensum illius veritatis, sed esse necessarios multos discursus ab effectibus, & creaturis, & rebus nobis notis; & quia potest esse, vt aliquis, vel non percipiat, vel nolit percipere vim argumentorum, maxime in natura corrupta, & intellectu vitij obtenebrato; hinc fit vt aliquis non solum ore, sed etiam corde, & mente dicere possit, nō est Deus, & sibi persuadere Deum non esse, & ad hoc assert. D. Thomas 1. p. quæst. 2. artic. 1. in argumento sed contra locum Psalmi, *Dixit insipiens in corde suo non est Deus*: Probatur secundo ratione eadem minor.

Quia omnis notitia, quam intellectus creatus habere potest de Deo, quan-

quantum ad quid est, in statu vię naturaliter, vel est per positionem, seu per conceptus positivos, aut affirmativos, vel per remotionem, seu per negationes, & conceptus negativos, vel per utrosque conceptus, vt suppono tantum certum ex communi tam Patrũ, quàm Theologorum doctrina, & consensu; sed nulla talis notitia de Deo potest sufficienter determinare intellectum ad assensum illius veritatis, Deus est; ergo &c. Probatür minor, in qua totum est difficultatis pondus, & ex qua originem ducunt omnes prorsus rationes, non solum illæ, quæ probant veritatem nostrę conclusionis, sed etiã illæ, quæ impugnant; probatur, inquã, inductione afferendo omnes conceptus, quos solemus habere de Deo, quantum ad quid est, vt quod sit prima omnium causa, primum ens necessarium, id quod maximè est ens, vel quo nihil maius, aut melius excogitari potest; & sic de alijs; at quod detur de facto prima omnium causa, primum ens necessarium, id quod est maximè ens, & quo nihil melius concipi potest, non est nobis per se notum, sed indiget demonstratione, pluribusque discursibus; vt satis patet ex ijs quos supra attulimus; ergo nulla est notitia, nullusque conceptus ex illis, quos formare possumus de Deo in hac vita, quantum ad quid est, qui possit sufficienter determinare intellectum ad assensum illius veritatis, Deus est, non inuoluendo in subiecto illius existentiam ipsam formaliter, vt supra monuimus notando quinto.

Sic ad omnia argumenta desumpta ex his & similibus definitionibus, ad probandum quod hæc propositio Deus est, sit per se nota ex sola, & simplici terminorum eius cognitione, facilis, & brevis responsio esse potest, vt quando deuenitur in argumento ad talem nomen, de quo agitur explicationem, v. g. Deus est id, quo maius cogitari non potest, respondeatur distinguendo, ita vt per se nobis notum sit Deum esse

tale aliquid, aut dari tale aliquid nego; ita vt hoc ipsum indigeat demonstratione ex aliquo principio nobis noto, concedo; & sic negandum est Deum esse, seu existere, esse nobis per se notum. Quæ est expressa mens D. Thomę 1. p. quęst. 2. artic. 1. vbi respondendo ad hoc idem argumentum ait; *Dato etiam quod quilibet intelligat hoc nomine Deus, significari hoc quod dicitur, scilicet illud, quo maius cogitari non potest; non tamen propter hoc sequitur, quod intelligat, id quod significatur per nomen, esse in rerum natura: sed in apprehensione intellectus tantum.* Quasi diceret, id quod maius cogitari non potest, non posse quidem concipi sine existentia absolute, seu in actu signato, id enim significatur per esse, in apprehensione intellectus; non tamen inde sequitur hæc propositionem, Deus est, esse per se notam; vt enim sit talis, nõ tantum in conceptu Dei includi debet existentia signatè, sed etiam exercitè; ita vt reluceat ex terminis existentia exercita, atque adeo multo magis realitas subiecti, quæ supponitur ad existentiam; quod tamen est impossibile intellectui creato non habenti conceptum Dei quidditatum; cuiusque enim non habenti talem conceptum, ratio entis perfectissimi non fert existentiam, nisi signatè in intellectu; cum ad concipiendum, ens perfectissimum, & quo melius cogitari non potest, sufficiat signare in conceptu perfectionis existentia; cum nomen, qualis est Deus, ex vi, & proprietate significationis suę non significet existentiam in actu exercito, sed solum in actu signato, ad distinctionem verbi; & sic explicatio istius nominis Deus quęcumque sit, non potest nos ducere in cognitionem Dei, vt existit in actu exercito, neque consequenter in cognitionem quidditativam Dei, & vt Deus est in se, cum existentia in actu exercito sit de essentia Dei.

Sed quia aliquis posset instare, quod scilicet id, quo maius cogitari non potest

teste, debeat inuoluere existentiam, non solum vt signatam, sed etiam vt exercitam, quia maius est hoc secundum, quam illud primum tantum, subdit D. Thomas responsionem superius datam, quæ euacuat totam hanc argumentationem, scilicet cum distinctione, id quo maius cogitari non potest, includit in suo conceptu existentiam, etiam vt exercitam; ex suppositione, quod datur tale summum cognoscibile existens, sicuti supponitur in casu nostro, vt cognitum per discursum, concedo; absolute, & nulla facta tali suppositione, nego, & consequenter absolute negatur, quod Deum esse, sit per se notum nobis, nam hoc ipsum non est nobis per se notum, sed probatione indiget, dari summum cognoscibile actu extra intellectum existens, quo maius cogitari non potest, etiam si per intellectum nos id cognoscamus, & nominemus; ex conceptu enim signato, non solum exercitus non sit per se notus; sed neque à signato, licet inferre ad exercitum. Expressit autem hanc solutionem D. Thomas loco iam citato 1. p. illis verbis *Nec potest argui, quod sit in re, (aliquid scilicet, quo maius cogitari non potest) nisi daretur, quod sit in re aliquid tale, quod non est datum à ponentibus, Deum non esse*: & clarius in scripto paruo 1. sentent. distinct. 3. quæst. 1. artic. 2. ad tertium, *Deus est quo maius cogitari non potest, dicendum, quod verum est si supponatur Deum esse, unde ratio ista non cogit, quia supponit id, quod probare debet.*

Eodem etiam modo soluit aliud argumentum in eadem propositione fundatum quæst. 10. de veritate artic. 12. ad 2. in 1. sentent. distinct. 3. quæst. 1. artic. 2. ad 4. & 1. contra Gentes c. 10. num. 2. Id quod non potest cogitari non esse, est nobis per se notum, vt satis patet ex primis principiis, quæ propterea dicuntur per se nobis nota ex terminis, quia non possumus cogitare non esse vera; sed de Deo, eo ipso, quod sit id quo maius concipi non potest,

non potest à nobis cogitari, quod non sit, ergo Deum esse est nobis per se notum: Respondetur enim concedendo maiorem bene intellectam, & negando minorem, ad probationem autem in illa contentam, & in prædicta definitione Dei contentam, distinguendum est, veram esse illam nominis Dei explicationem, ex suppositione quod aliquis admittat, & cognoscat verum Deum esse, & consequenter ex hac suppositione non poterit negare Deum esse; qui vero negaret Deum esse, negaret etiam consequenter dari tale aliquid, quo maius concipi non potest, quare hoc illi esset probandum. Ita ex doctrina D. Thomæ, quo etiā loco citato quæst. de veritate, & 1. contra Gentes capit. 11. ad 2. assignat causam; cur aliquis possit cogitare Deum non esse, non ex parte obiecti, quod est summa veritas, sed ex parte nostri intellectus deficientis, ad cognoscenda ea, quæ secundum se sunt notissima, vnde ex hoc non sequitur, quin Deus sit re vera id, quo maius cogitari non potest; sed tantum non esse nobis per se notum dari tale aliquid ens in rerum natura.

Aduertendum est ergo diligenter, quod non eo ipso, quod à nobis significetur aliqua veritas, eo ipso, inquam, illa veritas per illud nomen significata, possit dici nobis per se nota, vt constat ex hac ipsa re, de qua agimus in præsentia, nam omnes homines, qui admittunt Deum, nomine Dei, intelligunt aliquid quod existat, & maxime constat, non tamen inde sequitur, aut ex illo inditio concludi potest, Deum esse, esse omnibus his per se notum. Et ratio vniuersalis est, quia sæpissime illa veritas significata tali nomine, fuit iam prius à nobis inuestigata per discursum, siue à priori, siue à posteriori, aut similibus modis argumentandi, sicque inuestigata significatur postea tali, vel tali nomine ex suppositione præcedentis inuestigationis; vnde licet talis res exprimat, vel significetur sub tali nomine, non tamen propterea sequi-

sequitur illam rem tali nomine significatam, esse per se notam quoad nos ex terminis. Quod innumeris declarari potest exemplis v.g. omnes, qui admittunt Angelos, nomine Angeli intelligunt aliquam substantiam intelligentē homine nobiliorem, non tamen est per se notum nobis dari talem substantiam homine nobiliorem, aut esse possibile, quamvis sub illo nomine id intelligatur; eodem modo licet nomine Dei intelligamus summum ens maximè existens, quodque habet existentiam non solum signatam, sed etiam exercitam, postquam iam mediante discursu devenimus in noticiam talis entis, atque adeò potuimus sub tali nomine illud intelligere, non propterea dari tale summum ens existens, est nobis per se notum absolute, nam illud ipsum, quod sub tali nomine significatur, non fuit nobis notum ex terminis, sed ex inuestigatione per discursum.

Et ex hac doctrina conantur aliqui conciliare utramque sententiam; quatenus hæc propositio, Deus est, accepta absolute, nullaque facta suppositione, non est propositio per se nota quo ad nos, ut ostensum est, quantumvis enim nomine Dei concedamus significari ens existens, & maximè existens, quodque habet consequenter existentiam tam signatam, quam exercitam, absolute tamen loquendo in hac propositione, Deus est, prout à nobis cognoscitur, non involuitur, nec potest involui alia existentia ex parte subiecti, quam in actu signato, non exercito, nisi principium petere velimus, nam hoc ipsum querimus, an scilicet per se notum sit nobis dari hoc primum ens existens in rerum natura, quod nos mente præcognovimus, nulla scilicet facta suppositione. At si talis propositio procedat ex hypotesi de realitate, & existentia subiecti iam per discursum cogniti sic est propositio per se nota, aut se habet per modum propositionis per se notæ. Superest iam ut uni, aut alteri objectioni breviter satisfaciamus.

Obijcitur primò, illæ veritates, quarum cognitio nobis naturaliter inest, quibusque maxima facilitate assentitur intellectus, sunt nobis per se notæ, ut satis patet exemplo primorum principiorum, sed veritas divinæ existentiae nobis naturaliter inest, magnamque à natura facilitatem ad illam cognoscendam, illicque assentiendum habemus; ergò &c.

Respondetur ad hoc argumentum 1. negando maiorem, aliud enim est aliquid esse per se nobis notum, aliud naturaliter; ut enim cognitio Dei dicatur nobis naturaliter insita, sufficit quod habeamus principium cognoscendi eius existentiam in ipsa natura, quod cum habeamus, immo in nobis ipsis, quia dum cognoscimus, quod sumus, & quod non à nobis, statim devenimus in cognitionem dari aliquid, à quo sumus; rectè Sancti Patres cognitionem huius propositionis, *Deus est*, esse nobis à natura insitam asseruerunt; non tamen per se notam, cum ad hoc insuper requiratur, ut eius veritas naturaliter cognoscatur ex sola, & simplici cognitione terminorum eius obiectivorum, quod impossibile esse satis supra demonstravimus. Unde maioris claritatis gratia potest distingui maior argumenti, videlicet *illas veritates esse nobis per se notas, quarum cognitio naturaliter nobis inest*, quando ita naturaliter, ut sine discursu per diversum medium ab ipsis extremis, intellectus illis certò, & evidenter assentiat, concedo; si verò per discursum ex alio nobis naturaliter noto, nego, & ad minorem dico, veritatem divinæ existentiae secundo modo nobis esse naturaliter notam, & insertam, non primo, unde neganda est consequentia.

Similiter ex ea summa facilitate, qua homines assentiuntur huic veritati Deus est, non debet colligi, eam esse per se notam illis ex terminis, ut hoc loco in rigore Philosophico loquimur, sed tantum quod evidens cognitio de existentia Dei tam facile omnibus, & ubique occurrit

occurrit ex creaturarum, sui que potissimum ipsius consideratione, ut etiā palpari videatur ab ijs qui volunt eum inquirere: sicut cæco erranti in sylua densissima facilè occurrit arbor, inquam impingat; vel quam palpet, & sua manu attrahet, iuxta illud Actū Apostol. cap. 7. *Querere Deum, si fortè attrahent eum, aut inueniant, quamvis non longè sit ab unoquoque nostrum. In ipso enim vivimus, movemur, & sumus.* Insuper D. Thomas 1. contra Genes cap. 11. rectè notat tantam facilitatem, ut etiam aliquando audito nomine Dei, sine vilo discursu soleamus assentiri huic propositioni, *Deus est*; sicuti solemus' primis principijs, rectè, inquam, notat tantam facilitatem oriri ex assuetudine, quæ aliquo modo trāsfit in naturam, quæ ab infantia, & traditione parentum, & communi omnium æstimatione discimus Deum esse illumque invocare; similiter etiam contingit, ut postquam aliquis per discursum, & demonstrationem à posteriori cognovit Deum esse; postea illi propositioni *Deus est*, assentiat sine vilo discursu, ex sola memoria præteritæ demonstrationis, & rationis, ut solet cōtingere in alijs propositionibus demonstratis. Vnde ex ea facilitate, qua nos maximè Christiani solemus assentire illi propositioni, *Deus est*, etiam præscindendo à fide, non debet inferri, quod illa propositio sit nobis per se nota ex terminis, hoc enim prouenire potest ex prædictis, alijsque similibus capitibus.

Obijcitur secundò; Ista propositio *Deus est colendus*, est omnibus per se nota; cum sit primum omnino principium, vnde pender tota praxis actionum moralium; vnde Aristoteles 1. topic. cap. 9. dixit, *pæna, non ratione indigere eos, qui dubitant, utrum Deos honorare oporteat.* Ergo hæc, *Deus est*, multò magis, & à fortiori debet esse nobis per se nota; nam illa hanc includit, & ut cognoscatur quod Deus sit colendus, supponitur necessario co-

gnitio diuini esse.

Huic argumento multiplex adhiberi potest responsio. Primò respondent aliqui hanc propositionem, *Deus est colendus*, non esse per se notam nobis; quod multæ rationes naturales, & Theologicæ adducuntur, quibus moralis Philosophus, & Theologus ostendunt veritatem istius practicæ propositionis. Secundò & melius responderetur hanc propositionem, *Deus est colendus*, sumi posse dupliciter; primò merè speculatiuè; & sic est per se nota secundum se, & quo ad nos, reddit enim hunc sensum, *Deus dignus est qui colatur.* Deus autem ab omnibus apprehenditur, ut quid excellens; & apparet ex terminis connexio excellentiæ cum debito cultus. Sed ita speculatiuè accepta præscindit ab existentia: non secus ac illæ aliæ, *debita esse reddenda, parentes honorandos*; Vnde potius dicendum esset, *Deus est colibilis*, quam colendus. Secundò potest accipi practica practice, seu ut principium actuale praxis, nempe cultus qui de facto ab omnibus populis Deo exhibetur, & sic non est per se nobis nota, eo enim ipso quod actualis exhibitio cultus supponit actualitatem eius, cui exhibetur, si semel hæc, *Deus est colendus*, practico practice sumpta, esset per se nota nobis, esset etiam per se nota hæc, *Deus est*, quæ in illa includitur; quæ in re adhuc distinctione vtendum esse putant aliqui, & est tertia responsio, hanc nimirum propositionem, *Deus est colendus*, practice consideratam accipi posse dupliciter vel absolute, vel ex suppositione. Primo modo non esse per se notam nobis; si enim absolute non est per se notum nobis Deum esse, neque erit absolute per se notum, Deum colendum esse; nam cum coli actu non possit, nisi quod actu est, cultus actualis Dei supponit Deum actualement; secundo modo esse nobis notam ex suppositione. Hæc enim, *Deus est colendus*, resoluitur in hanc conditionalem,

Si Deus est, colendus est; quæ est cui-dens ex terminis; absolute autem pronuntiarī solet, Deum esse colendum, quia iam supponitur Dei existentia aliundè cognita.

Quartò tandem & vltimò responderetur ad hoc argumentum concedendo antecedens absolute, & negando consequentiam; etsi enim sit necessarium, quod principia practica, præsupponat necessariò speculabilia sibi proportionata, non tamen est necessariū, vt præsupponant illa semper, etiam secundum quod sunt aliquo modo extrema talis propositionis practicæ ad hypotheticam, & conditionalem reductæ, cognita cognitione eiusdem generis; ita vt si propositio practica sit per se nobis nota, debeat etiam esse talis speculatiua, sed potest cognosci per discursum, v.g. quod parentes sint honorandi, est propositio practica per se nota quo ad nos, & tamen ista cognitio supponit aliam speculatiuam, discursiuam, qua cognoscimus parentes nostros existere; & quoniam illi sint non enim est nobis per se notum, hos, & illos in particulari esse veros nostros parentes, sed id tantum ex communi fama traditione, educatione, aliisque eiusmodi signis arguitur colligimus. Ita pariter in presenti casu, licet absolute concedatur, quod Deus sit colendus, sit propositio per se nota nobis cognitione practica, non tamen illa, Deus est, sed supponitur tantum cognita per discursum. Quod etiam est verum, potestque contingere in ipsismet propositionibus speculatiuis, nullum enim est inconueniens, quod aliqua propositio dicatur nobis per se nota, v. g. *incorporalia non esse in loco*, etiam si eius extrema nobis innotescant per discursum, vt notauimus supra. Quod puto esse vniuersaliter verum, quotiescumque per talem discursum non innotescit nobis, illud idem, quod in tali propositione, quæ dicitur nobis per se nota, prædicatur de subiecto, sed aliud prædicatum di-

stinctum, nec subiectum talis propositionis est ratio, vel causa talis prædicati.

CAPVT XX.

Vtrum de existentia Dei dari possit ignorantia inuincibilis.

Satis patet connexio huius difficultatis cum antecedenti, dum, enim statuimus Dei existentiam ita, esse veritatem per se notam secundum se, vt tamen non sit per se nota quoad nos, statim in quæstionem venit, suboriturque dubium, vtrum possit esse simpliciter ignota nobis, & sic inuincibiliter ignorari; imo ex hoc fundamento partem affirmatiuam tenent aliqui Theologi, si enim semel, inquirunt, veritas diuinæ existentie non est per se nota nobis, sed vt innotescat necessariò indiget demonstratione, cum talis demonstratio possit ab aliquo præsertim rustico, aliisque curis distento penitus ignorari; necesse est talem veritatem esse aliquando simpliciter ignotam nobis, & sic inuincibiliter ignorari.

Pro intelligentia, & resolutione difficultatis, suppono primò tanquam certum ex communi tam Patrum, quàm Theologorū consensu, aduersus Guilelmum Parisiensem tractatu de legibus cap. 21. posse dari ignorantiam inuincibilem, eorum etiam, quæ quis scire tenetur, vt pluribus docetur 1. 2. quæst. 76. Suppono similiter, idem esse ignorantiam inuincibilem, & inuoluntariam, atque adeo inculpabilem, de qua D. Thomas 12. quæst. 6. artic. 8. ex quo sequitur, quod si ignorantia rei alicuius sit aliquo modo volita directè, vel indirectè, tunc illa ignorantia non erit amplius inuincibilis, sed vincibilis, imo culpabilis, & peccaminosa si sit eorum, quæ scire tenemur. Quemadmodum igitur aliqua ignorantia dupliciter esse potest inuoluntaria, totidem etiam modis potest esse inuincibilis.

nincibilis; primò per totalem inaduer-
tentiam, ſeu incogitantiam obiecti;
quandò nimirum id quod ignoratur,
nunquam venit in mentem, neque il-
lius fuit cogitatio, tam confuſa, quàm
diſtincta, tam in vniuerſali, quàm in
particulari; tam certa, quàm dubia;
ſecundò cum cogitatione obiecti, &
cum firmo aſſenſu oppoſiti. Prima
vocari poteſt ignorantia negatiua per
ſolam negationem ſcientiæ: ſecunda
verò poſitiua per errorem poſitiuum
ſcientiæ oppoſitum.

Vndè notandum eſt ſecundò ſen-
ſum præſentis quæſtionis duplicem eſ-
ſe poſſe, primò, vtrum Deum quis
ignorare poſſit inuincibiliter negatiuè,
nullo modo cogitando de Deo: ſecun-
dò poſitiuè aſſentiendo, quod non ſit
Deus. Rurſus quia hæc ignorantia
comparari poteſt, & ad ſubiectum,
ſcilicet ad intellectum, qui ignorat, &
ad obiectum, ſcilicet ad Deum, qui
ignoratur, & adhuc dupliciter ad utrū-
que; ad ſubiectum vno modo per re-
ſpectum ad communitatem, ita vt tota
aliqua communitas ignoret inuincibi-
liter Deum; alio modo reſpectu indi-
uidui ſingularis; ad obiectum autem,
vno modo vt Deus ignoretur ſub ra-
tione explicita, & diſtincta primæ cau-
ſæ; alio modo, vt ignoretur ſub qua-
cumque ratione etiam confuſa, & im-
plicita; ſecundum multiplicem hunc
ignorantiæ reſpectum, quæri poteſt,
vtrum dari contingat ignorantia in-
uincibilis de exiſtentia Dei.

Notandum eſt tertio, quod cum
exiſtentia Dei, & eius vnitas, ſiue Deū
eſſe, & eſſe vnum ſint duæ veritates
diſtinctæ; non ſequitur quod ſi dari
poſſit ignorantia inuincibilis vnitatis
Dei, de quo agemus ſeſſione ſequen-
ti, dari etiam poſſit ignorantia inuinci-
bilis exiſtentię illius in genere, etſi
enim re vera ſit impoſſibile, quod ſit
Deus, quin ſit vnus, tamen in ordine
ad noſtram cognitionem ſunt duę ve-
ritates ab inuicem ſeparabiles, poteſt-
que haberi cognitio exiſtentię Dei in

Biblioth. Theol. Tom. V.

genere, cum ignorantia ſiue vincibili,
ſiue inuincibili vnitatis illius, imo cū
falſa perſuaſione in particulari, & in-
re ſubiecta, tribuendo rationem numi-
nis & providentiæ illis rebus, quibus
minimè oportet, eamque in illis vene-
rando, vt ſatis patet in Etnicis. Quem-
admodum enim, licet ſit impoſſibile,
quod Deus exiſtat, quin ſit etiam Tri-
nus, quin ſit infinitæ ſubſtantiæ, infini-
ti intellectus, infinitæ ſapientiæ, & ſic
de alijs, rectè tamen poteſt cognosci
à nobis, & demonſtrari eius exiſtentia,
ſub aliquo tantum attributo, præſcin-
dendo à modo quo illi conuenit, aut
à cæteris attributis; v. g. quod detur
primum mouens, præſcindendo ab eo
quod ſit corpus, vel ſpiritus, quod ſit
forma aſſiſtens, vel informans, & ſic
de cæteris, de quibus diſtinctæ quæ-
ſtiones inſtituuntur; ita etiam nullum
eſt inconueniens, quod cum ignoran-
tia vnitatis Dei, poſſit tamen dari ſci-
entia exiſtentię illius in genere. Quod
exemplo multarum rerum poſſet de-
clarari, cum quarum falſa opinione,
& perſuaſione in particulari, ſeu ma-
terialiter conſiderata, v. g. alicuius po-
nentis ſuam beatitudinem, in diuitijs,
aut honoribus, poteſt ſtare vera opi-
nio, & perſuaſio eiſdem beatitudinis
in communi, & formaliter conſide-
ratæ, quod ſit ſummum bonum; & ſic
de alijs.

Notandum eſt quarto, quod ſicut
ex ſtatim dictis non eſt neceſſe, quod
illa cognitio, per quam dicitur ſupe-
rari, & vinci ignorantia inuincibilis
diuinæ exiſtentię, ſit vndequaque
perfecta ex parte obiecti, ſine vilius
proſus erroris admixtione, ſed ſatis
eſt quod ſit cognitio de Deo generalis
per quam cognoscatur eſſe principiū
omnium rerum, excedens omnia, à quo
dependent, & gubernantur omnia; ita
ſimiliter non requiritur, quod illa co-
gnitio ſit ſemper ex parte ſubiecti vn-
dequaque perfecta, & per veram de-
monſtrationem acquiſita, ſed ſufficit
quod habeatur vel per illam, vel per

Cc 2 Dei

Dei reuelationem, vel per sapientum magisterium, vel per rationem duntaxat probabilem. Ratio est, quia cum nulla occurrat ratio contra Deū, quæ persuadere possit, vel leuiter ipsius non existentiam, ideo sola ratio probabilis, quod Deus sit, plusquam sufficiens est ad tollendam illā Dei ignorantiam inuincibilem, & ad inducendam mortalibus aliqualem colendi Deum obligationem.

His prænotatis dico primò, nullam reperiri nationem, vel communitatem, apud quam dari contingat ignorantiam inuincibilem siue negatiuam, siue positiuam, de existentia Dei, etiam sub ratione explicita primæ causæ, primi-que omnium rerum principij. In hac conclusione conueniunt omnes Theologi tam 1. parte quæst. 2. quàm 1. 2. quæst. 7 6. imo Sorus lib. 2. de iustit. & iur. quæst. 4. artic. 2. expressè asserit illam esse certissimam de fide.

Probatur primò omnibus illis auctoritatibus Sacræ Scripturæ, quibus supra cap. 3. demonstrauimus hominē ad certam, ac euidentem Dei cognitionem naturaliter peruenire posse, via ascensus, & à posteriori; à fortiori enim eiusmodi auctoritates probant de aliqui Dei cognitione, quæ sufficit ad tollendam ignorantiam inuincibilem. Ex illis tamen duas præsertim ad præsens institutum placet ponderare primam ex veteri testamento, secundam ex nouo. E veteri igitur testamento insignis locus habetur psal. 18. *Celi enarrant gloriam Dei*, &c. quia, scilicet ad arguendam alicuius supremi numinis, non solum existentiam sed etiam gloriam, satis est solus cælorum aspectus; quare magnus Antonius, teste D. Athanasio in eius vita, Cælum, *librum idiotarum appellabat*. Sequitur, *Dies diei eructat verbum, & nox nocti indicat scientiam*, id est, Dei scientiam pariunt recurstantes tenebrarum & luminis vices, quibus dies diei, & nox nocti succedit, ut sint nobis operis, & quietis alterna repara-

rio. *Non sunt loquela, neque sermones, quorum non audiantur voces eorum*, id est idioma, quo cæli creatorem annuntiant, & loquuntur, non est vlli incognitum, sed à quolibet populo, ac natione percipitur. Vndè Tertullianus lib. de testim. animæ. *Omnium, inquit, gentium varius sonus, propria cuique genti loquela, sed loquela materia communis, Deus ubique, & bonitas Dei ubique*. Ideoque subditur, *In omnem terram exiuit sonus eorum, & in fines orbis terra verba eorum*, denique, *in sole posuit tabernaculum suum*, quia ille Dei existentiam nescit, qui solem meridie lucescere nescit; vndè sicut nullus expeditum habens oculorum, vsum inuincibiliter ignorare potest Solem meridie lucere, ita certè posita omnibus obuia, cæli, Solis, syderum, aliarumque creaturarum cognitione, impossibile est in multitudine, quin saltem aliquibus in mentem veniat dubitatio, an hæc ab aliquo facta sint, nec ne; vel an ab aliquo regantur, nec ne; quæ dubitatio in quotidiano conuictu à perspicacioribus ad rudiores transfunditur. De quo psalmo vide interpretes, & potissimè D. Thomam.

Secundus locus habetur ad Romanos cap. 1. vbi post illa verba, *Inuisibilia Dei per ea, quæ facta sunt, intellecta conspiciuntur*, &c. Statim infert D. Paulus Gentiles fuisse *inexcusabiles*; quod saltem debet intelligi in ordine ad cognitionem Dei (quidquid sit, an etiam posita tali cognitione potuerint excusari ex ignorantia ab idololatriæ crimine, de quo agemus sectione sequenti) si autem posset dari ignorantia Dei inuincibilis, ita vt ex creaturarum consideratione superari nullo modo posset, vnde D. Paulus vocaret inexcusabiles omnes homines illos, qui ignorauerunt Deum, ut statim probabitur in nostris rationibus.

Secundò probatur conclusio auctoritate SS. Patrum, qui illam vnanimiter docent; ideoque notitiam Dei naturaliter insitam appellant, quod talis

lis notio non indigeat assiduo labore disciplinæ, sicut aliæ veritates, sed illi-
cò ipso naturæ lumine ex rebus crea-
tis, adedò facili consequentia colliga-
tur, vt quasi naturaliter indita videat-
ur. Nam visa hac rerum vniuersitate,
mundique machina, mole, & ampli-
tudine, absque vlla alia laboriosa ra-
tificatione, statim apparet Deum ef-
se, si non euidenter, saltem summa
probabilitate, quod sufficit, vt nulla,
saltem reperiatur natio, vel commu-
nitas, apud quam dari contingat igno-
rantiam inuincibilem de existètia Dei.
Quare D. Gregorius Nazianzenus
orat. 2. de Theologia, *Nimis*, inquit,
absurdus, & præposterus est, qui argu-
mentis naturalibus non cedit, & inficia-
tur Deum esse, cum paulò ante dixisset,
Quemadmodum quispiam citharam pul-
cherrimè constructam conspiciens, aut
etiam eius cantum audiens, nihil aliud
quam ipsum citharæ conditorem, atque
citharædum mente reputat, etiam si de
facie ipsi ignotum: eodem quoque modo
nobis is, qui res vniuersas procreauit, eas-
que moderatur atque conseruat, se se de-
clarat, etiam si animis nostris, ingenij quo
comprehendi nequeat.

Similia habet Chrysostomus ho-
mil. 3. in cap. 1. ad Romanos; *Quid*
enim dicent Gentiles? te ignorauimus. Ita
ne verò? non exaudistis calum vocem ab
aspectu emittens? non exaudistis compo-
sitam rerum harmoniam, tuba illustriore
clamantem? omnia ordinem seruantia,
eademque tum à magnitudine, tum à
pulchritudine, ipsum veluti præconio
opificem annuntiant. Cæteræ Sancto-
rum Patrum autoritates videri pos-
sunt partim in locis à nobis supe-
rius citatis capit. 12. partim etiam
apud interpretes D. Thomæ tam 1. p.
quæst. 2. quam 12. quæst. 76. & etiam
2. 2. quæst. 94. vbi præsens difficultas
folet agitari.

Tertiò probatur autoritate Phi-
losophorum, Aristoteles enim lib. 3.
Ethicorum cap. 1. docet, *ignorantiam*
vniuersalis non esse inuiti, neque facere

inuitum; & quamvis aliqui existiment
quod per ignorantiam vniuersalem, aut
vniuersalem, non intelligatur ignoran-
tia præceptorum vniuersaliorum: sed
ignorantia prauæ electionis, quæ est
in quocumque peccato, ratione cuius
omnis peccatus dicitur ignorans. Tam-
en D. Thomas 3. Ethic. cap. 1. inter-
pretatur Aristotelem de ignorantia
rei vniuersalis, videturque magis con-
sonum veritati, Philosophum de vtra-
que ista ignorantia fuisse locutum in
eo loco. Ait enim; *ignorantia quæ in*
electione consistit, non est causa inuiti,
sed prauitatis. Deindè ait, *ignorantia*
vniuersalis digna est vituperatione; vbi
satis constat illum mentionem facere
duarum ignorantiarum, quarum neu-
tra est inuincibilis; cum neutra sit in-
uoluntaria; primæ, quæ est cum praua
electione, secundæ quæ est ignoran-
tia vniuersalium, scilicet principiorum
legis naturalis, inter quæ cum primū
teneat locū alicuius supremi numinis
existentia, ignorantia illius non po-
test esse ex Philosopho inuiti, id est in-
uoluntaria, ac per consequens inui-
cibilis.

Denique ex Plutarcho lib. contra
Colo. cap. 28. supra animaduertimus
cap. 15. *Multas occurrere peregrinanti-*
bus vrbes sine manibus, nusquam tamen
extare urbem, aut oppidum cui nullus sit
Deus; & ex Tullio tam lib. 1. de nat.
Deorum, quam lib. 1. de legibus, Nul-
lam unquam gentem, neque tam imman-
suctam, neque tam feram existisse: quæ
non, etiam si ignoret qualem Deum se ha-
bere debeat, tamen habendum sciat.

Quartò probatur rationibus, pri-
ma desumitur ex loco D. Pauli supe-
rius citato, quia si potest dari inuolun-
taria, atque adedò inuincibilis, atque
adeo inculpabilis ignorantia huius ve-
ritatis Deus est, saltem per respectum
ad communitatem, malè D. Paulus re-
prehenderet, inexcusabileque voca-
ret, omnes illos, qui ignorauerunt
Deum; sed illi tales, tam loco citato,
quam etiam Sapient. 13. vocantur in-
excu.

excusabiles, ergò dicendum est saltem respectu totius alicuius nationis, vel communitatis dari non posse ignorantiam inuincibilem diuinæ existentie. Probatur sequela maioris, nā illa ignorantia, quæ nullo studio, nullaque industria, aut diligentia superari potest, omnino excusabilis dicenda est, utpotè inuoluntaria, atque adeò inculpabilis, qui enim fieri potest illud esse voluntarium, vel peccaminosum, quod aliter fieri non potest, estque omnino incognitum. Sed ignorantia inuincibilis prout illam definit D. Thomas 1.2. q.76 artic.2. ea est, quæ studio, & diligentia superari non potest; ergò si semel daretur talis ignorantia communiter de existentia Dei, esset omnino excusabilis; cum igitur diuina Scriptura tam acriter illam reprehendat locis citatis, est argumentum manifestum, si quæ sit in hominibus ignorantia diuinæ existentie, illam esse omnino vincibilem, atque culpabilem, & ex negligentia pura, cordisque prauitate procedentem.

Secundò, non potest dari ignorantia inuincibilis veritatis, quæ est omnium maximè obuia, facillimoque negotio superabilis, sed hæc veritas, Deus est, est omnium maximè obuia, & facilis, ergò saltem respectu communitatis dari non potest ignorantia inuincibilis de illa; Probatur minor, nam id quod primo cuiuslibet obijcitur est cælum & terra, & cuncta quæ in eis sunt, sed posita hac prima cognitione sensibili, moraliter est impossibile in multitudine, quin aliquibus in mentem veniat dubitatio, an hæc ab aliquo facta sint, nec ne; vel ab aliquo regantur, nec ne; si enim visis alijs effectibus longè minoris momenti statim primum illorum authorem mente reputamus, & vniuersaliter loquendo visis effectibus inest in homine naturale desiderium cognoscendi causam, & ex hoc admiratio in hominibus consurgit, quantò magis ex vniuersi consideratione statim potest oriri dubium de prima illius causa, primoque principio; Ergò hæc veritas Deus est, est omnium

maximè obuia, tamque facili discursu cognoscibilis, ut impossibile sit moraliter dari aliquam communitatem, in qua sit ignorantia inuincibilis de existentia Dei sub ratione etiam explicita primæ causæ efficientis, vel gubernantis.

Tertiò probatur, quia dupliciter inter homines fieri solet, ut vnus alteri quidpiam manifestet. Primo adhibendo aliquod lumen, quo res videri possit. Secundò proponendo aliqua signa externa, ut imaginem, vel scripturam, aliudque huiusmodi; ita ut his positis non videatur dari posse ignorantiam inuincibilem rei, quæ sic alicui manifestatur, sed ita Deus manifestauit hominibus quod ipse existat; primo præstando illis lumen rationis, quo id intelligere possint, iuxta illud Psalmi 4. *Signatum est super nos lumen vultus tui*; quod explicat D. Thomas 1.2. qu. 94. de cognitione naturali Dei ex creaturis habita. Secundò proponendo etiam speciem creaturarum externam, quæ est veluti signum quoddam, ac vestigium diuinæ potentie, diuinæque sapientie inquirendæ; cum enim Deus, inquit D. Ambrosius seu quisquis est ille verus author in epist. ad Rom. cap.1. *inuisibilis esset, ut etiam à visibilibus posset sciri, opus fecit, quod sua visibilitate opificem demonstraret*; ergo videtur esse impossibile moraliter quod derur ignorantia inuincibilis diuinæ existentie respectu communitatis, etiam sub ratione explicita primæ causæ, primique rerum omnium principij.

Quartò, tunc posset dari aliquod fundamentum asserendi ignorantiam inuincibilem diuinæ existentie, quando non prouidisset Deus hominibus de medijs necessarijs ad illius cognitionem taliter ut si illa deesset defectus eius non tam se teneret ex parte hominis, quam ex parte ipsius Dei, & providentie eius; sed opposito modo res se habet, prouidit quippè Deus de omnibus medijs necessarijs ad cognitionem diuinæ existentie, ut satis patet ex superiori argumento, ita ut si illa desit, defectus

cuius

eius se teneat tantum ex parte hominis, cui cum Deus prouiderit omnia media ad ipsum cognoscendum necessaria, ipse tamen ex culpa sua, & ex prauitate cordis non vitur illis; ergo nullum est fundamentum afferendi ignorantiam inuincibilem diuinæ existentiae. Maior huius argumenti videtur esse certa; minor autem præterquam quod, ut dicebam, satis patet ex superiori argumento, potest insuper probari ex hoc, quod innata est omnibus creaturis inclinatio quædam in suum principium, & in suum finem, unicuique conformiter ad naturam suam, tanquam in id per quod perficiuntur: ne igitur dicamus hominem esse peioris conditionis, quam res insensatae, quæ naturali pondere feruntur in suos fines, Deo supplente cognitionem finis, quam per se ipsos habere nequeunt; fatendum est Deum etiam hominibus prouidisse iuxta modum suum, de medijs necessarijs ad consecutionem sui finis; vnde cum modus hominis proprius tendendi in suum finem sit per cognitionem, dicendum est Deum illi prouidisse omnia necessaria ad hoc, ut finem suum, atque adeo creatorem suum cognosceret, ita ut si illum ignoret, non possit vnquam hoc imputari nisi culpæ hominis, qui dictam rationis, & synderesis suæ suggerentis principium, & conditorem à quo condita fuit, ductum sequi contemnit.

Confirmatur hoc argumentum; Deus non deficit in necessarijs, sed necessariū est homini per modum præambuli ad fidem, & ut possit recte actiones suas naturales dirigere, cognoscere Deum; quin sicuti se habent principia in speculatiuis, ita finis in practicis; vnde sicut ad speculatiuam cognitionem conclusionum; necessaria est prius cognitio principiorum, quæ sunt regula conclusionum, & cognitionis ipsarum; ita, similiter, & cognitio finis erit omnino necessaria in ordine ad actiones bonas naturaliter; ergo si illa desit, deficiet aliquod maxime necessarium; cum igitur Deus nunquam deficiat in rebus

adeo necessarijs, nunquam poterit deesse nobis illa cognitio, nisi ex defectu & culpa nostra.

Quintò, Theologi communiter docent 1. 2. quæst. 76. non posse dari ignorantiam inuincibilem circa prima principia vniuersalissima iuris naturalis, aut circa præcepta decalogi nudè sumpta, & sine aliqua circumstantia; ergo multò minus poterit inuincibiliter ignorari Deus, cuius cognitio magis necessaria est, quam illorum præceptorum, cum sit finis illorum; maxime si loquamur de tali ignorantia in ordine ad communitatem.

Quare quod de Acrotheitis refert Theophrastus, de Callaieis Strabo, de Brasiliensibus Molina 1. par. quæst. 2. nullam scilicet apud hos Dei notitiam repertam, falsum esse putant aliqui; hoc tamen concessio, non inde probatur quod illa ignorantia non fuerit vincibilis, & culpabilis, quia non illis defuere media ad illam superandam, cum solo intellectus & rationis lumine, si non demonstratiue, saltem probabiliter potuerint Deum cognoscere ex creaturis. Vnde hæc est maxima differentia inter peccatum infidelitatis, & ignorantiam Dei, quod multi, ut ait D. Thomas 2. 2. quæst. 10. excusantur à peccato infidelitatis per ignorantiam; secus autem à defectu cognitionis Dei, ut est author naturæ; cum enim ex viribus naturæ per discursum ita facilem haberi possit, ac viso fumo quilibet deuenit in notitiam ignis occulti, non est vnde tota aliqua communitas ab illius defectu excusari possit.

Dico secundò, non posse dari errorem, seu ignorantiam inuincibilem positiuam de existentia Dei respectu particularis indiuidui adulti, & ratione ventis.

Probatur; quia ut notauimus supra, ad talem ignorantiam requiritur positiuus assensus ad propositionem contrariam sine rationabili dubio oppositi. Sed in nullo instanti in homine rationis cōpote, quantumvis rustico, & agresti, dari

dari potest positivus assensus, quod prima aliqua causa non sit, sine vilo dubio oppositi, ergo, &c. Probatur minor, vel enim ponitur quis ita sagax, vt occurrat ei ratio ad assentiendum, quod Deus non sit; & multò magis occurret ad assentiendum quod sit; & multò minus occurret ad assentiendum quod non sit. Ergo remanente saltem dubio oppositi, non poterit habere errorem, seu ignorantiam inuincibilem positivam, quod prima aliqua causa non existat.

Sed inquireret aliquis, an de existentia Dei possit dari, si minus error, saltem dubitatio positiua inuincibilis, atque adeo inculpabilis. Respondetur negatiue. Et ratio est, quia positiue dubitans de existentia Dei sub ratione explicita primæ causæ, vel non applicat animum ad veritatem hanc vltius inuestigandam, vel applicat; si primò; tunc illa dubitatio hoc ipso erit vincibilis, & culpabilis, contra lumen rationis; cui cum hæc duo saltem sint euidencia, primum Deum esse colendum, si est; secundum non posse determinatè coli, nisi determinatè sciatur esse, actualis enim exhibitio cultus supponit actualitatem eius, cui exhibetur; statim inde confurgit homini debitum applicandi animum ad indagandam hanc veritatem, sit ne Deus, nec ne; vt videatur practicè coli debeat, nec ne; nam vt ait D. Gregorius lib. 27. moral. cap. 3. *Omnis homo eo ipso quod rationalis creatus est, debet ex ratione intelligere eum, qui se condidit Deum esse.* Vnde si contra hoc debitum, non applicetur animus ad vltiorem inquisitionem: hoc ipso dubitatio remanens erit voluntaria, vincibilis, & culpabilis. Quod idem dicitur si applicetur cum prauo affectu, & propensione ad negandum. Si verò applicetur animus eo studio, eaque diligentia, quæ in re tanti momenti debetur, tunc moraliter est impossibile, vt lumen rationis omni prauo affectu expeditum non statim assentiat divinæ existentie per rationes ita faciles, & cuiusque obuias.

Quare rectè Venerabilis Beda lib. 3. in Iob. cap. *Omnis homo, inquit, Deum ignorare non potest, nisi aut contemnat, aut negligat.* Et Cyprian. tract. de vanit. idol. *Hæc, inquit, est summa delicti nolle recognoscere, quem ignorare non possis.*

Dico tertio; apud nullum agens morale in nullo tempore, vel instanti dari potest ignorantia inuincibilis negatiua de Deo, saltem sub aliqua ratione confusa, & implicita, seu communi boni, veri, & vltimi finis.

Probatur 1. Agens morale, quæ tale, hoc est, præuiudicio rationis distans, quid in actionibus moralibus sit conforme, quid difforme rationi, vel operatur honestè, vel non. Sed in neutro casu, in nullo tempore, vel instanti potest haberi ignorantia inuincibilis negatiua Dei modo dicto; Ergo &c. Maior probatur, & fundatur in veritate illius sententiæ, quæ asserit non dari actionem indifferentem in individuo; aut si datur non pertinere ad agens morale, quæ tale, sed ad naturale; Minor probatur: & primo in actione morali honesta; non enim potest quis honestè operari, nisi operetur formaliter propter honestum vt sic, seu ex motiuo honestatis, vt dicitur 2. Ethic. cap. 4. atque adeo nisi ex præcognitione illius; cum voluntas non tendat in incognitum; sed est impossibile, quod agens morale ita operetur, nisi etiam præcognoscat conformitatem, quam honestum habet ad vltimum finem; cum in tantum honestum sit conforme rationi; in quantum est conforme fini vltimo naturæ rationalis: à quo mensuratur omnis bonitas medijs tendentis in finem; Ergo etiam est impossibile, quod apud vllum agens moraliter honestè, in vilo tempore, vel instanti detur ignorantia inuincibilis negatiua de Deo, saltem sub ratione aliqua confusa finis vltimi: cui talis actio iudicetur conformis, & sic honesta. Et certè si omnis voluntas appetens bonum, appetit Deum, saltem implicitè, vt docet D. Thomas quæst.

quæst. 22. de verit. artic. 2. eo quod omne bonum sit participatio primi boni: multo magis appetens bonum honestum, quod tale est, ut medium est ad ultimum finem, appetet saltem implicitè Deum sub ratione ultimi finis, etiã si non cognoscat illum sub hoc nomine *Deus* explicitè & distinctè.

Quod etiam hæc Dei præcognitio requiratur in agente morali exercente actionem malam moraliter, quæ erat altera pars minoris, probatur ex eodẽ fundamento, quod omnis actio, ut sit mala moraliter, debet esse cum præcognitione malitiæ; in actu enim malo, licet quis non operetur ex motu malitiæ; cum malum ut malum non possit esse volitum; operatur tamen cum præcognitione malitiæ admixte actui; atque adeo cum præcognitione difformitatis ad ultimum finem naturæ rationalis; à quo mensuratur conformitas, aut difformitas ad rectam rationem, & sic malitia: sed non potest præcognosci difformitas ad finem ultimum: nisi præcognoscatur finis ultimus; ergò in agente morali exercente actionem etiam malam moraliter, non potest dari ignorantia inuincibilis negatiua de Deo sub ratione quadam communi, & implicita ultimi finis. Et hoc est, quod docet S. Thomas 1. p. quæst. 2. ad 1. Deum naturaliter cognosci ab omnibus sub quadam confusione, in quantum scilicet Deus est hominis Beatitude.

Probatur secundò, quia vnusquisque adultus tenetur convertere se in Deum tanquam in ultimum finem, referendo se & omnia sua in illum, alias peccat mortaliter: Ergò cum ad amorem finis, & conuersionem voluntatis in ipsum sit necessaria cognitio; nõ potest adultus rationis vsum habens inuincibiliter ignorare Deum saltè sub ratione summi boni, & ultimi finis, patet consequentia probatur antecedens ex doctrina D. Thomæ 12. quæst. 89. art. 6. ad 3. vbi asserit, in primo instanti vsum rationis teneri hominem conuerti in

Deum; & non faciendo vim modo in illa particula, in primo instanti, sufficit id, quod certum est apud omnes, quod scilicet illud præceptum conuertendi se in Deum, pro aliquo instanti in vita obligat vnumquemque; inde enim satis colligitur pro illo instanti neminem quantumcunque rusticum, & rudem posse habere ignorantiam inuincibilem Dei. Neque valet dicere, quod sufficit, quod ille conuertatur ab bonum rationis in communi; hoc inquam non sufficit, etsi enim pro illo instanti non sit absolute necessarium ad satisfactionem præcepti, ut cognoscatur Deus ut causa prima, siue sub ratione explicita primæ causæ, primique rerum omnium principij, non potest tamen non confusè cognosci ut finis ultimus, tum quia vnusquisque pro tunc tenetur conuerti ad aliquod summum bonum tanquã in ultimum finem, subiiciendo se illi, & referendo se, & omnia sua in illum, tanquam in superiorem regulam morum: sed esse ultimus finis est Deus saltè imperfectè, & confusè cognitus, ergo &c. tum etiam, quia ad actionem moralem prærequiritur cognitio honesti, vel inhonesti; hoc autem non mensuratur à Deo sub ratione causæ primæ, sed sub ratione finis ultimi: cum honestum, qua tale, constituatur per ordinationem ad finem, inhonestum verò per deordinationem à fine.

Dico quartò. Etsi pro aliqua temporis differentia possit naturaliter dari ignorantia negatiua, seu inaduertentia inuincibilis de existentia Dei sub ratione explicita primæ causæ respectu adulti habentis vsum rationis, si tamen diu vixerit moraliter est impossibile, quod etiam Deum sic ignoret.

Explicatur prima pars huius conclusionis ex eo, quod potest etiã adultus ratione vteni, saltè per aliquod temporis interuallum non occurrere talis cogitatio primæ causæ: præsertim si sit valdè rudis, si solus reperiat in syluis ab omnium consortio segregatus;

rus; nec etiam ad actionem moralem requiritur talis cognitio, sed sufficit cognitio Dei imperfecta, sub ratione confusa ultimi finis, ut statim diximus; ergo pro aliqua temporis differentia potest quis adultus ignorare Deum inuincibiliter negatiue sub ratione explicita primæ causæ.

Si tamen diu vixerit, moraliter esse impossibile, quod sic Deum ignoret, quæ est altera pars nostræ conclusionis; Probatum primò, sicut enim impossibile moraliter est, ut quis diu habitet in pulcherrimo aliquo palatio omnibus numeris absoluto; neque vnquam illi in mentem veniat cogitatio aliquem eius dominum, aliquem architectum fuisse; ita, cum mundum sine Deo non esse factum certum sit, sicut nec domum sine artifice, & ædificatore; ut præclare docet Eusebius lib. 7. de præparat. Euang. cap. 2. moraliter est impossibile, quod aliquis diu viuat in hoc mundo, quin illi cogitatio aliqua occurrat de supremo illius domino & authore, quæ quamuis statim à principio non sit cognitio demonstratiua, tamen ad minus erit valde probabilis, quod sufficit, ut non detur ignorantia inuincibilis Dei sub ratione explicita primæ causæ, & teneatur quis ad illum sic colendum.

Probatum secundò, quia quilibet quantumuis rusticus, & agrestis applicans animum ad conseruationem vitæ, ad bonum, & existimationem propriam, inuenit per naturalem discursum multas veritates ad hæc spectantes. Ergo etiam applicans animum, eo studio, eaque diligentia, quam debet adhibere ad inuestigandum Deum, longè facilius à creaturis colliget creatorem, statimque apparebit quam sit consentanea rationi existentia primæ causæ; etiam si non penetret rationes demonstratiuas, quibus probatur. Quamobrem Gregorius Nazianzenus orat. 2. de Theologia, *Deum esse, inquit, & esse causam quamdam, quæ & creauit uniuersa, & continet, cum ipse nos aspectus, tum natura lex docent;* & hæc sufficiant de præfenti

difficultate, circa quam, si quæ sint diuersæ sententiæ, si quæ obiectiones in contrarium, ex dictis facile conciliari, & solui possunt.

CAPVT XXI.

Vtrum Deum esse, sit primum cognitum.

Cum triplex sit ordo in ratione intelligibilis, primus est originis seu generationis, secundus perfectionis, tertius causalitatis, seu adæquationis, circa propositam difficultatem aliquid ut certum supponitur, aliud in dubium reuocatur. Certum est primò, Deum esse primum cognitum primate, tum perfectionis, tum causalitatis; perfectionis cum sit ens omnium perfectissimum; causalitatis cum sit etiam primæ rerum omnium causa. Certum est secundò Deum non esse primum cognitum primate adæquationis, quasi contineat omne cognitum, etsi enim contineat omnia eminenter, non tamen continet formaliter. Ens autem creatum est cognoscibile in se, & sub propria ratione formali.

Tota igitur difficultas procedit de primitate originis, seu generationis; id est, utrum principium nostræ cognitionis originetur, non solum causaliter insuendo in omnes omnium cognitiones, sed etiam obiectiue à Deo: ita ut Deus sit primum obiectum ab intellectu cognitum, siue ut loquuntur aliqui obiectum primo occurrens in intellectu; & circa difficultatem sic intellectam duplicem reperio sententiam, prima est Henrici in summa artic. 21. quæst. 2. & Baconij in 1. sent. dist. 3. quæst. 1. art. 3. contententium Deum esse primum cognitum primate, quam vocant originis, seu generationis; contraria tamen sententia longè est communior, & probabilior, quam tanquam certam supponere videtur D. Thomas in 1. dist. 3. q. 1. art. 3. in corp. dum docet via naturali procedi à creaturis ad creatorem, via autem

autem fidei procedi è conuerso. Priusquam autem ad illius probationem deueniamus; notandum est parum ad illam referre, vtrum singularia, minusque vniuersalia, atque magis determinata, sint prius nota, quam magis vniuersalia, & indeterminata, siue enim iuxta probabiliorem D. Thomæ doctrinam 1. p. quæst. 85. artic. 3. vniuersale prius cognoscatur, quam singulare saltem cognitione confusa, siue iuxta Scotum opposito modo res se habeat; habemus aliud fundamentum firmitus ad probandum esse impossibile, quod Deus pro presenti statu naturaliter cognitus, sit obiectum primo occurrens in intellectu.

Quia pro presenti statu creaturæ intellectualis naturaliter loquendo; non cognoscit Deum nisi abstractiue, atque adeò non in seipso, sed in alio, vel ex alio, ex creaturis videlicet tanquam ex effectibus; ergò prius cognoscuntur creaturæ quam Deus, saltem prioritate originis, quatenus naturalis Dei cognitio suam originem ducit à præuia creaturarum cognitione, & consideratione. Antecedens fuit probatum supra; consequentia etiam patet, nam illud quod primò cognoscitur ab intellectu primate originis, seu generationis debet per se, & ratione sui cognosci, si igitur cognoscatur tantum Deus ex creaturis, tanquam ex suis effectibus à posteriori; implicat in terminis quod sit primum cognitum primate originis, seu generationis.

Quod argumentum non solum probat respectu intellectus immerfi in materia, qualis est pro presenti statu intellectus humanus, Deum non esse primum cognitum, sed neque etiam respectu emerfi, puta Angelici, vel animæ separatae, cum ex dictis supra nullam aliam naturaliter habeant de Deo cognitionem, quam abstractiuam; Est tamen differentia inter vtrumque intellectum, quod tam Angelus, quam anima separata in statu naturæ, ita

prius cognoscunt existentiam creaturæ, quam Dei, prioritate originis, seu primate positiua, quatenus etiam in illis suo modo cognitio Dei, si non formaliter, saltem virtualiter, & obiectiue originatur à cognitione creaturæ; ita inquam hoc est illis commune, cum intellectu immerfo in materia, vt tamen ad distinctionem illius, attingant simul vtramque similitudinem durationis. Eo enim ipso, quod tam Angelus, quam anima separata habent in primo instanti actualem cognitionem intuitiuam, & comprehensiuam, sui ipsius, vt hic suppono ex tract. de Angelis; procul dubio cognoscunt se in illo primo instanti secundum omnia prædicata sibi intrinseca, atque adeò secundum ordinem transcendentalem, quem intrinsece dicunt ad Deum. Ergò in eodem instanti, atque adeò simul similitudine durationis attingunt vtramque existentiam, cognoscendoque se quidditatiue, vt entia secunda, & causata, cognoscunt etiam terminatiue, & connotatiue ens primum & causans; vnde aliqui dicunt, tam Angelo, quam animæ separatae in statu naturæ, Deum esse primum cognitum, saltem negatiue; quia scilicet non prius alia cognoscunt, quam Deum prioritate durationis, licet prioritate originis, Deus sit illis posterius cognitus, vt dictum est.

Probatur secundò conclusio, potissimum respectu intellectus immerfi in materia; omnis enim nostra cognitio intellectualis oritur à sensibus, ex Philosopho 1. metaph. cap. 2. quod patet tum à posteriori ex experientia, tum à priori per commensurationem ad statum immersionis in materia sensibili. Ergo id, quod primo cognoscitur ab intellectu immerfo in materia pro presenti statu, est sensibile materiale, seu ens quidditate materiali concretum, traductum per sensum ad phantasiam, & ab hac medio phantasmatum ad intellectum; sed Deus est obiectum maxime immateriale, & semotum à sensibus

bus, ergo non potest habere rationē primi cogniti prioritatem originis respectu intellectus immersi in materia.

Confirmatur, quia pro presenti statu noster intellectus cognoscit Deū semper ad modum entis materialis; ergo ens materiale, est id quod primò attingitur à nostro intellectu; tūc quia posteriora induunt modum priorum, non autem è conuerso; tūc etiā quia videtur impossibile, quod Deus cognoscatur ad modum entis materialis; & ens materiale non sit prius cognitum: quomodo enim posset ens materiale modificare cognitionem, quam pro presenti statu habemus de Deo, nisi præcessisset, & prius cognitum fuisset? quando enim intellectus cognoscit aliquid ad modum alterius, sumit normam, regulam, & exemplar cognoscendi ex illo, ad cuius modum aliud cognoscitur; vnde sicut pictor pingens, aut sculptor efformans aliquid ad exemplar alterius, prius de necessitate debuit cognouisse illud, ad cuius exemplar aliquid pingit, aut efformat; ita intellectus noster imprimens, & veluti pingens in se imaginem ad exemplar, & similitudinem alterius, debuit prius necessariò cognouisse illud, ad cuius similitudinem imaginem pingit & efformat.

Instabit aliquis, & dicet cum Henrico loco superius citato, in quolibet obiecto creato prius confusè cognosci rationem entis, quam talis entis, cum intellectus in obiectum suum tendat, ad gradus vniuersaliores prius cognoscendos; sique in ratione illa generalissima entis denudati ab omni differentia, cognosci Deum, qui est ens simpliciter.

Respondetur ad hoc argumentum primò falsum esse, quod ens primo cognitum ab intellectu nostro sit ens in vniuersali amplitudine sua, sicut videtur supponere instantia, longe enim probabilius est, esse ens concretum, quidditate sensibili, seu concernens quidditatem sensibilem, & materiale,

ad cuius modum omnia cognoscimus pro presenti statu, vnde dum dicitur, quod intellectus in obiectum suum tendit, ad gradus vniuersaliores prius cognoscendos; debet tantum concedi si illi gradus vniuersaliores sint magis proportionati potentie intellectiue, seque habeant per modum obiecti intensiui, seu motiui, non autem extensiui; negandum autem si res secus se habeat; quare cum ens consideratum ut præscindit ab omni concrectione quidditatis materialis non sit ita proportionatum intellectui nostro, sicut est ens quidditate materiali concretum, non exigit cognosci prius, secundum priorem illam considerationem, sed secundum posteriorem; quia ut optimè notat D. Thomas quæst. 2. de veritate artic. 6. *Actio sequitur conditionem formæ per quam agens agit*; vnde cū species intelligibilis, per quam noster intellectus pro presenti statu viæ naturaliter intelligit, sit educta à phantasmate, & quidditatem materiale, quæ in eo relucet, concernat, propterea debet cognitio sequi modum talis speciei, & primò consequenter respicere illud ens, quod quidditatem materiale concernit: non autem ens quod præscindit à quidditatis materialis concrectione, & respectu.

Respondetur secundò, dato, quod obijciatur in obiecto singulari prius ratio entis ut sic, quam entis materialis, nihil inde sequitur contra nostram conclusionem, quodque Deus sit primum cognitum, sed potius oppositum. Tum quia Deus est ens maximè determinatum, & singulare, imò ipsius determinatio, & singularitas per essentiam: & sic, si ens maximè vniuersale est primum cognitum: Deus, ens maximè singulare, erit vltimum cognitum. Vnde quando idem author obijcit vniuersale esse prius cognitum, Deum esse maximè vniuersale, atque adeo primum cognitum; distinguenda est maior, & admittenda si intelligatur de vniuersali in prædicando, secus

secus autem de vniuersali in essendo ; Deus autem est ita quid maximè vniuersale in essendo quatenus continet, vel formaliter, vel eminenter omne esse, vt tamen non sit quid vniuersale in prædicando ; vnde admissio adhuc principio Henrici, quod vniuersaliora in prædicando sint prius nota ; non tenet consequentia quod Deus sit primum cognitum ; cum sit manifesta fallacia æquiocationis ; & fiat transitus ab vniuersali in prædicando, ad vniuersale in essendo, vel causando ; Tum quia, si prius obijciatur nostro intellectui cognoscenda, ratio vniuersalior, prius obijciatur ratio vniuersalissima, entis, præcipientis à creato, & increato, quam ratio entis determinata ad increatum. Ergo ex doctrina ipsa Henrici sequeretur primum cognitum non esse ens increatum, sed aliquid vniuersalius, nempe ens commune creato, & increato.

Obijcit secundò Baconius, aliquid dupliciter posse cognosci, vno modo perceptibiliter, alio imperceptibiliter, primo modo, prius cognosci creaturam, secundo prius Deum.

Sed contra est, etsi enim cognitio Dei ex creaturis, tanquam ex suis effectibus ita sit facilis, ex dictis toto huius sectionis decursu, vt iure merito discursus quidam imperceptibilis appellari possit ; implicat tamen in terminis, quod Deus dicatur esse primum cognitum imperceptibiliter, eo ipso quod cognoscitur in alio, & ex alio ; deinde arguendo à priori, non est assignabile, vnde proueniat in intellectu hæc species primò representatiua Dei ; nam in nobis, vt superius dictum est, omnis species naturalis desumitur ab obiecto creato, & sensibili, in quo formaliter nulla reperitur ratio propria obiecti increati, & spiritualis ; imo potius reperitur ratio opposita. Ergo neque perceptibiliter, neque imperceptibiliter potest nobis obijci Deus per modum obiecti primo cogniti,

prioritate originis, vel generationis.

Obijciatur tertio, vnumquodque sicut se habet ad esse, ita ad cognosci, vt dicitur 2. metaph. tex. 4. sed Deus est primum ens ; Ergo primum cognoscibile, primumque cognitum ; deinde nulla creatura perfecte cognoscitur nisi Deo perfecte cognito ; cum quælibet creatura constitutur per ordinem ad Deum, & vnumquodque perfecte cognoscatur per ordinem ad suam causam ; ergo nulla creatura simpliciter cognoscitur, nisi Deo prius simpliciter cognito ; cum ita se habeat simpliciter ad simpliciter, & minimum ad minimum, sicut maximum ad maximum.

Respondetur ad hoc argumentum distinguendo maiorem, & concedendo libenter, ens, sicut se habet ad esse, ita se habere ad cognosci respectu illius intellectus cuius est obiectum proportionatum ; vel de cognoscibilitate secundum se, non autem quo ad nos, & comparatiuè ad intellectum respectu cuius non tam se habet per modum obiecti motiui, & intensiui, quam extensiui ; deinde concessa minori, Deum videlicet esse primum ens, pariter distinguenda est consequentia, & concedendum, sicut Deus est primum ens secundum se, ita esse primum cognoscibile secundum se, primumque cognitum respectu intellectus diuini, non autem respectu nostri ; non enim valet consequentia à secundum se ad secundum nos, vt satis superque dictum fuit superius.

Ad confirmationem respondetur primò concedendo antecedens, & negando consequentiam ; ad cuius probationem dico ita se habere simpliciter ad simpliciter, & minimum ad minimum, sicut maximum ad maximum, in eodem ordine, seu genere cognitionis, ita vt, si sit sermo de cognitione rei per suam causam, per idem simpliciter & perfecte consequimur illam, scilicet per causam magis vel minus pene-

penetratam; & sic cognoscendò creaturam per Deum, tanquam per suam causam primam, est certissimum quod prius iuxta modum talis cognitionis debet cognosci Deus, quam creatura, causa quam effectus; si verò sit sermo de cognitione alicuius rei à posteriori, & per suum effectum, in tantum sic cognoscitur, in quantum prius vel simpliciter, vel perfectè cognoscitur effectus; cum igitur pro presenti statu nullam aliam habeamus Dei cognitionem quam abstractivam, & à posteriori; creaturæ autem possint à nobis cognosci in ipsis, manifestè sequitur nos ex illis sic prius cognitis posse tantum devenire in cognitionem Dei, atque adeo pro presenti statu non posse habere rationem obiecti primo cogniti.

Secundò responderetur negando antecedens, Angelus enim in statu naturæ habet cognitionem perfectissimam sui ipsius comprehensivam, & intuitivam; & tamen non habet in illo statu nisi imperfectam cognitionem Dei; quare potest retorqueri argumentum, & dici, quod sicut potest haberi perfecta cognitio creaturæ, sine perfecta cognitione Dei; ita simpliciter potest haberi cognitio creaturæ sine cognitione Dei; quamvis sit impossibile, quod habeatur perfecta cognitio creaturæ, maxime sub illo conceptu, sine aliquali, & imperfecta cognitione Dei, ut mox dicetur.

Obijcitur quartò, non potest concipi accidens nisi simul, imò nisi prius cognoscatur substantia, ad quam dicit ordinem; ergo neque poterit cognosci creatura, quin prægnoscat Deus, Siquidem maior est ordo, & dependentia creaturæ ad Deum, quam accidentis ad substantiam.

Responderetur pariter ad hoc argumentum negando antecedens; prius enim pro presenti statu, quo omnis nostra cognitio suam originem ducit à sensibus, cognoscuntur acciden-

tia, quam substantia, & sic etiam retorqueri potest argumentum: sicut substantia non est obiectum prius cognitum, quam sit accidens, etiamsi substantia secundum se sit prior, quam accidens, ita Deus non erit obiectum prius cognitum, quam creatura; etià si secundum se sit prior, quam creatura.

Obijcitur quintò, vnumquodque per illud primum cognoscitur, quod magis intrinsecè illi convenit. Sed Deus secundum illapsum per essentiam est intimior creaturæ quàm ipsa sibi. Ergo primum, quod natum est, cognosci ex phantasmatibus creaturæ est Deus.

Responderetur ad hoc argumentum admittendo maiorem ad summum de eo, quod magis intrinsecè convenit creaturæ constituendo essentiam illius; Deus autem non habet illapsum in creaturas per essentiam, constituendo essentiam creaturæ; sed tantum ut intimè præsens, & ut essentiale principium, & finis creaturæ; per quæ prædicata se habet ad conceptum creaturæ tantum connotativè, & extrinsecè. Vnde tantum sequitur, creaturæ perfectè cognita sub ratione creaturæ; necessariò etiam cognosci ut correlativum creatorem, sed non prius.

Obijcitur sextò, quia hoc maxime spectat ad perfectionem Dei in ratione intelligibilis, ut ipse & finis sit, & principium nostræ cognitionis. Sicut enim Deus, & finis, & principium est rerum secundum esse reale, ita etiam erit secundum esse intentionale.

Responderetur primò pertinere ad perfectionem Dei, quod sit principium nostræ cognitionis effectivè non obiectivè; non enim tenet consequentia à primo, & perfectissimo cognoscibili quantum est de se, ad primum cognoscibile nobis, imò potius opposita valet consequentia pro præ-

senti

tenti statu, quo modus procedendi naturalis in intellectu imperfecto, est ab imperfectis ad perfecta, & 1. phys. tex. 2. manifestiora natura dicuntur nobis immanifestiora. Vnde sicut in statu perfecto patriæ Deus est obiectum primum, creatura secundarium; ita in statu imperfecto viæ, creatura est obiectum primum, Deus secundarium: & sicut ibi creaturæ cognoscuntur in Deo clarè viso, & facie ad faciem, ita hic Deus in creaturis cognoscitur per speculum in ænigmate.

Verùm quia omnes supradictæ rationes, tantum probant Deum non esse obiectum primo cognitum prioritate originis, cognitione apprehensiva; superest difficultas, vtrum saltem sit obiectum primo cognitum per primum actum discursus quem

facimus? circa quod nihil certi statui posse puto; etiam enim iuxta probabiliorē Diui Thomæ sententiam, 1. 2. quæst. 89. artic. 6. qua tenetur homo in primo instanti vsus rationis convertere se ad Deum diligendo eum super omnia, dicendum sit consequenter Deum saltem sub aliqua ratione confusa debere esse obiectum primo à nobis cognitum, per primum actum discursus à nobis factum, maxime si sumatur illud primum instans rationis rigorosè, & indiuisibiliter, quia tamen omnes non sic illud intelligunt, nec etiam omnes huic præcepto satisfaciunt, ideo dixi nihil certi de facto statui posse, sed aliquando esse obiectum primo cognitum, aliquando non.



SECTIO QVARTA

De Vnitate Dei aduersus Politheismum, siue
Idololatrias Deorum pluralitatem
admittentes.

CAPVT PRIMVM.

De Politheismo, eiusque causis, origine, & varietate.



QUEM AD MODVM Atheismus, ex dictis superiori capite, est nomen Græcum significans falsam, & impiâ illorum persuasionem, qui alicuius sup̄remi numinis existentiam directè negant: ita quoque Politheismus est nomen Græcum significans superstitionum illorum errorem, qui eiusdem sup̄remi numinis unitatē directè negant, indeque Deorum pluralitatem admittunt, & colunt. Vt enim vnitas, qua asserimus vnum duntaxat esse Deum, inuoluit negationem omnis alterius Dei distincti ab illo, quem dicimus esse vnum, quemque adoratione, ac seruitute illi sola debita veneramus, non solum tanquam actu existentis, verum etiam tanquam possibilis: Deus enim necessariò est vnus; atque adeò non solum actu non datur, sed nec dari prorsus potest vlus alius Deus: vt, inquam, vnitas Dei similem inuoluit negationem, ita qui semel negant eius unitatem, siue illum esse vnum, plures consequenter Deos confingere, ijsque diuinum honorem, & cultum exhibere tenentur; vnde recte Politheistæ, nec non etiam Idololatræ vocantur; loquendo de idololatria propriè sumpta, prout illam possimum intendimus in hac sectione.

impugnare, ad quam tria requiruntur, scilicet opinio aliqua diuinitatis de idolo, seu re, quæ adoratur, affectus adorationis in voluntate, & adoratio ipsa, seu exhibitio signi submissionis, & recognitionis alicuius excellentiæ diuinæ in re sic adorata.

Idololatriæ autem, siue Politheismi hoc modo considerati plures solent assignari causæ, quas D. Thomas 2. 2. quæst. 94. art. 4. ad duas reducit. Primam vocat dispositiuam, seu occasionalem ex parte hominum se tenentem, alteram verò consummatiuam ex parte demonum: vbi dum Angelicus doctor ait, causam idololatriæ dispositiuam fuisse ex parte hominum, non loquitur de illis attentis præsciis, vel absolute eorum natura, cum potius naturalis ratio illis distet, quod vnus sit Deus, & quod non sit mortuis cultus diuinus exhibendus, neque rebus inanimatis; sed in responsione ad primum refundit illam in naturæ defectum, *vel* per inordinationem affectus, prout scilicet homines aliquem hominem, vel nimis amantes, vel nimis venerantes, honorem diuinum ei impenderunt: *vel* per representationis delectationem, quatenus homo naturaliter de representatione delectatur, vt docet Philosophus in Poet. cap. 2. Et ideo homines rudes à principio vi-

den-

dentes per diligentiam artificum imagines hominum expressiue factas, diuinitatis cultum eis impenderunt; *vel* tandem per ignorantiam intellectus, qua homines veri Dei excellentiam non considerantes, quibusdam creaturis propter pulchritudinem, seu virtutem, diuinitatis cultum exhibuerunt. Cum autem ex eodem D. Thoma dicta quæst. 94. art. 1. ad 4. duplex distinguenda sit idololatria, vna sine imaginibus, alia cum illis, & idolis sensibilibus, ita res se habet, vt potissima prioris causa fuerit ignorantia veri Dei, propriæ eius excellentiæ non debita consideratio, vt habetur Sapient. cap. 13. v. 1. posterior autem, siue idololatria cum cultu, & veneratione sensibilibus simulachrorum, originem habuerit ex delectatione a representatione promanante, vt eodem Sapient. capite dicitur v. 10. nec non ex nimio affectu ad aliquos homines mortuos, & desiderio præsentiae illorum, accedente tyrannide, vel nimia Principum assentatione, eiusdem libri Sapient. cap. 14. vbi Sapiens, prius asserto, idolorum vsum non fuisse ab initio, neque futurum in perpetuum, sed ab hominibus otiosis, & vanis inuentum esse, modum inuentionis describens ait: *Acerbo enim luctu dolens pater, cito sibi rapti filij fecit imaginem: & illum, qui tunc quasi homo mortuus fuerat, nunc tanquam Deum colere capit, & constituit inter seruos sacra, & sacrificia. Deinde interueniente tempore, conualescente iniqua consuetudine, hic error tanquam lex custoditus est, & tyrannorum imperio figmenta colebantur. Et hæc, concludit Sapiens nonnullis interiectis, fuit vita humane deceptio: quoniam aut affectui, aut regibus deseruiens homines, incommunicabile nomen lapidibus, & lignis imposuerunt.*

Porrò dæmones vocantur à S. Thoma causa Idololatriæ consummatoria, *vel* quia se colendos hominibus errantibus exhibuerunt, cum dando respon-

bus mirabilia videbantur patrando, tū eis aliqua temporalia bona promittendo; *vel* etiam quia sine his, diabolo suadente, & tentante homines in idolatriam prolapsi sunt, creaturas, à quibus, aut quarum auxilio in suis necessitatibus, aut ærumnis subleuari sperabant, vt Deos colendo, in quo cultu ratio Idololatriæ consistit; vnde, & psal. 95. dicitur: *Omnes Dij gentium dæmonia*: quia aut erant dæmonia, aut figmenta dæmoniaca, cooperante dæmone suis præstigijs, ac deceptionibus, vt aliæ etiam præter ipsum creaturæ, vel animatæ, vel inanimatæ vt dii à gentibus colerentur. Tantum sufficiat de origine causali, siue de causis, & occasionibus idololatriæ, nunc paulo fusius agemus de temporaria eius origine, id est, de initio temporis; in quo introduci capit idololatria.

Pro cuius intelligentia notandum est primò ex D. Augustino ultimo lib. & cap. de ciuitate Dei, septem mundi ætates distingui posse: *primam* ab Adâ vsque ad diluuium; *secundam* à diluuiò vsque ad Abraham; *tertiã* ab Abraham vsque ad David; *quartam* à Dauid vsque ad transmigrationem populi Dei in Babylonem; *quintam* à transmigratione illa vsque ad Christi Domini natiuitatem; *sextam* à Domini natiuitate vsque ad diem iudicii; *septimam* à iudicii die in æternum.

Secundò aduertendum est, dum inquiritur, qua mundi caperit ætate Idololatria, posse esse sermonem de illa strictè sumpta, pro idolorum cultura, siue pro cultu falorum Deorum medijs simulachris, & imaginibus, vel de illa in ampliori significatione pro quocunque diuino cultu creaturis exhibito. Et iterum quæri potest, comparando inter se idololatriã sine imaginibus, & cum imaginibus, quænam illarum antiquior fuerit, & prius inceperit, atque adeo quodnam fuerit omnino primum totius idololatriæ initium.

Tertiò obseruandum est, vbi inue-

Ec stigma-

stigatur, an Idololatria sine imaginibus prius fuerit in usu, quam cum illis, id posse intelligi, vel de priuato cultu, quem vnusquisque sibi eligebat iuxta proprium errorem, & opinionem, vel de publico cultu per dedicationem templorum, & sacrificiorum.

Quartò sciendum est in hac difficultate de temporaria Idololatriæ origine tot esse, quot capita, sententias. Aliqui enim existimant, illam, etiam, per vsus simulachrorum incæpisse à tempore Enos filij Seth, & nepotis Adæ; vel quia ipse caput Dei imaginem ritu Catholico erigere, iuxta illud Genes. cap. 4. 26. *Iste caput inuocare nomen Domini*; & inde alij erroneè sumplerunt occasionem idola cõdendi, & depingendi Deum, sub forma sensibili tanquam propria Dei, quod ad Idololatriam spectat, vt docet Dionysius Carthus. sequens scholasticam historiam Genes. 4. & sumitur ex Hebræorum lectione, & interpretatione, quam ibidem refert Lipomanus in Catena ex D. Hieronymo: vel quia ipsemet Enos fuit tam pius, & sanctus, vt cæperint illum inuocare, eique tanquam Deo imaginem dicare; quod significat Theodoretus quæst. 47. in Genes. alijque citati à præfato Lipomano in Catena Genes. 4.

Alij ad Aegyptios initium huius prauæ cultus referunt; cum enim impius Cham Noe filius in Aegypto regnaret, docuit accolæ adorare cæli astra, Solem, Lunam, & Stellæ vt Deos, quod iniquiunt suam difficile non fuit in regione, vbi propter defectum nubium, & imbrium, mira claritate, ac pulchritudine fulgent, mirisque in terram emittunt influxus. Quin imo horum exemplo omnes propè populi, ac gentes in hoc vnum deinceps conuenisse videntur, vt Solem, & Lunam, reliquaque astra, Deos esse crederent; Elementa quoque visibilia, vt aërem, & ignem, iidem coluerunt Aegyptij, Nilumque ipsum cuius aquarum abundantia Aegypti regio fertilis redditur;

nec his Dijs contenti, vix animal vile, aut nocuum reliquere, quod non colerent vt Deum, v. g. canes, boues, oues, hircos, catos, crocodilum; ex quibus ibices contra serpentes, vt ait Plinius lib. 10. cap. 28. Insuper his Dijs brutis addidere multa herbarum genera; de quibus omnibus iuuat audire aliquos Poetas lepidè eos irridentes; primus sit Anaxædrides Rhodius Poeta Græcus, qui alloquens Aegyptios ait.

*Haud esse vobiscum quæo cum milito
Concordibus nec moribus, nec legibus,
Per maxima internalla differentibus.
Bouem colis: Dijs ego mæsto bonem.
Tu maximum Deum anguillam putas: ego
Obsoniorum credidi suauissimum.
Carnes suillas tu canes: at gaudeo
His maximè. Canem colis, quem
verbero*

Edentem vbi deprehendo foris obsoniorum.
Alter autem Iuuenalis, lib. 5. satyr. 15.

Quis nescit Volusi Bythinice, qualia demens

Aegyptus portenta colat? Crocodilum adorat, &c.

Porrum, & cepe nefas violare, ac frangere morsu.

O Sanctas gentes, quibus hæc nascuntur in hortis

Numina.

De iisdem Aegyptiorum Dijs videri possunt Herodotus in Euterpe, Diodorus Siculus, Solinus, D. Augustinus lib. 2. de ciuit. Dei cap. 22. Eusebius de preparat. lib. 8. cap. 26. Theodoretus de Euangelij cognitione lib. 13.

Sed quod magis est plura ad illos spectare videntur Scripturæ loca, in quibus vel condemnatur, vel prohibetur, vel etiam reprehenditur nonnumquam similis Idololatria filiorum Israël, quam propter diutinam cum Aegyptijs cõuersationem discere ab illis potuerant: Deuteronomij cap. 4. vers. 19. *Ne forte eleuatis oculis in calum, videas Solem & Lunam, & omnia astra cali, & errore deceptus adores ea; & colas, quæ crea-*

creauit Dominus Deus tuus in ministeriū cunctis gentibus, quæ sub celo sunt. & cap. 17. v. 3. *Vi vadant, & seruiant Dijs alienis, & adorent eos, Solem, & Lunam, & omnem militiam celi, quæ non præcepi.* lib. 4. Reg. cap. 21. v. 3. *Et adorauit omnem militiam cali, & coluit eam.* item lib. 2. Paralip. cap. 31. v. 3. Vbi per militiam cali, tam in his, quā in alijs Scripturæ locis significantur stellæ, quod plurimæ sint, & sicut exercitus ordine dispositæ, quarum multitudini cum luna de nocte præesse videatur, nec non propter magnas, quas præ cæteris affert utilitates suis influentijs plantarum germinationi, omnique agriculturæ, inde Regina celi ab Idololatris dicebatur; Ierem. 7. *Et mulieres conspergunt adipem, ut faciant placentas reginæ celi.* A nonnullis etiam creditur Sapientem ad Aegyptios alluisse vbi ait Sap. 13. *Vani autem sunt omnes homines, in quibus non subest scientia Dei, &c. sed aut ignem, aut spiritum, id est aerem puriorem, supremæ regionis, aut citatum aerem, græce celerem, id est ventum, qui vndeque concitate mouetur; aut gyrum stellarum, quæ in orbem voluuntur; aut nimiam aquam, græce vehementem, aut violentiam, qualis est alueus Nili, aut solem, & lunam, rectores orbis terrarum Deos putauerunt:* cap. autem 14. ver. 15. ad eosdem insuper referre videtur ipsam idolorum originem, siue Idololatriam cum imaginibus, & idolis sensibilibus; quatenus verisimile est, eum ibi attingere historiam cuiusdam Syrophanis Aegyptij, quam Diuus Fulgentius (si tamen eius est opus) in lib. 1. Mytholog. §. Vnde idolum dicitur, in hunc modum narrat: *Diophanes Lacedæmonum author libros scribi antiquitatum viginti quatuor, in quibus ait Syrophancem Aegyptium familiam, substantiaque locupletem filium genuisse, quem velut enormis substantia successorem, ineffabili ultra quem paternitas exigebat affectu erga filium, deditum amabat. Iste dum aduersis fortune in-*

Biblioth. Theol. Tom. V.

curfibus raperetur, patri geminae orbitatis crudele dereliquit elogium, &c. Et infra, Denique doloris angustia, quæ semper inquit necessitatis solatium, filij sibi simulachrum in adibus instituit. Et paulo post: Denique idolum dictum est Idodynin, quod nos Latini speciem doloris dicimus. Namque vniuersa familia in domini adulationem, aut coronas plectere, aut flores inferre, aut odora menta simulachro succendere consueuerat: nonnulli etiam seruorum culpabiles, Domini furiam euitantes, & ad simulachrum profugi veniam merebantur, & quasi saluti certissimo collatori, florum, aut thuris offerebant munuscula, timoris potius effectum, quam amoris affectum.

Tandem Exodi 8. v. 25. vbi Pharaoni dicenti, *Ite, & sacrificate Deo vestro in terra hac,* respondit Moyses: *Non potest ita fieri, abominationes enim Aegyptiorum immolabimus Domino Deo nostro; quod si matruerimus ea, quæ colunt Aegyptij coram eis, lapidibus nos obruent:* Per abominationes Aegyptiorum debent intelligi eius generis animalia, quorum cædem siue ad esum, siue ad sacrificium abominabatur Aegyptij, quod ea pro Dijs colerentur, puta oues, capras, tauros, quos potissimè in veneratione Aegyptij habebant sub nomine Apis; & quorum quia aliqua sacrificaturi erant Hebræi, inde Moyses eos ab Aegyptijs lapidibus obrui timendum esse dixit: sicut & ob eandem causam Aegyptij detestabantur pastores ouium, vt habetur Genes. cap. 46. v. 34. Hæc sunt quæ pro secunda faciunt sententia tribuente Aegyptijs primam cuiuscumque Idololatriæ originem; adeo vt Mercurius Trismegistus referente Augustino lib. 8. de ciuitate Dei cap. 23. appellarit Aegyptum imaginem celi, & mundi totius templum.

Tertia sententia docet Idololatriam ab Assyrijs, ad quos etiam Chaldæi pertinent, initium sumpsisse, quatenus Nembrod, siue Belus, de quo Genes. 10. v. 10. fuit autem principium regni eius

E c 2

Baby-

Babylon, circa annum mundi 1841. vt tom. 2. lib. 3. sect. 1. cap. 63. pag. 240. notauimus, aut propter elementi ignis actiuitatem, aut quia didicerat à suis maioribus mundum, sicut diluuiò perierat, ita aliquando igne absumendū fore, ideoque illum timebat, vt Deum cæpit colere, suisque subditis colendum proponere, tali postea apud eos cultu multo tempore permanente; qui non obscure colligi potest ex illo Genl. 15. *Ego Dominus qui eduxi te de Hur Chaldæorum*; multi enim interpretes affirmant Deum his verbis voluisse Abraham in memoriam reuocare illud mirabile, & ingens beneficium liberandi illum, vel ab incendio, vel à persecutione, quæ illi, totique familiæ suæ inferebatur, quia ignem colere nolebant maximum Chaldæorum Deum à tempore Nembrod, circa quod vixit Abraham.

Ninus autem huius Nembrod, qui alias vocatur Belus, filius, primus quoque Idolorū inuentor dicitur, quia, vt narrat Magister in *historia scholastica super caput 2. Genesios*, vita functo Nembrod seu Belo patre suo, in solatium doloris imaginem eius fecit, quā tanto persecutus est honore, vt quibusuis reis ad illam confugientibus libenter parceret, propter quod etiam cæperunt homines diuinos illi honores impendere, vt ait D. Hieronymus in illud Isaïæ 46. *Confractus est Bel*. Cuius rei exemplo, cæteri non solum Dijs suis, verum & sibi dilectis vitæ functis simulachra formandi, eaque adorandi vsum sumpserunt. Nec leue huius sententiæ argumentum, aut obscura coniectura est, quod pleraque idola variarum nationum, & præcipue Orientalium, ex hoc Belo appellationem duxerint, vna vel altera litterula mutata, vt obseruauit D. Hieronymus in cap. 2. Osee. Nam Idolum Moabitæ vocabatur *Beelphegor* num. 25. eo quod coleretur in monte Phegor, cuius fit mentio num. 23. Idolum verò Tyriorum, ac Sydoniorum vocatum est

Baal, & *Belial*, cuius toties fit mentio in Sacra Scriptura; & *Baal Sames*, id est, princeps cæli, appellatum est Idolum Punicorum, vt ait D. August. qu. 16. *super librum Iudic. Beelzebud* autem Idolum Acharonitarū 4. Reg. 1. à muscis (zebud enim muscam significat) quæ in odorem mactatorum illi pecorum aduolabant; quare vt illi supremum suorum Deorum Beelzebud vocabant: Ita Iudæi in eorum odium, & irrisiōnem principem dæmoniorum, appellabant eodem nomine, Lucæ 11. *In Beelzebud principe dæmoniorum eijciat dæmonia*. Tot autem in locis Idolum Afsyriorum cultum fuisse, aut ab illis in alias nationes, & regna idolorum formationem, & adorationem, diffusam fuisse, in causa forsitan fuit, quod prima, ac suprema penes eos mundi Monarchia per multos annos extiterit: vnde *Nabum* cap. 3. de Ninive Metropoli Afsyriorum, fundata à primo inuentore idolorum Nino habetur: *Propter multitudinem fornicationum meretricis speciosæ, & grata, & habentis maleficia, quæ vendidit gentes in fornicationibus suis, & familias in maleficijs suis: ecce ego ad te, dicit Dominus exercituum*, &c.

Quarta tandem sententia Iudæorum, referente Diuo Thoma 2. 2. q. 94. art. 4. & Isidoro *Etymolog. capite ultimo*, facit Ismaelem primum Idolorum inuentorem, & authorem: putantque aliqui ludum illum Ismaelis cum Isaac, qui valde displicuit Saræ Genes. 22. fuisse adorationem idolorum ab Ismael ex luto formatorum, quam Isaac cum fratrem suum docebat. Nos, quid in tanta sententiarum varietate certius, ac verifimilius tenendum sit, sequentibus aperiemus dictis.

Primum dico, nunquam sic obsecratum fuisse mūdum ante Christi Domini aduentum, vt aliquo, vel modico tempore nullus verus Dei cultor interius, & externus fuerit, sed omnes Idololatriæ, aut cultui falsorum deorum, indulserint; istud dictum est tam certum,

tum, quàm cereum etiam de fide esse ostendimus tom. 3. lib. 3. sect. 3. veram Dei Ecclesiam nunquam defecisse, nec vnquam defecturam esse; Et si enim aliquantulum difficile sit explicare ad amissum quomodo, & in quibus particulariter per singulas mundi vsq; ad Christum ætates, verus Dei cultus permanferit; non propterea statim asserendum est, veram Dei Ecclesiam aliquando defecisse, totamque idololatriæ immerfam fuisse, cum tor eius indeficientiæ argumenta in communi habeamus ex scriptura, loco statim citato à nobis adducta, nec non etiam ex illa constet de multis particularibus apud quos perseuerauit semper vnus veri Dei cultus.

Id pater à principio mundi vsque ad diluuium in Abel, & Cain, quos sacrificia Deo vero obtulisse narratur Genes. 4. & id ipsum accepisse ab Adam Patre, dubium esse non potest, qui caput, ac doctor orbis constitutus à Deo fuerat: Mathæi autem 23. v. 35. Abel vocatur iustus; nec non ad Hebræos cap. 15. *Fide plurimam hostiam Abel, quam Cain, obtulit Deo, per quam testimonium consecutus est esse iustus.* Idem ferme refertur de alijs Adami filijs, maxime de Seth, & eius progenie, quam enumerans Sacra Scriptura vsq; ad Noe, nihil sapiens idololatriam de eis pronuntiat: sed potius verum Dei cultum tribuit Enos, Henoch, & Noe. De Enos enim filio Seth dicitur Genes. 4. 26. *Sed & Seth natus est filius, quem vocauit Enos: iste cepit inuocare nomen Domini,* de Henoch vero filio Iared, & patre Mathusalam, Genes. 24. *Ambulauitque cum Deo, & non apparuit: quia tulit eum Deus:* cuius etiam fit mentio Ecclesiastici cap. 44. v. 16. & ad Hebræos cap. 9. v. 5. *Fide Henoch translatus est ne videres mortem, & non inueniebatur, quia transfudit illum Deus: ante translationem enim testimonium habuit placuisse Deo.* Tandem de Noe filio Lamech Genes. cap. 6. v. 9. habetur *Noe vir iustus acque perfectus fuit in ge-*

nerationibus suis, cum Deo ambulauit: Ecclesiastici cap. 44. v. 17. *Noe inuentus est perfectus, iustus, & in tempore iracundia factus est reconciliatio. Ideo dimissum est reliquum terræ, cum factum est diluuium,* & ad Hebræos 9. *Fide Noe, responso accepto de ijs, quæ adhuc non videbantur, metuens aperauit arcam in salutem domus suæ, per quam damnauit mundum: & iustitiæ, quæ per fidem est, heres est institutus.*

In hoc ergo temporis interuallo ab Adamo vsque ad diluuium Chronologia, & successio Orthodoxæ Ecclesiæ, verique Dei cultus sic se habet. Adam primus fuit iustitiæ præco, & gubernator populi Dei per annos 930. quibus vixit, & interim nati sunt Abel iustus ab impio Cain occisus, Seth, Enos, Cainan, Malaleel, Iared, Henoch, Mathusalam, Lamech, Seth post Adamum secundus iustitiæ præco, & gubernator populi Dei annis 112. obiit anno ætatis suæ 912. quibus interim Lamech natus est Noe. Enos defuncto Seth patre tertius iustitiæ præco, & gubernator populi Dei annis 98. obiit anno ætatis 609. Cainan post obitum patris sui Enos quartus iustitiæ præco, & princeps populi Dei annis 105. obiit anno ætatis 910. Malaleel post obitum patris Cainan quintus iustitiæ præco, ac princeps populi Dei annis 45. obiit anno ætatis 895. Iared post obitum patris Malaleel sextus iustitiæ præco, & princeps populi Dei annis 152. obiit anno ætatis 962. quibus interim Sem natus est Noe, mortuus autem Lamech pater Noe, quinquennio ante patris sui Mathusalam obitum. Mathusalam post obitum Iared aui sui, cum Henoch eius filius, & pater Mathusalam viuens in cælum iam translatus esset, septimus fuit iustitiæ præco, & princeps populi Dei annis 234. mortuusque est anno ætatis 969. paulo ante diluuiũ vniuersi orbis terrarum, quo anno mundi 1656. vt tomo libro 3. sect. 1. cap. 63. ostendimus, tota posteritas Cain, & omnes à Seth altero Adami filio pro-

prognati deleti sunt, excepto Noe cum tribus filijs, & vxoribus.

In secundo temporis interuallo, diluuiū vsque ad seruitutis Aegyptiacae solutionem, Noe post auum Mathusalem, cui Lamech filius, & pater Noe praemortuus iam fuerat, octauus iustitiae praeco fuit, ac princeps populi Dei annis 350. mortuusque anno aetatis 950. contemporaneos habuit Enos, Cainan, Malalel, Iared, Mathusalem, Lamech patrem, Sem filium, Arphaxad, Sale, Heber, Phaleg, Reu, Sarugh, Nachor, Thare, Abraham, & Loth, Sem post patrem Noe nonus iustitiae praeco, ac princeps populi annis 120. mortuus est anno aetatis suae 600. cum interim Abraham natus esset Isaac ex Sara, Isaac autem ex Rebecca Iacob, & Esau. Genes. 11. 21. & 29. Post obitū autem Sem apud Abraham posteros Ecclesia Orthodoxa, verusque Dei cultus mansit, vsque ad Aegyptiacae captiuitatis solutionem. In hoc autem interuallo etsi dubitetur de pluribus, vt de Thare patre Abraham, Nachore auo, & Sarug atauo an fuerint idololatrae, de quo modo non disputo; adhuc tamen parte affirmatiua concessa, cui fauere videtur illud Iosue 24. *Hec dicit Dominus Deus Israel, transfluum habitauerunt patres vestri ab initio, Thare pater Abraham, & Nachor; seruiueruntque dijs alienis, non propterea sequitur verum Dei cultum vniuersaliter tunc desisse, qui semper in Sem permansit, in Abraham, & eius filijs, de quo propterea dicitur Ecclesiastici cap. 44. Abraham magnus pater multitudinis gentium, & non est inuentus similis illi in gloria: qui conseruauit legem excelsi, & fuit in testamento cum illo. In carne eius stare fecit testamentum, & in tentatione inuentus est fidelis. Ideo iure iurando dedit illi gloriam in gente sua, crescere illum quasi terra cumulum, & vt stellas exaltare semen eius, & hereditare illos à mari vsque ad mare, & à flumine vsque ad terminos terra. Et in Isaac eodem modo fecit propter Abraham patrem eius. Bene-*

*ditionem omnium gentium dedit illi Dominus, & testamentum confirmauit super caput Iacob. Item Romanorum 4. nec non ad Galatas 3. & ad Hebraeos 11. fides Abraham magnifice commendatur: Fide qui vocatur Abraham obediuit in locum exire, quem accepturus erat in hereditatem: & exijt nesciens quo iret. Fide demoratus est in terra repromissionis, tanquam in aliena, in casulis habitando, cum Isaac & Iacob coheredibus repromissionis eiusdem. Expectabat enim fundamenta habentem ciuitatem: cuius artifex & conditor Deus. Quae, & similia Scripturae loca, vbi passim de Abraham fit mentio, manifestè pugnant cum hoc, quod idololatrica vnquam superstitione infectus fuerit; quin imo conuincunt eum semper fuisse fidelissimū veri Dei cultorem, meritoque vocatum per excellentiam patrem credentium: vnde etiam Iudaei asseriebant Ioann. 8. *Pater noster Abraham est, & non ex fornicatione natus sumus; id est non ex idolorum cultoribus processimus, quia principij sui generis in Abraham constituebant, & citato Iosue loco cap. 24. vbi insinuari videtur Idololatria Thare & Nachor siue sumatur Nachor pro auo Abrahami, siue pro eius fratre, ita quoque appellato, dicitur expressè: Tuli ergo patrem vestrum Abraham de Mesopotamia finibus: & adduxi eum in terram Chanaan: non alia certè ratione nisi quia electus fuerat, seruatusque illatus ab omni Idololatria; à qua etiam eius ope narratur ab aliquibus Thare ad veri Dei cultum, & religionem se transulisse, propter quod persecutionem patiens à Chaldeis, coactus est fugere cum filio suo Abrahamo, ac nepote Loth, migravitque in Mesopotamiam, vbi permansit verus Dei cultor vsque ad mortē, quod significari videtur praefato Iosue loco, cum dicitur, Thare, & Nachor habitasse trans flumen, & seruisse dijs alienis; nimirum eo tempore, quo trans fluium, id est, in Chaldaea, habitauerunt.**

In alijs insuper familijs plures etiā
tunc

tunc fuisse veros Dei cultores clarissimè demonstrant exempla. Melchisedech, & Sancti Iob; & docet Duius Augustinus lib. 16. de ciuitate Dei cap. 10. *Profectò, inquit, credibilis est, & in filiis Sem, & Iaphet fuisse aliquos contemptores Dei, & in filiis Cham cultores Dei.* Quare vbi eiusdem lib. c. 11. & lib. 18. c. 39. ait linguam Hebræam, quæ ante diuisionem linguarum communis erat, post diuisionem mansisse in sola familia Heber; & indè argumentatur in solo Heber, & familia eius (quæ & lingua Thare erat) remansisse rectam veri Dei fidem, religionè ac pietatem; intelligendus est non de singulis hominibus seorsim considerata, vt patet ex statim dictis, sed de familijs, quatenus in nulla alia, quam in Heberina, magis vniuersaliter, perfectiusque perseuerauit verus Dei cultus; in quo etiam si defecisset Thare, vt opinantur aliqui, non propterea sequeretur cum totaliter in illa familia defecisset; nec esto ita esset, in toto orbe, cum extra illam fuerint etiam in alijs nonnulli tunc veri Dei cultores; quos in alio à solutione captiuitatis Aegyptiacæ vsque ad Christum intervallo nunquam defuisse; quia satis constat ex dictis tomo 3. lib. 3. sect. 3. libenter hic fusiori huius rei probationi superfedeo.

Dico secundò probabilius, ac verosimilius esse, quod in prima mundi ætate, hoc est, à creatione mundi vsque ad diluuium inuenta non fuerit Idololatria, ita expressè docet Cyrillus Alexandrinus lib. 1. & 3. aduersus Iulianum, nec non Duius Thomas 2. 2. quæst. 94. art. 4. ad 2. videnturque habere fundamentum in illo Sap. 14. vbi dicitur idola neque fuisse ab initio, id est, in prima ætate, neque in æternum mansura. Ratio est, quia homines illius primæ ætatis fuerunt, in multo minore, quam in alijs numero, illique omnes longissima vitæ duratione mundi creationem ferè attigerunt; vt enim ait Duius Augustinus lib. 15. de ciui-

tate Dei cap. 8. *Tam longa fuit vita illorum hominum prima ætatis, vt qui minimum vixit, ante diluuium ad septingentos quinquaginta tres annos perueniret: nam plures & nongentos annos etiam transferunt.* Igitur cum recens adhuc in illis esset memoria creationis mundi ab vno vero, & solo Deo, iuxta doctrinam ab Adamo, cui ferè omnes conuixerant, traditam; verosimilius videtur, tunc nec cogitationem plurium Deorum, nec idololatriam primum fuisse exortam, multoque minus à tempore Enos, aut occasione illius.

Vndè cum dicitur Genescos 4. ipsū cæpisse inuocare nomen Domini, id intelligi non debet, quasi ante illum nullus verus Dei cultus exstitisset, cum oppositum constet ex Scriptura, aut vt se opponeret idololatriæ, quæ iam serpere inceperat, quod asserendi nullum habetur in eadem Scriptura fundamentum; sed, quia, vel primus assumpsit hoc munus docendi alios inuocare nomen Domini, vel instituit peculiare ritus, preces, ac cæremonias colendi Deum; inter quas etiam si fuisset metaphorica aliqua Dei per imagines representatio ad instructionem, & memoriam eius, quod tamen necessariò non sonant verba Scripturæ, *Iste cepit inuocare nomen Domini*; quæ facile intelligi possunt de aliquo quocumque solemnè ritu per publicas deprecationes, vel templa, aut sacra, vel certa sacrificia communia, vt multi exponunt; non propterea verum esset ex ritu imaginum sumptam tunc fuisse idola fingendi occasionem, nullo existente in scriptura talis euentus indicio, vel argumento, multoque minus quod ipse Enos cæperit inuocari, eique tanquam Deo imagines fuerint dicatæ, quia Scriptura non dicit passiuè *iste cepit inuocari*, sed actiuè *inuocare*; & licet passiuè loqueretur, iuxta illam lectionem non diceretur, ipsum Enos cæpisse inuocari, sed tunc, id est, eo tempore cæpisse inuocari Deum, vel speciali ritu publico, vt statim dictum est,

est, vel speciali nomine Iehoua, ut ait Caietanus; vel tandem ex alijs, quia primus Enos quamdam hominū congregationem instituerit, qui tanquam viri religiosi Deo specialius consecrati illum colerent. Tanquam quid ergo probabilius, ac verosimilius maneat, quod in prima mundi ætate non inceperit Idololatria, maximè ante Enos, vel occasione illius.

Dico tertio certissimum quidem esse, quod in temporis intervallo à diluio vsque ad Abrahamum, iam erat Idololatriæ vsus tam sine, quam cum imaginibus, & idolis sensibilibus; incertum autem quo præcisè tempore, & à quibus incæperit; probabilior tamen sententia videtur esse illa, quæ idololatriam sine imaginibus Aegyptijs, cum imaginibus verò Nino primum tribuit; Explicantur singula; nam Iosue 14. habetur: *Trans fluvium habitauerunt patres vestri ab initio, Thare pater Abraham, & Nachor, seruiueruntque dijs alienis*. Iam ergo tempore Abraham vsus seruiendi dijs alienis, atque adeo Idololatriæ inualuerat. Quem etiam falsorum, siue alienorum Deorum cultum fuisse per sensibilia idola constat, tum quia hoc solet intelligi in Scriptura nomine falsorum Deorum, tum quia Laban pater Rachel huiusmodi habebat idola, quæ Rachel furata est Genes. 31. 19. quæ quasi iure hereditario, & patrio more in illa familia asseruabantur. Verum quando id præcisè in hoc cæperit intervallo, nihil certi statui posse ostendit tanta sententiarum diuersitas, quarum nulla firmam vndeque probationem affert, sed ea, quæ pro secunda superius adducta fuere sententia, probabile tantum reddunt, quod Aegyptijs prima sit Idololatriæ sine imaginibus tribuenda inuentio; proptereaque Eusebius Cæsar. lib. 1. de præparat. Evangelica refert eos *primos omnium Solem, & Lunam Deos putasse: quibus non sanguinem, aut nidorem offerebant, sed fruges terræ, quam etiam ipsam, ut Deum*

adorabant. Quasi similiter pro tertia attulimus sententia, quam etiam sequuntur Diius Cyrillus Alexandrinus lib. 1. & 3. contra Iulianum, Gregorius super illud Lucæ 11. *In Beelzebub principe demoniorum ejicit demonia*: Isidorus lib. 8. Etymol. cap. ult. nec non D. Hieronymus Osee 2. circa illa verba, *Es eris in die illa*, &c. probabiliter quoque tantum suadent, Ninum fuisse primum Idolorum, siue idololatriæ cum Idolis inuentorem, suo Patri Belo simulachrum erigendo, cum Ismaele ex Hebrais, Syrophane ex Aegyptijs antiquior fuerit, nec non alijs omnibus, qui ex Græcis, aut Romanis, pro idolorum inuentoribus adduci solent.

Quod si quis contra hoc obijciat, Sapientem cap. 14. superius citato, in dō ad Ninum erigentem statuā patri suo, primam retulisse idolorum inuentiōnem, sed ad quemdam alium, qui eam filio suo immatura morte sublato dedicauit, quem esse Sirophanem Aegyptium, superius etiam relatam, quidam affirmant.

Respondetur primò ob hunc Sapientie locum dictam sententiam de Nino primo idolorum auctore non esse omninò certam, quatenus qui ibi memoratur, siue sit Syrophanes, siue quicumque alius pater, potuit esse Nino antiquior, verum quia id absolute ignoratur, & ex alia parte scitur Ninum antiquissimum fuisse, inde probabiliter conijcitur eum apud Assyrios primum idola adinuenisse.

Respondetur secundo hunc Sapientie locum nihil prorsus maiori etiam huius sententie probabilitati officere; siquidem Sapiens non facit vim in hoc, quod occasio huius Idololatriæ cum imaginibus fuerit amor parentis ad filium mortuum, vel amor filij ad parentem quoque mortuum, sed in hoc quod ex affectu ad præsentiam, & reuerentiam mortuorum hominum occasio erigendi illis idola sumpta sit, ut ibi docent Interpretes, & optimè

Cypria-

Cyprianus lib. de Idolorum vanitate. Vnde reliqua, quæ in particulari dicuntur, videntur afferri gratia exempli, nã fieri quidem potuit, vt & filius ex amore patris, & pater ex affectu ad filium, & subditi ad Regem, & amicus ad amicum illi consuetudini initium dederint. Sapiens autem vnũ, vel aliud exemplum indicat, alia verò non excludit, nec asserit illud exemplum de amore parentis ad filium fuisse omnium primum; hoc ergò non obstante, potuit, ob adductas superius rationes, aliud de Nino præcedere; vel etiam quia author huius libri creditur à multis inter Aegyptios enutritus, forsàn apud eosdem idololatriæ initium designare voluit, ex Sirophane præfato, etiam si ante illum apud Assirios Ninus primus Idolorum inuentor extitisset.

En quæ de Idololatriæ vt sic origine certius, ac probabilius dici possent videntur; comparando iam inter se idololatriam sine imaginibus, & cum imaginibus, quænam illarum antiquior fuerit, & prius inceperit, dubium quoque est inter doctores, quidam enim affirmant idololatriam creaturarum cælestium sine idolis ab hominibus fabricatis antiquiorem fuisse, non tam ex propria Philosophorum inuentione, si quidem munus philosophandi, & inquirendi Deum ex creaturis non videtur tam antiquus, sicut Idololatria imaginum, quàm ex quadam admiratione cælestium corporum, & syderum, & præsertim Solis & Lunæ, nec non propter miros eorundem in terram influxus; Alij verò docent Idololatriam cum imaginibus fuisse omnium primam. Quæ duæ sententiæ facile possunt ad concordiam reuocari, si dicatur primam esse veram quo ad priuatum cultum, quem vnusquisque sibi eligebat iuxta proprium errorem, vel opinionem; alteram autem de publico cultu per dedicationem templorum, & sacrificiorum, sic enim verius esse videtur illum incepisse cum idolis, & ab illis initium duxisse. Quia Sapient. 14. expresse dicitur.

Biblioth. Theol. Tom. V.

Initium fornicationis, Idolorum inuentio. Loquitur autem ibi Sapiens de proprijs Idolis arte factis, & fornicationem vocat, iuxta vñtatam Scripturæ phrasim, superstitionem colendi creaturas diuinis honoribus, ergò necesse est, vt dicatur saltem communem, & quasi generalem in hac parte hominum corruptionem, ab idolorum, & vanarum imaginum fabricatione, & dedicatione, ortam fuisse. Vndè etiam verisimile est, nimium, quem ibi ponit Sapiens affectum ad homines mortuos, fuisse primam huius corruptelæ causam, vel occasionem, quæ postea incrementum accepit ex propensione hominis ad præsentiam sensibilem rerum, quas amat. Verisimile pariter est, prius fuisse ab hominibus inchoatas, & in æstimatione habitas imagines hominum, ac postea dæmones se se insinuasse, cæpisseque per illas imagines aliqua responsa dare, vel alia prodigiosa patrare, vt homines deciperent, & in eis aliquid diuinum esse facilius persuaderent. Adeo vt prius fuerint imagines, vt imagines representantes homines, quam vt idola putatiuè, vt ita dicam, deificata per immersionem, seu coniunctionem inuisibilium spirituum. Tandem quia legitur apud Plinim lib. 34. cap. 7. & lib. 35. cap. 12. *Plasticam artem prius fuisse, quàm statuariam*; verisimile quoque est, idola ex luto formata priora fuisse, quam ex alia materia fabrefacta: quæ, cum primis adhuc illis temporibus rudi quadam, ac imperfecta representatione efformarentur, nec non ante Dædalum statuarum sine manibus, vel pedibus, vel oculis effingerentur, primus Dædalus has partes suffecisse dicitur, sed adhuc imperfectè; donec tandem arte pictoria, & statuaria ad summum apicem perueniente, mirabiliter depingi, ac sculpi ceperunt, Imperantibus Græcis & Romanis, Deorum simulachra, vt quæ supersunt eorum reliquæ, ac monumenta, clarè testantur. Hactenus de temporaria origine, siue de initio temporis, in quo cepit Idololatria, vel Politheismus.

Ff

Iam

Iam quod attinet ad eiusdem varietatem, quæ est tertia, & vltima huius capitis pars, relicta illa, quæ attendi posset penes Deorum falsorum numerum propè infinitum; nec non materiæ diuersitatem; *neque enim interest*, inquit Tertullianus lib. de Idololat. cap. 3. *an plastes effingat? an calator sculpat? an pbrgyio detexas? quia nec de materia refert, an gypso, an coloribus, an lapide, an arte, an argento, an filo formetur idolum.* Primum Idololatria, siue Politheismus ratione modi colendi, vel adorandi diuidi potest in verum, & fictum, nec non in fictum, & falsum simul. Circa quam diuisionem, vt magis explicetur, obseruandum est, duobus, vel tribus modis posse aliquam adorationem dici veram, nimirum, vel ex parte personæ adorantis, vel ex parte rei adoratæ, vel ex vtroque simul. Cum enim adoratio consistat in recognitione, & confessione alicuius excellentiæ per signum aliquod protestatiuum, vt existentis in re adorata, interdum talis significatio falsa est, quia res ipsa talis non est sicut significatur, siue in illa talis non reperitur excellentia, & tunc dicitur adoratio falsa ex parte obiecti, seu rei adoratæ, etiam si ex parte subiecti, siue ex intentione adorantis, non sit ficta, sed vera, quatenus verè intendit talem rem adorare. At verò si adorans non intendat interius ita adorare, sicut exterius ostendit, tunc adoratio dicitur non tam falsa, quam ficta ex parte adorantis, quia scilicet in re adorata verè inuenitur illa excellentia, quam signa exteriora demonstrant, licet adorans illam non recognoscat, aut verò confiteri non intendat. Si autem signum adorationis, & in se falsum sit, & ab adorante ficto exhibeatur animo, tunc adoratio, & ficta simul, & falsa dici poterit. Nunc applicando diuisionem hanc ad Politheismum, siue Idololatriam, dicendum est omnem Idololatriam esse falsam adorationem ex parte rei adoratæ, quia in ea protestatur excellentiam, quæ in illa non habetur. Quare in hoc sensu om-

nis Idololatria potest dici falsa latria; Latria enim est nomen significans adorationem protestatiuam diuinæ excellentiæ in eo, cui exhibetur, & ideo tunc est simpliciter, & verè latria, quando verè significat talem excellentiam in re adorata, quando autem falsò illam significat, est falsa latria, quæ Idololatria dicitur.

Hæc autem ipsa Idololatria potest interdum esse vera Idololatria ex parte adorantis, interdum verò ficta. Vera dicitur, quia non ex animo ficto procedit, sed ex intentione adorandi, licet aliàs falsum significet, sicut qui falsam propositionem affirmat, putans esse veram, & ex intentione dicendi verum, formaliter non mentitur, licet materialiter falsum proferat. Sic ergo potest esse aliqua vera, id est non ficta Idololatria, quamuis in se sit falsa: aliqua verò potest esse ficta, seu falsa etiam ex parte adorantis, qui talem cultum ex animo non impendit. Quæ fictio nunquā esse potest ex parte intellectus, vt cum quis non existimat esse in re sic adorata diuinam excellentiam, & nihilominus propter extrinsecas causas vult illam externo signo profiteri: è contrario aliquando potest esse fictio in solo affectu, vt accidit in dæmonibus, qui velint, nolint, credunt esse in Christo diuinam excellentiam, & interdum coguntur illam agnoscere, eique genua flectere, & nihilominus affectum non habent adorandi Christum, sed solum exhibendi hoc vel illud signum, quia ita constringuntur: Sæpe etiam potest esse fictio ex vtroque capite, vt patet in fidei, qui à tyranno cogitur thus offerre Idolis, in quibus nec credit esse diuinam excellentiam, nec habet animum faciendi illum actum in honorem Idolorum, sed solum exterius, ad fugiendam mortem, vel ob alias causas, vnde aliquando etiam poterit interiore affectu in verū Deum huiusmodi actum referre.

Cum igitur ex dictis supra tria debeant ad Idololatriam concurrere circa
Ido-

Idolum, vt omnino vera, & in ſuo conſummata ſit genere, ſcilicet, exiſtimatio aliqua diuinitatis de Idolo, ſeu re, quæ adoratur, affectus adorationis, & tandem adoratio ipſa, ſeu exhibitio ſigni ſubmiſſionis, & recognitionis alicuius excellentiæ diuinæ in re ſic adorata, vel interioris, ſi adoratio ſit merè interna, vel exterioris, ſi externa inſuper ſit: Ad Idololatriam omninò verà ex parte colentis requiritur opinio diuinitatis, ſeu alicuius diuinæ excellentiæ in re adorata. Quamuis autem talis Idololatriæ modus, ſiue exiſtimatio diuinitatis de Idolis manibus factis, ipſimet lumini naturali repugnet, vel quia per ſe euidentis eſt, illa non habere vitam neque excellentiam vllam, præter eam figuræ pulchritudinem, quam ab artifice habent, ſi conſiderentur in ſe; vel quia, ſi conſiderentur, aut ratione numinis ſuperioris, quod illis coniungebatur, vel ratione hominum, qui per illa repræſentabantur, & vt Dij colebantur, eadem ratio naturalis dicat, Idololatriæ cultum multis Dijs datum, nulli dari poſſe ex opinione, ſeu æſtimatione veræ diuinitatis: quia excellentia diuinitatis in eius ſingularitate, & eminentia ſuper res alias conſiſtit, atque adeo deſtruitur, quando inter multos diuiditur; vnde fieri non poſſe videtur, quod adoratio diuiſa inter multos procedat ex opinione veræ diuinitatis in ſingulis: Etſi, inquam, ita ſit, loquendo de recta ratione, cuius dictamini omnino repugnat Idololatria, ſiue Polytheiſmus, ſecus autem rem ſe habere, attenta illius per peccata corruptione, factum ipſum oſtendit, quo ante Chriſti Domini aduentum, totus ferè terrarum orbis, pauculis legis naturæ exceptis cultoribus veri Dei, ac populo Iſraelitico, Idololatriæ infania, ac cæcitate laborabat; partim Deo permitte, ad puniendâ hominum ſcelera, partim demonum opera, qui ſemper fuerunt valde ſolliciti in deceptione hominum, maximè affectando ſibi diuinos honores: quos obtinere præſer-

Bibliot. Theol. Tom. V.

tim à rudioribus difficile illis non fuit per ſtatuas, & in ſtatuis multa mirabilia, & inuſitata operando, nec non reſponſa de rebus incognitis, plerumque dando: cum enim talia ſcire, ſpecialim futura contingentia, ad Deum ſpectet, videntes Pagani idola eos inſtruere de his, quæ non ſunt hominibus peruia, abſque vltiori conſideratione, vel reflexione circa huiusmodi rerum naturam, vel differentiam, exiſtimabant ea, vel, quæ per ea repræſentabantur, aliqua pollere diuinitate: & hinc ortum habuere oracula, ſiue falſorum Deorum delubra, vbi dæmones ſua per eorum idola dabant reſponſa interrogantibus; de quibus videri inter alios poteſt Clemens Alexand. in *adhortat. ad Genes*, & ibi Gentianus Hæcuetus eius Scholiaſtes.

Inſuper licet inter Gentiles, vt docet, latèque proſequitur Diuus Auguſtinus *lib. 4. de ciuitate Dei cap. 8. & ſeq.* agniti fuerint maiores, & minores Dij, & inter omnes vnus ſupremus, quem Iouem appellabæ; non propterea ſequitur eos cæteris proprium diuinitatis cultum non tribuiſſe, ſed tantum quatenus illis indigebant, augetiam ab vno ſupremo eos dependere credebant: Si quidem factum ipſum ſatis oſtendit Gentes erraſſe, ſacrificando pluribus dijs, ac ſubindè vnumquemque ex illis Dijs tanquam verum Deum, ſiue, quod idem eſt, ſub aliqua ratione ſupremæ excellentiæ colendo. Quod multipliciter contingere potuit, *primò* quia credere poterant, vnumquemque Deum in aliquo munere, ſeu præſidentia, & efficacia circa aliquas res ſupremam habere vim, ac poteſtatem, quamuis alij dicerentur maiores, alij minores iuxta dignitatem rerum, quibus præſidebant. *Secundò* quia multi Gètilium præſertim è vulgo cæca quadam ignorantia, falſaque traditione, ac fide ducti putabant ſingulis rebus vim quamdam inuiſibilè, ac ſupremam ineſſe, ideoque ſupremo cultu eſſe colendam, abſque vlla ad vnum ſupremum creatorem, & gubernato-

natorem omnium relatione, nec discurrerant, qua ratione id fieri posset, aut quomodo conuenienti regimini vniuersi non repugnaret. *Tertiò*, quia ipsimet Philosophi, licet vnum summum fateantur Deum, cui cæteri Dij essent perfectione inferiores, non in omnibus tamen perfectionibus summum & vnicū illum existimarunt, aliosque ab illo in omni operatione sua dependere; sed potius supremam ex se habere efficaciam, & virtutem in aliquo genere, proptereaque etiam illos esse ab hominibus colendos, vt Deos, hoc est, supremo quodam cultu illis propter se debito: ita vt quantumvis re vera vnum tantum sit suprema omnium rerum creatrix essentia, earundemque gubernatrix prouidentia, nihilominus per errorem opinati sint, diuisam esse curam, & gubernationem vniuersi, aliumque Deum esse, qui curam habeat segetum, alium vinearum, alium aliorum fructuum aut aquarum, & elementorum, ac celorum, vel metallorum, & sic de alijs, vt loco superius citato tradit S. Augustinus. *Quartò* quia Gentiles Deorum cultum ad propriam referebant utilitatem, propriumque commodum, vnde quantum ab illis se iuuari posse credebant; tantum ipsdem cultus exhibebant: vt igitur existimare poterant, inferiores Deos non minus sibi esse posse vel beneficos, vel maleficos, quam summum Deum; ita quoque fieri potuit, quod eos adorandos crediderint vt Deos, siue supremo cultu soli Deo debito. *Quintò* tandem, & vltimò id fieri potuit errore quodam practico, quia licet plures Gentiles, Philosophi præsertim, speculatiue non errarent in ferendo iudicio de perfectione vnius summi Dei, aliorumque minorum ab illo dependentia, practice tamen errabant in iudicio de cultu illis tribuendo, nullam in hoc constituentes differentiam inter summum Deum, & cæteros: quemadmodum inter homines, etsi Reges terre sint in potestate, & dominatu inæquales, omnes tamē eiusdē excellētiæ, ac honoris titulis coli volūt.

Haftenus de primo idololatriæ mēbro, seu de idololatria vera ex parte colentis, ad quā in eo requiritur aliqua opinio diuinitatis de Idolo, seu re, quæ adoratur.

Ad aliud autem membrum, quod est ficta, seu apparens Idololatria, talis opinio minimè requiritur, vniuersaliter enim verum non est, haberi non posse affectum colendi aliquem, vt Deum, quin habeatur opinio diuinitatis in illo. Nam sicut duobus modis potest quis scripto, vel dicto proferre mendacium, nimirum vel putans se dicere verum, vel volens loqui contra mentem; ita quoque duobus modis potest quis vel le diuinum exhibere honorem ei, qui non est verus Deus: Primo deceptus falsa opinione diuinitatis in illo conceptæ, vt explicatum est supra; *secundò* quatenus præcisè vult per adulationem vel diabolicum timorem illum adorare, & signum falsum excellentiæ adhibere; ad primum autem etsi requiratur actus intellectus, quo res adorabilis, seu quæ adoranda proponitur, estimetur, seu habeatur pro Deo, cum tunc non ficta, sed vera sit adoratio, secus autem ad secundum, qui, vt supponimus, non est vera, sed ficta, nec non falsa adoratio. Quamobrem si considerentur eiusmodi actus, vel adorationis modi in ratione Idololatriæ formaliter, ita se habent, vt primus, qui ex infidelitate mentis procedit, & ex errore circa Deorum multitudinem, sit Idololatria propriè, ac simpliciter dicta; secundus autem qui est sine propria mentis infidelitate, cum affectu tamen tribuendi diuinum honorem alteri, quam Deo vero; vt si quis credens, Dæmonem non esse Deum, velit illi offerre sacrificium, aut aliquid simile præstare, animo honorandi ipsū, vt cum sibi habeat propitium; & tertius, quo sine errore intellectus, & sine affectu colendi in volūtate, exhibetur creaturæ signum merè externum adorationis soli Deo debitæ, ad vitandum v. g. grauissimum malum mortis, vel aliud æquiualens, reductiue tantum tales, aut tanquam actus in illa specie imperfecti
dici

dici debeant, quamvis aliàs gravissima sint peccata. Vndè si secundus Idolatriæ modus cum primo conferatur, licet iste sit deterior peccandi modus quantum ad id, quod supponit, scilicet infidelitatem, & errorem: ille tamen, quo ad id, quod formaliter ponit, id est quo ad propriam culpam religioni contrariam, videtur esse peior, sicut Divus Thomas 2. 2. q. 10. art. 6. docet simpliciter graviorem committi infidelitatem per hæresim, quam per paganismum, quoniam illa est cum maiori cognitione veritatis, & repugnantia eiusdem fidei. Præterquam quod vix potest aliquis sciens, aut credens soli vero Deo latrariam esse tribuendam, velle illam ex animo exhibere creaturæ, nisi ex Dei odio, vel formali contemptu illius, aut ad vindictam de illo sumendam, sicut operantur demones, & damnati. Qui modus operandi, & supponit summam voluntatis perversiorem, illamque participat. Collatione autem facta inter eundem primum, & tertium Idolatriæ modum, videntur se habere sicut excedens, & excessum: Nam primus excedit, cum quis supponit infidelitatem in tali persona, cum quia verum includit affectum colendi falsum Deum. Tertius verò modus excedit, quia est peccatum ex certa scientia, & non ex ignorantia sicut primus: & consequenter quia sit ordinariè cum maiori scandalo propter circumstantiam personæ. Vndè per se loquendo, & intra gravitatem superscriptionis, cuius Idololatria est species, maiorem quidem habet malitiam primus, quam tertius modus: per accidens tamen, & propter nocumentum proximi tertio potest modo gravius contra virtutem charitatis peccari. Tantum de prima divisione Idololatriæ, vel Politheismi, attenta eius ratione formali, diversisque modis, quibus adoratio diuina alicui creaturæ tribui potest.

Secunda Politheismi, vel Idololatriæ varietas, ac divisio desumi potest ex parte obiecti materialis, siue ex multi-

plici rei adoratæ differentia. Etsi enim attenta huius vocis etymologia, nomen Idololatriæ significare tantum videatur Idololatriam cum imaginibus, secundum quod Idolum illud componens solet definiti imago destinata ad indebitum cultum alicui tribuendum; quia tamen ipsummet Idoli nomen ex hac sua primæ significatione extensum est ad significandam quamcumque creaturam, quæ tanquam Deus colitur, seu colenda proponitur supremo cultu soli vero Deo debito, etiam si talis res non sit imago, neque ut imago alicuius falsi Dei adoretur, sed ut ipsemet falsus Deus; iuxta communem loquendi modum Sacre Scripturæ ubique obuium, cui etiam aperta suffragatur ratio; si enim omnis adoratio creaturæ, per quam ut Deus colitur, peccatum idololatriæ est, manifestè sequitur omnem creaturam sic adoratam idolum esse, etiam si non in aliqua imagine, sed in se, & propter se immediatè adoretur, qua ratione, Tertullianus lib. de Idololat. cap. 3. dixit, Idololatriam agi posse sine Idolo, id est sine simulachro, & aliquando factam esse *sine isto nomine*, licet non *sine isto opere*: ubi significat nomen Idoli, & Idololatriæ non quidem fuisse, donec simulachra pro Dijs adoranda introducta sunt; rem autem ipsam, id est, Idololatriæ vitium sine simulachris sensibilibus exerceri potuisse: Inde fit, quod sicut nomen Idoli, licet ab statuis pro Dijs adorandis sumptum sit, extenditur ad significandam omnem rem creatam, quæ tanquam verus Deus adoranda exhibetur, ita quoque nomen idololatriæ quod ex idolo, & latraria componitur, comprehendit omnem prorsus adorationem, ac seruitutem cuiusque creaturæ exhibitam, cum opinione aliqua diuinitatis de illa.

Idololatria igitur hoc modo considerata primum diuiditur in eam, quæ sit sine imaginibus, & in illam quæ sit cum illis; rursus prima tot habet partes, quot sunt creaturæ, vel animatæ, vel inanimatæ, quibus olim Gentiles diui-

nos tribuisse honores tam prophanæ quam sacræ ipsæ testantur litteræ Sapient. 13. ubi expresse dicitur illos, aut ignem, aut citatum aerem, aut gyrû stellarum, aut nimiam aquam, aut Solem, & Lunam rectores orbis terrarum Deos putasse: Hieremiæ cap. 3. dum ait Dominus per Prophetam: *Numquid vidisti quæ fecerit auersatrix Israel? abijcibimet super omnem montem excelsum, & sub omni ligno frondoso, & fornicata est ibi:* multi enim interpretes huiusmodi verbis alludi putant ad cultum Idolatricum, quo antiquitus arbores annosæ loco falforum Deorum colebantur, quem usque ad nostra etiam tempora perdurasse apud Indos Peruanos refert Acoſta lib. 5. de historia Indorum cap. 5. Similiter quando Leuitici cap. 26. v. 1. præcipitur: *Non facietis vobis idolum, & sculptile, nec stulos erigetis, nec insignem lapidem ponetis in terra vestra, ut adoretis eum, ego enim sum Dominus Deus vester:* ut per illa verba non facietis idolum, & sculptile, intelliguntur statuae in honorem Deorum falforum affabre factæ, omnisque proinde lapis, statua factus, sub nomine sculptilis comprehenditur: ita per subsequencia verba, nec erigetis titulos nec insignem lapidem ponetis in terra vestra, videntur significari impoliti etiam, ac rudes lapides, in quibus tamen aliquod magnum apparebat, v. g. in quantitate, in situ, in eminentiâ, quibus olim Pagani diuinis exhibebant honores, quosque ubi eos erigebant vice falforum Deorû titulos appellabant: & hi sunt tituli qui citato Leuitici loco prohibentur; nam alij excitati in memoriam alicuius rei insignis non verabantur; exempli gratia, ille quem erexit Iacob Genes. 28. in signum mirificæ visionis, ac memoriam diuinæ promissionis ad ipsum factæ; nec non Absalon 2. Reg. 18. qui à Iosepho lib. 7. antiquitatum, dicitur fuisse columna marmorea. Quod autem aliqui putant ibi allusionem fieri ad Deum celebrem, qui vocabatur Terminus,

euique Numa Pompilius in colle Tarpeio Sacellum erexisse legitur, stare non potest, cum longè antè Numæ tempora vixerit Moyses, qui Leuiticû conscripsit. Nisi velimus dicere iam tempore Moysis apud Gentes vsum fuisse, eos colendi lapides, ut quid diuinitatis habentes in seruandis consuetudinibus, quos Terminos appellabant, quia illis tam publicos, quam priuatos vniuscuiusque agros certis limitibus distinguebant; quem postea morem Numa imitatus, ut religiosius seruaretur, neuè tam facile termini statutis defixi locis dimouerentur, Deo Termino, qui saxum ingens erat, Sacellû erigere voluit, quasi supremo eorum vindici, qui limites illo semel distinctos violare auderent.

Altera Idololatriæ, quæ fit cum imaginibus, species in tot quoque partes diuidi potest quot fuere Idolorum, ac simulachrorum genera, quibus Gentiles diuinos exhibuerunt honores; Idolum enim non est simulachrum tantum, quod humana effigie factum, & consecratum est, ut nimis restrictè illud describit Isidorus lib. 8. etymologiarum; verum ad alias etiam figuras se extendit, ut expresse dicitur Sapient. 13. *Et assimilat: illud imaginis hominis, aut alicui ex animalibus illud comparat.* & ex capite 32. exodi constat, Hebræos imitantes Aegyptios Idolum fecisse in vituli effigie, latiusque explicauit Diuus Paulus ad Roman. 1. dicens: *Mutauerunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentum.* Imo etiam potest figurari Idolum, quod nō sit alicuius rei veræ, vel speciei effigies sed fictæ, ut chimæræ: ad quam tamen malè etiâ ab alijs limitatur ratio Idoli, ut sentire videtur Origenes hom. 8. in Exod. sic exponens quod Paulus ait 1. Corinth. 8. *Scimus quia nihil idolum est in mundo;* quod sequitur Theodoret. quæst. 38. in Exod. & Occumenius in 1. ad Corinth. alijsque plures.

Et si

Est enim verum sit, multa talia fuisse Idola Gentium, vt habetur ex Athanasio orat. contra Idola; nihilominus Idolum potuisse etiam esse, ac de facto fuisse imaginem alicuius rei veræ, & aliquando subsistentis clarè demonstrant citata Scripturæ loca. Idololatria igitur, siue Politheismus adæquatè ex parte obiecti consideratus in tot potest diuidi partes, quot fuere varia Idolorum genera, quorum duo prima statui possunt illud quod rem non subsistentem, nec possibilem representat, sed fictam, vt chimæram, vel quid simile, deinde illud, quod imago est alicuius rei veræ, & aliquando subsistentis, cuiusmodi fuere imagines hominum, vel aliquorum animalium, nec non aliæ similes.

Vt autem malè restringitur ratio Idoli, aut ad imaginem alicuius rei veræ, & subsistentis, aut ad imaginem rei non subsistentis, sed fictæ, quasi ratio Idoli cõpleatur absque villo alio, per hoc quod sit imago rei falsæ, vel fictæ; siquidem imago chimære, vel alterius rei fictæ, si non ad cultum, sed ad delectationem, aut memoriam, vel exercitium artis fabricetur, vocari nõ potest Idolum; ita etiam non sufficit, vt quæcumque imago sit Idolum, quod sit consecrata, id est, ad cultum dicata, sed debet restringi ad consecrationem indebitam, seu excedentem creaturæ capacitatem; ita vt propria Idoli ratio in hoc consistat, aut per hoc compleatur, quod sit imago ad indebitum cultum alicui creaturæ tribuendum destinata. Atque ita Sapiens d. c. 13. describens constitutionem Idoli præter sculpturam, & picturam adiungit: *Et fecit ei dignam habitationem*, &c. & cap. 14. cum dixisset, patrem rapti filij fecisse imaginem subdit: *Et illum, qui tunc quasi homo mortuus fuerat, nunc tanquam Deum colere cepit, & constituit inter seruos suos sacra, & sacrificia*. Quare licet Idolum possit esse imago veri hominis, aut alicuius alterius rei veræ, si tamen destinetur ad colendum

illum hominem, vt Deum, iam erit imago falsi Dei, & sub ea ratione erit imago rei non existentis; quo in sensu accommodari potest superius adducta Origenis, & aliorum sententia, rectèque Diuus Augustinus in lib. Iud. declarauit Idolum, *cuiusdam Dei falsi simulachrum*. Imo fortassis eadem, vel proportionali ratione, si quis iniquum hominem, & in peccatis mortuum sibi depingeret ad cultum, quamuis non, vt Deum, sed vt Sanctum, hominem illum colere vellet, talis imago rationem Idoli participaret, vt docet Sanderus lib. 1. de *Imaginibus*, quia licet talis imago verum representaret hominem, simul etiam falsum referret Sanctum. Et in hoc quoque sensu rectè dici potest Idolum inuoluere falsitatem in sua representatione, ac subinde imaginem falsam; intelligendūque est D. Paulus loco citato 1. Corinth. 8. vbi ait: *Nihil esse Idolum in mundo*, nimirum in ratione, qua Deū falsum, vel personam summo honore dignam representat, vnde post adducta verba statim subiungit, *quod nullus est Deus, nisi vnus*. Et ita etiam dicuntur Idola non esse. Esther. cap. 14. v. 11. nec non in alijs pluribus Scripturæ locis. Cæterum si imago sit alicuius rei veræ, & simul dignæ secundum rectam rationem aliquo vero honore, & cultu, solumque talis erigatur imago, vt res per illam representata debito colatur honore, nequaquam illa imago potest Idolum appellari. Et hac ratione septima Synodus Generalis Nicæna II. definiuit imagines Christianorum, & prout Ecclesia Catholica eas recipit, & approbat, Idola dici non posse, vt infra Deo dante fusius contra hæreticos ostendemus.

Tertiò Philosophi Gentiles, præsertim Varro, Idololatriam, siue Politheismum, hoc est, plurium Deorum opinionem in triplicem Theologiam iuxta Augustinum lib. 6. de ciuitate Dei cap. 5. & Eusebium lib. 1. & seq. de Preparat. Enang. distinxerunt, physicam, Ciui-

Ciuilem, & Fabulosam. Ad primam spectant opiniones, quas de vno, vel pluribus Dijs Philosophi in suis scholis, ac libris docebant, & D. Thomas 2. 2. quæst. 94. art. 1. ad duas reducit: Prima fuit eorum, qui totum mundum animari ab ipso Deo afferebāt, & ideo illum, vel præcipuas eius partes adorabant, tanquam Diuinitate plenas; nec non aliorum, qui licet non vnum, & eundem supremum Deum existimarent animare totum mundum, & singulas eius partes, varia tamen numina inferiora credebant esse in Sole, Luna, elementis, &c. Altera opinio Philosophorum, quam D. Thomas refert, est Platonis, & aliorum, qui teste Diuo Augustino *lib. 7. de ciuitate Dei cap. 12.* cum agnoscerent, esse vnum summum Deum cæterarum rerum cōditorem, nihilominus plures minores Deos colebant, quos intelligentias, aut Dæmones vocabant, inter quos etiam annumerabant quorūdam mortuorum hominum animas diuinitatis participes effectas, quod quomodo contingere potuerit in prima diuisione sufficienter explicuimus.

Secunda circa Deorum pluralitatem Theologia, fuit Ciuilis, ita vocata, quia veluti communi ciuium vsu, & consensu introducta erat, eaque frequentius Pontifices, ac populi in Deorum cultu vterentur. Et licet difficile sit explicare, quam Varro inter hanc à physica, & fabulosa differentiam statueret; vt habet D. Augustinus *lib. 6. de ciuitate Dei & sequentibus*; verisimile tamen est sitam fuisse in opinione diuinitatis, quæ simulachris, aut imaginibus ab hominibus factis inesse putabatur. Quam opinionem idem Sanctus Augustinus *lib. 8. de ciuitate Dei, cap. 23.* Hermeti Trismegisto tribuere videtur dum ait: *Ille alios Deos dicit à Summo Deo factos, alios ab hominibus.* Priores enim Dij videntur ad Theologiam physicam pertinere, posteriores verò ad ciuilem, siquidem ij Dij ab hominibus facti, videntur esse Ido-

la, & simulachra, *quæ opera sunt manuum hominum*; vt ibidem Augustinus subiungit omnino videndus. Sic ergo Theologia Ciuilis à Physica primum distinguì potest, quod ista sine sensibilibus imaginibus poterat exerceri, de qua intelligendum est, quod ait Sapiens cap. 13. Philosophos, *aut ignem, &c. aut Solem, & Lunam retores orbis terrarum Deos putasse*: illa verò in simulachris præcisè fundata erat: *Secundò*, quia Physica creaturam à Deo factam, Ciuilis autem statuum ab hominibus fabricatam, vt Deum colebat. Nam si interdum aliqui Philosophi utebantur imaginibus Solis, aut Lunæ, aut aliarum mundi partium, illas tamen non adorabant, vt habentes diuinitatem aliquam, sed solum vt representantes falsos Deos, quod etiam ad Idololatriam pertinebat. cum imaginibus, aut simulachris, quæ Theologia ciuilis colenda proponebat, adorarentur, vt habentia in se Diuinitatem, saltem per aliquam vnionem inuisibiliū spirituum; hac enim potissimum arte copulandi sensibilibus imaginibus, & & statuis spiritus inuisibiles; ita vt simulachra essent quasi animata corpora illis spiritibus dicata, & subdita, docet Diuus Augustinus loco citato Ciuilem Theologiam introductam fuisse, *Et hoc, ex Trismegisto, esse Deos facere, eamque magnam, & mirabilem Deos faciendi accepisse homines potestatem*: non erat tamen magna potestas, sed mirabilis dæmonum astutia, qui se fraudulenter statuis immiscebant, & per ea ita loquebantur, reddebantque respōsa, vt viuere existimarentur. Vnde *tertiò* inter Theologiam Physicam, & Ciuilem hæc potest differentia constitui, quod illa in discursu aliquo philosophico, quamuis sophistico fundabatur; hæc vero in sola deceptione dæmonum per præstigia, & apparentia signa; de qua loqui videtur Sapiens cap. etiam 13. vbi postquam vanam Philosophorum Theologiam reprehendit, quos asserit Deum inquisiisse, & in

& in operibus illius conuersatos fuisse, ad illius tamen cognitionem sua non peruenisse culpa, & ideo huius mundi partes tanquam Deos, & rectores orbis terrarum coluisse, deinde subiungit: *Infelices autem sunt, & inter mortuos spes illorum est, qui appellauerunt Deos opera manuum hominum, aurum, & argentum, artis inuentionem, & similitudinem animalium, &c.*

Tertia tandem Theologia fabularis, seu fabulosa dicta est; quia, licet priores Theologiæ non minus falsæ essent, quam ista; nihilominus ista per excellentiam ita vocata est, quod nec vanis ratiocinationibus, nec solis demonum præstigijs introducta fuisset, sed ad eam spectaret adoratio quorundam hominum mortuorum, quos Gentes, ut Deos colebant ex falsa hominum traditione, Poetarumque præsertim figmentis. In hoc etiam Idololatriæ genere docet D. Thomas 2. 2. quæst. 94. art. 1. Gentiles quidem vfos fuisse Idolis, & simulachris ea tamen ut Deos non adorasse, sed homines quosdam, qui per illas representabantur, quos appellabant Iouem, Apollinem, Mercurium, &c. De quibus hominibus etsi innumeras fabulas confingerent, & de illis (quod mirabilius est) innumera scelera, & turpissima narrarent flagitia, nihilominus eos, Deos esse opinabantur, & ut tales colebant; quod sibi persuaderent diuinitatem, esse aliquam excellentiam, quæ ab hominibus comparari posset, non tantum virtute, sed etiam industria, potentia, alijsue similibus modis, quantumvis cum omni vitiorum genere coniunctis. De cuius etiam falsæ Theologiæ superstitione videtur loquutus Sapiens cap. 14.

Quartò Policheismus diuidi potest iuxta nationum, in quibus viguit diuersitatem, prout vnaquæque specialem, aliquorum Deorum cultum amplexa, fuisse legitur; multi in Sacra Scriptura passim referuntur, quos simul collegit Laurentius Beierlinch in *Theatro vita humane* verbo *Idolum*: de his quoque

Bibliot. Theol. Tom. V.

fusè differuerunt Lactantius Firmianus in *libris Institut.* nec non D. August. in *libris de ciuitate Dei*, præsertim 2. 3. 4. & 18. ex modernis Gyraldus, Alexander ab Alexandro, Textor in *Officina*, Ripa in *Iconologia*, alijq. le plures. Præ omnibus autem nationibus Græci, cum prius Aegyptiorum, aliorumque populorum superstitionem ab Aegyptijs acceptam deriderent, in multo plures, ac maiores errores postea collapsi sunt; qui ad ulteros, latrones, ebriosos, ac facinorosos homines, brutis ipsis impuriore, Iouem, Venerem, Bacchum pro dijs coluerunt; deinde Romani, subacta enim Græcia, quasi captiuam eius superstitionem circa Politheismum, salforumque Deorum cultum in patriam, transtulerunt; adeo ut referat Blondus Historiographus plusquàm triginta Deorum millia Romam triumphantem coluisse; rectèque propterea Sanctus Leo ait *serm. 1. in natal. Apost. Petri, & Pauli*, quod, cum penè omnibus dominaretur gentibus, omnium gentium seruiebat erroribus, & magnam sibi videbatur assumpsisse religionem, quia nullam respuebat falsitatem: vnde quantum vtraque natio erat sic per diabolum tenacius illigata, tantùm per Christum fuit mirabilis absoluta; cuius fidem, ac doctrinam Atheniensibus euangelizandi, nec non Idololatriam destruendi, quia Diuus Paulus, cum in Areopago peroraret occasionem sumpsit, inspecta ara cum hac inscriptione (Ignoto Deo) hic breuiter explicabo, quid per talem aram ignoto Deo dicatam intelligi debeat. Historia autem sic se habet Actorum 17. *Stans autem Paulus in medio Areopagi, ait: Viri Athenienses per omnia quasi superstitiones vos video. Præteriens enim, & videns simulachra vestra, inueni & aram in qua scriptum erat, Ignoto Deo. Quod ergo ignorantes colitis, hoc ego annuntio vobis. Deus qui fecit mundum, & omnia que in eo sunt, hic celi, & terra cum sit Dominus, non in manufactis templis habitat, nec manibus humanis colitur, indigens aliquo, cum ipse det om-*

Gg

nibus

nibus vitam, & inspirationem, & omnia : fecitque ex uno omne genus hominum inhabitare super universam faciem terra, definitus statuta tempora, & terminos habitationis eorum, querere Deum, si forte attritum eum, aut inueniant, quamuis non longè sit ab unaquoque nostrum. In ipso enim vivimus, & mouemur, & sumus, sicut & quidam vestrorum Poetarum dixerunt, ipse enim genus sumus. Genus ergo cum sumus Dei, non debemus estimare, auro, aut argento, aut lapidis, sculpturæ artis, & cogitationis hominis, diuinum esse simile: Et tempora quidem huius ignorantia despiciens Deus, nunc annuntiat baminibus, ut omnes ubique penitentiam agant, eo quod statui diem, in quo djudicaturus est orbem in aequitate, in viro, in quo statui, fidem prabens omnibus, suscitans cum à mortuis. Hæc enim Diuus Paulus.

Iam ergo difficultas est, quis sit ille Ignotus Deus, cui Apostolus ait se inuenisse aram dicatam; circa quam diuersa sunt Doctorum placita, & primo circa textum ipsum. Diuus enim Hieronymus in epist. ad Titum cap. 1. sic habet: *Inscriptio autem ara non ita erat ut Paulus asseruit (Ignoto Deo) sed ita: Dijs Asia, Europa, & Lybia, Dijs ignotis, & peregrinis, Verum quia Paulus non pluribus indigebat ignotis, sed uno tantum ignoto Deo, singulari verbo usus est, ut doceret illum esse suum Deum, quem Athenienses in ara titulo prenotassent, & cum recte scientes colere deberent, quem ignorantes venerabantur, & nescire non poterant.* Ita Hieronymus, cuius autoritas sufficere potest ad huius sententiæ probabilitatem, præsertim cum illi consentire videatur Pausanias lib. 1. in Attica, ubi inter alias ponit aras Deorum, & Heroum, qui ignoti vocantur. Verum hæc sententia alijs non placet, quicquid sit enim an vna sola ara extiterit Athenis cum hac inscriptione, an verò plures d quod Pausaniæ loquendi modus solum videtur sonare, volunt in qualibet ara hanc fuisse inscriptionem, Ignoto Deo, ex quibus vnā commemorat

Apostolus se vidisse. Cui sententiæ fauet, tum ipse textus sacer superius adductus, tum etiam, quod Sanctus Paulus volens inscriptione illa suadere, Arcopagitis, Atheniensium doctissimis, suorumque sacrorum apices memoriter retinentibus, vnū esse verum Deum, aliter inscriptionem non citaret, quam se haberet: cum igitur eam in singulari, Ignoto Deo, non autem Ignotis Dijs, retulerit: re vera inscriptio fuit, Ignoto Deo: Tum denique, quia apud Lucianū Gentilis homo sic iurare legitur, *Per ignotum Athenis*, & nō per ignotos; ac rursus ex persona Triphon. Nos autem illum Athenis, ignotum, inuentum adorantes, & manus ad calum tollentes gratias illi agimus, ut qui digni facti fuerimus huiusmodi potestati, atque virtuti subiecti esse. Potrò huic parti, quæ assereret non vnā solum, sed plures aras fuisse Athenis sine vllis statuis erectas, hac sola inscriptione superposita, Ignoto Deo, suffragatur, quod ex Appollonio Tyanæo refert Suidas: *Modestius esse de omnibus Dijs bene loqui, præsertim Athenis, ubi etiam ignotorum Deorum ara dicata sunt.*

Præter hæc varia doctorum placita circa inscriptionem in plurali, vel in singulari, in vna, aut pluribus aris, dubitatur adhuc inter illos, qui vnā duntaxat Ignoto Deo aram dicatam admittunt, an ille fuerit vnus verus Deus, an non? pro parte enim negatiua citari solet Oecumenius in acta cap. 17. dum ait: *Duas causas referunt, cur Athenis inscriptum in Ara fuerit, Ignoto Deo. Dicunt enim alij, cum misissent olim Athenienses Philippidem ad Lacedamonios de societate ineunda, quo tempore Persæ Greciam inuaserant; ei in Parthenio monte Panis simulacrum occurrisset, accusasseque Athenienses, quod cum alios Deos colerent, & venerarent, ipsum negligerent; seque inde auxilium ipsis laturum promississe. Atque ita Athenienses eius ope victoria positos templum ei condidisse, ac dicasse. Ac deinde ut cauerent in posterum, non simile quicquam ipsis cōtingeretur, si ignotum sibi*

sibi aliquem Deum pratermississent, aram hanc extruxisse, eique inscripsisse, Ignoto Deo. Alij sunt, qui dicunt, cum pestilentia olim laborarent Athenienses, atque adeo exesuarent, ut ne tenuissimorum quidem lineorum velamen possent sustinere: nullamque opem ab alijs, quos Deos existimabant, consequerentur, considerassent, Deum fortasse esse aliquem, quem ipsi inhonoratum omisissent, qui pestilentiam immisit, ac noua ara structa scripsisse, Ignoto Deo: sacrificijsque oblatis stasis statim conualuisse. Est autem integra Ara inscriptio in hunc modum: Dys Asia, & Europa, & Lybia, & Deo Ignoto, & peregrino: Ita Oecumenius loco citato, ubi quidem occasionem affert præfatæ inscriptionis, sed non explicat an ignotus ille Deus fuerit verus, an falsus; tamque pro vna, quam pro altera parte intelligi potest.

Apertius igitur affirmatiuam tenuisse videtur Michael Syngellus in vita Sancti Dionysij Arcopagitæ, ubi scribit cum in Aegypto existentem, ac solis defectum videntem in die Dominicæ passionis dixisse, *Ignotus Deus carne patitur; propter quem vniversum est tenebris obscuratum, & iremesfactum: & hunc sermonem asserit sibi puero fuisse à patre traditum; deinde subiungit: Cum Philosophi, qui tunc Athenis erant, intellexerent natura vices maximè mutari, & verti, potuisse Aram ignoto Deo, de quo nunc loquitur Paulus, constituere. Et fortasse Dionysius ex Aegypto reuersus auctor fuit, ut talis ara Ignoto Deo erigeretur. Similia ferè tradit Petrus Comestor cap. 93. in Acta. Adeo vt iuxta hanc sententiam ab Atheniensibus Christo Domino vero Deo, sed sibi ignoto, tunc ob allatam causam ara fuerit erecta. Verum in hac re nihil omnino certi statui posse existimo, nisi quod Apostolus huiusmodi inscriptionem, seu vero, seu falso Deo factam torfit in argumentum Euangelicæ prædicationis contra Idololatriam, vsus artificio eius loci, quem Rethores locum à fortuitis nominant, cum scilicet fortuitos quosdam*

Biblioth. Thel. Tom. V.

euentus conuertunt in argumentum eorum, de quibus peroraturi sunt. Coeterum manendo intra limites probabilitatis, verisimilius puto, eam aram Deo vero vnico fuisse dicatam, quidquid sit de occasione, vel causa talis erectionis, quia Diuus Paulus ait; Quod ergo ignorantes colitis, hoc ego annuntio vobis; quorum verborum magis genuinus sensus videtur esse; quod eundem Atheniensibus Deum tunc annuntiaret, aut palam faceret, quem ipsi prius nescij colebant, sed Paulus verum annuntiabat Deum, ergo quem Athenienses ignotum colebant Deum, cuique aram erexerant, verus erat Deus. Vocatus est autem Ignotus, quia, cum Athenienses cæteris essent Græcis sapientiores, propter scholas, & gymnasia, quibus eorum ciuitas abundabat, cæterè plures ex ipsis intellexerant, Deos à Græcis cultos, non esse veros Deos, sed vnicum tantum dari verum Deum, quem tamen cum perfectè non cognoscerent, & aliàs desiderio tenerentur illum colendi, ideo aram ei dedicarant cum inscriptione, Ignoto Deo. Potest etiam dici eos illum colere voluisse sub nomine ignoti Dei, quia in aperto cæteros abijcere non audebant, ne à populo, & cæteris Græcis mortì traderentur, aut alio supplicio afficerentur; sicut Socrates, de quo constat accusatum fuisse à Melito, quod Atheniensium Deos reijceret, ob id morte punitus fuit. Indeque multi forsàn è Philosophis, etiam si agnoscerent verum Deum, cui soli supremus deberetur cultus, tanquam supremo omnium principio, & fini, exteriori nihilominus cultu plures Deos coluerunt, adoratione omnino ficta, vel cum præiudicio conscientie populo condescendentes, vel etiam putantes talem Idololatriæ modum illicitum non esse, quando sit ob ciuilem causam, vel saltem quando sit necessitate urgente, ad vitandum, grauissimum mortis malum, aut aliud æquiualens, vt refert S. August. lib. de vera religione cap. 5. & lib. 6. de Ciuitate Dei cap. 10. Et idem secutos fuisse anti-

G g 2 quos

quos hæreticos, testatur Diuus Thomas 2.2. quæst. 94. artic. 2. sed hunc errorem impugnabimus infra.

Quintò tandem, & vltimò ratione subiecti diuidi potest Politheismus; quatenus non solum Gentiles eum amplexi sunt, verum etiam nonnulli ex illis, qui diuinarum Scripturarum auctoritatem recipiunt, ad quos proinde conuincendos illa sequenti vtimur capite. Igitur inter Christiani etiam nominis professores, plures hæretici duos constituerunt Deos, in eoque turpius aliqui eorum ipsis Gentilibus errarunt, quod Deorum istorum alterum, malum esse penitus finxerunt, ac bonitatis omnis expertem. Ita desipuērunt Gnostici ex Nicolao, vel Carpocrate orti, teste D. Augustino *lib. de hæresibus ad quod vult Deus hæresi* 6. Cerdon. *ibid. hæresi* 21. & apud Epiphanium *hæresi* 41. Marcion Ponticus sequutus est Cerdonem ex eodem Diuo Augustino *hæresi* 22. sed quia de Cerdone ait posuisse vnum Deum bonum, & alterum iustum, quod idem refert Iren. *lib. 1. aduersus hæreses* cap. 28. indè Alphonsus Caltro *lib. 5. aduersus hæreses* verbo *Deus hæresi* 1. asserit, Cerdonem non admisisse alterum Deum tanquam malum. Nihilominus D. August. loco citato refert, quosdam attestari, hunc hæreticum similiter constituisse alterum Deum malum, hoc ipsum intelligendo per ly iustum, hoc est crudelem, & sævum. Duos quoque Deos, bonum & malum concessit Apelles apud August. *hæresi* 23. & Epiphanium *hæresi* 44. Hic tamen hæreticus dixit, Deum malum factum fuisse à Deo bono. Rursus hic error de duplici Deo bono & malo, maximè viguit apud Manichæos, ita à Manichæo illius sectæ autore dictos, vt refert D. Augustinus *hæresi* 46. nec non Epiphanius *hæresi* 66. Manichæos sequuti sunt Priscillianistæ in Hispania, apud Augustinum *hæresi* 70. & Leonem Papam *epist. 91. cap. 14.* Denique si diligenter hærescon antiquarum historiarum perlustrentur, & eorum qui de his com-

mentati sunt, velut Epiphaniij, Theodoretij, Augustini, aliorumque scriptarum legantur, inuenietur nullam ferè illarum extitisse, quæ non plures Deos constitueret, nisi non eodem modo opinati sint omnes earum auctores de qualitate huiusmodi Deorum, an præcipuus in ijs aliquis, & summus conditor ceterorum, ac moderator esset; nec non de emanatione creaturarum ab illis, quarum alij alias à Deo bono, alias à Deo malo effluxisse diuersimodè fabulati sunt.

Præter hos, fuerunt alij, qui occasione mysterij Sanctissimæ Trinitatis errauerunt, diuidentes tres naturas diuinas in tribus personis, qui proinde tres planè Deos constituebant, indeque appellati sunt Tricheitæ, vel etiam Trinitarij. Ita ex antiquis Ademes, Carystius, & Peraticus Euphrates, cuius sequaces appellati sunt Peratæ, apud Theodoret. *lib. 1. hæretic. fabul. c. 19.* Metangismonitæ, id est Transuolantes dicti, quod filium intrare in Patrem, vt vas minus in maius assererent, ex Philastrio in *Catalogo hærescon*, & D. August. *lib. de hæresibus*, hæresi 58. Ioannes Philopponus alias Grammaticus, vt refert Nicephorus *lib. 18. histor. Eccles. cap. 47.* Seucritarum quoque, siue Theodosianorum quarta, & quinta secta, varijs nominibus nuncupata, licet in alijs dissentirent, in hoc tamen conspirabant, quod tres assererent deitates, seu naturas in diuinis per omnia similes, teste eodem Nicephoro *lib. 18. cap. 49. & 50.* Tradit etiam Diuus Anselmus *lib. de Incarnat. Verbi* cap. 1. & 3. Clericum quendam in Gallia docuisse Patrem, & Filium, & Spiritum Sanctum, non esse vnā tantum rem, sed tres res esse tres personas, sicut tres Angeli, aut tres anime, ita tamen, vt potentia, & voluntate omnino sint idem. A quibus omnibus verbo tenus dissidisse Abbatem Ioachim crediderunt multi, licet enim concederet, quod Pater, & Filius, & Spiritus Sanctus sunt vna essentia, vna substantia, vnaque natura: vtrum unitatem huius-

huiusmodi, non veram & propriam, sed quasi collectivam & similitudinariam esse facebatur. Quemadmodum dicuntur multi homines unus populus, & multi fideles una Ecclesia; ut refertur cap. Damnamus, de Summa Trinitate. Ex recentioribus tandem, quidam Valentinus Gentilis, & eius sequaces, eandem essentiam diuinam iuxta numerum trium diuinarum personarum multiplicarunt, in eoque se ab Arianis differre professi sunt, quod pares, siue æquales tres essentias trium personarum assererent. Sed postea præfatus Valentinus Gentilis asseruit inæqualitatem, quatenus solum Patrem, dixit, esse immensæ substantiæ, & essentiatorem, & eminentiorem cæteris: filium autem & Spiritum Sanctum esse circumscriptibilem, & essentiatum, licet non in tempore, sed ab æterno genitum, & spiratum ex Patris substantia; quemadmodum posteriores Arianos sensisse, refert Diuus Augustinus lib. 6. de Trinitate cap. 1. Vnde etiam Maximinus apud Augustinum lib. 1. contra ipsum, confitetur, Filium non ex nihilo, sed ex Patris substantia genitum, iuxta sententiam Concilij Ariminensis.

Sunt etiam qui Politheismo annuerant hæreticos Arianos; & Macedonianos, sed immerito cum hi putauerint Filium, & Spiritum Sanctum esse creaturas Patris, solumque Patrem esse verum Deum per naturam. Vnde si quandoque contra illos fuit etiam Sanctissimis Ecclesiæ Patribus pro diuinæ naturæ singularitate certandum, id non nisi ex consequenti factum est, & quatenus supponebatur ab illis ex diuinis probatum scripturis contra præfatos hæreticos, quod Filius, & Spiritus Sanctus essent Deus, cum in diuinis, ita dentur tres personæ realiter inter se distinctæ, ut tamen sint vnus, & solus Deus, non autem tres Dij, ut ineptè aliqui inferebant Ariani, & impie assererebant alij hæretici superius adducti.

CAPVT II.

Tam diuinarum Scripturarum autoritate, quam unanimi Sanctorum Patrum consensu ostenditur, non esse nisi unum Deum verum.

Quoniam ex dictis superiori capite plures etiam hæretici diuinarum Scripturarum autoritatem admittentes Deos multiplices, vel occasione mysterij Sanctissimæ Trinitatis, vel alia, constituere non dubitarunt. Indè, si quæ sint adhuc eorum, ut asseritur, in aliquibus mundi partibus reliquiæ, primum aduersus illas ex sacris litteris, Sanctisque Patribus Græcis, & Latinis Dei vnitatem demonstrare conabimur; ut enim rectè ait Diuus Damascenus lib. 1. fidei cap. 5. *Apud eos, qui Scripturis credunt, Deum esse unum, absque controversia est.* Huiusmodi autem Scripture loca, ex quibus fundamentalis hæc fidei nostræ veritas colligitur, ad tres potissimum reducimus classes: prima continet illa, in quibus expressè asseritur, vnum tantum esse verum Deum à quo omnes aliæ res factæ sunt.

Deuteronomij cap. 4. v. 35. *Vi scires quoniam Dominus ipse est Deus, & non est alius præter eum.* cap. 6. v. 4. *Andi Israel Dominus Deus noster, Dominus vnus est.* cap. 32. v. 39. *Videte quod ego sim solus, & non sit alius Deus præter me: ego occidam, & ego viuere faciam: percutiam, & ego sanabo.*

Libro 1. Regum cap. 2. v. 2. *Non est Sanctus, ut est Dominus; neque enim est alius extra se, & non est foris sicut Deus noster.* lib. 3. cap. 8. v. 23. *Domine Deus Israel, non est similis tui Deus in celo desuper, & super terram deorsum: qui custodis pactum, & misericordiam seruis tuis, qui ambulanti coram te in toto corde suo.*

Psalmo 17. v. 32. *Quoniam quis Deus præter Dominum? aut quis Deus præter Deum nostrum.* psal. 82. v. 19. *Et cognoscant quia nomen tibi Dominus: tu solus Alius.*

Altissimus in omni terra. psal. 85. v. 10. Quoniam magnus es tu, & faciens mirabilia: tu es Deus solus.

Sapientix 12. v. 13. Non enim est alius Deus quam tu, cui cura est de omnibus, ut ostendas quoniam non iniussit iudicis iudicium. cap. 13. & 14. v. 21. Et hac fuit vita humana deceptio; quoniam aut affectui, aut regibus deseruientes homines, incommunicabile nomen lapidibus, & lignis imposuerunt.

Ecclesiastici cap. 1. v. 8. Vnus est Altissimus Creator omnipotens, & Rex potens, & metuendus nimis, sedens super thronum illius, & Dominus Deus.

Isaiæ cap. 43. v. 10. Ante me non est formatus Deus, & post me non erit. Ego sum, ego sum Dominus, & non est absque me Saluator. c. 44. v. 6. Ego primus, & ego nouissimus, & absque me non est Deus. cap. 45. v. 5. Ego Dominus, & non est amplius, extra me non est Deus: accinxisti, & non cognouisti me: ut sciant hi, qui ab ortu Solis, & qui ab occidente, quoniam absque me non est. Ego Dominus, & non est alter, formans lucem, & creans tenebras, faciens pacem, & creans malum: Ego Dominus faciens omnia hæc. cap. 46. v. 9. Recordamini prioris seculi, quoniam ego sum Deus, & non est ultra Deus, nec est similis mei: annuntians ab exordio nouissimum, & ab initio quæ necdum facta sunt, dicens; consilium meum stabit, & omnis voluntas mea fiet.

Osee cap. 13. v. 4. Ego autem Dominus Deus tuus ex terra Aegypti, & Deum absque me nescies, & Saluator non est præter me.

Malachiæ cap. 2. v. 10. Numquid non pater unus omnium nostrum? numquid non Deus unus creauit nos? quare ergo despicit unusquisque nostrum fratrem suum, violans pactum patrum nostrorum?

Marci cap. 12. v. 29. Iesus autem respondit ei: Quia primum omnium mandatum est; Audi Israel, Dominus Deus tuus, Deus unus est; & v. 32. ait illi Scriba, Bene Magister in veritate dixisti, quia unus est Deus, & non est alius præter eum.

Ioannis cap. 17. v. 3. Hæc est autem vita æterna, ut cognoscant te, solum Deum verum, & quem misisti Iesum Christum.

I. Corinth. cap. 8. v. 4. Scimus quia nihil est idolum in mundo, & quod nullus est Deus, nisi unus. Nam etsi sunt qui dicantur Dii, siue in celo, siue in terra (si quidem sunt dii multi, & domini multi) nobis tamen unus Deus, Pater, ex quo omnia, & nos in illum: & unus Dominus Iesus Christus, per quem omnia, & nos per ipsum.

Ad Galat. cap. 3. v. 20. Mediator autem vnus non est: Deus autem vnus est.

Ad Ephes. cap. 4. v. 5. Vnus Dominus, vna fides, vnum baptisma. Vnus Deus, & Pater omnium, qui est super omnes, & per omnia, & in omnibus nobis.

I. ad Timoth. cap. 2. v. 5. Vnus enim Deus, vnus et mediator Dei, et hominum homo Christus Iesus.

Altera classis constituitur innumera propè loca, in quibus Sacra Scriptura, præcepto vnus Dei cultu, Idolorum Deorumque multitudinem detestatur, præcipua sunt.

Exodi cap. 20. v. 3. Non habebis Deos alienos coram me. cap. 22. v. 20. Qui immolat dijs occidetur, præterquam Domino soli.

Deuteronomij cap. 5. v. 7. Non habebis Deos alienos in conspectu meo. cap. 8 v. 19. Sin autem oblitus Domini Dei tui, secutus fueris Deos alienos, coluerisque illos et adoraueris; ecce nunc prædico tibi quod omnino dispereas. cap. 11. v. 16. Cauete ne fortè decipiatur cor vestrum, et recedatis à Domino, seruiatisque dijs alienis, et adoretis eos. & v. 28. Maledictionem si non obedieritis mandatis Domini Dei vestri, etc. et ambulaueritis post Deos alienos, quos ignoratis.

Iosue cap. 23. v. 7. Ne postquam intraueritis ad gentes, quæ inter vos futuræ sunt, inretis in nomine Deorum earum, et seruiatis eis, et adoretis illos: sed adheratis Domino Deo vestro. Psalmo 80. v. 10. Non erit in te Deus recens neque adoranda.

adorabis Deum alienum. Et sic de alijs sexcentis, ex quibus apertè constat præter vnum Deum verum, non posse dari alios Deos veros, sed omnes esse necessariò falsos, ita vt diuinitas in plures numero, vel specie distinctos Deos diuidi non possit, aliàs diuinæ Scripturæ malè cultum diuinum ad vnum solum numero, cæteris exclusis, & in abominatione habitis, restringeret.

Ad tertiam classem pertinent illæ Scripturæ loca, noui præsertim testamenti, quibus ita realis diuinarum personarum inter se distinctio statuitur, vt simul significetur eas esse vnā numero essentiam, vnā substantiam, siue vnā naturam diuinam, atque adeo vnū Deum, non autem tres Deos, vt asserunt hæretici.

Matthæi capite vltimo, & Marci 16. dum Christus Dominus iubet Apostolos baptizare: *In nomine Patris, & Filij, & Spiritus Sancti*. Etsi enim hæretici Sabelliani ex hoc loco suum errorem confirmare conati sint, nimirum Patrem, & Filium, & Spiritum S. vnā tantū esse trinomiam personā, eo quod Christus non dixerit, baptizātes eos in nominibus, sed in nomine Patris, & Filij, & Spiritus Sancti; Hoc solū indicat, vnitatē trium personarum in natura diuina. Quamobrem præscripta ibi baptizandi forma, in qua trium diuinarum personarum nomina propria, per coniunctionem, quæ diuersa copulat, omnium primò exprimuntur, refellitur, & Sabellius confundens personarum pluralitatem, vel vt ait Hieronymus in epist. ad Marcellam, *Trinitatem in vnus personæ angustias cogens*; & Tritheita naturam diuinam iuxta numerum personarum diuidens, ac triplicans, Ecclesia Catholica media incedente via, quæ contra primum errorem, realem trium diuinarum personarum inter se distinctionem, vel pluralitatem; contra secundum verò perfectam earundem in vna, & eadem numero substantia, vel natura diuina identitatem, & vnitatem docet; atque adeò non plures, sed vnum

tantum esse verum Deum.

Alter locus ad probandam contrarietatem vnitatem diuinæ essentia in tribus personis, siue tres personas esse vnum numero Deum, habetur Ioannis cap. 10. v. 30. vbi ait Christus Dominus, *Ego & Pater vnum sumus*; Quibus sanè verbis, quibus omnes etiā Patres tam Græci, quàm Latini, qui disputarunt contra Arianos, vsi sunt, quia tam Ariani filij diuinitatem negantes, quam Tritheitæ, illam quidem admittentes, sed in personis iuxta earum numerum multiplicantes, manifestè conuincuntur erroris, ideo, vt argumentum ex illis petitur, quo forsitan aduersus eos nullum est efficacius, Catholicorum manibus eriperent, illud *vnum sumus* primū Ariani ad vnitatem, aut concordiam voluntatis torquere conati sunt, exponentes Patrem, & Filium esse vnum non essentia, siue substantia, sed animorum consensu & vnanimi concordia voluntatum, vt refert Diuus Augustinus lib. 6. de Trinitate cap. 3. & lib. 2. contra Maximinum Arianum cap. 12. fusius autem lib. 3. contra eundem cap. 22.

Quam eandem postea explicacionem, licet ad alium ab Arianis finem, Tritheitæ libenter amplexi sunt, nimirum vt defenderent naturæ diuinæ in personis multiplicationem, quam stare posse cum vnitatē concordia probant pluribus Scripturæ testimonijs, quibus fideles vnum corpus, vna Ecclesia, vnū regnum esse dicuntur. Potissimum, verò Ioannis 17. v. 11. *Vt sint vnum sicut & nos*, & rursus versu 22. *Vt omnes vnā sint, sicut tu Pater in me, & ego in te, et ipsi in nobis vnum sint*; & iterum, *Vt sint vnum, sicut & nos vnum sumus, ego in eis, & tu in me, vt sint consummati in vnum*. Sed fideles inter se, & cum Christo Domino non sunt vnum substantia, & essentia, sed consensu fidei, & vinculo charitatis. Ergo Pater & filius ex prædicto testimonio non probantur esse vnus numero Deus, aut quid vnum essentia, siue natu-

natura; sed tantum consensu, & concordia.

Verum hanc expositionem, & objectionem subsistere non posse clarè patebit ex dicendis: quia tamen cum Arianis Christi diuinitatem negantibus modò non disputamus, sed cum Tritheitis, illam in diuinis personis multiplicantibus, ideo omisissis illis, quibus ex præfato loco Christi diuinitatem probare possemus, quæque infra sectione 11. proferemus, nunc solum nobis ostendendum est, intelligi debere de vna numero natura, non autem specie tantum in diuinis personis, vt contendunt Tritheitæ. *Primum* quia Concilia, & Patres vnanimi semper consensu, ex dicendis infra loco citato, his verbis Ioannis 10. *Vnum sumus*, substantialitatem Filij cum Patre, indeque diuinitatem contra Arianos probarunt, non igitur de vnitatem solum specificam; aut de vnitatem concordie debent intelligi, sed de vna, & eadem numero, singularique natura, qua diuinæ personæ sunt vnus numero Deus. *Secundo*, quia sicuti si in sacris litteris alicubi plures numero veri assererentur Dij, deberemus necessariò, ad multiplicatam trium diuinarum personarum, de quibus in illis sit mentio, multiplicare quoque diuinitatem, seu naturam diuinam, & consequenter, vbi dicerentur quid vnum, recurrere, vel ad vnitatem specificam, vel ad vnitatem concordie, aut alias similes glossas; ita per oppositum, cum ita personæ in diuinis multiplicentur, vt tamen, vbi cumque sit mentio in scripturis de vero Deo, loquantur semper de illo tanquam de vno solo singularique Deo, concedere debent aduersarij, tres diuinas personas esse tales vnitatem numericam eiusdem substantiæ, vel naturæ diuinæ: Ita vt Ariani silum à Patre in natura distinguentes, magis consequenter ad suum errorem locuti sint, cum creaturam appellantes, quam Tritheitæ cum pro Deo admittentes; adeo verum est dari non posse, nisi vnum numero Deum

verum, vel vnā numero diuinitatem, quantumuis tres in illa sint personæ realiter inter se distinctæ; ideoque ipsi Tritheitæ in Arianismum postea degenerarunt.

Tertiò, quia ad hoc vt tres personæ dicantur simpliciter, & absolute vnus Deus, siue quod idem est, quid vnum sine vilo addito, non sufficit vnitatem specifica naturæ diuinæ realiter in illis multiplicatæ, nec etiam vnitatem concordie voluntatum realiter distinctarum; frustra ergo recurritur ab aduersarijs ad huiusmodi interpretationes, vt eludant scripturæ loca, quibus vnus verus Deus perpetuò asseritur: Consequentia videretur esse legitima si antecedens est verum; quod probatur quo ad primam partem, quia sicut homines, quantumuis vnā, & eandem, habeant naturam specificam, non possunt dici vnus homo simpliciter, aut sine addito, quique sic loqueretur, malè loqueretur, non alia certè ratione, nisi quia talis natura realiter in illis numero multiplicatur; ita etiam diuinæ personæ, si natura diuina realiter in illis numero multiplicaretur, malè vocarentur, vt fit in diuinis scripturis, vnus Deus simpliciter, & sine addito: Quo ad alteram verò partem, quia in præfati difficultas non procedit de vnitatem moralis sed de vnitatem reali, & physica, qua Deus verus dicitur vnus Deus; igitur licet ad vnitatem moralem, posset, non obstante naturarum distinctione, sufficere vnitatem concordie, vt patet in exemplis superius in obiectione adductis ab aduersarijs, illa tamen non sufficit, vt tres diuinæ personæ dicantur vnus realiter, ac physicè Deus, vel quid vnum simpliciter, ac sine addito. *Quartò*, quoniam in sacris litteris quoties plura sic dicuntur vnum; vt non addatur quid vnum; significatur eadem prorsus natura, & essentia, si quidem illud *vnū* in neutro genere sine alio substantiuo nomine, valet idem, quod *vnus ens*, vnus autem entis vnitatem est essentia, quæ abstractum est entis,

tis, & solo significandi modo distinguitur ab ente : Quod etiam docet Diuus Augustinus locis superius citatis, & varijs probat exemplis, vt i. Corinth. cap. 6. v. 16. *qui adhæret meretrici, vnum corpus efficitur* ; non enim dixit vnum absolutè, sed vnum corpus : & rursum v. 17. *Qui autem adhæret Domino, vnus spiritus est* : non dixit vnum simpliciter, sed vnus spiritus. Tandem cum Ioannis cap. 17. versu 11. Christus prius rogasset pro fidelibus, *vt sint vnum*, id postea versu 21. declarauit, & explicuit, *vt & ipsi in nobis vnum sint*, nam cum fideles in Deo vnum esse non possint per identitatem substantiæ, & essentia diuinæ : consequens est, eo ipso significari solam vnitatem fidei, & charitatis, per quam primariò constituuntur vnum cum Deo, secundariò autem, vnum inter ipsos. Dum ergo Christus Dominus citato Ioannis cap. 10. non ait: Ego, & Pater vnum volumus, sed *vnum sumus* simpliciter, & absque vilo addito; significauit essentiam, à qua dicitur esse, in eo esse eandem prorsus, ac in Patre, atque adeo vnum numero Deum cum illo constituere, non autem specie vt asserunt Tritheitæ.

Eodem modo discurrendum est de altero loco eiusdè Sancti Ioannis epist. 1. capit. 5. vbi ait : *Tres sunt qui testimonium dant in Cælo, Pater, verbum, & Spiritus Sanctus, & hi tres vnum sunt*, vnitatem scilicet numericam eiusdè essentia, vel naturæ diuinæ, supposita, quam præfati non negant hæretici, personarum diuinitate, vt satis clarè ostendimus; cæterum quomodo tam ex isto, quàm ex alio loco probetur diuinitas Filij, & Spiritus Sancti, quam negant Ariani, & Macedoniani, & eorum consequenter cum Patre Homousian cum aliter diuinæ esse non possint, patebit ex dicendis infra sect. 11.

Secundò probatur eadem vnitatis Dei veritas vnanimi Sanctorum Patrum consensu, qui licet tres in illo diuinas agnouerint personas, nihilominus tamen illas non tres Deos, aut Dominos,

Bibliot. Theol. Tom. V.

sed vnum esse numero Deum acerrimè semper propugnauerunt. Et in primis occurrunt illi, qui aduersus Politheismum, & Idololatriam ex professo scripserunt, S. Iustinus Martyr, Tatianus eius auditor in libro contra Gentiles edito tom. 4. Biblioth. SS. PP. Tertullianus in Apologetico aduersus Gentes, Clemens Alexand. in orat. exhortat. ad Gentes, Minutius Felix in dialogo inter Christianum Octauium, & Echnicum Cæcilium; Cyprianus in lib. de Idololorum vanitate, Arnobius in libris 7. quos, vt probaret se verè factum esse ex Pagano Christianum, scripsit contra Gentes; nam octauus qui illi operi adiunctus est, non est liber octauus Arnobij, sed Octauius Minutij fellicis; Lactantius Firmianus Arnobij auditor in libris 7. diuinarum institutionum; quod opus primum fuit typis mandatum post typographiæ inuentio- nem cum insigni opere de Ciuitate Dei Sancti Augustini; Eusebius Cæsariensis in libris tam de Euangelica præparatione, quàm demonstratione, Sanctus Athanasius orat. contra Idola, Diuus Augustinus in libro 22. de Ciuitate Dei passim nec non in alijs contra Hæreticos Manichæos, qui habentur tomo 6. Cyrillus Alexandrinus in lib. contra Iulianum; Verum quia tam horum, quàm cæterorum Patrum vnitatem Dei asserentium testimonia proferendi non esset finis, ea dumtaxat loca, in quibus habentur, indicabimus, interdumque etiam magis insignia per extensum adducemus.

In saculo primo, & secundo.

Asserunt Patres Græci, Clemens Romanus *Constitut. Apostol. lib. 6. cap. 11. & 14. lib. 8. cap. 15. lib. 2. recognitionum*. Dionysius Arcopagita *de diuinis nominibus cap. 1. & de Mystica Theologia cap. 3.* Ignatius in epistola ad Philippenses : *Vnus ergo Deus, & Pater, non duos, neque tres*. Et ad Antiochenos : *Attendentes Apostolica doctrina*

Hh

na,

na, & legi, & prophetis credentes, abijcitur omnem Gentilem, & Iudaicum errorem, ut nec multitudinem introducat Deorum, nec prætextu unius Dei negetis Christum. Prochorus de vita B. Ioannis cap. 1. Agite itaque fratres favore consubstantialis Trinitatis; & cap. 5. Ioannes capit eos docere de una sola diuinitate Patris, & Filij & Spiritus Sancti, quam deberent adorare, & quod tres hypostases sint una substantia. Iustinus tam in euerfione quorundam dogmatum Aristotelicorum, quam in expositione Orthodoxæ fidei. Athenagoras in Legatione pro Christianis, Theophilus Episcopus Antiochenus lib. 3. ad Autolicum: Quæ utilitas manauit ad Orphanum, ex eo quod trecentos, & sexaginta Deos confessus est, quos tandem reiecit in testamento suo, cū obiret mortem, asserens unum esse Deum? Caterum nos Deum consistemus, unum cōditorem, creatorem, & opificem huius uniuersi. Ireneus lib. 1. cap. 2. & 19. lib. 2. cap. 1. lib. 3. cap. 3. & lib. 4. cap. 75. Clemens Alexandrinus lib. 5. Stromatum: Nihil religio nostra habet antiquius quam Deum unicum natura esse. Item lib. 1. Padagogi cap. 6. & 8. lib. 3. cap. 12.

Ex Patribus Latinis, Tertullianus in Apologetico aduersus Gentes cap. 17. aduersus Praxeam cap. 2. ad Scapulam c. 2. & lib. 4. contra Marcionem cap. 2.

In tertio, & quarto sæculo.

EX Græcis, Origenes *In proemio lib. 1. de principiis, & cap. 3. homil. 12. in Numeros; homilia 4. in Isaiam, ad cap. 3. epist. ad Romanos, nec non dialogo 1. de recta in Deum fide; Gregorius Neocesariensis in confessione fidei, Eusebius Cæsariensis de Preparat. Euang. lib. 11. cap. 9. & in epist. de fide Nicæna. Concilium Nicænum in Symbolo; Athanasius in orat. contra Idola, nec non, de æterna substantia filij, & Spiritus Sancti cum Deo; & in dictum omnia mihi tradita sunt à Patre &c. Sanctus Basilius epist. 141. quæ est Apolo-*

gia ad Cæsareanos; & sermone de Ascensione, sue exercitatione Monastica; item homil. 10. in Hexameron; Gregorius Nazianzenus in orat. 29. quæ est de dogmatibus, & constitutione Episcoporum; Et vnus Deus retinendus est, & tres persone constitutendæ, & quidem unaquaque cum sua proprietate. Item in orat. 13. quæ est 2. de pace. & 32. in præsentia 150. Episcoporum: Vna autem his tribus natura Deus est. Epiphanius hæresi 57. & 62. In ancorato. Cyrillus Hierosolymitanus Cathedesi 4. 6. & 16. Neque separamus Sanctam Trinitatem, sicut quidam; neque contrahimus sicut Sabellius. Gregorius Nyssenus lib. de Trinitate ad Eustachium: In multitudinē extendere numerum deitatum, eorum dumtaxat est, qui laborant errore multitudinis Deorum. Et præfatione in orat. Catechetica: Sin autem Deum quidam non esse dubitet, sed eo dilabatur, ut Deorum putet esse multitudinem, hæc aduersus eum ueniamur consequentia: Deum perfectum esse putat, an cui aliquid desit? Quod si, ut est consentaneum Dei naturæ, perfectionem suo attribuat testimonio, exigam ut ipse sit perfectus in omnibus quæ considerantur in diuinitate &c. Ioannes Chrysostomus homil. 20. in priorem ad Corinthios: Si ergo Patrem non ausus est appellare Dominum cum filio, ne apud illos ueniret in suspicionem, quod duos diceret Dominos: neque filium Deum cum Patre, ne existimaretur duos Deos dicere, quid miraris si non meminit Spiritus? Aduersus illos enim tunc decernabat, & contendebat ostendere, non esse apud nos Deorum multitudinem. Propterea illud, vnus, semper retinet, dicens: Nullus est alius Deus nisi vnus; item, nobis vnus est Deus; & vnus Dominus, & in sermone de Sancta, & consubstantiali uiuificaque, & inseparabili Trinitate.

Ex Latinis, Minutius Felix in Octauio: Rex vnus apibus, dux vnus in gregibus, in armentis rector vnus; tu in Cælo summam potestatem diuidi credas, & scindi veri illius, ac diuini imperij totam potestatem? Cum palam sit parentem,

rem omnium Deum, nec principium habere, nec terminum. Cyprianus de Idololorum vanitate: *Vnus igitur omnium Dominus est Deus. Neque enim illa sublimitas potest habere consortem, cum sola teneas omnem potestatem. Ad diuinum imperium etiam de terris mutuemus exemplum. Quando unquam regni societas, aut cum fide capit, aut sine cruce desit?* &c. Zeno Veronenfis sermone 1. de Genesi: *Hic est Deus noster, qui se digessit in Deum. Hic pater, qui suo manente integro statu, totum se reciprocavit in filium, ne quid sibi met derogaret. Denique alter in altero exultat, cum Spiritus Sancti plenitudine una originali coeternitate renitens.* Dionysius Papa apud Athanasium epist. de decretis Synodi Nicenae: *Marcionis vaniloqui doctrina, scelerationem, diuisionemque Monarchie in tres principatus instituit: Sed ea diabolica institutio est, non autem verorum Christi Discipulorum, & acquiescentium Saluatoris praeceptis. Illi enim ut Trinitatem praedicari a sacris litteris plane sciunt, ita tres esse Deos à veteri, aut a nouo Testamento uspiam induci nequaquam agnoscunt, &c. Non igitur diuindenda est in tres deitates admirabilis, & diuina unitas, & immensa maiestas, sed credendum est in Deum Patrem, & in filium eius Iesum Christum, & in Spiritum Sanctum, vniuique Deo totius vniuersitatis verbum: Ego enim, inquit, & Pater vnum sumus. Et, ego in Patre, & Pater in me: ita enim & Diuina Trinitas, & sancta praedicatio, professioque Monarchiae conseruari poterit.* Arnobius Rhetor lib. 2. contra Gentes; & Lactantius Firmianus in libris institutis. & in lib. de ira Dei cap. 11. *Ostendimus, inquit, in institutionibus nostris Deos multos esse non posse: quod diuina vis, ac potestas, si distribuatur in plures, diminui, eam necesse sit.* Osius Cordubensis in Synodo Nicena lib. 2. Hilarius ad Psalmum 134. & lib. de Synodis aduersus Arianos; Lucifer Calaritanus de non conueniendo cum haereticis: *Fides Apostolica, & Trinitatem consuetur perfectam, & unicam*

deitatem fasetur Patris, & Filij, & Spiritus Sancti. Phebadus lib. contra Arianos. Ambrosius ad caput 9. Lucae lib. 1. de fide cap. 2. & lib. 2. capit. 4. nec non lib. de dignitate humanae conditionis cap. 2. *Sicut Deus Pater, Deus Filius, Deus Spiritus Sanctus: non tamen tres Dii sunt, sed unus Deus tres habens personas: ita & anima intellectus, anima voluntas, anima memoria: non tamen tres anima in uno corpore, sed una anima tres habens dignitates.* Prudentius contra haeresin Dunitarum, praefat. in Apotheosin, & in Apotheosi contra Vniotas Optatus Mileuitanus lib. 4. Philastrius Brixienfis in haeresi triforme Deum facientium, cap. 47. Hieronymus ad caput 45. Isaiae: *Cum instructus armatura Apostoli, omnes docueris non esse alium Deum nisi vnum, qui sit Iacob, & Israel Deus, confundetur Marcion, duos Deos intelligent, vnum bonum, & alium iustum, alterum inuisibilem, alterum visibilem conditorem.* Item ad cap. 4. epist. ad Ephesios. Gaudentius Brixienfis in tract. 7. de Exodo, & in tractatu de promissione Paracleti; Rufinus in Apologia sua de fide ad Anastasium.

In quinto, & sexto saeculo.

EX Graecis, Synesius hymno 1. *Laudo te, vnum. Laudo te, tria. Vnum ens est tria: triaque ens vnum es.* Cyrillus Alexandrinus aduersus Anthropomorphitas cap. 6. De Adoratione in Spiritu lib. 3. Contra Iulianum lib. 4. & lib. 8. *Quod autem vnum & natura verè Deum, visibilem, & inuisibilem opificem, & Dominum confessus fuerit Moyses, & reuelauerit nobis, insicias ibi nullus.* Isidorus Pelusiota lib. 1. epist. 494. & lib. 2. epist. 142. *Minimè quidem oportet diuinitatis naturam Iudeorum more in vnum Deum, & Patrem contrahere; verum sanctam, atque eiusdem essentia Trinitatem dilatare: Si quidem personarum qualitate, atque hypostaseon proprietate distinguentes, per essentia identitatem eam rursus*

H h 2 in

in unum Deum contrahimus. Theodoretus in *Genesim* quæst. 20. in *Numer.* quæst. 44. & dialogo 1. Basilii Seleucienſis orat. de Verbi Incarnatione. Andreas Cæſarenſis ad cap. 10. *Apocalyp.* Ioannes Mazentius in *confeſſione fidei*: Eſt Deus Pater, Deus Filius, Deus etiam Spiritus Sæctus, non tres, ſed unus Deus, una ſubſtantia ſive natura, una ſapienſia, una virtus, una dominatio, unum regnum, una omnipotentia, una gloria, tres tamen ſubſtantia, ſive perſona. Aeneas Gazaſ in *Theophraſto*; Zacharias Mithylenæus de mundi æternitate contra *Philophos*. Procopius Gazaſ ad cap. 1. & 3. *Genesios*. Juſtinianus Imperator in *fidei confeſſione*. Ruſticus Diaconus contra *Acephalos*; Qui igitur unum ſunt Pater, & Filius, aliud non ſunt. Pater igitur, & Filius, & Spiritus Sæctus unum quidem ſunt, quia una eorum natura eſt: unus autem non ſunt, quia tres perſona ſunt. Anaſtaſius Synaita lib. 1. de recte fidei dogmatibus. Procopius Cartophylax in encomio S. Marci.

Ex Latinis Auguſtinus lib. 11. de *Civitate Dei* cap. 10. lib. 1. de *Trinitate* cap. 4. Omnes quos legere poſui, qui ante me ſcripſerunt de *Trinitate*, qua eſt Deus, diuinorum librorum veterum, & nouorum Catholici tractatores, hoc intenderunt ſecundum *Scripturas* docere, quod Pater, & Filius, & Spiritus Sæctus, vnius euſdemque ſubſtantia, inſeparabili aequalitate, diuinam inſinuent *Unitatē*. Ideoque non ſint tres *Dij*, ſed unus Deus. Item ſermone 6. de *Tempore*, & lib. 3. contra *Maximinum Arianum* cap. 10. Paulus Oroſius lib. 6. cap. 1. Deum quilibet hominum ad tempus contemnere poteſt, neſcire in totum non poteſt. Vnde quidam dum in multis Deum credunt, multos Deos indiſcreto timore ſiſſerunt; ſed hinc iam vel authoritate veritatis operante, tum ipſa ratione deſcendente diſceſſum eſt. Quippe cum & *Philophi* eorum (ut de noſtris Sæctis ſileam) dum intento mentis ſtudio quarunt, ſcrutanturque omnia, unum Deum authorem

omnium reperiunt, ad quem unum omnia referuntur: unde etiam nunc pagani, quos iam declarata veritas, de conſumacia magis, quam de ignorantia convincit, cum à nobis diſcuntur, non ſe plures Deos loqui, ſed ſub uno Deo magno plures miniſtros venerari ſolentur. Paulinus Nolanus *epiſtol.* 23. & 25. Vincentius Lerinenſis contra *hereses* cap. 22. Beata Catholica Eccleſia, qua unum Deum in *Trinitatis* aequalitatem in una diuinitate veneratur: ut neque ſingularitas ſubſtantia perſonarum confundat proprietatem, neque item *Trinitatis* diſtinctio unitatem ſeparet *Deitatis*. Petrus Chryſologus ſerm. 57. 59. & 60. Deus vnus eſt, ſed *Trinitate*, Deus ſolus eſt, ſed non ſolitaris: Diuinitas nec *Trinitate* diuiditur, nec confunditur unitate. Eucherius Lugdunenſis de *Spiritualibus* formis cap. 1. & *Homilia* 1. de *Epiphania*. Arnobius Romanus de Deo Trino, & Vno; Sicut vnus Deus ſecundum *Sacram Scripturam* credendus eſt, qua dicit: Dominus Deus tuus Deus vnus eſt: ita ipſe vnus Deus Pater verus, Filius verus, Spiritus Sæctus vnus & verus credendus eſt Deus. Leo I. ſermone 1. de *Pentecoſte* cap. 3. & ſerm. 2. cap. 3. Claudius Marius Viſtor præſatione in *Genesim*. Eugenius Carthagenſis de fide ad *Humericum*. Saloniſ in *Eccleſiaſten Salomonis*; Quis eſt iſte funiculus triplex, de quo dicit Salomon, qui diſſicile rumpitur? Vnitas Patris, & Filij, & Spiritus Sæcti; quia in diuinitate tres ſunt perſone, ſed vna tantum eſt natura. Ferrandus Diaconus *Regula* 4. Fulgentius lib. 2. ad *Monimum* cap. 7. & 11. libr. 2. ad *Trasimundum* cap. 1. & 9. Libr. ad *Donatum* cap. 2. & 3. Boetius lib. 1. & 2. de *Trinitate*; lib. 3. de *conſolatione ad Philoſophiam* proſa 10. Omnis Beatus Deus, ſed natura quidem vnus eſt Deus; participatione verò nihil prohibet eſſe *quampſurimos*. Paſchaſius Diaconus *Præſatione* in libros de *Spiritu Sæcto*, nec non lib. 1. cap. 4. Hormida *epiſtola* 76. ad *Iuſtinum*, omnino videnda. Caſſiodorus ad *Pſal.* 50. & 116. Iuni-

Iunilius Africanus in Genesim; *Quod dicis faciamus*: una ostenditur operatio trium personarum: In eo verò quod sequitur ad imaginem, & similitudinem nostram, una & aequalis substantia eiusdem Trinitatis indicatur. Gregorius Magnus in Symbolo, & homilia 27. in Ezechielem, Vnum Deum esse Trinitatem, & Patres veteris Testamenti, & predicatorum professi sunt Novi Testamenti.

In septimo, & octavo seculo.

EX Græcis, Leontius de Sectis act. 1. Antiochus de fide homil. 1. Sophronius Hierosolymit. epistola ad Honorium, & alia ad Sergium Constantinopolitanum. Maximus Monachus Centuria 2. de charitate num. 29. & Expositionis Liturgia capit. 24. Thalassius Hecatonstade 4. num. 84. num. 85. nu. 98. Petrus Episcopus Nicomediæ in 6. Synodo Constant. act. 10. Germanus Constantinopolitanus epist. ad Ioannem Synadon. Ioannes Damascenus lib. 1. cap. 5. & cap. 10. Elias Cretensis in orat. 1. & 23. Nazianzeni.

Ex Latinis, Isidorus Hispalensis presb. in Numer. & lib. 7. Etymologiarum cap. 4. Concilium Toletanum 4. & 6. S. Hildephonfus Toletanus serm. 5. de Assumptione Mariæ. Concilium Toletanum 11. in confessione fidei Sancta Trinitas, unus & verus est Deus, nec recedit a numero, nec capitur numero. Agatho epistola ad Constantinum Imperat. Aponius lib. 3. in Cant. Totius aula regia ianua est, æternum, unum, verum, in unitatis essentia semper manentem credere Deum. Beda in librum Boetij de Trinitate, nec non, de substantijs, & ad caput 5. Ioannis. Alcuinus lib. 1. de Trinitate cap. 3. Ambrosius Ansbertus lib. 3. in Apocalyp. Carolus Magnus ad Elipandum Toletanum Episcopum, & lib. 1. legum cap. 6. & 32.

In nono, & decimo seculo.

EX Græcis, Nicephorus Constantinopolitanus epistola ad Leonem III. Michael Syngelus in encomio Dionysii Areopagite. Theosterictus de Sancto Nicephoro. Basilus Macedo Imperat. in exhortatione ad Leonem cap. 1. Leo Philosophus Imperat. epist. ad Omarum Regem Saracenorum. Theophylactus ad cap. 12. Ioannis, & 4. poster. ad Corinthios. Moses Barcephas de Paradiso parte 2. cap. 6. Statuimus arborem vitam mysticam, esse meditationem, atque cognitionem qua profitemur Sacrosanctam Trinitatem, hoc est, unum esse Deum, & tres personas sanctas, siue unitatem in Trinitate, & Trinitatem in unitate.

Ex Latinis, Haymonius ad cap. 43. Isaia, & super Euangelium in feria 6. Pascha: Arelatense Concil. 4. in confessione fidei Angelomus lib. 1. Regum cap. 1. & 13. Hincmarus in Vita Sancti Remigij; Rabanus Maurus epistola ad Bonosum Abbatem: Deus iste, quem nullus Deorum gentilium negare ausus est verum Deum: Quia etsi negaret, non solum subiaceret debitis penis, verum etiam certis convinceretur effectis. Iste ergo Deus, illos falsos esse Deos, & omnino deserendos, eorumque templa, simulachra, & sacra evertenda per suos vates, hoc est, Prophetas, aperta denunciatione predixit, aperta potestate precepit, aperta veritate complevit. Remigius Antifiodorensis de celebratione Missæ. Radulphus Flaviacensis lib. 10. in Leviticum cap. 2. Smaragdus Abbas ad cap. 4. epistola ad Ephesios.

In Vndecimo, & duodecimo saculo.

EX Græcis Oecumenius ad cap. 2. prioris ad Timotheum. Euthymius ad cap. 12. Marci. Illud, Audi Israel Dominus Deus noster Dominus unus est, res demonstras hypostases, unamque diuinitatis naturam: cum enim dicitur Dominus, deinde Deus, & rursum Dominus, res personæ manifestantur; quod autem additur, unus, natura declarat unitatem. Ioannes Zonaras tom. 3. *Annal. in Constantino Magna*: Dic mihi, inquit Constantinus ad Syluestrum, an Deos colatis, qui Petrus, & Paulus nominantur? respondet ille: Unus a nobis Deus agnoscitur: Petrus, autem & Paulus sunt eius famuli, & ministri. Georgius Cedrenus in Constantino: Diuersas in Deitate naturas statuere, Græcum est, unicam personam, Iudaicum: ceterum sanctam, & quam essentia Trinitatem deducere in tres personas, hasque in unam naturam recolligere, rectissimum est, & vera sententia. Constantinus Harmenopolus de fide Orthodoxa. Nicetas Choniates lib. 2. Orthodoxæ fidei cap. 21. 22. & 31. lib. 4. cap. 14.

Ex Latinis, Beruo Augienfis serm. 7. de Sancto Marco: sicut in hac trium litterarum copulatione diuiso non admittitur, ut pax adimpleatur: ita nec Sancta Trinitas in diuinitatis substantia, ullam diuisionem patitur, ut Pater, & Filius, & Spiritus Sanctus rectè credatur. Guirmundus Auerlanus in confessione de S. Trinitate, Anselmus de Incarnatione Verbi cap. 8. ad caput 4. epist. ad Ephesos, & libro de vestimentis, & membris, & artibus Deo attributis: Sicut enim digiti cum manu, vel brachio, manus verò, & brachium cum corpore, unum sunt in natura: ita Pater, & Filius, & Spiritus Sanctus tres quidem persone, sed una substantia diuinitatis. Rupertus Tuitirensis lib. 6. in Ioann. cap. 6. & lib. 5. de glorificatione Trinitatis cap. 18. Hugo Victorinus lib. 7. eruditionis Didascalicæ de Trinitatis sū-

mæ per visibilia agnitione cap. 19. Hoc quoque natura ipsa docet, Vnum scilicet esse rerum omnium opificem, unum esse rectorem: Nam si diuersa intus consilia presidendum essent, ipsi se foris rerum cursus ab inuicem aliquando diuiderent. Nunc autem omnia, dum sic concorditer ad unum finem currunt, profectò indicant, quod unus est fons, & origo unde procedunt. Richardus Victorinus lib. 1. de Trinitate cap. 25. Quam non potest esse omnipotens nisi unus, iam non potest esse Deus nisi unus: constat itaque quod credimus: quia vera diuinitas manet in unitate substantiæ, & substantiæ veritas in una diuinitate. Bernardus sermon. paruor. 51. & lib. 5. de considerat. ad Eugen. cap. 8. Petrus Lombardus lib. 1. distinct. 2. Otto Frisingensis de rebus gestis Frider. Imperat. lib. 1. cap. 5. Non tria apud nos, quæ Plato posuit inueniuntur principia, sed unum tantum: Deus Pater, ex quo omnia: Deus Filius, per quem omnia: Deus Spiritus Sanctus, in quo omnia. Et hi tres, sicut nec tres Dii, ita nec tria principia, nec tria æterna, sed unum principium, & unum æternum. Hugo Etherianus lib. 1. de Spiritu Sancto cap. 8. & lib. 3. cap. 1. Petrus Blesensis epist. 83. Potho Brumienfis lib. 4. de statu Domus Dei cap. 2. Adam Victorinus in prosa de S. Trinitate. Innocentius III. lib. 4. de mysterijs Missæ cap. 9.

Qui in alijs deinceps sæculis pro unitate Dei scripserunt aduersus Polytheismum, & Idololatriam innumeri cum sint, tum Doctores Scholastici, tum alij, sufficit præclariora Scripturæ, & veterum Patrum loca allegasse cõtera nouos Tritheitas, siquidem admissa semel ab illis Sacrarum Scripturarum, Sanctorumque Patrum eas interpretantium autoritate, inde facillè, si contumaces non fuerint, conuinci poterunt. Quod enim Deus unus sit, ut supra iam notauimus ex Damasceno, & non plures, apud eos, qui diuinæ Scripturæ fidem adhibent, extra controversiam est. Quia autem multa in diuinis

uinis reuelantur Scripturis, naturaliter etiam de Deo cognoscibilia, nunc examinandum est, an inter illa numerari debeat, quod sit vnus; siue, quod idem est, an aduersus Politheistas Scripturas negantes, vnum tantum esse Deum, vel non vno plures posse Deos esse, valeat demonstrari, vnde sit.

C A P V T I I I.

*An Deum esse tantum vnum demonstra-
ri naturaliter possit.*

Priusquam in particulari adducamus, & ponderemus rationes metaphysicas, quibus tam Philosophi Gentiles, quam etiam veteres Ecclesiæ Patres vnitatem Dei aduersus Politheistas ostendere conati sunt, placuit hanc questionem pro maiori rerum deinceps discendiarum luce præmittere; circa quam duo sunt præcipua doctorum placita. Qui enim, vt vidimus sectione superiori cap. 3. negant demonstrabilem esse Dei existentiam lumine naturali, multò magis id fateri tenentur de eius vnitatem; quodque consequenter probabili duntaxat ratione suaderi possit immultiplicitas diuinæ naturæ in plura indiuidua, non autem certo, nisi ex Scriptura, adducendo nimirum moriua credibilitatis, quibus sectione 2. huius libri ostendimus euidenter esse credibile, quod doctrina in sacris litteris contenta, quæque ex illis proponit Religio Catholica, fuerit diuinitus reuelata, atque adeo certissimè per seidem credenda. Pro hac sententia citari solent Guillelmus Ocham, Gabriel, Maior; Petrus Allianensis in 1. sentent. & alij nonnulli.

Alij per oppositum docent singularitatem diuinæ naturæ, seu quod plures dari non possint veri dij, non solum esse certum ex fide, verum etiam euidentem ex ratione. Quæ sententia, vt est inter Patres, ac doctores communior, ita quoque videtur mihi non solum probabilior, sed omnino certa, eodem tamen modo proportionaliter intelle-

ctæ, quo superiori sectione explicauimus naturaliter etiam demonstrabilem esse Dei existentiam; Etsi enim eius vnitas nonnihil abstrusior videatur, indeque forsan multo plures fuere, qui in illa, quàm qui in existentia Dei errauerunt; nihilominus absolutè loquendo, eadè videtur esse ratio de existentia, ac de vnitatem Dei, vnde sicut illa demonstrari potest, ita & hæc; nedum de possibili, aut quatenus quis asserere posset, dari quidem sufficiens medium, per quod talis veritas possit demonstrari, illud autem non cognosci; verum etiam de facto, siue loquendo de rationibus in hunc finem à Philosophis, & Patribus adduci solitis; quia licet nonnullæ forsan ex illis, per se, ac sigillatim sumptæ, non ita conuincant intellectum, quin homo proteruius, aut malè affectus, suisque passionibus obæcatus, aliquas possit euasiones inuenire, nihilominus omnes simul consideratæ sunt efficacissimæ, & aliquæ, si non omnes, attentis duntaxat principijs philosophicis naturaliter notis, sunt veræ, ac perfectæ demonstrationes, ad probandam contra Politheistas, vnicum tantum esse verum Deum, si vim earum diligenter perpendere possint, ac velint. Sic enim D. Paulus ad Romanos 1. ait fuisse inexcusabiles Philosophos, quia cum cognouissent Deum, non sicut Deum glorificauerunt, aut gratias egerunt, hoc est, illi soli diuinum exhibendo cultum, sed euannerunt in cogitationibus suis, &c. & mutauerunt gloriam incorruptibilis Dei, in similitudinem imaginis corruptibilis hominis, & volucrum, & quadrupedum; &c. at si vnitas Dei non esset, sicut & existentia, certò cognoscibilis, solo etiam lumine naturali, malè ab Apostolo inexcusabiles dicerentur Philosophi, quod præter vnum verum Deum ab ipis ita cognitum, alios coluissent Deos.

Quod igitur, tot olim homines in eo fuerint errore versati, vt plures existimauerint esse Deos, imo, quod mirabilius est, bruta animalia, volucres, & serpen-

serpentes, imo & lapides vt Deos adorant, nullum indè sumi potest argumentum, vt contraria veritas de vnitatē Dei non censeatur demonstrabilis naturali lumine: seu quod in idem redit, hic error Gentilium in pluralitate Deorum non prouenit ex defectu sufficientis in contrarium demonstrationis, sed ad alias referendus est causas; *Primo* ad hebetudinem mentis, præ qua multi rationum vim, ac pondus penetrare non potuerunt; indeque, præcipuis duntaxat Philosophis vnitatem Dei agnoscētibz, Idololatria potissimū viguit apud vulgus, Deo etiam ita permitte in iustam plerumque pessimæ hominum vitæ punitionem; *Secundo*, quia ipsimet Philosophi, licet vnum Deum cognoscērent, & existimationem plurimū Deorum, vulgi errorem esse non ignorarent, profiteri tamen veritatem non ausi sunt, sed vt populo condescenderent, adoratione omnino fīta plures Deos venerati sunt; vel etiam quia decepti sunt à dæmonibus, qui affectantes diuinos honores, illis persuadebant sibi etiam esse debitos propter insignem excellentiam, & potestatem; quod certe mirum non apparebit consideranti, plures alios turpissimos errores contra lumen naturæ in iisdem per peccata excēcatis fuisse. Quare ad eorum postea exemplum, apud imperitum vulgus, quod humana opinione, & consuetudine duci solet, Idololatria magis semper, ac magis inualefcere, propagareque potuit, accedentibus etiam omnibus alijs causis cap. 1. assignatis, non autem ex eo quod naturaliter ineuidēs, aut indemonstrabile sit vnum tantum, Deum esse.

Quod etiam Dei vnitas abstrusior, minusque perua dicatur lumini naturali, quam eiusdem existentia, nihil obstat eius demonstrabilitati, cum vnā veritatem esse alia abstrusiores, absolute non arguat, eam esse indemonstrabilem nisi aliquid aliud accedat, viribus naturæ omnino insuperabile, quod in presenti non contingit veritate, quia

nihil apparet in ea quod repugnet, aut difficilem, intellectui eam reddat: & è contrario multa sunt, quæ non proteruum, aut non omnino prauè affectum animum statim ad illius inclinent assensum, tum Metaphysica, tum Physica, tum moralia, vt patebit ex infra dicendis; adeò vt mediocris non sit difficultas in explicando, quomodo viri in philosophia eruditi plures Deos admittere, verèque colere potuerint, vt patet ex dictis cap. 1. proptereaque D. Bonauentura in 1. dist. 2. art. 1. quæst. 2. rectè ait: *Plures esse Deos, neque esse possibile, neque esse intelligibile, si rectè accipiatz significatuz huius nominis Deus*. Vnitas ergo Dei, non ob indemonstrabilitatem dicitur latentior existentia eiusdem, sed, aut præsuppositiuè, quia veritas vnitatis supponit veritatem existentia diuinæ; eo modo quo mysteriū diuinæ incarnationis solet interdum vocari difficilius intellectu, ipso Trinitatis mysterio; aut etiam quia Deum esse vnum, non ita immediatè colligitur ex effectibus creatis, ac eum existere, sed mediatè solum, quatenus ex effectibus primū demonstratur de Deo aliqua proprietas, ex qua concludi potest, repugnare enti habenti huiusmodi proprietatem, quod multiplicetur. v. g. quod sit ens à se, aut per se necessarium, ac infinitum; in ens enim à se, vel per se necessarium, & infinitū, vbi semel ex creaturis probata est eius existentia; multiplicatē cadere non posse, infra ostenderut.

Inquirer aliquis an Deum esse tantum vnum, ita sit lumine naturali peruium, vt de tali veritate dari non possit ignorantia inuincibilis? circa quam difficultatem, quæ solet tractari, tum 1. 2. quæst. 76. sub alio titulo magis vniuersali, scilicet, an earum rerum, quæ sunt iuris naturalis, possit dari ignorantia inuincibilis; tum 2. 2. quæst. 10. vbi agitur de infidelitate in communi; duo sunt præcipua doctorum placita, aliqui enim simpliciter negant dari posse ignorantiam inuincibilem vnitatis Dei; alij

verò

verò absolute affirmant. Pro cuius explicatione, primò distinguendum esse, puto de illo obiecto, secundum quod cadit sub præceptum fidei supernaturalis, & præcisè secundum quod comprehenditur sub obligatione præcepti naturalis; cum enim duæ sint partes matricæ fidei, vna supernaturalis omnino, quæ nisi per reuelationem cognosci non potest, vt mysteria Trinitatis, Incarnationis, & cætera huiusmodi; alia verò naturalis, quia per rationem naturalem attingi potest, vt Deum esse, & vnum esse; inter quas est discrimen in hoc, quod circa priorem materiam solum cadit obligatio præcepti supernaturalis, quia lumen naturale illam non attingit, circa posteriorem autem cadit duplex obligatio, vna præcepti supernaturalis fidei, quatenus etiam illa pars à Deo reuelata est, & alia præcepti naturalis, quo obligatur homo ad illas veritates cognoscendas etiam in pura natura; inde sequitur propositam difficultatem, an dari queat de vnitatis Dei ignorantia inuincibilis, posse de illa procedere vtroque modo considerata.

Incipiendo ergo à primo, verisimilius esse puto, illo posse dari ignorantiam inuincibilem de Deo vno; quia, vt sumitur ex Diuo Thoma 2.2. qu. 10. art. 1. dari potest ignorantia inuincibilis totius reuelationis fidei, non minus vt est de veritatibus naturalibus, quam vt est de supernaturalibus; siquidem reuelatio fidei de quacunque materia sit, etiam naturali, non fit nisi modo supernaturali, ac proinde per prædicationem, & propositionem rei credendæ sub auctoritate diuinæ, sub illo igitur respectu quo Deum esse vnum diuinæ subiacet reuelationi, atque adeo redditur materia, & obiectum fidei, dari potest ignorantia illius inuincibilis in omnibus his, ad quos non peruenit hæc reuelatio, nec sufficiens propositio eius, cuiusmodi sunt infideles, qui negatiui appellantur. Nos enim in presenti non loquimur de his, qui Euangelium audierunt, vel au-

dire potuerunt, quorum satis constat infidelitatem esse positivam, & per consequens peccatum; sed tantum de illis, qui ipsum Euangelium, aut doctrinæ reuelatæ prædicationem audire nullo modo potuerunt.

Iam si habeatur sermo de hoc obiecto altero modo spectato, hoc est, lumine naturali cognoscibili, eadem ratione de illo, ac de existentia ipsiusmet Dei, proportionaliter discurrendum videtur. Vnde secundò assero, nullam reperiri nationem, vel communitatem, apud quam dari contingat ignorantiam inuincibilem de vnitatis Dei, siue negatiuam, hoc est nullo modo cogitando de illa, siue positivam, hoc est positivè asseriendo, quod non sit vnus. Ista conclusio patet ex dictis; nec non etià ex eo, quod præceptum colendi vnum Deum naturale est, & per ipsum lumen rationis sufficienter promulgatur; ergo dari non potest ignorantia inuincibilis illius in tota aliqua natione, multoque minus in toto genere humano; adeo vt talis præcepti transgressio propter ignorantiam excusari valeat. Etsi enim fieri possit, vt dicta promulgatio aliquibus personis, & pro aliquo tempore sufficienter non applicetur; vel quia, ob incapacitatem, rationes vnde vnitatis Dei colendi probatur, inuenire, aut penetrare nequeunt; vel etiam, quia maiores illas comprehendentes, à quibus docendi essent, interdum negligentes in hoc præstando se habere possunt: Ex suppositione tamè quod hæc veritas sit naturaliter cognoscibilis, maximèque necessaria ad conuenientem institutionem humanæ vitæ etiam merè naturalem, & ad tendendum in vltimum finem eiusdem ordinis, dabilis non videtur ignorantia inuincibilis illius in tota aliqua natione, minusque in toto genere humano; seu quod idem est, videtur impossibile, stante præsertim suauitate diuinæ prouidentiae, quin semper inter homines fuerint, modoque sint aliqui, qui Deum esse vnum naturaliter cognoscere, idque cæteros edocere potuerint; vt satis pa-

ter in Philosophis ferè omnibus, quos propterea Apostolus ad Rom. 1. vocat inexcusabiles, vt diximus supra ob falsorum Deorum cultum; quod tamen non esset verum, si vnitatem Dei defectu luminis naturalis inuincibiliter ignorassent. Quare aduertendum est, eos maximè qui aliquam habent cognitionem vnius Dei, & errant putando esse alios Deos, quibus diuinus sit tribendus cultus, nullo modo posse per ignorantiam inuincibilè excusari; cum ipsamet existimatio vnius veri Dei sufficiat ad illam ignorantiam, & deceptionem expellendam, si vellent, vt tenentur, aduertere. Nam qui credit, & recognoscit esse in Republica vnum supremum regem, in ipsamet familia vnum supremum caput, vel dominum, quomodo ignorare potest peculiarem honorem illis debitum, non esse alteri exhibendū: de quo redibit sermo cap. 6.

An autem dari possit aliqua ignorantia innuincibilis de vnitatem Dei, respectu particularis indiuidui adulti, & ratione vtentis, per quam ab Idololatria excusabile reddi valeat; breuiter dico, vel illam dabilem non esse, saltem pro longo tempore; vel esse rarissimam, & non posse inueniri, nisi in homine adeo rudi, vt vix censeatur gaudere pleno rationis vsu, præcipuè in his superioribus rebus. Vt accidere potest in aliquo Gentili, qui neque per se philosophari valeret, nec vllam aliundè rectam instructionem haberet: ad hanc enim vnitatem de qua agitur, licet naturaliter sit cognoscibilis, cum tamen per se nota non sit, necessaria est, vel inuentio, vel doctrina, vt cognoscatur; Ergo in illo casu in quo rusticus Gentilis, vel ob summam mentis hebetudinem, per propriam inuentionem comparare hanc notitiam non posset, vel etiam defectu sufficientis doctrinæ, quia ipsimet maiores, aut parentes, à quibus instruendus esset, in simili errore versarentur, aut in eo depellendo negligentes essent, fatendum esset in huiusmodi homine toto illo tempore inueniri posse igno-

rantiam de vnitatem Dei inuincibilem, ob quam tunc ab Idololatria, vel ab errore circa multitudinem Deorum excusabilis redderetur.

Hanc cæterum ignorantiam, haud habere locum posse in homine adulto plenum rationis vsu habente, longo saltem, vel toto vitæ suæ tempore, clarè demonstrant, tùm huc vsque dicta, tùm quæ veteres docent de intestino illo, ac tacito testimonio, quod suus cuique dicit animus, etiam vanis Deorum superstitionibus, ac publicis erroribus occupatus, non minus circa Dei vnitatem, quàm existentiam; de quo librū Tertullianus edidit, quem de testimonio aduersus gentes inscripsit, in eo demonstrans homines eò instinctu naturæ ferri, vt vnicum Deum agnoscant, ac communi sermone spontè fateantur. Passim enim ita loqui Gentiles ait: *Quod Deus dederis, & si Deus volueris. Item, Deus bonus est; Deus benefacit; benedicat te Deus. Tum, Deus videt omnia, & Deo commendo, & Deus reddet, & Deus inter nos indicabis.* Videndus est etiam in Apologetico cap. 17. vbi eadem habet: Et, *ò testimonium, inquit, animæ naturaliter Christiana.* Idem asserit Minutius Felix in Octauio: *Audito vulgus, inquit, cum ad celum manus tendit, nihil aliud, quam Deum dicunt; et Deus magnus est: et Deus verus est: et si Deus dederis. Vulgi iste naturalis sermo est, an Christiani consentis oratio?* Idem & Arnobius gentilibus objicit, in secundo libro, nec non Lactantius lib. 2. Instit. cap. 1. *Nam & cum iurant, inquit, et cum optant; et cum gratias agunt, non Iouem, aut Deos multos, sed Deum nominant, adeo ipsa veritas, cogente natura, etiam ab inuisis pectoribus erumpit. quod quidem nō faciunt in prosperis rebus. Nam tūm maximè Deus ex memoria hominum elabitur cum beneficijs eius fruētes, honorem dare diuina indulgentiæ deberent. At verò si qua necessitas gravis presserit; tunc Deum recordantur. Si belli terror infremuerit; si morbarum pestifera vis incubuerit; si alimenta frugibus longa siccitas denegauerit;*

*vis; si sana tempestas; si grando incuben-
ris; ad Deum confugiunt; à Deo petitur
auxilium; Deus ut subueniat oratur. Si
quis in mari, vento saeuiente iactatus,
hunc innocat. Si quis aliqua vi afflictus
tur, hunc protinus implorat. Si quis ad
extremam mendicandi necessitatem de-
ductus, victum precibus exposcit, Deum
solum obtestatur; & per eius diuinum,
atque vnicum numen hominum sibi mise-
ricordiam querit. Hæc Lactantius ele-
gantissimè ad præfens institutum. Plo-
tinus denique Enn 6.lib.5.cap.1. egre-
giè illud idem testimonium animæ sin-
gularem Deum profitentis agnouit,
vbi ait: Vnum quiddam, idemque nume-
ro esse simul ubique totum communis in-
dicat mentis humana notio, quando omnes
naturali quodam instinctu clamant in
vnoquoque nostrum esse Deum: adeo ut
vnus in omnibus idemque sit Deus, &c.
Atque hoc est omnium firmissimum prin-
cipium, quod anima nostra velut eloquū-
tur, quod ex singulis in vnā summam
redigitur. Quod etsi testimonium ex
communi doctorum, indoctorumque
iudicio peti posset, quia tamen præ-
clarius in ore primorum haberi solet,
inde capite sequenti præcipua eorum
dicta proferemus, quibus vnicum Deū
esse professi sunt.*

CAPVT IV.

*Offenditur verum Deum esse vnum ex
naturali instinctu, consensuque
hominum pro doctoribus præ-
sertim inter gentiles ha-
bitorum.*

VT aduersus hæreticos diuinariū
Scripturarum auctoritatem re-
cipientes, ea vti sumus cap. 2. ad de-
monstrandum vnum esse numero Deū
quantumvis tres in illo sint personæ;
ita quoque veterum Patrum exemplo,
cum aduersus gentiles Deorum cultores
Christianam in hac parte causam
agerent, insignium in hoc capite
Poetarum, ac Philosophorum, nec nō
Bibliot. Theol. Tom. V.

Sybillarum testimonia quamplurima
adducemus, quæ vnicum Deum esse,
Deos autem illos, quos vulgus asciuit,
mentitos, & inanes esse prædicant.
Eiusmodi non pauca Patres cap. 2. ci-
tati memorarunt, Iustinus in *Cohortat.*
ad *Græc. & lib. de Monarch. tum Athe-
nagoras in Orat. pro Christianis;* Cle-
mens Alexandrinus *Admonit. ad Gen-
tes, & in lib. 7. Stromat.* Lactantius *lib. 1.*
Institut. cap. 3. 4. & 5. nec non in libro
de ira Dei cap. 11. Cyrillus Alexandri-
nus *lib. 1. contra Iulianum,* Eusebius
*lib. 13. de Preparat. Euang. & alii pas-
sim.*

Primum igitur è prophanis Scri-
ptoribus, quorum extant opera, Mer-
curium Trismegistum, etsi Sacerdos
esset, & ad Idolorum templa confede-
ret, eadem sensisse, quæ Moyses do-
cuit, & vnum Deum laudibus cele-
brasse, testatur Cyrillus Alexandrinus
lib. 1. contra Iulianum, fidemque fa-
ciunt eiusdem Mercurij verba in Pi-
mandro vbi Deum deprecans, vt ra-
tionabile sacrificium suscipiat, sic eum
in singulari alloquitur: *Ineffabilis, indi-
cibilis, silentio vocatus:* qui scilicet si-
lendo vocaris, audiens etiam silentes:
mox orationem exordiens ait: Sanctus
Deus, qui vult cognosci, & cognosci-
tur à suis. Sanctus es qui solo verbo
cuncta fecisti. Sanctus, cuius omnis
natura fuit imago. Sanctus es, quem
non formauit natura. Nimirum cuius
forma nusquam in natura est. Sanctus
es, qui superior, & fortior es omni po-
testate. Sanctus es, qui es omni laude
superior. Sic Trismegistus. Et quam-
uis nonnulli dubitent, vel etiam ne-
gent, ea opera, quæ sub eius nomine
circumferuntur, esse ipsius, sed ficta
à posterioribus fuisse, plures tamen
alii oppositum docent, omnes autem
conueniunt esse alicuius antiqui Phi-
losophi vnum solum verum Deum,
agnoscentis; cuius etiam testimoniis
cum vti fuerint Lactantius, Augustinus
& alii multi viri doctissimi, dicendum
est ea probatam continere doctrinam.

De quo fufius videri poteft Auguftinus Eugubinus tom. 3. lib. 3. de perenni Philofophia cap. 3.

Orpheus, cum antea trecentum, ſexaginta quinque Deos inuexiſſet, vnum poſtea ſub mortem agnouit, vt teſtatur Theophilus in tertio ad Autolicum, & inter alia, quæ de Deo vero cecinit, ſic habet :

Vnicus eſt per ſe exiſtens, qui cuncta creauit,

*Inque his ipſe extat : nulli è mortali-
bus vquam*

*Lumine conſpectus, mortales conſpicit
omnes.*

Deinde

*Magnum adeo præter regem non alter
habetur.*

Item,

In cunctis Deus vnus.

Homerus etiam, qui pater fabularum viſus eſt, poeticoſque illos Deos nunquam non habet in ore, naturæ tamen inſtinctu, ſæpe Deum vniuerſalem, quemadmodum Philoſophi, & poſterior ætas, cui ſingularis innotuit diuinitas, nominauit. E quibus eſt illud, quod adducitur etiam à S. Iuſtino Philoſopho, & Martyre in Apologia, vbi ſic Phœnicem cum Vliffe inducit loquentem.

*Non mihi ſi Deus hinc etiam promiſ-
ſerit ipſe,*

*Mutato ſenio, viridem inſtaurare iu-
uentam.*

Significans, inquit Iuſtinus, hoc modo loquendi per antonomafiam verum Deum.

Qui poſt Orpheum, & Homerum deinceps floruerunt celebriores Poetæ vnius quoque ſupremi numinis exiſtentiam notam habuere, clariuſque adhuc ſuis ſcriptis mandata reliquere, Heſiodus apud Clementem Alexandrinum.

*Ipſe etenim rex cunctorum, dominus-
que gubernat*

*Numina : non Deus huic alter con-
ſendere poſſit.*

Aratus operis initio.

*Quem placare ideo primum, extremū-
que laborant.*

*O mirande Pater ! ſalue, valde vti-
lis orbi.*

Phocyllides in præceptis peræneticis.

*Eſt vnus ſapiensque potens Deus, at-
que beatus.*

Sed omnium præſtantiffime Sophocles, cuius ſunt ſequentes verſus apud Iuſtinum, Athenagoram, Clementem, Cyrillum, & Euſebium in Chronico :

*Vnus proſecto eſt ; vnus eſt tantum
Deus :*

*Qui calum, & amplum condidit terræ
globum,*

*Marisque fluctus, vimque ventorum
grauem.*

*Plerique noſtrum mente ſed capti,
Deum,*

*Simulachra nobis, ceu mali ſolacium,
Cum ſaxea, atque æterna conſecraui-
mus ;*

*Sine aureas, eburnæſque imagines :
Sacris & iſtos colimus ; his feſtos dies
Agimus : pios hoc eſſe nos remur modo.*

Qui Poetis ſucceſſere Philoſophi, ſimilem de vnitæte Dei notiſſimè habuiſſe teſtantur eorum dicta, quæ partim nunc in libris eorum leguntur, partim ab ſubſecutis Philoſophis, qui libros eorum legerunt, referuntur. Igitur poſt Mercurium Trimegiſtum, omnium è prophætis Scriptoribus, quorum extant opera, primum, vt notauimus ſupra, habemus Simonidem, qui non modo ſingularem Deum nominauit, ſed item de ſapientia, bonitateque eius ineffabili, & incommunicabili altiffime philoſophatus eſt. Teſtimonium Sapientiæ adducitur ab Ariſtotele, lib. 3. met. cap. 2. bonitatis à Platone in Protagora. Refertur & iſtud à Clemente in Proteptico, & Cyrillo aduerſus Iulianum Pythagoræ dictum : *Deus quidem eſt vnus. Is autem non eſt, vt quidam exiſtimant, extra mundum, ſed in ipſo totus ; in toto circulo, præſes omnis generationis, vniuerſorum tempe- ratio ſemper exiſtens, & opifex ſuarum virium, & operum omnium : in calo il-
lumi-*

luminator, omnium pater mens, & animatio totius circuli, omnium motus.

Archytas Pythagoræ discipulus, apud Iamblicum de secta Pythagoreorum sic loquitur. *Quicumque possit omnia genera rerum, ad unum, & idem principium resolvere, & rursus componere, & connumerare, is mihi Sapientissimus, maximèque veridicus esse videtur.* Insuper pulchram speculam repperisse, ex qua possit contemplari Deum, & omnia, qua in coordinatione, & serie eius separata sunt. Hacque regia via aperi mentis, recta peragere, cursumque conficere, principia finibus connectens, cognoscensque quod Deus est principium, & finis, & medium omnium, quæ secundum ius, rectamque rationem peraguntur.

Eandem quoque doctrinam tradit apud Philonem Iudæum Philolaus, eiusdem Pythagoræ cum Archita discipulus: *Princeps, & dux omnium Deus, unus semper existens, singularis, ipse sui similis, alius ab alijs.*

Asclepius ad Ammonem Regem de Deo profundè scribens, eum singulariter nominat, & ei tanta maiestate laudes dignas concinit his verbis: *Indefatigabilis Spiritus est Deus, semper eodem modo habens sua scientia. Perennis felicitate, operationibus eisdem utens ad omne tempus. Supremus omnium Rex, bonus Deus.*

Eadem ratione locuti sunt plures alii celebres Philosophi, qui vel dictis coætanei fuerunt, vel eos subsequuti sunt usque ad Platonem, & Aristotelem, qui Deum unum, ac supremum apertissimè omnium prædicarunt; de Platone testatur Cyrillus lib. 1. contra Iulianum, laudans Porphyrium, qui in libro quarto historiæ Philosophicæ ait Platonem de uno Deo & sensisse, & locutum esse: nullum vero nomen ei convenire, neque humanam mentem eum capere: & appellationibus, quæ a posteriori dicuntur, eum improprie declarari. Hoc ipsum de eodem Platone, tum de Aristotele asserit Athenagoras. At quia

vtriusque, nec non cæterorum post ipsos Philosophorum plura reperiuntur testimonia supremi alicuius numinis unitatem probantia tam apud citatos Patres, quam apud Augustinum Eugubinum lib. 3. de perenni Philosophia, illis referendis libenter superfedeo, quæ ibi faciliè consuli possunt. Quam igitur argumentum ex naturali instinctu desumptum, est efficax ad probandam aliquam veritatè naturaliter cognoscibilem; quamque evidens est huiusmodi instinctus signum, unanimis Sapientum consensus in illam; tam clarè constat unum esse verum Deum, ex allatis Poëtarum, Philosophorumque dictis, de quibus rectè ait Orosius lib. 6. histor. cap. 61. *Eos dum intenti mentis studio quærent, scrutanturque omnia, unum Deum authorem omnium repperisse, ad quem unum omnia referuntur.* Unde etiam nunc pagani, quos iam declarata veritas de contumacia magis, quam de ignorantia convincit, cum à nobis discurrunt, non se plures Deos sequi, sed sub uno Deo magno plures ministros venerari fatentur. Restat igitur de intelligentia veri Dei per multas intelligendi suspiciones confusa dissensio, quia de uno Deo omnium panè una opinio est.

Superest iam ut post Poetas, ac Philosophos nonnulla Sibillarum de unitate Dei testimonia proferamus. Quemadmodum enim, ne quis in huius veritatis testificatione sexus deesse Anna mater Samuelis 1. Reg. 2. diuino spiritu afflata inter cætera cecinit, *Non est Sanctus, ut est Dominus; nec enim est alius extra te; & non est fortis, sicut Deus noster;* ita quoque inter Gentiles Deus non sine speciali providentia Sibillas esse voluit, quæ eandem veritatem, pluresque alias ad diuina mysteria pertinentes docerent, passim citatæ à primis Ecclesiæ Patribus, ex quorum libris sequentia depromptimus testimonia, eo quo referuntur ordine tom. 1. Bibliothecæ Sanctorum Patrum.

Ex

Ex libro primo, quem citat Theophilus Antiochenſis lib. contra Gentes ad Autolyceum.

*Conditor omnia qui nutrit cunctisque
ſuauem*

*Indidit aſſatum, mortales qui regis
omnes*

*Vnus qui ſolus regnat Deus, atque
ſupremus,*

*Omnipotens nunquam genitus, qui cõ-
ſpicit ipſe*

Omnia mortali non aſpectabilis ulli.

Ex libro 2.

*Vnus & immenſus Deus eſt, regnator
& vnus*

*Aethereus, ſe ſe conſiſtens totus in
vno,*

*Cuncta videns ſolus, non aſpectabilis
ipſe.*

Ex libro 3.

*Nam ſolus Deus, & nescit habere ſe-
cundum.*

Ex libro 4.

*Audi gens Aſia nimis, Eurõpaque ſu-
perba*

*Hac qua mellifono veriſſima uaticina-
nari*

*Ore paro, noſtro dictata à numine
magno,*

Ex lib. 5.

*Ne Deus aternus ſuccenſens deleat
olim*

*Omne genus, uitamque hominum,
ſtirpemque nefandam,*

*Aeternus genitor, ſapiens Deus uſque
colatur.*

Tandem libris ſexto, ſeptimo, & octa-
uo, dum ſemper in ſingulari ſermo fit
de Deo, ſatis inſinuatur eius vnitas, vel
immultiplicitas. Quanta autem olim
fuerit, nunc verò fit Sibillarum autho-
ritas, quæque ad illas pertinent, ſuffi-
cienter iam explicuimus tom. 1. lib. 2.
ſect. 9. cap. 19. vbi conſuli poſſunt.

CAPVT V.

*Expenduntur præcipue rationes unita-
tem, ſeu immultiplicitatem veri
Dei demonſtrantes.*

PLurimæ tùm apud veteres, tùm
apud modernos Scriptores inue-
niuntur rationes, aliæ ex mundi guber-
natione, externique Dei operibus aſ-
ſumptæ, aliæ verò ex diuinitatis natu-
ra, conditioneque ipſa petita, quibus
eius vnitas, vel immultiplicabilitas pro-
batur, nos in præſenti capite tres præ-
cipuas dumtaxat adducemus, & exa-
minabimus, quibus vtitur D. Thomas
1. p. q. 11. art. 111.

Prima deſumitur ex diuina ſimpli-
citate; natura enim quæ per ſeipſam,
& eſſentialiter eſt hæc ſingularis, non
poſteſt multiplicari, aut alteri indiuiduo
communicari, vt per ſe patet, quia
ſingularitas eſt propria vniciuique, vn-
de ſi Petrus v. g. per id eſſet homo, per
quod eſt hic homo, ita vt idem eſſen-
tialiter, & formaliter eſſet, eſſe homi-
nem, & hunc hominem, quod dici ſo-
let, ſi de eſſentia hominis eſſet, eſſe
hunc hominem ſingularem v. g. Petrũ,
ſicuti non poſſent eſſe plures Petri, id
eſt, ſicuti hic homo, qui dicitur Pe-
trus, non eſſet diuiſibilis in plures ho-
mines, vt eſt euidenter (non quia non
poſſint eſſe plures homines, qui vocen-
tur eodem nomine Petri) ita non poſ-
ſent eſſe plures homines, ſed ſolus Pe-
trus eſſet homo; ſi enim de eſſentia
hominis eſſet, eſſe hunc determinatũ,
& non alium, ſemper homo eſſet hic, &
non alius; quemadmodum quia de eſ-
ſentia hominis eſt, eſſe rationale, im-
poſſibile eſt, eſſe hominem niſi ratio-
nalem, aut aliud præter ipſum eſſe tale;
quæ omnia clara ſunt in Philoſophia.
Hoc autem totum de facto competit
Deo, qui ob infinitam ſimplicitatem,
& actiualitatem ſui eſſe, ſecundum idẽ
eſt Deus, & hic Deus, ita vt non ſolũ
Deus ſit ſua ſingularitas, ſed etiam de
eſſen-

essentia illius sit esse hunc numero Deum, qui de facto est in indiuiduo; nam si hæcceitas, & singularitas, siue indiuiduatio naturæ diuinæ non esset de essentia Dei, seu quod idem est nõ includeretur in intrinseco, atque essentiali conceptu naturæ diuinæ, sed cum fundamento in re ex parte ipsius, liceret eam perfecte concipere, non concepta singularitate Dei intrinsecè inclusa intra totam; essentiam illius naturæ, vel esset differentia diuisua essentialis, per quam diuideretur vnā natura diuina essentialiter ab alia, & constitueretur vnus Deus specie diuersus ab alio; vel esset differentia indiuidualis, & numerica; illud primum dici non potest, non enim datur ratio generica diuinitatis, & ratio specificæ contrahens illam ad hanc speciem, vt patet ex eadem infinita simplicitate diuina, & supponitur in hoc argumento, in quo directè probatur non esse plures Deos numero solum diuersos, non solum quia in Deo, cum sit actus purissimus, nulla datur materialitas, ex qua iuxta veriolem sententiam desumitur distinctio merè numerica, & indiuidualis, propterea que Angeli ipsi dicuntur numericè tantum immultiplicabiles; verum etiam, quia ad differentiam illorum, & cuiuscumque alterius creature, omnino est idem in Deo, ob infinitam eius simplicitatem, quod eius natura sit sua singularitas adæquatè, & quod singularitas sit ipsa eius quidditas, & essentia, alioqui iam Deus non esset in ratione essentiæ infinitè simplex, sed compositus, nimirum ex Deitate, & hæcceitate, ex quibus vna numero essentia coalescit, non minus quam compositus est Petrus v. g. ex humanitate, & hæcceitate, quæ est Petreitas extra essentiam humanitatis, licet secundum multos indistincta omnino ex natura rei ab humanitate; Inde enim manifestè sequitur impossibile esse, quod sint plures numero Dij, tunc enim non esset idem esse Deum, & esse hunc Deum: sicuti quia sunt plures

homines, non est idem esse hominē; & esse hunc hominem essentialiter: nullum siquidem indiuiduum est multiplicabile in plura indiuidua, hoc enim proprium est solius naturæ specificæ, non autem naturæ indiuidualis; posito igitur quod natura diuina attendatur eius infinita simplicitate sit essentialiter indiuidualis, non potest ipsa multiplicari, non multiplicata etiam natura indiuiduali, cuius multiplicatio vt est impossibilis, ita quoque & naturæ diuinæ.

Secunda ratio ad probandum Deū non posse multiplicari, neque numero, neque specie, sed omnino vnum tantū esse, fundatur in infinita eius perfectione, ratione cuius dicitur comprehendere in se totam plenitudinem essendi, vel formaliter, vel eminenter, & esse id quo nihil maius, & excellentius concipi potest; vt enim scite ait Tertullianus libr. 1. contra Marcionem capit. 3. *Veritas Christiana districte pronuntiauit, Deus si non vnus est, non est, quia dignius credimus non esse quodcumque, si non ita fuerit, vt esse debeat*: Si autem duo, vel plures darentur Dij, nec essent infinitæ perfectionis, siue non haberent infinitatem omnimodam essendi, neque id quo nihil altius possumus imaginariporteret enim eos differre scilicet in Deitate, non enim different solum in persona præcisè; nam sic essent vnus numero Deus, vt sunt de facto tres personæ Sanctissimæ Trinitatis habentes vnā, & eandem numero naturam & propterea in illis non valet hoc argumentum) haberent ergo etiam distinguui in natura; & consequenter vel distinguerentur per differentias indiuiduales diuersas, quo pacto distinguuntur inter se, & differunt plures homines; vel per differentias essentielles, qualiter inter se differunt duo Angeli naturaliter in opinione probabiliore numero immultiplicabiles intra eandem speciem; vtrumque autem est impossibile, ita enim aliquid conueniret vni, quod non alteri, nimirum vel perfectio indi-

individualis, vel differentia aliqua essentialis, ad quam potissimum respicitur in hoc argumento, nam ad primam pertinet superius, quamvis etiam ad utrumque valeat præsens. Si ergo competeret aliquid vni, quod non alteri, vel illud quod hic Deus habet præ alio est actus purus, & entitas infinita, vel quid potentiale, & finitum; si secundū, ergo creatum, & non Deus; quia Deus est, quo maius nec esse, nec cogitari quidem potest. Si verò id quod habet vnus præ alio, est perfectio actus puri, & infinita, ergo hæc deest alteri, & illa quæ est in altero deest isti, proindeque manet vterque priuatus aliqua perfectione diuina, & infinita, & sic non est summè perfectus, cum deficiat illi perfectio infinita: Impossibile est igitur plures esse Deos. Vnde & antiqui Philosophi, quasi ab ipsa coæcti veritate, ponentes principium in infinitum, posuerunt vnum tantum principium.

Nec potest contra hanc rationem instari in creaturis, quæ differunt a Deo, & tamen suas habent perfectiones, nec non Deus suam. Aut quod vnus ex ijs Dijs haberet illam differentiam quæ est in alio eminenter, sed non formaliter, & similiter alius haberet differentiam alterius, sicque ambo essent æque perfecti. Nam contra primum est, quod omnes perfectiones, quæ reperiuntur in creaturis, sunt in Deo eminenter, tanquam in primo, & fontali principio, à quo deriuant, essentialiterque dependent, & sic differunt ab illo per aliquam perfectionem creatam, atque potentialitati immixtā, quæ in Deo ab illa purificatur; non verò est aliqua perfectio simpliciter in creatura, quæ non sit in Deo, quo pacto contingeret in dualitate, vel pluralitate Deorum, ut patebit per responsum ad secundam instantiam. Ea enim perfectio, quæ esset in vno formaliter considerata, vel diceret aliquam imperfectionem, vel non; si primum, ergo Deus ille esset imperfectus formaliter, si secundum, ergo deberet esse forma-

liter in natura diuina perfectissima; cum omnis perfectio, quæ nullam dicit imperfectionem, debeat esse formaliter in natura diuina, aut si illa careret, aliqua perfectione careret, atque adeo in se non haberet totam essendi plenitudinem, quam diuinitatis conceptus exigit. Neque etiam posset dici; quod esset propriè eminenter in illis Dijs, cum nullus ex eis esset causa alterius, ut est certum. Vnde inquit quoque posset, quoniam esse deberent hi Dijs, cum nullus esset ab alio, duo, an plures? finiti, an infiniti? essentne æque potentes, vel vnus potentior alio? item, si vnus haberet necessariò voluntatem cum alio concordem, vel posset discordare, aut vnus Deus cognosceret alium, vel non cognosceret? quibus omnibus, & similibus manifestam in natura diuina contradictionē inuoluentibus, quodcumque respondeatur ex illis, manifestè sequitur non vno plures posse Deos esse.

Tertiò ex ordine, & regimine huius vniuersi, vnitæque ordinis, & amplissima omnium partium ipsius colligatione manifestè colligitur vnitæ Dei Principi, & rectoris. Omnia enim quæ sunt in Mundo, inueniuntur esse ordinata ad inuicem, dum quædam quibusdam subseruiunt; quod est euidentis proculdubio signum, & argumentum ordinationis, sicuti patet in familijs, & regnis in quibus est subordinatio vnus ad alium in ordine ad gubernationem, vsque ad patrem familias, & regem, quæ enim diuersa sunt, in vnum non conuenirent ordinem, siue non haberet ordinationem ad inuicem vnum in finem, nisi ab aliquo vno ordinarentur. Et quia posset aliquis instare, quod talis ordinatio possit fieri per plures, ut accidit in Republica, in qua multi gubernant, responderetur cum Angelico Doctore multa melius in vnum ordinem reduci per vnum, quam per multos, cuius ratio est, quia vnus ordinis vnum per se est causa, multa autem non nisi per accedens, in quantum scilicet

cet ſunt aliquo modo vnum. Vt enim docet præſatus Sanctus Doctor 1. p. q. 103. art. 3. manifeſtum eſt, quod plures multa vnire, & concordare non poſſunt, niſi ipſi aliquo modo vniantur: illud autem quod eſt per ſe vnum, poteſt eſſe cauſa vnitatis conuenientius, quam multi vniti, maximè ſi cætera ſint paria, & hoc vnum habeat omnem perfectionem illorum multorum; & maximè etiam ſi hoc vnum eſſet ſummum ens perfectiſſimum, quale debet eſſe Deus. Quare tota vis, & efficacia huius rationis videtur in hoc ſtare, quod ſi eſſent plures Dij, vel omnes idem omnino, & eodem modo facerent, ac vnus tantum; vel vnus faceret aliquid, & alius aliud, ſicque per acci- dens omnia in vnum conuenirent; ſi hoc ſecundum aſſeratur, neuter eſſet Deus, quia à neutro omnia creata de- penderent, neuter omnipotens, cum non eſſet factor omnium. Si autem primum concedatur, idem nimirum facere omnes, quod vnus, eodemque modo, quidquid facit vnus, fieri, & præſtari ab omnibus, ergo vltra vnum reliqui ſuperfluum, ſiquidem ſine illis res æquè benè fierent. Nihil autem videtur abſurdius, quam ponere Deū ſuperfluum, oriſum, & inutilem; quo- modo enim primum, ſummèque ne- ceſſarium ens poteſt eſſe ſuperfluum? Quod tamen non ſequitur de perſonis diuinis habentibus vnam, & eandem Deitatem, potentiam, intellectum, & voluntatem, qua vnico modo ordina- tiſſimè omnia ſunt, & ita ſicut oſten- ditur non eſſe tres Deos, ita nec eſſe tres diuinas perſonas cum tribus na- turis diſtinctis, ſuppoſita fide dictarum perſonarum.

Ad eneruandam autem huius ra- tionis vim locum non habet famoſa il- la inter Politicos quæſtio, an ſcilicet apud homines melior, aut perfectior ſit gubernatio Monarchica, quæ redu- citur ad vnum Regem, vel Principem, quam Ariſtocratica, quæ reducitur ad optimates, pluresque Senatores, qua-

Biblioth. Thel. Tom. V.

lis eſt in Republica; in tantum enim pars affirmatiua pro Ariſtocratica ſu- ſtineri poteſt, in quantum vnus homo ſape non eſt præditus omni perfectio- ne, prouidentia, & ſcientia, quam plu- res habere poſſunt; & facilius etiam corrumpi poteſt, quam plures. At ſi vnus poſſet omnes has perfectiones vnitiu poſſidere, & eſſet æquè incorru- ptibilis, aut indeſectibilis, ac plures, nullus eſt qui in dubium reuocaret me- liorem eſſe huius vnus gubernationē, quam plurium; cum hi plures in tantū rectè poſſent gubernare, in quantum, aliquo modo eſſent vnum; vnde ſi inter ſe diſſentirent, nullamque vnitatem ha- berent, conſuſio potius eſſet, ac deſtru- ctio, quam gubernatio. Deus igitur, cum ſit ens ſummè perfectum, neceſſe eſt etiam vt ſit vnus. Et conſequenter vt tres perſonæ, quas in adorando San- ctiſſimæ Trinitatis Myſterio fides nos docet, ſint vnum in vna numero eſſen- tia, & natura. Quod idem dicitur de exiſtentia abſoluta, qua Deus præintel- lectus perſonis, & vt eſt ens à ſe, concipi- tur eſſe quid actualiſſimum, neceſſa- riūque exiſtens; nec non de omnibus alijs perfectionibus abſolutis; nam, vna diuinitas vnum habet intellectum, vnam voluntatem, & ſic de alijs attri- butis; cum ergo omnes diuinæ perſonæ habeant vnitatem numericam in diui- nitate, eandem quoque neceſſario de- bent habere in omnibus attributis. De- inde etiam in illis valet locus argumen- tandi ab vnitatem in dicta natura tanquā in tertio, ad vnitatem ſiue identitatem inter ſe, eo quod dicta attributa ita identificantur cum diuina eſſentia, vt nullam inter ſe habeant oppositionem relatiuam, quæ ſola eſt ratio diſtinctio- nis in perſonis, & cur vna non enuntie- tur de altera: igitur ſicut in vnaqua- que perſona reperitur eadem prorsus eſſentia, quamuis cum diuerſis modis perſonalibus illam habendi, ita reperiuntur eadem prorsus attributa abſo- luta.

Supereſt ſolum difficultas, an ſtan-

Kk te huc

te huc vsque demonstrata diuina vnitate, rectè vnus numero Deus dici possit, vel illi competere vnitas numerica. Sustinent enim aliqui partem negatiuâ, cui fauet S. Basilii epist. 141. quæ est Apologia ad Cæsarianos; eo quod ex tali modo loquendi videtur sequi plures Deos esse posse, saltem per potentiam logicam, vnitas siquidem numerica videtur esse non posse nisi respectu numeri, vel actualis, vel certè possibilis. Alij autem affirmatiuam docent; quod tamen videtur pertinere ad controuersiam de nomine potius quam de re. Vnde breuiter dico, vbi Deus appellatur vnus numero, id accipiendum esse non positiuè affirmatiuè, quasi natura diuina possit numerari, vel sit diuisibilis in plura singularia, quo pacto Deus non tam diceretur vnus numero, quam vnus è numero, hoc est vnus connumerabilis cum alijs Dijs; sed intelligi debere negatiuè hoc sensu, quia dicta natura est tantum vna, & non multiplex, nulliusq; diuisionis capax; vt contingit in vnitae, quam Logici numericâ vocant, quæ propterea dicitur maxima vnitarum, quia nullam admittit diuisionem, sic enim Deus rectè vocari potest, imo debet vnus numero Deus. Quare dum primæ sententiæ authores negant Deū esse vnum numero, nihil aliud verè negant, nisi, esse vnum Deum inter plures Deos, siue qui cum alijs Dijs numerari possit, in quo sensu communiter dicitur, Petrum esse vnum numero hominem, hoc est, vnum connumerabilem cum alijs eiusdem specificæ naturæ hominibus, & non dicitur, hunc hominem, indicato Petro, esse vnum numero Petrum, quia cum Petrus sit terminus singularis, non est multiplicabilis in multos Petros; quo sensu loquuntur patroni secundæ sententiæ, dum asserunt Deum esse vnum numero, vnitatem enim numericam illius non comparant, cum vnitae numerica, quam habet natura creata specifica, v. g. homo, sed quam habet indiuiduum creatum, v. g. Petrus, quia de essentia Petri, non au-

tem naturæ humanæ est Petreitas, vnde sicut indiuiduum, ex hoc quod sit immultiplicabile in alia plura numero indiuidua, ad distinctionem naturæ specificæ ita multiplicabilis, rectè dici potest vnum numero indiuiduū, ita quoque, cum ex dictis in prima ratione de essentia diuinæ naturæ sit singularitas, & indiuiduatio, atque adeo immultiplicabilitas in plura numero distincta, rectè dici potest illam habens vnus numero Deus, siue quod non sit alius eiusdem naturæ Deus, sed totam Deitatis naturam, & vniuersas perfectiones, ac proprietates, quæ in illa natura concipi possunt, comprehendat in se vnus indiuidualis Deus, quod ab alijs dicitur, esse vnum vniuersitate essendi.

Etsi igitur vnitas Dei subsistentis in tribus personis realiter inter se distinctis sic obiectum diuinæ reuelationis, cuiusque lumini naturali prorsus imperuium; attamen si sermo sit de vnitae Dei, abstrahendo ab hoc quod in vna, vt existimant Philosophi, vel in pluribus, vt fides nos docet, subsistat personis, siue de vnitae per negationem plurium numero, vel specie Deorum, ab vno vero Deo, illam plusquam satis demonstrant superius allatæ rationes, ad quas faciliè reducuntur omnes aliæ, quas Diuus Thomas habet lib. 1. contra Gentiles cap. 42. & Marsilius Ficinus in 2. de immortalitate animarum, Petauius tom. 1. Theologic. dogmat. lib. 1. & alij passim.

Quæ rationes non modo contra Gentiles Idololatrias dictam Dei vnitatem probant, verum etiam contra hæreticos illos, qui præter bonum, auctoremque boni Deum; malum alterum statuebant, conditorem visibilium rerum; quales primùm fuere Cerdonistæ, Marcionistæ, & Manichæi, vt refert Diuus Augustinus lib. de hæresibus, quibus postea adhæserunt Priscillianistæ & Albigenes. Si enim præter Deum illum vnicum, cuius vnitas passim in Scripturis prædicatur, quemque Philosophi agnouerunt, ex superius dictis

solo

solo affulgente lumine naturali, alius quispiam foret, mali artifex, & priori contrarius: pari cum eo potestate, & agendi vi, hoc est infinita, præditus esse deberet; si quidem Dei nomen conditionemque tueri veller. Si autem æqua amborum esset vis, & potestas; quam in boni Dei opera ille malus exerceret; multa inde sequerentur absurda, & impia. Vt enim ait Diuus Athanasius sub initium libri illius, in quo aduersus Gentiles disputat, præfatosque hæreticos refellit: *In ijs qua pari sunt potestate prædita, nihil est quod excellat, & præstantius sit. Quippe si nolente altero, existit alterum, æqualis est amborum tum vis, tum imbecillitas: vis quidem æqualis; quatenus in eo quod existunt ambo, voluntatem suam vincunt mutuo; imbecillitas vero par erit utriusque, quod inuitis ipsis, ac præter eorum voluntatem res accidunt. Si quidem & Bonus renitente est Malo; & Malus nolente Bono. Insuper ex eodem doctore; si quæcumque sensibus percipimus, opera sunt Mali; quodnam Boni opus erit? nihil enim apparet, præter id quod ab opifice creatum est. Quod autem Boni indicium erit; cum nulla extent eius opera, ex quibus cognosci queat? Nam ex operibus artifex dignoscitur. Quinam porro duo omnino esse possunt inuicem contraria? aut quid est, quo illa separantur, ut distincta consistant? fieri enim non potest, ut simul existant; eo quod se se mutuo extinguendi vim habent. Sed neque alterum esse in altero potest; quod insociabilis, ac dissimilis natura sit illorum. Itaque tertium erit quiddam, quod illa dirimit, ipsumque Deus. Sed hoc cuius tandem erit natura? utrum illius, qua inest in Bono; an qua malus præditus est? incerta planè res erit. Atqui utriusque simul esse nequit. Hactenus Athanasius referens absurda, quæ consequuntur ex positione dictorum hæreticorum.*

Præterea, cum ex dictis supra in secunda ratione Dei appellationi subiecta notio sit eiusmodi, ut infinitum aliquid, & infinita vi consequenter polens ad agendum pariter, ac resistendū

Biblioth. Theol. Tom. V.

significet; hoc est prorsus insuperabile, & quicquid voluerit summa æque potestate, ac facilitate perficiens; non possunt duo esse, vel plures contrarij, & repugnantes; quales sunt Bonus ille, ac Malus, quos hæretica prauitas adinuenit. Si enim tales essent duo; necessario id quod vellent, efficerent simul, & non efficerent, quod implicat contradictionem. Efficerent quidem, quoniam quicumque Deus est, is est omnipotens; & nihil eius voluntati resistere potest. Cum autem se se inuicem oppugnarent, nec alterum altero esset inferius, neque ei cedere veller, aut posset (quoniam nec bono malum obsequi; nec malo bonū cedere sponte sua potest; multo verò minus inuitum, si infinitum, ac si Deus est, huic repugnante diuinitatis iure, ac nomine) neuter ageret quicquam, sed alter alterū præpediret. Et sic de alijs absurdis, in quibus expendendis, quia post iam obsoletum hunc de multiplicibus Dijs, & contrariis errorem, superfluum esset diutius immorari, sufficiat hæc breuiter annotasse; post fusiores præsertim, ac pleniores veterum Patrum de hac re disputationem tunc ob eius nouitatem necessariam. Præcipui fuere Tertullianus contra Marcionem; Titus Bostrensis, & Didymus contra Manichæos to. 4. Bibl. PP. Epiphanius, Augustinus, aliique plures Græci pariter, & Latini.

CAPVT VI.

Nunquam licitam esse Idololatriam, falsorumque Deorum cultum.

Quia non defuerunt multi antiqui tum Philosophi, tum hæretici, quorum adhuc hodie non pauci sequaces esse possent, qui inter dum Idololatriam; siue falsorum Deorum cultum licitum esse putarunt, placuit pro coronide huius sectionis hūc breuiter errorem refellere. Cum autem, ut iam notauimus supra cap. I. tres dentur modi, quibus committi potest Idololatria. Primus est, quando ex infidelitate mens

tis procedit, ex falsa nimirum persuasione circa pluralitatem Deorum. Secundus est sine propria quidem mentis infidelitate, sed cum affectu tamen tribuendi diuinum honorem alteri, quam vero Deo. Vt si quis credens dæmonem non esse Deum, velit nihilominus illi offerre sacrificium, aut aliquid simile, animo honorandi ipsum, vt cum sibi reddat propitium. Tertius denique Idololatriæ modus est, quando sine errore intellectus, & sine affectu colendi creaturam vt Deum, tantum exhibetur signum externum adorationis soli Deo debitæ cum exteriori significatione, adorandi creaturam sine intentione cultus. de his omnibus modis, aut aliis ad eos reducibilibus procedit præseps controuersia.

Circa primum igitur, videntur credidisse eum esse licitum illi potissimum Philosophi, qui etiam agnoscetes vnū duntaxat esse verum Deum; aliis tamen ab ipso, nempe creaturis quibusdam excellentibus, honores diuinos esse deferendos censuerunt. Inter quos primus se offert Varro, qui vt effugeret apertas rationes contra multiplicium Deorum cultum, cui additus erat populus Romanus, eumque excusaret, recurrit ad ponendum vnum Deum, qui esset anima mundi, ex cuius participatione physicas mundi partes Deos esse dixit, nominaque falsorum Deorum ad illos transtulit vocans Aethera Iouem, aerem Iunonem &c. eisque cultum, ac honores diuinos asseruit esse deferendos. Plato etiam, & multi eius discipuli, licet benè senserint de Deo, & vnitæ eius, ipsum primum verum principium agnoscetes, summumque rectorem, ac moderatorem, post illum tamen censuerunt diuinum cultum esse exhibendum quibusdam substantijs spiritalibus à Deo productis; deinde animabus cælestium corporum, quæ animata esse putabant; tum dæmonibus, quos vnitos esse corporibus aereis credebant; ac denique animabus hominū, quas per virtutis meritum ad Deorum,

vel dæmonum societatem assumi putabant. Verum quidquid sit de huiusmodi opinionibus, quæ plures habent errores admixtos, quos egregiè refutat Diuus Thomas 1. par. q. 3. artic. 8. 2. 2. quæst. 94. art. 1. & 3. contra gentes cap. 120.

Constantè asserendum est hunc primum Idololatriæ modum, nunquam esse licitum, sed grauissimum esse peccatum ex se, quod non solum de fide certum est, verum etiam lumine naturali euident, vt omnes Theologi sentiunt cum D. Thoma loco citato 2. 2. Ratio potissima, & ad quam cæteræ reducuntur, est, quia talis Idololatriæ modus est directè, & formaliter contra honorem Deo debitum, siue per illum, aufertur cultus Deo debitus, & ad creaturam transfertur: Enim verò si id quod vni homini debitum est, ac proprium, ab eo aufertur, & alteri tribuitur: iniuriam est: à fortiori si cultus, & honor Deo debitus, ab eo in creaturam transfertur, summa impietas est; deinde sicut diuina excellentia singularis est, ita etiam postulari singularem cultum, & honorem, contraque illum directè fit, quoties incommunicabile nomen Dei, & consequenter incommunicabilis honor alteri, quàm vero Deo confertur.

Id autem fieri per Idololatriam, præsertim verò per istum primum eius modum, quo creditur, aut existimatur creaturam esse Deum, aut aliquid diuinitatis habere, quod ad infidelitatem pertinet, pater ex ipsamet definitione Idololatriæ, quod sit vitium superstitionis, quo creaturæ exhibetur cultus, seu diuinus honor: Etsi enim nostri temporis sectarij, vt laudabilem Sanctorum, imaginumque illorum cultum liberius commendunt, præfatam definitionem non approbent, vt infra suo dicemus loco, nihilominus illa est ad mentem omnium veterum Patrum, Tertulliani lib. de Idololatria in principio: *Idololatria, inquit, Deo fraudem facit, honores illi suos negans, & conferens alijs, sicut fraudi etiam*

contin-

contumeliam coniungat; Gregorij Nazianz. orat. in Christi Natiuitate post medium, vbi vocat Idololatriam, adorationem à Deo ad creaturas; Ambrosij in cap. 5. ad Ephes. Idololatria, inquit, Dei honorificentiam usurpat, & vendicatur creatura: Augustini lib. 1. de Trinitate; Inbemur non seruire creatura, sed creatori: non eo modo quo inbemur per charitatem seruire inuicem, sed eo modo quo tantum Deo seruitur; & sic de alijs. Quare, licet loquendo de tertio modo Idololatriæ, siue de Idololatria externa possit esse difficultas, de qua nunc non agimus, quomodo nimirum discriminentur honores, & diuini cultus, ab his qui non sunt diuini, & Deo debiti, vt per eorum exhibitionem quis illam dicatur, vel non dicatur committere, sed ab ea excusari, hoc tamen locum non habet in hoc primo modo, quo non potest non semper committi Idololatria; cum necessario procedat, vt supponimus, ex opinione diuinitatis, seu alicuius diuinæ excellentiæ in creatura, vel idolo quod adoratur, quæ qua ratione haberi possit iam sufficienter explicauimus supra cap. 1.

At si inquirat aliquis, an saltè in huiusmodi errore possit inuincibilis ignorantia interuenire, quæ errantè excuset? Primo respondetur hoc quæsitum non habere locum in præsentī controuersia, quæ procedit de habente cognitionem vnius Dei, & errantè putando esse alios Deos, quibus diuinus cultus tribendus sit; in illo enim nullo modo dari potest ignorantia inuincibilis, nec consequenter per illam excusari. Ita enim dicit Apostolus ad Roman. 1. fuisse inexcusabiles Philosophos, qui cum cognouissent Deum, non sicut Deum glorificauerunt. Quia ipsamet existimatio vnius veri Dei erat sufficiens ad illam ignorantiam, & deceptionem expellendam, si voluissent, vt debebant aduertere. Nam qui credit, & recognoscit esse in republica vnum supremum Regem, quopado ignorare, potest peculiarem honorem illi debitum, præsertim nomen

Regis, non esse alteri tribuendum. Secundo respondeo, quod si quis omnino ignoraret verum Deum, & vnitatem eius, excellentiamque supremi numinis, pro ratione talis ignorantie, eum excusari posse, vel à culpa, vel à tanta culpa colendi plures Deos. Si enim illa ignorantia culpabilis est, quamuis absolutè non excuset culpam, quatenus tamen ignorantia est, aliquo modo minuit illam; si verò contingat illam esse inuincibilem, excusabit omnino culpam non quidem materialiter, sed formaliter, cum nihil sit formaliter peccatum, nisi sit voluntarium, quod ignorantia inuincibilis omnino tollit, vt suppono. An verò talis ignorantia in nostro casu dari possit, iam explicauimus supra cap. 3. & iterum breuiter hic asserimus illam esse impossibilem.

Esti enim iuxta doctrinam D. Thomæ 2.2. q. 10. possint aliqui per ignorantiam inuincibilem excusari ab infidelitate, quæ est priuatio fidei supernaturalis erga Deum autorem gratiæ, vnde denominantur infideles negatiui; ab illa tamen infidelitate, seu errore, qui est priuatio cognitionis Dei, vt author est naturæ, nullus quantumuis rudis, dummodo sit præditus vsu rationis, excusari potest, cum ad illius ignorantiam vincendam, siue ad cognitionem vnius veri Dei sufficientem ad inducendam mortalibus obligationem colendi eum, & cauendi à peccato Idololatriæ, exhibendo alicui creaturæ honorem soli Deo debitum, non requiratur quod sit demonstratiua, & vndequaque perfecta, sine vilo errore admixto, sed satis est, quod generalis quædam sit cognitio de Deo, quod sit principium rerum omnium, excedens illas, à quo dependent, & gubernantur, quam vniuscuique per rationem saltem probabilem à creaturis desumptam, imo certam moraliter, cum nulla alia probabilis in oppositum sit, quæ illud probabile reddere possit, hoc est plures esse Deos, aut licere cultum vni vero Deo appropriatum alicui creaturæ adaptare sine crimine.

crimine impietatis. Vndè non solum, qui nouerunt Deum esse vnum duntaxat, nequeunt excusari ab Idololatria, sed nec etiam illi qui eius notitiam non habuerunt; eo enim ipso, quod ex cognitione vnus veri Dei statim promanat dictamen rationis naturalis, cum scilicet esse colendum, nullique alteri honorem illi debitum esse exhibendum: vt Idololatræ non excusantur per ignorantiam à cognitione vnus veri Dei omnibus peruia, ita nec à crimine Idololatriæ erga creaturas quascumque, sed præsertim ab illa, qua cæca Gentilitas, vt Deos coluit homines imbecilles, obscenos, & flagitiosos, dictante potius lumine naturæ tales nequaquam esse posse Deos, neque vt Deos honorari debere, imo dignos esse irrisione, & vituperio: quia alienum est valdè à natura diuina sceleribus vacare, aut spurcitijs commaculari, cum ea ipsa puniat Deus, imo & quibus Magistratus Reipublicæ, vel mediocriter benè instituta.

Et sicut primorum inexcusabilitas significatur loco superius citato Rom. 1. vbi loquens Apostolus de Philosophis Gentilium, qui habuerunt cognitionem vnus veri Dei (vt aduertit D. Thomas 1æ. 2. 6.) ait: *ita vt sint inexcusabiles, quia cum cognouissent Deum, non sicut Deum glorificauerunt, &c.* ita quoque secundorum, Sapientia 13. vbi reprehenduntur Idololatræ, quod ob id tale crimen incurrerint, quia caruerunt culpabiliter cognitione vnus veri Dei: dicitur enim; *A magnitudine speciei; & creatura, poteras creator horum cognoscibiliter videri.*

Circa secundum Idololatriæ modum, hoc est cum affectu tribuendi diuinum honorem alteri, quàm Deo vero, sine propria mètis infidelitate, An sit licitus? Diuus Thomas 2. 2. quæst. 94. artic. 2. refert quosdam veteres, qui partem affirmatiuam tenuisse videntur; quatenus putauerunt quod offerre sacrificium; & alia ad latram pertinentia non solum summo Deo, sed etiam aliquibus

creaturis propter aliquam insignem excellentiam earum esset debitum, & per se bonum. Verùm hoc non est tantum hæreticum, sed etiam contra rationem naturalem, quia cum adoratio debeat ratione excellentiæ, vbi est propria, & incommunicabilis ratio excellentiæ, etiam debet esse incommunicabilis adoratio; Dei autem excellentia, & ratio eum adorandi vnica est, cuiusque puræ creaturæ incommunicabilis, ergo & adoratio, quam latramus, vocamus. Vndè sicut esset crimen læsæ Maiestatis humanæ, si in vno Regno alius vt Rex honoraretur præter verum Regem, exterioribus saltem honoris signis soli vero Regi debeat; ita quoque grauissimum est læsæ Maiestatis diuini crimen, diuinum cultum, vel honorem creaturæ tribuere præsertim animo, & affectu honorandi illam; quidquid sit de adoratione externa, de qua mox agemus: quamuis hæc etiam ratio probet non solum esse illicitam internam adorationem, sed etiam externam, quæ ad Deum specialiter determinata est, vt singularem illius excellentiam, & dominium significet, quale est sacrificiū, & ideo sacrificium creaturæ offerre tam intrinsecè malum esse, atque verbis confiteri illam esse verum Deum docet Sæctus Augustinus lib. 10. de ciuitate Dei cap. 19. vbi referens tacito nomine auctorum quorundam sententiam, qui asserbant sacrificium inuisibile puræ mentis Deo quidem summo tanquam meliori esse offerendū, at sacrificia visibilia alijs Dijs inferioribus, hæc habet in contrarium; Exteriora sacrificia ita sunt signa interiorum, sicut verba sonantia sunt signa rerum. Quocirca sicut orantes atque laudantes ad Deum dirigimus significantes voces, cui tamē res ipsas in corde quas significamus offerimus: ita sacrificantes non alteri visibile sacrificium offerendum esse nouerimus, quam ei cuius in cordibus nostris inuisibile sacrificium nos ipsi esse debemus.

Cuius rationis vis non consistit in hoc,

hoc, quod adoratio externa, vel ſacrificium non poſſit eſſe ſine interno, aut ſemper ſit illius argumentum, ſicut nec voces, aut verba ſonantia non ſunt ſemper ſigna interni conceptus, vt patet in mentientibus, vel ſingentibus; ſed in hoc, quod ſicut verba ſonantia, ſuppoſita ſemel impoſitione, non poſſunt non eſſe, vbi pronuntiantur, ſignificatiue rerum, ad quas ſignificandas impoſita ſunt; ita ſacrificium etiam viſibile tam eſt ex natura rei ad Deum determinatū, vt ſingularem ipſius excellentiam, ac dominium ſignificet, vt nulli creaturæ poſſit offerri, quin ſimul ſignificetur illam eſſe Deum. Quemadmodum etiā in vocibus hæc oratio miſerere mei, vel da mihi gratiam tuam, ita ſoli Deo competit, vt nulli creaturæ poſſit adaptari, quin ſignificetur illam quoque eſſe Deum, quantumuis illam profundens talem non habeat de illa conceptum.

Quantum ad tertium Idololatriæ modum, quo exhibetur externum duntaxat ſignum ſine errore intellectus, & ſine affectu colendi creaturam; varia ſuere placita; primum nonnullorum Philoſophorum, qui exiſtimauerunt latriæ cultum exteriorem non eſſe quidē Idolis tribuendum tanquam per ſe bonum, aut opportunum, ſed tanquam vulgari conſuetudini cōſonum, vel quādo fit neceſſitate vrgente ad vitandum, grauiſſimum malum mortis, aut aliud æquiualens; tales ſuere Plato, & Marcus Varro referēte Auguſtino per multa capita, & libros de Ciuitate Dei maxime lib. 4. 6. 7. & 10. Cicero ex Lactantio lib. 2. de origine erroris cap. 3. vbi eum ita reprehendit: *Vide te terrēna, & manuſacta venerari, vana eſſe intelligis, & tamen eadem facis, quæ faciunt ipſi, quos tu ſtuliſſimos conſideris.* Senecam quoque vnum ſolum verum Deum agnoſcentem, ita Auguſtinus introducit loquentem lib. 6. de Ciuitate Dei cap. 10. de cultu Deorum: *Sic adorabimus, vt & meminerimus huiusmodi cultum magis ad morem, quam ad rem*

pertinere: & iterum, quæ omnia Sapiens ſeruabit tanquam legibus iuſſa, non tanquam Dijs grata; Vnde etiam idem Auguſtinus de omnibus, aut pluribus Philoſophis agens libro de vera, & falſa religione cap. 5. tom. 1. ait non eſſe religionem à Philoſophis querendam, qui eadem ſacra recipiebant cum populis, & de Deorum ſuorum natura, ac ſummo bono diuerſas contrariasque ſententias in ſcholis perſonabant.

Eundem amplexi ſunt errorem quidam hæretici, affirmantes licitum eſſe perſecutionis tēpore idola exterius colere, aut in tormentis Chriſtum negare, dummodo fides in corde retineatur. Hi ſunt Eleſaitę teſte Euſebio lib. 6. hiſtor. cap. 28. alijs 31. Prifcillianiſtę, quatenus ex Diuo Auguſtino lib. de hæreſibus in 70. dixerunt poſſe aliquem occultare ſuum errorem etiam peierando: inde enim conſequi videtur idem fuiſſe dicturos de vera fide. Bogoñiles, vt reſert Zonaras in vita Alexij Imperatoris: item noſtro tempore Anabaptiſtę, apud Staphilum in epitome Theologię Lutheri, & alij plures Libertini dicti, vel potius Atheiſtę vocandi.

In contrarium fides Catholica, omneſque de illa benē ſentientes docent Idololatriam exteriorem nunquam excuſari poſſe à crimine propter metum mortis, aut propter alia mala vitanda, aut aliqua bona comparanda; quantumuis vera intus fides ſeruetur, colenſque nullo paſſo intendat creaturam adorare. Quia autem ſigna ſenſibilia ad cultum exteriorem pertinentia ſunt in duplici differentia; quædam nimirū ex natura rei, ſiue primo & per ſe deſtinata cultui diuino, quorū proinde vſus adaptari nō poteſt niſi pro illo tantum; qualia ſunt in vocibus orationes illę, ſac mecum Deus miſericordiam, da mihi tuam gratiam, æternamque beatitudinem; & in rebus ſacrificium, aſſerente Auguſtino lib. 10. de Ciuitate Dei c. 10. *Sacrificium nullus eſt hominum, qui audeat dicere debere niſi Domino ſoli.* Quædam verò ſigna ſunt talia ſolum ex adiūcto,

do, quia vi delicti indifferentia sunt ad cultum Dei, & cultum hominum, vel ad aliquid aliud, vt genuflexiones, prostrationes, & similia, quibus quandoque Deum honoramus, & quandoque creaturas dignitate præcellentes, vnde ab his non promanat honos, vel cultus diuinus ex natura rei soli Deo debitus, sed tantum per aliud, id est ex adiunctis: nimirum quando is, qui talibus vtitur signis erga creaturam, id facit, vel quia credit, aut existimat illam esse Deum, aliquidve diuinitatis habere, quod ad infidelitatem pertinet; vel licet hoc non credat, motus tamen passione aliqua amoris, aut odij, vult creaturam, quam scit esse creaturam, colere ac si esset Deus. Vel tandem si vtiatur eo signo indifferenti ad cultum Dei, & cultum creaturæ, eo tempore, & his circumstantijs, vt censeatur cultus diuinus exhibitus creaturæ; v.g. qui à Tyranno inuitatus, vt coram Idolo genuflecteret; ei morem gereret, is profectò idololatra esset, quamuis non crederet esse Deum, aut aliquid diuinitatis habere, nec haberet animum illud honorandi vt Deum: quia attentis talibus circumstantijs hic & nunc colit idolum, sicut Deum verum. Quia res, inquam, ita se habet circa sensibilia signa ad cultum Dei exteriorem spectantia.

Primum asserimus nunquam licere absque idololatriæ reatu venerari externè creaturam aliquo sensibili signo, primo & per se ad cultum veri Dei ordinato, nisi fieret ioco; nam si repræsentationis tantum gratia id accideret, vt in comædijs, extra controuersiam positum est, id licere, quia talis vsus huiusmodi signorum nō significat histiones eum cultum idolis exhibere, sed tantum repræsentare cultum ab idololatriis exhiberi solitum. Ex quo nequaquam oritur subtractio honoris diuini, aut scandalum adstantium, sed potius contemptus, & irrisio falforum Deorum. Hæc assertio ita explicata est de fide.

Primumque probatur aduersus hæreticos omnibus his Sacræ Scripturæ

locis, quibus habetur, & significatur non solam fidem esse de necessitate salutis, verum etiam fidei, veritatumque eius confessionem: Matthæi 10. *Qui autem negauerit me coram hominibus, negabo, & eum coram Patre meo, qui in caelis est;* Lucæ 9. *Nam qui me erubuerit, & meos sermones hunc filius hominis erubescet;* 2. ad Timotheum cap. 2. *Si negauerimus eum, & ipse negabit nos; & ad Romanos 10. Corde creditur ad iustitiā, ore autem confessio fit ad salutem;* vbi nomine oris omne signum externum intelligendum est, vt communiter explicant doctores; cum igitur idololatria externa licet ficta, sit contra fidei confessionem, nam est confessio alterius Dei, & consequenter continet negationem veri Dei, nam duo simul esse non possunt; sine vlla dubitatione grauissimum est peccatum diuino honori, ac religioni valdè contrarium, quia continet perniciosum mendaciū contra Dei honorem, scilicet quod sit alter Deus, vt infra magis explicabimus; nec solum, sed insuper, qui sic colit falsos Deos, cum decipiat alios perniciosè, quia veraciter eum agere existimant, grauissimum in eis generat scandalum. Et ideo 2. Machab. cap. 6. respondet Eleazarus præmitti se potius velle in sepulchrum, quam tale peccatum committere: *Non enim, inquit, aetati nostra dignum est fingere, vt multi adolescentium arbitantes Eleazarum nonaginta annorum transisse ad vitam alienigenarum, & ipsi propter meam simulationem, & propter modicum corruptibilis vitæ tempus decipiantur, & per hoc, maculam atque execrationem meam senectuti conquiram.*

Secundò hæc veritas apertè confirmatur vnanimi consensu, & antiquæ Ecclesiæ traditione, quæ hoc delictum negandi fidei veritatem, quantumvis in actu solum externo, semper reputauit magnum, & ita illud reprehendit, nec non in suis subditis puniuit; vt constat ex can. 61. Apostolorum, vbi quidem specialiter loquitur de Clericis fidem negantibus. Sed de omnibus fidelibus loqui-

loquitur Concilium Nicænū. Can. 15. & 12. Anciranum ferè totum, & Elebertinum can. 1. & 2. cuius etiam rei manifestum habemus exemplum in Marcellino Summo Pontifice, qui, est humana fragilitate in immani illa Diocletiani Imperatoris persecutione perterritus, Deorum simulachris thus adhibuisset, facti pœnitens in Concilio Sinuessano scelus suum palam confessus est. Et certè, si per talem cultus simulationem idololatriæ macula non contraheretur, maximè persecutionis tempore, Christiani à tyrannis infidelibus fatigati sæpè imprudenter, malèque egissent, non vtendo tali simulatione; quia sæpè magni intererat pro fidelibus defendendis, ac docendis, vt ille qui cogebatur idolatrare, superstes per aliquot annos esset; cum igitur nullus vnquam propter tormenta, vel quæcumque nocumenta ausus sit talem simulare cultum, sed omnes viri fortes potius occubuerint, & ad id se obligatos esse firmiter crediderint manifestum est argumentum, illum prorsus esse illicitum.

Tertiò accedit veterum Patrum authoritas, qui eandem veritatem, passim docent; Cyprianus epist. 10. 11. 12. nec non 72. Nazianzenus orat. 43. in nouam Dominicam; Augustinus lib. contra mendac. cap. 6. tract. 66. & 113. in Ioannem, nec non lib. de fide, & Symbolo cap. 2. *Fides, inquit, officium à nobis exigit, & cordis, & lingua.*

Quartò tandem & vltimò probatur rationibus aduersus Philosophos. Quia huiusmodi actus externæ idololatriæ est intrinsecè malus, nam est mendacium perniciosum, Deo iniuriosum, & hominibus valdè scandalosum: Ergo semper est malus, atque adeo quacumque ex causa semper, & pro semper illicitus. Patet antecedens, nam malitia mendacij ita est ab eo inseparabilis, vt propter nullam causam mentiri liceat, vt latè ostendit Augustinus lib. contra mendac. cap. 2. i. supposito igitur, quod præfatus actus sit

Bibliot. Theol. Tom. V.

mendacium, de intrinseca illius malitia dubitari non potest; atque adeo quin semper sit malus, & illicitus; quæ est consequentia probanda, & in primis si propria fiat sponte, siue cum interrogatione, siue absque illa, nullam habere, vel apparentem excusationem à fortiori patebit, si non habeat locum vbi sit per externam coactionem; quod ita probatur, quia talis coactio quantumuis acerbæ ex parte subiecti, seu operantis non aufert libertatem sufficientem ad peccandum, vel seruandum præceptum, vt docent omnes Theologi, ex hac igitur parte non excusat: Deinde ab obiecto non tollit deformitatem, cum ex dictis ita sit illi intrinsecè annexa, vt sit ab illo inseparabilis: semper ergo talis actus malus est, & prohibitus, etiam si propter vitanda quæcumque mala pœnæ comitatur.

Si quis obijciat huiusmodi actionem exterioris adorationis, non sufficere ad peccatum, quia grauissima præsertim vrgente necessitate voluntas illi deesse videtur: vnde vera non est idololatria, sed ficta solum, & apparens: sicut non est idololatra Tragedus, qui in Theatro exterius exhibet diuinum honorem alteri representanti personam Iouis, aut alterius falsi Dei.

Respondetur ad hoc argumentum, illam quidem actionem exteriorem fieri sine intentione, aut voluntate honorandi falsum Deum, vt supponitur, non autem absolutè sine voluntate, vnde verum est peccatum externæ idololatriæ; licet desit interior, respectu cuius propterea illa exterior actio dicitur ficta, & apparens idololatriæ; quia nimirum falsam habeat significationem ex parte adorantis, non autem quia veram, & absolutè voluntariam, malitiam non habeat.

Per quod patet ad exemplum Tragedi, qui, vt notauimus supra in explicatione nostræ conclusionis, non exhibet seriò illum honorem externum, sed ioco solum repræsentat, qualiter

L I exhi-

exhiberi solet : de ratione autem huius fidei idololatriæ est, ut exterius seriò exhibeatur, profitendo videlicet exterius verè, & ex animo exhiberi, etiam si falso, & cum mendacio id fiat.

Quia autem mendacium, quod in actu huiusmodi externæ idololatriæ reperitur, Deo iniuriosum, & hominibus valdè scandalosum est, nedum mendacij malitiam annexam habet, verum insuper videtur esse contra religionem, quatenus est contra honorè Dei, nec non contra charitatem ratione scandalali respectu aliorum; nò enim repugnat, quod idè actus habeat plures malitias iuxta diuerfas circumstantias; quarum tamen vna solet esse primaria, quæ nimirum magis propriè opponitur obiecto virtutis, & talis est in præsentī actu malitia religioni contraria, qui idcirco vocatur etiam idololatria, quamuis ex se non ita grauis, ac alij duo modi superius allati.

Secundò asserimus. Qui fingit se idolum, aut creaturam aliquam venerari signo aliquo sensibili indifferenti ad Dei cultum, & ad alios fines, sed tamen determinato ex circumstantijs ad falsi Dei cultum, idololatriam committit, etiam si fiat ad vitandum grauissimum malum mortis, vel aliud æquiualens. Hæc conclusio non minus certa est, quàm præcedens, & eisdem rationibus probatur quibus & ille. Etsi enim aliquis sit controuersia inter doctores, quales sint in particulari huiusmodi circumstantiæ, vel adiuncta, quæ cultum alias indifferentem, & consequenter licitum, reddant idololatricum, & inde illicitum, omnes tamen conueniunt, quod, ubi signum aliquod sensibile, indifferentens ex se ad Dei cultum, & alios fines, determinatur ex circumstantijs, quæcumque sint illæ, ad falsi Dei cultum, idololatra sit ille, qui tali utitur signo.

Cum autem præfata determinatio possit fieri ex more, aut consuetudine, nec non ex lege, ad id tamen digno-

scendum tanquam regulam magis indubitatam ponunt omnes Orthodoxi, quod ubi Tyrannus exigit, & vrget, ut fidelis utatur signo aliquo sensibili ad idoli, vel alicuius creaturæ cultum, quamuis illud signum v. g. genuflexio sit de se indifferentens, & amphibologicum ad cultum diuinum, vel ad aliud; tunc tamè censendum sit determinari, & coarctari ad cultum idololatricum, & consequenter illo utentem esse verè idololatram; ac si vteretur sacrificijs erga idola colenda. Quæ regula desumitur ex supracitatis Scripturæ locis Mathæi 10: *Qui me confessus fuerit*, &c. & Lucæ 9. *Nam qui me erubuerit*, &c. provt interpretantur veteres Patres, Tertullianus lib. de Idololat. c. 13. Cirillus Ioannis 10. & alij. Ratio est, quia omnes tam fideles, quam infideles existimant, attentis præfatis circumstantijs, quod vsus illius signi ad veram idololatriam spectet, illoque utentem reputant idololatram: Ex his igitur circumstantijs determinatum est illud signum ad idololatricum cultum, & in sua amplius non manet indifferentia. Patet ista consequentia, supposita veritate antecedentis, quod probatur primò de infidelibus, quia per vsu huiusmodi signi nihil aliud intendunt, quam extorquere à fidelibus professionem, sectæ alienæ, & negationem propriæ. Fideles quoque credidisse huiusmodi signi vsum, exigente, & urgente tyranno, pertinere ad cultum idololatricum, demonstratur ex hoc quod repudiato talis signi vsu, tot incliti Martyres mortem fortiter passi sunt, eam multi non passuri, cum ita maius Ecclesiæ bonum, fideliumque vtilitas plerumque peteret, nisi putauissent illud signum cultus hic, & nunc in casu nostræ regulæ ad obsequium, & honores diuinos idolo exhibendos esse deputatum.

Si autem inquirat aliquis, cur iudice iniuste, vel non iuridice interrogante quempiam, liceat interrogato verbis uti amphibologicis, & sic deludere

dere iudicem, fidelibus autem non liceat cum tyranno uti signis etiam amphibologicis; quemadmodum enim verba amphibologica in sua permanent amphibologia iudice interrogante iniuste, nec ex ea iniustitia limitantur, aut coarctantur ad sensum, quo iudex iniquus interrogat; ita nec signa sensibilia de se indifferentia ad cultum exhibendum Deo, aut ad alios fines, etiamsi urgeat, vel inhet tyrannus, sunt coarctanda ad cultum idololatricum, iuxta quam significationem tyrannicè hic & nunc exigit cultum, sed illis uti poterunt fideles in alia significatione.

Respondetur hoc discrimen provenire ex hoc, quod in iudicio obligatio manifestandi veritatem respicit ius ipsius superioris, vel iudicis interrogantis, & ideo si ille potestatem non habet interrogandi, nec reus habet obligationem respondendi, sed sine mendacio per amphibologiam negare potest se commississe aliquod delictum subintelligendo, ita ut tibi dicere, vel manifestare teneat. At verò in nostro casu præfata manifestandi veritatem obligatio non fundatur in potestate, vel auctoritate tyranni interrogantis, sed in iure ipsius Dei, de cuius fide, & veritate interrogatur fidelis, ideoque quamvis non iuridicè, sed tyrannicè interrogetur, siue à proprio Rege, & superiore, siue à quocumque alio, teneatur sincerè, & propriè veritatem fateri, & quando signum alias indifferens semel ex circumstantiis determinatur ad idoli cultum, etiamsi talis determinatio ortum habeat à tyrannide, fidelis illo uti amphibologicè amplius non potest, sique simulans dicat se nolle colere idolum, sed mortem effugere decipitur, sicut qui vellet se liberare à morte per iuramentum falsum, non intendens adducere Deum in testem, ipse quoque se deciperet, putans se non facere, quod re vera facit.

Quamvis præter tres modos superius adductos alij non sint committendi.

Bibliot. Theol. Tom. V.

di formaliter idololatriæ peccatum: ut enim idololatra propriè vocatur, qui alteri, quam vero Deo, diuinum honorem exhibet, ita quoque formalis, & propria idololatria posita est in exhibitione talis honoris; quæ cum esse non possit, nisi vel merè externa, vel etiam interna, & hæc vel concurrente simul intellectu, & voluntate, vel sola voluntate sine errore intellectus; manifestè sequitur omnem propriam, & formalem idololatriam in dictis tribus modis adæquatè contineri. Quia tamen causaliter, seu cooperando aliquam ad idololatriam varijs etiam modis potest illa participari, ut cum v. g. Dæmon sibi affectat, & procurat diuinum honorem, aut Tyrannus seipsum ut Deum adorare facit, hos quoque modos, & similes omnino illicitos esse affirmamus; quia licet alium falsum Deum ipsi non adorent, nec etiam se ipsos, attamen dum alios ad idololatriam inducunt, & quia ipsi affectant diuinos honores, idololatriæ maculam incurrunt, crimenque læsæ maiestatis diuinæ committunt, imo grauius in eo genere delinquere videntur, quam illi, qui eos adorant, tùm quia maiori contra Deum superbia extolluntur, tum etiam quia in virtute, & radice continet vniuersa aliorum peccata. Idem quoque iudicium proportionè seruata ferendum est de illo qui alteri consulit idololatriam, licet ipse idolum non colat, nec ex errore consulat, sed ex odio, vel deceptione, nam præter alia vitia, quæ in illo actu interuenire possunt, continetur etiam prauitas, & malitia idololatriæ; idemque est de quocumque cooperante, & morale occasionem præbente alteri, ut idolum colat. Atque de hoc genere peccati loquitur D. Thomas 2. 2. quæst. 169. art. 2. ad 4. ubi docet, peccare artificem fabricantem idola, vel aliqua ad cultum idololatriæ pertinentia.

Quæ de grauitate huius peccati solent disputare, tam comparatione facta inter tres supra enumeratos modos

dos formales idololatriæ, quam respectu aliorum peccatorum, vtrum nimirum sit omnium grauissimum, illa prætermitto, quia non sunt huius loci; sicut nec vtrum, & quomodo idololatriæ cogi possunt ad vnus veri Dei cultû profitendum; cum enim aduersus infideles dupliciter procedi possit, vel via disputationis, vt conuincantur, illisque persuadeantur tam supernaturales fidei nostræ veritates, quam naturales, hoc

est, quæ naturali etiam lumine cognosci possunt, vt existentia, & vnitas aliquius supremi numinis; vel via iurisdictionis, qua per penam, & coactionem ad id compelluntur, de hac secunda, non intendimus agere in præsentî, sed solum de prima; vnde tantum sit de idololatria, & Politheismo, quo si eius sequaces à suis in hac re erroribus non reuocentur, vix alia plura sufficere poterunt.

SECTIO QVINTA

In qua aduersus Philosophos Gentiles, aut alios quoslibet Dei Existentiam, & Vnitatem admittentes, ostenditur veræ Religionis, & in ea diuinæ fidei necessitas, indèque, quod illa sit vera, quam profitetur ac docet Ecclesia Catholica Romana.

C A P V T P R I M V M.

Premittitur brevis Idea rerum in hac Sectione tractandarum.



VM Religio, siue sumatur pro virtute, siue pro ipsamet hominum societate illam profitente, ordinetur ad Dei cultum; quemadmodum Atheistæ, vt omnem religionem tum in genere, tum maximè Christianam, quod carni, & sanguini minimè faueat, illis potissimum odiosam de medio tollerent, Deum esse primum, negauerunt; ita stabilita iam aduersus eos, nec non Politheistas vnus duntaxat veri Dei existentia, manifestè sequitur eum aliqua vera coli religione

debere: Adeo vt inter nos, & Philosophos Gentiles, aut alios diuinam, admittentes existentiam, rationabilis controuersia esse non possit, an aliqua vera detur in mundo religio, sed potius vbi illa reperiatur; seu quod idem est, an Christiana religio, quam Romana seruat Ecclesia, sit vera religio, prout in præsentî sectione intendimus ostendere.

Cui præstando plures cum adhiberi possent methodi, quibus etiam pro varietate temporum, & hostium vñ sunt Patres, & Doctores, nos eam amplectemur, quæ Philosophos decet, hoc

hoc est nullo adhuc supposito diuinæ fidei testimonio; sed aliquibus duntaxat principijs lumine naturali notis, aut illi saltem ad eodē consentaneis, ut ea, quæque ex illis vtrò sequuntur, negare non possint, nisi qui sceleribus suis obcæcati non vident. I. erit aliquam dari veram religionem. II. diuinam providentiam nostri maximè curam habere in rebus ad illam spectantibus. III. veram religionem esse certò inuenibilem. IV. animam rationalem esse immortalem. V. veræ religionis officia aut munera ex ipsa Dei, creaturæ rationalis, & religionis natura desumenda esse. VI. insufficiens esse ad illa solius naturalis rationis, aut Philosophiæ magisterium. VII. solam fidem diuinam esse tutam in religione ducem. VIII. ex his inferitur, Ecclesiā Catholicam Romanam profiteri veram religionem, utpotè diuinitus reuelatam, concurrentibus, ad hoc dignoscendum, in illam omnibus veræ religionis notis, ac signis, nec non argumentis, & motiuis euidentiæ credibilitatis, quibus stante necessitate diuinæ fidei, vel reuelationis ad veram religionem, voluit Deus hominibus manifestum fieri, vbi nam illa certò querenda, & inuenienda esset. Quibus omnibus ad institutionem theologicam, quæ veram religionem generatim, declarat, aut confirmat, pertinentibus nonnulla subiungentur in fine de ipsorummet eiusdem dogmatum demonstratione, quo nimirum

modo, & qualiter probari possint, ex doctrina iam præiacta sect. 1. huius 4. libri.



CAPUT II.

Statuitur existentia, & necessitas veræ Religionis.

QUAM inconsequenter discurrunt, qui ob varias, quas Philosophi circa beatitudinem opiniones habuerunt, illam absolute negant; aut vitam esse bonam, eo quod aliqui interdum fatui se se laqueo suspendunt, aut alio modo violentas sibi manus iniiciunt: tam insipienter loquuntur, qui semel admissa vnus veri Dei existentia, verā tamen in mundo religionem haud esse contendunt, contra quos in præsentī capite agimus.

Primumque argumentum ad intextæ veritatis probationem fundatur in communi omnium gentium circa illam consensu: ut enim supra sect. 3. cap. 15. iam sufficienter explicuimus, quod vniuersis videtur, est verum, quia verum, quod est obiectum intellectus, & bonum quod est obiectum appetitus, proportionaliter se habent; vnde sicut, quod ab vniuersis appetitur, est bonum; & hoc est primum in morali scientia principium: alioquin negari posset, esse bonam felicitatem, & vitam, ipsumque esse, quod vniuersa appetunt, ita quoque est verum, quod vniuersis videtur: tum quia vniuersorum iudicium, si res intimius examinetur, est naturæ iudicium, siue quod idem est, communis hominum in aliquam rem consensus, nullam aliā habere potest causam, quam naturam ipsam, naturæque authorem sapientissimum, à quo genus humanum institutum, eductumque fuit; qui nec falli, nec fallere potest; proindeque Tullius verissimè ait, de quo omnium natura consentit, id verum esse necesse est, & Plinius ad Traianum, singulos contingit, aut falli, aut fallere; non autem omnes: Quam igitur verè, & certò loco statim citato, nec non sect. 4. ex tali consensu collegimus Dei

Dei existentiam, & vnitatem, quam etiam Philosophi, quibuscum modo agimus, non negant; inde quoque concludendum est dari in mundo veram, qua colatur, religionem; si quidem, vt Plutarchus lib. contra Colotem. cap. 18. Tullius lib. 1. de legibus, & alij quamplures iam pridem ponderarunt, atque ex historijs palam omnibus liquet, multæ nationes, ac gentes inuentæ sunt, quæ viuunt sine vrbibus, & sine domibus, sine rege, sine pecunia, sine litterarum studijs, & sine illis ferè omnibus, quæ apud homines habentur in pretio; *nusquam tamen, inquit Plutarchus; extare urbem, aut oppidum, quibus nullas sit Deus, nulla iuramenta, nulla preces, nulla sacrificia: talem urbem à nemine unquam visam, priusque conspiciendam sine Sole urbem, quam sine Deo, ac religione.*

His etiam postremis sæculis, quibus noui mundi debetur inuentio, tot inter gentes ibi degentes, barbarissimas licet, & ignorantissimas, nulla tamen sine religione reperta est, imo in hoc ferè solum, quod aliquem Deo cultum impenderent, à belluis differre visæ sunt. Tam altè cunctis à natura insitus, atque adeò verus est religionis sensus. Cuius adhuc euident est argumentum, quod cum integræ nationes, & regna multoties religiones mutauerint, & falsam pro falsa, & falsam pro vera, & veram etiam pro falsa reliquerint, nihilominus nulla, hætenus natio crediderit, vel professæ sit sine religione viuere; cum tamen ita viuere, seu Atheistarum religio, scilicet nulla religio, sit omnium placidissima, carnisque, & sanguini fauentissima. Vnde è contra, quod aliqui pauci, & Deum, & religionem negent, qui comparatione omnium gentium, & totius generis humani, nihil sunt, nec pro aliquibus reputari debent, sibi que mentiri sunt, quia nulla natio fidem ipsis præbuit, clarè patet illius causam non esse veritatem, sed peruersam voluntatis inclinationem ad malum; Atheis-

mi enim, & irreligionis finis est securitas malè agendi, iuxta illud Regij Prophætæ psal. 13. & 51. *Dixit in spiritibus in corde suo non est Deus, corrupti sunt, & abominabiles facti sunt in studijs suis.* Qua etiam de causa, cum nulla sit fœderitas sine patrono, nulla sine amatore fœditas, ideoque impossibile sit aliquos interdum non delirare, aut vniuersis sine vlla proctus aliquorum exceptione quidquam videri; sicut nunquam propterea in morali disciplina, vniuersi sine exceptione sumi debent, ita vnanimi reliquorum iudicio nihil obstat, vel derogat aliquorum paucorum exceptio, vel phrænesis, vt innumeris declarari posset exemplis.

Confirmatur hoc argumentum, quia, vt loco superius citato de existentia Dei diximus, aliqua debet esse causa per se tantæ vniuersalitatis, & stabilitatis in hoc consensu, quod aliqua, detur religio, nam vt ibidem notauimus, quod semper, aut frequenter est, à casu non est: sed falsitas non potest esse causa per se talis effectus, siquidè intellectus ex sua natura assentitur vero, & non falso, quodque proinde vniuersis videtur, vt statim diximus, est verum, sicut est bonum, quod vniuersi appetunt; Nec etiam humana inuentio, quasi hoc de religione negotium ab aliquo ingenio fuerit introductum ad continendum homines in officio, eo quod aduertisset humanas leges non esse ad id satis potentes; *tum* quia assignabilis non est, quis ille adeo ingeniosus fuerit, vbi & quando floruerit, cum tamen certo sciatur fuisse religionem quandocumque fuerunt homines: nec fuisse homines aliquando, vel alicubi, quin tunc, & ibidem fuerit religio; *tum* quia ingeniosus ille, quicumque sit, vel suum probauit inuentum idoneis rationibus, scilicet dari veram religionem, vel non probauit, sed ita pro suo libito asseruit; si primum respondeatur, habemus intentum; si secundum, patet eius absurditas, eo quod nihil sit irrationabilius, quam

quàm dicere ab vniuerso genere humano ad contradicendum propensissimo, libertatisque amatissimo, admiffam vltro, & sine rationibus fuisse inuentionem eiusmodi, qua nihil grauius excogitari potuerat; *um* denique quia si, vt dicebatur, humanæ leges alias fundatissimæ nõ sufficiunt ad homines cõtinentendos, nec leges vnus nationis, pro alia natione; quis prudenter affirmet hominis vnus falsam positionem, aut fabulam suffecisse, vel magis aptam fuisse pro vniuerso etiam genere humano moderando: vt omittam fieri non potuisse, quod homo aliquis generi humano hanc de religionē habenda doctrinā impresserit; quia nihil ipsa natura infarius tantam vim habere potuit, nec nisi causa vniuersalissima adeo vniuersaliter, & vbique, agere, & influere: Superest igitur, vt naturæ virtuti, diuinitusque signato super nos illius lumini tribuamus, non autem inuentioni, aut deceptioni humanæ, quod omnes gentes, & nationes, moribus interea, ac inclinationibus diuersissimæ, & sibi contrariæ, locorum interuallo difficilissimæ, nullaque coniunctæ communicatione tam semper, tamque conformiter de nullo magis alio, quam de religionis existentia conuenerint; vtque consequenter asseramus verum esse, quod vniuersis videtur, cum à natura, seu illius auctore Deo, qui nec fallit, nec fallitur, suam trahat originem.

Deus itaque, cuius existentiam in præsentī supponimus, dum veram religionem inquirimus, qui naturas reliquas, & hominem, qua conuenit cum illis, proprietatibus suis sapientissimè donauit, potiori iure illi, qua intellectualis, ac discursiua est, providere voluit; vnde cum discurrere vnū sit ex alio inferre, ad quod necesse est esse in nobis aliqua communia iudicia, vel principia verissima, certissima, nec probanda, sed vltro admittenda; si nāque nihil esset eiusmodi, sed cuncta essent probanda, daretur processus in

infinitum, nec vnquam concluderetur aut probaretur quidquam; sic homo acceptus à natura, seu illius auctore Deo primum hoc principium, scilicet viuendum esse cum religione, omneque reuelatum à Deo esse verum; atque ipsius dei inde discursui, iudicio, & electioni, quia suppositis iam primis principiis discurrere, & eligere potest, relictum fuit, vt hanc, vel illam religionem prudenter, & consideratè amplecteretur, quæ præ cæteris à Deo reuelata, nec non proprijs veræ religionis notis, & characteribus ornata probaretur: Qualis est Christiana, quam Romana Catholica profitetur Ecclesia. Qua etiam ratione patet, qui naturæ principia, quæ homines, & Philosophi inchoatè solum cognouerunt, ad supremam vsque veritatem, hoc est ad Dei cognitionem, verumque illius cultum perducī possunt, ostendique in ijs ipsis diuinorum mysteriorum, nostræque fidei semina quædam, seu rudimenta latere, eo sensu quo gratia supponit naturam, & fides rationem, quas perficiunt; natura enim sine gratia manca, & ratio sine fide in obscuro tantum cognitionis, & scientiæ crepusculo versatur, vbi agitur de diuinis eius mysterijs, cuius proinde necessitatem in negotio religionis infra demonstrabimus.

Altera ratio probans existentiam, ac necessitatem veræ Religionis desumitur ex ipsamet natura huius virtutis cuius munus est Deo debitum cultum procurare. Si enim datur virtus conseruatix iuris paterni, seu pietas, quæ est iustitia aduersus parentes, datur obseruantia erga Magistratus, & viros aliqua excellentia præditos, siquam, quoties in aliquo datur ius cultus, obseruantix, obsequij, & amoris, datur quoque virtus, quæ pro obiecto suo eas habet actiones, quibus tali iuri sit satis; multo magis posito quod Deus sit, quodque homo sit capax eum colendi, debet dari aliqua virtus, quæ pro obiecto habet, & officio omnes il-

las actiones nostras, quibus supremū ius diuinum conseruatur, Deusque colitur tanquam primum rerum omnium, nostræque naturæ, & nostrum omnium quanticumque sumus principium, & author, cuique proinde sanctiori nexu obstringimur, quam cuius alteri, aut parenti, aut benefico, aut Regi, aut maiori etiam dignitate præcellenti; Hæc autem virtus, est virtus religionis, quæ à Theologis reponitur inter virtutes iustitiæ annexas; Est igitur tam vera religio, quam est verus verèque Deo debitus cultus, pietas, seruitus, & latria, cuius etiam religionis veræ necessitas non est ex solo Dei instituto, sed ex natura rei, seu existit, posito quod Deus est; quare qui negat Deum, possunt quidem, & debent, ut consequenter ad suam loquantur insipientiam, negare veram religionem; at, qui semel vnus veri Dei existentiam admittunt, fateri quoque tenentur veræ Religionis existentiam, ac necessitatem, & nonnisi paralogizando, aut contra institutionem naturæ agendo, eam abijcere possunt.

CAPVT III.

*Osten ditur diuinam providentiam nostram
maximè curam habere in rebus
ad Religionem spectantibus.*

NON defunt impij, qui, ut veram de mundo religionem tollant, diuinam quoque de illo providentiam exulare conentur, quod Deum nostra, inquiunt, non curantem, aut negligentem, nec nos curare, vel colere debeamus; Igitur, cum non tantum esse vnum Deum, seu numen aliquod diuinum rebus omnibus alijs longè præstantius, ut superius ostendimus, sed etiam beneficium, & prouidum, ita ut res humanas, seu ad hominem pertinentes singulari sua providentia curet, sit principium adeo cum religione connexum, ut hæc sine eo nulla vera

esse possit videri, nemoque melius de religione sentire valeat, quam qui de providentia Dei circa res omnes creatas, præsertim verò humanas benè sentit: adeo ut sine sensu diuinæ providentiæ, nullum esse in hominibus religionis sensum, & affectum, probet seu supponant communiter huius argumenti tractatores Sanctus Iustinus Martyr in Cohort. ad Gent. Tertullianus passim contra Marcionem, Lactantius in suis Instit. libro præsertim 1. S. Athanasius in orat. contra Gentes; D. Augustinus lib. de utilitate credendi cap. 16. vbi expressè ait: *Si Dei providentia non præsidet rebus humanis, nihil est de religione satagendum.* & lib. de morib. Eccles. cap. 6. de Religione vera disputans supponit sibi tantum esse rem cum illis, qui Deum esse non negant, neque id solum, sed etiam non ab eo negligi res humanas fatentur. *Nullum enim, inquit, arbitror aliquo religionis nomine teneri, qui non saltem animis nostris, diuina providentia consuli existimet.* Hinc etiam nos, qui in præsentem Philosophum, aut alium de existentia, & vnitæ Dei iam benè sentientem, non autem de vera religione, ad quam eum perducere in animo habemus, eo quod existimet Deum nec illius, nec cæterarum rerum humanarum curam habere, intendimus primum illi ostendere Deum esse earum, maximè prouidum.

Qua ergo naturæ face prælucente, & Deum esse, & vnum dumtaxat esse cognoscimus, atque pro certissimo cū Philosophis habemus, eadem prorsus apparet ipsum esse perfectissimum rerum omnium, præsertim autem humanarum prouidorem, seu beneficentissimam illi inesse earum providentiam: vnde primo semel concesso, secundū à nullo rationabiliter negari potest; ideoque ipsi Atheistæ, quod diuina providentia in suis dispositionibus, in quibus tamen nunquam fallitur, sit abstrusior, nobisque occultior, inde eam calumniandi, postea negandi, tum Deum

Deum ipsum, occasionem sumpserunt; tam verum est, hæc duo inter se necessarii connecti, sique Deus sit, cum providentiam habere debere; Quia, autem circa illam plura possunt considerari, quæ Sanctus Thomas 1. p. q. 22. quatuor articulis comprehendit. Primo subiectum eius, an scilicet Deo conveniat. Secundo, obiectum eius an circa omnia versetur. Tertio, & quarto, modum eius, scilicet modum ex parte Dei, & modum ex parte creaturæ. Ex parte Dei, an immediatè provideat omnibus per se ipsum. Ex parte creaturæ, an imponat eis necessitatem propter suam infallibilitatem. Non omnia hæc, & alia plura illis annexa, quæ fusè prosequitur idem Sanctus Doctor lib. 3. contra Gent. c. 64. & sequentibus intendimus hic explicare, sed quantum sufficit pro nostri instituti ratione, ostendere, Deo non esse denegandam perfectam rerum inferiorum, & humanarum providentiam; unde sic arguo.

Dum diuina negatur providentia, indeque nullam esse veram religionem colligitur; vel est sermo de illa in cõmuni prout se extendit ad omnem creaturam; vel de illa prout in particulari respicit res humanas, & adhuc inter illas specialius, quæ ad veram spectant religionem; sed quocumque ex his modo consideretur providentia, Deo Optimo Maximo competit. Igitur, aut negandum est eum existere, aut in eo admittenda est providentia. Maior huius huius discursus est certa. Minorẽ quoad primam partem probat Divus Thomas loco superius citato contra Gent. decem rationibus, sed unam solum, qua utitur 1. p. qu. 22. art. 2. adducam. Tantum enim se extendit Dei providentia, quantum eius causalitas; quia omnia causat per intellectum, ex intentione, & fine operando, & non fortuito, nec præter suam intentionem: id enim magna esset imperfectio: Causalitas autem Dei ad omnia se extendit, quia omne esse

creatum, participatio eius est; non ergo Deus, ut ex persona blasphemanti inducitur Iob 22. *Circa cardines caliperambulat, nec ad nostra considerat, sed ad omnia se extendit, quæ in eo est, providentia.*

Vel aliter, Deus est author, principiumque vniuersale omnium aliarum rerum à se: operatur per intellectum, & voluntatem: non casu, & fortuito agit, sed prudentissimè disponens omnia, & eaque ad suos ordinans fines, ut perspicuum est ex perfectione ipsius Dei; in his autem providentia consistit; igitur asserendum est, aut Deum non esse, aut imperfectum esse, cuius tamen oppositum modo supponimus cum aduersariis, aut illum habere de rebus omnibus providentiam, tamque illi convenire, ut Lactantius lib. de ira Dei cap. 9. nil repugnantius esse dixerit, quam Deum asserere, & providentiam negare, ut ibi refert de Epicuro. Quod etiam eleganter expressit Simplicius in Enchyridion. Epicteti cap. 38. q. 2. Cum sit numen, inquit, quale descriptum est cognitione præditum exquisitissimum, & potentia firmissima, & voluntate optima, & omnes res à se producat; nec ignorat res à se productas esse curandas; qui stupor ne in stupidissimas quidem pecudes cadit, nã ille quoque suos curant fetus; neque viliores, quam qua curentur, aspernatur; nam si tales erant, cur omnino condebantur? nec voluntas eius est accusanda, quasi ob delitias, & socordiam eas negligat; hominũ enim isti affectus sunt, nec omittunt, sed nõ proborum, cum ne pecudes quidem ita delicata sint, vel ignava, ut fetus negligant. Sic nullo modo fieri potest, quin Deus consulat rebus à se conditis. Idem multis suadet Tullius passim, & potissimum in lib. 1. de natura Deorum paulò ante finem: unde satis probata manet prima pars nostræ minoris.

Nunc ostenditur facillè secunda, res nimirum humanas diuinæ quoque subijci providentiæ, ut probat D. Thomas lib. 3. contra gent. cap. 90. sex rationibus, quarum tertia est, quod,

quantò aliqua sunt nobiliora in vniuerso, tanto oportet quòd magis participant ordinem, in quo bonum vniuersi consistit. Vnde Aristoteles in 2. Physic. arguit antiquos Philosophos, qui ponebant casum, & fortunam in constitutione celestium corporum non autem in inferioribus rebus. Substantia autem intellectuales sunt nobiliores substantijs corporalibus. Si igitur substantia corporales quantum ad suas substantias, & actiones cadunt sub ordine providentiae: multò magis substantia intellectuales. Vnde quod nonnulli Philosophi, vt facerent homines liberos, fecerint eos sacrilegos subtrahendo diuinæ providentiæ rerum humanarum curâ, ac directionem, alij verò illas sub fato concluderint, vt ita providentiæ diuinæ iura saluarent, errauerunt omnes, malèquè de diuina senserunt providentiâ, aut qualem Deum, primamquè rerum causam decet non agnouerunt, ad cuius infinitam perfectionem spectat mouere vnamquamque causam secundam ad suum effectum, secundum conditionem ipsius causæ secundæ, causam enim non potentem deficere, ad suum effectum determinat, vt ipsū necessariò absolutè producat; causam autem, quæ deficere potest, ita determinat, vt tamen absolutè deficere possit in producendo. Quare etiam non dicitur aliquis effectus contingens in ordine ad voluntatem nostram tanquàm ad primam radicem contingentiae, & libertatis: sed in ordine ad sapientiam, & voluntatem diuinam, in quantum scilicet Deus determinauit aliqua quidem euenire necessariò, & istis dedit causas necessarias, alia verò euenire contingentè, ac liberè, & istis dedit causas contingentes, ac liberas. Et quamuis in hoc specialiter explicando siue in concordando hæc duo extrema contingentiae rerum humanarum, & certitudinis diuinæ providentiæ, maxima sit difficultas, non propterea ad illorum negationem recurrendum est, aliquin & culices, & muscas, aliaque similia esse, negari de-

beret, ad quorum naturam, & differentias ritè explicandū omnes Atheistas, Lucianistas, Machiauellistas, & alios huius farinae homines constantissimè prouoco. Quorum vnum præcipuum malum est, quod vellent oculis Deum, & providentiam videre, manibusque contrèctare. Quin imo, nec hoc concessò, forsan adhuc quiescerent: si quidem sensus etiam multoties decipiuntur, & corriguntur ab intellectu; nam visus suadet in iride esse colores, virgam sub aquis esse fractam; & sic de alijs, quæ nisi intellectus corrigeret, in apertissimos caderemus errores. Hac ergo non obstante, quam sibi arripiunt insipientes, libertate calumniandi diuinam providentiam, indeque eam negandi, quia, eius opera non capiunt; quis enim cognouit sensum Domini, aut consiliarius eius fuit? cum nec in humanis tolerabilis sit ille modus discurrendi: ego nõ inuenio, cui bono deseruiat hæc dispositio Regis, ergo est inutilis; ergo mala; inconcussa maneat, non minus diuinæ providentiæ, quam existentiae veritas.

Supereft iam, vt tertiam minoris partem probemus, illi nimirum specialiter subdita esse res ad religionem pertinentes. Primò, quia, si, vt statim vidimus ex Diuo Thoma, ob maiorem perfectionem, qua cæteris substantijs præcellunt intellectuales, earumque actiones, specialius diuinæ subduntur providentiæ, cum etiam inter istas primum teneant locum res religiosæ vt porè spectantes ad cultum diuinum, coque mediante ad salutem hominum consequenter asserendum est, Deum singulari quoque providentiâ illas curare.

Secundò probatur ab effectu, nam communis illa persuasio, seu iudicium, quod superiori capite diximus omnium nationum, ac gentium animis naturaliter inesse de existentia veræ Religionis; adeo vt nihil sit in quo naturalis humana intellectualis magis consensit,

rit, quam in iudicando dari veram religionem, nec fas esse sine illa vivere: hoc quippè nulla natio, aut negavit; aut ignoravit, nec ex illis quidem, quæ ob suam habetudinem ipsamet prima scientiarum genera ignorant, vel etiam negant; hic, inquam, sensus, quo Tullius lib. 1. de nat. Deorum asserit Epicurum convictum vidisse, esse Deum, quemque tantoperè perorant Patres, Iustinus lib. de Monarchia, Arnobius lib. 1. ad Gentes versus finem, & maxime Tertullianus lib. de testimonio animæ, non potest non esse effectus Dei providentis, ut hoc primo principio, à natura indito, ubique sparso, & radicato, quodque sine probatione par est credere, quia prima non probantur principia, & si aliqua sunt huiusmodi, illa sunt procul dubio, in quibus omnes gentes conveniunt, & natura tota consentit, omnes docti, & indocti, rudes, ac ingeniosi imbuti, veram in genere amplectendam esse religionem, facilius disponderentur ad eam in specie suscipiendam, quæ talem esse illis persuaderetur. Eoque magis certò credendum est digitum Dei hic esse, quo plures non defuerunt impij, qui hunc religionis sensum omnibus vijs abrogare, liberareque homines ab eius onere studuerunt, & tamen genus humanum alioqui corruptissimum libertatisque amantissimum semper illis restitit, nec vlla vnquam gens aut natio fuit, vel est, quæ sine religione viuendum iudicaret, vel iudicet; hoc est enim evidentissimum potèstioris vis, & institutionis, quam scilicet à natura, seu Deo auctore naturæ insitā habemus, argumentum. Cui non obstat, quod pauci quidam ignorantes, & superbi, suisque sceleribus obcæcati per vim, & violentiam illi resistent; cū vel lapides, & saxa violenter sursum iaciuntur.

Tertiò probatur eo quod, cum de facto sola Religio Christiana, quæ proficitur Ecclesia Catholica Romana, sit specialis religio, quam reuelavit

Biblioth. Theol. Tom. V.

Deus, quaque voluit coli, præclarissimis illam insigniuit notis, quibus id hominibus innotesceret, facilièque discerni posset vera à falsis religio. Quis enim admisso Deo, quodque velit aliqua religione coli, id non tribuat infestabili eius providentiæ, qua attingit à fine ad finem, fortiter, & disponit omnia suauiter, quod autem multi homines illam non amplectantur, id non provenit ex defectu diuinæ circa religionem providentiæ, sed ex multis alijs causis, ut diximus supra sect. 1. cap. 6. & 7. Cum tamen, cur dictam religionem Christianam tot amplectantur, & primum amplexi fuerint hominum milliones, alteri tribui causæ non possit ex parte obiecti propositi, quam dictarum notarum efficaciam, quibus illam Deus voluit illustrare, & ad illam amplectendam hominum mentes mouere: ut satis ostēdimus loco statim citato, nec non tota sectione 2. facessit ergo impiorum vox, Deus providentiā non habet, aut si habet, non circa religionem, ergo nulla vera religio est. Nam ut ostensum est, aliqua vera religio est, ergo ut Deus est, illaque colitur, non minus circa illam, imo multò magis, quam circa alia, suam extendit providentiam

CAPVT IV.

Quod vera religio sit ab hominibus inuenibilis.

CUm præter Epicureos Deū quidem admittentes, non tamen veram religionem, defectu diuinæ providentiæ ad eam se extendentes, quos refutauimus statim, non desint alij, qui sub diuersis prætextibus eius adhuc negent existentiam; in hoc capite contra illos agimus, qui prætendunt impossibilitatem illius inueniendæ; cui enim bono, inquirunt, quærenda in terris est vera religio, si ab hominibus inuenibilis non est. Quia autem præcipuum apud ipsos huius im-

Mm 2 pos-

possibilitatis fundamentum est, quod cum Pyrrhonijs, Academicis, Scepticis, & alijs huius fursuris hominibus existiment, vel nullam esse veritatem, vel si qua sit, latere in puteo Democriti defossam, indeque eam rerū omnium humanarum conditionem esse, ut qui in illis, maxime si à sensibus longius remotæ sunt (ut Mathematicas illis affines, vicinasque excipiant) aliud quam coniecturas, aut verisimilitudines quarunt, inani se se labore, & studio excrucient: adeo ut sermone cum hominibus istis superbis, & curiosis sepius habito, post longas concertationes, nihil ab ijs aliud impetrari possit, quàm quæ à nobis Catholicis creduntur, probabilia quidem esse, sed non eiusmodi, ut in ijs quidquam omnino certi haberi queat. Re ita se habente, nonnulli disputationem altius repetētes, primum aliquid ab homine certo cognosci posse demonstrant; deinde suam cuique generi, atque cognitioni certitudinem esse propriam; aliam rebus Mathematicis, aliam Metaphysicis, Physicis aliam, suam moralibus, nec non etiam fidei humanæ: cum denique si quid certum est, id maxime certum esse, quod religio aliqua vera sit, qua vnus verus Deus sanctissimè colatur, &c. ita Ioannes Bagorius in Apologetici fidei parte priore, & Michael de Elizalde in forma veræ, religionis quærendæ, & inueniendæ quaest. 5. & sequ. ambo Theologi Societatis Iesu pari doctrina, & pietate insignes, Diui Augustini methodum, ac ordinem secuti, qui ut in lib. retract. cap. 1. lib. 3. contra Academ. cap. vltimo refert, suas elucubrationes Theologicas, deq; religione vera disceptationes exorsus est à suis contra Academicos libris; *Ut argumenta eorum*, inquit, *qua multis ingerunt veri inueniendi desperationem, & prohibent cuiquam rei assentiri, & omnino aliquid tanquam manifestum, certumque sit, approbare Sapientem, ab animo suo, quia ipsum mouebant, quâvis posset rationibus amoueret.*

Nos igitur eorum exemplo, omiffis tamen longioribus de hac re disputationibus, de quibus præfati consuli possunt auctores, nec nô quæ nos to. 1. lib. 2. sect. 4. diximus, sic sequentem efformamus discursum. Dum dicitur, veram non esse inuenibilem religionem, vel hoc est, quia nullum absolute datur verum inuenibile, vel quia, licet aliquid sit tale, in specie tamen vera non datur religio, vel tandem quia, licet illa detur, impossibile tamen est illam inuenire: Sed omnia ista sine fundamento asseruntur; Ergo etiam indè malè colligitur veram non esse inuenibilem, atque adeo nec quærendam religionem. Maior huius argumenti videtur esse certa ab enumeratione. Minor autem probatur, quoad singulas partes, quæ tot in hac re conclusionum locum habere possent; melius tamè iudicauimus eas sub præfatam formam reducere; tum claritatis gratia, tum quia sic magis videntur conuincere.

Primæ itaque minoris partis absurditas ostenditur, in qua, quia nemo nunc ita ineptit, ut nihil esse, verum dicat, cum si nihil esse verum, nec hoc ipsum licet pronuntiare, nec agere, nec loqui quidquam; quam in amentiam, si credimus Aristoteli lapsus demum fuit Cratylus, qui exprimere aliquid volens digitum mouebat, ratus rei veritatem, quam enuntiare intendebat, transire, elabique prius, quàm absolueretur oratio: at in motu etiam digiti, qui continuus cum sit, spatium temporis requirit, idem timere debuerat; quia talibus, inquam, nugis non datur amplius locus, ideo addidi particulam inuenibile, quatenus Academici hic refutandi, eorumque sequaces absolute verum non negant, sed tantum esse inuenibile, attenta definitione Zenonis, qui verū, vel veri perceptionem definiuit: *Quod ita esset animo impressum ex eo unde esset, ut esse nō posset ex eo unde non esset*: id est, ut explicat Diuus Augustinus, *his signis ve-*

rum posse comprehendere, quæ signa non possunt habere quod falsum est. At nullum hominibus veri signum suppetit, quod falso subesse, aut competere non possit: nequaquam ergo verum, aut inueniri, aut percipi, aut discerni à falso potest.

Sed hoc eodem effato, *primum* ad hominem huius sententiæ vanitas proditur; vel enim præfatæ definitionem veritatis, seu perceptionis veri, putant esse veram, vel non: si primum respondeatur, iam habetur intentum, aliquod scilicet verum, non solum sensibile, verum etiam speculabile esse inuenibile; siue quod idem est, aliquam esse propositionem, de rebus non sensibilibus, quæ non tantum sibi videri, sed veram, ac certam esse iudicant, & approbent. Quod si definitionem illam talem non existiment: Ergo ex illa moueri non debent, ut asserant, minusque viri sani iudicii, & rationis, ut arbitrentur, veritatem esse ininuenibilem, seu de illius inuentione desperandum prorsus esse.

Secundo, quia negata semel veritatis inueniendæ possibilitate, fatua quoque, imo impossibilis esset illius inquisitio, quam tamen ipsi laudant: Igitur fateri debent, aut verum inuenibile esse, aut illud inquirendum non esse. Patet consequentia, veritas autem antecedentis probatur, nam ut fatuum, ac imprudens esset, in locum aliquem tendere, quo certo quis crederet, se nunquam peruenire posse; ita non minus fatua, & imprudens iudicari debet veri non inuenibilis nunquam finienda inquisitio; sed & impossibilis quoque videtur ex communi axiomate, quod nullus sciens, volensque mouetur ad impossibile, sic enim nemo hominum volare nititur, aut mare vno haustu absorbere; dum ergo Academici verum admittunt, & illius inquisitionem approbant, illius quoque inuenibilitatem concedere tenentur, etsi varias ob causas non semper in omnibus rebus inueniatur, nec ita sit facile eam inuenire.

Tertio, dum Academici, eorumque

sequeces veri negant inuenibilitatem, in aliud adhuc maius, & vniuersalius absurdum incidunt; quod nihil omnino liceat ipsis agere: qui enim nihil prorsus iudicant verum, nihilque approbant, nesciunt quid sit ipsis agendum; imo omnia agent, & nihil; omnia quidem quia similiter ignorant, quid sit omittendum; nihil verò, propter eandem agendorum nescientiam. Nec vim huius argumenti eneruat, quod ad verisimile, & probabile confugiant, dicentes nihil quidem approbandum; sed tamen multa esse verisimilia, & probabilia. Cum enim probabile idem esse videatur, ac approbabile, certè quibus nihil approbatur, nihil potest esse probabile; deinde, an hoc, vel illud sit probabile, nequit ab ipsis iudicari, si nihil iudicant; atque adeo nihil agere poterunt, aut loqui. Tandem, etsi libenter admittamus primum, multa esse probabilia, & verisimilia, seu opinabilia, idemque esse probabile, ac verisimile seu opinabile; nam probabile dicitur, quatenus, ut mox dicebam, probari, seu ab intellectu admitti potest: verisimile autem quatenus dicitur ordinem, vel relationem similitudinis ad verum; insuper, id quod verum est, posse cognosci non tantum ut verum, sed etiam ut probabile, & verisimile, quod tamen tunc non per scientiam, seu assensum, & iudicium certum, sed tantum per opinionem cognoscitur, quia opinio est de verisimili, quatenus verisimile est, sicut scientia, seu certa cognitio est de vero, quatenus verum est; etsi, inquam, hæc, & similia concedamus; impossibile tamen est, quod asserunt, nimirum se probabile sequi, indeque ubi opus est, agere, & tamen quid sit verum ignorare, nec percipere. Qui enim verum, & certum à probabili, seu verisimili, non discernit, nec certò dignoscit, is nihil probabile, aut verisimile cognoscere, minusque ei, ut probabili, & verisimili assentiri potest: at Academici verum ita non cognoscunt, nec cognosci posse asserunt, si ipsis credimus; fateantur ergo necesse est,

se est, ignorato prorsus vero, assensum verisimili præstari non posse, aut si ipsi, ut aiunt, illi præstent, se aliquod verum certò cognoscere.

Veritas maioris, in quo tota huius argumèti vis consistit, ex eo patet, quod non cognoscitur aliquid esse verisimile, nisi quia ipsum comparatur, aut cõfertur cum aliquo vero, verisimilitudo enim est quædam congruentia cum aliquo alio obiecto vero, quod nisi ut verum certò cognoscatur, dabitur processus in infinitum, non enim cognoscitur ut verisimile, seu comparatum cum alio vel cognito ut vero, vel verisimili, nec verisimile esse iudicatur, nisi quia in eo deprehenduntur aliqua signa veri, quæ signa non cognoscuntur, nisi cognoscatur verum ipsum, cui competunt ut v.g. intellectus in tantum probabiliter, aut verisimiliter de aliquo iudicare, aut asserere potest, quod sit, vel non sit aurum, in quantum simile est, vel nõ, colore, pondere, ductilitate, aut alijs huiusmodi, isti auro, quod certò scio esse verum; & sic de alijs exemplis tam in speculatiuis, quam in moralibus. Qui verum igitur, & certum penitus ignorat, aut illud à probabili, seu verisimili non discernit, nec certò dignoscit, is nihil probabile, aut verisimile cognoscere, minusque ei ut probabili, & verisimili assensum præbere potest. Vnde rectè Diuus Augustinus lib. 2. cap. 12. respondet Academico Carneadi: *Tu ergo, cum te nihil veri scire dicas, unde hoc verisimile sequeris? At nomen ei non potui aliud imponere: quid ergo nobis disputandum est cum eo, qui nec loqui potest?*

Quod ultimò respõdent, ut aliquid verisimile cognoscatur, satis esse, si percipiat, quid significet verum, aut se per probabile, seu verisimile nihil aliud intelligere, ut refert Diuus Augustinus lib. 2; cap. 11. *quam quod ad agendum sine assensione potest inuitare; sine assensione autem id vocant, ut id, quod agimus, non opinemur verum esse, aut non id scire arbiuremur, & nihilominus tamen*

agamus. Refellit *primò*, quia certum est prudentem non agere quidquam, nec velle, nisi iudicet id esse bonum, & agendum, incerto saltem, & probabili, seu opinatio iudicio; quod tamen iudicium ex dictis habere non posset; qui namque verum non cognoscit, quid sit probabile, aut simile vero, nequit dignoscere, aut tale esse iudicare. *Secundò*, dum vir prudens, ut agat, aut velit, tam accuratè, ac diligenter omnia circumspicit, ut saltem probabilitatem, ac verisimilitudinem habeat, tantæ diligentie alia non videtur esse causa, nisi quia quærit aliqua signa veri. Quod item ex duobus probabilibus, vnum altero probabilius esse dicat; certè per Academicum illud inuitare sine assensione ad agendum explicari nequit, sed tantum aliquid probabilis dici potest, per hoc, quod magis propè verum est, seu quod plura, aut manifestiora verisigna, & argumenta habet; nec tantum veri in cõmuni, quod si admittant Academici, iam aliquod verum certò cognosci concedunt, sed alicuius definiti, & determinati, ut patet in adducto auri exemplo, quod ut aurum esse probabiliter iudicetur, debet probabilitas, seu verisimilitudo auri in eo agnosci. Ut igitur si quis fratrem alicuius visum patris sui similem esse affirmaret, ipsūque suum patrem non nouisset, etiam si quid pater esset in communi sciret, infans, ineptusque videretur ex Augustino lib. 2. cap. 7. certè non minus ridendi sunt Academici, qui se aut in communi, aut in particulari verisimilitudinem sequi dicunt, cum ipsum verum quid sit ignorent; siquidem verisimile, totum quod est, relatiuum est, & respiciens verum, quare licet necesse non sit, sublato verisimili, quod tollatur verum, quia istud est tale per absolutam rationem veri, attamen hoc sublato ex intellectu nullum in ipso verisimile superesse necesse est. Sicut etiam omne negatiuum supponit affirmatiuum, & non homo, aut non lapis intelligi non potest non intellecto homine, aut lapide. Vndè etiam-

etiam si Academici suum probabile, seu verisimile vellent explicare per negationes, adhuc cogerentur fateri se nosse illud vnde negationem petunt, quod nequit esse aliud, quàm ipsum, verum cognitum vt verum.

Quartò hæc eadem Academiæ fatuitas ostenditur ex ipsamet intellectus natura, qui præter discursuâ duas alias habet quasi partes, alteram apprehensiuam cum bestiis communem: iudicium alteram hominis, & intelligentium propriam: at licet apprehensiuam in illo priori, quo ens dicitur esse intellectu obiectiue, seu esse obiectum circa quod intellectus proximè versari potest assentiendo, aut dissentiendo, aut dubitando, vt mox dicemas, ad vera & falsa anceps sit, saltem in homine; & omnia apprehendat, quæcumque audimus; & quæ nobis etiam nolentibus excitantur chimæ, monstra, puerilia, & figmenta quæque; at tamen pars iudicatiua, quam Academici, ni bestiis deteriores esse velint, se habere negare non possunt, vero mouetur, siue nequit villa sua operatione ferri nisi sub ratione veri, vt consideranti omnem eius operationem patebit; quæ reducitur, vel ad assentiendum, vel ad dissentiendū, vel ad dubitandum, & abstrahendum nullo rei propositæ, seu apprehensæ assensu præstito: ad hanc autem ipsam abstractionem, & hæsitacionem, quæ iudicat intellectus illam sibi nondum liquere, nec se videre cur affirmet, aut neget rem vt proponitur ita se habere, mouet illum verum; ideo enim prudenter, ac rationabiliter abstrahimus, & hæsitamus, quia ex propositis extremis vtrumque nobis proponitur contingēs, & possibile; ac ideo vtrouique falsum metuinus, & fugimus, & intellectum ab assentiendo, vel dissentiendo cohibemus; nam si alterum appareret impossibile, illi dissentiremus: & vtrique, si vtrumque repræsentaretur impossibile, quod ceritè iudicium, in hac abstractione necessario inuolutum, quo iudicatur, neutrum extremum esse tutum,

& exploratum, ac ideo cohibendum assensum, fieri non potest sine aliqua præcognitione veri, cui opponatur illud falsum, cui assentiri fugitur. Similiter dum assensum præbet, vel dissensum, seu negat, vel affirmat intellectus aliquod obiectum, cum tale iudicium assensus vel dissensus, sit vel omnino certum, vel incertum, quod iudicium incertum dicitur opinio; vtrouique requiritur cognitio veri; de certo non est dubium: de incerto autem, siue probabiliter patet ex dictis, cum tunc fiat, quādo, licet non appareat veritas, apparet tamen verisimilitudo, seu quædam congruentia cum aliquo alio obiecto, quod verum esse certò constat. Imo nonnullis vt iudicijs efformandis non sufficit simplex rei apprehensio, sed aliud prærequiritur iudicium: v. g. in iudicijs negatiuis, quæ aliquod affirmatiuum supponunt, intellectus enim non potest iudicare, quod homo non sit equus, nisi prius non solum apprehenderit, sed etiam iudicauerit, & determinauerit quid sit equus; item in propositionibus modalibus, cuiusmodi est ista, hominē esse animal necesse est, debet prius ferri iudicium de propositione inclusa, & quæ à Logicis de inesse dicitur, quæ est ista, homo est animal. Ita quoque non potest haberi iudicium de verisimili quin supponatur aliud de vero ipso; siue quod idem est, non potest haberi simplex apprehensio verisimilitudinis, quin simul formale, aut virtuale, quod supponit aliquando formale elicitum, iudicium habeatur, quo determinatè dicatur quid sit verum.

Quintò Academici putant nihil pro certo habendum, aut verum esse ininuenibile propter errandi periculum; sed non minus contingit nos decipi in probabilibus, quam in certis, ergo si ob dictum periculum nihil est pro certo habendum, nihil similiter habendum erit, vt probabile; & sicut verum, ita quoque probabile, & verisimile erit ininuenibile. Sapientis igitur est, in dubijs propter errandi periculum, suum

suum non præcipitare iudicium; sed nõ desperare de veri inuenibilitate, nec absolutè certum denegare assensum, omnibus rebus indifferenter; cum multa sint ad Philosophiam, seu sapientiæ studium, imò & ad ipsos mores pertinentia, vt approbandam esse veritatem, eique consentiendum, si reperiata sit; summum hominis bonum summe amandum esse, media verò medioeriter, seu moderatè; & alia similia, quæ si quis reuocaret in dubium, is nec probus, nec prudens haberi posset, nec etiam operari, quandoquidem multa sunt in moribus, quæ quia omnium deliberationum, & consultationum debent esse principia, & normæ, ac regulæ actionum consiliorumque humanorum, ea non tantum vt probabilia, sed certa esse omnino oportet; cum apud sapientem probabilitas habere locum possit tantum in circumstantijs, & rebus contingentibus, in quibus vt plurimum versantur ipsæ actiones humanæ, non autem in primis regulis, & principijs, qualia sunt de ipso fine, de bono in communi, alijsque eiusmodi; cuius est signum manifestum, quod vbi est tantum probabilitas, ibi potest esse inquisitio, & consultatio, cum vtraque pars contradictoria probabilis interdu videri possit, & adhuc quæri posset, vera sit probabilior, seu magis prope verum; de præfatis autem principijs, consultatio nullo modo licita est, vt, an bonum sit amandum, an officium, aut fidem proderet liceat; hæc igitur, & similia pro omnino certis sunt admittenda; vnde rectè Tullius in Lucullo; *cui, inquit, vir probus omnes cruciatus perferre statuit potius, quam proderet officium, aut fidem, nisi ita oportere habeat certum, & nisi his rebus sit assensus, quæ falsa esse non possint?*

Sextò tandem, & vltimo, quod Academici in patrociniū suæ opinionis de veri inuenibilitate, ac proinde in inquisitione constitutam esse sapientiam, solent adducere, varios scilicet sensuum errores, aut scholarum rixas, &

diffensiones Philosophorum, ita vt nihil in rerum natura, aut Philosophia, sit ita constitutum, & à nonnullis creditum, quod ab alijs etiam grauissimis Philosophis non fuerit negatum, aut saltem in controuersiam adductum, nullius est prorsus momenti; Cum primū in accusationem sensuum referant tantum eas circumstantias, in quibus aut obiecta non sunt bene applicata, vt in debita distantia, in bono lumine, & medio, aut etiam sensus ipsi sunt male affecti, vt accidit in insanis, furentibus, aut etiam ægris; cæterum, vt obseruat Tullius in Lucullo, omnibus hominibus natura ipsa magistra certum est, & persuasum, certi aliquid per sensus posse percipi, esseque maximam in sensibus veritatem si sani sint, ac valentes, & remoueantur omnia, quæ vim eorum actionemque impediunt; pro vt considerari debent, vbi de eorum veracitate agitur, non autem, vt interdum defectu causarum secundarum, vitiatæ, & malè affecti euadunt; quamuis etiam, vbi tunc falluntur, aut potius fallaces sunt sensus, mens, & intellectus possit eos corrigere, & emendare quod erratur; de quo vide Tullium loco citato, Tertullianum in lib. de anima cap. 17. nec non Diuum Augustinum lib. 3. contra Academ. cap. 11. & sequentibus.

Multo minus adhuc ipsis fauent, quæ de scholarum rixis, scientiarumque incertitudine proferri solent, & ex quibus nos aliqua delibauimus tom. 1. lib. 2. sect. 5. cap. 9. talia enim solum probant, vt ibi notauimus, & mox cap. 7. & 8. fusius ostendemus, rationis naturalis, disciplinarumque Philosophicarum in illa fundatarum insufficienciam ad veram religionem inueniendam, siue eius doctrinam, non esse naturalis rationis, & discursus, & inuentionis, sed superiorem, ac diuinitus traditam, & credendam. Præterea, suadet quidem arduum esse veritatem inuenire, haud tamen impossibile; imo ex his Philosophorum rixis, & contentionibus euidenter arguitur esse aliquid apud eosdē ipsos

ipſos certum, & quod quærant, vt in ſecunda ratione probauimus, & quod ſupponant, vt in quinta; niſi enim eos inſanire, aut pueriliter garrere velimus dicere, ita debent inter ſe agere, vt ſe ſe inuicem audiant, & propoſita quæſtione aliqua ſic diſcurrant, vt vnuiſque de ea quid ſentiat aperiat; hoc autem fieri non poteſt, abſque eo quod omnes de aliquibus principijs communibus inter ſe conueniant, eaque ſupponant tanquam certas propoſitiones, ſecundum quas de propoſita quæſtione iudicent, ne in infinitum eat diſputatio; ex Philoſophorum ergo rixis, & contentionibus, tantum abeſt, vt colligi debeat, nihil dari certi, quin potius illud neceſſariò ſupponi, indeque aliud inquiri, cum eo ſpectent omnes; eorum diſputationes, vt ſuppoſitis ſemel aliquibus propoſitionibus inter ipſos certis, ſi enim tales eas non arbitrentur, de ijs quoque contenderent, nec in reliquis ſuis diſputationibus ſupponerent, ſublata omni contentione ipſi in ijs de quibus diſceptatur quæſtionibus tanquam certis, & veris, aut vero magis propinquis tandem conſentiant. Quæſtio enim Philoſophica, eſt appetitio cognitionis, quæſtionisque ſinis eſt inuenio veritatis: ſiquè nunquam illa reperiri poſſet, Philoſophia quæ ratiocinando progreditur, nullum in quæſtendo exitum haberet. Vndè rectè Tullius in Lucullo ait, per opinionem Academicorum tolli philoſophiæ rationem, eiufque ſtudium, vt omittam alia plura abſurda, & incommoda, quæ ex illa ſequi docet Auguſtinus in libris aduerſus illos conſcriptis. Quæquam verum igitur res conſideretur, manet probata prima noſtræ minoris pars, aliquid nimirum percipi, aliquid ſciri, ſeu certo cognosci poſſe, ruitque proinde argumentum ab ininuenibilitate veri abſolutè ex Academicismo deſumptum, & obtruſum ad ininuenibilitatem veræ religionis.

Nunc ergo oſtendenda eſt altera eiufdem minoris pars, veram ſcilicet

Bibliot. Theol. Tom. V.

religionem eſſe inuenibilem, veram enim dari religionem ſufficienter patet ex dictis, & ex illis quoque deducemus certam eiufdem inuenibilitatem, adeò vt nihil ſit inuenibile, ſi vera religio non eſt inuenibilis; *Primò* quia non agimus in præſenti cum Atheiſtis, ſed cum Philoſophis, aut alijs iam ſupremi alicuius numinis exiſtentiam agnoſcētibz, quodque non ſolùm rebus omnibus alijs ſit præſtantius, verum etiam beneficiũ, & prouidum, ita vt res humanæ, & inter illas, quæ ad religionem ſpectant ſingulari ſua prouidētia curet; ſed cum huiufmodi principijs ſemel admiſſis ſtare non poteſt verè religionis ininuenibilitas, qui igitur illa recipiunt, fieri quoque debent veram religionem eſſe inuenibilem, diuinamque prouidentiam non deſeciſſe in ſuppeditandis hominibus medijs, quibus ad illam quærendam moueri, & inueniendam peruenire poſſent. Eoque magis vrgebit hoc argumentum, ſi ſupponatur, vt mox dicemus, veram religionē, ſeu verum Dei cultum, ita homini rationis compoſiti, & conſequenter religionis capaci eſſe neceſſarium, vt ſine eo ſaluari non poſſit, nec ſit à Deo beatitudinem accepturus, ſiue talis neceſſitas ſit ex ſolo Dei inſtituto, & quia ita liberè decreuit; ſiue ſit ex natura rei, poſitoque quod Deus eſt, & ab eo factus eſt homo; hæc enim ſuppoſita, quæque rationabiliter negari non poſſunt, euidenter, vt puto, perſuadent Deum ininuenibilem reddere non potuiſſe veram religionem, quæcumque ſit illa, ſiue denegare hominibus media ad illam inueniendam.

Secundò itaque ſic arguo, vera religio dici non poteſt ininuenibilis, ſi per eam Deus debitum ſibi ab hominibus cultum reddi voluit, eoque viciffim mediante, veram illis retribuere beatitudinem; ſed res ita ſe habet, ergo vera religio dici non poteſt ininuenibilis. Maior huius argumenti, quæ eſt conditionata, videtur eſſe certiffima, ſuppoſita veritate conditionis, quam mi-

N n

nor

nor purificabit; qui enim dat formam, dat etiam consequentia ad illam; quique præstituit finem, dat media ad illius consecutionem necessaria, si igitur vera religio est medium necessarium in finem colendi verum Deum, obtinendique consequenter ab illo veram beatitudinem nostram ab eo dependētem, profectō nonnisi irrationabiliter dici potest, eam non esse inuenibilem; quodque natura, ut Mathematici, aut Metaphysici esse possemus, curauerit, instituerit, & aliqua in hunc finem principia, & media imprefferit, ipsa autem, & Deus neglexerint, imò stante ininuenibilitate veræ religionis, impederint, ne per eam ipsum colendo boni esse possemus, atque felices, hæc enim manifestè pugnant cum suauitate diuinæ providentiæ: illa agitur neganda, est, Deique consequenter existentia, aut veræ religionis inuenibilitas admittenda. Minor autem probatur, si quidem, ex dictis supra, vera religio nihil est aliud, quàm iustitia erga Deū, quæ, ut ipse ritè colitur ab homine, siue supremum ius illius diuinum conseruatur, ita quoque per illam homo non placere non potest Deo, seque ei amabilem reddere, & facere ut sibi optimè velit, & faciat, id est beatum faciat: quia cum beatitudo sit optimum, non aliter Deus homini optimè velle, & facere potest, nisi quando eum vera beatitudine donat; Dei igitur, ut par est colendi, veræque ab illo beatitudinis per modum præmij promerendæ medium absolutè necessarium est, vera religio: adeoque tantò magis præ omnibus alijs veris inuenibilis, quanto magis est necessaria non solum ex natura rei, verum etiam ex instituto ipsius Dei, euidens namque est eum non deficere in necessarijs, ac proinde in ijs maximè edoctum ab eo hominem, quæ magis ipsum decet, & quæ pluris ipsorum quoque hominum intersunt, in his autem omnibus primum habet locum vera religio.

Imò eam ex dictis supra sect. 3. cap.

21. Deus sit primum inuenibile, inde vera maximè religio dicenda est inuenibilis, si quidem Deo inuento, magna iam ex parte inuenta est vera religio, lumine ipso naturali distante eum esse colendum: Etsi igitur Deum negantibus, liceat omnia negare, & cum illis veræ religionis inuenibilitatem, ab illis tamen, qui vnus veri Dei admittunt existentiam, nequaquam indubium reuocari potest, veram quoque posse inueniri religionem, hæc enim correlatiue dicuntur: & quæ ratio cogit fateri esse Deum: eadem quoque cogit agnoscere eum esse cultu dignum; quique concedunt primum, inconsequenter negant secundum.

Tertiò probatur, quia dū noui Academici ininuenibile esse contendunt verā religionē, vel est sermo de illa in genere, vel de illa specialiter cōsiderata, quæ nos credimus esse solam religionem Christianam, quam, proficetur Ecclesia Catholica Romana, & ad quā manuducere modo intendimus Philosophum, vnum dumtaxat verum Deum agnoscenstem; sed neutro modo vera religio dici potest ininuenibilis, id ergo falso de illa asseritur. Maior huius argumenti est certa ab enumeratione. Minor autem probatur quo ad primam partem; quia illud ininuenibile dici nō potest, cuius quærendi, & inueniendi prima à natura habemus principia, si quidem, ut diximus supra, natura non errat, ideoque non errat, quia à Deo facta est, & gubernatur, qui nec falli, nec fallere potest, siue quod idem est, qui est infinitus, omniscius, omnipotens, optimus; nam si quid minus est, decipi potest, & decipere, & consequenter etiam natura ab illo facta; sed veræ religionis quærendæ, & inueniendæ primum habemus à natura, & Deo eius authore principium, vnanimem videlicet omnium gentium, & nationum sēper, & vbique consensum de veræ religionis existentia in Mundo, tale enim iudicium, & testimonium esse naturæ, vel alioquin nullum esse iudicium, & testimo-

testimonium naturale, supra demonstrauimus: Ergo loquendo de vera religione in genere dicenda non est ininuenibilis; sed sicut in alijs disciplinis, ex primis, quæ Deus author naturæ præmisit, illarum principijs, potuerunt homines eas inuenire, & excogitare, multaque in illis certo cognoscere; ita quoque, imo à fortiori, quas Deus hominibus de existentia sua, & veræ religionis in genere irrefragabiles ingessit maximas, principia talia sunt, quibus Deum, veramque religionem possint inuenire si velint, cum in hunc duntaxat finem ea concesserit, diuina tamen accedente gratia pro ijs, quæ supernaturaliter ad illam spectare, & in ea credi voluit.

Iam probatur altera minoris pars, veram scilicet religionem, qualis est Christiana, quam seruat Ecclesia Catholica Romana, non esse ininuenibilem, primò ex his, quibus tom. 3. lib. 3. cap. 7. & 8. ostendimus veram Ecclesiam esse visibilem, cum enim vera Ecclesia, veraque religio sint essentialiter connexa, si vera semel Ecclesia est visibilis, eamque talem Deus efficere voluit alijs quibus notis, & signis, omnibus peruijs manifestè sequitur veram quoque religionem esse inuenibilem, nec alibi querendam esse, quàm in illa Ecclesia, quam talibus notis Deus visibiliter declarare voluit esse suam, cuiusmodi est Ecclesia Catholica Romana.

Secundò hanc eandem minoris partem sic probo: Vera religio non solum in genere, siue quo ad ea quæ naturaliter cognoscere possumus de vero Deo colendo, est certò inuenibilis, verum etià in specie, si de facto datur aliqua religio in Mundo, quam ipsemet Deus instituerit, quaque se coli velle reuelauerit, quamque, vt discerneretur à falsa, talibus insigniuit notis, quæ non nisi verè competere possunt religioni, sed aliqua talis de facto datur religio in Mundo, nempe Christiana, quam profitetur Ecclesia Catholica Romana; igitur vera religio non solum in genere, verum

Biblioth. Thel. Tom. V.

etiam in specie est certo inuenibilis. Maior huius argumenti videtur omnino certa, supposita veritate conditionū in ea inclusarum; cum enim lumine naturali plusquam notum sit, Deum, nec falli, nec fallere posse, atque adeò, quod reuelauerit pro certo, & indubitato tenendum esse, si semel constare, potest hominibus institutam fuisse ab eo aliquam in specie religionem, quæ sola se obli voluerit; proptèrò non solum in genere, sed etiam in specie vera religio erit ipsis inuenibilis. Iterum cum isti noui Academici in tantum desperent de inuenibilitate veri, nec non, consequenter, veræ religionis, atque adeò putent veram religionem in inquisitione sitam esse, nullamque interim approbandam, ne quod pessimum esset, falsam pro vera contingat assumere, in quantum iuxta Zenonem, verum, seu veri perceptio, definitur, quod ita est animo impressum ex eo, unde est, ut esse non possit ex eo, unde non est: crediturque ab illis nullum nobis veri signum suppetere, quod falso subesse non valeat; si certò semel ostendatur, Deum religionem aliquam talibus illustrasse signis, quæ solum veræ, & nullo modo falsæ conuenire possunt religioni, necessario concedere debebunt veram religionem in specie esse inuenibilem; nec non veram in Mundo religionem esse, ita animis esse impressum nostris ex eo unde est, ut esse non possit, unde non est: quæ est definitio Zenonis.

Rem autem ita se habere cum religione Christiana, quam seruat, & docet Ecclesia Catholica Romana, quæ est minor huius vltimi argumenti probanda, euidenter demonstrant motiua credibilitatis illi, & nulli alteri religioni competentia superius adducta sect. 2. unde, quam certum est Deum esse, cumque mentiri non posse, ac proinde religionem ab eo reuelatam esse veram, tã quoque certum est, illam esse præfatam religionem Christianam, quam talibus communiuit signis, vt à ceteris falsis discerneretur, quæ non nisi à Deo, per-

habente testimonium veritati, & non falsitati, fieri potuerunt, quæque proinde soli veræ, & non falsæ religioni inesse possunt; hæc enim omnia necessariò inter se concatenantur; adeo ut, si cut sola ratio credendi religionem Christianam esse veram, est Deus, qui prima veritas est, illam reuelans, & ratio illam amplectendi est diuina gratia intellectum illustrans, mouensque voluntatem ad captiuandum illum in obsequium fidei, ita quoque ratio illà inueniendi, prædicta sint signa, quibus illam simul visibilem, inuenibilem, & euidenter credibilem idem verus Deus, tanquam à se reuelatam, reddere voluit. Quare quod de vnus veri Dei existentia contra Atheistas, & Idololatrias olim dixit Tertullianus *in lib. de testimonio anima*, & ex eo Cyprianus *lib. de idolorum vanitate*, idem mihi liceat impropere non amplectentibus religionem Christianam in Ecclesia Catholica Romana, quam ut ciuitatem in monte positam, & tabernaculum in sole constitutum, neminem prudentem, deque salute sua sollicitè curantem latere posse, locis citatis docuimus, *hanc nimirum, esse summam delicti, eos nescire velle, quod ignorare non possunt; vbi ritè illis proponitur: quodque, ut Tertulliani verbis utar, omnis talis anima rea, & reſtis est, & in tantum rea erroris, in quantum reſtis veritatis, & stabis ante aulæ Dei in die iudicij nihil habens dicere.*

Patet ergo, quam vanè noui Academici, ut omnis veri, ita quoque veræ religionis negent inuenibilitatem, quamque absurdum sub tali prætextu inferant, aut nullam dari veram religionem, aut si datur, possidente in dubio libertate, licitum esse omnem religionem abijcere, cum illius inquisitio, & inuentio nulli certo innitatur fundamento, sed omnia in hoc, si alibi, religionis negotio sint dubia, cum nullibi sint tam iuratæ factiones, & diuisiones, & nullibi consequenter sit maius errandi periculum, si aliqua præ alia appro-

betur religio, patet, inquam, ex dictis, huius vocis impietas, clariusque adhuc patebit, si, qui illam proferunt, vltimo loco considerentur, numero pauci, & modo viuendi tales; ut pro suæ scholæ stemmate habeant, *comedamus, bibamus, & veneri indulgeamus*: quis enim in illis potest esse rectæ rationi locus, qui more pecudum sensibus, & sensibilibus principatum tribuunt? quæ illorum auctoritas, quæ sententia? Cum contra, hos totum sit genus humanum, hoc est omnium nationum, & gentium iudicium, ac testimonium, dari in Mundo veram aliquam religionem; & consultius, si errandum est, quod tamen in nostro casu impossibile est, *quandoquidem homines sumus, quod cum ipso genere humano errare videamur*, ex D. Augustino *lib. de vtilit. cred. cap. 7*. Accedit insuper quod ob vitæ impuritatem, nõ tam veritatem querant, quàm bona temporalia, imò ut illam non querant, ista autem liberius sectentur, veram religionem ininuenibilem esse, sibi, & alijs, quamuis frustra, persuadere totis viribus conantur. Quæ tamen exceptio non est in his, qui veram admittunt religionem, inter quos innumerè propè sunt sapientissimi, omnigena eruditione, nec minori vitæ puritate, morumque probitate conspicui; quibus proinde cedendum, potiusque credendum esse, recta dicat ratio. Vnde quod dicebatur, in dubio libertatem possidere, non valet in præſenti, quis enim dubium appellare potest, quod, paucis dumtaxat malè feriatis hominibus negantibus, à toto genere humano, non metus, aut alterius commodi purè temporalis vtilitas extorquet, sed sola vis veritatis, vis rationum, & natura, & Deus, quæ vndique veræ religionis existentiam, ac necessitatem deprædicant. Sed esto tam certo, & conuincenti careret fundamento: cum agatur de summis rebus; hoc est de cultu Deo debito, de futura vita, quæ si est, æterna est, & si pænæ sunt, æternæ sunt; atque in illas, si fortè sunt, necessariò omnes tandem incide-

incidemus; non propterea sequitur, *comedamus, & bibamus, omnemque abijciamus religionem*, sed si fortè sunt, *in rebus dubiis præstas, bene, & religiosè vivere*, vt B. Clemens concluderebat lib. 1. *recognitionum*, quando veritatem nondum inuenerat. Nec in tali dubio possidet libertas, sed Deus, qui apud omnes gentes per tot sæcula in possessione est, & fuit veri cultus, veræque religionis illi debita; nec libertas à Deo colendo, cuius adiutorio nos indigere, quemque idcirco à nobis colendum, orandum, & timendum ipsimet agnouerunt Philosophi, libertas est, sed summa potius miseria, nam est exemptio à summo bono: vti infanti recens nato, parentumque ope indigenti, libertas ab illis, seu exemptio, non libertas, sed miseria, & calamitas esset quam maxima.

CAPUT V.

Quod homo animam habeat immortalem, indeque teneatur veram querere, & amplecti religionem.

A Testo quod sit Deus, quod vnus, quod vera detur, qua coli possit, religio, quod inuenibilis, non propterea ab homine aut sollicitè querenda, aut inuenta necessariò amplectenda, est, inquiet Epicuri de grege porcus aliquis, existimans cum illo, animam rationalem, seu hominis propriam, esse mortalem, sicut id de aliorum animalium animabus communiter asseritur: Quid enim homini cum vera religione, si mortalem habeat animam, indeque sit incapax, aut bonorum, quæ illius cultoribus, aut malorum, quæ illius contemptoribus, post hanc vitam in æternum obuenire possent. O miseram similitum voluptuariorum, & helluonum cæcitatem, qui ne religionem admittât, indeque effrenatius pecudum more genio indulgeant, nihil non deuorant, adeò vt brutis animantibus, quo ad

exitum, similes se esse sateri non erubescant; cum potius iuxta sibi datam, à Deo præ illis rationem, & intellectu, ita discurrere deberent: Datur vnus verus Deus, datur vna vera religio, cuius cultoribus æterna præmia, contemptoribus autem æterna retribuenda sunt supplicia, igitur cum Deus, qui talia promisit, nec falli, nec fallere possit, quam certum est inde, cum animam, rationalem, siue hominis propriam immortalitate donare voluisse, tam necessariò debemus veram querere, & amplecti religionem, si quæ sit, qua se coli velle declarauerit; vt superiori capite dictum fuit, & probatum, esse.

Scio nonnullis hanc suppositionem immortalitatis animæ humanæ minus necessariam videri ad præsens institutù, cum dicant, etiam si nulla post hanc vitam aut felicitas, aut miseria esset expectanda, adhuc tamen colendum esse Deum, tum quia ob summam quam, habet bonitatem, meretur amorem nostrum sui, & charitatem, quæ tanto purior, & sincerior esse videtur, quanto ab eo, qui diligitur, minus, aut nihil etià speratur: tum etiam quia, sicut virtus ipsa sibi sufficere potest, nec eget spe, vlla præmij vt ametur; ita vitium impietatis etiam sine vllò poenæ metu per seipsum videtur esse fugiendum. At quoniam hæ voces magnificæ quidem sunt, sed quæ fortè nihil in se rationis firmæ habent; & quamuis haberent, nihil, aut parum apud homines valere, ipsa satis experientia docet, placuit hic, quantum pro instituti nostri ratione, opus est agere de animæ humanæ immortalitate, sine cuius persuasione celsuerunt non solum Sancti Patres, sed etiam qui apud Gentiles habiti sunt sapientes, Poætæ, & Philosophi, omnè religionis cogitationem, curamque inane esse. Pro omnibus modo sufficiat Diuus Augustinus, qui, quod iam tum acutissimus, & sagacissimus sua in adolescentia, sed nòdum Catholicus Christianus perspiciebat, narrans lib. 6. Cōfess. cap. 16. ait: *Nec tunc renocabas à pro-*

profundiore voluptatum carnalium gurgite, nisi metus mortis, & futuri iudicii sui, qui per varias quidem opiniones nunquam tamen recessit de pectore meo. Et disputabam cum amicis meis Alipio, & Nebridio de finibus bonorum, & malorum, Epicurum accepturum fuisse palmam in animo meo, nisi ego credidissem post mortem restare animæ vitam, & tractus meritorum quod Epicurus credere noluit. Idem habet lib. de utilit. cred. cap. 7. Nemo, inquit, dubitas eum, qui veram religionem requirit, aut iam credere immortalem esse animam, cui proposita illa religio, aut etiam id ipsum in eadem religione velle invenire. Anima igitur causa omnis religio, nam corporis natura quoquomoda se habeat, nullam curam, ac sollicitudinem incutit ei præsertim post mortem, cuius anima tenuerit, quo beata sit. Animæ igitur causa vel solius. vel maximè vera, si qua est religio constituta est. Et cap. 13. non minus hanc de immortalitate animæ, quàm de existentia Dei suppositionem ad veram religionem quærendam, & amplectendam docet his verbis: Hinc tam immensi difficultati, quoniam de religione quærimus, Deus solus mederi potest: quem nisi & esse, & humanis mentibus optulari credimus, nec quærere quidem ipsam veram religionem debemus. Quid enim tandem tanto molimine inuestigare cupimus? quid optamus attingere? quo pervenire desideramus? eo ne quod esse, aut ad nos pertinere non credimus? nihil est tali mente perversus. Tu ne cum beneficium à me petere non auderes, aut certe impudenter auderes, inuentionem religionis postulatam venis, cum Deum neque esse, neque si sis, curare nos putes?

Sed isto tantò adhuc libentius argumento debemus uti, quo illud nobis sacræ suppeditant scripturæ. Ecclesiastes enim cap. 2. hominem de altera vita minus certum ita loquentem inducit: Si unus & sumi, & meus occasus erit, ut proculdubio contingeret, si nulla post hanc vitam aut miseria, aut felicitas expectanda esset, quid mihi

prodest, quod maiorem sapientiæ dedi operam, veram religionem, verumque Dei cultum amplexando; initium enim Sapientiæ timor Domini, & Diuus Paulus 1. Corinth. cap. 15. de nostra religione tractans ait: Si in hac vita tantum in Christo sperantes sumus, miserabiliores sumus omnibus hominibus.

Primum igitur, si Tertulliano credimus inter Philosophos Ethnicos solus Epicurus animæ humanæ negasse immortalitatem, aut verò de illa dubitasse visus est: Anima, inquit præfatus author lib. de testim. animæ cap. 1. mortalis Epicuro soli videtur. Quod enim Diuus Augustinus lib. 10. de Trinitate cap. 7. post adductas plurimum animam corpoream dicentium opinioniones, ait, eos omnes eam mortalem esse sensisse; id potius contra eos infert, & si cohærenter loqui voluerunt, asserere debuisse, quàm verè ita sensisse affirmet, cum Stoici animam humanam corpoream, & simul immortalem esse opinati fuerint.

Vndè secundo aduertendum est, cõmuni hominum consensui, seu humanæ naturæ dictamini circa animæ immortalitatem, nihil prorsus præiudicari, quod nonnulli etiam Philosophi, & Sapientes aliquos circa eius naturam errores habuerint, vel difficultates moverint pro eius origine, siue pro eius statu ante, & post hanc vitam definiendo; cum certi semper de eius immortalitate fuerint, idque tanquam firmum, omnium suarum quæstionum fundamentum, ni stolidos eos fuisse dicere velimus, supposuerint; ad quid enim præsertim tam acres inter ipsos disputationes de animæ post hanc vitam statu, & ultimo fine, si eam simul cum corpore more aliorum animalium interire persuasum, aut dubium habuissent? Quare apparet, quam malitiosè ab aliquibus hæc de immortalitate animæ quæstio confundatur cū alijs à Philosophis circa eandem excitatis, quasi indè libeat inferri, eos aliquando in dubium reuocasse animæ immortalitatem, non autem

tem eam vnanimi conſenſu docuiſſe. Eo
ferè modo, quo ſolet dici, communi
hominum ſenſui, vel conceptrui à natu-
ra indito de exiſtentia Dei; & veræ re-
ligionis, per quam ritè colatur, nihil
prorſus obſtare, imo potius illum indi-
care ipſammet Idololatriam, ſeu falſam
de pluribus Dijs colendis opinionem,
quæ videtur impoſſibilis vero Deo pe-
nitus ignoto, aut non ſuppoſito; Idolo-
latria enim committitur veram diuini-
tatem idolis vel hominibus, vel alijs
creaturis affigendo: Dumque gentes
olim ex idolis, vel Dijs ſuis vitam, vi-
ctorias, regna, cæteraque ſimilia ſpera-
bant bona; ſine dubio credebant eſſe in
mundo aliquid, cuius in arbitrio, ac diſ-
poſitione talia eſſent, ſicut & oracula,
quæ conſulebant, eſſe omniſcia, falliq;
non poſſe, nec fallere; hæc autem cum
ſint propria veri Dei prædicata; reſolui
patet Idololatriam in hæc duo aſſerta;
datur in mundo aliquid, quod vitæ, &
mortis, & exercituum eſt Dominus; cu-
iusque oracula ſunt veriſſima; hoc au-
tem tale, ſunt ſaxa, vel Iupiter, vel Ap-
ollo; in quorum primo, quod conce-
dunt omnes Idololatræ, vt verum fa-
tentur Deum, nemo non videt, in ipſa-
met Idololatria inuolui neceſſariò co-
gnitionem veri Dei, cuiusque illi de-
biti naturaliter cunctis impreſſam, Idolo-
latraſque non errare, niſi quod hunc
Deum ſic cognitum, in altero aſſerto
multiplicant, alijsque chimeris ineptiſ-
ſimè implicant, quas negant veri eius
cultores, luminis naturalis ductum per-
fectè ſequentes.

Primum autem ad hanc veritatem,
de animæ immortalitate ſtabiliendam
argumentum fundatur in authoritate
totius generis humani, ſive in illo iam
ſæpius inſinuato, ſemperque in his, &
ſimilibus materijs ob oculis habendo
principio, nimirum pro certiſſimo, ac
veriſſimo habendum eſſe; quod vniuer-
ſaliſſimus hominum præcipuè doctõrũ
& prudentum firmat aſſenſus, quia vt
ſuperius ſatis offendimus, id in quo om-
nes conſentiunt à natura eſt; quod au-

tem à natura eſt, à Deo quoque eius au-
thore eſt, qui nec decipit, nec decipitur;
ac proinde licet in illis rebus, quæ hu-
mana potiſſimum induſtria, ſeu diſcur-
ſu purè humano comparantur, quæque
ſub vniuerſaliſſimis principijs tam in-
ſpeculabilibus, quàm in practicis con-
tinentur, vel contineri videntur, poſſit
error plerumque interuenire, ſæcus ta-
men in illis rebus, de quibus iudicat
homo ſine arte, ſine induſtria, & ipſius
naturæ ſenſu, & conſenſu; ſed pro pri-
mis, & indubitatis habenda ſunt princi-
pijs, quorum veritas, & certitudo ad
certitudinem, & veritatem authoris ir-
fallibilis reſoluitur, quæque idcirco ab
omnibus ſupponenda, nequaquam autè
probanda ſunt, ſed cætera ex illis, adè
vt illis ablatis eſſent homines ſicut be-
ſtiæ, vel amentes hoc, & illud appre-
hendentes, tamen iudicio deſtituti, quæ-
admodum ceſſante motu primi mobi-
lis ceſſaret motus reliquorum orbium:
Quamobrem nullus, niſi qui aut negat
Deum, aut ſeum fallibilem eſſe credit,
in dubium reuocare poteſt id, in quo
omnes præſertim Sapientes conſen-
tiant.

In hanc autem de immortalitate
animæ doctrinam totum ſemper genus
humanum conſenſiſſe, & etiamnum
conſentire, patet primò ex eo, quod ſi
antiquæ, & modernæ euoluantur hi-
ſtoriæ, nullum reperitur ſæculum, nul-
la terræ regio, nulla ciuitas, in qua ea
doctrina palam, & publicè credita non
fuerit, & modo non ſit à cuiuſcumque
religionis, aut ſuperſtitionis ſectatori-
bus. *Secundò*, in eandem omnes con-
ſpiraſſe ſapientes Hebræos, Chaldæos,
Aegyptios Indos, Gallos, Græcos, Ro-
manos, Arabes, Pythagoricos, Stoicos,
Platonicos, Peripateticos, clarè demõ-
ſtrant, quæ ex eorum ſcriptis ſuperſunt
monimenta. Certè Benediſtus Pere-
rius lib. 6. de rerum naturalium princi-
pijs cap. 18. decem collegit argumenta
ex doctrina Platonis ad probandam
animæ immortalitatem; & quamuis nõ
nulli dubitauerint, quid ea de re ſenſe-
rit

rit Aristoteles ducti autoritate Auerrois, cum nihilominus veram de rationalis animæ immortalitate sententiam renuisse constabat accuratè eius opera relegendibus, ex quibus supracitatus author præclariora in hunc finem testimonia elicit cap. 19. nec non Augustinus Oregius in egregio opusculo de hac materia Romæ edito. Vt omittam innumeros alios, qui deinceps idem cū illis semper, & ubique senserunt; paucis duntaxat hominibus flagitiosissimis, & Epicuri discipulis contrarium docentibus clanculum, timidè, nullaque ratione firma, nulloque successu, cum suum errorem nulli vnquam genti, populo aut ciuitati quantumvis moribus corruptissimæ persuadere potuerint; quæ omnia, & illis annexa morum corruptela, manifesta sunt falsitatis argumenta. Quod aliqui Libertini respondent, animæ hominis immortalitatem, esse quidem rem, quæ vniuersalissimè, religiosissimè, & verisimillimè externa quadam, & publica professione admittitur; sed dubitari posse vtrum ea vera interna, & seria persuatione teneatur; omnino ridiculum est, primo enim, si vniuersalissimè, sique verisimillimè admittitur, quomodo de ea internè homines non persuadentur? aut verisimillimum dici potest, quod pauci, aut ferè nemo credit, sed tantum ficit, ita se credere profitetur: secundò quis eos ita externè profiteri cogit, si vix vllus eam credit? Quomodo tandem fictio illa tam vniuersalis, aut non agnoscitur, aut non proditur? sique omnes ferè dubitant de animæ immortalitate, cur saltem nulla de hac dubitantium, secta inter homines viguit? certè quia hæc veritas mentibus humanis ita altè impressa est, vt nihil eam auellere, aut delere possit; apage igitur hoc, & similia ineptijs plena responsa.

Tertio probatur idem vniuersalissimus, & nullo modo fictus hominum consensus, ex rebus nonnullis, quæ apud omnes certissimæ, & sanctissimæ sunt, quorum tamen certitudo omnis ab im-

mortalitate animæ ita pender, aut ita cum ipsa connexa est, vt hac in dubium reuocata, omnem illam certitudinem, ruere necesse sit, quia nullo alio principio, fundamentoque niti potest; huiusmodi sunt hominem differre à brutis, finemque proindè vltimum hominis, & summam, veramque eius felicitatem, bonum bestiale, corporeum, & sensibile non esse, consistens in conseruando indiuiduo, aut propaganda specie per procreationem fatuum, sed aliud longè nobilius, & excellentius quod in hac vita plenè obtineri, sed in altera tantum potest; & inde omnia alia, quæ pro eius consecutione, ad rationem boni honesti, morumque disciplinam spectare, aut necessaria esse statuerunt omnes viri sapientes, & probi, quorum etiam multi vitam hanc, eiusque bona, seu oblectamenta neglexerunt, vt Philosophiæ, sapientiæque studio liberius vacarent, non alia profectò ratione, nisi quia omnes talia bona animæ propria, vt maxima, & post mortem corporis duratura, non autem cuncta cum illo interitura crediderunt.

Igitur, vt concludam hoc argumentum, quam certum est naturæ iudicium esse verum, vtpotè in Deum eius auctorem vltimò referibile, qui nec falli, nec fallere potest; quamque rursus certum est, illud esse tale, in quo vniuersi præsertim Sapientes, & probi conueniunt; tam certum est animam hominis propriam esse immortalem, stante circa hoc totius generis humani, vt diximus consensu; paucis tantum vitiosis negatibus, & adhuc potius quantum ad affectum, quam vlla ratione ductis, vt supra diximus de Atheistis respectu diuinæ existentie, quatenus multitudine suorum peccatorum dementati, vt liberius, & absque poenarum promeritarum metu, voluptatibus equo, cani, sui, & alijs brutis communibus indulgeant, vnoque verbo belluinam, ac bestialem vitam agant, contra conscientie, quibus plerumque punguntur, stimulos, vellent similem prorsus cum illis finem, & exitum habere. Hoc

Hoc eodem argumento refert Tullius lib. i. de nat. Deorum Epicurum conuictum vidisse, esse Deum, quod nimirum in omnium animis eius notionem impressisset ipsa natura: *Quæ est enim gens, inquit, aut quod hominum genus, quod non habeat sine doctrina anticipationem quamdam Deorum, quam appellat prolapsin Epicurus, id est anteceptâ animo rei quamdam informationem, sine qua nec intelligi quidquam, nec queri, nec disputari possit: cum igitur non instituto aliquo, aut more, aut lege sis opinio conficta, maneatque ad vnum omnium firma consensio: intelligi necesse est Deos, quoniam insitas eorum, vel potius innatas cognitiones habemus; de quo autem omnium natura consentit, id verum esse necesse est.* Eo similiter vitur Seneca epist. 117. ad probandum sapientiam esse expetendam: *Multum, inquit, dare solemus presumptioni omnium hominum. Apud nos veritatis argumentum est, aliquid omnibus videri: tanquam Deos esse inter alia sic colligimus; quod omnibus de Dijs opinio insita est: nec ulla gens usquam est adeo extra leges, morsque prosecta, ut non aliquot Deos credat; cum de animarum aternitate differimus, non leue momentum apud nos habet consensus hominum, aut timentium inferos, aut colentium.* Vt hac publica persuasionem: neminem inuenies, qui non putat, & Sapientiam bonum, & sapere. Hactenus præfati authores de huius nostri argumenti robore; solum quod de Dijs in plurali dixerunt, id de vno Deo asserendum, seu, ut statim notauimus, de diuinitate in communi, cuius noticiam à natura, seu Deo auctore naturæ insitam habuere ipsimet Idololatæ, tantumque contra illius lumen eam plurificari opinati sunt; nec enim natura, sed mos, & institutum hominum, in aliud extremum ab Atheistis Deum negantibus, declinantium, Deos plures inuexit, vnde non sunt vbiuis gentium iidem; quique inter Philosophos Ethnicos fuere sapientiores, & probiores, in quibus potissimum natura sine labe, & vitio reperitur, vñ

Biblioth. Theol. Tom. V.

dumtaxat verum Deum agnouere, vt superiori sectione ostendimus.

Vt igitur quæ ordinis sunt supernaturalis resoluntur in Deum auctorem fidei, per eam hominibus, illa reuelantem, & ratio ea credendi est ipsemet Deus reuelans, morium autem, argumenta, in quibus eadem euidenter credibilia, tanquam diuinitus reuelata reddere voluit; ita quæ ad ordinem spectant naturalem, quasi maximæ, vel positiones diuinæ fidei præambulæ, v.g. Deum existere, vnum esse, nec falli, nec fallere posse, rerum omnium prouidentiam habere, debita ab hominibus religione colendum esse, animam humanam immortalem esse, & si quæ sint similia, referuntur in Deum auctorem naturæ per cuius lumen hominibus talia dictantem, cuius euident, ac manifestum est signum, vnanimis eorundem in illa consensus. Quare Deus, est hoc modo primum notum, & vniuersale, & transcendens, omnium principiorum principium, probationum probatio, rationum ratio, & conclusio; nec non veritatum veritas, & constantia, in quam tota earum series resoluitur, qua omnes verificantur, & quæ sublata, cuncta essent neutra, ambigua, nec vera, nec falsa & iniudicabilia; sicut eo quod series tota causarum ad primam causam reducitur, illa sublata nulla alia maneret causa.

At quia multa sic certè, & euidenter nota publico naturæ testimonio, non semper sunt demonstrabilia ab intrinseco, defectu medijs, quia illo carent, vel licet habeant, illud tamen nos later; hinc est difficultas, an hæc de immortalitate animæ veritas possit insuper naturali ratione demonstrari; aliqui enim, etiam Doctores Catholici, vt Scotus in 4. sent. dist. 43. quæst. 2. & Caietanus in expositione super cap. 3. Ecclesiastici id negant, alij verò affirmant, imò præfatos authores, & eorum sequaces, tanquam parum in hoc prudentes, & de Christiana Religione, totaque Theologia haud benè meritos reprehendunt; quod, dum animæ humanæ immortalitatem

tatē nulla ratione certa probari, sed sola fide diuina credi posse contendunt, non animaduertunt, se ipsam Christianorum de tali veritate fidem labefactare; cum ista fides vix vlla esse possit, aut certē hominibus persuaderi, nisi illa eadem animæ immortalitas tanquam certa per modum præambuli supponatur, sicut nec possumus diuinæ auctoritati credere, fidemque adhibere, quin prius iam certi simus, Deum esse, qui nec falli queat, nec fallere, quique rem illam, cuius fidem sua auctoritate à me exigat, reuelauerit, credendamque proposuerit.

In hac tamen re, ego eodem modo discurrendum puto, quo sect. 3. & 4. de demonstrabilitate diuinæ existentiae, & vnitatis; dari scilicet sufficiens medium, per quod hæc de immortalitate animæ veritas demonstrari possit; ratio est, quia quod anima humana sit immortalis, non reponitur inter gratuita gratiæ dona, de quibus per solam fidem certi esse possumus, sed si talis est, vt concedunt præfati Doctores Catholici, est quid per modum proprietatis ad eius naturam pertinens; ergo de illa, si loquamur de possibili, naturaliter demonstrari potest, nec solum de possibili; verum etiam de facto, probabilius puto rationes in hunc finem à Philosophis, & Doctoribus adduci solitas, si non omnes, saltem aliquas esse perfectas demonstrationes. Vnde præter superius argumentum ex publico, & vniuersali naturæ testimonio desumptum, probatur insuper hæc veritas sequentibus rationibus.

Pro quarum intelligentia, primò notandum est, non esse hic controuersiam an anima humana, aut quælibet alia substantia spiritualis à Deo creata, ab eodem destrui, & annihilari possit, id enim est certum, vtròque aduersariis concedendum, cum omnis creatura, quantumuis perfectissima iugi, & continuo Dei conseruantis influxu ita egeat, vt si hunc Deus illi subtrahere vellet, ea ne ad momentum quidem permaneret, vt præclare docent Patres, Creatori nū-

que, inquit Diuus Augustinus lib. 4. de gen. ad lit. cap. 12. *potentia, & omnipotentia, atque omniscientis virtus causa subsistendi est omni creature: qua virtus ab eis qua creata sunt regendis, si aliquando cessaret, simul & illorum cessaret species, omnisque natura concideret.* Sed est difficultas, an anima humana, vel alia substantia spiritualis sit talis conditionis, vt semel à Deo producta, ab aliquo agente creato corrumpi non possit.

Supponendum est secundo, idem in rei veritate esse querere, an anima humana sit immortalis, ac querere, an illa sit à corpore separabilis, atque adeo substantia spiritualis: ex eo enim quod à corpore separata existere possit, manifestè colligitur eius immaterialitas, & inde incorruptibilitas; cæteræ siquidē formæ, quæ desinunt esse, cum à materia seiunguntur, vt inseparabiles dicuntur, ita & materiales, & corruptibiles. Quod enim sine alio existere non potest, inseparabile ab illo dicitur; quod verò existere potest sine eo, cum quo coniunctum est, separabile est. Dum ergo petitur, vtrum anima hominis propria sit immortalis, idem est ac petere, an sine corpore possit existere, nec non an sit immaterialis, & inde immortalis: hæc enim tria inter se necessariò connektuntur, animæ immaterialitas, eiusdem separabiliter à corpore existentia, & immortalitas; ita tamen vt immaterialitas sit aliorum duorum veluti radix. Quare certò semel probato, quod anima humana sit substantia spiritualis, aut immaterialis, inde manifestè sequitur eam esse immortalem, posseque sine eo, cum quo vnita est corpore, existere, & æterno tempore durare, vel absque fine semper in esse permanere.

Tertiò suppono nullam tutiorem hominibus esse viam, nullum efficacius argumētum pro cognoscendis substantialibus formis rerum, earumque perfectione, quàm desumptum ex operationibus earum. Est enim proprium intellectus obiectum sit quidditas, seu essentia substantiæ, ideoque Angelicus, qui

qui nullam habet cum corpore ſocietatem, independenter ab omni accidente, ſtatim intelligat rerum, quas naturaliter cognoscit, ſubſtantiam, ſeu quid ipſæ ſint primum percipiat, & inde quæ proprietates, ſeu accidentia, virtutes & operationes ipſarum naturales; noſter tamen intellectus corpori vnitus non ita ſe habet, ſed per ſenſus externos, & internos, qui toti circa qualitates rerum ſenſibiles verſantur, excitatus, eadem accidentia percipiens, tandem attingit ens, quod eas habet, ſeu ſuſtentat, hoc eſt ipſam ſubſtantiam, quam illis quaſi proprijs notis affectam, & diſtinctam ab alijs diſcernit ſubſtantijs, quidque ipſa ſit tandem deſinit. Quapropter ad dignoſcendū an anima humana ſit forma ſpiritualis, à corpore ſeparabilis, & per conſequens immortalis, ſeu incorruptibilis, an verò materialis, vt reliquæ corporum formæ, diligenter ad eius operationes attendendum eſt, habendumque pro certo, ſi vel vnica ſpirituali ſit prædita, aut ad quam exercendā non vtatur inſtrumento corporeo, eam quoque ſpiritualē eſſe, à corpore ſeparabilem, & conſequenter immortalē; quia principium operationis materialis poteſt quidem eſſe ſpirituale; at operationis ſpiritualis principium aliud quā ſpirituale nequit eſſe. Hic enim per principium intelligitur cauſa principalis, quomodo natura ſubſtantialis eſt principium ſuarum operationum naturalium: cauſa autem principalis licet his operationibus aliquibus nobilior, ac perfectior, nunquam tamen ignobilior eſſe poteſt, cum: vnumquodque agat, in quantum eſt in actu. Vnde quia ens ſpirituale eſt materiali perfectius, rei materialis principium ſpirituale, non autem rei ſpiritualis principium materiale eſſe poteſt. Porro vt ex operationū conditione, ſubſtantiæ naturam licet arguere, & credere animam, qua homo eſt, immaterialem, ſeu ſpiritualē eſſe, ſi aliquam ſemel operationem ſpiritualē habet; ita diligenter examinandum eſt, qualis ſit operatio ſpiritualis, quæ-

Biblioth. Theol. Tom. V.

que eius conditiones, vt poſtea an aliqua humana ſit talis certò ſtatui poſſit.

Quarto igitur obſeruandum eſt, im- materiale in genere dici, quod ſupra materiam ita eleuatur, vt ab ea in ſuo eſſe nō dependeat; vnde etiam illa operatio erit ſpiritualis, quæ talē à materia non habebit dependentiam in ſuo eſſe operatio. Cum autem operatio, ac potiſſimū cognoscitiua pendeat à ſubiecto cui inhæret, quia accidens eſt; & ab obiecto circa quod verſatur, vt patet in viſione, quæ non tantum exigit oculum, cui inſit, ſed etiam obiectum viſibile, ſine quo eſſe non poteſt; eandem tamen non eſſe, vtramque iſtam dependentiam ſubiectiuam, & obiectiuam clarè demonſtrat ipſummet viſionis exemplum. Nam ſubiectiuè dependet ab oculo, qui corporeus eſt, & obiectiuè à viſibili, quod eſt etiam corporeum, ſed longè diuerſum ab oculo, qui ſeipſum niſi in ſpeculo non videt. Quæ de cauſa licet omnis cognitio, quæ eſt ſubiectiuè materialis, aut affixa alicui organo corporeo, obiectiuè quoque ſit materialis ſimpliciter, quatenus non poteſt non habere pro ſuo obiecto adæquato aliquid materiale, eo ipſo quod eſt ſubiectiuè materialis, corporeoque vtitur inſtrumento; nihilominus ex eo præciſe, quod aliqua cognitio ſit obiectiuè materialis, ſiue ſe extendat ad obiectum materiale, non ſtatim ſequitur eam quoque ſubiectiuè materialem eſſe, vel ab organo corporeo dependere. Quandoquidem potentia purè ſpiritualis circa obiectum materiale verſari, & operationem elicere poteſt, ſecus autē potentia materialis circa obiectum purè ſpirituale, & immateriale. Sicut etiam ob eandem dependentiæ ſubiectiuæ, & obiectiuæ diuerſitatem, etſi cognitio materialis obiectiuè ſimpliciter, debeat quoque eſſe materialis ſubiectiuè ſimpliciter, non tamen ſemper inhæret, aut pendet ab organo illius cognitionis, à cuius obiecto omnino obiectiuè dependet. Certè ſenſus communis cognitio, vel ſenſatio non recipitur in oculo, nec

in aures, aut in alijs sensuum externorū organis, nec in eis inhæret tanquam in subiecto, sed in aliqua cerebri parte, quæ sensuum omnium externorum cētrum vocatur, & nihilominus ab eis, & eorum obiectis omnino obiectiue dependet. Nihil enim sensus ille communis percipit, nisi cum istud de facto ab aliquo sensu externo percipitur; ita ut non tantum a visibili externo, sed etiam ab eius visione in oculo recepta sensatio communis eiusdem pendeat.

Vel aliter dici potest duplicem esse cognitionem materialem obiectiue, vñā simpliciter talem, eo quod extra obiectum materiale sibi proprium nullatenus extendi potest, alteram secundum quid talem, quia dum ob suam vniuersalitatem se extendit ad omne ens, fertur etiam ad ens materiale, aut quia circa ipsum immateriale exerceri, vel elici non potest, nisi simul eam comiteatur aliqua operatio omnino materialis obiectiue, vel saltem nisi prius fuerit eiusmodi operatio materialis, ut ea mediante potentia illa cognoscitiua habeat sibi præsens obiectum suum spirituale; ut patet in nostro intellectu pro præsensitu. Quamuis igitur omnis cognitio simpliciter materialis obiectiue, sit quoque subiectiue materialis simpliciter, dicanturque ad concurrentiam, pro ut materiale contradistinguitur ab immateriali, aut spirituali; nullo tamen modo necesse est operationem obiectiue materialem secundum quid, esse vllō modo subiectiue materialē: tunc enim concipimus potentiam omnino spiritualement versari circa obiecta materialia, aut ut versetur circa immaterialia, præsupponere tantum, vel comitem habere aliquam operationem omnino materialem, ut contingit in hominibus, ad distinctionem Angelorum, in ordine ad cognoscenda talia obiecta. Ex hac autem diuersitate, qua ob dependentiam, vel independentiam a materia, actiones aliæ sunt materiales, & corporeæ, aliæ verò immateriales, & spirituales modo explicato, oriuntur diuersæ pariter ea-

rumdem conditiones quibus ab inuicē discernantur, & indē formæ, vel naturæ, quibus illæ competunt. Omnis enim operatio corporea cum localis, & temporaria sit, verseturque circa obiectum singulare, nec supra seipsam aut suam potentiam reflectat, eademque potentia destruat, præsertim vbi obiectum est nimium; operatio spiritualis è contra non subiacet tempori, nec loco, fertur circa vniuersalia, reflectit tam supra se, quam supra suam potentiā, quæ à quocumque obiecto impassibilis est, ut infra dicetur de intellectione, & de intellectu.

Quindò sciendum est, operationem aliquam, seu potentiam in operando posse obiectiue pendere ab aliquo, ut primum fiat, non autem ut postea permaneat; vel quod in idem recidit, res aliqua potest ab altero ente creato pendere in fieri, non autem in esse seu conseruari: ita ut naturaliter primum fieri non queat, nisi causa aliqua agente, & concurrente, cum tamen postea eius concursu non egeat res illa, ut semel producta in suo esse perseueret. Exemplum habetur in phantasia, quæ non potest quicquam primum imaginari, nisi simul sensus communis, & consequenter sensus aliquis externus, obiectumque eius proprium adiuuet, at his postea destructis, vel non concurrentibus, prius acquisito phantasmate uti, remque imaginari potest, ut docent communiter Philosophi in libris de anima; & ipsamet experientia demonstrat in cane venatico, qui nō potest primum imaginari leporem nisi cum videat, vel odoretur, postquam tamen ita comparauit eius phantasma, etiam dormiens, & quiescentibus omnibus sensibus externis eundem leporem, aut aliud animal prius etiam eorundē sensuum ministerio perceptum imaginari potest. Vnde talis imaginatio in fieri, seu ut primum fiat dependet quidem obiectiue ab ipso lepore, non autem ut postea conseruetur.

Sextò, & vltimo notandum est duplici-

pliciter posse aliquid corrumpi, vel destrui naturaliter, seu ab aliquo agente creato: vno modo per se id est per corruptionem præcipuè terminatam ad illud, ita vt non corrumpatur ad corruptionem alterius, sed potius si quæ alia corrumpuntur vna cum illo, tunc ista corrumpantur ad corruptionem eius: alio modo per accidens, vt cum aliquid corrumpitur ad corruptionem alterius. Rursus causa vno, vel altero modo corrumpens potest esse, vel omnino externa, vel interna rei ipsi, quæ corrumpitur, ita vt ipsa sibi perniciem molitur: si interna est, necesse est, vt ipsa res, quæ corrumpitur, componatur ex partibus inter se contrariis, vt exempli gratia, vna frigida altera calida, quæ agentes inter se inuicem dissoluant illam variam partium temperiem, quæ exigit forma, vt in illis existat. Hoc modo omne corpus animatum corruptibile esse dicitur; quia omnis anima est forma corporis organici, & diuersas partes, & diuersis accidentibus affectas habentis, unde si partes se se inuicem destruant, aut vna aliam omnino superat, & in se transmutet, vt si cor nimis calefacit spiritum, non mirum est, si cerebri temperie amissa, anima totum informare desinit. Similiter, si causa corrumpens externa est, ea etiã contraria est, seu eatenus substantiam corrumpit, quatenus alteram huic impossibilem generat, quæ impossibilitas, sine subiecto formæ corruptæ, & genitæ communi fieri, aut intelligi non potest, quod subiectum aliud non est, quam ipsa materia, quæ definitur subiectum primum transmutationis substantialis. His animaduersis sic primam pro immortalitate animæ rationem efformo desumptam ex eius immaterialitate, vel spiritualitate.

Quæ substantia spiritualis, eadem incorruptibilis est, sed anima hominis est forma substantialis omnino spiritualis, materiæque expers, ergo & incorruptibilis, seu immortalis. Consequentia est clara supposita præmissa-

rum veritate; quarum maior probabitur in sequenti ratione; minor autem nunc multipliciter demonstratur.

Primo, Quæ creatura est formalis imago Dei, quantumvis imperfecta, ea est spiritualis, sed anima hominis est formalis imago Dei, licet imperfecta, unde non tam imago, quam ad imaginem Dei creata dicenda est: igitur ea est spiritualis, materiæque expers, Minor huius argumenti est certa non solum communi omnium Sanctorum Patrum consensu ad illud Genes. 1. *Faciamus, inquit Deus, hominem ad imaginem, & similitudinem nostram, & præsit piscibus maris, & volatilibus Celi, & bestijs, vniuersæque terra, omnique reptili quod mouetur in terra, &c.* Verum etiam eorum, qui inter gentiles Sapientiores habiti sunt, quorum testimonia refert Augustinus Eugubinus toto libro nono de *perenni Philosophia*; veritasque eius habetur ex ipsamet probatione maioris, sique diligenter ad eam considerentur, quid ad imaginem Dei in aliqua creatura constituendum requiratur: vbi enim semel constituitur illud necessariò spirituale esse debere, posseque animæ humanæ, siue homini ratione ipsius competere, constabit quoque illam Dei imaginem esse, & per consequens spiritualem creaturam. Quod argumentum, quia fusè & eleganter prosequitur Ioannes Bagotius tom. 2. *Apologet. Fidei*, lib. 1. disput. cap. 7. & seq. ad eum lectionem remitto.

Secundo probatur eadem minor primi argumenti, animam scilicet hominis esse formam substantialem spiritualement; Quæ enim forma substantialis habet aliquam potentiam, & operationem spiritualement, ea quoque spiritualis esse debet, cum non possit res spiritualis subiectari in subiecto corporeo, nec ab illo suam originem ducere, vt supra notando tertio monuimus; Sed anima hominis aliquam spiritualement habet potentiam, & operationem, intellectum nimirum, ac intellectionem: Ea igitur est

est forma substantialis spiritualis.

Probat minor in qua est difficultas, quia omnis operatio corpora localis, & temporaria est, saltem quia versatur circa res corporeas existentes alibi, & aliquando; aliqua autem hominis intellectio, qualis est speculatiua rationum vniuersalium, nec subiacet tempori; nec loco: Insuper quælibet operatio corpora non tantum est singularis, & ab operante singulari procedit, quod cum ipsis quoque spiritualibus commune habet, sed quidquid illa connotat, id, vt aliquod singulare est, connotat, v. g. cognitio corpora non est circa obiectum aliud, quam singulare, nec oculus videt coloratum, nisi hoc, aut illud, nec phantasia concipit, quam figuram talem numero; Intellectus autem hominis habet intellectiōnem entis vniuersalis, vt tale est, & nō tantum singulare; cumque phantasia, & cæteri sensus circa externa dumtaxat versentur accidentia, solus intellectus attingit substantiam, cuiusque quidditatem, siue ens, quod habet accidentia, propterea ex Diuo Thoma 2.2. qu. 82. dicitur intellectus, quia intus legit, seu penetrat, & percipit intimam rei substantiam: Item nulla potentia corpora cognoscitiua supra se reflectitur; nulla si quidem potentia fertur vltra obiectum suum, nec in rem vllam, nisi sit eius particeps, ita oculus, seu visus non fertur nisi circa visibile, gustus circa sapidum, phantasia circa figuratum: vnde cum visio albi, aut alterius coloris non sit colorata, nec imaginatio cubi sit cubica, aut figurata; nulla visio circa visionem versari, nullaque imaginatio seipsam, aut similem pro obiecto habere potest: deinde cum nulla res quanta, qualis est omnis res corpora, omneque accidens materiale, supra seipsam reflectatur, aut replicetur, vt late explicat Diuus Thomas in *Commentario lib. de causis propof. 7.* nulla potentia corpora ad seipsam nata est conuertere, vel supra seipsam redire: At intellectum humanum esse reflexiuum.

clare docet Philosophus *lib. 3. de anima cap. 5. textu 15.* vbi ait: *Intellectum quomodo esse intelligibilem, vt reliqua intelligibilia: nam in ijs, quæ sunt sine materia, idem est intelligens, & quod intelligitur:* tum ipsamet experientia, quæ deprehenditur tot animam de se quærere, quæ non quæreret, si se non nosset, neque enim aliunde quærir, quam à seipsa, vt ait Diuus Augustinus *lib. 7. de gen. ad litteram cap. 2.* eam amare, se intelligere; nosse suos actus; suas examinare propositiones, an veræ sint, an falsæ; eas cum obiectis comparando; arteque adinuenisse benè intelligendi, & ratiocinandi, ac inter cæteras Logicam, quæ est ratiocinatrix de ipsis cognitionibus, earumque ordinatrix; quis enim id quod non cognoscit ordinare posse intelligatur?

Ex hac ergo immunitate, quam conditionibus corporeæ operationis habent intellectus, & intellectio, manifestè constat ea nec potentiam, nec operationem organicam, sed merè spiritualem esse.

Quod adhuc efficacius, & veluti à priori demonstrari potest, ex eo quod solus intellectus præ omnibus alijs potentij cognoscitiuis habet pro obiecto quidditatem materialem, si enim in se spiritualis non esset, talem quidditatem haud intelligeret, cum esse materiale sit maximè determinatum, indeque sui cognitionem impediat, secus verò spirituale, quod ex natura est indifferens intelligibiliter; & hoc est quod docet Aristoteles *lib. 3. de anima tex. 4.* oportet quoniam omnia intelligit immixtū esse, intus enim existens prohibebit intraneum; sic lumen quidem quod est in oculo non impedit visionem, quia indifferens est ad colores, sed tantum si color foret in oculo, illam impediret. Nec solum intellectus pro obiecto omnia habet corporea, aut materialia, sed etiam ipsamet incorporea, & spiritualia, si quidem ciuidit substantiam immaterialem, & spiritualement, necessariò igitur concipit, seu intelligit genus, quod

quod materiale non est; sub illo cognoscit Angelos, ipsumque Deum, & inter practicas veritates, quod virtus sit sequenda, & vitia fugienda, quæ omnia, & similia, quæ intellectus attingit obiecta, sunt incorporea, & spiritualia; nulla autem potentia corporea circatalia ferri naturaliter potest, fatendum est igitur quod intellectus humanus, & intellectio sint potentia, & operatio merè spirituales. Quæ adhuc obiecta incorporea, seu spiritualia non intelliguntur solum ab homine, vt non corporea, per negationem corporis, sicut aliquo modo oculus dicitur videre tenebras, vt quis posset obijcere, verum etiam positiua, & vera intellectuione, cum de illis multa quærat, distinguat, iudicet, & asserat, quæ necessariò requirunt, vt positiuè vtramque rationem intelligat: licet verum sit, quod in hac vita naturaliter non possit quidquam intelligere independentè ab aliquo obiecto corporeo; sed hanc obiectiuam dependentiam non arguere, intellectu non intelligere verè rem spiritualem, aut esse potentiam organo affixam, iam notauimus supra. Ad exemplum autem oculi, qui dicitur videre tenebras, respondetur hoc esse falsum, cum nihil videat nisi lucidum, & coloratum, & tenebrarum non sit aliqua positiua visio, sed mera non visio, ex qua, non oculus, sed aliqua potentia superior iudicat esse tenebras. De quo argumento qui præclara legere vulerit consulat Sanctum Iustinum Martyrem qu. 1. quæstionum Græcarum; S. Athanasium ad Antiochum, S. Basilium in orat. attende tibi, S. Augustinum lib. de vera religione cap. 32. & de immortalitate anima cap. 2. S. Cyrillum Alexandrinum lib. 11. thesauri versus finem, & Ioannem Cyparesiortam decad. 8. cap. 8 ad secundam interim rationem transito pro eadem veritate probanda, quod anima nimirum hominis sit immortalis, supposita eius spiritualitate; quatenus illa adhuc admissa posset quis hanc veritatem negare.

Si forma substantialis spiritualis, qualem animam humanam esse demonstrauimus, posset corrumpi, vel per se corrumperetur, vel per accidens, sed nulla forma substantialis spiritualis corrumpi potest, vel per se, vel per accidens, ergo nec anima humana, stante eius spiritualitate, ac proinde erit immortalis, quod enim est omnino incorruptibile debet in æternum durare, constat autem esse omnino incorruptibile, id quod non potest corrumpi, vel per accidens, id est, ad corruptionem alterius, vel per se, id est, tãquam id, quod præcipuè corruptione terminat. Vnde etiam manet probata maior huius rationis, in præsentem enim non fit sermo de immortalitate animæ, aut de incorruptibilitate alicuius substantiæ spiritualis in ordine ad potentiam Dei supernaturalem, vt obseruauimus supra, sed in ordine ad illam secundum regulas ordinarias consideratam, seu secundum id quod forma substantialis spiritualis, qualis est anima nostra, naturæ suæ relicta ex se habet, & exigit. Minor ergo, ad quam tota huius rationis difficultas reducit, probatur quoad primam partem, scilicet formam substantialem spiritualem non posse per se corrumpi; nam omne per se corruptibile, ideo corrumpitur, quia ab aliquo separatur eius esse existentie, vel forma tribuens illud esse, vel vtrūque, sed à forma substantiali spirituali, cuiusmodi est anima humana, nequit separari esse per se, quia tale esse per se ei conuenit; & ita materia, & compositum in tantum habent esse, in quantum habent illam formam, & in tantum perdunt, in quantum prædictam formam amittunt, alias forma substantialis spiritualis non esset contra suppositionem, si quidem in hoc distinguuntur ab alijs formis substantialibus materialibus, quod ista pendent in suo esse a materia, & consequenter ad existentiam compositi coexistunt, secus verò illæ; nec deinde, à prædicta forma substantiali spirituali potest ipsamet forma separari

parari, alioquin idem separari posset à semetipso : nec tandem forma per se existens valet à seipsa per se existenti separari, vt patet ex ipsis terminis.

Quia autem aliquid competere alicui per se, id est, non per accidens, dupliciter intelligi potest; scilicet, vel per se simpliciter, seu logicè, vel per se physicè; quorum prior modus conuenit ex habitudine terminorum, sicut quinario per se conuenit esse imparem, vnde ita necessariò conuenit, vt non supponat aliquid non necessarium, nec possit res, cui conuenit esse, intelligi sub opposito eius, quod illi conuenire dicitur, vt patet in exemplo adducto quinarij : At posterior non ita competit ex habitudine terminorum, sed aliquid non necessarium supponit ; & propterea potest res esse sub opposito eius, quod ei sic per se conuenire dicitur : licet facta illa suppositione non necessaria, tunc id quod hoc modo per se conuenit, debeat necessariò, necessitate naturalis cursus conuenire. Re ita se habente, dum in præsentī asserimus, quod esse per se existens per se conuenit formæ substantiali spiritali, vel subsistenti, qualis est anima humana, non intelligi debet de conuenientia primo modo sumpta, sic enim soli Deo competit esse per se, cuiusque autem creaturæ per accidens, propt à tali esse condistinguitur; sed de conuenientia secundo modo spectata; sic enim animæ hominis cōuenit per se per seitate physica, vt per se existat, nequaquam autem per accidens, vt condistinguitur solum à tali esse; quæ conuenientia essendi per se sufficit, vt omnis forma substantialis spiritalis dicatur per se incorruptibilis, nam semel supposito aliquo non necessario, scilicet productione eiusdem formæ, nequit secundum cōmunem, & naturalem cursum separari ab esse, seu corrumpi, vt ex dictis constat, & ex statim dicendis amplius constabit.

Si prius iterum notauero pro præce-

dēti probatione, quod dupliciter potest aliquid cōuenire alicui per se, per seitate physica, vt per se condistinguitur contra per aliud, & idem significat, quod conuenire sine medio, seu immediatè; primò ita vt non mediet alia forma, quamuis mediet alia actio; secundò ita vt naturaliter saltem loquendo, nec forma, nec actio vnquam mediet. Quamuis igitur ex hoc quod aliquid cōueniat immediatè priori ratione, id est sine media forma, non possit efficaciter colligi inseparabilitas, siue id conuenire ei inseparabiliter, vt satis patet in formis substantialibus respectu materiæ: attamen quodcumque aliqua duo sic se habent, quod vniuersaliter vnum cōuenit alteri immediate posteriore rationis; ita vt semper, saltem naturaliter loquendo, coniungatur sine media forma, & sine media actione; tunc illa duo oportet esse ab inuicem inseparabilia, ex eo quod quæcumque eadem generatione generantur, eadem quoque corrumpuntur. Quare cum inter formam subsistentem, seu substantialem spiritualem, cuiusmodi est anima hominis, & eius existentiam nulla vnquam saltem naturaliter mediet actio coniungens illam cum prædicta forma, quoniam vniuersaliter contingit, vt non prius fiat talis forma, & per aliam actionem coniungatur cum sua existentia, sed ipsum fieri formæ ad illam coniunctionem terminatur: idcirco semel coniuncta debent inseparabiliter se habere. Sicut è contrario, quia materia sublunaris non coniungitur vniuersaliter cum sua forma substantiali sine media actione, sed naturaliter loquendo, & ferè semper præsupponitur materia iam producta, & postea coniunguntur per actionem mediam ab agentibus naturalibus tali effectui proportionatis, inde formæ sublunares non coniunguntur inseparabiliter cum materia, nec vnum alteri per se, per seitate physica conuenit.

Alte-

Altera eiusdem minoris probatio, quo ad primam partem, formam nimirum, substantialem spiritualem, qualis est anima, non esse per se corruptibilem, desumitur ex eius simplicitate, ut enim docet Aristoteles lib. 9. *metaph. cap. vlt. Omnia substantia in composita actus sunt, non potentia; generarentur enim, & corrumpuntur*: unde sic argui potest: Quicquid substantiale per se corrumpitur naturaliter, in sua natura habet principium corruptionis, at forma substantialis spiritualis istud non habet, imo nec quaecumque forma substantialis materialis simplex, quia istud est potentia, cum principium corruptionis, & potentia, seu possibilitas, qua aliquid habet, ut possit corrumpi, idē omnino sint. Igitur nec forma substantialis spiritualis, nec alia etiam formae materiales per se corrumpi possunt. Quod autem forma substantialis spiritualis, & alia quaecumque materialis non habeat in se, aut in sua natura principium corruptionis, quae est minor propositio probanda, patet tum quia ea potentia materia quaedam est, tum quia ea sola potentia totam rei essentiam constituere non potest, sed tantum vnita cum altera parte, quae sit actus, seu forma, quam immediate sequitur id, quod dicitur esse substantiale. Quae autem res habet in sua essentia partes, ea composita non simplex est, qualis est omnis forma substantialis tam materialis, quam spiritualis. Unde si ex tali simplicitate vtrique formae communi, docent Philosophi, nequidem formas substantiales materiales per se corruptibiles esse, sed tantum per accidens ad corruptionem compositi; inde multo magis sequitur formam substantialem spiritualem, qualis est anima humana, per se corrumpi non posse, de quo modo est difficultas.

Si quis obijciat ipsammet entitatem simplicem, quae est forma, seu actus essentialis, eandem esse potentiam, seu principium corruptibilitatis,

Biblioth. Theol. Tom. V.

responderetur id dici non posse; siquidem nulla res simplex, & indiuisibilis potest exigere per se tale esse, v. g. ligni, & simul esse potentiam ad formam ignis, quoniam illa pars, quae tale esse exigit, ad ipsum est omnino determinata, potentia autem corruptibilitatis est indeterminata, quia ex se communis, & indifferens est ad quaecumque formam. Hae autem duae rationes, scilicet: determinatam rem exigens, & ad eam indifferens sunt contradictoria, quia indifferens est indeterminatio, quae determinationem negat, & contradicit: nulla igitur entitas simplex, quae est forma, seu actus essentialis, eadem esse potest principium corruptionis, seu potentia ad non esse per se loquendo. Eoque magis quo, ubi res dicitur habere talem potentiam, id non debet intelligi, quasi dicat immediatum ordinem, seu respectum ad non esse, sed quatenus est potentia ad aliquod esse impossibile cum alio, ita ut necesse sit vno introducto, alterum excludi, & generato vno, alterum corrumpi; unde quae res non habet potentiam, & habitudinem ad generationem vnus positi, non habet potentiam, nec habitudinem ad alterius oppositi corruptionem, siue ad illius non esse; sed tam forma substantialis spiritualis, quam materialis praefata non habet potentiam, vel habitudinem ad generationem vnus positi cum ipsis incopossibilis, talis enim potentia competit soli materiae primae, ergo nec etiam habent potentiam per se ad suum non esse proprium, siue ad suam propriam corruptionem.

Ex dictis probata quoque manet altera pars minoris, scilicet formam substantialem spiritualem, siue subsistentem non posse per accidens corrumpi. Primo quia vnumquodque eo modo quo habet esse, potest generari, & corrumpi; nam generatio dat esse, & corruptio tollit: ergo quod habet esse per se subsistens, ut anima humana, quae est forma substantialis

P p

spiri-

spiritualis, dans esse materię, totique composito humano, vel corrumpi nequibit, vel debeat per se, & non per accidens corrumpi. Secundò illud corrumpitur per accidens, vt supra notauimus, quod ad destructionem alterius corrumpitur, sed forma substantialis, spiritualis, siue subsistens, qualis est anima humana, eo ipso quod est talis, non habet suum esse existentię à materia, aut composito, sed ipsa potius illi tribuit, & communicat tale esse, ergo per accidens corrumpi non potest ad destructionem, vel corruptionem compositi. Quę animę tam per se, quam per accidens incorruptibilitas sequenti potest declarari exemplo. Nā ideo anima equi potest per accidens corrumpi; quia licet prædicta anima, non possit separari à seipsa, potest tamen per corruptionem equi, separari ab illa esse eiusdem equi, ad cuius existentiam ipsa coexistebat. Et similiter ideo equus per se corrumpitur, quia habet esse per se, & est id à quo potest separari forma, ac proinde est quid resolubile in aliud subiectum, prius à quo pendebat, scilicet in materiam primam. Sed à forma substantiali spirituali, siue subsistenti, qualis est hominis anima, nequit separari aliquod esse, ad cuius existentiam ipsa coexistat, quia per se, & non ad existentiam alterius existit, nec etiam potest ab ea separari forma, & ratio eius, vt in equo contingit, aut in alio quocumque composito substantiali sublunari purè materiali, nec tandem valet resoluti in aliud subiectum, à quo prius pendebat in esse: alioqui non esset forma substantialis spiritualis, siue subsistens per se: ergo anima hominis, nec per se, nec per accidens erit corruptibilis.

Tertia ratio pro eiusdem animę incorruptibilitate, seu immortalitate, desumitur ex hoc quod non habet contraria destructiua. Vbi enim nulla est formarum contrarietas, & impossibilitas, ibi non est corruptio factibi-

lis per agens creatum: at in forma substantiali spirituali, qualis est anima humana non habet locum ista formarum contrarietas, & impossibilitas, quę scilicet est principium generationis, & corruptionis, ergo nec corruptio factibilis per agens naturale. Maior patet in ipsismet calis, quos esse incorruptibiles docent Peripatetici, etiam si componentur ex duabus partibus vna recipiente, altera recepta, illa vt subiecto, ista vt forma, quia nimirum in eis non datur materia contrarietatis. Minor autem probatur, quia ea contraria, quę sunt destructiua in seipsis considerata, siue quod idem est, ipsa contraria materialia v. g. album & nigrum, calidum & frigidum, humidum & siccum, vt sunt in intellectu non solum sibi inuicem contraria non sunt, nec se expellunt, sed potius contrariorum intelligibilitas non habet contrarietatem, aut impossibilitatem, sed per ea potius intellectus simul perficitur: quia, vt docent communiter Philosophi post Aristotelem, vna est contrariorum scientia, & si calidum intelligimus, eo ipso possumus simul intelligere frigidum, & intelligentes hominem possumus intelligere non hominem, vel negationem entis per ipsum ens.

Si dicatur in anima etiam locum, habere formas aliquas contrarias, & impossibiles, vt intellectiones, quarum vna affirmet id, quod altera negat. Respondetur has formas, & similes non esse contrarias contrarietate destructiua, aut ratione cuius earum subiectum verè dicatur pati, ideoque nihil prorsus facere ad corruptionem animę, de qua hic est sermo, cui fauet experientia ipsa, quia certum est intellectum manere illesum, quantumuis has suas mutet opiniones, modoque præbeat assensum, & modo dissensum. Propterea ab Aristotele lib. 3. de anima tex. 3. impassibilis dicitur, quia licet susceptiuus sit prædictarum formarum, nec non intelligibilium specierum,

rum, quas recipiendo necesse est patiatur, recipere namque est quoddam pati, nihilominus quia per talem receptionem perficitur tantum, nec quicquam, aut ratione sui, aut ratione organi corporei, cum illo careat potentia spiritalis, qualis est intellectiva, recipere possit, quod eius interitum molietur, vel ad illum disponat, simpliciter impassibilis, contrariorumque expers dicitur: secus autem potentiae sensitiuae, quae licet recipiendo species praecise perficiantur, quia tamen ratione sui sensorij, siue organi, cui sunt affixae, passione simul destruyente afficiuntur, inde simpliciter passibiles, formarumque contrarietati, & per consequens corruptioni obnoxiae dicuntur.

Cuius etiam ab hac destructiva contrarietate immunitatis satis evidens est argumentum, quod intellectus intelligendo ex se non defatigatur, & quantumvis phantasia debilis, sensus omnes emortui, & omnia corporis organa languida sint, dummodo tamen salua sit imaginatiua, quantum praecise sufficit ad proponendum aliquod obiectum intellectui, tunc homo perfectissime adhuc fungi illius munere, & excellentissimas intellectiones elicere potest: ob idque licet in rebus imaginandis senum, minus quam iuuenum ingenia apta sint, quod phantasiae, imaginationique, utpote facultati organicae deferuiant spiritualium animalium veloces motus, quibus iuvenes praesentibus abundare solent: nihilominus senes, si laesam imaginationem non habent quantumvis debilissimam, melius intelligunt, prudensque deliberant tam in speculatiuis, quam in practicis. Quod profecto non accideret si intellectus contrarietati destructivae, ut caeteri sensus subiaceret, indeque verè passibilis, & per consequens corruptibilis esset, vel quod idem est, si nulla facultate nisi organica homo praeditus esset. Quia cum senis torum corpus elagueat, spi-

ritus animales tabescant, & penè extinguantur, necesse quoque esset si intellectus formarum contrariorum destructiviarum capax esset, ideoque passibilis, ac per se corruptibilis, aut cum emori, aut certè consenescere. Admisso igitur, quod senes in his intellectationibus, quae plus imaginationis requirunt, deficere, deterioresve fieri possint: de ijs tamen, quae in ratiocinando, aut dijudicando magis posita sunt, id falsum est. Sed gratis adhuc concessio, quamplurimas tales mentis operationes in senibus peiores fieri, si tamen vel vnica in illis viget, & integra manet: indè mentis spiritalis, formarumque contrarietati destructivae minimè subiacentis, ac per consequens incorruptibilis certissimè habetur argumentum, nam quae substantia, aut potentia, vel vnica talè habet operationem, haud dubiè, & spiritalis, & incorruptibilis existimanda est.

Quinta ratio deducitur ex multis rebus, aut signis simul iunctis animae hominis proprijs, quae non nisi formae spiritali, & incorruptibili convenire possunt. 1. quod respiciat primum, verum, & primum bonum, nec nisi in illo tanquam in obiecto sempiterno quiescat: nam animus noster non solum cognoscit verum, & bonum æternum, sed etiam ea ratione, qua æternum est illud cognoscit, & amat. 2. quod conetur omnia facere, ut testantur tot praecelara, & admiranda eius inuenta, & opera, siue quae spectant ad scientias speculativas, siue quae ad artes mechanicas, siue quae ad resciviles. 3. quod omnia fieri possit per infinitam veluti potentiam, quam habet ad cognoscendas omnes res, etiam immaterialiter, vniuersaliter, & indiuisibiliter; licet enim mens apprehendat materialiter, id est cum phantasmate, seu per conversionem ad illud, iudicat tamen immaterialiter, discernens res materiales ab immaterialibus, ut supra diximus, ergo ipsa est spiritua-

lis, & à materia separabilis, consequenterque immortalis. Certè si materiam primam, quia est in potentia, ad omnes formas materiales, oportuit esse ingenerabilem, & incorruptibilem, multò magis intellectum nostrum oportuit esse immortalem, qui sublimiori quodam modo, ac diuiniore se habet per modum potentie spiritualis ad omnes formas intelligibiles, etiam rerum spiritualium, & immaterialium.

4. quod actiones mentis, quo magis abstrahuntur à corpore, & materia, eo puriores, & præstantiores euadant, ipsamque mentem nobiliorem, atque perfectiorem reddant, hoc enim indicat eam discedere, aut separari à corpore, non esse eam interire, sed potius perfici, debereque esse immortalem. 5. id ipsum arguit, eam velle super omnia esse, in omnibus esse, ubique esse, maxime autem semper esse, naturaliter enim insitus toti speciei humanæ, insatiabilis ille appetitus immortalitatis, cum sit à Deo auctore naturæ, non potest esse inanis, aut frustra hominibus datus. 6. Quod se per vltimū finē beatos esse homines velint, qui cum in hac vita obtineri nequeat, ut potè in qua nihil, quod mentem, & voluntatē hominum omnino explere, & satiare valeat, non tempus, non locus, non imperium, non honor, non voluptas, non vita, nullum denique bonum, quantumuis maximum, nam eo ipso quod tanquam mortale, & aliquando desitutum apprehenditur, in eo animus noster sibi satisfacere, aut planè conuiuiscere non potest: manifestè relinquitur vltimum finem hominis post hanc vitam ei propositum, ac reseruatum esse, proindeque animus eius esse immortalem.

7. Quia animus hominis imperat corpori, illoque tanquam instrumento vtitur, dum contra ipsas sensus appetitiui inclinationes, & affectiones, corpus & omnem appetitum corporeū cohibet, ne feratur in id quod expetit, & pro suo imperio stetit, & mouet li-

berè ad honestum bonum, sæpe numero appetitui sensuali contrarium; passiones corporeas, iram, metum, aliaque pro sua voluntate refrænât, laxat, accendit, remittit; seque nunquam ita ab omni passione corporis segregat, ut quantumuis voluptatis, aut doloris stimulis exciteretur, & vrgeatur, ipse tamen eis non consentiat, sed se liberum ab eis defendat, & in contrarios affectus feratur.

Ita enim animus hominis libero arbitrio agere, & ad quod placet se determinare, non obscure indicat eum habere actionem, & consequenter facultatem superiorem omni passione, aut affectione corporea, ab eaque separabilem, & consequenter immortalem. 8. Persuasum habere animam hominis esse immortalem, naturaliter inducit nos ad cultum Dei, ad parandas scientias, ad resistendum vitijis, ad obtemperandum legibus, ad conseruandam, & administrandam iustitiam, ad inferuendum Reipublicæ etiam cum vitæ discrimine, & ad omnia denique honesta: contraria autem opinio, & persuasio totum oppositū operatur: quare cum illa naturaliter inducat hominem ad suam propriam perfectionem, prout à brutis animalibus distinguitur, hæc autem ab ea remoueat, illa sine dubio vera, hæc autem falsa iudicanda est. Quæ omnia, & his similia clarè, ut opinor, demonstrant animam humanam ita esse veram, & naturalem formam hominis, ut tamen sit incorporea, & spiritualis, independensque à materia, & separabilis, ac per consequens immortalis.

Sexta, & vltima ratio pro animæ immortalitate fundatur in duobus principijs lumine naturæ notis, quorum primum est Deum habere providentiā huius vniuersi, esseque supremum illius gubernatorem: alterum autè teneri hominem, etiam secundum dictamen luminis naturalis, viuere iuxta leges rectæ rationis, ita ut illis conformare sit laude, & præmio dignum,

cas verò transgredi, vituperio, & pœna, quod præmium aut pœna si in hac vita non recipiantur à Deo iusto rerū iudice, & prouisore, necessario fatendum est aliam dari vitam, in qua id præstetur, atque adeo animam humanam immortalem esse debere. Vnde sic efformo argumentum; si anima hominis esset mortalis, simulque cum corpore cæterorum instar animalium extingueretur: Deus non haberet rerum humanarum prouidentiam; sed hoc est falsum, quàm igitur certum est lumine naturali Deum esse iustum, & æquum rerum præcipuè humanarum prouisorem, tam certum est animam hominis esse immortalem, ob necessitatem, quàm hæc duo inter se habent connexionem: quocirca Clemens ait *lib. 3. recognit. Euangel.* Si Deus iustus est, anima immortalis est. Probaturs sequela maioris, quia in hoc potissimum diuinæ prouidentię æquitas circa res humanas elucet, vt unicuique hominum pro meritis, vel delictis præmia, & supplicia dispenfet, id enim si in quauis Republica benè instituta, principalis cura Gubernatoris, principaleque munus est, malos nimirum punire; & bonis debita præmia conferre; cum hoc vniuersum sit nobilissima quædam Respublica à Deo instituta, cuius supremus Gubernator est ipse Deus, pertinebit à fortiori ad eius prouidentiam, vt malos pœna, bonos verò præmio afficiat. Ergo cum Deus in hac vita multoties hoc non exequatur; sed potius improbi magis prosperent, & delictiosè vsque ad mortem vivere soleant, quàm boni; nam illi plerumque abundant, & affluunt omnibus bonis, superbe imperant, & tyrannicè dominantur viris iustis, & innocentibus; hi autem ærumnosam, calamitosam, ac miseram ducunt vitam oppressi & contriti; Nihil Dei prouidentiam erga res humanas de medio tollere velimus, aut admittere præstabiliorcm, ac nobiliorem esse malorum hominum, quàm bonorum conditio-

nem, improbisque lucro esse improbitatem, bonis autem detrimento virtutem, & innocentiam: quod animus non omnino ratione captus, non solum credere, verum etiam cogitare, perhorrescit: necesse est, vt altera detur vita, & ita post corporis vitam alia animæ vita supersit, in qua unicuique pro meritis, vel delictis præmia etiam vel supplicia Deus retribuat.

Quod aliqui respondent cum Scotto in 4. sent. dist. 43. quæst. 2. rationem hanc efficacem ad intentum non esse. Primò quia certo non constat lumine naturali Deum esse Rectorem, aut prouisorem mundi. Secundo, quia hoc admissò, etiam si post hanc vitam nihil amplius, aut sperandum bonis, aut timendum malis esset, sed vna cum corpore omnes interirent, sufficiens adhuc præmium virtutis esset ipsa virtus & delectatio illius, & sufficiens pœna, mali turpitudine culpæ. Verum quàm hoc gratis dicatur, patet ex ipsamet ratione benè ponderata; quodque nedum Sancti Patres, sed & antiqui Philosophi solius luminis naturalis ductu, illa vt firma, & efficaci vti fuerint, tamque clarè conuincente animam esse immortalem, sicut euident est, quod iustus est Deus. Ex Philosophis videri potest Plato *dialogo de anime immortalitate*; & Socrates apud Cicero-nem *quæst. Tuscul. 1. Epi. h. Poeta*, & alij plures quos refert Augustinus Eupubinus de perenni Philosophia lib. 9. cap. 15.

Quare ad primum, quod dicebatur non certò constare Deum esse rectorem mundi, respondetur hoc esse aperte falsum, vt latè contra Scotum ostendit Melchior Canus lib. 12. de locis c. 15. & patebit ex dicendis infra suo loco, vbi agemus de diuina prouidentia. Est etiam planè absurdum, quod sufficiat ad virtutis præmium, ipsa virtus, & ad supplicium vitij, ipsa vitij turpitudine. *primò*, quia præmium, & pœna, debent esse data à gubernatore; quod autem

autem intrinsecè sequitur ex ratione virtutis, & vitij, id non habet ratione præmij, neque pænæ propriè loquendo. *Secundo* quia, vt præcipua delectatio, qua virtuosè operans delectatur, est expectatio futuræ præmiationis, vel spes in Deum merita iustorum coronantem, ita præcipua afflictio, qua vitiosè operans torquetur, est timor Dei iusti scelerum vindicis: at si post hanc vitam nihil aut sperandum, aut timendum esset, intereunte anima cum corpore, iam præcipua iusti in bonè operando priuantur consolatione, impij autem præcipua afflictione, respectu cuius cæteræ nihil sunt. *Tertiò*, quia admissio, quod virtus de se, etiam secluso præmio, aut pæna sit magis appetibilis, quam vitium, nihilominus virtus suum habet laborem, & difficultatem non parvam: & ratione illius est digna præmio, & remuneratione: imo sæpe dolor, & pæna virtutis est maior, quam delectatio: neque impij in operibus malis sæpe affliguntur nimium, sed multoties valdè delectantur, paxque eorum turbari non potest nisi metu divini iudicij: malè igitur à Scoto, & eius in hac parte sequacibus, soluitur quæstio de prosperitate impiorum & afflictione bonorum, per hoc quod sufficiat ad virtutis præmium, ipsa virtus, & ad supplicium vitij, ipsa vitij turpitudine, sed necessàrio recurrendum est, post hanc corporis, ad aliã immortalem animæ vitam, in qua malos puniat, bonis autem promerita conferat præmia. Hactenus de animæ immortalitate quatenus lumine naturali cognoscibilis est, Philosophisquæ demonstrabilis, nulla adhuc admissa, diuinarum Scripturarum autoritate, vt inde ad eam, verèq; religionis cultum ex ea amplectendum disponatur, vt in præsentì sectione intendimus.

Præcipuis satisfit obiectionibus contra animæ immortalitatem.

Prima defumitur ex eo, quod anima humana est materiæ forma, nec solùm homini assistens, vt Auerroistæ sinxerunt; sed formæ informanti materiam, quæque multiplicatur ad multiplicationem illius, repugnat quod sit spiritualis, & independentens à materia, ergo etiam quod sit ab ea separabilis, & per consequens incorruptibilis.

Respondetur breviter ad hoc argumentum, repugnare quidem formæ informanti materiam, & ad multiplicationem illius multiplicabili, quod sit spiritualis, quando materia informata, tam est materia ex qua, quam materia in qua talis formæ; secus autem, quando solum est materia in qua, vt contingit in anima humana, cum talis informatio, vel dependentia solum in eo posita sit; quod naturaliter anima humana, cum pars sit quidditatis, & essentiæ hominis, à Deo fieri, seu creari non potest, nisi in materia, & secundum exigentiam ipsius; at vbi semel creata est, non eget amplius materia, vt conseruetur in rerum natura, quia à materia non pendet vt sit, sed tantùm vt fiat, aut incipiat, ac proinde ipsa per se subsistere potest, licet non in statu adeo connaturali, & perfectò, ac vbi in ipso homine subsistit, siue hanc materiam perficit, & trahit ad suum esse, vt docet S. Thomas 1. p. qu. 76. art. 1. ad 6. Animam autem humanam aliam non habere à materia pendentiam, quam vt esse incipiat, non autem vt sit, & existat, clarè demonstrant superius dicta, potissimum de eius operationibus, si quidem res quælibet talis est in existendo, qualis est in operando; quare sicut anima, vbi semel per phantasma, quod materiale est, acquisiuit vt possit intelligere, suam posita

stea intellectiōnem intelligere potest, habereque intellectiōnes immateriales, & à sensibus independentes: inde quoque consequens est animam eandem, ita in homine toto; & in materia fieri, vt tamen ipsa postea per se existat, & subsistat.

Obijcitur secundo, omnis operatio hominis est organica; Ergo anima humana spiritalis non est, aut à materia independens, consequentia est vera, si antecedens est verum, quod multipliciter probant aduersarij, primo, quia vi morbi, aut passionis vehementioris commotione, turbato semel cerebro, imaginationeque læsa intellectus prorumpere in operationem suā non potest; secundo in eadem defatigatur; tertio pro varia corporis constitutione, organorumque cerebri conformatione, varia sunt hominum ingenia; quarto tandem, quia nulla in homine nobilior, quam in quibusdam brutis videtur esse operatio, vnde cum nulla bruti operatio sit spiritalis, nulla quoque talis in homine erit.

Respondetur ad hoc argumentum negando antecedens, cuius oppositū supra satis ostendimus, vnde ad primā probationem dicitur, ea tantum conuinci, quod anima humana pro præsentī statu nullam operationē habeat, quæ obiectiue à corpore non pendeat, quia non agit nisi excitante, & comitante phantasia, ac imaginatione; quod autem alia sit dependentia operationis obiectiua, alia subiectiua, quodque ex hac sola, non verò ex illa petenda sit illius immaterialitas, & incorruptibilitas superius demonstratum fuit.

Quamobrem sicut si oculus ob subtractionem libri legere in eo non posset, atque ita à sua operatione impediretur, malè inferretur ex hoc præcisè, ita quoque ex hoc quod per læsam semel imaginationem offerri amplius nō possit intellectui quasi liber sensibiliū, atque ita impediat in suis quārum-

uis intellectualibus operationibus malè arguitur easdem esse organicas, & corruptibiles, ad aliam habere ab organo corporeo pendentiam, quam ratione phantasiæ, qua ad intelligendū excitari debet; cuius euidens signum est, quod nemo delirat, aut deficit, aut in intelligendo impeditur, nisi cum in ipsa imaginatione vitium, & defectus aliquis inest. Vnde etiam quemadmodum si nunquam læderetur, aut impediretur ipsamet potentia imaginatiua, nisi impeditis sensibus externis, non posset inde colligi, quod esset organica, aut corporea per seipsam. At quia sæpe numero integerrimis sensibus videmus nonnullos delirare, aut insanire, propterea recte intelligimus imaginatiuam organa aliqua sibi propria habere, & per se ipsam organicā esse: sic euidenti in contrarium docente experientia, quod nullus homo impediatur in functionibus intellectiuis, nisi cum vitiatur, aut læditur imaginatiua; inde manifestè sequitur intellectum per se non esse organicum, & si per se organicus non est, eum esse spiritualem, & per consequens animā humanam, cuius est potentia.

Ad secundam probationem respondetur negando mentem in intelligendo defatigari, sed tantum imaginando & sentiendo, quia spiritus animales exhauriuntur: rem autem ita se habere clarè patet ex dictis supra, docetque Aristoteles lib. 3. de anima tex. 7. cap. 5. quia quo nobilius intelligibile anima intelligit, & contemplatur, eo est aptior ad alia obiecta intelligenda; hæc sunt eius verba; Porro non esse similem impassibilitatem sensitiui, & intellectui, perspicuum est in sensarijs, & in sensu; nam sensus non potest sentire post vehementem sensibile: (ut sonum post magnos sonos, nec post vehementes odores, vel colores videre, vel olfacere:) sed intellectus cum intellexerit aliquid valde intelligibile, nihilominus intelligit inferiora, imo etiam magis, quia sensitiuum non est sine corpore: intellectus autem est sepa-

separabilis; & in lib. 1. cap. 5. tex. 64. & 65. vbi postquam locutus est de operationibus animæ, quæ non nisi per corpus fiunt, ideoque notauit non tam propriè animam, quam hominem anima illa operari, aliter de intellectu discurret: ibi v. denique potest vna cum Diui Thomæ commentarijs, qui lib. 3. lect. 7. expressè ait: solum debilitatur intellectus ex lesione alicuius organi corporalis indirectè, in quantum ad eius operationem requiritur operatio sensus habentis organum, &c.

Ad tertiam respondent aliqui, humanorum ingeniorum varietatem oriri ex diuersitate, aut inæqualitate humanarum animarum in perfectione, eamque sequi varias dispositiones corporum, quibus à Deo creatæ infunduntur: cum enim anima humana à Deo non creetur, nisi secundum exigentiam corporis organizationem habentis humanam; pari iure iuxta maiorem, vel minorem talis organizationis perfectionem, exigitur à corpore anima substantialiter melior, aut deterior. Hæc quæstio à Philosophis tractari solet, & vtriusque eius pars assertatur, ad præsentem controuersiam non spectat, cum admissa, vel non, præfata diuersitate, neutra dubitet de animæ humanæ spiritualitate: At quia communior, ac verior sententia talem negat animarum humanarum inæqualitatem, respondeatur facillè totum illud ingeniorum, quod in hominibus reperitur discrimen, non in ipsa animæ, & facultatum spiritualium ab ea dimanantium, sed imaginationis, dispositionumque individualium diuersitate positum esse. Cuius euidentis signum est, ac argumentum, quod attenta solum tali diuersitate videmus vnum, & eundem hominem modo melius, ac perfectius, modo autem peius, ac imperfectius discurrere.

Tandem ad quartam probationem patet ex dictis supra eius falsitas, eamque fusius ostendit Ioannes Bagotius Apologetici fidei parte posteriore,

lib. 1. disp. 3. Vbi primum refellit Pythagoricam animarum transmigrationem, quatenus Pythagoræ, & ex eo Plutarchus in *Gryllo*, & *Porphyrio lib. 3. de abstinentia*, alijque nonnulli Philosophi in illa fundare potuerunt impiam hæc de animæ bestiarum, & hominū æqualitate opinionem. Cum enim illi animos hominum immortales esse fateantur, vnde autem in corpus veniant, aut quò ab eius vinculis soluti abirent, fidei diuinæ luce carentes non intelligerent; & aliquid de diuina iustitia prauis hominibus, post hanc vitam viciosè transactam pœnas inferente; bonosque, & qui sanctè vixerant præmia donante, vel obaudiuissent aliquid, vel certè ipsa natura magistra didicissent, persuaserunt sibi illam in varia corpora transmigrationem animorum, eosdemve nunc in humano, nunc in belluino corpore existere; & consequenter omnes bestiarum animas esse rationales arbitrati sunt, ita, vt quod suis, aut asinus non tam ingeniosè, & subtiliter operetur, quam homo, id non ex animorum, sed corporum differentia oriatur; quemadmodum nos fatemur omnium hominum animos esse rationales, cum tamè ob defectum organorum nonnulli stupidi, & amentes nascantur.

Secundò aduersariorum rationes, quibus nullum inter hominem, & bruta animantia discrimen esse volunt, aut ea ratione vti, futes esse demonstrat, & plerasque in eos retorquet; præsertim quod in bestiis nihil reperitur, vnde eas rationis vsum habere probant, quod non reperitur in infantibus, stultis, alijsque amentibus, quos certum est rationis vsum carere: indè enim, quæ in brutis ratiocinandi argumenta esse, contendunt isti pecudum patroni, nihil probare manifestè constat. Tertiò demum profert principia certissima, quibus vni homini propria ratio vindicatur, quod nimirum non ex instinctu naturali, aut necessario, vt bestię, sed ex ratiocinatione-

natione , & liberè operentur .

Quamuis autem accedenti ad Deum, veramque Religionem quærenti , certa prius de immortalitate animæ peſuaſio, ſit optima diſpoſitio, vt diximus ſupra, ſi quem nihilominus rationes adductæ , vel ſimiles non conuincerent, aut ab eo non penetrarentur , non propterea ſolueretur ab onere illam credēdi, veramque religionem amplectendi ; ſed ſicut alia plura, etiam non intellecta , & demonſtrata , vt Incarnationis , & Trinitatis myſteria, promptè per fidem citra omne examen , ita quoque iſtam de immortalitate animæ veritatem , quam fides etiam docet , accipere deberet , & ad hoc induci propoſitis motiuis , & ſignis, quibus veram fidem , aut à ſe reuelatam religionem Deus communire, illamque hominibus ſua ineffabili prouidentia inuenibilem reddere voluit.

CAPVT VI.

*Breuitè explicantur in genere precipua
veræ religionis officia , ſeu
munera .*

SVppoſita vnus veri Dei , nec non veræ , qua coli debeat religionis exiſtentia, quodque ab ea quærenda, & amplectenda retardari nequeant homines defectu diuinæ prouidentię , quaſi Deum noſtra, vt aiunt Epicurei, nō curātem nos etiam curare non teneamur: aut quod vera à nobis inueniri nō poſſit religio , attenta quam docent Academici veritatis inueniendæ impoſſibilitate ; aut quod denique anima noſtra, ſit moralis eundem cum beſtijs exitū habitura, vt ſufficienter huc vſque reſellimus; nunc breuiter explicanda ſunt veræ religionis officia, ſeu munera, per ea intelligendo res illas, quas in honorem, & cultum Dei præſcribit . Quia autem religio dupliciter ſumi poteſt , primo pro virtute ſpeciali diuerſa ab alijs, quæ non Theologica, ſed moralis dicitur . Secundò , pro diſciplina quadam complectente varias virtutes, quæ

Biblioth. Theol. Tom. V.

eam componunt, & conſequenter multa præcepta de virtutibus illis; licet hic ſermo potiſſimum ſit de illa ſecundo modo conſiderata , quo interdum dicitur aliam eſſe religionem Iudaicam , aliam Chriſtianam, aliam veram, aliam falſam ; nihilominus cum appellari non poſſit, niſi quatenus habet, virtutem religionis, quæ eo ipſo, quod eſt virtus, falſa eſſe non poteſt, nec conſequenter illa diſciplina viuendi, in qua reperitur, aut quæ complectitur omnia præcepta, & documenta ab illa præſcripta, ſive elicitivè, ſive imperatiuè; indè neceſſariò ſequitur notiſſimam religionis ſecundo modo ſumptæ pendere à notiſſimâ eiſdem, ſi primo conſideretur modo, ſeu vt eſt virtus ſpecialis, proptereaque primum ab iſta, veluti à forma deducenda eſſe omnia officia , vel munera, quibus religioſè colitur Deus; tūm verò illam religionem, ſeu religioſè viuendi diſciplinam eſſe veram, cæterisquæ præferendam , in qua præſata reperitur officia, falſam verò , cui ea non conuenient .

Cum ergo in virtute religionis duo potiſſimum conſiderari poſſint , abſtrahendo nunc à multis quæſtionibus, quæ circa illa ſolent excitari, vt potè ad præſens inſtitutum parum referentibus, nimirum Deus cui cultus debetur, & exhibetur, vnde dicitur à religione reſpici , tanquam obiectum cui; tūm cultus ipſe , qui ſe habet ad illam per modum materiæ , & obiecti quod, non quaſi actus , quo Deus colitur, ipſum Deum attingat , ſicut cum credimus Deo , credendum Deum attingimus , alias virtus religionis à Theologicis nō diſtingueretur, ſed in quantum actus quidam, quibus Deus colitur in eius reuerentiam, & honorem ſiunt; propterea penes iſta duo præcipuè penſanda ſunt omnia verę religionis officia; dualque in claſſes poſſunt diſtribui . Prima complectitur omnia illa documenta, vel præcepta, quibus benè ſentire de Deo , ac diuinis docemur, & tenemur , ita vt illa religio, ſeu diſciplina religio-

Q q

ſe vi-

sè viuendi censenda sit vera, cæterisq; anteponenda, quæ benè in omnibus de Deo sentire docet, ac iubet; cum enim specialissimus honor, & seruitus, quæ latria vocatur, in tantum soli Deo per virtutem religionis exhiberi debeat, in quantum ipse specialissimam, & singularem habet excellentiam, qua omnia in infinitum transcendit, manifestè patet ibi solum huiusmodi cultum esse, quærendum, vbi par Deo fuerit existimatio, sique talis fuerit illa, quam habet Christiana disciplina ab Ecclesiâ Catholica Romana tradita, nullum ab ea amplectenda rationabiliter excusare se posse, qui semel admiserit vnum Deū esse, illumque esse colendum. Nam etsi obiectum formale religionis non sit ipsa digna Deo existimatio, sed potius, vt statim dicemus illa æqualitas, quam ponit cultus Dei inter creaturam colentem, & ipsum Deum, quem colit, dictam tamen existimationem, quæ fit per actum intellectus, præsupponi ad actum religionis debere certum est; siquidem ad hoc vt voluntas debitum Deo cultum exhibeat, necesse est quod præconceptam habeat Deitatis excellentiam.

Ad secundam classẽ pertinent res omnes, quæ Deo offeruntur, vel subijciuntur per actum cultus honoris; cum enim virtus religionis, sicut & cæteræ, duplex habeat obiectum vnum, formale, alterum materiale; formaleque consistat in illa imperfecta æqualitate, quā ponit cultus Dei inter creaturam colentem, & ipsum Deum, quem colit, quatenus per illam reddit honorem, quem potest in solutionem debiti, quod incurrit per beneficium creationis, & alia quæ ad illud consequuntur, subijciendo creaturam ipsi Deo; partes siquidem potentiales iustitiæ, cuiusmodi sunt religio in ordine ad Deum, pietas in ordine ad parentes, obseruantia in ordine ad superiores, & excellentes personas, quamuis in hoc à iustitia deficiat, quod perfectam non reddant, sed imperfectam æqualitatem; attamen sicut iustitia per-

fecta habet pro obiecto formali perfectam æqualitatem ponere, ita imperfecta debet pro eodem obiecto habere imperfectam æqualitatem, quia per hoc essentialiter differt à iustitia perfecta, idemque est formale distinctionum, & constitutum: & sicut pietas respicit eandem æqualitatem imperfectam respectu parentum tanquam suum obiectum formale, sic religio respectu Dei, cultum ei debitum exhibendo, in protestationem supremæ ipsius excellentiæ, cui per talem cultum subijcitur, sed non quantum debet: Cum, inquam, talis subiectio, in qua consistit dicta imperfecta æqualitas, illa sit, quam intendit virtus religionis, & actus eius, ab eaque tanquam à ratione formali obiectiua specificentur, inde patet obiectum eius materiale debere esse res omnes, quæ Deo offeruntur, vel subijciuntur mediante eadem virtute, cum in qualibet virtute, illud dicatur obiectum materiale, quod est materia circa quam exercentur cuiuslibet actus, huiusmodi sunt corpus, vel anima, intellectus, vel voluntas secundum diuersos actus, quos habent interiores, & exteriores. Quæ ergo disciplina perfectius hæc omnia subijciat Deo, præclarioraque illi seruendi præcepta, & institutiones tradet, illa sine dubio pro vera tenenda erit religione; talem autem esse Christianam, quam profiteretur Ecclesiâ Catholica Romana, satis patet ex dictis supra sect. 2. cap. 16. clariusque adhuc constabit, cui admodum placuerit discurre per singula doctrinæ capita, quantum de interna, tum de externa Sanctitate præscribit, ex diuinitus per fidem reuelatis, cuius mox necessitatem in religione vera ostendemus, demonstrata prius in sequenti capite luminis naturalis ad illam insufficiencia, vnde sit.

CAPUT VII.

Quod ratio naturalis, vel solum Philosophia magisterium sit insufficiens ad fundandam veram religionis disciplinam.

SCio intellectum, rationem, & ingenium præclara quidem esse Dei munera hominibus facta, multumque posse deferuere, dummodo superbi non fuerint, vna cum assiduo scientiarum naturalium studio, vt plura, quæ ad fidem, tanquam præambula spectant, facilius capi possint, ea tamen ad fundandam veræ religionis disciplinam, haud sufficere constanter affirmo, doctæque oppositum breuiter hic refellendus suscipio. Tales olim fuerunt Philosophi Ethnici, qui vt ait Paulus 1. Corinth. 11. sapientiam querebant, hoc est non aliam, quam quæ per naturalem rationem haberi potest de Deo, rebusque sacris notitiam admittendam iudicabant; indeque ridebant Moysen, quod diceret quidem multa, sed probaret nihil; tùm Christianorum ipsorum simplicitatem in credendo; sic enim eos allocutus inter ceteros Iulianus Apostata apud S. Gregorium Nazianzenum orat. 1. quæ est aduersus illum, ait: *Nostri sunt sermones, & nostrum grecari, vt patet quorum etiam sit Deos venerari; vestra autem est infantia, & rusticitas, nec aliud quidquam quam credere, Sapientie vestra est: Quo nunc etiam vtinam plures non irent rationis naturalis amatores, & exaltatores nimis, dū ad eius normam omnia exigere videntur; cuius tamen nos insufficientiam ad religionis fundandam doctrinam sequentibus ostendemus argumentis, nisi superiori fidei lumini perfectè subiecta reddatur.*

Primum sic efformatur. Doctrina veræ religionis illa esse non potest, quæ circa necessaria, & quasi essentialia illius maxime deficit, & errat: at huiusmodi est omnis doctrina solum fundata

Bibliot. Theol. Tom. V.

in ratione naturali, aut Philosophorum scholis, illa igitur nequit esse certa, sufficientisque regula veræ religionis instituendæ. Maior huius argumenti est certa; ad probationem autem minoris, omissa illa, quæ desumi posset ex peccato originali, quod nos Catholici per fidem credimus esse causam, & originem omnium ferè calamitatum, quibus obnoxij sunt homines, per ignorantiam, in mente, per malitiam in voluntate, per concupiscentiam in appetitu concupiscibili, per infirmitatem in irascibili, quæ sunt quatuor præcipua nature lapsæ vulnera; proferam primum in medium nonnulla Philosophorum testimonia, quibus eiusdem miserias ita desent, vt vel de natura tanquam noverca querantur, vel per has miseras puniri peccata animarum in alia vita commissa suspicentur; tùm adducam præcipuos eorumdem errores, quos in materia religionis turpissimè commiserunt. Etsi enim, vt ait D. Augustinus lib. 4. in Iulian. cap. 12. & seqq. causam ignorauerint, peccato siquidem originali ex eodem de moribus Ecclesiæ cap. 22 nihil ad intelligendum secretius, ideoque lib. de peccato originali cap. 24. illud cum Apostolo inter præcipuos fidei nostræ articulos recenseret: *In causas*, inquit, *duorum hominum, quorum per unum venundati sumus sub peccato, per alterum redimimur à peccatis, propriè fides Christiana consistit*; rem tamen viderunt, cum præfato peccato, quo ad eius, quos experimur effectus, nihil sit ad prædicandum notius.

Homerus igitur apud Theodoretum lib. 5. de Græcar. affect. curat. imbecilem, ærumnosumque hominem appellat. Teognis Siculus ibidem ita exclamat:

Optima non nasci res est mortalibus ægris,

Nec Solis radios cernere luminibus. Aut ubi natus homo est, propere ut descendas ad orcum.

Solonem præterea, qui leges Atheniensibus tulit, testis est Herodotus Cræso Regi dixisse:

Q q 2

O Gra-

O Cræse homo est quadam gravis calamitas.

Tullius in Hortensio, quem refert D. Augustinus lib. 4. contra Iulianum. cap. 15. cum multa quæ videmus, & gemimus de hominum vanitate, & infelicitate dixisset, inde colligit, verum esse illud, quod est apud Aristotelem, sic nostras animas cum corporibus copulatas, ut viuos cum mortuis esse coniunctos. & lib. 3. de Republica ait: *hominem non ut à matre, sed ut à nouerca natura editum in vitam, corpore, & nudo, & fragili, & infirmo: animo autem anxio ad molestias, humili: ad timores, molli ad labores, prono ad libidines: in quo tamen inest tanquam obtusus quidam diuinus ignis ingenij, & mentis.*

Seneca, cum prius innata Philosophis superbia epist. 94. scripsisset, nulli nos vitio natura conciliat, nos illa integros, ac liberos genuit; postea lib. 3. quæst. natural. cap. 3. ait: *Cito nequitia subrepat, virtus difficilis inuenta est.* Principij tandem loco traditum est à cunctis, humanam rationem se habere ad Deum, & diuina, sicut noctuam ad lumen Solis. Vnde re ita se habente circa naturam humanam ex his, & alijs similibus Philosophorum dictis, manifestè patet in eiusduntaxat lumine, vel ductu, nequaquam fundari posse veræ religionis disciplinam; quod adhuc clarius constabit consideranti factum ipsum, hoc est, innumeros prope modum errores, in quos ipsimet humanæ Sapientiæ procures impiè prolapsi sunt; naturæ enim deficientis, & ad veram consequenter religionem, insufficientis efficacius argumentum, videtur haberi non posse.

Quocirca incipiendo à Deo, & diuinis, quæ sunt materia necessaria, religionis, ex omnium religionem aliquam profitentium consensu, & ex ipsamet eius natura, quæ primitus in Dei cultum dirigitur, certè si plures Philosophi, solo affulgente lumine naturali, Deum esse cognouerunt, non defuerunt alij, qui illum multiplicaverunt, & à quibus, ut ait Diuus Augustinus lib. 4. de ciuitate Dei cap. 23. cum felicitate colebantur, & pauper, & pallor, & febris, & cetera non numina colendorum, sed crimina colentium: vnde ex eodem Diuo Augustino ibid. lib. 18 cap. 41. *etsi ab illis aliqua vera dicebantur, eadem licentia dicebantur, & falsa, prorsus ut non frustra talis ciuitas mysticum vocabulum Babylonis acceperit.*

Qui insuper de vnitatem Dei benè senserunt, quanta ab eius natura, & attributis aliena simul docuerint, testis sit omni exceptione maior Tullius lib. 1. de natura Deorum. Cum multa res, inquit, in Philosophia nequaquam satis adhuc explicate sint, tum perdifficilis, Brute (quod minime ignoras) & perobscura quæstio est de natura Deorum, quæ & ad agnitionem animi pulcherrima est, & ad moderandam religionem necessaria. De qua tam varie sunt doctissimi hominum, tamque discrepantes sententia, ut magno argumento esse debeat, causam, id est, principium Philosophia esse scientiam, prudenterque Academicos a rebus incertis assensionem cohibuisse: moxque proditis Philosophorum pugnantibus placitis, Deos negantium, Deos ponentium, prouidentiam affirmantium, & tollentium, de figura, de loco, de sedibus, de actione, vel otio Deorum, subdit, quorum opiniones cum tam varia sint, tamque inter se dissidentes, alterum fieri profectò potest, ut earum nulla, alterum certè non potest, ut plus una vera sit. Ecce quid comparatum est, teste Tullio, tot seculorum laboribus, & quo peruenerat vsque naturalis summorum virorum de Deo, & diuinis inuestigatio. Adeo verum est Philosophiam haud esse instructam sufficientibus prædijis ad noticiam Dei, diuinarumque rerum tradendam; siue quod idem est, Deum quidem esse, aliaque nonnulla de illo per ipsam in communi demonstrari posse, nequaquam autem omnia, quæ ad veræ religionis institutionem sunt de illo scitu necessaria, sed in illis ipsum esse audi-

diendum, & accipienda, quæ dicit per modum fidei, tanquam ab eo dicta, quem falli repugnat, vel fallere. Si enim absque vilo fidei diuinæ subsidio, ad omnes saltem veritates de Deo naturaliter cognoscibiles, iter tutum, & ab erroris periculo securum Philosophia præberet, cur Philosophi illud ignorarunt, aut dissimularunt? cur cū populis religiones, aut potius ineptas superstitiones, & plerosque ritus sacrilegos communes habuerunt? cur vt dicebamus supra, tam ingenuè falsi sunt humanam rationem se habere ad Deum, & diuina, sicut noctuam ad lumen Solis?

His ita se habentibus in hac parte, quæ magis speculatiua est, seu veritates, & dogmata religionis continet; iam examinemus, vtrum in alia, quæ ad virtutes, morumque probitatem spectat, feliciores fuerint Philosophi? nequaquam; vt enim impiam duxerunt vitam, ita quoque doctrinam sceleribus refertam tradiderunt: nonnulla retulimus tom. 1. lib. 2. sect. 5. cap. 9. & seq. nec non supra sect. 2. cap. 16. & seq. Præcipua sunt contra castitatem, veneri etiam nefandæ habenas laxando; contra humanitatem, existimando licitum esse, aut abortus procurare, aut recens natos infantes occidere, aut exponere, vel fame enecandos, vel aliena misericordia excipiendos; nec non etiam violentas manus, aut quoquo alio modo sibi mortem inferre; contra debitum Deo cultum, iubendo religiones patrias quæcumque tandem essent obseruari, palam etiam negato, quem verum sciremus, & agnoscere-mus esse Deum, vbi proprij commo-di lex ita præscriberet: de quibus, & alijs similibus erroribus inter alios cõsuli possunt Tertullianus in Apologet. cap. 39. & lib. de anima cap. 54. Lactantius lib. 3. cap. 20. & 21. Diuus Augustinus lib. 1. de ciuitate Dei c. 17. & seq. Theodoretus de Græcar. affect. curat. præsertim lib. 5. & alij plures.

Vera igitur religio, totaque eius

disciplina, & institutio cum in id spectet, ex dictis superiori capite, vt primo benè sentiatur de Deo; secundò, vt ei præstetur cultus optimus, qualis est latra, ita vt ei soli & non alteri, illi deferatur, alioqui non esset optimus, nec vt excellentissimo, ac proinde singulari tribueretur; 3. vt ille sit castissimus, seu fiat ex mente pura ab omni sordevitiorum, 4. sit sanctissimus, & ex sua natura firmissimus, & inuiolabilis, factus ex mente omnino incorrupta, 5. sit ex mente integra, & plenissimus iustitiæ: 6. adhibeatur etiam vox, seu externus cultus, & reuerentia; adeo vt nulla sit hominis, vitæque eius pars, quam religio non exornet virtutibus veris, siue perfectis, quales sunt illæ solæ, quæ in Deum referuntur, & ex aliquo erga Deū amoris affectu fiunt. Quis veram eius formam querat? vbi contraria prorsus docentur; cuiusmodi Philosophorum scholas esse, in quibus sola præsidet ratio naturalis, quæ huc vsque diximus ad probationē minoris huius primi argumenti, sufficiens demonstrare videntur.

Vndè quod aliqui dicunt, in natura esse insitam religionem, ac proinde eius officia à ratione sola definiri posse, sique Philosophi in hoc errauerunt prouenisse ex malo eius vsu, hoc tantum probat, neminem esse, quoquo tandem modo id fiat, qui aliqualem Dei notitiam non habeat, nesciatque Deum, seu diuinum aliquid nomen, colere se debere, vt satis in superioribus ostendimus; at non indè consequitur hanc solam Dei, aut religionis confusam admodum notitiam satis esse ad omnes iustitiæ aduersus Deum partes cognoscendas, & errores omnes qui in religione committi possunt emendandos; cuius nos causam, nec non etiam eiusdem confusæ duntaxat rerum diuinarum notitiæ pro præsen-ti statu, refundimus in peccatum originale, ita per fidem instructi, quo licet naturalis hominis ratio extincta, prorsus non fuerit, obscurata nihilo-minus

minus taliter fuit, vt absque fide, qua Dei simus discipuli, non possit non subiacere multis erroribus tum speculatiuis, tum practicis. A posteriori autem id colligimus ex facto ipso, quo vt vidimus constar, quid tot sæculis effectum fuit naturali indagine à summis ingenijs, indè enim liquidò sumitur, quæ pro rationis naturalis sufficientia ad veram religionem obijci possunt, esse suspecta, esse fallacia, nec per eam haberi posse cognitionem certissimam, indubitatam, exactam, & constantem, qualem ad religionem requiri statim ostendemus. Non propterea tamen hæc qualiscumque Dei, ac religionis notitia, quam hominibus cum natura ipsa à Deo donatam, & insitam fuisse concedimus, frustra, aut inutilis censenda est, siquidem vocatio quædam, & significatio dici potest, qua à Deo homo excitatur, & mouetur, vt ipsum quærat. Quis enim Deum existere, & sequi ei quadam iuris communionem sociatum intelligat, & statim non apprehendat se Dei eiusdè imperijs, & præceptis parere, nec nõ illa diligenter inquirere debere, siquæ in hoc negligens fuerit, impietatis, & iniustitiæ reum esse? Quo semel admissio, necessario fatendum est, eum saltem dubitaturum, an non Deus aliqua reuelarit, & dixerit, quæ ad sui cultum ab hominibus sciri, & obseruari velit? Quod sufficit nobis in præsentem, nondum enim de hoc agimus, quæ doctrina admittenda veniat, & quæ re ipsa sit diuinitus reuelata, an Christiana, an verò alia? sed tantum asserimus insufficienciam naturalis rationis, ad omnia verè religionis officia, vt indè qui religionem aliquam colunt ex animo, facilius disponantur ad fatendam in illa diuinæ fidei necessitatē, quam in sequenti capite demonstrabimus, tum illam reperiri solum in religione Christiana, quam profitetur Ecclesia Catholica Romana, si illa sola, & nulla alia omnes habet diuinæ fidei, doctrinæve è cælo delapsæ notas,

& argumenta, qua homines in sui cultu Deus instruere voluit, suamque formari religionem.

Alterum argumentum pro insufficiencia naturalis inuestigationis ad veram religionem fundatur in examine aliquarum veritatum illam maxime necessariarum; in quibus tamen deficit, ac impar est; talis potissimum est ea de ultimo fine, & hominis beatitudine, circa quam vt prudenter, & benè voluntas feratur tria cum requirantur certa: *primò* vt distinctè, & in particulari cognoscatur, in quo sit posita: & non tantum quod in hac, aut illa re indeterminata, sed in qua ea consistat, ita vt in nulla alia re quæri debeat: quomodo enim voluntas determinatè tendet, & tota feretur in bonum indefinitum, & indeterminatum. *Secundò* quod illa de vera beatitudine sententia, seu notitia sit ex natura sua certissima: adeo vt nihil homo in hac vita infallibilis teneat, quam quod sit in particulari bonum illud, quod tanquam vltimum finem, ac beatitudinem velle, & prosequi debet. *Tertiò*, quod certissime etiā sciatur, si qua sint media ad illius consecutionem penitus necessaria, aut ex natura rei, aut ex Dei beneplacito. Cum, inquam, in vera religione circa hominis beatitudinem res ita se habeat; & tamen Philosophi summam de illa habuerint ignorantiam, quantumvis post assiduos labores, & vigilias; ita vt nulli forsitan ineptius, ac stultius delirarent; nonne possumus dicere hunc in finem, inter alia sapientissimum Deum id permisisse, vt nobis demum constaret imparem esse prorsus inquisitionem naturalem solam ad veram religionem fundandam, nam in tota doctrina religionis post Deum nihil est scitu dignius, aut magis necessariū ex natura rerum, quam verus hominis finis, quem solum in Deo viso, vel cū eo conæxis situm esse, ni diuina fides certissimè nos doceret, suoque lumine in hoc & alijs misericors Deus nobis sub-

subuenisset, quod fuit Philosophis, nobis quoque esset, quæsitique, quid deum speraremus, aut quæreremus, quove tenderemus nostris officijs, vel ignari non aliud responderemus, quam nos nescire: vel ineptiremus cum Philosophis non finem, aut beatitudinem pro beatitudine assignando; à quo utroque absurdo sicut per diuinæ fidei doctrinam liberamur, ita quoque felicem in alijs rebus summis, & ad religionem necessarijs exitum inuenimus, ubi ratio naturalis sibi relicta inextricabiliter implicatur.

Vltimò tandem nostrum probabunt intentum, omnes quæ sequenti capite adducuntur rationes pro diuinæ fidei in negotio religionis necessitate, indè enim manifestè sequitur doctrinam illius esse non posse merum naturalis rationis, aut discursus inuentum.

CAPVT VIII.

De necessitate diuinæ fidei in Religione vera.

STante quam superiori capite ostendimus rationis naturalis insufficiëntia ad veram religionem, quodque ex alio capite, vera detur religio, eaque inuenibilis, qua Deus, ut par est, coli debeat, nemo non videt ad illam requirij doctrinam aliquam superiorem diuinitus traditam; quæ quia si semel datur, ut sit salutaris, & eo quo convenit modo recipiatur ab hominibus, necessario credenda est per fidem diuinam, hoc est quæ Deum ipsum reuelantem, eiusque auctoritatem, & veracitatem tanquam motiuum, & obiectum formale habeat; inde duplicem veluti necessitatem diuinæ fidei in vera religione distinguere possumus, vnâ obiectiuam, quatenus per illam reuelantur nobis obiecta ad veram religionem necessaria, alteram, subiectiuam, quatenus per eandem talibus obiectis certum præbemus assensum, non autem ex aliquo motiuo humano; & utroque modo nos Catholici

Romani asserimus necessariam esse in vera Religione diuinam fidem, seu doctrinam diuinitus reuelatam, per eam creditam, illamque de factò reperiri in Religione Christiana, quam profitemur; quod etsi ita esse de factò ratione naturali demonstrari non possit, nec id etiam intendimus: diuinam tamen fidem esse possibilem nemo negare potest: quia Deus homini potest aliquid reuelare, & hominem docere; ex eo autem, quod fides diuina sit possibilis, nullusque sic adeo insanus, ut neget Deo habendam esse fidem, si constet cum aliquid reuelasse, & confirmasse, inde sequitur esse possibilem superiorem aliquam doctrinam è cælo delapsam per fidem credendam, quæ omnem humanam rationem fallacem corrigere, aut ubi ea deficit ipsius defectum supplere possit; postquam igitur superiori capite probauimus humanæ rationis in negotio religionis deficientiam, nunc intellegimus benè disposito persuadere conabimur in illo diuinæ fidei necessitatem, nec non existentiam; Deo non deficiente in re tanti momenti; in præsentem enim cum Epicuro Dei prouidentiam negantes non contendimus, qui in superioribus expugnatus est, sed cum illis agimus, qui religionem aliquam colunt ex animo, quibusque proindè in confesso sit, necessariam esse certam, & exploratam de diuina prouidentia sententiam, quodque illa sicut non abundat in superfluis, ita nec deest in necessarijs, sed attingit à fine ad finem fortiter, & disponit omnia suauiter.

Cum autem obiecta ad veram religionem spectantia, qualis est Christiana, quam Ecclesia Catholica Romana proficitur, quamque Philosopho, aut cui libet alteri Dei existentiam, & vnitatem, nec non cum religiosè colendi obligationem iam admittenti suadere intendimus, sint in duplici differentia, alia nimirum supernaturalia v.g. mysteria Trinitatis, Dominicæ Incarnationis, & similia omnem prorsus humanæ rationis capacitatem transcendentia, alia verò natu-

naturalia, quia eam absolute non excedunt, de istis nunc agimus, respectu quorum probata semel in vera religione diuinæ reuelationis necessitate, illam à fortiori tenebuntur aduersarij fateri respectu primorum, vbi semel illa admiserint ita persuasi, aut solutis eorum in contrarium argumentis, ea enim quæ sunt religionis, & fidei, satis est, si defendi queant, licet demonstrari nequeant; vel etiam propositis motiuis, & argumentis, quibus redditur euidenter credibile, illa fuisse à Deo reuelata; vt suo loco supra iam diximus, & iterum in fine huius sectionis dicetur.

Igitur Sanctus Thomas 2. 2. qu. 2. art. 3. & 4. proposiæ quæstioni satisfaciens, vtrum scilicet credere aliquid supra rationem naturalem sit necessarium ad salutem; & iterum vtrum credere ea, ad quæ ratio naturalis peruenire potest, sit necessarium, respondet affirmatiuè quo ad vtramque partem, secundumque sic probat: *Dicendum quod necessarium est homini accipere per modum fidei non solum ea, quæ sunt supra rationem, sed etiam ea quæ per rationem cognosci possunt: & hoc propter tria. Primo quidem, vt citius homo ad veritatis diuinæ cognitionem perueniat; scientia enim ad quam pertinet probare Deum esse, & alia huiusmodi de Deo, vltima hominibus addiscenda proponitur, præsuppositis multis alijs scientiis: & sic non nisi post multum tempus vita sua homo ad Dei cognitionem perueniret. Secundo vt cognitio Dei sit communior: multi enim in studio scientia proficere non possunt, vel propter hebetudinem ingenij, vel propter alias occupationes, & necessitates temporales vite, vel propter torporem addiscendi, qui omnino à Dei cognitione defraudarentur, nisi eis proponerentur diuina per modum fidei. Tercio modo propter certitudinem, ratio enim humana in rebus diuinis est multum deficiens. Hactenus Angelicus Doctor.*

Quod si quis obijciat his eius rationibus, quas tanquam firmamenta nostræ conclusionis adduximus, proba-

ri quidem fidem esse necessariam ad religionem, non tamen simpliciter, sed ad melius tantum esse, nimirum vt citius, communius, & certius illius cognitio proueniat hominibus. Respondetur primò id esse falsum respectu religionis adæquatè sumptæ, cum enim in illa ita considerata plures sint veritates necessariæ, quæ non aliter, quam reuelatæ cognosci possunt, vt potè supernaturales, manifestum est tali suppositione facta, earum reuelationem non tantum ad melius, sed absolute, simpliciter necessariam esse. Secundo respondetur, id quoque esse falsum respectu illarum veritatum, quæ sub rationem, & intelligentiam nostram naturalem alias cadere possunt; attenta lapsæ, vt vocamus, naturæ conditione, & constitutione, qualem ipsi quoque non Christiani, si non credunt, saltem experiuntur, vt superiori capite sufficienter probauimus; quia licet ad eiusmodi veritates vtcumque attingendas absolute, & simpliciter doctrina superior, aut reuelata non requiratur, vt ad supernaturales; sed humana sufficiat; nihilominus exigitur, vt religiosè, siue eo quo postulatur modo ad veram religionem, cognoscantur; vnde sic primum pro nostra conclusione argumentum conficio.

Quæ de Deo, & rebus sacris tum speculatiuis, tum practicis requiritur doctrina, seu persuasio in vera religione, debet esse certissima, omnibus peruis, facilèque inuenibilis, nec non communis quibuslibet hominibus rationis compositibus; sed talis doctrina, seu persuasio simpliciter, & absolute alia esse non potest, quam fidei diuinæ, illa igitur simpliciter, & absolute necessaria censenda est in vera religione. Maior probatur quo ad primam partem, quia res maximè necessaria debet maximè cum certitudine cognosci, seu mensura necessitatis rei, debet esse mensura cognitionis certæ; adeo vt si quæ res tanquam necessaria cognosci debet, ea cognitionem certam, per quam attingatur exigit: & quo magis res necessaria est,

est, & ut talis est nosci debet, eo magis certo sit cognoscenda: nihil autem magis necessarium in hac vita esse, aut ut tale concipi potest, quam quæ ad veram pertinent religionem; cum ea sint de Deo primo hominis principio, & ultimo fine, deque medijs ad eius consecutionem necessarijs, & sic de cæteris; quæ ergo de illis in vera religione desideratur doctrina, vel persuasio debet esse certissima, siue quod idem est, quæ ad veram religionem spectant cognosci debent cognitione certissima, tamquam constanti, quam constantia esse debent, & inuiolabilia obiecta, & officia religionis, quæ per eam cognitionem apprehenduntur, & præscribuntur, cuiusque vi omnia argumenta fallacia vinci, & contra eorum impetus mens hominis firma, & inconcussa teneri possit: unde satis probata manet prima pars maioris.

Nunc probatur secunda, quia religio est omnibus necessaria, doctis, indoctis, ingeniosis, stupidioribus, iunioribus, senibus, cum sit disciplina salutis, ut docet Diuus Augustinus lib. de vera religione cap. 1. *Omnis, inquit, vita bona, ac beate via in vera religione constituta est, qua unus Deus colitur, & purgatissima pietate cognoscitur principium naturarum omnium, à quo uniuersitas, & inchoatur, & perficitur, & continetur:* Quæ ergo in illa rerum sacrarum cognitio, vel doctrina debet esse certissima, debet quoque esse omnibus peruisa, & communis; nullusque id rationabiliter negare potest.

Itaque nunc probanda est minor, soli videlicet fidei, siue doctrinæ per fidem acceptæ competere, quas statim in maiori adduximus conditiones; & primo quod sit certissima, ut potè primæ veritati reuelanti innixa, quæ nec falli, nec fallere potest, nullis nisi insanus negare valet, sicut nec quod sit omnibus rationis compotibus obuia, & communis; At quia hoc libenter concesso, posset quis contendere easdem conditiones alicui alteri cognitioni naturalis,

etiam in materiâ religionis, conuenire, ac proinde fidem diuinam in illa absolute necessariam non esse, nunc pars negatiua nobis est ostendenda, discurrendo per omnia cognitionum naturalium genera, primum experimentalis, secundum scientificæ, & ratiocinationis humanæ, tertium fidei humanæ; semel enim probato nulli ex illis præfatas competere condiciones, probatum quoque manebit eas esse proprias solius fidei diuinæ, quodque consequenter illa sola non solum tuta, verum etiam necessaria sit via ad veritatem in religione recipiendam.

Et primum, quod ubi agitur de religione cognitio experimentalis, non solum certa esse non possit, sed nec habere locum, patet ex hoc quod res ad illam præcipue spectantes, v. g. quis sit vltimus hominum finis, quæ vera beatitudo, non cadunt sub eius obiectum; quod sensibus duntaxat percipitur; beatitudo autem hominis non est bonum sensibile, sed est bonum, quo mens ipsa fit beata, per eam igitur haberi non potest certissima in vera religione cognitio; eoque magis quo vera beatitudo non est eiusmodi, ut in hac vita ab homine per experientiam etiam spiritali, quam in alijs mens habet, naturaliter sciri possit: mens enim non experitur bona, aut res nisi sibi realiter presentes; dum autem beatitudo queritur, nec eam esse presentem realiter, necdum repertam, manifestum est. Quod insuper iuuenes vix ullam habere possint diuinarum rerum experientiam, satis ostendit cognitionem in ea fundatam communem haud esse quibuslibet.

Fidei etiam humanæ sufficientem, non inesse certitudinem probatur, quia ut alicui homini certo credatur debet iste esse testis oculatus, scireque euidenter id quod reuelatur, aut proprio experimento, aut certè scientia notitia; sed cui res ad religionem spectantes docenti crederetur, neutro ex dictis modo illas sciret; non quidem experimento ut statim dixi, nec etiam scientificæ

notitia, vt statim dicam; pro illis ergò fidei humanæ certitudo sufficiens inesse non potest.

Cognitionem denique scientificam, siue in scholis fundatam, primum non esse communem omnibus quis non intelligit? *Mulsi enim, ex Diuo Thoma superius citato, in studio scientiæ proficere non possunt, vel propter hebetudinem ingenij, vel propter alias occupationes, & necessitates temporales uitæ, vel propter torporem addiscendi; qui omnino à Dei cognitione defraudarentur, nisi eis proponerentur diuina per modum fidei: quæ est omnibus communis, cum in voluntate omnium sit positum reuelata sibi credere, vel non credere; quod egregiè iamdudum docuerat Origenes lib. 1. contra Celsum post initium, ubi inter cætera sic ait: Quod si fieri non potest, vt omnes mortales cæterarum rerum cura ommissa ad philosophandum se conferant, cum ob vitæ necessitatem, tum quia & fragiles sunt, & per pauci admodum Philosophiam attigerunt, quod aliud iter poteris, vel breuius, vel rectius inueniri, ut prodesse multis possimus, quam illud est quod Iesus gentilibus, & tradidit, & demonstrauit?*

Hanc pariter cognitionem carere, sufficenti ad veram religionem firmitudine, testes sunt errores, aut dubitationes, quas, vt vidimus superiori capite, Philosophorum Etnicorum etiam doctissimi habuerunt de omnibus ferè rebus, quas in religione certè sciri oportet, non alia certè ratione, nisi quia neglecta diuina fide, vt homines humanis sensibus, & humanis ratiocinationibus illas quæsierunt, vt rectè notauit Diuus Augustinus lib. 19. de ciuitate Dei c. 1. ubi agens in particulari de beatitudine hominis ait, tot tamque diuersa de ea nata fuisse inter Philosophos placita; *Quia uidelicet nihil agit, & frustra, aut quo vel qua, ut ad beatitudinem perueniatur humana se porrigit infelicitas, si diuina non ducit auctoritas*: Quod idem docet fidelis eius discipulus S. Prosper lib. contra Collat. cap. 26: *Neque inquit,*

ignotum est, quantum Græciæ Scholæ, quantum Romanæ eloquentiæ, & totius mundi inquisitio circa summum bonum acerrimis studijs, excellentissimis ingenijs laborando nihil egerint, nisi ut euanescerent in cogitationibus suis, & obscuraretur cor insipiens eorum, qui ad noscendam veritatem semetipsis ducibus utebantur. De quo etiam argumento omnino videndus est Theodoretus lib. 5. de curat. infidelium Græcorum. Quàm igitur omnia præfata cognitionum genera sunt insuficientia ad inuestiganda verè religionis obiecta, & officia, tam fidenter asserenda est in ea necessitas doctrinæ superius reuelatæ, quodque Deus nisi de Deo non cognoscitur; sicut Sol nisi immissa prius ab ipso luce non conspicitur, nam lucem habitat inaccessibilem: ideoque Alcinous Philosophus quondam dixit Deum se habere ad intellectum nostrum, sicuti sol se habet ad oculos corporis.

Altera ratio probans eandem fidei diuinæ necessitatem in negotio religionis desumitur ex hoc, quod illa sola Deo mentem subiicit: quicumque enim verus Dei cultor est, aut veram habet religionem, is mentem ipsam, seu intellectum virtute religionis instructum, formatumque habere debet: at non aliter, quam per fidem diuinam, mentem religione formatam habere potest: quicumque igitur religionem habet, eum fide diuina mentem formatam habere, necesse est. Maior huius argumenti patet ex toties dictis, quod religio est iustitia hominis erga Deum, directè ac per se primò respiciens voluntatem, qua vt ipsa primum illi subiicitur perfectissimæ seruitutis affectu, quam latrariam vocamus, ita quoque subordinatas sibi reliquas potentias debet eidem subijcere, & hoc pacto religiosas, Deoque consecratas illas efficere; alioqui religio non esset seruitus maxima, nec voluntas religiosa esset serua, seu Deo totaliter mancipata: Quare cum intellectus sit potentia, in quibusdam actibus suis voluntati subordinata, quicū-

que

que veram habet religionem, is quoque mentem ipsam, seu intellectum virtute religionis formatum, ac per eam Deo subiectum habere debet. Quod autem intellectus non aliter religiosus, seu per voluntatem religiosam Deo subditus, quam per fidem diuinam fieri possit, quæ est minor propositio probanda, colligitur ex eius differentia à cæteris cognitionibus, in hoc quod sit ex sua essentia voluntaria, nec enim opinamur, nec experimur calidum ignem, nec quæcumque intelligentiæ, & rationis vi assequimur euidenter, scire dicimur, quia liberè volumus, sicut credimus liberè, & quia volumus; attento siquid tali discrimine manifestè sequitur solâ fidem esse mentis eius, qui credit subiectionem, siue intellectum respectu fidei diuinæ longè aliter subordinari voluntati religiosæ, quam respectu aliarum cognitionum, quatenus nimirum, vt per voluntatem imperantem Deo seruiat, tenetur Deo reuelanti credere, & fidei diuinæ obsequium, est captiuatio intellectus, seu seruitus, quam ex religionis iustitia homo Deo veraci debet.

Tertia ratio deducitur ex necessitate fidei vt sic, abstrahendo à diuina, & humana; cum enim aduersarij indè potissimum diuinæ fidei necessitatem in negotio religionis negent, quod maximam cordis, & animi leuitatem putent, assentiri alicui obiecto obscurè solum cognito, & quod intellectus noster non potest ratione comprehendere; qua de causa, vt iam notauimus, Christianos ludibrio habent, quod absque vlla ratione, aut euidenti aliquo signo difficillimis; & humanum captum superantibus mysterijs firmiter, & vsque ad vitæ suæ profusionem assentiuntur: ad destruendam huiusmodi falsam persuasionem, fideique diuinæ in rebus ad religionem spectantibus necessitatem ostendendam ex parte saltem obiecti obscurè cogniti, nullum efficacius medium adinuenerunt Sancti Patres, quam probare fidem in vniuersum abstrahendo à Diuina, seu

Biblia, Theol. Tom. V.

Theologica, esse necessariam; si enim, semel infideles ipsi tenentur in multis ad humanam societatem pertinentibus, & alijs assentiri alicui obiecto obscurè cognito; certè non est, cur diuinæ fidei necessitatem improbent, aut Christianos leuitatis arguant, quod huiusmodi veritatibus, quibus ratio humana nullum prorsus experimentum præbet, si sint supernaturales, aut non tale quale ad veram religionem requiritur, etiam si sint absolute naturales, indubitatam fidem adhibeant: maximè cum hæc diuinæ Sapientiæ secreta, ipsa diuina Sapientia, quæ omnia nouit; dignata sit hominibus reuelare, quæ sui præsentia, & doctrinæ, & inspirationis veritatem, conuenientibus argumentis, & signis ostendit, vt supra vidimus.

Præcipui autem SS. Patres, qui huic argumeto feliciter insudarunt, sunt Clemens Alexandr. lib. 2. Stromat. Theodoretus lib. 1. de curat. Græcan. affect. Augustinus lib. de vtilitate credendi cap. 1. tom. 6. Zeno lib. de fide, Guilelmus Parisiensis tract. de fide aduersus Gentiles, Hugo à S. Victore libro de fide, è quibus subsequentes rationes etiam lumine naturali certissimas desumpsimus.

Primo, quia si fides, vt sic de medio tolleretur, aut necessaria non esset ex parte alicuius obiecti obscurè tantum cogniti, iam omnis ferè aditus scientijs, ac disciplinis obstrueretur: Si tollis hanc fidem, inquit Augustinus, tollis omnem magisterij, disciplinaque rationem; In scientijs enim subalternis acquirendis, non omnes propositiones demonstrabiles habet demonstratas discipulus, nec eas euidenter nouit. Non igitur habet certitudinem illarum fundatam in euidentia, sed in fide humana, quia videlicet audit Philosophos de cæteris inter se acerrimè contententes, in ijs tamen suppositionibus vnanimes esse. Insuper pro habendis scientiarum principijs, inductione in rebus sensibilibus, & singularibus facta opus est: pro inductione autem plerumque requiritur fides

R r 2 huma-

humana, quam tradunt historiæ, & testimonia doctorum, eorumque qui id se expertos esse asseuerant. Iam ergo in comparandis scientijs necessaria est aliquando fides ex parte obiecti obscure cognitæ, siue quod præbeatur assensus alicui obiecto, certo quidem certitudine humana, sed tamen obscure, & ineuidenter cognito. Ita ut si qui sine illa, & magistrorum subsidio vellent per se ipsos sibi scientias humanas acquirere, in stolidissimos certè errores inciderent. Hinc Aristoteles asserit primum credendum esse unicuique in propria ipsorum arte, & ante omnia postulat, ut discipulus suo præceptorì credat, *Discipulus, inquit, credere primum oportet; siquidem ut bene argumentatur Theodoretus loco statim citato: Nemo unquam sine fide aliquid potuit addiscere, nam quod salta sunt nomina characterum, & litterarum, A. B. C. demonstrari, aut fieri non potest, sed fide tantum creditur, & tamen illis velut fundamentis cætera omnia qua sunt addiscenda nituntur.*

Secundò sublata semel fide, necessitateque illius ex parte obiecti obscure cognitæ, nulla potest esse vera amicitia humana, ut arguit Diuus Augustinus lib. de utilit. credendi cap. 10. Si quis credere, & credulum esse semper in vitio ponit, nullum ille amicum habere potest; si enim turpe est aliquid credere, aut turpiter facit qui amico credit, aut nihil amico credens, quomodo amicum vel ipsum, vel se appellet. Certè vera & perfecta amicitia humana sita est in mutua benevolentia, ac licet erga eum à quo nondum nos credimus amari, possimus affici aliquo affectu benevolentiae, quæ est initium amicitiae, idque certo, & euidenter per propriam experientiam scire: nequaquam tamen possumus eum ex amicitia diligere, nisi ut amicum, & nisi redamantem eum existimemus: quod fieri non potest nisi detur locus fidei humanæ, & alicui obiecto obscure à nobis cognito, siue credito ob authoritatem amici mutuum no-

bis amorem protestantis.

Tertio non solum amicitia, sed etià omnis humana societas rueret nutante semel fide; mercatores enim mutud nunquam contraherent, cum sibi inuicem prius debeant fidere, & credere; neque tot maris, ac terræ periculis se committerent, nisi lucrum aliquod fide humana ex aliorum videlicet relatione sibi persuaderent: sicut nec agricolæ semen terræ cum tantis laboribus mandarent, nisi maiores proventus se consecuturos prius crederent; nec etiam infirmus præscriptis medicorum vnquam vteretur, si se per illa valetudinem recuperaturum non arbitraretur: denique, ut ait D. Augustinus libro citato cap. 12 nisi, quod nescit euidenter, credatur, sitque aliquid fide persuasum, tolleretur pietas, & amor filiorum erga parentes, & vicissim amor parentum erga ipsos. Non enim ratione sciri potest, sed interposita matris autoritate, atque adeo dato loco fidei humanæ, de patre creditur: de ipsa verò matre, plerumque nec matri, sed obstrictibus, & nutricibus, & famulis credendum est. Quod etiam præclare docuit Origenes lib. 1. contra Celsum, & Rupertus in 3. Ioannis: *Sine fide, inquit, nec infidelis vivit, nam si infidelem percunctari velis, quem patrem, aut quam matrem habueris, protinus respondet illum, atque illam, si statim requiras, utrum noveris quando conceptus sit, & quando natus, nihil horum se nosse fatebitur, & tamen quod non videt credit: habent etenim infideles fidem, sed utinam in Deum, nam si haberent infideles non essent.*

Quam igitur in his, & alijs similibus rebus fidei necessitatem admittere coguntur aduersarij, eam nonnisi insipienter negare possunt in negotio religionis, ubi potissimum debemus esse. Dei discipuli, & ideo illi credere cum proprium discipuli officium sit magistro, doctorique credere; vnde rectè pronuntiavit Irenæus lib. 9. cap. 1. *Non aliter discere non poteramus, qua sunt Dei, nisi Magister noster Verbum exi-*
stens,

gens, homo factus fuisset: vel modo alio consimili reuelationis si Deus isto noluisse vii in tradendis rebus ad veram religionem pertinentibus.

Quarta, & vltima ratio, omiſſis pluribus alijs, pro necessitate fidei diuinæ in negotio religionis, fundatur in communi persuasione, qua ab omnibus populis, & nationibus talis semper credita fuit necessitas. Primum enim Hebræi gens antiquissima id semper crediderunt, & etiamnum credunt: idem persuasum habent omnes Christiani, qui diuersis temporibus floruerunt in omnibus mundi partibus; in eadem sententia sunt omnes Mahometani. Apud Etnicos, vel Gentiles, in India, in Arabia, in Aegypto, in Gallia, in Græcia, in Italia, & alibi fuerunt semper aliqui, quibus vt diuinorum myſteriorum cura erat specialiter demandata, ita quoque huiusmodi myſterijs diuinam quandam doctrinam contineri existimabatur; cuius innumera possent adduci exempla. Idem clarè confirmat, quod nulla gentium sit, vel fuerit tam humanitus instituta religio, quæ oracula & leges Numinum non quæſierit; quarumque Legislatores non asseruerint se etiam suas leges à Dijs accepisse, quod certè non præstitissent, aut dixissent, nisi ipsi, & populi, quibus leges dabant, homines doctrinam aliquam diuinitus accipere arbitrati fuissent. Et quamuis falsum sit, eis leges ab aliquo diuino numine traditas fuisse: tamen earum existimatio nostram sententiam mirum in modum demonstrat, qua in præſenti ſolum vniuersè docere volumus aliquam doctrinam diuinitus reuelatam fuisse hominibus necessariam in rebus religionis, quæcumque, qualisve, & vbi illa sit, de quo ageretur capite ſequenti. Omnes autem illustres legum institutores suas leges in aliquem Deum reuoluisse sic in historijs legitur, Zoroastrem, qui Baſtrianis, Persisque leges dedit, in Horomaſim; Trismegistum, Aegyptiorum legislatorem in Mercurium: Minocem Cretensium, in Iouem:

Charondam Carthagenensium, in Saturnum: Lycurgum Lacedæmoniorum, in Apollinem: Draconem, & Solonem Atheniensium, in Mineruam: Pompiliū Romanorum, in Aegeriam: Zalmoxim Scytharum, in Veſtam: Mahometum Arabum, in Angelum Gabrielem. Omitto Sybillarum oracula, quibus aliquam doctrinam reuelatam, diuinitus fuisse concedunt ipsi Gentiles, indeque magna in veneratione apud ipsos fuisse suo diximus loco tomo 1. lib. 2. ſect. 5. cap. 19. vt duplici ſatisfactionem obiectioni.

Primum enim obijci poteſt noſmet cum nobis pugnare videri, dum ex vno capite rationis naturalis insufficientiæ ad veram religionem aſſerimus, & ex alio capite tantum illi damus, vt in iſta per illam demonstrari poſſit diuinæ fidei neceſſitas, quod eſt aliquid ſupernaturale, & conſequenter ſuperans omnes rationis naturalis vires. Sed reſpondemus hæc inter ſe minimè contraria eſſe; eſſi enim ratio naturalis ad hoc peruenire non valeat, vt demonſtrare poſſit diuinæ fidei in religione neceſſitatem, quatenus eſt ſupernaturalis præciſè, ſue per eam nobis reuelantur plura obiecta ſupernaturalia; in particulari; id enim non eius infirmitatem, ſed ſummam potius argueret aſſiuitatem; nihilominus ſi conſideretur eadem fides diuina, quatenus eſt naturalis ſaltem obiectiue, eo quod doctrina per illam tradita poteſt vtrumque, ſue in communi, & conſuſè cognosci per rationem naturalem, nullum eſt inconueniens, quod aſſeratur, imo debet aſſeri, per eandem probari poſſe fidei diuinæ ita conſideratæ neceſſitatem in negotio religionis; cum talis probatio in alio non fundetur, quam in ipſamet rationis naturalis ad diuina exploranda, ac pede inoffenſo percurrenda inualetudine, caligine, incerti tudine, vt iam probauimus. Vnde etiam nihil videtur eſſe ipſi rationi naturali repugnantius, quā affirmare, Deum, & diuina eſſe per ipſā inueſtigabilia, expeditibilia, & intelligibilia;

bilis; nullusque consequenter non admittet, modo indocilis non sit, par esse, ut de Deo, & diuinis ab ipso Deo instituiamur, nunquam aliqui satis profecturi; esseque plenum stultitia, de talibus rebus eas solum admittere, quas naturalis ratio demonstrat; eas autem respicere, quas non demonstrat, nec intelligit.

Secundò obijcitur suffieienter quidem ex hac usque dictis probatum fuisse, Deum aliquid homini revelare posse, sed re ipsa quicquam reuclasse, non constare: cum multa sint quæ Deus facere potest, quæ tamen nondum fecit, vel facturum est nunquam. Huic obiectioni facile satisficit; cum enim vera religio, qua Deus colatur, sit necessaria ex dictis, quod etiam admittunt aduersarij, cum quibus modo agimus, sicut & quod Deus circa religionem, & res ad illam necessariò præsertim spectantes providentiam habeat, imò torti illius, & consequenter disciplinæ salutis nostræ negotium ab illa pendeat maximè, quemadmodum enim ipse noster factor, & author est, finis, & beatitudo nostra, ita ipse nobis ad capeffendâ religionem, & viam salutis ineundam, dux esse debet; Quæ huc usque dicta probauerunt efficaciter diuinæ fidei, seu doctrinæ diuinitus reuelatæ necessitatē in vera religione, eiusdem in ea coniuncunt existentiam.

Quod autem nos Catholici de rebus diuinis, & sacris ita expedire discurramus, nihil prorsus facit in fauorem suffieientie rationis naturalis, contra necessitatem fidei, seu luminis superioris ad illas; cum id solum à nobis præstetur diuina iam fide illuminatis, eaque magistra, & duce: quamobrem ad completam dictorum intelligentiam recolenda est illa sæpius insinuata distinctio, quæ inter obiecta ad religionem pertinentia; alia dicuntur præambula fidei, ut Deum esse, eumque coli debere, iterum hanc, qua colimus eum, religionem, & hanc, quæ credimus religionis doctrinam Deum dedisse, ac

tradidisse; alia verò, quæ sunt fidei, cuiusmodi sunt abstrusiora religionis mysteria ad diuinitatem, & eius attributa pertinentia, nec non ad vltimum hominis finem, & media illius assequendi. Insuper diligenter obseruanda est alia, quam docet Diuus Thomas, distinctio rationis antecedentis, & consequentis, 2. 2. quæst. 2. art. 10. ubi excitans hanc quæstionem vtrum ratio induciua ad ea, quæ sunt fidei, minuat meritum fidei? ut illi respondeat, præmittit rationem esse duplicem, antecedentem vnam, consequentem aliam; ut autem ratio non inde antecedens vocatur, quod tempore antecesserit, sed quod causalitate, quia scilicet ad ea credenda quoquo modo induxit, quæ sunt fidei: consequens hinc illa, quæ ex fide ipsa nata est, estque præstata prius fidei aliquo pacto effectus. Ex quo docet Diuus Thomas, rationem antecedentem minuire meritum fidei: consequentem verò signum potius esse meriti maioris: quemadmodum de passione antecedenti, & consequenti decreuerat 1. 2. q. 34. artic. 1. ad 1. Probat primam partem, quia sicut homo actus virtutum moralium exercere debet propter iudicium rationis, & non propter passionem; ita credere ea debet, quæ sunt fidei non propter rationem humanam, sed propter authoritatem diuinam. Probat secundam; quia cum homo promptam habuerit credendi voluntatem, etiam si ratio deesset, diligit veritatem creditam; ex quo mouetur, ut rationes quoque ad exponendum, & confirmandum excogitet, & eas amplectitur, quas adinuenerit: quod est argumentum maioris amoris veritatis creditæ; ac pròinde maioris etiam meriti.

Igitur ad præsens institutum, ita nos asseruimus humanam rationem absolute insufficientem esse ad diuinam certè, & distinctè exploranda; tum eorum cognitionem à plerisque addisci non posse, à cæteris non nisi post multum vitæ tempus, ac post scientias alias comparatas acquiri, indeque humanam inue-

inuestigationem imparem esse ad religionis disciplinam fundandam, seu veræ religionis quærendæ viam non esse, sed necessariò recurrendum ad doctrinam superiorem diuinitus traditam, & credendam; ita, inquam, hæc & similia asseruimus, vt tamen libenter admittamus, rationem naturalem valere ad præambula fidei, doctrinamque proindè illam, vel cognitionem, vel scientiam, qua illa agnoscenda sunt v.g. Deum esse, ipsum colendum esse, & hanc, quam credimus religionis doctrinam, cum reuelasse, non esse necessario, aut ex se doctrinam religionis nec per religionem, aut fidem primùm accipi necessariò debere, sed qua solum humano modo nota ad fidem inducamur, vel obligemur. Etenim, quicumque ad Deo credendum tenetur, aliquam Dei cognitionem præhabeat, necesse est, siue doctus ille sit, siue indoctus; esset namque satis mirabile, si quis ad credendum Deo obligaretur, quem interea, an esset, vel nò esset, prorsus ignoraret: Vt igitur Deū ignorare nequit, qui sibi ab eo fidem imperari præsentit, ita eiusmodi cognitio, nec non quod illa, quam credimus, religionis doctrina fuerit ab illo tradita, prouenire non potest à securitæ fide; sed hoc ratione antecedenti discutiendum est, ratione, inquam, libera, & nondum legibus fidei obstricta: Non enim ad credendum Deo nos tenemur, quia credimus; sed credimus, quia ad credendum obligamur; vnde tam impossibile videtur, obligationem credendi, quæ præstitæ fidei causa, vel conditio præcedens est, ab ipsa fide suam primitus originem habere, quàm applicatio ignis ad comburendum à combustionem nascatur: Dicta ergo præambula fidei, quæ sola necessariò, aut natura sua fidem antecedere videntur, ab ipsa fide vim mouendi non habent, siue quod idem est homo non ab illa, sed quopiam alio ad credendum Deo iam cognito inducitur, & obligatur, quod aliud non est, quam propositio

motiuorum, & argumentorum credibilitatis, quibus fit euidenter credibile, absque vlla prorsus specie probabilitatis in contrarium, hanc quam colimus religionem, & hanc, quam credimus, religionis doctrinam à Deo fuisse reuelatam: quæ propositio, vel examen, motiuorum, est merum rationis opus.

Quemadmodum autem in dictis fidei præambulis ratio antecedens locum habet, ita in cæteris eius mysterijs inuiolatè, ac inaudita ratione iam creditis, valere rationem consequentem sufficienter demonstrant, quæ diximus tomo 1. lib. 1. sect. 1. cap. 3. vbi ostendimus, quàm sit necessarium argumentandi munus in sacra doctrina; nec non tomo 4. lib. 3. sect. 8. cap. 1. quod ratio naturalis, disciplinæque Philosophicæ in illa fundata sacræ doctrinæ subservire possint, ac debeant. Quocirca duo inter extrema, quibus Mahometani in negotio religionis omne examen, ac rationem in exilium agunt, alij verò nihil esse credendum asserunt, nisi illius ratio habeatur, media tenenda est via, dicendumque ita. Deum voluisse, quod captiuaremus intellectum nostrum in obsequium fidei, credendo nimirum omnibus mysterijs per illam in nostra religione reuelatis propter diuinam autoritatem solam, vt tamen illud esset rationabile, eandem quippè muniendo præfatis motiuis, vel notis euidentia credibilitatis, quibus præuè ad assensum fidei per rationem iudicarem illam eo esse dignam, siue doctrinam per illam traditam, esse diuinitus reuelatam. Quod nihil prorsus minuit aut meritum, aut necessitatem fidei, cum talis ratio antecedens non se habeat per modum causæ credendi, aut demonstrandi res per fidem traditas, sed tantum dispositionis, vel inductionis ad illam prudenter, & non temere amplectendam, vt capite sequenti magis explicabitur; Si quis tamen ita affectus esset, vt Deo credere nollit, nisi ob dicta credibilitatis

etatis motiua, vel ob rationes, quibus veritates fidei semel creditas exponere, & confirmare solemus, non solum meritum fidei diuinæ perderet, sed nullam talem haberet, fides enim diuina assensum præstat propter diuinā dontaxat auctoritatem; unde illa fides ex parte potentiae esset ad summum fides humana; licet ex parte obiectōrū cognitorum, ut potē diuinitus reuelatorum, dici posset diuina.

In negotio igitur religionis sciendum est, & credendum ab illius cultoribus: nam doctrina tota veræ religionis, ut diximus supra, necessario reuelari à Deo debuit, ac proinde credenda tota sine examine, sine disputatione, sine controuersia; illud enim Deū inter, & homines interest, quod ut credamus hominibus, inspicendum sit nobis, quæ dicant, & qualia, atque ita nonnisi per examen rerum illis creditur, secus autem ubi credendum est Deo, quem constat nec falli, neque fallere posse; sed solum sciendum est prius, quodcumque sit illud sciendi genus, vel modus, Deum esse, tum aliquam ab eo datam fuisse doctrinā, hinc enim obligatio omnis credendi nascitur, hinc doctrinæ examen remouetur. Et in hoc forma omnis veram religionem quærendi haberi videtur; quam Diuus Paulus docuit 2. ad Timoth. 1. Scio, inquit, cui credidi; & tenuerunt deinceps magni quique veræ religionis defensores: Clemens lib. 3. recognit. *Ante omnia, inquit, fidem Prophetæ, omni cum examinatione oportet probari; quem cum cognoueris esse Prophetā, de reliquo cuncta ei credas oportet; nec ultra eum discutere per singula, quæ docet, sed habere firmā, & sanctā, quæ dicit; quæ quamuis fide suscipi videantur, ante habita tamen ratione creduntur: cum enim semel ab initio veritas Prophetæ examinata consisterit, reliqua demum fide audienda sunt, & tenenda.*

Idem ad punctum totam de religionē controuersiam reducit Clemens Alexandrinus lib. 5. Stromat. Si ergo

quærendi causa omnibus modis de medio tollatur, fides firmatur, ac stabilitur. Erit ergo (id est infidelibus) illud proponimus, contra quod dici non potest. Quod Deus est qui dicit, & de vnoquoque eorum, de quibus quæro, traditum adducit in scriptis. Quis est ergo adeo impius, & à Deo alienus, ut Deo non credat, & probationes à Deo postulet tanquam ab hominibus.

Gregorius quoque Nazianzenus ad eandem formam alludens orat. 3. sen. 1. aduersus Iulianum, cum eum ita loquentem introduxisset: *Nostri sunt sermones, & nostrum grecari, ut potē quorum sit etiam Deos colere: vestra autem est infantia, & rusticitas, nec quicquam aliud, quam crede, Sapientiæ vestra est.* Respondet: *Atqui hoc ut opinor non irriserint, qui apud nos Pythagoræ Philosophiam colunt, quibus illud, ipse dixit, dogmatum omnium primum est, & maximum, &c. Eodem autem recidit illud, ipse dixit, quo nostrum crede.* Adeo ut in Pythagoræ scholâ adumbrata fuisse videatur forma veram religionem quærendi, vel suadendi; illud enim in ea tantum erat sciendum, an & quid Pythagoras dixisset; in causâ autem religionis hoc vnicum examinandum, an, & quid Deus dixerit; de reliquo responsio concludens est: *ipse dixit, nec aliud est discutiendum.* Quo tamen semel credito, possunt insuper multæ rationes; vel congruentiæ bonæ adinueniri, quibus ipsamet fidei veritates explicentur & contra impios defendantur, licet enim fides probet nihil, sed credat, plurimum tamen iuuare ad sciendum, factum ipsum reddit manifestissimum, ut aliàs notauimus: videmus enim Christianos doctores nullibi certius definire, subtilius, & altius discurrere, quam in rebus diuinis, ipsque ipsis, in quibus haud imparia Philosophorum ingenia nihil efficere valuerunt; ut merito exclamarit Diuus Augustinus ser. 187. de temp. O Christiane, qui tibi videris nihil scire, si scias hoc ipsum, quod nescias, nonne plus magis à cæteris videris

deris ſcire? Gentilis homo videt lapidem, & Deum putat: Philoſophi vident calū, & putant Deum, &c. Tu verò confidera, quantam ſuper iſtos habear ſcientiam: Super illud verò Iſaie cap. 7. Niſi credideritis, non intelligetis; & illud aliud Pſalmi 115. Credidi propter quod locutus ſum, docuerit epiſt. 28. intellectum, & intelligentiam rerum fidei ſolere eſſe præmium, ac mercedem præſtitæ fidei, etiam in hac vita; primoque credendum eſſe, & mox credendum. Vnde etiam lib. contra Fælicianum Arrianum cap. 2. cum iſte hæreticus redargueret Catholicos, quod ſic præcepta fidei rudibus tradunt, vt non de intelligēdarum rerum ratione, ſed potius de quadam teſtimoniorū oſtentione colloquentib⁹ præſcribant, quod ruſticum eſſe aiebat. Et ideo, inquit, melior mihi ad docendum videtur hac via, qua primum fidei ratio ſine teſtimonijs redditur, poſt rationem coniecto idem illud ſcripturis reſpondentibus exponitur; reſpondet quamvis obiter S. Auguſtinus; non præſumam in Sapientia verbi, ne enacuetur Crux Chriſti, ſed Scripturarum ſanctarum authoritate cōtentus, ſimpliciter poti⁹ obedire ſtudebo, quam tumori: moxque ſubdit parrus virginis, ſuſcitatorum mortuorum, & aliorum, quæ prædicantur, eſſe incomprehenſibilem rationem, veritatem verò teſtimoniorum promptam eſſe.

Deindē per fidem certificamur primo, atque monemur de erroribus: quare qui v.g. ex hoc quod Deus ſit vnus, ſuſpicaretur non eum eſſe Trinum in perſonis; aut ex immutabilitate Dei fortē duceretur ad aſſerendam eius in operando neceſſitatem, errorum à fide præmonitus eos cauēt, & alio diſcuſum dirigit. Certi etiam reddimur de veritate, v.g. de diuina in operando ad extra libertate, & qui eius inſcius prementibus in contrarium difficultatibus ceſſiſſet, haud cedit, ſed congruentes ſolutiones, & explicationes quærit: qui ſimiliter vitæ futuræ ignarus hic, & ibi beatitudinem conquirit cum

Bibliot. Theol. Tom. V.

Philoſophis aberraret, iam de illa pe fidem certus operam illi explicandæ confert; & ſic de alijs innumeris. Credendum eſt ergo prius & deinceps intelligendum: nec ordo eſt, quod ratio, & intelligentia antecedant, & ſubſequatur fides, ſed contrariis de antecedentia cauſalitatis loquendo, id eſt ratio alliganda eſt fidei, & non fides rationi: fides dominatum gerere debet; ratio autem ſeruare, & ſubſequi, in inuia alioqui itura, & præcipitia. Hinc ratio antecedens ritē vocari poteſt ratio imperans, ac regulas fidei veluti præſcribens: ratio verò conſequens, ratio credens; ac fidei ſeruans, nec fidem ſibi, ſed ſe ſe fidei accommodans. Quapropter vbi agitur de ſufficientia rationis naturalis in ordine ad religionem, haud debent vires eius attendi, vel examinari in Chriſtianiſ, eorumque Doctōrib⁹, in quibus cum ſimul concurrat, & coniuncta ſit doctrina diuina, confundi facile poſſent, & que Dei ſunt in ingeniolū humanum tam facile, quam vanē referri; ſed conſideranda eſt ratio, ac inueſtigatio naturalis, vbi ſola ipſa fuit, vel fermē ſola, ſcilicet in Philoſophis ſæculi, atque mundi ſapientibus, quos certē non omnes doctōres Chriſtiani vincunt, vel acumine ingenij, vel diligentia in ſtudento; quā enim certō ſuperiori capite in illis oſtendimus ſeruationis naturalis in negotio religionis inualentiam, tam certō videtur in illo requiri fidei diuinæ neceſſitas, vt huc

vsque ſufficienter probauimus.



ſf

CA

CAPVT IX.

Quod in Christiana Religione, quam proficitur Ecclesia Catholica Romana, reperiatur diuina fides, qua ad veram requiritur Religionem, illaque proinde sit vera Religio ab omnibus amplectenda.

AD præsentis tandem sectionis, vel controuerſæ scopum peruenimus, cum enim parum proficit, quæ huc vsque diximus veluti in genere de veræ religionis existentia, inuenibilitate, nec non ad eam diuinæ fidei necessitate, nisi insuper certò, & euidenter constet, quænam sit, & vbinam illius professio, vel hominum congregatio, tenentium doctrinam, quam Deus tradidit: hæc enim est origo tota dissensionum; quoque deciso, & terminato nihil restat aliud discutendum; vltimo supererat, vt in hoc capite id ostenderemus, manifestum scilicet esse, & ex rebus in mundo moraliter euidentibus, quod in Christiana Religione, quam proficitur Ecclesia Catholica Romana, reperiatur doctrina diuinitus reuelata, quodque consequenter ea inter omnes sit vera, & à Deo data religio, ab omnibus amplectanda.

Quamuis enim aliqualis inter doctores Catholicos sit quæstio de euidentia veritatis religionis nostræ, vt mox dicemus, qualis nimirum esse debeat, omnes tamen concedunt, nec non tenentur concedere etiam illi, qui veram admittunt Religionem, quæcunque demum illa sit, eam tantis, ac talibus fundamentis debere esse communitam, quæ omnem ritè dispositū conuincant, quæ omnem probabilitatem à cæteris religionibus adimant; quæque nullum illius cultorem deliberatè dubitare sinant; prout ostendimus supra sect. 1. cap. 6. nec non etiam patet ex dictis in hac cap. 4. de inuenibilitate veræ religionis. Eo enim ipso,

quod vera religio est in mundo ab hominibus inuenibilis, vt ibi ostendimus, nec à quoquam negatur religionem, aliquam tenente, nam cum vnusquisque suam veram putet, vel dicat, necesse est, dicat, vel putet, à se iam inuentam, & agnitam esse veram religionem, nimirum suam: Ex hac, inquam, veræ religionis inuenibilitate, manifestè sequitur eam esse certò, & euidenter agnoscibilem (nec enim in hac materia certitudo separari potest ab euidentia) & discernibilem inter omnes, cum inuenire eam nequeant homines, nisi agnoscendo, & discernendo. Vel enim vera religio æquari à falsa aliqua potest in motiuis suis, & argumentis, vel non potest: si hoc secundum respondetur, habetur intentum, excessus liquidem in motiuis, & argumentis est signum certum, & euidenter veræ religionis. Si autem primum dicatur, æquari videlicet posse, cum vera, & falsa ita sint æqualiter fundata, ac probata, inter vtramque discernere, ac veram agnoscere, erit impossibile, vt patet. Insuper vel præfatus excessus in motiuis, est signum certum, & euidenter veræ religionis, quæ quæritur, vel est signum tantum probabilis, & topicum; si primum dicatur, tunc ex illo excessu certò, & euidenter colligitur esse veram religionem illo gaudentē; si verò secundum, nequit ex illo certò, & euidenter agnosci vera religio. Igitur dicendum est, vel veram religionem non esse inuenibilem, & consequenter homines ad nihil obligari, quod absurdum reputat aduersarij quibuscum modo contendimus; vel veram religionem esse certò, ac euidenter cognoscibilem.

Totum ergo præsentis difficultatis punctum in eo consistit, an certò, & euidenter conuinci possit, quod religio Christiana, quam proficitur Ecclesia Catholica Romana sit vera religio; cuius hic partem affirmatiuam tenemus, & sequentibus rationibus probamus. Certum, ac euidenter est veram

ibi religionem esse, vbi certum quoque, & euident est diuinam reperiri fidem, seu doctrinam diuinitus reuelatam; sed certum, & euident est in Christiana religione, quam colit Ecclesia Catholica Romana, diuinam reperiri fidem, seu doctrinam diuinitus reuelatam; certum igitur ac euident est illam esse veram religionem. Maior huius argumenti videtur esse certissima; nec ab illo negari posse, supposito praesertim, vt superius ostendimus, quod res religionis haud constare per scientiam queant, & demonstrationem, sed per fidem diuinam necessario debeant innotescere. Minor ergo probatur: Certum, ac euident est diuinam ibi reperiri fidem, seu doctrinam diuinitus reuelatam; vbi certum, ac euident est reperiri omnia eius signa, vel notas; ac certum, & euident est, quod in Christiana Religione, qua docet, & seruat Ecclesia Catholica Romana, reperiantur omnia signa, vel notae diuinæ fidei, seu doctrinæ diuinitus reuelatae; certum igitur est, ac euident in illa diuinam reperiri fidem, seu doctrinam diuinitus reuelatam. Maior quoque huius secundi syllogismi videtur esse certissima, ac per se nota; de qua iterum redibit sermo infra sect. 9. cap. 3. Minor autem patet ad sensum discurrenti per singulas notas, vel signa superius adducta. sect. 2. nec non tom. 3. lib. 3. sect. 3. cap. 7. & seq. quibus Christianam fidem, ac religionem, quam profitetur Ecclesia Catholica Romana, communire Deus voluit, illamque proinde esse ciuitatem supra montem positam, quæ abscondi nequireret, nec non montem illum magnum, qui vniuersam terram repleuit, & in quem, vt dicebat Augustinus, clausis etiam oculis offenditur. *Quid ergo?* inquit Clemens lib. 3. recognit. *Putatis, quod in terram desossam absconderit Deus veritatem, & montes ei superposuerit, vt ab his, qui in profundum fodere valent, tantummodo inueniri possint? non ita est.* Quod ibidem probat ex iusto

Biblioth. Theol. Tom. V.

Dei iudicio. Vel enim fatendum est, certum, ac euident esse, quod Christiana religio, quam sequitur Ecclesia Catholica Romana, sit vera, cælitusque à Deo tradita hominibus religio; vel eos ab illo deceptos fuisse, qui tantis, ac talibus signis, quibus certum, ac euident fieret nobis illam esse veram, comprobatum esse voluit, quæ non nisi ab illo fieri, doctrinæve ab eo reuelatae competere possunt; quæque dubitandi, ac opinandi locum omnem tollunt.

Altera ratio, qua probari potest, certum, ac euident esse, quod Christiana religio, quam profitetur Ecclesia Catholica Romana, sit vera religio, desumitur ex ipsamet forma illam querendi, docendi, qua dicta videtur Ecclesia, sciens nimirum cui credit, hoc est contra Mahometanam faruitatem dato rationi loco, fides autem, contra Gentilium superbiam, ac vanitatem, qui soli scientiæ ac demonstrationi inhiærentes, etsi cognouerint Deum, tamen non tanquam Deum glorificauerunt, aut gratias egerunt, sed euenerunt in cogitationibus suis, vt superiori capite dictum fuit. Tertia ratio probans certitudinem, ac euidentiam veritatis Religionis Christianæ, quam profitetur Ecclesia Catholica Romana, vel Pontificia, deducitur ex ipsamet natura doctrinæ veræ religionis, quæ ad quatuor potissimum capita reuocatur: in primo est Deus ipse, vt est author huius vniuersi, & finis, seu beatitudo. In secundo est sanctitas hominis, qua scilicet et sit Deo gratus, & beatitudine dignus. In tertio continentur media Sanctitatis effectiua; quæ considerari possunt, vel ex parte Dei, vel ex parte hominis: ex parte Dei sunt auxilia, quibus Deus hominem ad Sanctitatem obtinendam adiuuat, ex parte hominis sunt officia, quæ præstari debent, vt Deo adiutori cooperetur ad salutem suam: unde, ad illud idem tertium caput reuocari debent Sacramenta, & Sacrificia. In

S f 2 quar-

quarto denique, comprehenduntur sacra observantia, & ritus externi, sine quibus religio inter homines constare nequit. Horum enim, & similium doctrina, cum in Religione Christiana, & Catholica Romana numeris omnibus absoluta ad oculum videatur haberi, inde quoque certo, & euidenter de eius constare veritate. Verum he rationes, & similes non sunt efficaces nisi reducantur ad primam, & quatenus in illis exprimitur, aliqua nota, aut symbolum, per quod solum, vel cum alijs coniunctum, vt potè solius veræ religionis proprium, certum consequenter, ac euidenter fiat, quod illa cui competit, sit vera diuinitus reuelata religio.

Quia autem datur duplex certitudo, & euidentia, vna quæ dicitur credibilitatis, altera veritatis, dubitant doctores, quamnam ex iis certum, ac euidenter sit Religionem Christianam, Catholicam Romanam esse veram religionem? illam enim aliqui reducunt ad primam, alij verò extendunt ad secundam; sed in hac re distinctione vtendum puto, falsumque esse, quod sit certum, & euidenter certitudo, & euidentia veritatis intrinsecæ, siue quoad quid est rei, quatenus nimirum vel cognoscitur in se immediate, vel mediatè per suas veras, & immediate causas, sic enim Christianam religionem esse veram, aut Ecclesiam Catholicam Romanam illam profitemem, non minus est obiectum fidei, quam cætera mysteria in illa credita, vnde consequenter non potest esse obiectum certæ, & euidentis cognitionis; secus autem si sermo sit de veritate merè extrinsecæ, siue quoad an est, aut ex consequenti; sic enim admitti potest certum, ac euidenter esse tali veritate, quod Religio Christiana Catholica Romana sit vera religio, eo ipso quod admittitur id esse certum, & euidenter certitudine, & euidentia credibilitatis, quia licet credibile, vel certo, & euidenter credibile non sit ex ge-

nerè connexum cum vero, hic tamen, & in hac causa est coniunctissimum; quare semel admissio, quod sit certum, & euidenter euidentia credibilitatis religionem Christianam fuisse a Deo reuelatam, ex consequenti fatendum est eam esse veram, cum Deus qui illam reuelat, it. nec falli, nec vnquam fallere possit; quod pertinet ad questionem de nomine potius, quam de re. Cæterum sufficit, quod omnes concedant religionem, seu fidem nostram, quam veram esse supponimus, esse certo convincibilem, & innegabilem, seu euidenter credibilem tam absolute, quam comparatiue, id est tantis communiter fundamentis, vt sine vilo leuitatis, vel imprudentiæ vitio credi ipsa queat; & quæ reliquas omnes mundi religiones reddat incredibiles, vt statim explicabitur, quatenus quis posset obijcere, Deum quidem ob suam maximam infallibilitatem esse dignissimum, cuius dictis, & reuelationi fides certissima habeatur, sed illam sufficienter nobis non applicari, per hoc, quod sit certo, & euidenter credibile, cum aliquid reuelasse.

Et ratio est, quia dum sic arguitur vt credam in Deum, & ipsius veracitate mouear ad credendam hanc propositionem ab ipso reuelatam, Christiana religio, doctrinaque in illa tradita est vera; illa religio est vera, quæ habet omnes notas veræ religionis, sed Christiana religio est talis; igitur est vera; aut, Quicquid Deus reuelat est verum, certissimoque credendum; sed Deus reuelauit religionem Christianam, doctrinamque in ea traditam, ergo est vera, certissimoque credenda, & amplectenda; licet in huiusmodi syllogismis maior plerumque sit certa, non tamen excedit vires luminis naturalis; minor autem maiorem non habet certitudinem, quàm moralem fidei humanæ; actus igitur fidei, quo veritatem inde illatam credimus, certior esse non potest, aut scientia, aut fide humana, si quidem conclusio certior esse non potest præmissis.

sis ipsis; atque adeo autoritas Dei reuelantis ita sufficienter non applicatur, tantamque non gignit certitudinem, quantam ipsa meretur, aut dare potest.

Sed hæc obiectio facile diluitur; quæ quidem vim aliquam haberet, si assensus fidei esset discursiuus, siue conclusio eiusmodi syllogismorum, ut autem ex tractatu de fide suppono nullus fidei, aut diuinæ, aut humanæ assensus est discursiuus, seu conclusio syllogismi; sed est secunda mentis operatio, seu assensus non illatus; & iudicium simplex, quod fertur in propositione reuelatam ab homine veraci, vel Deo ipso: ita ut tota ratio motiua in assensu fidei sit Dei veracitas, seu autoritas applicata propositioni creditæ: sicut enim hæc propositio, homo est rationalis, est obiectum materiale iudicii simplicis, quod intellectus, seu intelligentia principij solet appellari, obiectum autem formale, aliud non est, quàm clara eiusdem propositionis terminorum apprehensio; seu prædicatum in subiecto per vim intellectus penetrato repertum, & motiuum illi assentiendi est illa terminorum notitia: ita assensus fidei, quo credo Ecclesiam Catholicam esse veram Ecclesiam, obiectum materiale est, ista propositio, Ecclesia Catholica est vera Ecclesia: motiuum verò extrinsecum est, Deus reuelans, seu autoritas Dei illam reuelantis; & obiectum formale ex materiali, & motiuo simul vnitis coalescens, est eadem propositio, ut à Deo reuelata, quam vnicus simplex assensus, & iudicium non illatum fidei diuinæ attingit.

Vnde præfati syllogismi, aut similes, qui possunt fieri præuie ad quemcumque assensum fidei, sunt syllogismi inducentes dumtaxat, & applicatiui, quorum cum munus, & officium sit inducere intellectum nostrum in aliquas veritates interdum etiam per se notas, ac certissimas, inde sequitur non omnem assensum post illos factum.

semper esse illatum, aut illis incertiorum, quin imo talis assensus potest esse multo certior, quouis tali præuio discursu, & syllogismo, patet in dicta propositione, vel veritate, omnis homo est rationalis, quæ profecto ea est, ut metaphysicè certa sit, imo propositio ex terminis suis euidens, & certa, omnique syllogismo certior. Nam syllogismus omnium certissimus est demonstratiuus à priori, hæc autem propositio, est in hoc genere demonstrationis indemonstrabilis, certissimæque demonstrationis principium; & tamen licet adeo certa sit, non intelligitur, nec mente percipitur nisi præuia inductione, seu syllogismo inducente, utamur, quæ inductio est eiusmodi, hic homo ratiocinatur, & iste ratiocinatur, & sic de alijs, igitur omnes homines ratiocinantur; hæc enim videtur esse vera inductio, quæ nititur sensibus & concludit, non ut aliqui existimant, omnis homo rationalis est, nec verò saltem directè, & immediatè omnes homines rationales sunt, sed omnes homines ratiocinantur. Inde autem intellectus ratiocinatus dicit, quicumque ratiocinatur de facto, ij ratiocinari possunt, & ita sunt rationales, concluditque omnes homines esse rationales, quæ est propositio collectiua, & cuius veritas fundatur in experimentalis cognitione, atque adeo aliam non habet certitudinem quam physicam, & consequenter minorem, quam sitilla metaphysica certitudo propositionis, qua dicitur, omnis homo est rationalis.

Quia igitur omnes illi præuij syllogismi, quibus modo statim explicato ad applicationem istius propositionis, omnis homo est rationalis, utimur, sunt solummodo inductiones, inde sequitur, primum ineptè dici, quod hæc propositio vniuersalis distributiua, omnis homo est rationalis, sit discursiua, & conclusio syllogismi, secundò, quod, etsi talis propositio, & similes sint præuijs syllogismis certiores, non pro-

propterea tamen asseri potest, eos non esse sufficientes (dummodo suam, & ipsi certitudinem, ac evidentiam habeant) ut præparent, & inducant intellectum ad assensum propositionis, cui præmittuntur. Non aliter de assensu fidei subsequente ad supradictos syllogismos discurrendum est, cum quippè non propterea dici debere illatum, vel discursuum; rursus cum esse certiorum, quocumque syllogismo, & propositione, quæ solummodo assumitur, ut Dei propositionem credendam revelantis auctoritas intellectui nostro applicetur, seu ut ille in eam fidei veritatem inducatur, cum talis assensus sit supernaturalis, nec eliciatur nisi vi habitus fidei supernaturalis; ad quod etiam sufficit, si ille syllogismus suam habeat certitudinem, & evidentiam qualis est illa, quæ consurgit ex motiuis, & argumentis credibilitatis rei reuelatæ. Ad eò ut, quemadmodum propositio, per se evidens, non intelligitur, nisi virtute intellectus agentis, & inductione applicat tantum hunc intellectum, propositioni illi per se evidenti; ita Deus nostro intellectui infundat habitum, seu lumen supernaturale fidei, quo illustratus noster intellectus, propositionem à Deo revelatam credere potest, nec aliud requiratur, quam ut per discursus illos inductivos, quibus quis ad fidem amplectendam obiectivè disponitur, Dei reuelatio, seu eius aliquam propositionem reuelantis auctoritas illi applicetur; sic enim fit, ut hæc auctoritas, quæ est fidei motiui, seu obiectum formale, cum intellectu per lumen fidei supernaturale proportionato concurrens, & cooperans eliciat actum fidei certissimum.

Ex hac certitudine, & evidentia credibilitatis, aut alia, quã habere debere veram religionem, supposita eius inveniuntur ostendimus, quamque de facto competere religioni Christianæ, & Catholicæ Romanæ clarè demonstrant omnia motiua, & argumenta, quibus illam fulgere, cæterisque

præstare, & eminere Deus, voluit, sequitur unumquemque ad illam amplectendam teneri, cui ritè fuerint illa proposita. Ratio est, quia unusquisque obligatur ad eam religionem amplectendam, quam cognoscit esse veram, sed eo ipso quod aliquam agnoscit esse evidenter credibilem, & consequenter omnes alias esse evidenter incredibiles, cognoscit illam esse veram; cui ergo semel nota fuerit evidentia credibilitatis Religionis Christianæ, quam profitetur Ecclesiæ Catholica Romana, tenebitur illam amplecti. Maior huius argumenti est cetera, nec non etiam minor ex dictis, cum namque evidens sit, Deo curam esse veræ religionis promouendæ, eundem nec falli, nec fallere posse; aut dicendum est contrarium, aut necessario fatendum, hæc duo connecti non posse, quod aliqua religio sit evidenter credibilis, omnes autem alie evidenter incredibiles, & tamen fortè non illa, sed aliqua reliqua vera sit; imò repugnat quod sit æquè probabilis, aut probabilior, alioquin sequeretur, quod est evidenter falsum, homines prudenter, vel etiam prudentius operando damnari; ex religionibus quippè æquè probabilibus alteram eligere prudens est; probabiliorum eligere sanè prudentius; ergo falsam eligere possunt prudenter, vel etiã prudentius operando, ergo damnari per se, cum per se loquendo sit vera religio ad salutem necessaria. Igitur cum Deus sit in mundo, ac mundum gubernet, dederitque modum, quo vera inter omnes religio ab eo tradita cognosceretur, tum quia frustra alioquin eam dedisset; tum quia, ut est axioma, qui dat formam, dat consequentia ad illam; qui finem præscribit, providet de medijs; ut impossibile est, quod certo, ac evidenter credibile sit, Religionem Christianam à Deo fuisse reuelatam, & tamen quod non sit vera, aut etiam aliqua alia sit æquè probabilis, vel illa probabilior; ita qui semel ha-

buerit talem credibilitatis eius euiden-
tiam, tenebitur quoque eam amplecti,
ſicque eam non amplectatur, grauiſſimè
peccabit, & ſub pœna damnationis.

Quemadmodum autem, qui veram
ex corde religionem inquirunt, vbi pri-
mùm illis innotuit per proprias eius
notas, propriaque ſymbola omnibus
obuia, capuque facilia, niſi quis ſit
amens, talem eſſe religionem Chriſtia-
nam in Eccleſia Catholica Romana
ſeruata, tenentur illi ſtatim adhære-
re abſque vteriori doctrinæ examine,
quam non ratione percipere, ſed fide
humiliter ſuſcipere debent veri fideles
captiuantes intellectum in obſequium
Dei reuelantis: Ita nulli quantalibet
ſapientia prædito, qui illam ſemel am-
plexus fuerit, licebit vnquam eam de-
ſerere, & mutare, eo quod aliquod eius
myſterium non capiat, vel euidenter il-
lud impoſſibile eſſe putet, quia tenetur
non id putare, ſed intellectum captiuâ-
re, nec hoc eſt mera pietas, ſed euiden-
tia, & iuſtitia; nam ratio humana iam
cognoſcens doctrinam veræ religionis
à Deo eſſe traditam, quod vt cognoſca-
tur, ſuppentur veræ religioni, qualis
eſt Chriſtiana Catholica Romana, abun-
dantiſſima fundamenta, & argumenta,
indè neceſſario concludere debet totâ
illam doctrinam, & quæcumque in il-
la continentur, quidquid ab ipſo non
capiantur, eſſe veriſſima; & quæſtio-
nes omnes reducere ad vnâ, ſcilicet
ad examen fundamentorum veræ reli-
gionis, & cum illa ſint manifeſta, ſem-
per veritas contra quæcumque appa-
rentem rationem obtinebit cauſam op-
timam; multoque magis, ſi etiam quis
perſuaſum habuerit veram religionem,
veramve Eccleſiam illam proſitentem
ex ſpeciali Dei prouidentia eſſe infalli-
bilem, vt ſect. 9. oſtendemus contra
hæreticos, debebit admittere illius ma-
giſterio, ac iudicio finaliter ſtandum
eſſe, nec alio appellare licere, aut ra-
tioni humanæ locum in contrarium da-
re. Videturque impoſſibile, ſi quis a-
mens non eſt, quod tam euidenter fal-

ſitatis rationem habeat, vt eam depo-
nere non poſſit, nec intellectum capti-
uare: quia videt hinc affirmantem Deû,
qui nec fallit, nec fallitur: illinc ratio-
nem ſuam repugnantem, & negantem,
quæ paſſim fallitur, quamque ſæpius
expertus eſt in multis deceptam, etiam
illis, quæ euidentiſſima aliquando iu-
dicabatur igitur, ſi amens non eſt, debe-
bit cedere; ſi autem amens eſt, ad nil
obligatur.

Quare, licet non dubitem, quod eui-
denter negatiuè, vt explicui ſect. 1. hu-
ius libri, ſolui queant omnia argumen-
ta, quæ fieri poſſunt contra omnes fidei
noſtræ veritates, nihilominus, vbi pri-
mùm quis ad eam amplectendam ad-
ducendus eſſet, exiſtimo hanc viam
non eſſe idoneam; tum quia cunctâ
examinare non ſolum immenſum eſſet,
ſed etiam impoſſibile ex dictis, ſi qui-
dem tale examen, quandoquidem de
rebus religionis eſſet, atque de illis diſ-
cutiendis, & approbandis, vel impro-
bandis, non eſſet rationis iam Deo cre-
dentis, & examen inſtituentis, vt credat;
atque adeo eſſet inueſtigatio purè na-
turalis, quam ſupra demonſtrauiſmus
eſſe imparem, & inſufficientem ad res
religionis explorandas, & iudicandas,
ex ipſa illarum rerum natura; tum quia
huiusmodi rerum examen non eſt om-
nium, ſed ad ſummum doctiorum, ma-
gno adhuc ratiocinationum circuitu,
cum tamen faciliſſima, breuiſſima, om-
nibusque peruia ſit veræ religionis cer-
tò inueniendæ ratio; cum denique, quia,
vt ſupponimus agitur de dignoſcenda
vera religione, non igitur tam aſſumen-
dum eſt examen myſteriorum, & rerû,
& diſtorum, ſi adhuc poſſibile eſſet,
quam notarum, quibus Deus ſine tot
ambagibus illam hominibus manifeſta-
re voluit. Vnde ſi quis veram querens
religionem vellet, vt per rationem ſal-
tem conſequentem, & ſine præiudicio
religionis de qua edocetur, ſuis ſatisfe-
ret obiectis, quo præſtito, ipſe etiam
promptus eſſet, edoctam religionem
accipere, id neceſſariò à Doctore præ-
ſtandum

standum non esset, cum vera religio fundamentis emineat talibus, quæ sine vlllo tali mysteriorum examine cogant, & obligent ad illam acceptandam. Vbi autem ad maiorem dumtaxat abundantiam de hoc requireretur, tunc in primis non de omnibus agendum esset, ne prius finiretur vita, quam absolueretur disquisitio, sed pauca aliqua, & principaliora eligenda essent; ea crederem, quorum fides explicita necessaria est primum necessitate medijs, tum necessitate præcepti; & quandoquidem ad abundantiam id peteretur, necesse esset, vt petens paratus esset veram religionem amplecti, quantumvis illi plenè in hac re non satisficeret; lumine enim naturali plusquam patet, multum esse verissimum, quorum tamen certam, & adæquatam rationem reddere non semper possumus, nec tenemur, dummodo aliunde nobis constet de eorum veritate, vt accidit in doctrina veræ religionis, supposita iam credibilitatis euidentiâ, quod illa fuerit à Deo tradita, & reuelata.

Porro vt primum venientibus ad veram religionem, alia via illam persuadendi tutior; breuior, ac facilior non est, quam ista notarum eius, quibus eâ fulgere, & in omnium oculis incurrere, veluti tabernaculum in sole positum, aut ciuitatem supra montem voluit Deus; ita pro ijs, qui illam semel amplexi sunt, in eaque viuunt, nullum est præsentius sedandis omnibus contra fidem tentationibus remedium; nullum efficacius medium ad componendas omnes, quæ in materia religionis exoriuntur, controuersias, quàm si ostendatur Ecclesiam ab eodem Deo tali infallibilitatis privilegio donatam fuisse, vt aduersus eam nulli errores, nullæ hæreses prævalerent, eaque salua, in tuto esset, & inuicta semper doctrina religionis, vt tomo 3. lib. 3. sect. 3 c. 10. nec non sect. 5. cap. 8. probatum fuit, & iterum infra ostendetur sect. 9. Adeo vt origo, & radix vniuersalis immediata omnium hæresum fuerit, nolle Ec-

clesiæ acquiescere iudicio, sed potius ad scripturas iuxta cerebrum, aut spiritum particularem vniuscuiusque hæretici intellectus prouocare, quibus tamen supremum controuersiarum fidei iudicium laud inesse, sed soli Ecclesiæ ostendimus tomo 1. lib. 2. sect. 6. & ex hoc satis patet, quod hoc ipsum reliquorum omnium fundamentum, quænam sit scilicet vera scriptura, per ipsam scripturam constare nequit, vnde ex quo id semel constabit, eadem opera simul consent vniuersum, necesse est; quare Tertullianus de præscript. cap. 19. rectè insert: *Ergo non ad scripturas prouocandum est, nec in his constituendum certamen, in quibus aut nulla, aut incerta victoria est. Nam etsi ita non euaderet collatio scripturarum, vt utramque partem parem sisteret, ordo rerum desiderabas, illud prius proponi, quod nunc solum disputandum est; quibus scilicet competat fides ipsa? cuius sint scriptura? à quo, & per quos, & quando, & quibus sit tradita disciplina, qua sunt Christiani? Vbi enim apparuerit esse veritatem disciplinæ, & fidei Christianæ, illic erit veritas scripturarum, & expositionum, & traditionum Christianarum.*

Quibus sanè ad illustranda huc vsq; dicta nihil elegantius dici poterat; quæ etiam luminari naturali eiusque principijs ita sunt consentanea, vt omnes prorsus sint inexcusabiles, qui admissa Dei vnitatem, verèque in eo colendo religionis existentia, & inuincibilitatem, detrectant nihilominus suauis religionis Christianæ iugo colla subdere, quam tot signis, & argumentis in Ecclesia Catholica Romana Deus monstrauit, & in dies non desinit monstrare suam esse. Et quamuis huiusmodi argumenta non strictè demonstrent, sed moralem tantum certitudinem, ac euidentiâ ingenerent, quod Christiana religio Catholica fuerit à Deo tradita, hoc tamè sufficit, & indisciplinati est plus velle in negotio religionis, vbi fides præcipuum debet habere locum, & respectu cuius dicta euidentiâ se habet solum.

per

per modum præambuli; quatenus in propositionem obſcuram, & ignotam, qualis eſt iſta, Deus reuelauit religionem Chriſtianam, ſingulaque eius myſteria, ſeri primum non poteſt intellexus per ſe, & propter ſe, niſi reddatur aliquo modo nobis clara, & euident, euidentia nimirum credibilitatis, vt iuxta dictum Apoſtoli ſciamus cui credimus. Vnde, vt alibi notauimus tom. 1. lib. 5. & 6. cap. 10. quemadmodum in ijs, qui iam receperunt fidem, diuinæ fidei aſſenſus, qui datur contra errores, dubitationes, difficultates inſurgentes circa obiecta particularia diuinæ fidei, reſoluentus eſt in diuinam authoritatem Eccleſiæ, non quidem per modum rationis formalis obiecti, ſed per modum regulæ inſallibilis, qua ſecundum legem Dei ordinariam noſtificantur, & applicantur credenda: ſic cauſa, ſeu ratio obiectiua, in quam reſoluitur iudicium euident de credibilitate fidei, ac veræ religionis in comuni, vbi primum ſuſcipitur, ſunt motiua, quæ ad fidem concipiendam neceſſaria ſunt.

At quia in decurſu huius ſeſſionis ſæpius diximus veram religionem, veramque fidem ad illam neceſſariam, eſſe Chriſtianam, quam proſicitur Eccleſia Catholica Romana, vt illam diſtingueremus ab alijs ſectis, quæ Chriſtianam etiam non ſeſt proſitentur, vt Lutherana, & Caluinistica; breuiter hic recolendum eſt, quod alias aduertimus tom. 3. lib. 3. ſect. 3. & 4. multis nimirum modis Eccleſiam Romanam ſumi poſſe, *primo* pro ea quæ antiquitus Occidentalis dicebatur, diuerſa ab Alexandrina, Antiochena, quæ Orientalis Patriarchalis dicebatur, & poſtea Conſtantinopolitana; qua ratione videtur illam ſumpſiſſe Sanctus Hieronymus epiſt. 77. vbi ait ſe communicare cum occidente, id eſt cum Damasco. *Secundo* pro Italica, & ita diſtinguitur à Carthaginenſi, Lugdunenſi, Rhemenſi, & alijs Primatum Eccleſiis. *Tertio* pro tota Prouincia Romana, ſeu quatenus complectitur Episcopos eius

Bibliot. Theol. Tom. V.

Prouinciæ. *Quarto* pro Eccleſia Romanæ Ciuitatis, vel diſtrictus, qui immediate à Romano Pontifice gubernatur. His, inquam, modis cum veluti ſtrictè Romana ſumi poſſit Eccleſia, ſecundum quos etiam Romanus Pontifex illius caput commune cum quibuſdam alijs Episcopis dignitatem habet, Patriarchæ reſpectu totius Occidentis, cuius proinde clerus, ſeu potius Senatus ſunt omnes Primates in eo cõprehẽſi; Primatis reſpectu totius Italiæ, vnde omnes Italicæ Diocæſeos Metropolitæ, & Episcopos tanquam ſuum Senatum habet, & eos ad mitit in Synodum nationalem; Metropolitani, ſeu Archiepiſcopi reſpectu totius Prouinciæ Romanæ, in qua ſuos ſuffragantes habet illius Episcopos, qui cum Synodus prouincialis celebratur, in ea loci, & votum habent; Episcopos reſpectu Ciuitatis Romanæ, & eius diſtrictus; *quinto* inſuper modo accipi poſſet pro Catholica, ſiue pro vniuerſa Eccleſia militante, quatenus Summus Pontifex Romanus nedom Romanæ, ſed & vniuerſalis, atque Catholicæ Eccleſiæ eſt Episcopos, ex tali enim vnione ſequitur Eccleſiam Romanam ita eſſe particularem Eccleſiam, vt inſuper Catholica per ſe primo dici debeat.

Vnde notandum eſt pro maiori huius rei explicatione, & intelligentia, Eccleſiam Catholicam tribus modis accipi poſſe. *Primo* pro ea quæ toto orbe diſcuſa vna eſt, & omnes veras cõmunionem ſibi inuicem colligas cõprehendit: *Secundo* participatiuè, in quantum nimirum eſt pars illius vniuerſalis, tota quidem ſed non totaliter eius habens rationem: quemadmodum homo dicitur vniuerſaliter, Paulus autem particulariter dicitur homo; quia licet hominis rationem, ſeu naturam humanam totam in ſe habeat, non tamen totaliter, quaſi ſolus ille excluſis alijs confortibus naturam humanam ſibi vendicet. *Tertio* Eccleſia dicitur Catholica veluti influxus, aut in cauſando, quia eſt ita quædam particularis Eccle-

T ſia

fiat alicui loco addita, ut insuper in omnes alias particulares influxum habeat, illasque ab ea pendere, eique coniungi necesse sit, ut Catholicæ rationem sortiantur.

Et cum secundo ex his modo, dubiū non sit, quod Ecclesia Romana sit Catholica, quatenus est pars illius, & quamdiu talis erit, in quo convenit cū alijs etiam particularibus Ecclesijs, insuper, si vox Catholica primo, & tertio sumatur modo, talis adhuc præ cæteris alijs dicenda est, in quantum sine Summo Pontifice, qui simul est Episcopus Ecclesiæ Romanæ, Ecclesia Catholica subsistere nequaquam potest, ut tomo 3. sect. 3. fusè ostendimus; Indè enim Ecclesiam Romanam coincidere cum Catholica toto orbe diffusa, esseque caput, originem, matrem, fontem, radicem totius Christianitatis, & unitatis Catholicæ, satis demonstrantea, quæ citato tomo 3. sect. 2. cap. 11. attulimus. Ita ut Ecclesia, quam Romæ sū-

davit Petrus, quam ipse ut Ecclesiam propriam rexit Episcopus, & Pastor, & quam hætenus rexerunt eius Successores, nec non hodie regit Clemens IX. semper fuerit, & etiamnum sit purè, ac simpliciter Catholica; nullaque alia fuerit, & sit talis, nisi quæ Romanum Pontificem agnoscit Patrem, & Pastorem non proprium, & particularem, sed vniuersalem: nullusque alius Episcopus sit Catholicus, nullaque cathedra, aut Ecclesia Episcopalis Catholica, nisi qui Episcopus, & Ecclesia cum Episcopo, & Ecclesia Romana, communionem habet. Hinc apparet, & quo pacto dixerimus veram religionem, veramque fidem ad illam spectantem esse Christianam, quam profitetur Ecclesia Catholica Romana, cum ea sola vera Christi sit Ecclesia, modo explicato, quæque proinde sola veram eius doctrinam, ac fidem docet.



SECTIO SEXTA.

De vnitate veræ religionis contra Politicos in ea libertatem, vel indifferentiam admittentes.

CAPVT PRIMVM.

Aperitur status controuersie.



PROBATA iam aduersus Atheistas Dei existentia, aduersus Politheistas eiusdem vnitatem, aduersus Philosophos veræ quæ colatur religionis necessitate, & inuenibilitate, quodque ad illam humana nõ sufficiat ratio, sed diuina requiratur fides, indeque religio Christiana, quam Ecclesia Catholica Romana proficitur, sit vera, nunc aduersus illos disputandum nobis est, qui religionum pluralitatem, atque adeo libertatem, vel indifferentiam ad quamlibet admittunt: Quod prouenit, vel quia credunt omnes religiones esse veras, vel quia credunt de vna vera nihil certum penitus haberi posse, & consequenter religionem in mera probabilitate versari, eamque ad beatitudinem sufficere, quam vnusquisque probabilem existimet, alias malè affirmarent liberum esse, vel indifferentem cuiuscumque religionis ritum, siue obseruantiam. At cum veritas, & quæ ea nititur certitudo vna sit, & veræ consequenter religio non nisi vna esse possit, reducuntur tandem ad hoc vt asserant de ea certi nihil haberi posse, sed probabile tantum, atque ita non vnã, sed multiplicem legitimam esse, quia quod probabile, & verisimile est, id non vnum, nec vnius modi, sed varium, & multiplex esse

Biblioth. Thel. Tom. V.

potest: si autem, inquit aduersarij, multæ religiones inter se diuersæ probabiles sunt, omnes ad salutem viles esse possunt; nec refert quam quisque amplectatur; cum vbi plura ad vnum, finem consequendum media suppetunt, electioni liberæ locus detur, nec eis a scopo aberrat, qui quamlibet viam ad eum tendentem, & conducentem inecat & constanter teneat. En quam in præsentis sectione confutandam habemus opinionem, cuius sequaces vocari solent Politici, quod vnus eorum scopus, & finis esse videatur, Reipublicæ ita curam gerere, vt eam florentem, & in hac vita beatam efficiant, vt eos loquentes inducit Diuus Augustinus lib. 2. de Ciuitate Dei cap. 20. proindeque religiones nisi quantum ei seruiunt curandas arbitrentur. In quo solum diuini sunt, quod aliqui putant licitam esse, quamcumque religionem, in qua tamè vnus dumtaxat colatur verus Deus, vnde per hos vt excludantur à salute omnes idolorum cultores, ita ad illam recipiuntur Iudæi, Mahumetani, hæretici, ac denique omnes illi, qui vnum, numen diuinum colunt, nihil referendo, quoniam ritu illud colant. Alij autem requirunt insuper Christianæ fidei professionem, per quos vt salutis incapaces iudicantur omnes illi, qui Christum Dominum non agnoscunt, ita ad illam peruenire posse concedunt,

T t 3 qui

qui illi per Sacramentum Baptismi nomen dederunt, cuiuscumque fuerint sectæ. Contra primos principaliter agimus in præsentis nam. tom. 3. sect. 3. c. 6. iam sufficienter ostendimus hæreticos nullos saluos esse; siue quod extra veram, eamque ynicam Christi Ecclesiam non sit salus. Quamvis quæ in sequentibus adducemus, argumenta vtrumque probent.

Itaque omittis, quæ circa huius vocis religionis etymologiam, an à verbis relinquere, reeligere, relegere, religare; item circa huiuscemodi virtutis religionis naturam fusius tractantur 2. 2. quæst. 81. pro intelligentia, & resolutione præsentis controuersiæ primum notandum est, religionem bifariam sumi posse, primò pro actu, vel habitu virtutis, quò Deo debitus exhibetur cultus, secundò pro disciplina religiosa mediorum, quæ vsurpantur ad talè Deo reddendum honorem. Quod aliqui Theologi doceant religionem utroque modo consideratam esse vnam tantum vnitatem genericam, vnde sub virtute religionis tres eius distinguunt species, quarum prima est fidelitas ad Deum, secunda gratitudo ad Deum, tertia latritia ad Deum; disciplinam autem religiosam, seu statum fidelium Deum debito cultu honorantium diuidunt in statum legis naturæ, in statum legis Mosaicæ, & in statum legis Christianæ, seu Euangelicæ: tanquam in tres religiones specie distinctas, quia licet fuerit eadem formaliter fides, spes, & charitas in illis, non erat tamen, nec est idem cultus sacrificiorum, & Sacramentorum, nec consequenter eiusdem speciei religio. Hæc opinio nihil prorsus repugnat vnitati veræ religionis, quam hic propugnare intendimus, potestque vnicuique relinqui liberum de tali questione iudicium; dummodo concedatur eam esse veram, & ynicam religionem, qua vnus verus Deus colitur; ita vt ea contineat vera dogmata fidei, seu in ea fideles credant in Deum, & accipiant ea quæ dignatus ipse fuerit credenda.

reuelare, siue plura, siue pauciora, & siue eadem, siue diuersa diuersis temporibus reuelat. Quo pacto omnes Doctores Catholici credunt eandem fuisse religionem, aut Ecclesiam qua Christus olim venturus in genere Abraham, & tandem venisse in lege noua creditur; ita vt quoque in ea sit vnica spes, nimirum eiusdem beatitudinis, & per eundem mediatorem, siue confusè aut implicite, siue distinctè aut explicite cognitum: & sit vna charitas Dei veri, ac tandem vna virtus religionis, latritiæ cultum soli Deo vero tribuens, quæcunque ipse præceperit sacrificia offerens, eaque secundum ritus, & ceremonias quas ipse vel per se, vel per suos ministrus instituit.

Quamvis longe probabilius sit religionis nedom pro virtute sumptæ, verum etiam pro statu, vnam semper fuisse essentiam, seu rationem essentialem. Quemadmodum enim vna specie fides est Theologica, qua Christus credebatur venturus, & iam creditur venisse: & vna spes est quæ nititur Deo, & mediatore Christo, aspiratque ad eandem beatitudinem; & est eadem charitas qua diligitur Deus; ita vna est specie religionis virtus, non solum quia defumit speciem à rebus quatenus in honorem Dei sunt, ita vt licet materialiter sint diuersa, cum tamen in eadem relatione quam habent ad cultum conueniant, nonnisi vnius formalis, & specificantis obiecti rationem induunt, verum etiam quia fides diuina, quam superiori sectione necessariam esse ad virtutem religionis, in eaque fundari ostendimus, nonnisi vna specie esse potest. Vnde sequitur eadem quoque vnitatem debere vnam esse veram religionem pro statu, vel Ecclesia, & lege sumptam, respectu cuius, & virtus religionis, et ipsa fides se habent per modum formæ, ab iisq; tantum dicitur vera.

Quare notandum est secundò virtutem religionis non propterea dici veram, quia sit in intellectu, ad quem verum, & falsum propriè referuntur, cum

iuxta

juxta opinionem probabiliorē sit virtus moralis in voluntate residens, sed quia dicitur habitudinem ad fidem tanquam ad suum fundamentum, quæ veritatem continet in ostendendo Deo, qui colendus est, & in proponendo modo quo colendus est (verumque enim ad veram religionem necessarium est) fides siquidem, cum simul eminenter speculatiua sit, & practica; quatenus speculatiua docet Deum esse, eumque omni honore dignum; quatenus autem practica docet modum, & obligationē colendi illum, & in utroque munere veritas requiritur, ut simpliciter vera religio sit, tam pro virtute, quam pro statu accepta. Vnde ē contrario falsa religio ex parte cognitionis duobus modis potest contingere: (nam malum ex quocumque defectu) Primo quando pro Deo habetur, & colitur, quod Deus non est; & hoc modo fuit falsa religio apud Gentiles colentes falsos Deos, & est apud omnes illos, qui diuinum cultum creaturæ, aut demonibus aliquo modo communicant, ut sect. 4. fusè persecuti sumus. Alio modo contingit error in ipso cultu, quia licet colatur verus Deus, honor tamen eius in eis rebus ponitur, quibus re vera non colitur, neque adoratur. Et hoc modo est nunc falsa religio apud Iudeos, & Paganos, & omnes illos infideles, & hæreticos, qui vnum quidem verum Deum agnoscunt, & se colere profitentur; re tamen vera non colunt, quia vel falsis signis ad Deum colendum vtuntur, maximè Iudæi, vel ceremonijs superfluis, & ad salutem animæ nihil conferentibus, ut Pagani, & plures hæretici; vel certè quia in his omnibus nunquam deest aliquis error circa ipsius Dei cognitionem, neque illi mentem subijciunt, quod esse debet veræ religionis fundamentum. Propter quod Diuus Thomas ait opusc. 19. cap. 1. *Primum vinculum quo Deo ligatur homo esse fidem*, ibique ostendit ex Augustino religionem à religando dici debere. Illa ergo vera est religio, quæ in fi-

de diuina fundatur, & consequenter circa verum Dei veri cultum versatur; falsa autem omnis illa, quæ in errore fundata est, quæ etiam solet vocari superstitio. Quocirca in primarepeteritur verum esse religionis, quia constat ex illis principijs, quæ vera religio exigit, & ideo dicitur vera in esse rei, seu per conformitatem ad veras causas religionis, quæ sunt verus Deus, veraque cognitio eius. Secunda uerò solum habet nomen, & apparentiam religionis, & ideo falsa dicitur, uel potius nulla; nam religio simpliciter dicta, solum est illa, quæ vera existit, indeque non nisi abusiue quæque secta falsa se nomine religionis indigerat; constatque religionē falsam non esse virtutem, imo nihil, quod ad veram virtutem spectet, in ea, quatenus talis est, inueniri, nec consequenter in sectis illam profitentibus.

Tertiò obseruandum est præfatos modos, quibus religio nunc pro virtute, nunc pro statu accipitur, ita inter se distingui, ut tamen necessariam habeat connexionem; siquidem v. impossibile est, quod ille non sit verus religionis status, qui profiteretur illam doctrinam, illumque modum colendi Deum, quæ vera virtus religionis, quæ in diuina fide fundatur, præscribit: ita etiam, vbi talis non est virtus, non potest esse verus religionis status. Quare hæc duo plerumque inter se confunduntur; imo iam ista religionis vox accipitur, ut omnino æquiuoca, propriè, & simpliciter vtrumque significans, statum scilicet, & virtutem; & ita etiam nos vtimur, nam ex materia subiecta facile dignoscitur, in qua significatione accipitur. Quin etiam eadem religionis vox pro ut statum significat æquiuocationem, continet, nunc enim significat statum eius in lege Evangelica, nunc in lege Mosaica, nunc in lege naturæ, quas diuersas speciem religiones, aut Ecclesias non constituisse, sed vnā potius essentialiter consideratam statim notauimus, & fusè tom. 3. sect. 3. explicuimus, quæ sortitur speciem ab honorē & cul-

& cultu Deo debito in illis omnibus reddito, licet multa varia præcepta cōtineant, sicut vna est politia alicuius regni, vel reipublicæ licet varijs temporibus diuersa præcepta habeat. Specialiori modo religionis vox accommodata est ad significandum peculiarem viuendi modum, & statum, in quo aliqui fideles congregantur ad perfectiori modo colendum Deum, vt sunt religiones ordinum religiosorum.

Quartò notandum est religionem ex parte obiecti materialis posse considerari dupliciter; quo ad sua nimirum essentialia, & quo ad aliqua sua accidentia. Essentiale enim est veræ religioni, quod vnus per eā colatur verus Deus: item quod in ea habeatur fides, spes, charitas, atque etiam cultus Dei, qui exterius se prodatur per aliquod signum, vt non tantum animus, sed etiam corpus, & hoc pacto totus homo, aliquo religionis munere fungatur; vtque per illud omnes homines vniri, & vinciri queant, ad colendum Deum; ad hoc enim requiritur nota aliqua externa, & quæ in sensus cadat. *Corporalibus religamur Sacramentis*, inquit Bernardus lib. de natura & dignitate diuini amoris cap. 15. ne à Deo recedamus, unde etiam à religando religio dicitur. Inter accidentales autem religionis observantias connumerari possunt genera sacrificiorum, vt quod aliqua, non alia sacrificentur, item solemnitates festorum, à carnibus abstinencia incertis diebus, aliaque plura similia; quorum licet aliqua possint dici essentialia respectu statuum reduplicatiuè sumptorum, quos vera religio, & Ecclesias diuersis habuit temporibus, & pro quorum diuersitate Deus quoque diuersa præcepit, & instituit sacrificia, nec non ceremonias; attamen respectu veræ religionis, & Ecclesiæ, vt sic sunt quid merè accidentales; quæ non solum vna specie, verum etiam eadem numero fuit ab origine mundi ad hæc vsque tempora indistinctibiliter perseverans, vt loco citato satis ostendimus.

Quintò suppono veram, qua colatur Deus, necessariam esse religionem; eamque certò esse inuenibilem; nec ad illam sufficere rationis naturalis, sed insuper diuinæ fidei, seu reuelationis lumen requiri; quæ omnia cum superiori sectione probauerimus, non sunt hic superflue repetenda.

His igitur pro intelligentia, ac resolutione controuersiæ breuiter prænotatis; primum statilem religionem veram vnica esse; at quia, licet non sic à parte rei religio vera nisi vnica, nonnulli tamen existimant multas esse probabiles, secundo ostendemus non sufficere homini ad cultum Dei, beatitudinemque æternam ab illo promerendam, si probabiliter tantum arbitretur aliquam religionem esse veram, aut legitimam; sed requiri vt sit certus de veritate illius, quodque in hunc finem omnem adhibeat diligentiam: inde tertio probabimus religionum indifferentiam nullatenus esse licitam; quarto quicumque veram non habet religionem, cum saluari non posse. Quintò tandem soluemus aliqua argumenta in contrarium ab aduersarijs fieri solita.

C A P V T II.

Statuitur unitas vera Religionis.

PRima ratio ad probandum religionem veram vnica esse, sicut vnus est Deus, cuius cultum proprium, siue latrariam illa proficietur, desumitur ex hoc, quod nulla vera datur religio sine diuina fide, vt ostendimus sect. superiori, nec non tomo 3. sect. 3. cap. 6. Cum igitur ex ibidem etiam dictis fides diuina sit vnica, si quidem soli Dei reuelantis autoritate, tanquam suæ rationi formali, simplicissimoque motiuo innititur; vera quoque religio, quæ in illa fundatur, erit vnica: illaque consequenter sola erit vera religio, ex omnibus illis, quæ tale sibi nomen assumunt, vbi diuina reperietur fides, quam modo habet.

haberi in sola religione Christiana, quā Ecclesia Catholica Romana tenet, clare demonstrant argumenta euidentiæ credibilitatis, quibus sola à Deo fuit ornata, & munita, vt omnibus manifestum redderet, quānam esset vera, & sola, in qua coli deberet, religio, hominumue illam profectum congregatio.

Secunda ratio pro vnitare veræ religionis petitur ex vnitare Dei, quia sicut vnus est verus Deus, ita quoque necesse est vnā esse veram cum colendi religionem, quam nimirum ipse hominibus reuelauit, & de cuius reuelatione eos esse certos voluit, vt sect. superiori probatum fuit. & iterum capite sequenti dicitur, cum sine illa nulla possit esse vera religio. Vnde ait Apostolus ad Ephes. 4. *vnus Dominus, vna fides*; id est, vnum, & idem est quod creditur à cunctis fidelibus; quare idem Apostolus scribit ad Corinth. 2. *Id ipsum dicatis omnes, & non sint in vobis schismata.*

Tertia præfatæ vnitatis ratio desumitur ex contradictione, qua in rebus ad religionem spectantibus inter se dissident omnes sectæ, siue leges, quibus hodie mundus diuiditur: cū enim verum vero contrarium esse non possit, omnes veræ esse non possunt, sed vna tantum illa nimirum, cui conueniunt omnia signa, & notæ veræ, diuinitusq; reuelatæ religionis, quæ in Religione Christiana, quam seruat Ecclesia Catholica Romana, inueniri plusquam satis huc vsque demonstrauimus. Si quis dicat, in ea quoque reperiri eandem contradictionem ob diuersa scholarum placita v.g. Thomistarum, Scotistarum &c. & tamen nihil obitare eius veritatis; Respondetur tale exemplum non esse ad rem; tale siquidem scholarum Catholicarum inter se dissidium est solum in modo explicandi mysteria fidei, non autem circa ipsamet mysteria, vnde nihil obstat illorum veritati, imo illa tanquam vera, firmiterq; credita supponuntur: at quæ in alijs sectis reperiuntur contradictiones sunt circa mysteria

fidei, substantialiaque eius, nimirum circa essentiam diuinitatis, circa simplicitatem eius, circa providentiam, circa omnipotentiam, circa diuinarum personarum pluralitatem, circa Verbi Diuini Incarnationem, circa beatitudinem, circa Sacramenta, &c. de alijs; Igitur non omnes quotquot sunt religiones veræ esse possunt, sed vna tantum, quæ aut affirmat, aut negat illa mysteria, suis tandem veræ religionis notis, ac symbolis dignoscenda; sicut etiam non omnes modi, quibus saluæ fide illa explicant Catholici, sunt veri, cum plerumque sint contradictoriè oppositi, sed ad summum probabiles, in his autem licet admitti possit probabilitas, secus tamen in rebus fidei, & ad religionis veritatem substantialiter pertinentibus, vt dicitur capite sequenti.

Quarta ratio pro nostra assertionem depromitur ex eo, quod Religio Christiana Catholica Romana cæteras vt falsas damnat: vnde sic arguo, non omnes sunt religiones veræ, si quæ vera est religio illas vt falsas damnat; sed vera religio, qualis est Christiana Catholica Romana cæteras omnes religiones vt falsas damnat, Iudeorum nempe in præsentis statu, Philosophorum Gentilium, Mahumetanorum, ac omnium denique hæreticorum, non omnes igitur eorum religiones sunt veræ. Maior huius argumenti patet, tum quia ex dictis in antecedenti argumento, verum vero contrarium esse non potest; tum maxime quia verum dici non potest, quod verum negat; Igitur si quæ à vera religione negantur, & improbantur religiones, essent veræ, non autem falsæ, iam amplius vera dici non posset, contra suppositionem factam: vnde sic probatur minor primo ex concessis ab aduersarijs, qui admittentes omnes religiones, vnum verum Deum, nec non etiam Christum colentes, esse veras, admittere quoque debent talem esse religionem Christianam Catholicam Romanam.

Quod si quis eam esse falsam respondeat,

deat, minoremque nostram consequē-
ter neget, facile probari potest secun-
do ex notis, ac signis veræ religionis
illi, & nulli alteri competentibus, quæ
unica est in hac re probatio, vt vera à
falsa discernatur religio. Cum enim evi-
dens, ac notum sit, vt superiori scōio-
ne ostendimus, Deo curam esse veræ
qua colatur religionis promouendæ,
nec non hominibus ad eam, vt salui
fiant, vocatis manifestandæ, eumque
nec falli, nec fallere posse: aut dicendū
est contrarium, aut necessario fatendū
hæc duo connecti non posse, primum
quod aliqua religio, vt Christiana, ha-
beat veræ religionis notas, ac symbola,
propterea que sit euidenter credibile,
eam fuisse diuinitus reuelatam, & tamē
non sit vera, sed falsa religio: Secundū,
quod, attenta suauitate diuinę providē-
tiæ, religionem non veram, sed falsam,
qualis esset Christiana Catholica Ro-
mana, si cæteræ, quas præter seipsam
impugnat vt falsas, essent veræ, Deus
insignire voluerit, nullamque aliam,
omnibus illis signis, quæ nonnisi veræ,
diuinitusque reuelatæ religioni com-
petere possunt, quæque nonnisi à vero
Deo eius auctore fieri potuerunt.

Quinta ratio eruitur ex hoc quod
omnia, quæ essentialiter concurrunt ad
vram religionem constituendam, sint
quid vnum; vnde sic efformetur argu-
mentum; Vera Religio necessario est
vna, si quæ ad illam essentialiter con-
stituendam spectant, sunt quid vnum;
sed res ita se habet in vera religione,
necessario igitur est vna. Maior videtur
esse certa, probatur minor *primo* quia
Deus ad cuius cultum vera ordinatur
religio, est vnus; secundo fides ad illam
necessaria, est vna, vt supra ostendimus;
tertiò homines, qui Deum per religio-
nem colunt, sunt eiusdem naturæ; ius-
que religionis in illa fundatur; vt enim
Deus ex eo quod est auctor noster, &
institutor, beatitudoque, seu principiū,
& finis naturæ humanæ ius religionis
exigit, ita vicissim ex eo quod homo est
rationis particeps, religionis eiusdem

est debitor, siue ius illius ex intimis na-
turæ humanæ visceribus peri debet, nō
autem ex hominum instituto: nam si
cæteræ virtutes veræ non ex opinione
hominum, sed ex natura rei, scilicet
hominis, cuius eæ virtutes sunt, diui-
dicandę sunt, quia vt rectè ait Tullius
lib. 1. de legibus, & Origenes libro 5.
contra Celsum, non pro hominum ar-
bitrio, aut ex legum humanarum præ-
scripto dicendus est homo bonus, aut
vitiosus, cum ipsę leges humanæ pos-
sint esse iniuste, & earum equitas, si-
cut & alia omnia honesta, & turpia, sint
à natura diiudicanda, an nimirum rectę
illius rationi consona, vel non? si, in-
quam res ita se habet in cæteris veris
virtutibus, multo magis in religione in-
ter eas maximè censenda, atque adeo
ex se, suæque natura vna, & simplex es-
se debet. Quod enim ius est ex natu-
ra, non ex hominum instituto, ac opi-
nione, illud non est multiplex, & va-
rium, sed vnum, & simplex; vnde ius
naturale in eo differt à iure gentium, &
à iure ciuili, apud omnes iuris vtriusque
peritos, quod ius gentium ex communi
hominum ratione petitur, aliquam ex
ea parte diuersitatem fortasse accipit:
ciuile verò factitiū, & ex hominum ar-
bitrio pendens, varium in varijs na-
tionibus esse potest, cum ius naturæ
sit vnum in omnibus; si igitur in tali
iure fundatur vera religio, nonnisi vna
esse potest, accedente præsertim diui-
næ vnus Dei reuelatione, per quam eam
perfici necesse est. Quartò, quia reli-
gio non est quæcumque virtus, sed ius-
titia hominis aduersus Deum, inde
etiam est vna; quapropter vltro dato,
quod aliquæ aliæ virtutes, vt fortitu-
do, & temperantia seu continentia ex
arbitrio hominum penderēt, & opinio-
nibus, quæ variæ esse possunt, non au-
tem natura ipsa essent definita, id tamē
de religione asseri non potest. Omnis
enim iustitia respicit ius, quod à debi-
tore nullo modo pender, nec in eius
arbitrio, & opinione positum est: nam
et si aliquis spontaneo contractu alteri
ius

ius in se, & sibi aduersus alterum creare possit, attamen ubi semel ius constitutum est, debitor obligatur, nec amplius in ea parte liber est, seu sui iuris. Supposito igitur, quod vera religio sit iustitia hominis ad Deum, nullo modo ex eius arbitrio dependens, sed tota ex Deo, qui vnus est, vniúsque modi consequenter cultum, & latram exigit ab omnibus hominibus, necessario debet esse vna. Quinto tandem, & ultimo fides, spes & charitas, quæ religionem essentialiter spectant, sunt etiam quid vnum, patet de fide ex dictis supra, quia ea respicit, quæ sunt à Deo reuelata sub eadem ratione formali, quodque diuersis temporibus, aut in diuersis statibus legis naturæ, Mosaicæ, & Evangelicæ, quas ab origine mundi veram habuit religio, non mutat vnitatem fidei nec consequenter religionis, sicut non est alius puer, & adolescens. Spes quoque eadem & vna est; nam nititur eiusdem veri Dei auxilio, & mediatoris meritis, seu opè. Vnde tam implicat spem, quæ religionem constituit, aut ad eam essentialiter pertinet, esse multiplicem, seu multas spes esse diuersas, quam repugnat multas esse hominis beatitudines, & multa beatitudinis principia, seu multos Deos: siquidem Deus quatenus Deus, & est hominis principium, & beatitudo, seu finis simpliciter vltimus. Idem etiam patet de charitate, quæ si ex toto corde, totaque anima proficiatur ut debet, non potest esse nisi vnius summi boni, quale est vnus solus verus Deus. Ea igitur omnia, quæ veram religionem potissimum spectant, & eius essentiam, nec non statum constituunt, cum vnica sint in suo genere, seu multitudine, & varietatem nullam admittant, necessario fatendum est illam esse vnā, nec Deum, qui homines maxime in ea consociatos, & vnitos esse vult, singulis eorum, aut etiam nationibus permisisse liberam religionum institutionem.

Sexta ratio eiusdem veritatis fundatur in necessitate Religionis. Quod

Bibliot. Theol. Tom. V.

enim bonum in suo genere est necessarium, in eodem vnicum est; sicut utilitas nonnisi in multis reperitur, quorum singula ad cōsecutionem finis sufficiunt, nullam verò eorum est necessarium. Veram autem religionem esse necessariam superiori sectione ostendimus; multiplex ergo esse non potest vera religio; si enim multæ darentur religiones veræ, & consequenter ad salutem sufficientes; iam nulla earum esset necessaria, sed tantum singulæ essent utiles, ac proinde merè arbitrariæ: quod licet possit concedi in rebus merè accidentalibus, vel adiaphoris, secus tamen in substantialibus, quæ sunt illa, quæ veram religionem ad salutem necessariam essentialiter constituunt, & vnā necessariā reddunt, ut statim diximus.

Septima, & vltima ratio pro vnitatem veræ religionis desumitur ex ipsomet primo religionis, ac pietatis sensu omnibus nationibus à natura, eiusque auctore Deo indito; quò nihil antiquius habent, quam suam religionem conseruare, & qua armis, quæ artes, consilijs & adhortationibus longè, latèque propagare; si enim non est vna quedam verissima, & omnino necessaria, sed alia adhuc præter ipsam dantur veræ, certè non esset, cur quàm sibi proponunt homines, adeò tenaciter obstinatèque tenerent, cur adeò religiosè, & sanè eā colerent, & obseruarent, ut quæ aliqui charissima habent, eius obseruationi postponerent, cumque strictissima obligatio, & extrema dimicatio significatur pro aris, & focis, seu pro religione suscepta esse diceretur; cuius cum oppositum videamus, certè non aliunde id provenire potest, quam ex naturali instinctu, quo vnusquisque persuasum habet vnicam veram religionem esse, & eam consequenter arbitrariam non esse, sed omnino necessariam; quamvis multi errent in conclusione, vel in applicando veritatem illi, quam profitentur religioni, cum illam non habeat, sed Christiana sola, quam seruat Ecclesia Catholica Romana. Tantum sufficiat

V u

ad

ad probationem huius veritatis, in qua non vsumus autoritate S. Scripturæ, cum multi ex aduersariis illam non recipiant; iamque ex illa contra eam admittentes sufficienter ostēderimus tom. 3. sect. 3. vnam esse veram Christi Ecclesiam extra quam salus non est.

Obijciat aliquis; ante Christi aduentum duæ fuerunt veræ Religionēs, vna Iudæorum, altera Gentilium; Ergo etiam modo in statu legis Euangelicæ nedum duæ, sed tot sunt veræ religionēs, quot sunt, quæ vnum verum Deum colunt, quantumuis diuersis inter se ritibus.

Respondetur ad hoc argumentum, negando antecedens, non enim fuerunt duæ veræ religionēs distinctæ Synagoga Iudæorum, & Ecclesia Gentilium, sed vna duntaxat, quæ componebatur ex illis tanquam ex partibus materialiter eam integrantibus, solumque accidentaliter distinctis, cum haberent omnes eandem prorsus fidem, cæteraque omnia, quæ veram religionem essentialiter vnam faciunt. Vnde neganda est consequentia, nam omnes, quæ modo in statu legis Euangelicæ vnum Deum colunt religionēs, veræque aut probabiles ab aduersariis dicuntur, nedum differunt à Christiana Catholica accidentaliter aliquo ritu, sed nec eandem cum illa fidem diuinam habent, imò potius in substantialibus, ac præcipuis eius mysterijs illi contradiçtoriè opponuntur, non igitur omnes sunt veræ, nec valet paritas in antecedenti adducta; quæ tantum potest adaptari diuersis statibus, quos veræ, vt sæpius notauimus, religio successiue habuit, & nunc etiam habet in diuersis ordinibus religiosiis; vide dicta tom. 3. sect. 3. cap. 6.

338

C A P V T III.

An sufficiat homini ad veram Dei cultum, promerendamque ab eo eternam beatitudinem, quod probabiliter tantum arbitretur veram esse, quam sequitur Religionem.

Cum multi non desint, qui admittunt vnicam esse veram Religionem, sed ramen de illa nihil certi penitus haberi posse, ideoque sufficere ad salutem, si quam sequuntur homines probabiliter existiment esse veram, contra hos agimus in præsentī, sequentesque conclusionēs pro veritatis explanatione ponimus.

Prima conclusio, de Religione vera potest haberi certitudo; dum enim aduersarij dicunt oppositum, vel est sermo de ipso numine colendo, vel de ritu eiusdem colendi: ac nihil certius est, quam vnicum supremum numen diuinum esse, vt supra sectionibus tertiā, & quartā ostendimus: iam ergo falsum est ex hac parte de religione certi nihil haberi posse. Si dicant non de diuino numine supremo, quod nemo ignorat, sed de eius colendi ritu sermonem esse; fateamur hunc non nisi Deo reuelante addisci posse, vt sectione superiori ostēdimus; ac etiam ibi ostendimus posse nos certos esse, quod illum Deus reuelauerit, nec alibi quærendum esse voluerit, quam in Ecclesia Catholica Romana, stantibus argumentis, euidentiæ credibilitatis, quibus illam insigniuit, & ad quæ penetranda, sufficit solum humanæ rationis lumen; vnde non nisi impius est, qui Dei reuelationem ita cognitam vel contemnit, vel ignoratam inuenire, & scire, quam studiosissimè nō curat. Et hoc sufficit ad probationem huius conclusionis, suppositis dictis superiori sectione de inuenibilitate veræ religionis.

Secunda conclusio nullus prudenter, probare, & sequi potest religionem, quam veram, ac legitimam esse non est,

certus. Ista conclusio sequitur ex dictis; fundaturque maximè in necessitate veræ religionis ad salutem; unde sic argui potest; in his quæ ad Deum vt oportet colendum, salutemque consequendam sunt absolutè necessaria non sufficit probabilitas, sed requiritur indubitata certitudo; Igitur supposito quod vera religio sit certè inuenibilis, quodque ad illam spectantia sint absolutè ad salutem necessaria, vtque suo quis erga Deum debito, & obligationi satisfaciatur; manifestè sequitur non sufficere illam religionem, quam probabiliter veram esse existimat, sed eam debere esse certum de ipsius veritate. Ista consequentia videtur esse certa, si antecedens est verum, quod ita probatur. Quia opinio probabilis prudenter tantum valet in rebus vtilibus, non autem vbi aliquid est absolutè necessariū, necessarioque prosequendum, cuiusmodi est vera religio; Si enim ibi valeret, quemadmodum qui probabile aliquid existimat, facta prudenti reflexione iudicat, id fortè ita se habere, & fortè ita non se habere; ita qui de religione probabilem solum opinionem haberet, is prudenter iudicare deberet, se fortè sequi veram religionem, & fortè falsam; & ita fortè se habere medium necessarium ad salutem, & forte se illud non habere; quam autem sit absurdum tale iudicium, quodque aliquis suæ salutis, diuiniq; cultus vt oportet studiosus, satis habeat existimare; quod ita operando fortè honorat Deum, fortè non honorat, fortè saluabitur, fortè non saluabitur, videtur per se notum. Nullus igitur prudenter probare, & sequi potest religionem, quam veram, & legitimam esse non est certus; & quamdiu non est certus, quæ sit vera, debet in hunc finem omnem diligentiam, omneque studium impendere,

Nec talis inquisitio, vel disputatio otiosorum est, vt impiè ait Symmachus in sua ad Valentianum relatione. Nam si pro gravitate negotij adhibenda est maior, aut minor diligentia, vt habea-

Bibl. Theol. Tom. V.

tur certa cognitio; cum negotium de veræ religionis officijs sit maximi momenti, & non tantum grauiissimum, ac sanctissimum, sed etiam absolutè necessarium, in ea quærenda, & eligenda adhibenda est omnis sollicitudo, donec omnimoda habeatur de illa certitudo. Vt enim qui certus esset se alicui pecuniam debere, summam autem nesciret, & tamen illam non inquireret, imprudens, & iniustus haberetur; nec non ille, qui summam mille scutorum sodali debitam adulterina pecunia, aut certò sciens, vel saltem dubitans, an falsa, esset illa pecunia solueret. Ita multò magis reprehendendi sunt illi, qui certò scientes Deum vnum esse, vera religione colendum esse, eamque vnicam esse, & ad salutem necessariam, & tamen non adhibent omnes diligentias, vt de illa certificentur, aut quid Deus ab illis exigat; quid ab eo reuelatum credere, quid promissum sperare, quem cultum, quæ obsequia præstare debeant, certò cognoscere non student: sed Deo placere, ac satisfacere putant, falsas etiam religiones sectando, quas probabiliter veras esse sibi persuadent. Eoque magis hoc absurdum est, quo vera religio de facto est de numero rerum diuinitus reuelatarum, diuinaque lege præceptorum; quoties enim Princeps, & Legislator lege sua aliquid præcipit, id non amplius liberæ, subditorum electioni, vel probabilitati relinquitur, sed nisi obseruetur Princeps offenditur.

Inter diligentias autem, quas nondum certus quæ sit vera religio, conferre debet, vt eam assequatur, potissima est sincerus ad Deum per orationem, recursus, instanter illum rogando vt doceat se iustificationes suas. Cum enim homo de religione, deque Deo vt oportet colendo cogitare non possit, nisi inspiratione, & gratia eiusdem præueniente vocatus, & misericorditer inuitatus, fidelis autem Deus sit, non permittet eum aberrare in inquisitione, quam sua ipse inspiratione eidem suggerit, & qua ille seriò, sincereque petit notam fieri

V u 2

sibi

sibi viam qua ambulet.

At dicit aliquis, in rebus moralibus satis est opinio probabilis, & quâvis non sit iudicium speculatiuum certum, sed tantum probabile, cum eo tamen potest haberi iudicium rectum, seu practicè verum, secundum quod qui operatur, moraliter benè dicitur agere, & prudenter, quique sic operatur certus est se benè operari; maximeque id valet, si quæ pro rei gravitate, requiritur diligentia in deliberando, consilioque ac. ipiando allata est: Ergo à pari qui de religionis, sectæque alicuius veritate, iudicium aliquod speculatiuum probabile duntaxat habuerit; is iudicio practico certus esse potest se eam sequutum benè, ac prudenter agere coram Deo, ei placere, religionis obligationi satisfacere; præsertim cum multi diuersarum religionum sectatores à Christiana, & Catholica alieni, quam solam veram esse nunc supponimus, eas bona fide, bonaque intentione teneant, pro illis mori parati, vel illas relinquere, si scirent esse falsas; ideoque multæ religiones si minus in seipsis veræ, saltem nobis verisimiles, & probabiles, sufficientesque ad salutem esse possunt.

Respondetur ad hoc argumentum negando antecedens de rebus moralibus absolute, & simpliciter ad salutem necessarijs, vnde cum vera, eaque unica religio sit de numero illarum, non sufficit, aut quod de illa probabilitas solum habeatur, aut quod principaliter intendimus aliqua falsa probabiliter vera teneatur; certè tã ad beatitudinem necessaria est vera religio, quam vera virtus, quis autem nisi demens asseruerit virtutes falsas, seu vera vitia existimata solum probabiliter veras virtutes, ad beatitudinem vtilia esse, & tuta itinera. Falluntur ergo aduersarij, dum in rebus moralibus, medium vtile, pluraque ad illas contingenter spectantia, confundunt cum necessarijs, vt enim quod vtile tantum est, multiplex est, in eoque, nec non

contingentibus probabilitas, prudentique operatio locum habere potest, ita quod necessarium in suo genere, seu ordine vnicum est, in eo probabilitas tantum admitti non debet, sed indubitata certitudo requiritur, vt quis benè, ac prudenter dicatur operari: consequenterque quamdiu homo supponitur prudenter iudicare, se fortè sequi veram religionem, & fortè falsã, & ita fortè se habere media necessaria ad salutem, & forte se ea non habere; sanè is non debet ab inquirendo desistere, alioqui negligentie sacrilege reus erit, nec cum aut bona intentio, aut paratum esse mori pro sua falsa religione existimata probabiliter vera, vnuquam excusabunt. Nam quot certissimus quotidie flagitiosissimos mortem etiam oppetere pro suis consilijs, & facinoribus improbijs, qui non propterea innocentes habèdi sunt, sed potius in sua improbitate pertinaces, ac desperati. Bona similiter intentio, qua quis operatur malum, quod putat bonum, licet excuset à peccato, quando est cum ignorantia inuincibili coniuncta, casu quo detur, non sufficit ad morum probitatem, aut salutem, nec enim rem malam, aut falsam reddere potest bonam, aut veram in se; provt requiritur, quando illa est simpliciter necessaria ad æternam salutem consequendam: vt enim aliquis ea sit dignus, eaque accipiat, debet non tantum non esse malus, vt potest esse qui laborat ignorantia inuincibili, secundum quod illa laborat, sed præterea esse bonus, Deoque gratus, & dilectus per illas virtutes, quæ nedum in hunc finem sunt vtilis, sed simpliciter, & absolute necessariae. De quo vide dicta to 3. sect. 3. cap. 6. nec non statim dicenda, cap. 5.

CAPVT IV.

In negotio religionis libertas, seu indifferentia nullatenus admittenda est.

Probatur primò, quia in tantum huiusmodi libertas admitti potest in quantum religiones, quæ vnum verum Deum colunt, sunt omnes veræ; aut cum vna solum ex illis sit veræ, certoque inuenibilis, qualis est ex dictis superiori capite religio Christiana, quam profitetur Ecclesia Catholica Romana, sufficit quod aliæ quantumvis falsæ probabiliter existimantur veræ; sed non omnes, quæ vnum Deum agnoscunt religiones sunt veræ, nec sufficit ad salutem quod falsæ probabiliter existimantur veræ: Nullatenus igitur in negotio religionis libertas, seu indifferentia admittenda est; itavt quisque possit tuta conscientia, sufficientique ad salutem tenere religionem à maioribus acceptam, siue in qua natus, & educatus est, vel quam leges patriæ iubent, aut propriū commodum, aliisque similis persuadet prætextus, quantumvis omnes sint falsæ, & ex præfatis capitibus solum probabiliter existimantur veræ, si tamen illa religionē falsam possunt reddere probabiliter veram, cuius nos oppositum statim dicemus. Maior huius argumenti videtur certissima, continet enim præcipua, imo vnica fundamenta quibus aduersarij impiam hanc de indifferentia religionis opinionem fulcire possunt. Minor verò constat ex dictis in duobus superioribus capitibus.

Si autem religio falsa probabiliter existimata vera non sufficit ad verum Dei cultum, & hominum salutem, multò minus affectata, & ficta; quod etsi non afferant illi cū quibus modo intendimus agere, qui vnum verum Deum colunt, quique religionis necessitatem ad eum colendum, & æternam beatitudinem promerendam admittunt, sed

aliqui potius Atheistæ cum Machiavello lib. 1. de repub. cap. 12. opinantes nullius regni, vel reipublicæ salutem in tuto esse sine cultu religionis, quam proinde omnium maximè affectare debent principes; quia tamen ex primo errore docentium indifferentiā religionis facilis est transitus ad atheismum, quodque consequenter nullæ detur religio, sed hac potius specie, & larua religionis hominibus illudatur, breuiter ostendemus has inter se pugnare, & se se destruere positiones, videlicet quod religio sit hominibus necessaria, & quod tamen illa sit quid fictum, & purè falsum.

Etenim falsum, & errores sunt hominis, qua hominis propriissima mala, & vitia, cum ipsi repugnent, & noceant in quantum intellectus qualis, & homo consequenter est: Igitur hominum, qua hominum salus, & felicitas civilisque vita per se non magis in falso, & errore fundari potest, quam falsus corporalis in ægritudine. Quamvis enim interdum contingat per ægritudinem non grauem impediri lethalem, tuncque homo ab ægritudine quodammodo sanitate fruatur, ac viuat, hoc tamen non conuenit ægritudini per se, & secundum naturam; sed prouenit ab ipsamet virtute naturali sanitatis reparatrice, quæ reperitur in homine, vt mox explicabitur; vnde si quis obijciat multa regna falsis etiam religionibus consistere, & durare, cur non ergo ficta, & purè falsa: respondetur talem consistentiam, vel durationem regnorum falsam quidem religionē, sed existimatam ab ipsis veram sequentiū non oriri ex falsitate, sed ex veritate, omnibus innata, qua vt vnum esse Deum agnoscunt, ita & dari veram, qua colatur religionem, licet errent multi in applicatione subiecti, vel sectæ vbi illa reperitur. Quod eodem statim allato ægritudinis exemplo declarari potest: illa enim levis ægritudo non conseruat hominis sanitatem, & vitam, sed impedit grauiorem aliam, & ad-

& adhuc non ex se, sed quia datur in ipso homine virtus naturalis restauratrix sanitatis, quæ si non esset, ægrotudo illa levis nihil proderet, sed periret homo: In his similiter, qui falsis religionibus, sed existimatis veris conseruantur, dantur duo, ipsa nimirum determinata falsa religio, quæ leui comparari potest ægrotudini impediendi maiorem, vel lethalem morbum, quia impedit grauiorem errorem, quod nulla prorsus nisi ficta detur religio, & consequenter quod non sit Deus: secundò simul datur aliud verissimè naturale dictamen, quod vera detur religio, quæ verus coli debeat Deus, à quo ipsa falsa religio robur totum accipit, atque respublica, vel regnum sanitatem, conseruationemque, videlicet esse viuendum cum religione, & non sine illa; quod certè dictamen si abesset, nec ipsæ falsæ religiones, neque regna ubi vigent consistere possent: vnde quantum ad hoc patet discrimen inter falsam religionem existimatam, veram, & inter purè fictam, siue affectatam, quod ipsamet docet experientia, cum enim plura regna huiusmodi falsis religionibus consistant, nullum tamen vnquam legimus fuisse, aut esse, quod ficta consistit. Implicat ergo quod religio sit hominibus necessaria, & tamen quod illa sit quid fictum, aut eius necessitas fundetur in aliquo falso, secundum quod est falsum, vt explicuimus.

Insuper eadem veritas probatur, quia repugnat aliquam Rempubicam, vel Regnum per hoc esse foelix, vel foelicius, quod erret; per hoc autem infœlix, ac miserum quod sapiat; vt satis per se patet, & à nullo nisi stulto negari potest: sed ex positione aduersariorum hoc sequitur: nam quæuis respublica hoc habito errore, vt aiunt aduersarij, quod cum religione est viuendum, habet conseruationis foelicitatisque suæ præcipuum fundamentum: perit autem, nec durat, si sapiat, verumque deprehendat, religionem ni-

mirum esse meram fictionem, & fabulam: Patet ergo quomodo hi impij Politici pugnent secum, & cum ratione, dum ad regni, vel reipublicæ salutem religionis necessitatem astruunt, & eam nihilominus esse quid fictum contendunt.

Secunda ratio contra religionis indifferentiam desumitur ad hominem, contra aduersarios ex eo quod sit reipublicæ perniciosissima; cum enim vt illi fatentur religionis sensus ad pacem inter populos, & à subditis debitam principibus obedientiam seruandam plurimum valeat: adeo vt Tullius lib. 2 de legibus eam fundamentum legum omnium appellarit; nec vllus legislator suas vnquam leges, nisi religionem aliquam sancitas, & autoritate diuina confirmatas valere posse crediderit: indeque factum fuerit, vt plerique eam commendationem falsis, fictisque prodigijs quæsierint: quod in loco aliquo sacro Senatus Romanus haberi solitus fuerit, vt numinis diuini præsentia, & metu in officio suo retineretur; sique inaugurandus princeps, aut magistratus aliquis, si iudex constituendus, si testis in iudicijs audiendus, si qua de re quæstio mouenda est, iusiurandi religio semper interposita fuerit, nec quidquam nisi iuratus aut patronus, aut iudex, aut testis legitimum faceret: Cum, inquam, talis status politici cum religione connexionis persuasio nationibus omnibus excultis communis sit, ac fuerit: si semel ostendatur religionis vim irritam fieri, ac reddi per eius indifferentiam, efficax certè contra illam, eiusque assertores, habebitur argumentum.

Id autem probatur primò, quia, quemadmodum si quod bonum qualecumque illud sit, dubium aut incertum habetur, tanquam finis vltimus, aut beatitudo verè amari, & appeti non potest; eo quod finis, seu beatitudinis amor, & intentio absoluta; & efficax omnino esse debet, & si quo pacto circa bonum aliquod indifferens est, nec circa

circa illud toto impetu, vel saltem inclinatione plenissima ferri, nec illud tanquam finem ultimum, bonumque omnino necessarium amare, & velle potest: Ita quoque si semel illa religionis indifferentia politica admittatur, nec religio in numero bonorū necessariorum, sed vtilium tantum, nec incerta scientia notorum, sed in sola opinione ponatur, quæ nihil nisi probabile, & aliquatenus incertum habet: profecto quæcumque in reipublica administrationem à religione commoda, & bona proueniunt, ea languebunt, nullaque tandem prorsus erunt, quia nullus verus, aut diuini numinis, aut pietatis & iustitiæ aduersus illud sensus esse potest cum illa indifferentia, quæ doquidem voluntatis propensio totalis, & amor boni absolutissimus esse non potest, nisi ei illud intellectus bonum esse eiusmodi vnicum necessarium, & beatissimum certissima, & indubitata cognitione proponat,

Secundo idem probatur, supponendo quod rerum ad religionem spectantium inderentia nonnisi triplex esse potest scilicet circa Deum, circa essentiam religionis, & circa ritus eius accidentarios, & ostendendo vnamquamque Reipublicæ perniciosissimam esse. Atque in primis quod talis sit indifferentia circa Deum qui colitur, ita vt is qui colitur, credatur quidem probabiliter verus Deus esse, non ita tamen vt omnis dubitatio absit, patet, quia si Deum, v. g. Iouem, quem colendum quis existimat, eo quod à principe, aut populo agnoscitur Deum esse non est omnino certus, sed prudenter dubitare potest, eadem probabilitate credere poterit non fore, sibi aut illicitum, aut saltem noxium periurium, quo fidem eo inuocato, datam fallat. Quam autem in reipublica sancta esse debet fides non solum in fæderibus cū externis nationibus initis, verum etiā inter eiusdem ciuitatis, & reipublicæ ciues tum erga principem, tum etiam inter ipsosmet siue in priuatis cōmer-

cijs, siue in publicis reip. muneribus tam abominanda est illa doctrina, quæ illi violanda, periurijque consequenter viam aperit, cuiusmodi est, illa de religionis circa Deum indifferentia, Quæ etiam vbi semel animum principis imbueret, cum nullo fortiori freno à nimia dominandi auiditate, potestaque abutendi licentia cohiberi possit, quàm si certissimè credat esse Deū prapotentem, quem cum suis subditis communem habiturus est iudicem, is facile in tyrannidem declinaret, quam autem effrænis, ac tyrannica principis dominatio reipublicæ sit perniciosa, nemo non videt. Nec minor etiam inde oriretur in subditis morum corruptela; nam vt sæpe notauimus, cum tota voluntatis constantia ex persuasione eam dirigentis firmitate, ac consuetudine pendeat, quæ in illis diuini numinis reuerentia, quis æternorum suppliciorum metus, quæ perpetuæ iustitiæ voluntas religionis sanctitate confirmata esse posset, qui an veri sint illi quos colunt Dij prudeniter addubitare possent; vt sequitur ex religionis circa Deum indifferentia, proindeque patet quantum sit reipublicæ pestifera.

Quia autem supposita etiam circa Dei veri notitia, ita vt nonnisi is qui certò agnoscitur Deus colatur, secundo indifferentia esse potest de cultu illi deferendo, ita vt quidem nonnisi Deus vnus verus colatur, sed pro arbitrio hominis, & cum multæ sectæ Deum vnum colentium sint, parum referat, quamnam illarū quisquam amplectatur, quantumvis eæ non solum in quibusdam ceremonijs externis, vel accidentalibus discrepent, sed etiam in ijs rebus quæ religionis formam, & essentiam efficiunt, qualis est de Deo, diuinisque rebus fides, sacrificiorum, Sacramentorumque ratio; istam quoque indifferentiam reipublicæ damnosissimam esse asserimus; Illa enim semel admissa facilius nihil est, quam vt in ea, quæ suscepta est religione ob homi-

hominum leuitatem, & in istis rebus nouandi studium mutatio aliqua fiat, aut tēteretur, quam dum nonnulli sustinent, alij verò damnant, non possunt non oriri grauissimæ inter ciues discordiæ, indeque labefactari reipublicæ pax & status. Cumque insuper erga ea, quæ vt dubia, aut tantum probabilia bona apprehendimus, non multum affici soleamus, & si quæ in eis difficultas se offert, hæc ab ijs nos facile deterreat; ex hac quoque indifferentia, circa Religionis essentiam nascetur eius negligentia, & contemptus, nec non dubitatio de ipsiusmet Dei prouidentia, quasi religionis, vt potè rei omnino indifferentis negligentia non sit grauis eius offensa, aut etiam Deus hisce rebus, nec placetur, nec offendatur; quibus vt ad morum deprauationem, ita nec ad rerū publicarum euersionem potentius esse posse fateri debent ipsimet Politici, qui vel religionem ipsam, vel saltem aliquā eius imaginem, seu vmbra ad continendum populos, & ad regimen politicum valere plurimum existimant.

Tertia tandem indifferentia circa ritus religionis externos, ac veluti accidentales, licet salua, & eadem manente religionis essentia specie mutari, & noui ab antistitibus Ecclesiæ pro regionum, ac temporum diuersitate institui possint, noxia nihilominus est, nec quos semel Ecclesiæ auctoritas instituit, illi à populo, aut etiam magistratu politico mutari possunt sine reipublicæ præiudicio; non solum quia vbi id ab ipsis attentaretur spreta sacrorum Antistitū auctoritate, non solum fieret iurisdictionis, & Superiorum confusio, indeque facili rixæ oriri possent, & contentiones; verum etiam quia ex tali mutatione populorum animi facili offendi possent, dum istos accidentarios ritus ab essentialibus religionis partibus non discernentes, aut eam pessumdari crederent, aut verò assueti ea quæ religionem spectant tanquam indifferentia habere, pietatis ac religionis sensum imminuerent; paulatimque aliquas super-

stitionis labe inducerent. Ex quibus omnibus, vt puto satis probatum manet Religionis, indifferentiam quomodocumque consideratam rebus publicis esse perniciosissimam, atque adeò quod Politici incommodum illa declinare se posse putant, in illud idem sine dubio grauissimum eos incurere.

Probatur tertio nostra assertio ex voluntate Dei; in negotio enim religionis admittenda non est indifferentia, si Deus vnum solum instituit Religionem, qua ab omnibus coli voluit, sed ita se habet; nequaquam igitur admitti debet religionis, quam Politici intendunt libertatem, vel indifferentiam. Maior huius argumenti est certissima, si enim vbi Princeps, ac Legislator lege sua aliquid præcipit, id non amplius liberæ subditorum voluntati subiacet, sed nisi obseruetur Princeps offenditur; id à fortiori de Deo supremo omnium Domino, ac Legislatore asseri debet, si nimirum aliquam solam ad eum vt oportet colendum religionem instituit, non amplius in eadē locum indifferentiæ, ita vt vniuscuique aliam præter illam sequi possit religionem. Deum autem Optimum Maximum talem de facto instituisse religionem, illamque esse Christianam Romanam Catholicam, sufficienter patet ex dictis superiori sectione, nec non tom. 3. sect. 3. cap. 6. si bique inde persuadere deberent Politici de reipublicæ felicitate tantopere solliciti, quod nihil ad prosperum eius statum, vtque saluus, & incolumis perseueret, efficacius, & potentius sit, quam dictam Religionem integram, atque illibatam tenere. Nam cum ad præfatum statum potissimum requiratur, quod omnes reipublicæ partes debitam inter se ordinis æqualitatem, ac iustitiam seruent; eaque triplex sit, prima principum aduersus subditos, secunda subditorum erga principes, tertia denique subditorum, seu æqualium inter se concordia; si semel offendatur religionem Christianam leges habere sanctissimas, quæ triplicem illam iustitiam, muneratque

que eius numeris omnibus absoluta præscribant, inde euidenter apparebit religionem Christianam Romanam Catholicam ad reipublicæ salutem, ac pacem esse vtilissimam.

In primis autem rem ita se habere, circa rectam principum institutionem, probant innumera, quæ de illa habentur Sacræ Scripturæ loca præsertim Sapient. cap. 6. Cumque nihil sit quo magis principes iustitiæ aduersus subditos ordinem peruertant, quam ubi potentia sua ad tyrannidem abutuntur; huic potissimum malo efficacissimum affert remedium Christiana religio, dum eos admonet, ut meminerint, ita se populū Dei regere, ut cum eo aliquando supremo omnium Regi Deo in vniuersali iudicio sisti debeant, rationem de toto suo regimine seuerissimam reddituri, durissimamque si errauerint sententiam subituri: *Exiguo enim conceditur misericordia, potentes autem potenter tormenta patientur*, ut habetur loco citato Sapientiæ.

Christiana similiter religione, sub comminatione etiam supplicij æterni præcipiente subditis, quod dominis etiam discolis, & principibus iniquioribus non solum externam obedientiā, sed adhuc internam animi reuerentiā, honoremque reddere debeant 1. Petri 2. & Rom. cap. 13. quid pro principum, & rectorum autoritate tuenda validius iuberi potest. Vnde rectè Diuus Augustinus in psal. 124. O quantum debent diuites, & reges Christo, qui illis componit domum, & regnum, & si ibi fuit seruus, & subditus infidelis, conuertat illum Christus, & non ei dicat: *dimitte Dominum tuum, sperne Principem*, iam cognouisti eum, qui verus est Dominus. Ille fortè impius est, & iniquus, tu autem fidelis, & iustus. Indignus est ut iustus, & fidelis, seruiat iniquo, & infideli. Non ei hoc dixit, sed ut magis seruiat, & parcat. Et ut corroboraret seruum hoc dixit: exemplo meo serui, quia prior ego seruui iniqui. Si Dominus celi, & terræ ser-

uui indignus; quantò magis non debet designari homo, non ad oculum, non perfunditoriè, non ut solent Politici externa tantum specie, sed ex toto animo, & ex tota voluntate bona, cum tota videlicet Dei, & propter Deum, proximi dilectione seruire Domino etiam malo.

Legem denique christianam concordiam inter ciues seruare, quæ est tertia iustitiæ politicæ, & ordinis pars quæ salua manet reipublica, constat ex eo quod concordiam duo potissimum faciant, scilicet æquitas, & amicitia. Quicumque enim erga alterum benè afficitur, vel iustus est, vel amicus; iustus quidem si quod ei debet reddit; amicus verò si bonum eius ex beneuolentia vult. Quanta autem hominibus in iustitiæ obligatio vi legis Christianæ, testantur innumera, quæ in illa continentur præcepta, quibus nedum iniqua rei alienæ vlturpatio damnatur, verum, etiam nisi restituatur, nec non si quæ proximo fuit iniuste illata iniuria reparetur, grauissimæ imponuntur pænæ. Et cum apud alios amicitia, quàm angustis coarctetur finibus, solum apud Christianos latissimè se diffundit ad quemlibet hominem etiam inimicum, quem propter Deum tenentur diligere. Verum de his statim ad præsens institutum de quibus alias prolixi scribi possent libri.

Quarto, & vltimo impugnatur religionis indifferentia ex ipsamet vanitate motiuorum, quibus illam aduersarij persuadere nituntur; maximè quia licitum est religionem à maioribus acceptā tenere, vel quam patris leges iubent, quæ diuerse inter se, & ab alijs esse possunt: sed huiusmodi motiua non sunt sufficientia ad stabiliendam religionis indifferentiam; illa igitur admittenda non est, sed pro micro Politicorum figmento habenda. Probatur minor quo ad primum, quia religio quæ aliàs non est vera, non redditur vera per simile motiuum; igitur cum ex dictis supra ad debitum Dei cultum, æternamque ho-

minum salutem requiratur vera religio, quæ nonnisi vna esse potest, & non sufficiat falsa; ex eo præcisè quod aliqua religio sit à maioribus accepta indifferenter, turaque conscientia teneri non potest: Si dicatur satis quidem non esse ad diuinum cultum religionem falsam pro tali habitam, secus autem si probabiliter vera existimetur, qualis haberi potest aliqua religio; ex eo quod sit à maioribus accepta; Respondetur ex dictis primò talem non sufficere probabilitatem, sed necesse esse quod nos de religionis nostræ veritate certissimifimus, quæ certitudo nonnisi veræ competere potest religioni. Secundo vtrò dato quod præfata sufficeret probabilitas, negamus illam prouenire posse ex eo præcisè, quod aliqua religio fuerit à maioribus accepta; sic enim Idololatraz omnes in idololatria semper manere potuissent, quam à maioribus acceperant, quamque antiquitas maximè commendabat: vt enim de illis ait Alcimus Auitus in epist. 41. ad Clodouus: *Solent plerique in hac eadem causa, si pro expetenda sanitate credendi, aut Sacerdotum hortatu, aut quorumcumque sodalium suggestionem moueantur, consuetudinem generis, & vitium paterna observationis opponere.* Ita salutem nocentem verendum præferentes, dum parentibus in incredulitatis custodia inutilem reuerentiam seruant, consentiunt se quodammodo nescire quod eligant. Et Symmachus apud S. Ambrosium in relatione ad Valentinianum nihil pro superstitionis suæ & idololatriæ defensione grauius, quam ipsam eius antiquitatem, & maiorum de ea iudicium, autoritatemque profert. Quemadmodum ergo talis ratio nihil suffragari potuit Idololatriæ, vt innumerabiles populi in illa nutriti perseverarent, ita nec alteri falsæ religioni licet sequendæ, etiam si antiquæ, & à maioribus acceptæ; atque adeo ratio inde præcisè petita, illam probabiliter veram, ac legitimam reddere non potest, maioremque illi conciliare autoritatē, quam Deorum fabulis, quæ apud Sa-

pientes nunquam ob antiquitatem eorum fidem obtinebunt.

Si respondeant aduersarij non quilibet antiquas religiones, sed quæ vnum verum Deum colunt, licet diuersis ritibus, indifferenter esse amplectendas, dummodo adhuc huiusmodi ritus sacri sint, & honesti; iam ipsi quod nos intendimus concedunt, aliquam nimirum religionem nec esse veram, nec effici probabilem ex eo præcisè quod sit à maioribus accepta, nisi aliundè sit talis ratione obiecti, quod colitur, qui vnus solus verus Deus est, & sacrorum rituum, quibus colitur, aut alia ex causa; ac proindè licitum non esse illam sequi, quin imo non obstante antiquitatis prætextu, vnumquemque teneri, quam religionem veram esse deprehenderit, licet tunc primum sibi notam, & verò peregrinam amplecti, quamque semel amplexus fuerit constanter retinere: *Non erubescas*, inquit S. Ambrosius respondens Symmacho, *cum toto orbe longano conuerii. Verum certè est, quia nulla asar ad perdiscendam fera est. Erubescas senectus, quæ emendare se non potest. Non annorum canities est laudanda, sed morum. Nullus pudor est ad meliora transire.*

In tantum ergo antiquitas potest esse veræ religionis nota, in quantum vbi primum incepit, nouaque consequenter fuit, suam tunc à Deo originem habuit, totaque ac talibus signis confirmata est, quæ nonnisi ab illo solo veræ religionis authore fieri potuerunt, indeque semper eadem perseuerauit, absque vlla prorsus mutatione essentiali, sique fuit aliqua accidentalis, secundum diuersos quos habuit status, ea adhuc fuit Deo ipso ita instituyente; qua antiquitate cum sola gaudeat religio Christiana, quam proficitur Ecclesia Catholica Romana, vt ostēdimus supra sect. 1. cap. 27. & 28. nec non tom. 3. sect. 3. c. 3. vbi Iudaicam quando vera erat, & quā nonnulli gentiles ante Christum natum fideles, & pii obseruabant cum Christiana religione easdem fuisse probauit,

non

non video cur cæteris sectis ex hoc titulo præferri ab aduersarijs nõ debeat, qui ubi de religione disceptatur, antiquitatis præiudicium tantum apud eos valere ostendunt.

Licitè quoque teneri non posse religionem, quam leges Patriæ iubent, quod est alterum motiuum, tantoperè à Politicis commendatum, clarè demonstrant in primis, quæ statim diximus de Idololatria, siquidem apud eius sequaces nullum pro sua defensione solemnius effectum, præceptumque sanctius fuit, quam religiones patrias obseruandas esse: Quod si ipsis non profuit, nec etiam prodesse potest alijs falsis religionibus, eas nimirum indifferenter sequendas esse, & colendas, quas aut mores patriæ, & instituta, aut principes, & rerumpublicarum rectores imperant. Secundo falsitas huius impij dogmatis colligitur ex ruinoso cui innititur fundamento, scilicet quod Principes sint religionis authores, quæque circa illam aut ipsi, aut qui rempublicam regunt, decernunt, ea sancta ab omnibus subditis haberi, & obseruari debeant. Dicta enim superiori sectione de diuinæ fidei ad veram religionem necessitudine satis ostendunt, non humanam, sed diuinam esse eius institutionem, nec arbitrariam, sed tum in ipsa rerum natura, tum in ipsa Dei voluntate positam. Nec enim aliter quam ipse vult, à nobis colendus est, nec alijs ritibus, aut ceremonijs, quam quas ipse nobis per Prophetas suos, & Apostolos præcepit, tanquàm per suos nuncios, ac voluntatis interpretes, eamque ob causam se à Deo missos, legationemque suam probare, debuerunt signis illis diuinis, quibus sect. 2. ostendimus esse euidenter credibile, quod sola religio Christiana ab illis edocta sit diuinitus reuelata.

Insuper cum religio omnibus hominibus communis esse debeat, non alium quam totius generis humani cõditorem, ac Dominum legitimum habere potest autorem: nec in eam quidquam iuris habere possunt reges, aut

principes, quos eiusdem religionis debitores ipsa, quam cum suis subditis, & alijs nationibus communem habent, naturæ humanæ ratio constituit. Sicut igitur repugnat iuris gentium, quod omnes gentes comprehendit, multoque minus iuris ipsius naturalis authores esse principes, quia non potest quisquam esse legislator legis, & conditor iuris, cui ipse obnoxius est: ita quoque hominem vllum iuris diuini, seu religionis autorem esse omnino implicat. Adde quod si Principes quidquam in religionis forma, & essentia constituere possunt, alia esset vnus, & alia alterius regni religio; imo posteriori principe eadem autoritate, ac priori pollente, nõ solum singulæ nationes suas religiones diuersas haberent, sed etiam eas pro varijs principum placitis subinde mutare possent; quæ omnia quam sint absurda, & aliena à verè pietatis sensu, patet, sic enim solueretur vinculum illud religionis sanctissimum, quod omnes homines vincire, & arcè colligatos inter se tenere debet.

Totius denique religionis normam, & regulam esse non posse principum voluntatem, sed solius Dei egregiè colligitur ex incertitudine humani iudicij, vt docet S. Thomas 1. 2. q. 91. art. 4. precipuè de rebus contingentibus; inde enim fit de actibus humanis diuersorum esse diuersa iudicia: quocirca vt homo absque omni dubitatione sciret, quid in negotio religionis ei agendum esset, & quid vitandum, necessarium fuit, vt dirigeretur per legem diuinitus datam, de qua constat, quod non potest errare.

Rursus cum de ijs solum homo possit legem dare, de quibus potest iudicare: homo autem iudicare non possit de interioribus actibus, qui latent, sed solum de exterioribus, qui apparent; manifestè patet humanas principum leges esse prorsus insufficientes ad veram religionem; ad cuius perfectionem, & hominis requiritur, quod homo in vtrisque actibus probus, ac rectus existat, nec exterior rectitudo esse potest dura-

bilis, & diuturna constansque sine interna rectitudine, & etiam quia humane leges ad ea etiam externa non sufficiunt, quæ clam, & sine testibus fiunt. Quam igitur ex Tullio ipso lib. de leg. *stultissimum est existimare omnia iusta esse, quæ scita sint in populorum institutis, aut legibus*: quin imo, quam probrosa sunt flagitia, quam immania, quæ non solum apud nationes barbaras, sed etiam politas, ut Athenienses, & Romanos in ritibus sacris admitti esse scimus; tam ridiculum, & impium est, quod politicus nisi sit atheista, ausit dicere eas religiones unicuique sequendas esse, quas aut leges patriæ, aut principes, & rerum publicarum auctores imperant.

Tantum sufficiat de præsentī controuersia, solum in fine huius capituli monuerim illam valde differre ab alia, quæ solet fieri, an nimirum in aliquo regni vnus, aut ditionis loco permitti possint, ac tolerari Iudei, & heretici; qui enim Principes Catholici permittunt, seu tolerant Iudaismum, vel hæresim in sua ditione, id non faciunt, quia arbitrentur vnumquemque in sua saluari posse religione, ut asserunt Politici cum quibus hic egimus, sed quia interdum id non possunt impedire, vel ex tali permissione sperant maius bonum, aut euitare maius malum, quod aliter euitari non potest; quibus in casibus, aut etiam eorum aliquo communiter docent Theologi posse Catholicum principem permittere, seu tolerare hereticos in sua ditione, sicut etiam permittendi ritus, & exercitia Iudeorum duplicem causam assignant. Prima est, ut per ritus Iudaicos adumbretur, & confirmetur fides Christiana ex D. Augustino lib. 18. de ciuitate Dei cap. 46. & D. Thoma 2.2. quæst. 10. art. 11. Altera, ut Iudei, qui exercent suos ritus, & inreligunt à Christianis inter quos habitant, ritus illos fuisse tantum umbras, & figuras Christianæ religionis, facilius ad eam conuertantur, ut docet D. Thoma loco cit.

CAPVT V.

An aliquis saluari queat extra veram Religionem.

Resolutio huius controuersię in partem negatiuam satis quidem patet ex dictis. Cum enim in tantum aliquis extra veram religionem saluus fieri queat, in quantum ad salutem sufficere posset falsa religio probabiliter tamen existimata vera, ideoque licitum esset unicuique illam amplecti, & colere religionem, quam talem arbitraretur: iam semel probata huius pronuntiationi falsitate, manifestè sequitur neminem extra veram quam profiteatur religionem saluari posse. Nihilominus ut rem ex proprijs, & quoad omnes suas circumstantias definiamus, placuit sigillatim hanc questionem excitare pro cuius intelligentia.

Primo notandum est religionis verę expertem triplici modo reperiri posse, primo ita ut nullam certam sibi necessariam existimet, sed tantum aliqua in genere; secundo ita ut aliquam certam sequendam esse arbitretur, sed sibi satis esse si eam diligat, quam probabilem opinatur; tertio si ignorans quæ sit vera, falsam sequatur; quia autem datur duplex ignorantia vincibilis vna, inuincibilis altera, difficultas procedere potest de laborante tam vna, quam altera, circa veram religionem, utrum extra illam salutem æternam consequi possit.

Secundo recolenda sunt iam dicta tom. 3. lib. 3. sect. 3. cap. 7. & 8. ubi ostendimus veram religionem, siue Ecclesiã esse omnibus visibilem, posseque etiam indoctos illam agnoscere: nec solum possunt, verum insuper tenentur omnes homines docti pariter, ac indocti eiusdem veræ religionis conscij esse: cum enim ea sit eius proprietaria, ut sit, ac ab omnibus iudicetur res obligatoria, & vitę etiam ipsi pręhabenda, clarè patet hanc obligationem subsistere non posse, nisi ipsius veritas citra omnem opinionem

nem conficit. Hinc iam, cum indocti quoque religionem sub eadem obligationem colant, sit, indoctos etiam veritatis illius debere esse conscios, certoque. Est tamen differentia inter obligationem habendi reipsa veram religionem, & obligationem habendi illius veritatem satis notam; quod prima est necessaria ad salutem necessitate, ut dicunt, medij, id est, qua reipsa non habita saluari quis omnino nequeat; at alia scilicet agnoscendi, veritatem religionis non est in se necessaria necessitate medij, sed solum præcepti, & tantum in eo gradu est primo modo quasi mediata necessaria, sine quo vera religio prorsus haberi non possit: nam, aliquam cognitionem siue practicam, siue aliam, siue veritatis, siue credibilitatis, iuxta diuersam doctorum opinionem, in aliquo demum gradu requiri, nec sine illo, quidquid addit externa confessio, internam dari fateantur omnes. Ex quo fit, ut in vera religione, qualem nos supponimus solum esse Christianam Romano-Catholicam, saluari quis non possit, etsi externè talis sit, sine vlla prorsus cognitione veritatis, quia is corde non credit. Fit verò, eum saluari, si sufficientiam meram illius cognitionis assecutus sit, qua scilicet iam valeat verè credere, licet interea negligens fuerit, & hæretico etiam, ac pagano negligentior: si quid namque in eo deliquit, inter reliquas ignorantie culpas, vel penitentia, vel contritione veniam consequitur. At contra hæreticus, vel paganus, aut alius quicumque extra veram religionem, existens, quanquam in ea cognoscenda, & querenda diligentior, damnatur tamen: quia caret re præcisè requisita, & necessitate medij necessaria, verè quippè religione, & fide; sine qua statim ostendemus saluari prorsus neminem.

His prænotatis in hac controuersia pro parte affirmatiua citari possit Pelagius, quatenus Christiana religione docente neminem beatum esse posse,

nec Christi regni heredem, nisi qui eiusdem Christi gratia, & fidei, spei, & charitatis, virtutibus supernaturalibus præditus sit, dictus hæresiarca, ut vim rationum, & autoritatum id probantium, quibus premebatur, enervaret, præter beatitudinis supernaturalis, & damnationis statum excogitauit tertium aliquem alium medium, quem vitam æternam appellauit, in eoque collocauit infantes, qui sine baptismo Christi, atque adeo extra veram religionem, moriuntur. Et quamvis posteriores Pelagiani non auli sint vitam hanc æternam, & secundam felicitatem concedere infidelibus adultis, quantumvis bonis, & virtute ciuili seu Philosophica excellentibus; non desunt tamen doctores, qui Pelagium id primum sensisse arbitrentur. Verum quidquid sit de hoc, Politici, quos huc vsque impugnauimus, consequenter ad suam de religionis indifferentia sententiam, tenentur asserere, quemcumque extra veram religionem saluari posse. Id ipsi docere nonnulli quoque hæretici, inter quos Huldricus Zuinglius in expositione fidei Christi. tom. 2. art. 12. scripsit etiam Gentiles vt Herculem, Theseum, Numam Pompiliū salutem, æternam consecutos esse, ac in Cælis cum Christo degere. Quod paradoxum denuò defendere ausus est in Batavia Adolphus Venator minister Alcmarianus in sua declaratione, adducto in probationem suæ sententiæ præfata Zuinglij, nec non Erasmi Roterodami testimonio; item quidam Franciscus Pucius Filidinus in lib. de Christi saluat. efficacitate: Quod tamen alij acrius reprehendunt, fateaturque Casaubonus exercit. 1. n. 1. ad apparatusum Animalium Baronij p. 1. id repugnare Sanctis Patribus: *Verissimum est, inquit, quod initio Apparatus sui scribit Illustrissimus Cardinalis Casar Baronius, ex omnibus mortalibus, qui inde ab exordio mundi fuerunt, neminem æternam salutem esse consecutum, nisi à Christo, & per Christum: & ad hoc confirmandum addu-*

adducit testimonia S. Augustini p. 3. *Credendum sanè, inquit, etiam ante natum à B. Virgine Dominum, alios quoque salutis factos esse participes, paucos qui vel apparent in scripturis, vel in genere humano latent, ut ait B. Augustinus in epist. 99. ad Euodium Episcopum, sed illud quoque simul credendum, neminem vlla unquam etate ad spiritualem Ierusalem pertinuisse, nisi cui diuinitus reuelatus fuerit vnus Mediator Dei, & hominum, homo Iesus Christus, qui venturus in carne, sicut antiquis Sanctis prænuntiabatur, quemadmodum venisse nuntiatus est, ait idem Augst. de Ciuit. Dei lib. 8. cap. 47. & in epist. 28. ad Hieronymum verba illius sunt: Certus sum non esse animam vllam in genere humano, cui non sit necessarius ad liberationem Mediator Dei, & hominum homo Iesus Christus. Sed relicta hac inter se Nouatorum pugna pro resolutione controuersiae sit.*

Prima Conclusio. Nullus scienter veram non habens religionem saluari potest. Hanc conclusionem iam probauimus aduersus hereticos tum Sacrae Scripturae, tum Sanctorum Patrum auctoritate tom. 3. lib. 3. sect. 3. cap. 6. sed quia nunc agimus cum nonnullis, qui illam fortè non admittunt, superest vt in eiusdem veritatis confirmationem aliquas rationes adducamus, quas etiam ratio naturalis dicat.

Primo, si quis scienter veram non habens religionem saluari potest, maxime quia licet vnica sit vera, certoque etiam inuenibilis religio, illam vt par est querenti: sufficit tamen ad salutem falsa probabiliter existimata vera; sed falsa religio quantumuis probabiliter existimata vera non est ad salutem sufficiens: Igitur nullus scienter veram non habens religionem saluari potest. Maior huius argumenti est certa, continet enim vnicum rationabile fundamentum oppositae sententiae. Minor autem patet ex dictis supra cap. 3. & iterum illa probò ex principio ab ipsis philosophis lumine naturali noto, quod

virtus quatenus virtus est, ad beatitudinem via est; tantamque esse inter virtutem veram, & beatitudinem connexionem, vt qui illa praeditus non est, is ad istam illius habere non possit. Faterentur enim omnes Philosophi, hanc esse illius praemium, & consequenter, vt qui illa donari vult, virtutem colat, probusque sit, ac bonus; vnde sic arguo ad beatitudinem promerendam, siue supernaturalem, siue naturalem de cuius possibilitate modo non disputo, non sufficit fucata, non falsa, aut adulterina virtus, sed requiritur vera, seu quod idem est, vt quis in quocumque statu beatitudine dignus habeatur, necesse est, quod sit vir bonus, & probus, seu vera morum probitate praeditus, vt enim praemium, ac merces est vera, ita quoque meritum debet esse in vera virtute fundatum, praesertim si quae virtus est necessaria ad illam obtinendam necessitate medij: Igitur nec etiam sufficiet religio falsa, & adulterina quantumuis probabiliter existimata vera, vt quis cum illa, sine vera, aut extra veram religionem salutem consequatur aeternam, cum inter virtutes morales praecipua sit; simpliciterque necessaria necessitate medij ad salutem virtus religionis.

Secundò, nullus à Deo promereri potest beatitudinem, vel praemium colendo illum ritibus vanis, quique ei non placent, imò ab eo prohibiti sunt, sed qui falsam proficitur religionem, quantumuis probabiliter teneat illam esse veram, colit Deum ritibus vanis, quique consequenter ei non placent, imò displicent; & ab eo prohibiti sunt: Ergo nullus scienter veram non habens religionem saluari potest; sed illius potius neglectae reus erit, donec illam certò inuenerit, adhibita omni exquiriori diligentia.

Vnde probatur tertio nostra conclusio: Negligens quoquo modo veram religionem nedum saluari nequit, sed Deo potius iniustus, & damnatione aeterna dignus est; sed qui scienter ve-

ram non habet religionem, contentus falſa, & adulterina, quam ſolùm probabiliter ſibi perſuadet eſſe veram, veram negligit religionem, extra illam igitur ſaluari nullatenus poteſt. Maior huius argumenti videtur eſſe certifiſima: in primis enim ſi ſupremus Princeps grauiter offenditur, quando ſe à ſubdito neglectum exiſtimat; multo magis id aſſerendum eſt de Deo Rege Regum, ac Domino Dominantium, vbi à viliffima negligitur creatura; deinde ratio id perſuadet, quia talis eſt Deus, & hominiam certo de eius exiſtentia, & vnitatem tantoperè occurrit amandus & colendus, vt cum ſupremum bonum ſummèque diligendum ſit, ſtatim etiam non poſſit non occurrere eius animo ſummum in Deo ius eſſe religionis, grauiffimaque in homine obligatio Dei, vt par eſt cognoscendi, & colendi; illa ergo negligens, non poteſt non eſſe Deo exoſus, ſive reus apud eum violatæ religionis, & dignus eius offenſa, & vindicta. Vnde probanda eſt minor, in qua eſt tota difficultas, quod nimirum quis ſcienter veram non habens religionem, contentus falſa, & adulterina, quam ſolùm probabiliter putat eſſe veram, negligat veram religionem. Is enim rem aliquam dicitur negligere, qui minori in pretio habet, quam aliquid aliud, quod cum proſequitur, & in illud ſtudium, animumque confert, rem illam non quærit, nec ei amandæ, proſequendæque attendit, vnde ſit vt ea carcat: ſed qui ſcienter veram non habet religionem, cum tamen ſciat illam dari, eſſeque certò inuenibilem, contentus falſa, quam ſolùm probabiliter exiſtimat eſſe veram, nec ulterio-rem adhibet diligentiam in vera religione quærenda, ſuis præpeditus paſſionibus luxuriæ præſertim, ac ſuperbiæ, quæ à vera religione quærenda, illique colla ſubdendo magis animum auerunt, quod aduerſa potiſſimum ſit carni, captiuæque intellectum in obſequium fidei, is certe illam, aut nihili facere, aut certe minoris quam debet,

mereturque rei gravitas, dicendus eſt ergo & illam negligere; nec non imprudenter ſe gerere in negotio religionis, vt diximus ſupra cap. 3. In quo licet poſſit admitti probabilitas circa ſingularia, & contingentia, ſecus autem circa neceſſaria eius officia, & munera, ſed requiritur omnimoda certitudo: vnde vt homo prudenter in hoc ſe gerat, debet tam certus eſſe Deum cui debetur religio, quam ſe, qui eius debitor eſt, exiſtere. Deinde eam ad beatitudinem comparandam ſibi penitus eſſe neceſſariam. Præterea quid ſit religio vera, ſeu quis verè pius, & aduerſus Deum iuſtus, ac religioſus ſit, ſicut in diſciplina morali beatitudinis, ac virtutum notiones, & definitiones certiffimæ ſunt, cumque eadem ſit iuris diuini, ſeu quod Deus habet, vt ab hominibus agnoſcatur, ametur, & colatur, & veræ religionis ratio, iſtaque omnino ad ſalutem conſequendam ſit neceſſaria, pari certitudine res omnes illæ à quouis in negotio de religione prudenter ſe habente cognoscendæ ſunt, omneſque in hunc finem adhibendæ diligentia.

Secunda Concluſio. Nullus extra veram religionem ſaluus fieri poteſt, quantumuis inuincibilem de illa ignorantiam habeat. Iſtam quoque concluſionem probauimus tom. 3. lib. 3. ſect. 3. cap. 6. quæ tenent omnes Theologi, paucis exceptis, qui multorum populorum ignorantia ſuccurrere conantes, putant eos ſaltem per accideſ, & per ignorantiam inuincibilem veræ religionis, ſaluari poſſe in quacumque alia, ſi probè in ea ſe geſſerint, nihilque graue ſaltem contra rationem naturalem admiſerint. Imo vterius procedentes, ſi quis inter eos crimen admittat aliquod graue, aſſerunt, quod ſicut Deus, ita exigente infinita eius miſericordia, vult peccatores fideles conuerti, & ſaluos fieri, vt fatentur omnes Catholici, & Sacra toties Scriptura teſtatur; vnde ſicut innocentius Deus præſtat media ad ſeruandam innocentiam

tiam necessaria, ita peccatori nulli illa ad poenitentiam denegat; sic etiam rem se habere cum peccatoribus veram religionem inuincibiliter ignoratibus; quatenus aiunt illos diuino mediante auxilio posse Deum super omnia diligere: quo praestito omnia prorsus sunt in tuto; cum ex diligentibus Deum super omnia percat nemo; in hoc tamen miserandos esse, quod cum ea dilectio tam sit difficilis, ac ardua, rarum sit apud ipsos, ac perdifficile peccatoribus remedium; sed verò Catholicis ubique obuiam, & facile per Sacramentum poenitentiae. Indè autem distinctionem faciunt necessitatis fidei, vel in re, vel in voto, vt de alijs quocumque rebus distingui solet, & quaecumque de necessitate fidei ad salutem profertur, intelligenda dicunt de fide, vel in re, vel in voto; dilectionemque illam Dei super omnia à Gentili, vel Mahometano elicitam, esse fidem, atque adeo veram religionem in voto. Vel etiam de habitu fidei explicant, quem dilectio Dei super omnia secum necessarium affert.

~ Nostra tamen conclusio est omnino tenenda, scilicet extra veram religionem, seu extra veram fidem, quae sola veram religionem fundat, saluari prorsus neminem posse; quam adeo certam existimant Theologi, vt contraria sententia sit erronea, imò haeretica; vbi per veram religionem, seu fidem intelligi, debet Christiana, quae vnusquisque credit vel implicitè, vel explicitè in Iesum Christum filium Dei; qua aliquid Deo dicenti credimus, & super omnia credimus; supra rationem naturalem, supra eius dictamen, supra Philosophiam, & cuncta similia; quae olim populus Dei tam in lege naturae, quam in lege Mosaica fidelis erat, nunc autem populus Christianus fidelis est, quae fides vna, sicut baptismus dicitur, & intra Romano Catholicam Ecclesiam duntaxat reperitur: Ideoque excluduntur omnes actus naturales, nec non qui ab aliquibus ponuntur supernatu-

rales non ab obiecto, sed à solo principio: non enim solum principium, vel causa actum facit fidei, vel non fidei; nec scientia fides est, nec fides humana in diuinam transit, ac vice versa, quicquid principia cuncta commutentur.

Conclusio sic explicata de fide diuina, cuius essentia sit Deo credere, imò quae aliqua etiam obiecta supernaturalia, maxime verò Christum Deo reuelanti credat; probatur primo, quia licet ignorantia inuincibilis de vera, religione, aut fide utpotè inuoluntaria possit exculare aliquos à peccato infidelitatis, vt scilicet nō dicatur infideles positui, aeternaque idcirco damnatione digni, sed negatiui tantum; non facit tamen illos verè, ac formaliter religiosos, seu fideles; imò semper manent, dicique possunt irreligiosi, & infideles materialiter: sed vt quis saluus fiat debet esse verè, ac formaliter religiosus, seu fidelis, cum vera religio seu vera fides, quae sola veram religionem fundat, necessaria sit necessitate medij: Igitur nullus extra veram religionem, aut fidem saluari potest, quantumvis inuincibilem de illa ignorantiam habeat.

Si quis dicat ad minorem ex doctrina superioris allata veram religionem esse necessariam ad salutem vel in re, vel in voto, non autem semper in re, vt dicitur de baptismo fluminis. Respondetur primo iam haberi ex hac solutione neminem absolute extra veram religionem saluari posse, quam, vt quis saluetur saltem debet habere in voto, licet non habeat in re; quare difficultas solum erit, utrum hæc in praesenti casu distinctio locum habere possit, ad quod responderetur secundo negatiue ex disparitate inter illum, & baptismum. In tantum enim baptismus in voto sufficit non potest illum habere in re, in quantum iam habita fide illius, inde aut elicit actum amoris Dei supernaturaliter cogniti, & dilecti, aut necò in confessionem illius per martyrium.

rium sanguinem vsque ad mortem profundit; atque adeo, licet solus baptismus fluminis sit Sacramentum, & ubi recipi potest simpliciter in re necessarium, nec sufficit votum illius, illud tamen satis est, ubi in re suscipi non potest, sufficenterq; habetur per baptismum fluminis & sanguinis, quæ propterea dicuntur metaphorice baptismana, quia in necessitate suppleant defectum Sacramenti baptismi; eo quod ad positionem illorum Deus confert gratiam nõ baptizatis; baptismus enim fluminis definitur esse non baptizati cõtriti desiderium Sacramenti baptismi, conceptum ex inspiratione fluminis Sacri, siue Spiritus Sancti; baptismus autem sanguinis, quod sit martirium non baptizati, siue martirium, præcedens baptismi Sacramentum.

At in eo qui falsam colit religionem, veram inuincibiliter ignorans, illaque proinde carens, nihil prorsus reperitur, ratione cuius possit dici illam habere in voto, & consequenter per illam saluari, si enim quid daretur deberet esse vera fides, vel dilectio Dei authoris supernaturalis, vel vt authoris præcisè naturæ, sed vt supponitur vera fides in eo non est, si enim illa prædictus esset, iam etiam veram religionem haberet, quæ per fidem constituitur; dari etiam in eo non potest dilectio Dei authoris supernaturalis, talis siquidem dilectio sine vera fide haberi non potest; si autem in eo admittatur solum dilectio Dei, vt authoris naturæ, non sufficit vt per eam dicatur habere veram religionem, veramque fidem in voto, aut implicite, cum sint quid supernaturale, aut superius, quod nec in voto, nec implicite contineri potest in inferiori; nec etiam talis dilectio sufficit ad mercedem beatitudinem supernaturalem, siquidem principium, & finis, meritum, & præmium, in eodem ordine esse debent, ita vt verumque sit aut naturalis, aut supernaturalis ordinis; Nullus igitur extra veram religionem in re habitam saluari potest, quã-

Biblioth. Theol. Tom. V.

tumus circa illam laboret ignorantia, inuincibili, sed oportet eum saltem credere, quia Deus est, & quia remunerator est, si quidem omnes quotquot sunt fidei articuli, & veritates in illis primis credibilibus; virtualiter, & implicite continentur, in esse quidẽ diuino omnia, quæ credimus in Deo eternaliter existere; in quibus vltima nostra beatitudo consistit; in fide autem diuinæ providentiæ omnia quæ temporaliter à Deo dispensantur ad hominum salutem, quæque sunt mediã ad æternæ beatitudinis consecutionem necessaria; vt explicuimus tom. 1. lib. 2. sect. 3. cap. 2.

Negari tamen non potest, quin si quis veram religionem in specie inuincibiliter ignorans faceret tamen, quod in se est ex viribus naturæ cum auxilio diuinæ gratiæ nemini à Deo denegatæ, indẽque Deũ qui inuincibiliter ignorari non potest, eumque esse colendũ, quantum, aut quomodo cognosceret, super omnia amaret, & coleret, negari, inquam, non potest, quin optima esset dispositio ad vltiorem veræ fidei, ac religionis cognitionem tandem habendam, nulli enim vnquam veritatis cognitio negata, qui dignus fuit; & cui ea defuit, dignus non fuit. Vndẽ etiam non sequitur, eos homines, vel Indos, vel Persas, vel quoscumque alios, ad quos nulla vnquam veræ religionis, & Euangelij notitia peruenit, etiam si probẽ se gerant, nihilque graue saltem contra rationem naturalem admittant, sine vera religione ob suam ignorantiam saluari posse; sed tantum eos, si ritẽ se gerant, ad veritatis cognitionem adducendos, vt explicabitur capite sequenti in solutionibus obiectionum, nec non in fine præsentis.

Quia autem nostra secunda conclusio processit ex suppositione inuincibilis ignorantie circa veram religionem, nullum videlicet extra illam saluari posse, etiam si inuinciliter, ac sine culpa illam ignoret, nunc breuiter, & quantum patitur instituti nostri ratio,

Y y

exa-

examinanda est præfatæ suppositionis veritas ad multarum difficultatum solutionem haud inutilis.

Pro cuius intelligentia primò notandum est, dum inquiritur an aliquis inuincibiliter, & sine culpa veram religionem ignoret? quæsitum non procedere de culpa, seu peccato originali, ex quo ut cætera omnia mala, ita quoque emanabit vulnus ignorantie altissimû; & propter quod Deus potuit nos omnes uti regno, ita etiam verâ religionem privare; sed de culpa personali, & actuali, an scilicet aliquis citra omnem suam actualem culpam, verâ religionis notitia debeat uti? suppositione facta iuxta tutiorem, & communiorum Theologorum doctrinam, quod Deus nemini adultorum propter solum peccatum originale sufficientiam ad salutem denegarit; venit enim Dei filius, ut ab illo maxime nos omnes redimeret; igitur sufficientiam saltem illam, & meruit, & obtinuit, cum exauditus legatur.

Secundò observandum est dubiû non esse, quin aliqua interdum detur ignorantia inuincibilis, quinque excuset à peccato; quare difficultas est verû illa detur in hac determinata materia veræ religionis, aut fidei, ita ut infidelibus non apostatis, siue qui veram fidem nunquam susceperunt, carentia illius à peccato infidelitatis possit excusari. Licet enim infidelitas ex suo genere peccatum sit, nihilominus in re ipsa videtur aliquando posse à peccato excusari, si voluntas desit, quia ut sit peccatum, voluntaria esse debet.

Cum autem tria sint, quæ in adultis, de quibus est quæstio, non autem de paruulis, nec de adultis perpetuo amentibus, quæ voluntarium impediunt, scilicet, metus, concupiscentia, & ignorantia; de duobus primis nulla est in præfenti controuersia, quia illa duo si usum rationis non impediunt, nō causant involuntarium simpliciter; sed tantum secundum quid, & ideo non possunt excusare infidelitatem, si

cætera necessaria ad credendum adsint; nam voluntas credendi Deo reuelanti, ac docenti, omni humano amori, & timori præponenda est; tota igitur difficultas est circa ignorantiam. Et ratio inius est, quia ignorantia, ut cuncti admittunt, omnino tollere potest voluntatem, si ipsa quoque sit inuoluntaria; vnde cum in pluribus adultis sæpe contingat, ut neque auditus, neque cogitatio fidei ad eos perueniat; videtur affirmandum carentiam fidei nullo modo cadere in voluntatem eorum, ac prondè à culpa excusari.

Tertiò recolendum est, quod superiori sectione iam notauimus, communiterque docent Theologi, duas nimirum esse partes materie fidei, & religionis illam proficentis, vnâ supernaturalem omnino, quæ nisi per reuelationem cognosci non potest, ut mysteria Trinitatis, Incarnationis, cæteraque similia; alia autem dicitur naturalis, quia per rationem naturalem cognosci potest, ut Deum esse, unum esse, cultu dignum esse, & amore. Inter quas est discrimen in hoc, quod circa priorem materiam solum cadit obligatio præcepti supernaturalis, quia lumen naturale illam attingere non potest, circa posteriorem autem cadit duplex obligatio, una præcepti supernaturalis fidei, quatenus etiam illa pars à Deo reuelata est; altera autem præcepti naturalis, quo obligatur homo ad illas veritates cognoscendas etiam in pura natura. Vnde sit circa hanc secundam materiam, posse quidem, si primo spectetur modo, seu ut substat præcepto supernaturalis fidei, dari ignorantiam inuincibilem à culpa excusantem, qui illa laborat; secus autem si secundo modo consideretur. Quocirca hæ duæ ignorantie necessariae inter se non habent connexionem, possuntque multi habere auxilium immediate sufficiens ad satisfaciendum secundæ obligationi; ratione cuius infidelitas in illis excusari non potest à culpa ob ignorantiam, secus autem

respectu primæ; defectu præsertim sufficientis notitiæ, vel propositionis revelationis diuinæ simpliciter necessaria; vt talis obligatio, vel præceptum adimpleri possit, eiusque non adimpletio tribuatur culpæ, indeque aliquis positus infidelis dicatur; vt magis explicabitur inter soluendum argumenta.

Quarto supponendū est tres esse infidelium ordines, primus est illorum, quibus diuina fides, in eaque fundata religio sufficienter annuntiata, & proposita est; & tamen credere noluerunt, de quibus nulla est questio, eos enim nullam habere excusationem fatentur omnes; secundus eorum, qui in alio extremo nihil prorsus de fide audierunt, nec sufficienter, nec insufficienter; nec per prædicationem, neque per morem, aut famam; Etsi enim de hoc facto videatur olim fuisse aliqua controversia inter veteres Patres, quibusdam vt Chrysostomo, Theophilacto, Eutyrio; & alijs affirmantibus tempore Pauli annuntiatum fuisse Euangelium in vniuerso orbe; quibusdam autem vt Augustino, Anselmo, multisque alijs negantibus: vltro nihilominus admisso primam sententiam esse veram, quo ad omnes prouincias, & regna orbis; non debet, nec potest intelligi quo ad singulas personas vt rectè aduertit Diuus Thomas lect. 4. cap. 10. epist. ad Romanos, quia sine dubio etiam in illis regnis, vbi prædicatur fides, reperiri possunt multæ personæ singulares, quæ nihil de fide audierunt, quod sufficit nobis. In tertio denique, & medio ordine possunt esse infideles, qui de vera fide, qualis apud nos est sola Christiana Romano-Catholica, aliquid audierunt vel per famam, & rûmorem, vel per aliqualem prædicationem non tamen sufficientem; vt inter Turcas, & Indos, quando in eis capit prædicari fides, facillè inueniri poterunt.

His prænotatis, circa præsentem controversiam plura sunt Theologorum

Bibliæ Theol. Tom. V.

placita; aliqui enim negant absolutè in adultis infidelitatem negatiuam, siue quod idem est dari ignorantiam inuincibilem eos excusantem à propria culpa infidelitatis contra præceptum fidei, tam vt cadit in materiam supernaturalem, quam naturalem eiusdem; quod etiam à fortiori tenentur asserere de eadem materia naturali, vt cadit sub præceptum legis naturæ; authores huius sententiæ sequaces non cito, qui facillè consuli possunt apud commentatores D. Tho. t. 1. 2. q. 70. quæ 2. 2. q. 10. Alij per oppositum vbique vltro, citroque ignoratias inuincibiles admittunt, ab omnibus excusant, cunctos absoluant, saluantque Dei etiā, quod plus est, inculpatam ignorantiam nonnulli concedunt; à fortiori vero de vera religione idem dicunt, quæ Dei notitiam necessariò supponit. Quo autem id persuadeant, vix aliud habent, quam extremam multorum inæptitudinem, ad huiusmodi veritates, etiam naturaliter cognoscibiles. Nos quid in hac re certius, aut saltem probabilius teneri potest sequentibus explicabimus conclusionibus vnde fit in ordine.

Tertia conclusio; in illis infidelibus, qui nullum omnino audierunt sensibilem fidei, aut veræ religionis in ea fundatæ habuerunt, datur ignorantia inuincibilis excusans illos à peccato infidelitatis; vt est contra præceptum fidei, in materia supernaturali, regulariter, & ordinariè loquendo, seu quantum ex lege communi nobis constare potest. Hæc conclusio magis communis inter Theologos solet probari primò auctoritate Christi Domini Ioannis 15. dicentis; *Si non venissem, & locus fuisset, peccatum non haberent*: huiusmodi enim verba Diuus Augustinus ibi tractatu 89. & doctores communiter post illum de peccato infidelitatis interpretantur, nullumque alium sensum posse admittere videntur. Christus siquidè Dominus dicere non potuit Iudeos nullum prorsus habituros fuisse peccatum si non venisset, & ipse eis non

Y y 2 præ-

prædicasset, veramque fidei doctrinam tradidisset, locutus est ergo de aliquo speciali peccato, quod non potest esse aliud nisi infidelitatis. Quamobrem, idem Augustinus ibid. nec non epist. 115. ad Sixtum statuit illam regulam esse generalem omnibus hominibus, quibus Christus non prædicauit vel per se, vel per Ecclesiam, quod illi excusationem habent de peccato infidelitatis, saltem ut est contra præceptum fidei in materia supernaturali.

Idem secundò probatur ex verbis Apostoli Roman. 10. *Quomodo ergo inuocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante?* quibus certè significat ordinariū modum prædicandi fidem esse per auditū, & per externam doctrinam; ideoque dari ignorantiam inuincibilem, seu à peccato infidelitatis excusantem eos, qui nullam fidei veræque religionis doctrinam sibi prædicatam audierunt.

Tertio probatur ratione fundata in communibus principiis de ignorantia inuincibili, seu inculpabili per se, evidentibus; quorum primum est, non posse esse ignorantiam culpabilem, nisi præcedat aliqua cogitatio vel saltem dubitatio obligationis sciendi, quia præceptum non ligat hominem, nisi mediante cognitione; quæ esse non potest, quamdiu cogitatio obligationis in mentem hominis non ascendit. Alterum est, non posse peccari omit- tendo aliquid, quod in re ipsa condu- ceret, seu esset medium ad consequen- dam cognitionem, quando ratio vel utilitas talis medij prosumus ignoratur; cum enim tunc non possit homo ordi- nare tale medium in talem finem; clarè patet omissionem talis medij, ut mediū est, non posse illi esse voluntariam, & proinde neque ignorantiam fieri cul- pabilem ob talem omissionem: sed illi infideles, qui nullum omnino auditum sensibilem fidei, aut veræ religionis in ea fundatæ habuerunt; nullam co- gitationem habuerunt vnquam de o-

bligatione credendi supernaturalia eius mysteria, multoque minus cogitare po- tuerunt de obligatione adhibendi me- dia ad consequendam talem fidem; Ergo illi illis datur ignorantia inuinci- bilis excusans illos à peccato infideli- tatis, saltem ut est contra præceptum fidei in materia supernaturali; vel quod idem est, non possunt peccare, non querendo talem fidem, vel facien- do, aut omitendo aliquid, quamuis il- lud fortasse in re ipsa illis esset impedi- mentum ad talem fidem obtinendam. Maior huius argumenti videtur omni- no certa; minor etiam constat ex facto, quod supposuimus, scilicet inueniri posse plures personas singulares, quæ nihil de fide audierunt; nam cum isti tales non possint cogitare de hac fide, & eius mysterijs, nisi supposita aliqua apprehensione illorum, quæ apprehen- sio per sensus ingredi debet, secluso miraculo, quod sine fundamento as- firmari non debet; multò minus cogi- tare, vel dubitare possunt de obliga- tione illa credendi.

Huic rationi nihil aliud habent, quod opponant aduersarij, nisi aut su- positionem in ea factam non esse verā, dari nimirum aliquos, quibus Euange- lium non fuit prædicatum, contrarium, docente Diuo Paulo Rom. 10. ubi cum dixisset: *Quomodo ergo inuocabunt in quem non crediderunt?* statimque excu- sationem adduxisset; *Quomodo credent ei, quem non audierunt? Quomodo autem audient sine prædicante?* illam reij- cere videtur dicens: *Et quidem in om- nem terram exiit sonus eorum, & in fines orbis terra verba eorum.* Vel quod iuxta receptum axioma; facienti quod in se est; Deus non denegat gratiam; vnde sic arguunt; vel homo infidelis, siue non baptizatus perueniens ad vsu- rationis facit, quod in se est, vel non facit, si facit, illuminabitur iuxta illud Ioann. 1. *Erat lux vera, quæ illuminat omnem hominem,* &c. vtique in se non po- nat impedimentum, igitur vel non manebit infidelis, vel non sine culpa

infidelitatis, si non faciat quod in se est, ponatque consequenter obiectionem diuinæ illuminationi; qui enim tenetur, & potest facere, nec tamen facit, excusari non potest.

Verum ad primam obiectionem respondetur præfata Diui Pauli verba duplicem habere posse sensum; aliqui enim credunt debere necessariò intelligi de cælis, prout intelliguntur in psalmo 18, ex quo illa desumpsit Apostolus, in cuius principio habetur, *Celi enarrant gloriam Dei*, &c. iuxta quam interpretationem sententia Diui Pauli reducitur ad dictum axioma, facienti quod in se est, &c. asserit enim Paulus infideles etiam Gentiles excusari non posse, eo quod veram non habuerint fidem, quia nequæ cælis, sed cunctis etiam creaturis enarrantibus, ac prædicantibus gloriam Dei, ut habetur Sap. 6, receperunt in illis à Deo media sufficientia ad illi naturaliter cognoscendum, & inde cum auxilio diuinæ gratiæ nulli adulto quantum sufficit denegatæ super omnia diligendum, & colendum, quibus sanè subsidijs si bene vti fuissent, Deus illis maiora dedisset, ut mox dicitur ad secundam obiectionem; quocirca Diuus Paulus non asserit, vel non concludit, nullum hominem posse ab infidelitatis peccato excusari, ob ignorantiam inuincibilem, sed solum infert hoc non debere Deo imputari, aut defectui supremæ eius prouidentiaæ circa hominum salutem, sed defectibus, & peccatis eorum, quod potest optimè fieri, etiamsi talis imputatio speciale peccatum infidelitatis non inducat.

Alter præfatorum verborum sensus, isque inter doctores magis communis, est quod intelligi debeant de prædicatione Epangelij per Apostolos facta; solumque est controuersia an ab illis annuntiaturum fuerit in vniuerso orbe, & in omnibus prouincijs eius; verum quid sit de illa, gratiæque admissa parte eius affirmatiua, si quidem hodie experimento cognitum est multas

fuisse, & nunc esse prouincias, & regna orbis, ad quæ nec prædicatione, nec fama Euangelij pervenerat, nihil sequitur contra nostram conclusionem, affirmari enim non potest illud fuisse, singulis hominibus, & personis sufficienter propositum, ut rectè notauit Diuus Thomas loco superius citato: quod non solum est verum de tempore Apostolorum, sed etiam de toto posteriori tempore usque ad præsens, ut experimento etiam constat, & hoc satis nobis est, ut in multis hominibus potuerit, & possit esse infidelitas negatiua, seu inculpabilis, non obstante vniuersali prædicatione Apostolorum, & successorum eorum.

Ad secundam obiectionem respondetur adductum in ea axioma multiplex quoque habere intelligentiam ut explicatur in tractatu de gratia, sed nulla illarum necessariò infert Deum de facto omnibus hominibus contulisse, & conferre auxilia immediatè necessaria, & sufficientia ad fidem diuinam, quibus non correspondentes dicantur consequenter inexcusabiles à peccato infidelitatis; verum ut saluetur, quod Deus ex se nulli homini adulto negat auxilium sufficiens ad credendum, cum omnium velit salutem, tantum sequitur cum dicta offerre auxilia sub aliqua conditione pendente ab homine, cum alio tamen diuino auxilio preuiuo, quæ non potest esse alia, nisi ut quod in se est, faciat, saltem ut obiectionem diuinæ illuminationi non ponat, nihil graue saltem, contra rationem naturalem operando. Quare ad argumentum in forma respondetur negando illuminationem, quod licet ille homo infidelis non faciat, quod in se est, nihilominus in hoc non peccat contra præceptum fidei, sed tantum contra aliquod naturale præceptum non adorandi, & colendi Deum, ut par est. Et ratio est superius adducta, quia ille tunc habet ignorantiam inuincibilem præcepti fidei, defectu sufficientis prædicationis, vel propositionis illius, & a fortio.

fortiori etiam ignorat illud peccatum, quod committit, non faciendo quod in se est, esse impedimentum diuinæ illuminationis; talis igitur actus nullam inde specialem malitiam infidelitatis assumere potest; sicut enim qui facit aliquid, ex quo graue nocumentum, vel proprium, vel alienum consequitur, si nullo modo illud præuidet, non dicitur perpetrare ex illo capite specialem malitiam ob defectum voluntarii; ita in nostro casu licet infidelis peccando, vel non faciendo quod in se est incurrit nocumentum carentiæ fidei, vel potius auxilij ad illam immediatè necessarij, quia tamen non præuidet, nec præuidere potest talis nocuenti consecutionem, ab speciali malitia infidelitatis excusatur.

Si quis inestet hanc distinctionem, auxilij mediati, & immediati ad credendum gratis à nobis, & sine fundamento adduci; Respondetur illam certissimum habere fundamentum in scripturis, colligique ab effectu euidentissimè; nam de facto plures sunt, & fuerunt homines, quibus vera fides sufficienter posita non fuit, quia nullum prorsus auditum eius sensibilem quo ad mysteria saltem supernaturalia vnquā habuerunt; ex cuius defectu ipsemet Christus Dominus clarè docuit Ioanni 15. illos esse excusabiles à peccato infidelitatis, dum ait de Iudæis, *quod si non venisset, & locutus fuisset peccatum non haberent*, utique infidelitatis ut explicauimus supra; Et ex alio capite omnes homines adulti, qui non saluantur, ad quod requiritur fides, dicuntur inexcusabiles; Manifestè ergo sequitur, necessarioque fatendum est, omnes quidè habere auxilium mediatum ut credant, siue quo bene videntes; & facientes quod in se est vltèrius vera fidei luce illuminarentur, secus autem immediatum; ac proinde dari aliquos infideles negativos, siue carentiam fidei in aliquibus à peccato infidelitatis excusari.

Quarta conclusio, veritates fidei alias naturaliter cognoscibiles, si consider-

tur secundum quod substantiæ diuinæ reuelationi, seu cadit in illas præceptum fidei, possunt quoque inuincibiliter ignorari ab illis infidelibus, ad quos nullam vnquam diuinæ reuelationis noticiam peruenit, proindeque sunt excusabiles à propria culpa infidelitatis contra præceptum fidei, ut cadit in dictas veritates, seu materiam naturalem. Hæc conclusio sequitur euidenter ex precedenti. Quoniam reuelatio diuinæ fidei, non sit nisi modo supernaturali, ac proinde per prædicationem; & propositionem rei credendæ sub autoritate diuinā; ergo illi infideles ad quos non peruenit hæc reuelatio, non minus habent ignorantiam inuincibilem illius ut est de veritatibus naturalibus, quam ut est de supernaturalibus, nec non consequenter præcepti supernaturalis fidei ut cadit in materiam naturalem; quia illud ipsum præceptum cum sit quoddam, supernaturale obiectum non cognoscitur nisi per reuelationem etiam supernaturalem sufficienter propositam; Ergo etiam tam sunt excusabiles à culpa propriæ infidelitatis circa materiam naturalem, quam supernaturalem; siquidem peccati non potest contra obligationem supernaturalem, quādiu supernaturale præceptum, à quo illa obligatio nascitur, inuincibiliter nescitur. Deinde ut hi infideles errarent circa dictam materiam, vel committerent peccatum infidelitatis, deberent recedere à testimonio primæ veritatis reuelantis; sicut enim assensus fidei etiam ut cadit in materiam naturalem inniti debet testimonio primæ veritatis, ita quoque infidelitas positua circa eandem materiam committi non potest nisi per dissensum ab eadem primæ veritate reuelante; sed infideles, de quibus loquimur, eo ipso quod illis non est propositum testimonium primæ veritatis circa talem materiam, non errant circa illam recedendo à dicto testimonio, ergo nec peccant propria infidelitatis culpa.

Quinta conclusio. Illi infideles, qui
all-

aliquid de fide, & religione vera audierunt sine sufficienti tamen propositione, & in sua infidelitate perseverarunt, interdum excusari possunt à culpa infidelitatis, aliquando verò, & sæpius non possunt. Ista conclusio est communis inter Theologos, quam fusè tractat Vigor in relectione de Indis. Probatur breviter quo ad primam partem; quia diuina præcepta sunt rationabilia, prudentique obligant modo; ac credere sine sufficienti rerum credendarum propositione non est opus prudentiæ dicente Scriptura Eccles. 19. *Qui cito credit lentus est corde*. Illi igitur infideles, qui aliquid de vera fide, & religione, qualis est sola Christiana Romano Catholica, audierunt sine sufficienti tamen illius propositione, ut supponitur, non peccant non credendo, seu excusari possunt à culpa infidelitatis. Probatur altera pars, quia licet infideles, qui audierunt, vel audiunt in dies res fidei nostræ cum sufficienti tamen illarum propositione non teneantur statim credere, possunt nihilominus inde obligari ad diligentiam adhibendam circa illius doctrinam, ut sufficientem illius notitiam, seu propositionem habeant, examinentque, an digna sit fide nec ne: Aliquando igitur imò sæpius in tali casu non poterunt excusari à culpa infidelitatis, qui illam non amplectuntur. Probatur consequentia, nam illa propositio insufficientis ad credendum potest esse sufficiens ad dubitandum, tam de antiqua secta, quam tales infideles profitentur, an falsa sit, quam de doctrina fidei proposita, an vera, & necessaria sit ad salutem; ergo etiam est sufficiens illa propositio, seu auditio fidei, ut ex illa oriatur obligatio inquirendi, vel addiscendi veritatem, ex dictis sectione superiori, utque consequenter, si huiusmodi infideles debitam negligent adhibere diligentiam in re tanti momenti, iam eorum infidelitas non sit amplius negatiua solum, sed culpabilis, ut pote iam voluntaria per culpabilem negligentiam. Ac vero si

tali diligentia adhibita, & quod in se est prædicto, nihilominus sufficientem fidei propositionem habere non possint in sua infidelitate negatiua permanebunt; ut dictum, & explicatum fuit conclusione tertia.

Ut autem inter actiones internas, quibus diligentia fieri potest ad veram fidem consequendam primum habet locum oratio, tum ex dictis superiori capite, tum quia illa est medium per se ordinatum ad obtinenda à Deo auxilia, quæ & ad credendum, & ad vitandos errores illi contrarios obicemque ponentes necessaria sunt; ita etiam eadem diligentia adhiberi debet per actiones exteriores, quales sunt querere, primum, & eruditum Doctorem, nec non audire, expendere, & examinare diligenter quæ dicuntur, & similes, quas etiam Durandus in 3. distinct. 25. Conradus de contract. quest. 100. & alij iudicant esse tantum necessarias, melius tamen sentiunt alij Doctores utrumque genus actionum requiri ad dictam sufficientem diligentiam pro vera fide adipiscenda. Sique obiciat aliquis veram orationem supponere fidem, atque adeo non requiri ad obtinendam eius cognitionem; Respondetur, etsi perfecta quidem oratio sine fide haberi non possit, cum inspiratione tamen eius, & aliqua diuina motione, quæ aliquando antecedit fidem, nihil ob stare, quin possit etiam esse aliqualis petitio, & invocatio Dei; ad quam teneri potest ille, qui iam habuit aliqualem fidei notitiam, licet nondum sufficienter propositam; & ob eandem causam obligabitur talis persona, ut quod in se est faciat, ne ponat impedimentum diuinæ gratiæ, saltem non multiplicando peccata; nam de præteritis iustificari non potest; antequam fidem habeat, & propterea repugnat, quod perfecta penitentia, seu dispositio ad iustificationem sit preparatio necessaria ad illuminationem fidei obtinendam; sed satis erit habere intentionem, & desiderium salutis, quod tunc etiam ex præfata inspira-

inspiratione diuina concipere valer.

Sexta conclusio, nullus adultus rationis compos potest habere toto vitæ suæ tempore ignorantiam inuincibilem veræ religionis in genere, siue quod datur supremum aliquod numen, cui etiâ supremus ab hominibus debeatur honor, & cultus. Ista conclusio patet ex huc vsque dictis tam in tribus superioribus sectionibus, quam in præsentis capite, videturque esse certissima cum aliquibus limitationibus; quia licet possit quis vsum rationis habens forsan id inuincibiliter ignorare pro aliquo vitæ tempore, nec non etiam plures alias veritates ad religionem pertinentes, quæ tamen hanc de vno vero Deo religiosè colendo: Et ratio est, quia iuxta nos simul, atque alios qui oppositum sentiunt, omnibus adultis salutis obtinendæ potestas conceditur, atque adeo veræ religionis habendæ, sine qua nullus saluari potest; Ergo vt nemo non culpa sua salute caret, ita nullus quoque non culpa sua caret vera religione; sed vt diximus supra, non omnes adulti sua culpa carentes vera religione, & fide in specie ea carent, ex hoc quod omnes prorsus habeant auxilium sufficiens ad credendum, nullusque proinde circa illam laboret ignorantia inuincibilis; igitur saltem dicendum est aliquos ea careere, quia non faciunt quod in se est ex viribus naturæ, cum auxilio tamen diuino, vel ordinis naturalis, vt volunt aliqui, vel supernaturalis, vt probabilius asserunt alij, religiosè colendo vnum verum Deum, secundum quod dicitur lumen rectæ rationis naturalis, vt insuper vltra eam illustrentur; eosque proinde habere non posse toto vitæ suæ tempore ignorantiam inuincibilem religionis in genere, per quam reddantur excusabiles ab eius erga Deum obligatione, quodque inde vterius non illuminentur veræ fidei luce, suamque cum illa salutem non operentur. Professio dum dicitur Deum velle omnes homines saluos fieri, simulque consequenter

eosdem in agnitionem veritatis, seu veræ fidei venire; Deus huic suæ voluntati non defuit, nec deest; nos ergo homines desumus, atque adeo qui ignorat veritatem, ille deest saltem modo explicato, non autem Deus.

Quod in contrarium obijciunt aduersarij de multorum ineptitudine, vt probent infidelitatem talium posse à culpa excusari ignorantia etiam contra legem naturæ non colendi vnum, verum Deum per aliquam religionem, nullius est momenti, ruitque ex se, si hominibus in hac vita curæ, & studia diligenter considerentur, quodque nullus quantumvis ineptissimus reperiatur, qui pallij, & domus, & fundi quem possidet, causas, & iura non norit; quique si illi pallium suum non esse, opposueris, non sciat rationem reddere, & si lis moueatur, aduocatos quærere, & iura sua eorumque defensionem percipere, & sic de alijs. Inde enim clarè apparebit ad diuina etiam valere humanum genus si vellet, quod autem nolit, non ineptitudini, non necessitati, non insufficiëntiæ tribuendum esse, sed voluntati, sed negligentiae, extremæque oscitantiae, quæ plures suis passionibus obæcari, & non facientes quod in se est cum diuino, quo suo loco, & tempore præuenti sunt auxilio, culpabiliter ad veram non perueniunt fidem, ac religionem cognoscendam; Quocirca licet admitti possit, pro aliquo vitæ tempore legem naturæ quo ad hoc præceptum religiosè colendi aliquod supremum numen, non sufficiënter singulis hominibus promulgari, id tamen ex dictis videtur impossibile loquendo de toto vitæ eorum tempore: quodque consequenter aliqui de tali præcepto ignorantiam habeant inuincibilem à transgressione illius eos excusantem. Certè ex omni ætate, ex omni gente, & hominibus conditione huic præcepto aliquos satisfecisse, veramque inde religionem vltiori gratia adiuuante inuenisse, demonstrat cæteros quoque inuenire potuisse, & posse, si velint, si quod in ipsis est efficiant.

CAPVT VI.

*Soluuntur obiectiones contra doctrinam
superioribus capitulis traditam
pro unitate, & neceſſitate
veræ Religionis.*

PRima, & principalis obiectio, quæ
ſolet fieri pro indifferentia reli-
gionis, quodq; conſequenter extra ve-
ram, quæ vnica eſt, vnusquiſque in ſua
ſaluari poteſt, dummodo conformiter
ad rectam rationem naturalem viuat,
deſumitur ex paucitate eorum, qui alias
ſaluarentur, ſi ad hoc neceſſario requi-
ratur profeſſio veræ religionis, qualem
nos aſſerimus nunc eſſe Chriſtianam,
Romano Catholicam, ſi enim cultorū
eius numerus, cum ingenti infidelium,
ſeu eorum hominum qui extra illam
viunt multitudine conferatur, propè
nullus ob ſuam paucitatem apparebit;
hoc autem videtur repugnare cum pro-
uidentia Dei, & miſericordiæ eius vi-
ſceribus, qua vult omnes homines ſa-
uos fieri: Non igitur alligauit eorum
ſalutem vni ſoli religioni, ſed potius
dicendum eſt eum voluiſſe homines
ſaluos fieri in vnaquaque religione, in
qua iuxta ſuum caputem ipſi placer
ſtuderent.

Eſt hæc obiectio, ſententiaque in-
illa fundata, ſola ratione naturali con-
ſulta, aliquam ſpeciem equi, & veri ha-
bere videatur: nihilominus conſidera-
tis iſis, quæ tùm diuinæ ſcripturæ, tùm
ipſimet Philoſophi Gentiles docent de
paucitate ſaluandorum, eſt omnino pa-
radoxæ. Igitur ſi fiat ab hominibus ſo-
lam rationem humanam audientibus:
Reſponderetur iuxta Philoſophiæ prin-
cipia maiorem quoque eſſe damnan-
dorum, quàm beandorum numerum:
Etenim ſoli veræ virtutis ſtudioſi, ſeu
illi qui viuunt ex Philoſophiæ præcep-
tis, & eam, quam illa docet moralem
virtutem amplectuntur, æterna ſunt
beatitudine digni, nequaquam autem
vitioſi, ſi quidem illa eſt virtutis mer-

Biblioth. Theol. Tom. V.

ces, ac præmium non autem iniquita-
tis, vt ſatis per ſe patet: Sed maiorem
eſſe vitioſorum, quàm ſtudioſorum, &
proborum hominum multitudinem, ni
ipſa doceret experientia, ſufficeret ad
hoc probandum, factum illud Dioge-
nis in medio fori querentis vel vnum,
qui vt hominem decet, viueret; nec
non diſcurſus Ariſtotelis in lib. 1 Eth.
cap. 5. vbi de varijs hominis finibus,
ſeu quos ipſi ſibi proponunt agens, ait
plerosque, eoſque importuniſſimos, ſeu
minimè ferendos, felicitate in corpo-
reis voluptatibus poſita, vt mancipia
viliffima ſolent, pecudum vitam elige-
re, vnde concludit paucos ad modum,
eoſque contemplationi, ſeu ſtudio Phi-
loſophiæ deditos veram virtutem ſe-
ctari, cum reliqui omnes hanc, vt pote
ad eum quem ſibi propoſitum habent
finem ineptam, inutilemque negligat;
conſequens eſt igitur, vt etiam ſecun-
dum Philoſophos maior ſit miſero-
rum, quàm beandorum numerus.

Quamobrem non eſt cur ab illis eo-
rumque ſequacibus noſtræ de vnitate,
& neceſſitate veræ religionis ad ſalutē
doctrinæ opponatur hæc de paucitate
ſaluandorum inuidioſa querela, cui ip-
ſi non ſolum tenentur ſatisfacere, ſed
aliam adhuc maiorem ſubire, cum reli-
gio Chriſtiana plures ad felicitatem
admittat, facilioremque ad illam adi-
tum cuilibet hominum conditioni ap-
riat, quam admiferint antiqui Philoſo-
phi: quia apud nos ſola fides peritis, ac
impercitis communis ad beatitudinem
quo ad hoc ſufficit, nec vlla ſcientia
neceſſaria eſt: illi autem ſolos ſapientes
ſuos beatos prædicarunt, & à ſcien-
tia, ſeu Philoſophia ſaltem morali vir-
tutem, & conſequenter beatitudinem
ſeparari non poſſe docuerunt; adeo vt
plerique eorum virtutes ipſas ſcien-
tias appellarint: qua de cauſa quotquot
aut ingenij defectu, aut ſtudij, ſcien-
tiarum erant expertes, ij tanquam mi-
ſeri, aut ſaltem infelices apud illòs exi-
ſtimabantur. Inſuper religio Chriſtia-
na non ſolum idiotas, ſed infantes ip-

L z fos

fos Chr isti gratiæ, virtutumque infusarum, & iustitiæ, ac consequenter beatitudinis per Sacramentum Baptismi participes posse esse affirmat; à qua reiiciendi sunt ex aduersarijs, sed in sola ratione humana disciplinâ salutis collocant; nec satisfaciunt, si suam ipsi ducē Philosophiam secuti neglecta nostræ fidei de peccato originali doctrina, respondent, eos esse innocentes, & minime malos; vt enim aliquis beatitudinem accipiat, non est satis, quod minime malus sit, aut innocens, sed præterea requiritur, vt sit verè bonus, & virtutum compos, vt infantes baptizati apud nos sunt.

Si verò præallata obiectio fiat ab admittentibus diuinarum scripturarum authoritatem tam ab illis, quam à nobis solui debet, nec non explicari quomodo diuinæ bonitati, & prouidentię non repugnet paucitas saluandorum, afferente in illis expressè iudice ipso, & largitore beatitudinis Christo Domino beandos pauciores esse miseris dum Lucæ 12. electorum gregem pusillum vocat; Mathæi 22. multos ait vocatos; paucos verò electos: adeo vt paucitatem saluandorum præ turba damnandorum mirari se significet eiusdē Math. cap. 7. *Intrate, inquit, per angustā portam: quia lata porta, & spatiosa via est, quæ ducit ad perditionem, & multi sunt, qui intrant per eam. Quam angustā porta, & arcta via est, quæ ducit ad vitam: & pauci sunt, qui inueniunt eam.* quem locum cum alijs quibus multus saluandorum numerus esse dicitur, ita conciliat S. Augustinus lib. 3. contra Crescen. cap. 66. *Iidem ipsi boni, verique Christiani, qui per seipsos multi sunt, in comparatione malorum, falsorumque iidem pauci sunt, sic multa grana, quibus horrea magna complentur, pauca dicimus in comparatione palearum: sic etiam vt de ipso Dei testamento dicam, quod fuitum est Abraham, de semine eius quod est Christus, multe sunt stelle quas numerare non possumus, quibus tam grande calum undique circumfulget, paucas di-*

cimus in comparatione arena maris: forte stelle signauerunt spirituales Christianos: maris autem arena carnales, per quos, & ex quibus etiam hæreses, & schismata sunt, utroque tamen genere plenus est mundus.

Superest igitur, vt hanc, quam asserunt scripturæ, saluandorum paucitatem respectu damnandorum scum prouidentia Dei, misericordięque eius visceribus breuiter conciliemus. Qua in re fuit error Caluini lib. 1. instit. c. 21. §. 7. eiusque sequacium id refundentium in solum æternum Dei decretum, quo ante præuisa merita paucos homines ad vitam prædestinavit, cæteros autem omnes ad interitum ante præuisa peccata: *Dicimus, inquit, æterno, & immutabili consilio Deum semel constituisse, quos olim assumere vellet in salutem, quos rursus exiitio deuenire. Hoc consilium quo ad electos, in gratuita eius misericordia fundatum esse asserimus, nullo humana dignitatis respectu. Quos verò damnationi addidit, his iusto quidem & irreprehensibili, sed incomprehensibili ipsius iudicio, vitæ aditum præcludi. Et cap. 22. §. 11. Si non possumus rationem assignare cur suos misericordia dignetur, nisi quoniam illi ita placet: neque etiam in alijs reprobandis, aliud habebimus, quam eius voluntatem: denique cap. 23. §. 1. Minime consentaneum est, præparationē ad interitum aliō transferre, quā ad arcanum consilium Dei. Quæ doctrina Caluini cum possit habere duplicem sensum: Vnus est, Deum ab æterno ante præuisum originale peccatum, ex toto humano genere adhuc integro, & nondum corrupto, quosdam, eosque in minori numero, vt habetur in Evangelio, elegisse ad vitam, cæteros autem omnes ad mortem, ac interitum destinasse, sine vlla ipsorum, vel primi parentis culpa. Alter est, Deum post præuisionem peccati originalis, cum iam contaminatum esset genus humanum, ac veluti massa quædam perditā, quosdam numero pauciores ex sola sua misericordia elegisse ad gloriam, & fecisse*
vasa

vasa in honorem; alios verò in massa perditionis reliquisse, ut essent vasa in contumeliam, sine vlla propria ipsorù culpa, non tamen sine culpa originali: In priori sensu asseritur à Caluino; qui licet quo ad electionem prædestinatorum ad vitam non sit hæreticus, secus tamè quo ad reprobationem, siue quod asserit Deum æterno, & immutabili decreto quosdam ad mortem destinasse sine respectu aut præuisione peccati originalis, vel actualis: Huic enim ex diuinis scripturis plura alia opponuntur contraria decreta, quæ manifestè ostendunt impium, ac hæreticum esse Caluini assertum: vt infra suo loco demonstrabitur.

Loquendo autem de prædestinatione, & reprobatione in posteriori sensu, hoc est post præuisionem peccati originalis, non desunt plures Doctores Catholici, qui paucitatem saluandorù ex hoc desumendam asserunt; quod plures Deus in massa corruptionis, seu gratiæ amissæ perditionisque statu relinquere, quam inde ad gloriam destinare voluerit. Vnde ista sententia, ut supponit quod Deus ante peccatum Adæ, & in eo posterorum perditionem præuisam, inter prædestinatos reprobosque differentiam, seu discretionem nullam fecerit, neminemque nisi per misericordiam ex miseria illa extractum prædestinauerit, & neminem nisi supposita illa totius humani generis iactura reprobaucrit; quod expressè pluribus in locis docet Diuus Augustinus præsertim in Enchirid. cap. 95. vbi sic ait: *Sola gratia redemptoris discernit a perditis; quos in unam perditionis conuegerat massam ab origine ducta causa communis*: deinde ostendens neminem posse de Deo conqueri iuxta illud Sancti Pauli Rom. 9. *O homo tu quis es, qui respondeas Deo, nonnullosquè stultos redarguens, qui putabant Apostolum in responsione defecisse, & inopia reddendæ rationis repressisse contradictoris audaciam, hæc præclara habet verba; O homo tu quis es? & in talibus quæ*

Bibliot. Theol. Tom. V.

*stionibus ad suæ capacitatis considerationem reuocat hominem verbo quidem breui, sed reipsa magna est redditio rationis; si enim non capis hæc, quis est qui respondeat Deo? si autem capis, magis non inueniat quid respondeat? videt enim, si capis, vniuersum genus humanum: tam iuste iudicio diuino in apostolica radice damnatum, ut etiamsi nullus inde liberaretur, nemore etè posset Dei vituperari iustitiam, & qui liberatur sic oportuisse liberari, ut ex pluribus non liberatis, atque in damnatione iustissima derelictis, ostenderetur quid meruisset vniuersa còspersio, & quo etiam istos debitum iudicium Dei duceret, nisi eius indebita misericordia subueniret; ut volentium de suis meritis gloriari omne os obstruatur, & qui gloriatur, in Domino gloriatur. Idem docet ibidem cap. 100. & expressus adhuc lib. 2. de Ciuitate Dei, cap. 12. vbi omnibus istiusmodi querelis de æternitate poenæ, & damnationis, nec non damnatorum multitudine iam tunc fieri solitis satisfaciens ait: *Pœna æterna ideo duras, & iniusta sensibus videtur humanis, quia in hac infirmitate moribundorum sensuum deest ille sensus altissimus, purissimèque sapientia, quo sentiri possit, quantum nefas in illa prima prauaricatione commissum sit. Quanto enim magis homo fruebatur Deo, tanto maiore impietate dereliquit Deum, & factus est malo dignus æterno, qui hoc in se peremisset bonum, quod esse posset æternum. Hinc est vniuersa generis humani massa damnata, quoniam qui hoc primitus admisit, cū ea quæ in illo fuerat radicata, sua stirpe puniuit, ut nullus ab hoc iusto debitoque supplicio nisi misericordia, & indebita gratia liberetur, atque ita disperitur genus humanum, ut in quibusdam demonstretur, quid valeat misericors gratia, in cæteris quid iusta vindicta. Neque enim utraq; demonstraretur in omnibus, quia si omnes remanerēt in pœnis iuste damnationis, in nullo apparet gratia redimentis. Rursum si omnes à tenebris transferrentur in lucem, in nullo appareret seueritas ultionis: in qua propterea multo**

Z z 2

plures

plures, quam in illa sunt, ut sic ostendatur, quid omnibus deberetur. Quod si omnibus redderetur, iniustitiam indicantis insit nemo reprehenderet. Quia verò tam multi exinde liberantur, est undè agantur magna gratia gratuito muneri liberantis.

Vt aliqui, inquam, Doctores ex hac Diui Augustini doctrina asserunt Deū antequam præuideret peccatum Adæ illud, quo tota natura humana ex eo naturaliter propaganda facta est massa perditionis neminem prædestinasse, aut reprobasse, sed ita se gessisse in hoc negotio, ut primò uoluerit omnino condere homines, quos posset beatitudine sua donare, nec eos uoluisse creare, nisi ut quantum in ipso erat, beati fierent; ita ex eadem deducunt peccatum originale causam esse cur tot pereant non solum ex paruulis, qui cum eo ex hac vita ante vsum rationis excedunt, verum etiam ex adultis; cum enim natura hominis, ut modo se habet post peccatum originale, læsa fuerit ac vitata, patiturque defectum alicuius principij morales, seu ad virtutem necessarij; nimirum quod pars sensitua, seu appetitus sensituius, qui rationi obedire debet, is suos motus excitet, & non tantum, præter, sed etiam contra rationem agat; mirum non est, quod inde tam pauci secundum virtutem vivant, & postea beatitudinem consequantur. Quem etiam defectum agnoscences Philosophi, verà eius causa, & origine ignorata, quia fide diuina caruerunt, vel in naturam ipsam quasi erga reliqua animantia matrem benignam, erga homines autem nouercam duram referebant, vel asseriebant per transmigracionem animas in ista corpora tanquam in pistrina detrudi, ut ante actorum peccatorum pœnas luerent. Verùm fides Christiana docet hominem à Deo factū rectum, sed cum Deo inobedientem, perdidisse illum ordinē quo ratio Deo, & rationi sensus pareret, & qui rebellis Deo factus est animus, corpus sibi repugnans sentire meruit; quod vitium à primo parente in ceteros propagatū,

factum est deinceps quasi naturale, dictumve vitium naturæ; ut egregiè explicat S. Augustinus sequentibus verbis lib. 12. de ciuit. Dei cap. 13. & 14. Iam quippè anima libertate in peruersum propria delectata, & Deo designata firmè, pristino corporis seruitio desinebatur. Et quia superiorem Dominum suo arbitrio deseruerat, inferiorem famulum ad suum arbitrium non tenebat, nec omnino habebat subditam carnem, sicut semper habere potuisset, si Deo subdita ipsa mansisset. Tunc ergo caro capiti concupiscere aduersus spiritum, & spiritus aduersus carnem: cum qua controuersia nati sumus, irabentes originem mortis in membris nostris, vitiatæque naturæ, contentionem eius sine victoria de prima prauaricatione gestantes. Deus enim creauit hominem rectū, naturarum author, non virique uitiorum, sed spontè deprauatus, insitque damnatus primus homo, deprauatos, damnatosque generauit: omnes enim fuimus in illo uno quando omnes ille unus corripit, qui per feminam lapsus est in peccatum, quæ de illo facta est ante peccatum. Nondū erat nobis figillatim creata, & distributa forma, in qua singuli uiueremus, sed iam natura erat seminalis, ex qua propagaremur, quæ scilicet propter peccatum vitata, & vinculo mortis obstricta, insitque damnata, non alterius conditionis homo ex homine nasceretur: ac per hoc à liberi arbitrij malo usu series huius calamitatis exorta est, quæ humanum genus origine deprauata velut radice corrupta usque ad secundam mortis exitum, quæ non habet finem, solis eis exceptis, qui per gratiam Dei liberantur, miseriarum connexionem perducit.

At quia præfata sententia duplicè quoque sensum habere potest, primum quod Deus ita aliquos sua misericordia liberat à massa perditionis secum in perpetuum regnatos, ut tamen ceteros, qui illuc non peruenient, nolit saluos fieri nec illis sufficientia ad hunc finem præbeat gratiæ auxilia, secundum autem huic contrarium, sicut in primo est manifestè hæretica, diuinæque prouidentia, & erga homines misericordie

contraria, ita per eam ſic intellectam, cum illis conciliari nequaquam poteſt paucitas ſaluandorum, ſed tantum in ſecundo ſenſu, quo ſtante etiam ſaluandorum paucitate, aſſeritur tamen Deum velle omnes homines ſaluos fieri, & ad agnitionem veritatis venire, neceſſaria- que ad hoc gratiæ auxilia ſubminiſtrare; atque adeo præſatam paucitatē nequaquam dictis etiam attributis, aut alijs repugnare.

Igitur quidquid ſit de poſſibili, an nimirum loquendo de adultis, potue- rint deſeri à Deo, & relinqui in maſſa perditionis propter ſolum originale peccatum, vel inde paucis, & ad gloriā deſtinatis, cæteris denegari auxilia gra- tiæ ad illam conſequendam neceſſaria; nunc, inquam, quid egerit Deus, non autem quid agere potuerit tractando affirmamus habere Deum erga omnes, & ſingulos prouidentiam in negotio ſalu- tis eorum, atque adeo voluntatem, velle ſcilicet, & iubere ab omnibus ver- ram religionem quaeri, non planè fruſtra nec tyrannicè, ſed eam, ſi ritè quaerant, volendo concedere, vt & beatitudinē; adeo vt ſi quis pereat, non Dei volun- tate, ſed ſua culpa perire dicendus ſit; præclariora huius veritatis loca habentur Ezechiel. 18. v. 32. *Nolo mortem morientis, dicit Dominus Deus; reuertimini, & vivite.* Oſæ 13. v. 9. *Perditio tua ex te Iſrael: tantummodo in me auxiliū tuum:* 1. Timoth. 2. v. 4. *Deus omnes homines vult ſaluos fieri, & ad agnitionem veritatis venire:* 2. Petri 9. *Patienter agit propter nos, nolens aliquos perire, ſed omnes ad penitentiam reuerti.* Ioann. 1. *Erat lux vera quæ illuminat omnem hominem venientem in hunc mundum.* Idem quo- que probant omnia eiufdem diuinæ ſcri- pturæ loca, quibus nobis ſignificatur Deum de facto decreuiſſe magis ſuam bonitatem, & miſericordiam circa nos oſtendere, quam iuſticiam & ſeueritatē; pſal. 24. v. 10. *Vniuerſa via Domini miſericordie, & veritas:* & pſal. 144. v. 9. *Suavis Dominus vniuerſis, & miſeratio- nes eius ſuper omnia opera eius, qui enim*

hæc verè, ac ſincerè dici poſſunt, ſi pau- culis prædeſtinatis exceptis, cæteros omnes nolit Deus ſaluos fieri, illiſque ſua in hunc finem neceſſaria auxilia præ- bere. Quibus etiam accedit ſempiter- nus, ac vnanimis Eccleſiæ Patrum ſen- ſus, vt ſuo loco fuſius oſtendetur, vni- cumque duxat Diui Auguſtini testi- monium hic proferam; qui reſpondens ad aliquos de prædeſtinatione articulos ſibi à Semipelagianis impoſitos, quorū tertius erat; quod Deus maiorem partē generis humani ad hoc creet, vt illam perdat in æternum, ait: *Omnium quidem hominum Deus creator eſt, ſed nemo ab eo ideo creatus eſt, vt pereat; quia alia cauſa eſt naſcendi, alia pereundi. Vt enim na- ſcantur homines, eſt beneficium; ut autem pereant prauaricatoris eſt viſum: nec ad aliud Diui Proſperi fidelis Auguſtini diſcipuli in epiſt. ad Gallos: Qui dicit, quod non pro totius mundi redemptione Saluator ſit crucifixus, non ad Sacramenti virtutem, ſed ad infidelium reſpiciat par- tem, cum ſanguis Domini noſtri Jeſu Chri- ſti pretium totius mundi ſit, à quo pretio extranei ſunt, qui aut delectati captiuitate redimi noluerunt, aut poſt redemptionem ad eandem ſunt ſeruitutem reuerſi.*

Per quam doctrinam verè ortho- doxam facile ſoluitur obiectio ſuperius allatā; diuinæ ſcilicet prouidentię, ac miſericordiæ rationem in eo ſitam non eſſe; quod vnumquemque in ſua quan- tumuis falſa religione ſaluum fieri Deus voluerit, aut alio ſimili modo; ſed ipſe- met per diuinas Scripturas, quo pacto in hac re prouideat, ac miſereatur, no- bis enarravit; inſtituendo nimirum vnā veram religionem, qua ab hominibus ritè coleretur, deinde illam viſibilem reddendo, tum vnicuique ad illam que- rendam, & inueniendam ſi velit media- ta, vel immediata auxilia præbendo; adeo vt dicere poſſit, ſi voluerit, & quod in me eſt, cum auxilio diuino miſeri- corditer mihi, & omnibus conſeſſo geſſero, ſaluabor; ſi ritè, & vt debeo ve- ritatem quaſiero, inueniam; ſi quaſiui inueni; per Deum nec abſuit vnquam, nec

nec aberit : ita salus religionis huius , per quam solam veram salus vera , veraciterq; à Deo promittitur in scripturis , nulli vnquam defuit qui dignus fuit ; & cui defuit , dignus non fuit . In quo conveniunt omnes doctores Catholici licet laborent , dissentiantque in modo illud explicandi ; nec mirum , *Quis enim hominum* , inquit , *sapientissimus Salomon sap. 9. poterit scire consilium Dei , cogitationes enim mortalium timida , & incerta providentia nostra .* Et difficile astimamus , *qua in terra sunt & qua in prospectu sunt* , invenimus cum labore . *Qua autem in calis sunt quis inuestigabit ?* Et quia solus Deus novit quæ sua sunt , eaque potissimum quæ à libera eius voluntate pendent ; propterea statim subdit Sapiens : *Sensum autem tuum quis sciet , nisi tu dederis sapientiam , & miseris Spiritum Sanctum tuum de altissimis ?* Idem habet Apostolus 1. Corinth. 2. 11. *Quæ Dei sunt nemo cognovit , nisi Spiritus Dei ;* & post pauca : *Quis enim cognovit sensum Domini , qui instruat eum .* Habito igitur semel pro maxima ; & indubitato principio , quod doctrina veræ religionis , qualis est sola Christiana Romano-Catholica sit divina , ut abundè probauimus , sine murmure , sine quæstu credenda est ; acceptandaque sunt etiam si nihil intelligantur , quæcumque illa docet , siue de Deo , siue de eius operibus , ut de amore erga homines , de providentia perfectissima cum omnibus , & singulis . In quam sententiam cum infinita planè aurea Sancti Patres nos docuerint , in reliquorum specimen primum Gregorij Nazianzeni , deinde Augustini testimoniū proferam : Nazianzenus igitur orat. 16. de paup. amore : *Nec res huius vita propterea temere , atque inconditè gubernantur : quia exploratas earum rationes non habeamus . Quin potius , ut animi nostri affectum imagine quadam exprimam , non multum ijs , qui nausea , & vertigine laborant , dissimiles sumus , qui omnia sursū , deorsumque verti , putant , cum ipsi vertantur .* Divus autem Augustinus enar-

rat. in psal. 148. ait : *Cum enim cuperimus disputare de operibus Dei , quare hoc , quare illud , & non debuit sic facere , malè fecit hoc , ubi est laus Dei ?* moxque subiungit : *Quasi si intrares in officinam forte fabri ferrarii , non auderes reprehendere folles , incudes , malleos . Et da imperitum hominem nescientem , quid quare sit , & omnia reprehendis . Sed si non habeas peritiam artificis , & habeas saltem considerationem hominis , quid sibi dicit ? Non sine causa hoc loco folles positi sunt ; artifex novit quare : cisi ego non novi .* In officina non audes vituperare fabrum , & audes reprehendere in hoc mundo Deū : Quibus sanè verbis nihil opportunius ad omnia soluendum afferri potest : quare tam pauci saluentur , cum tamen omnes diligantur ; cur puerum recens natum , ac baptizatum , qui nihil boni gesserit , donat regno , alium , qui plures annos in eremo ieiunavit magis , quam vixit , propter vnā turpem admittam cogitationem tradit ad inferos , & sic de similibus , ipse novit quare , quomodo , cur , ubi , & quando .

Altera obiectio contra necessitatem vniuersæ veræ religionis in verâ fide fundatæ , qualem supponimus esse Christianam Romano-Catholicam desumi solet ex casu iam pridem à Diuo Thoma proposito quæst. 14. de veritat. artic. 11. an si quis nutritus in syluis , quin nec fidem , nec Christum vnquam audijet , ductum tamen rationis naturalis secutus fuisset in appetitu boni , & fuga mali periret ? cum enim id asserere planè durum videatur , dicendum est aliquem sine verâ fide saltem per accidens posse saluari ; verum ex doctrina iam data facile satisfat obiectiōi , talem videlicet , aut quemcumque similem nunquam sine verâ fide fore saluandum , quæ digno , qualis esset ille nunquam denegatur , ubi per dignum non intelligitur ille cui retribuatur Deus , sed cuius misereatur ; misereretur autem certissimè , ut ex ipsius tor promissionibus liquet , cuiuscumque facientis , quod in se est , saltem ex gratia , qualis esset iste enu-

tritum in syluis, vnde S. Thomas loco citato ait: *Certissimè tenendum est, quod ei Deus vel per internam inspirationem reuelaret eas, quæ sunt credenda, vel aliquem fidei prædicatorem ad eum dirigeret; quam solutionem desumpsit ex D. Augustino epist. 49. ad Deo gratias; vbi arguens à notis ad ignota, quodque inueniantur in lege naturæ, & scripta populus Dei, & iusti quique Sacramenti Incarnationis participes, nec non in media Gentilitate Iob, & alij Redemptoris, Christifidei sub hac, vel æquiualentis voce consensu, moxque subdubitas quid si in cæteris hac, & illac gentibus aliqui recta omnia secuti sint, infert eos quoque eiusdem mysterij factos participes, licet scripti non inueniantur, cum non cuncta conscripta fuerint. Verba Sancti Doctoris hæc sunt loco citato: *Tamen ab initio generis humani, alias occultius, alias euidentius, sicut congruere temporibus diuinitus visum est, nec prophetari destitit, nec qui in eum (id est Christum) crederent defuerunt ab Adam usque ad Moysen; & in ipso populo Israel; qui specialis quodam mysterio gens Prophetica dicta est, & in alijs gentibus antequam venisset in carne. Cum enim nonnulli commemorantur in Sanctis Hebraicis libris iam ex tempore Abrahæ, nec de stirpe carnis eius, nec ex populo Israel, nec ex aduentitia societate in populo Israel, qui tamen huius Sacramenti participes fuerunt, cur non credamus etiam in cæteris hac, atque illac gentibus, alias, alios fuisse, quânis eos commemoratos in iisdem autoritatibus non legamus? Vnde per modum conclusionis, hanc ad nostrum intentum maximam deducit. Ita salus religionis huius, per quam solum veram salus vera, veraciterque promittitur, nulli unquam defuit, qui dignus fuit, & cui defuit, dignus non fuit.**

Ex quo etiam colligendum est barbaras inter gentes Euangelij ignaras valde paucos esse, qui digni sint, quiue faciant quod est in se, viuendo conformiter ad legem naturæ, quæ inuincibi-

liter ignorari non potest in his, quæ ad diuinum cultum spectant, & amorem, quem inchoatam iustitiam Augustinus lib. de nat. & grat. vocat, cum pauci, & rari sint illi, quos inde ad fidem nostrâ conuerteri videamus: nec mirum, si enim ex Christianis ipsis, permixtis singuloribus auxilijs, fide, doctrina, Sacramentis ad probitatem adiutus perpauci inueniuntur, stante naturæ per peccatum originale corruptione, qui contra legem etiam ipsam naturalem nunquam deliquerint. Quid de Gentilibus, barbarisque dicendum, qui diuinæ fidei lumine nunquam illustrati sunt.

Tertia tandem, & vltima obiectio, quæ fit ab asserentibus saltem per accedens necessariam non esse fidem ad salutem, deducitur ex his, qui ad vsum rationis peruenientes mox intereunt, nulla fidei noticia habita, nam hos vel sine fide saluari, vel sine culpa perire, quod est absurdum, dicendum est.

Respondetur neutrum ex his sequi, cum enim ex verissima Diui Thomæ doctrina quilibet homo vbi primum ad vsum rationis, ac perfectæ deliberationis peruenit, pro conditione, ac mensura cognitionis, qua eo temporis gaudet, teneatur efficaciter, & vero corde ad bonum, ac Deum conuertere, dirigereque se, & vitam suam, cuius tota reuerentia ex hoc pendet: sin minus peccat grauissimè; dicimus eos, qui tali præcepto non satisfaciunt, & pereius adimplerionem se non disponunt ad vltiorem gratiam non sine culpa perire; nec eos, qui illud adimplent, sine fide saluari, nulli siquidem ex dictis deest Deus, qui dignus fuit; etsi vias ignoremus, quibus ille in talibus casibus suam ineffabili prouidentia vtitur, vt suâ salutis humanæ curam demonstret. Sed de his satis, de quibus alias fusius; firma interim maneat, & inconcussa veritas Catholica de vnitate, & necessitate veræ religionis ad salutem, contra admittentes in illa indifferentiam.

SECTIO SEPTIMA.

De aduentu Messiaë, Legisque Mosaicæ post illum cessatione aduersus Iudæos.

CAPVT PRIMVM.

Aperitur status controuersie, nonnullaque prænotantur ad illius intelligentiam, ac resolutionem.



PRIMO notandum est, quod fufius to. 3. lib. 3. sect. 3. cap. 3. iam probauimus, veram scilicet Dei Ecclesiam incepisse ab Adam, & Abel, continuatamque per Seth, & filios illius vsque ad Noë, deinde post diluuium per filios illius Sem & Iaphet, quos pater Noë, Cham in Chanaam filio maledicto, benedixisse legitur Genes. 9. propagatam per vniuersum mundum fuisse. Quia tamen ex Sem Abraham nasci debebat, & tandem ex isto Messias ideo Scriptura specialiter prosequitur Generationem Sem.

Secundò notandum est, quod etiam superiori sectione cap. 2. nec non loco iam citato to. 3. sect. 3. c. 6. animaduertimus, Populum Israeliticum seu Iudaicum ex Abraham, Isaac, & Iacob deinceps progenitum non fuisse vniuersalem Dei Ecclesiam, sed particularem; nam præter hos per carnalem generationem dictos Israelitas, etiam plures alij fuerunt Deum religiosè colentes, & ad ciuitatem Dei pertinentes, qui Israelitæ secundum spiritum vocantur, vt egregiè docet Diuus Augustinus lib. 18 de ciuitate Dei cap. 47. cuius hæc sunt verba: *Nec ipsos Iudæos existimo audere contendere neminem pertinuisse ad Deum*

præter Israelitas; ex quo propagatio Israel capis esse, &c. homines autem quosdam nõ terrena, sed celesti societate ad veros Israelitas superna ciues patria pertinentes etiam in alijs gentibus fuisse negare non possunt: quia si negant, facillimè conuincuntur de Sancto, & mirabili viro Iob, qui nec indigena, nec profelytus, id est advena populi Israel fuit; sed ex gente Idumæa genus ducent, ibi ortus, ibi mortuus est: qui diuino sic laudatur eloquio, vt quoad iustitiam, pietatemque attines, nullus ei homo suorum temporum coaquaretur: quæ tempora sic colligimus ex libro eius, quem pro sui merito Israelitæ in auctoritatem canonicam receperunt, tertia generatione posteriorem fuisse, quam Israel, seu Iacob: Diuinitus autem prouisum fuisse non dubito, vt ex hoc uno sciremus etiã per alias gentes esse potuisse, qui secundum Deum vixerunt, eique placuerunt pertinentes ad spiritualem Hierusalem. Hæcenus Diuus Augustinus,

Sed tertio animaduertendum est, quod licet populus Israeliticus non fuerit vniuersalis Dei Ecclesia, verum particularis tantum, cum tamen præcipuã tunc illius partem fuisse, multisque priuilegijs à Deo insignitam negari non potest; quæ Diuus Paulus enarrans in epist. ad Roman. cap. 3. ait: *Quid ergo amplius Iudæus est, aut quæ utilitas circumci-*

circumcisionis & Multum per omnem modum.
Primum quidem quia concedita sunt illis eloquia Dei: & cap. 9. quorum adoptio est filiorum; & gloria, & testamentum, & legislatio & obsequium, & promissa, quorum Patres, & ex quibus est Christus secundum carnem, qui est super omnia Deus benedictus in secula. Amen. Inter quæ privilegia, quæ hic explicare non vacat, dubio procul reponi debet tanquam primum habens istud ultimum, quod scilicet ad hunc finem delecta fuerit gens Hebræorum, & in ea stirps Abraham, cui aliorum filiorum parenti ex sterili Sara datus est Isaac, ut ex eius filio iuniore Jacob, Messias, seu Christus nasceretur in tribu Iuda, familiaque David, quod ut certò constaret, Deus providit, ne usque ad ortum Christi vlla tribuum, familiarumque confusio fieret, & ut nominatim Davidica discerneretur, eam regio sceptro populi Iudaici illustrum reddidit, voluitque, ut cum Christus natus est, tunc singuli suam familiam iuridici authenticique actis profiterentur, & in pago Bethlemítico, uti prophetatum fuerat, tanquam Davidis filius, & ex eius sanguine procreatus tam à Iudæis per pastores, quam à Gentilibus per magos primum agnosceretur, colereturque. Et quamvis Iudæi modo negent hanc singularem personam, Iesum scilicet filium Mariæ, verum Messiam fuisse, quem nos Christiani, pro tali firmiter credimus, at tamen non negant, imo gloriantur, quod verus Messias in lege promissus sit speciali prærogativa ex ipsorum genere oriundus.

Quarto sciendum est, quod etiam Iudæi concedunt, humano genere per Adæ peccatum perduto Deum decreuisse illum ipsum per mediatorem Christum, Messiamque saluare; ideoque ut aliquam gratiam suam, salutisq; recuperandam spem primis parentibus nostris Deus faceret, statim ac eos sceleris reos manifestè cōviciat, alterum se illis Adamum, seu caput, & salutis auctorem missurum promissit, eosque impostum in eum spe-

rare iussit; Genes. cap. 3. ubi alloquens serpentem seu diabolum ait. *Inimicitias ponam inter te, & mulierem, & seminum tuum, & semen illius, ipsa conteret caput tuum, & tu insidiaberis calcaneo eius,* communiter enim docent Patres his verbis Deum, qua ratione, & arte Dæmon ad perdendum Adamum eiusque posteros usus fuerat, eadem ad illos salvandos se usum significare voluisse, Adamoque alterum Adamum scilicet Christum, Euz alteram viventium matrem Virginem Mariam oppositurum: proindeque affirmat Divus Augustinus lib. 18. de civitate Dei cap. 47. iam citato, nullum non solum ex Israelitis, sed etiam ex alijs gentibus ad veram Dei Ecclesiam spectasse, suamque salutem operatum fuisse sine fide saltem implicita in Christum venturum, verba eius hæc sunt: *Nemini concessum esse credendum est (scilicet ut esset de Ecclesia Dei quam vocat civitatem Dei in terris peregrinantem) nisi cui divinitus revelatus est unus Mediator Dei, & hominum homo Christus Iesus, qui venturus in carne sic antiquis Sanctis prænuntiabatur, quem admodum nobis venisse nuntiatus est: ut una eademque fides per ipsum omnes in Dei civitatem, in domum Dei, in Dei templum prædestinatos perducatur ad Deum.*

Quinto observandum est, post declaratam generis humani per peccatum Adæ perditionem, ita Messiam Salvatorem promissum fuisse, ut tamen non esset nisi post multa secula mittendus, in quo facile conveniunt Iudæi, quandoquidem credunt illum nedum venisse, & quamvis adventus eius non statim post mundi ruinam secuti, sed ad illud tempus dilati, quo nos Christiani iam illum contigisse credimus, & infra ostēdemus, nulla alia afferri possit causa, nisi mera Dei voluntas, ita pro sua provida, & erga homines paternæ bonitatis, ac benevolentia decernentis, non defunt tamen plures ex parte obiecti rationes, seu congruentiæ, quibus Theologi 3. p. qu. 1. art. 5. cum Divo Thoma probant convenientissimam fuisse huiusmodi di-

lationem: Qua supposita necesse fuit, ut prius quam veniret Messias, de signis quibus certò, & facillè cognosceretur, præmoneretur mundus per Prophetas Dei nuntios. Et quia tanti hominum intererat, ut ea in re non deciperentur, aut dubij hærent, propterea genus ipsius, familia, tempus, natiuitas, cæteraque circumstantiæ multis fuerunt prophetijs prænuntiandæ; ut eleganter ait Sanctus Leo serm. 3. in Natiu. Domini: *Sapientia, & benignitas Dei, hac saluiferi operis mora capaciores nos sue uocationis efficit, ut quod multis signis, multis uocibus, multisque mysterijs per tot fuerat sæcula prænuntiatum, in his diebus Euangelij non esset ambiguum: & natiuitas, quæ omnia miracula, omnemque intelligentiam erat excessura mensuram tanto instantiorem in nobis gigneret fidem, quanto predicatio eius & antiquior præcessisset, & crebrior.*

Sexto igitur sciendum est gentem Iudaicam præfato consilio à Deo fuisse delectam, ex qua verus nasceretur Messias, eique datam legem, quæ multas ceremonias, ritusque religionis Messiae venturi, eiusque operum prænuntios, figuræque sacras complecteretur. Vnde cum alijs nationibus, non aliam legem, quam naturalem Deus dedisset, satisque habuisset eis indicare ius suum religionis, & pietatis officium quo omnes homines tenentur Deum vni creatorem agnoscere, colere, diligere, & ab eo sperare beatitudinem consequendam per eum quem mediatorem inter se, & illos futurum illis prædixerat, relictis de cætero earum libertati ritibus sacris, ceremonijsque, quibus suam in eum fidem, spem, amorem, pietatem, ac religionem profiterentur; hæc omnia ad maiorem populo Israelitico præscribere voluit per legem ipsi à Moysæ datam, ut figura, & rerum quas Messias representaturus erat umbra esset. Nec tantum legem, quoad Sacrificia, Sacramenta, ceremonias, & ritos sibi proprios, sed & ipsam gentem Hebraicam huius veritatis prænuntiam esse voluit; docente

passim Diuo Augustino illam Deo ita, providente ob varias occasiones per mundum penè vniuersum dispersam, fuisse, & tanquam sal terræ, nationumque reliquarum seminariam, non solum ut Deum vnum damnata omni idololatriâ colendum prædicaret, sed etiam Messiam, & Christum; adeo ut non solæ prophetiæ, scripturæque eius, verum facta ipsa Christum annuntiarent; Quæ, inquit præfatus Doctor lib. 19. contra Faustum cap. ult. explicans illa verba Christi Matth. 5. *nō veni soluere legem, aut Prophetas, sed adimplere, Regem ad regendos, & Sacerdotem ad sanctificandos fideles suos: vniuersus ille apparatus veteris testamenti in generationibus, factis, dictis, sacrificijs, observationibus, festiuitatibus, omnibusque eloquiorum praconijs, & rebus gestis, & rerum figuris parturiebat esse venturum; qui plenus gratia, & veritate, & ad præcepta facienda adiuvando per gratiam, & ad promissa implenda curando per veritatem, venit legem non soluere.* & in lib. 22. cap. 24. ait, *Illorum hominum non tantum linguam, verum etiam vitam fuisse propheticam; totumque illud regnum gentis Hebraeorum magnum quendam, quia & magni cuiusdam fuisse Prophetam.*

Imo etiam post publicatam legem Evangelicam, ad eius probationem, scripturarum autoritatem, & prophetiarum de Iudæis ipsis factarum veritatem plurimum valere miserabilem in quo nunc iacent statum communiter docent Patres, eamque ob causam circumcissionis signum illis fuisse datum: Iustinus in dialogo, Tertullianus lib. adu. Iud. cap. 3. alijque passim interpretantes illud Psal. 58. *Ne occidas eos: nequāquam obliuiscantur populi mei, diserge illos in virtute tua;* Diuus Augustinus epist. 58. & 59. lib. 18. de ciuitate Dei cap. 46. lib. 12. contra Faustum cap. 10. ubi eos in Cain figuratos ostendit, & cap. 14. mirabile esse ait, quod Iudæi soli ex tot nationibus deuicti, dispersique, & olim in captiuitate Babylonica, & modo cum sua lege, & ritu externo mancant. *Exposuit.*

poſuit Dominus Deus, inquit ille, in Cain ſignum, ne eum occidat omnis qui inuenit. Hæc re vera multum mirabile eſt, quemadmodum omnes gentes, quæ à Romanis ſubiugatæ ſunt in ritum Romanorum Sacrorum tranſſerint, eaque ſacrilegia obſeruanda, & celebranda ſuſceperint, gens autem Iudæa, ſive ſub Paganis Regibus, ſive ſub Chriſtianis non amiſerint ſignum legis ſuæ, quo à cæteris gentibus, populisque diſtinguitur: & omnis Imperator, vel rex, qui eos in regno ſuo inuenit, cum ipſo ſigno inuenit, nec occidit: id eſt non efficit, ut non ſint Iudæi certo quodam & propria ſua obſeruatiſſimo à cæterarum gentium communione diſcreti: niſi quicumque eorum ad Chriſtum tranſſerit, ut iam non inueniatur Cain. Tandem cap. 23. gentem Iudæorum appellat ſcriniariam Chriſtianorum, baiulantem legem, & Prophetas ad teſtimonium aſſertionis Eccleſiæ in ſtatu Euangelico.

Quare ſeptimò notandum eſt; quod ſi tota lex Moſaica, quo ad ea quæ ſunt eius propria, ſive Eccleſia ſub illo ſtatu reduplicatiuè conſiderata umbra, & figura ſuit ſui ipſius in ſtatu legis Euangelicæ per verum Meſſiam, inſtituendæ præſentia, & prophetica, tamdiu ea durare, ſeu legitima quo ad ſuos ritus proprios eſſe debuit donec veniret Meſſias, qui omnes eius prophetias adimpleret: Imo ſicut vſque ad Chriſti veri Meſſiæ aduentum ſemper aliquos habuit Prophetas, ita poſt illum omnes in ea diſſiſſe communiter docent Patres Tertullianus lib. adu. Iud. cap. 8. ex illo Matth. 11. & Lucæ 16. *Lex & Propheta uſque ad Ioannem*: & Danielis 9. ubi dicitur implenda viſio, & prophetia, cum ungetur Sanctus Sanctorum: Chriſoſtomus in orat. 2. adu. Iud. Auguſtinus tract. 9. in Ioannem, & alij plures; nota à nobis Chriſtianis dici legem Moſaicam aliquando ceſſare debuiſſe, ſeu illam à Deo ita fuiſſe conditam, ut noniſi ad aliquod tempus duratura eſſet, & futura Sancta, legitimaque eius religio, tempusque illud Chri-

Bibliot. Theol. Tom. V.

ſto adueniente contigſſe, ad quem tanquam umbra, & figura ordinabatur ad ſuum figuratum; nota, inquam, id aſſeri de illa, quoad ſuos ritus proprios veluti accidentales conſiderata, nam ſi ſpectetur quoad ſubſtantialia eiſdem fidei in vnum Deum, & Mediatorem hominum Chriſtum Ieſum, eadem, quæ nunc eſt, ſubſtantialiter fuit ab origine mundi, & futura eſt vſque ad eius conſummationem vera Eccleſia, veraque religio, ut oſtendimus to. 3. lib. 3. ſect. 3. nec tam legè ipſam Moſaicā per Chriſtum ceſſaſſe, quam in melius mutatam, ac perfectam fuiſſe; ſicut puer in virum creſcendò mutatus perficitur. Vnde etiam Chriſtus magiſter veritatis, quo ad figurata, & ceremonialia, quæ ipſo figurato adueniente impleri debebant, docere vel iubere non poterat, ut illa poſt adimpletionem ſeruarentur, quaſi adhuc eſſent implenda; alioqui falſum docuiſſet; propterea Iudæi nunc falſo credunt illa nondum eſſe impleta, ſed adhuc implenda.

Quod autem lex Moſaica in aduentu Meſſiæ ceſſare, ſeu impleri deberet, nouaque à Meſſia fundari, & inſtitui quo ad ceremonialia, teſtantur Sacræ Scripturæ, quas Iudæi ipſi admittunt, & in ſuo canone ſacro habent. Præcipua eorum loca ſunt, Deuteronomij cap. 18. v. 18. *Gentes iſtæ, quarum poſſidetis terræ augures, & diuinos audient: tu autem à Domino Deo tuo aliter inſtitutus es. Prophetam de gente tua, & de fratribus tuis ſicut me, ſuſcitabit tibi Dominus Deus tuus, ipſum audies*, &c. ibi enim aperte ſignificari videtur; quod Meſſias mittendus erat ex ſemine Hebræorum verus homo ſimilis Moyſi, Dei Propheta excellentiſſimus, qui populo verba Dei locuturus eſſet, ſicut Moyſes, adeoque legem nouam. Vide ibi interpretes.

Iſaiæ 2. v. 3. *Et eris in nouiſſimis diebus præparatus mons domus Domini in vertice montium, & eleuabitur ſuper colles, & fluent ad eum omnes gentes. Et ibunt populi multi, & dicent: Venite aſcendamus ad montem Domini; & ad domum*

A a a 2

Dei

Dei Jacob, & docebit nos vias suas, & ambulabimus in semitis eius: quia de Sion exibit lex, & verbum Domini de Ierusalem. Hanc autem esse legem Christi probat Augustinus orat. contra Iudeos cap. 7. quæ in Sion primum promulgata & in Ierusalem per Apostolos diuulgata est; at verò lex Moysis exiit ex monte Sinai in deserto; igitur lex Messie erit noua, & à Mosaica distincta: nec solum hac nota, quod à Ierusalem incipiens reliquum mundum occupatura esset, designatur noua lex Evangelica, seu Christiana, verum alijs tribus, quæ illi insunt, & non Iudaicæ. Prima est qua Prophetæ dicunt eam futuram in nouissimis diebus, tunc enim erat Synagoga, nec in ea quidquam ab eo tempore contigit, quod eam illustriorem, quam tunc erat effecerit, & vt loquitur Isaias eam *super colles in vertice montium* constituerit, nisi intelligatur de ea in melius per legem Evangelicam mutata, & perfecta; cui hæc secunda nota præclare competit, si quidem vt tom. 3. lib. 3. sect. 3. diximus, in nouissimis diebus ita à Deo cunctis gentibus conspicua effecta est, vt mundum vniuersum occupet, nullamque gentem, aut nationem lateat. Tertia nota significatur concurso illo omnium gentium, quæ profectò non ad ritum Iudaicum vnquam transierunt, bene autem ad Christianum.

Jeremiæ 31. v. 31. *Ecce dies venient, dicit Dominus; & feriam domui Israel, & domui Iuda fœdus nouum; non secundum pactum, quod pepigi cum patribus eorum, in die qua apprehendi manum eorum, vt educerem eos de terra Aegypti;* huiusmodi enim verbis habetur mentio duplicis fœderis, & testamenti, alterius veteris initi cum populo in monte Oreb, seu Sinai, quando de terra Aegypti educus est, & alterius noui, quod erat initurus cum eodem populo Israel, vel secundum spiritum, vt significatur Osée cap. 1. vel etiam secundum carnem, quatenus, vt diximus supra inter omnia Iudeis à Deo concessa beneficia, ac privilegia hoc cxi-mium & singulare fuit, quod ex eorum

gente, Christus natus sit, ipsique primū apparuit, & suam doctrinā Euangeliumque predicauit, eosque Ecclesiæ suæ primitias habuit. Nec tantum in Iudæa, primum nata; à Christo fundata religio; & inde in reliquum orbem diffusa est, sed primos Christianos, primosque præcones suos, & Apostolos Iudeos etiam secundum carnem habuit; eosque solos diuinorum Christi eloquiorum, & doctrinæ custodes, & Scriptores sicut ante Christum sola illa gens Prophetas authenticos, & quorum scripta religiosè conseruata sunt habuerat, adeo vt in vniuersum dici possit tam vetus, quam nouum testamentum initum fuisse cum Iudeis etiam carnalibus, & non solum de veteris, sed etiam noui testamenti Scripturis sacris verificari, quod ait. D. Paulus Rom. 3. *concredita fuisse illis eloquia Dei.* Quod autem aliqui Iudei respondent citato Ieremiæ loco non intelligi nouum fœdus quod succedere deberet antiquo, eique aliquando, & per noui institutionem irritando; sed tantum, quod post solutam captiuitatem, Babylonicam, & reditum in Ierusalem vetus renouatum fuerit, stare non potest cum textu, vbi primum affirmatiue exprimitur, vel prædicitur initio noui fœderis, & pacti, siue nouæ legis, quia vt optimè obseruauit Paulus Burgenlis sic dictus, quia relicta Iudaica secta, in qua natus erat, Episcopus Burgenlis creatus est, verbum Hebræum Berith, quod latinè transfertur pactum sèpius signficat legem, præsertim Exodi 34. v. 28 deinde negatiue dicitur illud non fore secundum pactum quod pepigit Deus cum patribus eorum; sed post reditum à captiuitate in Ierusalem Iudæi, nec alios ritus legitimos, alia sacrificia, Sacramenta promissa, legemque aliam quam antea, seu Mosaicam habuerunt: igitur dū per Prophetam asseritur nouum esse fœdus ineundum, non secundum pactum cum patribus eorum initum; manifestè constat ab eo prædici fœdus, testamentum, legemque nouam ab illa per Moysen data diuersam, per Messiam Christum

stum tradendam. Quod etiam patet ex conditionibus noui huius pacti, quas ibi explicat Ieremias; *Sed hoc erit pactum quod feriam cum domo Israel post dies illos dicit Dominus. Dabo legem meam in visceribus eorum, & in corde eorum scribam eam, & ero eis in Deum, & ipsi erunt mihi in populum; quæ legi Moisaicæ nequaquam conueniunt scriptæ in tabulis lapideis, ut ibi explicant Sacri Interpretes.*

Tandem Malachiæ cap. i. v. 10. habetur; *Quis est in vobis, qui claudat ostia, & incendat altare meum gratuito? non est mihi voluntas in vobis dicit Dominus exercituum, & munus non suscipiam de manu vestra. Ab ortu enim Solis usque ad occasum, magnum est nomen meum in gentibus, & in omni loco sacrificatur, & offertur nomini meo oblatio munda; quia magnum est nomen meum in gentibus. Nihil enim clarius dici potuit ad significandum abiectionem sacrificiorum, & totius ritus Iudaici, & in eius locum gentium conuersionem ad Deum, & per eas celebrandum sacrificium, adeo certo, ut more consueto Prophetarum, de futuro, ac si præsens esset, enunciatur ob certitudinem diuinæ providentiæ; adeo clarè, ut etiam hic Malachiæ locus ipsos Iudeorum Rabbinos conuinceret. Etsi enim Rabbi Salomon alijs posterior videns profectum Ecclesiæ Christi, & huius prophetiæ impletionem, ut statim dicemus, ex malitia dictam prophetiam de futuro Messie sacrificio Eucharistico negauerit esse intelligendam, nihilominus plures antiquiores Rabbinum, quorum testimonia refert Nicolaus de Lyra ex Iudaismo conuersus ad fidem Christianam, & Ordinem Minorum assumptus in locum Malachiæ allegatum, hanc veritatem agnouerunt, inter quos Rabbi Pinna filius Iair sic ait comment. in cap. 28. Numer. *Tempore Messie omnia sacrificia cessabunt, & sacrificium panis, & vini nunquam cessabit, sicut dictum est: Melchisedech obtulit panem, & vinum id est, Messias rex totius mundi iustissimus accepit panem, & vinum, hoc est, separa-**

bit à cessatione sacrificiorum sacrificium panis, & vini, ut dictum est Psal. 109. Tu es Sacerdos in æternum secundum ordinem Melchisedech. Et Rabbi Hacados ex R. Simeone lib. reuelat. secreto- rum sic habet: *Hoc est sacrificium, quod postquam venerit Messias, facient Sacerdotes coram Deo Sancto, & benedicto. Tunc enim cessabunt omnia Sacra, quæ prius fiebant: facient autem sacrificium illud ex pane, & vino. Tunc Deus misericordia implebitur, & virtute ingenti Sanctorum verborum, quæ ab ore Sacerdotum manabunt, illud & omne sacrificium, quod in vnaquaq; aracelebrabitur in corpus Messie conuertetur.*

Per gentes autem à Malachia prædictas intelligi gentes ad Christum, & religionem Christianam iam conuersas, quæ inter omnes religiosas sectas, sola Catholica, & vniuersalis haberi potest, constat ex dictis sec. 2. c. 25. per oblationem autem mundam significari Sacrosanctum Eucharisticum sacrificium, quod Christus verus Messias in vltima cœna instituit, & ab illo tempore in omni loco per totum orbem offertur, scilicet corpus eius, & sanguis sub speciebus panis, & vini, in quo Christus ipsemet primarius est Sacerdos, nec non oblatio, ideo quæ mundissima, ut prædixerat David psal. 109. *Tu es Sacerdos in æternum secundum ordinem Melchisedech;* adeo clarum est, re ipsa modo per se loquente, & perfonante, ut pertinacem, ac mente cœcum esse oporteat, qui id non fateatur. Unde ex nostris Sanctus Augustinus lib. 16 de ciuit. Dei c. 22. de Melchisedech agens sic ait: *Ibi primum apparuit sacrificium, quod nunc à Christianis offertur Deo toto orbe terrarum, implemque illud, quod longe post hoc factum per Prophetam, dicitur ad Christum, qui fuerat venturus in carne: Tu es Sacerdos in æternum secundum ordinem Melchisedech: non scilicet secundum ordinem Aaron, qui ordo forces auferendus, illucescentibus rebus, quæ illis umbris praeosabatur.* Et lib. 17. c. 17. tractans eundem Psalmum 109. hæc iterum habet: *Deinde paulò post dicit: Iura-*

uit Dominus, & non penitebit eum; quibus verbis immutabile futurum esse significat, quod impletur. Tu es Sacerdos in æternum secundum ordinem Melchisedech: ex eo quod iam nusquam est Sacerdotium, & Sacrificium secundum ordinem Aaron, & ubique offertur sub Sacerdote Christo, quod protulit Melchisedech; quis ambigere permittatur, de quo & ista dicantur? Quamobrem lib. 18. cap. 35. huic argumento inherens sic Iudæos arguit: *Malachias prophetans Ecclesiam, quæ per Christum iam cernimus propagatam, Iudeis aperitissimè dicit ex persona Dei; Non est voluntas mea, &c. hoc sacrificium per Sacerdotium Christi secundum ordinem Melchisedech, cum in omni loco à Solis ortu ad occasum iam videamus offerri: sacrificium autem Iudeorum cessasse negare non possunt; quid adhuc expectant alium Christum.*

Quod aliqui cum Rabbi Salomone respondent Prophetam ibi de Melsia, ac gentibus ad illum convertendis non loqui, sed de gentibus idololatriis, quæ sacrificia idolis offerebant, & tamen verum Deum credebant, tam est absurdum, quam à sacro Prophetæ textu alienum; quis enim prudens dicat talia sacrificia Deo vero fuisse grata, & munda? Idem dicendum est de alia responsione, quam apud Iustinum in dial. adhibent Iudæi dictam nimirum Malachiæ prophetiam interpretandam esse de seipso per totum orbem dispersis, quorum preces oblationem illam mundam esse dicunt. Primum quia Prophetæ sacrificijs de manu eorum non amplius à Deo suscipiendis opponit aliud sacrificiū, & oblationem, quam consequenter non nisi propriè sumi oportet, & non impropiè pro spirituali orationis sacrificio; eoque magis, quo tunc, aut ante illa tempora non defuerunt preces illæ piorum Iudæorum; dicendum est ibi significari sacrificium, quod succellurum erat, & substituendum in locum sacrificiorum Iudaicorum. Sed esto quod adhuc ille locus posset intelligi de sacrificio spirituali, pro ut illum explicat Tertullianus in lib. adu. Iud.

cap. 5. à cæteris tamen Doctoribus reprehensus, si quidem orationes, & vota Deo nuncupata, quarum mundities dependet à munditie, & puritate orantis infallibiliter munda semper dici non possunt oblatio, qualem Deus ipse in hoc loco dicit semper fore mundam, & ipsi gratam, cuiusmodi sola est oblatio Eucharistica, ut dictum supra; vltro, inquam admissa talis intelligentia de sacrificio spirituali, nequaquam Iudæis aptari potest; si quidem tunc, & modo falsum est eos in omni loco adorasse, & adorare Deum, multæ enim gentes fuerunt, & sunt, apud quas nec habitant, nec habitaverunt: Deinde Prophetæ dicit expressè oblationem illam mundam, & sacrificium in omni loco faciendum à gentibus non à Iudæis; de quocumque igitur sacrificio intelligatur prophetia Malachiæ, certè ut ineptior cogitari non potest consequentia, quàm nunc in omni loco Iudæorum preces esse mundam, & Deo gratam oblationem, quia magnum est nomen Dei in gentibus; ita legitima est illa, quæ inferat abiectionis sacrificiorum, & totius ritus Iudaici, & in eius locum gentium conversio ad Deum; & per eas celebrandum sacrificium.

Prefatis Scripturarum auctoritatibus pro cessatione veteris legis quo ad ceremonialia, non quæ in eius locum institutione, accedunt quoque plures rationes desumptæ tam ex natura religionis in communi, quam ex propria conditione Iudaicæ; quæ primò eo ipso, quod instituta fuit à Deo ut umbra, & figura alterius, melioris religionis, quædamque præparatio ad illa, ut notauimus supra, patetque ex Sacramentis, sacrificijs, obseruantijs, alijsque ritus illius ceremonijs, quæ omnes fuerunt aliquæ professiones fidei illius, quæ credebant in Melsiam venturum, ut modo Iudæi fatentur se illum in gente sua futurum expectare; cessare quo ad illa debebat, aduertiens eo, cuius venturi prænuntia erat, quia tunc falsæ erant futuræ illæ omnes figure. Fallitur enim qui cum, qui iam aduenit, aut præsens est,

aut.

aut præterijt venturum expectat, ac vice versa. Quare si Christus Dominus verus fuit Messias, vt infra ostendetur, omnes Iudaicas ceremonias falsas esse, ac vanas necesse est, quoniam dum alter futurus Messias speratur, qui iam aduenit, nec agnoscitur, nec colitur; & ita huic vero, legitimoque Principi debitus cultus, religioſaque, denegatur obseruantia, quæ falso alteri exhibenda reſeruat.

Secundò, lex terrena promittens, ac temporalia, Sanctitatem significans, & non præstans est imperfecta, si quidem perfecta religio cum sit res quædam animæ debet potissimum ordinari ad eius salutem, beatitudinemque consequendam, nec non consequenter ad sanctificandos cultores suos, aliàs nec beatitudinis comparandæ necessaria suppeditare media, nec esset Sanctitatis, & virtutum disciplina: Sed lex Mosaica ex proprijs meritis considerata promittebat solum temporalia, præcipua enim merces in illa proposita erat terra illa Palæstinæ brevis, & angusta, nullamque vim Sanctitatis conferendæ habuit, sed tantummodò significandæ, quatenus imperauit munditias quædam carnis, seu corporales ad significandam, & quod signi proprium est, veræ & spiritualis Sanctitatis notitiam suggerendam ijs, qui legem illam spiritualiter sumptam intelligebant; fuit igitur imperfecta, & eatenus bona, & sancta, quatenus per eius promissam, qui verè tunc erat pietatis, ac religionis cultores, beatitudinem eternam sibi figuratam, adumbratamque intelligentes, & desiderantes illam tandem per Christum consequerentur; per Sacramenta autem, v. g. circumcisionem, quod præcipuum inter illa fuit, significabatur Sanctitas non per eam conferenda, sed per fidem, circumcisi, aut circumcidentis in Messiam, vel Christum, quem in stirpe Abrahamæ venturum aspiciebat, atque ita eo adueniente cessare debuit, nullaque amplius potest esse eius, nec aliorum,

rituum vtilitas, quia nonnisi falsa signa esse possunt; manente semper tamen vna, & eadem substantialiter Ecclesia, per eandem, quam fideles, ex quibus coalescit, in vtraque lege, nec non etiam naturæ ab origine mundi Christi fidem habuerunt, & habent: vide Tertullianum lib. adu. Iud. cap. 9.

Octauò notandum est legem Mosaicam quo ad ceremonialia nedum per Christi aduentum cessasse, verum etiam falsam, ac superstitiosam, arque adeò impiam, & sacrilegam redditam fuisse, si semel ostendatur illum verum Messiam in lege promissum fuisse, re enim ita se habente, necesse est falsam esse illam religionem, quæ adhuc expectat eum, quem colere, & venerari deberet, est & impia, quæ Christum, verum Messiam non agnoscit, nec debito cultu veneratur; eum autem quem nos Iesum Christum filium Beatissimæ Virginis Mariæ appellamus, esse verum Messiam, quem lex & Prophetæ Iudeorum prædixerunt, infra demonstrabitur.

Vndè nonò aduertendum non esse in præſenti controuersiam de diuinitate Messie, vel Christi, seu an secundæ Sanctissimæ Trinitatis persona assumperit naturam humanam, adeo vt inde resulerit vnum perfectum compositum quod simul sit verus Deus, & verus homo, quale nos firmiter credimus, & supponimus esse Christum; sed disputatio directè procedit cum Iudæis, an ille fuerit verus in lege promissus, ac prænuntiatus Messias, siue quod idem est an Christus, vel Messias in lege promissus iam venerit, & sit illa singularis persona, quæ dicitur Iesus Christus filius Mariæ: in hoc enim Diuus Paulus conuincebat Iudæos *affirmans quia est Christus* Act. 9. Etsi enim tam Ethnicis, quàm Iudæis negent aduentum Messie, iamque consequenter fuisse peractum Incarnationis mysterium; quia tamen isti præ illis sacras veteris testamenti Scripturas admittunt, in quibus clarissima futuri aliquando Mes-

ſia repromiſſio habetur, ideo etiam ex illarum autoritate ſuppetit nobis ſpecialis modus probandi contra Iudæos non ſolum poſſibilitatem aduentus Meſſiæ, quod ipſi non negant, & in quo iterum à puris infidelibus diſtinguntur, ſed inſuper iam à longo tempore peractum fuiſſe, ſi ſemel oſtendatur in illa ſingulari perſona, quæ vocatur Ieſus filius Mariæ, fuiſſe ad amiſſim implera omnia, quæ Scripturæ Prophetiæ veteris teſtamenti characteriſticæ de vero Meſſiæ prædixerunt: tùm ſtabilito, ac ſuppoſito hoc fundamento, perſuadendi illis omnia à Chriſto reuelata, & edoſta fidei noſtræ myſteria eſſe vera, firmiterque credenda: V.g. illum non eſſe tantum purum hominem, ſed etiam verum Deum ſuæ ſecundam Sacræ Triadis perſonâ, quæ pro nobis humanam carnem aſſumpſit, cum ipſemet Chriſtus, ita de ſe docuerit, & in huius veritatis, aliarumque ad illam conſequentium confirmationem innumera ediderit miracula.

Sic igitur cum vnicum diſputationis aduerſus Iudæos fundamentum ſit autoritas Sacrarum veteris teſtamenti Scripturarum, quas multi ex ipſis vel deprauant, vel non omnes admittunt, primum quod diſputaturus cum illis præſtare debet, eſt firmiter ſtatueræ, quaſnam Scripturas recipiant, & cur non omnes: ita Diuum Iacobum fratrem Domini cum Iudæis acturum legimus apud Beatum Clementem lib. i. recognitionum circa finem hoc primum propoſuiſſe: *Requiramus, inquit, primo ex quibus poſſimum Scripturas diſputationem habere oporteat*: Si enim non conſtet, nec aliquid certi ab ipſis concedatur de Scripturis, vix vlla cum eis poteſt inſtitui diſputatio, niſi vel oſtendendo talem, ac talem Scripturam pro canonica apud antiquos haberi, maximèque apud authores ipſis probatos; aut ſaltem quod rationem reddant, cur illam potius Scripturam, quam alias reiſciant; cum nobiſcum libenter fateantur veram fidei doctrinam

in veteri teſtamento, ſive in ſtatu legis Moſaicæ fuiſſe à Deo traditam in Scriptura; certè ſi pro libito quis poſſet illam negare, vel reſpuere, ſive in partem, ſive in totum, aut varias corruptelas, & mutilationes in illam adducere; nec eſſet de aliqua certa, & firma regula à Deo prouiſum, per quam iſta poſſent corrigi, & ad verum ſenſum reduci, omnia confuſione eſſent plena, perindeque eſſet ac nullam habere fidem. Iſta autem regula non eſt alia, quam Eccleſia, quæ in veteri teſtamento gubernabatur per Sacerdotes, quorum iudicio ſtandum erat Deuteronom. 17. & ad ipſos ſpectabat iudicare de lege, & mandato; vt habetur 2. Paralip. c. 19. In nouo autem per Summos Pontifices Petri ſucceſſores, ac Chriſti Vicarios, vt tom. 1. lib. 2. ſect. 6. cap. 9. oſtendimus, nec non tom. 3. lib. 3. ſect. 4. cap. 16. Quare ad hoc poſſimum reduci debent Iudæorum diſputatores, vt admittant Scripturas, quas ab antiquo recipit eorum Synagoga, petendumque ab illis, an ſaltem eas velint recipere eo in ſtatu & modo, quo tempore primitiue Eccleſiæ habebantur, vbi Apoſtoli, & alij antiqui doctores, vt Iuſtinus, Tertullianus, Cyprianus Athanaſius, & alij cum Iudæis diſputabant, & tamen in diuinarum Scripturarum receptione conueniebant; nec eas Iudæi negabant, ſed convincebantur ex illis; vt multis Antiquum Apoſtolorum locis refertur. Si enim Iudæi ſemel in hoc concordare nolint, euidentiffimum eſt argumentum, quod ipſi non autem Chriſtiani ſacras corruperint Scripturas, quia cum primitiue Eccleſiæ temporibus, tam eorum patres, quam antiqui Doctores Chriſtiani in iſdem conuenirent Scripturis; nolentibus modo eorum filiis in illiſmet conuenire, aliunde prouenire non poteſt, quam ex earum corruptione ab ipſis facta; vnde enim quaſo nouas alias Scripturas; nouamque legem habuere?

Quod ſi adhuc Scripturas omnes
ab

ab Eccleſia receptas nolint admittere; Iudei, diligenter examinandum eſt an illa, quas ipſi habent, & approbant tanquam regulam fidei, concordent in aliquo cum noſtris, & aliquem ſaltem fidei articulum contineant; ex quo legitimum deduci poſſit argumentum contra illos in eo quem negant articulo; re enim ita ſe habentē remanebit ſemper diſputationis locus; habemusque in hoc Chriſti Domini exemplum, qui rogatus à Sadduceis non alios quam Moyſis libros agnoſcentibus, circa articulum reſurrectionis mortuorum illos redarguit loco ex iſſdem libris deſumpto Exod. 3. *Ego ſum Deus Abraham, & Deus Iſaac, & Deus Iacob*; deinde ſubiungit, non eſt Deus mortuorum, ſed viventium. Et audientes turbæ mirabantur de doctrina eius. Matth. 22. v. 33. An ſi nec tales etiam habeant Scripturas, ſed ſuo duntaxat privato ſpiritu, privataque auctoritate ducti illas omnino reiſciant, à diſputatione cum ipſis abſtinendum eſt, vel tractandum cum illis ſicut cum gentilibus omnem diuinarum Scripturarum auctoritatem negantibus.

Suppoſito ergo quod præſens diſputatio incunda ſit cum Hebræis divinis veteris teſtamenti ſcripturas ſacſcriptis; Meſſiaque nomine noſcētum illis quemdā hominem intelligamus ex gente Iudaorum trahentem originem, à Deo per Prophetas prædictum, & promiſſum in Regem, & Salvatorem hominum; iam probandum eſt nobis, ex dictis Scriptoris illum Meſſiam iam pridem veniſſe; falſeque Chriſtum Ieſum à Iudeis crucifixum, quem nos hodie Chriſtiani ſumma per vniuerſum mundum veneratione colimus, & adoramus, quod accuratius præſtare conſuevimus, quo talis veritas, non qualiſcumque aſſertio fidei poſtre eſt, ſed cuiusmodi, quæ veluti vbiſque fundamentum miſer Chriſtiani religio. In cauſa vniuerſalium hominum, inquit Diuus Auguſtinus, quorū per vniuerſum ſub peccato venundatis ſumus, per alterum à peccatis redimimur tota fides Chriſtiani conſiſtit.

Biblioth. Theol. Tom. V.

Vt autem in hoc opere Deo gratiſſimo quemadmodum ſex rationibus efficaciter probat noſter Thomas à Ieſu in præſatione libri 9. de conuerſione omnium gentium procedenda; maiori quo poteſt ordine procedatur; ad tres veluti claſſes reducemus omnia veteris teſtamenti teſtimonia; & in prima comprehendemus illa, quæ abſolute promittunt Chriſtum venturum, non designato tempore; aut aliquibus alijs circumſtantijs, & notis huiusmodi aduentus. In ſecunda ponentur illa quibus designatur tempus circa quod venturus erat, quamvis nec dies, nec hora præciſe determinetur. In tertia tandem collocaſſentur teſtimonia tales circumſtantias exprimentia, quæ non niſi illi ſingulari perſonæ filio Mariæ competere poſſunt; inferentque omnia ad probationem ſingularum propoſitionum minorum ſequentium diſcurſum; qui ſi ſemel ſunt veri, fateantur neceſſe eſt Iudei. I. Meſſiam eſſe poſſibilem. II. illum iam veniſſe. III. Eſſe illam ſingularem perſonam, quæ dicitur Ieſus Chriſtus Mariæ Virginis filius.

Primum autem argumentum, vel diſcurſus huius in modum efformari.

Quod Scripturæ Prophetice ſignificarent eſſe aliquando futurum, id omni ex parte dicendum eſt poſſibile.

Sed futurum eſſe aliquando Meſſiam prænuntiant Scripturæ prophetice.

Ergo Meſſias omni ex parte dictus eſt poſſibilis.

Secundum argumentum eſt.

Quod Scripturæ Prophetice præſignatur eſſe aliquando futurum de aduentu Meſſiæ, iam peractum eſt executionique mandatum; ſi illa ſingularis perſona, quæ dicitur Ieſus filius Mariæ, quamq; omnes Chriſtiani per vniuerſum orbem diſſuſi ſumma veneratione colunt, eſt de factō verus in lege promiſſus ac prænuntiatus Meſſias.

At hoc certifiſſimum eſt:

Promiſſus ergo in lege Meſſias iam dudum venit.

Bbb

Ter-

Tertium argumentum sic habet.

Certissimum esse debet Iesum Marię filium esse, verum Messiam in lege promissum, si in illum concurrunt omnes notę, omniaque prorsus signa, quibus in veteris testamenti vaticinijs, & prophetijs conditio veri Messię descripta reperitur; cum enim talia signa Prophetarum oraculis eò præmissa fuerint à Deo, vt his Messias aliquando in mundum venturus, sine vlllo errore, ac sine magna difficultate cognosci, deprehendere possent, sanè fatendum est eum, in quo illa omnia conuenerint, esse verum Messiam in lege prædictum, ac promissum:

Sed in Christum Iesum ad amissum conspirant omnes notę, omniaque prorsus signa, quibus antiqui Prophetę veri Messię conditionem, & statum depinxerunt:

Igitur pro vero Messia in lege, ac Prophetis promisso habendus est Dominus noster Iesus Christus.

Vt certissimis trium horum discursuum, siue argumentorum præsuppositis maioribus propositionibus; tres eorumdem minores propositiones tot sequentibus capitibus ex sacris veteris testamenti scripturis demonstrabuntur. Si prius monero, quod si, qui auctori cōuersionis infidelium incumbunt, maxime studere debent, vt alieni à christiana religione ad eam blandimentis, summaque charitatis exhibitione, non autē austeritate adducantur, hoc esse præcipue obseruandum cum Iudeis, teste Dino Gregorio, qui potius auctoritatibus, & rationibus summa cum animi lenitate propositis, quam cum rigore ad religionem christianam amplectendam provocari debent, nunc magnificendo veteris testamenti auctoritatem, nunc laudando eos, quod olim à clementissimo Deo in delicijs habiti, & vniuersi terrarum orbis nationibus prælati fuerint, maxime misso in terram vniuerso, & coeterno filio suo, qui ex eorum stirpe priuilegio planè mirabili carnem assumeret: nunc tandem dolendo gen-

tis olim Deo ita charę vicem aduersam: illisque aduenisse oò atrocissimum scelus in Christi morte commissum, vt inferius probabitur.

C A P V T I I.

Adducuntur testimonia Veteris Testamenti, quę absolute promittunt Christum venturum.

Prima Dei promissio data homini de aduentu Messię expressa est ijs verbis iam superiori capite relatis, quę Deus Serpenti dixit Genes. 3. *Inimicitias ponam inter te, & mulierem, & seminum tuum, & semen illius.* Secunda promissio facta est Abraham Genes. 12. & 22. *Et benedicentur in semine tuo omnes gentes terrę, quia obedisti voci meę.* Quod intelligi non potest, quia omnes gentes benedicant ipsam Abraham, vt in præprie explicant aliqui Iudei, cum non promittatur benedictio in ipso Abraham, sed in semine eius, quod est Messias, seu Christus, nec modo vniuersę gentes benedicant Abraham, sed Christum, quem non solum Christiani, sed etiam Mahumetani, tanquam magnum Prophetam venerantur. Tertia promissio, & quidem prioribus multo expressior, per Iacob his verbis pronuntiata, & mundo promulgata est. Genes. 49. *Non auferetur spiritum de Iuda, & dux de femore eius, donec veniat, qui mittendus est, & ipse erit expectatio gentium.* Quod testimonium, quia designat tempus circa quod venturus erat Messias, commodius de illo agitur capite subsequenti. Solum occurrit dubium, cum hec propheta Iacob tam euident, ac firmum cõtra Iudeos de aduentu Messię præbeat argumentum, qui factum sit, vt hoc vaticinio aduersus illos, nec Christus Dominus, nec Apostoli, nec Euangelistę vñ aliquando sint, saltem quod legatur in nouo Testamento expressè. Respondetur causam esse, quia ex hac propheta illud potissimum inferri

ferri potest; quo tempore natus est Christus Dominus, eodem venturum esse Messiam; tunc enim primum deferat principatus ex gente Iudaica transfatus ad Herodem alienigenam: sed hoc Iudæi non negabant; quin etiam pro certo habebant tam docti, quam ipsum vulgus in proximo esse Messiam aduentum. Vnde Samaritana dixit Ioann. 4. *Scio quia Messias venit*: At verò hominem illum, qui dicebatur Iesus, filium Mariæ, & ut putabatur Ioseph, illum, inquam, hominem, seu singularem personam, verum esse Messiam, qui expectabatur, quod Iudæi negabant, & aduersus eos potissimum urgebant Apostoli, absolute ex prophetia Iacob concludi non potest, quare mirum non est, quod ea vti non querant nec Christus Dominus, nec Apostoli.

Item Deuteron. 18. dicitur *Prophetam de gente tua, & de fratribus tuis sicut me suscitabit tibi Dominus Deus tuus*: quo testimonio vti sunt Diuus Petrus Act. 3. & Stephanus 7. In plurimis quoque Psalmorum locis habetur promissio de Messia: Psal. 2. *Dominus dixit ad me filius meus es tu ego hodie genui te*; quo vtitur Apostolus ad Hebræos 5. In Psalmo autem 44. per totum fit sermo de Messia, ubi etiam vocatur Deus, *quoniam ipse est Dominus Deus tuus, & adorabunt eum*. Quod sanè non potest intelligi de Salomone, ut Iudæi volunt, sed de Messia, cuius typus, & figura Salomon fuit. Vnde ad illa verba eiusdem Psalmi, *Sedes tua Deus in saculum saculi; virga directionis, virga regni tui. Dilexisti iustitiam, & odisti iniquitatem*; paraphrasis Chaldaica Messiam nomen expressum habet dicens: *Es tu rex Messia dilexisti iustitiam* &c. Rursus ps. 109 fit aperta Messiam mentio, dum dicitur, quod sit futurus Sacerdos secundum ordinem Melchisedech, & quod sedebit ad dexteram Dei; quin imo quatuor ibi veri Messiam notæ assignantur, prima subiectio inimicorum ipsius; secunda regnum eius ex Sion in totam potestatem terram propagandum; tertia ipsum

fore in æternum Sacerdotem secundum ordinem Melchisedech; quarta, quod de torrente in via bibet, propterea exaltabit caput. Psalmo tandem 131. Dauid sibi à Deo factam Messiam repromissionem ait: *Iuravit Dominus Dauid veritatem, & non frustrabitur eam de fructu ventris tui ponam super sedem tuam*.

In Prophetis etiam manifestæ de Messia habentur prædictiones: Isaie cap. 7. *Ecce Virgo concipiet, & pariet filium, & vocabitur nomen eius Emmanuel*: de quo vide interpretes ibi, præsertim Cornelium à Lapide, qui rectè probat aduersus Iudæos, & hæreticos præfata verba intelligenda esse de B. Virgine Deipara, integra & intacta virginitate Christum Dominum concipiente, & pariente. Iterum eiusdem Isaie cap. 9. prædicitur, quod sicut Assyrj prædati sunt Samariam, & Galilæam, ita & Christus, vel Messias eandem prædabitur spiritualiter; vnde mira eis, totique mundo lux affulgebit, & gaudium: *Puerulus enim, inquit, natus est nobis, & filius datus est nobis, & factus est principatus super humerum eius: & vocabitur nomen eius, admirabilis, consiliarius, Deus, fortis, pater futuri sæculi, princeps pacis, &c.* Quæ verba de nullo alio rege, vel regno temporali possunt intelligi, ut satis per se patet, quomodo enim dici potest aliquis illorum regum Deus, & pater futuri sæculi; sed de Solo Rege Messia, eiusque regno non tam terreno, quàm spirituali, quo Christus in Ecclesia toto orbe diffusa regnat, fideliumque mentibus: vnde Rom. 14. Regnum Dei dicitur esse iustitia, pax, & gaudium in Spiritu Sancto. Quare dum citato Isaie loco regnum Christi dicitur sedes, vel solium Dauid; *Multiplabitur, inquit, eius imperium, & pacis non erit finis: super solium Dauid, & super regnum eius sedebit*: hoc est, vel quia regnum Messiam spirituale adumbratum fuit regno temporali, siue terreno Dauidis; vel quia Dauidi sub typo regni sui promissum fuit hoc regnum Messiam tanquam filij sui. Sicut etiam dicitur Christus regna-

turus in domo Iacob Luc. 1. non temporalis, sed spiritualis, id est, in Ecclesia, seu populo fideli, qui olim erat populus Israel seu filij Iacob; simile est Roman. 9. 6. quando autem ceperit hoc solum, & regnum Iesu Christi veri Messiae, quoque titulo illud obtinuerit: Respondent ad primum Theologi, illud quidem dedisse Deum Patrem Christo quasi in actu primo in sua Incarnatione; sed in actu secundo capisse eo prædicante, & conuertente homines; promotum, & propagatum fuisse per Apostolos, perfectum fuisse post Christi resurrectionem, & ascensionem in cælum, consummatum verò, & gloriosum fore post iudicium vniuersale. Ad secundum pariter dicitur ex communi Theologorum sententia in tractatu de Incarnatione triplici titulo hoc regnum obtinuisse Christum Dominum: Primò titulo vniuersalis hypostaticæ, & hereditatis. Secundo titulo redemptionis; ex quo enim ipse nos suo sanguine emit, magis est Dominus absolutus noster, quam herus sit dominus serui emptitij. Tertio titulo meriti Philipp. 2. *Propter quod & Deus exaltauit illum, &c. ut in nomine Iesu omne genuflectatur caelestium, terrestrium, & infernorum.*

In Propheta Habachuc cap. 3. prædicitur quoque aduentus Messiae, ubi post illa verba: *Hic est Deus noster, & non estimabitur alius aduersus eum;* statim subiungitur: *Post hac in terris visus est, & cum hominibus conuersatus est:* Item Aggæi 2. *Hæc dicit Dominus exercituum. Adhuc vnum modicum est, & ego commouebo cælum, & terram, & mare, & aridâ. Et mouebo omnes gentes, & venit desideratus cunctis gentibus, & implebo domum istam gloria. Dicit Dominus exercituum, mecum est aurum, mecum est argentum, dicit Dominus exercituum, magna erit gloria domus istius nouissimæ, plusquam primæ; dicit Dominus exercituum, & in loco isto dabo pacem.* Verùm cum hæc prophetia Aggæi præter absolutam venturi Messie promissionem, designet quoque circumstantiam temporis aduentus eius,

adhuc vnum modicum est, nec non alias notas Messiae ipsius proprias; fusiores illius explanationem sequentibus capitibus referuabimus, solumque modo statuemus in hoc Prophetæ testimonio haberi sermonem, ac promissionem de aduentu Messiae; qui meritò vocatur desideratus cunctis gentibus, ut potè cunctis ipse salus, & redemptio liberalissimè futurus. Quod si dicat aliquis potius dicendum fuisse desideratum cunctis Iudeis; Gentes enim quibus non affulserat fidei lumen, quomodo poterant illum desiderare. S. Augustinus lib. 18. de ciuitate Dei cap. 35. propter hanc instantiam existimat hanc particulam huius prophetiæ non esse implendam vsque ad secundum Christi aduentum. Verùm cum hæc expositio non quadret cum tota prophetia, nisi de primo intelligatur aduentu, ut capite sequenti ponderabimus; Respondetur facile, Christum Dominum meritò potuisse a Propheta vocari desideratum cunctis gentibus, etiam ante primum aduentum, vel quia per cunctas gentes intelligi possunt cuncti populi, quibus annumerari etiam potest populus hebræus; vel quia si gentes fumantur, ut ab Hebræis distinguuntur, semper inter illas plures fuerunt, ex dictis superiori capite, qui Christi fidem, spem ac desiderium habuerunt: vel etiam, quia licet gentes, quæ Christum penitus ignorabant, non desiderarent illum appetitu elicitò, maximè tamen indigebant aduentu eius, & ideo summopere illis erat desiderabilis, & quod huiusmodi est, solet etiam desideratum appellari, veluti ipso pondere rei indigentis. Quemadmodum frequens est tam in lacris, quàm in prophanis litteris dicere, terram desiderare, vel expectare imbres, solem, ventos; significando terrâ istiusmodi rebus vehementer indigere, quo fructus optatos, & expectatos hominibus ferre queat. Hæc eius vocis significatione vsus Moyses Deuter. cap. 11. dixit terram promissionis expectare de cælo pluias, id est indigere pluuijs, &

eas in tempore accipere. Vel tandem quia Prophetæ ad indicandam prophetiæ certitudinem, solent futura dicere præterita, vel præsentia; & sic quia Christus erat summè amandus, & desiderandus à gentibus, ideo illum vocat Aggæus desideratum cunctis gentibus, alludens ad illud Genes. 49. *Et ipse erit expectatio gentium*. Præterquam dici potest, tam illam Aggæi, quam istam Jacob sententiam posse intelligi de gentibus iam ad Christi fidem vocatis, & conuersis; mos enim Scripturæ est, conuersos ex gentibus ad Christum, etiam post conuersionem appellare gentes, ad differentiam videlicet Iudæorum. Audiamus Paulum loquentem cum gentibus iam Christi fidem amplexis. Rom. 11. *Vobis dico Gentibus, quamdiu quidem ego sum Gentium Apostolus, ministerium meum honorificabo*, &c. sensus igitur est non tantum Iudæi, sed multò magis Gentes Messiam recipient, atque in eo suam spem, omnemque fiduciam collocabunt.

Verùm cum Septuaginta interpretes loco illius particulæ huc vsque à nobis explicatæ, *venit desideratus cunctis gentibus*, verterint, *veniet electa omnium gentium*; aliqui Iudæi ex illa translatione sumpserunt occasionem dicendi, nō promitti ibi aduentum Messie, sed tantum prædici multos Gentilium venturos fore ad videndum templum illud, & offerendum Deo optima, & pretiosa dona. At quam aliena sit à veritate hæc interpretatio, in primis rei euentus probauit: nullas enim Gentes legimus templum illud adiisse causâ pietatis, vt illud admirarentur, aut venerarentur, sed potius ad spoliandum, & depeculandum illud. Quod enim de Alexandro Magno refertur in eo hostias immolasse, rectè notat Diuus Augustinus lib. 18 de ciuitate Dei cap. 45. non vera pietate, sed impia vanitate id fecisse, Deum Israel cum suis alijs falsis colendum putando. Neque in eum locum venit honoris causa, sed vt ciuitatem subiugaret, quia verò non sunt ausi Hebræi illi resi-

stere, ideo placatum facillimè subditi receperunt. Deindè Hebraicus textus à Iudæis admissus habet vt nostra Vulgata: *Venit desiderium cunctorum Gentium*; vnde etiam antiquos Rabbinos locum hunc de aduentu Messie intellexisse testis est Galatinus lib. 4. c. 9. Tandem ex versione Septuaginta Interpretum malè sumpta est occasio præfatæ interpretationis, cum faciliè eundem ac Vulgata, & Hebraica veritas sensum reddere possit, siue ipsemet Christus dicatur electa, seu desiderabilia omnium Gentium, quia omnia bona illis attulit siue Gentes ipsæ venturæ dicantur ad Christum, ita vt aduentus Messie in suo effectu, scilicet conuersione Gentium prænuntiatus sit.

Plura alia præter supradicta possent afferri loca, in quibus manifesta Messie promissio continetur; verùm cum hanc veritatem Hebræi non negent, qui se illum ardentissimè expectate profitentur; tantum superest pro huius capituli coronide, vt vni dubio breuiter satisficiamus, quod contra superius dicta excitari posset; verùm quidem esse quod Messias fuit in lege promissus, sed sub conditione si non obstarent peccata populi, vt colligi videtur ex citato loco Psalmi 131. *Iurauit Dominus David veritatem, & non frustrabitur eam, de fructu ventris tui ponam super sedem tuam; si custodierint filij tui testamentum meum, & testimonia hæc, quæ docebo eos*. Quo loco ad litteram loqui de Messia statim diximus; & pater ex interpretatione Diui Petri Act. 2. vnde cum ista conditio non fuerit impleta ex parte populi Iudaici, sed sua potius multiplicauerint, & aggrauauerint peccata, non est cur asseramus fore aliquando implendam factam de Messia in veteri Testamento promissionem.

Respondetur ad hanc obiectionem satis constare, tam ex alijs authoritatibus adductis, quam ex istomet Psalmi 131. promissionem de aduentu Messie non fuisse factam sub conditione, sed omnino absolutè, & secundum immo-

bili-

bilitatem consilij diuini: & certè si fuit promissus Messias, vt occidendus, & sacrificandus in redemptionem peccatorum, vt habetur manifestè, Isaia 53. & Danielis 9. propter nulla peccata ista promissio frustranda erat. Insuper nullum peccatum grauius fuit, quam ipsa occisio Messia: tam crudeliter faciendâ; quare si propter illud non erat ista promissio frustranda, sed potius promittebatur, & prænuñciabatur ipsa occisio, sine qua non erat futura peccatorum remissio, propter nullum aliud eius adimpletio omittenda, vel impedienda erat. Tandem Iudæi fuerunt in captiuitatem ducti propter peccatum Idololatriæ, & non custoditum testamentum Dei; atque adeo iam tunc posuerant obicem, siue non adimpleuerant conditionem, sub qua dicitur facta promissio de aduentu Messia: & tamen adhuc post captiuitatem facta est promissio, & reuelatio de Messia absolutè, & sine vlla penitus conditione, vt patet Danielis 9. in prophetia 70. hebdomadam, quam sequenti capite examinabimus, & Aggei 2: *Veniet desideratus cunctis Gentibus.* Igitur pro certo tenendum est promissionem de aduentu Messia non fuisse factam à Deo sub illa conditione, si nõ obstarent peccata populi, sed omnino absolutè. Vndè ad illum locum Psalmi 131. *Si custodierint filij tui testamentum meum, &c.* dicitur illam conditionalem referri ad clausulam subsequentem, *sedebunt super sedem tuam;* non autem ad antecedentem in qua fit mentio & promissio de Messia omninò absoluta: vt apertè constat ex ipsorum tenore illorum verborum: *Iurauit Dominus David veritatem, & non frustrabitur eam: de fructu ventris tui ponam super sedem tuam.* Vide ibi interpretes, & inter alios Lorinum.



CAPVT III.

Proferuntur testimonia veteris testamenti, quibus designatur tempus Aduentus Messia:

INter loca veteris Testamenti designantia circumstantiam temporis quo venturus erat Messias, & ex quibus efficacius aduersus Iudæos colligitur illum iam aduenisse, tria sunt potissima, quæ in præsentì capite examinabimus, prius tamen animaduertendo, duo tanquam certa constare ex Scriptura de aduentu Messia: primum illum non venisse immediatè post captiuitatem Babyloniam, cum Prophetæ, qui post talem captiuitatem vixerunt, ipsum adhuc vt venturum prædixerint; vt patet Aggei 2. toties citato: *Veniet desideratus cunctis Gentibus;* & Zachariæ 9. *Ecce Rex tuus veniet tibi iustus, & Saluator, &c.* & Malachiæ 3. *Ecce ego mitto Angelum meum, &c. & statim veniet ad templum suum Dominator, què vos queritis, & Angelus testamenti quem vos vultis;* vbi loquitur de præcursore Christi, & huius aduentu. Secundò constat Christum non venturum post totalem Reipublicæ Iudæorum, eorumque templi destructionem. Nam Christus promissus est venturus ex illa gente Iudæorum vt Micheæ 5. *Et tu Bethleem Ephrata, paruulus es in millibus Iudæ, ex te enim exiet dux qui regat populum meum Israel.* Et in duobus statim citatis Aggæi, & Zachariæ locis dicitur venturus templo adhuc stante: Cum ergo iam totaliter destructum videamus Iudæorum Reipublicam, eiusque templum, non est quod amplius expectetur ab illis primus Messia aduentus. Nec dici potest, quod Messias venturus sit ad restituendum illud regnum, & templum; nam si nasciturus est ex illa gente, & adhuc eorum, republica temploque extante, manifestum est ante eius aduentum debere extare templum illud, & reipublicam, vt in illa nascatur.

Iam

Iam ergò primus locus, in quo magis in particulari determinatur circumstantia temporis, quo veniret Christus habetur in capite 49. Genesios, vbi Patriarcha Iacob à versu 8. vsque ad 12. commendans tribum Iuda primò, à nomine, secundò, à fortitudine bellica; tertio, à dignitate & reuerentia, quod scilicet Iudam adorabunt fratres; quarto, à victorijs; quinto, à regno, & sceptro; sexto, ab opibus, & frugum copia; septimò tandem, à Christo ex ea nascituro, profert hæc verba; *Non auferetur sceptrum de Iuda, nec dux de femore eius, donec veniat qui mittendus est; & ipse erit expectatio gentium*; quasi diceret non deerunt reges, duces, legislatores de tribu Iuda, donec veniat Christus; atqui iam pridem videmus nullos amplius reges, nullos duces, nullos legislatores de tribu Iuda, imò nec de vlla alia tribu inter Iudæos, sed omnes penitus defecisse, idque ab annis mille sexcentis & amplius quibus Iudæi per orbem vagantur, & aliarum gentium quasi perpetuæ seruituti mancipati sunt; ergò dicendū est iam pridem venisse Messiam in lege promissum. Nam licet Iacob non expressè dicat principatum in Iuda tunc defecturum cum veniet Messias, perspicuè tamen significat, si quando contingat deficere principatum in Iuda, tunc certissimè aduentum Messie expectari oportere. Nam si non deficiet donec veniat Messias, ergò cum iam defecerit, necesse est iam venisse Messiam.

Quanto efficacius hic locus aduersus Iudæos probat, certum tempus aduentus Messie, & ex eo cōcluditur euidenter iam pridem illum venisse: tantò pertinacius Iudæi, qui fuerunt post aduentum Christi, multiplici tergiversatione vim illius eludere conati sunt, varias huius prophetiæ interpretationes confingendo, quibus apertam rectamque eius sententiam quoquomodo infuscarent atque peruerterent, Maior igitur recentiorum Hebræorum pars cum negare non possit prophetiam hanc esse completam, negat tamen in ea esse ser-

monem de Messia: Sed adhuc propter obscuritatem illius vocis *Siloh*, quæ habetur in textu Hebraico, *donec veniat silo*, diuisi sunt inter se, quid per illam intelligatur. Aliqui enim dicunt non personam aliquam, sed locum significare, in quo multo tempore mansit arca Dei, vt constat ex libro Regum 1. Alij intelligunt de Saule hunc locum, quia in *Siloh* vnctus est in Regem; alij de Hieroboam, qui separauit decem tribus ab imperio regum Iudæ, adeo vt hic sit prophetiæ sensus: non recedet principatus à Iuda, donec veniat *Siloh*, id est donec in *Siloh* vngatur in regem Saul, qui erat ex tribu Benjamin, in quem translatus est principatus ex tribu Iuda. Similiter donec veniat *Siloh*, id est, Hieroboam, qui in ea vrbe assumptus est in regnum decem tribuum. Alij denique referunt hoc vaticinium ad Nabuchodonosor regem Chaldeorum, voluntque hunc esse verum, germanumque illius sensum: Habebit tribus Iudæ regale imperium, donec veniat rex Nabuchodonosor: is enim regale imperium ademit tribui Iudæ, capto, effossisque oculis ducto Babylonem rege Sedechia, post quem nullus deinde posterorum Davidis, aut ex tribu Iudæ regauit apud Iudæos. Atque hæc etiam ratione vaticinium hoc Iulianum Apostatam, & hostem Christianorum intellexisse, ex verbis quæ commemorat S. Cyrillus Alexandrinus libro octauo eorum decem, quos aduersus illum conscripsit, licet colligere, quæ sic habent. Quod non deficiat princeps de Iuda, neque dux de femoribus eius, non de Messia, vel de Iesu dictum est, sed de regno Davidis, quod cessasse constat in Sedechia nouissimo posterorum Davidis regum Iudæorum.

Alterā Iudæorum interpretatio præcedenti veluti extremè opposita, est, hanc quidem prophetiam esse de vero Messia intelligendam, sed nondum esse adimpletam. Primò enim aiunt aliqui, vocem Hebræam (*Sheuech*) quam Latinus interpres vexit sceptrum, sius virgam

gam, significare hoc loco non virgæ dominationis ac principatus, sed virgæ tribulationis, & tyrannicæ oppressionis. Ut sit sensus: Non recedet à tribu Iudæ vexatio & oppressio, quoad veniat Messias. Secundò alij docent non eam esse huius prophetiæ sensum, quem iactant Christiani, sed planè contrarium: neque enim significatur principatum in tribu Iudæ nunquam defecturum vsque ad Messiam aduentum; sed illud potius significatur, post aduentum Messie, nullo tempore deinceps sceptrum Iudæ defecturum: adueniens enim Messias restituet tribu Iudæ regnum, idque in posterum ita firmabit, vt nunquam deficiat. Tertio denique Rabbi Salomon concedit significari hoc vaticinio, mansurum in tribu Iudæ sceptrum, donec veniat Messias; negat tamen venisse adhuc, quia manet adhuc in tribu Iudæ sceptrum & imperium. Sed vbi terrarum aut gentium sceptrum, & imperium habet tribus Iudæ? Respondet, in his regionibus quæ sunt circa Mediam, Afsyriam, Babilonem, & circa montem Caucasum. Hanc opinionem, vt suo tempore à Iudeis vulgò iactatam memorat Origenes initio libri 4. de principijs.

Contra has igitur duas impias, & insulas Iudeorum interpretationes stabilendum est nobis primò vaticinium hoc debere intelligi de solo vero Messia, & nullo modo de aliquo alio Rege; vel duco ex antecedentibus. Secundò iam fuisse adimpletum. Verùm antequàm omnia prænotanda sunt aliqua, & quæ diligentius quàm sepius in præsentì disputatione videresse solent.

Primum est in illis verbis non aufertur sceptrum de Iudæ, &c. vnum explicari, scilicet non esse auferendum sceptrum de Iudæ; aliud verò implicari, futurum scilicet aliquando sceptrum in Iudæ Non poterat enim auferri sceptrum à Iudæ, nisi prius illud habuisset. Cum igitur illo tempore nullum regnum esset in domo Iudæ, tacitè siue implicite significatur, ac prædicitur illis verbis fore aliquando vt domus Iudæ regnaret.

Aduertendum est secundò ab eo tempore, quo Iacob edidit hoc vaticinium, id est ab eius morte vsque ad Christi aduentum, seu Natiuitatem; quem verum Messiam esse cõtendimus ex hoc, quod tunc Principatus Iudaicus ad Alienigenas erat translatus, nimirum ad Herodem Ascalonitam Antipatris filium; fluxisse annos 1695. id siquidem prophetauit Iacob anno ætatis 147. quo & mortuus est, qui fuit annus mundi 2255. Christus autem Dominus natus est anno mundi 3950. igitur à morte Iacobi vsque ad ortum Christi fluxerunt anni 1695. quorum ratio iuxta probabiliore Sacræque Scripturæ magis consentaneâ Chronologiam, quâ secuti sumus to. 2. lib. 3. sect. 4. cap. 63. sic se habet: A morte Iacobi vsque ad Exodum computantur anni 198. Ab Exodo ad annum quartum Salomonis Regis, cum datum est templo fabricando initium, anni 480. A iactis Templi Salomonei fundamentis vsque ad eius excidium, & extremâ Sedeciæ calamitatem anni 464. A casu vrbis, & templi Hierosolymitam, siue à captiuitate Babylonica vsq; ad Christi ortum anni 591. qui omnes simul iuncti cõficiunt summam annorum 1695. à morte Iacobi, quorum velmo natus est Christus Dominus; dum regnaret in Iudæa Herodes Ascalonita iam à 352 annis secundum aliquos, vt quod probabilius secundum alios à 29. vt loco citato diximus cap. 76. Quare etiam iam ab illo tempore ante Christi natiuitatē defecerat sceptrum de Iudæ, absque vilo prorsus præiudicio veritatis huius prophetiæ, tam paruum enim interval-lum 29. annorum, in tanta serie temporum, pro nihilo reputari debet: sufficitque ad dictam veritatem, sub eodē Rege Herode, in quo defecit sceptrum de Iudæ, natum esse Christum. Nam particula *donec* non significat præcisè annum, mensem, vel diem determinatam aduentus Christi; sed tantum confusè, quod sub illud idem tempus; puta sub eodem Rege, in quo deficiet sceptrum de Iudæ, nasciturus est Messias, siue Christus.

Ter-

Tertiò notandum est regimen Populi Hebræi non vnus semper modi fuisse, sed multiplicem distinguì posse illius formam. Primum enim dum Abraham, Isaac, & Iacob peregrinati sunt in terra Chanaan, certum est Hebræos familiam tantum fuisse, non populum, adeò enim pauci erant, vt constituere non possent politiam, quæ maiorem capitum numerum requirit, nec enim, vt docet Aristoteles 7. Pol. quilibet numerus nomen illud tueri potest. Itaque familiæ modum non excedebant, & regimen quo gubernabantur erat œconomicum, domesticaque inter ipsos communicatio intercedebat. Postea vero quam duodecim filij Iacob vxores duxerunt, licet suas quique constituerint familias, ita tamen, vt necdum populus appellari posset, non enim plusquam septuaginta capita numerabant, cum descenderunt in Aegyptum, vt habetur Genes. cap. 46. patet autem ex tam paucis nullam constare posse politiam, quæ sibi ipsi sufficiens esse debet ex Philosopho lib. 1. Polit. cap. 2. Vnde inter hos ea erat communicatio, quam omogalacton, id est, *collaetaneorum* appellat idem Philosophus eodem lib. cap. 1. quæ inter eos versatur, qui eiusdem quidem stirpis sunt, sed adhuc numerum, qui rempublicam constituit, non attingunt. Etsi autem postea in Aegypto multiplicati fuerint Hebræi, temporeque prosperitatis in terra Gessen sub præfecto Aegypti Iosepho, & deinceps verisimile sit illos habuisse Iudices & Magistratus ex gente sua, qui lites disceptarent, aut componerent, qui ius dicerent, & publica negotia administraret, quia tamen hoc eodem tempore adhuc Pharaoni, cuius summum in tota Aegypto erat imperium, subiiciebantur; postea verò tempore calamitatis, cum de illis opprimendis cogitarunt Aegyptij,

præfectis pariter Aegyptijs subiecti sunt & pro mancipijs duriter habit, & ex luto formandis lateribus additi, donec Dei beneficio Duce Moyse in libertatem eduoti, legibus à Deo datis viuere cæperunt; dicendum est primum supremam potestatem, & dominatum populi Hebræi penes Duces fuisse, Moysem dico, & Iosue per annos 58. nam Moysem quadraginta annis præfuisse populo Hebræo habemus Deuteronom. 29. Iosue autem 18. deinde post eius mortem immediatè cæpit esse principatus Iudæicus penes Iudices quatuordecim, id est, ab Othoniele vsque ad Samuelem inclusuè per annos 378. adhuc penes reges, qui post mortem Salomonis diuisi sunt in Reges Iudæ, & Israël, à Saule exclusuè, quia illi communes fuerunt cum Samuele 40. anni regni sui, vsque ad Sedechiam, per annos 510. Post solutam captiuitatem Babylonicam annorum septuaginta, hoc est post reditum Hebræorum ex captiuitate Babylonica vsque ad Herodem penes Pontifices fuit qui etiam ab alijs Iudices, Reges, & Duces appellantur per annos circiter quingentos. Cum autem se se mutuo propter regni cupiditatem colliderent, à Romanis oppressi, regia dominatione exciderunt, retento tamen pontificatu, quem etiam tandem venalem Romani proposuerunt; & Iudææ rex ab Augusto constitutus fuit Herodes Ascalonita Antipatri filius, vt patet ex Iosepho. Cuius stemma, tam vt appareat quis fuerit Reipublicæ Iudaicæ status Christi tempore, quam vt etiam facilius intelligantur ea, quæ in Euangelica historia, & Actis Apostolorum habentur, placuit hic breuiter adnotare; Magis enim distinetum, & vberem Herodum genealogiam, qui volet, poterit legere opusculum Serrarij, quod *Herodem* inscripsit. Sic igitur se habet Stemma.

Antipater.

Herodes | primus Ascalonita magnus appellatus.

Aristobulus: Alexander: Antipater: Archelaus: Herodes Secundus: Philippus.

I
Herodes TertiusI
Agrippa.

Herodes ergo primus, qui etiam Ascalonita, & magnus dictus est, ex pluribus vxoribus sex enumeratos filios habuit. Tres primi, scilicet Aristobulus, Alexander, & Antipater ipso patre iubente occisi sunt. *Archelaus*, ille est, cuius mentionem facit S. Matth. cap. 2. *Audiens autem quod Archelaus regnaret in Iudæa pro Herode patre suo, timuit illo ire, &c.* *Herodes secundus* dictus *Antipas*, ille est qui Ioannem occidit, & Christo illudit veste alba induto, qui Lucæ c. 3. Tetrarcha appellatur. Mortuo enim Herode Magno huius parente, qui totius ferè terræ promissionis regnum à Romanis obtinuerat, tribus filiis relictis superstitibus, Augustus Cæsar non vni soli totum regnum tribuit, sed inter eos ita diuisit, vt dimidiam regni partem daret Archelao natu maiori, in qua Iudæa continebatur, reliquam verò dimidiam partem inter alios ducs fratres *Herodem* scilicet *Secundum*, & *Philippum* diuideret. Vide Iosephum lib. 17. Antiquit. cap. 17. Porro Archelaus certis quibusdam de causis post aliquot annos regno pulsus, & in exilium missus est ab Augusto, nec vllus alius in eius locum successit, sed quidquid ditionis illius fuerat, in Provinciæ formam redactum est, præfidesque subindè Romæ missi cum potestate, qui rempublicam administrarent, & ius populo dicerent: Horum vnus fuit Pontius Pilatus, qui Christum Dominum cruci adiudicauit iniuste. Herodes ergò Secundus de quo hic est sermo Tetrarcha duntaxat erat Galileæ, Philippus autem Ituræ, & Trachonitidis regionis: Porro hic Philippus, qui Herodis Antipæ frater fuit, non tamen germanus; Herodes

enim matre Samaritide, Philippus verò Hierosolymitana natus est ex Iosepho lib. 17. Antiq. cap. 1. maritus fuit Herodiadis, qua Herodes incestè abutebatur: ipsa autem Herodias filia erat Aristobuli eiusdem Herodis fratris: Legitima verò Herodis Antipæ vxor, filia fuit Aretæ regis Arabiæ, ex eodem Iosepho lib. 18. Antiq. cap. 7. Qui præter illos memoratur eodem cap. 3. S. Lucæ, Abilinae Tetrarcha Lysanias nomine, ad Herodum genus non pertinuit, sed nescio quis alius fuit ex genere Dynastarum Chalcidæ, cuius meminit Iosephus lib. 15. antiq. cap. 13. Abilina verò regio cui præfuit, sic appellata est ab vrbe Abila sita inter Libanum, & Antilibanum. *Herodes Tertius* Agrippa appellatus filius fuit Aristobuli primogeniti filij Herodis Ascalonitæ; hic ille est, qui Iacobum occidit, & Petrum vinxit, & diuino iudicio vermibus perijt, relicto filio suæ ditionis hærede, qui appellatus est Agrippa, cum quo locutus est D. Paulus vt habemus in Actis Apostolorum.

His ita necessariò pro instituti nostri ratione præmissis probandum est iam in illa prophetia Iacob. Genes. 49. fieri mentionem de futuro aliquando Messisæ aduentu, primumque ad illud faciunt variæ huius loci versiones. In vulgata enim editione sic dicitur, *Non auferetur sceptrum de Iuda, & dux de femore eius, donec veniat qui mittendus est, & ipse erit expectatio gentium.* Chaldaica paraphrasis, quæ apud Iudæos, magnæ autoritatis est, clarè vertit: *Donec veniat Messias, cuius est regnū, huius enim nomen tunc erat, qui mittendus est, aut venturus est.* In Hebræo autem sententia hæc ad verbum sic transfertur ab

Oleastro. *Non recedes virga de Iuda, & scribere facies de subter pedes eius, usque quo veniet Siloh, & illi obedientia populorum.* Quam vocem Siloh licet variè deducant, & explicent interpretes, omnes tamen aptè de Christo possunt eorum explicationes intelligi; vt videre est apud Cornelium à Lapide in commentarijs in Genesim: Secundò maximè probat hunc locum de Messia intelligendum particula illa, & ipse erit expectatio gentium, seu, eris illi obedientia populorum, quod vtique non competit nisi Messie, de quo dicitur Isaiæ 11. *Erit radix Iesse, qui stat in signum populorum, ipsum gentes deprecabuntur.* Tertiò denique, quia nullus est, aut ex superius allatis regibus, & ducibus, aut aliquis alius, cui ista prophetia attribui possit; Non Sauli primò quia hic non fuit de Tribu Iuda, sed Benjamin: secundò, quia per id tempus sceptrum regum à domo Iuda minimè defuit, quippè vsque ad Dauid illud nunquam obtinuit. Quod si non de regno, sed de alia potestate iudicandi, vel regendi populum loquamur, multo ante Saulem, toto videlicet tempore Iudicum, caruit hac dignitate tribus Iuda; si autem tantum sermo sit de singulari quadam dignitate, & nobilitate tribus Iuda inter omnes alias Iudaici populi, ab hac non cecidit illa tribus tempore Saulis, magis, quam antea cecidisset. Denique quia sine fundamento dicitur Saulem vnctum esse in Siloh, quia eo tempore arca Domini iam non erat in Siloh, sed in Cariathiarim 1. Reg. cap. 7. vnde cap. 9. Vnctus dicitur in terra Suph, seu in Masphat.

Similiter non fuit impleta ista prophetia in Dauide, aut Salomone, quia cum ipsi venerunt, non defecit, sed potius incepit sceptrum in Iuda: Nec in Ieroboam, primò quia explicari non potest, cur tempore illius dicitur venisse Siloh, cum nec ille fuerit coronatus, aut vnctus in Siloh, sed in Sichem 3. Regum 12. secundò, quia licet eo

Biblot. Theol. Tom.V.

tempore fuerit aliquantulum imminutum sceptrum, vel regnum Iuda per separationem aliarum tribuum, non defecit tamen, sed in Roboam, Abia, Asa, & alijs regibus continuatum est vsque ad captiuitatem Babylonicam. Tertiò quia ille non fuit expectatio gentium, quia vltra terminos regni Israelitici nihil habuit. Hanc tandem prophetiam non posse competere in Nabuchodonosor regem, quando tempore Sedechiæ Regis, captiuum duxit populum in Babylonem lib. 4. Reg. cap. 25. primum eo maximè patet argumento, quod nullo modo in illum, sicut nec in Ieroboam, nec in Saulem cadere potest, id quod proximè Iacob subiicit; & ipse eris expectatio gentium, vel, eris illi obedientia Populorum: tantum enim abest vt eum Gentes desiderauerint, & expectauerint, vt tanquam infensissimum hostem, & tyrannum crudelissimum vehementer oderint, eiusque calamitatibus, infortunijs, & exitio incredibiliter lætata sint, quemadmodum significat Isaias cap. 14. Secundò quia nulla ratio reddi potest cur Nabuchodonosor dicatur Siloh, aut cur tempus regni eius hac voce significetur; etsi enim Deus illum miserit ad castigandos Iudæos, solus tamen Messias simpliciter, & præcisè nominatur in Scriptura Missus vel mittendus; neque id nomen in alium quempiam dicitur, nedum in istum regem impiū, quem scilicet Azarias apud Daniel. c. 3 appellat iniustissimum, & pessimum vltra omnem terram. Tertiò quia eo tempore sceptrum omnino ablatum, non fuit de Iuda, sed post Zedechiam adhuc soluta captiuitate Babylonica Zorobabel, & alij principatum tenuerunt, Zorobabelem autem non solum è regia tribu Iuda fuisse, sed etiam è regali stemmate patet ex Christi Domini Genealogia, quam habemus apud Sanctum Mathæum cap. 1. Tandem post Zedechiam, & captiuitatem prophetatus fuit Messias vt venturus, vt patet Danielis 9. in prophetia 70. Hebdomada,

dum, Aggæi 2. *veniet desideratus cunctis gentibus*; & Zachariæ 9. non fuit ergo impleta ista prophetia in Zedechia; siue quod idem est Messias, quicumque ille sit, non fuit Nabuchodonosor, aut alius ex præcedentibus regibus, ut nimis insulse asseruerunt aliqui Iudæorum.

Supposito semel quod ista prophetia Iacob sit necessario intelligenda de vero Messia, prout sufficienter declaratum fuisse puto; manifestè sequitur illam fuisse impletam, iamque in vi illius verum aduenisse Messiam; cum signum certum à Iacob prædictum, totalem scilicet regni, vel principatus Iudaici destructionem, ad Messiam tempus destruendum, iam pridem impletum atque exhibitum esse videamus. Quod enim aiunt primo aliqui Iudæi, ut diximus supra, vocem Hebræam, Sheueh, quam Latinus interpret vertit, sceptrum, siue virgam, significare hoc loco nõ virgã dominationis, ac principatus, sed virgam tribulationis, & tyrannicæ oppressionis, falsum esse liquet dupliciter; tum quod post illa verba, *Non auferetur sceptrum de Iuda*, statim subditur: *Et dux de femore eius*. Ergo loquitur Iacob de virga principatus, & dominationis, non autem oppressionis, & vexationis: tum etiam quia perspicuè falsum est nunquam recessisse à tribu Iuda vexationem, & tyrannicam oppressionem vsque ad Messiae aduentum: si quidem ex libris Regum palam est, fuisse penes tribum Iuda à Davide usque ad Sedechiam, per annos decem, & quingentos, regalem principatum & imperium, & aliquandiu potentissimum etiam, atque florētissimum. Secunda interpretatio aliorum dicentium in hoc vaticinio non significari, principatum in tribu Iuda, nunquam defecturum vsque ad Messiae aduentum, sed potius post aduentum Messiae, nullo tempore deinceps defecturum sceptrum Iuda; hæc, inquam, interpretatio non minus est falsa, quã præcedens, illa enim planè corrupti-

tur, ac perueritur sententia Iacob. Nam ipse ait, *Nõ deficiet sceptrum donec veniat Messias*. Isti exponunt, Non deficiet, postquam venerit: donec autem venerit, & postquam venerit, valde diuersa sunt; illud enim respicit futurum Messiae aduentum, hoc autè iam præteritum. Tertia interpretatio Rabbi Salomonis dicentis non venisse adhuc Messiam, quia manet adhuc in tribu Iuda sceptrum & imperium, in his regionibus quæ sunt circa Mediam, Assyriam, Babylonem, & circa montes Caucasum, ridenda potius, quam cõfutanda videtur, certè enim impudentissimum est, minimèque ferendū istius Rabbinii mēdacium de imperio tribus Iuda in illis regionibus. Ex omnibus enim historijs liquido constat, ex eo tempore quo Iudæi in captiuitatem ducti sunt, siue decem tribus primò, siue deinceps tribus Iuda, semper illas regiones sub alienigenarum regū fuisse imperio. Sed esto, habeat sceptrum, & imperium in illis regionibus tribus Iuda, multisque sæculis habuerit; non propterea tamen non esset impleta prophetia Iacob, quippè qui loquitur non de quocumque principatu & imperio, sed de illo quod tribus Iuda habitura erat in terra promissionis, ut satis cõstat ex his quæ subiungit Iacob de fertilitate terræ, quæ sorte obuenit tribui Iuda in diuisione terræ promissionis.

Superesset iam ostendere quomodo veritas huius prophetiæ cum ipso euentu, rerumque successu, congruat atque consentiat, siue quod idem est, quomodo signum illud certum defectiōis sceptri Iuda à Iacob prædictū, ad Messiam tempus dignoscendum, in tempore aduentus Christi Domini impletum, atque exhibitum fuerit: sed quoniam ex vi præsentium probationum, intendimus tantum demonstrare aduersus Iudæos, verum Messiam iam aduenisse, quicumque ille sit, ideo hanc difficultatem sequenti capiti examinandam referuamus; & ad aliud testimonium,

nium, quo in veteri testamento denotatur tempus aduentus Messiae, transimus.

Secundum testimonium, sicut clarissimum, ita & vulgarissimum ad convincendos Iudaeos, quod verus Messias in lege promissus iam aduenerit, petitur ex Danielis cap. 9. ubi Angelus Gabriel praedicat Christum post septuaginta hebdomadas esse venturum, & à Iudaeis occidendum, & exinde ciuitatem Hierusalem euertendam, & populum Iudaeorum dissipandum, & vastitatem eius, ac desolationem duraturam vsque in saeculi finem. Haec sunt verba. *Ab exordio precum tuarum egressus est sermo; ego autem veni, ut indicarem tibi, quia vir desideriorum es: tu ergo animaduerte sermonem, & intellige visionem. Septuaginta hebdomades abbreviate sunt, super populum tuum, & super urbem sanctam tuam, ut consummetur praenunciatio, & finem accipiat peccatum, & deleatur iniquitas, & adducatur iustitia sempiterna, & impleatur visio, & propheta, & ungatur Sanctus Sanctorum; Scito ergo, & animaduerte; ab exitu sermonis, ut iterum edificetur Hierusalem, vsque ad Christum ducem; hebdomades septem, & hebdomades sexaginta duae erunt; & rursum edificabitur platea, & muri in angustia temporum. Et post hebdomades sexaginta duas occidetur Christus: & non erit eius populus, qui eum negaturus est. Et ciuitatem, & Sanctuarium dissipabis populus cum duce venturo; & finis eius vastitas, & post finem belli statuta desolatio. Confirmabis autem pactum multis hebdomada una; & in medio hebdomadis deficiet hostia & sacrificium: & erit in templo abominatio desolationis; & vsque ad consummationem, & finem perseverabis desolatio. Haecenus Gabriel ad Danielum.*

Cum huic testimonio tam claro non possint aliud Hebraei respondere, quam aut non intelligi de vero Messia; aut si intelligatur, nondum tempus pro illo praefixum esse adimpletum; duo etiam opposita sunt nobis proban-

da. Dicendum est igitur primò in hoc loco fieri sermonem de vero Messia; videturque demonstratiuè colligi tam ex antecedentibus, quàm ex consequentibus; quatuor enim hic numerantur bona, quae neque ad promissiones merè temporales, & externas, nec ad alium praeter verum Messiam accommodari possunt. Primum est, *finem imponere peccato, & delere iniquitatem*; alterum est, *adducere iustitiam sempiternam*; tertium est, *implere Dei promissa, & vaticinia prophetarum*; quartum est, *ungi Sanctum Sanctorum*: quorum singulorum verborum accurata ponderatio, & explicatio, quoniam pertinet ad interpretes Sacrae Scripturae possunt inter illos videri Perieris lib. 10. comment. in Danielelem, Cornelius à Lapide, & alij plures, qui in hunc prophetam commentaria ediderunt.

Vndè etiam Angelus, ut apertius declararet se hoc loco de vero Messia vaticinari, ipsum met Christi Ducis, nomen Messiae proprium exprimere voluit, ab exitu sermonis, ut iterum edificetur Hierusalem, vsque ad Christum ducem; hebdomades septem, & hebdomades sexaginta duae erunt. Quod enim quidam Iudaei interpretati sunt per Christum ducem, intelligi regem Cyrum, à quo donata est Iudaeis libertas, cum namque Deus per Isaiam 44. & 45. seruum pastorem, & Christum suum appellat. Alij dixerunt, intelligendum esse, vel Iesum Pontificem, vel principem populi Zorobabel, ambos duces populi ex Babylonica captiuitate in Iudaeam reuertentis. Nonnulli, Christum ducem vocari putarunt hoc loco, Nehemiam, qui urbem Hierusalem refecit. Haec omnia, & alia similia subterfugia facile refelluntur, primò, quia Christus dux quasi per antonomasiam de Messia dicitur, iuxta illud Isaiæ 55. *Dedi te in ducem gentium, ducem, ac praecceptorem populis*; & Michæ 5. proicitur à D. Mattheo loquens de Bethleem natali vrbe ipsius Messiae; *Ex te, inquit, exiet dux, qui regat populum meum Israel*:

Israel: & in Hebræo, vbi nos habemus vsque ad Christum Ducem; est vox significans vsque ad *Christum principalem*, quæ est singularis appellatio veri Messiae. Deinde præcedentia verba non alium sensum patiuntur; nam neque tot tantaque bona quæ in illis numerantur, alius nisi Messias præstare poterat, cumque talia præstaturum, omnes prophetae prædixerant: Tertiò denique quia omnium supradictarum interpretationum manifestus est in Chronologia error; facillisque ad confutandum. Etenim, Angelus Gabriel ait præteritura sexaginta nouem hebdomadas, vsque ad Christum Ducem; at Cyrus, Iesus Pontifex, & Zorobabel, multis annis fuere ante initium hebdomadû; ipse autem Nehemias, circa principiû hebdomadum floruit, quin ædificando Hierusalem, dedit ipse initium septuaginta hebdomadibus, vt volunt multi, de quo infra.

Sed iterum Iudæi obijciunt in præfenti testimonio non prædici aduentû Messie post illas septuaginta hebdomadas, quia, inquit, Daniel tunc non postulabat à Domino Messiam aduentû, sed solum liberationem populi sui ab illa captiuitate; Quorsum igitur docet hoc loco Daniele Angelus, certum tempus aduentus Messie? Quid enim ad vota, & postulata Danielis de liberatione populi, & refectione vrbs, & templi, hoc de aduentu Messie pertinebat? Ad hanc obiectionem, quæ sanæ coniectura leuissima est, quia vtrûque explicent prophetiam hanc Iudæi, vitare non possunt, quin multa contineat ad libertatem illius populi nihil pertinentia; Ad hanc, inquam, obiectionem responderetur primò verissimilius esse, quod Daniel non tantum temporalem populi libertatē, sed multò magis spiritualem futurā per Messiam desiderauerit: cum enim tum ex visione illius statuar, quæ Regi Nabuchodonosori in quiete visa fuerat, tum ex ea visione quam ipse primo anno regni Balthazaris habuerat, apertissimè

cognouisset mysterium Incarnationis, siue filium Dei humana indutum carne, descendurum in terras, & conditurum quoddam regnum amplissimum, & æternum, cui omnia regna mundi subijcienda essent: & in eo regno populum Dei florentissimè, ac felicissimè regnaturû; valdè credibile est Daniele summo exarxisse desiderio noscendū certum tempus, quo filius Dei venturus esset in mundum, & tot tantaque bona mortalibus allaturus. Itaque Deus in hac visione, voluit vtrique desiderio simul satisfacere: quod satis indicauit Angelus dicens: *Ego veni vt indicarem tibi, quia vir desideriorum es*. Secundò responderetur: tantam esse Dei erga homines, præsertim verò seruos suos benignitatem, & bonitatis redundantiam, vt non modo quæ optant, petuntque ab ipso, sed etiam plura & maiora eorum votis ac postulatis concedat. Sic habemus, Achas regi Iudæ meruenti euerfionem regni Davidis, contra quod duo potentes reges, Israel & Syriæ coniurauerant, Deum per Isaiam cap. 7. prædixisse, non modo se regnum illud terrenû Davidis defendurum, ac seruaturum; sed etiam missò in terras filio suo, & ex purissima Virgine nato, omne genus hominum ex dæmonis potestate, ac seruitute peccati erepturum, & spirituale Davidis regnum, hoc est Ecclesiam suam per vniuersum terrarum orbem propagaturum. Similiter hoc loco, non tantû promittere voluit Danieli relaxationē captiuitatis Babylonice, & restaurationem Hierusalem ac templi: sed præterea, hinc sumpta occasione, patefecit certum tempus venturi Messie, qui terribilissimam animorum seruitutem depelleret, & aditum nobis ad cælum, atque ad immortalem, & beatam vitam aperiret.

Tertiò tandem responderi potest, consuetudinem esse diuinarum Scripturarum, cum de re quapiam agunt, quæ alterius rei figura, aut symbolum est, in eius rei tractatione, multa quæ ad rem

ad rem illam figuratam ſpectant, immiſcere. David & Salomon, quia multifariam præfiguraverunt Chriſtum, propterea in Pſalmis, & apud Prophetas, cum de illis agitur, plura interſeruntur, quæ illis, aut vix, aut nullo modo: Chriſto autem Domino propriè, perfectè, manifeſtèque conveniunt. Idem patet de terrena illa Hieruſalem, & civitate Sion, quæ ſimilitudinem geſſerunt Eccleſiæ Evangelicæ, & triumphantis. Similiter igitur, cum Babylonica illa ludæorum captivitas, cuiusq; ſolutio imaginem quamdam præferret captivitatis omnium hominum ſub Diabolo, & peccato, & eius liberationis, quam perfecturus erat Chriſtus; nec non & illi ſeptuaginta anni captivitatis, ſimilitudinem quandam, & convenientiam haberent cum ſeptuaginta annorum hebdomadibus, quibus decurſis, Chriſtus in mundum veniens, auctor effectorque ſalutis, ac felicitatis humani generis futurus erat; ſapientiſſime Deus in hac viſione, ſimul cum liberatione populi, & terrenæ Hieruſalem reſeſtione, præſinitum aduentus Meſſiæ tempus coniungere voluit. Ad quod totum magis illuſtrandum placet hic Ruperti Abbatis ſententiam referre ex eo libro quem ſcripſit in Daniele cap. 16. Si ſolam, inquit, litteram ſpectes, nunquid ea reſponſa, quæ dedit Angelus, Danielis oratio flagitauerat? Ille enim pro ſolutione captivitatis, & urbis, ac templi reparatione, Deo ſupplicauerat. Itaque ſi ſolam litteram ſpectes, nihil inuenies præter illam ſeptuaginta annorum Babylonica captivitatē: nihil præter civitatis, & templi manuſacti cineres, quod deplorer, aut quod recuperari deſideres. Verum ſi ita erat, ſi hoc tantum in votis habebat, numquid pro ea re opportunam conſolationem accepit? Nonne potius contraria votis audiuit? Non enim dictum eſt illi edificabitur Hieruſalem & templum, atque omnis ceremoniarum cultus renouabitur, ſed quod his valde contrarium eſt. Occidetur Chriſtus, non erit eius populus, qui cum negaturus eſt, civitatem, & Sanctuarium diſſipabit.

populus, cum duce venturo, & ſinis eius vaſtitas, & poſt ſinem belli ſtatuta deſolatio: & deſiciet hoſtia, & ſacrificium, & in templo, erit abominatio deſolationis, & uſque ad conſummationem, & ſinem perſeuerabis deſolatio. Igitur cum dicit, Ego Daniel intellexi in libris numerum annorum quem prædixit Hieremias, ut compleveretur deſolationis Hieruſalem ſeptuaginta annis, vigilanti lectori illud ſe ſpiritu prophetico intellexiſſe inſinuat, quod hodie reuelata facie videt. Chriſti Eccleſia? ſcilicet, captivitatem illam unius populi Iudaici, fuiſſe imaginem alterius magna captivitatis, quæ uno peccante Adam, univerſo generi humano accidit: & illos ſeptuaginta captivitatis annos, tempus omne ſignificaffe, quo populus Dei peregrinatur in hoc ſeculo. Quid enim magnum erat intellexiſſe, quod palam omnibus verba ſonabant Hieremia propheta? Ergo cū orat hoc loco Daniel pro captivitate populi & pro reſeſtione Hieruſalem ac templi, ſub iſtis vocibus res maiores intendit; & ſic illam captivitatem ſolui optat, ut pro maiori ſollicitus ſit; leniter laturus illud maius templi & civitatis excidium, deſectum quoque hoſtiæ, & ſacrificij, perpetuamque deſolationem templi abominabilis; dummodo fiat quod erat neceſſarium: ſcilicet ut conſummetur prævaricatio, & ſinem accipiat peccatum, & deleatur iniquitas, & adducatur iuſtitia ſempiterna, & impleatur viſio, & vngatur Sanctus Sanctorum. Haſtenus Rupertus, quo fanè ad præſens inſtitutum, ſive præſentis loci explicationem nihil inſignius adduci poceſt.

Verum ſi prima huius prophetiæ pars à nobis huc uſque explicata de alio quam de vero Meſſia intelligi non poceſt; certè quod deinceps addit Angelus: Et poſt ſexaginta duas hebdomadas occidetur Chriſtus, multo magis de eodem vero Meſſia interpretandum eſt. Quod enim Iudei cōſingunt hunc Chriſtum, quem Angelus prædicit poſt ſexaginta duas hebdomadas occiſum iri, fuiſſe Herodem Agrippam, qui temporibus Titi, & Veſpaſiani in ſecūdi tem-

pli destructione occisus est; & falsum est, quia hic Herodes non fuit tunc à Romanis occisus, vt constat ex ipsomet Iosepho lib. 2. de bello Iudaico cap. 16. Cornelio Tacito lib. 5. histor. & licet esset verum, tamen Christi appellatio non posset illi accommodari, qui nec gratia, nec oleo vnctus fuit, nec alia quæ continentur in illa prophetia, eidem, convenire vilo modo possunt. Quin etiam Theodoretus in cōmentario huius loci graviter lapsus est, qui hunc Christum occisum, Hircanum fuisse interpretatur, cum tamen Christum docē fateatur esse Messiam, nam in primis vt omittam Theodoreti lapsum in Chronologia, de quo videri possunt interpretes, hæc varietas & multiplex eiusdē vocis significatio, in eodem contextu voluntariè, & sine fundamento confingi videtur. Deindè gratis planè dicitur mortem Hircani hoc loco ab Angelo prædictam esse, quod nec postulant antecedentia verba, neque subsequētia; imo cum nec illius mors aliquam vtilitatem hominibus attulerit, nec etiam ob illam tot tantaque mala, quæ proximè subiiciuntur, genti Iudæorum contigerint, non ita multo ante prædicenda videbatur. Dicendum est igitur Christū, cuius necem post sexaginta duas hebdomadas futuram prædixit Angelus, nō fuisse alium, nisi Messiam, & Salvatorem nostrum, à suis occidendum, ad quos potissimum servandos, & vivificandos venturus erat: *Et non eris eius populus, qui cum negaturus est; quod tunc maxime contigit quando dixerunt, nolumus hunc regnare super nos: & Pilato dicenti, regem vestrum: crucifigam?* responderunt, *non habemus regem nisi Cæsarem: tolle, tolle, crucifige eum.* Messiam porro à suis acerbissima, & indignissima morte necatum iri, tam propriè, apertè, distinctèque varicinati sunt, David psal. 27. & 68. & Isaias cap. 53. vt non tanquam vates, quod futurum erat prædixisse, sed tanquam historici, quod gestum fuerat, narrasse videantur. Extat etiam in libro Sapientiæ cap. 2. Iudæo-

rum in Christi necem conspirantium, præscripta oratio: Quod autem Iudæi, vt est in cap. 12. Evangelij S. Ioannis, Domino nostro præsignificanti mortem suam obiecerunt: *Nos audiuimus ex lege, quia Christus manet in æternum; ex psalmo scilicet 109. vbi dicitur de Christo: Tu es Sacerdos in æternum secundum ordinem Melchisedech;* quasi his verbis significaretur, Messiam fore omnino immortalem; hoc inquam, facile diluitur; namq; illis verbis significatur, non quidem Messiam non moriturum, sed potius Sacerdotium Messie futurū æternum; nimirum, hoc etiam nomine præstantius futurum Sacerdotio Aaronico, quod erat ad certum dumtaxat tempus permanfurum.

Supposito quod præallegatum Danielis testimonium de Messie aduentu necessariò intelligendum sit, pro vt à nobis hac vsque demonstratum fuit: Superest secundò, vt septuaginta hebdomadas transactas iam esse probemus; hinc enim evidenter constabit tempus aduentus Messie ab Angelo definitum, iam præterisse, atque adeo, vel prophetiam falsam esse, quod supponimus à Iudæis illius Scripturæ auctoritatem recipientibus asseri non posse, vel certè, quod vnum intendimus, Messiam aduenisse. Sed vt hoc constet indagandū est prius hebdomadè significatum; pluribus tamen relictis, quæ eruditè notat Venerabilis Beda in libro de ratione temporum cap. 6. 7. & 8. sufficit in præfenti scire hanc vocem Græcam *Ebdomas*, Latine significare septenarium præcisè: cum adiunctione autem, vel dierum, vel annorum, vel aliarum quarumlibet rerum, significare earum ipsarum rerum septenarium: etsi iam vsu receptum sit, vt etiam cum absolute dicitur hebdomada, intelligatur dierum; Quia igitur Gabriel Angelus præcisè dixit septuaginta hebdomades, propterea locum dedit varias earum hebdomadam interpretationes excogitandis; & cum sit certum apud omnes in hoc Danielis loco non posse intelligi hebdomades

males dierum; etenim septuaginta hebdomades non includerent nisi quadringentos nonaginta dies; quo temporis spatio, nihil cōtigit eorum quæ prædixit Angelus, intra septuaginta illas hebdomades euentura: Cum hoc, inquam, sit omnino certum, totum præsentis difficultatis pondus, interpretationumque varietas reducitur ad diuersitatem hebdomadam annorum: Nicolaus enim de Lyra super hunc Danielis locum, & Petrus Galatinus in lib. 4. de arcanis Catholicæ veritatis memorant opinionem quorundam Rabinorum; quorum aliqui faciebant has hebdomades Iubilæorum; alij verò centenariorū. Iubilæus erat tempus quinquaginta annorum: quare vnaquæque hebdomada Iubilæorum, constat trecentis quinquaginta annis: & omnes septuaginta hebdomades, continent viginti quatuor millia, & quingentos annos. At verò vna hebdomada, centenariorum continet septingentos annos; septuaginta verò hebdomades, annos quadraginta nouem millia. Omnes autem doctores Christiani, & Catholici asserunt has hebdomadas esse quidem annorum, sed simplicium, vt septem duntaxat annos duodecim mensium vnaquæque complectatur; quamuis salua fide magna inter illos contentione disputetur, an illi fuerint anni lunares, an solares? Quare septuaginta hebdomadæ annorum efficiunt quadringentos nonaginta annos solares, vel lunares secundum diuersitatem opinionum.

Hanc igitur esse veram, ac legitimā huius loci, siue Danielis hebdomadarū explicationem, probatur demonstratiuè sequentibus argumentis. Primum desumitur ex autoritate Scripturæ veteris Testamenti, in quo præter dierum, & simplicium annorum hebdomadas, nullarum aliarum fit mentio: priorum exemplum habemus in Leuitico cap. 23 vbi à festo Phasc, vsque ad festum Pentecostes, numerantur septem hebdomades dierum: & cap. 10. Danielis scribitur, ieiunasse Daniele tres dierum,

Bibl. Theol. Tom. V.

hebdomades; posteriorum verò exemplum reperitur in Leuitico cap. 25. quo loco præcipit Deus numerari septem hebdomadas annorum; & sequenti anno qui erat quinquagesimus, celebrari Iubilæum. Et Genes. 29. Iacob dicitur impleuisse hebdomadam pro Rachel, & hebdomada transacta, id est; septem annis, illam suscepisse. Vnde sic argumentum efformari potest; certum esse debet Angelum huius prophetiæ nuntium, cum ad hebræum hominem, de rebus ad Hebræos ipsos pertinentibus loqueretur, sic annos accepisse, vt ab illismet communiter accipiebantur; sed ex diuinis scripturis in republica Iudæorum, non fuit alius hebdomadam vsus, quam dierum, & annorum simplicium; Ergo sic ab Angelo fuerunt accepti; Cumque hoc loco non possint intelligi hebdomadæ dierum, quæ spatio breuissimo defluerent, vt supra notauimus; superest quod intelligantur hebdomadæ annorum simplicium. Et certè si semel licentia sumitur extendendi contra Sacre Scripturæ vsus, eiusmodi hebdomadas ultra simplices annos, vt videlicet vna hebdomada septem denarios, vel septem quinquagenarios, vel centenarios annorum comprehendat, vt voluntariè ab aliquibus hebræis confectum fuit, nihil certi continere potest hæc prophetia; poterit enim vnusquisque arbitrio suo facere hebdomadas, septingentorum; vel septem millium annorū, vt conuinci non possit eas esse completas.

Secundum argumentum ad probandum non posse Danielis Hebdomades ultra simplices annos extendi, atque adeo iam nunc esse transactas, & consequenter non posse iam sperari illum Messiam, qui intra illas prædicatur venturus, petitur ex hoc quod videamus oculis nostris iam impletum à tempore Titi, & Vespasiani, quod transactis hebdomadis per septem annos computatis, vel earum in fine fore prænunciatur Angelus, vt potè cum hostia defecerit, & sacrificium Iudæorum, eorum denique

D d d

que ciuitas, & Sanctuarium vastata sint, illis per vniuersum orbem dissipatis. Tercio denique probatur veritas Catholica ex ipsiusmet verbis Angeli, prophetiq; ipsius sine quo, vt satis patet, Daniele feruum Dei consolaturus adueniens promittit illi diuturnam, & longissimam Messie expectationem, tandē ad breue illud tempus septuaginta hebdomadam fuisse redactam, *septuaginta Hebdomades abbreviata sunt*; sicut in familiarī sermone quando tempus ad aliquam actionem præscriptum finitur, iam iam dicere solemus dies abbreviari, non quod minores fiant, vt perperam, aliqui interpretantur, sed quod pauci super sint; quomodo Marci 13. dicitur: *Nisi abbreviasset Dominus dies illos*, &c. & Matth. 24. *nisi breuiati fuisset dies illi*; non enim hisce verbis significatur, futuros illos dies breuiiores, quam sint dies naturales, sed paucos futuros dies illos, quasi diceretur, nisi breue futurum esset tempus persecutionis Antichristi, de qua ibi est sermo, etiam electi defecturi, & casuri fuissent.

Nec refert, quod vox hebræa *Nechtach* ibi respondens, tantum significet septuaginta hebdomadas fuisse præcisas, seu definitas, & determinatas; cui etiā congruit lectio Græca, quæ habet verbum *sunectmisan*, id est concisa, vel decisa; quod interprete Theodoro, eandem vim, & sententiam habet, atque vocabulum constitutæ, seu definitæ; hoc inquam, non refert, eiusmodi enim lectiones nō solum non repugnant vulgata, sed potius cum illa mihi scē consentiunt. Cogitandum enim est, Deum ex omni æternitate constituisse, vt ab exordio mundi, vsque ad Messie aduentum, certum quoddam, ac definitum tempus intercederet; V. g. circiter quatuor annorum millia: eundem præterea decreuisse, vt pars huius temporis, quæ post refectionem vrbis Hierusalem futura erat vsque ad Messiam, brevis esset, nec septuaginta annorum hebdomadas excederet. Vnde dicuntur hebdomadæ abbreviatæ à Deo, quia post

vrbis Hierusalem reparationem, vsque ad Messiam, paucæ hebdomadæ futuræ erant; videntur sit abbreviare hebdomadas, quod paucas constituere. Pauca autem dicuntur septuaginta hebdomadæ constitutæ, vel definitæ, in comparatione prioris temporis, quod effluerat, ex quo datū fuerat hominibus promissum de aduentu Messie; hoc est, vel in ipso mundi exordio, cum dictum est se peniti, fore vt semen mulieris contereret caput eius: vel potius cum Deus promissit Abraham, daturum se illi semen, in quo semine benedicendæ essent omnes gentes. Sic ergo certum has hebdomadas septennales esse.

Iam hoc posito, sequi manifestè illas esse transactas, & consequenter non posse amplius expectari Messiam, qui intra illas promittitur venturus, patet tum ex dictis, tum etiam maximè ex hoc quod illa periodus annorum 490. quos efficiunt septuaginta hebdomadæ septennales, habet ibi determinatum, principium, & terminum, dum dicitur: *Ab exitu sermonis, vt iterum adificetur Hierusalem usque ad Christum ducem*, &c. sic igitur argui potest; sermo, vel decretum de reedificanda Hierusalem, necessario debet supponere Hierusalem esse desolatam, & indigentē reedificatione; hæc ergo desolatio reparanda, vel est illa quam tunc patiebatur tempore captiuitatis Babylonice, & pro qua abbrevianda tunc orabat Daniel; vel est illa, quæ tempore Machabeorum contigit iussu Antiochi Epiphanis, post quam, legimus lib. 1. Machab. cap. 4. fuisse restauratum, seu purgatum templum; vel denique est illa, quam tempore Vespasiani & Titi, & postea Hadriani passa est, à quo tempore vsque nunc non est iterum ædificata ab ipsiſ Iudæis, sed destructa, & calcata à gentibus; vt interim omittam expugnationem factam à Pompeio, & expilationem templi à Crasso, quia tunc non tam fuit destructa, quàm simpliciter capta Hierusalem; vnde etiā non indiguit reedificatione, neque ad id exijt aliquod decretum. Si prius, vel

vel secundo modo intelligatur, & desolatio, & decretum reedificationis faciendæ, iam transactæ sunt non solum septuaginta, sed plusquā trecentæ hebdomadæ septennales; si autem de vltima desolatione sermonem fieri velint Iudæi, ita vt sit iterum ab illis reedificanda Hierusalem, & ex illa reedificatione computari debeant septuaginta Hebdomades, vt veniat Messias: hoc est manifestè contra genuinum huius prophetiæ sensum.

Primo enim, cum iam ab illa vltima desolatione Titi, & Vespasiani transacti sint anni ferè 1600. nec dum Hierusalē reedificatam videamus, quam etiam plures Iudæi versus finem mundi dumtaxat reedificari debere putant; certè dici non potuissent hebdomadæ illæ abbreviatæ, sed nimis prolongatæ: super populum illum, & urbem sanctam; si in tam longum tempus, quod iam per annos ferè mille sexcentos durauit, & vsque ad finem mundi duraturum existimatur à Iudæis, expectandum erat decretum de reedificanda Hierusalem, & postea ab illo vsque ad aduentum Messias, computandæ erant septuagintæ hebdomades. Secundo in hoc Iudæorum dicto videtur esse manifesta repugnantia; cum enim, *ab exitu sermonis vsque iterum edificetur Hierusalem vsque ad Christum ducem*, id est, vsque ad Messiam, vt supponimus, computandæ sint septuagintæ hebdomadæ, & deinde post mortem illius dicatur dissipandum esse populum, vastandam urbem, & quod deficiet hostia, & iuge sacrificium, & erit in templo abominatio desolationis; quomodo talis sermo, vel decretum de reedificanda Hierusalem expectandum dicitur vsque ad finem mundi, si adhuc post illud tam multa sæcula euoluenda sunt, ad aduentum vsque Messias; & vt dissipetur populus, & veniat statuta desolatio. Tertiò cum iam à tempore Titi, & Vespasiani videamus circa destructionem ciuitatis, ac templi Hierusalem, populi que Iudaici dissipationem, adimpletum totum, quod in ista Danie-

lis prophetia prædicitur in pænâ Christi à suis occidendi; dicendum est iam esse impletas illas septuaginta hebdomadas, iamque Christum venisse, nec amplius expectari posse.

Cum hæc duo huc vsque à nobis dicta & probata, sint omnino certa, videbunt prophetiam hanc Danielis de Messias aduentu necessario intelligendam esse; iamque transactas esse septuaginta illas hebdomadas, intra quarum tempus promittebatur; duo sunt inter doctores Catholicos valdè dubia & controuersa, vnum est in assignando præciso temporis articulo, quo incipere debent numerari istæ hebdomadæ; de quo agemus capite sequenti, ostendendo quomodo earum tempus in aduentu Christi Domini completum sit. Alterum est, quales debeant intelligi illi anni simplices, ex quibus hebdomadas constare diximus, & quamquam diuersis in nationibus, pro diuersitate etiam temporum multiplex, & varius fuerit anni vsus, hic tamen solum est difficultas, & opinionum dissensio, an illi fuerint anni lunares, an solares, quia certum est in Scriptura Sacra, atque hebræorum vsu, non fuisse nisi annum solarem, vel lunarem. Differt autem hoc inter hos annos, quod solaris constet trecentis sexagintaquinque diebus cum quadrante: Lunaris verò solum trecentis quinquaginta quatuor. Multis ergo vilum est hunc annum lunarem communem fuisse apud hebræos, atque ad eum Gabrielem de illo fuisse locutum; quæ sententia licet sit aliquo modo probabilis, quia multi grauiissimi viri illam secuti sunt, nec defunt illi probabiles coniecturæ, & aliquot in Scriptura fundamenta, sufficienterque per illam saluatur verus prophetiæ sensus; nihilominus tamen longè probabilior est opposita sententia docens, Gabrielem Angelum de annis solaribus, & de hebdomadis ex eis compositis fuisse locutum; quod non potest, nec debet à nobis in præsentia latius expendi, pertinet enim magis ad expositores; nec de hoc

est questio inter nos, & Iudæos.

Tertium tandem, & vltimum testimonium, in quo magis in particulari determinatur, ac definitur tempus aduentus Messiae, vndeque colligitur illud iam præterisse, habetur Aggæi c. 2. *Adbuc vnum modicum est*, &c. cum enim ibi sermonem esse, & promissionem de aduentu Messiae statuerimus supra capite secundo; iam illam esse completam colligunt multi ex verbis illis, *Adbuc vnum modicum est*: cum enim iam sint transacta duo millia annorum postquam Aggæus ista prædixit, nisi impleta essent, modicum tempus dici non posset. Nec refert quod aliquando more prophetico etiam longissimum tempus dici solet in Sacra Scriptura modicum, scilicet ad æternitatem comparatum; Sic enim D. Paulus ad Heb. 10. totum tempus vsque ad diem iudicii futurum, modicum vocauit. Et Petrus 2. canonica c. 3. mille annos dicit apud Deum esse sicut diem vnum. Hoc, inquam, aliaque similia non obfunt, & vim nostri argumenti non enervant, quia non fundatur in illa particula modicum, quomodocumque, hoc est, vel comparatiue ad æternitatem, vel ad Deum, sed in illa, considerata circumstantia temporis, & occasione, qua dicta fuit ab Aggæo hæc prophetia, sic autem certum est ibi particulam illam modicum sumi non posse, pro tempore in se longissimo, respectiueque tantum modico, sed significare absolute Messiae aduentum, vt iam proximè instantem. Agebat enim ibi propheta de consolandis, ac erigendis Iudæis, qui in secundo templo exædificando laborabant, erant enim ibi tristes, deiectione animis, eo quod templum illud humilius videretur esse quam primum, vt igitur eos alacres, & promptos ad opus redderet, bonum nuntium adfert propheta de aduentu Messiae, quod non multum distaret, qui præsentia sua templum illud nobilitaturus esset, & gloria repleturus; ad hoc enim propositum sermonem ibi interposuit de Messiae

aduentu. Et hoc est, quod maxime vrget in hac prophetia: prænuntiatur enim in illa Mesiam ingressurum templum illud, idque præsentia sua, maiori gloria nobilitaturum, quam primum templum vnquam nobilitatum est: constat ergo, & Mesiam venisse, & templum illud ingressum esse, alias prophetia hæc non posset impleri, cum à tam longo tempore illud templum funditus euersum sit, nullumque illius maneat vestigium. Verum est aliquos ex Patribus interdum hunc locum exponere de templo spirituali Ecclesie, vt videre est apud interpretes, ita vt sensus sit, hoc templum Ecclesie nostre futurum gloriosius templo Synagoge, qui sensus est optimus, minimèque fauens Iudæis, sed spiritualis; negari tamen non potest, quin etiam ad litteram Propheta loquatur de templo illo materiali, ad quod ædificandum Iudæos prouocabat, quodque oculis videbat suis, & verbis designabat. *Quis, inquit, in vobis est derelictus, qui vidit domum istam in gloria sua prima? & quid vos videtis hanc nunc.* Et de eadem domo postea concludit: *Venit desideratus cunctis gentibus, & implebo domum istam gloria.* Quo in sensu à Iudæis necessariò admittendo, cum negent spirituales Patrum, maxime conducit hic locus ad probandum contra illos tempus aduentus Messiae iam præterisse; nec aliud ab illis consequenter templum expectandum esse, in quo prophetia hæc impleatur, vt quidam eorum somniant; quia etiam si illud sperari posset, non esset verè vnum, & idem cum illo, quod à Romanis penitus euersum est, sed omnino diuersum, de quo proinde Aggæus loqui non potuit. Nihil enim illud referre poterat, ad animandos Iudæos, qui in instauratione secundi templi laborabant. Quod si dicat aliquis etiam templum illud tempore Aggæi ædificatum non durasse vsque ad tempus, in quo Christus Dominus, & Saluator noster aduenit. Herodes enim decimo octauo anno regni sui, illud

Herodes destruxit.

destruxit, & aliud loco illius ædificauit. Non igitur in illud templum ingressus est Christus: atque adeo non fuit in illo adimpleta hæc prophetia. Respondebitur capite subsequētis ostendendo non ita fuisse templum illud solo æquatum; & aliud ab Herode constructum, quin eo modo, quo homines loquuntur, dici potuerit absolute, & simpliciter idem templum. Quod sanè de alio templo, si iam de nouo re-ædificaretur dici non posset, post tantum temporis interuallum, quo illud prius funditus euersum fuit: & sic non valet instantia.

CAPVT IV.

Adducuntur loca veteris Instrumenti, de notis, ac signis veri Messia à Prophetis in illo predictis; ubi etiam ostenditur illa omnia fuisse in Christo Domino perfectissime adimpleta.

Tertium, & vltimum genus testimoniorum, quæ non solum probant Messiam iam venisse, sed etiam Dominum Iesum, verum Messiam esse, constat ex eo quod in illa singulari persona videamus perfectissime adimpleta, omnia illa Prophetarum oracula, quibus tanquam certis notis, ac signis veri Messia aliquando futuri conditione descripserunt; vt prædixerat Daniel illis verbis, *Septuaginta hebdomades abrenuascunt, &c. vt adimpleatur visio, & prophetia*; Græca lectio pro impleatur, habet *signetur*; quam lectionem cum vulgata omnino consentientem, eandem enim vim, & sententiam habet, signari prophetias, atque impleri eas, secutus est Tertullianus in lib. aduersus Iudeos, cuius verba vtpotè præsentis nostri instituto valde consentanea placuit hic referre. *Quid est, inquit, quod dicit Angelus, signari visum & prophetiam? Quoniam omnes Prophetæ nunciabant de illo quod esset venturus, & pati haberet: igitur quoniam adimpleta est prophetia per aduentum eius, pro-*

pterea signari visionem & prophetiam dicebat: ipse enim signaculum suis omnium prophetarum, adimplens omnia quæ retro de eo propheta nunciauerant. Post aduentum enim Christi & passionem ipsius iam non visio neque prophetia est, qui Christum nunciet venturum. Denique hoc si non ita est, exhibeant Iudæi Prophetarum post Christum aliqua volumina, vel Angelarum aliquorum visibilia miracula, quæ retro Patriarcha viderunt usque ad aduentum Christi, qui iam venit, ex quo signata est visio & prophetia, id est statuta. Et merito dixit Euangelista, lex & propheta usque ad Ioannem baptizatorē. Baptizato enim Christo, id est sanctificata aqua in suo baptismo, omnis plenitudo spiritualium retro charismatum cesserunt, signante visionem, & prophetias omnes quas aduentu suo adimpleuit. Vnde firmissimè dicit, aduentum eius firmare visum & prophetas: Hæc Tertullianus, cui mirifice concordat Chrysostomus in orat. 2. aduersus Iudeos. Ideo etiam dixit ipse Dominus Math. 5. Non veni soluere legem, sed adimplere. Et ipsi Euangelistæ cum narrare dicta, facta, & passiones Christi, sæpe notare solent, vt adimpleretur quod dictum fuerat per Prophetam.

Quare nullum habemus efficacius argumentum ad cōvincendos Iudeos, quod singularis illa persona, qui dicitur Iesus filius Maria, sit verus Messias in lege promissus, quam si ostenderimus omnia prophetarū oracula in illo, & per illum esse completa, afferentes signa & notas, quibus Deus per prophetas nobis voluit Messiam venturum reuelare, vt sine vllō errore, ac sine magna difficultate cognosci, ac deprehendi posset.



*Prima nota, est circumstantia temporis
aduentus Messiae, & Christi
Iesu.*

Geneſeos enim cap. 49. vbi dicitur
*non auferetur ſceptrum de Iuda,
& dux de femore eius, donec veniat, qui
miſtendus eſt; & Danielis 9. Septuaginta
hebdomades abbreviata ſunt, &c.* ſigni-
ficatur tunc temporis verum Meſſiam
in lege promiſſum eſſe in mundū ven-
turum, quando defecerit ſceptrum de
Iuda, completumque fuerit ſeptuaginta
hebdomadam ſpatium; ſed Chriſtus
Dominus natus eſt circa illud tempus
quo regia poteſtas à Iudæis ablata eſt,
complebanturque ſeptuaginta Danie-
lis hebdomadæ; ergo iam in illum con-
currit prima nota ſive circumſtantia
temporis aduentus Meſſiæ. Maior hu-
ius argumenti eſt certa ex ſuperius di-
ctis; minor ergo in qua eſt difficultas
probat, præſupponendo breuiter no-
mine ſceperi, & ducis ſignificari hic
quamcumque primariam, & principa-
lem poteſtatem iudicandi, vel regen-
di populum, iam ergo, vel per Iudam,
cui promiſſa eſt poſſeſſio talis poteſta-
tis uſque ad Chriſtum, non eſt intelli-
genda ſpecialis tribus ab alijs vndecim
diſtincta, ſed totus Iudaicus populus,
qui in illa tribu maximè conſeruandus
erat, & ab ea nominandus, & nobili-
tatus, vt poſt Euſebium verifiſimiliter
docet Pererius in commentarijs huius
loci; ita vt ſenſus illius ſit, Iudaicum
populum ſemper fuiſſe habiturum,
proprijs ducibus, & principes, per quos
gubernaretur, & iudicaretur, donec
veniret Meſſias; vel, quod veriſimilius
eſt, nomine Iudæ intelligenda eſt ſpe-
cialis tribus, ex qua Iacob prædixiſſe
deſuturos principes, aut duces populi
Iudaici, donec veniret Meſſias; quo-
cumque modo ſumatur, aut intelli-
gatur hæc particula, circa illud dumta-
xat tempus natus eſt Chriſtus Ieſus,
quo defecit ſceptrum de Iuda, ſive
quod idem eſt, defecit ſceptrum de

Iuda, eo tempore quo natus eſt Ieſus,
non ante, nec poſt, Herode videlicet
regnante, qui erat alienigena, & à quo
ſemper Iudaicus populus caruit pro-
prio duce & gubernatore, & externis
principibus ſubiectus eſt. *Cum ergo
natus eſſet Ieſus in Bethleem Iuda in die-
bus Herodis.*

Quod ante illud tempus, non defe-
cerit ſceptrum de tribu Iuda in parti-
culari, atque adeo nec de omnibus tri-
bus Iudæorum, vt ſatis per ſe patet,
cum maximè inter illas annumeretur
tribus Iuda; facile oſtenditur, quia
licet in Iechonia, ſeu ſedechia defece-
rit filius proprius, qui ſederit ſuper ſo-
lium David titulo, & maiestate regis,
vt dicitur Hieremiæ 22. *Scribe virum,
hunc ſterilem, neque enim de ſemine eius
erit vir, qui ſedeat ſuper ſolum David,
& poteſtatem habeat ultra in Iuda: non
defecit tamen ſimpliciter, & abſolutè
ex eadem tribu, qui federit vt princeps,
ſeu dux, conſtat enim quod Zorobabel,
& deinceps eius ſucceſſores deſcende-
bant ex Iechonia, & dicitur Matthæi 1.
& 1. paralipom. cap. 3. fuit autem Zo-
robabel dux in Iuda, vt dicitur Aggæi
2. Prophetia autem Iacob non reſtrin-
gitur ad titulum regis, ſed etiam ducis,
dum dicitur: *non auferetur ſceptrum
de Iuda, & dux de femore eius;* vel cõ-
muniõri vocabulo in Hebræo, non de-
ficiet virga, id eſt principatus, cuius-
cumque formæ ſit ille, vt ſuppoſuimus
ſupra. Similiter non defecit ſceptrum,
& poteſtas in tribu Iudæ tempore Ma-
chabæorum, vt obijciunt aliqui, ex eo
quod Marthas, cuius filij poſtea re-
gnauerunt, erat Sacerdos de filijs Ioa-
nib; Sacerdotes autem erant de tribu
Leui; quia licet eſſent ex tribus Sacer-
dotali, tamen etiam de tribu Iudæ de-
ſcendebant ſaltem per maternum ge-
nus, & ſic in ſcriptura vocantur viri Iu-
dæ, quod ſolum dici ſolet de deſcen-
dentibus ex tali tribu, dicitur enim 1.
Machab. 5. de quibuldam: *Iſſi non erant
de ſemine virorum illorum, per quos ſalus
facta eſt in Iſrael, & viri Iudæ magnifi-**

casu sunt valde in conspectu omnis Israel. Qui utique non sunt alij quam Machabæi, quia per ipsos facta erat illa salus. Constat autem, quod tribus Sacerdotalis cum tribu Iuda copulabatur, nam Exodi 6. v. 23. dicitur, quod accepit Aaron uxorem Elisabeth filiam Aminadab sororem Nahasson qui Nahasson in egressu ex Aegypto fuit princeps tribus Iuda, ut patet numer. 1. v. 7. In nouo etiam testamento Lucæ 1. Elisabeth dicitur cognata Mariæ, & tamē Elisabeth erat de filiabus Aaron, ut ibidem dicitur, Maria vero ex tribu Iuda, sicut Ioseph vir eius.

Verum contra hanc explicationem grauis se se offert difficultas; quia si sufficit maternum genus, ut dicatur non cessasse sceptrum in Iuda, quibus de iure competebar regnum, & eorum filijs, non verificatur defecisse sceptrum tempore Iesu, sed multo post; si quidē tempore Herodis, & adhuc multo tempore post, fuerunt plures, qui ex materno genere descendebant de Iuda, & habebant ius ad regnum. Nam in primis Herodes ipse erat ex matre Iudæa, ut docet Cyrillus lib. 8. contra Iulianum, licet pater eius esset alienigena, deinde duxit in uxorem Mariam nem neptem Hircani Pontificis, quæ erat legitima hæres regni, & ex illa natus est Aristobulus, ex quo Herodes Agrippa, qui ut vidimus superiori capite regnauit apud Iudæos tanquam legitimus Rex post mortē Iesu, Act. 12. & 26. Nec obstat, quod Iudæi tunc erant sub Romanis, qui erant principes totius regni, nam etiam tempore Persarum, Persæ erant Domini totius Iudææ, & Palestinæ, ut constat ex libris Esdræ, & adhuc tamen remanebat sceptrum in Iuda, licet subiectum Imperio Persarum, ut patet in Zorobabel, & alijs successoribus, aliās tunc defecisset sceptrum de Iuda, & debuisset venire Messias.

Respondetur ad hanc difficultatem tempore Herodis totaliter defecisse sceptrum de tribu Iuda, tam ex genere

paterno, quam materno, quia Herodes fuit Idumæus, & gentilis licet postea profelitus. Quod verò ex Cyrillo dicitur, fuisse ex matre Iudæa, id videtur errore librariorum contigisse, legendumque esse ex matre Idumæa; nam ut refert Iosephus Hebræus lib. 14. Antiquitatum cap. 12. Antipater Herodis pater duxit uxorem Arabem, Cipro nomen ex qua sustulit quatuor filios, quorū vnus Herodes fuit. Quod verò ipse Herodes duxerit uxore Mariamnem ex sanguine regio tribus Iuda, nihil interest, quia non uxori, sed ipsimet personæ Herodis collatum est regnum; primò quidem ex Senatus consulto, & beneficio Caesaris Augusti; tunc enim extincto Antigono, qui ex familia Assamonæorum, seu Machabæorum ad regnum aspirare poterat, tota illa familia deleta est, ut inquit Iosephus lib. 14. cap. ult. saltem in linea masculina, remansit enim Mariamne quæ Herodi nupsit: Deinde ipsiusmet Populi Iudaici consensus, qui ut refert idem Iosephus lib. 17. cap. 3. accepit illum in regem obedientiam, & iuramentum ei præstando, non autem uxori; vnde ut ibidem testatur idē Iosephus, animaduertit Herodes in quosdam Phariseos, quia noluerunt ei obedire; Et illo potissimum tempore dicendum existimo, defecisse proprijsimè sceptrum, vel principatū de tribu Iuda; quia licet ad verificandam prophetiam Iacob posset sufficere quæcumque defectio talis principatus; vel per defectum legitimi illius heredis de Tribu Iuda, vel per violentam & tyrannicam alterius occupationem; tamen cum vsque ad illud tempus, quo populus consensit, saltem ab illo Herodes pro illegitimo rege haberetur, negari non potest, quin accedente semel tali consensu, proprijsimè translatum sit sceptrum de tribu Iuda. Contigit autem hoc iuramentum & acceptatio populi illo ipso anno, quo natus est Dominus noster Iesus Christus ex Maria semper Virgine. Nam Eusebius in Chro-

Chronico ponit illud in eadem Olimpiade, quæ natus est Christus, & Philo Iudæus in libro de temporibus (si eius est) in anno trigésimo principatus Herodis, numerando hunc principatum ab illo anno, quo Cæsaris Augusti beneficio illum obtinuit post deictum Antonium, ab illo enim anno regnavit Herodes 37. annos, & septimo anno Christi mortuus est, si quidem septem annorum erat Puer Iesus, cum relatus est ex Aegypto, Herode mortuo, ut videri potest apud Cardinalem Baronium tomo 1. Annalium, anno Christi 7. Quare trigésimus annus principatus Herodis à tempore quo Augusti Cæsaris liberalitate illum habuit, concurrit cum primo anno Christi, & sic præcisus natiuitatis, vel aduentus illius articulus fuit, illomet anno, quo propriissimè defecit sceptrum de Iuda. Vnde quando Iudæi Pilato dicenti, *Regem vestrum crucifigant*, responderunt, *non habemus Regē nisi Cæsarem*, non debet intelligi, quod tunc primo receperunt illum pro rege, sed potius ista verba supponunt iam antea ipsos habuisse illum in regem, & recepisse, quando nimirum Herodi Regi ab illo constituto obedientiam, & iuramentum præstiterunt. Quod nunquam fecerant Iudæi, quando erant subditi Persis, sed tunc habebant suos peculiaries dñces de tribu Iudæ, ut Zorobabel & alios, non verò alienigenā aliquem illis præfectum à Persis, neque acceptatum ab ipsis vsquam legimus. Quamvis etiam ad saluandam prophetiæ Iacob veritatem in Christo Domino sufficiat, quod sceptrū de Iuda defecisse dicatur, quando Senatus Romanus, ipseque Cæsar illud ademit Hircano & Antigono Aristobuli filio, qui eius legitimi erant hæredes: ut potè prognati ex Machabæis, siue Asamoneis, illudque contra populi voluntatem vim transtulit in Herodem Ascalonitam alienigenam, puta annos 30. vel secundum alios 35. antequam nasceretur Christus. Tam parvū enim

intervallum 35. annorum, in tanta serie temporum à morte Iacobi vsque ad ortum Christi, pro nihilo reputari debet, & illa particula *donec* non significat præcisè annum, mensem, vel diē determinatum aduentus Messias, sed tantum confusè significat, quod sub illud idem tempus, puta sub eodem rege, vel ut volunt alij paulò antea eundem regem, in quo deficiet sceptrū Iudæ, nasciturus sit Messias; dixi, vel ut alij volunt paulò ante eundem regem, quia existimant tantum post aduentum Christi, imo etiam à mortem defecisse sceptrum de Iuda in Herodē Agrippa, qui descendebar de tribu Iudæ per lineam maternam, scilicet ex Mariamne, ut notauimus supra. Hoc parum refert ad præsens institutum, quod adhuc post natiuitatem, imo, & mortem Christi Domini regnauerit Herodes Agrippa, qui per lineam maternam erat de tribu Iudæ: nam semel ablato scepro vel principatu à Tribu Iudæ, ut factum est in primo Herodē Ascalonita, sub quo natus est Christus iam adimpleta erat prophetia, quod debebat venire Messias, quia solum dicit non auferendum esse sceptrum de Iudæ, & ducem de femore eius, donec siue quo vsque veniat Messias, quod verò semel ablatum iterum rediret ad tribum Iudam, hoc iam non pertinebat ad prophetiam. Licet in ipsa nunquam redierit, Herodes enim Agrippa non fuit præcisè rex eo titulo, quod per matrem suam Mariamnes lineam de tribu Iudæ descenderet, si quidem nec eius auus Herodes Ascalonita fuit rex eo titulo, ut vidimus supra, quod eandem Mariamnem uxorem haberet.

Supræst iam pro altera minoris parte; ut quomodo etiam septuaginta hebdomadū tempus in aduentu Christi cōpletum sit, vnde ipsarum initium sit accipiendum breuiter aperiamus: qua in re licet sint diuisi inter se doctores Catholici, totque ferè sint eorum sententiæ quot capita, propter humanæ historiæ incertitudinē, parum inter-

interest; nam quod ad nostram fidem attinet, sufficit aduersus Iudæos demonstrasse; has Danielis hebdomadas iam pridem esse transactas, illisque tempus Messiae aduentus esse præfinitum, siue quod idē est, pertinuisse ad signandum & definiendum tempus aduentus Messiae, indē enim manifestē sequitur Messiam in lege promissum iam venisse, nec posse amplius à Iudæis expectari. Cum hæc inquam sint certæ, pro ut satis superque fuerunt à nobis probata, & in illis conueniant omnes doctores Christiani, possunt inter se dissidere in explicando, quo modo eiusmodi hebdomadarum tempus in aduentu Christi præcisē completum sit; secundum quod inter se dissentiant in constituendo tam principio, quam fine illarum; & in ratione computandi, atque colligendi quadringentos nonaginta annos, qui continentur in septuaginta hebdomadis septennalibus.

Igitur pro intelligentia, & explicatione præsentis difficultatis, quantum patitur eius obscuritas, Nam, ut ait Origenes tract. 29. in Matth. *sermone Danielis de septuaginta hebdomadis, prout conuenit, manifestare, nullius est nisi Spiritus Sancti; qui Danielem hoc mysterium docuit, & per eum litteris consignatum, Ecclesie tradidit*; Statuendum est primo, illas hebdomadas septuaginta debere intelligi omnes æquales, & eiusdem rationis, & continua quadam successione decurrentes. Hoc enim omnino necessarium est, ut tempus illud sit certum, & præfixum, ut significatum est illo verbo, *abbreniata* leu *definita sunt*: sic excluduntur opinioniones aliquorum dicentium, septuagesimam hebdomadam non esse continuam præcedentibus, sed sexaginta, vel septuaginta annis illis posteriorem; nec non aliorum, qui cum alias hebdomadas septennes faciant, hanc faciant septuagenariam: Statuendum est secundo, ad assignandum principium, & finem harum hebdomadam duo esse obseruanda. Primum enim oportet, ut tale initium,

Biblioth. Theol. Tom. V.

vel finis habeat fundamentum in verbis Angeli: deinde ut Chronologiæ ratio, ac temporum habeatur. De initio igitur hebdomadam, dixit Angelus petendum esse ab exitu sermonis, ut ædificetur Hierusalem. Vnde faciliē refellitur error Iudæorum, qui à destructione templi initium sumpsere. Angelus enim non à destructione, sed à reedificatione dixit: ipsi verò textum corrumpunt, legentes non *ab exitu*, sed *de exitu sermonis*, ut illo verbo non significetur initium hebdomadarum, sed materia dumtaxat, seu obiectum illius reuelationis. Sed hoc in primis est contra vim verbi, & contra contextum: sic enim legitur, *ab exitu sermonis usque ad Christum*, &c. particula enim illa *usque ad Christum*, &c. aperte significat terminum & finē: ergo per aliam particulam *ab exitu* significatum est initium. Deinde quando Angelus nullam mentionem fecisset initij hebdomadarum, omnino voluntariē defumeretur potius à destructione templi, quàm aliundē, & ne incerta fieret prophetia, sumendum esset ab eo tempore, quo Angelus loquebatur. Sit ergo certum harum hebdomadarum initium sumendum esse tempore designato ab Angelo per illud verbum, *ab exitu sermonis, ut iterum ædificetur Hierusalem*: quod verbum, sicut varias patitur explicationes, ita etiam locum dedit varijs de initio hebdomadarum sententijs.

Vnde notandum est tertio ex diuinarum Scripturarum autoritate, post captiuitatem Iudæorum quatuor vicibus decretum seu sermonem exiisse de ædificanda Hierusalem & templo. Duæ pertinent ad deductionē coloniarum, quæ etiam propriissimē dicitur ædificatio: duæ aliæ ad materiale ædificationem templi, & murorum illius ex lapidibus. Primum decretum ad deducendā coloniam fuit tempore Ciri Persarum Monarchæ, ut constat lib. 1. Esdræ c. 1. & 2. Secundum decretum ad deducendam coloniam fuit septimo anno Ar-

E c c

taxer-

taxercis, ut constat ex eodem lib. 1. Esdræ cap. 7. Et iste Artaxerces distinguitur ab illo, qui lib. 1. Esdræ cap. 4 vocatur etiam Artaxerces, & ab alijs Xerxes, vel etiam Assuerus, si quidem iste Assuerus iussit intermitteri opus templi, & intermissum est vsque ad tempora Darij: tempore autem Darij, iterum profectum est 1. Esdræ cap. 6. & deinde cap. 7. dicitur, *Post hæc verba in regno Artaxerces*, &c. si igitur fuit post hæc verba, vtique ille Artaxerces fuit post Darium, atque adeo post illum, primum Artaxerces, qui regnavit ante Darium. Primum decretum ad prosequendum opus templi factum est anno secundo Darij, vt habetur lib. 1. Esdræ cap. 6. Secundum decretum pro eodem templo reparando exiit anno 20. Artaxercis in quo missus est Nehemias, vt patet lib. 2. Esdræ cap. 2.

Ex hac ergo varietate, orta est etiam varietas sententiarum in assignando hebdomadarum initio, vel à primo anno Cyri, vel à secundo Darij, vel à septimo Artaxercis, vel à vigesimo eiusdem anno: mihi tamen probabilior, cæterisque certior videtur illa, quæ docet harum hebdomadarum initium esse desumendum, ab illo secundo decreto deducendi coloniam Iudeorum, facto in septimo anno Artaxercis. Ratio est, quia sic numerando istas hebdomadas sine vlla penitus violentia, intelliguntur completi anni 490. quos efficiunt septuaginta hebdomadæ septennales, in ipsa morte Christi; & conuenienter ad litteram textus, vocatur illud decretum primum Artaxercis, decretum exitus sermonis, vt iterum, edificetur Hierusalem, si quidem ex communi vsu, modoque loquendi proprie etiam dicitur edificatio, quando deducitur colonia ad aliquem locum inhabitandum, cum non tam muri, aut lapides, quam hominés efficiant ciuitates, quod autem ab isto anno 7. Artaxercis numerentur septuaginta hebdomadæ septennales vsque ad mortem Iesu filij Mariæ, quem nos dicimus

Christum; & in quem supra demonstramus concurrere omnes illas conditiones, quas Daniel de vero Messia prædicit; constat ex duobus sequentibus principijs apud historicos notissimis.

Primum est, quod mors Christi Domini contigit Olympiade 202. currente anno eius quarto, quod iste annus concurret cum anno 18. completo Tiberij, currente anno 19. fuit autem Christus baptizatus anno 15. imperij Tiberij Cæsaris, vt patet Lucæ 3. & ab eius baptismo vsque ad mortem intercesserunt tres anni compleri, & aliquot menses. Alterum principium est, quod annus septimus Artaxercis incidit Olympiade 80. in anno eius secundo. Quod principium negari non potest, etiam ab illis qui initium hebdomadarum sumunt ab anno 20. Artaxercis, cum enim assignent 20. illum annum in Olympiade 83. anno eius tertio, si subducantur 13. anni, qui interueniunt ab anno 7. vsque ad 20. remanet annus secundus Olympiadis 80. vt constat ex ipsamet numeratione, in qualibet enim olympiade datur spatium quatuor annorum. Et fundamentum huius est, quia apud omnes Historicos constat, quod initium Monarchiæ Ciri in Perside fuit olympiade 55. ipso primo anno eius, vt habetur ex Eusebio citato à D. Hieronymo in cap. 9. Danielis, quod tamen intelligi debet de principio regni Ciri in Persia, non in Babylonia, hoc enim caput olympiade 58. vel circiter, vt constat ex Herodoto, & Solino, & exinde numeratur primus annus Ciri in lib. 1. Esdræ, scilicet primus in Babylonia, & tunc fuit soluta captiuitas Iudaica. Primus igitur annus Regni Ciri in Persia fuit olympiade 55. Regnavit autem Cyrus 30. annis, Cambises eius filius 8. Darius Hystaspis, qui illi successit 36. Xerxes eius filius 21. Huic autem successit Artaxerces, de quo loquimur, qui dictus est Longimanus. Et sic ab initio Regni Ciri in Persia vsque ad initium regni

regni Artaxercis currunt 95. anni, quibus si addantur 7. quia septimo anno eius exijt sermo, vel decretum de secunda ædificatione Hierusalem per Esdram, vt habetur lib. 1. cap. 7. fit manifestum; quod ab olimpiade 55. in qua omnes historiæ ponunt initium regni Ciri, vsque ad 7. annum Regni Artaxercis currunt 102. anni, qui efficiunt olimpiades 25. & duos annos, quas addendo super dictas 55. olimpiades, manifestum relinquitur, quod annus 7. Artaxercis incidit olimpiade 80. anno eius secundo.

Ex his duobus principiis sic probatis manifestè colligitur, quod ab anno septimo Artaxercis, quo dictum secundum decretum exijt de ædificanda Hierusalem vsque ad mortem Christi, intercesserunt 490. anni qui faciunt 70. hebdomadas. Patet hoc quia ab ann. 2. olimpiadis 80. vsque ad 4. olimpiadis 202. intercedunt 122. olimpiades, & duo anni, quæ efficiunt 490. annos solares, numerando in qualibet olimpiade 4. annos. Et sic optimè dictum est, fuisse abbreviatis septuaginta hebdomadas vsque ad consummationem passionis Christi, in qua deleta est iniquitas terræ, & finem accepit peccatum, vt ibidem asseritur; numerando illas ab exitu sermonis, seu decreto de secunda ædificatione Hierusalem vsque ad occisionem Christi. Ex quo etiam apparet, iuxta planum sensum litteræ, finem, seu terminum septuaginta hebdomadarum fuisse ab Angelo non in natiuitates, sed in ipsa morte Christi designatum. Nam prius dicit, *vsque ad Christum ducem*, futuras sexaginta nouem hebdomadas, quamuis non simpliciter, sed diuidendo eas per duos numeros, dicens, hebdomadæ septem, & hebdomadæ sexaginta duæ erunt; tamen sensus idem est; deindè verò subiungit: *Et post sexaginta duas hebdomadas occidetur Christus*; intelligendo post sexaginta duas, septem suppositis, quas prius numerauerat; vnde sensus est post sexaginta nouem hebdomadas

Bibliot. Theol. Tom. V.

in septuagesima esse Christum occidendum.

Hac principali difficultate de initio, & termino 70. hebdomadarum sic breuiter explicata, quomodoque earum tempus in Christo Domino fuerit cōpletum, supersunt adhuc aliæ plures, licet minoris momenti; prima, quomodo possint esse sexaginta nouem hebdomadæ vsque ad Christum ducem, maximè si per hoc significetur eius natiuitas, & tamen quod mors eius in septuagesima hebdomada contingat, vel in dimidio illius: nullo enim modo hoc stare posse videtur, nisi illa vltima hebdomada constet annis septuaginta quod supra absurdum esse notauimus. Secunda difficultas est, cur Angelus non simpliciter & apertè dixerit, sexaginta nouem hebdomades, sed per partes, ac præposuere, summam eius numeri enunciauerit dicens, *hebdomada septem, & hebdomada sexaginta duæ erunt. Et post sexaginta duas hebdomades occidetur Christus*. Tertia tandem, est, quem sensum faciant illa verba, *confirmabis autem pactum multis hebdomada vna: & in dimidio hebdomada deficiet hostia, & sacrificium; & erit in templo abominatio desolationis, &c.*

Respondetur ad primam difficultatem, verbum illud Angeli, vsque ad Christum ducem, non significare diem incarnationis, vel natiuitatis Christi, sed tempus illud, quo cepit hominibus manifestari, prædicare, & docere; quod tempus vel à Christi baptismo inchoatum est, in quo testimonium accepit à Patre, *hic est filius meus dilectus*, vel quando cepit publica miracula edere in Cana Galilææ; à quo tempore vsque ad eius mortem intercesserunt anni tres, & aliquot menses. Hoc ergo modo vtraque illa particula, *vsque ad Christum ducem*, & illa *post sexaginta duas hebdomadas occidetur Christus*, intelligi potest terminari, & compleri in septuagesima hebdomada, sed altera in principio eius, altera in medio, vel vna in medio, & altera in

E e e. 2 *fine.*

fine. Dupliciter enim potest intelligi verbum illud, quod postea subiungit Angelus; confirmabit autem pactum multis hebdomada vnâ; quod in tertâ difficultate explicabimus.

Ad secundam difficultatem dicitur ideo Angelum numerasse per partes illas hebdomadas, dicendo, *Vsq̃ue ad Christum ducem hebdomades 7. & hebdomades 62. erunt, & rursum ædificabitur platea, & muri in angustia temporum, & post hebdomades 62. occidetur Christus*; Primò, vt more prophetico esset aliquantulum obscura & ænigmatica locutio. Secundò, quia talis loquendi modus est phrasis Hebrææ linguæ in sacris litteris non infrequens. Cum enim Hebræi volunt exprimere summam alicuius numeri, eam per partes enuntiant, præponendo minores numeros maioribus; sicut ex sententia Hebræorum refert hoc loco D. Hieronymus, & vtitur hoc exemplo. Nos diceremus, vixisse Abraham centum septuaginta quinque annis: at Hebræi dicerent, vixisse eum quinque & septuaginta, & centum annis. Insigne aliud huius rei exemplum habetur Eséch. c. 45. Cum enim veller propheta docere, quot scli faciant vnam mnam, & potuisset breuiter ac dilucidè dicere, sexaginta scli faciunt mnam: Seruans tamen proprietatem linguæ suæ ita dixit. Porro viginti scli, & viginti quinque scli, & quindecim scli mnam faciunt; Nec Hebræi tantum, sed etiam elegantiores latini scriptores, itidem loqui solent in putandis numeris, minores maiori præponendo. Tertio putant aliqui: propterea Gabrielem ita distinxisse hebdomadas, vt insinuaret in huiusmodi partitione aliquod subesse mysterium; siue melius, vt designaret Danieli tempus in quo reædificanda erat Hierosolyma iuxta paupertatem, & angustiam illorum temporum, quia enim Daniel postulauerat à Deo liberationem captiuitatis, & reædificationem Hierosolymæ, voluit etiam in hoc Deus eius desiderio satisfacere, illi re-

uelando non quidem finem captiuitatis, quia iam erat expressum apud Hieremiam, quod futurus erat post septuaginta annos, sed reædificationem Ciuitatis post captiuitatem. Et ad hoc manifestauit ipsi, à quo tempore erant numerandæ septuaginta hebdomades, seu decem Iubilæa vsque ad liberationem captiuitatis per redemptionem Christi; scilicet, quod inciperent numerari, ab exitu sermonis vt iterum ædificetur Hierusalem, seu à secundo decreto reædificationis eius, quod datum est 7. anno Artaxercis, vt probatum fuit: Sed cum hac distinctione, quod intra primas septem hebdomadas, seu intra primum Iubilæum ab illo secundo decreto computandum, ædificabitur murus, & platea Hierusalem; in hoc enim plures anni consumpti sunt, cum à 20. anno Artaxercis, & deinceps ædificatum esset murum à Nehemia legamus lib. 2. Esdræ capite 1. & 2. Exindè verò post illas septem primas hebdomadas, quibus ædificabitur murus, & platea Hierusalem, suporerunt vsque ad occisionem Christi 62. hebdomades, ita quod immediatè post illas id est hebdomada septuagesima occidatur. Vndè applicando singula singulis, ædificatio plateæ, & muri Hierusalem correspondet primis 7. hebdomadibus post annum 7. Artaxercis, quasi hæc ædificatio facienda erat intra primum Iubilæum, occisio verò Christi non intra, sed post 62. hebdomadas vltra illas septem priores, id est in ipsa septuagesima hebdomada. Vndè quod prius dixerat Angelus, *Septuaginta hebdomades abbreviatae sūt &c. vt ungatur Sanctus Sanctorum*: non debet intelligi de vnctione vt præcisè sanctificante humanitatem Christi in conceptione eius, sed vt consummante redemptionem nostram, & sanctificante nos, quod potissimum fuit, quando in cruce non tantum in redemptorem, sed etiam in Sacerdotem, & regem sanguinis sui vnctione cōsecratus, & inauguratus fuit; Dominus enim regnauit à ligno; & *Christus assistens Pontifex su-*

turorum bonorum, per amplius, & perfectius tabernaculum non manufactum, id est, non huius creationis: neque per sanguinem hircorum, aut vitulorum, sed per proprium sanguinem introiuit semel in sancta, aeterna redemptione inuenta Hebr. cap. 9.

Circa tertiam difficultatem consistet in explicatione illorum verborum: *Confirmabis autem pactum multis hebdomada una, & in dimidio hebdomadis deficiet hostia &c.* Dico breuiter Angelū his verbis separatim explicare voluisse septuagesimam & vltimam hebdomadam, quam ab alijs sexaginta nouem supra seiunxerat: Quemadmodū enim prius dicto simpliciter & absolute, *septuaginta hebdomadas esse abbreviatis super populum, & super Ciuitatem Sanctam Hierusalem*; postea numerauit illas per partes, dicendo, *vsque ad Christum ducentem hebdomades 7. & 62. erunt, & rursum edificabitur platea, & muri in angustia temporum, & post hebdomadas 62. occidetur Christus*; vt sic facilius constaret, quid vnicuique parti, vel spatio illarum septuaginta hebdomadam futurū corresponderet; sic etiam in his posterioribus verbis, dum primum dicitur de Christo, *quod confirmabis pactum multis hebdomada una*: postea verō subiungitur, *& in dimidio hebdomadis deficiet hostia*; non debet intelligi, quā vltimę hebdomadę septuagesimę, quā vocat vnā Angelus, quia separatim, ab alijs illius euentum explicat, sit addenda alia dimidia, sed solum aperitur quid sit in singulis huius septuagesimę hebdomadę partibus olim euenturum; Scilicet Christum in dimidio hebdomadę, id est in tempore trium, vel quatuor annorum confirmaturum pactum suum, id est nouum testamentum, seu legem Euangelicam, confirmaturum, inquam, miraculis, & tandem morte ipsa, per quam sacrificia, & hostię legis veteris erant excludenda. Quia autem dimidium hebdomadę dupliciter sumi potest, scilicet vel vt sit prima dimidia pars septuagesimę hebdomadę,

vel vt intelligatur esse posterior dimidia pars; ita vt vltima hebdomada, in duas dimidias partes diuidatur, & in posterioribus tribus annis, intelligatur futura confirmatio Euangelij, per Christi prædicationem, vsque ad mortem eius; conformiter ad suppurationem nobis superius factam, quod Christus Dominus sit mortuus olimpiade 202. currente anno eius quarto, qui fuit vltimus quadringentorum nonaginta, quos efficiunt septuaginta hebdomades septennales, dicendum est dimidiū hebdomadę sumi debere iuxta posteriorem sensum; & sic Christum Dominū fuisse tantum baptizatū non in exordio prioris dimidij vltimę hebdomadę, sed in fine, id est completis iam tribus annis, & dimidio illius, mortuum verō non in principio posterioris dimidij, sed in fine cum inter baptismum, & mortem Christi iuxta probabiliorē Chronologorum sententiam intercesserint tres anni, & aliquot menses; finem autem, seu terminum alicuius dimidij, recte vocari posse dimidium modo explicato, patet pluribus exemplis. Hanc interpretationem habet auctor historiae Scholasticę in historia Danielis, cap. 10. explicat enim ille, *dimidium hebdomada*, non quartum annum, qui medius est inter septem, quos vltima hebdomada continet; sed posterius dimidium, seu medietatem hebdomadę. Diuidit enim vltimam hebdomadam in duo dimidia, seu medietates, vtrique assignans tres annos, & dimidium. In dimidio igitur hebdomadę, id est posteriori medietate hæc sunt acta. In exordio illius dimidij, quod nos vocauimus terminū, seu finem prioris dimidij, baptizatus est Christus: deinde per tres annos, & dimidium circiter, dimidium enim non mathematicè, sed moraliter hic sumi debet, prædicaui Euangelium confirmando illud infinita miraculorū multitudine: denique in fine illius medietatis, qui fuit etiam terminus vltimę hebdomadis mortuus est Christus, post cuius mortem omnis virtus legalium sacrifici-

sacrificiorū penitus euanuit. Sic igitur 70. Danielis hebdomadæ, quæ secundum quod aliqui docent eas præcisè finiri in ipso anno Passionis Christi, alij autem tribus post illam annis, paulò plus, vel minus cōsequenter inceperunt anno mundi circiter 3497. à diluuiō anno 1846. à templo Salomonis 564. à Roma condita 298. à libertate sub Cyro anno 78. & eodem pariter ab hac visione, & prophetia Danielis, illam enim habuit anno 70. & ultimo capriuitatis, qui fuit annus libertatis Hebræorum, sub Cyro; tandem completa sunt annō mundi 3984. quo mortuus est Christus; vel 3987. tribus scilicet post annis iuxta diuersum computum.

Secunda nota, regia propagatio ex semine David Messie, & Domini nostri Iesu Christi.

Hieremiæ 23. *Ece dies veniunt dicit Dominus, & suscitabo David germē iustum: & regnabit rex, &c.* Quē locum de vero Messia intelligunt omnes Hebræi; & hanc notam regis propagationis ex semine David fuisse in Christo impletam docet S. Matthæus in ipso statim Euāgelij exordio, *Liber, inquit, Generationis Iesu Christi filij David; & Lucæ 3. qui fuit David.*

Tertia nota, modus conceptionis Messie, & Christi ex matre Virgine.

Isaiæ 7. *Propter hoc dabit Dominus ipse vobis signum: Ece virgo concipiet, & pariet filium, & vocabitur nomen eius Emmanuel. Et Hieremiæ cap. 31. creauit Dominus nouum super terram, semina circumdabis virum. Quæ duo testimonio de solo vero Messia intelligenda, aduersus Iudæos, & hereticos, vix est vllus ex Patribus, qui nō pertractet; quique illa non explicet, tanquam perfectissimè adimpleta in Beata Virgine Deipara, integra, & intacta virginitate Christum Dominum concipiente, &*

pariente: vt habetur Matthæi 1. Cum esset desponsata Mater Iesu Maria Ioseph antequam conuenirent, inuenta est habens in utero de Spiritu Sancto; & Lucæ 1. Spiritus Sanctus superueniet in te, & virtus Altissimi obumbrabit tibi. Ideoque quod nascetur ex te Sanctum, vocabitur filius Dei.

Quod enim perfidè Symmacus Ebionæus, Aquila, & Theodotion, qui fuerunt Iudæi proselyti, nostrique Iudæi, & nuper Castalion, & Oecolampadius verterunt, *Ece iuuenula concipiet*; quod Iudæi sic explicant, quasi diceretur, Iuuenula scilicet vxor Achas, antea sterilis, nunc concipiet & pariet filium, vel Ezechiam, vel aliquem alium; hoc, inquam, totum falsò asseritur; nam vt bene notant interpretes ad hunc locum, & inter alios Cornelius à Lapide; primò falsum est, illa verba posse intelligi de vxore Achas Ezechiam genitura, cum iam ante hanc Isaïæ prophetiam esset natus; Rex enim Achas, cuius tempore fuit edita, regnavit sexdecim annos tantum: Ezechias verò succedens in regnū erat 25. annorum; natus est ergo ante regnum Patris. Secundò, nec Ezechias, nec quis alius filius Achas vocatus fuit Emmanuel, id est, nobiscum Deus; nullique alteri possunt competere tituli à Propheta adducti, quam verò Messie. Tertio infulsè hebræum *alma*: vertunt *iuuenula*; & quod est signum, quid mirum, quid nouum; si *iuuenula*, quæ iam Ezechiam genuerat, alium pariat filium; & si iam genuerat Ezechiam, quomodo erat sterilis; Vertendum est igitur, *ecce virgo concipiet*, quia hebræum *alma*, præsertim cum articulo *he*, *ha alma*, vt hic est, non *iuuenula* (hanc enim significat *naara*, & subindè *betula*) sed virginem significat; vnde etiam verterunt Septuaginta, Chaldaica paraphrasis, & veteres Rabini apud Galatinum lib. 7. cap. 15. Radix enim *alam*, significat abscondere: inde *alma* vocatur virgo abscondita, & incognita viro. Hinc & lingua Punica, quæ hebræis affinis est, virgo vocatur *alma*, inquit San-

Sanctus Hieronymus.

Sed esto vox hebræa *alma* significet aliquando adolescentulam viro cognitam; hebræi tamen suæ lingue periti negare non possunt, quin etiam significet virginem viro incognitam; dum ergo reperitur in Sacra Scriptura, debemus ex antecedentibus, & consequentibus iudicare, in quo nam sensu accipi debeat; certum est autem in præsentī loco sumi non posse in alio sensu, aut significatione, quam virginis, seu iuenculæ omni prorsus viro incognitæ; Dum enim ait Propheta. *Propter hoc dabit Dominus ipse vobis signum; Ecce Virgo concipiet, & pariet filium*; vox signum indeterminatæ, & amplè sumitur, ut sit idem, quod res noua stupenda, ac portentum, quis autem non dicat, hoc non posse intelligi de iuencula viro cognita, quid enim mirum, quod talis concipiat & pariat; sed solum de Virgine illa, quæ integra, & intacta virginitate verum Messiam conceptura, & paritura erat, qualis fuit mater Christi Domini Beatissima Virgo Maria; Quare D. Bernardus serm. 3. in vigilia natiuitatis considerans hoc mysterium: *Tria* inquit, *opera, tres misuras fecit omnipotens illa mater in assumptione nostræ carnis; ita mirabiliter singularia, & singulariter mirabilia, ut talia nec facta sint, nec facienda sint amplius super terram. Coniuncta quippe sunt ad inuicem Deus, & homo, mater & virgo, fides & cor humanum.* Sed de his satis, plura videri possunt apud interpretes ad hunc locū, & apud Michaelē Caranza lib. de Virginitate B. Mariæ.

Similiter Ieremiæ 31. v. 22. dum dicitur: *Vsquequo delicijs dissolueris filia, vagas quia creauit Dominus nouum super terram: semina circumdabit virum.* Genuinus, ac legitimus illius loci sensus, iuxta communem SS. Patrum, interpretum, & doctorum orthodoxorum explanationem, quin etiam, & plurimū Rabinorum, quos citat Castro, & Galatinus lib. 7. cap. 14. est, quod nouus homo, scilicet Messias homo Deus, ex noua

ua Virgine matre, noua generatione, scilicet absque viri semine, sola Spiritus Sancti creatione produceretur; sicut de facto productus est Christus Dominus; vnde *semina circumdabit virum*, idem est ibi ac dicere, Beata Virgo concipiet, vel claudet vtero suo Christum verum Messiam, qui licet qua homo conceptus & nascens, statura, & ætate esset infans; fuit tamen à primo suæ cōceptionis instanti vir, sapientia, gratia, & fortitudine, nisi per virū intelligere velimus mascululum. Porro ad hunc sensum, inter multa, quæ afferri possent, duo potissimum faciunt; verbū *circumdabit*, & vox *nouum*. Si enim mulier circumdet virum, id est masculum, non est nouum, sed quotidianum. Nouum autem est, quod virgo circumdet masculum. igitur sicut nouum fuit, quod prima foemina scilicet Eua, creata sit ex viro, puta ex costa Adam; ita & magis nouum est, quod secundus Adam, scilicet Christus vir conceptus, & creatus sit ex secunda foemina, & Virgine Deipara. Apprimè etiam eandem B. Mariæ virginitatem, in partu explicat verbum *circumdabit*; facit enim sensum, quod illa foetum non à viro accipiet (erit enim Virgo) sed intra se cæliis datum claudet in modum circuli, vnde quaque integri & perfecti, nulla vel minima scissione violati; hac de causa Cantica. 4. v. 11. vocatur ipsa, *hortus conclusus fons signatus.* & Prouerb. cap. 30. dum dicitur: *Tria sunt difficilia mihi, & quartum penitus ignoro, viam aquilæ in calo, viam colubri super terram, viam nautis in medio mari, & viam viri in Virgine*, secundum Septuaginta interpretum explanationem, qui vocem hebraicam *be alma* in magis proprio sensu, vt supra notauimus venterunt, *in Virgine*; plures Rabbini, inter quos Rabbi Haccados à Galatino citati, alijque non ignobiles authores Cornelius Iansenius in prouerbia cap. 30. Nicolauus Lira ibidem, sic intelligunt hunc locum, vt in eo contineatur propheta, eadem, quæ Ieremiæ 31. de Christo ex Virgine nascituro; quasi diceret Salomon,

mon, difficillimū est cognoscere Christi (qui vir fuit ab initio cōceptionis sue perfectus omnibus potentijs animæ, æquē ac membris corporis) in Virgine conceptionem, & natiuitatem.

*Quarta nota, locus & modus natiuitatis
Messia, & Christi.*

DE Messia dicitur, quod sit egres-
surus ex Bethleem Iuda Michæ
c. 5. *Et tu Bethleē Ephraï parvulus es in
millibus Iuda: ex te enim mihi egredie-
tur, qui sis dominator in Israël;* Et sic erat
communis intelligentia apud Iudæos,
vnde interrogati ab Herode de hac re
Matth. 2. sic responderunt, & similiter
Ioannis 7. dixerunt, *quia ex castello Beth-
leem Christus venit;* Constat autem Iesū
natum esse in Bethleem, Matthæi cap. 2.
Cum natus esset Iesus in Bethleem Iuda; &
Lucæ 2.

*Quinta nota, Adoratio Messia, & Christi
à regibus Magis.*

Numerorum 24. *Videbo eum sed
non modo: intuebor illum sed non
propè. Orietur stella ex Iacob, & consur-
get virga de Iacob;* &c. Cuius loci præ-
cipuus sensus ad litteram est de Mes-
sia; qui vocatur stella, non solum quia
in hac vita depulsurus erat tenebras in-
fidelitatis, & in futura tenebras morta-
litis; aut quia vti lucifer nocti finem;
diei initium præbet: ita verus Messias
peccato, & ignorantia finem, fidei & sa-
luti initium allaturus erat, sed etiā ma-
ximè, quia per stellam eius natiuitas si-
gnificanda erat, quæ Magos ad se in
Bethleem euocaret. Quod in natiuitate
Domini nostri Iesu Christi perfectissi-
mè adimpletū fuisse Euangelica testa-
tur historia Matth. 2. *Cum natus esset Ie-
sus in Bethleem Iuda in diebus Herodis
Regis, ecce Magi venerunt ab oriente Hiero-
solyman dicentes, ubi est qui natus est
rex Iudæorum? Vidimus enim stellam eius
in oriente, & venimus adorare eum.* Ad
hanc ergo Magorum stellam respectum

fuisse præfato numerorum loco, patet
tū ex hebræo textu, qui pro *oriatur*,
habet *darach*, id est, incessit, & viam
calcauit, ac præiit, quod propriè stellæ
illi, Magis præeunti conuenit: tū quia
communis Patrum sententia est, tres
Magos, vel posteros, vel successores
fuisse huius Balam hic vaticinātis, & ex
hoc eius vaticinio edoctos fuisse, oritu-
ram aliquando stellam, quæ natiuitatem
magni cuiusdam regis Iudæorum indi-
caret: atque inde Magos vīsa stellā, sta-
tim permotos fuisse, ad regem hunc
per stellam significatum inquirendum,
idque verba Magorum significant: *Vi-
dimus stellam eius*, quasi dicant: *Vidi-
mus non stellam aliquam incognitam,
sed stellam eius*, notam scilicet & à Ba-
laam prædictā, quod scilicet foret stel-
la eius, scilicet Christi, verique Messia
index.

Quod additur, *videntes autem stellam
gausi sunt gaudio magno valdè.* Et in-
trantes domum inuenerunt puerum cum
Maria matre eius, & procidentes adora-
uerunt eum: & apertis thesauris suis ob-
tulerunt ei munera, aurum, thus & myr-
rhā; hoc etiam totum fuit prænuntia-
tum psal. 71. *Reges Tharsis, & insule mu-
nera offerent, reges Arabum & Saba dona
adducent.* Et adorabunt eum omnes gen-
tes: omnes reges seruient ei. & Isaiæ 60.
*Inundatio camelorū operiet te: Drome-
darii Madian, & Epħa. Omnes de Saba
venient, aurum, & thus deferentes, &
laudem Domino annuntiantes.*

*Sexta nota, ingressus Messia, & Christi
in templum.*

DE vero Messia Aggæi 2. dicitur,
quod templum Hierosolymita-
num esset ingressurus, idque præsentia
sua maiori gloria nobilitaturus, quam
primum templum unquam nobilitatū
est; cui consonat aliud Malachiæ testi-
monium cap. 3. *Et statim venis ad Tem-
plum sanctum suum dominator, quem vos
queritis, & angelus testamenti, quem vos
vultis; quæ prophetia adimpleta est in*
Chri-

Christo Iesu, cū infans in templo oblat-
 us est à Matre Virgine, quo primū
 tempore domus illa vera Domini gloria
 cumulata est: atque si ita interpretari
 licet, pax hominibus annunciata est, di-
 cente Simeone: *Nunc dimittis seruum
 tuum Domine, secundum verbum tuum,
 in pace:* cui concordant etiam verba
 Aggæi: & in loco isto dabo pacem: sic ex-
 ponunt locum hunc Hieronymus, Ru-
 pertus, Liranus, & ferè ceteri exposi-
 tores. Iudæi verò nullam rationem in-
 uenire possunt, vt declarent, quo pacto,
 propheta hæc in templo illo fuerit im-
 pleta. Iam enim impossibile est, quod
 veniat aliquis Messias, qui illū adim-
 pteat, cum iam illa domus, seu templum
 de quo loquebatur Aggeus funditus e-
 uersum sit.

Sed occurrit hic difficultas, quod ex
 Iosepho lib. 15. de antiquitatibus cap. 11
 & lib. 6. de bello Iudaico cap. 8. templū
 illud tempore Aggæi ædificatum non
 durauit vsque ad tempus in quo Chri-
 stus aduenit: Herodes enim decimo
 octauo anno regni sui, hoc est iuxta
 supputationem superius à nobis factam,
 duodecim annos ante natiuitatem Chri-
 sti, illud destruxit, & aliud loco illius
 ædificauit: non igitur in illud templum
 ingressus est Christus.

Respondetur, non ita fuisse templum
 illud solo æquatum, & aliud ab Hero-
 de constructum, quin eo modo, quo
 homines loquuntur, dici potuerit abso-
 lutè, & simpliciter idem: Quod mani-
 festè conuincitur ex hoc testimonio
 Ioannis 2. vbi Iudæi dixerunt, qua-
 draginta sex annis fuisse ædificatum
 templum illud, cum tamen quod ab
 Herode constructum fuit, octo an-
 nis absolutum fuisse referat idem Iose-
 phus lib. 15. cap. 4. Quanquam non de-
 sint, qui vsque ad Neronis tempora,
 durasse ex eodem Iosepho lib. 20. c. 8.
 affirmant. Dicit autem potest esse vnum
 & idem templum, vel quia non omninò
 à fundamentis, & quo ad omnes partes,
 totum Templum destructum est: vel
 quia non simul totum, sed paulatim &

per partes, nam propter continuam il-
 lam successionem, & præsertim quando
 per se non intenditur destructio, sed in-
 stauratio & amplitudo, solet iuxta hu-
 manum loquendi modum censerì suffi-
 ciens, vt eadem domus, vel idem tem-
 plum manere dicatur.

*Septimana nota, fuga in Aegyptum Messie,
 & Christi.*

Primo Isaia 19. dicitur, *Ecce Do-
 minus ascendens super nubem leuem,
 & ingreditur Aegyptum, & comonebun-
 tur simulacra Aegypti à facie eius;* quod
 communiter Patres intelligunt de Ido-
 lis Aegypti per Christum puerum illuc
 fugituro deiiciendis. Vnde Palladius
 in Lausiaca cap. 52. & Rufinus lib. 2.
 cap. 7. *Vidimus, inquit, in Thebaide in
 finibus Hermopolis templum, in quo in-
 gressu Urbem Salvatore ceciderunt omnia
 simulachra in faciem super terram. Idem
 prædixisse Ieremiam scribit S. Epipha-
 nius in eius vita; nimirum oportere
 cuncta eorum simulachra concidere, &
 simulque manufacta omnia, scilicet ido-
 la, eorumque templa, & aras, quando
 in Aegyptum veniret cum suo infante,
 virgo mater. Et ob hanc prophetiam,
 Ieremiam in Taphnis paulò post à Iu-
 dæis lapidatum fuisse, & martyrem oc-
 cubuisse tradit idem Epiphanius, Do-
 roth. Torniciellus, & alij. Addit Epi-
 phanius, Aegyptios tantum huic vari-
 cinio Hieremix tribuisse, vt solemnem
 induxerint morem, virginem quandam
 in lecto, & infantem in præsepio passim
 collocandi, simulque adorandi; rogatos
 postea à rege quodam, quid sibi vellent
 hic ritus? respondisse hoc esse myste-
 rium, quod maiores ipsorum à Sancto
 Propheta traditum iampridem accepis-
 sent. Idem habet Chronicum Alexan-
 drinum. Porro hoc in Christo Domi-
 no concordare habetur ex historia Euan-
 gelica Matth. 2. *Angelus Domini in som-
 nis apparuit Ioseph dicens, surge, & accipe
 puerum, & matrem eius, & fuge in Aegyptum,
 & esto ibi vsque dum dicam tibi, &c.**

Octava nota, modus vita Messia, & Christi.

Vidimus huc usque, quomodo quæ à prophetis in veteri testamento de Messia potissimum infantia prænuntiata sunt, perfectissimè in Christo Domino adimpleta fuerint, nunc ostendendum est, quomodo in eundem concurrat modus vitæ, quo iidem prophetae verū Messiam designare voluerunt: incipiendo ab illo tempore, quo cepit hominibus manifestari, prædicare, & docere. Primum igitur si verus Messias discipulos pauperes, & idioras ad apostolatam vocaturus erat Isaïa 8. *Ecco ego & pueri mei, quos dedit mihi Dominus in signum, & portentum in Israel à Domino exercituum; & Hieremïa 16. Mittam ad eos piscatores, & piscabuntur eos; & venatores, & venabuntur eos. De Christo Domino Matth. 1. 4. legitur dixisse: Venite post me, faciam vos fieri piscatores hominum; & A. A. Apost. 4. Comperto quod homines essent sine litteris, & idiote, admirabantur, cognoscebant eos, quia cum Iesu fuerant. Secundò si verū Messiam audiretur, & secuturæ erant turbe innumere, Mich. 4. *Eritis in novissimo dierum, & erit mons domus Domini preparatus in vertice montium, & sublimis super colles, & fluent ad eum populi, & properabunt gentes multe, &c. De Christo Domino dicitur Lucæ 6. Factum est autem in illis diebus, exiit in montem orare, & erat pernoctans in oratione Dei. Et cū dies factus esset, vocavit discipulos suos; & elegit duodecim ex ipsis, quos & Apostolos nominavit, &c. & descendens cum illis, stetit in loco campestri, & turba discipulorum eius, & multitudo copiosa plebis ab omni Iudæa, & Ierusalem, & maritimis, & Tyri, & Sydonis, qui venerant ut audirent eum, &c. Matth. 4. & sequente sunt eum turba multa de Galilea, & Decapoli, & de Hierosolymis, & de Iudæa, & de trans Iordanem.**

Tertiò si verus Messias cum hominibus benignè, suaviterque conuersatu-

rus describitur Isaïa 42. *Ecco servus meus suscipiam eum; electus meus, complacuit sibi in illa anima mea. Dedi spiritum meum super eum. Iudicium gentibus proferet. Non clamabit neque accipiet personam, nec audietur vox eius foris. Calamum quassatum non conteret. Et lignum fumigans non extinguet. In veritate educet iudicium. Non eris tristis, neque turbulentus, donec ponat in terra iudicium, & legem eius insula expectabunt. De Christo Domino legitur ipsum consolatum fuisse omnes merentes & tristes, qui Matth. 11. dicebat, *Venite ad me omnes qui laboratis, & onerati estis, & ego reficiam vos, & discite à me quia mitis sum, & humilis corde. Lucæ 9. Nescitis cuius Spiritus estis, filius hominis non venit homines perdere, sed salvare. Et cap. 4. mirabamur de verbis gratia, quæ procedebant de ore eius; cum etiam mansuete responderet ad gravissimas iniurias provocatus, ut constat ex historia Evangelica; vnde rectè Paulus Apostolus 2. Corinth. 10. *Obsecro vos, inquit, per mansuetudinem & modestiam Christi. Quartò si verus Messias peccatores in particulari benignè excepturus prænuntiatur Mich. 4. In die illa dicit Dominus, congregabo claudicantem: & eam quam eieceram colligam, &c. quod interpretatur D. Hieronymus lib. 1. in Mich. de priore Domini adventu, in quo peccatores salvati sunt; Nonne Christus Dominus Matth. 9. ait; *Non veni vocare iustos, sed peccatores ad penitentiam; ita ut eiusdè S. Matth. cap. 11. diceretur de illo: Ecce homo vorax, & potator vini, publicanorum, & peccatorum amicus. Lucæ 15. Erant appropinquantes peccatores, & publicani, ut audirent illum. D. Paulus 1. Timoth. 1. Fidelis sermo, & omni acceptione dignus, quia Dominus Iesus venit in hunc mundum peccatores salvos facere.****

Quintò; Si verus Messias in parabolis locuturus erat ex psal. 77. *aperiam in parabolis os meum: erubescabo abscondita à constitutione mundi; De Christo Domino Matth. 13. dicitur. Hec omnia locu-*

Sectio VII. Caput IV.

411

locutus est Iesus in parabolis ad turbas, et sine parabolis non loquebatur eis: ut impleretur, quod dictum erat per prophetam dicentem, aperiam in parabolis os meum. Sexto; Si verus Messias vera docens, & vitia corripiens oppugnandus, ac perfequendus dicitur psal. 108. Os peccatoris, et os dolosi super me apertum est. Locuti sunt adversum me lingua dolosa, et sermonibus odij circumdederunt me, et expugnaverunt me gratis. &c. Sap. 2. Circumveniamus iustum, quia inutilis est nobis, & contrarius est operibus nostris, et improperat nobis peccata legis, &c. certè hoc totum ad vnguem fuisse adimpletum in Christo Domino, patet Ioann. 8. Nunc autem quæritis me interficere hominem, qui veritatem vobis locutus sum, quia audiui à Patre meo. Ioann. 7. Nemo ex vobis facit legem, quid me queritis interficere. Lucæ 16. Audiebant autem omnia hæc Pharisei qui erant avari, & deridebant illum. Marci 22. Consilium iniuerunt Pharisei, ut caperent eum in sermone. Et cætera, quæ passim occurrunt in historia Evangelica.

Septimò si Messias innumera patraturs miracula, prænuntiatur Isaia 35. *Deus ipse veniet, & salvabit nos, tunc aperientur oculi cæcorum, & aures surdorum patebunt, tunc saliet sicut ceruus, claudus; &c. hoc manifestissimè in Iesu Christo impletum est, ut constat Matth. 11. Ite dicite Ioanni quæ audistis, & vidistis, cæci vident, claudi ambulant, surdi audiunt, &c. hac responsione ad discipulos Ioannis interrogantes, num ipse esset verus Messias, ostendente Christo Domino esse impleta in se illa signa Messia. Octavò, si Messias tanquam rex, & pauper Hierosolymam a seculo vectus ingressurus, & magnificè à pueris Hebræorum excipiendus prædicitur Isaia 62 & Zacharia 9. Exulsa satis filia Sion, iubilans filia Ierusalem: Ecce rex tuus veniet tibi iustus, & Saluator: ipse pauper, & ascendens super asinam, & super pullum filium asine. Et Psal. 8. Ex ore infantium, & lactentium perfecisti laudem propter inimicos suos, ut destruas inimicum, &*

ultorem. De Christo Domino narratur Matth. 21. quod, adduxerunt asinam, & pullum, & imposuerunt super eos vestimenta sua, & cum desuper sedere fecerunt, &c. Turbæ autem quæ precedebant, & quæ sequebantur clamabant dicentes: Hosanna filio David. Benedictus, qui venit in nomine Domini. Quod idem describitur Ioannis cap. 12.

Nona nota, modus mortis Messia, & Christi.

ET si omnes Messiaæ actus à Prophetis fuerint prænuntiati, ut satis patet ex dictis, præcipuè tamen, ut author est S. Ireneus lib. 4. adversus hæreses cap. 66. descripti sunt illi, qui ad passionem, & mortem illius pertinebāt: ut enim ex sequentibus apparebit, nusquam spiritus prophetiæ neque vberior neque illustrior resplendet, quam in Messia passionibus, opprobrijs, ac doloribus declarandis; ea forsitan ratione, ut scandalum crucis ab humanis cordibus remoueretur, atque ea Dei sapientia & virtus, quæ in passione elucet maximè, vocatis in regnum Dei commendaretur; quare etiam Christus Dominus qui solus fuit verus Messias, in quo ut statim ostendemus, fuerunt ad amussim impleta omnia illa, quæ de Messia morte, & passione prænuntiaverunt prophetæ, crebrò atque apertè discipulos de morte sua, ac passione commonefaciendos antè putavit: ut quod inter homines turpe erat supplicium crucis, id à Christo caritate hominum ardenti susceptrum, salutis nostræ trophæum, ac gloriæ Dei decus esset sempiternum. Ecce, inquit discipulos alloquens Lucæ 18. *ascendimus Hierosolymam, & consummabuntur omnia quæ scripta sunt per Prophetas de filio hominis. Quæ statim explicat: tradetur enim gentibus, & illudetur, & flagellabitur, & cõspuetur, & postquæ flagellauerint, occident eum, & tertia die resurget. Atque alio loco Lucæ 22. Quod scriptum est oportet impleri in me: Et cum iniquis deputatus est. Etenim ea quæ*

sunt de me finem habent. Et postquam à mortuis resurrexit, duobus discipulis iter facientibus, ac de ipso sermocinantibus se comitem adiungens: *Osquitur, stulti & tardi corde ad credendum in omnibus, quæ locuti sunt Prophetae. Nonne hac oportuit pati Christum, & sic intrare in gloriam suam? Et incipiens à Moyse, & omnibus prophetis, interpretabatur illis in omnibus Scripturis, quæ de ipso erant.*

Primum enim si Messias aliquando vendendus triginta argenteis præsignificatur Genes. 37. in venditione Ioseph, *Vendiderunt Ioseph Ismaelitis triginta aureis.* Zachar. 11. *Ei dixi ad eos, si bonum est in oculis vestris, offerte mercedem meam: & si non, quiescite.* Et appendebant mercedem meam, triginta argenteos. *Ei dixit Dominus ad me: Projice illud ad statuarium, decorum pretium, quo appretiatum sum ab eis.* Etiam de Christo Domino Matth. 26. dicitur: *Quid vultis mihi dare, & cum nobis tradam?* ac illi constituerunt ei triginta argenteos, &c. Secundò, si de Messia Isaïæ 53. dicitur, *oblatus est, quia ipse voluit, & non aperuit os suum, sicut ovis ad occisionem ducetur;* de Christo Domino Ioann. 18. habetur: *Cohors ergo, & tribunus, & ministri Iudeorum comprehenderunt Iesum, & ligauerunt eum.* Tertio, Si Messias à suis in passione deferendus prædicitur, Zachar. 13. *Framea suscitare super pastorem meum, & virum coherentem mihi, dicit Dominus exercituum: percutit pastorem, & dispergentur oves.* Isaïæ 63. *Torcular calcanti solus, & ex gentibus non est vir mecum,* &c. De Christo Domino Matth. 26. dicitur: *Tunc discipuli omnes, relicto eo fugerunt.* Quarto, Si Messias alapa percutiendus prænotatur, Thren. 3. *Dabit percutienti se maxillam,* Iob 16. *Exprobrantes percusserunt maxillam meam.* Mich. 5. *In virga percutient maxillam iudicis Israel.* De Christo Domino Ioannis 18. legitur: *Vnus assistens Ministrorum dedit alapam Iesu, dicens, sic respondes Pontifici.*

Quintò, Si Messias à falsis testibus accusandus erat, ex Psal. 26. *Ne tradide-*

ris me in animas tribulantium me, quia insurrexerunt in me testes iniqui, & mentita est iniquitas sibi. Iob 16. *Suscitatur falsiloquus aduersus faciem meam contradicens mihi.* Marci 14. *Multi testimonium falsum dicebant aduersus Christum, & conuenientia testimonia non erant.* Sextò, Si Messias reus mortis iudicandus, & blasphemus, quod filium Dei se facturum erat; Sap. 2. *Promittit se scientiæ Dei habere, & filium Dei se nominat, mortis turpissima condemnemus eum.* Hier. 11. *Mittamus lignum in panem eius, & eradamus eum de terra viuentium, & nomen eius non memoretur amplius.* De Christo Domino legitur Mar. 14. *Rursum Summus Sacerdos interrogabat eum, & dixit ei; Tu es Christus filius Dei benedictus? Iesus autem dixit ego sum; Summus autem Sacerdos scidit vestimenta sua, & ait, audisti blasphemiam? quid vobis videtur? Qui omnes condemnauerunt eum esse reum mortis: Septimò; Si Messias calaphis, palmisque percutiendus, conspuendus, & illudendus prædicitur Iob 16. *Aperuerunt super me ora sua; & exprobrantes percusserunt maxillam meam, satiati sunt penis meis.* Eiusdem cap. 30. *Factus sum eis in proverbium. Abominantur me, & longe fugiunt à me, & faciem meam conspuere non verentur.* Thren. 3. *Dabit percutienti se maxillam: saturabitur opprobrijs.* Isaïæ 50. *Corpus meum dedi percutientibus, & genas meas vellentibus; faciem meam non auersi ab increpantibus, & conspuentibus in me.* De Christo Domino Matth. 26. habetur *Experuerunt in faciem eius, & colaphis eum ceciderunt: alij autem palmas in faciem eius dederunt dicentes prophetiza nobis Christe; quis est qui te percussit? Octauò; Si Messias ad omnia sibi obiecta taciturnus erat, Isaïæ 53. quasi agnus coram tondente se obmutescet, & non aperies os suum; nonne Christus Dominus Matth. 26. cum accusaretur à principibus Sacerdotum, & senioribus nihil respondit. Tunc dicit illi Pilatus: non audis quanta aduersum te dicunt testimonia? & non respondit ei vllum verbum, ita ut miraretur principes vehementer.**

Nonò,

Nono; Si Mefsias flagellis cædendus prædicatur Ifaïæ 50. *Dorsum meum dedi ad flagella: Ioannis 19. Apprehendit Pilatus Iesum, & flagellauit, Decimo;* Si Mefsias spinis coronandus, percutiendus; & illudendus prænuntiatur; Thren.3. *Tendit arcum suum, & posuit me quasi signum ad sagittam. Misi in renibus meis filias pharetra sue, factus sum in derisum omni populo, &c. Psal.31. Die ac nocte granata est super me manus tua: conuersus sum in arumina mea dum configitur spina: De Christo Domino Matth.27. dicitur, Tunc milites suscipientes Iesum in prætorium, congregauerunt ad eum uniuersam cohortem, & exuentes eum chlamydem coccineam circumdederunt ei. Et plectentes coronam de spinis, posuerunt super caput eius, et arundinem in dextera eius. Et genuflexo ante eum illudebant dicentes. Ave Rex Iudeorum. Et expuentes in eum acceperunt arundinem, et percutiebant caput eius. Undecimo; si Mefsias ad mortem crucis instantissime postulandus erat; Sap.2. contumelia, et tormento interrogemus eum, et morte turpissima condemnemus eum. Thren.3. *Uidisti omnem furorem eorum, uniuersas cogitationes eorum aduersam me tota die.* De Christo Domino Ioan. 19. dicitur; cum ergo uidissent eum Pontifices, et ministri, clamabant dicentes: Crucifige, crucifige eum. Lucæ 23. *Instabant uocibus magnis, postulantes ut crucifigeretur; et inualecebant uoces eorum. Duodecimo;* si Mefsias à Iudeis negandus erat Rex eorum; Daniel 9. *Et post hebdomadas sexaginta duas occidet Christus; et non erit eius populus, qui eum negaturus est; Osee 10. Et dicent; non est Rex noster. Ioan.19. Pilato dicenti Iudeis de Christo, Regem uestrum crucifigam? Responderunt Pontifices: non habemus regem nisi Cæsarem.**

Decimotertiò, si Mefsias baiulaturus erat sibi crucem; Ifaïæ 9. *Factus est principatus eius super humerum eius. Sap. 14. Benedictum est lignum, per quod fit iustitia; nonne Ioannis 19. susceperunt Iesum, et eduxerunt, et baiulans sibi cru-*

*cem, exiit in eum, qui dicitur Caluarie locum. Decimoquarto; si Mefsias cum latronibus ducendus, & crucifigendus prædicatur Ifaïæ 53. Et cum sceleratis reputatus est. De Christo Domino Lucæ 23. dicitur; Ducebantur, et alij duo nequam cum eo, ut interficerentur. Et crucifixerunt latrones, unum à dextris et alterum à sinistris. Decimo quinto, si Mefsias in cruce crucifigendus erat, Psal.21. *Foderunt manus meas, et pedes meos; dinumerauerunt omnia ossa mea. Zachar.12. Et aspicient ad me, quem confixerunt; Zachariæ 15. Et dicent ei, quid sunt plaga istæ in medio manuum tuarum? et dicit. His plagatus sum in domo eorum, qui diligebant me? Deuterom. 28. Erit uita tua pendens ante te, et non credes ei. De Christo Domino Lucæ 23. habetur, Et postquam uenerunt in locum, qui uocatur Caluarie, ibi crucifixerunt eum. Decimo sexto; si Mefsias in cruce iri-dendus erat ab omnibus, Psal. 21. *Ego autem sum uermis, et non homo, opprobrium hominum, et abiectio plebis. Omnes uidentes me deriserunt me; locuti sunt labijs, et mouerunt caput. Sperauit in Domino, eripiat eum saluum faciat eum, quoniam uult eum. Psal.68. Multiplicati sunt super capillos capitis mei, qui oderunt me gratis. Confortati sunt, qui persecuti sunt me inimici mei iniuste: quæ non rapui tunc exoluebam. Matth.27. dicitur de Christo Domino. Prætereuntes autem blasphemabant eum, monentes capita sua et dicentes, uah qui destruis templum Dei, et in triduo illud reedificas; salua te metipsum, si filius Dei es; descendente de cruce. Similiter et principes Sacerdotum illudentes eum Scribis, et senioribus dicebant; alios saluos fecit: seipsum non potest saluum facere. Si rex Israel est, descendat nunc de cruce, et credimus ei: confidis in Deo, liberet eum nunc si uult. Dixit enim, quia filius Dei sum.***

Decimo septimo, si Mefsias crucifixi vestes diuidenda à militibus dicuntur Psal.21. *Ipsi uerò considerauerunt, et inspexerunt me: diuiserunt sibi uerimenta mea, et super uestem meam miserunt sortem;*

tem De Christo etiam habetur Ioan. 19. Milites ergo cum crucifixissent eum, acceperunt vestimenta eius, fecerunt quatuor partes, unicuique militi partem, & tunicam. Erat autem tunica desuper contexta per totum. Dixerunt ergo ad inuicem, non scindamus eam, sed sortiamur de illa cuius sit, ut impleretur Scriptura dicens, &c. Decimo octauo, si Messias patiente cælum obtenebrescere debebat. Amos 8. Et eris in die illa, dicit Dominus, occides Sol in meridie, & tenebrescere faciam terram in die luminis. Hierem. 15. Occidis ei Sol cum adhuc esset meridius. Christo etiam patiente Matth. 27. à sexta hora usque ad horam nonam, tenebrae factae sunt super uniuersam terram. Decimo nono, si Messias sitiens aceto potandus erat psal. 68. Es dederunt in escā meam fel, & in siti mea potauerunt me aceto. Ioann. 19. Postea sicens Iesus, quia omnia iam consummata sunt, ut consummaretur Scriptura, dicit, sitio. Vas ergo erat positum aceto plenum: illi autem spōgiam plenam aceto byssopo circumponentes, obtulerunt ori eius. Matth. 27. Et dederunt ei bibere vinum cum felle mixtum. Vigesimo, si Messias crucifixus integer erat relinquendus Exodi 12. Os non comminuetis ex eo. Ioannis 19. dicitur Ad Iesum autem cum uenissent, ut viderunt cum iam mortuū, non frangerunt eius crura. Facta sunt enim haec, ut Scriptura impleretur: Tandem si Messias per quam honorificē sepeliendus dicitur Isaia 11. Et eris sepulchrum eius gloriosum. Ioannis 19. Venit ergo Ioseph ab Arimathia, & tulit corpus Iesu, venit autem & Nicodemus ferens mixturā myrrae, & aloes quasi libras centum.

Acceperunt ergo corpus Iesu, & ligauerunt illud linteis cum aromaticis.

Decima nota, Messiae & Christi posteriores gloriae.

Per posteriores glorias hic intelligimus Messiae resurrectionem, mirabilem ad Patrem ascensum, & consensum ad dexteram: indeque Spiritus S. missionem, atque ipsam denique Iudicis extremi maiestatem. Igitur si Messias post resurrectionem gloriose in cælum ascensus praedicitur psalm. 67. *Currus Dei decem millibus multiplex, millia latantium, Dominus in eis, in sinu in Sancto. Ascendisti in altum, cepisti captiuitatem, accepisti dona in hominibus.* Psal. 46. *Ascendit Deus in iubilo, et dominus in voce tubae: psallite Deo nostro, psallite, psallite regi nostro: psallite sapienter: regnabit Dominus super gentes: Deus sedet super sedem sanctā suā.* Isaia 63. *Quis est iste qui uenit de Edom, in nētis vestibus de Bosra? sic formosus in stola sua, & gradiens in multitudine virtutis suae.* De Christo Domino Marci 16. dicitur. *Et Dominus quidem Iesus postquam locutus est eis, assumptus est in calis, & sedet à dextris Dei.* Insuper si Messias praedicitur Spiritum Sanctum missurus, & discipulos dono caelesti impleturus Ioelis 2. *Et erit in nouissimis diebus, effundam de spiritu meo super omnem carnem, &c.* hoc etiam in Christo fuisse impletum legitur Act. Apost. cap. 2. *Factus est repente sonus de caelo tanquam aduenientis Spiritus uehementis, & repleuit totam domum ubi erant sedentes. Et apparuerunt illis dispartita lingua tanquam ignis, seditque super singulos eorum: et repleti sunt omnes Spiritu Sancto, & ceperunt loqui varijs linguis, pro ut Spiritus Sanctus dabat eloqui illis &c.*



Vndecima nota, Messie, & Christi proprietates, siue excellentia.

Primum si Messias verus Prophetata, & Magister hominibus dandus erat. Deuteronom. 18. *Prophetam de gente tua, & de fratribus tuis, sicut me suscitabit tibi Dominus Deus tuus, ipsum audies. Et ait Dominus. Ponam verba mea in ore eius, loqueturque ad eos omnia, quae praecepero illi. Qui autem verba eius quae loquetur in nomine meo, audire noluerit, ego ultor existam. Hoc testimonium in Christo Iesu impletum significat ipse ita dicens Ioan. 5. Si crederetis Moysi forsitan & mihi: de me enim ille scripsit, Philippus quoque Ioann. addicit Nathanaeli, Quem scripsit Moyses in lege & prophetis, Invenimus Iesum filium Ioseph à Nazareth. Apertius verò Princeps Apostolorum Petrus Act. 3. Moyses quidem dixit: quoniam Prophetam suscitabit vobis Dominus Deus vester, &c. Isaie 30. Et dabit Dominus nobis panem arctum, & aquam breuem: & non faciet anulare à te doctorem tuum: & erunt oculi tui videntes preceptorem tuum. Et aures tuae audient verbum post tergum momentis: hac est via, ambulate in ea, & ne declinetis ad dexteram, neque ad sinistram; Matth. 17. Et ecce vox de nubibus dicens: hic est filius meus dilectus, in quo mihi bene complacui: ipsum audite. Ioann. 13. Vos vocatis me magister & Domine: & benedicitis, sum eccum.*

Secundò si Messias Rex Israel, totiusque orbis Dñs vocatur; Hierem. 23. *Ecce dies venient, dicit Dominus, & suscitabo David germen iustum, & regnabit rex, & sapiens erit: & faciet iudicium, & iustitiā in terra, Isaie 9. Puerulus enim datus est nobis, & filius datus est nobis: & factus est principatus eius super humerum eius. Et vocabitur nomen eius Admirabilis, Consiliarius, Deus, fortis, pater futuri saeculi, princeps pacis, Multiplicabitur eius imperium, & pacis non erit finis: super solium David, & super regnum eius sedebit, ut confirmet illud, & corroboret*

in iudicio, & in iustitia a modo & usque in sempiternum. Daniel 2. In diebus autem regnorum illorum suscitabit Deus calvi regnum, quod in aeternum non dissipabitur: & regnum eius alteri populo non tradetur: comminetur autem, & consumet omnia regna haec, & ipsum stabit in aeternū; & cap. 7. Aspiciebam in visione noctis: & ecce cum nubibus calvi quasi filius hominis veniebat, & usque ad antiquum aeternum pervenit. Et in conspectu eius obtulerunt eum. Et dedit ei potestatem, & honorem, & regnum: & omnes populi, tribus, & lingua servient ei, potestas eius, potestas aeterna, quae non auferetur, & regnum eius, quod non corrumpetur. De Christo quoque Dominus, Lucae 1. dicitur. Dabit illis Dominus Deus sedem David patris eius; & regnabit in domo Iacob in aeternum: & regni eius non erit finis. Quae sit domus Iacob, in qua Christus perpetuò regnaturus est, apostolus indicat ad Rom. 9. Non omnes, inquit, qui ex Israel, ij sunt Israelitae, neque qui semen sunt Abrahae, omnes filij: sed in Isaac vocabitur tibi semen; id est, non qui filij carnis hi filij Dei, sed qui filij sunt promissionis, estimantur in semine. Et Paulus ad Galathas 3. cognoscite ergo quia qui ex fide sunt, ij sunt filij Abrahae. Ita iue regnum Israel Messie proprium non est regnum temporale, sed spirituale, ipsa videlicet Ecclesia; quae & perpetua erit, & in omnes orbis partes se proferet, & hoc regnum tradetur Deo à Christo in fine, ut scribit Apostolus 1. Corinth. cap. 15. v. 24. Deinde finis, cum traderit regnum Deo, et Patri, cum evacuaverit omnem principatum, et potestatem, et virtutem. Oportet autem illum regnare, donec ponat omnes inimicos sub pedibus eius. Sed de hoc latius in solutionibus argumentorum infra, cap. 6.

Tertiò, si Messias. Saluator populi sui appellatur, Isa. 41. 19. *Clamabunt ad Dominum à facie tribulantis, & mittet eis Saluatorem, & propugnatorem, qui liberet eos. cap. 62. Dicite filiae Sion, ecce Sal-*

uator tuus venit. c.63. Et factus est eis Saluator, in omni tribulatione eorum. Zachariæ 9. Ecce Rex tuus venit, tibi iustus & Saluator. De Christo etiam Domino Matth. 11. dicitur; Vocabis nomen eius Iesum, ipse enim saluum faciet populum suum à peccatis eorum. Act. 4. Notum sit omnibus vobis, & omni plebi Israel, quia in nomine Iesu Christi Nazareni, quem vos crucifixistis, quem Deus suscitauit à mortuis, in hoc ipse astat coram vobis sanus. Hic est lapis, qui reprobatus est à vobis adificantiibus, qui factus est in caput anguli, & non est in aliquo alio salus. Neque enim aliud nomen datum est sub celo hominibus, in quo oporteat nos saluos fieri.

Quartò, si Messias per sanguinem suum redemptor omnium peccatorum dicitur Isaia 53. Ipse autem vulneratus est propter iniquitates nostras, attritus est propter scelera nostras, disciplina pacis nostre super eum, & linore eius sanati sumus, &c. Zachariæ 9. Tu quoque in sanguine testamenti tui emisisti vinctos tuos de lacu in quo non est aqua. De Christo Domino Matth. 20. dicitur; Filius hominis non venit ministrari, sed ministrare, & dare animam suam, redemptionem suam pro multis; & cap. 26. Hic est sanguis meus novi testamenti, qui pro multis effundetur in remissionem peccatorum. Rom. 3. Omnes peccauerunt, & egent gloria Dei, iustificati gratis per gratiam ipsius, per redemptionem quæ est in Christo Iesu, quem proposuit Deus propitiationem per fidem in sanguine ipsius, ad ostensionem iustitiæ suæ.

Quintò, si Messias passim in diuinis Scripturis vocatur spes vnica gentiũ; Genes. 18. Num calare potero Abram quæ gesturus sum, cum futurus sit in gentem magnam, ac robustissimam, & benedicenda sint in illo omnes nationes terræ? Et cap. 22. Possidebis semen tuum portas inimicorum tuorum, & benedicetur in semine tuo omnes gentes terræ, quia obedisti voci meo. Osee 11. Et eris in loco ubi dicitur eis, Non populus meus vos: dicitur eis, filij Dei viventis. Et congre-

gabuntur filij Iudæ, & filij Israel pariter, & ponent sibi met caput unum, & ascendent de terra, quia magnus dies Israel. Psal. 71. Et adorabunt eum omnes Reges terræ: omnes gentes seruiunt ei. Sit nomen eius benedictum in secula: ante Solem permanet nomen eius. Et benedicentur in ipso omnes tribus terræ, omnes gentes magnificabunt eum. Isaia 49. Et dixit parum est, ut sit mihi seruus ad suscitandas tribus Iacob, & Israel conuertendas. Ecce dedi te in lucem gentium, ut sis salus mea usque ad extremum terræ: & cap. 66. Et ponam in eis signum, & mittam ex eis qui saluati fuerint ad gentes in mare, in Africam, Lydiam tenentes sagittam, in Italiam, & Græciam, ad insulas longè, ad eos qui non audierunt de me, & non viderunt gloriam meam, & annuntiabunt gloriam meam gentibus, & adducent omnes fratres vestros de cunctis gentibus donum Domino. In nouo testamento de Christo Domino dicitur, Lucæ 2. Viderunt oculi mei salutare tuum, quod parasti ante faciem omnium populorum, lumen ad reuelationem gentium, & gloriam plebi suæ Israel. Ioannis 10. ipsemet Christus ait, alias oves habeo, quæ non sunt ex hoc ouili, & illas oportet me adducere, & fiet unum ouile, & vnus pastor. Et Matth. 28. 19. Euntes ergo docete omnes gentes, baptizantes eos in nomine Patris, & Filij, & Spiritus Sancti. Ephes. 3. Quod alijs generationibus non est agnitus filiis hominũ, sicut nunc reuelatum est Sanctis Apostolis eius, & prophetis in spiritu: gentes esse coheredes, & concorporales, & participes promissionis eius in Christo Iesu per Euangelium. Et Roman. 9. Vocauit nos non solum ex Iudæis, sed etiam ex gentibus; sicut in Osee dicitur, vocabo non plebem meam, plebem meam, & non dilectam, dilectam. Et eris in loco, ubi dictum est: Non plebs mea vos, ibi vocabuntur filij Dei viui.

Sextò, Si Messias nouæ legis Evangelicæ fundator prædicitur Daniel. 9. Confirmauit autem pactum multis hebdomada una, &c. Ibi tam vox Hebrææ, Berith,

Berith, quam Græca suntiki, vel diatiki; quam noster interpres vertit pactum; propriè significat legem nouam, & Euangelicam, quam Christus, & Apostoli mundo publicauerunt; & per quam quasi per pactum quoddam, Deus promisit hominibus, se, credentibus in filium suum, & legem eius obsequantibus, & peccata omnia remissurum, & vitam æternam esse daturum. Hanc legem appellare licet secundum, vel nouum pactum, scdus, testamentum, quod Christus cum hominibus fecit in cruce pendens, idque sanguine suo aspersit, morteque confirmauit. Propheta enim Hieremias cap. 31. clarissimis verbis docet, duo esse Dei pacta; vnum antiquum illud, datum Iudæis per Moysen in monte Syna, scriptum in tabulis lapideis: alterum verò, longè præstantius, vtilius, ac diuturnius priori dandum per Messiam, & in hominū animis, mentibusque scribendum. Verba prophetae sunt. *Ecce dies venient, dicit Dominus, & feriam domui Israel, & domui Iuda sedus nouum: non secundum pactum, quod pepigi cum patribus vestris: cum eduxi eos de Aegypto, pactum quod irritum fecerunt. Sed hoc erit pactum quod feriam cum domo Israel; post dies illos dicit Dominus, dabo legem meam in visceribus eorum; & in cordibus eorum scribam illam, & ero eis in Deum, & ipsi erunt mihi in populum. Et non docebit ultra vir proximum suum, dicens cognosce Dominum: Omnes enim cognoscent me à minimo eorum usque ad maximum; ait Dominus, quia propitiabor iniquitati eorum, & peccati eorum non memorabor amplius. Nonne his verbis descripsit Hieremias præstatioem legis Euangelicæ, quæ potissimum viget, regnatque in animis hominum, eos illuminans clara Dei cognitione, & purgans peccatorum omnium remissione?*

At ne quis suspicaretur hoc secundum pactum fore temporarium, sicut fuerat prius illud Mosaicum, & aliquādo tandem, similiter vt illud, fore antiquandum & abolendum: ideo proximi-

mè subiecit, pactum legis Euangelicæ tamdiu permanfurum, quo ad stabit motus celorum, & discursus syderum, noctis & diei, cæterarumque tempestatum vicissitudines; hoc est, vsque ad consummationem, & finem huius mundi; iuxta illud, quod Christus Dominus dixit; *Super hanc petram ædificabo Ecclesiam meam, & porta inferi non preualebunt aduersus eam.* Et item illud. *Ego vobiscum sum usque ad consummationem sæculi.* Sic igitur post prædicta scribit Hieremias: *Hæc dicit Dominus, qui dat Solem in lumine diei, ordinem lune, & stellarum in lumine noctis: qui turbat mare; & sonant fluctus eius: Dominus exercituum nomen illi.* Si defecerint leges istæ coram me, dicit Dominus; tunc & semen Israel deficiet, vt non sit gens coram me cunctis diebus; Loquitur autè hic Hieremias de semine Israel, non secundum carnem, sed vt interpretatur Paulus secundum promissionem & spiritum; siue quod idem est de gentibus in in semine Abraham benedicendis. Quod autem subdit Hieremias, ciuitatem Hierusalem ædificatum iri, & instaurandum esse templum, ita vt non destruatut ultra in perpetuum; non debet intelligi de terrena, & corporali Hierusalem, & templo; quippè hæc posse, nec semel destructa, nec per mille ferè sexcentos annos, post vltimam eorum euerfionem vsque ad hanc diem reparata esse cernimus. Sed intelligi debet hoc vaticinium Hieremiæ, de Christi Ecclesia, quam res illæ corporales in veteri testamento per quamdā similitudinem præfigurant.

Vnde apparet legem Iudæorum aliquando finendam esse per Messiam, vt latè Apostolus probat in epistola ad Hebræos, translato ab illa Sacerdotio, vt exurgeret alius Sacerdos secundum ordinem Melchisedech, & propter imperfectionem talis legis, quæ iustificare non poterat; nam si ex lege posset esse iustificatio, gratis Christus, qui fuit verus Messias, mortuus esset pro peccatis: mortuū verò pro illis aper-

tissime dicitur Danielis 9. & Isaia 53. *Verè languores nostros ipse tulit, & dolores nostros ipse portauit, & linore eius sanati sumus, posuit Dominus in coiniquitatem omnium nostrum, propter scelus populi mei percussit eum.* Si autem mors Christi necessaria fuit ad perficiendū, quod non poterat lex antiqua; ergo post mortem Christi, vel Messiae non erat amplius duratura illa lex, quæ solum præfigurabat Messiam venturum, & non poterat perficere; quod ipse perfecit. Vnde licet Sacram veteris testamenti Scripturam summopere veneremur, quia à Deo dictata, & præcepta eius moralia etiam seruemus; nõ tamen cætemonialia, quæ tunc obseruabantur, nunc obseruamus, quia illa non fuerunt data vt perpetua, sed quovsq; ventient hæc, quæ in illis præfigurabantur, vt benè prosequitur D. Augustinus lib. 10. contra Faustum; vnde etiam si aliquando vocatur æterna, non quidem in sese in re per illa præfigurata talia dicuntur.

Septimò, si Messias radix totius gratiæ, & iustitiæ vocatur, Psal. 117. *Lapidem quem reprobauerunt edificantes, hic factus est in caput anguli. A Domino factū est istud, & est mirabile in oculis nostris.* Isaia 28. *Hæc dicit Dominus Deus, ecce ego mittam in fundamentis Sion lapidem pretiosum, in fundamento fundatum. Qui crediderit non festinet; quasi diceretur mittam Messiam, vel Christum, qui Sionem, id est Ecclesiam ædificet, cuiusque ipse sit lapis angularis, id est fundamentum primum & inum, quod solidum firmiter omnes eius partes connectet, & præsertim duos parietes, id est; duos populos inuicem contrarios, scilicet Iudæorum, & Gentium; Hoc quoque de seipso dicit Christus Dominus Matth. 21. & de illo Petrus Act. 4. & Paulus Rom. 9. Isaia 53. *Et erit iustus ipse iustificans seruos meos multos; Ioannis 1. de Christo dicitur. Lex per Moysen data est: gratia & veritas per Iesum Christum facta est. Vnde de plenitudine eius nos omnes accipimus.**

Et Ephes. cap. 1. *qui prædestinavit nos in adoptionem filiorum per Iesum Christum in ipsum, secundum propositum voluntatis suæ, in laudem gloria gratiæ suæ, in qua gratificavit nos in dilecto filio suo. In quo habemus redemptionem per sanguinem eius, remissionem peccatorum secundum diuitias gratiæ eius.*

Octauò, si Messias in nouissimo die, multis prodigijs finem mundi antecedentibus cum maiestate viuos, & mortuos iudicaturus prænuntiatur; Iob. 19. *Scio quod Redemptor meus vivit, & in nouissimo die de terra surrecturus sum. Et rursum circumdabor pelle mea, & in carne mea videbo Deum Salvatorem meum: quem visurus sum ego ipse, & oculi mei conspiciuntur, & non alius, reposita est hæc spes mea in sinu meo.* Isaia 66. *Ecce Dominus in igne veniet, &c. & Daniel. 12. In tempore illo saluabitur populus tuus omnis qui inuentus fuerit scriptus in libro vite. Et multi de his qui dormiunt in terra puluere, euigilabunt, alij in vitam æternam, alij in opprobrium, &c. Marci 13. dicit etiam de semetipso Christus Dominus; Amen, Amen dico vobis, quia venit hora quando mortui audient vocem filij Dei, & qui audierint vivant. Sicut enim pater habet vitam in semetipso, sic dedit & filio vitam habere in semetipso; & potestatem dedit etiam iudicium facere, quia filius hominis est. Nolite mirari hoc, quia venit hora, in qua omnes qui in monumentis sunt audient vocem filij Dei, & procedent qui bona fecerunt in resurrectionem vite, qui verò mala egerunt in resurrectionem iudicij.*



Duodecima nota Messia, & Christi, miserandus Iudæorum status.

CUm inter veri Messia notas, ac signa potissimum habeant locum magna mala, quæ Iudæis aliquando contingenda prænuntiantur Danielis cap. 9. propter immane scelus necati ab ipsis Messia; inde etiam acrius Iudæos virgere possumus, Dominum nostrum Iesum Christum fuisse verum in lege promissum Messiam; sic enim, quod illum non receperint, prorsus inexcusabiles esse videntur. Poterant fortasse nonnulli excusare se, quod Christum non cognovissent, quia non tam solerti, & acuto ingenio essent; ut computum illum septuaginta hebdomadam Danielis subtiliter & exactè percipere possent; sed cum ipsi iam à tot annis, post mortem Salvatoris nostri, experiatur, & sentiant ea omnia mala, quibus ob necem Messia puniendos esse Iudæos Angelus prædixerat; certè dicendum est illos voluntaria cæcitate in clarissima luce caligare, pernegando Christum Iesum fuisse verum Messiam.

Tria igitur sunt magna mala, quæ præfato Danielis loco futura prædicat Angelus; Primum indicatur illis verbis; *Et non erit eius populus, qui eum negaturus est*; significatur enim, propter indignissimam Messia necem, populum Hebræum, antea in modum filij primogeniti, Deo carissimum, ita esse ab illo deferendum, repudiandum, atque omnino abijciendum; ut non amplius populus Dei futurus sit. Alterum malum ob necem Messia Iudæis eveniturum, significatur illis verbis; *Civitatem, & Sanctuarium dissipabis populus cum duce venturo*; hoc est, civitatem Hierusalem, & Sanctum quod in ea erat templum, destruendum, ac funditus evertendum fore. Tertium malum, & omnium gravissimum est, prædictas calamitates, non ut quas antea passi fuerant, fore temporarias, sed planè

Bibliot. Theol. Tom. V.

sempiternas. Hoc tangitur partim illis verbis; *Et finis eius vastitas, & post finem belli statuta desolatio*; quasi diceretur, illam desolationem, irreparabilem fore, quoniam à Deo tanti sceleris eorum vindice atque ultore, statuta firmata, & in perpetuum stabilita sit; partim extremis illis verbis, quæ claudunt hoc nonum Danielis caput; *Uscue ad consummationem, & finem perseuerabis desolatio*; cui Danielis vaticinio de perpetua Iudæorum calamitate, ob illatam ab ipsis Messia mortem, mirificè concordat aliud Hieremias c. 19. *Hæc dicit Dominus exercituum, sic conteram populum istum, & civitatem istam, sicut conteritur vas figuli, quod non potest ultra instaurari.* Hoc enim vaticinium non potest referri ad ullam priorum calamitatum, quas Iudæi ante Christi aduentum perpeSSI sunt: si quidem, post illas omnes captivitates, & libertas, & civitas, ac templum, & imperium Iudæis restituta sunt. Veritas igitur vaticinij cogit, fateri illud esse intelligendum de ea calamitate, quam Iudæi post mortem Messia perpeSSuri erant. Simile huius est aliud Isaiæ c. 5. *Abiecerunt legem Domini, & eloquium Sancti Israel blasphemaerunt. Ideo iratus est furor Domini in populum suum, & percussit eum; & conturbati sunt montes, & facta sunt morticina eorum, quasi sterco in medio platearum. In his omnibus non est aversus furor eius, sed adhuc manus eius extenta; & clarius c. 25. Domine Deus meus es tu, exaltabo te, & confitebor nomini tuo: quoniam fecisti mirabilia, cogitationes antiquas, fideles. Amen. Quia possidisti civitatem in tumulum, urbem fortem in ruinam, Domum alienorum; ut non sit civitas, & in sempiternum non adificetur. Super hoc laudabit te populus fortis, civitas gentium robustorum timebit te: Sic Isaias, laudando iustitiam Dei ob Messia parriciidium, Iudæos sempiterna urbis Hierusalem desolatione, vindicantis: qua etiam de re, populum fortem, id est Ecclesiam Gentilium, Dei misericordiam cele-*

Ggg 2 bra-

braturum esse confirmat; quod posthabitis Iudæis, suam ad gentes beneuolentiam, gratiam, & munificentiam conuertisset.

Huiusmodi autem vaticiniorum veritatem fuisse in Christo Domino perfectissimè adimpletā, exitus belli, quod quadraginta circiter annos post illius mortem, Romani Vespasiano, & Tito ducibus gessere cum Iudæis, manifestè comprobauit. Ab illo enim tempore, populum Iudaicum maximis contritū malis, patiisque sedibus exterminatū, vbique miserimè vexari, atque in probro, & derisū esse apud omnes gentes videmus; sine vlla penitus spe euadendi vnquam à tantis miserijs; nam si in tanto præteriti temporis spatio, hoc est mille sexcentorum ferè annorum, quo Iudæi sæpè florentiores, ac potentiores fuere, nec præsentibus malis liberari, nec priora bona recuperare potuerunt, multò minus verisimile est, id eos post hæc facturos; cum in dies eorum vires magis, magisque minuantur, ac debilitentur. Nimirum nisi Deus omnino abiiecisset populum Hebræum, non esset passus tamdiu, & templum suum à fundamentiis euersum iacere, & populum suum miserimè vexari. Vt enim ponderauimus supra, promiserat Deus per Aggæum prophetam, se post breue tempus, missurum in terras Messiam; cap. 2. *Hæc dicit Dominus exercituum, adhuc vnum modicum est, & ego commouebo calum, & mare, & aridam; & mouebo omnes gentes, & veniet desideratus cunctis gentibus, &c.* Quod vaticinatus est Aggæus regnante Dario Histaspis, quarto rege Persarū, vt in principio eius prophetiæ prænotatur; A quo tempore ad hanc diem, amplius quàm duo annorū millia effluerunt. Hoc autem tempus non potest verè dici, aut intelligi modicum; dicendum est igitur hanc Aggæi prophetiam in Christo Domino fuisse iam pridem impletam, à cuius tempore, vsque ad Saluatoris nostri aduentum, paulò plus quingentis annis interfuit; atque adeo vastationē Hierusalem per

Vespasianum, & calamitatem istam Iudæorum, esse illam ipsam, quæ secundum prædictas Danielis, Hieremiæ, & Isaïæ prophetias est duratura vsque ad mundi finem.

Ad cuius rei confirmationem non parum facit, quod Iudæi superioribus sæculis, sæpè tentarunt, maximisque studijs, opibus, & conatibus aggressi sunt reficere templum Hierosolymitanum, & pristinum imperium repetere; nec tamen quicquam potuerunt proficere, sed omnia eorum studia, conatusque in casum ceciderunt. Refert Eusebius lib. 4. histor. Ecclesiasticæ cap. 6. imperante Adriano, Iudæos quinquaginta, ferè annis post cladem à Tito, & Vespasiano acceptam, duce quodam Barchocheba sumptis armis aduersus Romanos, voluisse eorum iugum abicere, pristinamque libertatem, & imperium recuperare, sed armis Romanorum ita fuisse concisos, contritosque, vt innumerabilibus cæsis, reliqui Iudææ sedibus exterminati fuerint, lege imperiali vetiti, Hieroscliam regredi, aut etiā tam propè accedere, vt eam aspicere possent; vnde cum fuisset tunc Iudæorum gente orbatā, & exteris hominibus frequentata, ad honorem Aelij Adriani Victoris, veteri mutato nomine, deinceps Aelia appellata est. Sic Eusebius. Narra- rat quoque D. Christostomus in orat. 2. contra Iudæos, illos tempore Constantini Magni, iterum ab imperio Romanorum deficere conatos fuisse: sed Constantinum, amputatis eorum auriculis, tanquam impressa rebellionis nota, per omnes gentes dissipari iussisse; tam vt cunctis perfidia eorum nota, testataque fieret, quàm vt ex speciali diuinæ providentiæ dispositione nobis essent in lib- rarios, atque capslarios; vt rectè notat S. Augustinus serm. 1. ex quadraginta- nouis; *Lusis, inquit, Imperator Romanus iam Christianus, vs ad ipsam Hierusalem non accederent Iudæi. Et sparsi per orbem terrarum, facti sunt quasi custodes librorū nostrorum; quomodo seruis, quando eunt in adiutorium domini ipsorum, portant post illos*

illos codices, & foris sedent; sic servus factus est filius maior, filio minori. Nam aliquando mouent nos aliqua in Scripturis, & de Iudeorum codicibus, certi aliquid cognoscitur. Ideo ergo sparsi sunt, ut nobis libros seruent. Maior ergo minori seruit. Hæc Augustinus.

Verum nec talibus penis, vel ignominijis territi Iudæi, idem postea tentare destiterunt: quin Iuliani Apostatæ gratia, autoritate, & auxilio adiuti, elatique, maiori quam vnquam antea studio, & contentione, ad id perficiendum aggressi sunt. Nam cum Imperator, qui sacrificijs idolorum vehementer delectabatur, Iudæos ad similia sacrificia more maiorum suorum facienda hortaretur; responderunt illi, sibi fas non esse, nec secundum legem suam licitum, extra templum Hierosolymitanum, quod tunc dirutum erat, sacrificare. Continuo igitur Iulianus, templum resciri iubet, omnia Iudæis, ad id operis necessaria largissimè promittendo, & præbendo. Summa erat Iudæorum lætitia, spesque pristinum statum, ac felicitatem recuperandi; contra ingens metor, terrorque Christianorum, quorum animos confirmauit Cyrillus, qui tunc Hierosolymitanum Episcopatum regebat; probans ex prædictis Prophetarum vaticinijs, & ex verbis Domini nostri Matth. 24. fieri non posse, vt illud templum Iudaicum repararetur. Atque hoc quidem ita euenit, vt ipse dixerat. Tribus namque magnis prodigijs diuinitus factis, coacti sunt Iudæi inceptum opus relinquere. Nam cum effossa terra, capissent iacere fundamenta; & propè esse, vt struxeram operis aggredierentur; noctu ingens terræ motus excitatus, lapides veterum templi fundamentorum concussit, omnesque vna cum ædificijs quæ in proximo erant, disiecit; cuius rei fama, multos etiam è longinquo ad eius miraculi contemplationem attraxit. Et tunc, cum frequentissimi adessent, aliud prodigium contigit; ignis namque cælitus missus, omnia opificum instrumenta, omnemque faciendo operi præpara-

ram materiam absumpsit, totumque diem, quo manifestius, testatiusque miraculum esset, incendium illud perdurauit. Ac ne locus esset cuiuspiam suspicandi, ea vel casu accidisse, vel ex causis naturalibus profecta esse, vel ab alio quam à Christo Domino, aut in aliam, quam eius crucifixionis pœnam facta, tertium miraculum accelsit. Nocte enim sequenti, effigies crucis, radiorum lumine figuratæ, illorum vestimentis, tanquam impressæ videbantur; quas cū dies illucesceret, cernentes Iudæi, & eluere ac delere cupientes, nullo modo poterant. Hanc historiam Rufinus, & Socrates in historia Ecclesiastica referunt, ille quidem lib. 1. cap. 37. hic autem lib. 3. cap. 17. eandemque commemorat Chrysostomus citato loco, affirmans id sua memoria fuisse recentissimum; Huius, inquit, rei nos omnes testes sumus. Nostra enim ætate, ante annos viginii, hæc acciderunt. Considera igitur insignem victoriam veritatis, non hæc euenerunt sub Christianis & pijs Imperatoribus; ne quis dicere posset, potentia Christianorum, à perfectione operis Iudæos esse deturbatos; sed eo tempore contigerunt hæc, quo tempore res Christianorum vehementer depressæ, & afflictæ erant; imperiū Romanum regente Iuliano, callidissimo pariter atque crudelissimo Christianorum hoste: cum omnes Christiani de vita periclitarentur; & alij se domi absconderent, alij publicum fugientes, in remotas solitudines se se abderent: cum floreret Paganismus; & cultorem esse idolorum, aut oppugnatorem Christianorum, magnam lantem, & gratiam haberet apud Imperatorem. Tunc igitur ea quæ diximus eueniunt; ne qua Iudæis, vel impudens fieret occasio tergiversandi. Illi tam firmis rationibus, tam admirandis prodigijs, tam perspicuis vatium oraculis, vinci quidem possunt, flecti tamen, & ad veritatem amplectendam adduci non possunt; sed nihil mirum est. Etenim natio Iudeorum, iam inde ab initio vsque, effrons, pernicax, & contumax fuit, semperque rebus euidenti-
bus repugnare solita. Hactenus Chrysost.

Ac

At respondent primò quidam Iudæi, se prædictas calamitates non pati propter cædem Mesiæ, quem ipsi etiam nūc venisse negant: sed virtutis explorandæ, probandæque causâ; scilicet ut eorum virtus rebus aduersis, sicut igne aurum, purior atque illustrior euaderet. Alij respondent secundò, se non propter necem Christi, vel Mesiæ, sed propter alia quamplurima, & grauissima flagitia, quæ admiserunt, iram Dei aduersum se irritasse, tantamque eius animaduersionem, & vindictam, quanta nunc plebuntur, promeruisse. Verumtamen hæc responsa, aliaque similia mendacij, atque impietatis faciliè conuincuntur.

Quod enim ad primum spectat; cum tantum abist, ut hæc calamitas, quæ à morte Christi Domini vsque in hanc diem perpetuò premuntur Iudæi, illis profecerit ad emendationem vitæ, quin potius maioris improbitatis, atque impietatis occasio illis fuerit; cerè frustra iactatur ab illis se hanc calamitatem, nō pati propter cædem Christi, sed virtutis explorandæ probandæque causâ. Deinde hæc calamitas non solum est corporalis, aut temporalis, sed etiam spiritalis, magnam bonorum spiritualium iacturam continens, ut dicitur magis statim, carent enim prophetis, miraculis cultu diuino, & Mosaicæ legis obseruatione &c. Poenam autem spiritualem, non ad probandam virtutem, sed ad puniendam uicem præterita scelera, Deus infligit. Tandem Iudæi sic respondentes, mendacem faciunt Deum. Quippè amplissimis verbis Deus sæperumero promissit, ut videre est in Deuter. c. 11. & 28. se populum Hebræum, si quidem is bene ac piè vinceret, atque in legis, quam per Mosem ei dederat, obseruantia, obedientiaque permaneret, conseruaturum omni tempore in terra Chanaan quam possidebat, à cunctis hostibus defensurum, cunctisque malis liberaturum, atque omni bonorum genere cumulaturum. Quibus omnibus cum à tanto tempore careant Iudæi, conclu-

dendum est illos talia pati, propter grauissimum aliquod scelus ab illis commissum, quo iram Dei aduersum se irritauerunt, tantamque eius animaduersionem, & vindictam quanta nunc plebuntur promeruerunt.

Iam circa secundum responsum, ostendendum est grauissimū illud scelus non fuisse aliud, quam perpetratam ab illis Christi cædem, qui fuit verus Mesiæ: Primumque ad illud facit epistola propè sexcentis ab hinc annis scripta à quodam Rabino Samuele, ad Rabinum Isaac: in qua confirmat ille, præsertim ex prophetia Danielis, euidenter probari à Christianis iam venisse Mesiæ, illumque esse Christum: ipsius verba sic se habent, proptè referuntur à Dionysio Carthusiano in extremo commentario noni capitis Danielis; *Videtur Domine mi, Danielis prophetia, quæ scribitur nono capite, iam completa esse, ubi sic dicitur: Post sexaginta duas hebdomadas occidetur Christus, & veniet populus cum principe venturo, destruetque ciuitatem, et domum: et erit consummata destructio desolationis perpetua. Et non est domine mi, dubium, quin destructio perpetua desolationis sit hæc capiuitas in qua iam sumus. Nam iam sunt mille anni, et aperit dicit Dominus per prophetam, quod erit desolatio perpetua propter occisionem Christi: sicut est desolatio post occisionem Christi. Non enim comminatus est desolationem perpetuam, nisi post occisionem Christi. Et si voluerimus dicere, quod ante occisionem Christi fuerimus in desolatione; respondent nobis Christiani, quod ante illam mortem, non fuit desolatio nisi septuaginta annis; et post hoc, fuimus reducti in terram promissionis, & fuimus apud Deum in gratia; et honores; cerè Domine mi, non video euasione; de facto enim probatur nobis, quod postquam à reedificatione templi completae fuerunt septuaginta hebdomades annorum, tunc fuit Iesus occisus à Patribus nostris; et postea venit dux, scilicet, Titus, et populus, scilicet Romani; et fecerunt nobis secundum prophetiam istam: Hodie sunt mille anni, et nihilominus in*

ira Dei sumus, & tamen nos in ipso speramus, expectantes adhuc venturum Messiam, & reuersuros nos in terram promissionis, et ciuitatem atque templum instauraturos, futurosque in gratia & honore apud Deum; nec desolationem hanc fore perpetuam, sed temporalem. Heu mi Domine, non est ista excusatio, & euasio consona: & vana videtur talis expectatio. Hactenus ille Rabinus, ex cuius verbis manifestè colligitur, quod cum Iudæi post mortem Christi, hoc est à mille sexcentis, & amplius annis, premantur omnibus illis calamitatibus, & miserijs quas in pœnam necandi ab ipsis veri Messie pasturos fore prænuntiauerunt prophetae, colligitur, inquam, manifestè Messiam iam venisse, nullumque alium præter Christum fuisse.

Secundò si propter alia scelera, quam propter Christi Domini mortem, talia quibus nunc affliguntur paterentur mala; maximè esset scelus idololatricæ, & cædes prophetarum; hæc enim duo super alia omnia Deus exprobrat Iudæis in facis litteris; & propterea, testatur, grauissimas quasque eorum captiuitates, & calamitates præsertim verò Babylonicam, ipsis contigisse. At qui nec post dissolutam captiuitatem Babylonicam, nec post Saluatoris nostri aduentum, legimus Iudæos aut publicè idola coluisse, aut prophetas occidisse. Imo post id temporis, quo ad ista duo scelera spectat, quodammodo melior fuit populus Hebræus, quam antea fuerat. Non igitur magnitudo, & diuturnitas præsentis Iudæorum calamitatis, vel ad prædicta duo scelera, vel ad alia quæcumque præter cædem Messie referri potest. Quod manifestissimè apparebit diligenter consideranti differentiam huius calamitatis, quæ à Tito, & Vespasiano illata, vsque in hanc diem perpetuò premit Iudæos atque aliarum calamitatum priorum, quas Iudæi antè Saluatoris nostri aduentum perpessi sunt; quarum tres fuerunt omnium grauissimæ, & super alias memorabiles, Aegyptiaca scilicet, Ba-

bylonica, & illa, quam sub rege Antiocho Epiphane, tempore Machabæorum, Iudæi tulerunt. Cum enim in prioribus illis calamitatibus haberent prophetas, qui eos consolabantur, & certa spe recuperandæ libertatis sustentabant; fierent miracula, quibus declarabatur populum hebræum in Dei esse gratia, & tutela; iam his omnibus, alijsque similibus beneficijs, cernimus eos, post illam Titi, & Vespasiani cladem, videlicet ob Messie necè ab ipsis nefariè patratam, vsque ad hanc diem fuisse priuatos.

Vndè etiam si Iudæi post Christi mortem fuissent idololorum cultores, prophetasque occidissent; non ideo tamen conueniens prædictis sceleribus esset præsens illorum calamitas. Hæc namque scelera fuerant ante apud illos creberrima & grauissimæ; quorum tamen, nonnisi septuaginta annorum captiuitatis pœnas luerunt. Nullum igitur exitum habent, nullam latebram Iudæi; sed fateantur necesse est Christum Dominum verum fuisse Messiam, seq; ob illius necem, omnia quibus puniuntur mala perpeti. Quod rectè notauit D. Hieronymus in epist. 129. ad Dardanum, vbi voluntariam Iudæorum cæcitatem, perfidiamque redarguens ait: *Multa Iudæe scelera commissistis: circæ te seruisti nationibus: ob quod factum? vique propter idololatricam. Cumque seruisses, crebro tui misertus est Deus; & misit iudices, & Saluatores, qui te de seruitute Moabitaram, Ammonitarum, Philistinorum, ac diuersarum gentium liberarent. Nouissimè sub regibus offendisti Deam: & omnis tua prouincia, gente Babylonica vastante, deleta est. Per septuaginta annos templi solitudo permansit. A Ciro rege Persarum, est laxata captiuitas: extructum quoque est sub Dario templum. Que possi sitis à Medis, Aegyptijs, & Macedonibus, non enumero; nec tibi adducam in memoriam Antiochum Epiphane, crudelissimum omnium tyrannorum; nec Pompeium, Gabinium, Scaurum, Varium, Cassium, Sessiumque reprobos;*

cabo; qui tuis urbibus, & præcipue Hierosolyma insultauerunt. Ad extremū sub Vespasiano & Tuo urbs capta, templumque subuersum est. Deinde, ciuitatis, usque ad Hadrianum principem, per quinquaginta annos mansere reliquæ: post illam euersionem, usque ad hanc diem, paulo minus quam per quadringentos annos, & urbis, & templi ruina permanent. Ob quod tantum facinus? Certè non colis idola: sed etiam seruientis Persis, & Romanis, & captiuitatis pressui iugo, Deos ignoras alienos. Quomodo clementissimus quondam Deus, qui nunquam tui antea oblitus fuerat, nunc per tanta spatia temporū non adducitur, ut soluat captiuitatem, & ut verius dicam, expectatum tibi mittat, Antichristum? Ob quod, inquam, facinus, & tam execrabile scelus, avertis a te oculos suos? ignoras? Memento vocis parentū tuorum, sanguis eius super nos, & super filios nostros; & hic est heres venisse occidamus eum, & nostra erit hereditas, & nō habemus regem nisi Cæsarem. Habes quod elegisti, usque ad finem mundi seruiueris es Cæsari, donec Gentium interplectendo, & omnis Israel saluus fiat; et qui quondam erat in capite, vertatur in caudam. Hactenus Hieronymus. Si autem hæc omnia Hieronymo, & alijs Patribus ipso antiquioribus visa sunt euidentia, scilicet Iudeos eo tempore non aliam ob causam, quam propter Christum crucifixum percussos, obsecatosque fuisse, eosque proinde nō tanta pati propter religionem, sed in pœnam, iusta Dei sententia, secundū diuinarum Scripturarum prædictiones; quid nos dicere debemus, qui illa cernimus continuata, & confirmata per sexdecim integra sæcula?

An vero ista eorum miseria deplorandaque calamitas sit finem aliquando habitura, disputant inter se doctores, inter quos videndus est Thomas Maluenda Ordinis Prædicatorum insigni de Antichristo opere. Quod certum omnes putant, est, finem illius nullum fore, quamdiu in Christum non credent; si quidem nupiam in

Prophetis promittitur, præter solitum Dei cum ista gente vsum: nam in alijs captiuitatibus, & exilijs, & captiuitatem, & tempus, quo duratura erat, illis prædixit; præmonuitque clarè, ut haberetur Genes. cap. 15. v. 13. de captiuitate Aegypti; Hierem. 29. de Babylo-nica; Daniel. 9. & alias. De ista autem seruitute, & dispersione, quam à tot sæculis patinatur, licet multoties in Scriptura reperiatur prænuntiata, ut vidimus, nullibi tamen finis certo saltem tempore: futurus promittitur. Quod si, ut volunt aliqui, ista dispersio prædicta fuerit Leuit. 26. nam ea cuncta ibi narrantur, quæ nunc à Iudæis perferri cernimus, quod dispergentur inter gentes, & terra hostilis eos confumet, &c. finis quidem ibi promittitur, sed nullo determinato, nec assignato tempore, nisi quando erubescat incircumcisa mens eorum: tunc orabunt pro impietibus suis, eo quod abiecerint iudicia mea, et leges meas despexerint. Quæ impietates non sunt, quod à tempore Christi idola coluerint, aut prophetas occiderint, ut ipsorum Maiores effecerunt, in hoc enim circumspicientes illis melioresque fuerunt; sunt igitur, quod Christum, & Sanctum Domini à maioribus crucifixum quotidie denuo affectu suo crucifigant, & iudicia eius manifestata in semetipsis, ac nouissimè in filio dicta, & tradita abijciant, nec admittant, sed potius conculcent, & contemnant. Undè puniuntur non propter peccata Patrum suorum quomodocumque, sed ab ipsis impiè renouata, & continuata. Cuius euidentis est argumentum implacabile eorum in Christum, & Christianos odium, quoducti solent annuè in Passionis Dominicæ infantem Christianum, si habere possint, crudeliter occidere, ut diuersi grauissimi auctores testantur, & specialiter Maiolus in opere quod inscripsit *dies caniculares*, in colloquio de perfidia Iudæorum, plurima crudelissima eorum in Christianos, imo in ipsā S. Eucharistiæ hostiam exercita refert.

Iudæos

Iudæos porrò aliquando sapituros, miseriamque illorum finem demum habituram colligi videtur ex epistola Diui Pauli ad Roman. cap. 11. vbi post alia diuinè perorata ait: *Nolo enim vos ignorare fratres mysterium hoc, ut non sitis vobis ipsis sapientes; quia cecitas ex parte contingit in Israel, donec plenitudo gentiū intraret; & sic omnis Israel saluus fieret: sicut scriptum est: Veniet ex Sion, qui eripiat, & auertat impietatem à Iacob: & hoc illis à me testamur; cum abstulerit peccata eorum.* Secundum Euangelium quidem inimici propter vos secundum electionem autem charissimi propter patres, &c. Sicut enim aliquando & vos (id est Gentiles) non credidistis Deo: nunc autem misericordiam consecuti estis propter incredulitatem eorum; ita & isti nunc non crediderunt in vestram misericordiam, ut & ipsi misericordiam consequantur.

Hanc autem Iudæorum miseriam terminandam esse; spiritualemente maxime, per humilem Christianæ fidei susceptionem firmiter tenendum est, non autem per temporalem ciuitatis Hierusalem, templique eius reparationem; nam vt optimè notat Cornelius à Lapide in cap. 9. Danielis in fine, Vrbs Hierusalem, templumque Iudæorum non reparabitur nisi in fine mundi ab Antichristo, qui Hierosolymæ sedem regni constituet, vt patet Apocal. cap. 11. v. 8. in templo autem sedebit, & adorabitur, vt præfatus author explicat versiculum quartum capitis 2. secundæ epistolæ ad Thessal. Vnde etiam tunc manebit in templo abominatio & desolatio, scilicet idolum Antichristi: Quamuis enim Antichristus initio fortè apud Iudæos simulaturus sit, se templum hoc velle reparare Deo eorum, tamen re vera illud non Deo, sed sibi ædificabit, in quo vt numen fideat, & colatur.

En ergò quomodo in Christum Dominum, siue quod aduersus Iudæos probandum erat, in singularem illam personam, qui dicitur Iesus filius Mariæ perfectissimè concurrunt omnia illa signorum, vel notarum genera, quæ à

Biblioth. Theol. Tom. V.

à prophetis de vero Messia prænuntiata sunt; nec possunt amplius in aliquo alio impleri, præsertim quia illud templum iam est totaliter destructum, & totum illud regnum desolatum, ad quod venturus prædicitur Messias, vnde non potest amplius sperari venturus. Quare neruose Tertullianus lib. contra Iudæos cap. 13. *Hac igitur, inquit, cum pati prædicantur Iudæi propter Christum, & passos eos esse inueniamus, & in dispersione morari cernamus, manifestum est propter Christum Iudæis ista accidisse, conspirante sensu Scripturarum cum exitu rerum, & ordinis temporum. Aut si nondum venit Christus propter quem hæc passuri prædicantur, cum venerit ergo, patientur; & ubi tunc filia Sion relinquentur, quæ nulla hodie est? ubi ciuitates exurende, quæ iam in tumulis exuste sunt? ubi dispersio gentis, quæ iam extorris? Redde statum Iudææ, quem Christus innuat, & alium contende venire.* Ita Tertullianus. Et quamuis Iudæi negent Euangelia, tanquam verbum Dei, ex quibus ostendimus prænuntiata in veteri testamento de Messia, fuisse omnia in Domino nostro Iesu Christo adimpleta, negare tamen haud possunt quin illa Euangelia scripta fuerint à viris piissimis, pluribusque etiam miraculis confirmata, ac per totum orbem terrarum à tempore Christi, & Apostolorum ab innumeris viris sapientissimis credita; talia enim negare sine expresso, & manifesto in contrariū argumento, quo sine dubio carent Iudæi summa esset insania; quamuis igitur Euangelia pro verbo Dei non habeant, attamen veritatem eorum, quæ in illis narrantur, rationabiliter negare non possunt; imò sicut ipsi non possunt aliter contra Gentilem nolentem credere, quod vetus testamentum sit verbum Dei, probare illa esse vera, quæ in eo continentur de exitu ex Aegypto, de miraculis tunc, & aliis à Deo perpetratis, &c. nisi quia illud de manu ad manum habent à suis patribus; ita etiam de Euangelij concedere debent, quod vera dicant, etsi illa pro verbo Dei non

H h h

admit-

admittant: At quod etiam credendum, si obsecrati non essent, suppetunt eadem credibilitatis argumenta, quibus ipsi, & nos duâ firmiter credimus vetus testamentum esse verum Dei verbum, imo longè maiora, inter quæ non infimum tenet locum mirabilis vtriusque testamenti consensus, nimirum, quod ut vidimus, in nouo adamusim completa sint, quæ de illo, veroque Messia eius auctore prænuntiata in veteri leguntur.

CAPVT V.

Adducuntur aliquæ rationes, cur Iudæi tam apertis Prophetarum testimonijs de Christo non credunt.

Cum omnia Prophetarum oracula de vero Messia, tam propriè, tamque apertè, & explicatè in Christo Domino fuerint adimpleta, ut non tam futurarum rerum prædictiones, quam præteritarum narrationes esse videantur, nec illi præuidisse res alio tempore gerendas, sed rebus ipsis factis interfuisse: priusquam aliquibus Iudæorum objectionibus satis fiat, opere pretium duxi aliquas adducere rationes, cur illi tam manifestam, testatamque oraculis prophetarum, atque suorum malorum experientia comprobata, de Messie aduentu, & morte veritatem amplecti detrectent. Inter quos primum locum tenet cæcitas, qua propter necem Messie à Deo puniti sunt. Duplici enim pœnarum genere mulctati sunt: vnum fuit corporale, & hoc triplex, ut diximus supra; amissio regni, ac dignitatis, perpetua vrbs, ac templi desolatio, & semper æternum exilium, innumeris malis, miserisque referum. Alterum pœnæ genus fuit spirituale, tantò sanè grauius, & exitius priore, quantò & potioribus bonis eos spoliavit, & acerbioribus malis affectit. Et hoc duplex, excæcatio mentis, & obduratio cordis; videlicet ad intelligenda credendaque, atque amplectenda, quæ ad Messiam pertinebant.

Quo duplici pœnarum genere plethendos esse Iudæos, Isaias cap. 6. significauit illis verbis: *Excæca cor populi huius, et aures eius aggraua; et oculos eius claudet; nè forte videat oculis suis, et auribus suis audiat, et corde suo intelligat, et conuertatur, et sinem eum, et dixi usquequo Domine? et dixit donec desolentur ciuitates absque habitatore, et domus sine homine, et terra relinquantur deserta.* Hoc Isaiæ vaticinium, Christus Dominus in Euangelio S. Ioannis cap. 12. ad se, & ad Iudæos, qui sibi credere recusabant pertinuisse declarauit. Illud quoque quod in Deuteronomio dixit Moyses de Iudæis: *Percutiat te Dominus amentia et cecitates, ac furor mentis; et palpes in meridie, sicut palpare solet cæcus in tenebris; et non dirigas vias tuas: omnique tempore calumniam sustineas, et opprimaris violètia, nec habeas, qui liberet te.* Hoc, inquam, Moysis vaticinium, nunquàm verius quàm nunc, in Iudæos dici posse, oculari patet experientia.

David præterea in psal. 68. cum sub persona sua, tanquam sub figura veri Messie exposuisset, quàm indignis, & acerbis modis, tractandus esset Messias à Iudæis; scilicet propter certitudinem prophetiæ, in prædicendo futura, vltus verbis præteriti temporis, proximè varias pœnas partim corporales, partim spirituales, tam immani eorum scelere comparatas subiunxit: *Fiat, inquit, mensa eorum coram ipsis in laqueum, et in retributiones, et in scandalum. Obscurentur oculi eorum ne videant, et dorsum eorum semper incurua. Effunde super eos iram tuam, et furor ira tua comprehendas eos. Fiat habitatio eorum deserta, et in tabernaculis eorum non sit qui inhabitet. Quoniam quem tu percussisti persecuti sunt; et super dolorem vulnerum meorum addiderunt, &c.* Dauidem autem hæc vaticinantem prophetico spiritu, spectasse Iudæos, qui Dominum nostrum occiderunt, & doctrinam eius oppugnarunt, non tantum recipere noluerunt, testem habemus D. Paulum in cap. 11. ad Romanos, qui etiam epistola ad Thessal. cap. 2.

cap. 2. testatur Iudæos expositos esse omni seductioni, & errori, eo quod claritatem veritatis non receperunt, ut falsi fierent. Ideoque, inquit, *mitter illis Deus operationem erroris, ut credant mendacio, ut indicentur omnes, qui non crediderunt veritati, sed consenserunt iniquitati.* Reatè proindè Diuus Augustinus explicans præfata Psalmistæ verba *obscurentur oculi eorum*, &c. ait: quia scilicet Iudæi ob malitiam in Christum innocentissimum exercitam, & continuatam meritò obscurantur iusto Dei iudicio ne agnoscant tor, & tantas prophetias, & illarum impletionem, & ob nimium affectum erga terrena, quibus dorso cordis incuruato inhiant, & temporalem Mefsiam, & regnum miserè expectantes, animum ad cælestia cleuare non possunt, nisi speciali gratia Dei subindè præueniantur, & aliqui sed rarò pro dolor conuertantur.

Secunda causa est, quia Iudæi multa ad litteram, & in sensu proprio intelligenda putant de vero Mefsia; quæ in sensu dumtaxat metaphoricò, vel spiritali debent intelligi, ut videbimus in solutionibus argumentorum. Cum enim talia ad litteram in Christo Domino adimpleta non fuerint, indè malè colligunt illum non fuisse verum Mefsiam. Tertia causa præcedenti ferè similis est, quia cum duplex Mefsie aduentus in scripturis propheticiis prædicetur, primus in humilitate ad redimendum genus humanum à peccatorum iugo, & feruitute diaboli, de quo Zachariæ 9. *Ecce Rex tuus veniet tibi, iustus, et Saluator, ipse pauper, &c.* Secundus in gloria, & maiestate ad iudicandos homines in fine sæculi, de quo Isaïe 66. *Ecce Dominus in igne veniet, &c.* cum, inquam ex diuinis Scripturis res ita se habeat; Iudæi primum à secundo aduentu non discernūt, ut egregie offendit S. Cyprianus lib. de idolorum vanitate; sed quæ de secundo, qui adhuc expectatur, & ad quæ pertinet ea vaticinia, quæ ab illis afferri solent de gloria temporali Mefsie, intelligenda sunt, non de illo, sed de pri-

Biblior. Theol. Tom. V.

mò fuisse prædicta malitiosè cõtendunt ut dicemus in capite sequenti. Quarta tandem & vltima causa potest esse, quia ut docet D. Irenæus lib. 4. aduersus hæreses cap. 43. *Omnis prophetia priusquam habeat effectum, ambiguitas, & ænigma est hominibus, cum autem venerit tempus eius, & enenerit quod prophetatum est, tunc prophetia habent liquidam, & certam expositionem. Propter hoc Iudæis, cum nunq. legitur lex & prophetæ, fabula similis est, non enim habet expositionem omnium rerum pertinentem ad aduentum filij Dei, qui est secundum hominem. At Christianis cum legitur prophetia, thesaurus est absconditus in agro, cruce Christi reuelatus, & explanatus ditans sensum hominis, & ostendens Dei sapientiam.* Sic Irenæus.

CAPVT VI.

Soluuntur obiectiones Iudæorum, quibus conantur probare Christum Iesum, non fuisse verum in lege promissum Mefsiam.

Primum ergò Iudæi retorquere possunt argumentū superius à nobis factum; videlicet in Christo Iesu nō fuisse adimpleta prophetarum oracula de Mefsia; ergò non ille fuit verus Mefsias. Consequencia est certa. Probatur anteedens multipliciter; nam primò Mefsias dicitur venturus, ut sedeat super sedem Dauid, & restauret regnū eius, ut habetur psal. 131. *De fructu ventris tui ponam super sedem tuam, &c.* Amos 9. *in die illa suscitabo tabernaculum Dauid quod cecidit.* Vbi etiam prædicatur futura tempore Mefsie maxima in populo Hebræo felicitas. *Ecce dies veniet dicit Dominus, & comprehendet arator messorem, & calcator vna mittentem semen, & stillabunt montes dulcedinem, &c.* Secundò tempore Mefsie prædictum est ab Isaia cap. 11. *Lupos cum agnis, pardos cum hēdis, leonem cum oue habitaturos; Habitabit Lupus cum agno,* H h h 2 inquit

inquit Propheta, & *pardus cum hædo accubabit, vitulus & leo, & ovis simul morabuntur, & puer parvulus minabit eos*; Tertiò varijs in locis significatū est fore ut aduentus Melsiæ sit in summa gloria, & maiestate; sed nullum ex istis alijsque similibus prophetarū oraculis fuit in aduentu Christi Domini adimpletū; ergo non videntur in illo concordare omnia, quæ de vero Messia prophetata leguntur.

Respondetur ad hoc argumentum, negando antecedens; ad cuius primam probationem dicitur Hebræos sensu carnis esse deceptos, expectando, vel sperando Melsiam temporalem regem, & potentissimum; magnas item diuitias temporales ipsis allaturum, ac denique orbem terrarum sub ditione Iudæorum subiugaturum. Regnum siquidem Melsiæ, & felicitas per illum promissa, non caduca, & materialis intelligenda est, sed spiritualis & æterna: promissa enim sunt nobis per Melsiam ea bona, quibus non possunt esse aliqua meliora, quæque salutem veram hominibus afferunt; & cunctis mortalibus æquè possunt esse communia, huiusmodi autem conditiones non possunt convenire temporalibus bonis, sed spiritualibus, & æternis, ut satis per se patet. Deindè David solum regnavit in Iudæa, & Palestina, Melsias autem prædicitur regnaturus super omnes gentes, & totum orbem. Psal. 2. *Postula à me, & dabo tibi gentes hereditatem tuam, et possessionem tuam terminos terræ*; & Psal. 71. *Dominabitur à mari usque ad mare, et à flumine usque ad terminos orbis terrarum*. Non ergo regnum David Melsiæ promissum accipi potest, ita materialiter, & determinatè sicut fuit David, sed pro spirituali regno eius in vera fide, & religione sicut floruit tempore David. Et quod hoc dominium & regnum in omnes gentes non sit dominium temporale, neque modo temporali, patet, tam quia Danielis 7. dicitur de regno Melsiæ; *Quod potestas eius erit potestas æterna, quæ non auferetur, et regnum eius quod non cor-*

rumpetur; non erit ergo regnum temporale, neque corruptibile, sed æternū in alia vita; rum quia Isaia 9. dicitur, *quod erit pater futuri sæculi, et multiplicabitur eius imperium, et pacis non erit finis super solium David, et super regnum eius sedebit, ut corroborares illud*. Ergo ipsa scriptura clarè significat, quod loquitur de Regno David spirituali, siquidem ad regnum istud pertinet, quod sit pater futuri sæculi. Tandem idem Melsias alijs prophetarum oraculis describitur, pauper, humilis & vir dolorum, & sciens infirmitatem; prædicitur etiam in poenam mortis illi à Iudæis inferendæ destructio eorum totalis, ut vidimus supra. Signum est igitur evidentissimū, abundantiam bonorum per ipsum futuram non carnaliter, sed spiritualiter intelligendam esse; nec regnum Melsiæ debuisse esse regnum terrenum, aut temporale, sed spirituale, cuiusmodi est Ecclesia Christi per vniversum orbem dilata, & propagata.

Cur autem specialiter vocetur regnum David, hoc regnum spirituale Christi? Respondetur, vel quia regnum eius spirituale adumbratum fuit regno corporali, & temporali Davidis, vel quia Davidi sub typo regni sui promissum, fuit hoc regnum Melsiæ, tanquam filij sui; vel denique quia Reges indè solent denominare regnum suum, vbi primum illius iacitur fundamentum, legesque promulgantur. Fuit autem lex Evangelica promulgata in monte Sion, vbi erat arx, & palatium David, & in Hierusalem fuit primum fundamentum Regni spiritualis Christi, iuxta quod dicitur Isaia 2. *De Sion exibit lex, et verbum Domini de Hierusalem*. Et Michæ 4. *Regnabit Dominus super eos in monte Sion ex hoc, nunc, et usque in æternum*. Hoc autem ad litteram impletum est, cum super discipulos congregatos in monte Sion, à Christo missus est Spiritus Sanctus; quia ut dicitur in psal. 109. *Virgam virtutis tuæ emisit Dominus ex Sion*; quod in missione Spiritus Sancti impletum est, ut rectè notauit Caietanus super

ſuper iſtum Pſalmum, eo quod virga regni Chriſti eſt virga virtutis, id eſt ſpiritus, & gratia, & ſic ſedit ſuper Soliũ David, dum ex Sion, vbi fuit ſolium David, miſſus eſt Spiritus Sanctus, mediante quo regnat in cordibus omnium gentium. Et hoc totum propriiſſimè conuenit Ieſu filio Mariæ; quia ipſo reſurgente, & in cælum aſcendente miſſus fuiſſe Spiritum Sanctum in diſcipulos teſtatur hiſtoria Actuum Apoſtolorum, & hoc publiciſſimum fuit apud ipſos Iudæos, quia omnes illo die viderunt, & audierunt Petrum, cæterosque Apoſtolos loqui varijs linguis, & conſtanter prædicare reſurrectionem Domini Ieſu, & hoc fuit effectus Spiritus Sancti.

Ad ſecundam probationem ex capite vndecimo Iſaiæ deſumptam; reſpondetur hæc & ſimilia non ſic ad litteram & in ſenſu proprio eſſe intelligenda, ſed in ſenſu metaphoricò, de hominibus, quorum mores ſimiles ſunt beſtijs, ibi enumeratis. Per *leonem* enim, lupum, aſpidem, accipi poſſunt quilibet homines, fortes, potentes, rapaces, & noxij; vti per *pardum*, irretiti varijs erroribus, & vitijs: hæ enim ſunt maculæ pardi; per *agnum* verò, hædum, vitulum, & *bouem*, infirmi, pauperes, manſueti, & laborioſi: quaſi diceretur in Eccleſia Chriſti ſimul quiete verſabuntur iuſti & peccatores, mites & feroces, patientes & cholericæ, pauperes & diuites, infirmi & potentes, alter alterius onera portantes. Per has ergo metaphoras ſignificare voluit Iſaias per Chriſti gratiam fore gentium omnium vniõnem, & concordiam, quodque gentes feræ, & barbaræ depoſita feritate manſueſcere, & cum hædis, & agnis, id eſt cum humilibus, & ſimplicibus Chriſtianis, ſanctiſſimè conſpirare debeant in vnitatem fidei, & Eccleſiæ, vt v. g. Lupus, id eſt, S. Paulus, qui ſpirans minarum, & cædis in Chriſtianos iure comparatur lupus, habitet cum agno, id eſt cum Sancto Ioanne, & Petro inquit S. Hieronymus, & alij, de quibus videri poſſunt interpretes ad hunc locum.

Ad tertiam denique probationem reſpondetur ſimiliter errare Iudæos nõ diſtinguentes duos Meſſiæ aduentus vnum ad ſaluandum, alterum ad iudicandum, illum in humilitate, hunc in gloria, & maiestate. Hinc enim factũ eſt, vt in conciliandis oraculis de aduentu Meſſiæ multum laborent, & exitum non inueniant: cum quædam prædicent illum vêturum pauperem, & humilem, alia verò venturum in claritate, & maiestate. Quo factum eſt, vt quidam eorum duos iam fingant Meſſias, alium pauperem, alium diuitem, quod vanum & fictitium eſt; Scripturæque apertè repugnans. Quam Iudaicæ cecitatis radicem, & cauſam ſuperiori capite à nobis adductam rectè inter alios notarunt Tertullianus in Apologetico aduerſus gentes, cap. 21. Cyprianus lib. de Idolorum vanitate verſus finem: Origenes lib. 1. contra Celſum; Rabbi Samuel in epiſtola de aduentu Meſſiæ. c. 9. & 10. tom. 5. Biblioth. SS. PP. alijque plures in vltimo huius ſectionis capite citandi, qui aduerſus Iudæos ſcripſerunt.

Obijciunt ſecundò Iudæi, quod in Scriptura Sacra dicitur venturus Meſſias in nouiſſimis diebus vt patet Gen. 49. Iſaiæ 2. Michæ 4. & Daniel. 2. hic autem loquendi modus ſignificare videtur venturum in vltimis temporibus, ſeu in fine mundi; ſed iam pridem venit Chriſtus Ieſus, quem Chriſtiani colunt, ergò ille non poteſt eſſe verus Meſſias in lege promiſſus, & à prophetis prænuntiatus.

Reſpondetur ad hoc argumentum negando, vbi eſt ſermo de aduentu Meſſiæ, per nouiſſima tempora debere intelligi finem mundi, cum expreſſè dicatur futurus in medio annorum, Habacuch 3. *Domine opus tuum, in medio annorum viuifica illud. In medio annorum notum facies: cum iratus fueris miſericordia recordaberis.* Breuiter ergò dicendum eſt totum hoc tempus aduentus Chriſti, nouiq; teſtamenti vocari tempus nouiſſimum, vt patet 1. Ioannis cap. 2.

cap.2. *Filioli iam nouissima hora est.* & 1. Corinth. 10. vocatur finis sæculorū; vel quia in hoc tempore data est lex gratiæ, quæ est vltima, post quam alia non speratur; vel quia in hoc tempore complentur omnes prophetiæ, & prædictiones Dei: qua fortasse ratione dicitur ad Galath. 4. *plenitudo temporum*, vel quia distinguendo durationem mundi per ætates, hæc est vltima, quæ licet diuturnior sit, vna tamen semper censi debet, quia non sit in ea notabilis aliqua mutatio, per quam solent distinguui huiusmodi ætates, sed durat semper, & duratura est eadem Ecclesia, idē modus regiminis in ea, & eadem gratiæ communicatio. Denique Augustinus 1. de Genes. contra Manich. cap. 23. hoc tempus vocat mundi senectutem, quia duratione est vltimum: quamquā lib.83 quæstionum, quæst.44. iuuenturē mundi illud appellet, propter vigorem gratiæ, vt ipse se exposuit lib.1. retract. c.26. Addi vltimū potest modum illum loquendi Prophetarum, *et eris in nouissimis diebus*. Sæpē tantumdem valere, ac si dicerent, erit post hæc tempora. Et potissimum ita loquuntur, quando prædicunt aliquid futurum in tempore valde distantī & remoto: quod potest dici vltimū respectu præcedentis, licet simpliciter non sit absolutē vltimum, vt actor.2. referens Petrus locum Ioelis 2. *Et erit in nouissimis diebus effundam de spiritum meo*. Et tamen in prophetia habetur, *et erit post hæc effundam*, &c.

Obijciunt tertio, illa lex quæ contrariatur præceptis diuinis nō potest esse lex veri Mesiæ, si quidem Deus non potest esse sibi metipsi contrarius: sed lex Euangelica à Christo Iesu instituta, est huiusmodi: obseruationem enim Sabbati, quam Deus præcepit in veteri lege, prohibet lex Euangelica, sicut & circumcisionem, quæ tamen in æternum duratura promittitur Genes. 17. vbi dicitur data in fœdus sempiternum; ergo non potest esse lex veri Mesiæ.

Respondetur ad hoc argumentum, concedendo maiorem, & negando mi-

norem; si quidem in lege Euangelica, seruamus omnia præcepta moralia veteris legis; ceremonialia dicimus fuisse pro illo statu bona, & à Deo ordinata, ceterum quia non fuerunt data, vt perpetua, sed quo vsque venirent hæc, quæ in illis præfigurantur, vt, benè profequitur D. Augustinus lib.10. contra Faustū, ideo illa amplius non obseruamus; Hinc Christus Dominus dixit, non veni soluere legem sed adimplere, non solum quia quæcumque prænuntiauerant Prophetæ Mesiā diciturū, facturū, & passurū, ea omnia Dominus noster dixit, fecit, ac passus est, vel quia lex, & prophetiæ, inanis erat, & fructu vacua sine Christo: eam autem Christus gratia sua impleuit, cognitioni peccatorum, adiungens remediū curationis; & scientiæ benè agendi, addens robur, & facultatem operandi; sed etiam quia terminauit omnes prophetias, & omnia legalia, cum enim ea essent tanquam vmbre, & figuræ dumtaxat venturi Christi; eo veniente, ea finire, ac desinere necesse fuit. Quando ergo dicebatur, quod circumcisio debet durare in sempiternum, si sit sermo de circumcissione spirituali per carnalē figurata, de qua dicitur Deuter. 10. *Circumcidite igitur praputium cordis vestri, & ceruicem vestram non induretis*; & Hierem. 4. *Circumcidimini, et auferite praputium cordium vestrum viri Iuda*: si, inquam, sit sermo de ista circumcissione, indubitanter est verū, quod simpliciter in æternum deberet esse in populo Dei, & anima, quæ quamdiu est cum præputio peccati, est extra populum Dei quantum ad meritum. Si verò sit sermo de circumcissione carnali debet accipi sempiternum, prout multoties in Scriptura sumitur, pro toto eo tempore, quo lex Mosaica duratura erat: quia quamdiu lex durauit, quæ soli vni populo præcipiebatur, debuit durare signū quo ille populus ab alijs gentibus distinguebatur, & cessante lege, signum etiam debuit cessare. Itaque Genes. 17. dum dicitur de circumcissione, *eritque pactum meum in carne vestra in fœdus*.

ater-

æternum. Pædus hoc æternum dicitur non abſolutè ſed reſpectiue in ſemine carnali, puta Iudæis, durauit enim tamdiu, quamdiu durauit Iudæorum Eccleſia, & reſpublica, ſed in ſemine ſpirituali, puta fidelibus abſolutè æternum dicendum eſt.

Quo ad Sabbathi præceptum, quod eſt inter decem Decalogi, ſciendum, quod illud partim fuerit morale, partim ceremoniale: Morale erat, vt ſeptima aliqua dies celebraretur in memoriam ſeptimæ diei, qua Deus à creatione mundi ceſſauit, vt ſignificatur Exodi 20. v. 10. At verò ceremoniale erat in memoriam educationis filiorum Iſrael ex Aegypto, vt patet Deuteron. 5. vbi repetuntur verba Decalogi, & ratio Sabbathi assignatur v. 15. *Memento quod et ipſe ſeruieris in Aegypto, et eduxerit te inde Dominus Deus tuus,* &c. idcirco præcepit tibi, vt obſeruares diem Sabbathi; & vt notat Paulus Burgenſis in ſcrutinio par. 1. diſt. 8. cap. 14. *Sabbatum Iudæorum non eſt anniuersaria illius diei, qua Deus ceſſauit à creatione,* quare ad illius obſeruantiam ſatis eſt, quod aliqua ſeptima dies obſeruetur, quam Apoſtoli in diem Dominicum inſtituerunt in memoriam veræ liberationis à regno diaboli per reſurrectionem Chriſti Domini; vnde patet quod præceptum Sabbathi à Chriſtianis quoad morale ſeruetur, quamuis non quo ad ceremoniale, & nonnulla Iudæis tunc impoſita.

CAPVT VII.

De Iudæorum libris, & primo de Thalmud.

CUm vix diſputari poſſit cum Iudæis, quin aliqua fiat mentio de eorum libris, nec non etiam ad confundendum eorum cæcitatem plurimum conducere poſſint innumeræ non ſolum fabulæ, ſed etiam horrendæ contra legē diuinam blaſphemix, quibus pro maiori parte aliqui eorum libri ſunt reſcripti, ad completam præſentis materiæ tra-

ctationem opere prætiū duxi breuiter de illis agere; & primū de Thalmud. Thalmud ergò Hebraicè, diſciplinatio Latine, nihil aliud eſt, vt bene notauit D. Thomas in commentarijs vtriuſq; epiſtolæ ad Timotheum, quàm ingens, ac vaſtum illud opus Iudaicarum traditionum; ſue, in quo Iudæorum inſtituta, leges & ritus continentur, vnà cum innumeris Rabbiorum ſententijs, & tam diuinarum, quam humanarum legum, expoſitionibus, quibus nunc tota Iudæorum natio regitur; Vnde Thalmudici libri magnè apud eos auctoritatis exiſtunt; qualique pandectæ iuris Iudaici, cum ciuilibus, tum Pontificijs, & Sacri dici poſſunt.

Initium habuiſſe dicitur hoc opus, anno centeſimo quinquageſimo poſt vltimam Hieroſolymæ cladem, à quodam Iuda, Simonis filio, qui legis, prophetarumque explanationes, & ſcripta omnia, quæ Rabbinis cæteriſq; doctores tam ante, quàm poſt Chriſti aduentum catechus ſcripſerunt, in vnum complexus eſt volumen, quod Miſchna, id eſt iteratâ lectionem, ſiue repetitionē Iudæi nuncuparunt. Anno verò ab eadem poſtrema vaſtatione Hieruſalem ducenteſimo vel vt alij volunt trecenteſimo, Rabbi Ioſeph, aſſumptis ſibi collegis Rab, & Samuel ipſum Miſchna, & alia quedā ſcripta in vnum volumen coniunxit, quod Thalmud Hieroſolymitanum, quoniam in ruinis Hieroſolymitanæ vrbis ſcriptum eſſet, appellauerunt. Ruſus anno trecenteſimo vigeſimo ſeptimo ab eodem excidio, vel ſecundum alios quadringenteſimo trigeſimo ſexto, Rabbi Haſſe, & Rabbi Hammai, habitantes in Babylone Aegypti, quæ nunc Cayrum dicitur, Superiorum Scripturas in vnum redigentes conſtruxerunt nouum corpus multorum voluminum, Thalmud Babilonicum appellatum, quod cum morte præuenerit abſoluere nequiuiffent, Rabbi Mair, ſiue Maremar, operi ſupremam manum impoſuit, quod putant alij præſtitum fuiſſe à Rabbi Auina; vel melius ab vtroque.

Duplex

Duplex est ergo Thalmud Hierosolymitanum vnum, Babylonicum alterum & diuiditur vtrumque in Mischnam, & Gemaram. Mischna constat ferè dialecto Hebræa: Gemara autem dialecto Chaldæa impurissima, cui infinita vocabula peregrina, Græca, Arabica, Persica, Latina, &c. sunt immixta; ob Iudæorum inter has gentes deportationes, & exilia, à quibus singulis aliquid retinuerunt, & linguæ suæ admiscuerunt. Quod pertinet iam ad Thalmudicorum librorum varietatem, & partitionem Sixtus Senensis lib. 2. Biblioth. Sanctæ, verbo, Traditiones Seniorum, vniuersum Thalmud diuidit in sex ordines; quos *Seder* vocant. Quilibet autem *Seder* distribuitur in plures tractatus, qui *Massechet* dicuntur, & hi rursus plura continent capita, quæ Parachim, hoc est diuisiones appellantur; quorum omnium catalogus, cum habeatur apud præfatum auctorem, & Ioannem Buxtorfium in operis *Thalmudici recensione*, quam adiecit ad tractatum suum de abbreviaturis Hebraicis; cum inquam tā in præfatis auctoribus, quam in multis etiam huius operis editionibus facillè insuper consuli possit, quid in vnoquoque librorum, vel tractatum Thalmudis contineatur, non est necesse hic illud commemorare; Solum noto tres Thalmudis editiones extare: *Prima* excussa est Venetijs à Daniele Bombergo, charta elegantissima, & nitidissimis characteribus. *Secunda* prodijt Basileæ ab Ambrosio Frobenio, anno 1588. In hac editione purgata, sunt opera Marci Marini ea, quæ contra Christum, & Christianos erant dicta, & huius rei causa, quoque integer omisus tractatus, qui *Anoda Sara* appellatur, hoc est, de *Idololatria*. E contra, habet hæc editio hoc præ editione Veneta, quod libri & capita locorum Scripturæ, in Thalmud allegatorum, in margine sunt adscripta; quod magnū præstat in legendo compendium. Quod si etiam locus idem, vel eadem materia, in Thalmud alibi quoque extet, loca illa parallela iterum ad marginem sunt ap-

posita. *Tertia* tandem prodijt Cracouiæ, ante non ita multos annos: Et in hac editione sunt restituta ea, quæ in Basiliensi exemplari exsecta fuisse diximus.

Iam deueniendo ad doctrinam in hoc opere Thalmudico contentam, et si multa sint in illo ad Iudæorum instituta ritus, & leges pertinentia, quæ non parum ad Sacræ Scripturæ intelligentiam, conducere possent; qua ratione Petrus Galatinus lib. 1. de Arcan. cap. 7. Thalmudicos libros commendat; quia tamen innumeris iam perspersi sunt turpitudinibus, impietatibus, & blasphemijs in Deum ac Christum, quarum breuiculū exhibet Sixtus Senensis loco citato, inde stirpitis eradicandos esse huiusmodi libros, contendit, grauiter incusans Galatinum, quod affirmauerit Thalmudica opera in Latinum verti oportere, & publicè in scholis Christianorum explicari. Quæ etiam in re habemus seueram Romanorum Pontificum, quam aliorum Principum Christianorum iudicia, & decreta; Iustinianus namque Imperator, vt habetur in nouell. 146. de Hebræis. §. quæ verò. Thalmudicos libros seuerè condemnauit. Deindè Gregorius IX. vt refert Bernardus de Luxemburgo illos igni addixit anno 1230. Sanctus Ludouicus Rex Galliarum idem fieri iussit ann. 1239. vt scribit Thomas Cantimpratranus lib. 1. de Apibus cap. 7. Innocentius item IV. anno 1244. consil. 41. libros Thalmudicos in Gallijs conquirendos, & comburendos edixit. Id quod antea sub Gregorio IX. Cæcellarius Parisiensis de sententia Magistrorum curauerat. Gregorius, & Innocentij edictū renouauit Iulius III. cōstit. 46. an. 1553. interptatis in retinentes hos libros; grauius poenis, & ijs ipsis, quæ à fide deficientibus sunt constitutæ. Insistens eorumdem Pontificum vestigijs Paulus IV. anno 1559. ad exustionem librorum Thalmudicorum, vt & veteræ lectionis essent adiunxit. Vnde eo anno à Cremonensi Iudæorum Bibliotheca, duodecim millia Thalmudicorum, volu-

voluminum ignibus consumpta esse, restatur, qui se affuisse dicit, & indicem eorum representat Sixtus Senensis vbi supra. Habentur quoque de hac re apud directorum inquisitorum Pij V. & Gregorij XIII. Bullæ siue rescripta, & similiter edictum S.R.E. Cardinalium, Generalium inquisitorum, qui non modo in Vrbe, & dominio Ecclesiastico, sed etiam in tota Italia eosdem libros perquiri, & flammis tradi fecerunt, & qui deprehensi fuissent tales libros habere poenas pecuniales, & publicationem bonorum, & contumaces etiam vitium supplicium incurere decreuerunt, illorumque expurgationes seuerè prohibuerunt.

Verumtamen aliqui vt Theophilus Rainaudus in suo opusculo de bonis, et malis libris, existimant omnia supradicta Summorum Pontificum decreta, Iudeos dumtaxat spectasse, quorum erat tunc temporis numerosior cætus, & non pauci Christianismum facilius cogitassent, nisi ea lectione, & præsertim falsis in Christum, ac Christianos criminibus, quæ ibi leguntur, obfirmati fuissent in errore; Idque verissimum esse probat Turrianus lib. de sola legis lectione Iudeis permittenda. Vt autem Christianis horum librorum vsus absolute interdiceretur, non fuisse mentem Pontificum. Et, vt alias fortasse fuisset, nunc tamen mutatis circumstantijs, mollius esse videtur rigor ille, in Romano indice expurgatorio Clementis VIII. auctoritate edito, anno 1595. Vnde si semel expurgentur, rescenturque, quæ estus inuidiæ, ac furoris, impijs Iudeis in Christum, ac Desiparum, nomenque Christianum blasphemæ, & execranda detorsit, in reliquis arbitrio lectorum, qui esse vix possunt, nisi periti, permitti posse videntur libri Thalmudici, reponique inter illos libros, qui tamen si mali sunt, tamen vix noxij esse possunt, ob manifestam mendacitatem, & fabulositatem, multa legi naturæ, & morum honestati contraria in illis contenta; quorum cum iudicium confecerit Six-

Bibliæ Theol. Tom. V.

tus Senensis loco sæpius citato, non est quod amplius in hoc immoremur.

CAPVT VIII.

De Rabbincis libris.

PRætermisiss multis, quæ circa Rabbiorum diuisionem, potestatem, dignitatem, ritus, institutaque ab illis academias habet Nicolaus Serrarius in libello de hoc argumento Moguntiz edito anno 1607. tantum animaduerto has voces Rabbini, vel Rabbi, significare Magistrum & doctorem, vel etiam principem, à radice *Rab*, quod magnum, & excellens Chaldaicè significat; vnde per Rabbincos libros nihil aliud intelligimus, quàm illos, quos edidere Magistri inter Iudeos, siue legis doctores, qui etiam *sophoi*, quasi sapientes, & præfecti dicebantur auctores. D. Hieronymo *epistola ad Algerum*. Et si autem multi iam ante Christi Domini aduentum fuerint Rabbini, vt satis patet ex eo quod Math. 23. vetat ne discipuli sui vocarentur Rabbini: imo ipsi Christo nomen Rabbi, & Rabboni imposuerunt. Ioannis 16. Hic tamen potissimum agemus de Rabbinis Christo posterioribus, eorumque libris, & operibus. Omnes enim Rabbinos, quorum opera nunc extant, non fuisse, aut scripsisse ante aduentum Christi, vt Ioannes Garetius, & alij nonnulli volunt, sed fuisse Christo posteriores, argumento manifesto est, quod passim ab ijs metio fiat euerisionis Hierusalem, & templi per Titum Vespasiani filium; vt rectè notauit Cardinalis Bellarminus in libro de Scripturis Ecclesiasticis, in fine tractationis de Scripturis veteris Testamenti.

De huiusmodi ergo Rabbiorum libris, quo ad eorum vsum, idem iudicium ferri potest, ac de opere Thalmudico; ex illa nimirum parte, qua opprobria in Christum Christianosque, & blasphemias in Deum voces, aliaque similia continent, ita esse configendos, & fugiendos, quod tantum probant ea, quæ

pro extendendis libris Iudæorum tradit Alphonsus de Castro *lib. 2. de iusta hereticorum punitione cap. 15. in fine*, ut tamen si semel ab illis expurgentur, quoad alia possint subduci damnationi, & eorum vsus indulgeri; quatenus cum sint perspersi varijs antiquis moribus per manus à Iudæis antiquioribus ad istos derivatis, & explicationem contineant rituum multorum, aut proverborum, ac formularum iam olim vigentium in ea gente, lux indè non exigua affulgere potest varijs Scripturæ locis intelligendis, in quibus ritus illi, aut mores insinuantur, vel paræmia, aut formulæ vsurpantur. Qua ex causâ S. Hieronymus *Apol. 1. aduersus Rufinum*; ait Origenem, Clementem, & Eusebium, Rabbīnorum libros lætitasse, & eorum interpretationes non semper esse aspernatos. Quod de seipso quoque prodit in *cap. 2. Nahum*. Idem à posteris factitatum. Sic enim Cauius, ex Iudæorū vsu, pleraque noui testamenti loca, est cum laude interpretatus. Lyranus ex iisdem profecit persapè, nec non Burgenfis, Eugubinus, Olaster, & alij Hebraizantes, itemque Galatinus in opere de arcanis Catholicæ veritatis. Non sunt ergo omnes Iudæorum, & Rabbīnorum libri per omnia explodendi, aut reiiciendi. In quam rem consulendus est Mariana opusculo pro editione vulgata *cap. 27.*

Nec refert quod deterfa ab huiusmodi libris blasphemiarum in Christū, & Christianum nomen tetra admistiones, supersint adhuc multa in illis mendacia, atque figmenta; est enim Rabbīnis proprium quarto modo fabulari, & quæ nunquam fuerunt, eruntve vnquā, tanquam vera proponere; hoc, inquam non refert, quia licet hoc probet Rabbīnicos libros esse quidem in se malos, non tamen noxios, quia vt optime notat Theophilus Rainaudus nemo est adeo bardus Christianorum, vt in tanta absurdissimarum insulsiarum luce impingat, & stupiditati Rabbīnicæ ad stipulari velit. Vnde, etiam si omnis alia abef-

set utilitas, illa tamen semper suppetet, iudicandaque est non exigua, quod cum Rabbīnorum libris temporis partem aliquam iuuat concedere, summa stupiditatis eorum perspecta, & causâ tantæ ruditatis, quæ neminem latere potest, annotata, afficimur multo magis ad nostra, & in Christum lucem, ac sapientiam nostram libentius referimus.

Porro secundum quod seruatis ijs, quas adhibuimus, tēperationibus, Rabbīnicorum librorum vsus permitti potest, aliqua pro huiusmodi studio, præsertim in propria eorum lingua, sunt hic breuiter adnotanda. Primum ergo is, qui viuo in hac re præceptore destitutus esset, mutos deberet in auxilium, vocare præceptores, quales inter alios accommodatissimi sunt, Ioannes Mercerus, qui edidit commentarios in quinque prophetas minores, quibus adiunxit commentarios R. Salomonis, Aben Esræ, & Dauidis Kimchij latine versos Parisijs in folio. *Simcon de Muis, Hebraarum litterarum Professor Regius in Academia Parisiensi*, qui edidit commentarios Hebræo Launos R. Dauidis Kimchij, & R. Salomonis Tarchij in Malachiam, Parisijs in 4. Idem ibidem, edidit Psalmum 112. cum commentario R. Dauidis Kimchij. Idem latine vertit commentarios trium Rabbīnorum Salomonis Tarchij, Aben Esræ, & D. Kimchij in psal. 19. Secundò, cum præter modum generalem loquendi cum sermone, & stylo biblico convenientem, habeant Rabbīni multa propria & peculiaris, atque à sermone biblico diuersa, ad horum intelligentiam conducere poterunt Angelus Cauius, & Gilbertus Genebrardus in *Isagoge ad legēda & intelligēda Hebraorum sine punctis scripta edita Parisijs anno 1587.* Extat etiam in prima editione Thesauri Grammatici Buxtorfij, *instructio brevis ad lēctionem Rabbīnicam absque punctis vocalibus.* Tertiò quia etiam vsurpant Rabbīni in suis scriptis multas voces, quæ in biblijs non inueniuntur, sed ex populari ipsorū sermone desumptæ sunt: ad hanc dif-

ficul.

ficulatem in studio Rabbinico superandam inferuire possunt lexica à diuersis edita. Hac in re potissimum defudarunt, David de Pomis Iudeus in Italia, Guido Fabricius in Biblia regia Plantiniana, peculiari tomo, qui lexica quatuor continet, Valentinus Scindlerus in lexico pentaglotto, & Ioannes Buxtorfius tam in lexico Hebraico, cuius in fine adiecit *Lexicon breue Rabbinico-Philosophicum*, communiora vocabula continens, quæ in commentarijs passim occurrunt, quam in lexico Chaldaico; Thalmodico, & Rabbinico.

Quartò Rabbinii in Scriptura Sacra citanda, id ita solent facere, vt nec characterem varient, nec libros vel capita indicent; & quia plures indè possunt oriri difficultates: ad illas vincendas necessariæ sunt concordantiæ Hebraicæ ad loca illa quærenda, & inuestiganda. Prodierunt olim primò omnium Concordantiæ Hebraicæ Venetijs apud Danieleum Bombergum ann. Christi 1523. in fol. *Secundò* Basileæ apud Ambrosiū Frobenium, anno 1581. in fol. *Tertiò* anno 1621. Romæ quoque prodierunt nouæ Concordantiæ Hebraicæ, cum interpretatione locorum Latina ad lausposita, auctore R. P. F. Mario de Calasio Ord. Min. Obser. Prouinc. Romanæ, linguæ sanctæ professore. *Quartò* denique editæ sunt concordantiæ Hebrææ à Ioanne Buxtorfio Basileæ, anno 1632. quarum methodus tota est artificialis; radices enim secundum varietatem coniugationum, modorum, temporum, generum, numerorum, personarum &c. cum præfixis, affixis, &c. pariter nomina secundum differentiam numerorum, & cæterorum accidentium disponuntur: radicibus verò, siue primitiuis omnia deriuata ordine, & methodicè subiunguntur. Accesserunt etiam ad hanc editionem separatim, eadem tamen methode, nouæ concordantiæ Chaldaicæ omnium vocum Chaldaicarum, quæ in Daniele & Esdra continentur. Vltimò tandem quia vtitissimum est Rabbinis abbreviatè scribere, & vo-

Bibliæ Theol. Tom. V.

ces plures, in certas litteras contrahere, quas appellant *Rasche tenos*, capita, dictionum, sine harum abbreviaturarum cognitione nemo poterit in ipsorum libris, vel scriptis sine offensione progredi. Mediocrem earum catalogum recensuerunt Mercerus, & aliqui Grammatici, sed omnium fusiſſimè Ioannes Buxtorfius in peculiari tractatu quem *de Abbreniaturis hebraicis* edidit Basileæ in 8. vnà cum quibus habetur eiusdem *Bibliotheca Rabbinica*, in qua libri Rabbinici, quorumque tum indagari potuerunt, ordine alphabetico in aciem, sunt dispositi cum singulorum argumentis, & locis impressionis.

CAPVT IX.

De Cabalisticis Libris.

Cum vix intelligi possit, quid sint libri Cabalistici, nisi prius explicetur quid sit *Cabala*, à qua suam accipiunt denominationem, idè primùm de illa breuiter agemus. Cabala igitur si nominis etymologiam spectemus, dicitur à voce Hebrææ *Kabal*, quod significat *acceptationem*, cui respondet *dasio*, siue traditio quæ Masorah vocatur. Vnde Cabala olim apud Iudeos nihil aliud erat, quam scientia, vel doctrina de diuinis rebus per manus tradita, siue quod idem est non scripto primum, sed oroduntaxat, vel voce communicata, cuiusmodi apud nos est doctrina sacrarum traditionum à Christo, & Apostolis verbo tenus Ecclesiæ commissa. Ea enim quæ ad Dei legem, & religionem pertinent dupliciter, haberi possunt scripto nimirum, & doctrina non scripta, sed voce duntaxat tradita. Sic ergo præter ea quæ in Pentateucho scripta sunt, putauerunt Iudæi Moysen alia plurima cognouisse, quæ sacris litteris non sunt consignata, & tamen ab eo ad posteros per vocem sunt transmissa; priusque illud doctrinæ genus vocauerunt *Thorah bichshab*: posterius verò *Thorah bealpheh*. Quæ in re præter Rabbinorum

testimonia; qui vñ animicefferunt Moy-
sen tradidisse Iosue vtrique legem, id
est scriptam, & ore acceptam; Iosue
verò, senioribus, seniores, prophetis,
&c. habemus insuper auctoritatem SS.
PP. Originis homil. 5. in numeros ad
illud Roman. 3. *credita sunt illis eloquia
Dei*; vbi eloquia fecerunt à Scripturis;
Itemque Anatolij Christiani Doctoris
perantiqui, apud Eusebium lib. 7. histor.
cap. 28. ac S. Hilarij in psalm. 2. vbi sic
ait: *Ex tot iam à Mose, antequam is ve-
teris testamenti verba in litteris condi-
disset, tamen separatim quedam ex oc-
cultis legis secretiore mysteria, septua-
gentia senioribus, qui doctores deinceps ma-
nerent, intimaerant, Cuius doctrina
etiam Dominus in Euangelij meminit: su-
per cathedram Moysi, inquit, sederunt
Scriba & Pharisei; omnia ergò quacun-
que dixerint vobis, seruate, & facite: se-
cundum verò facta eorum, nolite facere.*
*Doctrina ergò horum in posterum, quæ ab
ipso Scriptore legis accepta, in hoc sento-
rum, & numero, & officio conservata
est.*

Loquendo ergò de Cabala, librisque
Cabalisticis sic acceptis, quibus videli-
cet ea à Mose non scripta, sed voce tra-
ditæ continentur, prout breuiter expli-
cuimus, fusiussque exponit Ioannes Pi-
cus Mirandulanus in Apologi princi-
pio, & quæst. 5. Serrarius tam in tract.
de Rabb. cap. 13. quam in cap. 10. Iosue
qu. 2. Nemini dubium esse potest hui-
usmodi libros non solum non esse con-
figendos, sed etiam laudatissimos, ma-
gnoque vsui esse posse, tam in disputā-
do cum Hebræis, quam in explicando
Sacram Scripturam. Si quidem nihil
aliud continent, quam legis scriptæ in-
terpretationes puras & nitentes, quas
tam paucis chartis explicare, distinc-
tæque satis explanare non potuit Moyses;
itemque maiorum consuetudines, ritus-
que, & vsus in populo Israelitico rece-
ptos anterioribus ætatibus. Vnde hic
notauerim, hoc inter Talmudicos, &
Cabalistas distasse, quod velut in vita
actiua illi versarentur, explicantes legē

allegorico sensu, & multiplici varietate
contextam: Hi verò magis contempla-
tivi, mentem legis ex maiorum tradi-
tione sectabantur, non ita ex littera, vt
piores.

Verum quia huiusmodi librorum
Cabalisticorum propriè dictorum nul-
lus iam reperitur, sed plures duntaxat
alii, quorum Catalogum recensuerunt
Andreas Masius in fine commentarij
Iosue, Nicolaus Serrarius lib. 1. Iosue
cap. qu. 2. & Buxtorfius in Biblioth.
Rabbinica; in quibus vera Cabala, per
nonos Iudæorum Rabbinos innumeris
superstitionibus, erroribus & nugis de-
prauata legitur, cuiusmodi sunt, quod
de lege in igneo globo scripta; cuiusque
litteris variè postea permutatis commu-
niscuntur: Item quod de 72. Angelis
ab ipsis ideo effictis, quia 70. sunt por-
tæ sapientiæ, vt aiunt, & 22. Hebraici
alphabeti elementa, & quorum coniun-
ctione nascuntur 72. præterea, quod de
alijs item Angelis fingunt, qui Adami,
& aliorum præceptores fuerint; quare
quod occulta Dei nomina apud se exte-
re mentiuntur, quorum ad prestigias, &
ad ligandos Dæmones, alique de qui-
bus Martinus Delrio lib. 1. diliquit. Ma-
gicarum cap. 4. quæst. 3. vsus esse illu-
strem, celebrant; ijsque compertis, Chri-
stum patrasse miracula, quæ edidit stul-
tè affirmant, vt alias notauimus, & ex
eis refert Sixtus Senensis lib. 2. *Biblioth.
verbo Esdras*. Quintò, quod de mira-
bilibus, per certos characteres, ac vo-
ces edendis fabulantur, apud Reuclini
lib. 3. quem Genebrardus lib. 2. *Chrono-
logia*, his nugis, & commentis proden-
dis, sine confutatione, eorum le consti-
tuisse patronum; eique ad stipulatos esse
Paulum Riccium, & Ioannem Picum,
demiratur; addens talè fuisse negotium,
vel potius otium Marini, & Colorbassi
discipulorum Valentini, qui cuncta suæ
Religionis mysteria è litteris Alphabeti
Græci probare conati sunt, vt est apud
S. Irenæum lib. 1. cap. 9. & 10. Cum his,
inquam, alijsque similibus erroribus ob-
secrata reperitur Iudæorum Cabala,
libri.

librique Cabalistici, omnino ex hac parte inter malos, & noxios, confixioneque dignos libros recenseri debent.

Cœterum quia multa etiam circa litterarum apices, numeros, transpositiones, anagrammatismos, allusiones, amphibologias, homonymias, vocum inuersiones, ad ingenii exercitationes valere possunt, semel sublati, ac recisis ex hodierna Cabala superioribus erroribus, & aliis, qui scilicet cum Dei verbo, Ecclesiasticisque canonibus, & dogmatis pugnant, potest illa retineri, & sine noxa usurpari. Quod ut patet, præter illa quæ lib. 3. huius operis, sect. 7. cap. 4. diximus, notandum est totam hanc artem Cabalisticam duodecim regulis, quas artis periti vias intelligentiarum vocant, comprehendî. Vbi intelligentiæ non sumuntur pro his intelligentijs, quas Rabbini tribuunt singulis triginta duabus semitis, & Angelis, quos dicunt esse præfectos, & principes diuisionis, & orbis terrarum Angelos, quia huius generis intelligentiæ nomen est apud eos sæecoli sed accipiuntur pro acquisita intelligentia, quæ latine doctrinâ vocare licet, quam quidem Moyses, & alii Sacri prophetae in scribendo obseruauerunt, quam Hebræi antiqui à senioribus ore tenus accipiebant. *Prima* ergo intelligentiarum iuxta prædictam acceptionem via, est interpretatio litterarum alphabeti triplex, scilicet iuxta primitiuam positionem: deinde iuxta ordinem rerum ordinarum, & tertio iuxta significationem numerorum, quos denotant. *Secunda* est interpretatio dictionis, secundum proprietatem alicuius litteræ in ea materialiter positæ. *Tertia*, edificatio, per transportationem litterarum, vel syllabarum. *Quarta*, Notariacôn litterarum omnium sigillatim, in dictione contentarum. *Quinta*, Notariacôn à principio dictionum. *Sexta* Notariacôn à fine dictionum, *Septima* Notariacôn à capite, medio, & fine in tribus, vel pluribus dictionibus, secundum ordinem legendi Hebræum, hoc est à dextra ad leuam. *Octaua* Notariacôn à capite, medio,

& fine in tribus dictionibus contra ordinem legendi Hebræum à sinistra ad dexteram. *Nona*, additio *Arithmetica*, numerorum, quos exhibent litteræ dictionis, vel orationis. *Decima*, additio numerorum per reduplicationem mysticam. *Vndecima*, permutatio litterarum, aut syllabarum, ex affinitate quadam litterarum inter se. *Duodecima*, permutatio litterarum ex combinatione in arte recepta. Quorum omnium fusior explicatio, & exempla cum sint extrapælens institutum, sufficit prædicta breuiter attingisse, possunt interim de illis consuli Christoforus lauretus Agenducensis in libello, quem Parisiis de hac materia edidit 1610. Eusebius Bâbergensis de origine Sacre Scripturæ Alcazar. in Apocalips. Lelius Bisciola 10. 2. sub lib. 2. cap. 12. Blasius Vigenere in eruditissimo opere de notis. Guillelmus du four in Grammatica Hebræica Parisiis; Theophilus Rainaudus in tractatu de bonis, ac malis libris partit. 1. Eorem. 13.

CAPVT X.

De Masorethicis libris, siue Masora Hebræorum.

Circa huius nominis *Masora*, vel ut alii scribunt *Masfara* etymologiam, deriuatur à radice, siue themate *masar*, hoc est, *tradidit*. Hinc *Masora*, siue *Masoreth* significat traditionem, vel rei de manu in manum, vel doctrinæ ex animo in animû mediâte docentis voce, qua ceu manu doctrina alteri traditur. Minus tamen amplè *Masora*, de qua hic est sermo, sumitur, significatque tantum doctrinam Criticam, à priscis Hebræorum sapientibus circa textum Hebræum Sacre Scripturæ, ingeniosè inuentam, & traditam, qua versus voces, & litteræ eius numeratæ, omnique ipsarum varietas notata, & suis locis cû singulorum versuum recitatione indicata est, ut sic constans, & genuina eius lectio cunseruaretur, & ab omni mutatione,

tione, aut corruptione æternum præseruaretur. Vnde *Masora* differt à *Cabala*; quod hæc quidem traditio sit, verum Theologica, deque rerum, & verborum secretiore enunciatione, siue circa sensum: *Masora* autem traditio tantum Grammatica, circa textum Sacre Scripturæ, siue de punctis, accentibus, syllabis, vocalibus, & similibus minutis.

Quinam huius *Masoræ* authores, siue *Masorethæ* veri fuerint, ubi, aut quando vixerint id ex Hebræorum libris Chronologicis, aut præca historia Hebraica, aut ipsismet *Masoretharum* scriptis certo & indubitato sciri nequit: indeque duplex hac de re apud Hebræorum Rabbinos orta est sententia. Prima, Sapientes Tiberienses, siue vrbis Tiberiadis, eius authores fuisse; Altera à viris Synagogæ magnæ, siue Concilii Magni à Propheta Esdra conuocatis, eam conscripam.

Primam sententiã qui sequuntur, non tantum *Masoram* Sapientibus Tiberiadis attribuunt, sed insuper punctorum, vocalium, & accentuum primos inventores eos esse volūt, & id post Talmud. Hanc tamen sententiam quo ad primam illius partem, minus probabilem esse, constat ex eo, quod in utroque Talmud hoc est Hierosolimitano, & Babilonico nominis *Masoræ*, & rerum præcipuarum in ea contentarum sit mentio, ut pluribus demonstrat Ioannes Buxtorfius in comment *Masoretico* cap. 8. Hinc enim aperte sequitur, *Masoram* cum suis authoribus eatenus ante Talmud extitisse ac proinde non esse demum à Iudæis Tiberiensibus post Talmud Babilonicum factam; sed potius à viris Synagogæ Magnæ sub Propheta Esdra cōgregatis eius primordia cepisse, quantum ad sacrorum librorum definitionem, eorundem partitionem, textus in sectiones maiores, & versus distinctionem, vocum veram scripturam & lectionem, earumdemque, ut & litterarum, dinumerationem, ne vel apex in posterum mutari posset, aut excidere. Quid verò de

altera parte sentiendum sit, scilicet vocalia puncta, & accentuum figuras ante Talmud Babilonicum non fuisse; sed Sapientes Tiberienses postea istam artem prudenter inuenisse, & *Masoram* de illa conscripisse, patet ex dictis lib. 3. sect. 1. Tantum de nomine *Masoræ*, eiusque authoribus, siue causa efficiendi, nunc alias eiusdem causæ breuiter explicemus.

Igitur quod spectat ad materiam ex qua constat, vel circa quam versatur *Masora*, sunt annotationes Criticæ, siue censoriæ circa textum sacre Scripturæ Hebraicum, quem recenset iuxta versus, voces, & litteras. In versibus notatur primò numerus per singulos libros Biblicos, simul etiam quinam sit medius eorumdem librorum versus; secundò considerantur iidem versus quantum ad varias ipsorum affectiones in vocibus, & litteris; V. g. quod vnus versus constet ex quadraginta duabus vocibus quæ habent litteras ceterum & sexaginta: Ierem. a. 1. 7. quod tot versus in lege reperiantur, qui incipiunt à tali, & exeunt in talem litteram; in quibus sunt duæ voces synonymæ coniunctæ, in quibus prima, & vltima vox eadem est; & sic deinceps. In vocibus obseruatur, primo genuina ipsorum scriptio & lectio, ubi diuersitas aliqua occurrit: Secundo, ubi cum litteris quiescentibus fuerint scriptæ plenè, vel absque ijs desinunt: Tertiò, situs & locus ipsarum in principio, medio vel fine versus, & quam formam vel per se, vel propter accentum aliquem habuerunt: Quarto structura, & coniunctio ipsarum cum aliis vocibus, vel compositio cum litteris similibus; Quintò, significatio ubi ambiguitas id requisit: Sextò sæpè notantur voces vocalibus, & accentibus differentes, ubi peculiaris quedam obseruantia, aut differentia id postulare videtur. In litteris denique attenditur qualitas in figura, maiuscula, vel minuscula, inuersa, vel punctata extraordinarie; secundò quantitas in numero, v. g. quot sint litteræ omnium librorum sacre Scripturæ. Hæc inquam,

inquam, & alia similia sunt circa quæ examinanda Masora, Masoretharumque libri, tanquam circa propriam materiam occupantur.

Quantum iam ad methodum qua id fit, quaque forma Masoræ non incongruè vocari potest, aduertendum est illam, qualis hodiè reperitur in libris impressis, non eandem esse, quæ fuit olim in manuscriptis. Cui enim Masora primum in separatis à textu biblico libris consignaretur, postmodum verò per partes à Scribis ad textum ascriberetur, sed confusè, & defecè, in hac forma substitit, usque ad publicam impressionem, quam sub initium superioris sæculi instituit Daniel Bombergus Typographus Veneris, ubi sequens ordo & forma cernitur. Masora duplex est: *Magna*, & *Parua*, quarum communis affectio est, numerorum per litteras alphabeti numeralis notatio. Masora Magna est, quæ versus, voces, & litteras Sacra Scripturæ numerat, earumque varias affectiones annotat. Quod quia fit, vel separatim extra textum Scripturæ in fine Bibliorum, vel coniunctim cum ipso textu in superiore, vel inferiore margine eius, hinc Masora Magna, respectu loci, quem in impressis Bibliis occupat, duplex est, finalis, & textualis. Masora magna finalis ordine alphabetico procedit, propositis vocibus, prout à duabus primis in radice sua litteris incipiunt. Prius tamen in vnaquaque alphabeti littera generalia, & communia quædã proponuntur, quæ duntaxat ad istam litteram, cuiusque affectiones cõmunes spectant. Deindè progressus fit ad voces ipsas, quæ à quaque alphabeti littera incipiunt, secundum formam radicis, siue initii vocum, siue ex primitiis sint, siue derivatiuæ. Loca autem biblica, in quibus continentur, licet statim adducantur, vel ad Masoram textualem remittantur, illorum tamen, neque libri, neque capita vnquam citantur, sed ea ex concordantiis hebraicis inuestigan-

da sunt. Masora verò magna textualis est, quæ ad textum cuiusque folii ascripta est, cuius voces quasdam præcipuas recenset: Occupat locum proximè supra, & infra textum, quandoque etiam ad latus, ubi glossæ vel cõmentaria Rabbinica deficiant. Quilibet glossa masorethica duobus punctis clauditur. Porro Masoræ, quæ in vestibulo singulorum librorum circa primam vocem maiusculam, in quadrangularem figuram deductæ, proponuntur, non semper ad istius paginæ textum pertinent, sed communia quædã plerumque continent, elegantie & decoris causâ magis, quàm necessitatis ratione ibi posita. Tandem Masora parua est, quæ litteris numeralibus, vocibus deurtatis, & symbolicis, ad latus textus interius, aut ad latus exterius, si paulò prolixior sit, breuiter, & succinctè describitur.

Ex dictis faciliè colligitur finem Masoræ non alium fuisse, siue Masoram à Viris Sinagogæ magnæ, vel aliis nõ ob aliam causam institutam fuisse, quàm vt certâ, constans & inuariata textus Hebraici lectio in æternum conseruaretur, nec vlli vnquam occasio foret, vel vocem, aut litteram minimam in textu alterandi, commutandi, addendi, vel subtrahendi. Verùm vt nihil tam vtile & laudatum, nihil tam perfectum, & numeris absolutum est, quod iniquorum abusu non subiaceat, sic Masoræ huic accidit.

Igitur quod attinet ad Masoræ auctoritatem, eadem ratione de illa, ac de Cabala superiori capite, discurrendum puto, videlicet Masoram, si iuxta primam consideretur institutionem fuisse opportunissimum mediũ ad prædictum finem. Sed quia eiusmodi Masora, librique de illa non amplius reperiuntur, sed plures alij, qui infinitos errores in Masoram introduxerunt, cohærentiã diuellendo, diuersa vniendo, natiua vnius loci in alienũ solum transplantando, detrahendo, addendo, commutando, hinc Masore-

thici

thici, qui nunc extant libri, cautè legendi sunt; præsertim etiam, quod eorum authoribus plerumque nihil magis cordi sit, quàm vt à fide in Christum, atque ab eius aduentu, ac redemptione generis humani homines auertant.

CAPVT XI.

Referuntur authores, qui aduersus Iudeos, vel de rebus ad illos pertinentibus scripserunt.

Licet ab Ascensione Christi Domini, multæ inter Apostolos, nec non eorum discipulos, & inter Iudeos disputationes intercesserint. Primus tamen omnium, cuius in hac materia post Scriptores Sacros, opus habemus, est Iustinus Martir, qui floruit circa annum Domini 150. & scripsit librum vnum, siue dialogum aduersus Triphonem Iudæum.

Anno 230. Tertullianus scripsit euius librum vnum aduersus Iudeos.

Anno 250. S. Cyprianus Episcopus Carthaginensis edidit libros tres ad Quirinum contra Iudeos. Inter opera eius dubia, vel supposita, habetur quoque tractatus de Iudaica incredulitate ad Vigilium; item de Iudæis qui insecti sunt Christum. Anno 380. S. Gregorius Nyssenus scripsit de Trinitate contra Iudeos. Anno 391. S. Ioannes Chrysostomus habuit quinque orationes aduersus Iudeos tom. 4. Anno 420. Diuus Augustinus scripsit orationem aduersus Iudeos tom. 6. Inter opera Cyrilli Alexandrini, qui floruit circa annum Domini 430. extat liber aduersus Iudeos cum quæstionibus; Anno Domini 630. S. Isidorus Hispalensis scripsit libellos duos ad Florentiam contra nequitias Iudeorum. Anno 680. S. Iulianus Episcopus Toletanus scripsit aduersus Iudeos tres libros ad regem Eruigium, qui extant in Biblioth. veterum Patrum. Anno 1090. Samuel

Marochianus ex Iudæo Christianus scripsit vtilissimam epistolam, siue librum de aduentu Messie, & de iis, quæ Iudæi moderni negant, & ob quæ in Iudaismo obstinatè perseuerant habetur in Biblioth. veter. Patrum. Anno 1315 Porchetus de Saluaticis Genuensis Monachus Carthusianus edidit tomum vnum inscriptum Victoria Porchetti, in quo ex ipsismet Rabbinis eorum perfidiam plenissimè conuincit; Parisiis editus fuit anno 1520. Nicolaus Lyranus qui floruit circa annum Domini 1320. scripsit librum contra Iudeos, qui habetur in fine vltimi tomi glossæ ordinariæ; vnà cum alio tractatu aduersus quemdam Iudæum, ex ipsismet Euangelii verbis Christum, & eius doctrinam impugnante. Anno 1438 Sanctus Bernardinus Senensis plures sermones contra Iudeos scripsit. Anno denique 1490. Iacobus Peres de Valeria Episcopus Christopolitanus edidit tractatum vnum contra Iudeos, qui habetur in fine commentariorum eius super psalmos, & Ecclesiæ Cantica.

Hos deinceps secuti sunt multi Scriptores recentiores, Alphonsus, Paulus Burgenis Episcopus, Paulus Ercadia, omnes ex Iudæo Christiani; Raymondus in suo pugione, Paulus Venerus Augustinianus, Petrus Galatinus Franciscanus, Hieronymus à Sancta fide Medicus in fortalicio fidei; Hadrianus finis Ferratiensis libro ybere, & erudito qui inscriptus est, *Flagellum in Iudeos*; Paulus Ritus Neapolitanus, Franciscus Torrensis Theologus Societ. Iesu lib. de exponenda lege per omne Sabbathum Iudæis; Iosephus à Costa de Christo reuelato. Ludouicus Caretus libro epistolari adhortatorio ad Iudeos, siue libro *Visorum Dininorum*. Silicenus in *triumpho Crucis*; Ioannes Figuerola Valentinus; Petrus de la Caualeria Casaraugustanus; Dominicus Garsia in *propugnacul. Christ. Relig.* Zacharias Bouerius in demonstrat. Catholic. de Messia diuinitate, & de Iesu Christo Messia; Iosephus de Voisin.

Bur-

Burdigalensis in libro inscripto, *Theologia Indaeorum*, siue *opus*, in quo rem ipsam, quæ nunc Christiana Religio nuncupatur, etiã apud antiquos fuisse, priusquam Christus veniret in carne, ex Hebræorum libris ostenditur. Errores verò, quos post natum Christum Iudæi per fraudem, & maliciam attule-

runt, coarguuntur. Parisijs 1647. in 4. Simon Maiolus in opere quod inscripsit *Dies caniculares*, in colloquio de perfidia Iudæorum. Dionysius Petavius tom. 1. Theol. Dogmat. lib. 10. cap. 22. & sequentibus nonnulla habet de Mosaica lege, ac veteri testamento scitu digna.

SECTIO OCTAVA.

Aduersus fatuam Sæctæ Mahumetanæ superstitionem.

CAPVT PRIMVM.

De origine, & progressu Sæctæ Mahumetanæ una cum breui idea rerum in hac Sectione tractandarum ad eius consuetudinem.



T nomen, ita & originem Sæctæ Mahumetanæ dedit impius Mahomet, seu Mahumetes, quem etiam S. Ioannes Damascenus Mamedium vocat. Hic pro vulgari libri Mahumetanorum referunt, præsertim liber *Agar* maximè apud eos autoritatis, de Ismaelis filij Abrahæ ex Agar, ancilla Saræ vxoris Abrahæ, progenie, patre Abdallha, matre Imia Mechæ natus est circa finem quinti sæculi; in infanti ahuc ætate parentibus orbatu cuidam mulieri, Limæ nomine traditur educandus vsque ad 16. suæ ætatis annum; à quo vsque ad 25. mulieriam, vel camelariam exercuit, cuidam mercatori prædiuiti, consobrinæ ipsius Mahumetis, nomine Gadisæ, marito feruens: quo mortuo, ipsemet Mahumetes factus est eiusdem Gadisæ vir, & ex ea tres suscepit filias, vnã nomine

Biblioth. Theol. Tom. V.

Fatemat, alteram nomine Zainaba, tertiam nomine Vmicult, & filium nomine Cazin, qui duodecimo suæ ætatis anno excessit è vita: à 25. vsque ad 38. annu Mahumetes, iam per coniugium cum consobrina sua diues effectus mercaturam exercuit.

Cum ad illud vsque tempus Idololatrarum parentum morem secutus vixisset, & palam cum cæteris Mechen-sibus Mecæ idolum Aleto Aloza vocatum adorasset, tum eremiticam vitam colere cepit, & quotidie solitarius in speluncam quandam dictam speluncam heræ secedebat, ibique totum diem infumebat, in quoniam ignoratur, nisi quod præcitatus liber Agar asserit, eum tunc Deum celi colere capisse, seque à cultu Idolorum, quæ Mecæ colebantur custodisse. Refert præterea idem liber, Mahumetem in ea spelunca in tantum cibo abstinuisse, vt inde insanus aliquando factus fuerit; alter autem liber

K k k titu-

titulo *Affixi* cum libro *Agar* concordans narrat Mahumetem ibi commorantem, audire solitum voces, & sermonem loquentis, loquentem autem ipsum cernere non potuisse; quod cum uxori sue Gadizæ retulisset, illaque respondisset eiusmodi nonnisi à diabolo fieri in eius deceptionem, inde ob nimium mororem in furorem versum, rupem montis conscendisse, ut se præcipitem ex illa daret, secum reputans, præstare morti, quam insanum haberi; verum talia meditant, in eadem spelunca Gabrielem Archangelum in sua specie, & alis candidis apparuisse hæc locutum; *O Mohammed Deus mittis ad te salutem, & annuntias tibi, quod tu es Propheta Dei, & Apostolus Dei, & optima creatura Dei.*

Ibidem præterea refertur Angelum Mahumeti dixisse, ut sequentem legeret scripturam; *O Mohammed, lege in nomine Domini tui, qui creavit hominē, lege in nomine Domini tui honorabilissimi, qui docuit calamā, docuit hominē quod ignorabat;* Et tunc, inquit, præfati libri, Gabrielem Archangelum dedisse Mahumeti primum Alchorani caput, cui titulus est *Souret elchalam*, id est, *caput de Calamo*. Sequitur liber *Agar*, quod post Angeli discessum, hilarem Mahumetem domum reuerrentem bruta, & arbores salutabant, verbis illis statim relatis; *O Mahomet gaude, quia tu es Apostolus Dei, & optimus omnium;* domum autem reuersus omnia uxori narrauit, quæ contingerant de Angelo, de prophetia, Apostolatu, &c. qua iterum respondentes se vereri ne talia ex diaboli acciderent illusionē, Mahumetes anxius, rigoreque correptus, iussit se linteis, & vestibus in lecto decumbentem operiri; & tunc, inquit liber *Agar*, attulit ad eū, idem Gabriel Archangelus caput secundum Alchorani, cui titulus est *Souret Elmaddar*, id est, *caput de Operto*.

Quod caput statim uxori Mahumete ostendente, eandem quam prius dedit illi responsionē scilicet hoc aliun-

dē quam à diabolo prouenire non posse; Verum circa mediam noctem illa subiunxit, quod si verē ille Angelus esset, & non dæmon, iterum atque iterum, & pluries ad eum regressurus esset, aliās secus; quare, Angelo nondum reuerrente, sollicitus erat per totam noctem Mahumetes; illucescente autem aurora, ecce, inquit *Agar*, Angelus cum tertio Alchorani capite, cui titulus *Souret Elfabis*, id est, *caput*

Quod etiam cum narrasset uxori, consimilemque de illusionē diaboli responsionem illa dedisset, monens insuper eum, ne crederet quidquam, nisi Angelus utrius se videndum præberet, tunc dixit Mahumetes hoc fieri non posse, eamque in Angelum respicere nequire; deinde seruum suum Zaidū nomine, quem tanquam filium, seu vernaculum ab infantia habuerat vocauit, eique dixit, si cum vellet credere Prophetam Deique Apostolum, se ab eo manumittendum, qui statim respondit se crediturum. Quare Zaidus iste fuit primus Mahumetis sectator, sanciuitq; Mahumetes, quemlibet seruum cuiuscumque, vel religionis, vel sectæ, eo ipso quod Mahumetanam vellet amplecti, etiam inuito domino, liberum esse.

Sic igitur quadragesimo Mahumetis anno, qui fuit à Christo nato sexcentismus circiter trigessimus, Secta Mahumetana primā suam habuit originem, Tunc enim Mahumetes propheta à Zaido creditus est; tuncque etiam Gadizæ vxor Mahumetis, & quidam alii serui & mæcipia clam pro tali susceperunt; quibus secretō, domi sue quicquid vellet credendum proponebat, vera falsis permiscens ad fucanda mendacia; indeq; multos decepit idiotas, & idololatrias, quibus facillē fuit, Idolum, quod in templo Mæcæ colebant, suadere Deum non esse; & vnus Dei tantum, non verō Deorum pluriū, esse fidem colendam; abutens auctoritatibus, & mediis, quibus veri Dei Propheta, & Apostoli ad veram Dei legem

legem suadendam vñ fuerunt : cum enim illi ad Christianam religionem de Idololatria homines eduxissent, ipse Mahumetes de Idololatria in falsum Dei vnus cultum traxit, cum potuisset trahere ad verum.

Quæ autem in Alchorano à Mahumete composito, suisque sectatoribus ad obseruandum tradito reperiuntur ex diuinis permixta Scripturis, aliqui dicunt ea accepisse à quodam Monacho Sergio dicto, qui ob Nestorianam hæresim è monasterio Constantinopoli eiectus Mecæ manebat; alij verò, cum quibus concordat liber Agar, & Glossa super cap. 7. libri 3. Alchorani, asserunt adiutores Mahumetis in hoc fuisse quosdam seruos cuius cuiusdam Mechenensis, gladiatorum fabros, Christianos, à quibus pleraque de sacris libris audiebat, & ita in chyrographis apponebat : Indèque factum est, vt tot ex illis mutilata, confusa, & etiam variata in Alchorano inueniantur; adeoque ex historiis deriuarint in fabulas, & pueriles nenas; sicut ea attentè, & sine passione meditantur fiet palam; Artifices enim gladiatorum, quamuis Christiani Scripturarii non erant, vt benè scripturas, earumque historias callerent, & Mahumeti narrarent. Notant etiam aliqui cum, vt omnem qualemcumque populum ad suam sectam facilius alliceret, doctrinā suam ex omnium siue veræ, siue falsarū religionum quibusdam articulis corrasisse, aliis insuper additis figmentis.

Nam ex vera fide desumpsit articulū docentem, *Vnum esse Deum, Creatorem celi, & terræ*, negauit autem illum esse vñ in tribus personis realiter distinctis Patre, Filio, & Spiritu Sancto, vt faueret Sabellianis Sanctissimam Trinitatem, Arianis Verbi, & Macedonianis Spiritus Sancti diuinitatem negantibus.

Ex Secta Iudeorum circumcissionem & abstinentiam à carne suilla accepit; vndè & Iudei primitus ipsi vt Melsiæ dicuntur adhæsisse, verum, quia postea viderunt immundā scilicet cameli carnem contra legis præscriptum comedere

Biblioth. Theol. Tom. V.

re, loco Sabbathi diem veneris colere, à vino abstinere, circumcissionem non octauo die, sed circa 15. ætatis annum seruare, ab eius obedientia se subtraxerunt.

Quo ad doctrinam verò Christianā, ex illa præter fidem vnus Dei, etiam professus est, quod Christus Dominus sit Dei filius, & eius spiritus, isque ex Maria Virgine sine semine generatus, vt refert S. Damascenus lib. de hæres. verumtamen iuxta Arianam hæresim teste eodem asseruit illum non esse Deum, sed creatum, & seruum, ac Prophetam Dei; rursus ex hæresi Manichæorum docuit; *Iudeos iniquè, & contra leges Christum in crucem agere voluisse, & cū eum tenuissent, eius quidem umbrā egisse in crucem, Christum autem nec in crucem actum; nec mortuum esse, Deum enim ad se in celum transfuisse, quod ei esset charissimus, &c.*

Cum modo prædicto Mahumetes prima suæ sectæ iecisset fundamenta, post aliquantum temporis, factum est, vt potens vir Mechenensis, nomine Omar, ipse Mahumetis socer, & quidam alii, nempe Hamza & Alabez, patrui ipsius etiam Mahumetis, & Ali gener eiusdem, & alius etiam Mecheniū potentissimus Vbechar, qui etiam deindè socer factus est Mahumetis, fierent Mahumetani, seu Mahumetis sectatores; & exindè eius secta propalari, & propagari cepit; præfati siquidem viri, quod secretò prius fiebat, voluerunt palam legi Alchoranū, simulque ad illum audiendum conuenire : & ita per decennium res durauit, donec nouem Mahumetis patrui, ac reliqui Mechenes irati, ob doctrinæ nouitatem, illum occidere decreuerunt; sed ipse cum suis noctu aufugit Mediam, ibique vndecies quosdam Iudeos vicit, illosq; tributo subiecit, vndè paulatim redditus potentior, cum Mechenibus prælia commisit, & tandem superauit; sicque factus Imperator, seu Rex ipsorum nedum legem suam stabiliuit, sed Imperio Arabum, quod postea fuit potentissimum, initium dedit; animad-

utrens autem præfatam legem ad examen rationis deficere, illâ expendi prohibuit, sed armis & vi tantummodo firmari, defendique voluit. Quare non mirum si in tanta, quam præcipit rerum præsertim ad religionem spectantium ignorantia, legeque Mahumetana cupiditatibus hominum carnalium lenocinante, & libidinosa naturâ feruiente, addita armorum vi, tantum durare potuit, ac dilatarî, vt infra diceretur.

Et si autem in illa diuisione, qua infidelitas diuiditur in Paganismum, Iudaismum, & heresim, Mahumetani sub primo comprehendantur genere, quia tamen præ cæteris Paganis habent, quod Sacras tam veteris testamenti, quod vocant Tora, quam nouæ, quod vocant Ingil, Scripturas admittant; inde etiam fit, quod præter communem agendi modum aduersus Paganos, tum negatiuû, hoc est soluendo omnia eorum argumenta contra fidei nostræ veritates, vt ostendimus sec. 1. tum positiuû, hoc est adducendo omnia motiua, & fundamenta, quibus est euidenter credibile, præfatas veritates fuisse diuinitus reuelatas; præter hos, inquam, aut similes modos, suppetit nobis alius specialis tractandi cum Mahumetanis, scilicet ex diuinarum Scripturarum autoritate; At quia, vt illarum vim effugiant, ne uel quam continent veritatem suis mētibus introritant, & à suis consequenter erroribus resipiscere cogantur, respondent præfatas Scripturas fuisse à Christianis corruptas, & adulteratas, primum ostendere conabimur hoc esse falsum, sed Sacras Scripturas legitimas extare modo in Dei Ecclesia, sicut in primitiua; deinde cum religionis alicuius, seu doctrinæ; & leges illam constituentis veritas, aut falsitas penes quinque potissimum attendi debeat; primò penes eum, cui creditur; secundò penes illud, quod creditur; tertio penes illos, qui credunt; quarto penes modum, quo credenda stabiliuntur; quinto penes eos, qui non credunt; tot capitibus ostendemus; præfatis omnibus modis falsam esse Mahu-

metanorum religionem; nam quod ipsi dicunt vnumquëque in sua saluari posse religionem, vanum esse, & impium sufficienter demonstrauimus sec. VI. Tandem in arguendo contra illos, sicut in diabolicis disputationibus, ac iudicijs contentiosis plerumque solet accidere, aliquibus per eos concessis vtremur, quæ occasione data intentioni nostræ magis fauere, aut suffragari poterunt: hoc enim modo, vt ait S. Thomas lib. 2. contra Gentes cap. 2. vñ sunt frequenter Doctores antiqui, in confutandis, ac destruendis Gentilium erroribus.

CAPVT II.

Ostenditur Sacras vtriusque Testamenti Scripturas à Mahumete, & eius sequacibus admissas, non fuisse in uniuersum corruptas, vel adulteratas, vt ipsi contendunt.

IN vera, ac sancta Dei Ecclesia olim sub veteri testamento apud Iudeos, & in nouo, à Christo Domino vsque, ad præsens tempus apud Christianos, sacrarum scripturarum libros, tanquam diuina, diuinitusque reuelata continentes mysteria, & mandantes præcepta, hos semper fuisse satis ostendimus to. 2. nempe Pentateuchum Moysis, Hebræicè Tora quinque libros còplectentem, id est.

Genesim.

Exodum.

Leuiticum.

Numerorum librum, &

Deuteronomium.

Item librum Iosue.

Iudicum.

Ruth.

Quatuor libros Regum, quorum primus dicitur prior Samuelis, secundus Samuelis posterior, tertius, qui secundum Hebræos, est Regum primus; quartus, qui secundum Hebræos, est Regum secundus.

Duo item sunt libri Paralipomènon.

Duo libri Esdræ, quorum posterior dicitur

citur alio nomine liber Nehemiæ .

Liber Tobie .

Iudith .

Eſther .

Job .

Pſalmi centum quinquaginta .

Prouerbia Salomonis .

Eccleſiaſtes eiufdem .

Canticum Canticorum eiufdem .

Liber Sapientiæ .

Liber Eccleſiaſtici .

Deinde ſunt Prophetæ ſcilicet .

Iſaias .

Ieremias .

Baruch .

Ezechiel .

Daniel .

Oſea .

Ioel .

Amos .

Abdias .

Ionas .

Michæas .

Nahum .

Habachuc .

Sophonias .

Aggæus .

Zacharias .

Malachias .

Et tandem duo Machabæorum libri .

Qui omnes ſpectant ad vetus Teſtamentum, & ſignificantur apud eos etiã, qui lingua Arabica vtuntur, nomine *Tora* .

Ad Teſtamentum verò nouum ſequentes libri pertinent .

Euangelium ſecundum Mathæum .

Euangelium ſecundum Marcum .

Euangelium ſecundum Lucam .

Euangelium ſecundum Ioannem .

Acta Apoſtolorum .

Epistolæ Sancti Pauli 14. ſcilicet .

Vna ad Romanos .

Dux ad Corinthios .

Vna ad Galatas .

Vna ad Ephesios .

Vna ad Philippenſes .

Vna ad Coloſſenſes .

Dux ad Theſſalonienſes .

Dux ad Timotheum .

Vna ad Titum .

Vna ad Philemonem .

Vna ad Hebræos .

Item epistola Iacobi minoris vna .

Dux Diui Petri .

Tres Apoſtoli Ioannis .

Vna Iudæ, cognomento Thaddæi .

Et vltimo liber Apocalipſis Beati Ioannis Apoſtoli .

Cum omnes enumerati libri tanquã à Deo compoſiti per Sanctos eius Prophetas, & Apoſtolos ſemper in Eccleſia fuerint, & etiã nunc ſint venerati, nõ ſine diuinæ prouidentie diſpoſitione factum eſt, vt Mahumetis in Alchorano non tantum diceret nomina eorum, & nomina Prophetarum indicaret, verſu etiã plurima inde verba reſſeret, vt ſuſpicio de mutatione libri nõ obuenerit; quod quia Mahumetani non aſſerunt, ſed tantum multa in illis fuiſſe adulterata, propterea non reſero omnia loca ſigillatim Alchorani, in quibus dictorum librorum ſit mentio, ſed tantum, hic probare intendo illos nunquam fuiſſe corruptos, vt aſſerunt aduerſarij .

Primum argumentum deſumitur ad hominem ex Mahumete in Alchorano *cap. de Iona*, vbi Deum ita loquentem inducit; ſi de quibus vobis reuelauimus, ſcilicet ex diuinis Scripturis, dubitatis, quærite ab his, qui priuſquam vos librũ legerunt. Qui autem ante Mahumetanos Sacrarum Scripturarum librum legerunt, ſunt Iudæi, qui vetus, & Chriſtiani, qui illud ſimul cum nouo tanquã eius figuram ſuſceperunt, vt ipſemet Mahumetes exponit *cap. de Vacca*; dici ergo non poteſt tempore Mahumetis, aut ante illud, iam fuiſſe in vniuerſum ab illis corrupta; patet conſequentia; ſi enim tunc res ita ſe habuiſſet, Mahumetes nomine Dei non dixiſſet recurrendũ eſſe ad Iudæos, & Chriſtianos, in ijs quæ ad Scripturas pertinent, ſtandumque eſſe eorum relationi; aliã verus, vt Mahumetani dicunt, Prophetã nõ fuiſſet, qui ipſos ad falſos teſtes, diuinarumque Scripturarum corruptores remiſiſſet, à quibus potius tanquã à falſarijs cauere

cauendum omnino esse. præcipere debuisse. Si autem tunc temporis sacri libri non erant corrupti, nec tales etiam dici possunt, qui modo extant, cum sint ijdem prorsus cum illis, quos ab Apostolis, eorumque discipulis suscepimus, ut patet ex consensu omnium testimoniorum, quibus modo ex illis utimur ad probandam Trinitatem, Verbi Divini Incarnationem, & alia similia fidei nostræ mysteria, in quibus potissimum contendunt Mahumetani Evangelium fuisse à Christianis corruptum, cum illis, quæ in eundem finem citantur ab antiquis Ecclesiæ Patribus, qui longè ante Mahumetem floruerunt, si dicta testimonia, & loca simul conferantur.

Quod obijciunt aliqui Christianos, & Iudæos inter se dissidere circa Scripturam veteris testamenti, eiusque sensum, taleque dissidium esse apertum, argumentum vanitatis illius; talis, inquam, obiectio nullius est momenti, tantumque abest, ut inducant eam, quæ intendunt aduersarij Sacræ Scripturæ corruptionem, controuersiæ quæ circa illas versantur Christianos inter, & Iudæos, ut potius inde probetur incorrupta earundem authoritas: Iudæi enim, & Christiani ideo tantum laborant, ut scripturarum sensum assequantur, quia sciunt esse verū Dei verbū, cuius sensu semel habito, non est quid frivolum, quod lucrentur, sed valdè vtile, & pretiosum, qualis est diuinæ voluntatis cognitio; si autem Scripturas crederent non esse diuinas, sed corruptas, locoque verarū substitutas fuisse falsas, & apochryphas, non esset cur tantoperè ad verum earū sensum comparandum insudarent.

Alterum argumentum pro incorruptione diuinarum Scripturarum fundatur in ipsamet traditione cæteris omnibus libris communi, si enim liceret, siue aliquo fundamento de sacris scripturis, quas modo præ manibus habemus dicere, non esse illas, quæ prius erant veræ, & diuinæ; eodem modo de omnibus omnium authorum libris posset dici, & ita causatio ista omnem prorsus fi-

dem quorumcūque librorum auferret nec minus Alchorani, quam Toræ, & Evangelij: idem enim asseri posset, de Alchorano: Igitur quemadmodū Mahumetani iure merito deriderent eos, qui affirmarent non esse hunc Alchoranum, quem modo habent, illum eundem Mahumetis Alchoranum, vel non eadem continere, quæ ille continebat; non alia certè ratione, nisi quia longo tot sæculorum spatio Alchoranus Mahumetis, ac cæteri qui extant libri v. g. Platonis, Aristotelis, Euclidis, &c. horum virorum libri semper ab omnibus existimati sunt; ita quoque non minori risu digni sunt Mahumetani, vel alia illis responsio non est adhibenda, quam risus, dum post tam claram, & apertam tot sæculorum sibi inuicem succedentiū contestationem, audent asserere, hoc non esse Toræ, hæc non esse Evangelia, quæ semper habuit Ecclesia, ab Apostolis, & à Moyse, cæterisque Prophetis: ut fufius explicuimus to. 2. sique infallibilè Ecclesiæ authoritatem, qua præfati libri ut sacri nobis proponuntur, admitterent Mahumetani, non esset inter nos, & ipsos de illis controuersia; verū quia res non ita se habet, quamvis sola Ecclesia Romano-Catholica toto orbe diffusa omnes habeat notas, omniaque signa, quibus euidenter fit credibile eā solam esse veram Ecclesiam, ita ut sint inexcusabiles Mahumetani, cæterique infideles, quibus ea ritè proponuntur, si illam non amplectantur; vltimò nobis probandum est, dictante etiam solo lumine naturali, istā quam causantur excusationem de sacrorum librorum corruptione esse omnino irrationabilem.

Tertia igitur ratio fundatur in exclusionem omnium circumstantiarum, quas in actione humana, qualis sine dubio censeri debet scripturarum adulteratio Christianis obiecta à Mahumetanis, concurrere necesse est, deque illis constare, ut actio perpetrata dicatur, nempe, de persona quæ opus efficiat; de fine propter quem efficiat; insuper de tempore, & loco, ubi efficiat; tum denique de

ipso opere, vt appareat re vera perpetratum, & vt iuristæ loquuntur de delictis, vt constet de corpore delicti; sed assignari non possunt Scripturarum in vniuersum adulteratores, nec finis, propter quem, nec tempus, quâdo, nec locus, vbi vitiatæ fuerint & corruptæ, nec tandem de corruptione ipsa constat; quod igitur de illa nobis opponunt Mahumetani, merum est figmentum, meraque malitia. Cum maior huius argumenti satis ex se pateat, probatur minor quo ad singulas partes.

Et primum nullos extitisse Scripturarum omnium, & in vniuersum corruptores sic ostendo; quia illi essent vel Pagani, vel Christiani quoad vtrumque testamentum, vel Iudæi quo ad vetus, sed nulli fuerunt ex istis; non Pagani, aut alij Christianorum inimici, quia, licet in illis fuisset voluntas, non fuit tamen data potestas adulterandi Scripturas, quorum codices non ipsi, sed Christiani, & Iudæi possidebant; sique nonnunquam in eorum manus aliqui deuenerunt, admodum pauci fuerunt, quibus corruptis, integri remanissent cæteri, ex quibus illorum vitium deprehendi, & emendari potuisset. Christianos quoque, & Iudæos non fuisse corruptores Scripturarum, ex eo clarè patet, quod illas tanquam à Deo acceptas semper venerati sunt, & etiam nūc venerantur; implicat enim quod aliquis eam scripturam, aut legem, quam tanquam diuinam colit, & vitiet, & post vitium illi pristinam fidem adhibeat, cū scientiam haberet de illius adulteratione, nec esse amplius consequenter Dei testimonia, sed sua adinuenta, & figmenta. Deindè si Iudæi, & Christiani Scripturas adulterassent, vel id præstitissent simul de communi consensu, vel separatim, hoc est, Christiani ex vna parte, & Iudæi ex altera; primum est omnino absurdum, cum enim tanta sit inter eos de Scripturis cōcertatio, Christianique ex illis contra Iudæos probent Messia aduentum, eumque fuisse Christum Dominum Mariæ

filium, nullam vim haberent, si eas simul corrupissent, possent enim respondere Iudæi, sua esse figmenta, non autem diuina eloquia: Ac hoc non respondent, nec responderunt vnquam Iudæi; euident est igitur argumentum, quod inter illos, & Christianos nulla vnquā conuentio de Scripturarum adulteratione intercesserit. Minus autem id separatim factum fuisse ab illis testatur ipsæmet Scripturæ, quæ reperiuntur apud Iudæos, & apud Christianos inter se conformes; si enim Iudæi illas corrupissent, aliter legerent Christiani; sicut si vitiaissent Christiani, aliter legerent Iudæi; attento igitur tali Scripturarum, quæ apud ipsos inueniuntur consensu, manifestè constat neutros eas corrupisse, nec enim ita in corruptione potuissent conuenire, proptereaue dicendum huiusmodi Scripturarum consensum esse ratione sinceritatis, & integritatis earundem. Vnde satis patet, quod intendebamus probare, nullos scilicet extitisse, aut assignari posse Scripturarum in vniuersum adulterationes; alicuius siquidem singularis loci difformitas non facit ad vniuersalem, quam obijciunt aduersarij, Scripturarum corruptionem, vt ostendimus tomo 2. iam citato lib. 3. sect. 7. cap. 12. & alijs.

Vt nulla assignabilis est causa efficiens præsumptæ adulterationis omnium Scripturarum, ita nec finalis, si discurremus per singula, quæ ad illam Christianorum animos rationabiliter mouere potuissent; primum forsan dicent Mahumetani, vt Mahumeti fidem abrogarent; sed ipsi fateantur, omnia, deleta esse ex Euangelio, eo duntaxat loco excepto, in quo fit mentio de Paraclito venturo, vnde & fundamentum desumunt asserendi Mahumetem esse, hunc Paraclitum, ibi à Christo promissum, si autè eo sine vitiaissent Christiani Euangelia, vt exortam Mahumetis sectam destruerent, hunc locū precipuè deleuissent; & non, sicut ipsi dicunt, mutatis cæteris reliquissent; cessat

fat igitur finis prædictus abrogandi Mahumeti fidem. Nec minus deficit secundus, quo posset dici Christianos corripuisse Evangelia, ut Iesum Christum Deum esse astruerent, si enim talem sibi proposuissent finem, cum iam vniuerso orbi perspicua essent Christi miracula, vitæque Sanctitas, quæ ipsemet Mahumetes faretur, ea tantum, e narrare, vel plura alia similia addere Evangelio debuissent; silere autem tentationes, famem, sitim, persecutiones, labores, paupertatem, lachrymas, opprobria, flagella, vulnera, mortem: quæ omnia maximam ingerunt difficultatem in fide eius diuinitatis persuadenda, talia igitur cum non fuerint deleta, & mutata, nihil prorsus deletum fuisse dicendum est, & è contra nihil additum, quod ad eius dignitatem commendandam spectaret; cum eam sacris prædicet Alchoranus in cap. de Mulieribus; Hoc igitur secundo fine dignitatis, & diuinitatis Christi astruendæ dici non potest fuisse corrupta à Christianis Evangelia; nec etiam tertio legem sibi commodam statuendi; sic enim legem sensui, & naturæ facilem, ac suauem effingere debuissent, delere autem omnia difficilia, & ardua; sed non ita res se habet; siquidem plura sunt in Evangelio præcepta, recta quidem & rationi consona, verum ardua & difficilia, ut est præceptum de dilectione inimicorum; de contemptu diuitiarum; de sustinendis patienter iniurijs, & alijs similibus. Eo tandem fine Christiani Evangelia non corruerunt, ut ab omnibus facilius susciperentur; quia sic omnia creditu difficilia, & ab humanis remota sustulissent, & pro illis facilia, humanisque proxima substituisent; homines enim talia promptè credunt; at legitimis in Euangelij plura quæ naturæ lumen superant, quibusque non sunt assuetæ humanæ aures, ut Deum esse Trinum in personis, & vnum in natura; Christum esse Deum, & hominem, vnum in persona, sed in duplici natura subsistentem, diuina scilicet, &

humana; eo igitur fine, ut facilius susciperentur, vitiosa non sunt à Christianis, nec vllò consequenter alio, præter enim allatos, nullus est assignabilis qui rationabiliter eos ad præsumptam mutationem inducere potuerit; Quis enim de hominibus, qui ea veneratione sacra semper Evangelia venerati sunt, quæ Dei Scripturam decet, prudenter dicat ea peruertere voluisse, malitia, odio, inuidia, aut alia simili passione ductos.

Tertiò assignari non potest tempus, quo sacra in vniuersum volumina vitiosa fuerint; nam quo ad vetus testamentum, ante Christi aduentum, non est controuersia inter nos, quod fuerit à Iudæis corruptum; quin imo ante illum deuotissimos fuisse Scripturarum cultores, plures è nostris docent Eusebius lib. 8. cap. 2. Præpar. Euang. Augustinus lib. 15. de ciuit. Dei cap. 13. agens de errore quo ad computationem annorum irrepto in versionem Septuaginta Interpretum; si autem à Iudæis ante Christi aduentum Scripturæ veteris testamenti non fuerunt à Iudæis corruptæ, nec etiam post illum, quia ipsi illa potius deleuissent, quæ Christi vel Messia diuinitatem probant, quæ tamen minimè deleta sunt; id ipsum quoque demonstrat consensus, quem seruant eorum codices Hebræi cum codicibus Christianorum, nullo igitur tempore possunt dici corrupti à solis Iudæis; proptereaque idem, qui supra Augustinus, tum alias, tum maximè serm. 1. ex 49. nouis finem dispersionis Iudaicæ post Christi aduentum pòderans ait: *lussit Imperator Romanus in Christianos* (id est Constantinus Magnus) *ut ad ipsam Ierusalem non accederent Iudæi. Et sparsim per orbem terrarum facti sunt quasi custodes librorum nostrorum; quomodo serui, quando erunt in Auditorium Domini ipsorum, portant post illos, codices, & foris sedent; sic seruus factus filius maior filio minori. Nam aliquando mouent nos aliqua in Scripturis, & de Iudæorum codicibus certi aliquid* cogno-

cognoscitur . Ideo ergo sparsi sunt, ut nobis libros seruent . Maior ergo seruis minori . Et etiam vt Christianam vbique veritatem ex ipsorum libris ostendamus ; vti considerat S. Chrysostomus , potest enim nobis opponi Euangelia esse conficta à Christianis ; & tunc ad sunt libri Iudeorum, qui nostri, & Christi hostes cum sine exceptionem quoad hoc habent nullam .

Sacras autem Scripturas non posse dici corruptas vilo tempore à Christianis patebit discurrenti per singula eius intervalla, primo non statim post Euangeliorum compositionem, quia tunc penes Christi discipulos, imò & Apostolos erant, qui cum essent Sanctissimi, vitæque probatissimi, vt passim eos laudat Mahumetes in Alchorano, tenuit fœdam eos fuisse aggressos dici non potest ; nec etiam post eorum dormitionem, qui illis successerunt, ex eo enim præsertim tempore cæperunt hæreses, eorumque authores alijs non pugnabant armis contra Ecclesiam, quam ipsdemmet Scripturis, non corrumpeudo lationem, sed peruertendo sensum ; Scripturarum enim autoritate inter se pugnantibus, hinc Catholicis, indè Hæreticis ; si quid aliter mutatum in nostris, quod non haberetur in suis perspexissent hæretici statim reprehendissent, ac vice versa Christiani, indèque errores in hæreticorum codicibus suppositi, ex integritate aliorum, qui penes veros Christi discipulos exarabant, illico deprehensi fuissent, & emendati, vel certe notati, vt confimile vitium in emendatos codices non irreperet . Tandem nullo tempore ; vsque ad Mahumetem corrupta fuisse à Christianis sacræ eloquia, argumento est primò, quod ipse multoties illis vtitur in Alchorano, ex Scripturis enim quas credidisset adulteratas, verus Prophetæ, vt aiunt sui, sententias non deprompsisset, nec etiam bonum de illis, vt diximus supra, testimonium reddidisset . Item dum dicit in Alchorano Christianos recta via incede-

re, & salutem æternam adepturos, tam cap. 1. quam cap. 4. & alibi, reddit patenter testimonium de Scripturarum integritate duplici ratione . Vna est, quia si Christiani salutem cōsequuntur, Scripturarum diuinarum non sunt corruptores ; eiusmodi enim falsarii damnationem potius incurrunt, quàm salutem promereantur . Altera est, quia si Scripturæ, quas tanquam diuinitus traditas venerantur Christiani, eos ad æternæ felicitatis portum perducunt, verè doctrinam continent, verèque sunt Dei eloquia ; alias enim adulterata, falsamque proindè doctrinam continentia, illos potius in damnationem pertraherent, si quidem Scripturarum falsarii sunt porius infideles, quam fideles, dū impias manus in sacræ Dei eloquia iniicere, non reformidant ; ac infideles, vt sæpe repetit Alchoranus in damnationem merguntur, non verò salutem consequuntur ; igitur aut asserendum est Mahumetem sibi contradicere, aut necessariò fatendum sacras Sripturas, vsque ad tempus ipsius, non fuisse à Christianis adulteratas . Id autem post ipsum non contigisse vsque ad hæc tempora clarè patet, quia, vt iam notauimus supra, dissimiles non sunt sacræ Scripturæ, quas modo colimus, ab illis, quas ante Mahumetem, vel eius tempore Iudæi, & Christiani venerabatur ; si conferantur omnia loca sigillatim tã ex veteri, quam ex nouo testamento, quæ recensentur in codicibus Sanctorum Patrum, qui ante Mahumetem floruerunt, quæque eodem modo leguntur in nostris libris ; sicut allegantur à præfatis Patribus in suis . Certè qui inter Mahumetanos magis sunt cordati, & sapientes, si semel attentè considerarent assiduam, & indeficientem vigilantiam, ac sollicitudinem, qua semper Ecclesia, vel minima exoriente difficultate, nedum heresi, non solum scripturarum sinceritatem, verum etiã earundem sensus veritatem seruare, & tueri studuerunt, congregatis in hunc finem, vbi opus fuit Concilijs genera-

libus, citatisque in illis hæreticis ipsis, ut suæ fidei rationem redderēt; Mahumetanis, inquam, ista serio meditantibus, facilius forsitan esset scripturarum existentiam, aut veritatem absolutè negare, quam earum corruptionem in vniuersum Christianis impingere.

Quartò si constare non potest, ut vidimus, de temporis, ita nec de loci circumstantia, vbi sacra volumina fuerint vitia; quod enim nunquam est, alicubi esse non potest. Sed ut clarius id appareat, per singula discurremus. Vel enim fuit aliquis locus peculiaris, in quo omnes prorsus sacrarum scripturarum libri fuerunt corrupti; vel plures, & omnes loci, in quibus præfati seruabantur libri. Primum asseri nõ potest, si quidem non est credibile, imo nec moraliter possibile, quod omnes totius orbis nationes scripturas omnes in vnum locum adulterandas contulerint, & in tantum facinus concordì prauitate conspirarint. Secundò etiam dici non potest, id nimirum accidisse per diuersa loca, & per sectas sigillatim, quia nisi commune fuisset omnium facinus, non esset communis omnium scripturarum consensus; sed in eis necessariò deprehenderetur diuersitas: non enim omnes sectæ eandem in scripturas corruptionem inducere potuissent; cum, ut supponimus, ad illam concordiam animo simul non conuenissent; attento igitur in tanto linguarum discrimine, & in tanto sacrorum codicum numero, eorundem consensu, dicendum est hunc illis non ratione communis iniquitatis conuenire, sed ratione pristinæ integritatis. Iuvatque ad hunc discursus, quod ait D. Augustinus lib. 15. de Civitate Dei cap. 13. ad tollendam suspensionem de Iudeorum peruersitate in deprauandis scripturis: *Si queram, quid sit credibilius, Iudeorum gentem, tam longè, latèque diffusam, in hoc conscribendum mendacium vno consilio conspirare potuisse; & dum alijs inuideant auctoritatem, sibi abstulisse veritatem: an Septuaginta homines, qui ipsi*

*etiam Indæ erant, in vno loco positos: quoniam Rex Aegypti Ptolomæus eos ad hoc opus asseruerat: ipsam veritatem gentibus alienigenis inuidisse, & cõmunicato istud tunc fecisse consilio: quis non videat quid proclinius faciliusque credatur? sed absit, ut prudens quispiam, vel Iudeos, cuiuslibet peruersitatis, atque malitiæ, tantum patiisse credat; in codicibus tam multis, & tam longè latèque dispersis; vel Septuaginta illos memorabiles viros hoc, de inuidenda gentibus veritate: vnum communicasse consilium. Hactenus Augustinus agens de illo loco Genesis ex versione Septuaginta interpretum, quo ad computationem annorum, quæ non eodem modo recensetur in textu hebræo, cuius causam ibidem reddit idè Augustinus immediatè post prædicta verba: sic. *Credibilis ergo quis dixerit, cum primum de Bibliotheca Ptolomæi describi ista ceperunt, tunc aliquid tale fieri potuisse, in codice vno scilicet primitus inde descripto, vnde iam latius emanaret, vbi potuit quidem accidere etiam Scriptoris error.**

Quintò tandem, & vltimò facile est ostendere, non constare de corpore delicti, seu, adulterationis scripturarum facinus non fuisse perpetratum, si breuiter examinentur nonnulla loca, de quorum corruptione præcipuè posse obuenire Mahumetanis suspicio, illa, scilicet, quibus vel diuina Trinitas, vel Christi diuinitas probari solet; si enim semel constituerit talia esse sincera, & integra, de cæteris etiam, de quibus tanta non est suspicio, nec suspitionis causa, idem comprobatum manebit, atque adeò non constare de corpore delicti, seu corruptionis Scripturarum facinus nunquam fuisse commissum. Primus verè locus, vnde Christi diuinitatem, & simul etiam diuinarum personarum pluralitatem accipimus, à quorum mysteriorum fide potissimum abhorrent Mahumetani, habetur psalmo 2. *Dominus dixit ad me: Filius meus es tu, ego hodie genui te.* Sed hic locus non est supposititiuus; ergo nec alij quibus

bus eadem mysteria significantur, multoque minus illi, qui non tantam secum trahunt respectu Mahumetanorum suspensionis causam. Præfatum autem locum non esse suppositum demonstrant omnes rationes superius adductæ; præsertim, quia vel Iudæi supposuerunt, & hoc dici non potest, illis siquidem negantibus Messiam esse filium Dei, quis ab eis credat addita fuisse scripturis verba, quibus redargui posset eorum perveracitas? ea igitur à Christianis appositæ fuisse dicendum est, sed hoc etiam affirmari non potest; aliàs soli Christiani, & non Iudæi, præfatum haberent locum in suis codicibus; at etiam illud habent Iudæi: dicendum est ergo ab ambobus vnanimi consensu suppositum fuisse; quod adhuc est impossibile, cum ad inuicem pugnent circa diuinam generationem, ac Messie diuinitatem; nõ est igitur locus aliquo modo suppositus sed proprius Sacræ Scripturæ; per os David dicente Spiritu Sancto dispositus ad probandum simul vtrumque precipuum Christianæ religionis mysteriũ. Quibus accedit ad hominẽ contra Mahumetanos autoritas celeberrimi inter ipsos authoris libri Chamus, vbi in dictione oulad afferens dicta verba ex Psal. 2. sic ait ex Arabico in Latinum redditus: *Exinde dictum, Dei omnipotentis ad Iesum filium Mariæ, ad quem Dei sunt orationes, & pax. Tu es filius meus, & ego genui te.* Iisdem igitur verbis Mahumetano, & quidem insigni inter eos, hunc eundem de quo agimus Sacræ Scripturæ locum referente, & diuinum testante, clarissimè constat, verè locum esse Scripturæ proprium, & non aliquo vitante suppositum.

Alter è nouo testamento locus, quo pariter Christi Messie diuinitas, personarumque diuinarum pluralitas probatur, habetur Ioannis 1. *In principio erat Verbum, & Verbum erat apud Deum, & Deus erat Verbum.* Et infra: *Et Verbum caro factum est;* sed hic etiam locus non est suppositus; ergo multo minus alius quilibet de Christo minora prædicans,

Bibliot. Theol. Tom. V.

suppositus dici potest. Probatur autem minor, quoniam si qua ratio suspitione posset ingerere de illius suppositione, illa maximè esset, quod ibi Christus dicitur Deus, Deique filius, multumque consequenter fauet Christianorũ fidei; sed talem rationem nullam esse, nihilque probare, patet ex eo quod, si quid probaret, vim quoque haberet contra aliũ locum ex Psalmo 2. desumptum, si quidem ille pari modo facit pro Christianorum fide, cum asserat Christum esse Dei filium, & à Deo genitum. Verũ contra illum vim non habet, vt vidimus, ergo nec contra hunc ex Ioanne adductum; Quid enim proficiet Mahumetanus negando hunc locum, cum parem negare non possit? & quomodo hic potest supposititiũ præsumi, cum alius illi per omnia similis, vel fortè etiam efficacior certus sit, & verus? Probatur insuper dictum Ioannis locum non esse supposititiũ ex ipsomet Alchorano, vbi cap. 3. cui titulus est de Mulieribus sic ait: *Enim vero Christus Iesus filius Mariæ, est Apostolus Dei, & verbum Dei, quod ipse Deus immisit in Mariam, & est Spiritus procedens ex Deo.* Hæc namque verba non solum idem sonare, sed & significare, ac illa S. Ioannis patebit diligenter ea consideranti; vt enim inimici etiam nostri essent iudices, salutemque ex illis haberemus, Deo ita disponente, quid clarius dici poterat à Mahumeto, vt Christum esse filium Dei, & esse Deum, personamque in eo distinctam, fateretur, quam vocando illum Verbũ Dei, & Spiritum procedentem ex Deo, si quidem vt explicatur in mysterio Trinitatis, Christũ esse spirituale Dei verbum, seu expressionem in diuina mente formatam per Dei intellectionem, est idem ac dicere esse filium Dei, & esse Deum Patri consubstantialem, ab eo autem personaliter distinctum agnoscat, dum ait esse spiritum procedentem ex Deo, quia nullus à semetipso potest procedere; similiter dum dicit, Christum esse verbum Dei; quod ipse Deus immisit in Mariam, illud idem significat, quod

Ioannes illis verbis: *Verbum caro factum est*. Quare præfatis Alcorani verbis bene expensis conuincuntur Mahumetani de integritate, & sinceritate eorum, quæ habentur cap. 1. Euangelij Sancti Ioannis, nec non ex dictis, Sacra Scripturæ in vniuersum; quam ergo Christianis obijciunt illius adulterationem merum est figmentum, meraque impostura, nec non diffugium, ut veritatis in illa contentæ robori non subiaceant.

Quia autem præter suspicionem, an sacra eloquia in vniuersum, & quo ad omnes versiones, quæ per totum orbem quocumque idiomate extant, fuerint adulterata, quam sufficienter huc usque exclusimus, posset aliquibus fortasse oboriri dubium de corruptione, si non omnium, saltem plurimum partium; & si non omnium, saltem etiam plurimum, vel vnius, aut alterius editionis notabili ex parte; longiori huius rei discussione hic supersedeo, tum quia illam tomo 2. iam citato ad copiam tractauimus, ubi etiam solui omnes antologias, vel contradictiones apparentes, quibus aduersarij diuinarum Scripturarum nostrarum auctoritatem enervare conantur; tum etiam quia contra istud dubium, vel suspicionem faciunt omnes rationes, omniaque argumenta superius allata ad auferendam suspicionem de vniuersali adulteratione: cum enim probent omnes prorsus Scripturas non fuisse adulteratas, probant etiam, nec fuisse vitiatas singulas, quæ cum vniuersis conueniunt; vitiatas siquidem vel adulteratas cum sinceris, & integris discordare necesse est, non autem conuenire. Igitur si aliqua versio, vel plures versiones fuissent corruptæ, illæ plures, vel illa vna, cum omnibus non concordarent. Unde statim error ex integris deprehenderetur, inspecta lectionis varietate. At nusquam talis disparitas deprehensa est, cum tanta sit conformitas versionum omnium, in tanta editionum multiplicitate, & codicum earum numero. Propterea tamen negari non debet, quin varijs modis, ut citato tomo 2. notauimus, potuerit, &

possit editio aliqua in aliquo vitari, vel etiam pluribus codicibus, sed hoc nihil facit ad Scripturam de corruptione suspicandam; quoniam facile in illo, vel pluribus codicibus, potuit, & poterit semper, collatione cum cæteris facta, deprehendi, & corrigi, ita ut vim potius habuerit, semperque habitura sit sinceritas plurium ad paucorum codicum, vitium deprehendendum, quam adulteratio paucorum ad omnium integritatem vitandam; & verò hanc Sacrarum Scripturarum indemnitate suauitatis diuinæ providentiæ apprime congruere, Mahumetani rationabiliter negare non possunt, qui eandem Scripturas, seu Toram, & Euangelium singulari Dei beneficio collata hominibus fuisse libenter concedunt.

C A P V T III.

Ostenditur Vanitas Sectæ Mahumetane, ex defectu Prophetiarum quibus prædicta, & miraculorum quibus à Deo confirmata fuerit, nec non Sanctitatis fundatoris eiusdem.

Cum vera religio sit opus diuinum, siue considerata principaliter ex parte eius, cui in ea creditur, solum habeat Deum autorem, atque adeo ubi primum, vel de nouo illa fundatur, nec locus detur imposturis, & quod humanum, vel diabolicum est tanquam diuinum suscipiatur, decorari debeat aliquibus signis Dei proprijs, omnisque creaturæ vires excedentibus, quibus fiat euidenter credibile eam fuisse ab ipso reuelatam, cuiusmodi sunt potissimum prophetiæ illius prænuntiæ, & miracula illius confirmatiua, ut diximus supra sect. 2. Quemadmodum ea religio, pro vera, diuinitusque reuelata indubitanter habenda est, quæ talibus fuerit munita signis, tanquam proprio diuinitatis sigillo, *Deus enim*, inquit D. Augustinus episcopus 49. q. 6. *mirabilibus operibus loquitur*; ita falsa existimari debet ea, quæ illis caruerit. Impostores enim

pos-

poſſunt ſua verba iactare tanquam diuina, non verò diuina perpetrare miracula; idque eſt tam clarum, & euident, vt Alchoranus ipſe id auſus non ſit negare, ſed capite de Credente dixerit: *Non poteſt Apoſtolus ſignum aliquod perpetrare niſi diuina virtute: quando autem aduenit opus Dei, confirmatur veritas, ſeu rei veritas certa ſit, & deſiciunt impoſtores.* Igitur ſi oſtendatur ſectam Mahumetanam, Mahumetemque eius authorem nullis vnquam fuiſſe prænuntiata prophetijs, nulliſque ab eo comprobata fuiſſe miraculis clarè apparebit eius vanitas, & impoſtura, maximè ſi componatur cum Religione Chriſtiana à Chriſto fundata, à quo & Apoſtoliſ multa in eius confirmationem miracula facta fuiſſe fateatur idem Alchoranus, vi veritatis ita cogente, *cap. de familia Amram, & cap. de Meuſa.*

Primum autem Mahumetem, cuiusque ſectam nullis fuiſſe annuntiatam prophetijs patebit excludendo nonnulla Scripturarum teſtimonia, quibus Mahumetani oppoſitum probare contendunt. Primum habetur Genef. cap. 17. v. 20. *Super Iſmael quoque exaudiuĩ te;* vbi de Mahumete ab Abrahamo per filium Iſmaelem deſcendente videtur fieri fermo; ſed hoc eſſe falſum colligitur ex ipſomet ſacro textu, intelligendumque eſſe de ipſomet Iſmaele, & eius progenie, quoad mundi diuitias, & huius ſæculi multiplicationem; non autem de religione, Sanctitate, & cæteris ad Dei cultum, vel amicitiam ſpectantibus. Ibi enim contraponuntur hæc duo, nempe Sanctitas, & diuinus cultus ex vna parte, & ex altera mundi cultus, multiplicatio, & diuitiæ; & quidem quæ mundi ſunt, ibi Iſraeli promittuntur: diuina verò Iſaaco, & ſemini eius, vt ex contextu patet; Abrahamo enim dubitanti primum de promiſſione facta à Deo, quod ex Sara daturus eſſet illi filium, cui inquit, *benedicturus ſum, eritque in nationes, & Reges populorum orientur ex eo;* dicentique proinde ad Deum: *Vtinam Iſmael viuas coram te:* prius reſpondit

ci Deus; *Sara uxortua pariet tibi filium, vocabiſque nomen eius Iſaac, & conſtituam pactum meum illi in ſædus ſempiternum, & ſemini eius poſt eum.* Deinde ſubiungit; *Super Iſmael quoque exaudiuĩ te; ecce benedicam ei, & augebo, & multiplicabo eum valdè: duodecim duces generabit, & faciam illum in gentem magnam. Pactum verò meum ſtatui ad Iſaac, quem pariet tibi Sara tempore iſto in anno altero.* Ex quo etiam ſequitur vanè à Mahumete, cuiusque ſequacibus uſurpatum fuiſſe titulum nobilitatis præcipuæ; etſi enim admittatur eum ortum duxiſſe ex Abrahamo, nihilominus illum non duxit ex libera, ſed ex ancilla: Iſmael enim Mahumetis radix, non ex Sara, ſed ex Agar Saræ ancilla progenitus eſt. Vndè euidenter conſtat, Iſaac ex Sara eidem Abrahamo natum, illiusque progeniem, eſſe Mahumete nobiliorem; vanèque propterea ab eo dici *in libro ſlorum,* ſe ex nobiliſſima inter vniuerſas ortum progenie; ſi quidem omnes ſtirpes, tam ex Iacob, quam ex Eſau, filij Iſaac, quæ plurimæ fuerunt, longè nobiliores ſunt.

Alter Scripturæ locus, quo Mahumetes in veteri teſtamento dicitur à ſuis fuiſſe prænuntiatus deſcinitur ex lib. Deuteronomij cap. 33. ver. 2. *Domini de Sinai venit, & de Seir ortus eſt nobis: apparuit de monte Pharan;* ſed hic quoque locus non eſt intelligendus de Mahumete Mecæ in Arabia nato, verù de Moyſe, qui in monte Sinai legem acceperat; in montibus autem Seir, & Pharan, auxilium Domini, ſpecialemq; eius protectionem ſenſerat in deſerto, per quod filios Iſrael deducebat, vbi præſati montes ſiti ſunt.

Tertius ſimiliter locus ex Pſalmo 71. *Reges Arabum, & Saba dona adducunt. Et dabitur ei de auro Arabia, & adorabunt de ipſo ſemper:* nihil fauet Mahumetanorum intento; quicquid enim ſit an per Saba intelligenda ſit Mecca, an non; ibi prædicatur non Mahumetis aduentus, ſed Magorum, ſeu Regum, ex Tharſi, & Arabia, & Saba venientium, ad Chriſtum adorandum, quando ob-

rulc-

tulerunt ei aurum, thus, & myrrham, pro vt refert S. Mathæus cap. 2.

Nec etiam quartus locus Isaïæ 21. vbi dicitur, *Et vidit currum duorum equitum, ascensorem asini, & ascensorem cameli*, facit sensum de Christo, & de Mahumete, quasi ibi significetur per ascensorem asini Christus, per ascensorem verò cameli Mahumetes, quia camelariam exercuit; sed loquitur Propheta de Babylonis ruina facienda per Darium, & Cyrum Reges Medorum, & Persarum, quando Baldassar Rex Babylonis crapulæ & ebrietati cum suis magnatibus vacabat; vnde ait Propheta: *Contemplare comedentes & bibentes*; deinde significans inopinatum exercituum inimicorum aduentum, subdit: *Surgite Principes, arripite clypeum*; denotans verò præfatorum Regum federationem contra Babylonem ait: *Vidit currum duorum equitum*; & tandem ad significandam duorum exercituum collegationem, seu militum cuiuscumque generis impetum in eandem, subiungit ascensorem asini, & ascensorem cameli. Vnde satis patet hanc Isaïæ prophetiâ nec Christo, nec Mahumeti posse accommodari. Solusque Zacharias Christum consensurum asinum, prout in Evangelio narratur, prophetavit cap. 9. v. 9. *Exulta satis filia Sion, iubila filia Hierusalem: Ecce Rex tuus veniet tibi iustus, & Saluator; ipse pauper, & ascendens super asinam, & super pullum filium asinae*; nulla mentione facta consensoris cameli.

Multò minus quadrat Mahumeti locus Ioannis 15. v. 26. *Cum autem venerit Paraclitus, quem ego misi vobis à Patre, Spiritum veritatis, qui à Patre procedit, ille testimonium perhibebit de me*: quo Mahumetani credunt fuisse Mahumetum à Christo prædictum, & promissum. Idque patebit consideranti omnia talis promissionis verba, & circumstantias, quæ Mahumeti nullatenus congruere possunt, idem enim est Spiritus Paraclitus, & spiritus Sanctus, vt omnes Patres vno ore testantur, Mahumetem au-

tem non fuisse Spiritum Sanctum, atque adeo Spiritum Paraclitum ibi promissum; testatur ipsemet Alchoranus c. 1. & alibi, vbi loquens de Iesu Christo ait: *Et sanctificauimus eum, seu roborauimus Spiritu Sancto*; si quidè Mahumetes non extabat in rerum natura, dum Christus versaretur in terris, sed natus est sexcentis post annis; Spiritus igitur Sanctus alia est à Mahumete persona, qua longè ante ipsum Christus in Alchorano dicitur fuisse sanctificatus, seu roboratus: Et per cuius aduentum loco citato Ioannis, nec non capite vltimo Lucæ promissit Christus post suum ascensum in Cælum Apostolos induendos esse virtute ex alto, proptereaque iussit eos ne ante dictum aduentum discederent ab vrbe Hierosolyma. *Et ego mitto promissum Patris mei in vos. Vos autem sedete in ciuitate, quoad usque induamini virtute ex alto*. Ex qua sedendi in ciuitate vsque ad Spiritus Sancti, seu Paracliti aduentum circumstantia, manifestè colligitur non potuisse ibi promitti Mahumetem, quia fuisset præceptum moraliter impossibile, & ab Apostolis non impletum; ipsi enim discesserunt ab vrbe Hierosolyma, plerique extra illâ mortui sunt, & omnes Christi discipuli, longè ante Mahumetis aduentum ex hac vita migrauerunt: Ergo dum à Christo locis citatis fuit promissus Spiritus Paraclitus, seu Spiritus Sanctus non fuit promissus, nec prædictus Mahumetes. Tandem Spiritus Sanctus à Christo dicitur mittendus non multos dies post suam ascensionem Act. 1. *Vos autem baptizabimini Spiritu Sancto, non post multos hos dies*; Mahumetes autem natus est non solum multos post dies, sed etiam multos post annos, sexcentos nimirum ab eo tempore, non igitur potest dici Spiritus Paraclitus à Christo promissus; vt ineptè, & absque vilo prorsus fundamento sibi fingunt Mahumetani, quodque consequenter Christi lex à Mahumetis lege abrogata fuerit, sicut lex scripta fuit abrogata, vel potius quo ad ceremonialia mutata in mor-

lius

lius per Euangelium; id enim dici non posse de lege Mahumetana respectu Christianæ patebit infra ex illius spurcitie.

Porro quod in nouo testamento obijciunt dici à Christo Domino, in cælo se bibiturum, & suos discipulos comesturos, & sessuros ad mensam suam in regno suo, nihil penitus confert ad probandam similitudinem Alchorani cum Euangelio, siue quod Euangelium fuerit figura, & umbra legis per Mahumetem in eo promulgata; cum in præfatis aut alijs similibus locis non significetur comestio vera, corporea, sed metaphorica, pro vt accipitur Ioann. 14. *Ego cibum habeo manducare, quem vos nescitis.* Deinde: *Meus cibus est, ut faciam voluntatem eius qui misit me:* Et Marth. 4. *non in solo pane uiuit homo, sed in omni uerbo, quod procedit de ore Dei.* Igitur dum Christus ait suos discipulos sessuros ad mensam suam in regno suo; item psal. 16. dicitur: *Satiabor cum apparuerit gloria tua;* & Psal. 35. *Inebriabuntur ab uerbis domus tue, & torrente voluptatis tue potabis eos;* non significatur in Paradisi gloria futura aliqua propria comestio & potatio, sicut illam promittit Alchoranus, indeque carnalem complexum cum puellis, & cæli mulieribus, sed metaphorica, quia sicut cibus, & potus in hac uita temporali nos alunt simul, & delectant; ita uisio beatifica, indeque amor subsequens, in quibus Christiani æternam suam beatitudinem collocant, beatos uiuificat simul, & delectat. Eodem modo intelligitur, quod Archangelus Raphael sub specie hominis Tobiam iuniorem comitatus ait c. 12. *Viuebar quidem uobiscum manducare, & bibere, sed ego cibo inuisibili, & potu, qui ab hominibus uideri non potest uiuor;* significans nimirum his uerbis Angelos bibere, & comedere metaphorice, & spiritaliter; nempe Deum uidentem, non uero carnaliter, sicut non habent ueros dentes, uerum palatum, nec stomachum, & cætera membra ad comestionem necessaria; unde si quando in Scripturis

eos comedisse narratur, ad comitatem, & fodalitatem, tanquam homines cum hominibus, id officiosè simulauerunt, siue apparenter solum fecerunt, vt patet ex loco statim citato Tob. 12.

At respondent aliqui Mahumetani inter quos Auicenna in lib. de Almahad cap. 3. Mahumetem quoque locutum fuisse de comestione, & potatione metaphorica, uisumque fuisse similitudinibus ex rebus sensibilibus desumptis ad explicandam beatitudinem spiritualem; uerum quidquid sit de hoc, cuius oppositum clarè sonant uerba, & modus loquendi Mahumetis, creduntque ferè omnes Mahumetani, non aliam beatitudinem, quam Epicuream, seu uoluptariam intelligentes, & expectantes, illo adhuc gratis admissio, nihil fauet eorum intento, siue ad probandum, quod lex Christi fuerit umbra legis Mahumetanae, per ipsam abroganda, sed tantum, quod Mahumetes tam hanc, quam alias similes metaphoras ex Euangelio corraserit; sicut aduersarij non concederent legem Mahumetanam esse figuram, uel umbram alterius nouæ sectæ, quæ aliquibus tantum modis loquendi in Alchorano contentis ueretur.

Si autem Alchoranus non est lex Dei propterea quod neque Tora, hoc est lex uetus, neque Euangelium, quæ diuinas leges esse fatetur ipsemet Mahumetes, ullum ei testimonium perhibet, siue in illis nulla Mahumetis, Sectæque ab eo instituendæ prædictio, uel promissio habeatur; multo magis non est dicenda talis defectu miraculorum in eius comprobationem perpetratorum à Mahumete; quare multis hanc ob causam illi non credentibus, aut ab eo recedentibus, ut ipse in Alchorano testatur cap. De Rum. c. de brutis, c. de Alforcan, varias semper adducebant excusationes, quas certè non adduxisset, si aliqua palam uera miracula operatus fuisset, nunc asserens miracula ad nihil proficere; nunc fidem apud Deum meritoriam non esse, uisus miraculis; nunc denique non esse à Deo se missum ad facien-

faciendū miracula, sed tantū ad prædicandum, iustis pollicendo præmia, impijs verò comminando pœnas, & tormenta.

At cum aduerteret egregius ille impostor, hoc esse, quod petebatur ab eis, quibus suam doctrinam tanquam diuinitus traditā credendā proponebat, scilicet; quonam signo, quonam miraculo, se à Deo missum significaret? quomodo se Apostolum Dei probaret, cum chirographum suæ delegationis diuino munitum sigillo non ostenderet? indeque suas imposturas faciliè deprehendi, ac detegi posse, nisi miraculorum subsidium aliquo modo sibi emendicaret, propterea, cum factis ostendere palam vera non posset, excogitauit saltem verbis ficta referre; hinc cap. *De Luna* ait se quoddam in ea miraculum parasse, diuisam scilicet reintegrando, & cap. *De stella* in cælum ascendisse, & vsque ad Deum accessisse, quanti sunt duo arcus iactus. Capite quoque *De transitu* breuiter refert, latiusque glossa ibi, & liber *Agar*, raptum suum in cælum super iumentum nomine Alborach, cui recusanti cum suo dorso excipere promiserat, cum non solum in Paradisum introducturum, verum etiam inter bruta animalia primum omnium paradisi gloriā adepturum. Quibus omnibus, & similibus figmentis, cum nihil absurdius excogitari possit, adeo vt pudeat illa referre, nec magis etiam alienum à veris miraculis, quæ à Moysè, & Christo legislatoribus facta fuisse concedunt ipsimet Mahumetani, quæque in dies sunt in Religione Christiana, quam Romano-Catholica proficitur Ecclesia, quorum veritatem iidem Mahumetani non negant, & vitiatum interdum sentiunt in suorum corporum incolumitate; manifestè sequitur, & patet legi Mahumetanæ deesse conditionē legis, quæ à Deo esse dicitur, hoc est testimonium fidei certitudinis suæ, & reuerentis per prophetias, & miracula; quemadmodum enim veritas, quæ subiaceret facultati naturali intellectus declaratur,

& firmatur per reductionem ad principia per se nota, ita veritas, quæ transcendit luminis naturalis fines, qualis est doctrina diuinitus reuelata, vbi primum traditur, probari debet; ac firmari per opera miraculosa soli Deo possibilia, qualia sunt prænuntiandi futura, & patrandi miracula.

Vt ex parte Dei, qui est primarius author veræ religionis, cuique in ea creditur requiruntur prophetiæ, & miracula, quibus de diuina eius reuelatione nobis constet, ita ex parte minus principalis sub Deo fundatoris desideratur eximia vitæ Sapientia; qua etiam caruit Mahumetes. Quam igitur Sanctus fuit Christus, quam Sancti Apostoli religionis ab eo primum fundatæ per vniuersum deinceps orbem propagatores, vt fatentur quoque Mahumetani; tam iniquus fuit Mahumetes, non solum ob impiā quam tradidit doctrinam, ex dicendis infra, verum etiam, ob impurissimam, & obscenissimam, quam duxit vitam, libidinibus plenam, quam Mahumetani ipsi non negant, sed excusare conantur; cum enim ex Philosopho lib. 2. Ethic. cap. 3. *Tria sunt ob quæ quispiam expetit, honestum, utile, & iucundum, & tria illis contraria, ob quæ fugit, turpe, inutile, & molestum. Bonus quidem vir circa hæc omnia rectè agit. Malus autem peccat: ac præcipue circa voluptatem; malitiam suam Mahumetes clarius prædere non poterat, quam carnis suæ delectamenta sectando. Apagere ergo quos illi dant sequaces, quosque sibi ipsi tribuit titulos, super omnes Sanctissimi, Prophetarum optimi, Apostoli Dei, omnium creaturarum excellentissimi, Deoque charissimi; Etsi enim prophetiæ donum necessariò morum probitatem non requirat, aut mentis Sanctionem, vnde Matthæi 7. ex persona damnatorum dicitur; *Domine, nonne in nomine tuo prophetauimus; & Apostolus 1. Corinth. 13. ait: Et si habuerō prophetiam, & non erim mysteria omnia, &c. charitatem autem non habuerō nihil sum. Nihilominus donum prophetiæ**

phetiæ non quibuscumque infunditur mentibus, quædam enim sunt peccata, ut ait S. Thomas, quæ vsum prophetiæ impediunt, quædam non; cum enim carnalia mentem à spiritualitate retrahant, ex hoc ipso quod aliquis est peccatis carnalibus subditus, ineptus ad prophetiam redditur, ad cuius reuelationem mentis spiritualitas requiritur. Peccata verò spiritualia, spiritualitatem mentis non ita impediunt, & ideo contingit aliquem esse prophetam, spiritualibus peccatis subditum, non autem carnalibus; vnde dicit Rabbi Moyſes ab eodem D. Thoma citatus, quod hoc est signum, quod aliquis est falsus Propheeta, quando voluptatibus sæculi decinetur; Igitur, quam impius Mahumet carnalib⁹ peccatis magis inuolutus fuit, stuprisque, libidinibus, & adulterijs supra modum deditus, tam dono Prophetiæ, Prophetique Domini nomine indignus est, quin potius Pseudopropheta, & impostor eximius appellandus est, præsignatus à Diuo Ioanne in Apocalypſi cap. 13. per bestiam, quam ibi describens ait: *Vidi aliam bestiam ascendentem de terra, & habebat cornua duo similia agni, & loquebatur sicut draco; Et potestatem prioris bestie omnem faciebat in conspectu eius: & fecit terram, & habitantes in ea, adorare bestiam primam, cuius curata est plaga mortis. Et fecit signa magna, ut etiam ignem fecerat de celo descendere in terram in conspectu hominum. Et seduxit habitantes in terra, propter signa quæ data sunt illi facere in conspectu bestie, dicens habitantibus in terra, ut faciant imaginem bestie, quæ habet plagam gladij, & vixit. Et datum est illi, ut daret spiritum imagini bestie, & ut loquatur imago bestie: & faciat, ut quicumque non adorauerint imaginem bestie, occidantur.* Hi enim Beati Ioannis Apostoli verbis octo potissimum continentur Mahumetis maximè propria, quibus Cardinalis de Turrecremata lib. contra errores Mahumetis cap. 1. docet eum ibi fuisse præfiguratum. Primoque, quia fuit vitæ scelestissimus, dicitur bestia; secundo,

Bibliot. Theol. Tom. V.

quia prædo cupidissimus, ascendens de terra; tertio, quia simulator sanctitatis pessimus, habens cornua duo similia agni; quarto, quia in doctrina virulentissimus, loquens sicut draco; quinto, quia in malis operandis studiosissimus, potestatem prioris bestie omnè faciens; sexto, quia temerarius, & arrogantissimus, faciens terram, & habitatores in ea adorare bestiam; septimò, quia seductor periculosissimus faciens signa magna; octauò tandem, quia tyrannus crudelissimus, dicitur faciens, ut quicumque non adorauerint imaginem bestie, occidantur.

CAPUT IV.

Ostenditur falsitas legis Mahumetanae, ex parte rerum in ea ad credendum propositarum; quia multa continet turpia, & iniusta, multa inter se contraria, rationique humane dissona; ac tandem, quia caret vi, & efficacia in mutandis & afficiendis animis.

Quia singula in titulo huius capituli cõprehensa referre nimis longum esset, præcipua dumtaxat indicabo: Primumque legem Mahumetanam plura continere turpia, & iniusta manifestè constat ex hoc, quod tam effrenes carni, ut ea tanquam præcipua excolatur, habenas laxat, tot vni viro fœminas prostituendo, nec non etiam cum ancillis, licet innumeris, inuitis quoque vxoribus, omnem libidinis turpitudinẽ permittendo; sique ieiunij, & orationis, cuius fucum ad facilius decipiendum Alchoranus assumptis, præceptum diligentem examinaret, non ita esse institutum reperiretur, ut possit eius operationalis portio, cui principatus debetur, victoriam de sensuum concupiscentijs reportare, & carnem subijcere, sed ieiunij tantum nomine retento, iuberi potius sub ieiunij specie crapulas, & ebrietates, & specie orationis libidinis exercitationem. Tale namque ieiunium præcipit cap. De Vacca: Ut scilicet dies

M m m

tan-

tantum ieiunij : id est quamdiu Sol intra orizzontis lineam fertur, illicita sit omnis comestio, omnisque etiam tactus propriæ licet vxoris. At post Solis occasum bibant, & ingurgitentur crapula, & copula, vsque dum illucescat aurora. Quis autem vir prudens ieiunium credat, interdum cito abstinere, si noctu quis nullo ciborum delectu habito crapuletur? Profecto plusquam sufficit carni, intra viginti quatuor horas posse duodecim horarum spatio ventri indulgere: reliquæ enim duodecim somno post crapulam debentur; nocturna crapula, & copula corpus cogente potius ad dormitionem, quam excitet animum ad orationem. Vnde satis patet nihil abstinentiæ in hac ieiunandi formula contineri, sed tantum temporis variationem, nempe ut noctu fiat, quod aliàs interdum fiebat, & è contra, ita ut nox in diem, & dies in noctem vertatur; quare per illam nec carni quidquam detrahitur, & Spiritui nihil tribuitur.

Verum quod summa turpitudinis est, nedom in hac vita lex Mahumetana ita liberaliter carni indulget, sed etiam in altera æternam beatitudinem in eius oblectamētis sede collocat; promittens eis professoribus tunc fruturos virginibus, seu puellis quibusdā, non humanæ, sed altioris naturæ, singulis tribuendas saltem singulas: potiones vini, & aquarum diuersi generis: epulas, & vestimenta, & ornamenta, gemmasque pretiosas, & similia, quæ ut pudet referre, ita puduit Auicennam ea proprie intelligere, vnde in lib. de Alma-had cap. 3. ait Mahumetem eiusmodi metaphoris solum voluisse explicare beatitudinem spiritualem, at hoc gratis dici ab illo, constat ex communi Mahumetanorum consensu non aliam beatitudinem, quam voluptuariam expectanturum etiam maximè ex modo loquendi, quo, nulla prorsus adhibita cautela, nullaque monitione impropria, vel metaphoricæ locutionis, videtur in descriptione mēsarum, distin-

ctione paradisorum, fontium, epularū, patinarum, cyathorum, aquarū diuersi generis; deinde post comestionem promittit dictarum puellarum amplexus. Indè enim patet Mahumetem nō metaphorice, sed propriè locutum fuisse. In nostris siquidem Scripturis, licet interdum aliquarum dictionum ex rebus sensibilibus, etiam comestionis, & potationis desumptarum vsus reperiatur, ad explicandam vtrumque naturā veræ beatitudinis in visione, & fruitione Dei consistentis, alibi tamen monemur eas non propriè, sed metaphoricè sumi, docemurque expressè non in esca, & potu regnum Dei positum esse; & quæ Sanctitate, & honestate præditæ sunt Sacræ nostræ Scripturæ, intelligentes earum Scriptores, & interpretes, quodque si in aliquibus rebus sensibilibus digna, & apta sit metaphora, ad significanda æternæ beatitudinis gaudia, in illa tamen, quæ ex carnalibus cum puellis, & mulieribus amplexibus deducuntur, appareat turpitudine, nunquam illa vsi sunt; quin potius asserunt homines beatos Angelis similes futuros, ab ista voluptuaria vita alienissimos; ita docente Christo Domino Matth. 22. Marci 12. & Lucæ 20. *In calo non nubent, neque nubentur, sed erunt sicut Angeli Dei.*

Non solum in Alchorano turpia, sed plura etiam docentur iniusta, & iniqua nihil autem sanctum; cum enim perfectio iustitiæ obiectivè considerata, in eo cōsistat, ut homo ordinetur ad Deū, piè eum colendo, iustaque de illo sentiendo; ad seipsum, ab immunditijs se honestè custodiendo; ad proximum eū debitè amando. Mahumetes ut vniuersam distorqueret iustitiæ rectitudinem primo Deum fecit omnium peccatorum autorem; quin imò, cum evidens sit, ac certum peccata à Deo præcipi non posse, vnde ipsemet in cap. de Muro, respondens illorum excusationi, qui dicebant à Deo sibi fuisse præcepta turpia, immediatè subdit talia: *Responde: certè Deus non*

pra.

præcipis turpia : num dicitis contra Deū quod neſciitis? dic: præcipit Dominus meus recta, & iuſta; nihilominus vt ſimilis illis, quos reprehenditis, fieret, audet paſſim diuinam authoritatem aſſerere, ſuas turpitudines, & adulteria præcipientem; Deumque inſuper dicere, deceptorem, fraudulentum, & impoſtorem cap. de familia Amram, & cap. de Mulieribus, non ſumendo cuiusmodi terminos, vt aliqui conantur eum excuſare pro cautum, aſtutum, ſeu aduertentem, & perſpicacem, ſed viſitatum, & communi ſignificatione pro decipere, & fraudulenter agere, vt patet ex textu. Secundò iuſtitie hominis ad ſe ipſum rectitudinem, qua ab immunditijs ſe cuſtodire debet, apertè violat, dum vt diximus ſupra, dat cunctis licentiam, plures vxores ſibi copulandi, ancillis omnibus, inuitis etiam vxoribus, ſe commiſcendi. Inſuper & vxores, tam ſecundum naturam, quam cõtra adeundi; capite enim 1. ait: Vxores veſtræ ſunt aratura veſtra, ſerite ergo ſemen quomodocumque vultis, & offerte animabus veſtris. Tertiò denique præceptum, quod ſuis tantoperè cõmendat cap. de Penitentia, ſeu de Gladio, & alibi, vt occidant omnes niſi ſiant Mahumetani, nonne euidentis eſt iniuſtitia contra proximum? nec tã iniuſti, tamque immitis præcepti ratio assignari poteſt, vt omnes fideles fieret, & ſaluarentur; cum ipſemet Alchoranus cap. 1. & 4. apertè doceat, Iudæos, Chriſtianos, & etiam Paganos per ſuã legem ſaluari, & Paradifi gloriam conſequi, ad quid præcipere eos ab ea lege etiam vi, & armis deterreret, per quã, iuxta eius ſententiam ſalutem aſſequuntur; non alia igitur de cauſa id iuſſiſſe dicendum, niſi vt in hoc iniuſtè proximo vim inferret, & vt ex ore ſuo ſemetipſum damnaret, ſecundum eam, quæ habet cap. 2. de familia Arami, contra homicidas, poſſiſſimumque inde appareret huius impoſtoris calliditas, & verſutia, qua, vt ſuos ſequaces facilius deciperet, omnium quidem

Bibliot. Theol. Tom. V.

virtutum actus in genere commendare, & proponere videtur, verum ad ſpecialia, & ſingularia ſi reſpiciamus non niſi plura inhoneſta, & iniuſta præcipit, nihil autem Sanctum.

Nec obeſt quod in Mahumetanis videantur interdum nonnulla Sanctitatis indicia, tum in abſtinentia vini, & nonnullorum ciborum, tum in precibus ſuis, peregrinationibus, officijs miſericordiæ, nec non aliquibus etiam, aſterioris vitæ, & rigidioris inſtitutis; Primò enim, cum de religione diſſeritur, obſeruandum eſt, non ad perſonarum, ſeu eorum, qui illam profitentur vitam, & mores, ſed ad eiſdem religionis inſtituta, & leges, ſeu diſciplinam attendendum eſſe. Contingere ſiquidem poteſt, vt qui religionem veram profitentur, eius tamen diſciplinæ non ſeruent, nec ſanctè conformiter ad illam viuant; ita viciffim fieri poteſt, vt religionis falſæ, & ſuperſtitioſæ ſeſtor, aliquibus virtutibus moralibus præditus ſit, quia tamen erga Deum iniuſtus eſt, vt potè fide, ſpe, charitate, ceteriſque virtutibus, quæ Deum reſpiciunt carens, is nec abſolute bonus, aut Sanctus; nec beatitudine vera dignus eſt. Secundò notandum eſt Sanctitatem cum externa ſpecie Sanctitatis confundendam non eſſe, nec virtutem cum officijs virtutis. Nec enim, qui fortia, & iuſta agit, is neceſſariò iuſtus eſt; ſed qui iuſtè, & fortiter agit, ideſt, animo iuſto, & forti. Si quidem virtus, bonitas moralis, & Sanctitas, res animi ſunt, non corporis, nec externæ; & quæ illius officia corporea ſunt, vel ſenſibus parent, in tantum, virtutis opera ſunt, & ad eam ſpectant, in quantum ab animo bono, ſtudioſo, ſanctoque ſiunt: at quia eadem animo non bono fieri poſſunt, inde ſit, vt qui ea facit Sanctum eſſe neceſſe non ſit, nec externæ illæ, apparenteſque notæ virtutis ſemper eiſdem argumenta certa ſunt. Eamque ob cauſam ſit etiam, vt ſola beatitudo virtutis veræ præmium ſit, quodque ſolus Deus

M m m 2 cor-

cordium scrutator veræ beatitudinis largitor, nec non virtutis illam promerentis iudex legitimus, ac remunerator existat.

Ex his ergo habetur, & probatio nostri asserti, nullâ videlicet in religione Mahumetana Sanctitatis veræ rationem esse, & solutio obiectionis allatæ, quod aliqua sint in Mahumetanis Sanctitatis indicia. Primum patet non solum ea ratione generali, qua eius doctrina vera fide caret ad iustitiam, & Sanctitatem requisita, aut quia plura continet turpia, & iniusta, cum ad rationem boni, qualis est lex sancta, integra requiratur causa, malum autem sit ex quocumque defectu; verum quia in particulari nullam de rebus divinis scientiam continet, ob quam mereatur nomen legis diuinæ, seu possit, & debeat credi Mahumetem fuisse Dei nuntium, vel Apostolum. Quod enim ipse ait, se à Deo missum ad Arabes, ut eos ab Idolorum cultu ad Dei veri cognitionem, & cultum vi armorum conuerteret, ineptum est, omninoque insufficiens, ut dicatur religionis Sanctæ institutor; doctrinamque, vel legem diuinis reuelatam mundo attulisse; cum absque vlla revelatione diuina, aut interprete Dei, qualem se fingit Mahumetes, sola Philosophia, lumenque naturale, & doctis evidenti ratione eam veritatem suadere, & indoctos, ut id ipsum certissime credant, mouere possit; proindeque ad hominibus rationis compositis persuadendū aptior erat Philosophus, quam Mahumetes ferro, igneque armatus; sique Arabes non aliam ob causam credere debuerunt illum esse Dei nuntium, quam ut ei asserenti non alium Deum esse, quā Deum, superuacanea omnino fuit eius missio, legatioque; nam hoc erat iam non solum per philosophiam, sed & per legem Mosaicam, & Euangelicam omnibus notissimum. Quas tandem imperat ablutiones corporeas pro purgandis animis, quibusque se à sordibus libidinum suarum mundari cre-

dunt Mahumetani, inanis, & vana supersticio est, nisi sit ut summum interioris poenitentiae, & affectus signum; aliquid autem Sanctum dici non potest, cum non sit Sacramentum à Deo ad remissionem peccatorum institutum.

Patet etiam secundò, quæ à Mahumetanis pietatis, misericordiae, vitaeque austerioris opera externa, sunt, nullo modo esse argumenta religionis eorum legitimæ, vel sanctæ. Ut enim omitam eiusmodi opera reperiri in Iudæis, & in Christianis, quorum religionem bonam esse, eosque in ea saluari posse, forsitan responderet Mahumetanus; suppetunt nobis idololatras, quos damnat Mahumetes, profittereque suam Sectam à Deo institutâ ut omnium falsorum numinum, idolorumque cultum, vi, ferro, flammaque exterminaret, & tamen ut constat ex eorum historiis tam antiquis, quâ modernis, quæcumque in Mahumetanis pietatis, aut virtutis signa commendantur, ea in idololatriis illustria cernuntur. Igitur dicendum est, aut idololatrias veram quoque religionem colere, & ita viuere, ut de eorum salute sperari bene debeat; quod est absurdum, cur enim iussisset Mahumetes eos vi cogi, ut mutato vitæ instituto, & abiecta idololatria vnus Dei cultum amplecterentur; aut, quod verum est, præfata opera nequaquam esse veræ, ac Sanctæ religionis argumenta; proptereaque minimè posse Mahumetanos gloriari, se ideo veram ac sanctam religionem obseruare, quia illa eadem opera ostentat, quæ cum idololatriis, quos damnat, communia habet.

Dicente igitur Regio Propheta, suadenteque ipsa ratione *legem Domini immaculatam esse; iustitiasque eius rectas* in omnibus, quæ proponit credenda, & agenda; quis pro vera, quis pro diuina habeat? imo quis rationabiliter legem appellet Alchorani librum, carnalia in hac vita proponentem, in altera pro beatitudine eadem promittentem, iniusta præcipientem, nihil autem

autem prorfus Sanctum docentem?

Cum inſuper idem Regius Prophe-
ta Pſal. 18. inter alias diuinæ legis con-
ditiones eam assignauerit, quod in ſuis
credendis nullo modo poſſit aliquid nõ
verum aut contradicitorium continere,
vt his expreſſit verbis *Iudicia Domini*
vera; tot certa habemus argumenta, quod
lex Mahumetana defectu huius
etiam conditionis non ſit lex diuina, quod
in ea reperiuntur mendacia, quot
contradictiones. Præcipua mendacia
ſunt, quia ſingula referendi nullus eſſet
finis, quod cap. 2. *de familia Amrani*, &
cap. 1. *de Maria*, dicat Mariam ſemper
Virginem Ieſu Chriſti Matrem, eſſe
Mariam Amrani filiam, ſororem Moy-
ſis, & Aaron; cum inter vtramque Ma-
riam longa plurium ſæculorum ſpatia
interceſſerint; nec tam apertum menda-
cium excuſat reſponſio, quam aliqui
Mahumetani adhibent, nempe illam
eamdem Mariam Amrani filiam fuiſſe
miraculoſè à Deo vſque ad illa tempo-
ra ſeruata, vt Chriſtum pareret; vt
enim omittam Sacræ Scripturæ autho-
ritatem numer. c. 20. vbi expreſſè ha-
betur illam obijſſe, conueniuntque in
hoc codices, tam qui ſunt apud Chri-
ſtianos, quam qui extant apud Iudæos,
vnde nulla corruptionis eorum ſuſpi-
cio rationabiliter ſuboriri poteſt; Al-
choranus ipſe teſtatur Mariam Chriſti
Matrem ortam eſſe tempore Zachariæ:
at illa Maria, ſoror Moyſis, & Aaron,
nata eſt tempore Pharaonis in Aegyp-
to, & non tempore Zacharię in Iudæa,
nequaquam igitur à tam celebri men-
dacio excuſari poteſt.

Aliud mendacium, eodem cap. 2. *de*
familia Amran relatum eſt, quod tem-
plum Mecæ ædificatum ſit omnium
antiquiſſimum, ſeu primò fundatum, &
extructum hominibus: cap. *de Iona*,
quod diaboli audierint Alchoranum,
& in Deum crediderint, indeque eius
gloria fruituros eſſe: cap. *de Animalibus*
nec non in lib. *Sonna*, aſſerit bruta eſſe
rationis capaciã, gentesque ſimiles ho-
minibus, eadem mereri, & demereri, &

ad iudiciũ ſuſcitanda, & in paradifi glo-
ria beatificanda, aut ad inferni penas
damnandas; quid plura tanquam certum
apud Mahumetanos fertur, Mahume-
tem librum compoſuiſſe duodecim mil-
lia propoſitionum, eumque interroga-
tum, num veræ eſſent omnes? reſpon-
diſſe tres mille tantum veras eſſe non
plures; adeo vt in duodecim mille
propoſitionibus nouem millia menda-
ciorum protulerit; vnde quando men-
dacium in Mahumetani lege deprehē-
ditur, dicunt, hoc eſſe vnum ex nouem
millibus. Verum quod cætera ſuperat
mendacia, illud eſt, quo, vt diximus ſu-
pra, ſua flagitia auferendi vxorem pro-
ximi ſui, & ſibi proſtituendi, aliaque ſi-
milis, Dei nomine, Dei authoritate, ſi-
bi præcepta, paſſim iaſtat. En quam
grauia contra hiftoriarum, rerumque
veritatem Mahumetes protulit menda-
cia, nunc quę contra ſemetipſum dixit,
audiamus.

Immemor enim illius, quod menda-
cem oportet eſſe memorem, Deoque
ita permittente, vt maniſeſtius cunctis
appareret eius legem eſſe falſam, ab ea-
que diuinę legis ratione, & conditione
deficere, qua vt ait Regius Prophe-
ta, *iuſtificata eſt in ſemetipſa*, hoc eſt, ſibi
perpetuò conſtans, innumera contradi-
ctoriè oppoſita in Alchorano aſſeruit,
nunc retrahens, nunc deſtruens, quæ
prius aſtruxerat. Talia ſunt imprimis,
quod ſingula eius capita inſcribuntur
eſſe, vel *Medinenſia*, vel *Mechenſia*; id
eſt, vel compoſita Mecæ, vbi Mahume-
tes traduxit decem annos, poſtquam
ſe Prophetam effinxit; vel compoſita
Medinæ, vbi Meca eiectus ſpatio decē
dierum diſſita, tredecim annos moratus
eſt: & tamen cap. 1. *de Vacca*; cap. *de fu-*
mo; cap. *Ekadar*, & cap. *de Alchorano*,
ſeu *Alſorcano*, dicit Alchoranum, ſingu-
laque eius capita ſimul in nocte qua-
dam menſis Ramadan correfpondentis
noſtro menſi Iulio, fuiſſe accepta.

Vbi aperta habetur cōtradictio; hæc
enim nox vel fuit tranſacta Mecæ, vel
Medinæ; ſi primum reſpondeatur, fal-
ſum

sum afferēt tituli, qui inscribuntur *Medinenfes*; Si autem secundum, falsum afferent tituli, qui inscribuntur *Mechenfes*: Vel si dicatur, re vera quēdam capita fuisse accepta Mece, quēdam verō Medinæ; iam falsum erit illud quod asserunt præcitata capita de acceptione Alchorani in vna nocte mensis Ramadan, descendisseque totum simul; quodcumque ergo dicatur alterutrum destruitur, contradictionemue implicat. Item cap. 1. & 4. ait: Iudæos, & Christianos salutem adepturos, nec non etiā Paganos, præcipitque, vt siue Iudæis, siue Christianis, siue Paganis, & cuiuscumque alterius sectæ, de lege Alchoranica sciscitantibus, sic Mahumetani respondeant; At cap. 2. oppositum dicit his verbis: Quicumque professus fuerit aliam legem, præter legem Mahumetanorum, non suscipietur ab eo, & in alio sæculo inter damnatos computabitur: Hæ autem propositiones; saluabuntur Iudæi, Christiani, & Pagani: Nullus saluabitur, nisi solus Mahumetanus; sunt contradictoriæ; particula enim, *nullus*, excludit omnes alios; sicut particula Iudæi, Christiani, Pagani, includunt etiam alios præter Mahumetanos; Præterquā ipsummet dogma, quod vnusquisque in sua religione saluari possit, explosum est supra sect. 6. tanquam manifestam inuoluens contradictionem. Insuper cap. 1. & 2. nec non cap. de *demoni afflicto ornata*, asseritur diabolos esse hominum inimicos, mendaces, & perpetuū inferni supplicij addictos; capite autem de *diabolis* dicitur, quod illi crediderunt Alchorano, & fideles euaserunt, facti amici Dei, & hominum, quodque saluabuntur, & gloriam consequentur: quæ etiam propositiones sibi contradicunt, præterquā falsa est illa, quæ asserit dæmones saluari posse. Plura alia contradictoria adduci possent, verum, cum vel vnicū sufficiat ad detegendam imposturam, sufficiat etiam enumerata, ad ostendendum iniquam Mahumetem mentitum esse sibi.

Nunc videamus, quot etiam fabulosa, rationique dissona docuerit in eodem Alchorano; vt quod beatitudinem in voluptatibus carnalibus posuerit, indeque forsitan bruta animalia beatitudinis capacia asseruerit; docente in contrarium Philosopho 10. Eth. c. 8. quod, *Dei operatio cum beatitudine excellat, cōtemplatiua sit, & ex humanis ea sit salicissima, quæ huic maximè est cognata. Argumento illud est, quod cetera animalia, quæ tali operatione penitus carent, experientia felicitatis quog; sunt. Deo enim beata tota vita est; hominibus autem eatenus, quatenus similitudo quadam eiusmodi operationis in ipsis inest. At ceterorum animalium nullum est felix, propterea quod contemplationis particeps nullo modo est. Quousque igitur protenditur contemplatio, eoque etiam felicitas sese extendit. Sic Aristoteles loco citato, & Augustinus 12. de Ciuitate Dei cap. 1. omnesque eruditi vnanimiter; quod sufficit insinuasse, quæ enim in hac materia, & alijs falsa docuit Mahumetes, eorum confutatio desumenda est ex Summa Theologica, vbi de illis occasione data agitur. Quæ item docuit in lib. *Sonna*, de terræ situ super cornu Tauri, tunc verò eam moueri, quando Taurus caput mouet; & cap. de *antro*, de solis occidentis in feruentis aquæ fontem immersione, sunt omnino fabulosa, rationique naturali, ac disciplinis Philosophicis in ea fundatis dissona, quæ clarè ostendunt terram non super Tauri cornu sitam, sed in centro iacere suis ponderibus appensam; solem verò nunquam ad aliquam terræ plagam, seu maris cadere, vt ineptè putauit Mahumetes; & monstruosum esse suspicari ait Diuus Augustinus lib. 1. de Genesi ad litteram cap. 10. sed incessanter per cælorum ambitum, longè semper à terra remotum in suo cœlo circumcirca moueri. Similia sunt quæ cap. de *muro sito inter paradisum, & gehennam* refert de camela, quod cum pullo suo tantæ longitudinis esset, vt triginta millia passuum occuparet, & vna die omnes aquas sorberent*

berent, ſequenti verò abſorberent viros, & mulieres; & cap. de *formica*, de exercitiis Salomonis, dæmonum, hominum, & volucrum: De ſermone auſu, quem ſe apprehendiſſe, & didiciſſe aſſerit Salomon: De locutione formicæ in hæc verba coram Salomone, & exercitiis eius: *O formica introite in tabernacula veſtra, ne ledat vos Salomon, & exercitus eius*; Subdit Alchoranus, quod audiens Salomon verba formicę riſit. Deinde animaduertit deeſſe Vpupam in exercitu auium, & propterea comminatus eſt ſe illam interfecturum. At Vpupa non longè abſens reſpondit, ſed ad Reginam Sabam iuiſſe, & ſibi nuntium ferre de eius magnificentia, & diuitiis. Verùm ſcito, inquit, illam ſolem pro Deo colere. Atque his dictis Vpupa Salomonis beneuolentiam captauit. Tunc ſcripſit epiſtolam Salomon, quæ per Vpupam ad Sabam miſit: illamque epiſtolam cauſam fuiſſe Sabæ eundi ad Salomonem. Dum autem iret, agnoſcens Salomon illius aduentum, per diaboli miniſterium, Reginę Sabæ ſolium ſeu tabernaculum tulit Hieruſalē: quod agnoſcens Saba obſtupuit. En quot vni narrationi huius aduentus ex Sacra Scriptura lib. 3. Reg. cap. 10. fabuloſa, & fatua intermiſcet Mahumetes, vt taceam innumera alia, quibus ſingulæ ſerè Alchorani pagine ſunt reſerę; adeo vt apprimè illi competat, quod Regius Propheta ait de eius ſimilibus Pl. 118. *Narrauerūt mihi iniqui fabulariones, ſed non ut lex tua*, ſcilicet diuina; inter cuius conditiones prius Pl. 118. illam enumerat, quod *Sapientiam præſtat paruulis*; propterea quod in illa perfectæ de rebus diuinis ſcientia, perfectæ morum diſciplina, quibus paruuli, hoc eſt homines prius ignari, rerum credendarum, & agendarum ad ſalutem neceſſariarum cognitionem, in qua vera ſita eſt ſapientia, comparare poſſūt, non autem fabellę narrātur, aut nenix, quales ſunt Mahumeticę, quarum notitia tantum abeſt, vt homines magis fiant ſapientes; quin potius magis fatui

redduntur, & inſipientes.

Tandem, 'cum ea ſit legis diuinę, doctriinę per eam traditę conditio, vt ſit conuertens animas ex eodem Regio Propheta; quod poteſt intelligi, vel ratione prophetiarum, ac miraculoſū, quibus firmatur, & oſtenditur eſſe diuina, quatenus huiusmodi opera, quæ à ſolo Deo prouenire poſſunt, conuincunt mentem ad credendum, aliqua doctrinam fuiſſe ab eo reuelatam; vel ratione diuinę cooperationis, non quidem viſibilis per miracula, ſed inuiſibilis per internam inſpirationem, gratiæque inſuſionem, qua præueniente, & operante, animus ad fidem inclinetur; poſtquam ſuperiori capite oſtendimus legem Mahumetanam haud poſſe dici conuertentem animas propter Dei atteſtationem per prophetias, aut miraculorum patratiōem, quibus caret; nunc ad huius capitis coronidem, breuiter declarandum eſt, haud quoque eſſe talem ratione diuinę cooperationis, ſeu doctrinam non habere efficaci ratione diuinę cooperationis; quæ inſuſione gratiæ mentem ad aſſenſum inclinet, quamuis ardua, naturam excedentia, & creditu difficili proponantur; quæque per viam ſalutis ad gloriã perducatur, & non per vitiorum anfractus in gehennam protrudat. Cuius duo inter cætera nobis ſuppetunt argumenta; primum deſumitur ex vltimo, quem lex Mahumetanam proponit ſine conſiſtente in voluptatibus carnalibus, ea enim doctrina ſemel admiſſa, animiſque infixæ, tantum abeſt, quod poſſit dici eos conuertere, vt indè potius omnem morum diſciplinam peruerſi, & quos talis doctrina informat, moribus deprauatiſſimos eſſe neceſſe ſit. Quæ enim temperantia, quæ caſtitas libidinum, obſcænarum caſtigatrix, quæ cupiditatum, paſſionumque moderatio expectari poteſt ab eo, cui non alia quam voluptuaria felicitas, ac beatitudo propoſita eſt; cuique proindè libidinoſa vita, corporæque voluptas ſumma votorum eſt. Quod vel vnicum argumentum ſatis

tis esset ad damnandum improbitatis, & impietatis sectam Mahumetanam, probandumque illam omnis veræ sanctitatis, omnisque efficaciæ conuertendi animas expertem esse. Alterum tamen adhuc propono fundatum in ipsa experientia eorum qui desertis religionis Christianæ, quam profitetur Ecclesia Romana Catholica, castris ad Mahumetanorum partes transeunt. Quid enim apostatis, aut transfigis illis obsecrans, ac impurius excogitari potest, qui non vi veritatis, aut doctrinæ animas conuertentis adacti, sed volupratû duntaxat illecebris allecti eas amplectuntur; ubi per oppositum, qui ex Mahumetanis, & alijs infidelibus Christianam religionem, vt vidi aliquos, seriò amplectuntur, non alio fine, ac motivo, quam maioris sanctitatis amplectuntur, & ita conuertuntur, vt non modo, quâ antea naturæ legem turpissimè violabant, postea facilè, & ad animum obseruent, sed insuper in omni virtutum genere egregia perficiant, vt diximus. sect. 2. cap. 21. Ex quibus omnibus satis vt puto demonstrata manet intentæ legis Mahumetanæ falsitas, ex parte rerum in ea ad credendum propositarum, quia multa cōtinet turpia, & iniusta, multa inter se contraria, rationique humanæ dissona, ac tandem carentia vi & efficacia in conuertendis, & afficiendis animis.

Fateatur quidem nonnulli linguæ Arabicæ periti, vt etiam ab illis audiui, dum eam discerem, Alchoranum satis eleganti fuisse conscriptum stylo: verû quia grammatica, aut styli elegantia non faciunt legem sanctam, sed sanctitatem, & puritatem doctrinæ per illam traditæ, nullum inde trahi potest argumentum in fauorem legis Mahumetanæ; cum etiam in dies obscenissimos, & fabulosissimos libros varijs linguis elegantissimè componi cernamus; ac si elegantia styli laudabilem vtrumque reddit Alchoranum; maiori certe vituperio dignum reddit illum obscurus, confusus, obscenus, libidinemque perpetuo

redolens loquendi modus; nunc de mensruosis, nunc de coniugatis, nunc de viduis, nunc de puellis, nunc de coniugio, nunc de copula, de eius modo, de qualitate, de situ, de tempore, ac denique de vniuersis quæ ad eam pertinent, etiam sine occasione differendo; Mahumeris quippè animus aliud quam id, quo plenus erat, eruere non poterat.

CAPVT V.

Aperitur vanitas legis Mahumetanæ, ex parte eorum qui credunt, hoc est, ex defectu sanctitatis insignis, mutationis admirabilis, patientiæ inuincibilis, & multitudinis innumerabilis in illis, qui legis Mahumetanæ adhaerent.

VT sectione secunda cap. 20. & sequentibus ostendimus eam religionem, qualis est Christiana Romana Catholica existimari debere veram, & à Deo profectam, si considerentur motiua, vel argumenta credibilitatis eius, qualia sunt ex parte illorum, qui credunt, *Sanctitas vite*, qua semper in præfata religione infinitæ personæ omnis conditionis, ætatis, & sexus insigniter flourerunt, *mutatio admirabilis*, qua sapientissimi, & doctissimi etiam viri colla ei subiecerunt, *constantia, & patientia inuincibilis*, qua tot Sancti Martyres, qui antea ne leuissimum quidem incommodum perferre poterant, postea pro religione Christiana etiam atrocissima tormenta alacri, & inuicti animo subiecerunt, ac tandem *multitudo innumerabilis* eorum, qui illam amplexi sunt; ita per oppositum manifestius deprehendi non potest falsitas, aut vanitas legis Mahumetanæ, si spectetur ex parte eorum, qui credunt, quam ostendendo in illa defectum omnium supradictorum motiuorum, vel argumentorum.

Nullam imprimis reperiri sanctitatem in Mahumetanæ legis sectatoribus, ex eo satis patet, quod etsi sanctitas legis non dependeat ex sanctitate personali aliquo-

aliquorum ea malè vventium, vel in ea malè viuientium, vt loco citato cap. 17. ostendimus; attamen impossibile est aliquas esse personas sanctas, legem nõ sanctam, aut impiam sequentes; sed vt superiori capite probauimus Mahumetani legem iniustam, ac impiam sequuntur; impossibile est igitur, quod aliqui inter eos sint sancti. Nec etiam faciunt, aut arguunt eos esse tales, nonnullæ quæ ab ijs sunt pietatis, misericordiæ, vitæque rigidioris opera externa, non solum quia illa eadem sunt ipsi cum idololatriis communia, quos nullus sanctos appellabit, verum etiam quoniam qui talia opera exercent, quales sunt potissimum eorum sanctones, Deruissii, Quouellij, seu Eremitæ, sunt alias omnium vitiorum, obscænitatum, ac superstitionum magicarum cloaca impurissima, vt referunt, qui inter eos vixerunt, & qui de illis scripserunt.

Deficit quoque in religione Mahumetana mutatio mirabilis doctissimorum, & sapientissimorum virorum, qui vt illam amplecterentur, suas vnquam reliquerint: Siquidè Mahumetani nulli fuerunt, nec sunt, nisi homines rudes, ignari, nullaque etiam humana scientia exculiti, sique apud eos aliqui Doctores aut Philosophi aliquando fuerunt, vel etiamnum reperiuntur, quod rarissimum est, cum à litteris alienissimi sint ipsi sacrorum antistites, legisque illius doctores; compertum est eos Mahumetæ contempsisse, nec magis fuisse Mahumetanos, licet cum istis templa haberent communia, & cætus celebrarent, quam idololatæ olim erant Philosophi, qui quæ numina cum populo in templis colebant, in scholis ludibrio habebant, negabantque; vt diximus sect. 4. Sic Auicenna, quod cum puderet legis Mahumetane turpitude, metaphoricè intelligenda esse dixit, quæ in Alchorano habentur de voluptuaria beatitudine; Sic Auërroes dicitur illam vocasse legem porcorum, alij bestiarum, non solum ratione rerum brutorum potius, quam hominum vitæ consenta-

nearum, in illa traditarum, sed maxime ratione modi illam stabiliendi, hoc est, vt capite sequenti dicemus, metu, & ignorantia, Mahumetes enim prohibet aut de illa disputare, aut eam ad rationis sapientiæque normam reuocare; proptereaque indigna est, cui aliquando adhererint, aut ad eam confugerint aliquando, ex quacumque secta Deum verum potissimum adorante, viri docti, aut sapientes; vt sect. 2. in lege Christiana contigisse ostendimus, quia licet, quæ res diuinæ, mysteriaque in illa doceantur, humanæ mentis intelligentiam, & captum superent, minusque carni faueant, & sanguini, eiusmodi tamen sunt, vt cum ratione naturali sapientiaque non pugnent, & à sapientibus, cordatisque viris examinata, diligentiusque perpensa motiua, & argumenta, quibus redditur euidenter credibile ea fuisse à Deo reuelata, probentur potius, quàm refellantur; indeque tot ex illis mutatione sanè mirabili ad religionem Christianam conuersi fuerint, rigidique illius cultores effecti.

Sicut insuper fuit ordinatio alti diuina consilij, quod inter persecutionum tempestates Christi fides innumerabilium Martyrum irrigata sanguine vires caperet, premente persecutione cresceret, & impleter orbem, vt hoc modo Deus suæ omnipotentie mirabilia ostendens significaret præfatam fidem esse diuinam, quæ mirabili quodam modo posset militibus suis, non hostes occidendo, sed eorum armis occumbendo, dare triumphum, & diminutione incrementum. Tam euidentis est argumentum vanitatis, & inefficaciæ legis Mahumetane, quod illa non solum nullos habet Martyres, vt religio Christiana, sed ipse potius tot martyres effecerit, qui cum sola fidei Christianæ abnegatione, mortem, & tormenta effugere, imo & pro tormentis obtinere delectamenta, pro morte vitam non solum, sed & diuitias, & dignitates possent, nihilominus his omnibus contemptis, se potius tormentis, pœnis, supplicijs, & mor-

ti subijcere maluerunt.

Sectæ tandem Mahumetanæ, quod aliquibus forsan prima facie paradoxū videbitur, eo quod à mille iam & amplius annis duret, quod totam ferè Asiam, Africamque occupet, & ipsam Europam aliqua ex parte contamine, deest multitudo sectatorum innumera bilis, ratione cuius possit dici habere vniuersalitatem temporis, locorum, & personarum, quam sect. 2. capit. 25. & sequentibus ostendimus religioni Christi ane inesse, in eaque certam esse veritatis eius notam, vel argumentum, at tentis omnibus circumstantijs.

Primò enim non quæcumque vniuersalitas temporis, seu duratio est vere religionis nota, sed ea, quæ mundo dicitur cœua, & à Deo primos homines edocta; qualem ostendimus esse religionem Christianam loco citato, nō quia tunc fuerit à Christo Domino instituta, sed quia sicut idem homo varias ætates habet, & in illis varia officia, ita quæ religio in lege naturali, & Iudaica tanquam in figuris, & vmbis pueritiæ agebat, imperfecta, & rudis, eadem à Christo figurato perfecta cæpit habere, quæ ætatem adultam decent, siue statū ad finem vsque mundi perseveraturum; Hanc autem vniuersalitatem temporis non competere sectæ Mahumetanæ clare patet, quia nec à Mahumete, qui tunc non existerat, fundata fuit in principio mundi, nec à Deo in lege naturali, & scripta prænuntiata, & promissa vnquam fuit, vt supra ostendimus. Vt insuper ex duratione, seu diuturnitate temporis possit argui rectitudo legis alicuius, requiritur, quod bonum eius fuerit initium à Deo, ac Dei viris per miracula euidentia, nam si falsa fuit, quando cæpit, quantumuis multa numeret sæcula, eadem semper remanebit; Secta autem Mahumetana ex dictis supra, nec in sui principio, nec vllis vnquam firmata fuit miraculis, sed tunc falsa fuit; ex hoc igitur quod iam per tot durauerit sæcula, non propterea potest argui rectitudo eius. Enimvero si

antiquitatis iure præcisè certetur, cæcitas Iudæorum, & cum eorum secta per aduentum Christi cæpit esse falsa, atque superstitiosa, Mahumetanam lōgo interuallo anteuertit, & vtraque antiquior est idololatrarum confusio, & impietas, cui tamen ipso Mahumetano iudice, nec antiquitas, nec tot sæculorum series auctoritatem conciliare vnquam potuit. Tandem vt constans religionis alicuius duratio, efficax sit veritatis, ac diuinitatis illius argumentum, sermo est de illa, quæ persecutionibus tot hæreticorum, schismaticorum, & prauorum Christianorum insidijs, intestinisque seditionibus vexata, & agitata viget adhuc, & in animis piorum, doctorum, sapientissimorumque virorum, quo attentius consideratur, altius infixæ perseverat; cuiusmodi est religio Christiana; Non autem de illa, quæ nulum aliud habet sue durationis fundamentum, quam ignorantiam, & armorum terrorem, carnisque licentiam, qualis est Mahumetana: cum enim sensus, & cogitatio humani cordis prona sint ad malum omni tempore, & adoleſcentia sua, si lex concupiscentias, & delectamenta permittens, & carni fauorabilis per multum temporis duret, mirabile non est, aut quod in ea digitus Dei sit, argumentum. Hoc autem patet, & patuit in idololatria, quæ, vt statim dicebam, tot sæculis obtinuit orbem, nec adhuc vbique penitus extincta est: & tamen dici non potest, quod diuina virtus totum mundum ad idololatriam traxerit, nec quod diuina gratia illam in orbe seruauerit; sed potius, cur per tam ampla sæcula, per tam tam longa etiam terrarum spatia, mundum possederit, inde ortum esse, quod idololatria carnis voluptatibus, & concupiscentiis nedum fræna relaxabat; sed & stimulis etiam cogebat: propositis hinc Iouis stupris, adulterijs, raptibus; inde Veneris amoribus, Cupidi lasciujs, Priapi turpitudinibus, Floræ prostibulis, Bacchi crapulis, & alijs similibus innu meris.

Quod

Quod de vniuersalitate temporis probauimus, eam uidelicet Sectæ Mahumetanæ minimè patrocinaris; idem à fortiori dicendum est de vniuersalitate locorum, seu dilatazione eiusdem, per multas mundi prouincias, non solum quia ut hæc vniuersalitatis notæ, sicut & præcedens, religionem veram designet, necesse est ut salua sint alia religionis signa & rationes, ac nominatim Sanctitatis, quæ sectæ Mahumetanæ cupiditatibus hominum carnalium vndequeque lenocinanti, & libidinosæ naturæ seruienti minimè cōpetunt, verum etiam quia si comparetur, non dico religioni Christianæ toto orbe diffusæ, sed Iudaicæ, ista longè magis extenditur, quam Mahumetana, si orbis huius vniuersi regiones, in quibus vtraque reperitur percurrere velimus. Vbi cumque enim Secta Mahumetana viget, suas Iudæi Synagogas, & in illis ritum suum liberum habent, ac præterea in multis Europæ regionibus Christianis, in quibus Secta illa non permittitur, quanquam longè minor Iudæorum, quam Mahumetanorum numerus sit. Iterum Idololatria fuit amplior, quæ olim excepto Iudææ angulo totum ferè mundum replebat; Igitur quemadmodum nihil Iudæis nunc post Christi veri Messæ aduentum fauet ad rationem veræ religionis eorū per orbem diffusio, nec etiā idololatriæ olim fuit, ut tenentur admittere Mahumetani, ni cōtradictoria velint asserere, ita quoque ipsis multò minorem eorum dilatazione nihil patrocinari dicendū est, ut verè credatur esse apud eos religio. Denique cum nonnisi vnicum hominum ignarorum genus stolidum Mahumetanam Sectā teneat, hæc quantumuis terras multas, ac regiones occupet, deest etiā illi vniuersitatis personarum nota, qua insignita est Religio Christiana Romano-Catholica, Nulla enim orbis terrarum pars est, in qua eius scētatores non sint, nullaque natio, aut hominum plebeiorum, magnatum, idiotarum, ingeniosorum, docto-

Bibliot. Theol. Tom. V.

rum, & rudium conditio, in qua Christus ritu Romano-Catholico non adoretur.

Ut autem Deo ita permittente propter hominum peccata, idololatria, olim, idololatrarumque Monarchiæ, diu quidem inualuerunt, sed omnes tandem dissipatæ sunt, ita quoque de Mahumetana futurum aliquando sperandum est, iuxta illud Act. 5. *Si ex hominibus hoc opus est, dissoluetur*; quia verò tempus in Scripturis non præfigitur: propterea illius durationem ignoramus; sed tantum ex eo quod tanto tempore durauerit, tamq; latè pateat, asserimus eius recitūdinem minimè probari; nec id etiā mirum videri debere in lege concupiscentiis carnalibus alliciente, & armis terrente, qualis est Mahumetana; secus autem in Christiana, quæ carnis voluptates prohibens, & asperum crucis iter arripiedum præcipiens, multaque humanæ mentis intelligentiam, & captum superantia docens, eaque firmissimè cum iplo vitæ dispendio credenda proponens, in hominibus, quorum naturæ ad sensuum blandimenta propendit, tandiu viguit, & orbem vniuersa sui potentia obfistētem subiugauit; hoc enim nonnisi diuinæ virtutis, & omnipotentis tribuendum eiusque opus singulare, ac mirabile dicendum est.

C A P V T VI.

Demonstratur falsitas Sectæ Mahumetanæ ex modo quo eius author Mahumetes illam stabiliri, & propagari voluit, hoc est, ignorantia, & metu, seu armorum vi.

C Vm ex dictis Sect. 2. cap. 29. vnū è præcipuis, quæ habemus argumentis, ad suadendum Religionem Christianam esse à Deo, sic modus, quo primum stabilita, deinde propagata fuit, nunc per oppositum demonstrare intendo falsitatem Sectæ, vel legis Mahumetanæ, ex modo ipso, quo

N n n 2 Mahu-

Mahumetes ad illam firmandam, & dilatandam vsus est, cauendo nimirum, ne eius sequaces vacarent Philosophiæ studijs, per quæ falsitas illius etiâ apud sola ratione naturali vigentes, quive aliquid plus quam seruile hominum libidinosorum genus solet, sapere inciperent, manifestè apparere potuisset; indeque consequenter prohibendo, vt de lege sua non disputaretur ratione, sed gladio, atque ideo modo tyrannis, & latronibus communi, bestiasque potius, quàm homines decente; vbi in oppositum Christianæ religionis prælati, non timentes, quod si inter Sapiētes eius fides ventiletur, vana, aut perniciofa appareat, parati sunt de illa rationem reddere omni poscenti. Hoc enim pertinet ad Sapientem rationem & causam sui operis assignare; alias quilibet fatuus non minus, quam Mahumetes posset legem cōdere, & quicquid vellet præcipere, etiam non credendum contrarium asserentibus, quo nihil absurdius dici potest.

Prima igitur ratio ad explodendum præfatum Mahumetis placitum, seu modum propagandi armorum violentia legem suam, tanquam diuinius acceptam, atque adeo per fidem credendam, desumitur ex ipsamet fide, quam non solum Scripturæ, & Patres docent esse positam in voluntate nostra, licet præparanda, & præueniēda à Domino, vnde rectè ait Augustinus tract. 26. in Ioan. *Multa potest facere homo nolens: credere autem non potest nisi volens*; verum id etiâ manifesta constar experientia, cum eandem eodem modo propositam, & prædicatam fidem alij accipiant, alij recusent, alij persequantur, alij dicant rationabilem, alij stultam. Si enim, vt est certum, nemo Deum religiosè colit nisi volens, nec in eum credit nisi volens, non coactus, non inuitus, nec Deo cordium scrutatori placet seruitus coacta, aut externa quædam religionis simulatio: manifestè patet, quam sit farvus naturæque fidei dissentaneus modus, quem præ-

scribit Mahumetes vi, & armis illam stabiliendi; hæc enim opponuntur hominem credere, & cogi ad credendū. Nec licet passim infidelibus quacumque legem, armis cogentibus seruandam præscribere, nisi tantum legem naturæ, ad quam tenentur naturali lumine suadente; ideoque conueniens est vt naturalem vitam amittant, qui naturalem legem seruare derectant. Ad supernaturalia autem credenda, non iure compelluntur, vt patet ex Euangelio à Mahumetanis admissio, vbi Christus non dixit: *Pugnate, & cogite ad mytheria Christianæ fidei credēda*, sed: *Euntes in uniuersum mundum predicare*, &c. assensum libero audientium arbitrio relinquens. Quæque in contrarium à nonnullis adducuntur exempla de Iosue, & Constantino, ad rem non faciunt; quia non pugnauerunt ad hostes compellendos ad fidem armorum potentia; sed Constantinus contra Maxentium, cum sibi non debita tyrannicè vsurparet; Iosue verò tanquā Dei instrumentum ad puniendos Chanaanorum populos assumptus fuit, vt ex Scripturis patet, in quibus præcipiuntur Chananæi propter eorum peccata delendi, non autem ad fidem trahendi armorum terrore.

Secunda ratio est, quia in negotio fidei diuine amplectendæ, qualem suā esse supposuit Mahumetes, vt durities & tarditas cordis est reprehensibilis, iuxta illud Christi Domini: *Os stulti, & tardi corde ad credendum*; ita quæque fugienda est leuitas animi iuxta illud Ecclesiast. 19. *Qui cito credit lentus est corde*, sed hæc duo extrema vitari, aut superari non possunt sola armorum vi, exclusa omnis rationis ope: Igitur apparet peccorum potius, quam hominū esse modum, quo Mahumetes suam legem, vt diuinam amplectendam esse voluit. Maior huius agumenti videtur esse certa, doctrinaque Catholica in ea contenta medium tenet inter duos extremos errores, primum scilicet Mahumetis, quem modo impugnamus,

mus, omnem rationis vsum in fide amplectenda excludentis, leuitatque proinde locum dantis, & alterum nimie duritiei Gentilium, nec non plurium, etiam hereticorum dicentium, nihil esse credendum, nisi quod ratione ostenditur; quia licet non semper possimus rationem reddere propriam earum reru, quas credimus, potest nihilominus, imo debet sufficiens reddi ratio cur credamus, sic enim dixit Petr. 1. cap. 3. *Domini autem Christum sanctificare in cordibus vestris, parati semper ad satisfactionem omni poscenti vos rationem de ea, quae in vobis est spe*, cuius fides est fundamentum, seu substantia. Hanc autem rationem, seu modum inquiremus, & asserimus non esse armorum vim, quidquid enim sit vtrum in ciuilibus, vel politicis, debeat esse vltima ratio Regum, illa in rebus fidei nequaquam talis esse potest, sed sufficiens tantum illarum propositio, ad quam non armorum vis; sed sola ratio requiritur, quae est minor huius argumenti probanda.

Enim vero ad sufficientem obiecti fidei propositionem, non sufficit obiectum vtrumque proponi tanquam dictum, seu reuelatum a Deo, sed necessarium saltem est cum talibus circumstantijs proponi, vt prudenter appareat credibile, eo modo quo proponitur, ad hoc autem nihil valere armorum vim, & ad hoc vt excusetur a leuitate cordis, qui illa solum adactus credit, absque vilo rationis examine, manifeste patet: quoniam dicitur cito, & leuiter credere, qui imprudenter credit; sed qui armorum terrore, non autem aliqua ratione prius suadente rei credendae credibilitatem, illi assensum praebet, sine dubio imprudenter id facit; non igitur armorum, sed rationis vis sufficienter obiectum fidei proponentis est illa, qua vera ac diuina fides stabilenda est. Probatur ista vltima consequentia, quia quae a Deo sunt ordinata sunt; ergo impossibile est, quod fides, quae a Deo est, & ex speciali eius

auxilio, imprudenter, & inordinate fiat. Insuper voluntas credendi, quae ad fidem supernaturalem, ac diuinam requiritur, est etiam supernaturalis, & ex speciali gratia Dei; atque adeo per se est voluntas studiosa, & honesta; ergo supponit prudens iudicium circa obiectum suum; si quidem prudentia est, quae voluntatem ad operandum mouet. Praeterea credulitas diuinae fidei talis esse debet, vt sit immunis ab omni falsitate: non potest igitur induci nisi per prudens iudicium; & ex opposito modo credendi nascuntur haereses, & schismata, quoniam qui imprudenter credit facile decipitur. Tandem diuina fides debet excludere omnem formidinem, & mutabilitatem, nam qui semel credit Deo pro vt debet, nunquam potest licite, & prudenter recedere a tali fide, quotiescumque autem homo imprudenter aliquid credit, si id postea aduertat, potest prudenter recedere a tali fide, vel saltem de illius veritate dubitare; repugnat ergo fidei diuinae imprudens, leuisque credulitas, qualis est illa, quae inducitur armorum vi, qua vnusquisque, qui in mundo potentior esset, posset illi pro suo libito legem aliquam dare, eamque diuinam appellare, & ad illam pro tali habendam cogere, vt de facto contigit Mahumeti, eiusque sectatoribus.

Confirmatur haec ratio, siue argumentum ad hominem ex ipsa eorum confessione; nam dum omnem de religione disputationem prohibent, & in ea stabilienda armorum valorem tantum adhibent, vel rationem ipsi habent, qua sibi, aut alijs ostendant, & persuadeant religionem suam fuisse a Deo traditam, vel non habent? si hoc posterius fateatur, concedunt ipsos vltro, & imprudenter, & temere, & factiose citra causam, atque rationem colere, suam legem; si porro rationem aliquam habent, cur illi credant, vel illam colant, tenentur eam prodere, atque de hoc puncto disputationem admittere; quare omni disputatione, & ratione remo-

remota, cum ad solum gladium confugiant, manifestant se ratione destitutos, atque adeo imprudenter, vi solum, & armis, atque per tyrannidem causam tutari. Videns ergo Mahumetes, se, resque suas in tuto non esse, ubi ratio valet; propterea disputationem, & rationem omnem remouit iniectis in seruitutem ipsis etiam mentibus. Unde duo gravissima sequuntur absurda, primum mēiri Mahumetanos omnes, dum asserunt se religionem à Deo communicatam sequi, id enim dicunt, atque adeo mentiuntur, nescientes, nullisque perpenſis motiuis, aut argumētis, quibus fiat ipsis euidenter credibile, ut requiritur ex statim dicendis in sequenti ratione; si porro scirent, rationem, & probationem redderent, consequenterque de eo disputari, & controuerti permetterent, nec timerent: quod cum non permittant, signum est manifestum, eos nescientes dicere se legem diuinitus reuelatā seruare propterea que mentiuntur. Alterum absurdū est, eos nihil in corde, & interius credere, si omni etiam probabili ratione, & probatione careant, quicquid ipsi fallantur interim, & se iudicent credere: non enim tale est voluntatis, vel oblationis arbitrium, seu imperium in intellectum, ut cum cogere in fidē, & assensum valeat sine ratione, sine probatione, quia licet homo voluntariē præbeat illum, nihilominus non potest assentiri propositioni, in qua aliqua saltem ratio probabilis veritatis non appareat, quia voluntas non potest vliam mouere potentiam extra obiectum suum. Quamobrem si Mahumetani in negotio religionis amplectendæ ratione, & probatione sunt destituti, nihil corde credunt; si autem eam habent, quid ad vim, & gladium confugiunt? quid eam non produunt? quid eam admissa disputatione non tuentur? quid scriptis libris non comprobant? Hæc igitur omnia cum prohibeant, cum abhorreant, cum non nisi armorum terrore agant, se se ratione

destitutos, ac proinde nihil corde credere, quo tamen credi debet ad iustitiam, toti mundo demonstrant.

Tertia ratio, qua præfata Mahumetis barbaries exploditur, est, quod ut propositio fidei diuinæ, siue obiectorum per illam credendorum sit sufficiens, nedum requiritur, eam fieri cum talibus circumstantiis, ut prudenter appareant credibilia, eo modo quo proponuntur, vt explicuimus in ratione superiori, sed insuper necessarium est, ut ea quæ proponuntur fiant euidenter credibilia, tanquam dicta à Deo, ac subindē, ut certa, & infallibilia, sed hoc præstari non potest absque concursu rationis diligenter, & accuratē omnia discutientis, & examinantis, tam si consideretur qui fidem suadere, quam cui illa suaderi debet, ut exterminis ipsis clarum est; malē igitur Mahumetes, omni examine, ac ratione in exilium acta, fidem diuinam, sola vi, & armis induci præcepit. Maiorem huius argumenti, quā docent omnes Patres, ideoque in id maximē semper incubuerunt, sicuti sect. 2. vidimus, ut ostenderent nostræ fidei mysteria esse euidenter credibilia, quia nimirum nō minorem credibilitatem ad illam sufficere iudicabant, probat quoque efficaciter sequens ratio; quia ante fidem, vel eius susceptionem in adulto, necessarium est velle credere, & ante hanc voluntatem necessarium est iudicium, quo voluntas inducatur ad volendum credere, quod non est aliud nisi iudiciū de credibilitate obiecti: igitur vel illud iudicium est certum, vel incertum, aut probabile. Si est certum, est etiam euidens, quia certitudo propria, & obiectiua ac prudens, non datur sine euidentia, nisi in assensu fidei diuinæ essentialiter obscuræ; illud autem iudicium, de quo agitur, nondū est fidei diuinæ; sed supponitur, siue est via ad illam: igitur non potest esse certum & obscurum, sed si est certum necessariō est euidens. Incertum autem, seu probabile dici non potest, si quidem tale iudicium

dicium de credibilitate obiecti, non est sufficiens ad fidem certam, qualis est diuina. Vnde licet in fide humana sæpè prudenter credatur, quod probabiliter tantum apparet credibile, & in alijs actionibus studiosis sæpè ducamur iudicijs probabilibus applicando illa cum certitudine practica, siue quod idem est ex probabilitate speculatiua sæpè inferatur certitudo practica: Attamen quia tale iudicium in sola probabilitate speculatiua fundatum, quauis sit certum practice, est mutabile, nam principia probabilia, in quibus fundabatur, possunt facile mutari, inde etiam potest humana fides mutari, si probabiliores coniecturæ in contrariu occurrant, & concipiantur. At verò diuina fides, ita est certa, vt semel concepta mutari non possit: Et ideo talem certitudinem practicam requirit in iudicio credendorum, vt fundetur in euidencia credibilitatis, & non in sola probabilitate, quæ facile potest deficere: deinde, cum certitudo fidei non tantum sit practica, sed speculatiua, id est de veritate rei in se, requirit etiam certitudinem speculatiuam de credibilitate sui obiecti, nam impossibile videtur hominem determinari ad credendum aliquid firmiter, & certo, si cū formidine tantum, & non certo iudicerit illud esse credibile; ideoque etiam docent cõmuniter Theologi, vt obiectum fidei sufficienter proponatur, non solum debere fieri euidenter credibile absolute; verum etiã comparatiuè, hoc est credibilius quocumque alio obiecto seu doctrina sibi contraria, vel repugnante. Quamuis enim fieri possit in humana fide, & cognitione, vt duæ propositiones contradictoriæ, sint probabiles, etiam euidenter, quoad probabilitatem; nam hoc nullam inuoluit repugnantiam, quia plura falsa sunt probabiliora. veris, & quia ex vi illius probabilitatis solum datur iudicium formidolosum, & incertum, de veritate, seu de re ipsa; hoc tamen in fide diuina repugnat, ea nimirum aliquid ef-

se euidenter credibile, & simul contrarium, etiam esse credibile, nedum euidenter, verum nec prudenter, quoniã iudicium, quod formari debet ex tali credibilitate, debet esse certum, & absque formidine: igitur implicat, vt contraria doctrina sit euidenter, vel prudenter credibilis. Aliàs talis credibilitas necessariò pareret formidinem; imo licitum esset homini inter illa credibilia eligere, quod mallet, si verumque esset euidenter credibile, non solum absolute consideratum, sed etiam comparatiuè: hoc autem repugnare, & certitudini, & obligationi amplectendi fidem diuinam, qualis est sola fides Christiana Romano-Catholica, apertè demonstrant argumenta, & signa, quibus Deus, cuius prouidentia maximè extenditur ad res religionis, illam præ omnibus alijs sectis voluit esse credibilem; quæ si sufficienter proponantur, tenentur omnes illã amplecti cum certitudine, ac præferendo etiam illam omni doctrinæ contrariæ: ad sufficientem igitur diuinæ fidei, reuerentiamque per illam credendarum propositionem, necesse est, vt illæ sint euidenter credibiles, non solum absolute, sed etiam comparatiuè.

Ad hæc autem omnia requiri vsum rationis, & non valere armorum vim, quæ erat minor probanda, clarius patet, quam probatione indigeat, præsertim quia non solum debet obiectum fidei diuinæ esse euidenter credibile, modo explicato, verum etiam requiritur euidencia, quod secundum rationem naturalem tale obiectum sit credendum, & eius fides sit anteposenda cuicumque opinionioni contrariæ. Notandum est enim, hæc duæ esse diuersa, scilicet aliquid esse credibile, & aliquid esse credendum secundum rectã rationem; si quidem differunt tanquã potentia, & actus, seu obligatio ad actum; etsi autem non semper teneamur credere quidquid credibile est, vt in humanis constat: nihilominus tamen in diuina fide, quoties eius obiectum

ætum proponitur sufficienter, vt credibile tali fide; consequenter etiam est credendum secundum rectam rationem: propter quod communiter Theologi cum D. Thoma 2.2. q. 2. afferunt, quod licet præceptum fidei sit simpliciter supernaturalis; quia est de actu supernaturalis; facta nihilominus sufficenti propositione obiecti fidei, ipsam rationem naturalem ostendere, tale credibile esse credendum; & consequenter idem Sanctus Doctor quæst. 10. ait infidelitatem positivam ita proximè, & immediatè esse contra præceptum diuinum supernaturale, vt etiam remotè, & quasi radicaliter sit contra rationem naturalem distantem credendum esse, quod Deus dicit, & credendum esse dici à Deo, id quod nomine, & virtute eius sufficienter proponitur; ratioque desumitur ex dictis; quia ipsius lumen naturale dicat propositis pluribus Sectis, seu vijs ad Deum debito modo colendum, æternamque beatitudinem ab eo promerendam, illam viam esse sequendam, quæ euidenter credibilior apparet; illud enim est credendum, quod maiorem veritatis speciem præ se fert, & præsertim in negotio salutis, in quo omne morale periculum vitandum est; sed ex huc vsque dictis, quando doctrina fidei diuinæ sufficienter proponitur, ostenditur euidenter credibilior quacumque Secta illi contraria; ipsum ergo lumen naturale dicat, & suadet illam esse credendam. Quamuis enim res sit supernaturalis, potest fieri euidenter credibilis per signa, & alia media sensibus obiecta, adiuuante lumine, & discursu naturali, quia credibilitas provenit ex medio extrinseco, quod naturaliter potest euidenter cognosci; & potest etiam cadere in mysterium supernaturale, illudque denominare credibile; vnde laborat in æquiuoco, quod aliqui dicunt rem credendam dici credibilem ab ipsa fide; vt patet exemplis intelligibilis, & sensibilis, quæ duobus modis accipi possunt, scilicet formaliter, & fundamen-

taliter: & priori modo verum est, illorum denominationes sumi à potentijis intellectus, & sensus, quatenus possunt intelligere, & sentire tale obiectum, quod inde passivè denominatur intelligibile, & sensibile; posteriori autem modo, scilicet, fundamentaliter, non est illa denominatio à potètia; sed potius ad illam supponitur, & sumitur ab aliqua intrinseca proprietate rei, quæ est veritas in obiecto intelligibili, & virtus immutandi sensum in sensibili. Ita ergo in præsentī dupliciter potest obiectum denominari credibile, scilicet formaliter, & quodammodo fundamentaliter, vel potius dispositivè: & priori modo conceditur denominationem sumi ab ipsa virtute fidei potente illud obiectum attingere, posteriori autem modo negatur inde sumi, sed ab argumentis, & motiuis, quæ concurrunt ad sufficientem applicationem fidei, seu obiecti per illam credendi, quibusque dicitur fieri euidenter credibile, cum enim fides sit obscura, & non evidens talis ab ea denominatio provenire nō potest. Est tamen hic nonnulla ab exemplis allatis differentia: nam utraque denominatio credibilis est extrinseca; sed hoc parum refert, cum formæ extrinsecæ dominantes distinguat sint, & vna ad aliam comparetur, sicut dispositio ad formam, præfata namque motiua, quibus obiectum propositum redditur euidenter credibile, præparat viam ad fidem introducendam, quæ considerata in habitu, seu in potentia, denominat rem formaliter credibile, sumpta verò in actu denominat creditam.

Libenter igitur admitimus, vbi de diuina agitur fide, seu de mysterijs ad illam spectantibus, nihil valere rationē antecedentem; vt enim sapienter obseruauit Diuus Thomas in 3. dist. 24. q. 2. art. 3. illud Deum inter, & homines interest, quod, vt credatur hominibus, inspicienda sint, quæ dicant, & qualia, an possibilia, an absurda, an coherentia, atque ita nonnisi per examinationem

men rerum creditur ipsis hominibus: At impium esset cum Deo ita agere, quem constat nec fallere, nec falli posse, atque adeo eo ipso quod scitur aliquid esse reuelatum à Deo, incunctanter, & indubitanter credendum est, absque vilo prorsus examine; cum fides diuina assensum præstet propter autoritatē diuinam solam; adeo vt si quis vel ex toto, vel ex parte ratione moueatur, rationi consentiat, rationi credat, hic nullam fidem habeat; quapropter verorū fidelium non est, scio, probō, intelligo, sed credo; & eo firmitus credere, quo rationes, vel congruentiæ magis contrariæ haberi videntur.

Præterea concedimus ex communi Doctorum sententia, quod hæretici, & apostatæ à vera fide, qualem modo supponimus esse solam Christianam Romano-Catholicam, puniri possunt, nec nō etiam cogi, tam ipsi vt ad illam redeant, quàm fideles, vt in illa perseuerent, nō tantum per spirituales pœnas, sed etiā per temporales, & corporales.

Tantum autem rejicimus Mahumetis barbariem, siue tyrannidem, qua voluit in negotio diuinæ fidei, ac religionis, etiam vbi primum instituitur, & prædicatur hominibus, nihil probari, nihil defendi, soluique nihil nisi gladio, reiecto quouis eius examine; asserimusque nos sciendum esse, & credendum à religionis cultoribus; nam eo ipso quod doctrina tota veræ religionis data est à Deo, & reuelata, credenda est tota sine examine, sine disputatione, sine lite, vt mox dicebam; at sciendum est prius, an hanc, quam amplecti volumus, quamque colimus religionem, an hanc, quam credimus: fidei doctrinam Deus dederit, ac tradiderit; vt sect. 5. fusius explicuimus; præclarèq; expressit Diuus Thomas 2. 2. q. 1. art. 4. ad 2. vbi de fidelibus loquens ait: *Non crederent nisi viderent esse credibile*; vbi notanda est distinctio, & variatio illorum verborum *credere, videre*, nam prius dicit obscuritatem, posterius autem vt condistinctum ab illo claritatem, & cui-

dentiam, nec propterea illa duo repugnant, quia versantur circa diuersa, nam creditur aliquid sub ratione veri à Deo reuelati, videtur autem sub ratione credibilis. Quare diuina fides videtur esse veluti media inter sciētiam, & sciētiam, siue inter rationē antecedentem, & consequentem, quatenus ad illam nō peruenitur, nisi ratione antecedenti discutiatur, an illam Deus dederit, siue per scientiam euidentis credibilitatis eius prouenientem ex motiuis, & argumentis, quibus veram fidem, veramque religionem Deus insigniuit; non enim ad credendum obligamur, quia credimus; sed credimus, quia ad credendum obligamur; sicut non tenemur ad ieiunandum, quia ieiunamus; sed à contrario: tamque impossibile est, obligationem credendi, quæ præstitæ fidei causā, vel conditio præcedens est, ab ipsa fide primitus subnasci, quā applicatio ignis ad comburendum ab ipsa combustionē proueniat. Vnde homo non ipsa fide, sed quopiam alio præuiō, siue ad illam præambulo ad credendum inducitur, & obligatur, quod aliud non est, quam eam scire, esse diuinitus reuelatam, quā nefas proinde sit non acceptare, atque illibate non credere, remoto omni examine, omnique ratione; ex illa autem sic acceptata, iuuante Domino, mox alia subsequitur scientia, quatenus mens lumine fidei illustrata facilius inde ratione consequenti, & obloquenti eius mysteria, Scripturasque vbi continentur explicat, hæreses ex illis oppugnat, atque ad obiecta respondet; adeo vt intellectus, & intelligentia rerum fidei soleat esse præmium, ac merces præstitæ fidei, etiam in hac vita; iuxta regulam à Domino pridem constitutam per Isaiam Prophetam cap. 7. dicentem, *nisi credideritis, non intelligetis*, de qua Diuus Augustinus epist. 28. interpretatur quoque illud Psal. *credidi, propter quod locutus sum*; & communiter Patres illud aliud *Sapientia edificauit sibi domum*, &c. ibi enim humana ratio, & quæcumque illa constant, inter

ancillas connumerantur, quarum sit in materia fidei seruire, obsequi, subsequi, regulari, non autem dominari.

Hinc etiā habetur intelligentia illius, quod interdum dicitur, credendi videlicet obligationem esse ex fide, vel religione id enim verum est, si intelligatur, quod vnū fidei, vel religionis mysterium explicetur per aliud, sitque ratio illud inferendi; secus autem, si intelligatur de prima credendi, vel religionē amplectendi obligatione, illa enim, vt diximus, non est ex ipsa fide, vel religione, nulla siquidem fides, vel religio est ex terminis certa, vel incerta, vera vel falsa, vt Mahumetem Prophetam esse, vel non esse: Christum Dei filium esse, vel non esse: legem Moysis cessasse, vel non cessasse; Nihil, inquam, horum certum, vel incertum est, verū, vel falsum ex terminis, vt ad eorum explicationem quis teneatur statim credere, vel non credere, vt patet, aliundē igitur petenda est certitudo. At non licet ad interna latibula recurrere, vel instinctus, vel discerniculi, vel modi tendendi, & similia magis effugia, quam refugia. Nā si id liceat vni, licebit omnibus: si Mahumetanus ritē responderet, se intus discernere veritatem, tātumdem reposuerit Christianus; si sectarius ritē ad instinctum internum appellat, aut provocat, in quo à nemine iudicari potest, ritē etiam appellauerit Gentilis, certē non habetur, quo is conuincatur; nam si habetur, prodendum est, otiosēque ad internas latebras aufugitur; quod si iam id liceat, cessandum erit à scribendo, & disputando, imo combustis Sacris Biblijs, combusto Alchorano, combusto Talmuth, vnusquisque conscientie sue, internove instinctui relinquendus erit. Quæ omnia cum ex terminis ipsis absurda sint, superest vt certitudo illa, quænam sit scilicet Dei fides, ac religio, argumentis & probationibus sit comparanda, & acquirenda, quæ argumenta & probationes aliundē desumi non possunt, quam ex notis, & signis, quibus eam Deus euidenter credibilem homi-

nibus esse voluit, vt eam prudenter amplecterentur. Ideoque, licet necessarium non sit ad credendum, vt fidei obiectum per ipsum Deum immediatē proponatur, necessarium tamen est, vt diuina virtus in ea proximē, & specialiter intercedat, siue quod idem est, quoties fides primū incipit introduci, vt propositio fiat sufficiens, requiritur, quod speciali modo Deus circa illam cooperetur, non tantū generaliter cōcurrendo per modum causæ primæ, quod per se clarum est, sed etiam specialiter adiuuando, & peculiari modo doctrinā confirmando iuxta illud Marci vltimo. *Prædicauerunt ubique Dominus cooperante, & sermone confirmante sequentibus signis.* Cum enim doctrina fidei sit valdē supernaturalis, magnaq; ex parte repugnans humanæ concupiscentiæ, propterea vt credibilis fieret, & amabilis, nec non etiam inuenibilis, necessē fuit, vt diuina virtus interueniret, non solum ex parte subiecti præparando, & adiuuando voluntatem, verum etiam ex parte obiecti, speciali modo illud persuadendo, & capacitati hominis per euidentiam credibilitatis accommodando; quæ euidentia tam in propositione externa, siue quæ fit per ministerium hominum, quam in merē interna, quæ fit immediatē à Deo inueniri potest, nam qui illam recipit, non videt euidenter Deum esse, qui loquitur, quādo reuelatio est obscura pro vt ad fidem necessaria est; ac propterea, quæ requiritur, & sufficit in propositione externa euidentia credibilitatis, eadem quoque requiritur, ac sufficit in interna; & vbi talis reperitur euidentia, ibi vera etiam fides habetur, veraque religio, illam autem soli Ecclesiæ Romano-Catholicæ competere sufficienter ostendimus supra sect. 2.

Porro quod diximus fideles ab Ecclesia cogi posse, vt in vera fide permanent, hæreticos autem, vel Apostatas, vt ad illam redeant, nihil prorsus fauet Mahumetanæ tyrannidi, quæ vi armorum ad fidem omnes compellit, quam

quidem dicit; sed non probat, nec probare potest esse diuinam, seu diuinitus reuelatam; at nos loquimur de fidelibus qui veram iam fidem prudenter, ac libere susceperunt, quique proinde ab Ecclesia, cuius per baptismi receptionem subditi facti sunt, licite constringi possunt, ut stent promissis veræ fidei adherendo, quam nedum ait, sed etiam probat, parataque est probare omni posseti esse diuinam; idque asserit constare debere, ut in credendo leuitas animi vitetur, rationabileque sit, & non bestiale obsequium, quo captiuamus intellectum in obsequium diuinæ fidei. Quod idem asserunt, qui inter Doctores Catholicos docent etiam infideles cogi posse ad veram fidem suscipiendam, hoc est, ubi sufficientem illius propositionem habuerint. Quamuis opposita sententia longè sit probabilior, nimirum haud esse licitum infideles non apostatas tam subditos, quam non subditos cogere ad fidem amplectendam; talem enim potestatem non fuisse datam à Christo principibus Ecclesiæ, non solum negatiuè constat ex eo, quod in traditione Ecclesiæ nullum est illius indicium, neque in usu, neque in Scriptura, verum etiam positiuè ex verbis D. Pauli 1. Corinth. 5. *Quid enim mihi de ijs, qui foris sunt, iudicare?* nimirum, quia nostræ iurisdictioni non subsunt; iuxta communem Patrum interpretationem; quod ut magis declararet Apostolus, mox subiungit; *Nam eos, qui foris sunt, Deus iudicabit.* Vnde Christus Dominus Matt. 10. Apostolos, quos ad prædicandum misit, iustruxit, ut non ferrent baculum, aut gladium; ubi Sanctus Hieronymus notat, instrumenta coactionis prohibuisse, & pacem docuisse; Marcus autem capite ultimo ait: *Qui verò non credideris condemnabitur;* significans punitionem huius delicti, Deum sibi reseruasse: non enim dedit hominibus potestatem puniendi omnia hominum delicta, sed aliqua suo reseruauit iudicio, quia non poterat genus humanum in pace, & iustitia aliter gubernari, inter hæc autem

Biblioth. Theol. Tom. V.

fuisse peccatum infidelitatis illorum, qui per baptismum fidem professi non sunt, colligunt Doctores ex citatis Scripturæ locis, nec non ex parte finis, quia modus ille trahendi homines ad fidem, multoque magis Mahumeticus, non erat cõueniens Ecclesiæ, sed multo magis expediebat, ut prima fidei susceptio, & professio esset simpliciter, & omnino spontanea, potissimum, ut efficacia Verbi diuini, & gratiæ Dei in hoc opere ostenderetur, quod est maximè diuinum. Vnde si mirum est, quod maior adhuc hominum multitudo, quorum natura ad carnis voluptates propendit, ad vitia est procliuis, & libertatem seu licentiã rebus vniuersis anteponit, Mahumetis legem talia proponentem non susceperit, mortis insuper addito timore, quam Mahumetes comminabatur, & per suos exercitus erat illaturus, pro ut eius sequaces illi postea imitati sunt; multo maiori admiratione dignum est, opusque perspicuè, & manifestè diuinum existimandum, quod lex Christi humanæ intelligentiæ captum excedens, carniq; & sanguini reluctans totum orbem impleuerit; discipulique eius non pugnando, aut opprimendo, sed patiendo, & opprimentium vim sustinendo tanto magis in dies aucti fuerint, ad finem vsque mundi perduraturi, & præualituri aduersus portas inferi.

Hinc soluitur obiectio nonnullorum dicentium, inutile fore, ac frustraneã potestatem, quam Ecclesia habet, docendi fidem, si infideles omnes cogere non potest ad illam recipiendam, ubi sufficienter illis proposita fuit. Respondemus enim potestatem prædicandi, seu docendi fidem præcisè sumptam non esse potestatem iurisdictionis, sed tantum virtutem, ut ita dicam, illuminandi per doctrinam, & ideo efficaciam eius non esse positam in virtute cogendi, multoque minus in potentia, & vi armorum; sed in efficacia verbi, & in ostensione spiritus, & virtutis, ut ait Apostolus 1. Corinth. 2. nec propterea sequitur hanc potestatem fuisse, aut esse fru-

straneam, si sint qui prædicent; contrarium enim manifestè probauit euentus; quo fidem Christianam, quam Ecclesia profitetur Romano-Catholica, quæ est sola vera fides, cernimus non vi armorum, sed diuina cooperante gratia inter persecutionum tempestates, quantò magis premebatur, tantò magis vires cæpisse, creuisse, mundumque vniuersum impleuisse. Sed de his latis, quorum fusior tractatio pertinet ad materiam de fide.

CAPVT VII.

Ostenditur falsitas Sectæ Mahumetanae, ex parte eorum, qui non credunt.

VT veritatis Christianæ fidei non est leue argumentum, quod Mahumetes eiusque Sectatores Christum inter Prophetas supremò in loco reponunt, & tam miraculorum gloria, quam Sanctitatis præstantia toti orbi fuisse conspicuum admittunt, farenturque Christianos saluari posse, sic enim asseritur in Alchorano cap. 1. *de Vacca*; c. 4. *de Mensâ*; & cap. *de Iona*; Vnde etiam Mahumetanis bonos, & constantes in sua fide Christianos in summo honore, ac reuerentia semper fuisse plures testantur historiæ; præsertim illa S. Francisci, quam breuiter hic referam ex Diuo Bonauentura in vita eius cap. 9. *S. Franciscus in Syriam pro conuersione Saracenorum profectus, dum à Soldano Saracenorum Aegypti, seu Babylonie in Palaestina contra Christianos pugnante edictum emanasset, quod quicumque caput Christiani adferret Bizantium, pro mercede accepturus esset: Nihilominus S. Franciscus in Domino confusus accessit castra eorum, à quibus captus, & furenter afflictus, viuis tamen ad Soldanum perducitur: cui S. Franciscus à Deo ad ipsum se missum asserens, tanto seruore Spiritus Deum Vnū & Trinum, & Saluatorem Iesum crucifixum prædicauit, ut Soldanus commotus, ipsum apud se manere petierit; cui S. Fran-*

ciscus, si vis ad Christum conuerti, satis se habuit legem Mahumetis relinquere, iube ignem accendi per maximum, & ego cū Sacerdotibus tuis illum ingrediar; ut vel sic cognoscas, quæ fides verior, & sanctior sit tenenda. ad quem Soldanus: Non credo quod ex meis aliquis vellet se propter fidem igni exponere, &c. nec admisit à Sancto Francisco oblationem suorum seditionum; & cum S. Franciscus videret se nihil proficere, discedendi licentiam petijt: quæ data est cum possessione iam S. Francisci quam suis prædicandi Euangelium inter Saracenos. Cui prius dixerat Soldanus, ut Deum pro ipso oraret, ut fidem & legem veram ipsi inspiraret. Vt, inquam, testimonium eorum pro veritate alicuius Religionis, quam tamen non sequuntur simul iunctum cum testimonio eorum, qui illam profitentur, quale est illud Mahumetanorum, ut diximus, respectu Religionis Christianæ, non est medio cre argumentum veritatis eiusdem; ita à contrario, quod omnes veri Christiani, pro vt Religionem Mahumetanam non sequuntur, ita quoque illam vt falsam, & impiam detestentur, manifestè arguit illam esse talem, aut saltem, quod sufficit nobis cum Mahumetanis, eam esse Christiana Religione longè improbabiliorem; quod ostendo sequenti argumento.

Ea religio, quam sola pars, quæ illi adhæret, dicit esse veram, ut potè iudex in propria causa, minus est probabilis, præsertim si talis pars extrema, quadam rerum ad religionem spectantium ignorantia laborat; quam sit alia religio, quæ vera creditur esse ab utraque parte: Sed religio Mahumetana creditur solum vera ab eius Sectatoribus, viris in rebus ad religionem, eiusque notitiam pertinentibus imperitissimis, apud quos quippè ratio omnis in hac causa exulare iussa est, quorumque proinde multitudo ad illam nihil ex se confert, quæ non tam hominum, quam pecudum est inter verum, & falsum, nec examinantium, nec diiudicantium; quare etiam omnium Mahumetanorum te-

stimol-

stimonium non plus valet, quam vnus eiusque ineptissimi: religio autem Christiana habetur pro vera tam ab ipsis, quam à Christianis omni scientiarum diuinatum, & humanarum apparatu præstantissimis, paratisque de illa rationem reddere: Religio igitur Christiana magis est vera, magisque certa, & probabilis, quam Mahumetana.

Si quis huic argumento respondeat, Mahumetanorum suffragium, ob supinam ipsorum ignorantiam, nihil addere probabilitatis religioni Christianæ, quantumvis illam putent esse veram, in eaque Christianos saluari posse, dicimus quidem nihil, aut parum ex se ad illam conferre, præsertim si disputetur cum alijs de illius veritate, secus autem ad hominem agendo cum Mahumetanis se prudentes existimantibus, sic enim valet argumentum, quod religio Christiana, quam ipsi, & nos approbamus, collata cum Mahumetana, quam nos improbamus, & ipsi tantum approbant, sit habenda pro magis probabili, & tutiori. Quo etiam argumento multi heretici ad fidem Romano-Catholicam tandem reducti sunt; fatentibus enim inter illos pluribus salutem in ea esse possibilem, quod nos Catholici negamus in omnibus alijs ab ea Sectis, illi tanquam securiori viæ ex vtriusque partis confessione, quæ in negotio tanti momenti, cuiusmodi est salus æterna, omnino tenenda est, nemo nõ prudens adhærendum esse iudicabit.

Quãvis autè Mahumetani in diuersis regnis existentes, diuersas quoque Sectas constituerint, quarum quatuor præcipue sunt, scilicet *Mellicorum*, *Asaphiorum*, *Alambelorum*, & *Buanisforum*; In Africa sunt *Melici*; In Arabia, & Palestina *Asaphy*; In Armenia, & Persia *Alambeli*; In Alexandria, & Assyria *Buanisi*; cuius etiam sectæ sunt Turcæ; nullam tamen propriè loquendo habent dogmatum diuersitatem, cum in lege Mahumetis nulla sint propriè dogmata, nisi Deum esse vnum, quodque Ma-

humetes sit eius Propheta, & Apostolus, quæ Mahumetani omnes amplectuntur: Vnde implacabile quod Turcas inter & Persas viget odium, seu dissidium; itavt in aula Imperatoris Turcarum solemne fuerit promulgatum editum: *Gratius esse, & acceptius Deo religionis Mahumetana causa occidere vnum Persam, etsi professione sit Mahumetanus, quam septuaginta Christianos*; tale dissidium, inquam, est ratione successione, quis nimirum sit verus, ac legitimus Mahumetis successor, an Imperator vel Sophi Persarum, an verò Imperator, seu Magnus Turcarum Sultanus; Persæ enim affirmant eam ad se pertinere mediante Hali, Turcæ verò ad se mediante Abucar, aut Abubacar, qui primi fuerint Mahumetis discipuli, legisque Alcorani propagatores.

Quocirca ad confutandam vanam, ac fatuam legis Mahumetanæ superstitionem, nihil prorsus quod rationis humanæ vim, & hominum stupidorum, captum superet, credendum imperantibus, cum fidei, si quam habet, summa sit Deum vnum esse, sufficit vnus etiam modus, ostendendo nimirum, vt huc vsque conati sumus, illi deesse omnes conditiones, omniaque signa legis diuinitus reuelatæ, quibus à contrario Deus religionem Christianam Romano-Catholicam ornare, & insignire voluit, vt omnes scirent illam esse suam, & à se reuelatam, indeque vt talem amplecterentur.

Qui aduersus hanc Sectam scripsere ex antiquis primus fuit S. Ioannes Damascenus sæculo 8. in libro de Altercatione Christiani, & Saraceni.

Sæculo 9. Sanctus Eulogius Martyr, & Episcopus electus Toletanæ Ecclesiæ, cuius opera extant in Biblioth. SS. PP. & mentionem facit Cardinalis Baronius ad annum 859. quo Martyr occubuit in persecutione Saracenorum, qui Cordobæ in Hispania sedem Regni constituerant. Eodem sæculo Leo VII. huius nominis Imperator, non sine causa


causa Sapiens dictus scripsit epistolam insignem ad Regem Saracenorum de Christianæ fidei veritate, & Saracenum impietate, quæ habetur in Bibliot. SS. PP.

Seculo 11. Petri Blesensis instructio fidei ad Soldanum Iconij inuenitur apud Matheum Parisiensem, sub nomine Alexandri III. Summi Pontificis, qui eam direxit quamvis à Petro Blesensi conscriptam.

Sæculo 13. Iacobus à Vitriaco S.R.E. Cardinalis, & Episcopus Tusculanus scripsit librum vnum contra Saracenos: Richardus Ord. Prædicatorum, & Adolphus Monachus Ordinis S. Benedicti.

Sæculo 15. Pius II. Summus Pontifex, antea Aeneas Silvius dictus, scripsit librum de fide ad Imperatorem Turcarum, & dialogum contra Turcas. Ioannes Cardinalis de Turrecremata, composuit egregium opusculum contra principales errores perfidi Mahumetis: Nicolaus Cardinalis Cusanus de cribratione Alcorani; Qui hos deinde secuti sunt, quique de rebus tam ad religionem, quam ad imperium Mahumetanorum scripserunt, videri possunt apud autores Bibliothecarios. Solum aduerto, quod nonnulli ex illis scripserunt tumbam, seu sepulchrum Mahumetis ex ferro factum sublime pendere duos inter magnetes, quorum vnus in superiori tabulato, alter in pavimento sibi oppositi sunt, adeo vt prædictum sepulchrum sic vtrinque attractum hæreat, falsum esse affirmari à P. Fr. Eugenio

Rogério Gallo Ord. Minorum Recollectorum nuncupatorum lib. 2. descriptionis Terræ Sanctæ cap. 7. lingua Gallica conscripto, vbi ex relatione cuiusdam Nobilis Veneti tanquam testis ocularis Mahumetis sepulchrum ita describit, illud nimirum esse lapideum, sed marmoribus pretiosissimis ornatum, humiq; iacere; muro autem, cui in capella à parte Meridionali adhæret, affixum esse cum argenteis vngulis lapidem magneticum duorum pedum cum dimidio in quadro, profunditatis verò trium circiter digitorum; sub quo existit media luna argentea, in cuius superficie concava, circulus est ferreus, mediante quo à dicto lapide attracta manet inter ipsum, & Sepulchrum suspensa. En quod tantoperè celebratur, & deprecatur Mahumetis miraculum, & ad quod videndum tot sectatorum eius myriades singulis annis conueniunt, cui addi possunt alia similia, quod nimirum plures ex illis peregrinis, post illud semel visum sibi effodiunt oculos, amputant manus &c. Vbi igitur in Ecclesia Catholica ad Sanctorum sepulchra, cæci vident, claudi ambulant, surdi audiunt, mortui resurgunt; ad sepulchrum Mahumetis, qui oculos habent, & manus, ea amittunt, sibi vana superstitione eruido, & abscindendo; rectèque propterea hæc, & similia per derisionem vocari solent miracula Mahumetica. Quia autem, quod ex citato libro statim retuli de Mahumetis Sepulchro scitu dignum est, vtque facilius capiatur ab omnibus, placuit inde figuram illius hic delineare.



1. Sepulchrum Mahumetis .
2. Media Luna argentea .
3. Lapis Magneticus .

SECTIO NONA.

Nonnulli proferuntur modi agendi contra
hæreticos.

CAPVT PRIMVM.

Premittitur brevis idea rerum in hac, & sequentibus Sectionibus tra-
ctandarum, nec non quo ordine, & qua
methodo.



T inter cætera Sacre
Doctrinæ munera non
infimum obtinet locū
illud, quo se habet per
modum Sapientiæ, si-
ue quod idem est, sciē-
tiæ superioris in reflectendo supra sua
principia, illaque defendendo contra
omnes impugnantes, secundum vniū-
cuiusque naturam, & qualitatem, vnde
potissimum *Reflexiva*, vel *Polemica*, seu
Controversialis nuncupatur, vt suo loco
diximus: Ita in hoc eodem munere
præcellit disputatio aduersus hæreticos,
tūm ob eorum infinitam propè multitu-
dinem, vntasque tot inimicorum in-
oppugnanda fide Catholica vires, quā-
tumuis enim aliās in errando sint diui-
sissimi, vbi tamen de evertenda agitū
Ecclesia, simul conspirant, *seque mutuo*
exhortantur ad ferendas suppetias, inquit
Basilii lib. de Spiritu Sancto cap. 10.
ut quisque peritiam, aut robore valet.
Tūm etiam quia, præ omnibus alijs Ec-
clesiæ hostibus, cum maiori quadam
animi solertia in disputando pollere, ap-
parentiusque, dum sacrarum quoque
scripturarum clypeo se protegent, dimi-
care aduersus Catholicos videantur,
difficilius vincuntur; vt enim ait Diuus
Gregorius lib. 8. Moral. cap. 2. *cum re-*

cta se tenere existimant, rella, qua au-
diunt contumaciter impugnant. Tūm de-
nique, quoniam ex altero Gregorio Na-
zianz. Apologet. 1. *Minoris negotij est,*
rudi adhuc anima veritatem primū, in-
star cera nondum signata, imprimere, quā
conscriptis iam litteris, hoc est, pestiferis
opinionibus, placitisque doctrinam piam
inducere.

Igitur postquam in superioribus Se-
ctionibus cæteros infideles, & ipsū
in eis, cui seruiunt, diabolū debella-
re conati sumus, quantum vires, & fa-
cultatem largiri dignatus est Dominus,
modo superest vt manus cum hæreticis
conferamus; contra quos etſi ex omni-
bus nationibus, ac statibus selectissimi
viri iam fortiter præliati sint bella Do-
mini, non alij propterea ab eodem ope-
re cessare, imo potius ad eorum, nec
non quod ipsi secuti sunt, veterum Pa-
trum exemplum, vnusquisque pro suo
modulo iuxta propriam virtutem, cre-
ditumque sibi à Domino talentum, eius
causam tueri, sponſamque Ecclesiam,
Catholicam defendere debet. Tūm, *ne*
leue existimetur, vt ait S. Prosper epist.
ad Augustinum, *quod non frequenter ar-*
guitur: tum quia, ideo diuina Prouiden-
tia, ex Diuo Augustino lib. 1. de Genes.
cap. 1. nec non epist. 105. ad Sixtum,
multos

multos diuerſi erroris hæreticos eſſe permittit, ut cum inſulant nobis, excuſiamus pigritiam noſtram, & Scripturas vigilantius perſcrutemur, unde, ne oculi Chriſti noceant, eis poſſit occurrere, & tanquam de ſomno ignauia, noſtra excitetur induſtria. Ita per multiplicem gratiam Saluatoris, etiam quod inimicus in perniciem machinatur Deus conuertit in adiutoriũ. Quod idem alibi ſæpius docet, lib. 7. confeſſ. cap. 19. in Pſal. 54. & lib. de vera relig. cap. 6. & 8.

At quia omnes hæreſes, nec non hæretici cõſequentur, ita ſunt quid vnũ ſpecie formaliter loquendo, & ſecundũ quod hæreſis, à qua tanquam à forma denõminantur hæretici, definiri ſolet à Theologis; *Voluntariis, & pertinax error, in materia fidei Catholica contraria, in homine qui ſe Chriſtianum eſſe profiteitur; Vt tamen inter ſe materialiter, aut ex diuerſis circumſtantijs diſtinguantur, primò ratione ſubiecti hæreſes committentis, in dẽde illas denominãtis; ſecundò ratione diuerſorum temporum, quibus exortæ ſunt; tertio ratione locorum vbi ſuam habuerunt originẽ, primumque vigere ceperunt; quartò ratione materiæ, in qua contra fidem Catholicam erratum fui, & ſic de alijs. Ideò non vnus tantũ, & idem, ſed multiplex ordo, diuerſaque methodus eſſe poteſt agendi cum hæreticis; vnã ego materialem, alteram verò formalem primum diſtinguo; materialem ordinẽ, vel methodum, illam appello, qua ſcribitur contra hæreſes, vel ſecundum ſeriem temporis, quo à ſuis primum inuentæ ſunt authoribũ, quod pertinet maximè ad earũ hiftoriam; vel attentò loco, vbi vigent, in vſum præcipuè eorũ, qui ibi commorantur, hæreticorumq; conuerſioni debent operã nauare; vel diſtribuantur materiæ in quibus erratum fuit, hoc vel illo ordine, qui vniuerſim poteſt eſſe Alphabeticus, memoriæ magis accommodatus, & doctrinalis, nimirum iuxta eam, quã res diſputandæ videntur inter ſe meliorem habere connexionem.*

Bibliot. Theol. Tom. V.

Methodus autem formalis eſt illa, quæ præſcribit modum diſputandi cum hæreticis, vt illis perſuadeatur, vel cõtra illos defendatur fidei veritas; qui duplex eſt, vnus particularis, quo ſingula, vel præcipua doctrinæ capita, in quibus aberrant explicantur, adductis proprijs, quibus illa continentur principijs, ſolutiſque in contrarium argumentis; qui modus vt eſt prolixior, ita quoque diſſicilior, non ſolũ quia infinitum laborem, infinitam lectionem in fidei athleta requirit, nimirum vt diuinas Scripturas non mediocriter calleat, traditiones, earumque differentias exploratas habeat, antiquæ Eccleſiæ, Patrum, Conciliorum, Romanæ ſedis decretorum, totiuſque tandem Eccleſiaſtica hiftorię monimenta diligenter peruoluat, nec non, vt ait Irenæus lib. 4. aduerſus hæreſes, ſciat regulas & argumenta ipſorum, intellige hæreticorum, nec enim poſſibile eſt alicui curare quosdam malè habentes, qui ignorant paſſionem eorũ, qui malè valent; Verũ etiam quia iſdem hæretici, dum in vna ſe materia conuinci animaduertunt, ſtatim ad aliam conuertunt ſermonem, vel diſputationem, adeo vt nullus altercandi ſit finis, ſed vna alteri in infinitum ſine vilo proſus fructu ſuccedat quæſtio.

Alter modus dici poteſt communis, quoniam abſquẽ eo quod in ſpeciali controuerſiæ examinentur, & ad illarũ reſolutionem Scripturarum testimonia, aut alia proferantur, duo veluti generalia ſufficiunt principia ad firmandam, quamcumque fidei veritatem. Primum eſt, quod, *Vera Chriſti Eccleſia, qualis eſt ea ſola, quæ veras habet illius notas, & vtrique ſymbola, gaudet priuilegio infallibilitatis in rebus fidei tũ credendis, tũ proponendis;* aliud verò quod, *ſola ſit talis Eccleſia Catholica Romana.* Ex quibus ſic efformatur argumentum; *Quid quid vera Chriſti credis Eccleſia, fidelibuſque credendum proponit, eſt verum; ſed vera Chriſti Eccleſia, qualis eſt ſola Catholica Romana, credit, fidelibuſque credendum proponit myſterium Sanctiſſi-*

*me Trinitatis, secundam ex illa personam veram carnem humanam assumpsisse, septem esse non.e legis Sacramenta, Christumque Dominum realiter in augustissimo Eucharistia Sacramento presentem esse sub speciebus panis, & vini; Hec igitur & alia similia, quae firmiter credit, & fidelibus credenda proponit, sunt vera, & à nobis consequenter tenenda: Vel aliter, Sola Ecclesia vera habet verum Euangelium, veramque fidem; sed sola Ecclesia Catholica Romana est vera Ecclesia, illa igitur sola veram habet Euangelium, veram fidem, nec non denique omnia quae ad illam pertinent, quaque cum illa necessario connectantur. Talium enim, aut aliorum similibus, quae fieri possunt, argumentorum ostensa semel, vel pro certo constante vtraque praemissa, ut inde certissima habetur probatio ad stabilendam quamcumque fidei doctrinam, ita necessarium absolute non est ad alias insuper demonstrationes recurrere; vnde etiam quo breuior, & compendiosior, eo facilius esse videtur hic modus, maiori-que cum fructu, praesertim cum rudioribus, adhibendus, docente Diuo Augustino epist. 16. *rectissimam disciplinam esse, ut imperiti niantur auctoritate Ecclesiae.**

Cum ergo praefatis omnibus modis res agi cum haereticis queat, nos attentione locorum, quo frequentius missionarii ad eorum conversionem destinari solent, praecipuas cum illis controversias diuidimus primum in eas, quae cum Orientalibus, & in eas, quae cum Occidentalibus versantur haereticis. De prioribus agemus in sequenti Sectione, quorum septem adhuc, vel octo hoc tempore superstites sunt sectae, nimirum, *Græcorum, Nestorianorum, Eutychianorum, Iacobitarum, Coptiarum, Armenorum, Abyssinorum, & Georgianorum;* iuxta quas eadem etiam Sectio posset in tot partes subdiuidi, verum quia vnaquaeque praeter suos particulares, ac proprios errores, multos habet insuper cunctis communes, de illis omnibus agemus iuxta ordinem ab Angelico Do-

ctore D. Thoma seruatum in Summa, tum quia praeclarissimum, tum quia eo sepius repetito, facilius, & altius menti manebunt impressae difficultates contro- uersae, tum maxime, quia in sequenti tomo iuxta eundem Summae ordinem, doctrinamque in illa contentam, explicaturi Deo dante sumus singulas Sacrae Theologiae materias, inde enim fiet, ut stabilita semel fidei dogmata, absque labore, & confusione proprijs ex locis Summae Theologiae S. Doctoris illustrari possint; & si enim ad hoc necessaria absolute in omnibus non sit tanti viri doctrina, nec desint in alijs scholis modi id quoque praestandi, eam nihilominus ceteris vbertate, & claritate supereminere omnium Academicarum orbis testimonio comprobatum habetur: singulis etiam tam illius, quam alterius Sectionis capitibus, vna cum materia, aut veritate in illis propugnanda, praefigemus semper nomina errorum, vel errantium eandem impugnantium. Interim breuiter solum declarabimus, quanam sint praefatae Sectae, simulque ob oculos ponemus praecipua singularum errata, inferius confutanda.

De Graecis.

Cum olim Ecclesia Graeca esset pars vniuersalis Ecclesiae nobilissima, in qua plura, clarissima celebrata, fuere Concilia, florueruntque innumeri Patres Sanctitate, ac doctrina praestantissimi, quorum scriptis in hodiernum usque diem erudimur, & ad pietatem incendimur, dolendum certe, perperuisque lachrymis descendum, quod tam illustris portio gregis Christi, cuique ipsamet Ecclesia Latina multum debet, cum ab ea pretiosissima bona, antequam scinderetur, receperit, exhaerata postmodum tumore superbiae, volensque ordinem à Christo institutum perturbare, & honorem Petri successoribus debitum arripere, facta sit tandem ob schisma, & haeresim sub tributo dure

non minus Dæmonum, quam Turcarum seruitutis.

Tanto enim malo principium dedit, quod, cum Constantinus Magnus, Roma Christi Vicario cessa, Imperij sui sedem Byzantium transfulisset, inde Græci inflati circa annum Domini 381 Episcopum Constantinopolitanum, qui antea nec Patriarchatus munereungebatur, contra antiquos præsertim Concilij Nicæni canones, tribus Orientis Patriarchis antepone-re, & secundum à Romano Pontifice facere prætenderunt, vt patet ex Can. 5. Concil. Constantinopol. Nec hoc quidem contenti, anno Domini 451. eundem Constantinopolitanum Episcopum Romano Pontifici parem efficere tentarunt, vt ex act. 16. Synodi Chalcedonen-sis constat. Prope verò annum 600. Episcopum Constantinopolitanum Oecumenicum, id est orbis terræ Episcopum, siue vniuersalẽ pastorem ausi sunt appellare. At anno 858. (vt superbia ascendit semper) cum salua tunc vsque vniõ mansisset inter vtramque Ecclesiam, apertum schisma, cuius antea semina fuerant iacta, prodire cepit; cum enim impius Photius, Sancto Ignatio Constantinopolitano Episcopo in exilium misso, ex Laico in Sedem Constantinopolitanam intrusus, à Nicolao congregato Romæ Concilio deiectus fuisset, restitutusque Ignatius; his exacerbatus Photius ausus est scribere Patriarchæ Alexandrino, & alijs Orientis Episcopis litteras à Cardinali Baronio relatas ad annum Domini 863 in quibus accusat Latinos, 1. quod Sabbatho ieiunent. 2. quod hebdomadam à quadragesima præindant lacte, & caseo vescentes. 3. quod Episcopis prohibeant uxores antea dūctas retinere. 4. quod illos, qui à Sacerdote chrismate confirmati essent, iterum per Episcopum confirmari curent. 5. quod Clerici Occidentalis Ecclesie barbas radant. 6. quod Symbolum falsificens dicendo: quod Spiritus Sanctus non solum à Patre, sed etiam à Filio procedat; & hæc omnia tanquam horrenda asserit se damnaſſe, rogatque vt alij

Bibliot. Theol. Tom.V.

conueniant Episcopi, vt generaliter dā-nentur; ex his autem Photij calumnijs patet, quod tunc temporis nec ipse, nec alij culparint Ecclesiam Latinam, quod in Azymo Sacram conficeret Eucharistiam. At cum talia Photius attentasset, ei fauente Michael Imperatore, postea ab eius filio Leone depositus, & in monasterium relegatus fuit; qui etiam restitutus Episcopis à Photio deiectis, & conuocatis, cum iisdem scripsit Romanis, titulusque litterarum Episcoporum fuit, *Sanctissimo, ac Beatissimo Stephano Domino, ac Oecumenico Papa Stylianus Episcopus Neocæsariae, &c. & qui mecum sunt Episcopi, &c.* vnde ex tunc rursus ad plures annos Ecclesia Constantinopolitana mansit in communione Ecclesie Romanæ, vt notat Baronius ad annum 1009.

Verumptamen anno 1024. imperante Constantino, cum Patriarcha Constantinopolitanus nomine Michael misisset Legatos ad Ioannem XX. cum muneribus vt consentiret, quatenus Patriarcha vniuersalis diceretur, præfatus autem Pontifex contra iura antiquarum Ecclesiarum desideratum consensum, præstare noluisse, id eggerimè ferens Michael cum Archiepiscopo Bulgarorum acerbas pariter literas contra Ecclesiam Latinam Romanâ scripsit, proclamareque cepit Romanum Pontificem, & omnes alios Latinos esse excommunicatos, ob hanc causam, quia Spiritum Sanctum à Patre, Filioque procedere assererent, & contra decretum Concilij Nicæni in Symbolo illud *filioque* addidissent, nec non in Azymo conficerent, vt patet ex epistola S. Leonis IX. ad eundem Michaelẽ anno 1053. data, & alio anno 1054. vbi ipsum reprehendens ait: Illud autem quis non stupeſcat, quod post tot SS. & orthodoxos Patres per mille, & viginti à passione Saluatoris annos nouus calumniator Ecclesie Latinorũ emerſiſſi, anathematizans omnes, & publicam persecutionem excitans, quicumque participarentur Sacramentorũ ex Azymis, huiusmodi enim verbis clarè

Ppp 2 patet

patet id præfatum Michaellem primum fecisse, licet enim aliqui prædecessores Ecclesiæ Latinæ ratione azymi calumniati fuissent, nulli tamen Latinos anathematizare ausi fuerant.

Hunc impium Michaellem Patriarcha Antiochenus acceptis à illo litteris secutus est, etsi enim post consecrationem suam ad Leonem Papam misisset litteras communionis cum professione fidei ex Baron. ad ann. 1053. postea tamen Michaelis potestatem timens, qui per Imperatorem dominabatur, & facile Episcopos transferrebat, illi in multis consensit, ex eodem Baronio ad ann. 1054. vnde contigit, ut alij Patriarchæ etiam se se Constantinopolitano subijcerent, eique in schismate adhererent, Quare deinceps non solum schismatici facti sunt Græci, sed & hæretici, dum non solum pertinaciter se ab Ecclesiâ Romana, & Latina diuiserunt, sed insuper illam hærescos arguere, ac damnare ausi sunt, tam ratione Azymi, in quo conficitur augustissimum Eucharistiæ Sacramentum, quam quo ad fidem de processione Spiritus Sancti etiam à Filio; Azorius tamen 1. par. Institut. moral. lib. 8. cap. 20. quæst. 10. opinatur eos tantum esse schismaticos; at licet in principio id forsan dici potuerit, ut colligitur ex Diuo Bernardo ad Eugenium; Ego addo, inquit, *de pertinacia Græcorum, qui nobiscum sunt, & non sunt: inuicti fide, pace diuisi, quamquam & in fide ipsa claudicauerint à rectis semitis;* modo tamen post Concilium Florentinum hæreticos esse communis est doctorum sententia, sique interdum non hæretici, sed schismatici appellantur, id contingit, quia mos loquendi pristinus retinetur; cum enim ibi pro decima, quarta vice reconciliati suos agnouissent errores, nec non articulos in Bulla vnionis relatos simul cum Ecclesiâ Catholica confessi fuissent, non vi coacti, non muneribus allecti, non numero suffragorum à Latinis victi, aut superati, sed sua sponte, & voluntate ducti, post diuturnam deliberationem, & singulorum

subscriptiones, vno excepto Episcopo Marco Ephesino, postmodum tamen, ad vomitum redierunt, & adhuc super cordibus eorum manet velamen, vrid, de quo tam sæpè conuicti sunt, confiteri iam nolint.

Eorundem Sectæ, ac Religioni adherent Moscouitæ, Rutheni, & aliæ nationes; adeo ut ab Oriente gaudeat Constantinopolitano, & alijs tribus Patriarchatibus Antiocheno, Alexandrino, & Hierosolymitano; à Septentrione autem vniuerso Moscouiæ Patriarchatu, & Lithuanie parte, hoc est alba Russia, & rubra; Georgiani quoque, qui & Iberi appellantur, iisdem errorum tenebris implicati reperiuntur. Ut tamen illos inter populos non desunt, qui Ecclesiâ Catholicam Romanam credant esse vnicam veram Christi Ecclesiâ, ita illorum ope, nec non missionariorum, ibidem degentium, multi in dies feliciter ad eius gremium reuertuntur. Certè Ruthenos populos, quos antiquo vocabulo Russos appellant. Scriptores, ad vnionem Apostolicæ Sedis receptos fuisse à fel. rec. Clemente VIII. Pontifice Maximo refert Baronius ad calcem 7. tomi Annalium; nec non Antonius Posseuinus in Apparatu Sacro, verbo *Rutheni*, & omnium fidelissimè noster Thomas à Iesu lib. 6. de procuranda conuersione omnium gentium par. 3.

Quod pertinet ad errores Græcorum, etsi Guido Carmelita, & post ipsum Gabriel Prætorios de Sectis hæreticorum verbo *Græci*, multos errores illis attribuant; nihilominus Lucinianus Cyprius S. Ordinis Prædicatorum Theologus pius, & doctus apud Posseuinum tom. 1. Biblioth. lib. 6. cap. 1. magnam prædictorum errorum partem fuisse Græcis impositam contendit, & statim citatus Pater Thomas à Iesu adnotauit: ita ut præcipui Græcorum errores, qui illis à Concilio Florentino, & alijs imputantur, quinarium numerum non excedant.

Primo negant Spiritum Sanctum procedere à Patre & Filio; cuius oppositum

situm demonstratur sequenti sectione cap. 2.

Secundò asserunt Sanctissimum Eucharistiæ Sacramentum confici non posse in Azymo pane, sed præcisè in fermentato; cuius contrarium ostenditur cap. 18.

Tertiò docent nullum esse purgatorium ignem, in quo animæ corporibus emigrantes purgentur à fordibus, quas in corpore contraxerant; quod refutatur cap. 23.

Quartò, quod Sancti post hanc vitam ante diem iudicii, Deum facie ad faciem non videant, neque eius visione fruantur, nec peccatores ante eundem diem inferni supplicii afficiantur; quod falsum esse probatur c. 24.

Quintò errant, negantes Summum Põtificem Romanæ Sedis Apostolicæ, caput esse totius Ecclesiæ, ac B. Petri Apostolorum Principis successorem; cuius oppositum asseritur cap. 7.

Adeo autem tenaciter duobus primis inhærent erroribus, vt inter alia, peruersa dogmata, propter quæ ab Ecclesia Romana desciuerè, hæc duo omnino præcipua, & veluti totius dissensionis capita fuerint; verum non minus illa, quam cætera, friuolos, ac inanes fuisse suæ iniustæ separationis prætextus patebit ex dicendis in citatis capitibus.

Aduersus Græcorum errores scripserunt apud Possëuinum, ex Græcis ipsi Emmanuel Caleta Veccus Patriarcha Constantinopolitanus, Georgius Protosincellus, Theodorus Gaza, Georgius Trapezuntius, Demetrius Cidonius, Bessarion Episcopus Nicænus postea Cardinalis S. R. E. ab Eugenio IV. creatus, Georgius Scholarius, qui deindè assumptus ad Patriarchatum Constantinopolitanum mutato nomine vocatus est Gennadius, præter orationes quatuor de pace inter Græcos, & Latinos ineunda, quæ habentur Græcè, & Latine post Concilium Florentinum, scripsit quinque

orationes de quinque articulis controversis pro veritate Catholica, de processione Spiritus Sancti, de Primatu Papæ, de Azymo, de Purgatorio, de visione Dei ante resurrectionem mortuorum, quæ separatim excusæ, nec non etiam in Biblioth. V. V. Patrum inveniuntur; Ioannes Chrysolorus, Constantinus Lascaris; quibus addi possunt ex recentioribus Arcudius, Leo Allatius in variis opusculis ab ipsis editis.

E Latinis verò scripserunt, Sanctus Leo Papa nonus in insigni epistola ad Michaellem Episcopum Constantinopolitanum, quam Sigebertus librum appellat; Humbertus Cardinalis Episcopus Syluæ candidæ, ab eodem Leone Legatus Constantinopolim missus, qui cum esset Græcè, & Latine doctissimus composuit librum contra Græcos de Azymo in forma dialogi; edit & alterum de ieiunio Sabbathi contra Nicetam Pectoratum Græcum; qui duo libri extant apud Cardinalem Baronium in appendice vndecimi tomi Annalium, nec non apud Henricum Canisium tom. 6. antiquæ lectionis; Sanctus Anselmus in tribus opusculis, De processione Spiritus Sancti, De Azymo, & fermentato, & de diuersitate Sacramentorum. Rabanus Maurus lib. 1. de Institutione Monachorum, c. 31. vbi probat ex Sacrarum Scripturarum autoritate, offerendum esse panem sine fermento, & agit de processione Spiritus Sancti; Hugo Etherianus natione Tuscus, vir doctus Græcè, & Latine, Constantinopoli degens scripsit valde erudite librum de processione Spiritus Sancti, qui habetur in Bibliothec. SS. Patrum. Chrysolanus Archiepiscopus Mediolanensis de Spiritu Sancto, S. Thomas Aquinas opusculo contra errores Græcorum; Sacra Synodus Florentina, vbi doctissime iidem errores confutati sunt, Sanctæque vniõnis factæ literæ inter Græcos, & Latinos, quæ habentur in fine sess. vlt. dictæ Synodi; Ioannes Cardinalis de

Turrecremata in expositione decreti de præfata vñione; Ex recentioribus Antoniano posseuinus Biblioth. select. lib. 6. cap. 1. & sequent. Thomas à Iesu de conuersione omnium Gentium lib. 6. vbi non solum doctrinalia pertrahant, sed & prudentialia multa præscribunt pro iuuandis Græcis, eisq; ad fidem alliciendis. Sed & accuratè legenda sunt, quæ de hac re extant Põtificia diplomata, seu Bullæ; Innocentij IV. ad Episcopum Tusculanũ, Apostolicæ Sedis Legatum in Regno Cypri, quæ extant in eius registro Bullarum, Pontificatus sui anno 11. apud Bibliothecam Vaticanam, super ritibus Græcorum, qui tolerari, vel non tolerari possunt; Pij IV. cum Ecclesiis Græcorum, & earum prælatos, & administratores visitationi, & superioritati Ordinariorum subiecit; Pij V. super reuocatione licentiarum Græcis latino more, & Latinis Græco ritu Missas, ac alia diuina officia celebrandi eatenus concessarum. Gregorij XIII. super erectione collegij Græci Romæ instituti, nec non professio orthodoxæ fidei a Græcis facienda, eiusdem Summi Põtificis iussu edita. Clementis VIII. de communicatione Latinorum cū Græcis; quo nim studio ille erga vniuersam Ecclesiam, & præcipuè erga Græcos ferebatur, ne qua Deo in administrandis Sacramentis iniuria fieret, ipsi autem Græci salutem indè consequerentur, per breuem ad Latinos Episcopos, in quorum diocæsisbus Græco ritu viuentes degant, instructionè euulgari iussit, cuius summam affert Thomas à Iesu vbi supra ex Posseuino to. 1. App. Sacr.

in addit. verbo
Græci.



De Nestorianis.

Nestorianis hæreticis principium, & nomen dedit Nestorius circa annum Domini 428. hic enim, cum prius Antiochiæ in Monasterio religiose conuersatus fuisset, indeque Sedem Episcopalem Constantinopolitanam per Theodosium iuniorem Imperatorem obtinisset, *subito*, inquit Vincentius Lirinensis lib. aduersus hæreses cap. 16. *ex oue conuersus in lupum, gregem Christi lacerare capit.* & cap. 17. *dum se duas in Christo substantias distinguere simulat, duas introducit repente personas: & inaudito scelere duos vult esse filios Dei, duos Christos, vnum Deum, alterum qui sit generatus ex matre. Atque ideo adserit Sanctam Mariam non Theotocon, id est Dei Matrem, Sed Christotocon, id est Christi Matrem, esse dicendam, quia scilicet ex ea non ille Christus qui Deus, sed ille qui erat homo sit natus. Quod si quis eum putat in litteris suis vnũ Christum dicere, & vnã Christi prædicare personam, non temere credat: Aut enim istud fallendi arte machinatus est, ut per bona facilius suaderet & mala, sicut ait Apostolus Rom. 7. Per bonum mihi operatus est mortem. Aut ergo ut diximus, fraudulentia causa quibusdam in locis Scriptorum suorum vnũ Christũ, & vnã Christi personam credere se iactat: aut certe post partum iam Virginis ita in vnũ Christum duas perhibet conuensis personas, ut tamen conceptus, seu partus virginæi tempore, & aliquantio postea duos Christos fuisse contendat. Et cum scilicet Christus homo communis primum, & solitarius natus sit, & nec dum Dei verbi persona unitate sociatus, postea in eum adsumptis verbi persona descenderit: & licet nunc in Dei gloria maneat adsumptus aliquandiu, tamen nihil inter illum & ceteros homines interfuisse videatur. Hactenus Lirinensis Nestorianam describens hæresim; Cuius tamen non tam primus author extitit Nestorius, quam instaurator, & propagator. Nam*

vt apparet ex Irren. lib. 1. cap. 25. & lib. 3. cap. 27. Cherinthus etiam docuerat non vnā, sed duas personas esse Iesum Christum. Atque huic similem quoque hæresim commemorat Cassianus lib. 1. de Incarn. cap. 2. quam dicit fuisse Beligarum, seu Veligarum, descendisseque ex Pelagio.

De eodem Nestorio Cyrillus Alexandrinus scribens ad Cælestinum Papam ait: *Atqui quomodo non magis secum reputat, cum omnes per terrarum orbem sparsi Orthodoxi Episcopi, & Laici, Christum Deum. Virginem verò quæ illum genuit, Deiparam esse consecrantur, se solum, qui istud inficiatur errare? verum factu tuum, insidijsque & Sedis potentia fretus, effecturum arbitrabatur, ut nos ipsi, & reliqui omnes sue sententia subscribamus.*

Vt igitur Nestorius Cyrillum cæterosque sibi in impio dogmate vidit aduersarios, scripsit ad Summum Pontificem Cælestinum, cui etiam suas Cyrillus dedit litteras, ubi, vt alias notauimus tom. 3. sect. 4. cap. 16. quod Summum Pontificem sciret supremum, esse Ecclesiæ caput, supremumque fidei arbitrum; inter alia hæc habet: *At quamuis res ita se habeat, non prius tamen illius communionem confidenter deferere ausi sumus, quam hac ipsa sua pietati indicaremus. Digneris proinde, quid hic sentias, declarare, quo liquido nobis constet, communicare ne nos cum illo oporteat, &c.* quibus respondens Cælestinus, vt Nestorium, nisi resipiscat, & à sua impietate recedat, monet fore excommunicandum, ita Cyrillo suæ sententiæ committit executionem; *Nestor, inquit, Sedis auctoritate affusa, nostræque vires & loco cum potestate usus eiusmodi non absque acquisita seueritate sententiam exequaris, nempe, ut nisi decem dierum, interualla, ab huius nostræ admonitionis die numerandorum, nefariam doctrinam suam conceptis verbis anathematizet &c. ilico Sanctiæ tuæ illi Ecclesiæ prospiciat. &c.*

Sua cæterum in pertinacia Nestorio

permanente, vt res solemnius ageretur Concilium Generale Ephesium I. congregatum est, quo Cælestinus tres destinauit Legatos, datis ad Patres Concilij litteris Apostolicis, ubi ait se illos misisse, *ut his quæ agentur, intersint: & quæ à nobis antea statuta sunt, exequentes &c.* illuc etiam Nestorius conuenit, verum fretus fauore Theodosij Imperatoris, nõdum plene informati de rebus ipsius, nec non stipatus eius milite, non solum citatus non comparuit, sed congregatis aliquot suæ factionis Episcopis Ephesi, damnare aulus est Cyrillum, & omnes Concilij Patres, qui nihilominus constanter inhæserunt damnationi hæresis Nestorianæ, & Pelagianæ; eorumque tandem litteris bene informatus Imperator, triumphante de mendacio veritate, Nestorium multis modis per diuersos Episcopos, vt resipisceret, frustra monitum, pertinacemque manentem misit in exilium, ubi lingua eius veribus exesa, imo toto corpore penè putrefacto, tetram exhalauit animam, vt referunt Euagrius, Theodoretus, Cedrenus, & ex illis Baron. ad ann. 436. ipseque Theodoretus in Concilio Ephesino Nestorio adherens postea, conuersus lib. 4. fab. hæret. de eo ita scribit: *Pontificatu per Sanctos, qui Ephesi congregati fuerunt, diuino suffragio electus est, & iussu Imperatoris Oesini habitare damnatus; futuri impiorum supplicij, illinc capis exordium &c.* Cæteros autem Episcopos Nestorio fauentes idem Imperator Theodosius decretum Concilij amplexus ad vniõnem Ecclesiæ per litteras reuocare conatus est, in quibus sic ait: *Decet proinde vestram Sanctitatem, omni diligentia, studio, ac contentione hac à Deo deposcere, vosque probatos Romanæ Religionis Sacerdotes esse manifesto argumento declarare.* Vbi Religionem Catholicam dicit Romanam, quod, vt alias offendimus tom. 3. sect. 3. intet se coincidunt.

At quamuis, ita præualente per Dei gratiam fidei Catholicæ Romanæ veritate

ritate, hæc hæresis tam authentice in Ephefino, & varijs alijs deinceps Concilijs per totum orbem Christianum, proscripta fuerit, & eiusdem author tã horrenda morte mulctatus; nihilominus vt occulto, sed iusto Dei iudicio nunquam in Oriente germinare cessauit, vt zizania solet, ita postmodum Græcis, Orientalique Ecclesia fere tota deficientibus à Romani Pontificis obedientia, tanta iterum sumpsit incrementa, vt in plerisque Orientis regionibus plurimi hac peste infecti vsque in præsentem diem perseuerent; pro maiori tamen parte habitant in Chaldaea, Syria superiori, & Mesopotamia, vnde interdum Nestoriani dicuntur Syri, & Chaldaei, ibique eorum Patriarcha suam habet residentiam. In terra autem Sancta, Hierosolymis distaxat inueniuntur, vbi quinquaginta; vel sexaginta circiter eorum familia domicilium habent, & pro parochiis paruam quamdam Ecclesiam in domo Mariæ Maris Ioannis, qui cognominatus est Marcus, exædificatam, quò Petrus ab Angelo à carcere liberatus confugisse dicitur Act. 12. ibi pro celebrandis missis duos tenent Sacerdotes, vnum autem intra Sancti Sepulchri septe, qui in ea, vbi sunt sepulchra Sanctorum Iosephi ab Animathia, & Nicodemi, capella suam facit mansionem, diuinumque recitat officium; quoties Turcæ Ecclesiæ Sancti Sepulchri ianuas aperiant, omnes qui tunc Hierosolymis degunt Nestoriani illam ingrediantur, Missam celebrandi, diuinæque officia perfoluendi gratia, quod lingua Syriaca præstant; cum enim maior pars Nestorianorum ibi habitet, eorum suam à Chaldaea Syriaque superiori originem trahant, vbi præfata lingua est vernacula, quamque à teneris discunt annis, eam multatenus desererere voluat, nec non Hebræa antiquiorum esse contendunt.

Præter dictos Nestorianos in Asia minoris regionibus versantes, sunt etiam alii in India Orientali in Ciuitate

S. Thomæ, & aliis oppidis, de quibus Possseuinus tom.2. Apparatus, verbo *Nestoriani*, & ex eo Thomas à Iesu lib. 7. de conuersione omnium gentium cap.2. agit, pluresque refert errores, quorum tamen omnium labe non sunt coinquinati, qui Asiam Minorem incolunt, sed sequentes dumtaxat habent præcipuos, tam ex eodẽ Patre Thoma, quàm ex fide dignis Missionariorum relationibus.

Primum & si nobiscum signo se crucis muniant, haud tamen pronuntiant illa verba, *In nomine Patris, & Filij, & Spiritus Sancti*; sed istis vtuntur: *Verbum Patris descendit in uerum Mariæ Virginis, & à laua ad dexteram nos transfudit*. Vnico se signant indice, dicentes quod tres simul iuncti repræsentent tres Sacræ Triadis Personas; qui mos, licet benè intellectus, nullum contineat errorem, secus tamèn ad sensum, & mentem eorum.

Secundò Nestorium, & Thodorum Mopseustenum vespertinis horis in aliquibus Ecclesijs cum Patribus inuocant; Sanctum verò Cyrillum damnant, & anathematizant.

Tertiò humanam in Christo naturam, absque persona humana non esse perfectam existimant; ideoque duas in Christo asserunt esse personas. Fatentur tamen Christum à primo instanti conceptionis esse perfectum Deum, & perfectum hominem.

Quartò, Beatissimam Virginem non vocant Dei Genitricem, ne videantur, vt aiunt, asserere cum Iacobitis, licet in alijs forsan cum illis conueniant, Virginem genuisse ipsam diuinam naturam trium personarum diuinarum, cum dictio Dei contineat Patrem, & Filium, & Spiritum Sanctum, & de eisdem prædicetur. Ideo vocant Sanctissimam Virginem Dei Verbi Genitricem.

Quintò, Clerici omnes, & etiam ipsi Laici, qui alios deuotione superant, Sacram Dominici corporis communionem in manibus proprijs recipientes

res sub vtraque specie communicantur, ceteri vero laici Corpus Domini sanguine intinctum ore assumunt, quod lactantibus etiam pueris porrigunt. Vtuntur sicut & Græci pane fermentato, qui orbicularis est, eiusdem cum hostiis Latinorum magnitudinis, semidigitalis autem altitudinis, cui nonnulli characteres Syriaci sunt impressi.

Sexto, Sacerdotes mortua prima vxore, secundas & vteriores adhuc nuptias contrahunt.

Septimo, nuptias in gradibus prohibitis sine superioris licentia etiam in secundo gradu faciunt.

Octauo, Monachi sæpius in Monasteria Maadronitas, id est Monachas, siue Diaconissas ingredi, & pernoctare permittunt.

Nono, Patriarcham non per electionem sicut & alia nationes creant, sed potius per reuocationem de vno in alterum, quasi ius hæreditario, Patriarchatus transit.

Decimo, asserunt in fide ab Apostolis tradita nullum Chaldaeorum fuisse hæreticum.

Vndecimo, Vniuersali sacro Concilio Ephesino primo, & aliis carere videntur.

De Nestorianis autem, qui obedientiam præstiterunt Sanctæ Romanæ Ecclesiæ tempore Pontificatus felic. record. Iulii Papæ III. & Gregorii XIII. quique vetus nomen, Chaldaeos, siue Assyrios Orientales nimirum se appellantes, reiecto Nestorianorum cognomine, recuperarunt, videri possunt præfatus Pater Thomas, tum alii, qui Ecclesiasticam rerum ab illo tempore gestarum historiam conscripserunt.

Ex antiquis pro veritate Catholica contra Nestorianorum errores potissime pugnarunt, S. Cyrillus Alexandrinus, Theodoretus Cyriz Episcopus, quamuis enim Nestorio fauerit initio controuersiz: tamen postea respuit: & Nestorium inter hæreticos numerauit in lib. 4. de fab. Hæret. Vincen-

Biblioth. Theol. Tom. V.

tius Lirinenfis, S. Leo Papa I.

Theodorus presbyter in Monasterio Raytu scripsit commentarium de Incarnatione Domini contra Nestorium, & Eutychetem qui extat in Bibliot. SS. Patrum; Ioannes Marontius Monachus scripsit dialogorum contra Nestorianos libros duos, item responsionem ad epistolam Papæ Hormisdæ, in quibus disputat aduersus Nestorianos, & aduersus Faustum Regiensensem Semipelagianum; quem egregie refellit ex libris S. Augustini: at Nestorianos ita confutat scribens contra Possessorem Episcopum Africanum, vt ad Eutychianos declinare videatur. Leontius Bysantinus Monachus scripsit libros tres contra Nestorianos, & Eutychianos, qui extant apud Henricum Canisum tom. 4. ant. lect. Liberatus Archidiaconus Carthaginensis scripsit breuiarium de causa Nestorii, & Eutychetis tom. 2. Concil. sed cautè legendum est; siue enim ab aliquo deprauatum fuerit, siue ipse auctor, non bene affectus sit historiz veritatem, non parua in eo videntur esse perperam scripta. Guido Carmelita contra omnes hæreses, Prateolus; & ex Theologis omnes, qui in 3. sentent. & 3. Diui Thomæ partem commentarios de Incarnatione Diuini Verbi ediderunt.

De Eutychianis.

VT Nestoriani à Nestorio ita Eutychiani ab Eutychete hæretico, & originem, & denominationem susceperunt. Hic etiam, cum prius Constantinopoli Monasterij Archimandrita, seu Abbas esset; vnusque ex illis, qui tempore Concilij Ephesini aduersus Nestorianos præstantius cæteris dimicaret, eo profligit, vt non duas tantum esse in Christo personas ex Catholice fidei præscripto negaret, sed nec duas in eo naturas vellet admittere, eosque putaret Nestoriana laborare hæresi, qui duas confiteren-

fiterentur in Christo distinctas, & inconfusè coniunctas esse naturas.

Præterea impiè docebat in illo post Incarnationem vnam tantum fuisse, & esse naturam, factam per conversionē diuinitatis in carnem; quia Verbum, caro factum est: at vnum fieri alterum est verti in illud, Vnde affirmabat diuinitatem Verbi natam, passam, mortuam ac sepultam fuisse: ita tamen vt Christi caro nec fuerit, nec sit eiusdem naturæ cum nostra, sed tantum apparens, & phantastica: vt potius Verbum simulauerit se hominem, & natum, & passum, &c. quam reuera talis extiterit. Quia videtur indignum Deo, quod vera fuerit caro, verè natus, vereque passus &c. proindeque Theodoretus lib. 4. fab. hæret. de Eutychem scribēs sic ait: *Quæ iam exaruerat, & Valentini hæresim rursus fecit pullulare. Arius solum animam, Apollinaris solum corpus assumptum confitebatur, hic autem corpus assumptum esse negabat, dicebat enim, Deum Verbum nihil humanum ex Virgine sumpsisse, sed ipsum immutabiliter conuersum & carnem factum (ridiculis enim eius: vtor verbis) solum per Virginem traieciisse.* Vnde etiam illam non-Photocon id est Dei Genitricem, sed Theodocon id est Dei susceptricem, potuit appellare; vt etiam Nestoriani ex diuersis tamen principiis.

Hanc nouam pestem intelligens Eusebius Dorilæi Episcopus, cum aliquoties Eutychem frustra admonisset, cum tandem accusauit apud S. Flavianum Episcopum Constantinopolitanum, & tunc ibidem congregatum quoddam Concilium Prouinciale, à quo legitime citatus per notarios respondit, *Paratum se esse expositioni SS. Patrum, qui in Nicea, & in Epheso congregati fuerunt consentire, & subscribere interpretationibus eorum: Si verò aliquid consigit, eorū in aliquibus dictis, aut falsis, aut errasse, hoc neque reprehendere, neque subscribere, solas enim scripturas scrutari tanquam firmiores Sanctorum Patrum expositionibus, ut ha-*

betur in Aët. Concilij Chalced. & cum iterum citatus fuisset, petiissetque a Patribus ad eum missis: In qua scriptura iacent duæ naturæ? quis Sanctorum Patrum exposuit Deum Verbum duas habere naturas? illis replicantibus: Es tu ostende nobis, vbi cūctinctur homouisionē aut quæ scriptura hoc dicit? respondit Eutyches: Non continetur in Scriptura, in expositionibus verò Patrum iacet. Cui subintulit Mamas presbyter: Eo modo, quo de homouision dicitis, ita & de duabus naturis Sancti Patres exposuerunt.

Tandem sub patrocinio Theodosij iunioris Imperatoris, & Eunuchorum, coram ipsomet Concilio dixit: *Confiteor ex duabus naturis fuisse Dominum nostrum ante adnationem, post verò adnationem vnam naturam confiteor: Quibus auditis, diligenterque examinatis S. Flavianus cum in Concilio damnauit; cui subscripserunt Episcopi triginta duo, & Archimandritæ viginti tres.*

At Imperator Eutychem fauere nō delitens egit, vt Concilium Generale Ephesium II. conuocaretur, & in hūc finem scripsit Sancto Leoni Romano Pontifici, vt illud cogeret, & ipsemet personaliter interesse vellet; cui Sanctus Leo respondit se quidem assistere non posse, missurum tamen idoneos, qui vices eius supplerent, pro vt delegauit Iulianum Episcopum Puteolanū, Renatum Presbyterum, & Hilarium Diaconum, deditque per eos litteras ad S. Flavianū in Concilio publicè legendas, quarum etiam exemplaria misit ad Episcopos Occidentis in Gallia; in quibus laudat iudicium de his, quæ in præfato Concilio Constantinopolitano acta erant in causa Eutychemis, probatque clarissimè in Christo vnam esse personam, in qua duæ naturæ diuina, & humana subsistunt; & in fine hortatur, vt, si Eutyches à nefanda resiliere voluerit hæresi, misericordiam consequatur. Aliam quoque epistolam dedit S. Leo ad ipsum Concilium, vbi modum præscribit, quo procedere debeat,

Compa-

Comparuerunt igitur in Concilio tres præſati Sedis Apoſtolice Legati cum 132. Episcopis; & quorundam vicariis; verum Dioſcorus Episcopus Alexandrinus autoritate Imperatoris fretus violenter præſidentiam Concilij uſurpauit, ac litteras Leonis Papæ à Legatis, ut legerentur, oblatas, contra datam fidem legi non permisit, de quo poſtea in Concilio Chalcedonenſi, præter alia, periurij damnatus fuit, ſed ſtatim Eutychem Concilium pro ſua deſenſione intrare iuſſit, qui omiſſo ſuo errore prælegit aliquam fidei confeſſionem, ſequæ iniuſtè damnatum fuiſſe, proteſtatus eſt. Vnde Dioſcorus, quantumuis reclamantibus Legatis Pontificiis, aliſque Episcopis, ſententiam contra S. Flavianum, & Euſebium tulit; at Flavianus ſe inaudicum damnari proteſtatus, ut Episcopi in Concilio Chalcedonenſi teſtati ſunt, Dioſcoro dixit: *Appello à te*; & Hilarius S. Romanæ Eccleſiæ Legatus dixit, *contradicitur*; Quare plures Episcopi ad pedes Dioſcori prouoluti, ne ſic ageret, inſtanter rogabant; ſed his minimè acquieſcens introducto copioſo milite, cum catenis, coegit Episcopos ſubſcribere, quemadmodum poſtea in Concilio Chalcedonenſi, ipſimet Dioſcoro in faciem obiecerunt.

Legati interim Apoſtolici, quæ à Dioſcoro ita violenter agebantur, aulius roboris eſſe teſtati ſunt, vnuſque ipſorum Hilarius fuga elapſus, eſſi à Dioſcoro quæri iuſſus, poſt multa pericula Romam perueniens omnia Sancto Leoni diligenter expoſuit, qui coactò Romæ Concilio Episcoporum Occidentium, in eo omnia, quæ Ephēſi more prædonum acta fuerant, reſcidiſſe, ac damnauiſſe. Dioſcorus autem impius, cum prius S. Flavianum iniuſtè condemnatum, libelloque ad Sedem Apoſtolicam exhibitò per eiſdem Legatos appellantem, cædi ad mortem iuſſiſſet, eo proceſſit audaciæ, ut S. Leonem excommunicarit, coactis decem Episcopis, la-chrymantibus, & gementibus, ad ſub-

Biblioth. Theol. Tom. V.

ſcribendum facinus hæcenus inaudieſſi. Quod ſchiſma uſque ad obitum Theodoſij Iunioris perdurauit. Marcianus enim illi ſuccedens datis ad S. Leonem litteris enixe ab eo petijt, & obtinuit Concilij Generalis cōgregationē, quod prius Nicæe indiſtum, poſtea Chalcedone celebratum eſt anno Domini. 451. præſidentibuſque; in eo Legatis à S. Leone miſſis, & præſentibus ſexcentis & ultra Episcopis, nec non ipſo Imperatore Marciano, Eutycheſ ac Dioſcorus damnati fuerunt: cuius rei ſeries ſic ſe habet.

I. Cùm inter cæteros impius ſederet Dioſcorus, hæc Paſchaliſſimus Apoſtolice Sedis Legatus ad Synodum dixit: *Beatiſſimi atque Apoſtolici Papæ vrbis Romæ, quæ eſt caput omnium Eccleſiarum, præcepta habemus præ manibus, quibus præcipere dignatus eſt eiſ Apoſtolatus, ut Dioſcorus Alexandrinus Archiepiſcopus non ſedeat in Concilio, ſed audiendus introſmittatur; hoc ergo obſeruare neceſſe eſt*. Vnde ſtatim, ut reo, in medio conſtituto Dioſcoro, accuſatio eſt inſtituta. Theodorētus introductus eſt in Synodum. Lecta Conſtantinopolitanæ Concilij acta de damnatione Eutycheſis, & alia Ephēſini Conciliabuli. Rogati Patres ſententiam, acclamant, damnantes, qui tam iniquam contra Flavianum tuliſſent ſententiam; Episcopis, qui Ephēſi fuerant, contra Dioſcorum obſtrepentibus, ſe vi coactos ſubſcripiſſe.

II. Seſſione lecta ſunt Symbola, Nicenum, & Conſtantinopolitanum, duæ Cyrilli Epistolæ, & Sancti Leonis epistola illa de Incarnatione Verbi ad Flavianum, quam miris laudibus Patres proſecuti ſunt, ita acclamantes: *Hæc Patrum fides, hæc Apoſolorum fides, omnes ita credimus, Anathema, qui non ita credit; Petrus per Leonem ita locutus eſt. Cyrillus ita docuit; Leo & Cyrillus ſimiliter docuerunt. Hæc in Ephēſo lecta non ſunt: hæc Dioſcorus occultauit*.

III. Seſſione conueniunt Episcopi tantummodo, abſque Ma-giſtratibus ſecula-

ularibus, cō quod tractanda eſſet Dio-
ſcori damnatio, per Epīſcopos dunta-
xat facienda. Eo autem citato, & re-
cuſante comparere, quod abſentis Iu-
dices ſæculares, Cæcropsius Epīſcopus
Sebaſtenus, vnus ex ijs, qui ad ipſum
vocandum miſſi fuerant, hæc dixit:
*Quando quædam regularia (id eſt Eccle-
ſiaſtica) negotia examinantur, ſecundum
canones, neque Iudices alios, vel laicos in-
terſe oportet,*

Legitis itaque accusationum libellis aduersus Dioscorum oblatis, cum hac inscriptione, *Sanctissimo, & Beatissimo universali Patriarcha magnæ Romæ Leon, & Sanctæ, & universalis Synodo Chalcedonenſi*, cum tertiò citatus pertinaciter comparere noluiſſet, Legati Apoſtolici contra ipſum tulerunt ſententiã, in qua delictis eius recensitis & pertinaacia ſic concludunt: *Vndè Sanctiſſimus, & Beatiffimus Archiepiſcopus magnæ & ſenioris Romæ Leo per nos, & per præſentem hanc Synodum cum ſer beatiſſimo, & omni laude digno Beato Petro Apoſtolo, qui eſt petra & credidit Catholica Eccleſia, & illo qui eſt reſta fidei fundamentum, nudavit eum tam Episcopatus dignitate, &c. Igitur Sancta hac & magna Synodus, quæ placuit regulis decernat. Legatorum ſententiã ſinguli Episcopì Sacræ Synodi ſubſcripſerunt, & de re, Synodalis epiſtola miſſa eſt ad Imperatorem.*

IV. Sessione, quinque Episcopi, qui cum Dioscoro præfuerat impio Ephesi conuentui, facta Catholicæ fidei professione, contrariæque sententibus dānatis, in Synodum sunt admissi, à quā ante repulsi erant. Episcopi autem Aegyptii impetrant, ut non prius cogantur dicere, Anathema in Eutychetem, quā Alexandrinus Episcopus eligeretur, quē subscribendo sequerentur.

V. Sessio continetur petitio Euty-
chianorum Archimandritarum, vt sibi
liceret de fide cum Catholicis disputa-
re coram Imperatore, qui religiosissime
& sapientissime eos remisit ad Conci-
lium Episcoporum, *quorum definitio-
bus, inquit, fidem habeo, eas sequor, his*

*contentus sum . Mox actum est de Dice-
cessibus, aliis aliàs defendentibus, ex iu-
re Imperatorum, aliis aliàs ex regulis
Ecclesiasticis, Iudices dixere : Sacratif-
simo Domino orbis placuit, non iuxta Sa-
cras Imperatoris litteras, & pragmaticas
typos, res Sanctissimorum Episcoporum proce-
dere, sed secundum canones à Sanctis
Patribus datos. Sancta item Synodus di-
xit : Contra canones nihil pragmaticum
valebit : Regula Patrum teneant . Dein-
dè pro B. Virgine, quod sit Mater Dei,
sic statuitur : Fides fraudem non patitur.
Sancta Maria Theotocos scribitur . San-
cta Maria Theotocos est . Qui sic non
scribit, & sapit, hereticus est .*

VI. & VII. Sessio definitio Fidei
Catholicæ Concilii Chalcedonensis cō-
scripta, & actis inserta est, qua lecta, &
ab omnibus subscripta, dictum est Ana-
thema Nestorio, Eutychem, & Diosco-
ro, &c. pro custodia autem definitionis
fidei, Imperator, viuz vocis oraculo,
aduersus disputantes, vel turbas, & tu-
multus concitantes, pœnas apposuit.

VIII. Sessio primò componitur controuersia inter Antiochenum, & Ierosolymitanum Episcopos, in quavis Metropolitae Palæstinae, quod erat Ecclesiæ Cæsariensis Ierosolymis est translata. Secundò Theodoretæ causa acta, & ipse anathematizans Nestorium, susceptus est à Synodo, vt ante à Leone, & sua illi Ecclesiæ restituta. Tertiò restitutio quoque Ibæ Edesseni in suam Ecclesiam facta est. Ob quæ postea tantum inter Catholicos diffidiū fuit, plurimique Concilium Chalcedonenſe recipere recusant propter tria capitula edita in V. Concilio Generali. I. de Theodoro Mopsuesteno Episcopo, cuius impia scripta ibi damnantur. II. de Theodoro, cuius scripta aduersus 12. Capitula Cyrilli Alexandrini ibi reprobantur, & tamen Concilium Chalcedonenſe, ipsum Sedi suæ restituerat. III. de epistola Ibæ Episcopi Edesseni scripta ad Marium Persam, quæ in eo capitulo damnatur: & quod Cyrillū vocet Hæreticum, & Nestorium laudet: Et tã-

men in Concilio Chalcedonenſi vt Catholicus receptus, & in Sedem ſuam reſtitutus fuerat. Verum totum hoc diſſidium ex bonæ fidei ignorantia natum fuiſſe alias oſtendimus. Nam re vera Theodoretus, & Ibas primo Neſtorio fauerant, & Cyrillum damnauerant, atque contra illum ſcripſerant: poſtea, verò reſipuerunt, & cum Cyrillo reconciliati ſunt: ita Conciliū V. damnavit eorum ſcripta, non perſonas; Concilium autem Chalcedonenſe recepit perſonas quia iam reſipuerant, vt egregiè docet D. Gregorius lib. 2. Reg. Indict. 10. epiſt. 10. ad Sabinum Subdiaconum.

IX. Seſſione decretum, vt Ephreſinū ſub Dioſcoro Concilium, Concilii nomen minimè obtineret, & Imperator ipſe de hoc ſanciret. Tribus ſequentibus ſeſſionibus actum de cauſis quorundam Epiſcoporum. Atque demum pridie Kalend. Nouemb. ſolutum eſt Concilium, abiectæque Iudicæ, atque Legati Sedis Apoſtolicæ, ſcripta prius Synodali epiſtola ad Sanctum Leonem in qua S. Synodus omnia acta, & definita referebat, petebatque ab eo cuncta rata haberi, & confirmari, nec non quæ adiecerat canonem; vt Epiſcopus Conſtantiopolitanus poſt Romanam, & Apoſtolicam Sedem honorem haberet. Verum Sanctus Leo confirmavit quidè definitionem fidei, & alia Concilii acta, præſertim autem canonem de præcedentia Conſtantiopolitana, tanquam Nicæni Concilii ſtatutis contrarium reprobatum; vt patet ex epiſtola eius 33. ad Marcianum Imperatorem. En igitur, quem in Concilio Generali Chalcedonenſi finem, & exitum habuit Eutychetiſ, & Dioſcoti cauſa; non propterea tamen eorum hæreſis extincta eſt, imo quod de Arianis ſcripſit Athanaſius ſerm. 4. contra ipſos, non minus de Eutychianiſ aſſeri poteſt, videlicet, *quemadmodum in fabulis Ethnicorum celebrata hydra, ſublatis prioribus ſerpentibus, aliſque pululantibus, pernicaciter contendebat non ſemper obiecto anguinem*

contra eum, qui ipſe ſuos ſerpentes tollebat: ita quoque iſti execrabiles homines animo Ethnicò deieci ab illis, quæ obijciebant, alias reperiunt Iudaicas, & ſubitas controneſias, & quaſi veritatem hoſtem habeant, comminiſcuntur noua, vt ita ſe magis Chriſti perducant, & oppugnatores declarent: Nam ex Nicephoro lib. 18. hiſt. Eccleſiaſt. cap. 45. poſtquæ Eutychetiſ, & Dioſcoto à Sancta IV. Synodo Chalcedonenſi dignitas abrogata eſt, qui illorum dogma defenderunt, facta ab Eccleſia Catholica deſectione, ſegregatos, ſiue ambigentes ſeipſos appellarunt, & in duodecim ſectas diuiſi ſunt, ex quibus per vniverſum Oriëntem multa millia hæreſum pullularunt, quarum plures adhuc ibi perſeuerant, præſertim in natione Iacobitica, de qua paragraſo ſequenti, ſi prius annotauero ſcriptores, qui aduerſus Eutychianos veritatem Catholicam propugnarunt. Hi ſunt ex antiquis Theodoretus contra omnes hæreſes, Ioannes Caſſianus libris 1. de Incarnatione Verbi, Vincentius Lirinienſis, S. Petrus Chriſologus in inſigni epiſtola ad Eutychetem exhortans illum ad obedientiam Sancto Leoni præſtandam in materia fidei poſitiſſimum. Hortamur, inquit, te, vt iſ, quæ à Beatiſſimo Papa Romana ciuitatis ſcripta ſunt obedienter attendas: quoniam B. Petrus, qui in propria Sede vinit, & præſidet, præſtat quærentibus fidei veritatem; habetur, & alia eiſdem epiſtola, inter eas, quæ præcedunt Chalcedonenſe Concilium. Theodorus Preſbyter in Monafterio Raytu ſcripſit quindecim libros de Incarnatione Domini contra Neſtorium, & Eutychetem in Bibliotheca Sanctorum Patrum. Gelafius Cyzicenus ſcripſiſſe creditur librum de duabus naturis Chriſti contra Eutychetem, qui tamen liber hætenus eſt editus ſub nomine Gelafij Papæ. Vigilius ſcripſit libros quinque valdè eruditos contra Neſtorium, & Eutychetem, pro deſenſione epiſtole Sancti Leonis, & Concilij Chalcedonenſis. Quis autem fuerit iſte Vigilius, non ſatis conſtat, poſſetque de hac

de hac re videri Card. Baronius to. 5. Annal. ad annum Dom. 400. Boetius Seuerinus scripsit librum vñ de duabus naturis Christi aduersus Eutychem. Leontius Bisantinus scripsit libros tres contra Nestorianos, & Euty-chianos: nec non contra fraudes Apollinaristarum, & contra Seuerum, qui extant apud Henricum Canisium tom. 4. antiquæ lectionis. Liberatus Archidiaconus Carthaginensis scripsit breuiarũ, sed vt supra iam notauimus caute legendum, de causa Nestorij, & Eutychetis. Sanctus Ioannes Damascenus libro de centum hæresibus; Ex Theologis autem scripserunt omnes, qui post Magistrum in 3. senten. & post Dium Thomam in 3. part. Summ. commentaria de Incarnatione ediderunt.

De Iacobitis.

Iacobitæ propriè non distinguuntur ab Eutychanis, sed vna potius fuit, quæ ex illis prodijt Secta, post damnatos in Concilio Chalcedonensi Eutychem, & Dioscorum, cui nomen dedit, vt refert Nicephorus lib. 18. cap. 5. quidam Iacobus Syrus genere, obscurus prorsus, & nulla gloria vir, qui etiam Zanzalus propter summam, tenuitatē est cognominatus. Hic enim Eutychetis, & Dioscori, nec non Petri Gnaphæi Episcopi Antiocheni errore recepto, qui ad hæresim Eutychetis addidit, vt in trisagio poneretur crux, videlicet Sanctus Deus, Sanctus fortis, Sanctus immortalis, qui crucifixus est pro nobis, ex quo videbatur sentire totam Trinitatem fuisse crucifixam, magnoperè Monophysitarum, hoc est vnam in Christo naturam asserentium opinionem apud Syros propagare studuit; vnde etiam magnum, inter illos dissidium exortum fuit. Nā qui rectæ opinioni, Sacrique Concilij Chalcedonensis definitioni de duabus naturis in vna Christi persona adhæserunt, Melchitæ appellati sunt, quod

Sanctam quartam Synodum, & Imperatorem ipsum (Melchi enim Syris Rex est) consecrarentur. Qui autem diuersum senserunt, multa varique, habuere nomina, Iacobitæ tamen maximè sunt nominati, propterea quod dicto Monophysitarum hæresis studio Iacobo adhererent; vnde satis patet, non tam nationis, Iacobitarum, esse nomen, quam hæresis, vel sectæ dispersæ per ciuitates, terras, & oppida Syriæ, nec non Mesopotamiæ, & Babyloniz, aliisque sectis ibi vigentibus mixtæ, vt habet Thomas à Iesu lib. 7. de conuers. omnium Gentium, cap. 14. ex relatione Leonardi Episcopi Sidonij Nuncij, atque Visitatoris Apostolici missi à Gregorio XIII. ad partes Orientales.

Ecclesia Patriarchalis Iacobitarum est in Mesopotamia, extra ciuitatem, Moradim in Monasterio Zafram, sed Patriarcha residet in ciuitate Caramit ad maiorem sui commoditatem, & quietem; tunc quando præfatus nuncius illos visitauit subditi erant Patriarchæ David, sub cuius obedientia, viuebant plures Prælati, loco statim citato relati, & videndi; vbi etiam errores ex Cathesismo eorundem, qui Romæ in Bibliotheca Cardinalis Sæctæ Seuerinæ tam in Arabica, quam in Latina lingua conscriptus habetur, simul collecti reperiuntur; Præcipuus ipsorumque proprius est ille, quo asserunt Christum ante, & post adunationem esse vnam naturam vnitam, & compositam ex Diuinitate, & Humanitate: Et vnam voluntatem compositam ex Diuinitate, & Humanitate: Et vnam operationem productam ex Diuinitate & apparentem ex corpore; quibus verbis, dum perhibetur eos, aut ludere, debereque consequenter, omisso tali loquendi modo, liberè vnam personam, & duas naturas, duas voluntates, & duas operationes iuxta Concilium Chalcedonense à S. Romana Ecclesia, quæ diuino regitur spiritu, probatum confiteri; aut re verè hæreticos Eutychia-

chianos esse; respondent ad primum, nec Latinos, nec Græcos potuisse excogitare, & inuenire hoc temperamentum vocum, & terminorum, in supradicta propositione, quemadmodum docti Iacobitæ inuenerunt, aut in alia simili, qua dicunt, duas in Christonaturas esse unitas, vnamque factam naturam personatam de duabus naturis non personatis, sine mixtione tamen, aut confusione, & quidem in significatione eandem esse, cum ea qua Ecclesia Latina vtitur, solumque verbis differre asserunt. Vnde ad secundum respondent, se nequaquam Eutychanos esse, sed Dioscorianos, ac semper Eutychetis errores, vna cum authore suo condemnasse, & etiam nunc condemnare, qui duas naturas in vnam confundebat, cum ipsi contra hanc opinionem asserant vt supra, duas in Christo naturas esse unitas, vnamque factam naturam personatam de duabus naturis non personatis, sine mixtione tamen, & confusione. Sique instetur Dioscorum iuxto excommunicationis telo fuisse confossum in Concilio Generali Chalcedonensi, quod hæresim Eutychetis approbare, & in ea, alijsq; innumeris ibidem recensitis contumaciter, ac superbe perseveraret; recurrunt ad corruptas quasdam in ipsorum libris Dioscori historias, quibus eum, immerito in prefato Concilio damnatum, & excommunicatum fuisse conantur probare.

Quare etiam Chalcedonense Concilium haud recipiunt, Sanctumque Leonem Summum Pontificem Romanum, quia duarum meminit naturarum, cum Arrio & Nestorio, & alijs hæresiarcho malignè annumerant, vt hac via maiori afficiantur erga Ecclesiam Catholicam odio, vtque à duarum naturarum mentione omnes abhorreant; quas tamen plurimas in contrarium allegant, authoritates oppositum potius demonstrare patebit ex dicendis scet. sequen. cap. 9. Hæreses autem Iacobitis communes cum Cophtis, Abyf-

sinis, & Armenis, sunt potissimum sequentes.

1. Omnes ferè dubitant, aut non, firmiter sentiunt de Primatu Romani Pontificis; refutabitur infra c. 7.

2. Simul colunt Baptismum, & Circumcisionem, refutabitur cap. 6.

3. Sacramentum confessionis auctuaris, vt est apud Ecclesiam, Confirmationis, & extremæ Vnctionis vix agnoscunt. Matrimonium verò leui ex causa dissolubile constituitur; refelletur cap. 20. & 22.

4. Legem veterem cum noua obseruandam credunt; refelletur cap. 6.

5. Nec Purgatorium, nec pro defunctis preces admittunt; nec Beatos ante iudicii diem ad Paradisum euolare credunt, & tunc negant Deum facie ad faciem, sed claritatem quandam, & splendorem diuinum visuros. refelletur cap. 1. 23. & 24.

6. Animas rationales non de nouo creari à Deo, sed per seminis propagationem ex potentia educi, sicut & animas brutorum affirmant. refutabitur cap. 3. De Iacobitis, siue Iacobinis videnda est Constitutio Concilij Florentini sub Sanctissimo Patre, & D.N. Eugenio IV. super vnione eorundem, quæ incipit: *Cantate Domino quoniam magnificè fecit.*

De Cophtis.

Cophtæ, vel Cophti, aut quia ex Aegypto oriundi, aut quia circumcisi, vt Græcè sonat idem nomen, eo quod vna cum baptismo Iudeorum etiam ritu olim circumciderentur, ad hunc vsque diem reperiuntur partim in Aegypto, partim in Aethiopia, & Nubia. Suum habent Patriarcham residentem in Monasterio Sancti Macharij sexaginta circiter miliaribus à Magno Cayro versus meridiem distante ad ripam Nili; præter quod, plura quoque sunt alia tum in Aegypto, tum in Thebaidis desertis, vbi Religiosi in extrema viuunt paupertate.

pertate, ac miseria. A tempore Concilij Chalcedonenfis, quo Dioscorus Patriarcha Alexandrinus, cui olim suberant Cophitæ, ab Ecclesia defecit, ipsi etiam varijs eius, nec non alijs erroribus coinquinari cæperunt. In primis vt Concilium Chalcedonenfe, & Sanctum Leonem Papam expressè dant, ita inter celebrandam Missam inuocant Seuerum, & Dioscorum, eosque Patres, & Sanctos appellant.

II. Vnam tantum in Christo Domino profitentur naturam, voluntatem & operationem. Duas verò naturas, voluntates, & operationes admittere recusant, ne Christus, prout ipsi asserunt in duas etiam diuideretur personas. refutabitur cap. 10.

III. Quamuis Spiritum Sanctum à Patre, & Filio procedere credant, verba tamen illa, *Filioque* non recitant. refellitur cap. 2.

IV. In hymno trisagio addunt illa verba, qui crucifixus est, dicentes, Sanctus Deus, Sanctus fortis, Sanctus immortalis, qui crucifixus es pro nobis, miserere nobis.

V. Vana vel falsa per Deum iurare non reputatur ab eis peccatum, & illi qui in partibus Aegypti aliena furantur, peccare minimè existimantur. Refutabitur cap. 8.

VI. Circa Sacramentorum administrationem multos etiam errores habent admixtos; incipiendo enim à Baptismo, in primis raturum non habent illum, ne quidem in summa necessitate, si ab alio quam à Sacerdote conferratur. isque præcisè in Ecclesia, etiam si baptizandus de vita periclitaretur, nec etiam ante quadragesimum vitæ diem, quod extra Cayrum maximè in Scitia adèdè rigorosè obseruatur, vt ne quidè imminente præsentissima morte, ante hinc ætatis diem paruulis Baptismus detur. Refellitur cap. 15. Modus autem baptizandi talis est. Defertur nimirum infans ad Templum, ibidemque ad instar Missæ cum Diacono, & Subdiacono officium celebratur, sine

consecratione tamen, vel communionè; deindè baptizandus ritu Græco aquæ immergitur, verba autem Latînorum more adhibentur; statimque à baptismo etiam paruuli chrismantur, vngunturque Oleo Sancto in fronte, in pectore, in iuncturis, in renibus, alapa autem non indigitur. Postea vestiuntur, cingunturque, & hæc quidem media nocte fieri solent; illisque peractis vltimo loco Missa more consueto celebratur, cum consecratione, communicatusque Sacerdos, & Ministri sub vtraque specie, Sanctum Eucharistiæ Sacramentum sub eisdem quoque speciebus nouiter baptizato porrigunt. Olim etiam omnes Cophiti vna cum baptismo circumcidebantur, sed hodie vt ipsi asserunt, id amplius non est in vsu, forsan post Synodum Memphiticam, de qua statim.

VI. Conficiunt Eucharistiæ Sacramentum in fermentato, illudque omnibus sub vtraque administrant specie. Diaconi, & Subdiaconi, sine quibus nunquam celebratur, semper cum Sacerdote quoties celebrant, communicant: laici autem rarissimè extra festa Paschalia. Ministri autem hi solum sunt viginti annorum, aut circiter, qui nunquam confessionem suorum peccatorum faciunt, etiam si singulis diebus communicent, proindè moris est ante vigesimum, aut circiter annum, nunquam Sacramentum poenitentiae recipere.

VII. Infirmis neque oleum Sanctum, neque Eucharistia defertur.

VIII. Excepto Presbyteratu conferuntur ordines cuiumque ætati, etià immediatè post baptismum paruulis, simulque dantur tonsura, & quatuor minores, & Diaconatus, & Subdiaconatus, nec hisce conferendis interstitia, vel tempora particularia determinata sunt. Vbi Sacros. recipiunt Ordines, castitatem, & abstinentiam promittunt, ieiunare videlicet diebus Mercurij, & Veneris, tempore aduentus, & quadragesimæ: hisce enim temporibus

bus ad occaſum vſque Solis , quando etiam Miſſam celebrare moris eſt , ieiunant , nec non etiam vigilijs Apoſtolorum Petri & Pauli , & Aſſumptionis . Quando autem infantulis aut pueris Sacri ordines conferuntur , pro eis ſpondent , & hæc vota obſeruant ipſorum parentes , donec decimum ſextum ætatis annum , aut circiter attigerint .

IX. Matrimonium quidem apud ipſos contrahitur in præſentia Sacerdotis & in facie Eccleſiæ , ad formam Romanam . Id ipſum tamen quamvis iam conſummatum diſſoluitur quandoque (quanquam raro) aſſument ſibi marito aliam vxorem , vxoreque alium maritum . Refellitur cap.20.

X. Vtuntur in ſuis Eccleſiis libro quodam fabuloſo , quem ſecreta Petri appellant , & in Miſſis legunt Euangelium Nicodemi . Lingua Chaldaica diuina legunt officia , nec non Miſſam præter Epistolam , & Euangelium , quæ lingua Arabica nunc Aegypto vernacula ibi recitant .

Vt Cophitæ ſupina præ omnibus alijs hæreticis Orientalibus ignorantia laborant , cum maior ipſorummet Sacerdotum pars legere tantum , non autem ſcribere norit , ita inde , nec non ex ſuperbia , qua de ſuis conuinci timent erroribus , ac ſummo quo Latinos proſequuntur odio , vix adduci poſſunt , vt cū illis de rebus fidei , & religionis agere velint . Nihilominus Gregorius XIII. pro Sancto , quo animarum ſalutis flagrabat zelo , multis legationibus pacis & vnionis ad illam gentem miſſis , eam ad Eccleſiæ Sanctæ gremium adducere curauit ; cuiusque authoritate Synodus Memphitica anno 1582. menſe Decembris celebrata eſt ; quæ etſi plenum , qui ſperabatur exitum non habuerit , quatenus concordiffimè iam in ea ſancito , quod ad rem attinet , vnà cum Catholicis idem ſentiendum eſſe de duabus in Chriſto naturis , id poſtea chyrographo confirmare noluerunt , tùm Patriarchæ Vicario ita procurante homine peſſimo quique ea ratione conſequi ſe poſſe Pa-

Bibliot. Theol. Tom. V.

triarchatum ſperauerat , tum morte ipſius Patriarchæ , hoc tamen obſtatum eſt , vt tunc Circumciſionis lex fuerit abrogata ; ſique interdum aliqui Mahumetanorum vi circumciduntur , ſtatim à parentibus crucis ſigno in fronte , vel manu notantur , vt ab omnibus tanquã Chriſtiani dignoſci poſſint . De quibus vide Thomam à Ieſu lib. 7. de conuerſione omnium Gentium procurandæ cap.6.

Qui de Terræ Sanctæ rebus ſcripſerunt , referunt Cophitos in maiori ſancti ſepulchri Eccleſia , ſuum quoque , licet paruum , ſacellum habere ad occidentalem partem Sacri Saluatoris mundi ſepulchri , non minus ab alijs ornatū ; quodque licet Ieroſolymis viginti quinque duntaxat eorum familiæ habitent , ibi nihilominus pro parochia paruum quoque habeant Eccleſiam , vbi duo reſident Sacerdotes ad perſolueda diuina officia , nec non miſſam celebrandam .

De Abiſſinis .

A Biſſini ſunt illi populi , qui ſubiiciuntur Imperio Regis potentiſſimi , quem Europei Presbyterum Ioannem vocant , ita denominati ab Abiſſia Aethyopiæ prouincia , vnde primam ſuam traxerunt originem . Cum plures de illorum moribus , fide , & religione , aliſque rebus accuratè ſcripſerint , ea ſolùm breuiter attingam , quæ pro inſtituti noſtri ratione ſpectant ad varios inter ipſos exortos errores , aut ritus à fide Catholica alienos , vt reſtentur , ſique fieri poſſet , ab illis ad veritatem reducantur . Igitur , quam primum vt putant , à Candace Regina Iudith vocata fidem Chriſtianam acceperant , tamdiu inter eos manſit incorrupta , quamdiu floruit Eccleſia Alexandrina , cuius Patriarchatui tota erat ſubiecta Aethyopia ; verum illa poſtea cū ſuis Patriarchis , & Prælatiſ per ſchiſma & hæreſim deficiente à Sede Apoſtolica , nil mirum , quod à capite languente

R r r tot

tot etiam ad membra derivauerint mala, tot, inquam, hæreses, quibus hodiè Abissini, & Aethyopes turpiter laborant, cum aliis populis Orientalibus.

Primum enim Dioscori errorem de vna in Christo natura, voluntate, & operatione, sine mixtione, & confusione sequuntur, & illam naturam asserunt esse diuinam. Ad quem consequenter errorem, tria tantum Concilia Generalia recipiunt, nempe Nicænum, Constantinopolitanum, & Ephesinum, reiecto Chalcedonensi. Refutabitur cap. 9. Sectionis sequentis.

II. Simul cum Baptismo Abyssini circumcisionem colunt, in maribus præputium, in feminis verò nympham circumcidentes. Refutabitur cap. 6. Mares baptizantur post 40. dies, & fœminæ post 80. nisi fuerit mortis periculum, quia tunc statim baptizari aliqui asserunt, alii verò inbaptizatos obire, qui ad hunc diem non pertingunt.

III. Errant circa idem Baptismi Sacramentum, quatenus in die Epiphaniæ, benedictio prius aquarum stagno trina immersione tam mares, quam fœminæ præmissa forma baptismi quotannis rebaptizantur. Aliqui tamen asserunt eos non rebaptizari, sed talem ab eis ceremoniam fieri ob deuotionem baptismi Domini Nostri Iesu Christi. Refutabitur cap. 16.

IV. dicuntur baptizari Aethyopes igitur, & signari in fronte. Verum alii negant id fieri Baptismi gratia, sed in aliquibus duntaxat provinciis eos signare se in fronte nouacula, vel ad oculorum & visus sanitatem, vel, ut aliqui referunt, ex mandato cuiusdam Regis Aethyopiæ, ut hac ratione à Mahumetanis dignosci possent.

V. Confirmatio apud eos confertur à Sacerdote vna cum Baptismo, & vngitur infans Chrismate in fronte, In nomine Patris, & Filii, & Spiritus Sancti; & in hoc errant, quod confirmationem ordinariè à simplici Sacerdote ministrari posse credant. Refutabitur cap. 17.

VI. In sacra altaris oblatione etiam

vtantur fermentato, nihilominus in azimo confici posse credunt; in cuius rei argumentum in tota Aethyopia feria 5. in Cœna Domini singulis annis in azimis celebratur; in hoc autem errant, quod in pluribus provinciis musto ex vuis passis confecto loco vini in consecratione calicis vtantur.

VII. Omnes Aethyopes communicantur sub vtraque specie, Sacerdote corpus ministrante, Diacono verò sanguinem cochleari, quod si necessarium ab eis credatur, errant, sed nihil de hoc apud eorum Scriptores expressum habetur; imo in praxi nonnulli in solo pane communicant; sicut etiam dubitatur de modo communicandi apud ipsos, infantes in die baptismi, aliqui enim dicunt Eucharistiam illis conferri, alii verò Sacerdotem tantum, tacta prius hostia cum indice, eum in Calicem mergere, & sanguine perfusum immittere in os infantis, at post baptismum, in ore puerorum, qui carent usu rationis vsque ad decennium ponitur digitus auricularis Sacerdotis sine sanguine, deuotionis causa.

VIII. Cum Matrimonii Sacramentum indissolubile sit, quamdiu alter coniugum vixerit, Abissini diuortium leui etiam ex causa permittunt, ita ut, superstiti altero coniugum, alter nubere possit. Refutabitur cap. 22. sectionis sequentis.

IX. Opinantur animas rationales non creati, sed per feminalem propagationem non aliter, ac brutorum traduci; qui fuit antiquus Tertulliani, & Apollinaris error, ex Diuo Augustino hæresi 86. refutabitur cap. 3.

X. Credunt animas infantium decedentium ante baptismum, eo solum saluari, quia orti sunt à parentibus fidelibus. Existimant enim Eucharistiæ virtutem à matre tempore prægnationis susceptæ prodesse infanti in utero existenti. Refutabitur cap. 11.

XI. Quod nullas pro defunctis oblationes habeant, creduntur Purgatorium cum Græcis non agnoscere; eos nihilominus

lominus, & orare sepius pro defunctis, & credere animas post mortem detineri in quodam loco, qui lingua Aethiopica vocatur *Mecan aarast*, id est locus alleviationis, docent alii; in quo loco detinentur animæ poenitentium, quæ decesserunt ab hoc seculo, non perfecta peccatorum satisfactione.

XII. Sunt nonnulli in Aethyopia, qui opinantur, quod animæ iustorum post mortem requiescant in Paradiso Terrestri, in quo fuit creatus Adam, usque ad diem iudicii. Refutabitur capite 24.

XIII. Supremum tam in temporalibus, quam spiritualibus iudicium tenet Imperator ad eumque omnes causæ tam Clericorum, quam Monachorum deuoluuntur: Quamuis Patriarcha suam etiam spirituales exerceat auctoritatem. Qui hodiè est idem, ac Patriarcha Cophtorum, ab alijs dictus Alexandrinus, utque testantur missionarii in suis relationibus, Vicarium in Aethyopia Patriarchalem habet, quem vocant *Eteche*, vel *Comos*; tamque ipse, quam ceteri Aethyopiæ Episcopi, sunt omnes religiosi.

XIV. Traditiones videntur non admittere, sed soli verbo Dei scripto fidem adhibere, numerant autem inter Scripturas Sacras Apostolorum Canones, siue librum in octo partes distinctum, Manda & Abetilis vocatum, quem ab omnibus simul Hierosolymæ in congregatis Apostolis scriptum asserunt.

Tantum de præcipuis Abyssinorum, vel Aethyopum erroribus, ex Francisci Aluarezij historia primum Lusitanica lingua edita, postea in Hispanâ, & Italica traducta; ex Damiano Goes in libello de rebus Aethyopis ad Clementem VII. apud quam Zagazabi Aethyopum quasi Episcopi declaratio habetur de Abyssinorum fide, & religione, attentè perlegenda, quia nullibi apertius huius gentis fides, mores, religio, ritusque narrantur; Item ex declaratione Fratris Teclæ Mariæ præ-

Bibliot. Theol. Tom. V.

sbyteri Abyssini, Legati pro Lusitanis existentibus in Abyssinorum ditione, facta iussu Papæ Sixti V. coram Cardinalibus die 1. mensis Iulij, & sequentibus anno 1594. si quis tamen utramque declarationem diligenter examinauerit, multum hos testes discrepare inter se se reperiet, nec mirum, cum rerum diuinarum ibi tanta sit modo ignorantia, ut quid credendum sit, etiâ Monachos fugiat; quodque perfectum in doctrina fidei vnitas sit certissimum Ecclesiæ Catholicæ Romanæ, quam deseruerunt argumentum, nulli prorsus alteri scdæ competens, ut vidimus supra seccionem 2.

Vt autem Abyssinis, saltem præ omnibus aliis Orientalibus populis, errores, quibus inuoluuntur, non ita sunt voluntarij: etenim eos non tam ex superbia, aut pernicacia aliqua aduersus S. Ecclesiam lapsos fuisse videtur, quam ad ignorantiam, & propter aditus, per quos ad eos vera Ecclesiæ illuminatio dimanare poterat, sibi præclusos; cuius euidentissimum est argumentum, quod promptissimos semper ad fidelitatem, & obedientiam Sanctæ Ecclesiæ præstandam, nec non Summo Pontifici Romano supremo eius capiti se se exhibuerunt; ut patet ex litteris ipsorum Imperatoris Davidis, apud Damianum Goes, ubi agnoscit Romanum Pontificem caput omnium; atque adeo etiam patrem suum Clementem VII. cui scribit, reuerenter appellat; item ex Nicodemio Abbate Ethiopie, & Hierosolymitano Vicario Patriarchæ apud Sanderum de visibili Monarchia, in litteris anno 1441. die 18. Octobris ad Eugenium IV. missis; quibus Zagazabus loco superius citato subscribit, fateturque Summum Pontificem Romanum apud ipsos primatum ex Constitutionibus Apostolicis habere: ut, inquam, res ita se habet cum Abyssinis, eo facilius ad Euangelij sinceritatem reuocari posse videntur, debereque maiori id sollicitudine à Sede Apost. procurari, cuius etiam media sugge-

R r r 2

rit

rit noster Pater Thomas à Iesu lib. 7. sæpius citato cap. 10. & sequent.

Porro ex omnibus nationibus, quæ incolunt terram sanctam, nulla est in minori, quam Abyssina, numero; ibi enim ordinariè tres tantum, aut quatuor sunt Religiosi Sacerdotes, totidemque sæculares, qui paruum quasi Monasterium habent extra Ecclesiæ Sancti Sepulchri ambitum, cum duobus sacellis propè Montem Caluarium, quorum reparationi, suoque etiam victui subueniunt ex redditibus aliquarum domorum, quas Ierosolymis possident, quasque olim ex peregrinorum illuc aduenientium elemosynis compararunt, cum ob distantiam ostingentæ ferè leuearum, vix aliquod ex Aethyopia subsidium recipere possint. Singulis tamen annis non desunt, qui ad solemnitatem Paschæ Ierosolymas veniant, quamvis pro maiori parte, itinere per deserta necessariò conficiendo, præ ærumnis moriantur.

De Georgianis.

G Georgiani, alio nomine Iberi, habitant in interiori Armeniæ parte ad Septentrionem, & Euxinum versus, sub Imperatoris Turcarum dominio; putant aliqui eos esse posse, quos Pilius Georgos appellat in ea fere regione; cõmunis tamen creditur ita fuisse cognominatos, à Diuo Georgio, quem velut præcipuum patronum, & in suis præliis contra Paganos signiferum, & propugnatorem ingenti honore venerantur.

Licet adhuc hodie Christum colant, cuius fidem sub Constantino Magno susceperunt, circa annum Domini 325. procul tamen ab Apostolica Sede, veritatis magistra, cum alijs Orientalibus facti, illam sedem contaminauerunt eosdemque in Sacramentis, & alijs plebisque rebus errores cum Græcis sequuntur; de eorum autem per Patriarcham Antiochenum seductione, indeque provenientibus erroribus scripse-

runt Vincentius Belluacensis in speculo Historiali lib. 30. cap. 93. & Sanctus Antoninus 3. part. histor. tit. 19. cap. 8. §. 9.

Bernardus Lucemburgus in Catalogo hæreticorum, verbo Georgiani, nec non Prateolus eodem verbo, tradunt eos habere Archiepiscopum, qui in Monte Sina claustrum Divæ Catharinæ incolit, cui per omnia, ut nos Summo Romano Pontifici, obtemperant. Verum moderni Missionarii referunt eos, qui Georgiam inhabitant, subdi obedientiæ Patriarchæ Græcorum Constantinopolitano, quorum etiam lingua diuina recitant officia; qui verò in terra Sancta, vel Ierosolymis inveniuntur, Patriarcham eorundem Græcorum Ierosolymitanum pro superiore agnoscunt, in eorum Ecclesijs Missam audiunt, cæterisque diuinis officiis, & ceremoniis assistunt, iisdem cum illis erroribus inuoluti, unde suppositis superius dictis de Græcis, hic eos adducere superfluum esset: solum aduerto Paulum III. anno Domini 1545. Regi Georgianorum amantem, ut fidem Catholicam conseruaret, & Oratores ad Sedem Apostolicam mitteret scripsisse; & Stephanum Colynzan electum Nesciouanensem in Armenia Archiepiscopum, deputasse in Nuntium, & Oratorem ad Reges Georgianorum, & Armeniæ, quibus idem Georgianorum Rex sequenti anno, alias dedit, quas refert Thomas à Iesu lib. 7. cap. 21.

De Armenis.

Nomen Armenorum sæcæ non est nomen, sed nationis pluribus hæresibus inquinatæ, Asiam Minorem incolentis in ea parte, quæ est inter Taurum, & Caucasum montes, Armenia dicta, à Cappadocia usque ad Caspium mare protensa. Cum enim primum tempore Siluestri Papæ, & Constantini Imperatoris veram fidem Christianam amplexi fuissent, ut ex

eorum

eorum libris colligitur, maximè ex actis B. Gregorij Magni Presulis Armeniæ, virique Sanctissimi, quem Illuminatorem vocant, quia eius ope ad dictam fidem primum sunt adducti, quæ etiam deinceps præ omnibus Orientalibus nationibus, per firmam cum Romana Sede adhesionem coluerunt; ab ea demum deficere ceperunt post celebratum sub Leone I. & Martino Imperatore Chalcedonense Concilium, quod in illo Eutyches Abbas Constantinopolitanus, & Dioscorus Alexandrinus Episcopus, quorum opiniones sequebantur, condemnati fuerant; Eos enim tempore Philastrii Episcopi Brisenfis, & Sancti Augustini nondum ab Ecclesia separatos fuisse, inde videtur colligi, quod neuter eorum Armenorum hæresis mentionem faciat. Armeni igitur præfatis hæreticis fauentes decreta Concilii Chalcedonensis admittere renuerunt, indeque præcipientes in multas hæreses dederunt, usque ad Concilium Florentinum sub Eugenio IV.

Tunc enim rursus Armeni vnum cum Ecclesia Romana effecti sunt, ut habetur in decreto de eorum vnione in præfata Sancta Synodo edito; vbi etiam dicuntur magnis laudum præmiis digni, quod ut primum ad Synodum accesserint, tanquam Ecclesiasticæ auidi vnitatis, spectabiles, deuotos, & doctos oratores suos, cum sufficienti mandato de suscipièdo videlicet, quicquid Spiritus Sanctus hanc Sanctam Synodum illustrasset, ex remotissimis regionibus per multos labores marisque pericula destinarunt. Pro ut feliciter contigit, nam post reductionem Græcorum, etiam ipsi instructionem fidei; secundum Romanam Ecclesiam susceperunt: *Nos igitur oratores, inquit, nomine nostro, nostrique Reuerendi Patriarchæ, & omnium Armenorum, sicut & vestra Sanctitas in ipso decreto attestatur, hoc saluberrimum Synodale decretum, cum omnibus suis capitulis, declarationibus, diffinitionibus, tra-*

ditionibus, præceptis, & statutis, omnemque doctrinam in ipso descriptam, nec non quicquid tenet, & docet Sancta Sedes Apostolica, & Romana Ecclesia cum omni deuotione, & obedientia acceptamus, suscipimus, & amplectimur. Verum quod ita feliciter inceptum fuerat, inimico homine hoc faciente, non correspondentem principio finem obtinuit: Armeni si quidem, ut & Græci, ad pristinos iterum errores reuersi sunt, & in illis adhuc pro maiori parte viuunt. Ex relationibus tamen fide dignis Missionariorum in illis partibus degentium habetur, quàm eorum plurimos paratissimos esse ad redintegrandam, & confirmandam supradictam vnionem, præstandamque obedientiam Apostolicæ Sedis. Nec non etiam, quod inter Christianos Orientales Schismaticos primum in vrbaneitate, in templorum nitore, & ornatu, fideique suæ constantia locum teneant, cum valde raro aliqui ex illis ad Mahometismum transeant.

Hæc autem natio, teste Leonardo Sidonensi Episcopo, qui ut alias notauimus, à Gregorio XIII. missus omnes ferè Orientis Provincias perlustrauit, in spiritualibus duobus Patriarchis principalibus subiecta est, quorum vnus est Armeniæ maioris, residens in Monasterio, & Ecclesia Ecmecazin, prope Ciuitatem Eruan in Persia. Alius autem Armeniæ minoris, residens in Ciuitate Sis in Cilicia, hodie dicta Caramania. Ierosolymis quoque Armeni habent Episcopum, qui tamen Armeniæ Patriarchæ, quem magnum appellant Catholicum, subditus est, ibique in magno habitant numero, & tres habent Ecclesias, nec non sacellum intra septa, vel ambitum Ecclesiæ Sancti Sepulchri, vbi, quod Catholicos præ omnibus aliis Christi nomen professentibus æstiment, vnus è Religiosis Armenis ibi manentibus, singulis diebus, dum Completorium, & horæ matutinæ media nocte à Religiosis Ordinis Sancti Francisci canuntur, alba, & pluviali indutus primum Altare Sanctissimi Sacramen-

cramenti, deindè singulos incensat religiosi; quod idem etiam præstat, quotiescumque eos, vel solos, vel processionaliter cunctos offendit.

De Armenis scripserunt ex antiquis Proclus Episcopus Constantinopolitanus, cuius exrat epistola valdè celebris de fide ad ipsos in Bibliotheca Sanctorum Patrum; Theorianus quidam Grecus vir doctus, cuius dialogus ibidem habetur cum generali Armenorum.

Vincentius Belluacensis in spec. histor. lib. 30. cap. 98. & ex eo S. Antoninus 3. part. tit. 19. cap. 8. §. 10. Nicephorus Calistus lib. 18. hist. Ecclesiast. cap. 53. Ex recentioribus autem Guido Carmelita, Rodolphus Armarcanus & Præteolus verbo *Armeni*. Antonius Galanus Clericus Regularis, & noster Thomas à Iesu lib. 7. de conuers. omnium gentium.

Præcipui verò quibus inficiuntur errores sunt sequentes ex præfatis authoribus, non quod omnes Armeni illis in hæreant, sed quia eorum aliqui aliquibus ex his, alii autem aliis teneantur.

Primus communis ipsis cum Eutychanis est, quod in Christo Domino vna sit natura, vna voluntas, vnaque operatio; Refutabitur sectione sequenti cap. 10.

Secundò cum Græcis Spiritum Sanctum, non à Filio, sed à solo Patre procedere. nullam animam antè diem vniuersalis iudicii fore beatam; nullū denique esse ignem purgatorium, in quo animæ ex hac luce migrantes purgentur; affirmant. refut. cap. 2. 23 & 24.

Tertiò animas rationales non de nouo creari à Deo, sed ex traduce fieri plerique asserunt. refutab. cap. 3.

Quartò ab omnibus etiam Sacramentis virtutem conferendi gratiam tollunt; refut. cap. 10.

Quintò dicunt Baptismum alicui conferri non posse, nisi eidem conferatur, & Eucharistiæ Sacramentum. Chrisma quoque, cuius simplex Sacerdos ordinarius apud ipsos creditur mi-

nister adeo necessarium ad verum Baptisma perficiendum credunt, vt nisi baptizandus illo vngatur, non censetur baptizatus. refutabitur cap. 12. & 17.

Sextò fatentur quidem Baptisma necessarium esse ad vitam æternam consequendam, non autem ad deletionem peccati originalis, cuius existentiam negant. Vnde paruulos absque baptismo decedentes asserunt in paradysum terrestrem solummodo migrare, si filii sint fidelium; Si autem infidelium cum suis parentibus in infernum descendere: refut. cap. 4. & 11.

Septimò docent Beatos essentiam Dei non videre, sed tantum claritatem quandam illius essentia, in qua visione supremam constituunt beatitudinem. refutab. cap. 1.

Octauo in consiciendo Augustissimo Eucharistiæ Sacramento, nullam penitus aquam vino miscent, eamque miscendam non esse affirmant. refutab. cap. 19.

Nono asserunt omnes homines, etià si ipsi in se nullum haberent peccatum ante passionem Christi fuisse damnatos ob proprium primorum parentum peccatum.

Decimò negant inferni penam esse perpetuam, saltem quo ad aliquos, dum asserunt Christum, cum ad Inferos descendit, omnes animas inde eduxisse. refut. cap. 25.

Vndecimò dicunt nullum fuisse futurum peccatum si dæmones nō fuissent, qui homines ad tentationem impellerent: ex quo inferunt, peccatum esse simpliciter à dæmone, & nullo pacto à libero arbitrio. refut. cap. 5.

Duodecimò docent esse aliqua peccata ita prorsus irremissibilia, vt à nullo Sacerdote remitti possint. refutab. cap. 21.

Decimo tertiò negant in nuptiis contrahendis aliquod esse Sacramentum. refut. cap. 22.

Decimo quartò asserunt Christum surrexisse à mortuis die Sabbathi post para-

parasceuen, hora sexta, cum tamen cum surrexisset tertia die omnes scripturæ testentur.

Decimo quintò volunt omnes homines in sexu virili resurrecturos, nulumque post resurrectionem futurum esse foemineum sexum.

C A P V T II.

Primi modi contra hæreticos agendi principia explicantur.

QUam difficile, imo impossibile est disputare cum negantibus omnia principia, tam res minus ardua euadit, ubi aliqua inter partes communia supponuntur tanquam fundamenta disputationis absolueunda, ut accedit cum hæreticis, quando agitur de controuersis fidei, doctrinam aliquam reuelatam recipientibus. Quemadmodum enim, cum aduersarius nihil eorum credit, quæ diuinitus reuelantur, non remanet amplius via ad illa probandum, sed tantum ea, quæ contra fidei veritates adducuntur (cum non sint demonstrationes, sed solubilia argumenta) dissoluendi, ut satis ostendimus sect. I. huius libri 4. ita ubi aliqua concedit eorum, quæ per diuinam habentur reuelationem, ut hæreticus, ex his ad alia, quæ negat, admittenda, ni proterius sit, cogi potest; ut si credat Sacre Scripturæ, neget autem Christum Dominum esse hominem, aut Deum, rectè, & concludenter aduersus eum probari potest esse hominem, vel Deum, ex diuinæ Scripturæ quam admittit autoritate.

Sacra igitur doctrina cum sit, ut cæteris distinguitur, scientia procedens ex reuelatis, ut sufficienter explicatum fuit libro huius operis primo, in qua proinde vltima resolutio non fit, in ipsam veritatem entitæ tuam, propriam obiecti per illam sciri, tanquam in rationem formalem, sed in ipsam primam veritatem, seu diuinam autoritatem reuelantem, propter quod etiam voca-

tur disciplina essentialiter diuinæ subalternata scientiæ, ut potè procedens ex per se creditis, Deo tamen notis, ut egregiè docet Diuus Thomas sapor Boetium de Trinitate quest. 2. art. 3. ad 7. *Cuiuslibet, inquit, scientia principium est intellectus, sed non semper proximum, imo aliquando fides est proximum principium scientiæ: sicut patet in scientiis subalternatis, quia earum conclusiones, sicut ex proximo principio procedunt ex fide eorum, quæ supponuntur à superiori scientiæ, sed sicut à principio primo ab intellectu superioris scientiæ. Et similiter huius scientiæ, nimirum Theologiæ, principium proximum est fides, sed primum intellectus diuinus, cui nos credimus: In sacra, inquam, doctrina re ita se habent, debent duo primum distingui principiorum genera, vnum veluti formale, se tenens ex parte rationis formalis eius, atque adeo secundum quod videtur diuina reuelatione ad inferendum syllogisticè conclusionem aliquam Theologicam, v. g. *Quicquid in scripturis Canonicis fuit à Deo reuelatum, est verum, & infallibile; sed in scripturis Canonicis fuit à Deo reuelatum mysteriū Sanctissimæ Trinitatis: Igitur Mysterium Sanctissimæ Trinitatis est verum, & infallibile: Alterum veluti materiale, siue in essendo continet ipsasmet fidei veritates, aut mysteria diuinitus in scripturis reuelata, quatenus in actu exercito possunt esse media aliquarum demonstrationum Theologicarum, ut si ad probandum quod Christus habeat intellectum, assumatur pro medio, quod sit homo, hoc pacto: Omnis homo habet intellectum, Christus est homo, ergo Christus habet intellectum; ratio enim à priori in esse rei, cur Christus habeat intellectum, est; quia est homo.**

Quare loquendo de primis omnino principiis sacre doctrinæ, se tenentibus ex parte rationis formalis eius, diximus lib. I. huius operis sect. II. c. 2. esse ista duo: *Quicquid in scripturis canonicis continetur, est à Deo reuelatum* vel,

vel, Quicquid in scripturis Canonice fuit à Deo reuelatum, est verum, & infallibile. Si quidem sunt id vltimum, vnà cum verbo tradito in quod resoluuntur omnes Conclusiones Theologicæ, & quo negato non suppetit amplius Thologo via, aut ratio probandi aliquid ex parte suæ rationis formalis sub qua, quæ est autoritas diuina reuelans. Præfata enim conclusio, *Christus habet intellectum*, proximè resoluitur in hoc principium, *Christus est homo*, hoc autem, *Christus est homo*, resoluitur in *Scripturam Sacram*, illa autem in Deum eius authorem, qui omnia nescit, inquit Diuus Thomas loco superius citato, & cui nos credimus, credereque oportet hac indicanti per suos nuncios, sicut discipulum inferioris scientiæ oportet credere superiori. Loquendo autem de principijs Theologicis omnino primis veluti in essendo, aut in esse rei, diximus esse ista duo, *Deus est, & Deus est remunerator inquirentium*, & si quidem omnes quotquot sunt fidei articuli, & veritates in illis primis credibilibus virtualiter, & implicite continentur, scilicet vt credatur Deū esse, & prouidentiam habere circa hominum salutem, iuxta illud D. Pauli ad Hebræos cap. 11. *Credere enim oportet accedentem ad Deum, quia est, & inquirentibus se remunerator sit.* Nam in esse diuino includuntur omnia, quæ credimus in Deo æternaliter existere, in quibus vltima nostra consistit beatitudo. In fide autem diuinæ prouidentię continentur omnia, quæ temporaliter à Deo dispensantur ad hominum salutem, quæque sunt media ad æternæ beatitudinis consecutionē necessariā.

Præter hæc duo vniuersalissima principiorum genera, quæ loco citato dignitates Theologicas vocari debere diximus, dantur alia quoque minus vniuersalia, & sub his contenta. Ad primum enim genus pertinet autoritas Ecclesiæ docentis; etsi enim priuilegium infallibilitatis diuinitus illi concessum, tam in sentiendo si consi-

deretur entitatiuè, hoc est toto orbe diffusa; quam in definiendo si consideretur repræsentatiuè in suis Prælatiis, sit veritas in ipsismet sacris reuelata Scripturis; & sub hac ratione dici posset, eam reduci ad prouidentiam, quā Deus habet circa hominum salutē, qui, dum nihil amplius noui reuelat eis, nec immediatè per semetipsum loquitur, debuit prouidere de aliqua visibili, & infallibili credendorum regula, vbi aliquæ de illis orirentur controuersiæ, ab ea finaliter dirimendæ; attamen quia huiusmodi autoritas Ecclesiæ docentis, non se habet per modum principii intrinseci, sed extrinseci duntaxat proponentis res fidei ex speciali Spiritus Sancti assistentia, quasi per os eius loquentis, indè simpliciter, & absolute dicenda est spectare ad principium se tenens ex parte rationis formalis doctrinæ sacræ; quatenus sicut autoritas diuina reuelans est ratio formalis credendi, & vltima consequenter, in quam sacra doctrina ita resoluit omnes quas asserit fidei veritates; ita autoritas Ecclesiæ docentis, est vltima quoad nos ratio per modū conditionis, cur tales à Deo veritates reuelatas fuisse certò cognoscamus, modo explicato lib. 2. huius operis sectio. 6. cap. 10. Quare autoritas Ecclesiæ quomodocumque sumptæ, ita continetur modo statim dicto inter cæteras veritates à Deo reuelatas, resoluiturque propterea in eum, tãquam in primam veritatem reuelantem, vt tamen ratione infallibilitatis ipsi collata, sit quoad nos veluti principium quodam vniuersale, veritasque transcendens, vnde cūctas fidei veritates facili negotio demonstrare possumus, vbi semel de vera constiterit Ecclesia, suis etiam propriis notis, ac symbolis facile à cæteris sathanæ synagogis dignoscendæ; hac solum distinctione, quod ipsa, vt toto orbe diffusa credit, se habeat per modum testis; vt verò per suos prælatos explicat, proponit, vel determinat, & quæ credenda sunt, authori-

authoritatiuē præscribit; Iudicis officio fungatur, vt capite sequenti magis explicabitur.

Quia autem diuinis etiam veritatibus probandis, & sacris, quæ illas doceant, scripturis interpretandis adhibentur tam veteris, quam præsentis Ecclesiæ Pastores, ac Doctores, tanquam legitimi earum sensus, nec non traditionis testes, inde quoque eorum authoritas ad ipsammet Ecclesiam, cuius sunt partes principales spectare dici potest. Nam sensum scripturæ, & traditionum naturam, ex antiquæ Ecclesiæ sensu, cui attestatur veterum Patrum doctrina, cognoscimus, hunc verò sensum, & Patrum doctrinam, à præsentis Ecclesiæ Magistris, Doctoribus, atque Pastoribus accipimus; ideoque Ecclesia, vbi per suos prælatos, in decidendis fidei controuersis, Iudicis officio fungitur, tam diligenter veterum ipsius Patrum sensum, præsentiumque Magistrorum, & Pastorum consensum exquirat, indeque dogmata definit.

Tandem sub secundo vniuersalissimo principiorum Theologicorum genere, siue in essendo, comprehenduntur omnes fidei veritates, quæ intrinseca possunt esse media demonstrationū Theologicarum, quæque proinde magis, vel minus dici possunt vniuersalia, quo vel ad plures vel ad pauciores conclusiones Theologicas possunt se extendere, siue sint de his, quæ necessariò, aut ex natura rei competunt Deo, siue sint de his, quæ à libera eius voluntate merè dependent; vt v. g. illa veritas, quod homines, posito diuino decreto, filij iræ nascentur, dici potest principium vniuersale, quia inde multæ possunt deduci conclusiones, quæ in materia de gratia tractari solent; vt quod liberum arbitrium sit vulneratum in naturalibus, spoliatum verò gratuitis; quod non valeat omne opus virtutis etiam moralis suis viribus operari; quod ex se non possit se ad gratiam secluso diuino auxilio disponere; quod natura humana propterea damnatio-

Biblioth. Theol. Tom. V.

ni, mortis, & alijs pœnis obnoxia facta fuerit &c. Similiter & illa propositio, *Deus est incarnatus*, quod implicite contineat reliqua, quæ de Christo dicuntur, veritas enim huius, *Deus est passus, aut mortuus*, fundatur in ista, *Deus est homo*, & hæc in ista, *Deus est incarnatus*, iure merito principium vniuersale, seu positio Theologica nuncupari potest. Et sic de alijs.

Iam vt proprius ad rem accedamus, cum diuina reuelatio adæquatè comprehendatur verbo Dei scripto, & tradito, primū, de quo disputaturus modo particulari cum hæreticis conuenire debet, est, quosnam diuinæ Scripturæ libros agnoscant, & quos non; ita vt, si quæ res versantur in controuersia, sufficienter probari possint ex libris ab illis receptis, vltèrius de alijs tunc altercandū non sit, secus autem si expressè tantum habeantur ex illis, propterea que forsan ab hæreticis malitiosè non admittantur; tunc enim firmiter statuenda est aduersus eos canonica huiusmodi librorum veritas, ad quod inferuient, quæ tomo 2. lib. 3. sect. 1. de omnibus sacræ scripturæ libris, eorumque autoritate, prout in Vulgata continentur, prolixè disseruimus; quam si fateri noluerint, sicuti in alijs scientijs contra negantes prima earum principia, nulla superest ratio disputationem vix offensuā cum illis adoriendi, sed oportet vti via, vel ducente ad impossibile, vel ad hominem arguendi, ita quoque in sacra doctrina aduersarii, aut ad impossibile sunt deducendi, finaliter inferendo, quod negare Ecclesiæ autoritatem diuinæ scripturas nobis proponentem, quæ gradatim ascendendo in diuinam tandem providentiam, seu in vniuersalissimum resoluitur principium, sit eandem providentiam negare, & in atheismum consequenter declinare, vt iam insinuauimus supra sect. 5. & iterum capite sequenti repetetur. Aut ad hominem ex propriis, quæ admittunt principijs reuincendi. Quibus habitis si amicas veritati manus dare detrectent, eorum argu-

S ff

gumen-

gumenta soluenda sunt, vt diximus supra sect. 1. cap. 5. nec non ostendendum ea, quæ negantur ab ipsis principia, vel fidei mysteria, euidenter esse credibilia, tanquam diuinitus reuelata, quod sufficit ad eorum certitudinem, cum in ipsis scientiis naturalibus ad principia credita ab inferiori, quamuis scita à superiori, oporteat interdum recurrere, vt rectè docet Clemens Alexandrinus lib. 8. *Stromatum*; Aut enim, inquit, omnia egent demonstratione: aut etiam quedam ex ijs sunt credibilia. Sed si prius quidè verum est, vniuscuiusque demonstrationis petentes demonstrationem, procedemus in infinitum, & sic euerietur demonstratio. Sin autem secundum, ea ipsa, quæ sunt ex se credibilia, erunt principia demonstrationum. Iam verò Philosophi fatentur esse indemonstrabilia principia vniuersorum. Quamobrem si est demonstratio, omnino necesse est prius esse aliquid ex se credibile, quod quidem dicitur primum, & indemonstrabile. Ad fidem ergo indemonstrabilem reducitur omnis demonstratio. Fuerint autem alia quoque principia demonstrationum post eum fontem, qui est ex fide, nempe ea, quæ euidenter apparent ex sensu, & intelligentia. Hactenus Clemens.

Quemadmodum igitur in scientijs naturalibus v.g. in Geometria, negantes eius principia efficaciter à Geometria conuinci semper non possunt, sed à superiori scientia, vel omnium suprema, scilicet Metaphysica, quæ illa explicet, manuduci ad ea cognoscenda, & acceptanda debent. Ita quoque in sacra doctrina, quantumuis qui vniuersa fidei negant principia, efficaciter ad ea recipienda per demonstrationem cogi non possint, plures tamen non desunt rationes probabiles, vel congruentiæ ad eorum explicationem, nec non demonstratiuæ credibilitatis eorundem; vnde possint, ac debeant rationaliter suum illis præbere consensum, tanquam veris, & à Deo reuelatis.

Insuper, quia præter verbum Dei scriptum, datur & traditum, adeo vt ipse

diuinæ, vtriusque Testamenti scripturæ non nisi traditionis beneficio ad nos peruenierint; quo magis hæretici semper insensibilissimos illius hostes se esse declararunt, eo firmitus, maioriq; diligentia statuenda est disputaturo cum illis eiusdem necessitas, tanquam certissimi medij, aut principij, ad quod in omnibus retro sæculis tanquam ad sacram, confugerunt anchoram, quotquot Christiani, & Catholici vnquam habiti sunt, quoties de dogmatibus fidei exorta est in Ecclesia contra hæreticos disceptatio, vt ostendimus tom. 2. lib. 3. sect. 2. c. 2. versus finem; egregièq; docet Vincentius Lirinensis aduersus hæreses: *Sepe*, inquit, magno studio, & summa attentione perquirens à quamplurimis sanctitate, & doctrina prestantibus viris quonam modo possim, certa quadam, & quasi generali, ac regulari via, Catholica fidei veritatem ab heretica prauitatis falsitate discernere, huiusmodi semper responsum ab omnibus ferè retuli. Quod siue ego, siue quis alius vellet exurgentium hæreticorum fraudes deprehendere, laqueosque vitare, & in fide sana sanus, atque integer permanere, duplici modo munire fidem suam Domino adiuuante deberet. Primo scilicet diuinæ legis auctoritate: tum deinde Ecclesiæ Catholicæ traditione. Ad quam stabiliendam sufficiunt, quæ loco statim citato adduximus, indeque repeti possunt.

Rursus cum ita diuini Canonis auctoritate: deinde Ecclesiæ Catholicæ traditione vera semper fuerit fides approbata; vt in ipsa item Ecclesiæ veritate, & traditione duo quedam vehementer, studiosèq; obseruata sint, vt docet idem Lirinensis loco citato in principio, & versus finem, quibus penitus inherere debent quicunque hæretici esse nolint: *Primum si quid esset antiquitus ab omnibus Ecclesiæ Catholicæ Sacerdotibus vniuersalis Concilij auctoritate decretum: Deinde, si qua noua exurgeret questio, vbi id minime reperiretur, recurrendum ad Sanctorum Patrum sententias, eorum doctrinam, qui suis quique* tempo-

*temporibus, & locis in unitate eorū unio-
nis, & fidei permanentes, Magistri proba-
biles existerent. Et quidquid uno sensu,
atque consensu tenuisse inuenirentur, id
Ecclesia verum Catholicum absque ullo
scrupulo indicaretur:* Indè Theologus cū
hæreticis acturus, patet, quam tutò pos-
sit, ac debeat ad Sanctorum Ecclesiæ
Patrum, tanquam irrefragabilium Tra-
ditionis testium dicta, & autoritatem,
aduersus illos recurrere, pro vt ostendi-
mus tom. 1. lib. 2. sect. 5. cap. 6. & to. 3.
lib. 3. sect. 6.

Verum, vt, vbi cum hæreticis agen-
dum de fidei dogmatibus, alia non sup-
perunt principia, vnde à Theologo per-
suaderi possint, quam ipsummet Dei
verbum scriptum, aut traditum, quibus
adæquatè diuina continetur reuelatio;
adiuncta Ecclesiæ autoritate, vnanimi-
que Sanctorum Patrum, nec non fide-
lium toto orbe diffusorum assensu in il-
la, vt reuelata, & credita: ita eadem fi-
dei dogmata sunt prima in eisdè prin-
cipia, ex quibus conclusiones Theolo-
gicæ, quas alii doctrinam Ecclesiæ ap-
pellant, beneficio artis syllogisticæ de-
duci debent, quæque proindè magis, vel
minus sunt certæ, quo maiorem, vel mi-
norem cum illis habent connexionem;
quæ tanta nunquam esse potest, vt ad
fidem formaliter pertineant, nisi aliundè
fuerint à Deo immediatè reuelatæ, & vt
tales ab Ecclesia propositæ; quomodo
autem plures conclusiones ex fidei dog-
matibus necessariò deductæ, alias for-
maliter à Deo reuelatæ, & consequen-
ter ad fidem spectare dici valeant, ex-
plicauimus tom. 1. lib. 1. sect. 3. cap. 2. &
tom. 3. lib. 3. sect. 4. cap. 10. nec non re-
gulas ad hoc dignoscendum assigna-
uimus.

Tandem quia, quod nonnullæ con-
clusiones Theologicæ sint tantum dedu-
ctæ, virtualiterque propterea ad fidem
pertineant, aliæ verò etiam formaliter,
dependet ex multis scientiarum natura-
lium principiis, quibus in arguendo sa-
cra vitur doctrina; ideo etiam Theolo-
gus in illis apprimè versatus esse debet,

Biblioth. Theol. Tom. V.

earumque necessitate tom. 4. lib. 3.
sect. 7. cap. 1. & sequentibus nos osten-
dimus: Tantum ergo sufficiat de primo
agendi modo cum hæreticis, hoc est, di-
scurrendo per singula loca Theologica,
vel regulas fidei, quatenus ex illis om-
nes inter nos, & ipsos ortæ controuer-
siæ dirimi possunt; nunc alterum modū
vniuersalem in sequenti capite explica-
bimus.

CAPVT III.

*Alterius modi vniuersalis tractandi cum
hæreticis principia ape-
riuntur.*

Q Via ex Divo Augustino lib. 2. de
Ciuitate Dei cap. 8. disputandi fin-
is nunquam esset, & loquendi modus,
si respondendum semper esset respon-
dentibus, vt plerumque posset accide-
re disputando cum hæreticis, per singu-
la quæ superiori capite adduximus prin-
cipia, an quæ in controuersia existunt;
vera an falsa sint? ideo pertinuit ad sua-
uitatem diuinæ providentiæ, vt certam
aliquam, eamque vniuersalem statueret
regulam, qua tam de credendis, vbi
opus esset, quam de ipsismet principiis,
quibus illa continentur, fideles etiam,
certiores redderentur. Quare in hoc se-
cundo veluti vniuersali cum hæreticis
agendi modo, pro primo habenda est
principio diuina prouidentia, quam si
negent, nulla superest via, nisi vt nedū
tanquam hæretici à nostra religione ex-
torres habeantur, sed vt insipientissimi
Athei, à Theologo Philosophi perso-
nam asumentem rationibus naturalibus
confutentur; vt enim docet idem Au-
gustinus lib. de vtilitate credendi c. 16.
*Si Dei prouidentia non presidet rebus hu-
manis nihil est de Religione satagendum.*
*Si verò & species rerum omnium, quam
profectò ex aliquo verissime pulchritudi-
nis fonte manare credendum est, & inte-
riori nescio qua conscientia, Deum qua-
rendum, Deoque seruendum, meliores,
quosque animos, quasi publicè, priuati-
m*

Sff 2 que

que hortatur, non est desperandum ab eodem ipso Deo auctoritatem aliquam constitutam, qua velut gradu certo innitentes attollamur in Deum; pro ut ostendimus etiam tom. 1. lib. 2. sect. 6. agendo de loco Theologico, cui tanquam Iudici controuersiarum diuinæ fidei sistendum est.

Vndè pro secundo stabiliendum est principio, quænam sit illa auctoritas à Deo constituta, quam ibidem probauimus, nec spiritus particularis afflatus, vel enthusiasmos esse posse, cum ex D. Augustino lib. 32. contra Faustum cap. 17 nulla hæresis exoriri possit, quæ priuata somnia, & cælestes visiones sub paracleti nomine, non audeat sibi coaptare: nec scripturam ipsam sacram, sed Ecclesiam solam. Quod cum Augustinus libro citato de uilitate credendi cap. 17 multis etiam demonstrasset, mox subdit: *Cum igitur tantum auxilium Dei, tantum profectum-fructumque videamus, dubitabimus nos, eius Ecclesiæ condere gremio, quæ usque ad confessionem generis humani, ab Apostolica Sede, per successiones Episcoporum, frustra hæreticis circumlaurantibus, & partim ipsius plebis iudicio, partim Conciliorum grauitate, partim etiam miraculorum maiestate damnis, culmen auctoritatis obtinuit? Cui nolle primitias, aliter, primas partes dare, vel summæ profectio impietatis est, vel precipitis ignorantia. Nam si nulla certa ad sapientiam, salutemque animis via est, nisi cum eos rationi præcolis fides, quid est aliud ingratum esse opì, atque auxilio diuino, quam tanto labore prædita auctoritati uelle resistere? Etsi unaquæque disciplina quamuis uilis, & facilis, ut percipi possit, doctorem, aut magistrum requirit, quid temeraria superbia plenius, quàm diuinorum Sacramentorum libros, & ab interpretibus suis nolle cognoscere, & incognitos uelle damnare. Quod item alserit epistola 55. ad Dioscorum: Ille fidei Imperator clementissimus, & per consuetus celeberrimos populorum, atque gentium, sedesque ipsas Apostolorum arce auctoritatis munivit Ecclesiam, & per pauciores piè*

doctos, & uerè spirituales viros, copiosissimis apparatibus etiam inuidiosissime rationis armaruit. Solis hæreticis hoc principium (quod tamen diuinam fatendo prouidentiam tenentur admittere) in dubium reuocantibus: Conantur enim, ex Augustino ibidem, auctoritatem stabilissimam fundatissimam Ecclesiæ, quasi rationis nomine, & pollicitatione superare, omnium enim hæreticorum quasi regularis est ista temeritas.

At quia nonnulli defuturi non erant, qui admissio saltem apparenter Ecclesiæ magisterio, suas etiam Synagogas pro uera venditarent Ecclesiæ, quive de illis Iudaico more gloriantes occinerent, *Templum Domini, Templum Domini. Ierem. 7.* pro tertio principio supponendum est ex dictis tom. 3. lib. 3. sect. 3. c. 8 Deum Optimum Maximum talibus notis, ac signis ueram Christi Ecclesiam exornare, visibilemque reddere uoluisset, quæ illi soli competere, eamque consequenter à cæteris omnibus sectis distinguere; adeo ut si in sola Ecclesiæ Catholica Romana talia reperiantur signa, & notæ, prout ostendimus loco statim citato cap. 2. & supra lib. 4. sect. 2. illa etiam sola sit uera Christi Ecclesiæ, & sponsa, quæ in dote accepit infallibilem ueritatis spiritum ex dictis tom. 1. lib. 2. sect. 6. cap. 2. tom. 3. lib. 3. sect. 3. cap. 10. sect. 4. cap. 16. & sect. 5. cap. 8. & penes quam propterea doctrinæ fidei ueræ à falsis hæreticorum imposturis discernendæ auctoritas inuenitur, siue consideretur entitatiuè, & ut totum diffusa per orbem credit; siue sumatur, ut per suos prælatos Iudicis officium exercet in rebus fidei definiendis, modo locis citatis explicato.

Ex his enim principiis semel suppositis, eorumque ueritate, quam sufficienter ostendimus locis statim citatis, uniuersale habemus argumentum, & transcendens, vndè certò probentur omnes fidei ueritates, quas in sequentibus sectionibus propugnaturi sumus aduersus hæreticos, discurrendo etiam per particularia eandem principia, quæ ab

illis

illis non poſſunt non admitti, iam amiſſo hoc vniuerſali principio, quod vera, quæ illa approbat, Eccleſia ſit columna, & firmamentum veritatis, diuinarum reuelationum, doctrinæque fidei cuſtos, & interpres fideliffima; Quare ſic efformari poteſt argumentum.

Quidquid vera Chriſti Eccleſia credit, & docet tanquam diuinitus reuelatum, pro tali ab omnibus tenendum eſt fidelibus.

Sed vera Chriſti Eccleſia, qualis eſt ſola Catholica Romana, vel Pontificia, toto orbe diſuſa credit, & docet tanquã diuinitus reuelatum, Deum eſſe vnum in eſſentia, trinum in perſonis, Spiritũ Sanctũ à Patre, & Filio procedere, filium Dei Incarnatum fuiſſe, & ſic de cæteris.

Talia igitur, & alia ſimilia myſteria, pro veris, diuinitusque reuelatis, ab omnibus fidelibus reuerenter ſuſcipienda ſunt.

Vel aliter

Sola Eccleſia vera habet, & docet verum Euangelium; veram fidem; veramque vtriuſque doctrinam.

Sed ſola Eccleſia Catholica Romana, ſeu Pontificia vera eſt.

Igitur ſola Eccleſia Catholica Romana, ſeu Pontificia habet, & docet verum Euangelium; veram fidem; veramque vtriuſque doctrinam.

Hoc eſt argumentum vniuerſale, ac veluti tranſcendens, cuius probata ſemel cum certitudine fidei, & cum euidencia tum ſenſus, tum intellectus, vtraque præmiſſa, non poteſt non eſſe efficaciffimum ad demonſtrandam quæcũque fidei veritatem, dignoſcendumque, quenam doctrina S. Euangelij ex multis & varijs, quæ modo circumferuntur, vera, & quæ falſa ſit; An Catholica Romana; an Græca; an Neſtoriana; an Eutychniana; an Armena; an Lutheranæ; an Caluinianæ, aut alia quæcumque.

Primum ergo probatur maior ex omnibus locis, quibus in decurſu huius operis oſtendimus veram Eccleſiam gaudere priuilegio infallibilitatis diuinitus

illi conceſſo, tam in credendis, quam in docendis rebus ad fidem ſpectantibus.

Secundò ex ipſamet hæreticorum, confeſſione, illam admittentium, Deo ita ſua ineffabili prouidentia diſponente, vt, quæ in plurimum negant, interdum concedentes facilius argumento ad hominem conuinci, vel contradiccionis proprijs illaqueati verbis argui poſſent.

Sic autem in hac materia loquitur Lutherus lib. de præcept. ſeu præceptorio: *Eccleſia non poteſt errare, quilibet in deuotione ſua poteſt errare. Eccleſia regitur à Spiritu Sancto. Dico mea ſententia nulli eſſe licitum, iudicium ſuum, ſuam opinionem, ſuam deuotionem ſequi, ſed auctoritatem Eccleſiæ, & capiendum ſenſum in obſequium Chriſti: quia ſcriptum eſt, ſtultus eſt, qui confidit in corde ſuo.*

Et in reſponſ. ad dialogum Prieratis: *Nam, & ego ago gratias Chriſto, quod unã hanc Eccleſiam in terris ita ſeruat ingenti (& quod ſolum poſſit probare fidem noſtram eſſe veram) miraculo, vt nunquam à vera fide, vlllo ſuo decreto errauit, nec tot barathris peſſimorum morum diabolus tamen efficere potuit, vt penes hanc non maneret ab origine ſua Canonicoꝝ Bibliæ librorum, & interpretationis auctoritas, & auctoritatis ſincera profeſſio.*

In diſputatione Lipſica: *Dico magnam, & infallibilem eſſe Eccleſiæ auctoritatem. Quod Spiritu Sancto regatur, pleno ore confeſſor.* Et in reſolution. tomo 7. Germ. *An nondum videmus, quã vigil ſit Chriſtus in Eccleſia ſua, vt iam errare volentes non ſinat errare? amplius, Eccleſia, inquit, nec debet, nec poteſt mentiri, nec errores docere, ne in minimis quidem, cum Deus ſit os Eccleſiæ, & Deus mentiri non poſſit.* Tandem in Catheciſmo maiori diſputans contra Anabaptiſtas pro baptiſmate paruulorum ad Eccleſiæ recurrens auctoritatem ait: *Hac optima ferè, & firmiſſima eſt pro ſimplicibus, & indoctis probatio.*

Caluinus quoque in eodem principio conſentit; nam in reſutatione erroris Michac-

Michaelis Serueti ait. *Quod si Ecclesia à Spiritu Sancto destituta fuisset, ut asserbat Seruetus, mentitus foret, qui semper aliquem sibi populum in terra fore promissit, quando Sol, & Luna fulgebunt. Scimus quid possim de aeterno Christi regno testentur Prophetæ. An eius sedem in cælis locant? Imo fore predicunt, & sceptrum eius è Sion procul Dominus ostendat, quo dominetur ab ortu usque ad occasum, & eius hereditas sit terrarum orbis. Nunc ergo populo eum priuare, qui nomen eius celebret, perinde est, ac si absissa eius parte, ipsum in calo mutilum includere tentemus. Non enim frustra dicitur Ecclesia eius complementum, nec ea quidem Angelica vel celestis, sed quam in mundi peregrinatione fouet, ac præsidio suo tuctur. Itaque verè, & prudenter Augustinus, nisi Ecclesia sua coniunctus sit Christus, non secum offerre quod illi à Prophetis tribuitur.*

Idem clarius adhuc affirmat in Isaia cap. 69. *Promittit, inquam, propterea inestimabili bono Ecclesiam nunquam priuatum iri; quin Spiritu Sancto regatur, & fulciatur celesti doctrina. Parum enim esset nobis semel offerri Euangelium, nosque spiritu donari, nisi apud nos perpetuo resideret. Et paulò post. Promissio huiusmodi est, Dominum sic adfuturum Ecclesie, sicque eius curam habiturum, ut eam vera doctrina priuari nunquam sinat. Quæ si à præfatis hæreticis pro Ecclesiæ magisterio, & autoritate sincerè, ut verba sonant, fuerint dicta, certè inter nos, & illos de maiori proposito syllogismi nulla debet esse controuersia, sed tantum de minori, an nimirum penes nos, vel illos vera sit Ecclesia.*

Tertiò tandem plures non desunt efficacissimæ rationes ad certam eiusdem maioris probationem. Prima desumitur ex ipsamet definitione veræ Ecclesiæ, quam aduersarij negare nō possunt, nimirum, quod sit congregatio fidelium, vel Populus fidelis in vnius veri Dei cultum adunatus; Populus autè fidelis dicitur ille qui veram fidem profitetur: qui

enim falsam sectatur fidem, non est fidelis; impossibile est igitur veram separare fidem à vera Ecclesia; aliàs separaretur essentia ab eo cuius est essentia; sed ubi vera est fides, ibi necessariò vera reperitur doctrina, verum Dei verbū, veraque eius intelligentia: ergo ubi vera est Ecclesia, ibi certissimum est, vera adesse omnia, quæ dicta sunt, cum necessariam, & inseparabilem ab inuicem habeant connexionem.

Altera ratio desumitur ex hoc, quod vera Ecclesia passim in Scripturis, & Patribus vocatur Regnum Christi: ut enim omne compositum verum necessariò constet ex vera materia, & vera forma, quæ iuxta suam naturam illi competit; ut patet in homine, v. g. quem impossibile est verum esse, & non habere verū corpus, veramque hominis animam; adeo ut qui in homine separaret animā à corpore, destrueret hominem; ita quoque regnum Christi cum sit quoddam compositum ex populo fideli tanquam materia, quia materia regni est populus gubernatus; & ex doctrina fidei tanquam forma; quia in illa continetur, & præscribitur modus, ac forma, qua populus fidelis regi debet; necesse est ad hoc, ut vera Ecclesia sit verum Christi regnum, sibi habeat inseparabiliter coniunctam veram fidei doctrinam.

Hactenus de probatione maioris, quā aduersarij, aut debent admittere, certamque, & indubitam nobiscum supponere, aut certè aliam regulam, præter veræ Ecclesiæ autoritatem, assignare à Deo stabilitam, cuius determinationi voluerit nos stare in componendis diuinæ fidei controuersijs, quod falsum esse satis superque ostendimus tom. 1. lib. 2. sect. 6. agendo de iudice præfatarum, controuersiarum; vel tandem concludendum eos faceri debere, quod veram penes se non habeant Ecclesiam, eo ipso quod concedunt eam errare posse, veramque consequenter posse non tenere & docere fidem; cum enim ex statim dictis vera Ecclesia sit essentialiter regnum

gnum Christi, id est congregatio omnium Christi fidelium; fideles autem essentialiter accepti sint illi, qui veram profitentur fidem; veraque fides sit illa, quæ nullum admittit in se errorem; veritas enim fidei, & error in illa contradictoriè opponuntur, quique affirmat veram fidem continere errorem, affirmat idem simul esse, & non esse: impossibile est de primo ad ultimum, eam esse veram Christi Ecclesiam, quæ in fidei errore cadere potest.

Quam igitur omnia sunt perplexa, & incerta apud hæreticos, negato infallibilitatis privilegio veræ divinitus Ecclesiæ collato, ut satis per se patet; tam illo admissis, omnia apud Catholicos sunt facta, & tacta; nimirum quod certò, & indubitato sit penes ipsos verum Dei verbum, tam scriptum, quam traditum, vera dicti verbi intelligentia, & interpretatio, veraque consequenter fides, quæ his adæquatè comprehenditur; si semel etiam est verum, quod penes eos tantum vera sit Christi Ecclesia, quæ est minor nostri argumenti probanda.

Solam itaque Ecclesiam Catholicam Romanam, seu Pontificiam toto orbe diffusam, veram esse Christi Ecclesiam, ostendi potest primò ad hominem ex ipsamet adversariorum confessione, qui dum passim asserunt eam verè titulum, ac nomen Ecclesiæ pròmereri; consequenter admittere tenentur, omnes alias præter ipsam esse falsas cum ex dictis tomo 3. lib. 3. sect. 3. cap. 4. una sit tantum vera Christi Ecclesia, nec non supra sect. 6. Sic autem loquitur Lutherus scribens ad Leonem X. eique omnia sua, & seipsum submitte: *Vivifica, occide, voca renova, approba, reprobata, ut placueris vocem tuam vocem Christi in te presidentis, & loquentis agnoscam.*

Eadem fermè verba repetit in appellat. 1. ad eundem Leonem, & in resolutionibus de Indulgentiis, ubi ait: *Auctoritati Papali in omnibus cum reverentia cedendum est. In comitijs genera-*

libus, protestatus sum me colere, & sequi Sanctam Romanam Ecclesiam in omnibus meis dictis, & factis, presentibus, & futuris.

In cap. 28. Genes. *Et si verò fatemur esse apud eos (Papistas) Ecclesiam, quia habent Baptismum absolutionem, rectum Evangelij, & sunt inter illos multi pii. & in cap. 41. Sicut sub Papatu habuimus verbum, & haud dubiè multi in fide eius salvati sum.*

In libro contra Anabaptistas: *Nos fatemur sub Papatu plurimum esse boni Christiani. Imo omne bonum Christianum, atque etiam illinc ad nos devenisse. Dico insuper sub Papatu veram Christianitatem, imò verum nucleum Christianitatis esse.*

Polanus in Syntagm. Theol. lib. 7. cap. 8. *Hodierna Ecclesia Romana est adhuc Ecclesia Christi.*

Hokerus lib. de Polit. Eccles. Libenter agnoscimus eos (Papistas) esse ex familia Iesu Christi, Romanamque Ecclesiam habendam esse pro parte domus Dei.

Couellus Apol. Protest. tract. 1. sect. 6. *Affirmamus membra Ecclesiæ Romanæ membra esse veræ Ecclesiæ Christi, & qui in illa Ecclesia vivunt, ac moriuntur, salvari posse.*

Confessio Augustana in prototypo relata per Fabricium cap. 21. *Hæc ferè summa est doctrinæ apud nos, in qua cerni potest nihil quod discrepet à scripturis, vel ab Ecclesia Catholica, vel ab Ecclesia Romana, quatenus nobis ex scripturis nota est. Tota distinctio est de paucis quibusdam abusibus, qui in Ecclesia sine auctoritate irrepserunt.*

Zanchius in præfat. lib. de nat. Dei: *Inuito Sathana retinuit Ecclesia illa (Romana) præcipua fidei fundamenta.*

Spalat lib. contra Suarem cap. 1. §. 20. *Veram Christi Ecclesiam, ego Romanam cum sequacibus esse, ut toties dixi, opinor. Cuius rationem reddens lib. 7. de Repub. cap. 10. §. 58. ait: Quia hi errores non sunt contrarij veræ fidei, neque illius defectum ferunt, ut alias explicari,*

*placuit, sed solum excessum, idcirco veritatem Ecclesiæ Ecclesiæ Romana quæ nunc est non amisit. Veritatem itaque per successionem in veris, et fundamentali-
bus, ac necessarijs fidei se habere gloriatur Romana Ecclesiæ.*

At quia plures ex modernis hæreticis negare non dubitant, quod primi eorum Fundatores, & Fratres tam ingenuè, & candidè fassi sunt: firmioribus probanda est rationibus prædicta minor; quæ duas licet contineat propositiones, ratione particulæ exclusivæ sola, vnam affirmatiuam, quod *Ecclesiæ Romana est vera Ecclesiæ*, & alteram negatiuam, *quod nulla præter ipsam alia sit vera Ecclesiæ*; quia tamen ex Philosopho 1. post. cap. 10. Quod est causa affirmationis, est etiam causa negationis; veluti si habere animam, est causa propria viuendi, vbi erit anima, ibi affirmabitur vita, & vbi non, est illa, nec ista. Hinc etiam quo medio probabitur Ecclesiæ Catholicam Romanam esse veram Christi Ecclesiæ, eodem inferetur, omnes alias esse falsas.

Quia autem, vbi de aliquo particulari dubium occurrit, an habeat essentiam, vel naturam talis speciei, veluti si dubitetur an aurum arte chimica, confectum sit verum aurum; & an similia sit homo, aliaque similia; certius medium non est ad veritatem indagandam, quàm si colligantur omnia simul, quæ speciei, de qua dubium est, per se, & necessariò competunt in aliquo dicendi modo per se; nempe *primò* definitio, *secundò* quatuor causæ, hæc enim rei conueniunt in primo modo per se; *tertiò* proprietates: *quartò* operationes propriæ; talia enim rei insunt in secundo modo per se; *quintò*, signa quæ ab ea sunt inseparabilia; vt, si patet ad sensum ista quinque verificari in hoc auro dubio, statim tollatur omne dubium, maneatque certissimum, illud esse verum aurum, quia in igne v.g. rectè probatum &c. Ita quoque certissimum cum sit, vnam tantum esse veram

Christi Ecclesiæ, vnam veram fidem per quam essentialiter constituitur, vt tomo 3. lib. 3. sect. 3. docuimus; his autem temporibus tum in Oriente, tum in Occidente reperiantur plures Ecclesiæ, quarum vnaquæque iactat, ac prætendit se esse veram; Profectò ad hoc certò dignoscendum, tamque graui controuersiæ finem imponendum apertius non videtur medium, quam si ex vna parte constituantur nomen, definitio, quatuor causæ, proprietates, operationes, & signa veræ Ecclesiæ, quæ per scripturam, & Patres nobis innotescunt; ex alia verò per sensum examinetur, cuinam dictarum Ecclesiarum præfata omnia cōueniant: illam enim, in qua reperientur, veram esse Ecclesiæ patebit ad sensum, falsam verò eam, cui non conuenient. Sic igitur syllogismus confici potest.

Illæ Ecclesiæ, quæ habet definitionē, quatuor causas, proprietates, operationes, & signa veræ Christi Ecclesiæ, est vera eius Ecclesiæ.

Sed sola Ecclesiæ Catholica Romana, siue Ecclesiæ Catholica Romana, & nulla præter ipsam alia, ex his quæ circumferuntur, Ecclesiæ; quinque, præfata habet. Igitur sola Ecclesiæ Romana est vera Christi Ecclesiæ, reliquæ autem omnes sunt falsæ.

Maior huius syllogismi certissima, est intellectui tum per Logicam, tum per Metaphysicam; media enim certæ probationis sunt omnes propositiones, quæ sunt in aliquo modo dicendi per se, ex Logica, & quæ sunt per se notæ, ex Metaphysica, qualis est ista nostra, maior.

Minor autem iam supra sect. 2. fuit ad copiam probata explicando motiua omnia, & argumenta, quibus de facto voluit Deus Christianam fidem, quam Ecclesiæ Catholica Romana, profitetur, præ omnibus alijs doctrinis munire, illamque euidenter credibilē reddere tanquam à se reuelatam; non solum, quia vt statim dicebamus vbi vera est fides, veraque inueniuntur il-

lius

lius motiua, ibi veram oportet esse Ecclesiam, & vicissim: Verum etiam, quia huiusmodi motiuis, & argumentis comprehenduntur omnia, quæ pertinent ad definitionem, causas, proprietates, operationes, & signa, quibus veram Ecclesiam, qualis est sola Catholica Romana, ab omnibus alijs falsis sectis diiudicare possumus; unde superfluum est illa hic repetere, & nisi ibi dicta sufficiant ad conuincendos aduersarios, vix alia plura sufficere poterunt.

Quod autem admissio hoc vniuersali principio authoritatis veræ Ecclesiæ sui proprijs notis, ac signis à cæteris falsis conuenticulis dignoscendæ, ad probandas omnes fidei veritates, dirimendasque exortas in ea cõtrouersias, non committatur propterea circulus vitiosus in nostra credendi ratione, vt satis frequenter obijciunt aduersarij, iam ostensum est tom. 1. lib. 2. sect. 6. cap. 10. nec non tom. 3. lib. 3. sect. 3. cap. 9. in fine. Solum hic breuiter animaduerto primò duplicem alicuius veritatis fidei probationem fieri, vnam ab Ecclesiâ, & hæc semper fit per verbum Dei, aut scriptum, aut traditum; alteram à fidelibus, & hæc immediatè fieri potest per authoritatem Ecclesiæ toto orbe diffusæ ita credentis, aut per suos Prælatos ita docentis in Concilijs Generalibus Pontificia authoritate confirmatis, vel sine illis per Summum Pontificem ex cathedra loquentem. Et vtroque modo probatio est certissima, prima enim fundatur in dicto Dei, secunda verò in dicto Ecclesiæ, quæ nec in credendo, nec in docendo potest errare, ob diuinitus illi promissum, & concessum infallibilitatis priuilegium.

Vnde animaduerto secundò hoc priuilegium dupliciter posse considerari, primo in ordine ad Ecclesiam, cui collatum est, & sic vocatur priuilegiū non errandi: secundò respectu singulorum fidelium, & sic dicitur certa ad credendum regula. Ecclesia enim non

Bibliot. Theol. Tom. V.

quomodocumque considerata, sed vt singulari infallibilitatis priuilegio cælitus donata, est certa regula omnibus fidelibus habentibus quidem certitudinem fidei in generali, veluti vera esse omnia, quæ Deus in scripturis reuelauit, quod illæ veritates in particulari, quarum per ipsam fidem infusam, non habent distinctam, & explicitam, sed solum implicitam cognitionem, quæque ab Ecclesiâ, vt ad fidem spectantes, proponuntur, v.g. septem esse nouæ legis Sacramenta, dari Sacrificium Missæ, hos, & non alios esse canonicos sacræ Scripturæ libros, & sic de cæteris, certissima fide, vt veritates à Deo reuelatæ sint acceptandæ. Adeo vt quærere an aliqua propositio sit verbum Dei, seu res à Deo reuelata, idem sit, ac quærere, an eam à Deo acceptam Patres nostri, seu Ecclesiâ, nobis tradant, non quod traditio, vel authoritas Ecclesiæ tradentis sit ipsum verbum Dei (nam traditio est consensus fidelium, & fides Ecclesiæ credentis) sed quia traditio illa est methodus, seu regula per quam ad verbum Dei reperiendum, veramque eius intelligentiam attingendam perducimur infallibiliter; sicut in vnaquaque scientia dantur principia propria, & propriæ regulæ, seu methodi, per quæ illæ reperiuntur. Eiusmodi est in Physica inductio; in Metaphysica diuisio: sine quibus nemo verè Physicus, aut Metaphysicus esse potest: & idcirco Philosophus lib. 6. Ethic. cap. 8. asserit puerum esse non posse Physicum, aut Metaphysicum, seu sapientem, cum, tamen possit esse Mathematicus. Sic tertio obseruandum est, duo tantum esse media iam dicta, ad omnes prorsus hæreses cum certitudine fidei refellendas, nimirum verbum Dei, & veræ Ecclesiæ authoritatem; vtrumque certum, ita tamen vt secundum in hoc dependeat à primo, licet ex parte nostri sit magis notum. Et ratio est, quia licet Verbum Dei quoad se sit, & magis verum, & magis certum, attamen

T t t

nihil

nihil certi probat, nisi habeatur certitudo fidei obiectiua de vera illius intelligentia; quam quia Deus, qui solus potest habere certitudinem de vera significatione verbi sui, confert Ecclesiæ per singulare non errandi priuilegium in illo interpretando, inde fit, quod fideles per solius Ecclesiæ auctoritatem, tanquam per quid notius fiant certi de vera verbi Dei intelligentia. Et ideo, si velimus hæretico probare per scripturam, quod tres sint Sacræ Triadis Personæ realiter inter se distinctæ, quod Christus duas habeat naturas in sola Verbi Persona subsistentes, quod septem sint Ecclesiæ Sacramenta, & sic de alijs, illeque hæreticus datam scripturæ interpretationem neget, & aliam proferat, nihil apud illū certi de fide probari potest, nisi recursum ad secundum medium habito, ostendaturque, quod interpretatio allata non sit disputantis, sed veræ Ecclesiæ, quæ in interpretanda sacra Scriptura non potest errare, alias non esset vera, maleque vocaretur columna, & firmamentum veritatis, sic enim tunc probatio certa de fide erit: Quam nullatenus hæretici facere possunt: si enim adducant scripturæ locum, iuxta sensum illorum interpretatum, ostendere non valent, huiusmodi explicationem esse veram; quia neque probare possunt, veram esse ipsorum Ecclesiam, illique consequenter, aut Sabellio, aut Ario, aut Nestorio, aut Eutycheti, aut Macedonio, aut Pelagio, aut Luthero, aut Caluino, alijsque similibus monstris collatum fuisse non errandi priuilegiū, ubi autem tale priuilegium non est, vel non est certum de fide adesse, ibi certitudo fidei de singulis veritatibus obiectiue consideratis esse non potest, quia certitudo fidei requirit, siue necessario debet habere pro fundamento ex parte obiecti ad credendum propositi dictum illius, qui in proponendo errare non potest; vt habent Catholici Romani probantes penes eos esse veram Ecclesiam; veræque Ecclesiæ ob

priuegium infallibilitatis diuinitus illi concessum, veram verbi Dei interpretationem, ac intelligentiam competere; Vnde sequitur, quod dicebamus, illis nimirum duo suppetere mediā, primum Verbi Dei, secundum auctoritatis veræ Ecclesiæ, quibus omnes hæreses detegere, ac simul refutare possunt, hac ratione.

Quod ita contrariatur veritati ab Ecclesia Catholica Romana de fide creditæ, & propositæ, vt non possit simul esse verum cum illa, hæresis est.

Sed hæc propositio Deus est tantum nomine Trinus, non autem personis realiter inter se distinctis, vt affirmant Sabelliani; dantur in Christo duæ personæ, vt duæ naturæ, vt asserunt Nestoriani; Sacramenta nouæ Legis sunt tantum duo, vt plures docent Nouatores, & sic de alijs, ita contrariantur veritatibus ab Ecclesia Catholica Romana de fide creditis, ac determinatis, vt simul cum illis non possint esse veræ; ergo sunt hæreses manifestæ. Huius syllogismi minoris veritas patet ad sensum, maioris autem ex dictis.

Quare vltimo notandum est, ex hac infallibili veræ Ecclesiæ, qualis est sola Ecclesia Romana, auctoritate, ab aliquibus ex aduersarijs malè inferri, quod nos Papistæ novos fidei condamus articulos, nec enim nos id asserimus, nec vllatenus sequitur ex asserta veræ Ecclesiæ auctoritate; Summus si quidem Pontifex Romanus, aut Concilia Generalia eius auctoritate congregata, & confirmata, in quibus præfata autoritas actiue residet, quam passiuè solum, aut in credendo habet Ecclesia toto orbe diffusa, quando aliquid de fide definiunt, aut aliquid de nouo à Christiana plebe creditur, quod antea explicite non credebatur, nec nouum fidei dogma fit, nec illud de nouo à Deo reuelari necesse est, sed quod iam à Christo reuelatum antiquitus fuerat, solum de nouo tanquam tale proponitur, ita vt diuina reuelatio de nouo innotescat, fiatque de fide quo

ad

Sectio IX. Caput IV.

515

ad nos, quod cum esset iam tale, Christianos tamen latebat, aut ut esset tale, à tempore pendebat, ut explicuimus tomo 3. lib. 3. sect. 3. cap. 11. & sect. 4. c. 10. ubi ostendimus quomodo aliquæ propositiones particulares sub vniuersalibus de fide contentæ, ad illam quoque pertineant successu temporis.

Potest igitur Ecclesia, vel ut ait Vincencius Lirinensis, *Sacerdos non dicere, non noua*; ubi per Sacerdotem intelligit Pastores Ecclesiæ, qui propositiones fidei definiunt, & credendas fidelibus tradunt; quatenus, vel quæ antea obscurius credebantur clarius, magisque distinctè explicant; vel etiâ definiunt nouas aliquas fidei propositiones sub distinctis terminis de nouo credendas, quæ antea credebantur tantum sub terminis magis confusis, non nouum fidei sensû, nouæ appellationis proprietate signando, accepto speciali è cælo auxilio, & illustratione, ut nouas huiusmodi voces nouaque signa inueniant, & ita nouas fidei enuntiationes efforment, credendasque proponant; ut accidit in Concilio Nicæno, ubi ad explicandam unitatem filij cum Patre, quodque esset filius **Dei** verus, & non adoptiuus, adinuentum est nomen homouios, siue consubstantialis; & sic deinceps in alijs Concilijs, Summorumque Pontificum decretis, pro ut variè in Ecclesia quæstiones & controuersie ortæ sunt, talesque declarationes, & explicationes ad confundendos hereticos exegerunt: diuersis enim nominibus, seu terminis, vocibus & signis eandem rem absque noua illius reuelatione significari, & ita variè, magisque, aut minus distinctè intelligi, nec non credi posse, clarius est, quàm aliqua probatione indiget.

Porrò, ut hoc caput absoluaui, quæ omnia in eo dicta consentanea sunt suauit diuinæ prouidentie dispositioni, sacris Scripturis, legitimeque earum intelligentie, legi, & rationi naturali, dissentanea verò ab illis omnibus, quæ in contrarium ab hereticis docentur, cordatum, suæque salutis amantem virum

Biblioth. Theol. Tom. V.

mouere debent, ut non alibi, quam apud Ecclesiam Catholicam Romanam, veram fidem, veramque Religionem, quærat.

CAPVT IV.

Adducuntur precipui è Sanctis Patribus canones, quibus hereticorum mores definiuntur; tum catalogus librorum, quibus ab ipsdem refelluntur.

Postquam in superioribus egimus de modo doctrinali cum hereticis agendi, vel disputandi tam præsens, quàm sequens caput dabimus explicando modo veluti morali idem præstandi; primumque in hoc capite præcipua Sacræ Scripturæ, & Sanctorum Patrum dicta, & libros, ordine quo floruerunt adducemus, quibus hereticorum fraudes, ac versutias tum descripserunt, tum refutarunt; pugnaturis siquidem cum aliquo hoste non parum ad victoriam conducit, notas ac perspectas habere eius artes. In altero autem declarabimus, vtrum cum hereticis ad illos refellendos liceat disputare, quæque in hoc regulæ, vel conditiones sunt obseruandæ.

Primum Iesus Christus Dominus noster sub Phariseorum nomine, hereticorum omnium qui sequentibus sæculis victuri erant, effigiem exhibuit, traducens eorum hypocritismum. Matth. 6. v. 2. 5. fiam mansuetudinem, Matth. 7. v. 15. superstitionem impiam Matth. 15. v. 3. Vanam religionem Matth. 19. Tyrannidem Matth. 23. 4. Impietatem detestandam, pietatis simulationem, periculosas conurlationes, iniquitatem hypocriticam, Matth. 23. v. 13. 14. 15. 27. Ementitum nomen speciosum, ut facilius seducant. Matth. 24. 5. Ostentationem ridiculam. Lucæ 11. v. 43. Fraudem latentem. Luc. 14. v. 4. Insanabilem perniciam Ioann. 6. v. 40. Superbiam, Ioann. 12. 43.

T t t 2

Diuis

Diuus Paulus in suis passim epistolis hæreticorum mores describit. Ro. 16. v. 18. Avaritiam; & terrestrium curam. Philipp. 2. v. 21. & 3. v. 18. Audaciam. Coloss. 2. v. 18. Ferox ingenium. 1. Thessal. 2. v. 15. Studia & occupationes. 1. Timoth. 1. v. 4. Vaniloquentiam. v. 5. Impudentem ignorantiam. v. 7. falsam doctrinam. cap. 4. v. 1. & seq. Infaniam. cap. 6. v. 3. & seq. Inanem gloriationem. ibid. v. 20. & 21. Prophanos clamores. 2. Timoth. cap. 2. v. 16. Quæstiones ineruditas. ibid. v. 23. Hypocrisin. cap. 3. v. 5. Mentem reprobam. v. 8. & 9. Conditionem pessimam. v. 13. Peruerositatem. Tit. cap. 1. v. 10. Conscientiæ cautio resecam. ibid. cap. 3. v. 10.

Sanctus Petrus hæreticorum apostasiam depingit 2. epist. cap. 2. v. 1. erroris efficaciam v. 2. Avaram negotiationem. v. 3. nec non deinceps, horrendum exitum, vitam impuram, mentis cæcitatem, luxum, fraudes, turpitudinem, artes, avaritiam deploratam, impiâ maledicentiam, vanitatem, ambitionem noxiam, falsam iactantiam, Scripturæ sacræ depravationem.

Diuus Ioannes, eorum Antichristianismum describit. epist. 1. cap. 4. v. 3. Noxias concursationes, furiosam audaciam & metuendum impetum Apocal. cap. 9. v. 3. 17. 19.

Sanctus Ignatius Martyr in epist. ad Trallianos de hæreticis ait: *Sunt enim nonnulli vaniloqui, & seductores, non Christiani, sed Christi temporari, id est Christi lucrones, quique ex Christi nomine quæstum faciant, fraude circumferentes illius nomen, & adulterantes verbum Evangelij, & erroris venenum alluentes dulcibus alloquijs, velut mulso aconytum miscentes, ut suauissimo sapore deceptus gustandi sensus, incaute mortem hauriat.* Et in epistola ad Ephesios Spiritui veritatis non sua, sed Christi loquenti opponens hæreticorum spiritum ita eum describit: *Verum erraticus ille, & falsus spiritus seipsum prædicat: sua loquitur: sibi namque placet; seipsum glorificat; plenus enim falsus est, mendax, fraudulentus,*

assentatione, & adulatione gaudens, subdolos, versum confarcinator, nugax, inconstans, verbosus, lubricus, mesiculosus, cuius ut liberet nos Iesus Christus.

Sanctus Polycarpus in epist. ad Philippenses: *Propter quod relinquentes vanitates multorum, id est hæreticorum, & falsas doctrinas, ad illud quod traditum nobis à principio verbum reuertamur.*

Diuus Irenæus inter alia multa, quæ de moribus hæreticorum habet in quinque libris aduersus Valentini, & similitum Gnosticorum hæreses conscriptis potissimum eos arguit de diuinarum Scripturarum corruptione, & abusu lib. 1. cap. 1. *Cum sit igitur tale illorum argumentum, quod neque Propheta prædicauerunt, neque Dominus docuit, neque Apostoli tradiderunt, quod abundantius gloriantur plusquam ceteri cognouisse, de ijs quæ non sunt scriptæ, legentes. & quod solet dici, de arena reficulus necesse adflectantes, fide digna aptare conantur ijs, quæ dicta sunt, vel parabolas Dominicas, vel dictiones Propheticas, aut sermones Apostolicos, ut figmentum illorum non sine teste esse videatur. Ordinem quidem, & textum Scripturarum supergredientes, & quantum in ipsis est solucentes membra veritatis. Transferunt autem, & transfigunt, & alterum ex altero facientes, seducunt multos ex ijs quæ aptant ex Dominicis eloquijs male compositio phantasmati.* Libro autem 3. cap. 2. quod neque Scripturis, neque traditionibus obsequantur.

Tertullianus multa etiam dixit, quibus hæretici ad viuû describuntur, præsertim in libro de præscriptionibus aduersus eos omnino videndo.

Clemens Alexandrinus lib. 1. Stromatum de hereticis loquens hæc habet: *Aliqui autem alij seipso erigentes, calumnias verbis inuenire contendunt, contentiosas comparantes quæstiones, diuincularum venatores, pusillarum quarundam artium emulatores, litigatores, & iurgiorum confarcinatores; & lib. 7. In unius ergo naturæ sortem coaptatur Ecclesia quæ est una, quam conantur hæreses in multas dissi-*

discindere; paucisque interiectis; *Ceterū Ecclesie quoque eminentia, sicut principii constructionis, est ex unitate, omnia alia superans, & nihil habens sibi simile, vel aequale.* Ex hæresibus autem, alię quidem appellantur ex nomine, ut quę appellatae sunt à Valentino, & Marcione, & Basilide, etiamsi glorientur se Mathia opinionē adducere: fuit enim una omnium Apostolorum sicut doctrina, ita etiam traditio; alia autem ex loco, ut Peraticæ; alia autem ex gente, ut Phrygum hæresis; alia autem ex operatione, ut Encraticarum; alię autem ex proprijs dogmatibus, ut Dicitarum, & Hamastarum; alię autem ex positionibus, & ijs quę ipse honorarunt, ut qui appellantur Caianista & Ophiani: alia verò ex ijs, quę nefarie ausę sunt, & perpetrarunt, ut qui ex Simonianis vocantur *Entychita*. Et sic de alijs hæreticorum tum notis, tum moribus, de quibus eodem lib. 7. passim.

Sanctus Martyr Cyprianus cum de hæreticis plura habeat, dicēdo eos persecutionem Episcopis mouere; altare contra altare constituere; auspicari à contemptu Romani Pontificis, lupos esse, Pseudopphetas, canes, antichristos, pseudochristos, pestes, fures, latrones, prædones, laniones, simiarum, more Ecclesię imitatores, falsos Scripturarum interpretes, humanę traditionis inductores, tum maximē lib. de unitate Ecclesię cap. 2. eos describit tanquam dæmonis ministros, qui videns idola derelicta, & per nimium credentiū populam sedes suas, ac templa deserta, excogitauit nouam fraudem, ut sub ipso christiani nominis titulo falleret incautos. Hæreses inuenit & schismata, quibus subuerteret fidem, veritatem corrumperet, scinderet unitatem. Quos destinere non potest in via veteris cecitate circumscribit, & decipit noui itineris errore, &c.

Diuisus Athanasius lib. 1. contra Arianos: Illud quoque prorsus admirabile, omnes quotquot sunt hæreses in fingendo diuersa, pugnantiaque inter se adferre, nec alibi nisi in mentiēdo sibi inuicem cōsentire & copulari. Neque id mirum, cū

unum habeant auctorem, qui ipsi ubilibet mendacia affeminat. Lib. 2. ait hæreticos cum patre suo diabolo testimonij sacrę scripturę vti; lib. 4. in fine, eos victos simulare triumphum, sacręque scripturę verborum deprauare intellectum; epist. de sentent. Dionysij Alexandrini, ad calumnias confutere, cum nihil rationi consentaneum, aut certi ex scripturis sacris in hæresi sua habeant: Apologia 2. sub verbis ambiguis prauitatem suam occultare; videri etiam potest in epist. ad Epistetum Corinthiorum Episcopum, contra Hæreticos; & ad Adelphium contra Arianos; sermone contra hæreses, & sermone in illud: profecti in pagum qui ex aduerso est, inuenietis pullum, &c.

Sanctus Hilarius lib. 4. de Trinitate versus principium docet hæreticos scripturas pro se perperam torquere; *Videntur enim, inquit, sibi de singulis quę asserunt prestare rationem, quia singulis assertionibus suis quedam ex diuinis voluminibus testimonia subdiderunt: quę corrupto intelligenti sensu solis tantum ignorantibus blandiantur, speciem veritatis secundum prauitatem interpretationum prestatura.* Et lib. contra Constantium Augustum in fine, &c. Sed memento iam, neminem hereticorum esse, qui se nunc non secundum scripturas prædicare ea quibus blasphematur, mentiatur. De Synodis aduer. Arianos cap. 7. Confusus permixtisque verbis veritatem frequentissimē heretici eludunt, & incautorum aures communium vocabulorum sono capiunt, patrem & filium solis nominibus, non etiā per veritatem naturalis & genuinę essentię prædicantes, quia omnium creationum sciant dici Deum patrem, & Sanctos quosque nuncupari meminere Dei filios: quo exemplo Patrem, & Filium secundum cōmunia vniuersitatis nomina consistunt, ut Pater & Filius dicantur potius, quam sint: dicuntur enim, non etiam sunt, si in his differentis essentia discreta natura est, cum non possit paterni nominis veritas nisi ex naturę suę progenie acquiri.

S. Basilii lib. 5. aduersus Eunomium, Quod

Quod mirum est, inquit, Scripturae quæ iuvant eos, qui per fidem valent, efficiunt istis, qui circa quæstiones, ac inutiles contentiones egrotant: item: Querunt non ut fidem, sed ut infidelitatem inveniunt. lib. de Spiritu Sancto ad Amphil. cap. 2. Curiosa istorum hominum circa syllabas, ac dictiones observatio, simplex alicui videri posset neque tendens ad malum: sed profundum atque obscūm habet aduersus pietatem consilium. Videnda quæ de hæreticis ibidem spargit cap. 3. 6. 7. 10. 11. item epist. 73. 80. & 141.

Sanctus Gregor. Nazianzenus orat. 2. de pace sic hæreticorum mores depinxit: *Vbi igitur sunt, qui nostra diligenter observant? bene ac taliter se habentia, non ut discernant, sed ut dinexent, nec ut condoleant, sed ut insultent. & bona quidem calumniantur, mala autem tragice celebrant, & in domesticis malis propinquorum casus pro excusatione habent. Sed utinam recte iudicarent, iræ enim loco, utilitas iuxta parentiam succederet, si timore inimicorum prestaretur, ut securius degeremus, nunc autem cum inimicitijs, & malitia rationem obtenebrat iudicant, cum nec in fide dignis vituperatio locum habeat. Vbi igitur nunc sunt, qui diuinitatem pariter, & nos odio habent? hoc enim magnificentissimum est quod patimur, ut cum Deo periclitemur. Vbi nobis sunt? qui in causis proprijs clementer iudicant, in alienis autem exquisitores sunt acerrimi, ut & hic veritatem mendacio inuertant. Vbi sunt qui vulneribus sunt pleni, nobis verò cicatrices exprobrant? qui pedum offensiones traducunt; cum ipsi pleno ruant casu, qui ceno sunt obuoluti, & propter maculas nostras exultant, qui trabem in oculis habent, & fistulas nobis obijciunt, quæ infixæ non admodum offendunt, neque visum molestè lædunt, seu impediunt.*

Oratione verò ad Arianos, & de se ipso iterum ait: *Vbi tandem sunt, qui nobis paupertatem exprobrabāt, diuitiasq; iactabant? qui multitudine Ecclesiæ deficiebant, ac pusillum ouile contemnebant? qui diuinitatem mensurabant, ac populum*

concitabant? qui arenam honorabant, & luminaria afficiebant iniuria? qui viles colligebant lapillos, margaritas verò contemnebant? ignorant enim quod non tantum arene numerus stellas exsuperat, gemmasque splendentes lapilli, quantum hæc illis puriora sunt ac honorabiliora. Rursus indigneris? rursus armaris? rursus iniuria est fides noua. Parumper contine minus ut loquar, nec afficiamus iniuria, sed refellamus, nō minemur sed exprobremus, non percutiamus sed curemus. Sed & hæc tibi iniuria videtur.

Sanctus Epiphanius lib. 2. contra Hæreses cap. 9. hanc habet hæreticorū imaginem: *Omnis autem hæresis, quæ à veritate deficiuit, in tenebris cecutit, & manibus pretentans incedit, alia pro alijs intelligens. Similes enim sunt hi quibusdam inartificiosis, & non cognoscentibus singulas qualitates, et usus, et inusumque membri ornatus, et sunt deliram quamdam similitudinem, atque imaginem stultitiæ ipsorum proponam. Calceamenta quidem capiti circumdant, coronam autem pedibus, & cingulum aureum circum ventrem. Reliquum verò vestium, odoniam, videlicet, aut bracas apud quosdam appellatas, manibus induunt, annulos autem pedibus. Ita erronea, & inordinata est depositio eorum, qui ignorantiam possident. Paucis deinde interiectis ait: *Omnis occasio quantumvis modica, singulas hæreses à veritate distraxit, & ad multa mala deduxit; quo ostenso similitudine cuiusdam transitum repientis in sepi circa publicam viam, qui exitum postea non inueniens, ut ad rectum iter perueniat, reflectere cogitur per primam viam; Sic, inquit, omnis hæresis velut compendium quoddam inuenire potens, à longa via discessit. Inuentus est autem ipsi murus infractus, ipsa ignorantia implicatio. Et non utique inuenieris talis, quomodo ad veram viam perueniat, nisi reflexeris ad primariam viam, hoc est ad regiam, &c. Est autem via regia, Sancta Dei Ecclesia, & iter veritatis. Vnaquaque verò harum, regia relicta, & ad dexteram aut sinistram inclinatione facta, ubi deinceps nimium se**

In errorem dederis distrabatur, & non amplius mensuram habet apud unāquamque Seccam, erroris impudentia.

Sanctus Ambrosius in epist. 2. ad Timoth. cap. 3. *Quamvis omnibus hæreticis hoc convenit, ut subintrantes domos mulieres subdolis, & versutis verbis capiant, ut per eas viros decipiant more patris sui diaboli, qui per Euam Adam circumvenit: Manichæis tamen præ cæteris congruit. Nulli enim tam importuni, tam fallaces, tam captiosi sunt, quam ipsi quos constat aliud colere, & aliud profiteri, aliud intus gerere, & foris aliud vendicare, &c. hi inveniunt mulieres præ vanitate novum aliquid desiderantes audire, & per ea quæ placita sunt, suadent illis fæda, & illicita. Cupide enim sunt discendi, cum indicium non habeant probandi, hoc est semper dicere, & veritatis scientiam non habere.*

Lib. 2. de pœnitentia cap. 7. ait hæreticos concilium congregare contra Ecclesiam: *In tanta verò Domini gratia, tanque divini muneris miraculo, cum oporteres universos letari, commovebantur impij, & adversus Christum conciliū congregabant: Lazarum quoque interficere volebant. Nonne merito eorum successores vos fore cognoscitis, quorum duritia hædes estis? nam & vos indignamini, & contra Ecclesiam congregatis concilium, quia videtis mortuos in Ecclesia reuiviscere, & peccatorum indulta venia resuscitari. Itaque quod in nobis est, per invidiam rursus vultis interficere suscitatos.*

Tractatu in Symbolum Apostolorū cap. 20. docet eos callidè scripturæ verba truncatè; lib. 5. de fide cap. 7. fallere, lib. 3. de Spiritu Sancto cap. 1. corrumpere, & abolere; ferm. in festo SS. Cantij, &c. vulpibus comparat: Hæreticos etiam omnes arbitror vulpibus comparandos, qui cum in domo Domini habitare nō possint, conventicula sibi quædam velut foveas preparant tenebrosas, in quibus perniciter latentes insidiantur Ecclesiæ: ut si qua innocens anima fortè processerit, velut pullum gallinæ matris absorbeant, insidiantur inquam vulpes Ecclesiæ, hoc est hæretici Enangelica illi gallinæ de qua ait

Dominus: quoties volui congregare filios tuos sicut gallina colligit pullos suos sub alas suas? sed ipsa sicut Sampson ardenres facies vulpibus reliquit.

Lib. 1. de fide cap. 3. ait, illos omnem vim venenorum suorum in dialecticâ disputatione constituere, & cap. 4. inter se dissidentes contra Ecclesiam convenire.

Lib. de filij divinitate cap. 1. ostendit, quod nihil periculosius ijs hæreticis esse possit, quibus multa nobiscum paria sunt: qui cum integrè per omnia decurrere videantur, vno tamen verbo meram, ac simplicem fidem inficiunt.

Gregorius Nyssenus orat. in illud 1. Corinth. 5. *Quando sibi subieceris omnia, tunc ipse quoque filius subijcietur ei, qui sibi subiecit omnia, vocat hæreticos malos cauponatores: Quoniam autem mali cauponatores, aggrediuntur divinum argentum efficere reprobum, mixtione hæreticorum, & adulterinorū sensuum Verbi splendorem obscurantes, & mystica Apostoli sensus, vel non intelligentes, vel maligne assumentes, ad defendendam suā malitiam attrahunt, dicentes ad evertendam unigeniti gloriam eis dictum illud conferre Apostolicum; tunc subijcietur filius ei qui sibi subiecit omnia, tanquam ea dictio servilem ostendat humilitatem, ea de causa visum est necessarium diligenter examinare hoc dictum, ut ostendamus verè purum argentum Apostolicum, ab omni sordido, & hæretico sensu separatum, & minime mistum. Et orat. 3. de Sacro festo Paschæ appellat, hæresim in domitum lingue morbum.*

Divus Hieronymus tom. 1. epist. 94. ad Augustinum: *Magis demus operam, ut perniciosissima hæresis de Ecclesijs auferatur, quæ semper simulat pœnitentiam, ut docendi in Ecclesijs habeat facultatem: ne, si aperta se luce prodiderit, foris expulsa moriatur.*

Tom. 2. commentariorum in Ezechiam cap. 9. *Omnis hæreticus hypocrita est, aliud agens, & aliud simulans: & quidquid loquitur, licet videatur sapientia tamen stultitia est. Propter hæc extendit manum*

manum suam ad puniendum, & omnes impietates eorum, quasi spinas vorax flamma consumet. Et verba absque virtutibus, quæ in fructuoso saluti comparantur, inuoluntur summi superbia. Ad eorum penam contremiscent omnis humus, & decepti populi, æternis tradentur erroribus: quia turpis lucri gratia, ne suis quidem parcant, sed certatim de deceptis populis prædas agunt, relinquentes bona, & in pessimis immorantes. Cumque semper sinistra inueniant, tamen suis nunquam satiantur erroribus, vorantes carnem brachij sui, & aduersum Ecclesiam pari studio dimicantes. Propter luxuriam, & voluptates, & lucra de populis inter se habent discordiâ: ut de vna hæresi due fiant, & rursum ipsa diuiduntur in partes, ut proprios abducant greges, & deuorent domos viduarum, & mulierum peccatricum, semper discendum, & nunquam ad scientiam veritatis perueniunt, ibid. cap. 18. Nullus Ecclesiasticorum tantum habet studij in bono, quantum heretici in malo: & in eo se lucrum putant consequi alios decipiât, & ipsi perditii ceteros perdant, item c. 28. Igitur Sacerdotes, & prophete hereticorum exciderunt mente propter sicram, & absortiti sunt propter vinum: quales fuerunt Prisca, & Maximilla, carumque princeps Montanus: qui quid dicerent nesciebant, vino inebriantur, quando Scripturas Sanctas malè intelligunt, atque peruertunt. Sicera, quando seculari abutuntur sapientia, et dialecticorum tendiculis, quæ non tam vincula sunt appellanda, quam phantasmata id est, umbra quedam, & imagines, quæ cito percuti, atque solvuntur.

Eodem 2. tomo, commentar. in Hieremiam cap. 23. Contemplerur hereticos, quomodo semel desperantes salutem, gule se iradant, & delictis: vescantur carnibus, frequenter edeant balnea: musco fragrent, unguentis varijs delibuti querant corporum pulchritudinem. Semel enim futura non sperant, neque credunt in resurrectionem. Quod cum sermone non pandant, ostendunt operibus. Si enim crederent, ista non facerent. & cap. 16. commentar. in Ezechielem. Omnes heretici despiciunt Sion,

quæ interpretatur, specula, & refertur ad Ecclesiam, et confidunt sibi in monte Samarie: in superbia videlicet dogmatum peruersorum, quæ putant esse sublimia, et per has prædicationes fraudulentias, vindemiant, atque populantur principes gentium: ut miraculo doctrinarum, potentes quosque gentilium ad errorem hæreticum pertrahant.

Tomo 3. commentar. in Osee cap. 9. Ipsi autem, hoc est Israel, qui sibi Christianum nomen assumunt (neque enim de Patribus intelligendum est) intrauerunt ad idolum Beelphegor, quod habet in ore pellem. Quidquid enim loquitur hereticus, mortiferum est, & à viuente Deo sermone seiunctum: siue intrauerunt ad libidinem: difficile est enim hæreticum reperire, qui diligit castitatem, non quod eam præferre desistat in labijs; sed quod non seruet in conscientia: aliud loquens, et aliud faciens: unde & abalienati sunt à Deo, et habent gloriam in confusionem suam, et facti sunt abominabiles, qui prius diligebantur in patribus.

Eodem tom. 3. commentar. in Matt. cap. 6. Si nos hereticus in disputatione percusserit, & dextrum dogma voluerit vulnerare: opponatur ei aliud de Scripturæ testimonium, & tandem verberantis succedentes sibi dexteræ præbeamus, donec inimici ira lassescant.

Tom. 4. in Psal. 139. heretici videntur amicitia verba habere, sed plena sunt veneno mortifero: iuxta iter scandalum posuerunt mihi: hoc est de Scripturis proferentes testimonia, quæ quasi videbantur rationem aliquam habere, tentabant me decipere.

Ibidem in psal. 143. Hæreticorum filij sicut nouellæ plantationes in iuuentute sua. Plantatio eorum non est vetus, sed nouella est. Non est enim de veteri lege, non est de Prophetis, non est de Apostolis: sed de nouis magistris est. Filij eorum sicut nouellæ plantationes in iuuentute sua. In iuuentute sua: semper iuuenes sunt. Licet multa sint hæreses veteres, tamen quotidie mutantur, et noua quotidie inueniuntur. Noua sunt ipsæ hæreses, licet veteres sint:

tamen

tamen cum quotidie doctrinas suas innovant, non sunt: non enim sunt veterum magistrorum errore contenti, sed quotidie ipsi nova reperiunt: quorum filij sicut novellę plantationes in iuventute sua. De Ecclesia quid dicitur: de timenibus Dominum? Beati omnes qui timent Dominum: qui ambulant in vijs eius. Quid dicitur de illis? filij sui sicut novella olivinarum in circuitu mense sua. Circa mensam Christi sunt illi filij: non longę sunt a mensa Christi. Ibi non dicitur filij, sed tantummodo filij. Ceterum heretici habent et filias, habent & fragiliorem sexum, voluptates, delitias, filij eorum composita. Sermo compositus est, & sensus sordidus. In Scripturis Sanctis cogitationes semper filij dicuntur: verba, filia. Vide ergo quid dicis: Cogitationes eorum, hoc est filij novi sunt. Verba verò eorum, hoc est, hereticorum, quę habent de sapientia seculari composita sunt: habent enim verba composita, lautum sermonem. Filia eorum composita. Videntur quidem esse composita, sed quia filij sunt, et non filij vires non habent. Circumornata, ut similitudo templi. Pulchrę dixit, similitudo templi. Non habent veram Ecclesiam, sed similitudinę Ecclesię. Cellaria eorum plena: cruentantia ex hoc in illud. Parati sunt ad contendendum. Si illos tenueris in uno testimonio, ad aliud transeunt. Si in Scripturis tenueris, ad Aristotelem fugiunt. Si Aristotelem tenueris in Platonem transeunt. Hactenus Hieronymus.

Quoniam ex Diui Augustini scriptis iam ab Hieronymo Torrensi in confessione Augustiniana, collecti habentur canones, quibus mores hereticorum a prefato Patre describuntur, ideo illis hic referendis superfedeo; nec non ex cæteris, qui deinceps floruerunt, Patribus, quod a præallatis nihil, aut parum differant. Prę omnibus tamen in hac parte legendum est aureum Vincentij Lirinensis opusculum, pro Catholicę fidei antiquitate, & veritate, aduersus prophanas omnium hereseon nouationes.

Qui autem ex antiquis Patribus aduersus hereticos ex professo scrip-

runt sunt sequentes.

In secundo seculo Ireneus aduersus Valentinum libros quinque plenos doctrina, & pietate.

In tertio Tertullianus de præscriptionibus aduersus hereticos lib. 1. aduersus Marcionem lib. 5. aduersus Valentinianos lib. 1. aduersus Hermogenem lib. 1. aduersus Praxeā lib. 1. Origenes dialog. contra Marcionistas.

In quarto Eusebius Cæsariensis aduersus heresim Hieroclis lib. 1. S. Athanasius contra Arianos varios libros. Serapion Episcopus Thmucos contra Manichęos lib. 1. de non conueniendo cū hereticis. Sanctus Hilarius lib. 1. aduersus Auxentium Arianum. Gregorius Beticus, & Sebadius Agennensis aduersus Arrianos. Didymus Alexandrinus contra Manichęos. Optatus Meliuetanus Episcopus lib. 7. aduersus Donatistas. Titus Bostrenus Episcopus contra Manichęos. Basilus contra Eunomiū, Sabellianos, & Arianos. Gregorius Nazianzenus tract. de fide Nicænę Synodi aduersus Arianos. Epiphanius opus panarium contra omnes hereses, quę tunc ad 80. numerabantur. Ambrosius Mediolanensis de fide contra Arianos lib. 1. Philastrius Brixienfis Episcopus lib. de hæresibus vsque ad sua tempora circa annum Domini 380. in quo tamen obseruandum est multa ab eo inter hereses numerari, quę verę hereses non sunt: proindeque cum prudentia legendus est. Ithacius Clarus lib. 3. aduersus Varimandum Arianum. Gregorius Nyssenus lib. 12. contra Eunomium. Hieronymus aduersus Heluidium lib. 1. aduersus Iovinianum lib. 2. aduersus Vigilantium ad Ripariū epist. aduersus eundem lib. 1. aduersus Montanum ad Marcellam epist. aduersus Luciferianos dialog. contra Origenem ad Auitum; aduersus Pelagium ad Ctesiphontem; aduersus Pelagianos lib. 3. habentur tom. 2. Aurelius Prudentius script. Amartingenia, id est, de origine peccatorum contra Marcionem.

In quinto seculo Diuus Augustinus

de Genesi contra Manichæos lib. 2. to. 1. de hæresibus ad Quod vult Deus lib. 1. de quinque hæresibus orat. de duabus animabus contra Manichæos lib. 1. contra Fortunatum Manichæum lib. 1. contra Adimantum Manichæum lib. 1. contra Faustum Manichæum lib. 3. de actis cum Felice Manichæo lib. 2. contra Secundinum Manichæum lib. 1. de natura boni contra Manichæos lib. 1. de fide contra Manichæos lib. 1. contra aduersarium legis; & Prophetarum lib. 2. contra Priscillianistas, & Origenistas lib. 1. contra sermonem Arianorum lib. 1. contra Maximum Episcopum Arianorum lib. 3. contra Felicianum Arianum lib. 1. de bono coniugali, contra Iouinianum lib. 1. de Sancta Virginitate lib. 1. de adulterinis coniugijs ad Pollentiū lib. 2. to. 6. Ps. contra partem Donati, contra epistolam Parmeniani lib. 3. contra literas Petiliani lib. 3. contra epist. Gaudentij lib. 2. de baptismo contra Donatistas lib. 7. de vnico baptismo contra Petilianū lib. 1. de vnitæ Ecclesiæ contra Petilianum lib. 1. opus breuiculi collationis contra Donatistas, post collationem contra Donatistas lib. 1. serm. super gestis cum Emerito Donatista, de gestis cum eodē lib. 1. de peccatorum meritis, & remissione lib. 3. de natura, & gratia lib. 1. de gratia Christi, & peccato originali contra Pelagianos lib. 2. de nuptijs, & concupiscentia lib. 2. contra duas epistolas Pelagianorum lib. 4. contra Iulianum Pelagianum lib. 6. de anima, & eius origine lib. 4. de prædestinatione Sanctorū, & bono perseuerantiæ lib. 2. de gratia, & libero arbitrio lib. 1. de correptione, & gratia lib. 1. de perfectione iustitiæ contra Cælestium lib. 1. de gestis Pelagij lib. 1. tom. 7. Cyrillus Alexandrinus declarat. 12. anathematismorum; lib. apologet. pro suis anathematismis; item cōtra Theodoretum pro iisdem, aduersus Antropomorphitas lib. 1. Theodoretus de hæreticis fabulis lib. 4. de curandis Græcorum affectionibus lib. 12. Proclus Episc. Constantinop. epist. de fide ad Armenos. Vincentius Lirinensis lib. de

prophanis vocum nouitatibus. Prosper Aquitanus de gratia Dei contra Collatorem lib. 1. & respons. ad capitula obiectionum Gallicarum, Vincentianarum, & Genuensium. Arnobius Iunior confict. Catholici cum Serapione de Deo Trino, & vno; de duabus in Christo substantijs in vnitæ personæ lib. 1. de gratia, & liberi arbitri concordia lib. 1. Theodorus presbyter comment. de Incarnatione Domini contra Nestoriū, & Eutychetem. Cerealis Episcopus Africanus lib. de fide contra Maximum Episcopum Arianum. Gelasius Cyzicenus lib. de duabus naturis contra Eutychetem. Vigilius lib. 5. contra Nestorium, & Eutychetem, pro defensione epistolæ Sancti Leonis, & Concilij Chalcedonensis. Paschasius Diaconus Card. lib. 2. de Spiritu Sancto.

In sexto seculo Fulgentius de Incarnatione, & gratia Christi lib. 1. contra obiectiones Arianor. lib. 1. Eugippius Abbas Africanus composuit tomos duos Thesaurorum Sancti Augustini in quorum priore posuit quæcumque S. Augustinus scripserat de rebus obscurissimis, vt de anima, de charitate, de resurrectione, de iudicio, de vita, ac morte æterna. In posteriore collocauit, quæ S. Augustinus disputat contra Arianos, Donatistas, Manichæos, & Pelagianos. Ioannes Maxentius Monachus Catholicæ fidei professionē, libell. contra Acephalos, dialogorum contra Nestorianos lib. 2. Boetius Seuerinus lib. 1. de duabus naturis Christi aduersus Eutychem. Victor Episc. Africanus lib. de ratione fidei Catholicæ ad Hunericum Regem Vandolorū. Leontius Byzantinus Monachus lib. 3. contra Nestorianos, & Eutychianos: nec non contra fraudes Apollinaristarum, & contra Seuerum. Anastasius Synarta ducem viæ contra Acephalos, & de fidei dogmatibus lib. 5.

In septimo seculo S. Sophronius Episcopus Hierosolymit. epist. ad Sergium Episcop. Constant. contra Monothelismum. S. Maximus Monachus Martyr. dispu-

disputat. contra Pyrrum Monothelitā.
S. Hidelphonfus Episc. Tolertanus tra-
ctat. de Virginitate B. Mariæ, & alium
de perpetua Virginitate, & parturitione
eiusdem Sanctissimæ Deiparæ, & serm.
12. de eadem.

In octauo seculo S. Germanus Episc.
Constantinopolit. orat. de hæresibus; S.
Ioannes Damascenus de duabus volun-
tatribus Christi lib. 1. de centum hæresi-
bus lib. 1. Dialog. aduersus Manichæos,
lib. contra Acephalos, & contra Nesto-
rianos. Paulinus Aquileiensis Episcop.
lib. de Sancta Trinitate contra Felicem,
& Elipandum.

In nono seculo S. Nicephorus Episc.
Constantinopol. quatuor opuscula cō-
tra Iconomachos. Paphasius Ratbertus
Abbas Corbeiensis lib. de veritate cor-
poris, & sanguinis Domini in Euchari-
stia cōtra Bertramum presbyterum, qui
fuit ex primis, qui eam in dubium reuo-
carunt. Ionas Aurelianensis Episcopus
lib. 3. aduersus Claudium Episcopum
Taurinensem pro defensione Sacrarum
Imaginum, & signi Sanctæ Crucis, &
peregrinationum ad loca Sancta. Hic
tamen author cautè legendus est, qua-
tenus eodem laborat errore, quo Abo-
gardus, & alij eius ætatis Galli, qui ne-
gabant Sacris Imaginibus vllum deberi
cultum religiosum. S. Theodorus pro
cultu Sacrarum Imaginum, & contra he-
resim defendentem adulterium posse
fieri licitum ex dispensatione.

In decimo seculo Stephanus Eduen-
sis Episcopus scripsit de Sacramento
Altaris, & ijs, quæ ad illud pertinent.

In vndecimo seculo Fulbertus Epi-
scopus Carnotensis epistol. ad Adeoda-
tum de Sacramento Eucharistiæ. Hum-
bertus Cardinalis lib. contra Græcos de
azimo, in forma dialogi de ieiunio Sa-
bathi contra Nicetam Peccoratum Græ-
cum. Lanfrancus Archiepiscopus Can-
tuariensis lib. de veritate corporis Do-
mini in Eucharistia contra Berengariū.
Adelmanus Episcopus Brixienfis epi-
stol. ad eundem Berengarium de veri-
tate corporis Domini in Sacrosancta.

Biblioth. Theologic. Tom. V.

Eucharistia. Quirmundus Episcopus
Auerfanus lib. 3. de corpore, & sangui-
ne Domini in Eucharistia Sacramento.
Vnum est, in quo reprehendi solet,
quod lib. 2. timuerit admittere, species
Sacramentales verè posse corrumpi, &
putrescere, quod potuisset concedere,
sine vlla iniuria corporis Domini. S.
Anselmus Cantuariensis Archiepiscop.
de Processione Spiritus Sancti lib. 1. de
fermentato, & azimo lib. 1.

In duodecimo seculo Eutymius Zi-
gabenus Monachus Panopliam scripsit
aduersus omnes hæreses. Algerus Scho-
lasticus Leodiensis lib. 3. de corpore, &
sanguine Domini contra Berengarium;
in hoc etiam reprehenditur, quod cum
Quirundo asseruerit species Sacramen-
tales non posse corrumpi, vel rodi-
muribus; item esse de iure diuino, vt sa-
crificium Missæ celebretur in azimo,
quod non est verum, alioquin Ecclesia
non toleraret eos, qui celebrant in fer-
mentato. Petrus Cluniacensis aduersus
errores Petri de Bruiis lib. per formam
epistol. in quo egregiè tractat de baptis-
mo paruulorum; de Sacrificio Missæ, &
veritate transubstantiationis lib. 1. Hu-
go Victorinus de perpetua Virginitate
B. Mariæ. Theorianus Græcus Dialog.
contra errores Armenorum. Hugo Ethe-
rianus lib. de processione Spiritus Sancti
aduersus errores Græcorum. Petrus
Blesensis lib. de confessione sacramen-
tali.

In decimo tertio seculo Diuus Tho-
mas tam in libris contra Gentes, quam
in summa scripsit aduersus omnes hæ-
reses, opuscul. contra Græcos, & impu-
gnantes religionem; Diuus Bonauentu-
ra Apologiam Euangelicæ paupertatis.
opuscul. contra calumniatorem regulæ
Franciscanæ.

In decimo quarto seculo, Barlaamus
Episcopus Hieracensis epistol. ad Græ-
cos de vnione cum Ecclesia Romana.
Heræus Natalis de Christi, & Aposto-
lorum paupertate. Franciscus Mayronis
de Paupertate Christi, & Apostolorum,
de corpore Christi, de suffragijs defun-

florum. Gulielmus Okam de Sacramēto Altaris, de paupertate Apostolorum. Guido Carmelita ingens volumen de omnibus hæresibus. Manuel Caleca Græcus lib. contra errores Græcorum pro Latinis.

In decimo quinto seculo, Thomas Valdenſis Carmelita doctrinale fidei antiquæ, tribus tomis distinctum, in quorum primo disputatur contra hæreticos Vuicleſitas, & Hussitas de Deo, de Christo, de Petro, de Ecclesia, de Religiosis. In secundo de Sacramentis contra eosdem. In tertio de Sacramentalibus contra eosdem. Ioannes Ragusaſus Ordin. Prædicatorum orat. de communione sub utraque specie contra Hussitas, ubi etiam multa habentur alia de hæresibus Bohemorum. Ioannes de Capistrano contra Hussitas, & aduersus Ioannem Rochesenum hæreticū Hussitam. Bessarion Cardinalis lib. aduersus Marcum Ephesium pro defensione Ecclesiæ Romanæ; lib. de verbis consecrationis aduersus eundem. Georgius Scholaris, aliter Gennadius orat. 5. de quinque articulis controuersis pro veritate Catholica, de processione Spiritus Sancti; de primatu Papæ; de Azimo; de Purgatorio; de visione Dei ante resurrectionem corporum. Ioseph Episc. Methonensis lib. pro Concilio Florentino contra Marcum Ephesium. Gregorius Magnus Protosincellus respons. contra epistol. eiusdem Marci. Ambrosius Camaldulensis tractat. de Spiritu Sancto, & de Sacramento Corporis Christi. Ioannes Echius Enchiridion contra omnes ferè hæreses; lib. 2. de Sacrific. Missæ, & deinde iterum alios tres; lib. 1. de primatu S. Petri. Franciscus Titelmanus Apologet. pro editione vulgata. Ioannes Fischerus Episcopus Roffensis scripsit aduersus articulos Lutheri, quos Leo Papa X. damnauerat; contra librū eiusdem de captiuitate Babylonica; item de Christiano Sacerdotio contra eundem; de Eucharistia cōtra Oecolampadium. Thomas Morus responsion. ad epistol. Martini Lutheri. Ioannes Faber, Episco-

pus Viennensis Malleum hæreticorum lib. 6. Orthodoxæ fidei Catholicæ defensionem aduersus Balthasarem Pacimonranum; lib. de potestate Summi Pontificis contra Lutherum; homil. de Sanctissima Eucharistia. Ioannes Cochlaus Norimbergenſis opuscula cōtra Lutherum, Melāctonem, & alios sectarios; lib. de actis, & scriptis Lutheri; Septicipitè Lutherum, ut ostenderet eius contradictiones, & inconstantiam; historiam Hussitarum libris 12. Ambrosius Catharinus aduersus Lutherum.

Qui postea in decimo sexto, & in hoc decimo septimo seculo floruerunt scriptores, & pro fide à maioribus accepta, strenuè contra Nouatores dimicauerunt sunt innumeri.

C A P V T V.

Vtrum cum hæreticis, ad illos refellendos disputare liceat. Et quæ in hoc regule seruandæ sint.

QUAMVIS præſens difficultas se extendat ad omnes infideles, indeque Diuus Thomas generaliter agens de ipsis 2. 2. quæst. 10. art. 1. eam tractet; nihilominus quia cum hæreticis, & vltus est frequentior, specialisque ratio, & hinc etiam facile potest ad cæteros infideles doctrina applicari, cōmunis propterea Doctores sub hæreticorum nomine solent hanc quæſtionem excitare. Pro cuius intelligentia primum distinguendum est cum Caietano duplex disputationis genus, materialis videlicet, & formalis: prima est, quæ solum exercitij causa, ad acuenda ingenia, & comparandam in docendo facilitatem in scholis fit; altera autem ad persuadendam, vel propugnandam veritatem.

In præſenti non est sermo de disputatione materiali, quia non suscipitur eū hæreticis, sed inter fideles ipsos instituitur, conceduntque omnes illam, quamuis sit de rebus per fidem certis, ex se loquendo licitam esse, ratio est, præter omnium fidelium vsum, quia nullam ex

obiecō suo habet malitiam, & aliquādo ex fine, & circumstantijs honestari potest; nec non etiam utilis, & necessaria est ad acquirendum tam doctrinam, quā vsum eius: quemadmodum iu alijs artibus, vt militari, & similibus præuium exercitium quasi fictum, & materiale necessarium esse videmus, ad veram artem perdiscendam. Vt hoc tamen honestè fiat suæ regulæ seruandæ sunt. Primò vt disputatio ex aliqua dubitatione non procedat; qui enim sic disputat, est dubius in sua fide, & conijcit se in periculum ab ea deficiendi; atque adeo peccat, vt dicitur inferius. Secundò ne errores contra fidem, etiam gratia disputationis, defendendi proponantur, quia hoc, & omnino prohibitum est, & per se malum videtur ratione scandali, & nocuenti, quod afferre potest; idemque consulendum est de tota materia quoquomodo damnabili, & etiam improabili, præsertim ad mores spectante. Tertiò cauendum est, ne huiusmodi disputationes fiant publicè coram vulgari, & indocta plebe, maxime in lingua vernacula; cum enim difficultates facilius intelligantur, quam solutiones, vnaque res interdum pro altera sumatur, multi inde possent decipi, & in errores labi. Quartò denique seruandus est modus, per cuius excessum sæpe in his disputationibus non minus physicè, quā moraliter peccatur. De quo videri potest Gregorius Nazianzenus orat. 28. de moderatione in disputationibus tenenda.

Rursus cum disputationis formalis, seu veræ, duplex sit veluti modus, primus, vbi suscipitur ex dubitatione, ita, vt res tanquam dubia in controuersiam adducatur, indeque per disputationem veritas eruatur; secundus autem, quando re certa, & quæ pro tali habetur, disputatio instituitur, vt apud alios veritas confirmetur, & persuadeatur; priorè hæreticorum proprium, fatentur omnes Doctores Catholici intrinsecè malum esse; qui enim sic disputat, aut hæresim supponit, & tunc dubium non est, quin

peccet; aut de fide dubitat, & veritatem fidei pro certo non supponit, sed argumentis experiri intendit; & tunc etiam grauiter delinquit, cum enim dubius in fide sit hæreticus, non potest non esse peccatum disputatio procedens ex tali dubio, confessioni fidei contrarium; proptereaque talis disputatio, per quam nimirum res certæ iam ab Ecclesiâ definitæ in controuersiam iterum vocantur, omnino est per sacros canones vetita, vt sumitur ex Concilio Chalcedonenf. act. 5. in secunda definitione fidei, & clarius ex S. Leone Papa epist. 48. alias 50. ad Martianum Augustum, 'vbi hæc habentur: *In eam fidem, quam Evangelicis, & Apostolicis predicationibus declaratam per antiquos Patres nostros accepimus (nulla penitus disputatione cuiusquam retractationis admissa) omnium corda concurrant, ne per vanam, fallacemque versutiam, aut infirmam videantur, aut dubia, quæ in Christo firmata sunt, & sine fine mansura.* Multa docet similia epist. 73. 75. & 78. ad Leonem Augustum; 76. ad Anastasium; nec non Gelasius epist. 2. ad Episcopos Dardanæ. Hæc tamen nonnulli Doctores, vt Bannes, & Valentia 22. quæst. 10. intelligenda putant de eo, cui fides Catholica sufficenter proposita est, ita vt teneatur credere. Nam si esset aliquis cui fides nondum sufficienter esset proposita, & solum eo sine disputaret, vt posset inuenire veritatem, non peccaret disputando.

Torum ergo difficultatis pondus reducitur ad secundum modum, scilicet, quando de re per fidem certa, & quæ pro tali habetur, disputatio suscipitur contra hæreticos, vt apud alios veritas confirmetur, vel persuadeatur, an, & quomodo sit licitus, pro cuius explicatione sequentes conclusiones pono.

I. Conclusio. Disputatio cum hæreticis pro fide tuenda, & eorum erroribus impugnandis, de se licita est, valdeque laudabilis. Hæc conclusio, in qua omnes conveniunt Doctores, colligitur primò ex Sacra Scriptura, epistola ad Titum 1. vbi ait Diuus Paulus de Episcopo,

scopo, esse oportere amplectentem eum; qui secundum doctrinam est fidelem sermonem: ut potens sit exhortari in doctrina sacra, & eos, qui contradicunt, arguere. Et 1. Petri cap. 3. in qua etiam prælatos potissimum monet, ut sint parati semper ad satisfactionem omni poscenti eos rationem de ea, quæ in ipsis est, spe, ubi alij legunt fide, & alij vtrumque: hæc enim omnia fieri non posse sine disputatione satis constat. Item Act. 6. dicitur; Surrexerunt autem quidam &c. disputantes cum Stephano, & non poterant resistere Sapientiæ, & Spiritui, qui loquebatur.

Secundò hoc idem Sancti Patres nedom verbo docuerunt, sed etiam exemplo; cum plures ex illis sæpe cum hæreticis acriter disputauerint pro fide tuenda, & eorum erroribus impugnandis, ut passim Ecclesiasticæ testantur historiæ.

Tertiò probatur ratione, quoniam illa actio de se est licita, quæ de se non est mala, nec aliquo iure prohibita, sed disputatio cum hæreticis modò in conclusione intentio, & explicatio, nec de se est mala, nec etiam iure aliquo vetita: Ergo de se est licita. Maior cum sit certa, probatur minor quoad primam partem, quia in illa actione non solum in nulla est malitia, ob quam dici possit illicita, sed potius, cum sit quædam confessio fidei ex parte disputantis, item de se ad optimos ordineatur fines, nimirum ad honorem ipsius fidei, & maiorem notitiam eius, ad hæreticorum conversionem, & Catholicorum confirmationem, honesta censenda est, atque laudabilis; Altera autè pars minoris patet, quia nullū inuenitur decretū Ecclesiasticum talem prohibitionē continens, imo sunt aliqua, quæ certum modum seruandi in tali disputatione præscribunt, atque adeo illam esse licitam manifestè supponunt. Quod autem in iure ciuili habeatur L. Nemo cod. de Summ. Trinit. quæ disputationem hanc etiam Clericis interdicit; respondent aliqui legem illam esse ciuilem, & in materia

Ecclesiastica, ideoque vim non habere obligandi, præsertim Clericos; quæ quidem responsio, licet generaliter loquendo sit vera, nihilominus aliqui existimant non rectè applicari ad citatam legem, quæ solum prohibet disputationes per se illicitas, quibus, ut statim diximus, res certæ, & ab Ecclesiâ definitè in dubium reuocantur cum perturbatione fidelium. Vnde potius credendum est legem illam fuisse legitimè latam a Martino Imperatore Catholico ex consensu Leonis Papæ, qui de illa re ad ipsum scripserat. Quia verò præter circumstantias generaliter requisitas in quocumque actu honesto; nimirum, ut opportuno tempore, loco apto, & modo, ac intentione debita fiat, aliquæ adhuc in particulari desiderantur, ut dicta actio disputandi cum hæreticis ritè exerceatur, scilicet ex parte fidelis disputantis; ex parte hæretici cum quo certamen initur; ex parte eorum, coram quibus disputatur, ac tandem ex parte modi, sequentibus declarabuntur conclusionibus, vnde sit.

Secunda conclusio. Attento iure naturæ, qui cum hæreticis disputaturus est, rectam intentionem, seu firmitatem in doctrina fidei debet habere, nec non sufficientem scientiam. Ista conclusio, quo ad primam partem patet ex dictis, qui enim non habet bonam intentionem, siue qui disputat, tanquam de fide dubitans, & veritatem fidei pro certo non supponens, sed argumentis experiri intendens, non solum peccat, sed ipsemet hæreticus censetur; qui autem infirmitatem in se timet, peccat quoque, coniiciendo se in periculum deficiendi à fide. Probat altera conclusionis pars, scilicet necessarium esse, ut cum hæreticis concertaturus sit sufficienter doctus, ex citato loco epistolæ ad Titum cap. 1. ubi Diuus Paulus non tantum fidem, sed etiam doctrinam fidei exigit in disputante, ut possit eos, qui contradicunt, arguere; & ratio est per se manifesta, primo quia in omni munere tenetur vnusquisque habere scientiam, vel artem necessa-

ceſſariam ad tale munus conuenienter exercendum; ergo multo magis in tam graui, tantique momenti aſſione, cuiusmodi eſt diſputatio cum hæreticis pro fide tuenda, & eorum erroribus confutandis. Secundò quia alias, & ſe, & honorem fidei, & proximorum ſalutem periculo exponit: vnde etiam facilè ex hæc parte mortaliter peccare poterit, ſi diſputatio grauis eſt, qui ad illam inuendendam ſufficientem non habet doctrinam.

Quanta autem, & qualis debeat eſſe hæc doctrina, lex generalis aſſignari non poteſt, ſed conſiderandæ ſunt circumſtantiæ; nam ſi de rebus Theologicis agatur, diſputantem Sacræ Theologiæ præcius, quam Canonum ſcientia præditum eſſe oportet; inſuper ad diſputandum cum hæretico indocto, vel vulgari, minor doctrina in Catholico ſufficit: item minor in re clara, & aperti iuris, quam in difficili, & ambigua: ſique fiat diſputatio tantum per modum concionis, ſeu ſimplicis perſuaſionis; etſi enim in debito, & proportionato gradu neceſſaria etiam tunc ſit doctrina, haud tamen requiritur tanta, ac quando diſputatio eſt propria, & cum concertatione inter duos, vel plures; dici etiam poſſet tantam non requiri ſcientiam ad priuatam, ac ad publicam, & ſolemnnem coram populo diſputationem.

Quod interdum contigerit viros Sanctos magis, quam doctos, non tam humane ſapientiæ verbis, quam virtutis ſpiritus, magno fructu cum hæreticis dimicaſſe, ſimplicemque illorum fidem plus valuiſſe ad vincendos hæreticos, quam multam aliorum doctrinam; vt nonnulla in hiſtoria Eccleſiaſtica habetur exemplà, apud Athanaſium, & Hieronymum in vita Antonij, Ruſſinum lib. 1. cap. 3. Socratem lib. 1. cap. 5. Sozomenum lib. 1. cap. 17. & Nicephorū lib. 8. cap. 15. nihil noſtræ officit concluſioni; cum ea quaſi miraculoſa fuerint, et ex ſpeciali inſtinctu Spiritus Sancti, proindeque imitanda non ſint, ſed ordinaria lex, & regula poſita eſt ſeruanda,

qua ad diſputationem cum hæreticis, diximus neceſſariam eſſe ex natura rei, attentoque ordinario illius curſu ſufficientem in diſputante doctrinam.

Tertia Concluſio. Ex iure poſitiuo requiritur inſuper, vt perſona pro fide diſputans ſit Clericus. Nam in cap. *Quicumque. S. inhibemus quoque* de hæreticis in 6. laicis ſub excommunicatione ferendæ, non latæ ſententiæ, de fide prohibetur diſputare; & quamuis Gloſſa ibi, licet dubitanter, per laicos intelligat indoctos, vel illiteratos; nihilominus talis interpretatio eſt omnino improbabilis. Primò quia eſt contra proprietatem verbi. Secundò quia diſtinctio quæ verſatur inter Clericos, & laicos, nõ ſit ratione doctrinæ, ſed ratione ordinis, ſeu ſtatus iuxta cap. *Duo ſunt* 12. quæſt. 1. Ratio autem huius prohibitionis tam priuatæ, quam publicæ, ſignificatur in dicto Canone his verbis; *Sed oportet ordini à Domino dato cedere, iuxta illud Pauli ad Eph. 4. quosdam dedit Paſtores, & Doctores;* iuxta quæ cum munus diſputandi, & docendi ex officio pertineat ad ſtatum Clericalem, merito illi reſeruatur. Nec reſert quod aliquando nonnulli ſunt laici doctiſſimi; leges enim attendunt, & reſpiciunt ad id, quod frequentius, & vt plurimum accidit; quia igitur Clerici vt plurimum ſolent eſſe magis inſtructi, & periti in doctrina ſacra; laici verò è contrario, regulariter non ſunt docti; ideo omnibus laicis in communi merito prohibita eſt diſputatio formalis de fide; nec in præſato Canone per laicos intelligi poſſunt indocti tantum, ſiue ſint laici, ſiue ſint Clerici; aut per Clericos, docti, ſiue ſint pariter laici, vel Clerici. Et certè cum eadem ratio, imo maior ſit in hac diſputatione, quam in ſimplici prædicatione, ſi ſacri Canones iſtam prohibent omnibus laicis, vt habetur cap. *Cum ex iniuncto.* cap. *Sicut in uno* de hereticis in 6. in Concil. Carthag. 4. cap. 98. in epist. 62. Leonis Papæ cap. vlt. primam quoque illis prohibuiſſe fatendum eſt, vſusque ipſe comprobatur.

Sed iterum est difficultas, qui sint in hac prohibitione intelligendi, *laicorum*, & *Clericorum* nomine; aliqui enim ex hoc, quod in ampla significatione hæc vox *Clerici*, solet accipi pro religiosis, quàmvis nullum ordinem habeant, in hoc quoque textu ad illos fauorabiliter eam esse ampliandam docent; quam sententiam satis probabilem existimat Suares tract. de fide disp. 20. sect. verum in hac re quicquid sit de alijs, distinctione vtendum puto, & sub nomine clericorum comprehendendi illos duntaxat religiosos, qui litteris vacant, sacrosque ordines participant; sub laicis verò, qui in suis ordinibus laici sunt, in illis enim ratio legis ordinariè locum habet; quia non sunt docti, nec sufficientes ad disputandum: ideoque Leo Papa epist. superius citata ait: *Præter eos, qui sunt Domini sacerdotes, nullus sibi ius docendi, & prædicandi audeat vendicare, siue sit Monachus, siue laicus, qui alicuius scientie nomine gloriatur*: ibi enim Summus Pontifex nomine *Monachi* eos potissimum significare voluit, qui iuxta morem sui temporis, licet religiosi essent, regulariter tamen non ordinabantur, nec litteris operam dabant: si aliquis tamen reperiretur inter illos cum sufficienti doctrina, Suares loco citato asserit, quod sine peccato cum hæreticis disputare posset, præsertim à suo Prælato iussus, tum, inquit, propter opinionem probabilem docentem, sub nomine *Clerici* intelligi debere quoscumque religiosos, etiam nullum ordinem habentes, tum quia, si sub laicis comprehendantur, idem de his religiosis ferendum est iudicium, ac de ipsis laicis, qui vt mox dicetur, id interdum facere possunt.

Inquiri igitur potest circa præfatam prohibitionem, an illa non obstante, possit laicus si in diuinis litteris sufficienter sit edoctus, sine peccato cum hæreticis disputare. Aliqui partem affirmatiuam tenent, quia tunc cessat finis legis, verum hanc rationem non valere

communiter asserunt Doctores, quia cessante fine legis solum in particulari, & negatiue non cessat obligatio legis; sed in hoc, de quo agimus casu, dicto duntaxat modo cessat finis legis, ergo ni aliquid aliud addatur, aut si ad huc maneat in suo robore præfata lex, non cessat eius obligatio, nec per se loquendo licet laico, quantumvis doctissimo, de fide disputare. Quamobrem, in tantum in Germania, alijsque similibus locis vbi grassantur hæreses, possunt sine peccato laici docti cum hæreticis de fide disputare, in quantum lex in contrarium adducta iam censetur per consuetudinem abrogata, nam consuetudo potest ius humanum abrogare, vt docent Valentia, Iannerus, & alij 22. quæst. 10. Vbi autem adhuc viget, id etiam laico sufficienter instructo liceret, aut quando propria auctoritate tale munus non vsurparet, sed iussus, vel rogatus à Clericis, ad quos illud pertinet, eo fungeretur, ita enim Leo Papa verbis superius relatis significasse videtur: aut quando necessitas vrgeret; nam tunc habet locum, quod ex Chrysostomo homil. 25. in Math. refertur in cap. *Nolite timere*. 15. q. 3. scilicet obligari laicum aliquando ad docendam, & defendendam liberè veritatem, quam à Deo audiuit, vt si E.g. esset aliquis hæreticus, qui peruerteret fideles, & nullus Ecclesiasticus, vel religiosus adesset, qui posset illi resistere. Imo hoc multi extendunt ad casum magnæ vtilitatis, quia hæc est quædam moralis necessitas, & benigna legis interpretatio, quæ fundari potest in alio principio, quod nimirum cessante fine, aut ratione legis contrariè, etiam in particulari, cessat tunc obligatio legis; in tali igitur casu magnæ vtilitatis, dispositionis laici cum hæretico, iudicandum esset inhibitionem illi factam contrariè cessare, quia tunc obseruare illam, esset contra bonum fidei, & contra salutem proximorum.

Porro quale sit peccatum in laico, disputare de fide cū hæreticis, & qualis eius

eius censura. Quo ad primum respondent vnanimiter Doctores peccatum esse ex suo genere mortale, colliguntque ex ipsa lege prohibente hanc actionem sub poena excommunicationis, quæ nõ fertur, nisi pro culpa mortali. Ratio verò est, quia materia est grauis, spectans ad bonum fidei, & religionis, & quodammodo ad iustitiam, quatenus prohibet laicis vsurpare ius, ac potestatem Clericorum, proindeque tollit dissensionum occasiones, & perturbationum in Ecclesia; igitur, cum grauitas culpæ ex genere suo pensanda sit ex materia, dicendum est hanc disputandi cum hæreticis esse ex genere suo grauem, seu mortalem, quæ habet materiam grauem. Hinc sequitur tam laicū, quam Clericum indoctum peccare disputando de fide cum hæreticis, sed laicum contra legem naturalem, & Ecclesiasticam: Clericum verò contra alteram tantum; sicut etiam dici posset laicum non peccare contra ius naturale pertinens ad virtutem fidei, qui haberet doctrinam sufficientem pro illa tuenda, & hæreticorum erroribus impugnandis. Deinde laicus, siue sit doctus, siue indoctus excommunicatur, non autem Clericus. Hanc tamen excommunicationem non esse lætæ sententiæ, sed ferendæ; vel quod idem est, non incurrì ipso facto, sed esse comminatoriam, vnanimiter etiam docent authores, colliguntque ex ipso loquendi modo, quo Summus Pontifex Alexander vsus est: *Inhibemus quoque, ne cuiquam laica persona liceat publicè vel priuatim de fide Catholica disputare. Qui verò contrafecerit excommunicationis laqueo innodetur.* Non enim dixit *innodatur*, sed *in imperatio innodetur*, quod vi sua nihil de præsentì, seu statim operari in hac materia, sed per hominem fieri iuberi asserunt doctores, & ibi Glossa: dixi in hac materia, quia in multis aliis verbum in imperatio habet etiam vim præsentis.

Quarta conclusio. Habita ratione personæ cum qua disputatur, Catholici.

Bibliot. Theol. Tom. V.

ci peccant disputando de fide cum hæreticis pertinacibus, præsertim si aliud non appareat vlla vtilitas. Ista etiã conclusio est cõmunis inter doctores, videturque illam docere Diuus Paulus epist. ad Titum c. 3. dum ait: *Hæreticum hominem post vnā, & secundā corruptionem deuita: sciens quia subuersus est, qui eiusmodi est, & delinquit, cum sit proprio iudicio condemnatus.* Et in hoc etiam sensu plures loquuntur Patres, quando prohibent disputationes cum hæreticis, *Non disputationem*, inquit Augustinus lib. 15. contra Faustū c. 12. *amant hæretici, sed quoquomodo superare impudentissima pertinacia, ut congregēt, quæ non pepererunt.* Chrysostomus seu author oper. imperfecti super Mat. homil. 12. vbi argumento sumpto ex pertinacia Phariseorum ait: *Audi homo fidelis, qui contra hæreticum libenter contendis, si Pharisei victi non sunt, tu certando contra hæreticum poteris eum placare cum viceris; & Bernardus serm. 66. in Cantica de iisdem hæreticis dicit: Nec rationibus conuincuntur, quia non intelligunt, nec auctoritate corriguntur, quia non recipiunt, nec stellantur suasionibus, quia subuersi sunt.* Ex quibus habetur ratio ad probandam nostrā conclusionem, illicita enim est actio, ex qua nullus speratur fructus, sed quando hæretici sunt pertinaces, & obdurati, nulla est spes fructus ex disputatione cum ipsis, siquidem nec facili conuertuntur, nec tam pugnant firmitate argumentorum, quam contentione vocis, & acerbitate verborum, ex qua potius pacis perturbatio, quam vnio, & concordia sequi potest: illicitum est igitur, siue peccatum disputare cum hæreticis pertinacibus, nõ quidem mortale, sed veniale tanquam actus otiosus, per se loquendo, nam per accidens, seu ratione nocumenti poterit esse peccatum graue, & communiter saltem hoc nocuementum timeri potest, quod hæreticus disputans, & sit obduratior ipsa contradictione, & præterea in ipsa disputatione multa, quæ

X x x

alias

alias non faceret, peccata committit, quibus proinde occasio cum disputatione dari non deberet, præsertim si aliunde nulla appareret utilitas. Quod dico, quia ubi aliquis fructus saltem in aliis audientibus speraretur, siue ille esset, quod aliqui hæretici conuerterentur, siue quod fierent minus audaces, vel timidiore, siue quod inde Catholicis magis in fide confirmarentur, tunc quodcumque horum, vel simile sufficeret, ut disputatio otiosa non esset, sed honestissima, & laudabilis.

Quinta conclusio. Ut disputatio de fide cum hæreticis sit licita, ratio quoque habenda est audientium. In hac conclusione, quæ, ut patet ex terminis, procedit de publica disputatione, ut distinguitur ab omnino occulta, atque adeo tali, etiamsi vel vnus tantum illi interesset, sicut & in præcedentibus conueniunt vnanimiter Theologi sequentes Diui Thomam 2. 2. q. 10. art. 7. Cum autem hæc disputatio dupliciter fieri possit, vel coram doctis, vel coram indoctis, & simplicibus, si coram primis fiat, certum est eam esse licitam, attenta personarum audientium circumstantia, in illis siquidem tunc moraliter nullum est peruersionis periculum, nulla errandi occasio, sique fortè ipsi illam sumant, eis, non verò disputanti imputari debebit. Docti autem hoc loco intelligendi sunt, non solum perfectè litterati, sed omnes qui capaces sunt illius de qua disputatur doctrinæ, & illi aliquo modo studuerunt; hoc enim sufficere videtur, ut ex auditione disputationis periculum illis non creetur. Si autem illa fiat coram simplicibus, & indoctis, rursus cum Di. Thoma loc. cit. distinguendum est, nam vel illi in sua fide quieti sunt, & ab hæreticis non sollicitantur, & tunc nullo modo licet coram eis de fide agere cum hæretico, præsertim in eo quod intelligunt idioma, quia sine causa coniciuntur in periculum errandi, simplices namque ut facilius percipiunt, plausibilia hæreticorum argumenta, quam ipsamet fidei,

quæ ab illis oppugnantur mysteria, eorumque rationes, inde quoque facile in errorem induci possunt, vel saltem concipere rem illam esse dubitabilem, ac merito controuersam; Aliqui tamè cum Caietano excipiunt casum, quado Catholicus, qui disputat cum hæreticis, est vir non solum doctus, sed etiam clarus, & perspicuus, qui possit se accommodare ad captum singulorum, & ita res suas explicare, ut omnes quantumuis rudes, & indocti, faciliè eas percipiant, tunc enim licitè coram ipsis disputari posse docent.

At si fideles simplices ab hæreticis sollicitantur ad defectionem, & periculum est ne succumbant, aut vacillèt, tunc non modo licitum est coram talibus de fide disputare, sed etiam hoc præstare debent illi, qui utiliter possunt, quia tunc taciturnitas, vel timor disputationis magis posset nocere, errantes in errore confirmando, dubitare incipientes magis infirmando, & hæreticos ipsos audaciores reddendo: atque huius quidem officii extat exemplum Eliæ 3. Reg. 18. redarguentis coram populo Prophetas Baal; Sancti Stephani act. 6. & 7. nec non Diui Pauli ibid. c. 9. coram Iudæis disputantium. En quæ habenda est audientium ratio, ut licita sit ex hoc capite disputatio de fide cum hæreticis habenda.

Sexta Conclusio. Ex parte modi disputandi plura etiam requiruntur, ut disputatio de fide cum hæreticis sit fructuosa, ac subinde licita. Primò enim hæretici cum nõ eodem modo omnes affecti, ac dispositi sint, sed 1. aliqui in suo errore sunt pertinaces. 2. Alii zelosi. 3. Alii frigidi. 4. Alii dubii, ac fluctuantes; non eodem quoque modo cum illis omnibus agendum esse rectè docet Martinus Becanus præludio 1. Manualis controuersiarum. Nam cum pertinacibus, ubi admittendi sunt ad disputationem de fide, ac religione propter utilitatem aliorum, stria seruari debent. Primò coercendi sunt intra limites certæ materiæ, ne ex vna in aliam

dilabantur. Secundò restringendi ad formam syllogisticam, ut vis argumēti appareat. Tertiò palam confundendi, & increpandi sunt; Sicut Sadducei, Scribæ, & Pharisei leguntur fuisse a Christo Domino confusi, & increpati Math. 22. & 23. debet tamen esse confusio rationalis, quæ non fiat per cōuicia, & maledicta, sed per iustam reprehensionem, aut apertam victoriā. Cum zelosis, qui non ex superbia, & obstinatione, sed ex quadam ignorantia falso persuasi sunt, contrario modo id est modestè, ac beneuolè agendum est. Cum frigidis, qui neque ex superbia, neque ex ignorantia manent in suo errore, sed propter suas prætensiones politicas à quibus ægrè abstrahuntur, serio, ac seuerè agendum est, cum ostendendo prætensiones, & excusationes ipsorum esse frigiditas; tum inculcando, ut saluti suæ consulant: neque propter humanos respectus, fauores, & sæcularia negotia, patiantur se ab æterna, & cœlesti gloria excludi. Cum dubiis denique, qui simplici, ac recto corde quærent veritatem; et quia per se, seu suopra ingenio, ac industria non possunt eam inuenire, petunt ab aliis se doctrinibus iuuari, ac instrui, fraternè, & ad cuiusque captum tractandum est; & aliter docti, & ingeniosi, aliter rudes, & idiotæ instruendi sunt: tantum ex præfato authore de modo disputandi cum hæreticis accommodate ad diuersas eorum condiciones, ubi multæ tam morales, quam doctrinales continentur regulæ.

At loquendo de regulis moralibus disputandi cum hæreticis in generali, de quibus in præsentia agimus; Prima, est, ut sententiis porius, & rebus, quam verbis agatur, ut ait D. Thomas 2.2. q. 10. art. 7. ad 1. ita exponens verba, Diui Pauli 2. ad Timot. c. 2. v. 14. *Noli contendere verbis*; quæ tamen moderatio non excludit ex eodem D. Thoma q. 38. de contentione, ubi opus est, *debitum acrimoniæ modum*. Secunda, maxime caueendum est à verbis cōtumelio-

Bibliot. Theol. Tom. V.

sis, & iniuriosis, non solum quia hoc per se malum est, & indecens homini Catholico, tam graue munus exercēti, verum etiam impedire potest fructū disputationis, ut præclare docuit S. Chrysostomus homil. 6. in 2. ad Timotheum, quia ut verbum fructificet, necesse est, ut alter gratè audiat, *gratæ autem affici eum, qui iniurijs afficitur, vix contingere potest*, inquit Chrysostomus: Tertiò, cum incredibilis sit hæreticorum in disputando tergiuersatio, asylogia, & audacia, opus est insigni patientiā, simul & constantia ei, qui cum ipsis disputare debet; nā alioqui, ut loquitur Tertullianus de Præscript. faciliè *simul & cerebri, & stomachi subuersio inuenitur*. Quartò ita agendū est, ut non contra personam, sed contra errorem, nec ad confundendum disputatorem, sed ad veritatem illi ostendendam agatur, seu non tam cupiditate victoriæ, quam amore veritatis disputetur, ut rectè dixit Hieronymus libr. 1. contra Pelagium circa medium; *non de aduersario victoriam, sed contra mendacium quarimus veritatem*. Quintò Gregorius Nazianzenus orat. 26. monet ea moderatione procedendum esse, *ut nec nimia tarditate, nec nimio sermone agatur, ex utroque*, inquit, *extremo sumendo quod vtiq; est, ex priori mansuetudinē, & ex secundo zelum*. Sexto, non in proprio ingenio, sed in auxilio diuino, & ipsius causæ bonitate fiducia collocanda est, reuocato ad memoriam illo, quod nemo corrigere potest, quem Deus despexerit.

Ex dictis tria colliguntur, primum est, disputationem de fide cum hæreticis licitam esse; ut prima conclusione ostendimus, secundum, eam aliquando posse sub obligationem cadere, quia, interdum potest talis actio esse necessaria ad bonum fidei, & proximorum salutem, tunc ergo erit debita, vel ex iustitia respectu Pastorum Ecclesiæ, vel ex charitate respectu eorum, qui sufficientes ad talē actionem vires habuerint; nā ut ait Diuus Ambrosius libr. 1.

X x x 2 officior,

officior. cap. 3. *Si pro otioso verbo ratio petitur, videndum ne pro otioso silentio etiam reddatur*; Nec non S. Leo epist. 93. c. 15. *Qui alium ab errore non renouat, seipsum errare demonstrat*. Et Diuus Gregorius 2. par. Pastor. cap. 4. *Sicut incanta locutio in errorem pertrahit, ita indiscretum silentium eos, qui erudiri poterant, in errore relinquit*. Tertium est sæpe etiam posse in hac disputatione peccari, quia malum ex quocumque defectu, igitur cum ex dictis tot ad eam, ut sit licita, requirantur conditiones una ex illis deficiente, sufficit ut reddatur peccaminosa, & illicita. Quocirca in hac re magna opus est prudentia, nec cum hæreticis disputandum promiscue, nisi aliqua inde utilitas consequutura speretur; ut nimirum vel ipsi, cum quibus disputatur, vel alij, qui disputatione

nem audiunt, conuertantur ad fidem, vel in illa confirmentur; ita ut proinde minimum venialiter peccet, qui absque omni spe piæ utilitatis cum hæreticis de fide contendit; mortaliter autem si periculum grauis nocuenti proximi intercedat.

Quæ dicta sunt huc usque, licet potissimum spectent ad publicam disputationem, ex illis nihilominus faciliè monita quædam deduci possunt, obseruanda ab ijs, qui in priuatis congressibus, conuersioni eorum, qui ab hæreticis seducti sunt, operam nauare debent; de quibus etiam quia prolixè agit Possennus lib. 7. Bibliothecæ Selectæ, nec non noster Thomas à Iesù lib. 8. de conuersione omnium gentium, hoc breuiter radnotasse sufficiat.



SECTIO DECIMA.

Præcipuæ refelluntur hæreses in partibus Orientis primum ortæ, & in illis adhuc vigentes, iuxta ordinem à Diuo Thoma in Summa obseruatum.

C A P V T P R I M V M.

Statuitur aduersus Armenos, & alios, in beata, & immortalī vita Deum non solum ab intellectu creato, nempe ab Angelis, & hominibus videri posse, sed etiā reipsa conspici pro vt est in se immediatē quo ad suam diuinam substantiam.



QVOD vera Christi Ecclesia credit, suaque autoritate credendum fidelibus proponit, tanquam diuinitus reuelatum, pro tali habendum est, ob singulare quo cælitus donata est, infallibilitatis priuilegium in rebus ad fidem spectantibus: Sed vera Christi Ecclesia, qualem solam esse Romano-Catholicam ostendunt omnes, quibus ornata est, propriæ veræ Christi Ecclesiæ notæ, credit, fidelibusque credendū proponit, Deum in æterna beatitudine, sic videndi suam copiam facere, vt eius intimam naturam, & substantiam Angelis, & homines clarè cognoscant, tanquā quid diuinitus reuelatum, id igitur pro tali firmiter tenendum est; habendique pro hæreticis omnes illi, qui oppositū docent. Tales sunt Armeni teste Richårdo Radulpho Archiepiscopo Armachano in lib. 14. de quæst. Armen. c. 1. quibus tamen huiusmodi erroris, vt & cæterorum ferè nonnullos Græcos au-

thores fuisse dubium non est; cuius apud eos vindex, & propugnator acerrimus fuit Gregorius Palamas, qui inter alia falsa dogmata, lucem quamdam esse dixit increatam, & oculis aspectabilem, velut manantem ex Deo fulgorem: qualem in Thabore monte viderunt Apostoli; cuius aspectu fruerentur in cælo beati: in eoque spectaculo velut summa felicitatis, acquiescerent: quod natura ipsa Dei, qualis in se est, à nemine intuitiue conspici posset. Huius autem erroris originem sic se habuisse refert Demetrius Cydonius libro contra Palamam. Hefychastē quidam Monachi demonis, vt apparet, illusi præstigijs, mysticum nescio quid vsurpabant: affirmantes se ad certum corporis habitum conformatos mirifica quædam cernere. Cum enim ad pectus, vel vmbilicum caput ac mentum appressissent, & oculos contorsissent, suppresso spiritu mirabilem se lucem intueri, & inexhausta voluptate affici. Istius ergo stolidi, absurdique commenti post Simeonem monasterij cuius-

cuiusdam perfectum, magni inter suos nominis, ac nouum propterea dictum Theologum, insignis patronus Gregorius, quem dixi Palamas existit, primū Monachus in monte Sancto, deinde Thessalonicensis Episcopus; qui vixit circa annum Domini 1328. & sequentibus; quibus, auctore Nicephoro Gregora lib. 11. & Ioanne Cantacuzeno Imperatore, Barlaamus Monachus ex Calabria oriundus Constantinopolim venit, vt Palamam, eiusque dogmatis fautores reselleret; quos Euchtas, & Omfalopluchos, & Malsalianos vocabat, quod orationis, & contemplationis genus vsurparent inuitatum, & absonum: quo nomine infames erant Malsaliani, de quibus Epiphanius: Omfalopsucos verò nominabat: quod ad vmbilicum, vt retulimus supra ex Demetrio, appresso capite, diuinam quandam, & increatā lucem videre se, ardoremque Sancti Spiritus concipere, ac per nares efflare dicerent. At presertim errorem tam his, quæ Almarico, Arnolde Brixienti, Petro Abailardo, quibus illum tribuunt Alphonsus de Castro verbo *Beatisudo heresi* 1. & Gabriel Vasques 1. p. q. 37. cap. 2. multo antiquiorem esse, iamque temporibus Diui Gregorij viguisse patet ex hoc quod in illū iouehitur lib. 18 Moral. cap. 28.

Nonnullos etiam Sanctos Patres huic errori fauisse, imo in illo aperte fuisse contendunt aliqui Theologi, vt Vasques 1. p. quæst. 37. cap. 2. & Fernandus lib. de visionibus Veter. Testam. visione 7. sect. 1. sed merito ab alijs reprehenduntur, reuerentia enim, quæ Sanctis Ecclesiæ proceribus debetur maximā, cogit existimare, tot tamque illustres, quos citant, Patres in re alioqui certissima, non errasse, sed aliquid verissimum asserere voluisse, vt explicabimus infra.

Igitur cum maior, & minor propositio huius nostri argumenti, secundum quod in eo habetur ratio, vel modus vniuersalis probandi quascumque fidei veritates aduersus hæreticos, sufficien-

ter pateant ex dictis sectione superiori, nunc, quod attinet ad modum particularem agendi cum illis, explicandum est, vnde proposita veritas pro reuelata habeatur ab Ecclesia. Et quia diuinam reuelationem adequatè contineri verbo Dei tū scripserunt tradito alijs ostendimus tom. 2. primum proferemus loca Scripturæ, deinde traditionem ipsā in dictæ veritatis probationem.

Exodi 33. v. 11. cum prius dictum fuisset: *Loquebatur autem Dominus ad Moysen facie ad faciem, sicut solet loqui homo ad amicum suum*; eidem postea Moysi petentis: *Si ergo inueni gratiam in conspectu tuo, ostende mihi faciem tuam, vt sciam te*, respondente Domino, *Non poteris videre faciem meam, non enim videbit me homo, & nunc*; satis significari videtur Deum pro vt est in se, siue facie ad faciem videri posse, dū id Moysi postulanti Deus non præcisè negauit, neque id absolute fieri non posse respondit: immo post hanc vitam obtinendum de facto esse docuit, dum de huius tempore duntaxat exceptit: *non enim*, inquit, *videbit me homo et nunc*.

Psalmo 33. v. 11. vbi dicitur: *Quoniam apud te est fons vite, & in lumine tuo videbimus lumen*: insinuat quod in beata, & immortalī vita facialis diuinæ essentiae visio; ita enim dicitur lucem habitare inaccessibilem oculis corporeis absolute, ipsique intelligentiæ creatæ, attētis naturalibus duntaxat eius viribus, vt tamen accedente, quo perfundatur, & illustretur, lumine gloriæ supernaturali, in eo diuinitus collato videant beati lumen ipsum diuinæ essentiae, siue in lumine lumen. Cui non obstat, quod lumen illo in loco Christū ipsum interpretentur Augustinus, & alij; vna siquidem interpretatio non excludit, sed potius confirmat aliam; quatenus sicut in præsentī vita, vbi tantum per speculum, & in enigmate Deum cognoscimus, eum tamen non cognoscimus, vt est author supernaturalis, nisi Christo nos per fidem illuminante, ita nec in altera redditur beatis intuitiue, & clarè

clare visibilis, nisi me ntis acies per se imbecilla, nec ad Deum intuendum satis virium habens prius perficiatur, vel ab insita potius caligine, ac tenebris ad caelestem quandam lucem, splendoremque supernaturaliter transferatur. Quocirca idem Augustinus, vel alius author soliloquiorum cap. 36. de eadem luce, quæ in beatæ immortalitatis statu videtur, & est Deus, & per quam videtur Deus, & sine qua non videtur, loquens præclara hæc habet verba: *Videbimus*, inquit, *in lumine tuo lumen tuum. Quoniam apud te est fons vite: & in lumine tuo videbimus lumen. Quale autem lumen? lumen immensum, lumen incorporeum, incorruptibile, incomprehensibile, lumen indeficiens, lumen inextinguibile, lumen inaccessibile, lumen increatum, lumen veridicum, lumen diuinum, quod illuminat oculos Angelorum, quod lætificat inuentum Sanctorum, quod est lumen luminum, & fons vite: quod es tu Domine Deus meus. Tu es quippè lumen, in cuius lumine videbimus lumen: te scilicet in te, in splendore vultus tui, quando te videbimus facie ad faciem. Quid est videre facie ad faciem, nisi quod ait Apostolus, cognoscere sicut & cognitus sum? cognoscere veritatem tuam, & gloriam tuam, hoc est cognoscere faciem tuam. Cognoscere Patris potentiam, Filij sapientiam, Spiritus Sancti elementiam, ipsius Summe Trinitatis unam, & indiuiduam essentiam. Eodem sensu locuti sunt Irenæus lib. 4. cap. 37. & Epiphanius hæresi 70. inferius citandi.*

Ex noui testamenti locis præclarissimum est illud Matthæi 5. *Beati mundo corde quoniam ipsi Deum videbunt*: & aliud cap. 18. *Angeli eorum semper vident faciem Patris mei, qui in calis est*. Vt enim Angelos videre Deum inde constet: sic de hominibus beatis idè est consequens tum paritate rationis, tum ex eo quod eiusdem Matth. 22. dicitur: *quod erunt sicut Angeli Dei in calo*. Videbunt igitur & ipsi faciem Dei.

Quod desideris verbis confirmat Apostolus 1. Corinth. 13. dum ait nos Deum

nunc videre per speculum, & in enigmate, tunc autem facie ad faciem; vbi, ut ait Augustinus lib. 22. de Ciuit. cap. 29. *Facies Dei manifestatio eius intelligenda est, non aliquod membrum, quale nos habemus in corpore, atque isto nomine nuncupamus: talem autem manifestationem, claram, & intuitiuam fore, seu videre faciem Dei, esse visionem eius sicuti est, ut idem asserit Augustinus epist. 112. c. 8. demonstrant verba illa quæ subsequuntur loco citato prioris ad Corinthios; Nunc cognosco ex parte, tunc autem cognoscam sicut & cognitus sum: illa enim de perfecta cognitione, & manifesta dici perspicuum est, cum ei sit opposita, quæ est adumbrata, & per ænigma, alienamque speciem obijcitur.*

Cui etiam mirificè consonat, imo rem totam euidentissimè declarat illud 1. Ioannis cap. 3. *Scimus quoniam cum apparuerit, similes ei erimus: quoniam videbimus eum sicuti est*: Nam quomodo cumque videbitur à nobis, & cognoscetur Deus in æterna beatitudine, nisi clarè, & manifestè illum intuebimur, hoc est eius naturam, & essentiam immediate; non cum videbimus sicuti est. Non enim est nisi in essentia, & per essentiam suam, quæ proinde si non videtur, sed aliquid tantum ab ea dimanans, aliter atque est videtur Deus.

Hæc sunt præcipua pro veritate Catholica sacre Scripturæ loca, seu testimonia, quæ propriè accipienda esse, & non ad metaphoram detorquenda, cum nullum inde sequatur absurdum, ut dicitur in solutione argumentorum, diuina insuper traditione constat, cuius irrefragabiles sunt testes vniuscuiusque sæculi Patres tum Græci, tum Latini: priorum dicta primùm audiamus.

Sanctus Ignatius in epist. ad Romanos, significans ideo se ex corpore migrare optasse, ut Deum videre posset, vtiur his verbis, *Sinite me puram lucem aspicere*, id est Deum ipsum, vel in se ipso, qui solus pura lux appellari potest; ideoque ibidem ait: *Miserabilis sum nunc, donec Deum merear adipisci*; quod dice-

dicere non potuisset, si per puram lucē intellexisset aliquam lucem extra Deū, productam à Deo, non autem ipsummet Deum sibi adipiscendum, qui cum sit lux per eſs entiam, meritò solus pura lux, ut & purus actus vocari debet.

Irenæus lib. 4. cap. 37. *Quoniam vivere sine vita impossibile est: subsistentia vitæ autem de Dei participatione euenit: participatio autem Dei est, videre Deum, & frui benignitate eius. Homines igitur videbunt Deum, & uiuent per visionem immortales facti, & pertingentes ad Deum.* Vbi de clara & intuitiua Dei cognitione loqui Irenæum, ex ijs quæ toto illo capite disserit, constare videtur. Nam paulò ante, nec non post citata verba, docet in hac quidem vita antiquos Prophetas, quos Deum vidisse Scriptura testatur, non ipsam Dei substantiam aspexisse, verum in altera diligentibus se diuina visibilem virtute reddendum fore: *Secundum magnitudinem quidem eius, inquit, & mirabilem gloriam, nemo videbit Deum, & uiuet. Incapabilis enim pater secundum autem dilectionem, & humanitatem, & quod omnia possit, etiam hoc concedit his, qui se diligunt, id est videre Deum, quod & prophetabant Prophetæ. Quoniam quæ impossibilia sunt apud homines, possibilia apud Deum. Homo etenim à se non videt Deum. Ille autem volens videtur ab hominibus, à quibus vult, & quando vult, & quemadmodum vult. Potens est enim in omnibus Deus.*

Et lib. 5. cap. 7. *Facies, inquit, nostra videbit faciem Dei vini, & gaudebit gaudio inenarrabili, videlicet cum suum videat gaudium.*

Clemens Alexandrinus lib. 5. Strom. cum Platonis sententia ex Epinomide, qua paucos homines felicitatis compotes ait fieri, conferens illud Exod. 33. *Nemo videbit faciem meam, & uiuet, habet hæc verba: Perspicuum est enim, nullum unquam visæ suæ tempore posse Deū perspicuè comprehendere; id est percipere vel attingere, sumpto verbo comprehendere larga quadam significatione nam si in stricta accipitur, neque in*

hac, neque in altera vita vili creaturæ competere potest Dei cōprehensio: postea subdit: *Qui autem sunt mundi corde, Deum videbunt, postquam extremam perfectionem attigerint; id est in futura vita claram, & perspicuam Dei perceptionem obtinebunt; eam enim ibi concedit futuram Dei comprehensionem, vel cognitionem, quā in præsentī mortalitatis statu negat haberi.*

Origenes lib. 7. contra Celsum columna circiter 15. illum mendacij reprehendens, quod diceret Christianos sperare Deum visuros oculis corporeis, & auribus vocem eius audituros, &c. ait: *Ad cognitionem Dei nullo habemus opus corpore, nam id quod Deum noscitur non est oculus corporis, sed mens videns, facta ad conditoris imaginem, & facultatem videndi Deum nata per diuinā prouidentiam: & id quod videt Deum, est cor mundum, &c. quapropter dicitur Beati mundo corde, quoniam ipsi Deum videbunt.* Deinde vna pagina inferius; itaque cum dicamus Dominum Deum nostrū esse mentem, aut quiddā etiam mente, omniq. substantia præstantius, simplicē, innisibile, incorporeum, non ab alio comprehensibilem fatemur, quam à mente facta ad ipsius imaginem: nunc quidem, ut verbis Paulinis utamur, per speculum, & enigma, tunc autem facie ad faciem. Quæ sanè Origenis verba clare sonant intuitiuam Dei cognitionem.

Basilii Magni orat. 20. de principatu, & potentia: *Facies, inquit, ad faciem, & perfectā cognitio incomprehensibilis maiestatis Dei in futuro sæculo dignis exhibenda promissa est; nunc verò siue Paulus quis sit, siue Petrus cernet ea verè quæ videt, nec errat, neque imaginatur; per speculum tamen, & veluti in enigmate cernit: & id, quod nunc ex parte assequitur, grato animo suscipit: perfectam autem cognitionem in futurū magno eius gaudio expectat.*

Gregorius Nazianzenus orat. 1. quæ est in laudem Gorgoniz fororis: *Egredem non dubito, quin ijs, quæ oculis cernuntur, multo præstantiora sint ea, quibus*

nunc

nunc frueris, nampe sonus epulantiæ, Angelorum chorea, celestis ordo, gloria contemplatio, supremæ Trinitatis purior, & perfectior illuminatio, non iam vincit mentem, ac per sensus diffusam suffugientis, sed totam se se toti mentis contemplandam, & tenendam præbentis. Quod absque immediata Dei cognitione fieri non posse satis patet ex ipsis terminis. Idem docet Orat. in laudem Basilij, in fine.

Gregorius Nyssenus orat. 6. de Beatitudinibus, nec non oratione funebri in Magnum Meletium: In adytis, ac penetralibus Sacerdos est, in interioribus velis, quo præcursor pro nobis ingressus est, Christus, reliquit carnis regumentum; non amplius signo, & umbra celestium seruit: sed in ipsam rerum imaginem intuetur: non amplius per speculum, atque per transennam, & enigma: sed ipse facie cum facie collata intercedis apud Deum.

Epiphanius hæresi 70. Deum quidē ait inuisibilem, & incomprehensibilem esse. Sed eundem rursus posse quicquid velis facere. Non enim quæquam voluntati eius obfistere. Natura igitur inuisibilis est, & eius comprehendere non potest gloria. Verum cum productus à se homini apparere voluerit, nihil eius voluntati refragatur, &c. Postea, Deum quidem videre, maxime humanæ naturæ impossibile est: neque quod visibile est id intueri potest quod est inuisibile. Sed inuisibilis Deus per philanthropiam, & potentiam suam, id quod imbecillum est corroborans, id ei dignatur concedere, ut quod est inuisibile videat. Porro cum inuisibile illud, & infinitum aspicis, non, ut in se est, infinitam illud videri: sed quantum eius, quod imbecillum est, natura capere potest, ita corroborata, ut ad potentis illius notitiam, pertingere possis. Quibus profecto verbis visionis Dei intuituæ natura clarius explicari non poterat, quam fides Catholica cuicumque creaturæ intellectus, secundum proprias vires spectatæ impossibilem tantum esse docet, secus autem attenta diuina potentia eam corroborat.

Biblioth. Theol. Tom. V.

borante: qua tamen adhuc fieri non potest, ut Deum, ut in se est infinitus, cognoscat, sic enim cum comprehenderet, sed finito dumtaxat modo iuxta mensuram virtutis acceptæ illum cognoscit, & intuetur. Quamobrem licet Epiphanius ibi de claro Dei intuitu sermonem habere non videatur, sed potius loqui de illa Dei visione, quæ Prophetis, & Patriarchis concessa legitur, quod minime cum alijs Scripturæ locis pugnare demonstrat, in quibus Deus videri non posse dicitur: eo quod natura quidem sua inuisibilis est: verum in potestate habet ut videatur: nihilominus aliter illius & mens habet, & oratio. Primum enim Prophetas perspicue diuinam vidisse substantiam existimat, ut & alij quidam veteres. Secundò de illa quoque Dei visione agit, qua Angeli vident faciem Patris, quæ est clara, & intuitiva Dei cognitio. Vnde hanc etiam in potestate esse Dei non minus, quam figuratam illam, adumbratamque putauit Epiphanius. Immo de illo potius, quàm de isto Dei conspectu locutum fuisse, non leuis coniectura est, quod ad summam Dei potentiam confugerit. Si quidem non amplissimæ potestatis est, sub imagine, ac figura videndi sui copiam, facere sed vulgaris facultatis: quam habent etiam Angeli, qui varijs formis apparere possunt.

Ioannes Chrysostomus serm. 3. in epist. ad Philipp. Peccatores ubi sunt? procul à Rege sunt; propterea lachrymis digni. Iusti autem siue hic, siue ibi cum Rege sunt, atque ibi quidem multò magis, ac propius, non quasi quodam interiecto vestibulo, non per fidem, sed faciem, inquit ad faciem. Item homilia 10. in epist. 2. ad Corinth. & epist. 5. ad Theodorum lapsus: Quid dicemus, inquit, quando rerum veritas aderit? quando regis cubiculis adaptatis contueri licebit ipsum Regem, non per enigma, nec per speculum, sed facie ad faciem; non amplius inquam per fidem, sed per speciem. Quod igitur Diuum Chrysostomum, obijciunt ali-

Yyy qui

qui de clero Dei intuitu, haud satis rectè existimasse, solueretur infra ostenditurque eius verba, nec non aliorum, nonnullorum Patrum, tum Græcorum, tum Latinorum, cum vero, & Catholico dogmate facile conciliari posse.

Cyrillus Alexandrinus lib. 11. in Ioannem. cap. 8. *Futurus est, inquit, ille dies, quando gloriam Dei aperte conspiciemus; & scientiam eius absolūtè habebimus: quando prophetia omnis euacuabitur, & omnis cessabit cognitio, ut ait Paulus, omnis ea scilicet, quæ nunc ex parte, & in specula videmus: euacuatur enim quod ex parte est, cum perfectio venerit. Et paulo post ait: Nam modo per exempla nonnunquam, atque similitudines, quasi per umbras, propter imbecillitatem mentis nostræ docemur: tunc autem non ita, sed nuda, ut ita dicam facie, ac mente nullo modo impedita natura Deitatis Patris pulchritudinem intelligemus.*

Ioannes Damascenus historiæ Barlaam cap. 40. *Cum ad hunc modum vixisset: & usque adeo dignam vocationem suam operam ei, à quo vocatus fuerat, reddidisset, mundumque sibi ipsi, ac seipsum mundo crucifixisset, ad Deum pacis in pace migrat, atque ad Dominum suum perpetua cupiditas cum tenerat, proficitur: vultusque Domini purè, ac sine ullius rei interpositu apparet, eaque iam ipsi preparata gloria corona exornatur.*

Gennadius Scholarius de Sanctorum fruitione sect. 3. *Age nunc officiosus adhibitis Ecclesiæ doctores orationem exordiamur, & quæ Sancti rectè super hac sententia protulerunt, in medium afferamus: ut siquid cognoscatis iustos omnes, quatenus anima sunt, esse in Dei gloria, Deumque in faciem videre, & huius visionis latari: nam nihil aliud est Sanctorum fruitio, quam Dei visio, primumque quod Sacris Apostolis Christus dixit, in medium prodeat: Vado parare vobis locum, ut vbi sum ego, & vos sitis, &c. Hactenus Patres Græci.*

His consonant Latini, Cyprianus in libro de Exhort. Mart. cap. vii. Hilarius

in commentarijs super Matth. cap. 4. Ambrosius in commentarijs ad Lucam, relatus ab August. epist. 11. xvi. Deum videri clarè, & ut est, hoc est naturam illius in æterna beatitudine sentire, non corporalibus oculis, sed *mando corde* quod ex Matth. cap. 5. probat: *Beati mundo corde: quoniam ipsi Deum videbunt*; siquæ ibidem asserere videtur Deum, quoque in seipso menti inuisibilem esse quia Deum nemo vidit unquam; satis explicat, de qua visione hic Scripturæ locus, & alia similia sint intelligenda; illis nimirum haud negari simpliciter Deum videri mente, id est clarè perspicui: sed ita videri, ut tota ipsa plenitudo diuinitatis comprehendatur: Ideo, inquit nemo vidit unquā, quia eam quæ in Deo habitat, plenitudinem diuinitatis nemo conspexit: nemo mentis, aut oculis comprehendit.

Idem docet Hieronymus in cōment. ad primum Isaie caput ab eodem Augustino citatus: Homo, inquit, Dei faciem videre non potest. Angeli autem etiā minimorum in Ecclesia semper vident faciem Dei. Et nunc in speculo videmus, & in enigmate: tunc autem facie ad faciem, quando de hominibus in Angelos profecerimus, & potuerimus cum Apostolo dicere: Nos autem omnes reuelata facie gloriam Dei speculari, in eandem imaginem transformamur à gloria in gloriā, quasi à Domini Spiritu. Licet faciem Domini iuxta naturam suam proprietatem nulla videat creatura: tamen tunc mente cernitur, quando inuisibilis creditur. Vbi Hieronymus per vltima verba non negat Angelis, ac cæteris hominibus beatis claram, & immediatam diuinæ naturæ perceptionem, ut obijciunt aliqui, sed post illam asertam tantum limitatiōē ait eam non esse comprehensivam, siue Deum plenè, atque ex toto videri non posse; neque cum infinitate illius adæquari posse intelligentiæ nostræ cognitionem.

At omnium clarissimè, & fulissimè eandem asseruit veritatem Augustinus

. pluriā

pluribus in locis, præcipua sunt, tractatu 21. in Ioannem, ubi formam Dei à Beatis visum iri luculenter affirmat: lib. 12. de Genesi ad litteram cap. 26. lib. 3. contra Maximinum cap. 9. item lib. 22. de Ciuit. Dei cap. 29. ubi videre Deum, sicuti est Angelos omnes ostendit, & sicut illi vident, inquit, ita & nos visuri sumus; sed nondum ita videmus; &c. Præmium itaq; fidei nobis visio ista seruatur. Tum deniq; epist. 111. in qua illud, quod scribit Apostolus 1. Timoth. cap. 1. Regi seculorum inuisibili, incorruptibili, sic enarrat: Incorruptibili quidem in sacula seculorum: inuisibili autem nō in sacula seculorum, sed tantum in hoc seculo. Verum quia nec ista testimonia falsa esse possunt, Beati mundo corde, quoniam Deum videbunt. Et scimus quia cum apparuerit similes ei erimus: quoniam videbimus eum sicuti est: negare non possumus filios Dei visuros Deum, sed sicut videntur inuisibilia, &c. unde autem inuisibilia videntur nisi oculis cordis? & in epistola 112. sæpè id ipsum confirmat; atque eius argumentum desumit cap. 3. ex piorum, Sanctorumque desiderio.

Prosper Aquitanus lib. 1. de vita contemplatiua cap. 4. Quod hic crediderant, inquit, ibi videbunt, sui Creatoris substantiam mundis cordibus contemplantes. Et cap. 13. Tam rerum omnium notitia, quam ipsa Dei substantia, plenè, & perfectè videbitur.

Gregorius Magnus lib. 18. Moral. cap. 28. Sciendum vero est quod fuere nonnulli, qui Deum dicerent etiam in illa regione beatitudinis in claritate quidem sua conspici, sed in natura minime videri. Quos nimirum minor inquisitionis subtilitas fefellit. Neque enim illi simplici, & incommutabili essentia aliud est claritas, & aliud natura: sed ipsa ei natura sua claritas, ipsa claritas natura est. Quia enim suis dilectoribus hæc Dei sapientia se quandoque ostenderet, ipse pollicetur dicens: Qui diligit me, diligetur à Patre meo: & ego diligam eum, & manifesta-

Bibliot. Theologic. Tom. V.

bo meipsum illi. Ac si patenter dicat: qui in vestra me cernitis, restat ut in mea me natura videatis. Tum varia subiungit Sactæ Scripturæ loca, quibus illa videndi perspicuitas significatur.

Hincmarus in vita S. Remigij: Nam ut taceamus de Apostolis, Martyribus, Confessoribus, & ceteris æstioris & perfectioris vite viris, qui mox corruptione carnis soluti Celos penetrant, & quem in sua carne cognouere mortalem, iam in natura diuinitatis Patri, & Spiritui Sancto videre possunt aequalem.

Bernardus sermone 4. in festum omnium Sanctorum: Tripliciter, inquit, in æterna illa, & perfectæ beatitudine fruemur Deo, videntes eum in omnibus creaturis: habentes eum in nobis ipsis: & quod his omnibus ineffabiliter incandius sit, atque beatius, ipsam quoque cognoscentes, in semetipsa Trinitatem, & gloriam illam sine ullo enigmate mundo cordis oculo contemplantes. In hoc enim erit vita æterna, & perfectæ, ut cognoscamus Patrem, & Filium cum Sancto Spiritu, & videamus Deum sicuti est: id est, non modo sicut inest, nobis videlicet, aut ceteris creaturis, sed sicut est in semetipso. Et sermone 1. de verbis Apostoli, Non est regnum Dei esca, & potus, ait Beatos nudis oculis diuinitatis intueri essentiam, nulla corporeorum phantasmatum imaginatione deceptos. Videri etiam potest sermo 31. in Cantica.

En quæ per Ecclesiæ Patres diuina ad nos peruenit traditio, veraque Scripturæ interpretatio, pro clara, & intuitiua Dei visione, qua mota Ecclesia hanc veritatem tanquam diuinitus reuelatam semper tradidit, fidelibusque credendam proposuit in suis definitionibus: Euaristus Papa in 1. sua epistola decretali docet, Dei substantiam à Beatis videri, ut est in se, adducto testimonio epistolæ diui Ioannis superius citatæ. Concilium Francofurdienſe, in epistola ad Episcopos Hispaniæ in fine: Prædicamus, inquit, Deum verum, ut ad eius beatissimam visionem perueni-

re mereamur. Benedictus Papa XI. in Extrauagantiæ lib. 2. cap. 7. & Vasquez 1. p. disput. 37. *Videbunt, inquit, diuinam essentiam, immediatè se benè, clarè, & aperitè illis ostendentem.* Tandem Concilium Florentinū in litteris vnionis ait: *Definimus illorum animas, qui post baptismum susceptum nullam omnino peccati maculam incurrerunt, illas etiam, quæ post contractam peccati maculam, vel in suis corporibus, vel ipsam eruta corporibus sunt purgatas, in Cælum mox recipi, & intueri clarè ipsam Deum, Trinum & Vnum sicut est, pro meritorum tamen dignitate, alium alio perfectius.*

Etsi autem non possit naturali ratione probari, claram, & intuitiuam Dei visionem esse possibilem; dicente Apostolo 1. Corinth. 2. *Quod oculus non vidit, nec auris audiuit, nec in cor hominis ascendit, quæ præparauit Deus ijs, qui diligunt illum: nobis autem reuelauit Deus per Spiritum suum.* Si quidem visio clara, & intuitiua Dei nostra est beatitudo, quam Deus nobis præparauit. Nihilominus supposita semel fide huius veritatis non desunt congruentiæ, rationesque probabiles illius persuasivæ, cuiusmodi est illa, qua vtitur Diuus Thomas 1. p. q. 12. art. 1. desumpta ex naturali appetitu hominis. Inest enim illi naturale desiderium cognoscendi causam cum intuetur effectum; vnde si non posset intellectus noster pertingere ad primam causam, remaneret inane desiderium naturæ: Talis est alia, quod Deus; vt potè summè bonus, debeat esse summè etiam sui communicatiuus in ordine intelligibili; nec non illa, quam adducit Scotus in 4. dist. 49. q. 8. Deum videlicet cōtineri sub obiecto adequato intellectus: vnde sicut intellectus potest intuitiue cognoscere alias res, poterit etiam ipsum Deum. Et cognitio intuitiua, est omnino perfectior, imo conuenit sensui respectu obiecti sensibilis; multo igitur magis debet competere intel-

lectui respectu obiecti summè intelligibilis.

Præfatas verò rationes non esse demonstratiuas, sed meras congruentias satis patet, quia ad primam, & secundam facile responderi potest, appetitum naturalem hominis non tendere, vltra id quod possibile est, nec diuinam quoque communicationem: quare adhuc remanet probandum claram, & intuitiuam Dei visionem esse possibilem. Ad tertiam pariter dicitur, verè quidem Deum cognosci posse ab intellectu creato: sed non per hoc probatur, posse cognosci intuitiue ab illo, sicut cognoscuntur aliæ res, & sicut sensus intuitiue percipit suum obiectum. Imò si hæ rationes efficaces essent, probare viderentur Deum posse ab intellectu creato naturali virtute videri, nec non etiam comprehensionem Dei esse illi possibilem; quæ falsa esse supponimus.

Attamen assumpta vna propositione naturali lumine nota, & altera de fide posset in hunc modum efformari demonstratio Theologica: Possibilis est beatitudo creaturæ intellectualis; sed clara, & intuitiua Dei visio, est beatitudo creaturæ intellectualis; illi igitur possibilis est clara, & intuitiua Dei visio. Vel aliter; Beatitudo creaturæ intellectualis in altissima eius operatione consistit: sed altissima eius operatio est clara visio Dei per essentiam: ergo possibilis est illi huiusmodi visio; quibus in argumentis, & similibus, cum maiores propositiones sint lumine naturali notæ, minores autem diuinitus reuelatæ, manifestè constat ea esse demonstrationes Theologicas. Quidquid sit enim de illa difficultate inter Catholicos an scilicet beatitudo essentialis creaturæ intellectualis consistat causaliter in actu intellectus, & formaliter in actu voluntatis; an verò formaliter in actu intellectus, & completiue consequenter in actu voluntatis, aut quid simile; omnes tamen Docto-

res Catholici fatentur, requiri necessario ad beatitudinem visionem Dei, & aliquo tandem modo in illa consistere.

Ultimò tandem hæc possibilitas, nec non de illa intelligi debere propriè, præallata tum Scripturæ, tum Patrum testimonia probari potest negatiuè, quia nulla contra illam apparet repugnantia, aut in Scriptura, aut in ratione fundata; vnde sic arguo. Si quæ possibilitate claræ, & intuitiue visionis Dei adduximus Scripturæ, & Patrum loca, non propriè, sed metaphoricè essent intelligenda, de aliqua extra Deum claritate, vt contendunt aduersarij; vel esset quia talis visio repugnet eiusdem Scripturæ, & Patrum auctoritati; vel quia manifestam aliquam in se inuolueret contradictionem; Sed veritas Catholica à nobis asserta de clara, & intuitiua Dei visione in æterna beatitudine, nec diuinæ Scripturæ, nec Patribus repugnat, nullamque implicat contradictionem; Non igitur pro ea à nobis allata tam ex Scripturæ, quam ex Patribus testimonia ad metaphoram detorquenda sunt, sed in sensu proprio accipienda. Maior huius argumenti est certa, fundata in communi Patrum regula, quod verba Scripturæ in sensu proprio semper sūt intelligenda, vbi nullum ex illo sequitur absurdum, qualia sunt allata. Minor autem ex argumentorum solutione constabit.

Primò enim aduersarij obieciunt nonnulla Scripturæ loca: Exodi 33. vbi Moyfi desideranti diuinum conspectum respondet Dominus: *Videbis posteriora mea, faciem autem meam videre non poteris.* 1. ad Timoth. 6. dicitur de Deo, *qui lucem inhabitat inaccessibilem; quem nullus hominum vidit, sed nec videre potest.* 1. Petri cap. 1. *Spiritu Sancto misso de Cælo, in quem desiderant Angeli prospicere.* Si autem Angeli beati Deum, totamque Trinitatem in se viderent, non desiderarent prospicere

in Spiritum Sanctum, quia quod habetur non desideratur. 1. Ioann. 4. *Deum nemo vidit unquam;* verum cum his, aut alijs similibus Scripturæ locis minime pugnat veritas nostræ assertionis, sed illa adhuc salua, multipliciter intelligi possunt. Primo de visione in hac vita secundum legem Dei ordinariam, vt explicat Diuus Gregorius lib. 18. Moral. cap. 36. secundo de visione, comprehensua, id est, tam perfecta, quam est illa cognitio, qua Deus videt seipsum, vt communiter interpretantur Patres. Tertio ex solis viribus naturæ. Quarto de visione corporea, qua Deum nonnulli Gentiles existimauerunt esse visibilem, vt illis exprobat Athanasius in orat. contra idola, *irrationali, inquit, recordia vfi, rem visibilem Deum esse finxerunt;* item Antropomorphitæ hæretici, vt apparet ex Epiphamo hæc. 7. 70. Celsus quoque, vt notauimus supra ex Origene, qui aduersus eum octo scripsit libros, hunc eundem errorem per calumniam affinebat orthodoxis.

Primo itaque loco Exodi 33. prima solutio, vel interpretatio adaptari potest; si enim Moyfès claram, & intuitiuam Dei visionem impossibilem, esse credidisset, illam à Deo non postulasset; quod & ipse Deus confirmauit, dum illam præcisè non negauit, neque id absolute fieri non posse respondit, sed de huius vitæ tempore duntaxat ex cepit; vt diximus supra; vnde etiam Diuus Augustinus epist. 112. cap. 8. ex hoc Moyfis desiderio, & oratione id probat: *Ipse ergo, inquit, erat in ea specie, qua apparere voluerat, non autem ipse apparebat in natura propria, quam Moyfès videre cupiebat. Ea quippe promissuræ Sanctis in alia vita. Vnde quod responsum est Moyfi verum est, quia nemo potest faciem Dei videre, & viuere: id est, nemo potest eum in hac vita videre viuens, sicuti est.* Et in cap. 9. *Eo autem modo, quo videtur scienti est, non fortasse videtur à quibusdā Angelis: à nobis au-*

tem tunc ita videbitur, cum eis facti fuerimus æquales. Vbi à quibusdam Angelis non videri ait, quod vllum bonorum excipiat : sed vt malos excludat.

Secundò, ex 1. ad Timoth. loco competit secunda solutio, diciturque Deum lucem inhabitare inaccessibleem, quia incomprehensibilis; vel etiam iuxta tertiam solutionem, quia naturaliter inuisibilis est, viderique non potest ab homine, vt homo est, id est, nisi exuat conditionem humanam, & ex natura rei induat immortalitatem statumque perfectum, quem proprijs viribus habere non potest.

In tertio ex 1. Diui Petri desumpto loco non est sermo de proprio desiderio, cuius obiectum est bonum absens, sed tali phrasi, vel modo loquendi, vt alias sæpius in Scriptura, significatur magnum Angelorū gaudium, & quomodo absque vllò vnquam fastidio perfruuntur claro Spiritus Sancti conspectu. Immo Diuus Gregorius lib. 18. Moral. cap. 28. ne aliqui vanum in Angelis sit desiderium prospiciendi Deum, ab Apostolo quomodocumque significatum, inde probat eum ab illis clarè, & intuitiue videri. *Si enim hi videre desiderant, inquit Gregorius, & effectū sui desiderij minimè perfruantur; desiderium sine fructu anxietatem habet, anxietas penam. Beati verò Angeli ab omni pena anxietatis longe sunt, quia nunquam simul beatitudo, & pena conueniunt.*

Quartò denique loco 1. Ioann. 4. applicari possunt omnes supradictæ interpretationes, magis tamen genuina, est prima, sermonem videlicet in eo esse de solis hominibus in hac vita, ita vt sensus sit, Deum vt est in se à nemine illorum ab exordio mundi ad incarnationem vsque visum fuisse, saltem per modum permanentis, aut de lege ordinaria, nisi à Christo Domino etiam vt homine, cui debebatur ratio, ne vnionis hypostaticæ; non autem,

agit de Angelis, nec de hominibus post aduentum, & mortem Christi Domini, iam meritis eius beatis, æternaque foelicitate gaudentibus.

Secundò obijciunt aduersarij plura veterum Patrum testimonia, quibus videntur negare Deum posse videri, aut de facto videri à beatis sicuti est in se. Inter eos autem potissimum recensetur S. Ioannes Chrysostomus, propter & autoritatem illius, quæ summa, merito dicitur, & quod sæpius id ipsum cæteris, ac manifestius expressisse videatur, alijque deinceps Græci præsertim nominis eius loquendi modum secuti fuerint; sed vt insinuanimus supra, nequaquam admittendum est tam sanctos, ac doctos Patres fuisse in hoc errore, immo cum præcatis locis illi potius clarè aduersentur, intuitiuam, ac facialem Dei visionem locatis in Cælo concedentes, necessario interpretandi sunt aliquo ex præfatis quatuor modis, vbi interdum asserunt Deū videri non posse; vel primò, quod loquantur de oculis corporeis: vel secundò, quod Deus non possit videri in hac vita saltem de lege ordinaria, & per modum permanentis: tertio vt non, possit ita videri, quod comprehendatur, aut perfectè videatur, sicuti est in se, aut sicuti ipse se perfectissimè videt: quartò, quod non possit videri naturalibus viribus vilius intellectus creati.

His autem modis, licet vt plurimum loquantur dicti Patres, vbi possibilitatem visionis Dei negare videntur, vt ex eorum discursu, subiectaque materia, facile colligi potest, duobus tamen vltimis potissimum vtuntur; cum enim disputarent contra Anomæos hæreticos, eorumque sequaces, qui stultè dicebant Deum, vt est in se, viribus naturæ posse etiam comprehendi ab intellectu creato, & adequatè cognosci, nihil illis sine dubio cordi magis fuisset credendum est, quam aduersus dictos hæreticos argumentari, & ostendere

de re ex infinitate essentia diuina, & eius altitudine supra omnem intellectū creatum impossibilitatem visionis Dei talis, qualem illi ponebant; siue Deum, solis naturæ viribus non esse intuitiue cognoscibilem, quodque supernaturæ liter ad huiusmodi cognitionem beatæ mentes eleuarentur, non propterea, sequi illam esse comprehensiuam, vt inferre poterant aduersarij, eo enim, quod Deus est indiuisibilis Spiritus, & actus purè intelligibilis, difficile videtur, quod intuitiue, ac in sua substantia intimè cognoscatur, & tamen non comprehendatur, vt in solutionibus argumentorum dicitur.

Vbi igitur Chrysostomus in orat. 3. contra Anomæos de incomprehensibilitate, & alibi Deum eiusmodi esse dicit, quem nec inuestigare possunt Angeli, nec scrutari Archangeli, nec videre Seraphim, nec Cherubim percipere, nec videre Principatus, & Potestates, & Virtutes: uno verbo quem nulla creatura intueri potest; sed quem solus filius, ac Spiritus Sanctus cognoscant: visionem illam Dei intelligit, quæ est plena, & ex toto perfecta, illius cognitio: cuiusmodi & illa est, qua se Deus ipse cognoscit: & hæreticorum stolidissimi iuxta & arrogantissimi Anomæi sibi sumptierant: nihil vt eorum quæ Deus habet in substantia sua, vel virtute, & efficientia videntem effugiat, vt satis se explicat, dum mox præfatis verbis subiungit, *ab nulla re facta, & creata comprehendi posse*, id est, *acatalipton esse Deum* docet, & in commentarijs, ad Euangelium Ioannis, eiusque verba hæc 1. epist. 1. *Deum nemo vidit unquam; & illa Matth. 27. Nemo nouit Patrem nisi filius; tandem concludit; Quorsum istud? an omnes in ignorantia versamur? absit. Sed nimirum nemo nouit vt filius. Quemadmodum ergo multi illum viderunt, pro eo ac videnti capaces erant, eius verò essentiam nemo vidit illorum; sic multi Deum nouimus; huius autem essentiam nemo scit, hoc est quid tandem ea sit, præter illum solum qui*

*ab ipso genitus est. Nam cognitionem illi vocat accuratam contemplationem, & comprehensionem, ac tantam, quantum filij notitiam habet Pater. Quibus sane verbis, nihil ad intentum, clarius, dici potest. Quamobrem velut idem significantia, & synonymina Chrysostomus citata, 3. oratione contra Anomæos ista ponit, imperuestigabilem, inscrutabilem, inuisibilem, imperceptibilem, non aspectabilem; Epiphanius verò hæresi 70. Deum ait, & oration, id est, aspectabilem esse, & simul oration, id est, minime aspectabilem. Vt si quis, inquit, matre se ex edita specula, vidisse dicat, non mentietur, si quidem viderit. Sed neque mentietur, qui eum vidisse negauerit. Vidit, enim, & non vidit; quia totum, non vidit, ac secundum dimensiones omnes. Quod in Deo multo magis valere debet, ad cuius infinitatem, quia quantalibet nostra cognitio, etiam intuitiua, vtpotè infinitè distans ab illa, semper est imperfecta, parua, obscura, & debilis, sicut etiam si comparetur ad increatam Dei visionem, inde præfati Patres, & alij, vt magis directè se opponerent Anomæorum hæresi, plerumque locuti sunt de illa secundum limitationem, virtutemque finitam intellectus creati, etiam eleuati per lumen gloriæ; atque adeò tanquam de visione diminuta, quantumvis intuitiua. Verumtamen vt rem magis declararem ex trito illo in scholis effato Philosophorum, quod modus cognoscendi sequitur modum essendi, quemadmodum, quod apud aliquos Patres antiquos, Dionysium præsertim legatur, creatas res non esse; vel apud Isaiam cap. 40. v. 17. *Omnes gentes quasi non sint, sic sunt coram eo, & quasi nihilum, & inane reputatae sunt ei; nullus statim serio dici arbitrabitur ab Isaiâ, populos omnes nihil esse pœnitens, ac nullam existentiam, aut substantiam habere, & esse non ens. Sed nimirum tale dictum, & huius similia multa prudenter accipiet, vt non absolute, sed figurate**

ratè intelligat: videlicet si cum Deo illorum essentia, vis, potestas, scientia, ac reliqua, quæ sunt in eis, omnia componantur. Sic enim nihil sunt, quoniam infinito ab illo intervallo distant. Ita quoque licet cognitio illa; qua Deum utcumque noscimus, non solum in hac vita, de qua & Chrysostomus, & alij, qui sibi Anomæos impugnâdos suspèrant, magna ex parte locuti sunt, sed etiam qua fruuntur Angeli, ac beati homines, si cum illa conferatur, qua vel semetipsum videt Deus, vel totus ipse comprehenditur: hoc est omnia, quæ in eo sunt, & ab eo fieri possunt, perfectè capiuntur, neque clara dici cognitio debet, nec omninò visio. Vt hac ratione videri Deum ab creata intelligentia possit negari, negauerintque nonnulli Patres: quia sic videtur, quasi nullus videatur: hoc est nihil ipsa cognitio sit, tam vt res est aliqua, quam, vt certa res est, nempe cognitio. Nihilominus absolutè non est nulla, sed aliqua; & in illa quoque fœlicitate, pro modulo suo clara, atque distincta: vt visionis nomen obtineat: illique etiam tribuerint Patres.

Propterea quoque etiam D. Thomas 1. p. q. 12. art. 6. ad 1. in 4. dist. 49. quæst. 2. art. 1. ad 14. art. 4. ad 4. & q. 8. de verit. art. 1. ad 1. rectè aduertit, quod scilicet dici potest Deus à beatis videri aliquo modo, sicuti est in se, & aliquo modo non videri sicuti est in se: nam, si particula ista, *sicuti est in se*, teneat se ex parte obiecti, & referatur ad modum, quo Deus est in se, ita vt sensus sit, beati vident Deum ipsum, & modum ipsum, quo ipse est in se, vera est propositio, & huc vsque ita à nobis intentà, & probata; si verò teneat se ex parte visionis, ita vt significet adæquationem rei visæ ad visionem creatam, vt videant tantum, quantum visibilis est, vt sensus sit, vident beati Deum, *sicuti est in se*, id est quantum ipse visibilis est in se, vt talis sit modus visionis, qualis est modus obiecti, sic est fal-

sum; nam solus Deus hoc modo videt seipsum, sicuti est in se, at intellectus creatus videt illum suo modo, id est limitatè, & finitè; atque adeo non tantum non videt, quantum ille est in se; aut videt finitè infinitum, & limitatè illimitatum: sed etiam videt hunc infinitum defectum, & infinitam distantiam inter suam visionem, & diuinam essentiam: atque hoc modo interdum asserunt Patres Deum ab intellectu creato, etiam Angelico, non videri sicuti est in se.

Quod si aliquibus Patrum minoris momenti dictis nulla ex præfatis interpretationibus ita facilè adoptari posset, dicendum esset eos re nondum definita, minus cautè locutos fuisse, vel dicto errori fauissè; sicut etiam notandum est nonnulla illis opera supposita fuisse, in quibus contineri videtur; talis est homilia de Sanctissima Deipara, necnon dialogi de Sancta Trinitate, quæ Athanasij nomen præferunt, cuius tamen illa non esse certò constat.

Porro quamuis quæ in Cantico Dominicæ Natiuitatis, & in alijs precibus ac lectionibus Armena canit Ecclesia, dicens: *Qui caelestibus Choris incognoscibilis es, hodie occultum mysterium manifestasti terrestribus: benedictus Dominus Deus Patrum nostrorum, qui cum es es perspicacissimis illis Cherubin inuisibilis sub nostra forma è Sancta Virgine prodixisti*. Et iterum: *Qui in throno gloria à superis non videtur, hodie de Sancta Virgine carnem sumpsit*. Et rursus: *Ob Angelicum nuncium abeuntes; viderunt parvulum factum, quem Seraphim videre non possunt*; etsi, inquam, hæc, & similia de visione comprehensua intelligi possent, forsitanque tali mente ab Armena proferantur Ecclesia; quia tamen simpliciter sic prolata & scandalum, alijs præbent Ecclesijs, & locum arguendi illam erroris, veluti confirmando, quod aliqui Armenij peruersè docuerunt, hæreticum dogma de impossibilitate claræ, & intuitivæ visionis Dei fatius

fatius esset illa corrigere, quod apte fieret, si vbi dicitur *incognoscibilis*, & *inuisibilis*, dicatur *incomprehensibilis*, aut *imperuelligibilis*; & vbi, *non videtur*, & *videre non possunt*, dicatur, *non comprehenditur*, & *comprehendere non possunt*.

Tertiò tandem, & vltimo aduersarii nonnullas proferunt implicantias, quibus veritatis Catholicæ impossibilitatem ostendere conantur. *Prima* defumitur ex summa distantia, qua Deus, vt est in se, clare visibilis, magis distat ab intellectu creato, quam Angelus ab oculo corporeo: sed propter hanc distantiam oculus corporis nequaquam pertingere potest ad videndam substantiam Angeli, vt est in se: multò ergo minus poterit videri Deus ab intellectu creato. *Secunda*, quæ ferè in idem recidit, fundatur in insufficientia intellectus creati, qui vt naturaliter, seu viribus naturæ nequit videre Deum, vt est in se, quia Deus ita consideratus est prorsus extra obiectum adæquatū, naturale potentia intellecti creatæ, ita nec supernaturaliter, & vt eleuatus id posse videtur: talis siquidem eleuatio non facit, quod Deus, vt est in se, contineatur intra obiectum adæquatū illius. *Tertia* tandem implicancia est, quod admissa semel intuitiua Dei visione, necessario sequi videtur ex illa cognitio eiusdem comprehensiuæ. Illud enim comprehenditur, quod ita totum videtur, vt nihil eius lateat videntem, sed si Deus per essentiam videtur, totus videtur, & nihil eius latet videntem, cum Deus sit simplex: ergo à quocumque videtur per essentiam, comprehenditur. Si dicatur, quod videtur totus, & non totaliter. Contra: totaliter vel dicit modum videntis, vel modum rei visæ; sed ille qui videt Deum per essentiam, videt eum totaliter, si significetur modus rei visæ, quia videt eum sicuti est, vt supponitur. Similiter videt eum totaliter, si significetur modus videntis, quia tota virtute sua intellectus Dei essentiam videbit; quili-

bet igitur videns Deum per essentiam totaliter, etiam eum comprehendit. Verum hæc, & similes implicantiæ non obstant veritati nostræ assertionis, vt patebit ex earum solutionibus.

Ad primam enim respondetur primo, non solum per illam tolli claram, & intuitiuam, verum adhuc omnem cognitionem ex intellectu creato respectu Dei, cum ab illo semper infinite distet. Secundo respondetur ad hominem sequi ex hac implicancia, quod nec etiam videretur Claritas Dei, quæ dicunt aduersarii esse obiectum visionis beatificæ, cum inter claritatē Dei, & intellectum creatum sit distantia quoque infinita, & sic nulla proportio, talis namque claritas Dei est ipsamet natura Dei, vt diximus supra ex Diuo Gregorio, constatque ex ipsa scriptura, vbi Deus dicitur lux in recto, 1. Ioann. cap. 1. *Deus lux est*: Igitur si hac non obstante infinita distantia, possunt beati iuxta aduersariorum sententiam intueri lucem, seu claritatem diuinæ essentia, intueri etiam possunt essentiam ipsam diuinam. Si dicant huiusmodi claritatem esse quid à Deo realiter distinctum, increatum tamen, hoc non solum repugnat infinitæ simplicitati Dei omnem compositionem reale excludentis, quaque proinde Deus dicitur actus purus, & quicquid est in Deo, est substantialiter ipse Deus; verum etiam gratis admissum non soluit nostram instantiam ad hominem, quandoquidem cum tali distinctione adhuc esset claritas infinita, æterna, immensa, &c. vt pote claritas æternæ, immensæ, & infinitæ essentia. Si dicatur esse quid finitum, ac proinde creatum, adhuc non satisfacit, negari enim non potest saltem esse proprietatem naturæ increatæ, intellectum verò proprietatem naturæ creatæ, arque adeo inter ipsa semper infinitam esse distantiam. Eadem enim proportio, quæ concipitur esse inter naturas, concipi etiam debet inter proprietates illarum; quia

tantum proportionaliter crescit in perfectione proprietas, quantum crescit natura, cuius est illa proprietas. Igitur quomodocumque sit, inter claritatem Dei, & intellectum creatum nulla quoque erit proportio secundum commensurationem perfectionis, atque adeo nec illa posset ad hoc videri, contra id quod ab aduersariis asseritur. Præterquam talis responsio, ad quam tamen ultimo confugere debent, innuenerunt inuoluit absurda. Nam talis claritas finita, & creata vel esset substantia, vel accidens, repugnat autem reperiri in Deo substantiam aliquam finitam, & creatam, multoque magis accidens, cum quicquid est in Deo sit Deus: insuper talis claritas vel esset ab æterno in Deo, vel in tempore producta, primum dici non potest, cum nihil præter Deum sit ab æterno: nec etiã secundum, quia inde realis aliqua mutatio esset admittenda in Deo. Beatitudo denique creaturæ intellectualis consisteret in aliquo creato, & finito, non autem in possessione ipsiusmet Dei summi, & infiniti boni, contra id, quod ubique Sacra testantur Scripturæ: ergo quam talia sunt illis dissentanea, tam absurda est implicantia allata, ex qua sequuntur; quodque præfata claritas assignetur ab aduersariis pro obiecto visionis beatificæ, in eoque beatitudinem æternam creaturæ intellectualis collocandam esse doceant.

Tertiò tandem respondetur absolute, & adæquatè ad argumentum, distinguendo maiorem, magis distat Deus ab intellectu creato, quam Angelus ab oculo corporeo, distantia perfectionis, & proportionem veluti quantitatiuam, concedo; nam Deus distat per infinitum simpliciter excessum ab intellectu creato, Angelus autem non distat ab oculo per infinitum simpliciter excessum, sed finitum simpliciter, & infinitum secundum quid, seu negatiuè; magis distat in ratione, & proportionem, seu habitudine obiecti ad potentiam, nego. Nam Angelus est

omnino extra obiectum adæquatum potentia visuæ, cum non sit color, aut lumen corporeum; & consequenter ita distat ab oculo in ratione potentia cognoscentis, ut nullam habitudine obiecti dicat ad illum, ut ad potentiam. At verò Deus non ita distat ab intellectu creato, qui est potentia vniuersalis, habens pro obiecto omne ens aliquo modo, inter quæ cum sit Deus, potest etiam habere aliquam comparabilitatem obiecti ad intellectum, ut ad potentiam cognoscentiam; unde naturaliter aliquo modo cognosci potest, licet imperfectè; perfectè autem, & sicuti est in se, si aliquo supernaturali eleuetur auxilio; cum ex alia parte, quantum est in se, sit maximè intelligibilis; cum tamen Angelus ex se non sit vllò modo visibilis visione corporea, cum non contineatur sub genere coloris, sicut continetur Deus sub genere entis, quod in tota sua latitudine est obiectum intellectus. Defectus autem prædicti argumenti constare potest à simili; si enim quis ita argueret; magis distat quantitas ab intellectu nostro, quam sapor à potentia visuæ, nam potentia visuæ, & sapor sunt in eodem prædicamento qualitatis, at verò intellectus, & quantitas sunt in diuersis prædicamentis, & intellectus est spiritualis, quantitas vero materialis) sed potentia visuæ non potest percipere saporem, ut certum est, ergo neque intellectus percipere quantitatem: falsa est conclusio, & assignanda prædicta disparitas, & distinctio, quam docent communiter Theologi ex Diuo Thoma 1. p. q. 12. art. 1. ad 4. in 4. dist. 49. q. 2. art. 1. ad 7. quod 1. 10. art. vlt. ad 1. & quæst. 8. de veritate art. 1. ad 6.

Igitur inter obiectum intelligibile, & potentiam intellectiuam non requiritur necessario proportio in ratione entis, seu perfectionis, alioqui nec posset potentia intellectiua creata, quæ est accidens, quidditatiuè cognoscere substantiam vllam. Et ratio est, quia
intel-

intellectus cum cognoscit obiectum non tendit ad illud intrinsecè efficiendo, sed tantum extrinsecè representando; ad quod sufficit proportio quædam ordinis, seu specificacionis, hoc est vt potentia cognoscitiua reperiat in ente cognoscibili rationem, sui obiecti formalis, à qua ipsa tantum, & non alia specificatur potentia. Vnde cum obiectum formale potentia intellectiua sit ens sub ratione veri, quæ maximè reperitur in Deo, non est cur hæc potentia, quæ naturaliter Deum cognoscit abstractiue, non possit supernaturaliter eleuari ad illummet clarè, & intuitiue videndum, vt docent scripturæ. Et vt rem exemplo declaremus simile quid habetur in oculo vespertilionis, qui eo ipso quod habet quoddammodo pro suo obiecto lumen solis, licet nequeat solis naturæ, suæ viribus illum perfectè intueri, potest supernaturaliter, si nimirum qualitate aliqua supernaturali, à Deo confortareur. Sicut è contra, quia tamen, quamlibet alius oculus corporeus, non reperit in ente spiritali rationem sui obiecti formalis, scilicet colorati, aut laminosi corporei, non potest, non solum naturaliter sue mediata, siue immediatè videre spiritum, sed nec etiam eleuari supernaturaliter, aut per diuinam potentiam ad illum videndum.

Quamuis inter exemplum vespertilionis allatum respectu luminis solis, & intellectum creatum respectu Dei sit hoc discrimen, vt tacitè satisfiat obiectioni, quod lux corporea solis, quæ tantum potest supernaturaliter videri ab oculo vespertilionis, potest naturaliter videri ab oculo aquilæ, aut alio, si quis sit, perspicaciori: At verò Deus, vt est in se, nequit naturaliter ab aliquo intellectu creato videri, sed increato duntaxat. Ratio est, quia impropertio, quæ est causa, cur vnum obiectum non potest attingi naturaliter à potentia, à qua potest supernaturaliter, fundari potest, primò in excessu obiecti ad obiectum, seu rei ad

rem intra eundem ordinem, immo intra eandem speciem infimam excedentis, & excessu: Secundò in diuersitate ordinis vnius rei ad aliam intra eandem communem rationem cognoscibilis. Vnde cum impropertio, quam habet oculus vespertilionis ad magnus lumen solis, cum tamen sit proportio natus ad paruum lumen, sit primi generis, siue non oriatur ex eo, quod magnum lumen sit diuersi ordinis, aut speciei à paruo, sed solum quia sit perfectius intensiue intra eandem speciem, quam lumen paruum, & oculus vespertilionis imperfectus, at verò impropertio, quam habet Deus clarè visus ad intellectum creatum, sit secundi generis, siue non proueniat ex eo, quod Deus sit ens perfectius, quam ens creatum illi intellectui proportionatum, intra eandem speciem, aut ordinem, sed quia in genere entis cognoscibilis ab intellectu, est altioris ordinis quocumque obiecto creato, cum sit actus purissimus, inde fit, quod licet in exemplo adducto vespertilionis, aut alio quocumque simili, vbi causa impropertionis, propter quam aliquod obiectum non potest ab vna potentia attingi naturaliter, sed attingitur supernaturaliter, est excessus intra eandem speciem, aut ordinem, debeat concedi, quod potest supernaturaliter attingi ab aliqua potentia, posse etiam attingi naturaliter ab alia perfectiori eiusdem speciei, aut ordinis, vt diximus lucem corpoream solis, quæ potest supernaturaliter videri ab oculo vespertilionis, posse naturaliter videri ab oculo aquilæ, quia sicuti intra eandem speciem, & ordinem potest crescere obiectum, ita potest crescere potentia: Id tamen fieri nequit, vbi excessus est in alio ordine, vt est Deus clarè visus respectu intellectus creati; si quidem potentia, quæ naturaliter deberet ferri in tale obiectum, deberet esse in alio etiam ordine, vt sic proportionaretur naturaliter obiecto, quod quia repugnat quicunque intellectui

lectui creato; non propterea sequitur, quod si Deus ab intellectu supernaturaliter eleuato mediante lumine gloriæ videri possit in seipso, naturaliter etiam videri queat ab alio intellectu perfectiori eiusdem ordinis, & naturæ. Ideoque etiam operatio, quæ fit in hoc casu, est simpliciter supernaturalis; hoc est supra omnes naturæ vires, eiusque ordinem, at quæ fit in primo, est solum talis secundum quid, hoc est supra vires huius duntaxat determinatæ naturæ, & consequenter non tam supernaturalis, quam simpliciter naturalis dici debet.

Per quod pater quoque ad secundā implicantiam; & si enim Deus, ut in seclarè visibilis, sit extra obiectum adæquatum potentia intellecti creatæ naturaliter operantis: non tamen ipse omnino est extra obiectum naturale, talis potentia, cum aliquo modo sit ab illa cognoscibilis naturaliter, & continetur ut species analogà sub ente communissimè accepto, quod est obiectum potentia intellecti creatæ, ut diximus, indeque, supposita fide, collegimus non repugnare absolutè huiusmodi potentia videre Deum, siue, quod idem est, repugnare quidè quod hoc fiat naturaliter, non autem supernaturaliter. Quod enim ut tali modo cognoscibile, nempe intuitiue, sit extra obiectum naturale potentia intellecti creatæ naturalis; non oritur ex eo, quod ut sic sit extra latitudinem entis vniuersalissimè sumpti, atque adeo obiecti ipsius, sicut ex dictis est substantia, spiritalis respectu organi corporei oculi; sed quia intra latitudinem talis entis excedit proportionem intellectus creati sibi relicti, propter ordinis superioritatem ad quemcumque talem intellectum; quare si ad illam superiori auxilio supernaturali semel eleuetur, sit proximè aptus ad videndum, ille non adæquatè comprehendendum Deum: Nam ideo substantia spiritalis oculo corporeo attingi non potest, quia absolutè est extra rationem vni-

uersalissimam obiecti talis potentia, quæ est color, & lumen; non autem, quia intra illam vniuersalissimam rationem habeat aliquem excessum supra oculum. Vnde si substantia spiritalis esset colorata, quamuis intra latitudinem colorati excederet potentiam visiuam infinitè, ita ut naturaliter videri non posset, posset tamen videri supernaturaliter; dicereturque non obstante tali distantia infinita, seu improporzione in ratione entis quam Diuus Thomas vocat quantitatiuam, habere proportionem latitudinis, vel obiectiuam eum oculo corporeo, sicut diximus esse inter Deum, & intellectum creatum.

Neque hæc solutio, quæ vtitur Diuus Thomas, & post eum omnes ferè Theologi, est petitio principij, quatenus posset aliquis replicare, hoc ipsum esse quod queritur, an nimirum posita illa infinita improporzione in ratione entis, possit esse proportio habitudinis inter Deum, & intellectum creatum; & consequenter an Deus clarè visus possit esse obiectum potentia creatæ intellecti; præfata, inquam, solutio nullo pacto est petitio principij; non enim respondens petit principium, sed arguens, quando assumit id, quod esset inferendum: nos ergo asserimus posse dari hanc proportionem habitudinis obiecti ad potentiam, etiam inter res infinitè distantes in perfectione, quod dum affirmamus vti iure nostro, & esset ab aduersario impugnandum, neque verò id gratis affirmamus, sed probamus ex vniuersalitate potentia intellecti, cuius obiectum est aliquo modo omne ens, & ex infinitate diuine virtutis, cui intellectus eleuatus peculiari modo subordinatur. Vnde hæc facultas, & capacitas ad videndum Deum, fundatur quidem aliquo modo in ipsa natura intellectuali, saltem quo ad hoc, ut ei talis visio non repugnet, sed proximè, & immediatè habetur ab auxilio diuino, quod Theologi vocant lumen gloriæ, & per quod asserunt intellectum

tellectum creatum sufficienter proportionari ad claram, & intuitivam Dei visionem elicendam. Sicut rectè Divus Augustinus lib. de prædestin. Sanctorum cap. 5. in re non absimili dixit; *Possè habere fidem natura est hominum, habere autem gratia est fidelium*. Quæ potentia vocatur à Theologis obedientialis, estque propriè ipsa natura creaturæ cum non repugnantia ad formam v. g. intellectus ad lumen gloriæ in nostro casu: diciturque obedientialis, quatenus respicit formam supernaturalem, & indiget auxilio supernaturali; ad differentiam potentie naturalis, quæ respicit formam naturalem, nec indiget alio superiori auxilio in ratione potentie.

Ad tertiam implicantiam respondetur, minimè sequi, quod, si Beati videant Deum intuitivè, necessariò quoque illum cognoscant comprehensivè, quia huiusmodi cognitiones non connectuntur necessariò, aut ex natura rei, quasi omnis cognitio intuitiva simul esse debeat comprehensiva obiecti; nec etiam in Deo quantumvis clarè, & intuitivè cognito: & si enim huiusmodi cognitio dici possit infinita extrinsecè, quia attingit obiectum tale, & inde esse in superiori specie, & ordine ad omnes alias visiones cuiuslibet obiecti creati in infinitum perfectiores, non tamen est intrinsecè infinita, siue quod idem est, stante finitudine luminis gloriæ magis tantum, vel minus intensi pro diversitate meritum in beatis, reddit in Deum infinitum finito modo, non autem infinito, ut requiritur ad cognitionem comprehensivam illius, qua eo ipso, quod tantum cognosci debet, quantum est cognoscibilis, necessariò modus cognitionis debet etià adæquare modum cognoscibilitatis; atque adeò cum Deus infinitè, infinitaque claritate sit cognoscibilis, infinitè quoque, & infinita claritate cognosci debet, ut comprehendatur, non autem ut videatur.

Inter duos igitur extremos errores

Anomgorum, quos postea quidam hæretici in Germania dicti Beguardi, & Beguinæ secuti sunt, asserentium intellectum humanum per solas naturæ vires Deum clarè intueri, eo pacto quo potest, & solet alia obiecta, quæ intuitivè cognoscit, neque ad talem visionem Dei indigere superiori lumine, & auxilio eleuante intellectum; & illorū, quos in præsentī controversia refellendos suscepimus, uegantium huiusmodi visionis possibilitatem, etiam supernaturaliter, & cum diuino auxilio; inter hæc duo, inquam, extrema, in quibus omnes ferè hæretici, uti vitioli versantur, media stat firma, & inconcussa veritas Catholica, Deum in beatia; & immortalī vitā nedum ab intellectu creato Angelico, & humano supernaturaliter videri posse, sed etiam re ipsa conspici prout est in se immediatè, quo ad suam diuinam substantiam, non tamen comprehendendi, loquendo de comprehensione strictè sumpta. Quamuis autem, ut diximus supra, non possit solo lumine naturæ euidenter demonstrari possibilitas visionis beatificæ, qualis creditur à nobis per fidem, hoc est Deum clarè, & intuitivè sicuti est cognoscendo, sed illa supposita probabiles duntaxat rationes adduci, ad ostendendum hanc veritatem fidei, sicut & alias congruere etiam rationi naturali; præter rationem tamen naturalem, siue irrationabiliter aliquo modo ageret, qui illis non acquiesceret, ut satis probabilibus: fide enim aliquā veritatem docēte, præter rationem esse videtur, negare rationes probabiles illius persuasivas, quando in contrariū nihil obijcitur, quod rationes illas probabiles infringat, quodque euidenter negatiue solui non possit; ut scēt. i. huius 4. libri notauimus. De hac materia Theologi agunt cum Diuo Thoma 1. p. q. 12. art. 1.

CAPVT II.

*De processione Spiritus Sancti à Patre,
& Filio aduersus Græcos, Armenos, Georgianos, & Cophios.*

O Missis hereticis Eunomianis, qui Spiritus Sancti diuinitatem negantes, asserabant eum à solo filio procedere tanquam facturam ipsius, vt refert Basilius lib. 2. contrà Eunomium, versus finem, vbi etiam cum reprehendit inconsequenter desipere, quia nihil esse potest à filio factum, quod non sit factum à Patre, cum vnica sit, & indiuisa vtriusque operatio, si eadem est, quod non negabat, vtriusque natura, & diuinitas, vt Basilij argumentum supponere videtur. Eodem modo productionem Spiritus Sancti separasse à Patre, solique filio concessisse, nonnulli asserunt Doctores, corrigentes litteram, quam Scriptorum negligentia corrupta esse putat in epistola Iustiniani Episcopi Siciliæ ad Petrum Episcopum Antiochenum, quam dicunt haberi in quinta Synodo generali. Nam quod legitur: *Macedonius spirat à Patre solo Spiritum Sanctum*, corrigunt, vt legendum sit, *separat*.

Nonnullis etiam omisissis Semiariianis, qui credentes solum Patrem esse summum, & maximum Deum, atque adeo maioris virtutis, ac potentie quam Filium, consequenter affirmabant, ad eum nullatenus spectare Spiritum Sanctum producere, vt potè qui impari virtute, & inæquali prædictus esset. His annumerant Macedonium, qui incorruptum præfatæ epistolæ locum volunt, vt legendum sit, *spirat*, non autem, *separat*. Istis inquam, & similibus hæreticis, qui aut Filij, aut Spiritus Sancti diuinitatem negauerunt, in præsentī controuersia cum illis dumtaxat agimus, qui concedentes Spiritum Sanctum esse Deum, & à Patre procedere, negant procedere simul

à Filio, etiamsi realiter personaliter distinguatur ab illo.

Huius autem erroris quisnam fuerit primus author inter Græcos (quorum proprius dicitur, non quia omnes prorsus in eo fuerint, sed quia ibi primum ortus, grassatusque vix Latium, aliasque occidentis partes attigit) licet plenè exploratum non habeatur, communiter tamen doctores cum Diuo Thoma 1. p. q. 36. art. 2. arbitrantur fuisse Nestorium, aut aliquem ex eius sequacibus; colligiturque ex quodam eorum Symbolo, seu confessione fidei, quæ extat in actis Concilij Ephesini, vbi admissio Spiritum Sanctum ex Deo procedere mox subiungunt: *Filium tamen non nominamus; neque per filium substantiam suam sortitum esse dicimus: siue vt alij legunt, substantiam, vel essentiam.* Iosephus verò Episcopus Methonenis in responsione ad libellum Ephesi posita post Concilium Florentinum expressè ait, auctorem istius erroris fuisse Nestorium; *Ex solo Patre, inquit, nemo dixit Sanctorum, vnus id affirmauit Nestorius hæreticus.*

Theodoretus Cyrorum Episcopus, qui floruit circa annum Domini 430. cum initio controuersie Nestorio faueret contra Cyrillum Alexandrinum, inter alia libellum scripsit aduersus anathematismos eiusdem Cyrilli, vbi in responsione ad 9. in fine hæc habet: *Proprrium Spiritum Filij, si quidem eiusdem natura, & à Patre procedentem, dixit Cyrillus, simul & nos confitemur. Si verò tanquam ex Filio, vel per Filium suam habere essentiam dicit Cyrillus, vt blasphemiam hanc, & sicut impiam abijcimus.* Eum tamen postea resipuisse, & tam ab hac sententia, quam ab ea, quæ propria erat Nestorii, de duabus in Christo personis recessisse; patet ex hoc, quod illum inter hæreticos numerauit lib. 4. de fabulis, heret. & in Concilio Chalcedonensi admissus inter Catholicos fuerit, ibique ad 8. sanctis, & honorificis acclamationibus præfatus appellatus, Catholicus, & orthodoxus Ecclesie.

elefæ Paftor, & Doçtor. Vndè re ita fe habente, præfatus error, tunc extrinfeus fuiſſe videtur.

Inter eiufdem erroris ſequaces reponitur quoque à nonnullis S. Ioannes Damafcenus, qui vixit circa annum Domini 731. quod lib. 1. de fide orthodox. cap. 11. propè finem hæc habeat verba: *Spiritum per Filium eſſe dicimus, ſed ex Filio Spiritum Sanctum non dicimus.* Verùm hic loquendi modus, quo vitur Damafcenus, & alii interdum Patres, non ſolum nõ fauet huic errori, ſed potius, ſi ſumatur rigorosè, videtur ſignificare, Spiritum Sanctum proximè à ſolo Filio produci, & remotè referri ad Patrem tanquam ad primum principium, à quo Filius ipſe proceſſit, virtutemque ſpirandi accepit: Vt enim argumentatur Diuus Thomas 1. p. q. 36. art. 3. qui procedit ab aliquo per aliquem, non procedit ab illo immediatè. Dicendũ igitur eſt Damafcenum minimè laboraſſe Græcorum errore circa Spiritus Sancti proceſſionem à ſolo Patre, vel à ſolo Filio proximè, à Patre autem remotè; ſed, vt placet Beſſarioni orat. 9. cap. 6. in fine Concilii Florentini, Genadio, & aliis, tantum in modo loquendi, non autem in re diſſentit à Catholicis, putans eſſe tutius dicere *per Filium*, quam *ex Filio*, de quo redibit ſermo infra.

Circa idem tempus, hoc eſt anno Chriſto 767. hunc, qui ſi non totaliter extinçtus, magna tamen ex parte ſopitus fuerat, errorem iterum pullulaſſe colligitur ex Aimonio lib. 4. de geſtis Francorum cap. 67. nec non Adonè Vienneníi, Siegerto, & aliis in Chronicis, qui referunt tunc celebratam fuiſſe Synodum in Gallia in villa, Gentiliaco dicta, annuente Pipino Rege, vbi diſceptatum eſt de cultu Sanctarum imaginum, & de quadam alia quæſtione, de Sactiſſima Trinitate inter Græcos, & Latinos; quam author compendii Adonis, docet fuiſſe de proceſſione Spiritus Sancti, num videlicet dici poſſet, ipſum à Patre, Filioque procedere. Vi-

deant igitur Græci dum Latinos impugnant, à quibus eiufmodi quæſtio primum fuerit mota, & agitata, nempe à Neſtorianis, deindè renouata ab impiis Iconoclaſtiſ; quodque cauſam agant Conſtantini Copronymi, qui ipſorum, etiam ſententia, omni ex parte fuit impius, & ſcleratiſſimus Hagiomachus.

Eandem rursus quæſtionem excitatam fuiſſe Hieroſolymis à quodam Ioanne Monacho ſub annum 808. teſtatur idem qui ſupra Aimoinus lib. 4. cap. 95. cuius occaſione miſſis prius Romam Legatis ad Leonem Papam, Ill. coactum fuit Concilium Aquilgranenſe à Carolo Magno Imperatore. Verùm Cardinalis Baronius aduertit in eo non dubitatum, vel tractatum fuiſſe, nõ Spiritus Sanctus à Patre, Filioque procederet, ſed quod tum apud Gallos, tum apud Hiſpanos additæ fuerunt ſymbolo quatuor illæ ſyllabæ, *Filioque*: num id benè factum eſſet, vt & ita auctum Symbolum in Eccleſia caneretur, vt fuſius infra explicabitur.

Omnium primus Photius Patriarcha Conſtantinopolitanus, Synodo in Græcia celebrata circa annum Domini 860. editoque libro defendit, Spiritum Sanctum à ſolo Patre, non à Filio procedere, teſte Hugone Aetheriano lib. 2. de hæreſibus cap. 15. Et quamvis nonnulli conentur ab hoc errore liberare Theophilaçtum, & Eutymium, qui vixerunt tempore Nicolai I. quadraginta circiter poſt Photium annis; aliorum, tamen iudicio redditur primus, de illo vehementer ſuſpectus, primò quod modum loquendi Latinorum acriter notat ſecundò, quod Ioannis cap. 3. verſus finem, reprehendiſ Latinis, docentibus Spiritum Sanctum etiam procedere à Filio, dicat: *Ceterum eſſe ex Filio Spiritum Sanctum nulla ſcriptura teſtatur, ut ne duo principia introducamus Patrem, & Filium.* Tertiò quia Ioannes Diaconus Theophilaçti contemporaneus narrat lib. 4. vitæ S. Gregorii cap. 75. tunc à translatis eius in linguam Græcam dialogis abraſam fuiſſe eam particulam *Filio-*

Filioque; cum enim Theophilactus inter Græcos vir primariæ esset auctoritatis, non levis coniectura est, id nonnisi eo ita sentiente contigisse.

Postremò tandem eo res deuenit, vt tempore Constantini Monomachi Imperatoris, & Michaelis Patriarchæ Constantinopolitani, sub Leone IX. Græci aperto schismate defecerint ab Ecclesia Latina circa annum 1054. audente prefato Michaelē proclamare Romanū Pontificem cum suis excommunicatum esse, eo quod in Symbolo addidissent illud *Filioque* procedit, vt colligitur ex epistola Leonis ad vtrumque, nec non Anselmi de processione Spiritus Sancti, narratque Siebertus in Chronico ad dictum annum. Et quamvis in citatis Leonis epistolis, nulla fiat mentio expressa erroris de processione Spiritus Sancti à solo Patre exclusio Filio, nec de excommunicatione, ob doctrinam de processione ab vtroque, lata à Michaelē in Leonem, qui solum meminit excommunicationis propter vsum azy-morum: constat nihilominus ex appendice ad epistolas Leonis, quæ post eas habetur tomo 3. Concil. part. vlt. de gestis Constantinopoli ab Apocrisariis Leonis, excommunicatum fuisse Michaelē à Nicetâ dicto Pætorato tum ob alias hæreses, tum ob hanc etiam, quod negabat Spiritum Sanctū ab vtroque procedere, particulamque à *Filio* expunxerat à Symbolo Constantinopolim misso à Leone, qui illam ei inseruerat, vti pater ex epistola data ad Petrum Episcopum, quæ est quinta. Durauit autem hoc schisma vsque ad Eugenium IV. cuius de causa Concilium Florentinum ab eo celebratum est anno 1439. Vbi licet Græci conuicti argumētis cesserint, postmodum tamen ad vomitum reuersi sunt, huncque errorē, inter alios, de processione à solo Patre exclusio Filio, maior pars eorum vsque in hodiernum diem pertinaciter retinet, illi consentientibus Georgianis, Cophtis, & Armenis.

At contra hos omnes stat authoritas

Ecclesiæ Romano-Catholicæ, quam solam esse veram Christi Ecclesiam, gaudereque consequenter supponimus priuilegio infallibilitatis in rebus fidei, quæ semper oppositum credidit, videlicet Spiritum Sanctum proximè, & immediatè à Patre, & Filio procedere, fidelibusque credendum proposuit, tanquam diuinitus reuelatum.

Prima huius veritatis definitio, vel explicatio, tribuitur Concilio Alexandrino in epistola, quam cum Cyrillo scripsit ad Nestorium, quem supra vidimus primò oppositum docuisse errorem, vbi paulò ante anathematismos hæc habentur verba: *Spiritus veritatis nominatur, Christus autem veritas est, sed & perinde quoque ab illo, atque à Deo Patre procedit*. Quamvis enim aliqui interpretes verterint, *emittitur*, alij verò *effunditur*: Peltanus tamen transtulit, *procedit*: quemadmodum in antiqua Conciliorum compilatione habebatur; ceterum etiam si legendum esset, *emittitur*, vel *effunditur*, nihil interesset, talia enim verba de Spiritu Sancto dicta, significare eius processionem inferius ostendemus. Hæc autem epistola, quia nedum fuit Concilii Alexandrini, sed insuper à multis aliis Concilijs Generalibus autoritate Sedis Apostolicæ confirmatis approbata reperitur, Ephesino, quod est Generale III. cap. 14. alijs 16. 2. p. tom. 1. Chalcedonenſi, quod est Generale IV. act. 5. Constantinopolitano II. quod est Generale V. act. 6. alijs collat. 8 & iterum can. 13. vbi anathematizantur defendentes ea, quæ Theodoretus scripsit contra duodecim capitula Cyrilli, videlicet, quæ in eadem epistola continentur: Constantinopolitano III. quod est Generale VI. act. 17. Nicæno II. quod est Generale VII. act. 7. siue 8. Prefata, inquam, epistola à tot Concilijs Generalibus approbata, non potest non haberi pro definitione fidei Catholicæ. Et licet Ephesinum, Chalcedonenſe, Constantinopolitanum III. Nicenum II. eius exemplar non referant, illud tamen refert, & approbat Constantinopolitanū.

II. Ni-

II. Nicænum autem II. dicta ad. 7. quæ est vltima, referens, & approbans Symbolum Nicænum conscriptum in primo Generali Concilio, addit: *Quæ ex Patre Filioque*, vel vt alii legunt, *per Filium procedit*. Cum tamen illud Concilium maxima ex parte fuerit Græcorum Patrum.

Nec refert, quod Græci recentiores in Concilio Florentino sess. 6. & 7. dicebant in suis codicibus non ita haberi: cū Andreas Theologus Ecclesiæ Latine ibidem testificatus sit, se habuisse codicem veruissimum manuscriptum, vbi ita legebatur, nullumque erat corruptionis vestigium. Parum quoque interest, quod asserunt aliqui, in Græcis exemplaribus dicti Concilii Generalis VII. legendum esse, *procedit ex Patre per Filium*; hunc enim modum loquendi, quo frequentius utebantur Patres Græci, idē prorsus valere, quod apud Latinos à *Patre, & Filio*, demonstrabimus infra.

Hæc eadem veritas inter Latinos primum à Leone Magno videtur definita, tum à Concilio Toletano II. eiusdem autoritate congregato recepta; cum enim in epist. 93. ab eo ad Patres eius scripta, in qua damnantur Priscillianistarum errores, hæc cap. 1. verba ponantur: *Primo itaque capitulo demonstratur, quam impiè sentiant de Trinitate divina, qui & Patris, & Filij, & Spiritus Sancti vnā, atque eandem asserunt esse personam, tanquam idem Deus nunc Pater, nunc Filius, nunc Spiritus Sanctus nominetur; nec alius sit qui genuit, alius qui genitus est, alius qui de vtroque processit*, &c. tanti ponderis fuerunt æstimata, vt ea mox, tanquam sacrum diuinitus allatum oraculum receperint, superaddiderintque fidei symbolo de Spiritu Sancto, à *Patre, Filioque procedit*.

Idem præstitit Toletanū III. sub Pelagio II. anno Domini 589. præside eius nomine, S. Leandro Episcopo Hispalensi; vbi Patres in fidei confessione cap. 2. dixerunt *Spiritum Sanctum ex Patre, & Filio procedere*; & iterum in alia fusiori confessione fidei, quæ incipit,

Biblioth. Theol. Tom. V.

Præcipiente, Can. 3. anathematizatur; *Quicumque Spiritum Sanctum non credit à Patre, & Filio procedere*. Toletanum IV. sub Honorio anno 633. cap. 1. VI. sub eodem, anno 636. cap. 1. VIII. sub Martino I. anno 653. XI. sub Adeodato, anno 675. in confess. fidei. Quæ omnia Concilia celebrata fuere antea sextam Synodum Generalem contra Monothelitas.

Eadem veritas in Concilio Anglicano anno Domini 679. confirmata est, sub præsidio Theodori Dornernensis Episcopi, hic enim Sanctus nationis Græcus, meritis insignis, Sanctis quibuslibet veteribus comparandus, atque doctrina clarissimus, in fidei professione ibi edita, æque cum vniuersa Ecclesia Catholica asseri voluit *Spiritum Sanctum à Patre, Filioque procedere*; sicut non à Latinis tantum, sed & à Sanctis Orientalibus doctoribus affirmari certò sciebat.

Sequenti anno 680. Agatho Papa celebrauit Romæ Synodum 125. Episcoporum; in quarum epistola Synodali ad Constantinum Imperatorem, & ad fratres de fide Catholica contra Monothelitas, quæ habetur in sexta Synodo Generali act. 4. eodem anno Constantinopoli celebrata, expressè sancitum, fuit Spiritum Sanctum ab vtroque procedere: *Credimus*, inquit, *& in Spiritum Sanctum Dominum, & viuificantem ex Patre, Filioque procedentem*. Quæ tamen locum postea corruptum fuisse, abrasa particula, *Filioque*, conuestus est Iulianus Cardinalis in ea disputatione, quam habuit cōtra Græcos in Concilio Florentino; idque ipsum longè antea ab Emmanuele Caleca Græco auctore detectum fuerat.

In Concilijs Foroliuensi anno 791. Francofordienfi anno 794. Adriano I. Pontifice, & Carolo Magno Imperatore, nec non Aquilgranensi autoritate Leonis III. congregato, anno Domini 809. misit in hunc finem ad eum Legatis ab eodem Carolo Magno, item Arelatenfi sub iisdem anno 813. definiti-

ta quoque habetur processio Spiritus Sancti à Filio; tractatumque fuit in Aquigranensi vtrum ad maiorem huius veritatis explicationem posset addi Nicæno Symbolo, siue dixerimus Constantinopolitano, particula *Filioque*, provt Franci illud cum tali additamento canebant. De quo vide Baronium ad præfatum annum. In Concilio etiam Vvormatiensi anno Domini 868. Adriano II. Pontifice, & Ludouico item II. Imperatore præclara eiusdem veritatis confessio reperitur.

Postea anno 1097. in Apulia celebratum est sub Vrbano II. Concilium. Barense pro Græcis cum Romana Ecclesia conciliandis; vbi Sanctus Anselmus euidentissimis argumentis eos cōuicit, Spiritum Sanctum à Filio etiam procedere. Cuius concilii meminit ipse lib. de processione Spiritus Sancti c. 4. rem verò totam fusius narrat, vt testis oculatus author vitæ Anselmi lib. 2. Concilii enim acta non extant.

Cum circa annū Domini 1215. Græci cum Latinis essent coniuncti, celebratum fuit Concilium Generale Lateranense, omnium vtrique, quæ in Europa habita sunt, celeberrimum. Præfuit namque in eo Innocentius III. Papa: interfuerunt duo Patriarchæ Orientales, Constantinopolitanus, & Hierosolymitanus. Antiochenus morbo præpeditus, suos legatos misit. Idem quoque fecit Alexandrinus Patriarcha, qui ab Aegyptiis, ne proficisceretur, impeditus fuit. Archiepiscopi tum Græci, tum Latini 70. Episcopi 400. Abbates 12. Priores conuentuales 800. simul omnes Patres fuerunt 1285. Legati Romani, & Græci Imperatorum. Oratores Regum Franciæ, Hispaniæ, Angliæ, & Cypri. In hoc tam solemni Concilio, præsentibus etiam Græcis, & consentientibus, vt constat ex cap. 4. definitum fuit Spiritum Sanctum à Patre, Filioque procedere. Vnde in cap. *firmiter* de SS. Trinitate, & fide Catholica, sub init. decernitur: *Filius à Patre solo, Spiritus Sanctus pariter ab utroque, &c.*

Quod magis adhuc fuit explicatum in Concilio Generali XIV. Lugdunensi II. sub Gregorio X. anno Domini 1274. in quo opera, & industria S. Bonauenturæ Cardinalis cum Latinis Græci rursus coniuncti sunt, & conciliati super articulo de processione Spiritus Sancti. Definitum est enim *cum ex omni æternitate à Patre, & Filio procedere, sed non tanquam à duobus spiratoribus, sed ab uno spiratore, & principio: neque duobus spirationibus, sed unica tantum spiratione.* Græci enim putabant, Latinos asserere, Spiritum Sanctum procedere à Patre, & Filio, tanquam à duobus spiratoribus, & principiis, duabus quoque spirationibus, non vna. Tum Græcis præsentibus simul, & consentientibus, die Iunii 29. in festo Apostolorum Petri, & Pauli Papa Gregorius celebravit missam, in qua cantatum est Symbolum primū Latinè, deinde Græcè à Patriarcha Grego, & Græcis, repetita ter illa particula, *Filioque*. Et post quartam sessionem, rursum bis à Græcorum Patriarcha, & aliis Græcis eadem particula fuit decantata; vnde non ter Græcè, & ter Latinè id præstitum est, vt dicunt aliqui, sed bis Latinè, Græcè verò quinquies. Primum Cardinales Latini inceperunt. Secundum Papa inchoauit, & totum Concilium perfecit. Verum hæc concordia Græcorum cum Latinis decima tertia, procurante eam Palæologo VII. Imperatore Constantinopolitano, non diu perdurauit sicut nec præcedentes.

Tandem in Concilio Generali Florentino anno salutis 1438. cui præfuit Eugenius IV. interfuerunt autem Iosephus Patriarcha Constantinopolitanus, qui postea Florentiæ obiit, Ioannes Palæologus Imperator Orientis, multique Latinorum, & Græcorum Episcopi, post longas, & exactas disputationes Græci vltimò conuenerunt cum Latinis super quinque fidei articulos, quorum primus fuit de processione Spiritus Sancti, videlicet, vt sicut Latini dicunt, *ex Patre Filioque procedere*, Græci more suo dicerent, *ex Patre per Filium procedere*, et quod

eo quod vnus, idemque esset sensus; quartus autem, quod Latini merito addidissent Symbolo particulam *Filioque*.

Totius autem rei series sic se habet.

Ferrariæ a. 3. incipiente Marco Ephesio, agitata est de Additamento, sic enim appellauit particulam *Filioque* Symbolo adiectam, quæstio; respondente Andrea Rhodio.

Sessione 4. nihil sancitum fuit, sed tantum actum de modo præfati Additamenti, aut tollendi, aut retinendi.

Sessione, vel a. 5. multa ab Ephesio dicta sunt pro auferendo additamento, adductis potissimum in medium omnibus Symbolis Synodorum, à I. Generalli Nicæna, vsque ad VII. quæ fuit Nicæna II. in quibus, vt nunquam illa particula *Filioque* vel addita, vel permixta fuerat, ita nec deinceps admitti debuisset conabantur demonstrare.

Sessione 6. ostendit optimè Andreas Rhodius, præfatam particulam *Filioque* Symbolo adiectam, non tam esse additamentum, quam declarationem, vel explicationem, quod persona filii, cum omnia præter relationes, quibus opponuntur, sint vtrique communia, cõmunem quoque habeat cum Patre spirandi virtutem necesse sit.

Sessione 7. continentur ea testimonia, quibus euidenter probatur, nedum licuisse, sed etiam necessarium fuisse illam particulam Symbolo inferere: recensenturque declarationes per nouas particulas Symbolo Nicæno additas, quæ in Constantinopolitano extant. Postea referuntur Patres tum Græci, tum Latini, qui à *Filio Spiritum Sanctum* procedere dixerunt. Sunt autem Græci Achanasius, Basilius, Gregorius Nisænus, Epiphanius, Chrysostomus, Cyrillus, Anastasius Sinaita, Maximus, Tharasis, Ignatius Patriarcha Constantinopolitanus.

Sessione 8. & 9. impugnatur ab Episcopo Nicæno responso Andreæ Rhodii; multisque ab eo prætenditur licitâ non fuisse illius particulæ à *Filio* additionem.

Bibliot. Theol. Tom. V.

Sessione 10. Ioannes Foroliuiensis soluit obiecta Episcopi Nicæni; Sessio- ne verò 11. Iulianus Cardinalis Ioannis dicta confirmat.

Sessione 12. Ex Symbolo imprimis Charisii lecto in Concilio Ephesino, declarationes fieri posse in Symbolo probat contra Ephesium Iulianus. Sequentibus sessionibus vsque ad 17. quæ 1. Florentiæ habita est, nulla expressa fuit disputatio.

Sessione 18. cæpit disputari ex instituto à Ioanne Theologo Latino de Processione Spiritus Sancti à Filio, contradicente Marco Ephesio; præcipuaque fuit controuersia de mente Diui Basilii; de qua etiam sess. 19. & aliis ad 24. disputatum est acerrimè inter eosdem.

Sessione 24. persuasum est à Ioanne multorum Patrum auctoritate, procedere etiam à Filio Spiritum Sanctum. Tandem sessione 25. & vltima, præclara à Bessarione Nicæno habita est oratio ad Græcos suos, qua ijs demonstrauit veritatem istam Processionis Spiritus Sancti à Filio, hortatusque illos ad vniõnem cum Latinis inuendam; pro vt secuta est, primum admittentibus Græcis Spiritum Sanctum emitti, & effundi ex Filio, & à Filio; tum procedere ex Patre, & Filio tanquam ex vno principio; ac demum in litteris vniõnis ea veritas ab Eugenio IV. his definita est verbis: *Definimus vt hæc fidei veritas ab omnibus Christianis credatur, & suscipiatur, sicque omnes profiteantur, quod Spiritus Sanctus ex Patre, & Filio æternaliter est, & essentiam suam suumque esse subsistens habet ex Patre simul, & Filio, et ex utroque æternaliter tanquam ab vno principio, et unica spiratione procedit.* Ab eodem quoque Eugenio Symbolum cum hac particula *Filioque*, traditum fuit Armenis, vt habetur in decreto ad finem Concilii.

En quibus potissimum locis habetur Ecclesiæ Catholicæ definitio, circa processionem Spiritus Sancti à Patre, & Filio, præcipua autem Scripturæ loca, quibus innicitur, & hæc veritas, vt di-

A a a a 2 uini-

uinitus reuelata habetur, sunt sequentia.

Ioannis cap. 15. v. 26. vbi Spiritus Sanctus dicitur mitti à Filio: *Cum autem venerit Paracletus, quem ego mittā vobis à Patre Spiritū veritatis, qui à Patre procedit, ille testimonium perhibebit de me*: & cap. 16. *Cum abiero mittam eum ad vos*. Etli enim Christus apertè, expressisque verbis non dicat Spiritū Sanctum à se procedere, fortasse ne minus humiliter de seipso loqui videretur; vel quia id apud homines potius minuire, quam commendare poterat eius testimonium; nam cum de ipsomet ageretur; suspectum alta nōdum sapientibus Spiritus Sancti testimonium reddidisset, si expressè dixisset à se procedere. Attamen quia missio in personis diuinis denotat processionem, seu emanationem personæ missæ ab ea quæ mittit, consequens est, vt Spiritus Sanctus non solum à Patre, sed etiam à Filio, tanquam vni- co principio producat, cum ab utroque in scriptura mitti dicatur.

Vndè mirum est, quomodo ex hoc loco Græci sui erroris occasionem acceperint, quod dictum sit, à Patre procedit; debuissent enim aduertere, non esse dictum à solo Patre, sed à Patre procedere, quod nos fatemur, sed ultra affirmamus, simul à Filio procedere, & hoc ipsum significatum est, dum dixit Christus, *quem ego mittam vobis*; non enim mitteret Filius Spiritum Sanctum, nisi ab ipso mittente eternaliter procederet, sicut Filius mittere Patrem non potest, quia ab eo Pater non procedit; at Pater Filium mittit, quia ab ipso procedit. Et hæc etiam causa potest esse, cur non fuit necessarium dicere, qui à Patre, & à me procedit; iam enim ipsum esse, & procedere à Filio sufficienter indicauerat dicendo, *quem ego mittam vobis*; quare, vt cum etiam immediatè à Patre procedere ostenderet, adiecit, *qui à Patre procedit*, si quidem defuturi non erant heretici, qui Spiritum Sanctum, solum Filii esse spiritum proximè, & immediatè, non autem Patris affirmarent,

vt de Eunomio referte Basilium lib. 2. contra eundem iam supra notauimus. Vel insuper ex Augustino lib. 3. contra Maxim. cap. 14. Christus vsus est tali modo loquendi, specialiterque tribuit Patri productionē Spiritus Sancti, quia est author, seu principium in quo, & à quo est virtus spirandi; sicut à Dionysio cap. 2. de diuin. nominibus vocatur, *fons Diuinitatis*. Deindè vt aduertit Anselmus lib. de process. Spiritus Sancti, per hæc verba; *qui à Patre procedit*, non excluditur Filius, quia in his, quæ non repugnant filiationi, quidquid attribuitur Patri, intelligitur attributum Filio. Quam responsionem prius dederat Cyrillus Theodoretio in defensione non anathematismi dicens: *Procedit à Patre Spiritus Sanctus secundum Saluatoris vocem: sed non est alienus à Filio, omnia enim habet cum Patre, & hoc ipse docuit*. Hic ergo Ioannis locus, tantum abest, vt Græcorum errori faueat, quin potius eum redarguit, & conuincit Spiritum Sanctum nedum à Patre, verum etiam à Filio simul procedere.

Quod enim respondent Græci Spiritum Sanctum dici missum à Filio, non quod verè ab eo procedat, aut quantum ad personam ipsam mittatur, sed quia, Filius largitur, & confert hominibus dona, & charismata Spiritus Sancti. Quæ etiam ratione dicebant iidem Græci in Concilio Florentino sess. 23. Spiritum Sanctum scaturire, hauriri, & effundi à Filio, non tamen procedere: quoniam, per priora illa verba denotari tantum videtur largitio donorum eiusdem Spiritus Sancti. Refellitur primò ex illo Pauli ad Rom. 5. *Charitas Dei diffusa est in cordibus nostris per Spiritum Sanctum, qui datus est nobis*. Quæ verba duo significant: primum, infusionem charitatis, vna cum aliis Spiritus Sancti donis eam concomitantibus: secundum verò, quod Spiritus Sanctus datus sit nobis, ac proindè Spiritus sancti persona data, & missa; quæ datio, & missio temporalis cum sit à Filio, necesse est, vt ab eo æternaliter procedat Persona Spiritus Sancti.

Sancti. Nam cum Spiritus ſanctus ſit vnus, eiufdemque cum Filio nature, ac proinde per omnia illi æqualis, vt habenter Greci admittunt, ſi quando ipſi aliquid tribuitur, quod minoritatem quendam à Filio denotare videtur, vt cum dicitur, mitti à Filio, loqui à Filio, & ſic de cæteris, talia non poſſunt Spiritui ſancto reſpectu Filii alia ratione tribui, aut de illo intelligi, niſi ratione originis, ſecundum quam eſt ab illo, & habet ab illo quæcumque habet. Auctoritas enim, quam ſemper mittens dicitur habere ſupra miſſum, non eſt in diuinis niſi ſecundum originem. Vnde ſequitur, quod Spiritus ſanctus origine- tur à Filio, à quo dicitur datus, & miſ- ſus. Præterea ſicut vbi, Pater dicitur miſiſſe Filium ſuum in hunc mundum, intelligitur miſſio ipſius perſonæ Filii, & non ſolum donatio ſapientiæ, aut alio- rum donorum, quæ ipſi per quendam appropriationem attribui ſolent; ita etiã vbi ſcriptura dicit, Filium mittere Spi- ritum ſanctum à Patre, intelligendum eſt, quod ipſa etiã perſona Spiritus ſan- cti ab eo mittatur. Tandem ſi Spiritus ſanctus diceretur à Filio miſſus, non eo ſenſu, quod verè ab eo procedat, ſed quia Filius largitur, & confert homini- bus dona Spiritus ſancti, ita vt ad miſ- ſionis actum nihil aliud requireretur, quam ſocietas, & communitas in operi- bus externis, ſequeretur poſſe etiam Pa- trem dici miſſum à Filio, & vtrumque à Spiritu ſancto; hoc autem eſſe falſum ſatis patet, neceſſum igitur eſt, vt miſ- ſio, præter externum opus, includat ad- huc realem emanationem ab alia per- ſona mittente.

Si inſtent Greci, & dicant, quod etiã Filius dicitur mitti à Spiritu ſancto. Iſaię 48. *Nunc Dominus miſit me, & Spi- ritus eius*; item 61. *Spiritus Domini ſuper me, eo quod unxerit Dominus me: ad an- nuntiandam manſuetis miſit me*; & tamẽ Filius non procedit ab illo. Reſponde- tur hæc, & ſimilia omnia intelligi de Chriſto Domino ſecundum humanita- tem ſolum conſiderato, non autem ſe-

cundum naturam diuinam; ſic enim Fi- lius Dei à ſolo Patre fuit miſus ad in- carnandum ſc; ſed poſtquam incarnatus eſt, mittitur à Patre, & à Spiritu ſancto, nec non etiam à ſemetipſo ad prædicã- dum, quatenus actiones ſacroſanctæ hu- manitatis Chriſti dirigebantur à tota Trinitate. Cum ergo Spiritus ſanctus mittatur à Filio, & non in natura hypo- ſtaticè aſſumpta, & vnita, quippè qui nullam ſibi ſic vnuit, dicendus eſt mit- ti in natura diuina; atque adeo proce- dere vt ſubſiſtens in eadem natura à Filio.

Alter locus ad comprobandam Spi- ritus ſancti etiam à Filio proceſſionem habetur eiufdem Sancti Ioannis cap. 16. ex perſona filii de Spiritu ſancto dicen- tis: *Non enim loquetur à ſemetipſo, ſed quæcumque audiet loquetur, & quæ ven- tura ſunt annuntiabit vobis. Ille me cla- rificabit, quia de meo accipiet, & annun- tiabit vobis.* Quo loco vt frequentius vtuntur Patres Greci, & Latini inferius adducendi, ita eo vehementius Grecos impulit Ioannes Theologus in Conci- lio Florentino ſeſs. 18. & 19. oftendens idem eſſe apud Patres, *Accipere*, atque *procedere*. Conſtat autem, quod non accipit à Filio Spiritus ſanctus, quaſi non habens, quia ſic eſſet mutabilis, & indigentis nature, vt exiſtimarunt ali- qui heretici, quorum meminit Cyrillus lib. 13. Theſ. cap. 4. aſſerentes Spiritũ ſanctum participatiuè eſſe ſanctum, nõ natura; nam quod, inquiunt, accipit ab altero participatiuè, non autem natura tale eſt: ſed quod neceſſariò accipit ab æterno; non poteſt igitur accipere ali- quid à Filio, quod non ſit eius eſſentia ab æterno, atque adeo quin procedat ab illo, ſicut & à Patre. Quare illud fu- turum *accipiet* intelligendum non eſt, quaſi tunc, quando hæc dicebantur à Chriſto, non accepisset, vel nondum acceperit, ſed quia omnia tempora cõ- prehendit æternitas, præſens, præteritũ, & futurum; & ita vnum tempus in ea exprimitur, vt alterum non excludatur; quoniam tamen Chriſtus hic loquitur de

de Spiritu sancto à se ad Apostolos mittendo, & tunc legati solent instrui, quādo mittuntur, ideo dicit, *quacumque audiet, & de meo accipiet*, in futuro, non in presenti, aut præterito.

Similiter illa particula, *de meo*, non significat idem ac *de meo thesauro*, scilicet Patre, à quo etiam Filius accepit essentiam, ut interpretantur Euthymius, & Theophylactus; ita ut denotetur solū, quod Spiritus sanctus accipiat, id quod est Filij, non tamen accipiat à Filio, siue quod accipiat essentiam diuinam, quæ est Filij à Patre. Hæc enim, aliæque similes interpretationes facili conuincuntur falsitatis ex ratione, quam ipsemet Christus statim subiunxit dicens: *Omnia quacumque habet Pater, mea sunt. Propterea dixi, quia de meo accipiet*. Etenim genuinus horum verborum sensus est, Filium habere, ac vindicare omnia, quacumque competunt Patri, ijs demptis, quæ ad Paternitatem spectant, seu ad oppositionem relatiuum Patris: habere denique omnia præter esse Patrem, ut explicant Diuus Cyrillus anathematismo 9. aduersus Theodoretum, Diuus Augustinus commentarijs ad hunc locum, nec non lib. 5. de Trinit. cap. 14. Si igitur omnia quæ sunt Patris modo dicto, sunt etiam Filij, oportet quod authoritas Patris, secundum quam est principium Spiritus sancti, sit etiam Filij, siue quod spiratio actiua sit communis Filio cum Patre: si quidem spiratio hæc à paternitate distinguitur, & alio est ab ea eminenter, seu virtute, nec adit Patrem præcisè in ratione Patris, sed tantum Spiratoris. Sicut ergo Spiritus sanctus accipit de eo, quod est Patris à Patre, ita accipit de eo quod est Filij à Filio: Proptereaque etiam Christus dixit *de meo*, non *de me*, ut melius significaret, quod Spiritus sanctus accipit ab ipso non filiationem, ac proinde non totum quod est Filius, sed ea tantum, quæ sunt communia Patri, & Filio.

Tertiò eiusdem S. Ioannis c. 20. v. 22. habetur de Christo, suæ alloquente

Apostolos; *Insufflauit, & dixit eis: Accipite Spiritum sanctum*: ex quo loco plures Sancti Patres inferius citandi deduxerunt processionem Spiritus sancti à Filio, quorum authoritas, graueque iudicium sufficit nobis, ut pro petulanti, & inepto habeatur Theophylacti risus, quo vnus omnium scriptorum veterum spernit desumptum ex illo argumentū. Pro cuius maiori luce duo sunt prius adnotanda; primò quid per Spiritum, qui datus dicitur, intelligendum sit; secundo cur tali ritu, hoc est discipulis insufflando datus sit à Christo Domino. Circa primum nonnulli hac ratione moti, quod Spiritus sanctus promissus fuisset post ascensionem dandus Ioann. 16. v. 7. Si ego non abiero Paracletus non veniet ad vos, si autem abiero mittā eum ad vos, docuerunt Christum tunc sanctum non dedisse Spiritum, sed gratiam, per quam Apostolos ad illum postea accipiendum idoneos efficeret, ut sit sensus, *Accipite Spiritum sanctum*, aptos, & idoneos ad suscipiendum Spiritum sanctum vos facio. Verum hæc interpretatio violenta est, verbisque accommodari non potest: accipere enim Spiritum sanctum, non est idoneos fieri, ut postea accipiant: sed tunc ipsum accipere, est tunc ipsum dari; impropria enim, contortaque locutio est, accipe hoc, id est, aptum te facio, ut postea accipias. Hæc igitur verba Christi Domini, *Accipite Spiritum sanctum*, intelligenda sunt de vera, ac reali datione personæ Spiritus sancti, atque adeo, quod æternaliter à Filio procedat. Argumentum autem in contrarium adductum ex autoritate S. Ioannis, nullius est roboris, non enim, respondent aliqui dixit Christus se non daturum Spiritum sanctum, antequam ad Patrem abiret; sed non missurum esse, hic autem non tam misisse, quam dedisse dicitur, *Accipite*, inquit, *Spiritum sanctum*: est enim differentia inter mitti, & dari Spiritum sanctum, quod tunc mitti dicitur, cuius persona sub visibili apparet specie, ut cum baptizato Christo Domino columbæ specie descendit, & die Pentecostes

ites specie ignis, atque linguarum : dari verò, quando ipsius dona, & virtutes infunduntur, absque vlla prorsus figura externa. At quia posset aliquis contra hanc responsionem instare dicendo, Spiritum sanctum etiam in presenti visibiliter Apostolis datum fuisse, sub signo, & forma exteriori status, vt per eum cognoscerent sibi interius Spiritum sanctum infundi, cuius virtute peccata remissuri erant : dico secundò operationes Spiritus sancti multas, ac varias esse, nunc autem datum, seu missum esse ; quantum ad vnā nempe potestatem dimittendi peccata : at in die Pentecostes secundum omnem suam plenitudinē, quā, vt Apostoli effecti sunt magistri, & rectores sufficientissimi, perfectissimi que vniuersi mundi, ita quoque simpliciter promissus Spiritus sanctus loco Ioa. 16. indeque missus, cum complerentur dies Pentecostes. Hoc pacto Hieronymus epist. ad Hebr. quæst. 9. soluit istam dubitationem, & Augustinus lib. 4. de Trinitate cap. 20. nec non Cyrillus lib. 12. cap. 56. vbi notat, Dominum quidem generaliter promississe Spiritum sanctum post suam in cælum Ascensionem, verum, vt se esse autorem, & eum qui mittit, & communicat etiam nobis Spiritum sanctum, significaret, voluisse, antequam ex hoc mundo ad Patrem discederet, illum aliqua ex parte dare, vel mittere, videlicet, quantum ad potestatem dimittendi peccata. Hinc aliud quod soluitur dubium, quod copiose Diuus Augustinus agit tractatu in Ioannem 74. quomodo nunc Christus Spiritum sanctum Apostolis dederit, quem ante vtique iam habebant, nec enim sine illo Christum diligere potuissent, sine quo Apostolus 1. Corinth. cap. 12. v. 3. affirmat nedum posse dici *Dominum Iesum*. Quia scilicet nouo communicatur modo, nemini vnquam dato, hoc est, quantum ad facultatem remittendi peccata : potestatem enim hanc, quam prius sibi soli Deus seruauerat, postquam Dei Filius homo factus est, liberaliter hominibus concessit. Merito

autem Christus Dominus nullum aliud nunc donum dedit Spiritus sancti, quam potestatem remittendi peccata, quia, ipse solus mortuus fuerat ad tollenda mundi peccata ; quam enim sua morte potestatem comparauerat, ipse eam tanquam Ecclesiæ caput, quibus vellent membris impertiri poterat. At Spiritum sanctum in tota sua plenitudine, & abundantia, quia communis sibi cum Patre erat, noluit antequam rediret ad Patrem, dare, vel mittere, vt ab utroque missum, inde procedere appareret.

Quantum autem ad ceremoniam insufflandi, quam adhibuit Christus communicando Spiritum sanctum Apostolis ; certum est statum illum non fuisse Spiritum sanctum, vt voluit Rupertus existimans Christum reipsa non insufflasse : sed eodem modo insufflasse dici, quo Deus in corpus Adami recenter creati, inspirasse legitur *Spiraculum vite* Genes. 2. v. 7. non quod vllò corporeo vsus sit statu, sed quod ita vitalem illi spiritum dederit, quem admodum si ore corporis in illum inspirauisset. Certum est, inquam, ex communi interpretum sensu, statum hunc non fuisse ipsummet Spiritum sanctum, sed quid ab eo distinctum per modum signi illius, quo denotare voluit Christus Spiritum sanctum ex sua quoque procedere substantia, nam sicut status ille sensibilis ex intimo eius expirabatur corpore, ita Spiritus sanctus, quem dabat, à sua diuinitate procedebat ; vel Christus sanctum daturus Spiritum insufflauit in discipulos, vt ipsam Spiritus Sancti, quem dabat, naturam declararet, suamque ab eo processionem tanquam ex ore Patris, sicut status ex intimo, & arcano sinu pectoris, tanquam ex vitali quodam receptaculo per os emittebatur. Quo etiam reuocari potest locus Psalmi 32. *Verbo Domini celi firmati sunt, & spiritu oris eius omnis virtus eorum* ; vocatur enim spiritus oris, id est Spiritus Filii, quia, os Dei, sicut & verbum Dei est Filius : eiusdemque generis videtur alter locus Ioelis 2. *Effundam de spiritu meo super omnem*

omnem carnem, & rursus, super seruos meos, & ancillas meas in diebus illis effundam spiritum meum. Etenim, qui ibi loquitur prophetice, est Christus, totusque de illo contextus ad litteram, intelligitur, vt ipsemet Diuus Petrus docet act. 2. interpretando præfatum, locum de Spiritu Sancto, quem Christus iam sedens ad dexteram Patris misit die Pentecostes, sicut fuerat ante pollicitus. Si ergo Christus hunc spiritum dat, & effundit, vocatque illum spiritum suum, rectè sequitur ab eo realiter procedere, sicut à Patre, vt mox dicitur.

Postremo igitur pro Spiritu Sancti à Filio Processione, faciunt omnia illa noui testamenti loca, quibus Spiritus Sanctus vocatur. Spiritus Filiij; Ioannis 14. & 15. *Spiritus veritatis*, id est Spiritus filij, siquidem filius propriè est veritas, eiusdem Diui Ioannis cap. 14. *Ego sum via, veritas, & vita*; Act. 16. *Tentabant ire Bythiniam, & non permisit eos Spiritus Iesu*; Romanorum 8. *Si quis Spiritum Christi non habet, hic non est eius*: ad Galatas 4. *Misit Deus Spiritum filij sui in corda nostra clamantem Abba Pater*. Nam sicut Christus Dominus dicitur filius Patris, & Spiritus Sanctus dicitur Spiritus Patris Math. 10. quia habent ab illo procedere; ita etiam Spiritus Sanctus dicitur Spiritus Christi, seu filij, quia procedit ab illo, & in quantum procedit habet relationem ad illum. Ille enim modus loquendi per genitium inter diuinas personas, semper significat relationem procedentis, aut producentis, vt communiter asserunt Doctores. Deinde sicut filius quidditatiuè respicit Patrem generantem, ita etiam Spiritus respicit quidditatiuè os viuientis spirantis. Igitur quemadmodum verbum non potest vocari filius, vel dici eius personæ; quæ non est Pater: ita Spiritus Sanctus non posset vocari Spiritus Christi, seu filij, si non esset personæ spirans, vel spirator. Insuper non potest dici Spiritus Filiij ea tantum ratio-

ne, quia procedit ab eodem principio, à quo procedit filius, nimirum à Patre; neque quia Spiritus est similis filio. Nam hoc pacto posset etiam verbum appellari filius Spiritus Sancti, quod est absurdum. In tantum ergo Spiritus Sanctus dicitur Spiritus Filiij, in quantum ad filium refertur, ad illum autem nullo modo referretur, si ab eo non procederet. Tandem dum Spiritus Sanctus vocatur Spiritus Filiij, aut dicitur esse absolutè eius; aut dicitur esse eius, vt Spiritus eius; Si primum, ergo oportet, quod sit aliqua autoritas Filiij respectu Spiritus Sancti: & si enim apud nos possit dici aliquis esse alterius secundum quid, qui non habet autoritatem respectu ipsius; sicut cum dicitur, Petrus est socius Ioannis; tamen non potest dici Petrus, esse Ioannis absolutè, nisi sit quædam possessio eius; sicut seruus hoc ipsum quod est, dicitur esse domini. Cum igitur in diuinis non possit esse aliquid seruientis, aut subiectum, sed intelligatur ibi autoritas secundum solam originem, consequens est, quod Spiritus Sanctus procedat à filio, cuius dicitur esse absolutè. Et idem sequitur, si asseratur Spiritus Sanctus esse filij, vt Spiritus eius: quia Spiritus, secundum quod est nomen personale, importat, vt diximus, relationem originis ad spirantem, sicut filius ad generantem, Vnde apparet non posse præfata intelligi loca, vt quis posset respondere, quod Spiritus Sanctus dicitur Spiritus Christi, secundum humanitatem tantum, quasi ipsum replens iuxta illud Lucæ 4. *Iesus plenus Spiritu Sancto regressus est à Iordane*: quia Spiritus Sanctus est alicuius hominis vt habentis, non autem vt dantis, Christi autem, seu filij est Spiritus Sanctus, vt dantis ipsum, secundum dicta, quibus addere possumus illud 1. Ioann. 4. *In hoc cognoscimus, quoniam in eo manemus, & ipse in nobis: quia de Spiritu suo dedit nobis*: & Act. 15. ubi dicitur, quod dedit Spiritum Sanctum obedientibus sibi: Non solum ergo Spi-
ritus

ritus Sanctus dicitur interdum Spiritus Christi, quia Sacrosanctam eius humanitatem replevit; sed multo magis, quia est ex diuinitate ipsius, siue quia procedit a filio, in quantum est diuina persona, simul cum Patre cum spirante.

Quam autem solidum sit, & efficax argumentum ex dictis, & similibus locis deductum, fidem facit Sanctorum, & veterum Patrum autoritas, qui, ut dicemus infra, illis vsi sunt ad probandam Spiritus Sancti processionem a filio; quodque magis est, Concilium Nicænum I. lib. 2. versus finem S. Cum sit copiosus, non quidem iuxta vulgatam dictæ Synodi versionem, aut primi illius autographi exemplum: sed eius quod exscriptum, & editum in lucem fuit à Gelasio Cyziceno, latinitate verò donatum à Roberto Belforeo Scotto viro Catholico &c. ubi hæc habetur in responsione Patrum ad Philosophum per Leontium: *Admitte unam Diuinitatem Patris Filium ineffabiliter generantis, & filij ex eo geniti, Spiritus Sancti ex eodem Patre procedentis, qui & proprius est filij, ut ait Diuus Apostolus Paulus. Qui Spiritum Christi non habet, hic non est eius:* quæ sanè verba cum loco Pauli coniuncta significant Spiritum Sanctum à filio etiam procedere.

Ad eiusdem veritatis probationem nonnullæ quoque suppetunt metaphoræ, seu metaphorica nomina, quibus diuinæ Scripturæ interdum significant Spiritum Sanctum; huiusmodi est *digitus*, nam quod Math. 12. v. 28. dicit Christus Dominus: *Si ego in Spiritu Dei eicio demonia:* idem omnino sic refertur Lucæ 11. v. 20. *Si in digito Dei eicio demonia.* Indeque Patres communiter asserunt, vbi cumque scriptura nominat *Digitum Dei*, Spiritum Sanctum intelligi; Athanasius disput. contra Arium habita in Concilio Nicæno, & orat. 2. contra Arianos inter med. & fin. Basilius lib. 5. contra Eunom. sect. 15. Chrysostomus homil. 41. in Math. versus med. Ambros. in Psalm.

Bibliot. Theol. Tom. V.

43. ad illud: *commotionem capitis in populis*, & lib. 7. in Lucam cap. omne regnum. Augustinus epist. 119. lib. 2. de Trinitate cap. 14. lib. de Spiritu, & lietera cap. 16. & in Exod. quæst. 25. Cyrillus lib. 13. Thesauri cap. 2. ubi ad nostrum intentum sic ponderat verba Christi Domini Lucæ 11. *Digitum hic Dei, Spiritum Sanctum nominat: modo enim quodam ex substantia Dei emanat, & naturaliter inde pendet, sicut ex humana manu digitus. Brachium enim, & Dexteram Dei, Filium Dei scriptura vocant. Saluauit enim, inquit, dextera eius, & brachium sanctum eius. Et rursus: Domine sublime est brachium tuum, & nescierunt. Quemadmodum igitur brachium toti corpori naturaliter coaptatur, omniaque facit, quæ menti videntur, iniungero quoque soles. digito: sic filium Dei ex ipso, & in ipso Patre naturaliter esse intelligimus. Ex filio autem naturaliter, ac essentialiter Spiritum Sanctum sicut ex Patre provenire credimus, per quem filius, omnia iniungens, sanctificat. Eundem habet discursum S. Thomas opusc. 1. contra errores Græcorum c. 32. S. 31.*

Hactenus ex verbo Dei scripto, nunc illi traditum accedat, in veterum Patrum libris contentum, qui de sæculo in seculum, tanquam dogma fidei processionem Spiritus Sancti à filio concorditer docuere, deque ille debere intelligi propriè, & ad litteram, superius adducta sacræ Scripturæ loca. Primum Græcorum, tum Latinorum testimonia eo, quo vixerunt ordine proferemus.

Sanctus Marcus Euangelista in Liturgia orat. hoc facite, æternum alloquens Patrem hæc habet verba de Spiritu sancto: *Ex te filioque procedens;* quod autem in nonnullis editionibus parentesi concludatur (*filioque*) non debet intelligi, quasi interpretes talem particulam, quam in autographo non reperissent, addiderit; sed potius, ut indiceret, tanquam quid notatu dignum, quod iam temporibus Apostolorum, hæc fidei veritas, quam moderni negant

B b b b

gant Græci, explicitè cognita fuerit, & credita.

S. Clemens Romanus lib. 6. constitut. Apostol. cap. 11. *Annunziamus vni Deum, vnius filij Patrem, non plurium; vnius Paraclæsi per Christum*; hic enim modus loquendi, quod Pater sit principium Spiritus Sancti per Christum, idem valet, ac cum Christo, quodque ex illo consequenter procedat.

Sanctus Ignatius in epist. ad Ephes. alludens ad illa scripturæ loca, quibus filius à Patre, Spiritus autem sanctus dicitur à filio accipere, refert, filium de seipso ad Patrem dixisse: *Ego te glorificavi super terram, opus perfecti, quod dedisti mihi, ut facerem. De Spiritu sancto ait: Ille me glorificabit super terram, quia de meo accipiet, & annuntiabit vobis. Ergo uterque eorum ipsum glorificat, à quo & accepit, quod faceret, & ipsum predicat, atque eius verba pronuntiat. Tali enim illatione significari videtur, eiusque vis in eo posita, quod sicut filius accipit à Patre procedendo, vel procedit à Patre, quia ab eo accipit, ita etiam Spiritus Sanctus à filio.*

S. Gregorius Taumaturgus in regula fidei diuinitus accepta, quæ extat in eius vita apud Gregorium Nyssenum, hæc habet: *Vnus Spiritus sanctus ex Deo ortus, & existentiam habens, qui per filium apparuit, imago perfecta filij perfecti*: vbi dum dicit Spiritum sanctum ortum ex Deo habere, significat, vel comprehendit Patrem, & filium, ut vnum principium illius; item, siue illis verbis *per filium apparuit*, denotetur relatio processionis, ut ex professo probat Card. Bessarion in orat. pro vniõne cap. 6, talem vim habere verbum, *apparuit*; siue significetur eiusdem Spiritus sancti à filio visibilis missio, habetur veritas intentæ, sicut ex hoc, quod vocetur, *imago filij*, non enim alia ratione talis dici potest (quamuis improprie) nisi quia procedit ab illo, & similis est in natura, licet hanc similitudinem non habeat ex vi processionis formaliter, ut explicabitur tomo

sequenti in tract. de Trinitate. Vnde S. Thomas opusculo citato, contra Græcos vitur hoc argumento, ut probet eorum Patres tenuisse Spiritus sancti processionem à filio, quod cum *filij imaginem appellent*, ut Athanasius, Basilii, Epiphanius, Cyrillus Alexandrius, & Damascenus, quorum loca, agendo de vno quoque, afferemus.

S. Athanasius in suis ad Serapionem epistolis nec nõ alibi sæpius allatis locis, vbi Spiritus S. à filio mitti, & accipere dicitur, inde processionem ab eo probat, comparatione facta cū processione filij à Patre: *Istiusmodi*, inquit epistola quæ incipit *littera* versus medium, *ordinem, & naturam habet Spiritus ad filium, qualem filius habet ad Patrem*. Sed filius ad Patrem non habet alium ordinem nisi originis, ratione cuius ab eo accipit, & mittitur, venitque in eius nomine: quod similiter Spiritus sanctus habet ad filium ordinem originis qua procedit ab illo. In epistola autem, quæ incipit *Admirabere* subinit. adducto eodem loco ait: *Qualem proprietatem cognouimus filium habere cū Patre, eandem comperiemus, & Spiritum sanctum habere cū filio*: & quemadmodum filius dicit: *omnia quæ habet pater mea sunt, sic hæc omnia comperiemus esse per filium in Spiritu sancto*; Si igitur omnia, quæ habet Pater, sunt in Spiritu sancto, & in eo sunt per filium; manifestum est, à filio diuinitatem, & substantiam habere, ac subinde ab illo procedere. Confirmaturque ex eo quod in præfatis epistolis, nec non in serm. 3. Nicæni Concilii, Spiritum sanctum appeller, quamuis improprie, *imaginem, bonum odorem, & formam filij*; postposito in hoc cū aliis Patribus rigore, & proprietate vocabuli, ut probaret euidētius Spiritum sanctum nedum Patri, & filio consubstantialē esse, verum etiam ab utroque procedere, ut importat nomen imaginis.

Insuper cum fontis nomen, alicui personæ Trinitatis, attributum, apud Patres

Patres ſignificet proceſſionis principium, Athanaſius, vt oſtenderet Spiritum ſanctum à filio procedere, cum paſſim appellat *fontem Spiritus ſancti*. lib. de humana natura. Inſcripta verſus medium; in ſerm. Nycen. Concil. i, & de Incarnatione Verbi; vt reſert Sanctus Thomas opuſc. i. contra Græcos cap. 32. § 26.

Item orat. 4. contra Ariános, comparato Patre ſoli, filio ſplendori, Spiritu ſancto luci, procedenti non à ſole tantum, ſed etiam à ſplendore, quæ eſt ſimilitudo frequens, & familiaris aliis etiam Patribus, ſatis oſtendit Spiritum ſanctum ab utroque procedere; hæc ſunt eius verba: *Non enim tria principia, aut tres Patres introducimus quemadmodum Marcioniſtes, cum nō tres ſoles ad comparationem adducamus, ſed unicum ſolem, cuiusque ſplendorem, unicamque ex ambobus lucem.* Rurſus ſerm. vel orat. de Concilio Nyceno: *Mitto, inquit, Apoſtolos in Mundo, non in virtute hominis, ſed in virtute Spiritus ſancti ex mea eſſentia profluents &c. Credendum eſt Spiritui ſancto, quod ſit veritas Patris, & filij, coeſſentialis utrique de eſſentia eorum profluens.* Et in refutatione contra hypochriſum Melerii ait: *Impoſſibile Trinitatis gloria Spiritum ſanctum glorificari niſi ex Deo per filium progrediendi modo naturam habeat.* Sed omne dubium tollit de mente Athanaſii illud Symboli eius ab Eccleſia ipſa Catholica teſtimonium habentis: *Spiritus ſanctus à Patre, & filio non factus, nec creatus, nec genitus, ſed procedens.* Quod enim aliqui reſpōdent hoc ſymbolum verè non eſſe Athanaſii, aut ſi eſt, particulam & filio fuiſſe additam à Latinis; vtrumque falſum eſſe oſtendit Genebrardus lib. 3. de Trinitate, nec non opuſculo de hac re edito, aduerſus Vaientinum Gentilem, & alios hæreticos.

Primum conſtat, quia Gregorius Nazianzenus orat. 1. in laudem Athanaſii expreſſè ſcribit eum, Imperatori donum verè regium, & magnificum ob-

Biblioth. Theol. Tom. V.

tuliſſe, ſcriptam nimirum fidei confeſſionem aduerſus novum dogma &c. Et Sanctus Auguſtinus variis in locis ex illa tanquam in Eccleſia notiſſima varias citat ſententias, ſeu verſiculos lib. 2. de Trinitate cap. 8. in Enchirid. cap. 36. Pſal. 120. epiſt. 174. ad Pafcentium, & ſerm. 295. de tempore. Secundum autem arguitur, tūm ex eo, quod in Græco etiam Athanaſii ſymbolo legitur eadem particula, & filio; tūm quia verſiculus, quem reſert Divus Auguſtinus Pſalmo citato: *ſilius à Patre eſt, non factus, nec creatus, ſed genitus*, indicat in ſequenti verſiculo particulam, & filio, fuiſſe ab eodem Athanaſio poſitam. Num excuſiva diſtione non debuiffet vti circa proceſſionem filii, vel debuiffet etiam illa vti circa proceſſionem Spiritus ſancti, verſu proximè ſequenti, niſi mens Athanaſii fuiſſet oſtendere diſcrimen vtriuſque proceſſionis, non ſolum in eo, quod Spiritus ſanctus non eſt genitus, ſed etiam quod non procedit à ſolo Patre, ſed à Patre ſimul, & filio. Tum denique quia Concilium Toletanum, quod IV. appellatur, Honorio I. Pontifice celebratum anno Chriſti 633. ante Græcorum Schiſma exhibet idè Athanaſii Symbolum, ſeu fidei confeſſionē cum particula à Patre, & filio, his verbis: *Spiritum ſanctum nec creatum, nec genitum, ſed procedentem ex Patre, & filio proſitemur.* Eiufdem modi eſt adhuc in VI. Toletano ſub eodem Honorio anno Chriſti 638. celebrato teſtimonium cap. 1.

Ita igitur clarè, & apertè conſtante de mente Diui Athanaſii circa proceſſionem Spiritus ſancti à filio, conſe- quens eſt; nihil huic veritati contrariū accipi poſſe ex nonnullis ſubſecuris eius verbis in quæſtionibus *Quid eſt Deus*, ſi tamen inter legitima eius opera computari debeant, vbi quæſtione 11. & 12. ſæpe repetit, *Solum Patrem eſſe unicam cauſam, que emittit Spiritum ſanctum*; filium autem eſſe cauſatum, & non cauſam; nomine enim cauſæ ſigni-

Bbbb 2 ficare

ficare tantum voluit primum principium, non ducens originem ab alio principio, seu primum fontem, cuiusmodi solus Pater est, etiam respectu Spiritus sancti, si quidem filius est principium de principio. Vnde, licet Ioannes Theologus Latinorum nomine in Concilio Florentino sess. 24. profiteretur, *Patrem unicam filij sanctique Spiritus causam esse*. Quod etiam ex Latinis Græci repetunt sess. 25, hoc tamen non obstante Spiritum sanctum etiâ à filio procedere, fuit præcipua conclusio totius disputationis hac de re in præfato Concilio, tam acriter, ac diligenter habitæ; vnum enim minimè aduersatur alteri, de quo etiam redibit sermo inferius.

Dydimus Alexandrinus lib. 2. de Spiritu sancto, qui extat inter opera Sancti Hieronymi, quoniam illud opus latinitate donauit, hæc habet: *Saluator qui & veritas, de spiritu ait: Non enim loquatur à semetipso, hoc est, non sine me, & sine Patris arbitrio, quia inseparabilis à me, & Patris est voluntate: quia non ex se est, sed ex Patre & me est*. Hoc enim ipsum, quod subsistit, & loquitur, ex Patre, & me illi est. Ego veritatem loquor, id est inspiro, quæ loquitur; siquidem spiritus veritatis est &c. Licet à Patre procedat spiritus veritatis, & det illis Deus Spiritum sanctum petentibus sc: tamen quia omnia, quæ habet Pater, mea sunt, & ipse spiritus Patris meus est, & de meo accipiet.

Sanctus Cyrillus Hierosolymæ Episcopus Catechesi 17. *Diuerse quidem sunt spiritus appellationes, sed ipse vnus tantum est, atque idem spiritus sanctus, viuens, & subsistens, qui ubique Patri, & filio adest: non qui ab ore, & labijs Patris, & filij eloquendo formetur, vel effletur, aut in aerem diffundatur, sed substantialis, loquens ipse, & operans, administrans, & sanctificans: sed per stabilem tamen & consonam vnus existentis salutari administrationis in nos, quæ sit à Patre per filium cum spiritu sancto*.

Diuis Basilii lib. 2. contra Eunom.

versus finem ait: *Illud verò cui non patet, quod nulla filij operatio à Patre diuisa est? Nec est aliquid in rebus, quod filio insit, & à Patre alienum sit*. Omnia, inquit, mea tua sunt, & tua mea. Quomodo ergo spiritus causam, & originem Vnigenito soli attribuit, & ad eius accusandam naturam, huius creationem accipit? Videlicet Eunomius, qui asserbat spiritum esse creaturam solius Vnigeniti; quem Basilii refellit, non solum quia Spiritus sanctus non est creatura, sed etiam quoniam originem ducit non à filio tantum, sed etiam à Patre, quia omnia, quæ filius habet, habet etiam Pater, ac vice versa, iisduntaxat in quibus relatiuè opponuntur exceptis. Vnde postea ponderat Euangelii, & Apostoli verba, quibus Spiritus sanctus appellatur non modo Spiritus Dei, sed etiam Spiritus Christi, vel filii, vel veritatis.

Rursus lib. 3. contra eundem respondens ad ipsius consequentiam, Cur inquit, necesse est, si dignitate, & ordine tertius est Spiritus sanctus, natura quoque ipsum tertium esse? Dignitate namque ipsum secundum esse à filio, cum ab ipso esse habeat, & omnino ab illa causa dependeat, pietatis ratio tradit: natura vero tertium, neque ex sanctis scripturis didicimus, neque ex prædictis possibile est colligere Græcis autem in Concilio Florentino causantibus hunc Basilii locum fuisse à Latinis corruptum, quod in nullis codicibus Græcis illa verba, cum ab ipso esse habeat, & omnino ab illa causa dependeat, haberentur; Latini pro-rulerunt, Græcum codicem ante 600. annos scriptum, in quo continebatur. Atque illa fuisse à Græcis Schismaticis abrasa postmodum in aliquibus exemplatis, probat contextus ipse, inde enim arguit Basilii, spiritum esse dignitate, & ordine, secundum à filio, non tamen natura; quia sicut filius est secundus à Patre, quoniam ab illo habet esse, ita quoque spiritus est secundus à filio, vbi nisi subintelligatur, quod prius dixerat, nimirum Spiritum sanctum

ſanctum ab ipſo eſſe habere, & omnino ab illa cauſa dependere, ſumpta cauſa more Gregorum largo modo pro principio; claudicat argumentum, vel diſcurſus Baſilii, & comparatio diſcrepat. Illius verba ſunt: *Nam quemadmodum filius ordine quidem à Patre ſecundus eſt, quoniam ab illo eſt: & dignitate, quoniam origo atque cauſa eſſendi Pater ipſi eſt, & quoniam per ipſum acceſſus, & adductio ad Deum Patrem: natura verò nullo modo ſecundus, quoniam in utroque una eſt Deitas: ita videlicet & Spiritus ſanctus, & ſi dignitate, & ordine ſecundus à filio eſt, non tamen veriſimiliter aliena ipſum eſſe natura inde conſequitur: Confirmaturque ex eo, quod iuxta communem Theologorum ſententiam, ſi Spiritus ſanctus non procederet à filio, non haberet ordinem ſecundi reſpectu illius; reſteque proinde Baſilius hic aperte docet, dignitatis ordinem, eſſe originis ordinem.*

Id ipſum non minus clare tradit lib. 5. tit. 6. ubi ait: *Chriſtus eſt imago inviſibilis Dei, imago verò filij ſpiritus: & tit. 11. Quod ſicut filius ad Patrem ſe habet, ſic & ſpiritus ad filium. Propterea & Dei quidem verbum filius eſt, filij autem verbum ſpiritus.* Eſt enim improprie verbum, & imaginem appellavit Spiritum ſanctum, ut minimùm tamen intendit aſſerere Spiritum ſanctum procedere à filio, quemadmodum filius procedit à Patre. Colligiturque evidenter ex ſequenti titulo 12. ubi propoſita quaſtione; *Cur & ſpiritus filius filij non dicitur?* reſpondet: *Non quia non ex Deo per filium.* Quod enim ſupponit quaſtio, videlicet Spiritum ſanctum à filio procedere, id magis expreſſè affirmat ſolutio concedens Spiritum ſanctum eſſe à Deo Patre per filium. Ni autem id quaſtioni præſuppoſitum fuiſſet omnino nulla fuiſſet ratio dubitandi. Maniſeſtum namque eſt, nullam perſonam eſſe filium alterius, à qua non procedit. Tandem lib. de ſpiritu ſancto cap. 17. repetit quod *Quemadmodum ſe habet filius ad Patrem,*

ita ad filium ſe habet ſpiritus; & cap. 18. Nativa bonitas, & naturalis ſanctimonias & regalis dignitas à Patre per Vnigenitum ad Spiritum ſanctum permanat.

Vnde Baſilio ita perſpicue docenti Spiritum ſanctum ex filio procedere, fruſtra opponitur, quod habet in epiſt. 43. ad Gregor. Nyſſenum: *Nullam ſecundum propriam notionem, communionem habet filius cum Patre:* in quantum negatiua huiusmodi vera non eſſet, ſi filius Spiritum ſanctum produceret: foret enim vnus ſpirator cum Patre, & communem conſequenter cum eo notionem haberet. Reſpondetur enim in iſdem Baſilii verbis contineri obiectionis ſolutionem, nullam nimirum communionem habere filium cum Patre, ſecundum propriam notionem rigoroſo ſumptam, hoc eſt, pro illa, quæ vni duntaxat perſonæ conuenire poteſt; cuiusmodi Patri eſt ſola paternitas, & innatiſcibilitas, filio autem ſola filiatio, non autem ſpiratio actiua, quæ Baſilius ex locis adductis ſupponit non eſſe propriam Patris, ſed communem illi, & filio, dum tam clare in illis aſſerit Spiritum ſanctum procedere ab utroque. Poſeſt etiam dici huiusmodi notionem ſpirationis actiue eſſe propriam Patris, filiumque in ea communionem non habere, quod ſolus Pater eſt etiam reſpectu Spiritus ſancti primum principium, non ducens originem ab alio principio, filius autem eſt principium de principio, virtute ſcilicet ſpiratiua à Patre vna cum eſſentia accepta; ut iam notauimus ſupra.

Gregorius Nazianzenus orat. 32. ad quinquaginta Episcopos, nomine principii multoties diſtinguens perſonam filij à perſona Patris, & Spiritus ſancti, ſubiungit hæc verba: *Nomen principij experiri Pater, principio filius, ei autem, quod cum principio eſt, Spiritus ſanctus: filius autem nullam peculiarem habet principij rationem, quæ nõ competat Spiritui ſancto, niſi eſſe principium ipſius, in quo etiam, ex ſtatim diſtis diſtinguitur, à Patre, quia eſt princi-*

principium de principio, & non expers principij, ut Pater, igitur dicendum est Spiritum sanctum à filio procedere; nec ibi filium vocari principium, id est conditorem creaturarum, ut responderi posset; tali siquidem proprietate, siue per nomen principij hoc modo ad extra sumpti, filius non distinguitur à Spiritu sancto (quod Nazianzenus intendit) sed tantum vna cum illo à rebus creatis, quarum etiam est principium.

Item orat. 37. quæ est quinta Theologie, explicans quomodo Filius, & Spiritus sanctus sint eiusdem naturæ cum Patre, nihilque deficiat illis; licet eam diuerso habeant modo, utitur sequenti exemplo; *Quid tandem Adamus erat? Dei figmentum. Quid Eva? figmenti figmentum, & fetus. Quid Seth? vtriusque soboles.* Quo sanè exemplo licet in aliquibus claudicante, supponitur Spiritum sanctum à Patre filioque procedere, sicut Seth ab Adamo, & Eva. Nam Adamum Patri comparat, quoniam à nullo homine procedit, Euam autem filio, quia à primo tantum homine procedit. Confirmaturque ex eo, quod ibidem versus finem obseruat à Christo dictum fuisse, *mittam eum*, scilicet Spiritum sanctum, *ut propriam auctoritatem ostenderet*, id est, quod sit author, & principium Spiritus sancti. Hoc enim auctoritatis nomen significat in Trinitate, ut docent omnes Theologi.

Tandem orat. 43. seu tractatu de fide: *Misit, inquit, nobis Christus Spiritum sanctum de propria sua, & ex una eademque substantia, protectorem, signatorem, & auctorem in vitam æternam &c.* orat. verò 50. seu tract. de fide Nicænæ Synodi, Spiritum sanctum, ait, Patris, & filij semper in Patre, & filio coeternum esse: at nec esset filii, nec in filio, nisi procederet ab illo, ut dictum est supra, ponderando loca sacræ Scripturæ.

Sanctus Epiphanius hæc habet hæref. 62. *Ex eadem essentia, ex eadem Deitate, ex Patre & filio, cum Patre & filio semper in substantia Spiritus sanctus.* hæref. 69. *Quo ostendat, Christus Dominus,*

lumen Patrem, & lumen Patris esse filium, & lumen Spiritum sanctum, & fontem ex fonte ex Patre, & Unigenito Spiritum sanctum, flumina enim ex alio ipsius fluent. hæref. 76. respondens ad cap. 1. Aetii dicit, *in substantia esse Spiritum sanctum ex Patre, & filio; ad caput autem 34. à Patre per Unigenitum est Spiritus sanctus.* Cumque Græcorum, nomine Marcus in Concilio Florentino sess. 18. assereret in Epiphanio non haberi verbum *est*, à Ioanne Latinorum nomine primum conuictus est de contrario; quamque postea dabat explicationem, ut *esse ex Patre, & Filio*, nihil aliud significaret, quam *esse de substantia illorum*, hoc est, eiusdem cum illis substantiæ, merum esse figmentum ad eludendam Epiphaniij mentem; quam locis citatis tam clarè aperuit, nec non insuper in Ancorato, ubi hæc habentur verba: *Spiritus sanctus non genitus, non creatus, non filius, sed ex eadem essentia Patris, & filii, &c. Spiritus Dei, & Spiritus filii, non iuxta aliquam compositionem, quemadmodum in nobis corpus, & anima, sed in medio Patris, & filij, ex Patre, & filio tertius nomenclatura, &c. Vita est totus Deus. Igitur vita ex vita est filius.* Ego enim sum, inquit, veritas, & vita. Spiritus autem sanctus ab utrisque Spiritus ex Spiritu, &c. Spiritus sanctus, Spiritus veritatis est, lux tertia à Patre, & filio &c. sanctus Spiritus solus appellatur à Patre, & filio Spiritus veritatis, & Spiritus Dei, & Spiritus Christi, & Spiritus gratiæ &c. Si itaque à Patre procedit, & ex meo, inquit Dominus, accipiet, quemadmodum nemo nouit Patrem nisi filius; neque filium nisi pater: sic ausim dicere, quod neque spiritum, nisi pater, & filius, ex quo procedit, & à quo accipit: & neque filium, & patrem, nisi Spiritus sanctus, qui verè glorificat, qui docet omnia, qui testificatur de filio, qui ex patre & filio, solus est dux veritatis.

Philæ Carpathius à S. Epiphanio Episcopus ordinatus comment. in Cantica versus principium; *Verbum, inquit, condit, conseruat vna cum diuino illo spiritu.*

ſpiritus, qui à Patre filioque procedit; & paulo ante finem: Ipſe enim dixit: non relinquam vos orphanos, ſed vado, & venio ad vos; vado corpore, venio ſpiritu, qui à me ſemper Patreque procedit, derivatur, & ſpirat.

Gregorius Nyſſenus lib. de eo, quod non ſint tres Dij, poſtquam docuit idéitatem diuinæ naturæ in perſonis, earû diſtinctionem ita explicat: *Eam, quæ circa cauſam; & cauſatum conſideratur differentiam non negamus, per quod ſolum diſcerni alterum ab altero deprehendimus, nimirum eo quod credimus aliud quidem cauſum eſſe, aliud verò ex cauſa, & ex eo, quod ex cauſa eſt. Ac ruruſum aliam differentiam conſideramus. Nam aliud quidem continenter, & ſine medio ex primo eſt, aliud verò per id, quod immediatè, & ex continenti eſt. Quibus ſane verbis nihil ad noſtrum intentum præclarius dici poteſt, ſi perpendatur primò particula, per quod ſolum, quæ apertè ſignificatur, etiam filium, & Spiritum ſanctum ab invicem non poſſe realiter diſtingui, niſi quoniam alter eſt cauſa, ſeu principium, alter ex cauſa, ſeu ex principio; proptereaque additur, ex eo, quod ex cauſa eſt, hoc enim de Spiritu ſancto alia ratione non verificatur, niſi quia procedit ex filio, tanquam ex principio, quod eſt ab alio ſui principio, videlicet Patre. Secundò cum eodem diſcrimine neceſſariò connexum eſt, quod ſubiungitur de mediatione, videlicet, quia perſona Spiritus ſancti non eſt à Patre continenter, & ſine medio ſicut filius, ſed per filij perſonam.*

Gennadius de proceſſione Spiritus ſancti cap. 1. & 2. refert ex homil. 3. ſuper Pater noſter eiufdem Gregorij Nyſſeni ſequentia verba: *Filius Spiritus neque eſt, neque dicitur; neque hac relatione conſequentia convertitur, ſed ſpiritus ſic dicitur, quia ab eo accipit, ab eoque procedit, & ex eo eſt, quemadmodum ex Patre: Ex homilia verò 4. Unigenitus filius ex Patre à ſacra Scriptura nominatur, & huc uſque verbum ſuam conſtituit proprietatem, ſanctus autem Spiritus, &*

ex Patre dicitur, & ex filio præterea eſſe oſtenditur. Si quis Spiritum Chriſti dicit, non habet, hic non eſt eius. Quæ verba, ex eodem Gennadio, etſi quidam aduerſus propriam ſalutem ingenioli ex quibuſdam libris ſtylo ferreo adhibito deleverunt, quosdam tamen codices reperiri aſſerit, qui aduerſus adulterantium audaciam clamant. Quod autem Nyſſenus lib. de differentia eſſentiæ, & hypotaſis verſus medium loquens de filio ait: Nullam quantum attinet ad propriam notam, & peculiare inſigne communionem habet, vel cum Patre, vel cum Spiritu ſancto, eodem modo, quo ſupra Baſilij dictum explicandum eſt, ab eo nimirum ibi notionem, ſive notam propriam ſummo rigore proprietatis ſumi, quæ conuenit omni, ſoli, & ſemper.

Diuus Chriſoſtomus homil. 1. in Symbol. Apoſtol. verſus finem ait: *Iſte eſt ſpiritus procedens de Patre, & filio, qui diuidit propria dona ſingulis pro ut vult; & homil. 2. Iſtum Spiritum ſanctum dicimus Patri, & filio eſſe conequalem, & procedentem de Patre, & filio &c. Ecce & in Spiritum ſanctum credimus, qui Spiritus ſanctus, procedens de Patre, & filio, charitate coniungitur. Item ſerm. de Trinit. verſus finem ait: Si ex Patre procedit, & à filio ſumit, non alterius ſubſtantia eſt Spiritus. Spiritus Dei, Spiritus Chriſti, Spiritus veritatis. Haecenus Patres Græci, qui floruerunt ante ſuſcitatum per Neſtorium hæreſim de proceſſione Spiritus ſancti à ſolo Patre, excluſo filio, vt habetur in confeſſione fidei Neſtorianorum, quæ extat in actis Concilij Ephreſini cap. 31. cuique primum etiam fauit Theodoretus, ſed poſtea reſipuit; nunc ſequuntur, qui poſt illam vixerunt, primuſque occurrit.*

Sanctus Cyrillus Alexandrinus, qui pluribus in locis oppoſitum expreſſè docet, primùm in anathematismis, quos edidit, & declarauit hortâte Concilio Ephreſino, c. 1. anathem. 9. *Unigenitum*, inquit, *Dei verbum homo factum eſt, māſi tamen Deus, omnia, præter ſolam pater-*
terni-

ternitatem, cum Patre aequalia, & communia habens; unde Spiritum sanctum, qui ex ipso est, ipsique essentialiter inest, tanquam proprium peculium possidens diuina potentia signa operabatur.

Lib. 1. de recta in Deum fide, ad Theodos. Imperat. Immitte, inquit, Christus Spiritum baptizatis, non alienum, sed eum qui ex illo, & per illum est. & lib. 2. de eadem fide ad Reginas, pluribus adductis testimonijs ad probandum, quod Spiritus sanctus proprius sit filij, sicut & Patris, demum concludit: procedit autem per utrosque & uiniscus quoque Spiritus.

Insuper lib. 13. Thesauri cap. 1. ait: Quoniam igitur uita secundum naturam filius est, & Spiritus etiam sanctus, quem ipse largitur, uinificat: necesse est omnino conferri Spiritum sanctum ex substantia Patris, & filij esse, totamque ipsius uirtutem, atque operationem habere: cap. 2. Ex filio naturaliter, ac essentialiter Spiritum sanctum, sicut ex Patre provenire credimus, per quem filius omnia innuens sanctificat. Capite etiam 3. & 4. nec non lib. 6. dialogi cum Hermia, adductis scripturæ locis, quibus Spiritus sanctus à Christo accipere & mitti dicitur, nec non esse spiritus eius, vel veritatis inde concludit processionem ipsius à filio, esseque illius proprium, sicut est proprius Patris.

Quod idem docet lib. 9. in Ioannem cap. 44. & lib. 10. cap. 13. Cum, inquit, spiritum veritatis, id est, suum (ipse enim veritas est) Paracletum appellaueris, ex Patre ipsum procedere ait, nam sicut filij spiritus est naturaliter in ipso manens, & per ipsum procedens: sic cerè Patris quoque spiritus est. Quibus autem spiritus communis est: & profectò substantialiter dissolari non possunt. Nemo enim impiorum nos ad ea, qua intelligere nefas est, uerbis suis impellere conetur. Nemo, inquam, spiritum Patris per filium, ut per ministrum mitti ad creaturas credat. Credere namque debemus, quoniam spiritus sic proprius filij est, sicuti sanè ipsius quoque Dei Patris: idcirco ad sanctificationem

nem suorum discipulorum ab eo mitti. Unde quando in epist. ad Anastasium Alexandrinum, explicans Symbolum Nicenum propè finem de Spiritu sancto dicit: Profunditur quidem, hoc est egreditur, sicut à fonte, Deo Patre: conceditur autem creature per filium; tali distinctione noluit excludere filium à productione Spiritus sancti cum Patre; sed tantum ostendere solum Patrem esse fontem supersubstantialem Deitatis, ut loquitur Dionysius c. 2. de diuin. nom. & consequenter Spiritus sancti. Fontis enim nomen, summo rigore sumptum, non cōuenit nisi primo principio, quod ab alio non profuit, & deriuatur, ut in diuinis solus est Pater, cui propterea non tantum à dictis, sed ab alijs etiam Patribus huiusmodi nomen frequentius tribuitur; sicut etiam in eodem sensu filius cōparatur flumini, quod deriuatur à fonte, & à quo deriuatur stagnum; Spiritus autem sanctus stagno, quod deriuatur à fonte, & flumine, uerum ab ipso non deriuatur aliud. Quia autem minus etiam rigide, quandoque fons appellari solet, quodcumque principium, unde manat aliquid, quamuis illud prius ab alio manauerit principio, inde Athanasius varijs in locis vocat Filium, fontem Spiritus sancti, Epiphanius uerò hæc. 69. fontem ex fonte, quia etiam ab eo procedit Spiritus sanctus, sicut ipse originatur à Patre.

Theodoretus quidem nullibi professus est expressis uerbis Spiritum sanctum etiam à filio procedere; id tamen sufficienter significasse uidetur Roman. 8. ad illud, Propter inhabitantem spiritum eius in nobis: & 1. Corinth. 2. ad illud, spiritum qui ex Deo est; dum ait, illum, à Patre procedere, nimirum tanquam à primo principio, & per filium dari; eumque ita sensisse satis colligitur ex eo, quod cum fauerit Nestorio in principio controuersie, postea resipuit, Concilioque Chalcedonensi cum Catholicis interfuit; in quo lecta est epistola Cyrilli, & Patrum Synodi Alexandrinæ scripta Nestorio, ubi manifestè habetur

habetur processio Spiritus sancti à filio, ut vidimus supra.

Anastasi Synaita Episcopus Antiochenus, cuius honorifica fit mentio in sexta synodo, lib. 1. de rectæ fidei dogmatibus, sequentia habet verba, contra Græcos allata ab Andrea Colossensi Episcopo in Concil. Florent. a. 7. *A corpore quasi exemplari proprietate accepta, diuinorum connexionem ostendimus per membrorum proportionem, ac similitudinem: sic & spiritus oris eius spiritus sanctus dicitur, cum os sit Unigenitus, & spiritus rursus ex eo procedens, non solum à Patre, sed etiam à filio missus: atque Dominus semet esse ostendens discipulis insufflans dicebat: Accipite spiritum sanctum.*

Sanctus Maximus, non Taurinensis Episcopus, sed Martyr Constantinopolitanus anno 660. illius contra Pyrrhū Monothelitam disceptationis, seu cum eo dialogi author, varijs in locis hanc eandem veritatem processionis Spiritus sancti à filio docuit. Bessarion in orat. 6. recitata, & posita in sess. 25. Concil. Florent. citat illum in cap. 4. Zachariæ; *Maximus, inquit, in medium prodeat, qui exponens, quid velis illud Zacharia Propheta, Aurca lampas, & quod supra eam, sic dicit, filij est essentialiter spiritus, non aduentitius, & deforis, nec temporaliter illum accipientis, sed ab aeterno essentialiter illum habentis, quemadmodum & Pater. Cuius ratio est, quod ex Patre per eum essentialiter procedit.* Alterum locum profert Diuus Thomas opusc. 1. contra Græcorum errores cap. 32. quem etiam adducit Gennadius Scholarius de processione Spiritus sancti, ex lib. de Candelabro, & septem Lucernis. Tertius denique habetur in epistola ad Marinum, cuius ambiguitas, & obscuritas, licet dederit occasionem acriter disputandi in Concilio Florentino de mente Maximi, ubi producta, & lecta est sess. 23. Nihilominus si consideretur attentè, qua fuit occasione scripta, quoue argumento huiusmodi epistola, quæ in illa continet-

Bibliot. Theol. Tom. V.

tur verba perpendantur, veritati Catholicæ suffragantur potius, quam repugnant: Cum enim in synodalibus Latinorum Patrum institutis plura essent, quæ à Græcis Constantinopolitanis reprehendi dicebantur. Negat hoc Maximus affirmans de duobus tantum capitibus examen factum. Primum erat Spiritum sanctum ex filio etiam procedere: alterum Christum, qua homo erat, caruisse peccato originali. De primo, in quo versatur questio, hæc scribit Maximus: *Consonas Romanorum Patrum attulere sententias: nec non Cyrilli Alexandrini ex sacris eius commentarijs in Ioannem, per quas demonstrarunt (næpe synodales Patres Latini) se se nequamquam asserere filium esse causam spiritus, unam quippe norunt causam filij, & spiritus Patrem, illius quidem secundum generationem, huius autem secundum processionem, sed significare, quod per ipsum etiam procedat, eaque ratione ostendere eiusdem essentia nulla cum varietate communionem.*

Quibus sanè verbis constat, Maximū eandem cum Patribus Latinis sententiam tenuisse, atque adeò Spiritum sanctum à filio etiam procedere, cum nullus eorum id vnquam negauerit, imo hic aperte dicant, eum per filium procedere. Ita vt questio reduceretur solum ad modū quo procedit, concederentq; per filium, negaret autem eum esse causam, hoc est principium primum, seu causam, sine causa, quem vnum Patrem esse volunt, vt rectè hanc controuersiam componit Ioannes Theologus sacri Ordinis Prædicatorum sess. 24. Concilij Florentini. Quod igitur ibi Patres Latini producta huiusmodi epistola, & Græcis vrgentibus, vt ex eius doctrina res decideretur, minime tali voluerint acquiescere petitioni, in causa non fuit, aut quod illam respuerent epistolam, aut in ea de mente Maximi dubitarent; sed quod non vnus duntaxat auctoritatus, verum vnanimi Patrum consensui de aliquo fidei dogmate diuina innitatur traditio, iuxta quam Conciliares sic-

ri debent definitiones in rebus ad fidem spectantibus.

De Sancto Ioanne Damasceno, licet aliqui dubitent, an rectè de hac Spiritus sancti processione senserit, ducti auctoritate Diui Thomæ 1. p. quæst. 36. art. 2. ad 3. Bessarion tamen orat. 6. pronione, Gennadius Scholarius tractatu in quinque capita Concilij Florentini cap. 1. Iosephus Episcopus Methonensis in responsione ad libellum Marci Ephesij; Gregorius Hieromonachus in disputat. aduersus eundem, alijque plures post ipsos, cum liberant ab hac nota prolatisque alijs locis, & collatis cum illo desumpto ex lib. de fide c. 11. ostendunt Damascenum eiusdem prorsus cum Maximo statim citato, & alijs Patribus fuisse sententiæ, eumque dixisse non esse ex filio, nequis Principalem causam Spiritus putaret filium, quasi non à Patre accepisset, quod per cum Spiritus sanctus procederet. *Communis*, inquit Bessarion loco citato, *Linguae Græcorum usus, cum per præpositionem, ex, principalem significet causam, & Damascenum coegit non ex filio, sed per filium dicere, procedere Spiritum sanctum: & Maximum, quod à Romanis dicitur ex filio procedere, idem significare sentire, ac si dicant per filium procedere. Quanquam enim, ait, Ex filio Spiritum sanctum prodire Romani asserant; præpositio autem, Ex, principalem significet causam, non tamen ideo dicunt, ut talem causam significet filium esse. Damascenus etiam, ex filio quidem Spiritus, inquit, minimè est, per filium autem conceditur, solus namque Pater est causa talis videlicet, qualem ipsa præpositio, Ex, significat. Quare talem quidem causam negant filium esse. Præpositionem autem, Per, attribunt filio, per quam simul cum Patre causam, siue principium Spiritus sancti esse significatur. Proptereaque eodem lib. 1. de fide cap. 18. Imago, inquit, Patris est filius, & filij Spiritus sanctus; quod dici non posset, nisi ut minimum Spiritus sanctus à filio procederet: & infra, Deus Spiritus sanctus medius Ingeniti, & Geniti per fi-*

lium Patri coniunctus est. Deinde Gennadius tractatu citato sect. 3. aliū profert locum ex cap. 13. rerum Theologicarum, ubi ait: *Ipsè quidem mens est Pater videlicet filij abyssus, filij genitor, & per filium manifestatiue spiritus productori; & paulo post: Spiritus verò sanctus manifestatiua occultis diuinitatis potentia Patris, ex Patre per filium procedit, ut ipse scit. Quid verò dictio per causam, seu principium significet iam patet ex dictis.*

Athanasius Syrus de passione imaginis Christi cap. 4. *Vnus est Deus pater, et ipse ingenitus; unus filius, & ipse Vnigenitus; unus Spiritus sanctus ab utroque procedens, per quem nos veraciter credimus esse saluandos.*

Tharasisius Constantinopolitanus in epistola ad Patriarchas Orientis in professione fidei sub initio, quæ habetur in 7. synodo Act. 3. *Credimus, inquit, in Spiritum sanctum, qui ex Patre per filium procedit.*

Quia autem eodem ferè tempore hoc est anno 791. celebratum est in Italia Concilium Foroiulienſe sub Paulino Episcopo Aquileienſi, sub cuius Metropoli. Foroiulium continebatur; ubi hæretici nominantur, *negantes Spiritum sanctum à Patre, filioque procedere;* Vndè posset alicui suboriri dubiū, quod modus loquendi, quo statim citatus Tharasisius, & alij Patres Græci vsi sunt, improbatus fuerit, nimirum quod Spiritus sanctus ex Patre per filium procedat. Notandum est hæc valdè inter se diuersa esse, scilicet, *negare, Spiritum sanctum à Patre, filioque procedere, & simpliciter dicere, Spiritum sanctum à Patre procedere, non negando tamen ex filio procedere, aut asserendo, & Patre per filium procedere.* Prima enim propositio, cum sit negatiua, atq; adeo malignantis naturæ, destruens omnem sensum, etiam illum, quo secundum fidem filius simul cum Patre virtute ab eo accepta producit Spiritum sanctum, merito censeri debet hæretica, quique illam asserunt vocari hæretici; scus autem

tem aliæ duæ, quibus absolute non dicitur, Spiritum sanctum non procedere à filio, sed tali modo loquendi tantum significatur, quod filius non sit aliud cum Patre principium, & quidem Patri par, aut non virtute ab eo communicata, ne duo æqualia, & prima poneretur principia, quod verissimum est. Propterea Hadrianus Papa, sub quo præfatum Concilium celebratum fuit, in responsionibus ad Carolum Magnum datis aduersus Synodi secundæ Nicænæ detractores, Tharasium ab illo reprehensum, quod *Spiritum sanctum ex Patre per filium procedere*, non autem, *ex Patre, & filio*, diceret, ita defendit, ut dicat perinde esse *per filium*, ac *ex filio*; recitatis nonnullorum Græcorum, & Latinorum Patrum sententijs Tharasij assertioni consentientibus, quod scilicet Spiritus sanctus à Patre procedit per filium; ut etiam docent omnes Theologum Diuo Thoma 1. p. quæst. 36. art. 3. Hactenus Patres Græci, qui scripserunt ante apertum Græcorum Schisma sub Photio Patriarcha ad annum 860. post quod Leo Imperator cognomento Philosophus, qui vixit circa annum Domini 880. in epistola ad Omarum Regem Saracenorum hæc habet: *Dixit: ne timeas Moses. Ego sum Dominus Deus tuus, Creator tuus, lumen de lumine, Verbum de Patre, ex quibus Spiritus Sanctus procedit.*

Simon Metaphrastes in Martyrio Dionysij Arcopagitæ cap. 1. Et ne dicam singula, finem accepit corporeus aduentus, incipit clara manifestatio veritatis, & in celum ascendit meus Christus, & ad sedem paternam reuertitur, & qui ex ipso procedit spiritum demittit discipulis, ut essent duces Gentium infidelium.

Plures alij usque ad Concilium Florentinum, eandem veritatem scriptis etiã de illa integris tractatibus, & opusculis docuerunt, quos Leo Allatius in suis de Græcia Orthodoxa libris, nec non opusculo aduersus Hottingerum refert, habenturque nonnulli editi in volumine inscripto *Opuscula aurea*.

Bibliot. Theologic. Tom. V.

Theologica, Petro Arcudio Corcyreo Collectore, & Interprete. Tum in fine Concilij Florentini.

Hi duodecimo sæculo fuere Alexius Arethenus, quem Georgium alij vocant; Nicetas Thessalonicensis Archiepiscopus, antea Maroniarum; Decimo tertio, Nicephorus Blemmida Monachus, qui orationem vnam de processione Spiritus sancti ex filio Patrum testimonijs refertum scripsit ad Iacobum Bulgariae Episcopum; & alteram ad Ducam Lascarium Imperatorem, magna ex parte in eodem argumento versantem: Ioannes Veccus Patriarcha Constantinopolitanus, qui primum contra Spiritus sancti processionem à filio senserat, & postea mutata sententia à Latinis aduersus Græcos stetit, nullusque pro illa plura scripsit, & solidiora, orat. de vniõne Ecclesiarum veteris, & nouæ Romæ; in opusculo duodecim capita appellatum: in epistola ad Agallianum &c. Andronicus Camaterus; Constantinus Melkeniota, & Georgius Metochita. Decimo quarto, Simon Constantinopolitanus, Ordinis Prædicatorum Cretensis, cuius affert Leo Allatius in opusculo aduersus Hottingerum egregiam hac de rescriptam epistolam ad Ioannem Nomophylacem: Demetrius Cydonius, cuius est egregia exercitatio aduersus Palamam, & tractatio de processione Spiritus sancti tredecim capita complectens. Esaias Cyprius, in epistola ad Nicolaum Scelengium. Decimo quinto, Gregorius Protosyncellus, in tractatu ad Imperatorem Trapesuntium, cuius etiam sunt illæ contra Ephesium disputationes post Concilium Florentinum collocatæ; Georgius Trapesuntius in tractatu ad Ioannem Cuboclesium, & in epistola ad Cretenses Hieromonachos, & sacerdotes. Cardinalis Bessarion varijs in locis, & Gennadius Scholarius Patriarcha Constantinopolitanus, qui interfuit, & orauit in Concilio Florentino, in defensione quinque capitum ibi definitorum, quorum primum est, *De processione Spiritus sancti à filio*. Decimo sexto, Ioannes

Cccc a

Arch-

Achripresbyter Plusiadeus, in disceptatione de differentijs inter Græcos, & Latinos, & de sacrosancta Synodo Florentina; Maximus Chrisoberga in orat. de eadem materia. Zaga Zabo in confessione fidei Aethyopice: *Spiritus Patris, Spiritus sanctus, Spiritus filij, Spiritus Sanctus, Spiritus autem sanctus Spiritus sui sine ulla diminutione, aut augmentatione. Is enim Spiritus sanctus Paracletus, Deus: visus, qui ex Patre, & filio procedit.*

Moles Mardenus Alsytius in professione fidei: *Credo in Spiritum sanctum procedentem ex Patre, & filio, absque ulla diuisione in substantia ipsorum.*

Siud, siue Sulaka, Nestorianorum Patriarcha: *Credimus etiam in Spiritum sanctum Deum perfectum, qui ex Patre, & filio procedit, & cum Patre, & filio adoratur, & gloriosus pradicatur.*

Gabriel Patriarcha Alexandrinus in confessione fidei: *Spiritus sanctus à Patre filioque eternaliter procedit, non sicut à duobus principijs, aut duabus spirationibus, sed ab utraque tanquam ab uno principio, & unica spiratione.*

Tandem in hoc nostro decimo seculo sæculo Petrus Arcudius, & Leo Allatus eandem veritatem suis libris contra aduersarios ita illustrarunt, ut eorum diligentia, & labori non modicum debeatur. Græcis Patribus ubique conueniunt Latini, de quorum mente, quia nunquam dubitatum fuit, circa processionem Spiritus Sancti à Filio, ideo sufficit præcipua indicare loca, quibus illam docent. Tertullianus aduersus Praxeam cap. 4. & 8. Cyprianus, vel quicumque alius sit auctor, in libro de operibus Cardinalibus Christi. Hilarius lib. 2. & 8. de Trinitate, nec non sermone de eadem, quem citat Gennadius. Damasus in confessione fidei ad Paulum Antiochenum. Ambrosius lib. 1. de Spiritu Sancto ad Gratianum cap. 10. & lib. 2. cap. 12. item in Symbolo Apostolorum cap. 1. & lib. de dignitate humanæ conditionis c. 2. Philastrius Brixiensis cap. 45. de hæresi triformem Deum faciente. Hieronymus dialog. 2.

aduersus Pelagianos, & in epistola ad Hedibiam. Augustinus lib. 4. de Trinitate cap. 20. ubi id probat, ex illo Ioannis 20. *Insufflatis, & dixit eis, accipite Spiritum Sanctum;* lib. 15. cap. 26. Tractatu 90. in Ioannem; lib. 3. aduersus Maximinum Arianum; cap. 14. alibi que passim; Paulinus Nolatus natali 9. Leo Magnus serm. 1. de Pentecoste cap. 3. & serm. 2. cap. 2. potissimum autem in epistola 93. ad Turibium cap. 1. Prosper Aquitanicus lib. 1. de vita contemplatiua cap. 18. & lib. sententiarum sentent. cap. 103. Arnobius Iunior in libro, cui titulus *Constitutio* Carolici cum Serapione de Deo Trino, & Vno. Ferrandus Diaconus regula 5. Paschasius Diaconus Cardinalis lib. 1. de Spiritu Sancto cap. 8. Fulgentius respons. 3. ad Ferrandum Diaconum, & lib. de fide ad Petrum cap. 11. Boetius Severinus lib. de Trinitate ad Symmachum Socerum. Aurelius Cassiodorus in psal. 50. & 58. Hormisdas Papa epist. 76. ad Iulianum Imperatorem. Agnellus Episcopus Ravennatensis in epist. de ratione fidei ad Arminium. Gregorius Magnus in Confessione fidei, homil. 26. in Euangel. & lib. 2. Dialogor. cap. 38. Isidorus Hispalensis lib. 7. Etymolog. cap. 3. & 4. Hildephonus Toletanus lib. de Virginitate Mariæ cap. 8. Aponius lib. 3. & 4. in Cantica. Venerabilis Beda ad cap. 8. Ioannis, & homil. in Dominica Exaudi. Alcuinus lib. 1. de Trinitate cap. 6. Ambrosius Ansbertus lib. 9. in Apocalypsi. Paulinus Aquileiensis aduersus Felicem Vrgelitanum. Carolus Magnus epist. ad Elipandum Toletanum. Haymonius homil. in Octaua Paschæ explicans illud Ioannis 20. *Insufflatis, &c.* Angelonius lib. 1. Regum cap. 13. Hincmarus in vita S. Remigij. Rabanus Maurus lib. 2. de vniuerso cap. 3. lib. 2. de institutione Cleri cap. 57. & lib. 6. in Eccles. cap. 2. Ioannes Diaconus lib. 4. vitæ S. Gregorij cap. 75. Remigius Antiochodensis ad Psalm. 32. Enricus homil. de Trinitate. Radulphus Flauiacensis in Leviticum lib. 7. cap. 1. Smatagus ad cap. 15. Ioan.

nis, & in epistola de Sabbatho Pentecostes. Pelegrinus Laureacensis in Symbolo. Leo IX. in epistola ad Veneri-
rum, & Histrie Episcopos, nec non ad
Petrum Antiochenum Episcopum. Ra-
dulphus Ardens Dominica I. post Ascen-
sionem. Guimundus Auerfianus lib. de
S. Trinitate: Meginardus tractatu de
fide. Anselmus Cantuariensis lib. de
processione Spiritus Sancti, & in Mo-
nologio cap. 55. Hildebertus Cenoma-
nensis epist. 21. ad Anselmum, & in Hym-
no de S. Trinitate. Iuo Carnotensis le-
mone de Pentecoste. Rupertus Tui-
riensis lib. 1. de operibus Spiritus Sancti
cap. 28. lib. 2. de glorificatione Trinita-
tis, & de processione Spiritus Sancti
cap. 17. Honorius Augustodunensis lib. 3.
de Philosophia mundi. Bernardus ser. 3.
de Pentecoste, & serm. 20. paruorum
sermonum. Richardus Victorinus lib. 6.
de Trinitate cap. 8. Petrus Lombardus
lib. 1. distinct. 11. litt. A. Hugo Etheria-
nus lib. 2. de processione Spiritus Sancti
cap. 13. Adam Victorinus. prosa de
SS. Trinitate. Hactenus Patres Latini
primorum duodecim seculorum pro
Spiritus Sancti processione ab utroque;
qui deinceps ab hac vsque tempora
idem docuere, tum S. Scripturae Inter-
pretes, tum Theologi cum Magistro, &
cum Diuo Thoma, innumeri sunt.

En ergo quomodo per vniuscuius-
que seculi Patres, ac Doctores, tum
Græcos, tum Latinos, diuina semper
habita est traditio de processione Spi-
ritus Sancti à Patre, & Filio, tanquam de
fidei Catholica dogmate, adeo vt non-
nisi summæ Græcorum pertinaciæ tri-
bui possit, qui in opposito errore adhuc
derinantur, quod post illum præsertim
à suis maioribus toties ciuratum, non
resipiscant.

Vt autem ex communi Theologorū
consensu, naturalis ratio, quæ superna-
turalem fidei reuelationem nō præsup-
ponit, adduci nulla potest, quæ Trinita-
tis mysterium, atque adeo processione
Spiritus Sancti à Patre, & Filio demon-
stret; illo tamen supposito, quod quæ-

vt etiam concedunt Græci dentur tres
Diuinæ personæ realiter inter se distin-
ctæ in vna, & eadem numero essentia,
vel natura; non desunt plures congruen-
tiæ, quibus dicta persuadeatur proces-
sio, imò nec demonstrationes Theolo-
gicæ. Talis est illa, quæ fundatur in
reali distinctione Spiritus Sancti à Filio
provt diuina nos docet fides; si enim se-
mel ex eiusdem principijs, vel etiam
ratione naturali certo ostendatur, talē
distinctionem realem esse non posse,
absque eo quod Spiritus Sanctus à Filio
procedat, adeo vt si per impossibile ab
eo non procederet, minimè ab eo reali-
ter distingueretur, vt maior, & sanior
Theologorum pars asserit, indè manife-
stè sequitur demonstratione à posteriori
Spiritus Sanctum necessario proce-
dere à Filio.

Altera desumitur ex hoc, quod, vt
ait Diuus Thomas 1. p. qu. 36. art. 4. ad 1
Spiritus Sanctus procedit vt amor mu-
tuus, & vnitiuus inter Patrem, & Filium,
vel vt alii loquuntur, tanquam nexus
Patris, & Filij; indè enim processio Spi-
ritus sancti non potest non requirere per
se, & necessariò ipsas duas personas pro-
ducentes; non solum realiter, & ex im-
mutabilitate Diuinæ Essentiæ, qua ea,
quæ in Deo sunt ad intra, variari non
possunt; atque adeò simpliciter quoque
necessarium est, quod Spiritus sanctus
tam à Filio, quàm à Patre procedat; ita
vt aliter procedere non potuerit; verum
etiam formaliter, ex vi ipsius Spiratio-
nis, in tantum vt si per impossibile sup-
poneretur vna sola persona diuina, per
se ac interlascè Spiritus sanctus non
posset ab ea sola prodire, aut si prodiret,
qualis nunc est, talis non esset, hoc est
mutuus amor Patris, & Filij. Quare
tota huius rationis vis, & efficacia fun-
datur in hoc, an Spiritui sancto ratione
processionis suæ ista proprietas ita con-
ueniat, vt quarto modo, ac veluti cha-
racteristica sit: hoc enim admissio, quod
ille ita procedit amor, vt non sit nisi
duorū mutuus, & nexus amborū, quem
admodum ex Scriptura vnanimiter do-
cent

cent Patres Græci, & Latini, demonstrant. sequitur veluti à priori contra Græcos, Spiritum sanctum non posse non ex Patre, Filioque procedere; siue non satis esse ad illius constitutionem, solum Patrem, cum is non sit satis ad rationem mutui, vel reciproci amoris: qui nonnisi inter duos exerceri potest: de quo videndus est Diuus Thomas loco citato, & ibi Theologi cum illo.

Aliæ rationes minus principales, quæque non tam formaliter, quam materialiter, seu de facto probare videntur, sunt sequentes. Primò, quia Filius non minus, quam Pater est persona, subsistens, habens eandem voluntatem, eundemque amorem cum Patre communem, prius origine, seu ratione, quàm Spiritus sanctus procedat: sed in voluntate, & amore consistit virtus spirandi, sicut in intellectu, & cognitione virtus dicendi: Igitur Spiritus sanctus communiter tam à Patre, quàm Filio procedit. Ista consequentia videtur esse certa, supposita veritate antecedentis; si enim intellectus in Filio non est fecundus ad aliam productionem, quia iam terminum suum produxit, quod est verbum, ipseque met Filius; à contrario voluntas, & amor, in quibus consistit virtus spirandi, si semel sint in Filio, suumque actum, & terminum haud produxerint, non possunt non esse in illo ad producendum fecunda, & prona, atque adeo non potest non procedere ab illo Spiritus sanctus, qui est huiusmodi amoris terminus. Antecedens igitur probatur, quo ad primam partem, ex sacra Scriptura Ioannis 16. & 17. *Omnia quæ habet Pater mea sunt*: Et rursus, *Omnia tua mea sunt*: Quod, ut vidimus supra, à Sanctis vnanimiter intelligitur, Patri, & Filio omnia esse communia, præter ipsas relationes Patris, & Filij, in quibus habent oppositionem originis; Igitur cum in hoc, quod est habere voluntatem, & amorem, atque adeo esse principium spirantium Spiritus sancti, minime opponantur, quem Pater habet amorem fecundum, necesse quoque est

ut illum habeat Filius: nam cur sterilis erit amor in illo? ac proinde imperfectus, minimèque diuinus? repugnat quippè illa carentia fecunditatis, cum perfectione diuina, quando hæc est communicabilis, ut est spiratio actiua Filio, defectu oppositionis relatiuæ. Altera eiusdem antecedentis pars, Filium scilicet, habere dictum amorem, prius origine, seu ratione, quàm Spiritus sanctus procedat, patet; quia Filius prior est origine, vel ratione, quàm Spiritus sanctus, siue eorum processiones non se habent hoc modo concomitanter; prius igitur origine, seu ratione, quàm procedat Spiritus sanctus, habet etiam Filius voluntatem, seu amorem sibi à Patre iam communicatum, nedum essentialem, verum etiam notionalem, seu fecundum, quia ut est certum, non habuit actum in Filio, is enim non voluntatis, sed actus est intellectus. Tantum pro rei veritate.

At quia nonnulli illam admittentes, hoc est Spiritum sanctum à Filio etiam procedere, nihilominus dicere possent, Nicæno Symbolo, vel Constantinopolitano adijci non debuisse particulam *Filioque*, eo potissimum argumento ducti, quod in Concilijs Generalibus Ephesino I. act. 6. Chalcedonensi act. 6. Constantinopolitano II. collat. 6. & III. act. 18. Nicæno II. act. 7. expressè statuitur præfatorum symbolorum formulam inuiolatam esse conseruandam, nihilque illis adimi, nihilque addi debere. Secundo asserimus iure optimo dictam additionem, siue declarationem ab Ecclesia factam fuisse. Quod certè, supposito semel reimet fide, rationabiliter negari, aut in dubium reuocari non potest; eadem enim, quæ prius erat, tunc etiam fuit Ecclesia, eademque autoritate prædita, quando talis facta est additio; si igitur primum Ecclesia, autoritate sibi à Deo collata declarandi res fidei, iustis de causis, urgenteque necessitate sedandi exortas hæreses, vel impediendi imminentes, potuit in Concilio Nicæno nouum condere symbolum, & in Constantinopolitano illud magis explicare

care pluribus adicâis, nata iam de nouo hæresi Macedonij; potuit etiam in alijs Concilijs ob easdem rationes præfatæ particulæ *Filioque* additionem statuere.

Quamobrem in superius adductis Concilijs, vel alijs, prohibetur quidem mutatio, vel additio contraria doctrinæ in dictis symbolis Nicæno, & Constantinopolitano contentæ; nequaquam autem explicatio consentanea eorumdem Conciliorum menti, & virtualiter implicitèque habita in verbis symboli; sicut, vbi Diuus Paulus ad Galat. 1. anathematizat eos, qui docuerint præter id, quod ipse prædicauit, sub tali censura, non comprehenduntur, qui docent alia dogmata fidei conformia doctrinæ Pauli. Imò præcedentia Concilia nullam in hoc sequentibus, aut summis Pontificibus obligationem imponere valuerunt; omniumque proinde morem fuisse legimus, exigente necessitate, præsertim propter subortas hæreses, magis declarare, vel explicare, quæ in prioribus Concilijs nondum fuerant examinata, quia temporis nondum patebat necessitas.

Nec obstat, quod, cum tam apud Gallos, quam apud Hispanos additæ fuissent symbolo quatuor illæ syllabæ *Filioque*, dubitatum fuerit, vel tractatū in Concilio Aquisgranensi sub Leone III. anno Christi 809. num id benè factum esset, vt & ita auctum symbolum in Ecclesia caneretur; acceperat enim licentiam à Leone ipso Franci, vt posset Nicænum symbolum, siue dixerimus Constantinopolitanum in Ecclesia canere. Sed cum ipsi illud canerent cū eo additamento: inde oborta est controuersia, num licitè illis appositis syllabis, legitimè in Ecclesia cani posset, cum alioqui de ipsa processione Spiritus sancti à Filio minimè dubitaretur. Super quo præfatus summus Pontifex Leo III. consultus, missis ad eum à synodo Legatis, dictum videtur additamentum improbasse, prout colligitur ex actis cum eo relatis à Card. Baronio

tom. 9. proptereaque in Basilica S. Petri ex Anastasio, non autem Pauli, vt asseruit Magister sentent. lib. 2. dist. 11. c. 2. duas tabulas argenteas, pensantes argenti libras nonaginta quatuor, & uncias sex ad confessionem eiusdem S. Petri affigendas curauit, in quarum altera symbolum Latine scriptum legeretur, in altera verò Græcè, absque aliquo illius particulæ additamento *Filioque*.

Hoc, inquam, nostræ non obstat assertioni: summus enim Pontifex Leo in citatis actis non improbat absolute huiusmodi additamentum, aut negat illud fieri posse, sed tantum Legatos reprehendit, quod absque Romani Pontificis; vel Concilij Generalis auctoritate, quorum est symbola fidei condere, particularis Ecclesia id præstare tentasset, dictum additamentū faciendo, publicèque illud in Ecclesia canendo. Ideoque Leo Papa, nedum vt seruaretur memoria Symboli Constantinopolitani, quæ poterat obliterari noua explicatione illius: vel vt constaret nihil contrarium antiquitati doceri, sed integram retineri fidem antiquam, solis explicationibus denuò positis; verum etiā vt omnibus innotesceret, absque consensu Sedis Apostolicæ, tales quantumuis veras additiones minimè licere, duas dictas tabulas ad confessionem S. Petri affigi voluit.

Quando autem hæc additio particulæ *Filioque*, primū ab Ecclesia vniuersali facta fuerit Symbolo Nicæno, aut Constantinopolitano varia sunt Doctorum placita, quæ refert Didacus Ruis disp. 67. de Trinitate sect. 5. & nouissimè Franciscus Macedo Scholast. Theolog. postuius cap. 4. Aliqui enim illam tribuunt Concilio Constantinopolitano I. alij Summo Pontifici Damaso Romano eodem tēpore ab eo celebrato: alij, alteri Romano Pontifici, qui inter sextam, & septimam Synodum vixit, quos sequitur Ruis; alij denique septimæ Synodo Nicænæ II.

Verum quicquid sit de tali additione facta, aut aliquibus fidei confessionibus

nibus extra Symbolum Nicænum, aut eidemmet, autoritate Conciliorum particularium, de quo modò non curamus, qui de sola Symboli propria additione, nec non Ecclesiæ autoritate facta in aliquo Còcilio Generali agimus. Tertiò tanquam probabilius assero, eam non reperiri factam ante annum Christi ostingensimum, sed primum in Concilio Generali XIV. Lugdunensi II. sub Gregorio X. anno Domini 1274. primum, in Missa decanatum fuisse: symbolum, expressa illa particula *Filioque*. Prima huius assertionis pars, omisissis aliis probationibus, apertè videtur constare ex statim dictis de Concilio Aquisgranensis, & his, quæ cum Legatis eius, ac Leone III. acta sunt anno Domini 809. Si enim ante illud tempus hæc additio contigisset, non erat, cur in illo Concilio de illa dubitatum fuisset, Summulusque Pontifex Leo ob illam à Synodo factam ita acriter Legatos eius reprehendisset: Igitur, supposita huiusmodi actorum veritate dicendum est, ante tale tempus, hanc additionem non fuisse factam ab aliquo Summo Pontifice, vel Concilio Generali.

Alterà etiã pars assertionis ex eo patet, quia in nullo Concilio Generali ab eo tempore celebrato, talis additio reperitur, usque ad Lugdunense II. ut diximus supra: quod postea secutum, est Tridentinum, in quo symbolum cùm ea quoque particula *Filioque* recitatum haberetur. Et quamvis dubitari non debeat, quin alia etiã Concilia Generalia intermedia idem symbolum ediderint, præsertim Florentinum sub Eugenio IV. in eorum tamen actis non extat.

Superest iam, ut aduersariorum objectionibus contra processionem Spiritus sancti à Filio, breuiter satisficiamus; Prima fundatur in nonnullis sacræ Scripture locis, quibus ipsemet Christus Dominus, nulla sui mentione facta, asserit Spiritum sanctum à Patre procedere: Ioannis 14. & 15. Responderetur, ita in aliquibus Scripture locis haberi Spi-

ritum sanctum à Patre immediatè procedere, per quæ excluduntur hæretici illud negantes, ut in aliis significetur etiã eius processio à Filio, contra hæreticos illam pariter negaturos; talia sunt à nobis superius adducta, quorum legitimum sensum stare non posse ostendimus, sine vera, & reali processione personæ Spiritus sancti à Filio. Vnde nusquam in scriptura legitur Spiritum sanctum à solo Patre procedere excluso Filio. Quod igitur Christus Dominus interdum asseruerit Spiritum sanctum à Patre procedere, nec addiderit à Filio, id non fuit, ut indicaret eum à solo Patre, non autem à Filio suam originem, ducere, quemadmodum malè inferunt aduersarii; sed ut pro more suo hoc quoque referret ad Patrem, tanquam ad primum principium, à quo ipse etiã Filius habet virtutem, seu potentiam, producendi; ostenderetque, principium esse vnicum, à quo procedit Spiritus sanctus; quoniam Filius, licet sit persona distincta à Patre, non alia tamen ratione potest producere Spiritum sanctum, nisi quia ipse etiã Filius procedens à Patre, accipit ab eo eandem potentiam. Hanc solutionem tradit Diuus Augustinus tract. 99. in Ioann. & lib. 15. de Trinit. cap. 17. *Non frustra in hac Trinitate non dicitur, de quo procedat principaliter Spiritus sanctus, nisi Deus Pater. Ideo autem addidi principaliter; quia & de Filio Spiritus sanctus procedere reperitur. Sed hoc quoque illi Pater dedit.* Quod adhuc fusius explicat c. 27. & lib. 3. contra Maximinum cap. 14. Sed estò, quod Christus Dominus dixisset Spiritum sanctum à solo Patre procedere, non propterea ipse excludi deberet ab eadem autoritate, non solum quia exclusivæ dictiones additæ vni personæ Diuinæ, non excludunt alias personas nisi prædicatum illis opponatur relativè, cuius exemplum est illud Matth. 11. *Nemo novit Filium nisi Pater;* ut rectè notavit Diuus Anselmus de process. Spiritus sancti cap. 7. & D. Thomas opuscul. 1. cap. 32. §. 29. verum etiam,

etiam, quia, ex dictis ſupra, ſolus Pater eſt primum omnino principium, quodque ab alio non deriuatur, in proceſſione Spiritus ſancti, ſecus autem Filius, qui à Patre procedit, virtutemque ab illo producendi Spiritum ſanctum accipit: ſtantibus ergo tot ſcripturæ locis, quorum genuinus ſenſus ſaluari non poteſt, abſq; reali proceſſione Spiritus ſancti à Filio, multò minus ab ea debet ipſe excludi, eo quod in aliquibus aliis id non exprimitur; manifeſtèque patet ex ſimilibus locis, in quibus mentio fit vnus perſonæ, duabus aliis non expreſſis, quas tamen excludi, affirmare non poſſunt aduerſarii; vt dum Matth. 16. dicitur: *Caro, & Sanguis non reuelauit tibi, ſed Pater meus*: Ioan. 6. *Niſi Pater, qui miſit me, traxerit eum*: & cap. 15. *Ille vos docebit omnia*.

Secundà obiectio, vel argumentum deſumitur pariter ex variis Sanctorum locis, vbi aſerunt Spiritum ſanctum à Patre procedere, non factà mentione Filii; quin imo nonnulli videntur eum excludere, vt Diuus Dionyſius lib. de Diuinis nominibus cap. 2. vbi ait, quod *Solus ſons ſuperſubſtantialis Deitatis eſt Pater*. Reſponderur eodem modo, ac præcedenti, nimirum Patres multoties ſacræ Scripturæ verba referre, non addita eorum explicatione, quam licet omittant, non propterea negare putandi ſunt; præſertim ſi aliis in locis illam habeant. Satis enim ſupra oſtendimus Sanctos, ac veteres Patres expreſſè docuiſſe, Spiritum ſanctum non à ſolo Patre, verum etiam à Filio, vel per Filium procedere; ſiue quod idem eſt, exiſtere, ſpirari, emanare, profluere, ſcaturire, emitti, effundi, &c. nam quod aliqui concedunt, Spiritum ſanctum eſſe, quidem à Filio, vel profluere ab illo, nō autem procedere: *Videtur*, inquit Diuus Thomas 1. p. quæſt. 36. art. 2. *vel ex ignorantia, vel ex proteruitia eſſe*. Sanctus autem Dionyſius, aliiſque Patres ſoli Patri nomen fontis attribunt, ſummo rigore ſumendo illud, pro primo ſcilicet principio, quod à nullo prius

Biblior. Theol. Tom. V.

alio originem ducit; quo etiam ſenſu notauimus ſupra, eos filium comparare flumini, quod deriuatur à fonte, & quo deriuatur ſtagnum; Spiritum verò ſanctum ſtagno, quod deriuatur à fonte, & flumine, ſed ab ipſo non deriuatur aliud. Dicitur hoc nomen fontis ita acceptum ſoli Patri conuenire; quia ſi minus rigidè ſumatur, & prout interdum fontem appellare ſolemus, quodcumq; principium, vnde manat aliquid, quamvis illud prius manauerit ab alio principio, ſic Athanaſius varijs in locis vocat filium *fontem Spiritus ſancti*; Epiphanius hæreſi 69. clarius adhuc explicans hanc acceptionem, *fontem de fonte*; & Cyrillus Alexandrinus relatùs à Diuo Thoma opuſc. 1. cap. 32. §. 28. ait Spiritum ſanctum ex filio profluere, *tanquam ex fonte*.

Tertium argumentum, quodque in Concilio Florentino potiffimum vſerunt Græci, deducitur ex ſilentio primorum ſex Conciliorum Generalium, in quorum definitionibus, vel canonibus nulla fit mentio proceſſionis Spiritus ſancti ab vtroque. Reſpondetur primò, id quidem in primis ſex Concilijs Generalibus non reperiri expreſſè definitum, ſecus autem virtualiter, eo quod in illis, demptis duobus primis, approbata eſt epiſtola Cyrilli, & Synodi Alexandrinæ ad Neſtorium, in qua expreſſis verbis doceatur Spiritum ſanctum à filio effundi, aut emitti, aut procedere, vt dictum eſt ſupra. Secundò reſpondetur, eſto quod in præfatis Concilijs tacita, aut virtualis huius veritatis definitio habita non fuiſſet, ſed illam omnino ſiluiſſent, non propterea ſequitur, eam tunc ad fidem non pertinuiſſe, ſuoque tempore Symbolo à ſubſequentibus Concilijs addi non potuiſſe; quæ admodum enim, quod in Concilio Nicæno expreſſè diuinitatis Spiritus ſancti mentio non habeatur, tunc nondum exorta Macedonij hæreſi id apertè negantis, colligi non poteſt, haud ita rem ſe habuiſſe, quodque ad confutandam illam hæreſim, maioremque myſterij

D d d d San-

Sanctissimæ Trinitatis explicationem, non potuerit Concilium Constantino-
politanum addere Symbolo Nicæno, *Credo in Spiritum sanctum ex Patre pro-*
cedentem; sicut ipsum Concilium Ni-
cænum iam symbolo Apostolorum ad-
diderat has particulas, *Genitum non fa-*
ctum, consubstantialem, seu, *homonion*;
quantumvis reclamantibus in contrariis
Arrianis; ita quoque malè inferitur a
Græcis ex primorum Conciliorum si-
lento, circa processionem Spiritus san-
cti ab utroque, aut illam veram non es-
se, aut à Concilij Generalibus in præ-
fatis symbolis explicari non potuisse.
Ipsi enim negare non possunt in Eccle-
sia esse potestatem disponendi symbo-
lum, ac declarandi formam fidei, ad-
dendo aliquid iuxta temporum varie-
tatem, rerumque in illis occurrentium
necessitatem, ut satis patet ex statim
adductis exemplis. Cur verò id Eccle-
sia non fecerit in aliis rebus, quas de fi-
de definiuit; ut aliquis posset instare.
Respondetur nostrum non esse de eius
facto iudicare, sed id, quod semel de-
creuit reuerenter suscipere, rationabili-
terque factum esse credere. Certè in
symbolo fidei non omnes res ad fidem
pertinentes comprehendere debent; sic
enim cresceret in immensum, cum tamè
symbolum breuitatem exigit, eaque
præcipuè continere, quæ circa ipsum
Deum, ac mysterium Trinitatis, & In-
carnationis versantur. Quocirca in iis
duntaxat articulis, qui diuinas concer-
nunt personas, legimus Ecclesiam huc
vsque nonnulla adiecisse, secundum quod
varie contra illas subortæ sunt hæreses;
ut circa Patrem addidit, quod sit crea-
tor visibilibus, & inuisibilibus propter
hæresim Manichæorum, qui negabant
Deum esse creatorem rerum corpora-
lium; circa filium, quod sit consubstan-
tialis Patri, genitus non factus, contra
Arrium; circa Spiritum sanctum, quod
ex Patre procedat, simulque cum illo
sit adorandus; & conglorificandus, con-
tra Macedonium; ac tandem quod ex
Patre filioque procedat aduersus Græ-

cos. Eoque magis hoc vltimum ab Ec-
clesia fieri necesse fuit, quo illi inde
negabant huius mysterij veritatem,
quia non reperiebatur in symbolo ex-
pressum, asseriebantque insuper illud in
symbolo explicari ab ea non potuisse;
ne tali ipsorum argumento, inaniquæ-
relæ cedere videretur.

Quarta denique, & vltima obiectio
conglobatur ex variis rationibus, quæ
videntur mysterio Trinitatis repugnare;
præcipua fuit in Concilio Florentino,
quod si admitteretur Spiritum sanctum
ex filio procedere, concedi etiam debe-
rent duo spiratores, duoque principia
eiusdem, nec solum duo principia, sed
æque immediata, & non vnum ex alio,
hoc enim sonare, ac significare videtur
illa particula *Ex*, dum dicitur Spiritus
sanctus procedere ex filio, cum scilicet
primū esse principium, non ab alio acci-
piens, ut producat Spiritum sanctum.
Hoc autem repugnare mysterio Trini-
tatis, ex eo satis patet, quod quidquid
habet filius, non à semetipso, sed à Patre
habet: Igitur ne oppositum dicere co-
gamur, duos esse principia Spiritus
sancti; fatendum est eum ex filio non
procedere; aut saltem, quod pertinet
ad modum loquendi, si procedat, id ma-
lè exprimi per particulam *Ex*, ob ratio-
nem allatam, in modo eius significan-
di fundatam, sed potius dici debere
procedere à Patre per filium.

Respondetur ad hanc obiectionem
minimè sequi ex processione Spiritus
sancti ab utroque inconueniens ab ea
intentum, aut aliud simile, ut in litteris
vniōis expressè habetur, quod *Latini*
asseruerunt non se hac mente dicere
Spiritum sanctum ex filio procedere, ut ex-
cludant Patrem, quin sit fons, & princi-
pium totius Deitatis, scilicet filij, et Spi-
ritus sancti, aut quod id, quod Spiritus
sanctus procedit ex filio, filius à Patre non
habeat, sine quod duo ponant esse princi-
pia, seu duas spirationes, sed vnum tan-
tum asserant esse principium, unicamque
spirationem Spiritus sancti prout hæte-
nus asseruerunt. Igitur quemadmodum

tres

res diuinæ personæ in opere creationis, aut aliis ad extra, minimè dicuntur tria, sed vnum absolute principium, quia per vnam & eandem indiuisibilem essentiam, ac omnipotentiam cuncta operantur; ita licet Pater, & filius ad productionem Spiritus sancti concurrant tanquam duæ personæ realiter distinctæ, idque petat Spiritus sanctus ex sua characteristica proprietate, quia tamen id præstant per vnam, & eandem numero virtutem spiratuiam, quæ est ipsamet actio voluntatis, & notionalis, seu vt modificata relationibus paternitatis, & filiationis, propterea non duo, sed vnicum principium, vnicusque spirator in processione Spiritus sancti absolute dici debent.

Iam quod attinet ad modum loquendi, vel significandi hanc processionem, ab vtroque, quamuis non dubitetur eam posse exprimi per hoc, quod dicatur Spiritus sanctus procedere à Patre per filium, sicut & ipsamet processio, per hoc, quod sit cum ab illis profuere, emanare, scaturire; adeo vt ex Diuo Thoma quæst. 1. de potentia, si quis rectè consideret dicta Græcorum præfatis loquendi modis ventium, *inueniet*, inquit, *quod à nobis magis differunt in verbis, quam sensu*. Verbum enim procedendi, vt docet idem Sanctus Doctor 1. p. quæst. 36. art. 2. communissimum est inter omnia, quæ ad originem pertinent. Vnde qui concedunt à filio, vel per filium profuere, aut quomodocumque oriri Spiritum sanctum, necesse est quod ab ipso procedere fateantur. Talis nihilominus processio melius explicatur per hoc, quod in symbolo dicitur, qui ex Patre, filioque procedit. Primo quia *ly procedere ex alio*, ex se non dicit, quod illud principium ex quo procedit, non possit etiam ex alio esse; vt clarè patet in diuinis personis, quarum duæ vltimæ dicuntur principium creaturarum, easque ab illis procedere, quamuis sint principium de principio, hoc est habeant essentiam diuinam sibi ab alio communicatam. Secundò, quia licet

duæ vltimæ diuinæ personæ non sint principium creaturarum, nisi per virtutem à Patre acceptam, non propterea tamen necesse est dici eas fieri à Patre per filium, & Spiritum sanctum, sed ab illis tribus simul fieri, vel produci rectè dicuntur; ita quoque, licet filius non sit principium Spiritus sancti, nisi virtute sibi à Patre communicata, non id circo fit, quod ab illo, vel ex illo simul cū Patre dici non possit procedere. Tertio, quoniam illa particula *Ex*, Patri filioque præmissa, melius significat vtrumque esse vnicum Spiritus sancti principium, per vnam, & eandem indiuisibilem virtutem, atque adeo æqualem, & æqualitatem enim nõ tollit, quod ea filio communicetur à Patre, vt patet in essentia; quam si dicatur Spiritum sanctum procedere à Patre per filium; eo quod talis modus loquendi, siue particula *per* interdum significet modum operandi causæ instrumentalis, quam à principali distingui, nec eadem cum illa virtute operari certum est. Quartò quia dicta particula *Ex* Patri filioque præposita, significat vtrumque esse æque immediatum Spiritus sancti principium, vbi si diceretur procedere à Patre per filium, posset alicui suboriri dubium, quod Pater tantum esset principium eius remotum, filius autem proximum, vt aliqui dixerunt heretici. Sed de his satis, ex quibus clarè, vt puto, habetur, nonnisi summæ Græcorum pertinaciæ tribuendum esse; quod post tot Concilia, in quibus ipsis præsentibus, consentientibusque, omnia prædicta tam diligenter examinata, discussaque, ac tandem concordata fuerunt, ad pristinum errorem redierint, in eoque adhuc perseverent; sub iugo duræ, & iniquæ Mahumetanorum seruitutis, quam illis inde in penâ diuinitus obuensis credibile est, expugnata à Mahumete II. Constantinopoli Imperij Græci Metropoli, ipsomet Pentecostes die Spiritui sancto potissimam sacro, anno Domini 1454, vt communiter refertur.

CAPVT III.

Statuitur aduersus Iacobitās, Abyssinos, et Armenos, animas rationales non gigni à parentibus, sed à solo Deo creari, quando infunduntur corporibus.

EX varijs, quæ olim fuerunt, partim hæresibus, partim falsis sententijs de origine animarum rationalium. *Primo* quod nequaquam fierent, sed essent particulæ quædam diuinæ naturæ, vel aliquid de ipsamet Dei substantia, vt opinati sunt ex Philosophis illi, qui existimauerunt Deum esse animam mundi, omnes eius partes, atque adeo hominem etiam motu, & ratione gubernantem; ex hæreticis Gnostici apud Augustinum hæresi 6. Cerdonæ apud Theodoretum lib. 1. hæret. fabul. Manichæi apud Augustinum lib. contra Fortunatum, & Priscillianistæ, vt habetur in Concilio Bracharensi l.c. 5. *Secundo*, quod crearentur ab Angelis ex igne, & spiritu, vt Seleucus, & Hermias arbitrati sunt teste Philastrio in Catalogo hæreticorum. *Tertio*, quod gignerentur per traduceam ab animabus parentum, sicut corpora à corporibus, atque adeo ab anima Adami propagarentur omnes, vt sensit Tertullianus, ex Hieronymo in epistola ad Marcellinū, & Anapsychiam, vbi etiam hunc errorem tribuit Apollinario, & ex Diuo Augustino hæresi 86. qui eiusdem erroris sequaces facit Luciferianos hæresi 81. *Quarto*, quod animæ quidem crearentur à Deo, sed multo ante quam corpora gignantur, creatas esse omnes simul, & propter peccata illarum detruendi in corpora, vt ex Philosophis celsit Plato, cuius postea figmentum secutus est Origenes lib. 1. de princip. c. 7. & in Hieremiæ cap. 24. & 28. nec non Priscillianus, & alij.

Ex præfatis, inquam, erroribus circa animæ rationalis originem, Iacobitæ,

Abyssini, & Armeni, si non omnes, saltem aliqui duos postremos amplexi sunt; præcipui ex illis fuere Mekhitarus, & Vartanus, quorum primus affirmavit animas rationales traduei ex parentum origine, prout in libello, quem Benedictus Papa XII. ad Armenum Patriarcham transmisit, quique extat in M. S. Archi. Vat. refertur his verbis c. 5. Quidam Magister Armeniorum, vocatus Mekhitarus, qui interpretatur Paraclitus, de nouo introduxit, & docuit, quod anima humana filij propagatur ab anima Patris sui, sicut corpus à corpore, quia cum animæ rationales sint quædam lumina spiritualia, ex seipsis propagant alia lumina spiritualia. Et in hoc sequuntur eum quasi omnes de Prouincia Argiciensis, quæ est magna Prouincia, continens septem dietas. Alij verò Armeni non dicunt hoc, sed quod Deus omnes animas creat. Et Armeni de dicta Prouincia habent illum Mekhitarum pro sancto. Hæc ibi. Secundus autem Vartanus docuit, omnes quidem animas rationales à Deo creatas fuisse, sed simul ab initio vna cum Adami anima, vt suis postea vnirentur corporibus, vt pater ex confutatione cuiusdam epistolæ ad Haytonem Armeniæ Regem datæ à Romano Pontifice, vbi sic ait: Error est eorum, qui dicunt animas à Deo semper de nouo creari. Nam mendacem faciunt Moysen, asserentem Genes. 1. Deum cessasse ab omni opere suo. Vnde propter hanc, & alias hereses, huius Vartani nomen ad Clementem Papam VI. delatum, & ab eo damnatum fuit, vt constat ex eiusdem Clementis epistola ad Consolatorem Armeniæ Patriarcham, quæ habetur tomo 10. epist. secret. vbi sic illum interrogat: Scire volumus, si credidistis, & creditis, tu, & Armeni, qui tibi obediunt, Vartanum, quæm (prout nobis à pluribus est relatam, & asserunt) Armeni pro speciali Doctore habuerunt; & qui multos de Armenia, Menori labe hæresis infectis, docens, & scribens, quod spiritus omnium hominum fuerint insimul à Deo creati; & fuisse hæreticum, & hæresiarcham pessimum. Quomodo

rum pseudomagistrorum perniciosi co-
dices erroneis huiusmodi doctrinis re-
fertur, quia adhuc inter Armenos extat,
licet vniuersa eorum natio non sit illa-
rum rea, nec defunt plures, qui ad eas
sectandas discipulos incitent, vnde etiā
multi dubitant, ignorantque in quam
debeant ire sententiam, ideò non fuit
hæc de animæ origine prætermittenda
controuerfia, eiusque ad regulam fidei
decisio, pro qua sit.

Prima conclusio. Animæ rationa-
les, neutiquam vi seminis propagantur
aut gignuntur à parentibus. In hanc
conclusionem tanquam de fide conue-
niunt omnes Theologi Catholici post
Magistrum sententiarum in 2. dist. 18.
vbi sic ait: *Catholica Ecclesia animas in*
corporibus seminatis, atque formatis in-
fundi, & infundendo creari docet. Ac
Diuus Thomam 1. p. quæst. 118. art. 2.
asserentem; *hæreticum esse dicere: quod*
anima intellectiua traducatur cum semi-
ne. Prima huius veritatis definitio ha-
betur in epistola decretali Leonis I. ad
Turibium Asturicensem Episcopum, ,
expressè statuentis cap. 10. animas ra-
tionales à nullo incorporari præterquā
à Deo ipsarum creatore: Quæ renoua-
ta demum fuit in Concilio Lateranen-
si sub Leone X. sess. 8. vbi statuitur,
animas singulas singulis hominibus crea-
ri, & infundi à Deo. Vnde quod ali-
qui inter quos Gregorius de Valentia
1. p. disp. 6. quæst. 8. puncto 2. asserunt
propter Augustinum, & Eucherium
lib. 2. in Genes. cap. 2. non esse hanc
conclusionem ita de fide exploratam,
vt contraria opinio sit aperta hæresis,
non videtur audiendum. Est enim
Diuus Augustinus primum de hac que-
stione dubitavit, nec tam sibi persuase-
rit, quam optarit, veram esse senten-
tiam, quæ docet non per traducem gi-
gni à parentibus, sed per creationem
à solo Deo fieri animas, vt ipse in epi-
stola 28. ad Hieronymum sæpe indicat;
nihilominus postea re melius discussa;
iamque senex in epistola 157. ad Opta-
tum refellit sententiam de propaga-

tionem animarum ex parentibus dicens:
Itaque illi, qui propagationem animarum in-
considerata temeritate defendunt, &c. &
ibidem de Tertulliani in hac parte opi-
nionem agens ait: *Qui animas ex illa vna*
propagari asserunt, quam Deus primò ho-
mini dedit; atque ita eas ex patribus tra-
hi, dicunt; si Tertulliani opinionem se-
quuntur, profecto eas non spiritus, sed cor-
pora esse contendunt: quo quid perniciosius
dici potest?

Loca autem scripturæ, & Sanctorū
Patrum, quibus huius veritatis fides
innitur, & Ecclesia ad eius definitio-
nem mota est, illa eadem sunt, quibus
conclusionem sequenti probabimus ani-
mas à solo Deo creati, eo enim ipso,
quod fides hoc affirmat, illi quoque
apertè repugnat, quicumque alius pro-
ductionis animarum modus, quàm per
creationem, & consequenter opinio il-
lum docens, pro hæretica habenda
est.

Prima nostræ conclusionis ratio de-
sumitur ex ipsamet natura animæ, quā
spiritualem substantiā esse, atque adeo
immortalem supponimus, iamq; pro-
bauimus superiori sectione, cui proin-
dè repugnat, quod per agens naturale
gignatur; omne enim quod ita fit, ex
aliqua materia fit, ex cuius potentia
educatur, cum iuxta commune Philo-
sophorum axioma, *ex nihilo nihil natu-*
raliter fiat; cui etiam fauet experientia;
qua omni actioni naturali videmus præ-
supponi aliquod subiectum in quo, &
ex quo fiat effectus; sed anima rationa-
lis non fit ex aliqua materia, ex cuius
potentia educatur; neutiquam ergo a-
nimæ rationales vi seminis propagari,
aut gigni à parentibus, dicendæ sunt.
Maior huius argumenti constat; Minor
autem probatur; quia si ita fieret anima,
& consequenter in suo effe penderet à
materia, hoc enim significat educi ex
potentia materiæ, vt docent peritissimi
quique Philosophi; iam nec esset sub-
stantia spiritalis, nec per se subsistens
independenter à corpore, nec etiam
immortalis, vel incorruptibilis, vt pa-
teret

ret in animabus sensitiuis brutorum, quæ quoniam de materia potētia educuntur, indè materiales esse colliguntur, independenterque à corpore non subsistere, sed eo perante, illas quoque perire; quod cum aduersarij de anima rationali minimè affirment, necessariò fateri debent eas ex parentibus non trahi, seu non fieri ex propagatione; sed à solo Deo creari ex nihilo, vt dicetur conclusione sequenti; si quidem ex Diuo Augustino loco statim citato, & alijs Patribus, dicere, animas ex parentibus trahi, idem esse, ac eas non spiritus, sed corpora esse, contendere, ob rationem allatam.

Secunda ratio est, quia si animæ rationales fierent ex traduce, vel id coningeret, quia fierent ex corpore parentis, illiusve corporeo semine, vel ex anima, illiusve spiritali semine, vt quis forsitan fingere, & dicere posset, quod quemadmodum corpora ex corporibus, ita animæ ex animabus propagantur, sed neutrum dici potest; non primum, quoniam nulla virtus actiua agit vltra suum genus: anima autem rationalis excedit totum genus corporeæ naturæ, cum sit substantia spiritalis; nullum igitur corpus, nullaque eius virtus potest eius effectiōnem attingere. Deindè cum generatio alicuius est causa, cur aliquid sit; eius dissolutio causa item est, cur id pereat; sed dissolutio corporis non affert interitum animæ rationali, nam ab hoc separata perseverat adhuc in esse: alioquin non esset immortalis: ergo neque corporea generatio erit ei causa, vt esse incipiat, sine causa non erit generationis animæ. Secundum etiam asseri non potest, nā semen illud animæ spirituale, quod aduersarij ad sui erroris defensionem fingere possent, vel esset solum accidens, vel etiam substantia; si solum accidens, virtus scilicet seminalis; iam semen animæ non esset materia; ex qua alia fieret anima, cum tamen modo inquiramus quænam sit illa, sed tantum instrumentum agentis, quo vna anima

aliam crearet ex nihilo, quod ab ea naturaliter fieri non potest, quia creare, siue ex nihilo producere soli competit Deo. Si esset etiam substantia, sicut est semen corporeum, ex quo fit corpus; quæri vltcrius posset, vtrum huiusmodi spiritalis substantia seminis produceretur ab anima genitoris ex nihilo, an ex alia substantia spiritali, sicut semen corporum producit ex substantia corporali alimēti superflui. Si ex nihilo; ergo crearetur à creatura; si ex alia substantia spiritali, aut ex ipsa substantia animæ, de hac iterum idem peti posset, & sic daretur processus in infinitum, rediretque etiam prima ratio: Nulla igitur ratione dici potest animas rationales fieri ex traduce; sed aliam habere originis suæ causam, scilicet Deum illas ex nihilo creantem.

Quod egregiè Diuus Chrysostomus homil. 13. in Genes. cap. 2. colligit ex diuersitate modi, quo vsus est Deus in producendo animam primi hominis, & animas brutorum: *De illis enim inquit: producant aque reptilia animarum viuientium: & producant ex aquis animantia animata; Sic & de terra: producat terra animam viuentem. De homine autem non sic: sed prius de puluere corpus formatur; & vitalis illi virtus datur, quæ scilicet anima est substantia. Et idcirco de brutis dicebat Moyses: sanguis eius anima eius est: in homine autem substantia quadam est incorporea, & immortalis.*

Ad quod etiam Procopius Gazæus in Genes. cap. 2. ad illa verba; *hoc nunc os de ossibus meis, & carne mea*, rectè obseruat Adamum non dixisse; & *anima de anima mea*; vt intelligeretur corpora, sicut & animas brutorum, eo quod sint materiales, & ex materia ipsa educæ, propagari quidem ex traduce per generationem, secus autem animas rationales, spirituales, ac per se independentes à corpore subsistentes, sed ab ipso Deo creari ex nihilo.

Contra hanc conclusionem primò obijciunt aduersarij nonnulla Scripturæ

re loca, quibus habetur animas ex parentibus generari; nam Genes. 46. dicitur, quod *genuit Iacob sexdecim animas*; & rursus ibidem, quod *omnes animas, quae egressae sunt de femore Iacob, fuerunt sexaginta sex*. Sed facile responderetur in his, & similibus locis animam pro homine accipi, seu partem pro toto; sicut Levitici cap. 5. dicitur: *Anima, quae tetigerit aliquid immundum, &c. rea est, & deliquit*; item, *Anima quae intraverit, & protulerit labijs suis, &c. agat poenitentiam*. Nisi velimus asserere scripturam sibi contradicere, dum alibi expressè ait de anima pro parte hominis sumpta, quod sit à Deo creata; non autem ex traduce facta.

Secunda obiectio est, quia animae secundum fidem contra Pelagianos trahunt ex Adam peccatum originale; sed nisi traherentur ex eodem per naturalem generationem, non videtur possibilis talis contractio peccati, eas igitur non à Deo creari, sed ex traduce generari asserendum est. Responderetur ad hanc obiectionem, quae difficilis olim visa est Augustino, ut ipse indicat citata epistola 28. ad Hieronymum, duo praefata minimè inter se connecti, imò nec propagationem animarum ex anima Adami conducere si daretur, ut originale peccatum transfunderetur in posteros. Si quidem Adami anima iustificata à peccato fuit, antequam ille filios procrearet, ex anima autem iusta, non potest iniusta trahi. Igitur non quia anima fit ex anima, traducitur peccatum in prolem: maximè cum filii peccato originali infecti, gignantur etiam à parentibus sanctis; sed ad aliam rationem recurrendam est, ut saluetur propagatio, vel transfusio originalis peccati, quia nimirum Adam per generationem fuit omnium hominum primus parens, & caput, in cuius voluntate posita fuit à Deo supremo omnium Domino, nostra voluntas: vnde quod tunc ipse egit, & comedit contra divinum imperium, omnes nos censemus egisse, & comedis, propterea quae cō-

traxisse defectum iustitiae originalis, in quo peccatum originale consistit, reddens nos meritis exosos Deo, & damnationi obnoxios, quatenus poteramus alioquin, & debebamus per voluntatem primi parentis, quae quodammodo nostra fuit, habere perfectionem iustitiae oppositam illi defectui; vnde cumque sit anima vel ex traduce, vel à Deo per creationem; satis est enim, ut communiter docent Theologi cum Diuo Thoma 12. qu. 81. art. 1. ad 2. ad contractionem peccati originalis, quod quis verè accipiat naturam humanam à parente descendente ex Adam, siue quod homo ipse, cuius pars est anima, ab homine generetur; verè autem, ac propriè dicitur homo hominem generare, tametsi anima non producatur ab homine, sed inspiretur à Deo: si quidem generatio non terminatur ad productionem formae, vel materiae, sed compositi; vnde qui animam cum carne componit, quod praestat homo, cum per generationem, materiam ita disponit, ut anima infallibiliter consequatur is verè hominem generat. Quoniam, etsi non sit causa immediata ipsius animae, tamen est immediata causa ultime dispositionis, ut supponimus, ex qua naturaliter sequitur unio substantialis animae, & corporis, per quam homo constituitur, ut mox magis explicabitur.

Tertiò obijcit, fuitque argumentum Apollinaris, & aliorum haereticorum, quod si Deus ipse infunderet corporibus animas, inde sequeretur, cum quoque factibus ad adulterio, vel fornicatione, conceptis eas largiri, quod cum sit absurdum, imò impossibile, sic enim Deus peccato adulterorum, & fornicariorum cooperari videretur, dicendum est illas non à Deo creari, sed potius traduci ex parentum propagine.

Responderetur ad hoc argumentum, cum Diuo Hieronymo lib. 3. Apologie contra Rufinum, illis ipsis foetibus Deum benè uti, neque esse peccatum ad-

adulterij in ipsis foetibus, quos Deus animat, sed in hominibus adulterinè, & fornicariè generantibus: vt neque est peccatum furti in seminibus segetum furtiuè sublati, quæ à Deo in terra confouentur, sed in ea furantibus. Hæc sunt Sancti Doctoris verba: *Si dixero illud Ecclesiasticum: quotidie Deus operatur animas, & in corpora eas mittit nascentium: illic magistri tendiculas proferens: & ubi est iustitia Dei, vt de adulterio incestuque nascentibus animas largiatur? ergo cooperator est malorum hominū, & adulteris feminantibus corpora, ipse fabricatur animas? Quasi vitium sementis in tritico sit, quod furio dicitur esse sublatum; & non in eo, qui frumenta furatus est; idcirco terra non debeat gremio suo semina confouere; quia factor immunda ea proiecit manu?* Igitur, vt in alijs peccatis, ita quoque in adulterio, vel fornicatione duo considerari debent: & actio naturalis generationis humanæ, & malitia transgredientis legem Dei in actione illa perficienda. Quorum primum bonum est physicè, ei; Deum cooperari dici potest, cum in materiâ, ad generationem hominis vltimò præparatam, infundit animam; quod sanè, vt causa prima, & vniuersalis est, tenetur præstare; ne naturæ peruertat ordinem. Secundum autem malum est moraliter, cui proinde Deus non cooperatur, sed solum illud permittit, volens hominem in sua libertate relinquere.

Quarta, & vltima obiectio fundatur in nonnullis rationibus naturalibus, ob quas animarum rationalium productio videtur debere fieri ex traduce. Primò quia nisi anima gigneretur à parente, sequeretur hominem non verè generare hominem; si quidem per animam constituitur homo; hoc autem est absurdum, si enim cætera animantia excitant suæ soboli formas è potentia materiæ, concedi etiam debet homini, vt potè perfectiori agenti naturali, vt anima humana ab ipso producat; Deinde causa attingens vltimam alicuius

formæ dispositionem habet vim eiusmodi formæ productricem, cum forma, vt docent philosophi, sit finis generationis, & omne ageas, quod vi propria confert media ad finem, possit finem per se obtinere. At homo attingit vltimam dispositionem ad introducendam animam rationalem, ergo. Tertio, in materia est naturalis potentia ad recipiendam animam rationalem, siquidem anima est proprius, ac naturalis actus corporis; sed iuxta doctrinam philosophorum, cuiuslibet potentia naturalis passiuæ respondet aliqua actiuæ etiam naturalis. Ergo datur aliquod agens physicum, quod animam rationalem producat, videlicet parentes vi seminis eam progignentes.

Respondetur ad hanc obiectionem, nihil in ea considerari, quod conclusionis nostræ veritatem euertat. Ad primam enim rationem dicitur, hominem verè generare hominem, quatenus est immediata causa vltimæ dispositionis, ad quam sequitur naturaliter vnio animæ, & corporis constituens hominem. Neque solum homo tali modo censetur verè generare hominem, sed etiam leo leonem, & aliæ quæque res generare sibi similes. Leo enim non producit totum illud quod est leo genitus; si quidem non producit materiam, quæ est quoque pars substantialis leonis; licet producat quidem leonis formam, quæ tamen ipsa non est leo: sed leonem generare leo dicitur, quia est causa immediata vltimæ dispositionis ad vniionem animæ, & corporis leonis, ex qua resultat leo. Quod autem homo cum cæteris animantibus suam formam non efficiat, id non ex illius imperfectione, sed ex animæ intellectiuæ nobilitate provenit, quæ eo ipso quod est spiritualis, independenterque à corpore subsistens, alio fieri non potest modo, quam à Deo per creationem.

Ad secundam rationem respondetur, maiorem esse veram, quando forma eiusdem est ordinis cum suis dispositionibus, qualis anima rationalis non est

est, vt potè substantia spiritalis, independens quo ad suum esse à corpore. Ac licet eadem anima suo modo sit finis generationis humanæ; quia tamen præcipuus finis est ipsum compositum, siue homo, qui gignitur, sufficit, ne generans dicatur frustrari sine, si producat totum compositum, quamuis formam ipsam non generet, sed eius tantum cum materia vnionem attingat. Quod etiam satis est, vt homo dicatur absolute, & simpliciter gignere sibi simile secundum speciem.

Ad tertiam, maior itidem est vera; sed distinguenda est minor, & concedenda, si intelligatur, quod potentia passiuæ debeat correspondere actui naturalis, quæ formæ saltem introductionem, nexumq; cum materia attingat, secus autem quæ formam semper producat; vt enim verificetur dicta correspondentia, abundè fat est, dari in agente naturali talem potentiam, quâdo forma eius vires superat, vt eam naturæ auctor statâ, ac definita lege producat, vbi primum agens naturale materiam congruenter, perfectèque disposuit, quemadmodum in animæ rationalis creatione contingit.

Secunda Conclusio. Animæ rationales à solo Deo creantur, & infunduntur corporibus. Ista conclusio est de fide, præcipua scripturæ loca, quibus habetur; & vnde Ecclesia vniuersalis illam semper credit, credendâque proposuit Leo I. nec non Concilium Lateranense, vt supra diximus, sunt sequentia. Genes. 2. vbi cum ad hominem venit, eius animam à Deo creari, & infundi, significatur his verbis: *Formauit Deus hominem de limo terræ, & inspirauit in faciem eius spiritum vitæ, & factus est homo in animam viuentem.* Iobi cap. 31. *Nunquid non in utero fecit me, & formauit me in vulnere?* quod cum intelligi non possit de formatione hominis quo ad corpus, cum illud etiam formetur à patre virtute seminis, debet intelligi de illa quo ad animam, quam solus Deus

Biblioth. Theol. Tom. V.

creat, & infundit.

Psalmo 32. *Qui finxit sigillatim cor, da cori; id est, inquit Hieron. non ex Adam vt quidam dicunt, animam ex anima, Ecclesiastes cap. 12. Et reueratur puluis in terram suam, vnde erat, & spiritus redeat ad Deum, qui dedit illum.* Sapient. 15. *Quoniam ignorauit, qui se finxit, & qui inspirauit illi animam, quæ operatur.* Zachariæ cap. 12. *Dicit Dominus extendens calum, & fundans terram, & fingens spiritum hominis in eo.* Epistolæ ad Hebræos c. 12. v. 9. Deinde patres quidem carnis nostræ, eruditores habuimus, & reuerbamur eos: non multò magis obtemperabimus Patri spirituum, & viuemus? Vbi patres carnis vocat parentes, qui nos tantummodo secundum carnem generant: Deum autem patrem spirituum, id est animarum; vt indicet, nos non habere eas à parētibus, sed à Deo creati, & creando infundi humanis corporibus.

Verbo Dei scripto accedit traditum in Sanctorum Patrum libris conseruatum, qui nostram conclusionem vniuersim docent consensu, nec non de illa intelligenda esse ad litteram præfata Scripturæ loca. Athanasius in quæst. de anima, & mente. *Quapropter, inquit, anima quoque ductu intellectus imaginatur superna; & quæ illic sunt, quærere appetit, & desiderat: quoniam illinc habet creationem suam.*

Hilarius Picauensis lib. 10. de Trinitate ante medium: *Anima hominis opus est Deicarnis verò generatio semper ex carne est.*

Gregorius Nazianzenus carm. de anima.

En quæ primigeni fueris structura parentis.

Post autem in reliquis carnes ex carnibus ortum

Ducunt: exterius Mens verò illapsa, latenter

Puluerem molis se se coniungit: vt ille Nouit, qui primum effigiem cum carne ligauit.

Ambrosius Mediolanensis lib. de
Ecce Para-

Paradiso cap. 11. *Considera, quia de corpore costam sumpsisti, non de anima portionem; hoc est, non anima ex anima, sed os de osibus, & caro de carne.* Item libro de Noc, & Arca cap. 4. *Plerumque Angelos, filios Dei Scriptura vocat; quia ex nullo homine generantur anime; & tract. in Symb. Apost. cap. 18. Quotidiè Deus Maiestatis in plasmatis iâ corporibus animas facit, & infundit.*

Gregorius Nyssenus disputatione de anima, & resurrectione, & fufius lib. de officio hom. cap. 6. errorem hunc de propagatione animarum ex parentibus refellit ex profess.

Hieronymus in cap. 12. Ecclesiastes, perpendens citati verba: *Et Spiritus redeat ad Deum, qui dedit illum, hæc habet, Ex quo suis ridendi sunt, qui putant animas cum corporibus fieri, & non à Deo sed à corporum parentibus generari: Cum enim caro reuertatur in terram, & Spiritus redeat ad Deum, qui dedit illum; manifestum est, Deum patrem animarum esse non homines.* Item in epistola ad Pamachium contra errores Ioannis Hierosolymitani ita scribit: *Omne humanum genus, quibus animarum censetur exordis? Virum ex traduce, iuxta bruta animalia, aut quomodo corpus ex corpore, sic anima generetur ex anima, &c. an certe quod Ecclesiasticus est iuxta eloquia Salvatoris. Pater meus usque modo operatur, & ego operor; Et illud Zacharie, Qui format hominis spiritum in ipso: Et in Psalmis, Qui fingit per singulos corda eorum: quo. idiè Deus fabricatur animas, cuius velle fecisse est, & conditor esse non cessat.* Tandem in libro 3. Apologie adversus Ruffinum reprehendens illum, quod inter cætera asseruisset, se nescire vtrum animæ essent ex traduce nec ne; *Mireris, inquit, si contra te fratrum scandala concitentur, cum id nescire te inres, quod Christi Ecclesia scisse sitcantur.*

Chrysostomus homilia 1. de incomprehensibili Dei natura; *Anima, inquit, inspirantur, & corpora effinguntur: & homil. 33. in cap. 19. Matthæi: Anima*

nâ generat, nec generatur; & nullum cognoscit patrem, nisi eum cuius voluntate creata est; nullam cognoscit matrem nisi Ecclesiam, quæ illam regeneravit in fide.

Augustinus, ut vidimus supra, licet prius dubitarit de origine animarum, postea in epist. 157. ad Optatum aperitissimè refellit gas fieri ex traduce.

Cyrillus Alexandrinus lib. 1. in Ioannem c. 9. *Opportune, inquit, ac iuste non peccare in carne iubemur; quoniam eo capimus esse tempore quo una cum corpore in hunc mundum venimus; ac quasi à loco quodam, à nihilo ad esse pervenimus.*

Auctor libri de Ecclesiasticis dogmatibus, qui extat inter opera D. Augustini tomo 3. hæc habet cap. 13. *Dicimus creationem animæ solum Creatorem omnium nosse, & corpus tantum per coniugij copulam seminari, Dei vero iudicio coagulari in vulva, & compingi, atque formari, ac formato iam corpore animam creari, atque infundi, ut vivat in viro homo ex anima constans, & corpore, & egrediatur vivus ex utero, plenus humana substantia.* Hoc idem, qui deinceps secuti sunt, tum Patres, tum Theologi docuerunt, sufficiunt autem ad nostrum intentum præallati, quorum auctoritatem admittunt Armeni.

Porro nondum hæc veritas divinitus revelata habetur, verum etiam Philosophi illam agnouerunt, cum possit naturali ratione probari. Nam Aristoteles lib. 2. de generatione animalium cap. 3. de anima humana sic loquitur: *Restat ut mens sola extrinsecus accedat, eaque sola divina sit; hoc est, à solo Deo fiat; vel aliter fiat, quam ordinario modo generationis naturalis, nimirum per creationem, ita exigente, qua omnibus formis physicis præstat, naturæ dignitate; ut enim discurret D. Thomas lib. 2. contra gentes cap. 87. Omnis substantia, quæ producitur, aut generatur per se, aut per accedens, aut creatur; sed animæ rationales non generantur per se, cum non constent ex materia; & forma, sed sint formæ simplices:*

plices: neque per accidens, quia cum sint formæ corporum, oriantur per eorum generationem ex virtute seminali; quod substantijs spiritalibus, independenter à corpore subsistentibus repugnare superiori cōclusioni ostendimus: superest ergo vt per creationē esse accipiant; & consequenter à solo Deo. Quia cum creatio sit productio ex nihilo, id est, nullo supposito subiecto, & omnes causæ secundæ prærequirant subiectum in quod agant, sit vt creare sit solius primi agentis, cuius virtus vt est infinita, ita nec ad subiectum, nec ad certum agendi modum restringitur.

Tertia conclusio. Animæ hominū non fuerunt prius à Deo creatæ, quam gignantur corpora, sed nunc simul creantur, & infunduntur corporibus humanis, cum ea formantur. Hæc etiam conclusio est de fide; nam Leo I. epist. 93. ad Turibium Asturicensem, cap. 10. ita de Priscillianistis contrariū sentientibus pronuntiat: *Eos Catholica fides à corpore suæ unitatis abscedit, constanter predicans, atque veraciter, quod anima hominum, priusquam suis inspirarentur corporibus non fuere. Loca Scripturæ, quibus id nobis fuit reuelatum, sunt eadem, quæ pro superiori cōclusioni fuerunt adducta, præsertim ex Zachariæ 12. vbi, dum asseritur Deū fingere hominis spiritum in eo; apertè significari videtur, animam in corpore ipso, & non extra, nec ante corpus, à Deo formari. Addendus est ille Ioannis 15. Pater usque modo operatur, & ego operor: ex illo enim, nec non ex alio Psalmi 42. Qui finxit sigillatim corda eorum, Diuus Ambrosius in Symb. Apostolor. & Diuus Hieronymus epist. 61. ad Pammachium probant, singulorum hominum animas recēter à Deo creari, infundique suis corporibus. Quæ Scripturæ loca si non haberentur, adhuc sufficeret traditio, quàm expressè Patres cōsignarunt, vt mox videbimus; At quia oppositi erroris auctores duplici modo illum explicabant; primò*

Biblisp. Theol. Tom. V.

omnes animas rationales vna simul initio creatas à Deo fuisse in cælo, sed ante infusionem in corpora peccasse, atque in pœnam peccati in ipsa corpora tanquam in carceres, fuisse detrusas; secundò nunc vnā, nunc aliam ad ea mitti, non quia peccauerant; sed ne cogamur asserere, Deum post diem septimum aliquid noui creasse, contra illud Genes. 2. vbi dicitur, *Deus in illo requieuisse ab vniuerso opere quod patrarat; indeque Patres illos impugnauere, modò in eo, quod conueniebant animas ante corpora extitisse, modo verò, secundum quod in huius explicatione differebant; propterea etiam nos maioris distinctionis, & claritatis gratia, primò adducemus eorum loca, quibus absolutè dicitur animas nullo modo extitisse ante corpora; tum illa quibus in specie asseritur, non intrinsecas fuisse in corpora in pœnā alicuius præcedentis peccati.*

Clemens Papa lib. 5. Constit. Apost. cap. 8. ait: *Qui in vtero hominem de pulillo semine fingit; animamque illi, nondum existentem creat: & ut ipse ait quodam in loco Ieremia, antequam te formarem in vtero, noui te: & alio in loco, ego Dominus, firmans Cælum, & fundans terram, & formans spiritum hominis in eo.*

Irenæus lib. 2. aduersus hæres. c. 58. probans animas, antequā humanis infunderentur corporibus, nullatenus extitisse hoc vtitur discursu: *Si enim hoc, quod in breuissimo tempore visum est, vel in phantasmate conceptum est, & ab ea solum per somnium, postquam commixta sit corpori, commemoratur: multò magis illorum reminisceretur, in quibus tantis temporibus, & vniuersa præterita vitæ sacula immorata esset.*

Athanasius in tract. de Definit. vbi quid sit vnitas: *Non enim ante Verbum, quod Deus est, substantialiter ibi fuit corpus, vel anima; sed simul caro, & Deus, qui Verbum est, simul in eo fuere: quem admodum de nostra quoque conceptione videtur, quod anima per se subsistens simul concurrat cum corpore. Nam corpus*

Eccc 2 per

per se consistere non potest; nec anima subsistit ante corpus.

Gregorius Nazianzenus orat. 37. *Veretur ne absurda etiam, ac prapostera cogitatio capiatur obrepant, tanquam anima alibi usquam versata sit, ac deinde corpori huic astricta fuerit.* Et paulò post: *Sed quoniam hoc existimare, nimis stultum, & absurdum est, atque ab Ecclesiastica fide, & doctrina alienum, &c.*

Ambrosius in Symb. Apost. cap. 17. *Sed videamus, inquit, quidnam hereticis respondendum sit, qui animam Adæ, aut portionem Dei esse volunt, aut ante eam actam, quam eius corpus de terra fingeretur, quod profus alienum à fide Catholica, & extraneum est; quo ex Scripturis probato demum concludit: Quotidie ergo Deus Maiestatis in plasticis ià corporibus animas facit, & infundit.*

Gregorius Nyssenus lib. de hominis opificio cap. 28. & 29. hunc ex instituto errorem refellens sic ait: *Cum unus, & idem homo sit, qui corpore, & animo constat; unum esse, communeque tribuendum ei dicimus existendi principium: ne parte hac seipso prior, altera iunior sit, ac posterior. Et infra: Animus adeò quemadmodum ante corpus non existit; si hominis initio sine animo corpus esse, dici verè nequit: unum est utriusque principium. Idem docet disput. de anima, & resurrectione post medium; nec non homil. 7. in Cantica.*

Hieronymus locis superius citatis, tum etiam in epistola ad Marcellinum, & Anapsychiam, ubi vocat oppositam sententiam, *stultam persuasionem.*

Chrysostomus homil. 13. exponens illud Genes. 2. *Formavit igitur Dominus Deus hominem de limo terræ, &c.* hæc habet: *Sicut enim calum, & terra, & Sol, & Luna, & cætera omnia formata sunt, & irrationabilia animalia; & post hæc homo, horum principatum suscipitur: ita & in hac hominis formatione prius corpus producit, & postea anima, quæ dignior. Si enim Adæ anima non fuit creata vnà cum Angelis, nec in cælo, nec ante, sed post formationem cor-*

poris ipsius Adæ; id quoque asserendum est de aliorum hominum animabus; nulla siquidem esse potest maior ratio de his, quàm de primi hominis anima, quæ vel in Scriptura, vel in auctoritate Patrum aliquod solidum habeat fundamentum. Etsi enim Divus Augustinus lib. 7. de Genesi ad litteram cap. 24. dubitarit, an anima primi hominis singulariter paulò ante corporis formationem fuerit producta; nihilominus in oppositam sententiam magis inclinat lib. 12. de ciuitate Dei cap. 12. quam vnanimitè docent Patres, Gregorius Nyssenus in lib. de opificio hominis, Hieronymus epi. 67. ad Pammach. & 139. ad Cyprianum, Ioannes Damascen. lib. 2. de fide c. 12. & alij.

Cyrillus Alexandrinus lib. 1. in Ioannem cap. 9. *Non ergo, inquit, carni coniunguntur animæ, quia peccauerimus antea, quippè qui ante corpus non fuimus.* Et intra: *Si ergo pro operibus, quæ perperam, aut contra cum corpore gessimus, retributio fiet, nec vlla erit mentio eorum, quæ ante corpus probè, vel contra fecerimus; quomodo ante corpus fuisse animam audent dicere?*

Theodoretus in diuinorum decretorum Epitome, cap. de homine: *Ecclesia autem diuinæ Scripturæ credens, dicit animam vnà cum corpore fuisse creatam.* Et postea: *Rursus autem etiam in legibus idem Propheta Moyses nos apertè docuit, quod corpus prius formatur, deinde procreatur, & inseritur anima.*

Quamuis adducta huc usque Scripturæ, & Patrum loca efficaciter probent, animas rationales non intrusas fuisse in corpora, in pœnam alicuius præcedentis peccati; nam vt loco statim citato Divus Cyrillus arguit: *Carni non coniunguntur animæ, quia peccauerimus antea, quippè qui ante corpus non fuimus; nullus enim peccare, & ob peccatum promeritam pœnam recipere potest, nisi prius existat; addo tamen alia, quibus id expressè docetur: Rom. c. 5. Per unum hominem peccatū in hunc,*

mundum intravit, & per peccatum mors; anima autem homo non est, ut rectè docet Diuus Thomas 1. par. quæst. 75. art. 4. Igitur si ex Apostolo per vnum hominem, primum scilicet parentem, Adamum, peccatum in hunc mundum intravit, dici non potest animam eius, nec alias consequenter, prius aliquod peccatum commississe, quàm inspirarentur corporibus, in cuius pœnam debuerint in ea tanquam in carcerem confici.

Item ibidem dicitur: Regnavit mors ab Adam usque ad Moysen etiam in eos, qui non peccaverunt in similitudinē pravaricationis Adæ, qui est forma futuri; & cap. 9. de Iacob & Esau, quod, cum nondum nati fuissent, aut aliquid boni egissent, aut mali, (ut secundum electionem propositum Dei maneret) non ex operibus, sed ex vocante dictum est ei &c. Tandem 2. Corinth. 5. habetur: Omnes nos manifestari oportet ante tribunal Christi; ut referat unusquisque propria corporis, sicut gessit, siue bonum, siue malum. Quæ omnia, & similia Apostoli loca profecto vera non essent; si animæ antequam corporibus inspiratæ fuissent, aliquam peccati labem admisissent, & ideo damnatæ fuissent ad corpora. Eandem tamen veritatem magis expressè traderunt ex Patribus, Clemens Alexandrinus lib. 4. Strom. Non hæc, inquit, de calis anima ad ea, quæ sunt deteriora, demittitur. Deus autem fecit omnia ad ea, quæ sunt meliora. Methodius apud Epiphanium hæresi 63. Fabula est, & tragica cantilena, dicere, animas ex cælis deicellas esse; Epiphanius epist. ad Ioannē Hierosolymit. & lib. 2. de hæresibus, hæresi 64. Hieronymus epist. sæpius citata ad Pammachium, Theophilus Alexandrinus epist. 1. Paschali: Augustinus epist. 28. ad Hieronymum, omniumque fusissimè Cyrillus Alexandrinus lib. 1. in Ioannem cap. 9. ubi viginti tribus argumentis oppositum errorem penitus profigavit: Indeque damnatus fuit in Concilio Bracarensi 1.c.6. Si quis animas humanas dicat prius in cæ-

lesti habitatione peccasse, & per hoc in corpora humana in terram deicella fuisse, sicut Priscillianus dicit, anathema sit.

Quantum ad rationes pro hac tertiâ conclusione, nullam afferri posse existimo, quæ sit illius demonstratiua, vel omnino necessaria; nullam si quidem, videtur involuere contradictionem, quod animæ rationales potuerint creari à Deo ante corpora, sicut modo in statu separationis sine illis subsistunt: supposita igitur fide, seu reuelatione contrarij, nonnisi congruentias, probabilescue illius rationes habemus, quæ tamen id efficaciter persuadent, attento naturali rerum cursu, diuinæque providentiæ suauitate, quam se illi, ubi oppositum non reuelatur, accommodare in omnibus videmus.

Prima desumitur ex hoc, quod unicuique formæ naturale est vniri corpori; alioqui constitutum ex illa, & materia aliquid esset præter naturam: sed prius tribuitur vnicuique, quod ei secundum naturam, quam quod præter naturam competit; quod enim alicui conuenit præter naturam, inest ei per accidens, & quod secundum naturam, inest per se; quod autem per accidens inest, posterius est eo, quod est per se: Supposito igitur quod vnio animæ rationalis cum corpore sit secundum naturam; credendum est, eam non fuisse prius creatam à corpore abiunctam, seu antequàm illi vniretur, talem verò vnionem secundum naturam esse, & non contra, patet tum ex eo, quod secundum Philosophos, id quod est præter, & contra naturam, non sit semper nec ut plurimum, sed rarò; tum quia separatio animæ à corpore est violenta, & contra naturam; ut potè quam homo naturaliter fugiat, perhorrescat, & cum maximo doloris sensu sustineat; est enim mors vltimum, summum, grauissimum, & acerbissimum omnium terribilium.

Secunda ratio est, quia ex communi Doctorum assensu, anima habet natiuâ propensionem ad corpus, atque adeo propriam perfectionem non obtinet, nisi

nisi dum corpori coniuncta est; sed Deus, cuius perfecta sunt opera Den-
ter. 32. in prima rerum molitione pro-
creavit res secundum statum cuiuscun-
que naturæ congruentem, ac debitum;
vnde & cuncta, quæ fecerat, comperit
esse valde bona. Non igitur omnes si-
mul animas extra corpora creavit. Alias
necum fecisset aliquando opus suum
imperfectum; verum etiam illud in-
eius esse imperfecto tandiu conseruaf-
set. Quod autem anima non sit perfecta
natura, siue propriam non habeat per-
fectionem, nisi suo copuletur corpori,
probat *Primò*, quia anima non est to-
tus homo, sed pars hominis essentialis;
vel, vt definiuit Concilium Lateranense
sub Leone X. sess. 3. *est per se, & essen-
tialiter forma humani corporis*, cum quo,
tanquam cum sua materia, vnā perfe-
ctam hominis naturam constituit. Se-
cundò quia si anima sine corpore perfe-
cta natura esset, peti posset, vtrum sua
voluntate cum corpore vniretur, an
aliena? si aliena, certè cogeretur à su-
periori potestate in pœnam alicuius præ-
cedentis peccati; qui est error Platonis,
Origenis, Priscilliani, & aliorum supra
refutatus; vel saltem violenter maneret
in corpore; nec tam beneficium, quàm
pœna videretur esse vita humana. Si sua
voluntate iam tria sequerentur absurda:
Primum, quod frustra velit vniri cum
corpore, dum in se perfecta natura est,
nec indiget eius consortio, & opera. *Se-
cundum*, quod nunc, quasi mutata, vel
saltem prioris suspensa sententia, velit es-
se in corpore, cum tot sæculis sine eo
fuerit. *Tertium*, quod casu, & per acci-
dens fiat, vt vno eodemque tempore
concurrat voluntas hominis, generan-
tis corpus, seu disponentis materiam,
cum voluntate animæ, descendere cu-
pientis in illud, informandi causa.

Tertiò si animæ rationales ante cor-
pora à Deo creatæ fuissent, cum natura
in mundo nihil otiosum, ac sine propria
operatione esse patiatur, vt post Philo-
sophum lib. 10. Eth. cap. 8. communi-
ter asserunt Doctores, vtique habuissent

dictæ animæ in eo statu aliquam rerum
scientiam, & notitiam: sed non ita esse
plane constat, ex longo studio, & la-
bore, quo scientiæ à nobis comparan-
tur: ergo animæ non fuerunt creatæ
ante corpora. Nec satisfacit, quod ali-
qui dicunt de reminiscencia Platonica,
quam Aristoteles multis locis, sed præ-
sertim lib. 3. de anima cap. 4. ipsaque
experientia improbat; aut alii, quod vbi
animæ in corpora deiiciuntur, propter
coniunctionem cum hac terrena fecerunt,
quasi hausto obliuionis poculo, omnium
rerum memoriam amittant, vnde mi-
rum non est si tantus in acquirendis
scientiis labor sentiat. Nam cum natu-
rale sit animæ corpori coniungi, non
debit ex copulatione cum propria, &
naturalis materia tale detrimentum ca-
pere. Si dicatur hoc contingere in pœ-
nam præcedentis peccati; non solum
repugnat fidei, vt vidimus supra, sed &
ipsi lumini naturali; si quidem seque-
retur primò vnionem corporis, & ani-
mæ, non esse bonum naturæ; sed potius
malum quiddam, sicuti est omnis pœ-
na. Quod tamen impossibile est, cum
nullum malum perfe, siue ratione sui
intendatur, & tamen natura vnionem
animæ, & corporis, seu hominis gene-
rationem per se intendat. Secundò, cum
ex statim dictis; anima seorsim à cor-
pore non sit perfecta natura, siue debi-
tam non habeat perfectionem, donec
suo vnietur corpori, si illa ante corpus
creata fuisset, proptereaque in illud in-
trusa, quod in eo statu aliquam peccati
labem admisisset, sequeretur, quod nõ
peccando, vt ipsi liberum foret, malum
reportasset, quippe quæ maneret per-
petuò in suo esse naturali imperfecta,
semper exigens corpus, peccando autè
præmium, siue bonum, nimirum perfici
in suo naturali esse, & operari per cor-
pus, quod est naturæ maximum benefi-
cium; vel quod idem est, sequeretur bo-
num debere vocari pœnam, & supplicium
malum verò præmium, ac mercedem;
quæ omnia, & similia, de quibus vidè,
dus est Cyrillus loco citato, sunt magis
absurda

absurda, quam vltiori impugnacione indigeant.

Iis tandem, quæ huc vsque diximus, de quotidiana animarum humanarum productione, non ex traduce à parentibus, sed ex nihilo per creationem à solo Deo, nihil penitus officit, quod Genes. 2. dicitur *Deus requieuisse die septimo ab vniuerso opere quod patrarat*; talia enim verba non significant, animas rationales, aut fieri quotidie ex traduce, aut simul omnes in principio, vel cū Angelis, vel cum Adamo creatas fuisse, vt malè inferunt aduersarii, ne, inquit, cogamur admittere contra precatum locum, Deum aliquid noui facere post septimum diem, quotidie novas animas procreando; Hoc inquam nihil obstat, primum, quia non dicitur Deus absolute requieuisse, sed requieuisse ab opere, quod patrarat, videlicet illis primis sex diebus, vt patet ex textu; *Compleuitque Deus die septimo opus suū, quod fuerat: & requieuit die septimo ab vniuerso opere, quod patrarat*. Adeo vt sit sensus, Deum mundi opificium absoluisse sex diebus, atque ita die septimo destitisse mundi machinam condere; cum quo bene stat, quod in superius citatis sacræ Scripturæ locis habetur, de quotidiana animarum rationalium creatione, iuxta vanimem Sāctorum Patrum interpretationem.

Secundo, quia iidem Patres, potissimū Hieronymus, Augustinus, & Diuus Thomas docent, Deum dici cessasse die septimo ab omni opere suo secundum speciem, siue à nouis speciebus condendis, non autem à nouis indiuiduis, quorū similia secundum speciem precesserint; quia deinceps nouam aliā rerum speciem non creauit, sed tantum gubernauit eadem opera, multiplicando indiuidua specierum, à principio conditarum, quæ aliter, quam per creationē fieri non poterant. Quare cum omnes animæ intellectiue, omnesque homines sint vnus, & eiusdem speciei athomæ, cum Adamo sexto die creato; non facit nunc Deus aliquid noui secundum spe-

ciem, creando reliquas animas successiue, sed tantūm indiuidua eiusdem speciei multiplicat: maxime cum id non presterit nisi vt causa naturalis, & vniuersalis ad exigentiam naturæ, sic ab initio constitueret. Quando enim principio generationis humane produxit, hoc est, virum, & feminam, eisque, dixit Genes. 2. *Crescite, & multiplicamini*, tunc naturæ ordinem ita prefixit, vt quotiescunque corpus humanū fuisset in utero matris sufficienter dispositū, continuò ad illud animandum procrearetur anima: adeo vt pro miraculo habendum esset, si anima corpori ita disposito aliquādo deesset. De hac materia tractant Theologi cum Diuo Thoma 1. p. q. 90. & 118. & cum illa absoluius controuersias inter nos, & hæreticos Orientales, ad eandem partem spectantes.

CAPYT IV.

Statuitur aduersus Armenos, verè esse aliquod peccatum originale, quod Adæ posterius in ipsa generatione contrahant.

Cum nomine peccati originalis nihil aliud communiter à Theologis, & aliis intelligatur, quam labes quædam, siue defectus, qui hominem naturali via generationis ab Adamo descendentem, ipso suæ originis momento ita inquinat, vt tanquam veri nominis peccatum, eundem hominem exorsum Deo reddat, & variis huius vitæ miseriis obnoxium, tum etiam à cœlesti beatitudine, nisi deleatur, excludat. Quæstio est in præsentī vtrum notio hæc nominis vera sit, id est, vtrum Posterius Adæ naturam generatione accipiant contaminatam, à quo eiusmodi defectu, cui ratio peccati verè competit.

Quam quæstionem ex Diuo Augustino lib. 3. de peccator. merit. & remiss. cap. 6. & 7. vt primus in Ecclesia mouit Pelagius, ita quoque primus in ea turpiter errauit. Nam ante huius tempora con-

constans fides cum esset sic homines natura esse filios iræ, ut vult peccatum aliquod per generationem parentibus traherent, primus id negavit Pelagius, eiusque discipuli, asserentes, peccatum Adami soli ipsi nocuisse, non autem posteritati. Quare idem Augustinus lib. de hæresibus, hæreticum, negare peccatum originis. Quædam tamen postea fecerunt sibi communis hæretici; inter quos Alphonso Castrolib. de hæres. verbo *peccatum* Thomasi Iesu lib. 7. de conuers. omnium gentium recensent Armenos. Et licet enim fateantur baptismum necessarium esse ad vitam æternam consequendam, non tamen ad deletionem peccati originalis. Indèque paruulos absque baptismo decedentes asserunt in paradysum terrestrem migrare, si filii sint fidelium; si autem infidelium eam suis parentibus in infernum descendere.

Verum contra hos, & alios, de quibus, nec non & de variis suum errorem explicandi modis videri potest Cardinalis Bellarminus tom. 4. lib. 4. cap. 1. stat Ecclesiæ Romano Catholicæ autoritas firmiter credentis, ac docentis: Adæ præuaticationem non sibi soli, sed toti eius propagini nocuisse: nocuisse autem non solum transfusione mortis, & pænarum corporis, sed transfusione peccati, quod mors est spiritualis animæ, ut pote qui acceptam à Deo sanctitatem, & iustitiam non sibi soli, sed & nobis perdiderit, qui in eo tanquam in capite, fonte, & seminario eramus contenti, & quasi radicaliter conclusi. Vbi quatuor refutantur errores, primus asserentium, Adamum suo peccato nullum prorsus damnum nobis intulisse: secundus eorum, qui illum ea tantum ratione nocuisse fatentur, quod post peccatum mortalis factus, mortales etiã filios, pænisque corporis obnoxios genuerit; tertius docentium, nocuisse quidem etiam peccati infectione, sed non transfusione per originem, seu generationem, verum per solam imitationem,

quatenus eum imitati sunt omnes, qui postea peccauerunt; quartus denique illorum, qui concedunt, nocuisse quo ad peccati transfusionem, etiam per originem, sed per peccatum debere intelligi radicem peccati, scilicet concupiscentiam, quæ motus quidam est animi, vnde tanquam ex radice peccata pullulent.

Prima huius veritatis Catholicæ definitionis habetur in variis Summorum Pontificum decretalibus epistolis, Siricij ad Himerium cap. 2. Innocentij I. ad Concilium Mileuitanum, in qua confirmat eius Concilij decreta, cuius etiã meminit Diuus Augustinus lib. 1. contra Iulianum cap. 2. & epist. 157. Zoizimi ad Episcopos totius orbis, cuius verba idem recitat Augustinus eadem epist. 157. ad Optatum. Cælestini ad Gallos; Leonis I. ad Nicetam Aquileiensem; & Gregorij item I. ad Secundinum lib. 7. epist.

Tum in variis Conciliis Prouincialibus, Palæstino, cuius meminit Diuus August. lib. 1. contra Iulianum cap. 2. lib. de peccato origin. cap. 15. & epist. 106. Mileuitano in Africa, can. 2. Arausicano II. in Gallia can. 2. Carthagiensibus item in Africa, Episcoporum 217. can. 77. quod post confirmationem à Zoizimo Summo Pontifice obtentam, à toto orbe receptum fuit, ut testatur S. Prosper in Chronico ad annum 420. Tolemano VI. in Hispania can. 1. & 12. can. 2. Moguntino in Germania can. 5. Demum eandem renouarunt definitionem duo Concilia vniuersalia, Florentinum in litteris vniõis, & Tridentinum sess. 5. in decreto de peccato origin. vbi ad verbum repetit decreta Conciliorum veterum Mileuitani, & Arausicani.

Præcipua autem sacre Scripturæ loca, quibus hæc vniuersalis Ecclesiæ fides innixa semper fuit, sunt sequentia: Genes. 17. *Masculus cuius præputij caro circumcisa non fuerit, delebitur anima illa de populo suo, quia pactum mecum irritum fecit.* Illo vtitur Diuus Augustinus lib. 16. de Ciuitate Dei cap. 27.

Iobi 14. V. 4. *Quis potest facere mundum de immundo conceptum semine? nonne tu qui solas es?* vbi septuaginta Interpretes legunt: *Nemo mundus a sordes, nec infans, cuius est unius diei vita super terram.* Illum vrget idem Diuus Aug. in Psal. 50. nec non author libror. Hypognofticon lib. 5. apud eundem Aug. tom. 7.

Psal. 50. *Ecce enim in iniquitatibus conceptus sum, & in peccatis concepit me mater mea;* vel iuxta Hebraicum fontem, *in iniquitate, & in peccato.* De quo Augustinus in Enchirid. cap. 44. & 45. lib. de peccato origin. cap. 25. & lib. 1. de peccat. merit. & remiff. cap. 24.

Sapientia 12. v. 11. *Semen enim erat maledictum ab initio:* apud Augustinum lib. 2. de nupt. & concupifcentia c. 8.

Ecclesiastici 40. v. 1. *Iugum graue super filiis Adam, a die exitus de ventre matris eorum:* vitur Auguft. in Enchirid. cap. 66. & author Hypognofticon lib. 5. c. 3.

Offe cap. 6. v. 7. *Ipsi autem sicut Adam transgressi sunt pactum, ibi preuatiati sunt in me.* Vide Hieronymum in comment. super hunc locum. Tantum ex veteri testamento.

Loca noui testamenti sunt: Ioannis 3. v. 36. *Qui autem incredulus est filio, non videbit vitam, sed ira Dei manet super eum;* vbi vrget Augustinus lib. 1. de peccat. merit. cap. 20. & lib. 6. contra Iulianum cap. 12. non dici, *ira Dei veniet super eum,* sed: *manet super eum,* quia nimirum ex origine est.

Roman. 3. *omnes peccauerunt, & egent gloria Dei;* quo vitur Augustinus lib. 2. de nat. & gratia cap. 4. & author Hypognofticon lib. 2.

Roman. 5. *propterea sicut per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccarunt:* & infra *Per inobedientiam unius hominis peccatores constituti sunt multi.* Quem præcipue locum D. Augustinus vrget aduersus Pelagianos lib. de nat. & grat. cap. 39. lib. 1. de

Bibliot. Theol. Tom. V.

peccat. merit. & remiff. cap. 9. & 12. lib. 4. contra duas epistolas Pelagij c. 4. lib. 6. contra Iulian. cap. 12. & alibi.

Secundæ Corinth. cap. 5. v. 14. *Quoniam si unus pro omnibus mortuus est, ergo omnes mortui sumus:* & *pro omnibus mortuus est Christus.* Vnde Augustinus lib. 6. contra Iulianum cap. 4. ait: *Nega Christum pro paruulis mortuum, ut eximas eos de numero mortuorum, de contagione peccatorum.* Eundem locum citat lib. 1. de peccat. merit. cap. 27. & lib. 20. de Ciuit. Dei c. 6.

Ephes. cap. 2. v. 3. *Et eramus natura filij ira, sicut & ceteri:* id est, origine, siue natiuitate prima; vel simul atque communem naturam generatione accepimus: vt interpretatur Diuus Augustinus lib. 6. contra Iulianum cap. 4. & 10. tract. 44. in Ioanhem: *Quomodo, inquit, natura filij ira, nisi quia peccante primo homine vitium pro natura inoleuit.* Qui etiam lib. 3. de peccatorum merit. docet adeo esse apertam in præfatis Scripturæ locis doctrinam de peccato originali, vt etiam si aduersariorum solui argumenta non possent, nihilominus ei firmissimè inhærendum sit.

Sed verbo Dei scripto accedit insuper traditum apud Sanctos, ac veteres Patres eandem doctrinam tanquam fidei dogma vnanimiter testificantes. Ante exortam Pelagij hæresim ex Græcis habemus Dionysium Areopagitam lib. de Eccles. Hierarch. cap. 2. & 7. part. 3. vbi *per habitum, siue statum dissimilitudinis ingentum,* intelligit peccatum originale: Ignatium epist. ad Trallianos, vbi peccatum originale vocat *antiquam impietatem:* Iustinum in dialogo cum Tryphone, vbi ait Christum Crucifixum esse, *Humani generis causa, quod per Adam in mortem, & fradem, seductionemque serpentis considerat:* Irenæum lib. 3. cap. 20. & lib. 5. c. 17. nec non 34. vbi ait: *hominem initio fuisse in Adam inobedientem.* Origenem homil. 8. in Leuiti: *Quacumque anima, inquit, in carne nascitur, iniquitatis, & peccati sorde polluitur, propter quod dictum*

ffff est,

est, nemo mundus à sordē, nec infans, cuius est unus dici vira super terram: idem habet in cap. 5. epist. ad Roman. Athanasium serm. in illud: Omnia mihi tradita sunt: Basilium in Psal. 32. Cyrillum Hierosolymitanum Catechesi 2. Gregorium Nazianzenum orat. 3. de pace, & orat. 2. in S. Pascha: Gregoriū Nyssenum disput. de resurrect. & anima; nec non lib. de beatitud. orat. 6. ex homine, inquit, homo nascitur, ex peccatore peccator. Chrysostomum homil. si eius sit, de Adam, & Eva, homil. ad Neophytos: homil. 10. in epist. ad Rom. & 40. in priorem ad Corinth. quicquid in contrariū nostra ætate novi obganniant Pelagiani, cum enim iam olim Iulianus Pelagij sectator primarius S. Ioannem Chrysostomum ad patrociniū suæ hæreseos aduocaret, illum acriter defendit August. lib. 1. aduersus eundem Iulianum cap. 2. præfataque, & alia Chrysostomi profert loca, quibus ostendit eum de peccato originali nihil aliud sensisse, quam tot eius Cœpiscopi senserāt.

Ex Latinis sunt Tertullianus lib. de anima cap. 40. *Omnis anima, inquit, eousque in Adam censeitur, donec in Christo recensatur: tandiu immunda, quamdiu recensatur. Peccatrix autem quia immunda.* Cyprianus lib. 3. epist. 8. ad Fidum: Ambrosius in Apologia David c. 11. & lib. 1. de pœnitentia c. 2. Hieronymus in cap. 6. Osee; & Michæ; item lib. 3. aduersus Pelagianos in fine. *Quare, inquit, infantuli baptizantur, respondet, ut eorum peccata dimittantur, &c.* Rufinus in comment. Psalmi 50. *Nemo nascitur, nisi trahens culpam, & culpa penam.* Augustinus lib. 1. ad Simplicianum q. 1. & 2. quē scripsit ante Pelagianæ hæreseos ortum, ut patet ex retractationibus. His addi debent Reticus, & Olympus duo veteres Patres, quorum opera non extant, sed eorum testimonia; nec non præfatorum maiori ex parte citat S. Augustinus lib. 7. in Iulianum cap. 2. Ea qui futuram

sim Pelagianæ de peccato originali

nerunt Patres, quibus subscripserunt sequentes; adeo ut semper habitus sit hæretici cum Pelagianis, omnes illi, qui deriuari ex peccato Adami in posteros aliquod veri nominis peccatum negauerunt.

Ad huius tandem veritatis probationem non desunt plures rationes Theologicæ, tales appello in quibus aliqua supponuntur fidei principia, cum quibus existentia peccati originalis necessariam habet connexionem. Prima ducitur ex necessitate circumcisionis in veteri lege, Genes. 7. *Masculus, cuius preputij caro circumcisa non fuerit, delebitur anima eius de populo meo.* Talia enim verba intelligenda esse de damnatione æterna, per quam delemur de libro vitæ, fusè probat Augustinus lib. 2. de peccat. origin. cap. 30. Igitur cum ipsa paruulis octauo die ab eorum natiuitate conferretur, indicio est, eos mortem animæ per peccatum incurrisse, & reos damnationis æternæ extitisse. Dici enim non potest, infantes incircumcisos, esse peccati, & damnationis reos, ob non obseruatum circumcisionis præceptum, non autem propter peccatum originale præexistens; cum infantes nullius sint præcepti capaces, nec possint dici rei, ratione talis præcepti forsan à parentibus non seruati, alias sequeretur, quod aduersarii tantoperè abhorrent, & est contra Scripturam Ezechiel. 18. & alibi, quod filius portaret iniquitatem patris. Ergo cum asseratur eos, non recipiendo circumcisionem, delendos esse de libro vitæ; & alia ex parte non peccauerint, nec proprio, nec parentum peccato, non recipiendo circumcisionem, signum est manifestum, Deum voluisse ostendere ipsos infantes peccato aliquo ante hoc præceptum circumcisionis inquinatos fuisse, propter quod dampnandi erant, si remedium illius per circumcisionis Sacramentum non acceperissent.

Secunda ratio, eaque iniqua, quæ veteres passim vsi sunt, fundatur in necessitate Sacramenti Baptismi, in istius

Legis

Seſſio X. Caput IV. 595

Legis Euangelicę, ob quam infantes continuò baptizandi ſunt, ſi periculum ſit, ne in ea moriantur ætate, vt ex Apoſtolica traditione docent Patres; & ſemper in Eccleſia ſumma fuit ſollicitudo, ne quis omnino, ſiue adultus, ſiue infans abſque baptiſmo decederet; quare Pelagiani nunquam auſi fuerunt negare paruulos eſſe baptizandos, vt ſæpius teſtatur Auguſtinus, dicente Domino Ioan. 3. *Niſi quis renatus fuerit ex aqua, & Spiritu ſancto, non poteſt intrare in regnum Dei:* certum eſt autem, Sacramentum Baptiſmi conferri ad remiſſionem peccati; nam qui baptizantur, vt ait Chriſtus, renaſcuntur, item moriuntur peccato, & reſurgunt, vt in nouitate vitę ambulent: Roman. 6. rursus mūdātur, & lauantur. Ephes. 5. Tit. 3. Act. 22. tandem ex ritu Eccleſiaſtico exuſantur, & exorcizantur; quę omnia, & ſimilia ſatis patet verificari non poſſe, niſi præſuppoſito in ſuſcipiente baptiſmum aliquo peccato; dubitari igitur nō poteſt, quin infantes, quibus neceſſarium eſſe baptiſmum ex verbo Chriſti, & Apoſtolica traditione conſtat, peccatum habeant, quod ſecum ex vtero matris adduxerint, & hoc eſt, quod originale vocamus.

Hoc argumentum, quod ſæpius D. Auguſtinus vrget aduerſus Pelagianos, epiſt. 105. ad Sixtum Pręſbyterum; lib. 1. de peccat. merit. & remiſſ. c. 34. lib. 3. cōtra Iul. c. 5. ſerm. 10. de verbis Domini, ſic teſte eodem Auguſtino hæreſi 88. eludebant, vt dicerent paruulos, non ideo baptizari, quoniam abſque baptiſmo ſint obſtricti peccato, & ratione illius nequeant adipiſci vitam æternam, ſed ob id ſolum, vt tanquam hæredes Dei, & cohæredes Chriſti in Regnum Cœlorum recipiantur. Quam vim tantum habere dicebant præſatum S. Ioannis locum: *Niſi quis renatus fuerit &c.*

Verum hæc Pelagianorum euafio facile refelli poteſt. *Primò* quia ex Diuo Auguſtino, cæteriſque Patribus, ſacra Scriptura de regno cœlorum, & vita

Biblioth. Theol. Tom. V.

æterna ita indifferenter vbique loquitur, vt iſta duo nullo inter ſe modo ſeparari queant; ſiſtitium eſt igitur affirmare, non eſſe neceſſarium paruulis baptiſmum, vt beatam vitam conſequantur, eſſe autem, vt recipiantur in Regnum Cœlorum. *Secundò*, quę adduximus ex ſcripturis, vbi per baptiſmum mori peccato, renaſci, lauari, & mundari dicuntur illum ſuſcipientes, quod & ipſa ratio, & forma baptiſmi declarat, vt argumentatur Diuus Auguſtinus lib. 1. de peccat. merit. & remiſſ. c. 34. tum cęramonię cuiusdem antiquiſſimę, & in Eccleſia vniuerſa celebratę, abigendi ſpiritum immundum ab infantibus baptizandis per exorcismum, & exufflationem, quas ipſimet Pelagiani nec poterant, nec audebant reprehendere, vt ait idem Auguſtinus lib. 2. contra Iulianum cap. 2. *Id tu commemorare timuiſti, tanquam ipſe à toto orbe exuſſandus eſſet; ſi huic exufflationi, quę princeps mundi à paruulis eijcitur foras, contradicere voluiſſes.* Hęc, inquam, & alia ſimilia clarè demonſtrant baptiſmū nemini conferri niſi in remiſſionem peccati; proindeque vanum eſſe, quod Pelagiani aiebant, quodque renouarunt eorum ſequaces, paruulos baptizari ab Eccleſia non vt liberentur à peccato, ſed ſolum: vt adipiſci poſſint regnum cœlorum. *Tertiò* tandem, allata corrui euafio, quia æque vanum eſt exiſtimare, paruulos beatam vitam obtinere poſſe ſine baptiſmo, non ſolum quia beata vita, & regnum cœlorum coincidunt, verum etiam, quia licet diſtinguerentur, beata vita nemini contingit, niſi beneficio Chriſti, qui vt in ſequenti ratione ponderabimus eſt vniuerſalis omnium Redemptor, iuxta illud Apoſtoli 1. Corinth. 15. *Sicut in Adam omnes moriuntur, ſic & in Chriſto omnes viuificabuntur:* ex qua ſententiā, vt ait D. Auguſtinus epiſt. 28. ad Hieron. manifeſtè ſequitur, *neminem vitam æternam conſecuturum niſi per Chriſtum, ſicut nemo etiam moritur niſi per Adam;* Neminem autem beneficio Chriſti conſequi beatitudinem, niſi

FFFF 2 ſuſci-

fufcipiat baptifmum, in re quidem, vel in voto, fi eft adultus; aut fi eft paruulus in re, vel ratione æquiuales, pariendo videlicet propter Chrifm, martyrium, vt habet Ecclefie traditio, fatis oftendunt, quæ eadem, nec non diuinæ Scripturæ docent de neceffitate baptifmi in ftatu legis Euangelicæ refpectu hominum, quibus ita fanguis, & meritum Chrifmi profunt ad confequendam falutem, vt præterea opus habeant baptifmo, quo tanquam inftrumento vim meritum Chrifmi participant, qui vt ait Apoftolus ad Tit. 3. *Saluos nos fecit per lauacrum regenerationis, & renouationis*, & ad Ephes. 5. *Dilexit Ecclefiam, & tradidit ſemetipſum pro ea, vt illam ſanctificaret mundans eam lauacro aquæ in verbo vitæ*: Nullus igitur ex paruulis abſque baptifmo beatam vitam adipiſci poteſt, vt ſomniant Pelagiani, & in hoc eis conſentientes Armeni.

Tertia ratio Theologica deſumitur ex eo quod Chrifus Dominus venit, vt omnino homines redimeret, vt habetur ex ijs Scripturæ locis, quibus generalis omnium hominum abſque vlla exceptione redemptor aſſeritur 2. Corint. 5. *Pro omnibus mortuus eſt Chrifus*, & 1. ad Timoth. 2. *qui dedit redemptionem ſemetipſum pro omnibus*; Indè enim neceſſario ſequitur, vt arguit Diuus Auguſtinus lib. 1. de peccat. merit. & remiſſ. cap. 23. ipſos etiam paruulos tanquam per peccatum mortuos ab eo redemptos fuiſſe; Chrifus enim, non dicitur omnium redemptor, quia gratiam iuſtificancem vtrūque confert, ſed quia per illam nos à peccato, & pænis illius liberat, vt verbum ipſum redemptionis aperte ſignificat; & propterea, quæ diuinæ Scripturæ Chrifm pro omnibus, eadem tanquam pro iniuſtis, & impijs mortuum eſſe tradunt: ad Rom. 5. *Chriſtus ſecundum tempus pro impijs mortuus eſt*; & 1. Pet. 3. *Chriſtus ſemel pro peccatis noſtris mortuus eſt, iuſtus pro iniuſtis*: Igitur paruuli, vt verè dicantur à Chrifto redempti, non

minus quam adulti peccato detinentur; quod cum non fit actuale, debet eſſe originale, hoc eſt ab Adam in eos tranſmiſſum per generationem naturalem.

Quarta demum, & vltima ratio deducitur ex hoc, quod infantes iſdem pœnis, quas Deus primis parentibus inſiſxit, ſint obnoxij, vt morti, ægritudinibus, & ſimilibus alijs incòmodis; cum enim in diuinis habeatur Scripturis, illa eſſe peccati pœnas, Genes. 2. *De ligno autem ſcientiæ boni, & mali ne comedas, in quocumque enim die comederis ex eo, morte morieris*, & cap. 3. *Maledicta terra in opere tuo*. Sap. 3. *Inuidia autem diaboli mors introiit in orbem terrarum*. Rom. 5. *Et per peccatum mors, & ita in omnes homines mors pertranſiit*. & c. 6. *Stipendia enim peccati mors*. Manifefm eſſe videtur nonnullis argumētū, quod paruuli quoque ſint obnoxij alicui peccato, ſue quod illis inſit quoddam peccatum, quod non committitur propria voluntate; ſed ipſa propagatione à parentibus trahitur.

Sed vt fatear verum, iſtud argumentum deſumptum præciſe ex incommodis corporalibus, humanæque vitæ calamitatibus, ſue ſeorſim à pænis ſpiritualibus, v. g. mortis animæ, per gratiæ priuationem, indèque ſubſequentis æternæ damnationis, non mihi videtur omnino efficax. Quamuis enim, repugnet filios puniri huiusmodi pænis ſpiritualibus, ob ſola parentum peccata, & quin aliquo modo in illis participant: vnde Ezechiel. 18. habetur: *Animam, quæ peccauerit ipſa morietur; filius non portabit iniquitatem Patris, neque Pater iniquitatem Filij*, &c. nihilominus, ſi loquamur de pænis, aut incòmodis purè temporalibus, poſſunt filii propter peccata parentum illis affici, iuxta illud Exodi 20. vbi legitur Deum viſitare ſolere iniquitatem parentum in filios uſque ad tertiam, & quartam generationem, Et illud Ierem. 32. *Qui reddidit iniquitatem patrum in ſinum filiorum eorum poſt eos ſorti ſimè*. Igitur, quia omnis

nis pœna, ſi iuſta eſt, pœna peccati eſt, & ſupplicium nominatur, inquit D. Auguſtinus lib. 1. retract. cap. 9. poteſt quidẽ argui ex pœnis temporalibus filiorum, vel in illis, vel in parentibus aliquod eſſe delictum, non tamen ſemper determinatẽ, quia filii ob ſola parentum peccata temporaliter puniri poſſunt, vnde vt hæc poſtrema ratio plenã vim habeat, pœnis temporalibus ſimul debent coniungi ſpirituales, mortis animæ, & damnationis æternæ, quibus omnes Adæ poſteri ſunt obnoxii, atque adeo dicuntur ab Apoſtolo naſci filii iræ, cum enim huiusmodi pœnæ nõ ob ſola parentum peccata à diuina infligantur iuſtitia, conſequitur paruulos illas non pati, ob ſolũ Adæ peccatũ, ſed peccato etiam ipſos obſtriſtos naſci, propter quod iuſtẽ eas incurrant. Hæc ſunt præcipuæ rationes Theologi- cæ, quibus exiſtentia peccati origina- lis apertẽ videtur demonſtrari.

Vtrum autem illa eadem probari etiam poſſit lumine naturali cõtrouer- unt doctores, & pro parte affirmatiua citari ſolent Guillelmus Pariſienſis in tract. cur Deus homo; Sanctus Bona- uentura in 2. ſentent. diſt. 1. q. 2. & Am- broſius Catharinus in opule. de caſu hominis, contententes poſſe euiden- ter demonſtrari, hominem non fuiſſe à Deo creatum, in eo ſtatu, quem nunc habet, ſed in eam, quam experimur naturę corruptionem, per aliquod pec- catum lapſum fuiſſe; cum autem hæc corruptio in infantibus ſtatim à nati- uitate, quin imo quando adhuc in vte- ro materno degunt, reperiatur, & ipſi per proprium actum peccare non po- tuerint, debuit eorum principium, ſeu caput, in quo continebantur, actualiter peccaſſe, & propter illud in hanc cor- ruptionem incidiſſe.

Sed oppoſita ſententia verior eſt, & communior; quia autem duobus mo- dis aliquem fidei articulum poſſe demonſtrari, concipi poteſt: Primò ſim- pliciter, & abſolutẽ, fide nullo modo ſuppoſita; ſecundò illa iam ſuppoſita,

quatenus nempe fide ſemel imbuti re- perire poſſumus rationes ita apertas, vt aliquis fidei articulus, dicatur poſſe naturaliter demonſtrari; vtroque mo- do aſſerimus, non poſſe naturaliter demonſtrari hominem eſſe ſubiectũ pec- cato originali, aut naturam humanam eſſe, & fuiſſe ab origine corruptã. Ra- tio eſt, quia talis demonſtratio multa ſupponit, quę naturaliter cognosci ne- queunt, ſed tantũ per fidem, aut re- uelationem diuinam; vt primum pa- rentem fuiſſe creatum in gratia, & iu- ſtitia originali; nam cũ peccatum ori- ginale in priuatione huiusmodi iuſti- tiæ ſitum ſit, & priuationes aliter quã per habitus, quorum ſunt priuationes cognosci non poſſint, necesse eſt ad il- lius noticiam, iuſtitiam hanc originale cognoscere, quæ tamen cum ſit ſuper- naturalis, & ex mera diuinæ voluntatis diſpoſitione dependens, nullis natura- libus rationibus attingi poteſt, ſed per diuinam duntaxat reuelationem inno- teſcere; ſicut, & quod idem primus pa-rens, qui fuit totius naturæ caput, pec- cauerit, & contra mandatũ ſibi à Deo impoſitum abierit; & inſuper illius transgreſſio fuerit, & ſit totius naturæ humanæ, quæ in illo, tanquam in ca- pite, continebatur, transgreſſio; hoc enim ſoli diuino innitebatur pacto; Quàm igitur tria præſata ad noticiam peccati originalis neceſſaria, ſunt om- nino lumini naturali imperuia, tã cer- tum eſt illius exiſtentiam naturaliter demonſtrari non poſſe.

... Sicut etiam naturam humanam eſſe & fuiſſe ab origine corruptam natura- liter oſtendi non poteſt ex defectibus hominis, & præcipuẽ ex rebellionẽ par- tis inferioris contra ſuperiorem; quam- uis enim admittamus ea de facto eſſe effectus peccati originalis, propterea- que dici eius pœnas, quia tamen id il- li conuenit per accidens tantũ, qua- tenus ſcilicet ademir gratiam, & iuſti- tiam originale. tales defectus impe- dientem, qui aliàs prouenire poſſunt ex principiis, ſeu potentiis naturalibus,

vt ægritudo, & mors ex quatuor qualitatibus sibi repugnantibus; rebellio autem ex propensione appetitus sensitui erga delectationes corporeas, atque ex apprehensione phantasie, quæ in hominibus fortior est, ac subtilior, quam in brutis; siue ex eo quod homo ex corpore, & spiritu, quæ in obiecta aliquando inter se contraria feruntur, coalescit, quæ etiam obiecta cum vel sint obscura, vel nimium intricata, vel aliter, quam à parte rei sint, appareant sensibus, & intellectui, sit vt aliud iudicium, quam oportet, rationalis potentia ferat de rebus ipsis, idemq; asserendum est de parte irascibili propter bona, quæ apparent nimis ardua, & mala, quæ nimium commouent appetitum: atque etiam de concupiscibili, propter apparentiam, & vehementiam delectationum sensibilibus; inde sequitur hoc, & similes defectus in homine, nec peccatum originale, nec naturæ corruptionem, in quam de statu suo, quem habebat ab initio, lapsa sit, eundem ter arguere, sed in principia naturalia commodè referri posse; quare si Adam creatus, & conseruatus fuisset in puris naturalibus, sine gratia, & sine peccato, tam bene fuisset illis defectibus subiecti, ac nunc sumus, propter compositionem naturæ nostræ, & contrarietatem appetitus.

Vnde qui veteres Philosophi dicuntur humane vite calamitates, & grummas cognouisse, indeque conquestos fuisse hominem non vt à matre, sed vt à nouerca natura editum in vitam, rem quidem viderunt, siue effectus peccati originalis in statu naturæ per illud de facto corruptæ perceperunt, sed causâ nescierunt, vt ait D. Augustinus lib. 4. contra Iulianum cap. 12. Si que aliqualem illius notitiam habuerunt, minimè ascribenda est soli rationis naturalis indaganti, sed ipsi illam viis comparare peruerunt, quibus tom. 1. lib. 2. sect. 5. cap. 18. ostendimus Philosophos potuisse plura fidei nostræ mytheria cognoscere, inter quæ sine dubio pecca-

ti originalis existentia, indeque secuta humane naturæ corruptio reponenda sunt: nam vt ait idem August. lib. de peccato origin. cap. 24. *In causa duorum hominum, quorum per unum venundati sumus sub peccato, per alterum redimimus à peccatis, propriè fides Christiana consistit.*

Cæterum licet id lumine naturali euidenter, ac demonstratiuè cognosci non possit, supposita nihilominus fide, quod de facto Deus protoparentem Adamum non creauerit in puris naturalibus, sed in Sanctitate, & iusticia, vt probabiles non defunt rationes ad hoc persuadendum, ita nec consequenter, quod infinitæ quibus homines subiecti sunt miserie, non in naturæ humane conditionem, vt est à Deo creata, sed in peccatum, vel in corruptionem, quæ post primum hominis statum accidi, sunt referendæ. Prima ratio defumitur ex immortalitate animæ, si enim anima est immortalis, vt etiam lumine naturali compertum est, probabile est, eam debuisse sortiri corpus, seu organum immortale, si non ex natura sua, saltem ex vi primæ suæ conditionis; vnde cum videmus omnes homines mortem subire, argumento est, eam ex peccato, vel ex aliqua inde secuta corruptione proficisci.

Altera ratio fundatur in querimoniis, quibus, vt mox dicebamus, nonnulli veteres Philosophi naturam respectu hominis non communem matrè sed nouercam causati sunt, vt potè subiecti multis miserijs, quæ eum deterioris conditionis, quam bruta animantia reddere videntur, nam vitam suam à fetu incipit, nudus in illam ingreditur, & sic de alijs, vnde Plinius lib. 6. proqm. ait: *Inaque felicitur homo natus, iacet manibus, pedibusque deuinctus, silet animal ceteris imperaturum, & à supplicijs vitam auspicatur, vnam tantum ob culpam, quia natus est.* Cum enim Deus abique præcedenti peccato neminem conlueuerit affligere, verisimile est præfatas, & similes alias ærum-

nas haud prouenire à natura, saltem, ut est à Deo conditas; sed ab illa ut corrupta, seu à statu in quo à Deo creata est, per peccatum excisa.

Vltimò tandem probari potest hæc eadem fidei veritas euidenter, negatiuè, hoc est, ut sect. 1. huius libri diximus, ostendendo ex solutione argumentorum, nihil eam continere sacræ Scripturæ, aut rationi naturali repugnans.

Primum igitur aduersariorum argumentum desumitur ex c. 18. Ezechielis, ubi dicitur: *Filius non portabit iniquitatem Patris, sed anima quæ peccauerit, ipsa morietur.*

Respondetur primò, hunc locum potius pro nobis, quam contra nos esse: si enim filius non puniatur pro patris peccato, aut quouis alieno, sed pro suo tantum; certum autem sit ex aliis Scripturæ locis, paruulos varias pœnas nedom temporales, sed insuper spirituales, mortis animæ, & damnationis æternæ exolvere: sequitur à natiuitate habere singulos proprium sibi inherens quoddam peccatum, quod à primo parente traxerunt; & in ipso peccasse, ne pœnam contraxisse videantur sine culpa. Et si enim, ut notauimus supra, nihil prohibeat, interdumque contingat filios ob peccata parentum pœnis temporalibus puniri, *nunquam tamen*, inquit Augustinus, *spiritualibus pœnis propter ipsa afficiuntur.*

Secundò respondet Diuus Augustinus lib. 6. in Iulianum cap. 12. filios non portare iniquitatem patrum quando regenerati sunt; qui eodem lib. cap. 4. prius dixerat, etiam ante regenerationem filios non portare aliena peccata, sed propria. *Parentum*, inquit, *peccata modo quodam dicuntur aliena, & rursus modo quodam reperiuntur & nostra. Aliena quippe proprietate sunt actiopis, & nostra sunt contagione propuginis. Quod si falsum esset, profecto graue iugum super filios Adam à die exiit de ventre matris eorum, nullo modo iustum esset.* Infantes igitur naturaliter ex Adamo progenerati, non portant simpliciter iniqui-

tatem eius, sed suam; cum peccatum originale, ut supra vidimus, verè & realiter in ipsis infantibus, quando nascuntur, existat.

Tertiò respondetur cum D. Thoma infantes non puniri propter iniquitatem patris præcisè, quando cum peccato originali nascuntur, sed puniri propter iniquitatem capitis, cū Adam non tantum fuerit pater, sed caput omnium hominum, qui ab eo erant naturaliter descensuri, & in cuius voluntate omnes omnium suorum posterorum voluntates interpretatiuè continebantur: ideoque hoc titulo collata ei fuit gratia, & iustitia originalis, tam pro se, quam pro omnibus suis posteris, proindeque eo peccante, & huius iustitiæ originalis iacturam facientes, omnes simul præuicati sunt, & iustitiam originalem amiserunt: ut fusius infra explicabitur soluendo rationes aduersa iorum. Et sic iste Ezechielis locus faciliè concordatur cum altero Exod. 20. *Ego Deus zelotes visitans iniquitatem patrum in filios*; si quidem ibi sermo est de pœnis temporalibus, quibus filii pro peccatis parentum puniri possunt; proptereaque supra notauimus ex illis præcisè, separatimque à spiritualibus colligi non posse transfusionem peccati Adami in posteros: Ezechiel autem loquitur, vel de pœnis spiritualibus mortis animæ, damnationisque æternæ, quas filii solum propter scelera propria, & non parentum suorum, subeunt; & quibus cum ex sacris litteris paruuli etià dicantur obnoxii, indè supra ostendimus, eos debere esse aliquo peccato coinquinatos non actuali, ut satis patet, ergo originali, quod ab Adamo in suos posteros est transfusum per generationem naturalem: vel de peccatis parentum, quibus filii nequaquam sunt obstricti, nec in eos villo modo transfunduntur, sed in eorum persona sistunt; & manent; quale non esse peccatum propterea Adami fides Catholica, quam defendimus, expressè docet.

Quar-

Quarto dico hunc Ezechielis locum esse contra ipsos aduersarios, dū enim Armeni, quos hic impugnamus, asserunt, paruulos sine baptismo decedentes in paradysum terrestrem migrare, si filii sint fidelium: si autem infidelium, cum suis parentibus in infernum descendere, coguntur, vel admittere in illis peccatum originale, quod sit causa damnationis eorum, vel quod portent iniquitatem parentum; sicut qui migrare in Paradysum terrestrem fidelium filii, portare debent eorum iustitiam, qua vel à peccato originali muniuntur, vel per quam à damnatione aeterna liberari mereantur; quæ omnia sunt absurda & maiora continent inconuenientia, quam quæ ipsi aduersus peccati originalis existentiam adducere possunt.

Alter Scripturæ locus, quo Pelagiani abutebantur, habetur Rom. 5. *Sicut per unius hominis inobedientiam peccatores constituti sunt multi, &c.* Si enim; inquebant, non imitatione, sed propagatione peccatores constitueretur homines ob inobedientiam Adami, non diceret Apostolus, multi, sed omnes. Responder Diuus Augustinus lib. 6. in Iulian. cap. 12. nec. non in nouissimo opere, quod imperfectum reliquit, sed nuper impressum fuit; concertationis inter ipsum, & Iulian. lib. 2. cap. 144. per multos intelligi debere omnes, qui nascuntur ex Adamo, qui verè sunt multi. Dicit enim *Sicut per unius delictum in omnes homines in condemnationem*, propterea Augustinus loco citato. cum nonnulla prouulisset Scripturæ loca, quibus ponit aliquando pro omnibus multos, quod etiam docet lib. 20. de ciuit. Dei cap. 23. sic aduersus Iulianam concludit: *Quid habet virum argumentatio tua, quia propterea omnes non vis omnes intelligi, quoniam idem ipsi delicti sunt multis, quandoquidem qui verè sunt omnes, ideo nonnunquam dicuntur & multi, ut differantur ab eis, quicunque non sunt omnes, ut sint etiam pauci. Capilli quippe hominis omnes, etiam*

multi sunt; digiti verò etiam omnes pauci sunt. Apostolus igitur non solum ad eandem vocem retinendam in antichesi, verum etiam valdè propriè dixit, multos constitui per Adamū peccatores, & multos iustos per Christū, quia omnes, qui nascuntur ex Adamo constituuntur peccatores; & illi sunt multi; non tamen omnes simpliciter, & absolute, cum Heu fuerit homo, & tamen non fuerit per Adamum iniusta constituta, & Christus etiam sit homo & tamen nec sit ex Adamo, nec peccator. & similiter omnes, qui renascuntur in Christo constituuntur iusti, & hi sunt multi, sed non omnes simpliciter, quia non omnes renascuntur in Christo.

Quamvis multò plures sint, quibus nocuit inobedientia Adami, quam hi quibus profuit obedientia Christi; essi enim Christus Dominus pro omnibus sit mortuus, & in hoc saluari possit antichesis, seu comparatio, quod sicut per unius delictum in omnes homines in condemnationem, sic & per unius iustitiam in omnes homines in iustificationem vite, quia quòt homines Adā suo peccato perdidit, tot Christus sua morte redemit, vel pro illis redimendis mortem subiit. Nihilò minus loquendo de facto dispar est ratio vtriusq; eo quod omnes, qui per seminalem propagationem descendunt ab Adamo, nascuntur obnoxii peccato, sed non omnes regenerantur in Christo; in eoque tantum stat similitudo, quod ut inobedientia Adami nocuit omnibus; qui ab eo nascuntur, sic obedientia Christi prodest omnibus, qui in eo renascuntur; quamvis illi omnes sint in minori numero; quam alii omnes, qui ab Adamo nascuntur. Quare dum ait Apostolus, obedientiam Christi superare inobedientiam; seu delictum Adami, hoc non debet intelligi, quod si obedientia Christi non omnibus sed duntaxat multis de facto prodest, a fortiori peccatum originale debeat esse solum in multis, nempe in adultis, ad imitationem

nem

nem Adami peccantibus; Verum arguit tantum gratiam, quæ ob merita Christi confertur, esse multo maiorem in ratione beneficii, quam sit peccatum Adami in ratione nocumenti, ita ut ipsa nos Deo gratiores reddat, quam peccatum Adami ingratos effecerit, vel alio simili modo.

Tertio obijciunt ex eodem Apostolo ad Rom. 4. v. 15. *Vbi enim non est lex nec prauaricatio*; ac proinde neque peccatum, cum illud propriè sit defectio à lege; sed respectu paruulorum non est lex, cum defectu cognitionis, non sint illius capaces; ergo nec in ipsis prauaricatio, & consequenter nec peccatum reperitur.

Respondetur primò ad hoc argumentum concedendo maiorem, & negando minorem, malè enim in ea probatur, ibi non esse legem, nec legis prauaricationem, vbi non datur eius cognitio; non enim Apostolus ait, vbi legis cognitio non est, nec prauaricatio est; quæ est nouorum in hac re Pelagianorum illatio, sed vbi lex non est, nec prauaricatio est; quod verissimum est, fingi siquidem non potest prauaricatio, nisi sit lex; quæ prauaricando violetur; falsum autem, eam non esse, nisi detur legis cognitio; cum sæpe fiat, ut aliqui legem ignorent, & tamen eam verè prauaricentur, ut patet in peccatis ignorantia; quæ etiam lethalia esse possunt, si ignorantia sit voluntaria, qualis est eorum, de quibus dicitur psal. *Noluit intelligere, ut bene ageret*. Vndè ipsemet Zuinglius, cuius est hoc argumentum apud Bellarminum tom. 4. lib. 4. cap. 8. explicans verba Apostoli Rom. 2. *Qui sine lege peccauerunt, sine lege peribunt*, ait ibi per sine lege esse, intelligendum esse, legem ignorare: nam alioqui nemo est sine lege.

Respondetur secundo, concedendo rursus maiorem, & negando minorem, quia licet paruuli usu rationis carentes, non sint quidem in se capaces legis, per propriam prauaricationem illam transgrediendo, ob quam damnentur, in eo

Biblioth. Theol. Tom. V.

tamen illius capaces sunt, in quo, ut ait Apostolus, omnes peccauerunt, id est in primo parente, per communem quædam toti humano generi prauaricationem. Ut docet Diuus Augustinus lib. 16. de ciuit. Dei cap. 27. vbi explicans, tanquam præceptum etiam ad paruulos attinens, testimonium illud Gen. 17. *Masculus cuius praputij caro circumcisa non fuerit, delebitur anima illa de populo suo, quia pactum meum irritum fecit*: ait: *Etiā paruuli non secundū suæ vitæ proprietatem, sed secundum communem generis humani originem, omnes in illo vno testamentum Dei dissipauerunt, in quo omnes peccauerunt*. Nam hoc ipso quod intelligitur, Adæ, ut principio, & capiti generis humani datum fuisse præceptum, ut obedientia sua & sibi, & posteris conseruaret perfectionem illam, in cuius defectu consistit peccatum originale, intelligi etiam debet, præceptum id ad posteros quoque pertinuisse, non quidem taliter, quod illi voluntate propria exequi debuerint, sed quod potuerint certè, ac debuerint adimplere voluntate communi generis humani, nempe Adæ, ut erat principium illius totius specifici, vel ut loquitur Diuus Augustinus lib. 3. de peccat. merit. & remiss. cap. 7. quatenus ratione communis naturæ humanæ, omnes veluti vnus ille homo erant. *Peccauerunt*, inquit, *in illo omnes, quoniam in illa natura infra, quæ omnes generare poterat, adhuc omnes vnus ille homo erant*. Quare tota aduersariorum hallucinatio in eo est, quod solam putent legis, vel præcepti prauaricationem, quæ est actuale peccatum, vel propria voluntate committitur, esse propriè peccatum, quod homines damnare potest. Id enim Catholici omnes negant, ostenduntque ex peccato originali, cuius existentiam testimonij multis Scripturarum apertissimè demonstrant, sufficere si talis prauaricatio sit propria, aut communis: ipsi autem probant ex illis, per legem cognosci peccatum, & vbi lex non est, non esse prauaricationem, quæ duo ex-

G g g g

tra

tra controuersiam sunt; sed, ubi non est preuaricatio propria voluntate actualiter commissâ, nullum esse absolutè peccatum, nullam damnationem, quod vnũ eis probandum est, nequaquam probant, sed assumunt, vt certum, quod est peccate principium.

Ex hac eadem doctrina sequitur, paruulos ante vsum rationis in peccato originali decedentes, in die iudicij non iri iudicandos, iudicio discussionis, siquidem cum nulla vnquam opera exercuerint, nec peccatum originale voluntarium illis fuerit voluntate propria, formaliter, aut expressè, non debebunt de ijs examinari antequam iudicentur; ideoq; iudicabuntur tantum in illa die iudicio approbationis, quo hæc Christi sententia, *Qui non credit, iam iudicatus est*, a b omnibus Sanctis approbabitur: paruuli enim, cum defectu baptismi, fidem neque actũ, neque habitu habeant, sunt ad instar eorum, qui in ignorantia, seu infidelitate peræ negationis versantur, & sic dicuntur esse ad instar eorum iam iudicati. Quo fit, vt locus Apostoli 2. Corinth. 5. *Omnes nos manifestari oportet ante tribunal Christi, vt referat unusquisque propria corporis, sicut gessit sine bonum, sine malum*; debeat intelligi de fidelibus adultis, qui malè, aut benè egerunt, illis enim scribit, non paruulis; aut de infidelibus, qui cum sua infidelitate multa mala opera exercuerunt; non autem de paruulis non baptizatis, nec de infidelibus puræ negationis, qui non obstante hac sua infidelitate nulla mala opera cõmiserunt, si tamen huiusmodi infideles sunt dabile. Sicut etiam adultis, non autè paruulis accõmodatur descriptio iudicij, quæ est Matth. 25. nõ enim paruuli arguuntur, aut cõmendantur de non præstis aut præstis misericordie operibus in membra Christi.

Quod si quis importunè vellet præfatum Apostoli locum, paruulos etiam comprehendere, nihil indè sequeretur contra sententiam Catholicam, quasi nimirum significaret, vt intendebant Pelagiani, neminem damnandum nisi

propter peccatum mortale personale, quod in corpore suo gessit; atque adeo paruulos non esse damnationi obnoxios; nam sine tali peccato, etiam paruuli, vt ait Augustinus epist. 107. in die iudicij rectè dici possunt, reportare propria corporis, id est, quod circa ipsos in corpore existentes gestum, vel omisum est, quando propter baptismum sibi per alios applicatum vocantur ad regnum, & occasione baptismi circa ipsos omissi, propter originale peccatum mittuntur in damnationem. *Propria enim corporis sui dixit*, inquit August. lib. 6. in Iulianum c. 10. *quod ad unumquemque in seipso iam viuentem pertinet*. Corpus enim intelligitur tempus, quo sumus in corpore. Neque enim condemnantur homines propter peccata, quæ eorum animæ ante corporis informationem gesserunt, vt Origenes putabat, aut propter illa, quæ acturi erant, si superuixissent, vt Pelagius; aut propter ea quæ in inferno sũt perpetraturi, aut denique propter illa sola, quæ per corpus gesserunt sed propter illa, quæ existentes in corpore contraxerunt, etiam sola origine carnali, aut sola mentis cogitatione.

Merito igitur Diuus Augustinus ex præfatis duabus interpretationibus, vel responsionibus vnã componens, hoc dilemmate vitur aduersus Iulianum loco citato: Paruulos nimirum vel manifestandos iri ante tribunal Christi, vel non manifestandos. Si non manifestabuntur, argumentum ex loco Apostoli nullum sumi potest in proposito. Si manifestabuntur, vel bonum reportant, vel malum. Si bonum, vtique illud, non quod ipsi gesserunt, qui nihil gesserũt, sed quod circa ipsos gestum est, quando baptizati sunt. Si malum ergo reportent, non mirum erit eos istud reportare, non quod propria actione, sed quod alterius peccato contraxerunt, vel omissa alterius circa ipsos actione non eluerunt.

Quæ solent obiici ab aduersariis Patrum testimonia, non afferro, cum nullũ sit

ſit clarū, quodq; facile aliquo ex ſequē-
tibus modo explicari non poſſit. *Primò*,
quod Patres ita interdum dicunt ex A-
damo mortis neceſſitatem nos contra-
here, vt tamen non dicant eam ſolam
nos ex ipſo habere, adeoque non pro-
pterea negent originalis peccati exiſtē-
tiam. *Secundò*, intendunt illos reprimere,
qui, quo ſe excuſent, nimii erant in
primorum parentum accuſatione, vt vi-
debimus ſeſſione ſequenti Lutherum,
& Caluinum cæterosque nouatores ſe-
ciſſi, qui prodigioſis etiam loquendi
formulis, neque minus falſis, ac impiis,
originale peccatum ſupra modum exa-
gerauerunt. *Tertiò*, hoc agunt, vt per-
ſuadeant hominibus, per Adamum nos
non incurriſſe damnationem proſus
ineuitabilem, ita vt omnes relictī ſimus
ſine remedio, & ſpe ſalutis. *Quartò*, non
omnes, ſed baptizatos tantum aſſerunt
in ſtatu legis Euangelicæ carere iſto
peccato. *Quintò*, denique, non de origi-
nali, ſed de actualibus loquuntur pec-
catis propria voluntate commiſſis, ſi
quando paruulos aſſerunt eſſe à pec-
cato immunes, aut ex inobedientia
Adami non conſtitui peccatores. Neque
enim fieri poſſe, vt præciſè quia vnus
peccat, alius peccare dicatur, ſiue vt
peccatum vnus ſit alterius peccatum.
Quibus ſenſibus poſſimum Chriſoſto-
mum homil. 10. in epiſt. ad Roman. &
alibi locutum fuiſſe oſtendit Cardina-
lis Bellarminus tom. 4. lib. 4. c. 9.

Quantum ad rationes, quæ poſſunt
veritati Catholicæ opponi, illas breuiter
reduco ad duas, prima erit ex parte
paruulorum; altera ex parte Dei. Ad ra-
tionem peccati propriè dicti, quale ex
fide aſſerimus eſſe peccatum originale,
requiritur quod ſit voluntarium; ſed in
paruulis ante vſum rationis, non repe-
ritur voluntarium; ergo nec peccatum
propriè dictum; ſed in adultis tantum:
proindeque, vbi ſacrę Scripturę omnes
homines in Adamo peccaſſe aſſerunt,
ſunt intelligendæ de imitatione, non
autem de propagatione, quia ſcilicet cū
omnis homo ſemper in vita ſua pecca-

tum aliquod committat, in eo ſe imita-
torem Adami, qui ſimiliter peccauit
reddit.

Reſpondetur ad hoc argumentum,
omne quidem peccatum debere eſſe
voluntarium, ſed cum diſcrimine: actua-
le, voluntate propria: originale verò,
voluntate aliena primi parentis; quia
licet illa formaliter non ſit propria po-
ſteriorum, nihilominus talis virtualiter,
ac interpretatiuè dici poteſt, quatenus
non fuit tantum voluntas iſtius perſo-
næ, ſed cum Adam eſſet pater orbis ter-
rarum, dedit illi Deus virtutem conti-
nendi omnia, Sap. 10, ita vt voluntas ip-
ſius noſtra tanquam membrorum ſpe-
cificorum eiſdem hominis eſſe cenſe-
retur. Quod ſufficit, vt ita pacifice
Domino, peccatum originale dicatur
paruulis voluntarium, non quidem pro-
prietate voluntatis, ſed origine. *Omnis
homo enim terrenus*, inquit Auguſtinus
lib. 1. retract. cap. 15. *quid eſt origine
niſi Adam*. Quia quemadmodum mem-
bra corporis cum animo vnum hominē
indiuiduum efficiunt, ſic etiam, vt Di-
uus Thomas ex Porphyrio ad hoc pro-
poſitum annotauit, poſteri omnes vna
cum Adamo eorum capite, ac princi-
pio, ſunt participatione ſpeciei velut
vnus homo, vt quod voluntate Adæ vo-
luntarium eſt, id in poſteris ipſis volū-
tarium eſſe non abſurdè credatur: ſicut
etiam defectum, quem in actione man-
us, vel alterius membri conſpicimus,
voluntarium, atque adeo peccatum eſſe
cenſemus, etiam ſi voluntarius non ſit
aliqua voluntate, quæ in manu inſit, &
eius propria ſit, ſed tantum voluntate
illa, quæ eſt in totius indiuidui princi-
pio, nempe in anima: vt ſuſius expli-
cant Theologi 12. quæſt. 81. art. 1.

Vndè ſatis apparet, quod iidem do-
cent, vbi peccatum in comuni defini-
tur eſſe defectus voluntarius, rationem
etiam voluntarii communiter, & abſtra-
ctè in ea definitione concipiendam eſſe,
ſecundum voluntatem nempe principii
alicuius totius, ſiue id totum fuerit in-
diuiduum, ſiue ſpecificum; hæc enim

differentia solummodo spectat ad distinctionem peccatorum nempe actualis, & originalis. Hoc autem rectè dici constat ex ipsa ratione nominis peccati significantis solum defectum aliquem, qui hominem Deo reddat exotum, & impediat à consecutione beatitudinis, quamdiu non deletur. Quod totum cerni potest etiam in defectu voluntario voluntate communi generis humani, quale peccatum originale esse nos fides edocet. Quare sicut supposita fide Incarnationis, & Eucharistiæ, asserimus non esse de ratione substantiæ creatæ propriam subsistentiam habere, nec de ratione accidentis actualiter subiecto inhærere; ita quoque, supposita, quam fides docet, peccati originalis existentia, tanquam veri propriæque dicti peccati, haud restringenda cogitatio est ad propriam rationem, & differentiam peccati actualis; latius enim veræ propria ratio peccati se extendit, quam ad illud, nimirum ad originale: siue ad peccatum, tam propria voluntate formaliter, quàm aliena, virtualiter solum & interpretatiuè propria contractum. Minusque admittendum est, quod dicunt aliqui, omne peccatum habituale personale dicere quidem essentialem ordinem ad præcedens aliquod actuale; adeo ut sit impossibile eum esse peccatorem habitualiter, qui actualiter nullo modo peccauit; id autem non esse necessarium in originali; si quidem in eo non minus id requiritur, quàm in personali peccato, cum etiã originale propriè sit peccatũ habituale, de cuius ratione est voluntarium; voluntarium autem peccatũ esse non possit sine respectu ad voluntatem actu peccantem. Illud tamen est discrimen, quod in personali eadem voluntas sit subiectum peccati habitualis, quæ fuit efficiens peccati actualis illi respondentis; in originali verò alia sit, atque alia: paruuli enim voluntas est subiectum peccati originalis, sed actualis peccati illi respondentis non est ipsa formaliter, aut per se efficiens, verum Adæ voluntas, quæ virtualiter solum,

& interpretatiuè dici potest paruuli propria; quatenus cum ille peccauit, totius naturæ personam gessit. Ideoque etiam peccatum originale, quamuis hoc modo nobis sit voluntarium, tamè inter omnia peccata minimum habet de voluntario, & consequenter in tali ratione minus graue est, quam quodlibet veniale, licet in ratione mali sit grauissimum, cum priuet hominem gratia Dei, ac sempiterna felicitate; vt docet S. Thomas 3. p. q. 1. art. 4. in 2. sentent. dist. 3. q. 2. art. 1. ad 2. & de malo q. 5. art. 1. ad 9.

Altera ratio ex parte Dei, est, quia assertio nostra videtur *Primò* repugnare infinitæ Dei benignitati, à quo peccata propria cum facillimè condonentur, credibile non est imputari aliena, vt originale: *Secundò* eum facere personarum acceptorè, aliquos paruulos à peccato originali soluendo, alios verò non, quamuis omnium sit par causa, & conditio; *Tertiò*, eiusdem peccati auctorem, anima enim non est ex traduce, id est, non producit à parentibus per generationem, sed creatur à Deo ex nihilo; igitur si infans nascendo contrahat peccatum originale, illud à Deo, & per Deum contrahere dicitur.

Respondetur ad hoc argumentum minimè sequi ex veritate Catholica, absurda, & inconuenientia in illo contenta, aut alia similia. Primò enim iam satis ostendimus, peccatum originale haud esse absolutè alienum, *tanquam omnino ad paruulos non pertinens*, inquit Augustinus lib. 3. de peccat. merit. & remis. cap. 7. *Si quidem in Adam omnes tunc peccauerunt, quando in eius natura illa insita, in qua eos gignere poterat, ad huc omnes vnus ille homo erant, sed dicuntur aliena, quia nondum ipsi agebant vias proprias, sed quicquid erat in futura propagine vite vnius hominis continebat.*

Cur autem Deus voluerit vt peccatum Adami ad posteros omnes transmitteretur, sicque illis imputaretur, ac si omnes idem peccatum patrauissent:

Respon-

Respondit idem Augustinus lib. 5. aduersus Iulianum cap. 3. nec non Diuus Bernardus serm. 1. de Dominica 1. post oct. Epiphaniæ, iusto hoc Dei iudicio, sed occulto tribuendum esse. *Nostre est*, inquit Bernardus, *Adami culpa, quia etsi in alio, nos tamen peccauimus; & nobis iusto Dei iudicio imputatur licet occulto*. Id autem Deum potuisse absque vlla prorsus crudelitatis nota, patebit consideranti, cum neque Adæ, neque posteris eius aliquid supernaturalium munerum absolute debuisse; & tamen, cum totum genus humanum in vno homine creasset, indebitam naturæ iustitiam originalem isti homini dedisse, non pro se tantum, sed pro tota posteritate, adeo ut si ipse in iustitia perseverasset omnes posterius nascerentur iusti, Deoque accepti ad supernaturalis beatitudinis hereditatem. Vt docet B. Anselmus libr. de conceptu Virginis cap. 10. *Dedit, inquit, Deus Adæ gratiam, ut sicut quando illum condidit, nulla propagandi operante natura, aut voluntate creaturæ, simul cum fecit rationale, & iustum: ita simul cum rationale haberet animam, iusti essent, quos generaret, operante natura, & voluntate, si non peccaret.*

Voluit enim totū genus nostrum in primo illo homine quo ad supernaturalia, benedictionem suam accipere; sicut generabilia omnia quoad naturalia suam benedictionem sortita sunt in primis illis creaturis sui generis; si quidem generant, & multiplicantur v. g. pisces virtute primæ benedictionis diuinæ, qua dictum est eis, *Crescite, & multiplicamini*; cum hoc tamen discrimine, quod cuncta animantia reliquam primæuam suam benedictionem integram retinuerunt, secus autem homo, qui cum natura sua liberi esset arbitrij, consentaneum erat benedictionem ipsius præcipue supernaturalem illi committi, indeque magis periclitari, quam benedictionem reliquorum animantium, prout de facto illam amisit. Vt igitur nec ad crudelitatem spectaret, si paratione priiceps aliquis erga subditos,

& eorum filios se se gereret, si aliquo modo simili cum illis pactus esset circa largitionem aliquorum bonorum; multo magis id asserendum est de Deo supremo omnium Domino; quique in particulari magis est voluntatis nostræ dominus quam nos ipsi; unde si nostram nos voluntatem possumus collocare in alterius siue parentis, siue prælati voluntate; Deus quoque in voluntate Adæ, qui non tantum fuit naturæ humanæ indiuiduum, sed illius stirps, & principium, fuit enim, vt Sap. 10. dicitur, *Pater orbis terrarum*, potuit omnium hominum voluntates concludere; atque ita constituere, vel pacisci de gratuitis donis suis supernaturalibus, vt quo ad eorum amissionem rei omnes Adæ posterius censerentur, ipsius primi parentis voluntate fortissima præuariante. Qui enim potuit singulis dare voluntatem, quæ tam actualis, quàm habitualis propriæ iustitiæ aut iniustitiæ capaces essent, etiam potuit generalem omnibus voluntatem præficere, quæ peccante omnes peccarent, & contraherent in anima, & voluntate sibi propria singuli habituale peccatum, quod diceretur originale, sicut propria voluntate peccante contrahunt singuli peccatum habituale personale.

Secundo personarum acceptor non est Deus per hoc, quod aliqui paruuli saluantur à peccato originali, alij verò non; nam vt respondet Diuus Augustinus lib. 1. de peccat. merit. cap. 21. talis quoque foret in sententia Pelagianorum, qui dicebant, illos infantes, qui baptizantur admitti ad regnum, non autem illos, qui sine baptismo decederent, quamuis forent similiter innocentes, parque omnium causa, & conditio. Verum cum vtrique, tam Pelagiani, quàm Catholici admittant, parem esse causam omnium paruulorum, & ipsa experientia fateri cogantur valde disparem esse fortem quo ad pœnas huius vitæ, cum vnus non tantum morbos, sed etiam diaboli patiat in infantia, incurfus, alius sanus, & ab omni vexatione

tione sit immunis; manifestum est, utramque partem debere eiusmodi disparitatem rejicere in alta, & inscrutabilia Dei iudicia, non quod clarum nō sit in sententia Orthodoxa, disparitatem illam non esse ex parte Dei iniustam, sed quod inuestigabile sit, quare inter illos potius huius, quam illius Deus miscatur, quos omnes iuste perdere, & similiter affligere poterat.

Tertio, Deus non est author peccati originalis, eo quod sit creator animarū, ut superiori capite explicuimus, per unionem ad corpus illo inficiendarum; Sed in Adami inobedientiam, ut in propriam causam referri debet: Vnde obijcienti olim Iuliano, non peccare istum qui nascitur, non peccare illum, qui genuit, non peccare illum qui condidit, *per quam ergo rimam, inter tot innocentia praesidia peccatum in paruulū fngis ingressum?* Scitē respondet Augustinus lib. 2. de nuptijs, & concupiscentia cap. 28. *Quid queris latentem rimam, cum habeas apertissimam ianuam? Per unum hominem, ait Apostolus, peccatum in hunc Mundum intravit.* Cum prius cap. 26. eiusdem libri dixisset: *Voluntarium peccatum hominis primi, originalis est causa peccati.* Siue non alia de causa infantes peccatum contrahunt, quam quia ab Adamo, per generationem naturalem descendunt, non quod Adamus, aut parentes eorum, eos procreando, per se peccauerint, sed quia infantes, quando concipiuntur, etiam virtuosē & ex parentibus peccato originali non amplius, propter baptismum susceptum, laborantibus, sunt filij naturales Adami, & per consequens illius maledictioni obnoxij; parentes enim generant sibi similes in specie, seu in natura, non autem in indiuiduo, seu in persona: ideoque communicant suis filijs naturam, quantum ad ea, quae sunt communia toti naturae, non autem quantum ad ea, quae sunt personae suae propriae, cuiusmodi est regeneratio spiritalis per baptismum. Propterea etiam, iuxta illud Apostoli Ephes. 2. *Eramus*

natura filij ire, peccatum originis aliquo modo naturale dici potest, non, quasi sit pars naturae, aut ex ea profu-xerit, quam Deus initio bonam condidit, & nunc quod in ea bonum est propagat, sed quia à natiuitate trahitur, & est vitium naturae potius, quam personae, per Adamum corruptae. Quare, dum peccatum illius, quod est accidēs, dicitur transfundi in posteros, non sit accidēs de subiecto in subiectum migratio, ut ineptē obijciebant Pelagiani apud Augustinum lib. 2. contra Iulianum cap. 9. cum illud sit accidēs naturae, seu speciei, non autem personae, & indiuidui; etsi enim in Adamo fuerit actuale, nihilominus macula illa, quae in eo remansit post actum ipsum, vitiosum, fuit eiusdem rationis in specie, cum ea, quae est in infantibus, quando concipiuntur, & nascuntur, nimirū priuatio gratiae, & iustitiae originalis, quam ipse habebat, quaeque, si nō peccasset, ad posteros transmittenda erat; ex vi pacti à Deo cum illo initii, quo promiserat persequenti iustitiam originale pro se totaque posteritate, praeuaricanti autem statuerat non tantum ipsi, sed toti naturae mortem corporis, & animae, quando dixit Genes. 2. *Quocumque die comederis, ex eo morte morieris:* ut docet Diuus Augustinus lib. 16. de Ciuitate Dei cap. 2. & lib. 2. de nuptijs, & concupisc. cap. 11. nec non, Diuus Hieronymus in illud Osee cap. 6. *Ipsi autem sicut Adam transgressi sunt pactum.* Ob eandem denique causam, peccatum illud primum, quod iustitiae originali fuit oppositum, seu transgressio pacti de illa ab Adamo ad posteros traducenda, si imposito praecepto obediisset, fuit quidem illi, quatenus erat personale, per poenitentiam, quam postea egit, remissum, & fortē antequam vllum filium generaret; sed non quatenus erat peccatum totius naturae, quae in eo tanquam in capite continebatur; cum Adam sua poenitentia pro toto humano genere satisfacere non posset: hoc enim soli Christo Domino retribuebatur,

uabatur, qui debebat, ut ait textus Grecus Ioannis 1. *sollere peccatum Mundi*: nam ex Tertulliano superius citato, *Omnis anima eo usque censetur in Adam, donec in Christo recensatur*.

Et hæc dicta sufficiant pro existentia peccati originalis, contra Armenos illam negantes in statu legis Euangelicæ, seu post Christi Domini Passionem, quasi per illam totaliter fuerit ablatum, dum enim, ut superiori Sectione vidimus, aiunt, omnes homines ante illam, etiam si ipsi in se nullum haberent peccatum, fuisse damnatos ob proprium primorum parentum peccatum, velint, nolint fateri coguntur eos aliquod peccatum nascendo contraxisse, quod esset damnationis eorum causa. Porro quæ ad huius peccati naturam, modumque propaginis illius pertinent, fusius explicabuntur Sectione sequenti contra nouatores, qui quidem illud non negant, sed pluribus, ut alias etiam erroribus hanc fidei veritatem admiscuerunt. De hac materia agunt Theologi cum Diuo Thoma 12. quæst. 81.

C A P U T V.

Ostenditur aduersus Armenos, peccatum non esse simpliciter à dæmone, sed à libera hominum voluntate.

INter alios errores, qui tribuuntur Armenis, hic etiam refertur, quod nullum fuisset factum peccatum, si dæmones non fuissent, qui homines ad temptationes impellerent, unde inferunt, peccatum esse simpliciter à dæmone, & nullo pacto à libero arbitrio. Pro quo errore citantur quoque Valentiniani ab Alphonso Castro lib. de hæresibus verbo peccatum.

Pro resolutione huius controuersiæ, prænotandum est, dupliciter intelligi posse, diabolum esse homini causam peccandi, vel directè, seu per se, voluntatem eius mouendo, vel indirectè, seu per accidens, proponendo obiectum vitiosum, illudque persuadendo. Ita-

rum, cum dubitari possit, an hoc secundo modo dumtaxat operando possit diabolus necessitatem inferre ad peccandum, omnique prorsus hominum peccata sint ex suggestionem ipsius, singula breuiter explicabimus sequentibus conclusionibus.

Prima conclusio, etiam si dæmones non fuissent, non propterea nullum in mundo peccatum fuisset commissum. Ista conclusio videtur esse certa; nam ea ratione, qua Angeli, nullo præexistente dæmone, qui eos tentaret, aut ad peccatum prouocaret, de facto tamen grauissimè peccauerunt; imò à fortiori dicendum est de nominibus, quod si nullus Angelus præuicatus fuisset, nullique consequenter dæmones fuissent, absolutè adhuc peccare potuissent, multique de facto peccassent, attentæ naturæ defectibilitate, nisi aliundè impedita à Deo fuisset.

Secunda conclusio. Diabolus directè, & per se non est causa peccati, sed voluntas peccatoris; vel quod idem est, peccatum non est simpliciter à dæmone, & nullo pacto à libero arbitrio. Ista conclusio est de fide aduersus Armenos, habeturque ex omnibus illis Scripturæ locis, vbi moner nos resistendum esse diabolo, Ephes. 6. *Induite vos armaturam Dei, ut possitis stare aduersus insidias diaboli*: Iacobi 4. *Subditi ergo estote Deo: resistite autem diabolo, & fugiet à vobis*: 1. Petri ult. *qui resistite sortibus in fide*: tum ex alijs, vbi peccata homini, seu voluntati eius, tanquam prima causa expressè attribuantur; Genes. 4. dictum est Cain, *Nonne si bene egeris, recipies, si autem male, statim in foribus peccatum tuum aderit*: & Ezech. 18. *Anima quæ peccauerit ipsa morietur*.

Accedit autoritas Patrum, Hieronymi in cap. 15. Mathæi: *Diabolus, inquit, adiutor, & incensor malarum cogitationum esse potest, auctor esse non potest*: nec non epist. ad Demetriadem, vbi explicans præfatum Diui Iacobi locum, resistendi diabolo modum docet esse, ut non consentiamus, nec cum nostro

nostro ut sinamus consensu, ac sic nostronos gladio iugulare: infirmum hostem esse, qui non potest vincere nisi volentem.

Augustini lib. 50. homil. in 12. tradentis: quod suadere diabolus, & sollicitare potest, non cogere: in potestate nostra esse, utrum consentiamus diabolo à sinistris nostris constituto ad seducendum, an Deo, qui à dextris præcipit. Immo etiam serm. 197. de tempore ait: à Christo alligatum fuisse diabolum tanquam innexum canem catenis, neminemque posse mordere, nisi eum, qui se illi mortifera securitate coniunxerit: stultum esse, quem canis in catena positus mordet: nullum se illi. per voluptates, & cupiditates sæculi coniungere debere; illum vero ad eum non præsumpturum accedere: latrare posse, mordere omnino non posse, nisi volentem: quia non cogendo, sed suadendo nocet, nec extorquet à nobis consensum, sed petit.

Cassiani collat. 7. cap. 8. docentis, diabolum iugiter insidiari, sed ita ut tantummodo incantor malorum sit, non etiam impulsor; & sicut illi est instigationis copia, ita & in nobis virtutem respuendi, siue acquiescendi libertatem esse attributam: neminem posse ab illo decipi, nisi qui præbere illi maluerit suæ voluntatis assensum.

Prosperi ad 11. objectionem Vincentij, ubi ait: *Esse diabolus delectatus est furrore peccantium, probaret tamen se non intulisse vim criminum.*

Venerabilis Bedæ ad illud Matth. 4. *Mitte te deorsum.* Hic ostenditur, inquit, quod diabolus, qui omnes cadere vult, persuadere potest, precipitare non potest, & in Psal. 91. *Quidam dicunt: Satanas hoc persuasit mihi, quasi habeat potestatem cogendi. Ipse quidam habet versutiam vocandis, potestatem vero non habet cogendi.*

Divi Bernardi serm. 85. in cant. & serm. 3. de decic. & serm. 13. in Psal. 90. ubi vinci se à diabolo finentem conficit cum bestiis, quæ ad solum Leonis rugitum stervuntur. Quæ omnia, &

alia similia testimonia passim obuia in Sanctis Patribus manifestissime ostendunt veritatem nostræ conclusionis.

Quæ etiam probatur sequenti ratione desumpta ex Diuo Thoma 1. p. qu. 105. art. 4. 12. quæst. 9. art. 9. lib. 3. contra Gentes cap. 88. & alibi docente: Impossibile esse, motum naturalem, aut voluntarium effectivè, ac directè causari à tali principio externo, quod non causet ipsam naturam, aut potentiam voluntatis; ideo enim gravia, & levia à solo generante tanquam externo principio directè in suis motibus naturalibus moveri dicuntur, quia saltem ab illo formam, qua fit motio, accipere: sed Angeli non sunt causa efficiens voluntatis, nec consequenter essentia sua illi intimè præsentis, aut illabentes: Ergo nec directè, ac per se dici possunt demones causa peccati, sed solus homo sibi directè est talis causa, libere peccando. Deus enim ad hoc non movet, ut dicitur sectione sequenti adversus Novatores, etsi enim, ut aliquod externum principium moveat effectivè directè voluntatem, requiratur, quod sit causa illius efficiens, non tamen, quod est tale principium, quale solus est Deus, debet concurrere effectivè ad illud, in quo est libere efficiens, ac peccans.

Tertia conclusio: indirectè, & per accidens Diabolus est homini causa peccandi; ista conclusio non videtur minus certa, quam præcedens; colligiturque primò ex Scriptura, nam psal. 108 ubi dicitur: *Constitu super eum peccatorem;* Divus Augustinus, per peccatorem, Diabolum peccati suis suggestionibus autorem intelligendum esse docet. Idem significatur Ioann. 8. v. 44. dum Christus Phariseis ait: *Vos ex patre Diabolo estis;* & 1. Ioann. 3. dicitur: *Qui facit peccatum ex Diabolo est;* cui propterea Matth. 4. v. 3. tentatoris nomen absolutè tribuitur. Vnde etiam canon ille de eo, qui suadente Diabolo Clericum percussit, cap. si quis 17. qu. 4, Ex Patribus Origenes lib. 3. Periar-

chon. cap. 2. latè de hoc discurrit: Basilus quæst. breui 75. Prudentius etiam in Hamartigenia ita cecinit:

Inuentor vitij non est Deus; Angelus illud

Degener infami conceptum mente creauit.

Eusebius apud Damascenum 1. parall. cap. 9. quemadmodum Dei, si quid boni agatur, benignitati tribui voluit; sic si quid mali, diaboli peruersitati ascribi, & sic de alijs.

Ratio conclusionis est, quia, vt modo in ea dicto diabolus sit homini causa peccandi, nihil aliud requiritur, nisi quod se habeat per modum proponentis obiectum peccaminosum, vel per modum suadentis, & allicientis, nimirum vna cum obiecti propositione excitando, & mouendo adhuc appetitum sensitium per passiones, aut phantasiam per prauas imaginationes; quibus obiectum reddit valde conueniens, & optabile, & consequenter rationibus quibusdam apparentibus, depromptis ex phantasia, intellectum decipit: Quæ omnia cum diabolicam non excedant potestatem, nil mirum, si Deo ita permittente, indirectè, & per accidens dæmon sit homini causa peccandi.

Quarta conclusio: ita dæmon modo superiori conclusione explicato, potest esse homini causa peccandi, vt tamen illi vim, aut necessitatem inferre non possit. Ista etiam conclusio est certissima, & ad fidem pertinens; etsi enim, iuxta Diuum Thomam, possit dæmon, Deo permittente, necessitatem inferre homini, ad aliquem actum ex suo genere malum; ita scilicet commouendo phantasiam, eamque perturbando, vt omnino impediatur vsus rationis, quo semel impedito, potest hominem, tanquam brutum, ad quemlibet actum ex genere suo malum impellere, vt patet in energumenis, qui multa horrenda committunt: non propterea tamen necessitatem peccandi potest eidem inferre: Hoc primum probant omnia, quæ pro secunda conclusione fuerunt addu.

Biblioth. Theol. Tom. V.

Et; nec non ipsum tentatoris nomen, quod superiori conclusione dæmoni conuenire diximus, tentator enim ideo vocatur, si Guillelmo Parisiensi credimus lib. de tent. cap. 1. quod solum possit tentare, non autem pro voto suo vincere, vel deicere viribus suis, vt accideret, si posset necessitatem inferre ad peccandum.

Secundò, in tantum de facto dæmon talem posset necessitatem inferre, in quantum hominem supra vires eius tentaret, sic enim non posset ei tunc resistere: Deus autem istud de facto nunquam permittit; prioris enim ad Corinth. 10. habetur: *Fidelis est Deus, qui non sinet vos tentari supra id quod potestis*: ideoque in Apocalips. dicitur esse ligatus *Sathanas usque ad finem mundi*, quatenus scilicet Deus non permittit eum cum totis suis viribus hominè adoriri, non præstitis illi ad resistendum sufficientibus diuinæ gratiæ auxilijs: Igitur dæmon inferre non potest homini necessitatem peccandi.

Tertiò, dæmon ex dictis non aliter hominem tentationibus suis vrget, indeque author peccati dicitur, nisi per modum proponentis obiectum, aut per modum allicientis, & suadentis; atqui nullum verum creatum, & delectabile, quamuis cū rationibus validissimis ab eo proponatur, & suadeatur, potest voluntati necessitatè inferre, saltem supposito Dei auxilio, sed hoc tantum competit bono increato clarè, & intuituè cognito, vt contingit in patria; nequit ergo dæmon, qui alia bona, quam creatæ, & vt plurimum corporea, & sensibilia suggerere non potest, impellere, & necessitatem peccandi homini imponere, prout à Deo adiunatur.

Quartò, implicat necessitatem inferri homini ad peccandum, & hominem ipsum ita necessitatum de facto peccare, quia vbi quis ad agendum necessitatur, secundum quod necessitatur, vel physicè, vel moraliter, non potest peccare, cum peccatum essentialiter debeat esse voluntarium, & liberum, adeo

H h h h

vt

ut si tale non sit, peccatum esse non possit: Ergo etiam implicat, quod diabolus possit homini necessitatem peccandi inferre; & ille dicatur formaliter peccare.

Quæ argumenta probant de facto, nec non de necessitate morali; quia licet non solum de facto, verum etiam de possibili dæmon physicè nequeat inferre necessitatem humanæ voluntati, nihilominus aliqui doctores notant, tantam esse dæmonis potestatem, ut si Deus sineret eum agere iuxta integram virtutis suæ extensionem, & hominem suæ naturæ, absque ullis gratiæ auxilijs, iusto iudicio relinqueret, posset dæmon moraliter loquendo, illi inferre necessitatem exercendi malam aliquā actionem; dicente enim Apostolo Ephes. 4. *Non esse nobis colluctationē aduersus carnem, & sanguinem, sed aduersus Principes, & potestates tenebrarum harum;* denotari videtur potestatem dæmonis superiorem esse potestate hominis, per carnem, & sanguinem significata, si Diuino prorsus destitueretur auxilio: huiusmodi tamen mala actio, per accidens propter hanc necessitatem ei in peccatum non imputaretur, si quidem nemo ad impossibile obligatur, cuiusmodi tunc esset resistere diabolo tentanti. At quia de facto Deus pro immensa suæ bonitate nunquam permittit homines supra vires tentari: indè patet eos à peccatis perperam se excusare, quod maleficijs, incantationibus, aut etiam grauissimis tentationibus, aliquod peccatum perpetraverint, quia hæc supposito Dei auxilio, quod nulli vnquam, fiducialiter præsertim ac humiliter petenti denegatur, necessitatem inferre non valent. Ideo, & admoniti sumus tanquā ab Imperatore milites exhortante Marci 14. v. 38. *Vigilate, & orate, ne intretis in tentationem;* nam, ut Bernardus ex hoc loco probat ferm. 85. in Cant. homo quātumvis à dæmone tentatus, est præcipuus impulsor sui ad malum, qui suo, sine alieno impulsu cadere potest; alieno, siue diaboli, siue mundi, absque suo

cadere non potest: impellere diabolus, sed nō euertere, si quidem tuum illi negaueris assensum.

Quinta Conclusio; non omnia hominum peccata sunt actualiter ex suggestione diaboli, sed originariè tantum, vel occasionaliter. Ista etiam conclusio est certa inter doctores; etsi enim maior pars peccatorum, quæ in mundo committuntur, sint actualiter, & immediatè ex suggestione diaboli, plura tamen alia abundè suppetunt, quibus homines per semetipsos nonnunquam labantur, ab illo minimè sollicitati, & inducti; huiusmodi sunt innata sibi libertas, qua ad malum, ut & ad bonum posunt se flectere, tum etiam inmodicis rebus sensibilibus, & delectabilibus adhæsis, ut optimè docet Basilii opusculo, quod rebus secularibus non sit adhaerendum; ibi enim expressè ait; *Res ipsas seculares, absque ulla dæmonis suggestione, propter innatam sibi delectationem, ad peccatum pellicere;* & Gregorius Nazianzen. tract. senten. 52. hoc modo canit:

Quid culpam in hostem semper vertimus.

Cum nostra præsent robur ipsi crimina

Te criminare prorsus, &c.

Omnia tamen peccata, omnisque tentatio originariè à diabolo dici potest, quatenus videlicet primum parentem ad peccatum induxit, ex quo reliqua omnia quotquot sunt peccata suam habuerunt originem, ut suo dicitur loco; nunc ista sufficiant pro refellendo Armenorum errore, nec non explicando modo, quo dæmon homini causa peccandi esse potest: de qua materia agunt Theologi cum Diuo Thoma 1.2. q. 80. ubi quatuor articulis illam absoluit.

C A P U T VI.

Ostenditur aduersus Iacobitas, Abyssinos, nonnullosque etiam Armenos, legem veterem omnino esse iam abrogatam, & mortiferam, proindeque esse illicitum Sacramenti Circumcisionis usum.

PRo intelligentia controuersię, primum suppono Legem veterem Mosaicam, nō fuisse ipsius Moysis tanquam legislatoris, vt opinati sunt aliqui; nec à principio malo, vt olim Simon Magus, Marcion, Valentinus, & Manichæi dixerunt, sed à solo vero Deo, eoque summè bono fuisse traditā Moysi, per Angelos tamen, vt habetur ad Galat. 3. *Ordinata per Angelos in manu mediatoris:* ad Hebr. 2. *Qui per Angelos dictus est sermo.* & Act. 7. 8. de Moysē dicit Stephanus: *Qui accepit verba vite dare vobis.* & ver. 53. *Quia accepistis legem in dispositione Angelorum.* Potuit autem Angelus illi dicere tanquam Legatus verba Dei deferens, & in persona eius loquens: *Ego sum Deus.*

Eandem consequenter legem fuisse bonam, nulloque modo superstitiosam, etiam in suis cæremoniis, non negant aduersarij, aliquarum adhuc vsum retinentes, Diuinarumque Scripturarū Veteris Testamenti auctoritatem recipientes, quibus passim asseritur, eius cæremonias à Deo esse mandatas, & præceptas; indè enim manifestè sequitur, eas non fuisse superstitiosas, si quidem verus Dei cultus cōsistit in ijs cæremoniis, quas ipse in hunc finem instituit. Propterea Ezechielis 20. Dominus dicit: *Dedi eis præcepta mea, & iudicia mea ostendi eis; quæ faciens homo, viuet in eis.* Lex namque bona est eam facienti, sed non facienti mala, quia irā operatur, vt eodem capite idem Dominus dicit: *Dedi eis præcepta non bona, & iudicia in quibus non viuent;* vt omittā plures alias huius loci interpretationes, scilicet præcepta dici *non bona*, vel quia propter eorum multitudinem difficul-

Biblioth. Theol. Tom. V.

ter seruabantur, adeò vt *non bona*, idem sit, ac difficilia seruatu, erat enim iugū, quod portare non poterant, Act. 15. vel quia non faciebant bonos, nec gratiam conferebant, etiam si seruarentur, vel quia non erant perfecta, nec ad perfectionem adducentia, vel denique, quia erant nimis rigida. Quamuis probabilitate non careat interpretatio eorū, qui cum Diuo Hieronymo putant ibi per præcepta *non bona*, intelligi idololatrica, tyrannica, & impia Gentilium nimirum, quæ in captiuitate Iudæi subibant, & imitabantur abominando propria, & legitima. Dicitur autem Deū talia præcepta dedisse, quia tradidit populum suum in captiuitatem, ex qua Deo iusto iudicio permittente, secutū est, quod dicitur in psalmo 105. *Commixti sunt inter gentes, & didicerunt opera eorum, & seruiuerunt sculptilibus eorū, & factum est illis in scandalum: & immolauerunt filios suos, & filias suas demoniis.* Sicut ad Rom. 2. idem Deus dicitur tradidisse aliquos in reprobum sensum.

Porro huius legis suo tempore bonitas, vel vtilitas multiplex fuit: primò enim Iudæi per illam cognoscebant se esse peccatores; ad Rom. 7. *Peccatum non cognoui nisi per legem; & cap. per legem cognitio peccati.* Quæ cognitio non potuit non esse illis multo proficua: sicut enim via ad recuperandam sanitatē est cognitio suæ infirmitatis, ita via ad gratiam iustificantem, est cognitio sui peccati. Secundò per legem cognouerunt Israelitæ se indigere mediatore, & Salvatore, eaque de causa eum summopere desiderasse, & expectasse dicuntur in Scriptura. Tertiò per illam disponebantur, & erudiebantur, ad Christi doctrinam suscipiendam; ideoque ad Galat. 3. habetur: *Lex Pedagogs nossest fuit in Christo;* præsertim verò, quia omnia, quæ in lege Evangelica tradenda erant, in veteri, tanquam in ymbra, & figura præcedebant. Quartò habebat quamdam efficaciam ex opere operato ad iustificationes legales; ad iusti-

H h h 2 tiam

tiam vero coram Deo ex opere operantis per gratiam fidei in Christum venturum, & ex meritis eius; unde præcepta, quæ sic implebantur, quique illa implebant, etiam tunc ad nouam legem pertinebant: & sic de alijs.

Secundò supponendum est, legem Mosaicam ita fuisse suo tempore bonâ, & vtilem, vt tamen non fuerit perfectâ, & sufficiens ad salutem: gratiam enim iustificantem, in qua perfectio, & efficacia ad æternam salutem consequendam posita est, non conferebatur. Ioan. 17. *Lex per Moysen data est, gratia & veritas per Iesum Christum facta est;* & ad Hebr. cap. Nihil ad perfectum adducit lex: Quippè cum Iudæis ostenderet quid agendum, & fugiendum esset, non tamen per se vires, nempe gratiam, ad illud executioni mandandum suppeditabat; sed per relationem ad Christum alio tempore venturum, atque adeò ad aliam legem, cuius Christus erat futurus auctor; Quare Diuus Augustinus lib. 3. contra duas epistolas Pelagian. cap. 4. animaduertit, eos, qui tempore Veteris testamenti iustitiam adepti sunt, carenus quidem non ad vetus Testamentum, sed ad nouum pertinuisse, quia scilicet, vt in gratiam reciperentur, non fecit observatio illius legis, quatenus fuit observatio legis illius, promulgatæ per Moysen, & pro illo tempore, & illis circumstantijs, &c. sed quatenus coniuncta cum fide in Christum nouæ legis, ac testamenti auctorem; Quod insuper non ij solum, qui ex circumcissione erant, & lege Mosaicâ tenebantur, sed etiam alij ex Gentibus iustitiam per fidem in Christum sunt consecuti, vt idem Augustinus docet, argumento est, observationem legis non habuisse vim conferendi iustitiam per se ex propria ratione sua, sed alio ex capite, quod potuerit illi esse cum observatione legis naturalis commune, atque adeo Gentibus etiam prodesse, nempe ex relatione ad Christum vniuersorum Redemptorem.

Tertiò sciendum est, Gentes quidem

potuisse veterem legem recipere, eique se astringere: Exodi enim 12. præscribitur modus adinittendi profelytos, seu aliquos ex Gentibus, qui in Iudæorum Religionem ascribi volebant: cæterum ad eam amplectendam minimè tenebatur, sed solis Abrahamæ posteris, nempe Iudæis, talis obligatio incubebat: ideoque, qui ex Abrahamæ stirpe non descendeant, tempore legis Mosaicæ, per legem naturæ saluari poterant, eo modo, quo qui ante Abraham vivebant: ita, tamen, vt illi per solum lumen naturale, aut vires liberi arbitrij naturales, sine diuina gratia saluari non fuerint, cū ad beatitudinem supernaturalem media ei proportionata, vt dona gratiæ, necessaria sint; sed vbi dicuntur per legem naturæ saluari potuisse, tantum excluditur lex vetus, seu scripta, non autem actus supernaturales fidei, spei, & charitatis, quippè qui in quacumque lege omninò necessarii, & in illis per relationem ad Christum, eiusque merita, concedendi, tanquam ad supremum vniuersalis Ecclesiæ caput, in quocumque statu illa consideretur. Quare licet lex vetus ad solos Iudæos tanquam ab illis obseruanda pertinuerit, non solum cum obligatione ad certas pœnas, sed etiam in cōscientia sub peccato: tamen dubitari nō potest, quin ad omnes alios fideles etiam quodam modo pertinuerit, nempe tanquam figura quædam eorum, quæ per Christum eorum caput adimpleta sunt, vt rectè ostendit Diuus Augustinus lib. 19. contra Faustum. cap. 7. & sequentibus omninò legendis.

Quartò obseruandum est præcepta veteris legis fuisse in triplici differentia primùm *Moralia*, quæ nimirum ad mores componendos spectabant, in Decalogo contenta; tali siquidem nomine, decem illa præcepta, quæ in duabus Tabulis lapideis digito Dei, siue immediatè, siue ministerio Angelorum, descripta habentur Deuter. 4. intelliguntur; ita vt præcepta prioris Tabulæ ad Deum ipsum, posterioris verò ad pro-

proximum referantur. Secundò fuere *Ceremonialia* ritus, qui ad externum Dei cultum ordinabantur, præscribentia. Et si enim cultus, & veneratio Dei, in vniuersum sit legis naturalis, modus tamen, & determinatio huius cultus, per has, scilicet, aut illas ceremonias à Moyse tanquã præcone à Deo specialiter delegato promulgata fuit legis supernaturalis. Talia autem præcepta ad quatuor potissimum genera reuocabantur: alia enim erant de sacrificijs, seu oblationibus, alia de Sacramentis, quedam de rebus sacris, vt Tabernaculo, Templo, Arca fœderis, Propitiatorio, &c. quædam verò de obseruantijs, quæ parim ad eum referebantur, vt abstinentia à suffocato, sanguine, pinguedine, carne suilla, ab animalibus, quæ non haberent vngulam diuisam, sed solidã, & vnitam, quæque etiam non ruminarent, & manducatio panum azymorum, lactucarum, & cæterorum id genus: Porro Genebrardus sub finem Cronologiæ, tam ex Paulo Burgenfi, quam ex alijs doctoribus refert hæc præcepta in vniuersum ascendisse vsque ad numerum sexcentorum tredecim: ex quibus erant ducenta quadraginta octo affirmatiua: tot nimirum, quot in homine esse membra, & ossa dicuntur: & trecenta sexaginta quinque negatiua, quot in anno dies numerari solent. Ob quã fortè causam, vt alias omittam, Diuus Petrus in Concilio Hierosolymitano asseruit legem Mosaicam fuisse durissimam, & quasi obseruati impossibilem; id est difficillimam, quia, quæ difficilia sunt, nonnunquam appellari solent impossibilia. Tertiò tandem fuere præcepta *Iudicialia*, quibus ostendebatur rectus ordo iustitiæ, qui ordo, cum ad principem, ad ciues inter seipso, ad extraneos, & ad domesticos eiusdem familiæ, referatur, inde quoque, iuxta hæc quatuor capita, quatuor fuere horum præceptorum genera, maiori ex parte in Deuteronomio contenta, sicut in Leuitico Ceremonialia.

His prænotatis, quantum sufficit ad

præsentis instituti ratione, maior enim illorum notitia repetenda est ex Diuo Thoma, eiusque interpretibus 12. qu. 92. & sequentibus, primo certum est, præcepta moralia in lege Evangelica non cessasse; etsi enim quod dicitur legem veterem antiquatam esse, intelligi etiam possit, vt aduertunt doctores, quo ad dicta præcepta, vt erant præcepta illius legis in veteri testamento tradita, non tamen quoad eorum materiam; nam cum mores seculi quacunque lege positiua, suapte natura mali sint, aut boni, saltem physicè, sit vt eorum compositio, ad quæcumque legem, tum naturæ, tum Euangelii pertineat, consequenterque obligentur sub illis viuentes, ad materiam eiusmodi præceptorum, quamuis non ex illorum vi, seu vt soli populo Hebræo fuerunt conscripta, & promulgata, quatenus erant legis diuinæ positiuæ; sed modo, ex vi legis naturæ, & Evangelicæ Christiani, sicut Gentiles olim, ex vi legis naturæ, quæ est conscripta in mente, tenebantur, vt docet Diuus Thomas 1. 2. q. 98. art. 5.

Secundò cum legem veterem ex aliquo tempore cessasse dupliciter concipi possit: *Primò* sic, vt ex eo tempore fuerit mortua, id est, vt neque obligauerit, neque etiam ad salutem profuerit eius obseruantia, eo modo quo antea valebat: *Secundò* sic, vt etiam fuerit mortifera, id est vt illam seruare non liceret citra peccatum ex suo genere mortale: communiter quoque docent Theologi cum Diuo Thom. 1. 2. q. 104. art. 3. præcepta iudicialia nunquam secundo desisse modo. Etsi enim mutata forma, & statu populi Hebræi, qui erat finis eiusmodi præceptorum, sic illa cessauerint, vt à morte Christi fuerint mortua, id est, vt amiserint obligandi vim; quia tamen principaliter, aut per se non referebantur ad significationem Christi venturi, mysteriorumque eius, adeoque nec pertinebant propriè ad cultum sacræ illius populi proprium; idcirco non fuit post Christi mor-

mortem, nec est iam illorum usus mortiferus. Quin imò si leges aliquæ iudiciales nunc statuerentur illis præceptis similes, possent licitè ex eodem Diuo Thoma, & deberent obseruari, non eo quidem modo, quo in veteri lege, sed simpliciter, quatenus iam conferrent ad ordinem iustitiæ seruandum, secundum conditionem præsentis status Ecclesiæ, vel Reipublicæ; siue non obligarent, quia in veteri lege sancitæ fuissent, sed quia vel ab Ecclesia, vel à Regibus, aut supremis Magistratibus assumptæ fuissent.

Tota igitur præsentis controuersiæ difficultas reducitur ad Præcepta Ceremonialia, an nimirum utroque ex dictis modo cessauerint, ut non solum sint mortua, id est, non prosint ad salutem & gratiam, sed etiam sint mortifera. Pro cuius resolutione iterum notandū est, hæc præcepta quadrifariam usurpari posse. *Primo* formaliter, cumve in finem, ut per significationem mysteriorum Christi, quasi futurorum colatur Deus: *Secundo* prorsus materialiter, id est, nequaquam in ordine ad cultum, sed ob aliquem alium finem; ut si quis, exempli gratia, sanitatis causa se se circumcideret: *Tertio*, si usurparentur ad cultum quidem Dei, non secundum Christi venturi significationes, sed qui consisteret in quadam protestatione diuinæ excellentiæ illo ritu, & modo; adiuncta simul opinione, quod talis cultus esset ad salutem necessarius: *Quarto* Si ad eundem ordinarentur cultum diuinum, quo non Christi futuri significatio, sed protestatio intenderetur excellentiæ diuinæ, nõ tamen ex illa opinione necessitatis ad salutem, verum in eum duntaxat finem, ut ostenderetur Ceremonialia legis præcepta mala non fuisse, sed bona, & à bono auctore. Nunc sit.

Prima conclusio; Lex vetus, quo ad præcepta Ceremonialia, iam effluxit, penitusque abrogata est; quare nullam amplius obligationem imponit, nec etiam eam obseruantibus quidquam

prodest; meritoque proinde mortua dicitur. Ista conclusio intellecta de lege veteri spectata ad extra, qualis erat apud Iudæos, qui eam olim obseruabant, est de fide; illamque à fortiori probabunt argumenta pro sequenti conclusione adducenda, quibus ostendemus Ceremonialia, nedum mortua, sed etiam mortifera esse. Vnde solum superest breuiter explicandum quonam, præcisè tempore lex vetus quoad huiusmodi præcepta cessauerit, mortuaque dici potuerit. Cui respondeo ex Diuo Thoma 12. q. 103. art. 3. ad 1. alijsque Patribus, Diuo præsertim Augustino epist. 19. ad Hieronymum; & Hieronymo ipso in epist. ad Augustinum, quæ est 11. inter Diui Augustini epistolæ, tunc id contigisse, quando mortuus est Christus, siue quando in Cruce spiritum iam iam emissurus, dixit, *consummatum est*, Ioann. 19. id est, absolutum est mysterium redemptionis, quatenus erat meritis Christi perficiendum, quo lex vetus principaliter, ut ad finem, & terminum suum referebatur. Quod autem Sotus lib. 2. de Iust. & Iur. q. 5. art. 4. hoc non ita intelligendū esse docet, quasi in ipso puncto mortis Christi indiuisibiliter lex illa vetus cessauerit, sed punctum mortis latius accipiendum esse, ut comprehendat totum illud temporis intervallum mortis, & sepulturæ Christi usque ad momentum resurrectionis inclusiuè; quoniam, inquit, in resurrectione fuit mysterium nostræ redemptionis completum iuxta illud Rom. 4. *Traditus est propter delicta nostra, & resurrexit propter iustificationem nostram*; nec non etiam in lege veteri significata, & prophetata eadem resurrectio; alijs doctoribus non placet.

Tam quia, ut Christus simpliciter in Cruce dixit *Consummatum est*; ita simpliciter etiam Patres significant, tunc fuisse finem impositum officio legis; cui etiam consonat, quod tota ferè epistola ad Hebræos ait Apostolus, nouū Testamentū fuisse morte ipsius Christi inter-

intercedente, confirmatum, & vetus ex consequenti abrogatum, & mortuum; ad Ephesios 2. dissolutum medium parietem, quo populus Iudzorum separabatur à populo Gentilium, & ex utroque populo vnam, & eandem constata fuisse Ecclesiam; & ad Galatas 3. redemptos eos, qui erant sub seruitute legis: ideoque lex ipsa tunc cessauit, & abrogata est, quando præcisè Christus mortem subiit, qua propriè, & formaliter non tantum à peccato, sed etiam à seruitute legis redempti dicimur. Tum quia Christus per meritum passionis, & mortis, non autem per suam resurrectionem exoluit pretium redemptionis nostræ. Post mortem enim, cum amplius viator non esset, nihil promeritus est, sicut rectè probat Diuus Thomas super cap. 4. epistolæ ad Rom. lect. 4. Unde cum finis veteris legis fuerit mysterium redemptionis nostræ, quatenus illa, non quomodocumque, sed satisfactione, & merito Christi erat perficienda, non debet eius duratio extendi, vsque ad momentum resurrectionis, vt vult Sorus; alioqui non tantum vsque ad illud, sed etiam vsque ad ascensionem, & aduentum Spiritus Sancti, deberet à præfato Doctore concedi, quod lex vetus vigeret, adeoque vim obligandi per se habuerit; nam hæc quoque mysteria aliquo modo pertinent ad nostram redemptionem, fueruntque in veteri lege prænuntiata. Non hæc igitur, sed illa, quæ Christi meritum, & satisfactionem continebant, & à quibus proinde observatio legis suum habuit valorem, finem, ac terminum ipsius fuisse dicenda sunt. Per quod patet ad rationes Soti. Quare Sanctus Thomas loco citato ad Rom. expressè docet sensum Apostoli non esse, quod per resurrectionem obtinuerit nobis Christus iustificationem, sed talia ab eo dici per quamdam similitudinem resurrectionis Christi, & iustificationis nostræ.

Si quis per oppositum, ex illo Lucæ cap. 16. *Lex, & Propheta vsque ad Ioan-*

nem, obijciat legalia ante mortem Christi desisse, mortuave fuisse. Respondetur *primò* per talia verba tantum insinuari, prædictiones Christi venturi, quæ à lege, & Prophetis fiebant, viguisse vsque ad Ioannem: hic enim non prædixit Christum venturum, sed prædicauit eum esse iam natum, eumque indigctauit, dicens, *Ecce Agnus Dei*: non autem fieri mentionem legalium. *Secundò*, etiam admissa tali mentione, respondetur dictorum verborum sensum esse, quod vsque ad tempora, vel sæculum illud Ioannis, in quo Christi mors contigit, lex vetus durauerit. *Tertiò* dici potest, Christum Dominum his verbis significare voluisse, legem veterem ante Ioannem viguisse, postea verò, quia simul quasi Ioannes, & Christus inceperunt, legem nouam ab ipso quoque Ioanne incepisse; adeo vt lex, & Euangelium ab eo tempore, quo Christus prædicare cepit, vsque ad eius mortem, nempe tribus annis, & tribus mensibus simul concurrerint: quia iam mysterium redemptionis erat inchoatum licet nondum per Christi mortem consummatum. Propterea Diuus Augustinus citata epistola 19. ad Hieronymum, tria distinguit tempora: primum ante Christi mortem, in quo legalia neque erant mortua, neque mortifera; Secundum post sufficientem Euangelij diuulgationem, in quo legalia, & mortua sunt, & mortifera: Tertium autem est tempus medium, in quo legalia fuerunt quidem mortua, sed non mortifera, hoc est, non habebant vim obligationis, sed poterant licitè observari, dummodo non crederentur esse necessaria ad salutem; vt infra explicabitur.

Secunda conclusio. Lex vetus quo ad præcepta Ceremonialia, nedum iam antiquata, aut mortua est, sed mortifera, ita vt absque peccato observari non possit. Ista pariter conclusio est de fide, si sermo sit de obseruantia huiusmodi præceptorum, quatenus, vel ordinaretur, vt significatiua mysteriorum Christi qua-

fit quasi futurorum ad cultum diuinū, vel etiam sine tali significatione, reputaretur necessaria ad salutem. In quo secundo potissimum sensu errarūt tūm veteres hæretici, Chelintus teste Epiphanio hæres. 18. & Augustino hæres. 8. Ebion teste Ireneo lib. 1. cap. 26. nec nō Epiphanio hæres. 18. & Augustino hæres. 9. tum moderni, cum quibus remodo habemus; In primo enim sensu, inter eos, qui Christi fatentur aduentū, extra omnem controuersiam est, & oportuit semper esse, quod statim ab eius morte fuerit obseruatio Cereimonialium mortifera. Nam statim cultus eiusmodi fuisset cultus falsus, quæ est vna species superstitionis; si quidem non amplius potuisset mysterium redemptionis, aut verbo, aut opere significari verè tanquam futurum. Et hoc modo rectè procedit Diui Thomæ discursus 12. quæst. 103. art. 4. vbi probat perinde esse illicitum mendacium, in significatione verborum de mysterijs nostræ fidei.

Conclusio ita explicata probatur ex communi Ecclesiæ sensu: Ecclesia enim Romano-Catholica, quæ sola vera est Christi Ecclesia semper credidit, vt quid de fide contra præfatos hæreticos, legem veterem quantum ad præcepta Cereimonialia, seu ritum diuini cultus in ea præscriptum, nedum mortuam fuisse, nihilque ad gratiam, & salutem prodesse, verum etiam mortiferam esse, peccatumve inducere eius obseruationem, post sufficientem legis nouæ promulgationem. Vnde à Generali Synodo Florentina, præsentibus, atque consentientibus Armenis Legatis, in decreto pro Iacobitis, res ita definita fuit: *Sacrosancta Romana Ecclesia, Domini, & Saluatoris nostri vocē fundata, firmiter credit, profitemur, & prædicat, omnem creaturam Dei bonam, nihilque reiiciendum; quod eam gratiarum actione percipitur: quia iuxta verbum Domini, non quod inuolat in os, coinquinat hominem, illamque Moisaica legis ciborum mundorum, &*

immundorum differentiā ad Ceremonialia asserit pertinere, quæ surgente Evangelio transierunt, & efficacia esse desierunt. Et infra: Nullam itaque cibi naturam condemnandam esse, denuntiat, quam societas admittit humana; nec inter animalia discernendum per quemcumque, siue virum, siue mulierem, & quocumque genere mortis intereant: quamuis pro salute corporis, pro virtutis exercitio, pro regulari, & Ecclesiastica disciplina possint, & debeant multa, non negata, dimitti; quia iuxta Apostolum omnia licent, sed non omnia expediunt.

Eadem definitio habetur in fidei professione, relata à Baronio tom. 6. Annal. in fine, & ex ipso à nostro Thomæ à Iesu lib. 7. de conuersione omnium gentium, quæ ex præscripto Sanctæ Sedis Apostolicæ ab Orientalibus ad Sacrosanctæ Romanæ Ecclesiæ vnitatem venientibus faciendā proponitur, his verbis: *Item firmiter credo legalia omnia veteris Testamenti, seu Moisaica legis, quia Christum figurabant, licet diuino cultui illa etate congruerent, ipso adueniente cessasse, & iam promulgato Evangelio seruari non posse, sine interitu salutis æternæ. Omnes igitur post illud tempus circumcisionis, Sabbathi, ciborum ea lege prohibitorum, reliquorumque legalium obseruatores alienos à fide denuntio, & salutis æternæ non posse esse participes, nisi aliquando ab his erroribus respiciant, ab his enim omnibus liberauit nos Christus, &c.*

In altera quoque fidei professione Armenolatina, iussu Urbani VIII. edita, quæ ipsdē Armenis aliisque Orientalibus Christianis emittenda proponitur, idem continetur, facta Synodi Florentinæ mentione. Profiteor, quæ in Florentina Synodo definita sunt: videlicet *Legalia veteris Testamenti, seu Moisaica Legis Ceremonias, Sacra, Sacrificia, & Sacramenta Domino nostro Iesu Christo adueniente cessasse, & post promulgatum Evangelium sine peccato obseruari non posse: eiusdem enim legis veteris ciborum mundorum, & immundorum differentiā*

ad Ceremonialia pertinere, quæ surgente Evangelio transferunt.

Hæc autem fidei Catholicæ veritas tam apertis Verbi Diuini tum scripti, tum traditi testimonijs innititur, vt mirum sit eam non credi ab illis, qui Sacrarum Scripturarum auctoritatem admittunt. Præcipua noui testamenti, omisso veteri, loca habentur.

Matthæi 15. vbi quantum ad rem illam, seu præcepta Ceremonialia de cibis immundis expresse ait Christus: *Non quod intrat in as, inquinat hominem; sed quod procedit ex ore, hoc inquinat hominem;* nimirum, vt subdit, *cogitationes male, falsa testimonia, blasphemia, &c.*

Lucæ 10. vbi idem Christus Dominus suos discipulos prædicatores mittens non solum ad Iudeos, sed etiam ad omnes gentes, ait illis: *In eadem domo manete, edentes, & bibentes, quæ apud illos sunt:* Et infra: *In quacumque ciuitatem intraueritis, & susceperint vos, manducate quæ apponuntur vobis.* Quibus sanè verbis satis indicatur permissæ Dominum suis discipulis, & sic toti Ecclesiæ cuiuslibet cibi esum, etiam qui ante fuerat in lege prohibitus, qui que gentibus communis erat: Præcepta igitur Ceremonialia post Euangelicam legem minimè sunt obseruanda, necessariaque ad salutem reputanda.

Sed omnium clarissimus locus habetur Act. 15. vbi Apostoli in Concilio Hierosolymitano absolute definierunt veteris legis abrogationem, quo ad legalia, seu Ceremonialia eius præcepta: *Surrexerunt,* inquit Sacer Textus, *quidam de hæresi Phariseorum, qui crediderunt, dicentes, quia oportet circumcidi eos: præcipere quoque seruare legem Moysi; conueneruntque Apostoli, & seniores videre de verbo hoc.* Cum autem magna conquisitio fieret surgens Petrus dixit ad eos: *Viri fratres, &c. nunc ergo, quid tentatis Deum, imponere iugum super ceruices discipulorum; quod neque Patres nostri, neque nos portare potuimus. sed per gratiam Domini Iesu Christi credimus*

Biblioth. Theol. Tom. V.

saluari, quemadmodum & illi.

Si quis instet tū Vartano in Monitis ad Armenos, alijsque nonnullis eorum Pseudomagistris ibidem ab Apostolis factam fuisse prohibitionem Gentilibus in Syria conuersis, vt abstinerent à cibis qui immolabantur idolis, siue à contaminationibus simulachrorum, & fornicatione, & suffocatis, & sanguine; quæ erant etiam Mosaica lege vetita; atque adeo aliqua saltem ceremonialia veteris legis post sufficientē nouæ promulgationem esse obseruanda à Christianis, vt Apostolico obediatur decreto.

Respondetur primò id nihil prorsus fauere malæ aduersariorum causæ, nam ad hominem, dum decernentibus Apostolis Christianos non teneri iugo, & obseruantia veteris legis, præterquam in tunc præcepta ab illis de nouo abstinentiæ ab Idolothytis, suffocato, & sanguine, ipsi tamen eos obligari volunt, ac docent ad obseruationem aliorum legalium; vnde Armeni se abstinent ab omni cibo veteri lege prohibito, vt immundo, excepta carne suilla, quam comedere sibi permissum fuisse dicunt à suo Illuminatore, ac primo Patriarcha. Diuo Gregorio; execratur eos, qui quocunque modo animal immundum tetigerint, nec non animalium sacrificia faciunt, oues offerentes, ac iugulantes in expiationem peccatorum suorum, vt in lege præscriptum fuerat, dum, inquã, aduersarij talia docent, & faciunt, manifestos se produnt decreti Apostolici transgressores.

Secundò respondetur cum D. Thoma 12. qu. 103. art. 4. ad 3. talia non fuisse ab Apostolis in Concilio Hierosolymitano præcepta Gentilibus nouiter ad fidem conuersis, formaliter seu ad cultum, aut quod crederent legem veterem post Christi mortē adhuc persequerare, & in æternum duraturam esse tanquam necessariam ad salutem, de quo est quæstio inter nos, & aduersarios, sed tantum materialiter in alium finem, vt scilicet posset facilius ex Iudeis, & Gentibus vnus populus fidelis

I i i

coa-

coalescere, si eo genere abstinentiæ se se Gentiles cum Iudæis, qui maximè à suffocato, & sanguine abhorrebant, in communi conuictu conformarent. Nam ante sufficientem Euangelij promulgationem, propter prædictum, aut alium eiusmodi finem honestum nonnulla præcepta moralia obseruari potuissent, & per accidens prodesse dicemus infra.

Respondetur tertio Apostolos præfata prohibuisse non ratione legis veteris obseruandæ, seu quatenus horum abstinencia erat præceptum legale, ac ceremoniale: quia, cum vetus lex non fuisset data Gentibus, sed tantum Hebræis, pro quibus etiam erat tunc mortua, nullus poterat, præsertim Gentiles conuersi, ad aliquod legale præceptum obseruandum iure constringi; Hoc igitur Apostolos fecisse dicendum est, vt Christianis tunc in Syria, & Cilicia cōuersis ex Gentibus iniungerent aliqua præcepta moralia, illi tempori, & regioni congrua, vt ad fornicationem, & idolorum cultum iterum nō reuertentur, ac præterea possent sine scandalo, & dissensione cum Iudæis fidelibus habitare; qui, cum abhorrerent mirum in modum ab idolothytis, id est cibis idolis oblati, suffocato, & sanguine, si vidissent Gentiles ijs absque vlllo scrupulo vesci, facile suspicari potuissent ipsos nondum idola perfectè, & ex toto corde deseruisse, proindeque noluisse vllum cum illis habere commercium, sicque schisma in Ecclesia exortum fuisset.

Rem autem ita se habere manifestè constat; si quidem prohibitio à fornicatione, non est præceptum legale, seu ceremoniale, sed morale, ac etiam naturale: vnde vetita hæc fuit ab Apostolis, non quia per se mala non esset, iureque naturæ interdicta; sed quia vel Gentēs illæ id ignorabant, vel ob nimiam consuetudinem pro nihilo illud habebant.

Similiter prohibitus fuit esus Idolothytorum, vel quatenus continebat hic

cultum idolorum, aut speciem eius, vt explicant multi Patres Hieron. lib. 1. contra Iovinianum, Augustinus in speculo cap. de act. Apost. colligique etiam videtur ex illo 1. Corinth. 10. *Nonne qui edunt hostias, participes sunt Altaris?* Et infra: *Qua immolant Gentes, Dæmonijs immolant, & non Deo; nolo autem vos socios fieri demoniorum: non potestis calicem Domini bibere, & calicem Dæmoniorum: non potestis mensa Domini participes esse, & mensa Dæmoniorum.* Sub qua ratione præfatus esus erat etiam res intrinsecè, & per se mala, eiusque consequenter prohibitio præceptum non legale, sed morale, ac naturale. Vel saltem prohibitus fuit, quatenus parere poterat scandalum, & suspicionem falsæ religionis, aut esse occasionem redeundi paulatim ad cultum idolorum; quo modo fuit quidem præceptum morale duntaxat positum, sed nullam prorsus legalem ceremoniam continebat; vnde secluso scandalo, aut occasione idololatriæ, talis esus non erat malus, sed indifferens, vt apertè supponit Apostolus in epist. ad Roman. cap. 14. nec non 1. Corinth. cap. 8. & 10.

Prohibitum tandem fuisse esum sanguinis, & consequenter etiam animalis suffocati, quod sine sanguinis effusione moritur, vel occiditur, nullo habito respectu ad legem veterem, aut aliquam eius ceremoniam obseruandam; sed quia sanguis, & suffocatum in idololatrijs Gentium peculiari modo vsurpabatur, restantur Origenes lib. 8. contra Celsum, & Tertullianus in Apologet. cap. 9. nec non Diuus Thomas 1. 2. qu. 102. ar. 6. ad 1. vbi ait, *eorum consuetudinem fuisse, vt circa sanguinem congregati adunarentur ad comedendum in honorem Idolorum, quibus reputabant sanguinem acceptissimum esse: ideoque ratione vitandi idololatriam talis prohibitio fuit facta, nec non ob alios fines in secunda responsione recensitos, continebatque non ceremoniale, sed morale præceptum positum; quod vt decursu temporis præfatis cessantibus causis cessauit, ita quo-*

quoque ſi iterum vrgerent, ab Eccleſia renouari poſſet; provt in Cōcilio Gangrenſi multis poſt annis contigiffe aſſerit Sotus lib.2. de iuſt. & iur. q.5.

Eandem veritatem ceſſationis legalium ceremonialium, mortiferæque eorundem obſeruationis poſt ſufficientē nouæ legis promulgationem, omnium fuſiſſimè docuit Paulus Apoſtolus paſſim in ſuis epiſtoliſ; ad Romanos, c. 6. *Non eſtis ſub lege, ſed ſub gratia*: cap. 7. 8. 10. & 14. 1. Corinth. 10. ad Galatas cap. 2. vbi reprehendit Petrum, quod ceremonialia obſeruaret, ſuoque exemplo cogeret Gentes iudaizare, hiſ verbis: *Si tu, Iudeus cum ſis, Gentiliter viuas, & non Iudaicè: quomodo Gentes cogis iudaizare? Nos natura Iudei, & non ex Gentibus peccatores ſcientes autem, quod non iuſtificatur homo ex operibus legis, niſi per fidem Ieſu Chriſti; & nos in Chriſto Ieſu credidimus, vt iuſtificemur ex fide Chriſti, & non ex operibus legis: propter quod ex operibus legis non iuſtificabitur omnis caro*. Qua ſanè Apoſtoli reprehentione, ſiue non fuerit ſeriò, & ex animo facta, ſed ſimulatè, & ex compoſito, iuxta mentem Hieronymi, vt nempè illi duo Apoſtoli, hoc pacto manifeſtum facerent, neque Gentes, neque Iudeos lege Moſaica teneri, & per languinem Chriſti, non autem per obſeruationem legis, omnes iuſtificari; ſiue iuxta mentem Auguſtini vera, & non ſimulata fuerit, Petruſque realiter peccarit, ſi non lethaliter, ſaltem venialiter, ſubtrahendo ſe à conſuetudine Gentilium, cum magno ipſorum ſcandalo: videntes enim Petrum Apoſtolorum verticem, ab iſs ſe ſubtrahere, & cum Iudeis obſeruando legalia cōmunicare, ſuſpicabantur legem veterem eſſe adhuc neceſſariam, ſiue tandem Petrus ne venialiter quidem peccauerit, de quo egimus tom.3. ſect.4. cap. atque adeo reprehenſio Pauli, non tam facta fuerit contra Petrum, quam contra id, quod per accidens ex facto eius oriebatur, nempè ſuſpicio, & exiſtimatio Gentilium conuerſorum ad fidem,

Bibliot. Theol. Tom. V.

qua legem veterem adhuc eſſe ad ſalutem neceſſariam, ſuſpicabantur; hac inquam Diui Pauli reprehentione, quocunque ex dictis ſumatur modo, clarè conſtat, poſt ſufficientem Euangelij diuulgationem, ceſſaſſe legem veterem, non ſolùm quoad obligationem, ſed etiam quo ad licitum vſum, ita vt obſeruari non poſſet deinceps ſine graui peccato; Vndè idem Apoſtolus eiſdē epiſt. cap. 3. & 4. videndus, demum cap.5. de duobus teſtamentis, veteri, & nouo loquens; ſub figura duorum filiorum Abrahæ, ſcilicet Iſmaelis, qui ei ex Agar ancilla, & Iſaac, qui ex Saræ, vxore libera, natus fuerat, ait eiſciendā eſſe legem veterem, quæ tanquam ancilla fuit legis Euangelicæ, ſicut eiſcā fuerat Agar Saræ ancilla; concluditque: *ſtate, & nolite iterum in go ſeruitutis cōtineri*. Ecce ego Paulus dico vobis; *quoniam, ſi circumcidamini, Chriſtus vobis nihil proderit*; id eſt, ſi circumciſionem vt neceſſariam ad gratiam, & ſalutem ſumatis, non poteſtis gratiam, & ſalutem Chriſti conſequi; & iterum, *Euaſuati eſtis à Chriſto, qui in lege iuſtificamini*; id eſt, contenditis per eius obſeruationem iuſtificari.

Eandem denique doctrinam tradit Ephēſ. cap.2. Coloſſenſ. 2. 1. Timot.4. Titi 1. ac demum Hebręor. 7.8. 9. vbi omnino videndus eſt.

Quamobrem ne Sacram Scripturam ſibi contradicere dicamus, vbi lex vetus in ea dicitur à Deo data, vt perpetua, ſeu in æternum duratura: Genēſ. 17 de circumciſione: *Erit pactum hoc meū in carne veſtra in ſædus æternum*: Exodi 12. de ſolemnitate Agni Paſchalis: *cuſtodietis diem iſtum in generationes veſtras, ritu perpetuo*: & Baruch. 5. *Hic eſt liber mandatorum Dei, & lex quæ eſt in æternum*: iſta & ſimilia loca non debent intelligi, vt obijciunt aduerſarij, de perpetua abſolutè, nunquamque ſinem habitura duratione legis veteris, cum ex dictis contrarium apertè conſtet, nec non ex ipſomet veteri teſtamento; Iſaias enim cap. 43. loquens de vocatione

Iudæorum ad Christum, & ad conuersos, & credentes in illum, vt explicat Diuus Hieronymus, tandem concludit: *Ne memineritis priorum, & antiqua ne insuecamini.* Et Ieremias cap. 21. post illa verba: *semina circumdabit virum*, subdit: *Ecce dies veniens dicit Dominus: & feriam domui Israel, & domui Iuda, sedus nouum, non secundum pactum, quod pepigi cum patribus eorum*, &c. quem locum expendens Diuus Paulus Hebræor. 8. ait: *Dicendo autem nouum, veterauit prius: quod autem antiquatur, & senescit, propè interitum est.*

Sed primò, cum in Sacris Scripturis æternum, perpetuum, ac sempiternum dicatur illud, cuius certus terminus nõ præscribitur, etsi non perpetuò, sed longò solùm tempore duraturum sit, vt durauit lex vetus; sic Genes. 13. dicitur: *Omnem terram quam conspicis tibi dabo, & semini tuo in sempiternum*; & cap. 17. *Dabo tibi, & semini tuo, &c. omnem terram Chanaan in possessionem æternam*; & tamen constat, terram illam à Iudæorũ possessione iam pridem ablatam fuisse: eodem modo de ritu veteris legis discurrendum est, vbi interdum vocatur æternus.

Secundò respondetur cum D. Thoma 12. quæst. 103. art. 3. ad 1. quod lex vetus dicitur esse in æternum secundum præcepta moralia quidem simpliciter, & absolutè; secundum ceremonialia verò quantum ad veritates quas mysticè figurabant: de quo vide dicta tom. 3. sect. 3. nec non supra sect. 7. contra Iudæos.

Nunc ad alteram probationem veniamus desumptam ex traditione cuius testes sunt irrefragabiles veteres Patres, tum Græci, tum Latini, qui vnanimiter, nulloque ipsorum contradicente, docuerunt, legem veterem, quoad ceremonialia, nedum mortuam, sed & mortiferam, post sufficientem Euangelij diuulgationem factã fuisse, quatenus, vel ordinaretur vt significativa Christi, mysteriorumque eius ad cultum Diuinum, vel etiam sine tali si-

gnificatione crederetur necessaria ad salutem. Ex Patribus Græcis, vel Orientalibus, quibus Armeni potissimum fidem adhibent, celebriores sunt Dionysius Arcop. de Eccl. Hier. parte 1. cap. 5. Ignatius in epist. ad Philadelph. & ad Hieronem: Iustinus Martyr in Dial. cum Tryph. Iudæo, circa princ. Lex, inquit, *quæ in Horebo monte sancta est, vetus est iam, & vestra tantum: hæc autem (noua) planè omnium.* Lex autem legi contraria, & contra legem lata superiorem sustulit; Testamentumque, quod postea institutum est, prius sustulit eodem modo. Irenæus lib. 4. cap. 31. Origenes lib. 2. contra Celsum: *Quæ verò sunt, inquit, illa impietates Iesu? profert præsertim Iudæus à Celfo introductus: nisi fortè impium est desistere à corporali circumcissione, & Sabbathis, Nouilunij, cæterisque festorum corporalium observationibus, & prætorum, impurarumque rerum discrimine, ab hisque transferre animum ad veram Dei legem, spiritalem, & Deo dignam.* Athanasius in orat. aduersus Arrianos, super illo, *ex Deo Deus est verbum*, circa finem; & orat. in illud, *Omnia mihi tradita sunt à Patre meo*, circa medium; Epiphanius hæres. 29. vbi assimilat hanc hæresim Serpenti bicipiti, vt potè quæ Christianismo Iudaismum annexuit: & de eius authoribus ait: *In hoc à Iudæis differunt, itemque Christianis; quod Iudæis quidem non consentiunt, eo quod in Christum credunt cum Christianis verò non conspirant, eo quod adhuc legi sunt alligati.* Chrysostomus homil. 4. in Marcum: 7. in epist. ad Colossens. & 5. in cap. 2. epist. ad Ephes. Cyrillus Alexandrinus lib. 1. in Isaiam orat. 5. cap. 9. vbi adducit decretum Concil. Hierosolymitani Act. 15. & lib. 9. contra Iulian. propè finem, vbi explicans Visionem Petri Act. 10. quæ apparuit illi vas quoddam, velut lintheum magnum, in quo erant quadrupedia, & serpentina terræ, & volatilia cæli, ait apertè significatum fuisse, iam cessasse veteris legis umbras, transformatasque in veritatem fuisse.

Ex Patribus Latinis Cyprianus lib. 1. contra Iudæos cap. 1. & 8. Ambrosius in cap. 6. Lucæ. Hieronymus in epist. ad Augustinum, quæ est undecima inter epist. Augustini; ille verò epist. 19. ad Hieronymum, tum hæresi 9. & lib. 19. contra Faustum cap. 13. *Prima: inquit, Sacramenta quæ obseruantur, & celebrantur ex lege, prænuntiatiua erant Christi venturi, quæ cum suo aduentu Christus impleuisset, ablata sunt; & ideo ablata, quia impleta. Non enim venit soluere legem, sed adimplere. Et alia sunt instituta virtute maiora, utilitate meliora, actu faciliora, numero pauciora, tanquam iustitia fidei reuelata. Solumque inter præfatos Doctores fuit dissensio de tempore, à quo eiusmodi Ceremonialium observatio cæpit esse mortifera, vt dicitur infra.*

Tertio probatur conclusio rationibus deductis ex præfatis tam Sacræ Scripturæ, quam SS. Patrum testimonijs. Prima est, quia Ceremonialia veteris legis vmbra erant, ac figura Christi, mysteriorumque, & Sacramentorū in lege Euangelica futurorum, 1. Corint. 10. Coloss. 2. Hebræor. 10. nec non pædagogus noster in Christo, vt ex fide iustificemur, ad Galat. 3. Sed vmbra, ac figura apparentē luce, & veritate diffugiunt, vel vt ait Bernardus homil. 1. in Missus est: *Prodeunte fructu flos decidit, & Sole apparente supernuacaneus est lychnus, sicut & Pædagogus, quando quis peruenit ad Sapientiam.* Igitur cum lex Christi Euangelica rationem habeat fructus, Solis, & Sapientie, meritò illa adueniente verus cessauit, factaque sufficienti nouæ promulgatione in mortiferam euasit eius observatio, si ordinetur, vt significatiua, mysteriorum Christi quasi futurorum, ad cultum diuinum, sic enim cultus eiusmodi esset cultus falsus, quæ est vna species superstitionis, vel si absque tali significatione credatur ad salutem necessaria; Sic enim, vt ex Apostolo supra diximus, à Christo euacuati essemus, nihilque nobis prodesset.

Secunda ratio fundatur in differentia vtriusque legis; Mosaica enim et si Sancta, iusta & bona, iustificare tamē nullum poterat, sed dabatur, vt via, ad legem iustificationis, populoque adhuc imperfecto, vt disponderetur ad perfectionem, quæ erat futura per Christum: quocirca eiusdem legis madata sine gratia Dei, quam ipsa conferre non poterat, sed solum Christus, fidesque in illum, iuxta illud Ioannis 1. *Lex per Moysen data est; gratia, & veritas per Iesum Christum facta est;* occasionaliter reos constituebant homines, ac pœnæ obnoxios: Insuper Actor. 15. dicitur iugum importabile; Rom. 8. v. 15. *lex timoris, ac seruitutis;* ad Galat. 4. v. 9. *infirmas, ac egenas:* Solum enim, quod agendum, & fugiendum erat, ostendebat, nec vires ad eius executionem suppeditabat: tandem Hebræor. 7. vocatur infirma, & inutilis.

E contrario verò lex Euangelica, Matth. 11. dicitur *iugum suauis, ac leue;* Iacobi 1. *lex perfecta;* 2. Timoth. 1. *virtutis, & dilectionis;* Galat. 4. *lex libertatis, & adoptionis filiorum.* Rom. 6. *lex gratia, & iustitia;* quia non solum quæ agenda, & declinanda sunt, demonstrat, sed etiam auxilia supernaturalia, ad executionem subministrat, cum in hac lege fides, & gratia interiorius conferantur, quorum beneficio facile præcepta huius legis Euangelicæ adimplentur.

Quæ omnia cum sint inter se opposita, atque adeo impossibilia, necessario sequitur adueniente noua, cessare debuisse veteris legis obligationem, dicique modo non posse absque hæresi necessariam ad salutem. Præterquam si talis adhuc vigeret obligatio in statu legis Euangelicæ, qua dici posset iugum suauis, & leue, in qua præter propria haberentur insuper omnia alia veteris legis præcepta Ceremonialia, quæ notauimus supra ex Burgensi ascendisse ad numerum sexcentorum tredecim.

Tertia desumitur ex altera vtriusque legis

legis differentia, quod Mosaica soli Hebræorum genti data fuerit, eamque solam obligarit, cum reliquæ Gentes eo tempore, sola lege naturæ tenerentur, ut habetur Deuteronomio. 4. & Psalm. 147. *Non fecit taliter omni nationi, & iudicia sua non manifestauit eis* At Euangelica data est toti Mûndo; vniuersoque homines obligat, iuxta illud, Math. 8. *Euntes docete omnes gentes*; & Marci ultimo *Euntes in Mundum vniuersum, predicate Euangelium omni creaturæ, qui non crediderit, condemnabitur*: ut nimirum Ecclesia, perfectam habens vnitatem, ex omnibus hominibus congregaretur, fieretque absolute vniuersalis. Igitur, ut hæc posterior lex stare posset, necessarium fuit, Sacramenta, & speciales Ceremonias prioris, siue vnius populi è medio tolli. Et hoc est, quod Diuus Paulus Ephes. 2. ait, Christum abstulisse medium parietem maceriarum, & inimicitias soluisse inter vtrūque populum, Hebraicum videlicet, & Gentilem: *fecit, inquit, vtraque vnam, & medium parietem maceria soluit, inimicitias in carne sua; legem mandatorum, hoc est, legalium, decreuit, scilicet Euangelicis, euacuans, ut duos condat in semetipso in vnum nouum hominem faciens pacem*. Qua de causa merito ait S. Leo serm. 8. de Passione Domini: *Traxisti Domine omnia ad te, ut quod in vno Iudæa templo, obumbratis significationibus tegebatur, pleno apertoque Sacramento vniuersarum ubique nationum deo tuo celebraretur*. Et paulo post, *Vt sicut vnum est pro omni victima sacrificium, ita vnum de omni gente sit regnum*.

Quarta ratio est; quia, si in statu legis Euangelicæ fideles tenerentur, ad æternam salutem consequendam, obseruare Ceremonialia veteris legis præcepta, deberent assignare aduersariis, ubi, & quando talis à Deo imposita illis fuisset obligatio; nequaquam autem id præstare possunt; cum potius, ut huc vsque vidimus, Christus, eiusque Ministri oppositum manifestissime docuerint, & tradiderint, tanquam

certainum fidei dogma, præsertim in Concilio Hierosolymitano Act. 15. Si enim ibi definitum fuit Hebræos, ad Christum conuersos, quibus in veteri testamento lex Mosaica data fuerat, ad eam non teneri, multo magis id de cæteris fidelibus ex Gentilismo conuersis asserendum est, ad quos præfata lex nunquam se extendit. Vnde iam illa, quoad vsum præceptorum Ceremonialium, non amplius lex diuina, sed humana, & commentitia dici debet, quæque si obseruetur, vt necessaria ad salutem, Christianos in interitum adducit; ut rectè docet Apostolus ad Colossen. cap. 2. his verbis: *Si ergo mortui estis cum Christo ab elementis huius Mundi: quid adhuc tanquam viuientes in Mundo, decernitis, ne tetigeritis, neque contraxeritis? quæ sunt omnia in interitum ipso usu secundum præcepta, et doctrinas hominum*.

Si dicant aduersarii sufficere ad hanc obligationem, quod Christus legem obseruauerit, cum omnis Christi actio, nostra sit instructio; quodque insuper Matth. 23. dixerit: *Super Cathedram Moysi sederunt Scribæ, & Pharisei: omnia quaecumque dixerint vobis, seruare, & facite*.

Respondetur Christum legem obseruasse, non quod ei esset obnoxius; conditor quippe legis est supra legem, sed ad exemplum humilitatis, & ut eam sepeliret, idque honorificè; cæterum filius hominis, inquit, Dominus est Sabbathi, factis innuens his verbis, se hac lege veteri nequaquam astrictum fuisse, & ab eo tam fore, non obstante sua obseruatione, abrogandam.

Ad illud autem Mathæi 23. dicitur; mirum non esse, si Christus, antequam pateretur, ibi mandauit Iudæis obseruationem veteris legis, quæ utique, ipso viuente, ac prædicante, ad huc vim suam habebat; pro Iudeis enim, quibus tantummodò data ea fuerat, cessarunt legalia, quo ad obligationem; cum eorum veritas per Christi mortem consummata fuit, & mysteria nõ

stræ salutis completa, caputque nouæ lex promulgari, & obligare.

Ex quibus primò colligo, quod cum aliæ Gentes, præter Hebræos, nunquā Mosaica lege obligatæ fuerint, neque ante, neque post Christum; quia non his, sed Hebræis duntaxat data fuerat, ideo respectu harum Gentium dici non possit aliquando cessasse, aut mortuam esse, sed potius nunquam, vt ita dicam, fuisse viuam, quia ex quo lata fuit, nunquam has obligauit.

Secundò vetus testamentum non in honore haberi à Christianis, vt illius obediunt præceptis, sed vt ad notitiā mysteriorū Christi, quæ fuerunt in illo figurata, & prænuntiata, itemque ad eorum confirmationem legatur, & intelligatur; Sicut rectè notauit Diuus Augustinus epist. 19. ad Hieronymum, iuxta illud Christi Domini *Si crederetis Moysi, crederetis forsitan & mihi: de me enim ille scripsit*. Quam ob causam D. Gregorius Nazianzenus orat. 1. contra Iulianum versus finem, appellauit doctrinam Christianæ Religionis, veterem simul & nouam i *Veterem*, inquit, *varicinjs, ac sublucentibus diuinitatis monitionibus, nouam posteriori Dei aduentu, atque presentia; ipsque miraculis, quæ tum ex casum circa eam designata sunt*.

Vltima tandem ratio est Diui Thomæ 1. 2. quæst. 103. art. 3. vbi docet, quod Ceremonialia pertinent ad exteriorem Dei cultum, qui proportionari debet cultui interiori, in fide, spe, & caritate consistente; atque adeo iuxta diuersitatem cultus interioris, diuersificari quoque debet exterior. *Potest autem*, inquit, *triplex status distinguī interioris cultus. Vnus quidem, secundum quem habetur fides & spes, & de bonis celestibus, & de his, per quæ in celestia introducimur: de vtriusque quidem, sicut de quibusdam futuris; & talis fuit status fidei & spei in veteri legi. Alius autem est status interioris cultus, in quo habetur fides & spes de celestibus bonis, sicut de quibusdam futuris: sed de his, per quæ*

introducimur in celestia, sicut de presentibus, vel præteritis; & iste est status nouæ legis. Tertius autem status est, in quo utraque habentur vt presentia, & nihil creditur vt absens, neque speratur vt futurum: & iste est status Beatorum. In illo ergo statu Beatorum nihil erit figurale ad diuinum cultum pertinens: sed solum gratiarum actio, & vox laudis. Et ideo dicitur Apocal. 2. 1. de Ciuitate Beatorum, Templum non vidi in ea: Dominus enim Deus omnipotens templum illius est, & agnus. Pari igitur ratione Ceremonia primi status per quas figurabatur, & secundus & tertius, veniente secundo statu cessare debuerunt, & alia ceremonia induci, quæ conuenirent statui cultus diuini pro tempore illo, in quo bona celestia sunt futura. Beneficia autem Dei, per quæ ad celestia introducimur, sunt presentia. Hæc tenus Angelice Doctōr Angelicus.

Tertia conclusio. Post sufficientem nouæ legis promulgationem, qualis fuit iam ante plura sæcula, non possunt sine peccato mortali Ceremonialia veteris legis præcepta vsurpari ad cultum vltro prorsus respectu, etiam imitandi in eo Christum. Ista conclusio non est quidem ita apertè de fide, sicut præcedentes, Caietanus enim 3. p. q. 37. art. 1. & Bartholomæus Medina illi adhærens 12. quæst. 103. art. 3. docent, Indos qui Presbytero Ioanni parent, licitè facere, quod ad imitationem Christi, qui Circumcisionis legem obseruauit, non autem ad significanda illius mysteria quasi futura, aut ex opinione, quod ita sit necessarium ad salutem, se se circumcidunt; communiter tamen Doctores illam pro omnino certa habent. Etsi enim libenter admittamus posse illa Ceremonialia vsurpari prorsus materialiter, id est, nequaquam ad cultum, sed ob alios fines licitos, & ab Ecclesia approbatos, sicut hodie celebratur festum Pentecostes alijs rationibus quam in veteri testamento. Tunc enim solemnitas erat festiuitas, quia illa die data fuit

fuit lex vetus, nunc autem quia eadem die promulgari capit lex vitæ, & spiritus, ut docet Diuus Thomas 12. q. 103. art. 3. ad 4. Sicut etiam, si quis circumcideretur ob medicinam, vel ob eandem causam abstinere à carnibus porcinis, aut Sabbatum seruaret in honorem Beatissimæ Virginis Mariæ. Hæc tamen, & similia Ceremonialia, vel actiones legales, cum aliquo ad cultum respectu, iam exercere, omnino illicitum esse videtur, non solum propter nonnullum scandalum, quod alijs, si publicè fieret, daretur, id quod non satis expedit Caietanus, verum etiam, quia per se omnia Ceremonialia, cultus causa suscepta, sunt iam mortifera. Si quidem ille cultus non solum propter significationem, quam habebat, Christi venturi, mysteriorumque eius, sed etiam propter speciales suos, ac determinatos Ceremoniarum modos repugnat veritati, & perfectioni legis Evangelicæ: ideoque per eam Christus voluit talem cultum antiquare, & abolere, non solum quatenus significationis futurorum erat, sed etiam quatenus cultus absolutè erat illius modi umbratilis, & imperfecti, qui veteris legis proprius erat, eamque à noua, distinguebat.

Vnde in Ecclesia usurpari quidem, possunt plures ceremoniæ, secundum aliquam rationem genericam, & communem similes illis, quæ fuerunt in veteri testamento, ut vestes Sacerdotales, vsus olei, templi, & cætera huiusmodi, alioqui pari ratione concludi posset, iam non debere in Ecclesia, usurpari Sacramenta, quoniam, etiam, tunc locum habuerunt, nequaquam, autem licitus est vsus in ea specialis, ac determinati modi illarum, ceremoniarum, in lege præscripti. Ad differentiam enim, status, vtriusque, sufficit, ut species, & modus ceremoniæ sit diuersus, id quod in omnibus ceremonijs, ac ritibus ab Ecclesia obseruatis, quatenus ex illis cultus aliquis, et actio religionis constat, diligenter animad-

uertendum est, contra cauillationes sectariorum sacras Ecclesiæ Ceremonias deridentium, ut sectione sequenti videbimus.

Ex dictis facile resoluitur difficultas num Iacobitis, Abyssinis aut alijs ab Ecclesia Catholica permitti possit simul cum baptismo ritus circumcisionis. Si enim vsurpetur ut figuralis, vel ut legalis, id est ad seruandam legem, ex cuius institutione erat introducta, vel adiuncta opinione, quod esset necessaria ad salutem, vel denique sub quocumque religionis respectu, siue in eum dumtaxat finem protestandi excellentiam diuinam, & ostendendi talem ritum, sicut nec alia Ceremonialia legis præcepta mala fuisse, sed bona, & à bono autore; quæ omnia, pendunt à facto, nempe quo ex prædictis finibus, aut alijs præfatæ gentes circumcidantur, nam in hoc non est vna sententia illorum authorum, qui illarum ritus, & mores referunt; respondendo primò, nequaquam id ipsis concedendum esse, aut ab illis usurpari posse.

Secundò dico, probabilius esse, quod sit illicita, atque adeo non permittenda circumcisio, licet fiat ad imitationem Christi, si quidem Christus seruauit circumcisionem ut legalem, si igitur præfatæ gentes illam seruarent ad imitationem Christi seruaret ut legale; legalia autem ut legalia seruari non posse sine errore in statu legis Euangelicæ sufficenter promulgatè satis ostendimus supra.

Tertio assero, circumcisionem, si ab illis gentibus non religionis, sed honoris causa obseruatur, nempe, ut proficiantur se à Dauidica prolapia ducere originem, non ob id damnandam esse, sed à culpa falsi cultus excusari posse, quia talis circumcisionis vsus esset prorsus materialis, & absque villo ad cultum respectu, quomodo concedunt omnes legalia seruari licite posse. Vnde Guillelmus Reginaldus in suo Caluino-Turcismo lib. 2. cap. 9: *Abyssini*, inquit, *Christiane quidem*, &

cum vera Christianorum fide infantes baptizant, & circumcidunt, nobilitatis antiquissime, nullo meriti aut Iudaice fiducia respectu; quo posito, nollem eos propter circumcisionem magis damnare, quam si propter medicinæ causam abstinere à carne porcina, quam tamen lex Mosaiica prohibebat. Ita præfatus author.

At esto quod circumcisio iuxta præfatum sensum in illis gētibz excusari posset à culpa falsi cultus, inquireret aliquis, an ob scandalum aliarum Ecclesiarum permittenda sit. Caietanus vbi supra in affirmatiuam partem propendit, quamvis tandem, vt pote in re grauissima, Ecclesiæ iudicium desideret.

Iam superest, vt breuiter explicemus quandonam lex vetus caput esse mortifera, de quo grauis inter Diuum Augustinum, & Diuum Hieronymum extitit controuersia. Ille enim in epistola ad Augustinum vndecima, arbitratur, fuisse præceptorum Ceremonialium obseruationem statim à Passione Christi etiam mortiferam. Ille verò epistola 19. ad Hieronymum asserit, non tunc, sed primum post sufficientem Euangelii promulgationem, cepisse esse talem.

Pro cuius resolutione, simulque intelligentia, in quonam potuerit esse controuersia hæc inter præfatos Doctores, recolendi sunt quatuor illi modi, quibus supra notauimus, post passionem Christi, sicut etiam nunc, potuisse usurpari Ceremonialia. Primo, formaliter, eumque in finem, vt per significationem mysteriorum Christi, quasi futurorum, coleretur Deus. Et hoc modo extra omnem controuersiam est, debuitque semper esse, quod statim à morte Christi nedum mortua, sed etiam mortifera fuerit Ceremonialium obseruatio. Nam statim cultus eiusmodi fuisset cultus falsus, quæ est vna species superstitionis.

Secundo materialiter, id est absque vilo ad cultum ordine, sed ob aliquem alium finem. Vt si quis propter sanita-

tem se se circumcidisset, vel à carne porcina abstinuisset. Et hoc modo, cum non sit dubium, quin & statim à morte Christi, & nunc etiam liceat aliquid eiusmodi facere, iuxta illum inter Hieronymum, & Augustinum controuersia esse non potuit.

Tertiò, potuerunt illa ceremonialia usurpari ad cultum quidem diuinum, non secundum futurorum mysteriorum significationem, sed qui consisteret in quadam protestatione diuinæ excellentiæ tali ritu; addita simul opinione, quod talis cultus esset necessarius ad salutem, sicut asseriebant veteres Hæretici Cherinthus, & Ebion: Et hoc modo rectè quidem negauit Diuus Hieronymus licuisse vilo vnquam tempore post mortem Christi seruare ceremonialia; sed quia idem prorsus sensit Augustinus, eò passim referens illud Apostoli ad Galat. 5. *Enagasti estis à Christo, qui in lege iustificamini*, id est, qui arbitramini necessariam esse obseruationem legis ad iusticiam, vt vidimus supra; de hoc quoque modo, siue iuxta hunc sensum quæstio inter eos non fuit, sed concordēs fuerē ceremonialium obseruationem statim à Passione Christi mortiferam fuisse redditam, cum illa opinione necessitatis ad salutem.

Quartò, potuerunt eiusmodi ceremonialia usurpari ad cultum Dei, sine opinione necessitatis eorum ad salutem, & sine intentione significandi Christi, eiusque mysteria, tanquam futura, sed in eum duntaxat finem, vt ostenderetur illa mala non fuisse, sed bonā, & à bono auctore; atque vt ita synagoga iam mortua, & euacuata per passionē Christi, nonnisi cum aliquo honore sepeliretur: deferendo nimirum illam quasi ad sepulchrum honorifica illa obseruatione ceremonialium vsque ad tempus sufficientis promulgationis Euangelij; Et iuxta hunc quartum modum, inter Diuum Hieronymum, & Diuum Augustinum controuersia tantum esse potuit; dum iste asserit, non statim

statim post Christi mortem, sed solum post sufficientem Euangelii diuulgationem, cepisse esse mortiferam ceremonialium obseruantiam; ille vero absolute docet id contigisse statim post passionem Christi.

In eo autem, quo duo præfati Doctores dissentiunt, scilicet de tempore; quo, sensu, & modo explicato, cepit esse mortiferus legalium ceremonialium cultus, opinio Diui Augustini est magis recepta in Ecclesia; quam sequitur etiam Diuus Thomas 2. quæst. 103. art. 4. colligiturque euidenter ex Apostolis; qui eo tempore legales ceremonias interdum obseruauerunt. Actuum 16. Iussit Paulus circumcidi Timotheum, 17. dicitur ipse, sibi totundisse in Canchris caput more Nazæorum; & cap. 21. purificatum cum aliis intrasse in templum: donec offerretur pro vnoquoque eorum oblatio. Vnde prioris ad Corinth. cap. 9. dicebat: *Es factus sum Iudeis tanquam Iudeus, ut Iudeos lucrarer. ijs qui sub lege sunt, quasi sub lege essem (cum ipse non essem sub lege) ut eos, qui sub lege erant, lucrificerem.* Non enim quod crederet legem veterem eo tempore obligare, hæc & similia obseruauit Apostolus, sed ne Iudeos legi Mosaicæ ad diuersissimos offenderet, qui initio nolebant eum audire, ut constat ex cap. 21. Act. quod existimarent eum à Moysæ discessionem fecisse doctrinam illi prorsus contrariam prædicando, & eius ceremonias omnino contemnendo: si quidem ingentes mutationes, qualis erat mutatio legis veteris in Euangelicam (quando præsertim res non est per se mala) non subito, sed paulatim fieri debent.

At quando primùm contigerit hæc sufficiens nouæ legis promulgatio, post quam vetus præfata etiam quarto modo cepit esse mortifera, non est eadem omnium sententia; aliqui enim illam statuunt in die Pentecostes, per descensum admirabilem Spiritus Sancti in Apostolos, qui mox prædicare;

& baptizare cœperunt; sed hoc stare non potest, cum ex statim dictis Apostoli etiam post illud tempus Mosaicam legem obseruauerint; Alij vt Sotus lib. 2. de iust. & iur. q. 5. art. 4. illam protrahunt vsque ad quadraginta post Christi passionem annos, siue excidium Hierosolymitanum, quod contigit anno Domini 72. Vespasiani Imperat. tunc enim quilibet, per totum Mundum diiudicare potuit Christum fuisse verum in lege promissum Messiam, & Iudeos grauissimè peccasse cum occidendo, inque tanti sceleris penam, ut ab eodem Lucæ 19. nec non ab alijs Prophetis prædictum fuerat, Hierusalem captam, incensam, & euersam ita fuisse, vt non remaneret in ea lapis, super lapidem, nec consequenter apud eos veram amplius legem vigere, & illum, qui eam in posterum obseruaret, grauissimo peccato cum ijs obstrictum iri.

Igitur lex Mosaicæ post Christi passionem nedum mortua, sed & mortifera fuit, cum opinione, quod eius obseruatio, aut esset necessaria ad salutem, aut figuratiua adhuc Christi venturi; cœterum Iudei ad fidem conuersi toto tempore à morte Christi, vsque ad sufficientem Euangelij promulgationem, sine præfata opinione, sed solum ad vsum diuini cultus, & honorem eiusdæ legis, ne scilicet ita videretur, tanquam mala subito reici, ac reprobari; obque alios fines honestos, vitandi scandalum infirmorum Iudeorum, facilius dissimulandi, cumque vberiori fructu, sacrum Euangelium, licet, ac sine peccato nonnulla exercere legalia potuerunt; & de facto Apostolos exercuisse statim vidimus. De hac controuersia agunt Theologicum Diuo Thoma 1. 2. q. 103. art. 3. & 4.

CAPVT VII.

Statuitur aduersus Græcos, Iacobitas, Armenos, & alios Orientis hæreticos, Primatus Diui Petri super vniuersalem Ecclesiam, Romanorumque Pontificum in eo successio.

Quem habent errorem contra primatum Diui Petri super vniuersalem Ecclesiam, Romanorumque Pontificum in eo successionem nonnulli Græcorum, Iacobitarum, & Armenorum, tam alij Orientis hæretici, ac Schismatici, quia iam sufficienter refellimus tom. 3. huius operis sect. 4. nihil hic superest adijciendum. Præsertim cum ibi clarè ostenderimus Veterum Patrum Græcorum, & Orientalium sententiam de suprema Romani Pontificis potestate, non aliam fuisse, ac Ecclesiæ Romanæ; singularique duntaxat nonnullorum postea Antistitem nequitia; & superbia factum fuisse, ut tam sanctæ, atque integra authoritas ageretur, & in dubium reuocaretur. De hac materia tractant Theologi cû Diuo Thoma 2.2. quæst. 1. de fide, art. 10. ubi inquirens an ad Summum Pontificem pertineat ordinare Sympolum Fidei, respondet affirmatiuè, quia, inquit, est caput; pro quo Christus rogauit, ne eius sedes deficeret, & quia debet esse vna fides in Ecclesiâ.

an

CAPVT VIII.

Ostenditur contra Cophios omne periurium esse peccatum, seu nunquam licere, falsum per Deum iurare.

Cum periurij vox duobus modis usurpari soleat, nimirum in ampla, & stricta significatione; primo modo periurium significat omnem incautam iurationem, sicque idem est ac peruersum iuramentum, seu mala iuratio, ex quocumque defectu circumstantiæ iuramento debita proneniat, siue illa sit veritas, cui opponitur falsitas, siue sit iustitia, cui opponitur iniustitia, siue iudicium, seu necessitas cui opponitur vanitas, seu otiositas. Secundo modo significat iuramentum duntaxat falsum; quo sensu Theologi periurium definiunt esse mendaciū iuramento firmatum, vel aliter, iuramentum veritate destitutum. Cum, inquam, periurium duobus præfatis modis sumi possit, præbens controuersiam, potissimum procedit de illo secundo modo, seu strictè considerato; quæ etiam in significatione videtur sumi in Sacra Scriptura; quoties vt grauissimū peccatum prohibetur; aduertendumque est contingere tam in iuramento assertorio, quàm in promissorio, quia in vtroque potest esse, vel deesse veritas, in primo in dicendo, in secundo autem in faciendo, quod dictum est; vnde vnum potest vocari periurium falsitatis, aliud infidelitatis.

Cophis igitur tribuitur hic error, quod periurium sit licitum; pro quo etiam Prateolus refert hæreticos dictos Apostolicos; & flagellantes, quamuis Gerson in tractatu quem de vltimis fecit 1. p. Alphab. 22. id non asserat; eiusdem quoque hæresis meminit diuus Bernardus serm. 65. & 66. in cant. tacito tamen hæreticorum nomine, dicitque eos non simpliciter approbasse.

peritium, sed tantum ad occultandum secretum suæ doctrinæ, atque ita in ore semper habuisse hanc sententiam, *Iura, periura, secretum prædere noli*; quæ verba pariter habuisse in suis dogmatibus Priscillianistas; refert diuus Augustinus heresi 70. & lib. 2. Retract. cap. 60. & lib. contra mendacium cap. 1. & 2. ubi etiam cap. 18. & 19. insinuat, illos, qui asseruerunt aliquando licere mentiri, consequenter etiam disuisse, aliquando licere præiurare, siue in nomine Dei mendaciter iurare, quos ibi rectè impugnat.

At omnes Catholici ex communi Ecclesiæ sensu, tanquam quid certum de fide credunt, & docent, peritium ita esse malum, & in diuinis scripturis prohibitum, vt in nullo casu liceat: Exodi 20. V. 7. *Non assumes nomen Domini Dei tui in vanum, nec enim habebis infontem Dominus enim, qui assumpserit nomen Domini Dei sui frustra*. Leuitici 19. V. 8. *Non perirabis in nomine meo, nec pollues nomen Dei tui*. Ego Dominus. Prouerb. cap. 30. V. 8. *Vanitatem, & verba mendacii longe fac à me*. Mendacitatem, & diuitiis, ne dederis mihi, tribue tantum vultui meo necessaria: ne forte satiatus illiciar ad negandum, & dicam: *Quis est Dominus, & aut egestatem compulsus furor, & perire nomen Dei mei, negando scilicet furtum, cum adiuratus fuero, vt adduxit ibi interpretes, rectè etiam declarantes, quomodo illi petitioni quam præmiserat, Verba mendacii longe fac à me, bene respondeat altera, paupertatem ne dederis mihi, ne scilicet mihi sit occasio furandi, & inde perirandi nomen Dei mei, negando cum iuramento furtum, commissum*. Hierem. 4. V. 2. *Esturabis: Vini Dominus in veritate, & in iudicio, & in iustitia*. Zachariæ cap. 5. V. 4. *Educam illud, dicit Dominus quercium, & veniet ad domum furis, & ad domum iurantis in nomine meo mendaciter: & commorabitur in medio domus eius, & consumet eam*. Matthæi 5. V. 33. *Non perirabis, reddes autem Domino iuramenta tua: id*

est quando iuraueris, vera loqueris, seu adimplebis illud.

Ratio autem est, quia peritium, est contra præceptum naturale negatiuū, quod semper, & pro semper obligat, in nullo igitur casu licitus est eius vsus. Item continet Dei irreuerentiam, quæ in hoc sita est, quod peccans ipso facto dat intelligere, vel quod Deus veritatem non agnoscat, vel quod falsitati testimonium perhibere velit. Tandem si mendacium est ita intrinsecè malum, vt nunquam possit honestari, etiam ad quemcumque finem videatur necessarium, multo magis id asserendum est de peritio, quod ubi assertorium est mendacium supponit, & in illius confirmationem Deum testem adducit.

Eadem certitudine fidei tenendum, est peritium strictè sumptum, peccatum esse ex genere suo mortale, & valde graue, quicquid sit de illo in indiuo. Ratio est, quia contrariatur secundo primæ tabulæ præcepto, quod est grauissimum, & consequenter est contra Religionis virtutem in materia maxime spectante ad diuinum honorem. Deinde vt rectè discurrat diuus Thomas 2. 2. q. 98. art. 3. propter quod vniū, quodque tale, illud magis. Videmus autem, inquit, quod ea, quæ ex se sunt peccata venialia vel etiam bona ex genere, si in contempnum Dei fiant, sunt peccata mortalia. Unde multo magis quicquid est, quod de sui ratione pertinet ad contemptum Dei, est peccatum mortale. Peritium autem de sui ratione imponit contemptum Dei. Ex hoc enim habet rationem culpæ, vt statim diximus, quia ad contemptum Dei, & irreuerentiam pertinet, quod aliquis eum testem inuocet falsitatis. Igitur manifestum est, quod peritium ex sui ratione, est peccatum mortale. Insuper quia maxime est contra finem iuramenti, nam finis iuramenti est confirmatio veritatis, peritium verò directè nititur eam facere irritam; ac denique ex ratione sua maxime charitati Dei contrarium, & consequenter proximi; Unde mo-

de merito in c. 22. q. 1. *Grande scelus* appellatur, grauissimæque illi imponuntur pænæ in utroque iure Ciuili, & Canonico; nec etiam desunt in Historia Ecclesiastica plura exempla, quibus peierantes dirissimè à Deo puniti fuisse leguntur.

Hoc autem peccatum contineri inter vitia contraria religioni concordant omnes Theologi. Nam sicut iuramentum est actus religionis, ita periurium est contra illam, essentialem enim malitiam suam accipit ex iniuria, quam Deo infert. Dubitari tantum solet, ad quod genus vitij contrarij religioni reduci debeat; quidam enim docent esse sacrilegium; sed hoc Diui Thomæ doctrinæ non ita consentaneum videtur, si quidem 22. q. 98. art. 2. asserit periurium esse peccatum religioni contrarium, quia Deo ipsi irreuerentiam exhibet, postea vero quæst. 99. tradit sacrilegium esse peccatum, per quod irreuerentia infertur rebus sacris, distinguit igitur specie hæc vitia. Ideoque alij docent contineri sub irreligiositate specialiter sumpta, pro ut dicitur vitium oppositum diuino cultui per defectum, subque illo genere esse vitium specificum à blasphemia, & alijs distinctum; Sed tam de hoc, quam de grauitate huius peccati per comparisonem ad alia non est huius loci agere, sufficiuntque dicta ad impugnandum præsentem errorem, præsertim cum aduersarij nullum eius fundamentum asserat, forsan quod pro nihilo habeant iuramentum, & ad Dei reuerentiam, vel iniuriam, nihil pertinere putent, cuius oppositum satis ostendimus supra cum auctoritate scripturæ, tum rationibus in periurij natura fundatis, de qua agunt Theologi cum Diuo Thoma 22. q. 98.

CAPUT IX.

Stabilitur contra Nestorianos in Oriente, aut alibi adhuc superstitites, quod in Christo Domino, vero Deo, & homine una tantum sit persona, eaque ipsa diuina persona Verbi.

Hæc fidei Catholica veritas primum à Cælestino Papa I. definita reperitur, ut tomo 3. lib. 3. sect. 4. cap. 16. satis ostendimus, condemnato opposito Nestorij errore, duas in Christo constituentes personas, vel hypostasès, consequenterque negantis in Incarnatione Verbi, vniionem hanc terminatam esse ad aliquam personam, sed ad accidentalem vniionem Dei ad personam Christi, seu personæ Christi ad personam Verbi, vel per singularem affectum, ut est inter amicos, vel secundum operationem, ut inter Regem, & ministrum, seu inter principale agens, & instrumentum, vel secundum aliam similem habitudinem, ut est inter sponsum, & sponsam, aut inter vestem, & ea indutum, aut inter templum, & personam, sic enim quidam Nestoriani dixerunt Christum esse templum Verbi, Deumque incarnari, esse, habitare in carne, sicut in templo. Vnde etiam asseruerunt Christum non esse Deum, sed hominem Deo acceptum, proindeque Beatissimam Virginem Mariam dici non debere Theotocon, siue Deiparam, sed antropotocon, hoc est, hominis genitricem, vel etiam Chriotocon, quia scilicet ex ea non ille Christus qui Deus, sed ille qui erat homo sit natus, ut enim refert Vincentius Lirinensis, Nestorius inaudito scelere, duos voluit esse filios Dei, duos Christos, vnum qui Deus sit, & alterum qui sit generatus ex matre.

Eiusdem veritatis definitio, oppositæque erroris condemnatio, sub eodem Cæle-

Celestino renouata est in Cōcilio Ephesino ipsius autoritate fauente Theodosio Imperatore congregato, can. 2. 3. 24. non vt inde eius acta contra Nestorium firmitatem aliquam, aut robur maius obtinerent, sed ad maiorem duntaxat rei solemnitatem; vel etiam, vt hanc non omitteret diligentiam in, reducendo Nestorio, qui vt mos est ple- rumque hæreticis, synodum expetierat. vt loco citato notauimus. Quia autem aduersarij negare forsan possent authoritatem huius Concilij, quasi legitimi non fuisset, facile est eos de opposito convincere; quia tunc perfectè ac legiti- mē, seu in Spiritu Sancto congregatur Concilium Generale, diciturque totam repræsentare Ecclesiam; quæ in dogmatibus fidei errare non potest; quando Romani Pontificis autoritate conuocantur omnes, ad quos spectat il- li interesse, vt suo loco fusè probaui- mus. Fuit autem Concilium Ephesinu- primum, à Celestino I. Sanctissimo Ro- mano Pontifice congregatum, Episco- porum ducentum vndique vocatorum in causa Nestorij; minime igitur dubi- tandum est de legitimitate illius, quin- que in illo rite fuerit definita veritas Catholica, proscriptaque opposita Ne- storij falsa doctrina, vnā cum authore.

Quæri insuper ab illis posset, cur duo priora Generalia recipientes Concilia, tertium, & quartum non admittant? cū enim nullam huius rationabilem cau- sam adducere, vel assignare valeāt, non quia tunc perijisset Ecclesia, non quia eamdem ac prius non haberet infalli- bilem autoritatem, non quia in tertio, & quarto, cæterisque deinceps Conci- lijs Generalibus defuerit aliquid ad eorum validitatem, quod in solis duobus primis inueniri potuit; non nisi sū- mæ eorum peruicaciæ tribui debet, quod duobus primis Concilijs admis- sis, cæterorum deinceps irrefragabilē quoque negent autoritatem.

In quarto quoque Concilio Gene- rali Chalcedonensi I. vnā cum Eutychia- na rursus Nestoriana condemnata est

hæresis, confirmataque veritas Catho- lica; cū enim istæ duæ hæreses sibi essent per extremum contrariæ, nam; Eutyches sic vnā in Christo personā confitebatur, vt naturas etiam confun- deret, faceretque ex vtraque vnā; Nestorius autem ita naturarum diffe- rentiam credebat, vt vnicuique illarum personam suam propriam attribueret, Ecclesia Catholica media, regiaque incedens via, naturas contra Eutyche- tem distinguit, & contra Nestorium vnitatem personæ in Christo defendit. Et ita vbiūque Concilia, aut Patres alterum errorem reprehendunt, alterū etiam condemnant, vt videre est præ- fertim in Cyrillo toto fere 4. tomo suo- rum operum, & in epist. Leonis Papæ ad Flavianum.

Item in quinta Synodo Generali Constantinopolitana II. sub Vigilio Papæ in qua non tam de fide, quam de personis, circa tria capitula quæstionē fuisse Grégorius Magnus affirmat lib. 3. epist. 37. non inter hæreticos, & Catholicos, sed inter Catholicos tan- tū ipsos, qui omnes saluum vellent Chalcedonense Concilium, tam qui tria volebant damnari capitula, quam qui defendi, eadem veritas Catholica, de vnā in Christo persona ex duabus, & in duabus naturis subsistente, sic de- clarata habetur cap. 4. Sancta Dei vero Ecclesia viriusque; hoc est Nestorij, & Eutychetis, per fidie impietatem eiciens, vnitatem Dei verbis ad carnem secundū compositionem conficitur; quod est securū dum subsistentiam: Vnitio enim per con- positionem in Christi mysterio, non solum inconfusa ea, quæ conuenire, conseruat, sed neque diuisionem suscipit. Tum in Concilio Lateranensi sub Martino I. Can. 6. & sequentibus, & sexta pariter Synodo Generali Constantinopolitana III. contra Monothelitas sess. 17. lon- ga oratione explicatur mysterium Do- minicæ Incarnationis, hoc est in vnitate personæ, & vnus subsistentia duas concurrisse naturas, & duas naturales voluntates, & duas naturales operatio- nes

nes indiuisè, inconvertibiliter, inseparabiliter, inconfusè secundum Sanctorum Patrum doctrinam in Christo copulatas. In XII. tandem Concilio Generali Lateranensi IV. sub Innocentio III. idem repetitur.

His annumerari potest Francofordienſe Concilium in Germania, Episcoporum ex Italia, Germania, atque Britannia circiter 300. præſentiaque Sedis Apostolicæ Legatorum plenariū appellatum; in hoc enim Episcopi, Eliandus Toleti, & Felix Vrgalis condemnati sunt, quod affererent Christū Dominum esse filium Dei adoptiuum, non alia certe ratione, nisi quod personam Christi cum Nestorio in duas diuiderent, vel in illo duas hypostasas admitterent, vt referunt Præcolus verbo Felix, Ionas Aurelianensis lib. 1. de cultu Imaginum, Antoninus 2. p. tit. 14. c. 1. q. 6. & Gallifandus Arclat in Chronico ann. 816.

Concilia autem Prouincialia in quibus eadem veritas definita reperitur sunt Toletanum I. *in assertione fidei*: Hispalense II. *cap. 13.* Toletanum VI. *cap. 1.* ForoIulienſe redarguens eos, qui filium Dei factum hominem nominant adoptiuum: Concilium Ratisponense, in quo præfatus Felix auditus est, & errasse cōuictus, quod affirmaret Christum esse dicendum filium Dei adoptiuum, ad præſentiam Adriani Papæ Romam missus: vbi etiam coram ipso in Basilica S. Petri Apostoli hæresim confessus est, atque abdicauit, Ecclesiamque suam recepit. Concilium Arelatenſe IV. *in Confessione fidei*; VVormatiensē ibid.

At præcipua scripturæ loca, quibus hæc veritas diuinitus reuelata continetur, & vnde illam vt talem Catholica semper credidit Ecclesia, debuitque definire, orta Nestorij hæresi, possunt reduci ad sequentes classes. Prima est illorum, quibus tam Christo de se, quā alijs de ipso loquentibus, tanquam de homine, qui cum hominibus conuersabatur, simul affirmatur simpliciter eum

esse Dei filium, ipsi cœternum, cōgleichem, & consubstantialē: Mathæi 16. *Tu es Christus filius Dei viui*: Marci 14. vbi Pontifici interroganti, num esset filius Dei, respondit, *Ego sum*: Lucæ 1. *Ideoquē & quod nascetur ex te vocabitur filius Dei*: id est, ille homo, quē concipies: Ioannis 1. *Vidimus gloriam eius gloriā quasi Vnigeniti à Patre*. Ioannis 8. V. 2. vbi Pharisæis dicentibus ei, *Tu quis es? Dixit eis Iesus. Principiū, qui & loquor vobis*: & cap. 10. *Ego, & Pater unum sumus*. Philippens. 2. *Qui cum in forma Dei esset, non rapinam arbitratus est esse se equalē Deo*: Vt omittam plura alia testimonia seccionē sequenti contra nouos Arrianos adducēda, ad probandam Christi diuinitatem; Vnde sic arguo: Christus Dominus ita fuit verus Deus, & verus homo, vt & homo ille, qui Christus est, verē & propriē fuerit Deus, & vicissim Deus ille verē & propriē homo, iuxta allata scripturæ loca. Sed nisi admitatur, secundum vnam, & eandem personam fuisse Christum verum Deum, verumque hominem, saluari non potest præfatus loquendi modus Sacræ Scripturæ: igitur fatendum est vnam duntaxat fuisse personam in Christo, vel quod idem est, Christum secundum vnam, & eandem personam, fuisse verum Deum, verumque hominem. Maior huius argumenti cum sit certa ex Scriptura, vnanimique Patrum consensu ita illam ex traditione, vt infra dicitur, interpretantium, probatur minor.

Quia quotiescunque dux integræ formæ non prædicantes de se inuicem in abstracto, nihilominus sumptę in cōcreto prædicantur de se inuicem, talis prædicatio mutua fieri non potest, nisi dux ille formæ habeant idem numero suppositum, si quidem omnis prædicatio fundatur in aliqua identitate, vt Dialectici docent communiter: Igitur cum in propositionibus, quæ formantur de Christo dux istę formę humanitas, & diuinitas, quæ sunt integrę, loquendo Metaphysicē & Logicē, non præ-

predicentur de se inuicem sumptæ in abstracto, bene autem in concreto, nā loquendo de Christo rectè dicimus, homo est Deus, & Deus est homo, sacris litteris tribuentibus vni, & eidem Christo, quod sit Deus, & quod sit homo, manifestè sequitur, aut loquendi modum Sacræ Scripturæ esse falsum, aut in Christo debere esse ynicam numero personam, quod nos intendimus. Confirmari simulque explicari potest tota, hæc ratio exemplo desumpto ex albedine, & dulcedine, quæ simul sunt in eodem lacte, vel saccharo; licet enim ille non predicentur de se inuicem in abstracto, quia non possumus dicere, albedo est dulcedo, nec è contra, attamen in concreto dici potest, album est dulce, & è contra: cuius veritatis adequata ratio est, quod hæc duæ formæ sunt in eodem numero. subiecto illas sustentante: ergo quotiescunque duæ formæ integræ substantialiter predicantur de se inuicem in concreto, vt contingit in Christo, debent illæ habere idem suppositum.

Probatnr insuper eadem minor, quia quandocunque duo integra supposita, seu duæ substantiæ integræ subsistentes duabus distinctis subsistentijs coniunguntur tantum accidentaliter, vt in Christo Domino asserunt Nestoriani, illæ sumptæ in concreto non possunt de se inuicem predicari substantialiter, seu substantiuè, sed tantum denominatiuè, seu adiectiuè, cum vna ex conditionibus denominatiuum sit, quod concretum denominatiuum dicat rem aliam, seu naturam supposito distinctā, exempli gratia, in hac propositione, homo est vestitus, *vestis*, quæ importatur, vel significatur hoc nomine *vestitus* denotat aliud suppositum à supposito hominis; proptereaque non rectè dicitur, homo est vestis, sed solum homo est vestitus; Atqui hæc duo concreta, *homo*, & *Deus*, ex præfatis Scripturæ locis, predicantur de se inuicem respectu Christi substantialiter, seu substantiuè, & non denominatiuè solum, quia Chri-

stus non tantum dicitur homo deificatus, sed Deus, & Christus non tantum dicitur Deus humanatus, sed Deus homo; Igitur aut falsus, continuèque improprius est loquendi Scripturæ modus, quod est absurdum, aut fatendum est, vnā esse & eandem numero personam Christi Dei, & Christi hominis; vel quod idem est, huiusmodi substantialè identitatem subiecti, & predicati, hoc est Dei, & hominis, fieri secundū personam, quæ eadem significatur verbis illis, Deus, & homo.

Vndè apparet, quod hoc argumentū ex præfatis, alijsque similibus Scripturæ locis desumptum contra errorem Nestorij, non fundatur præcisè in illis, quatenus docent Christum fuisse verū Deum, & verum hominem, quasi contrariam ponatur secundum opinionem Nestorij, concessit enim ipse, Christum verum Deum, & verum hominem fuisse, quamvis secundum aliam, & aliam personam, ex quibus constaret; sed inde suum habet robur, quod in illis asseratur, Christum ita fuisse verum Deū, & verum hominem, vt & homo ille, qui Christus est, verè & propriè fuerit Deus; & vicissim Deus ille, verè & propriè homo; hoc enim stare non posse absque vnitatis personæ in Christo clare patet ex dictis; directèque proinde hoc argumento probari, quod Nestorius expressè negauit, vnā videlicet, & eandem personā Christi, fuisse verum Deum, & verum hominem.

Altera *Classis completur ea loca*, quibus Beatissima semper Virgo Maria quam Nestorius fateretur esse matrem Christi, dicitur etiā mater Dei, Lucæ. 1. *Quod ex te nasceretur Sanctum, vocabitur filius Dei*; & ibid. versū 43. *Vnde hoc mihi*; vt *veniet mater Domini mei ad me*? nam si præter diuinam Verbi personam, daretur insuper in Christo alia persona humana, qua sola Christus vt homo subsisteret, nequaquam Beatissima Virgo Maria vocari posset mater Dei, aut dici quod ex ea conceptus, & natus esset filius Dei, cuius persona nullo

nullo modo esset terminus substantialis generationis ipsius. Igitur quemadmodum in generatione purè humana, in tantum mater Petri dicitur esse talis, in quantum terminus ex ea resultans est persona Petri, seu coniunctum ex natura humana, & personalitate Petri, quod constituit eius personam, generatio enim terminatur ad suppositum: ita quoque Beatissima Virgo Maria, non alia ratione vocari potest in Scripturis Mater Dei, seu Diuini Verbi, nisi quia eadem diuina eius persona, quæ prout subsistens in natura diuina est terminus Generationis æternæ, fuit etiam in generatione sua temporali terminus eiusdem, prout subsistit in natura humana assumpta, suppletque consequenter vires personalitatis creatæ, cum implicet contradictionem, quod natura propria subsistentia affecta, aliena subsistentia terminetur; implicatio autem in eo est, quia esse in se, & esse in alio sunt termini impossibiles; sed natura in propria persona est in se, in aliena verò in alio: Igitur sicut natura, ubi propria afficitur subsistentia terminari non potest aliena, ita ubi semel terminatur in aliena, propria eam carere necesse est, persona enim definitur, rationalis, seu intellectualis nature indiuidua, hoc est incommunicabilis substantia; rectèque propterea ex eo, quod natura humana fuit assumpta à Verbo, quod probauimus ex eo, quod Beatissima Virgo Maria vocatur eius mater, illudque dicitur ex ea conceptum, & natum, deducitur saltem de facto, vnicam in Christo esse personam Verbi, siue naturam humanam in eo propria non esse personalitate affectam.

Cui doctrinæ non obstat, quod natura diuina tres habet personas, aut eadem natura creata possit assumi ab ipsa tribus personis diuinis; quasi etiam in Christo natura humana potuerit, simul cum propria, terminari aliena Verbi persona, seu subsistentia. Ad primum enim responderetur primò diuinam naturam necessariò exigere non vnā tantum

sed tres personas, seu personalitates illas constituentes, ob suam infinitam fecunditatem, ac proinde omnes esse proprias, non vnā propriam, & alienam, vt in nostro casu contingeret, si natura creata Christi, retenta propria subsistentia, per aliam Verbi adhuc subsisteret. Secundò responderetur diuinam naturam exigere, non vnā tantum, sed tres personalitates, non solum quia, cum sint relatiuæ, debent esse plures, verum etiam quia per illas tanquam per suum terminum naturalem intrinsecum Deus concipitur adequatè subsistere personaliter; atque adeò non solum in eo esse compossibiles, sed omnes necessariò requisitas, cum vnaquæque se habeat inadequatè tantum respectu dicti muneris personandi; In casu autem quo natura humana in Christo propria iam personaliter subsisteret, per eam adequatè tanquam per suum terminum intrinsecum, & connaturalem subsisteret, proptereaque per aliam Verbi subsistere amplius non posset, sed tantum accidentaliter cum illa vniri, vt asseruit Nestorius; sicut etiam naturæ diuinæ iam per tres subsistentias relatiuæ adequatè personatæ, nequit addi quarta, per quam personari dicatur. Igitur ex eo quod natura humana fuit assumpta à verbo, rectè, præter alias rationes, colligimus eam saltem de facto propria carere debere personalitate, vel subsistentia, cum retenta per aliam subsistere nequeat.

Ad secundum responderetur primò, multos negare, posse vnā naturam creatam terminari pluribus subsistentijs alienis; sed hoc adhuc cum alijs admissis, dico secundò longè diuersam esse rationem talis casus, & nostri; Quoniam subsistere subsistentijs alienis non inuoluit implicantiam, quam habet subsistere in propria, & aliena, nam qui subsistit in propria, adequatè, totaliterque subsistit, vnde cum illa incompossibilis est aliena, per quam subsistere etiam dicatur, aliàs adequatè, & non adequatè subsisteret propria sub-

sistentia; qui autem plures haberet subsistentias alienas, tales subsistentiæ, utpotè extrinsecè, non adequatè, vel totaliter, sed inadèquatè solum, vel partialiter se habere respectu illius dici possent: Insuper qui subsistit in propria & aliena subsistentia, est in se, & in alio, quod non haberet ille, qui subsisteret in alienis duntaxat subsistentijs, cum esset tantum in alijs, non in se, & in alio.

Verum quidquid sit de huiusmodi quæstionibus, quæ salua fide disputantur inter Catholicos, in ordine ad omnipotentiam Diuinā, nihil prorsus Nestorius, eiusque sequacibus fauet, nostrique argumenti ex Scriptura desumpti vim contra illos enervat, si asseratur eandem naturam humanam posse assumi à duabus personis Diuinis, aut propriam, & alienam etiam habere subsistentiam, qui enim hoc asserunt, docent utramque subsistentiam, ita eandem terminare naturam, ut per utramque substantialiter subsistere, substantialiterque cum illis vniri dicatur; quod negauit Nestorius de subsistentia Verbi Diuini, respectu naturæ humanæ in Christo, proptereaque Beatissimam Virginem Mariam dici debere, verè ac propriè matrem Dei.

Nestorius igitur, ac eius sequaces, ut eludant argumentum ex maternitate Dei desumptum, quam Sacra Scripturæ tribuunt Beatissimæ Virgini Mariæ, eo quod fuerit Mater Christi, quod stare non posse absque substantiali vnione personæ Verbi cum natura humana in Christo, supra satis ostendimus, respondent illam non propriè, sed impropriè, largaque quadam significatione vocari in Scriptura matrem Dei, quia nimirum fuit mater Christi, qui non substantialem, sed accidentalem, vel moralem cum Verbo Diuino habebat vnionem, qua denominari poterat Deus.

Primo, quoniam generare nemo potest antiquiorem se, & vbi est noua generatio, ibi nouum debet esse suppositum,

si quidem generatio terminatur ad illud: Christus autem Dominus est antiquior Beatissima Virgine, qui Ioannis 8. ait, *Antequam Abraham fieret, ego sum*: Igitur Beata Virgo generare non potuit Christum Deum: generauit ergo solummodò Christum hominè habentem nouum, & distinctum suppositum à supposito Christi Dei.

Secundò filius debet esse eiusdem cum matre substantiæ, sed Christus Deus non est eiusdem substantiæ cum Beatissima Virgine Maria: ergo illa non est mater ipsius.

Tertiò illa nec diuinitatem nec personalitatem Verbi Diuini dedit Christo: imò Verbum diuinum prius natura fuit vnitum partibus humanitatis, quam illæ partes vnirentur inter se; propriè igitur Beatissima Virgo Maria Christi Dei mater non fuit.

Sed hæc argumenta non obstant veritati Catholicæ; cum enim iuxta receptissimam Patrum regulam, verba Scripturæ debeant intelligi in sensu formalis, & proprio, nisi aliquid indè sequatur absurdum, contradictionis in Scriptura, vel aliud simile; quod minimè sequitur ex hoc quod Beatissima Virgo Maria dicatur propriè Mater Dei, ut patebit ex solutione argumentorum statim adductorum, imo si talis non esset, Verbumque diuinum accidentaliter solum, non autem substantialiter, & hypostaticè fuisset vnitum naturæ humanæ Christi, sequerentur innumera in Scriptura contradictiones, rueretque præcipuum fidei nostræ fundamentum docentis, eundem Christum, qui fuit Redemptor, ac Saluator noster, fuisse verum, naturalemque Dei filium, & non adoptiuum; necessariò tam præfata, quam alia similia Scripturæ loca, vbi Beatissima Virgo Maria dicitur Mater Dei, quodque ex ea conceptus, & natus fuerit Dei filius, debent intelligi de maternitate, & generatione propriè dicta veris matribus competente.

Quare ad primum argumentum respondetur, suppositum, seu personam Verbi

Verbi diuini posse duobus modis considerari : Primò, vt terminat solam naturam diuinam, & sic est antiquior Beatissima Virgine, quæ illam, vt sic, non generauit, sed solus Pater æternus. Deindè potest considerari, vt insuper terminat naturam humanam, & est vna persona, ex humanitate & personalitate Verbi constituta, & hoc modo est aliquid posterius Beatissimæ Virgine, est enim totalis terminus illius actionis, qua Scripturæ dicunt Beatissimam Virginem concepisse, & genuisse Christum Deum hominem. Per quod etiam patet ad aliud simile argumentum; quod persona Diuini Verbi non est terminus vnionis hypostaticæ, quia terminus vnionis non præexistit vnioni, sicut persona Verbi diuini præexistit dictæ vnioni. Respondetur enim, personam Verbi, vt terminantem solummodò diuinam naturam, præexistere quidem vnioni hypostaticæ, seu Incarnationi, non tamen vt duas naturas integras simul, & semel terminantem, quo solo modo est terminus Incarnationis.

Ad secundum dicitur filium debere esse consubstantialē matri in ea natura, secundum quam ab illa procedit, aut dicitur generari; vnde cum Christus nō procedat à Beatissimæ Virgine Mariæ, secundum diuinitatem, nec suppositum eius participet ab illa diuinam essentiam sed tantum naturam humanam ab ea efformatā, vt mox explicabimus, sufficit in illis similitudo secundum talem naturam, vt ait D. Athanasius in Symbolo: *Est ergo fides recta, vt credamus, & confiteamur, quia Dominus noster Iesus Christus Dei filius, Deus, & homo est. Deus est ex substantia Patris ante secula genitus: & homo ex substantia matris in seculo natus.* At quia generatio se se terminat ad suppositum, est enim filiatio quædā illius proprietatis, & suppositum illud, ad quod Beatissimæ Virginis actio generatiua se se terminat, quia facit subsistere naturam humanā per illam communicatam, est verè, & propriè Deus, seu verè, & propriè sub-

sistens in natura diuina, est verè, & propriè filius diuinus, & naturalis diuini, & æterni Patris, inde quoque verè, & propriè Beatissima semper Virgo Maria dicitur mater Dei, & ipsummet proprium, & naturalem filium Dei concepisse, atque genuisse.

Ad tertium respondetur verissimum esse, quod Beatissima Virgo non dedit Christo ipsam diuinitatem, vel personalitatem Verbi, nisi eo sensu, quod vniuit partes humanitatis inter se iam à verbo assumptas; negatur autem inde sequi illam non esse loquendo propriè matrem Dei, quia non est de ratione matris, vt per seipsum det totum, quod est etiam essentiale ipsi eius filio, vt satis patet in anima rationali, quæ vnique nostrum est intrinseca, & essentialis, & tamen matres nostræ non dant illam nobis: Ergo licet personalitas Verbi sit intrinseca Christo, vt Christus est, & Beatissima Virgo, nec eam illi dedit, nec diuinitatem, non idcirco desinet esse & dici propriè mater Dei, mater Verbi diuini; sed sicut matres nostræ, quamuis subministrent tantummodò corpus, & materiam, ex qua illud formatur, non desinunt esse, & dici absolutè matres totius hominis, & non solius carnis, vel corporis, quia generant totum hominem anima simul & corpore constantem; ita & Beatissima Virgo, quia generauit Christum, humanitate, & propria subsistentia Verbi diuini constantem, est & propriè dicitur Deipara, seu mater Dei; concurrentibus in illa, quantum ad hoc, siue respectu Christi hoc modo considerati, omnibus conditionibus, quæ ad veram in humanis maternitatem requiruntur. Certè matrem generare filium in humanis consistit in subministratione materię, vel corpulentæ substantiæ, & tali eius dispositione, qua exigit hanc formam, & præterea in ipsa vnione animæ rationalis cum corpore, siue id fiat introducendo tantum vltimam dispositionem necessariam ad infusionem animæ rationalis, siue, vt nonnulli do-

cent exercendo actionem vniuersā, quæ se se terminet ad animam rationalem: Beatissima autem Virgo Maria exercuit ista omnia circa Christum humanitate, & propria Verbi diuini substantia constantem, nam corpus Christi Domini fuit efformatum ex purissimo eius sanguine, totaque materia, per matrem generantem ministrari solita, & consequenter ex semine Virginali, citra tamen illius decisionem, resolutionem, & seminationem, vt in tractatu de Incarnatione solet explicari, similiter illa modo matris proprio ita in præfata materia vltimam introduxit dispositionem, vt expoleret animā Christi Domini, eamque iam à Verbo Diuino assumptam vniuit cum proprio corpore Christi Domini similiter iam assumpto à Verbo diuino; sicque qua ratione matres communes sunt matres priorum suorum filiorum, ita etiam Beatissima Virgo, quantum spectat ad hoc præcisè, est mater Christi non tantum hominis, sed Dei hominis, siue Christi, qui est verus Deus: imo potiori ratione est mater Christi, quam quæuis alia mater filij sui, quia concepit, & genuit Christum, qui est verus Deus, supplendo insuper de substantia sua semen virile, quatenus solet præbere materiā efformando corpori proli. Nam quatenus idem habet effectiuam vim coagulandi materiam, figurandi, & organizandi; eatenus vicem illius suppleuit virtus Spiritus Sancti, totiusque Sanctissimæ Trinitatis; ideoque vocanda est propriissimè *Deipara*, & *Christipara*; quamuis hoc posteriore vocabulo, studiosè abstinerint Catholici, vigente hæresi Nestorij, qui illud induxerat, ad abolendum prius, secundum quod duos Christos, duosque filios Dei vnum naturalem, & alterum adoptiuum ponebat: vti constat ex Synodo Chalcedonensi, & Constantinopolitana, nec non ex Damasceno lib. 3. cap. 12.

Et inde patet solutio secundæ partis huius tertij argumenti, nimirum non officere maternitati Beatissimæ Virginis,

quod Verbum diuinum fuerit vnitum prius naturæ partibus humanitatis, quā illæ vnirentur inter se; cum enim illa modo explicato corpus ex suo purissimo sanguine efformatum, iam assumptum à Verbo diuino vnuerit animæ rationali Christi Domini similiter iam assumptæ ab eodem Verbo, sicque genuerit Christum constantem integræ humanitate; & ipsa personalitate Verbi diuini; matresque humanæ dicantur propriæ matres hominum, non tantum proptè illi habent carnem, seu corpus, sed etiam pro vt constant alijs suis partibus essentialibus, & integrantibus, vt rectè docet Diuus Cyrillus Alexandrinus in epistola ad Monachos Aegypti, quæ habetur in Concilio Ephesino; Indè apparet Beatissimam Virginem esse, & rectè dici matrem Dei.

Tertia locorum Scripturæ classis pro veritate Catholica, continet illa omnia, quibus semper est sermo de Christo, tanquam de vna, & eadem persona, sicut est vnusquisque alius homo; quatenus hæc pronomina, *ille*, *ego*, *ipse*, *qui*, & alia id genus denotantia ipsam personam dicuntur simul de vtraque natura Christi in concreto, vt Ioannis 3. *Nemo ascendit in celum, nisi qui de celo descendit filius hominis*; Ioann. 8. *Antequam Abraham fieret, ego sum*; id est ego qui loquor vobis, quem vos videtis: Ioannis 9. ad illuminatum cecum, *Tu credis in filium Dei? quis est Dominus, vt credam in eum?* respondit Christus, *Et vidisti eum, & qui loquitur tecum ipse est*. Ergo vna est & eadem numero persona Christi-Dei, & Christi hominis; impiumque & blasphemū Christum non vnica, sed plures interpretari personas, siue asserere cum Nestorio, & eius sectatoribus Christum non vnica, sed duabus diuersis contineri personis, diuina scilicet increata, & creata humana; quarum altera, scilicet diuina, sit filius Dei, omnipotens, creator, altera verò, scilicet creata, tantum sit filius hominis, natus, passus, & mortuus; ita, vt non idem omnino, secundum

dum eandem personam, fuerit filius Dei, & filius Virginis, creator, & factus impassibilis, & passibilis. Cum præter allata Scripturæ loca, quæ aperte significant hanc identitatem, expressè etiam Apostolus asserat 1. Corinth. 8. quod *Vnus est Dominus Iesus Christus, per quem omnia.*

Quod autem præfati hæretici, negare non valentes, quin ubique Scriptura loquatur de Christo, tanquã de vno, respondent id debere intelligi non de vnitate simpliciter substantiali; sed secundum quid, & per accidens; quã sit falsum, sacroque textui violentum, iam patet ex dictis, clariusque adhuc constabit ex dicendis in ratione sequenti.

Quarta igitur classis ea complectitur Scripturæ loca, quibus secunda Sanctissimæ Trinitatis persona, seu Verbum, diuinum dicitur specialiter præ alijs personis Incarnatum, nec non assumpsisse in Christo naturam humanam, & seque illi communicasse modo nulli alteri homini, quantumvis iusto, & sancto, communi, indè enim necessario sequitur vnionem Verbi cum humanitate Christi, vel cum Christo, non esse purè accidentalem, sed verè substantialem, ac personalem, atque adeo de facto aliam nõ reperi in Christo personam, quam eiusdem Verbi Diuini. Nunc pro omnibus alijs locis sufficiat nobis iste Ioannis 1. *Verbum caro factum est*; ex quo sic arguo. Vnio verbi cum humanitate ita est soli Verbo propria, vt nec alijs duabus personis Trinitatis conueniat, nam ex citato loco, & alijs sola secunda persona Trinitatis est Incarnata, seu caro facta; & eadem vnio ita soli Christo est propria vt nulli alteri vnquam sit communicata, vnde vocatur à Patribus *singularis*, vt à S. Augustino epistola ad Volusianum; sed omnes illæ, & singulæ vniones accidentales, quibus Nestorius, & eius sequaces explicant mysterium Incarnationis Verbi, sunt communes omnibus iustis, qui tamen non dicuntur, nec sunt Verbum incarnatum, suntque etiam

communes alijs duabus personis diuinis, quæ non propterea dicuntur Incarnatæ, vel carnem assumpsisse; Ergo Incarnatio plus est quam vnio accidentalis, debetque consequenter necessariò esse substantialis personalis. Maior huius argumenti cum sit certa, fundata in modo loquendi Sacræ Scripturæ, & Sanctorum Patrum, probatur minor, quoad primam partem.

In primis loquendo de accidentalì vnione *per inhabitationem*, tanquam in templo illam esse communem omnis iustis, patet ex Apostolo 1. Corinth. 3. vbi eos alloquens ait: *Nescitis quoniam Dei templum estis*; cum prius etiã Christus Ioannis 14. dixisset de Trinitate commorante in quolibet iusto homine, *Ad eum veniemus, & apud illum mansionem faciemus*. Idem constat de vnione *per affectum*, aut *voluntatum conformitatem*, dicente eodem Apostolo 1. Corinth. 6. *Qui autem adheret Domino vnus Spiritus est*. De vnione *per operationem* similiter habetur 1. Corinth. 12. *Idem Deus, qui operatur omnia in omnibus*. Postremo de vnione, *per participationem excellentiæ*. Legitur Psalmo 81. *Ego dixi Dij estis*, communiterque docent Patres vt Cyrillus in citata epistola ad Monachos Aegypti, homines in gratia sanctificante constitutos posse appellari Christos, quia Christus significat vnctum, & iusti sunt delibuti gratia Spiritus Sancti.

Quibus non sit satis, si respondeant aduersarii, Verbum Dei, & Deum omnibus præfatis modis perfectius, pleniorive gratia habitasse in hoc homine Christo, quam in alijs iustis, propter quod dici potest facta in eo Incarnatio, non autem in istis; hoc, inquam, non, satisfacit, præterquam enim quod, isti excellentiores modi, cum essent cæteris duabus personis communes, vnio Verbi cum humanitate Christi, siue Incarnatio dici non posset solius Verbi propria; cum insuper magis, & minus non diuersificent speciem vnionis, eadem vnio Verbi cum humanitate, siue

siue Incarnatio, nō esset ita solius Christi propria, quin cæteris iustis competere, quinque in illis absolute, licet non ita perfecte, diceretur quoque adimpletum fuisse Incarnationis mysterium; quod est absurdum; etsi enim homines Sancti per dona gratiæ interdū vocentur Dij participatiue, dicanturque propterea filii Dei adoptiui, nusquam tamen dicti sunt esse æquales Deo, & fuisse ab æterno, neque de illis dicitur, quod Verbum Dei sit factum Moyse, aut Ieremias, aut vnus ex aliis Sanctis; sicut legitur, quod Christus homo sit ab æterno, quod sit æqualis Patri, filiusque eius non adoptiuus, sed naturalis; non alia certè ratione, nisi quia Verbum diuinum in eo solo fuerit cum humanitate hypostaticè vnitum, & non solum accidentaliter, vt in cæteris iustis.

Omnes etiam præfatos vnionis modos esse communes toti Trinitati, satis patet; quoniam in eo consistunt, quod est à tota Trinitate factum; sunt enim opera ad extrinsecum, quæ semper sunt indiuisa, vtpotè efficienter procedentia à tribus personis, quatenus sunt vnum in essentia, voluntate, & potentia; propter quam rationem vnionis hypostaticæ, & incarnationis causa efficiens est tota etiam Trinitas, nuncque vni, nunc alteri personæ tribuitur in Scriptura; Patri, ad Galat. 4. *Misit Deus filium suum, factum ex muliere*; & Matthæi 1. Spiritui Sancto, *Quod in ea natum est, de Spiritu Sancto est*, totique Trinitati Act. 2. vbi S. Petrus ait, Deum fecisse Iesum Dominum, & Christum, quatenus scilicet, Deus ibi pro tota Trinitate supponens vniuit humanitatem eius ipsi personæ Verbi, ex qua vnitione Christus tanquam totus, & adæquatus terminus resultauit; licet solus filius, seu Verbum sit sola eius causa terminatiua, quatenus sibi coniunxit humanitatem Christi in vnitatem suæ personæ supponendo illam propria sua hypostasi; ideoque solum Verbum dicitur, *Caro factum*, Ioannis 1. & Philippen. 2. *quod*

semetipsum exinanivit, formā serui accipiens: Ex quo adhuc loco clarè contra Nestorium colligi videtur, vnionem Verbi cum Christo per Incarnationem factam, non esse accidentalem, modis à prædicto hæretico explicatis, non enim est exinanitio Dei, quod creaturam rationalem inhabitet per gratiam, aut quod per eam; tanquam per instrumentum, operetur maxima illa opera, quæ Christo tribuuntur in sacris litteris; alioquin & Pater, & Spiritus Sanctus exinanirentur: nam & ipsi illam inhabitant per gratiam; non alia igitur ratione vnio Verbi cum Christo per Incarnationem vocari potest exinanitio, nisi quia Verbum, cum sit Deus terminando humanitatem Christi hypostaticè, Deus caro factus est, ex inuisibili visibilis, ex impassibili passibilis, &c. vel, quod idem est, Christus vna est vtriusque naturæ, diuinæ, & humanæ, persona, vnaque substantentia, quam diuinitas Verbi ab æterno naturaliter habuit, humanitas autem sua naturali personalitate, & substantentia Dei dispensatione destituta eo temporis momento accepit, quo *Verbum caro factum est*: vt sicut natura hominis, aut qualibet alia, in suo supposito, sic duæ naturæ, diuinæ, & humanæ, in vna filii Dei persona subsistant. Hinc Diuus Augustinus Enchiridionis cap. 35. ait: *In vnitatem Personæ accessit Verbo anima rationalis, & caro*; & cap. 36. *Vt quemadmodum est vna persona quilibet homo, anima scilicet rationalis, & caro; ita sit Christus vna persona Verbum, & homo*. Similiter tract. 19. in Ioannem, *Sicut anima habens corpus, non facit duas personas, sed vnum hominem, sic Verbum habens hominem, non facit duas personas, sed vnum Christum*.

Si forsan responderent Nestoriani, modum quidem vnionis per Incarnationem communem esse omnibus diuinis personis, sed illam tribui tantum peculiariter Verbo, quod videlicet ille homo Christus speciali ratione ipsum representaret, sicut Patres communiter docent

docent interdum Verbi personam peculiariter antiquis Patribus apparuisse humana specie, quia apparitiones illæ ad repræsentandum verbum ipsum fiebant; talis responsio merum est figmentum, tùm quia iuxta illam tota rueret mysterij Incarnationis veritas, quæ consisteret in nuda aliqua repræsentatione, & non in aliqua vnione; vel sequeretur Deum in veteri Testamento sæpe fuisse Incarnatum, vel Angelizatum, vel eodem modo fuisse vnitum istis rebus corporeis per quas singulariter apparuit, vt Isaia 6. & alibi, quo Verbum fuit vnitum humanitati per mysterium Incarnationis; quod est absurdissimum cum Incarnatio semel tantùm peracta sit. Tùm quia secundum quandam duntaxat appropriationem, non verò secundum veritatem, & proprietatem accommodaretur Incarnatio Verbo, cum tamen reuera solum Verbum caro factum esse dicatur in scripturis, non autem aliæ personæ; quod de illis verum esse non posset, si semel aliquo ex dictis modo accidentali vnio facta esset, cum enim omnes illi vnionis modi includant æqualem habitudinem ad omnes tres diuinas personas, à quibus efficiuntur per naturam, & voluntatem omnibus communem, non omnes non possent dici verè ac propriè per illos Incarnatæ, sicut & Verbum ipsum. Tum denique, quia si antiquis illis apparitionibus fiebat singularis Verbi repræsentatio, vt nonnulli asserunt Patres, id fuit, quia significabant illud in carne ab eo assumenda aliquando venturum, ipsa ergo Verbi Incarnatio, iam non repræsentatione aliqua, sed rei veritate, atque proprietate consistit, quod nimirum illud humanam Christi naturam sibi hypostaticè vniuerit.

Verbo Dei scripto ad stipulatur pro eadem veritate traditum, in omnibus Symbolis Apostolico, Nicæno, & Athanasiano contentum, nec non vnanimi Sanctorum Patrum Græcorum, & Latinorum testimonio comprobatum, qui

omnes docent, tanquam certum fidei dogma, quod vnica sit in Christo persona; eaque ipsa diuina persona Verbis quamuis nonnulli ante exortamur hæresim Nestorianam, sicut & contigit in pluribus alijs hæresibus, non ita exactè ad rigorem, & limam Theologicam interdum in hac re locuti sint, vsurpantes v.g. concretum pro abstracto, aut quem similem loquendi modum, vt videbimus statim, quique proindè pie exponendi sunt.

Ex Græcis citari solent Clemens lib. 7. Constitut. Apostolicarum cap. 37. Ignatius in epistola ad Ephesios; Dionysius Areopagita de diuinis nominibus cap. 1. nec non epist. 3. & 4. ad Caium. Iustinus Martyr in expōitione fidei, siue alius. Irenæus lib. 3. c. 18. & 20. Clemens Alexandrinus oratione adhortatoria ad Gentes. Hippolytus Martyr ad Psalmum 2. Origenes in proæmio lib. 1. de principijs, nec non tractatu 33. in Mathæum, vbi pro vnitate personæ in Christo ait, *Si omnis homo fidelis, qui coniungitur Domino, vnus spiritus est: quanto magis homo ille, quem secundum dispensationem carnis Christus suscepit, non est soluendus ab eo.* Gregorius Neocæsariensis oratione in Epiphaniam, & apud Euthymium in Panoplia parte 2. titulo 15. oratione de singulari fide. Petrus Alexandrinus lib. de Deitate. Eusebius Casariensis lib. 4. de demonstratione Euangelica cap. 10. & 13. Athanasius in oratione contra Arianos circa hoc dictum: *Ex Deo Deus est verbum, in fine: Idem, inquit, qui & Deus Verbum est, & Filius Mariae, vnus Christus censeri debet, non diuersum quoddam: sed vnus ille & idem, qui ante secula ex Patre, in extremis temporibus ex Virgine natus est.* Asserit idem in epistola ad Epictetum, aduersus eos, qui dicebant, vt inquit, *eum qui ex Maria prodysset non esse eundem Christum, & Dominum, & Deum; nec non in Euangelium de Sanctissima Deipara, vbi ait de Christo; Deus perfectus, & homo perfectus. Vnus ratione*
vnius

unius personæ duplex tamen natura; quo dicto, sicut & altero Symboli; Vnus omnino, non confusione substantiæ, sed unitate Persona. Nam sicut anima rationalis, & caro vnus est homo; sic Deus & homo vnus est Christus. vsurpato ibi concreto pro abstracto, simul & Nestorij, & Eutychetis hæresis iugulatur; Athanasium autem, & alios Patres, dū asserunt verbum assumptisse hominē, vel Deum & hominem vnum esse Christum, tali particula hominis intelligere tantum ipsam humanitatem, & consequenter loqui de substantiali vnione Verbi cum Christo, pater tūc exemplo adducto, quo dicitur, quod sicut anima rationalis, & caro vnus est homo, sine dubio non accidentaliter, sed substantialiter, & personaliter, ita Deus, & homo vnus est Christus; tūc alijs eorundem testimonijs, quibus loquuntur nostro modo, & præterea apertè testatur vnā tantum esse in Christo personam, camque Verbi Diuini, aut etiam se explicant concretum pro abstracto vsurpasse, vt videre est in testimonio Iulij Summi Pontificis relato per Conciliū Ephesinum tom. 2. actor. cap. 7. vbi ita loquitur de Christo, Non duo filij, sed vnus germanus filius, qui suscepit hominem, id est vt ipsemet ibi explicat, humanam naturam. Eustachius Antiochenus sermone in illud: Dominus creauit me initio viarum suarum. Cyrillus Hierosolymitanus Catechesi 4. Crede, inquit, quod hic Vnigenitus Filius Dei propter peccata nostra de Cælo descendit in terram, & eandem affectionem cum nostris assumpsit humanitatem, & natus est ex Maria Virgine, & Spiritu Sancto. Et Catechesi 11. Præmunens, inquit, fides ne vulgares Christos suspicaremur, vnum apponit confessione fidei; quod credimus in vnum Dominum nostrum Iesum Christum Filium Dei Vnigenitum. Basiliius epist. 65. ad Syropolitanos, nec non apud Theodoretum dialogo 2. oratione de Eucharistia; Quamobrem, inquit, ipse quidem propter amicum lachrymatus

est, ostendens humanæ naturæ communione, proculdubio substantialem, qua tribuit Filio Dei operationes eius proprias. Cui non obstat, quod obijciunt aduersarij Christum ab eo vocari hominem Deiferum in Plal. 59. non enim Christum hominem Deiferum, sed solummodo carnē Christi appellat Deiferam, quatenus nimirum altera Christi natura potest dici esse in altera per hypostaticam vnionem. Sed esto vocaret etiam Christum hominem Deiferum, non video cur talis loquendi modus ad accidentalem dumtaxat Dei cum Christo vnionem restringi deberet, nō autem extendi ad substantialem, eo modo, quo dicemus infra in solutione argumentorum, Christi Domini humanitatem hypostaticè assumptam, rectè etiam posse appellari templum diuinitatis. Amphilocheus oratione in illud: Pater maior me est: & oratione in illud: Si possibile est, transat à me Calix iste: Epiphanius in Ancorato: Qui perfectum hominem, inquit loquens de Filio Dei, in seipsum efformauit ex Maria Deipara per Spiritum Sanctum, non ut qui in homine habitaret, sed ipsum Verbum Caro factum est. Gregorius Nazianzenus orat. 31. in illud dictum: Cum consummasset hos sermones, & orat. 35. quæ est oratio 1. de filio, & 3. de Theologia; tūc maximè in epistola 1. ad Cledonium: Si quis, inquit, duos filios; alterum ex Deo & Patre; alterum ex matre, non autem vnum atque eundem, induxerit, is ab ea quoque filiorum adoptione excidat, quæ rectè credentibus promissa est. Quanquam enim Deus & homo due naturæ sint, quemadmodum & anima & corpus, non tamen duo filij, & paulo post: Aliud quidem atque aliud sunt ea, ex quibus Seruator constitit, non tamen alius, atque alius, absit.

Theophilus Alexandrinus epist. 2. Paschali; Nec quando, inquit, vnum se Christum Dei Filium testabatur, animam diuidebat, & carnem: non alter, & alter, sed vnus atque idem, vtrumque subsistēs, Deus, & homo, dum seruus videtur, &

Dom-

Dominus adoratur . &c. Ioannes Chrysostomus homilia de Cruce; & homilia 11. in Marcum : *Nemo nos putet diuideri Christum, hoc enim solent estimare calumniatores, quod nos in Christo duas personas faciamus : alium hominem, & alium Deum.* Nos in Trinitate credimus, non credimus in quaternitate, duas in Christo esse personas. Atticus Constantinopolitanus in actis Concilij Ephesini, tomo 2. cap. 28. Proculus epistola ad Armenios, ac tandem Cyrillus Alexandrius Vir Sanctissimus, & doctissimus præsertim circa mysterium Incarnationis Dominicæ, qui præfuit Concilio Ephesino I. nomine Sancti Cælestini Papæ, vbi Nestorius vna cum hæresi sua condemnatus est, circa annum Domini 431.

Qui deinceps sequitur Patre, Græci, floruerunt post dictum Concilium. Theodoretus Cyrorum Episcopus, cū Nestorio faueret initio controuersię, postea resipuit, & illum inter hæreticos numerauit lib. 4. de fabulis hæreticorum. Flauianus Constantinopolitanus ad Theodosium Imperatorem de fide, & epistola ad Leonem Papam. Basilii Seleuciensis oratione de Incarnatione Verbi. Petrus Diaconus de Incarnatione Domini cap. 2. Ioannes Maxentius in prima fidei professione. Iustinianus Imperator epistola ad Ioannem Papam, & cap. de Summa Trinitate, & fide Orthodoxa. Andreas Crensis in Salutationem Angelicam. Anastasius Antiochenus de rectis veræ fidei dogmatibus lib. 3. de diuina dispensatione Incarnationis, & lib. 4. de passione, & impassibilitate Christi. Hefychius libr. 2. in caput 8. Levitici. Chrysippus Presbyter de S. Virgine Deipara. Antiochus homilia 130. Leontius de scætis act. 1. & 7. Sophronius Hierosolymitanus epistola ad Honorium. Maximus Monachus libello de duabus in Christo naturis. Constantinus IV. Imp. editio ad populum in Occidentis partibus. Ioannes Damascenus lib. 3. Orthodoxæ fidei cap. 2. 3. & *Biblier, Theol. Tom. V.*

4. quod autem ait cap. 6. *Totum quippe me totus assumpsit, ac totus toti unitus est, ut toti salutem adferret.* Nam alioquin medicina quidem ei allata est, quod assumptum non est, non facit sensum, quasi particula totum ibi comprehendat proprium, & creatum naturæ humanæ Christi suppositum tanquam a Verbo assumptum, ut obijciunt aduersarij; cum præfatus Doctor locis citatis præsertim cap. 4. expressè dicat. *In Domino nostro Iesu Christo duas quidem naturas, ad unam dumtaxat personam ex utrisque compositam agnoscimus, &c.* Sed per illam particulam, seu per totum a Verbo assumptum, & curatū intelligit humanam tantū naturam cum omnibus suis partibus integritatibus, quæ propriè indigebant curatione; personalitas autem, loquendo præcisè, & propriè, non pertinet ad integritatem naturæ humanæ, sed tantū ad modum eius existendi in se, & non in alio; quod solummodò est ali-quod vltimum eius complementum, & non aliqua pars integrans ipsam humanitatem. Nicephorus Constantinopolitanus epistola ad Leonem Tertium. Michael Syngelus in Dyonisio Areopagita. Theophilactus ad cap. 1. Ioannis. Oecumenius ad idem caput. Euthymius ibidem. Theorianus in colloquio cum Catholico Armeniorum. Constantinus Hermenopolis de fide Orthodoxa. Nicetas Choniates Thesauri Orthodoxæ fidei lib. 2. cap. 31. *Itaque,* inquit, *tametsi duas Christi Dei nostri Generationes proficemur, unam tamen eius personam prædicamus, cuius essentia duabus in naturis perfectis elucescat.* Nicephorus Callistus Eccles. hist. lib. 16. c. 33. & lib. 18. cap. 52. Ioannes Cantacuzenus orat. 2. & 3. in Mahumetum. Gennadius Scholarius dialogo, qui inscribitur Vitæ dux. Moses Mardenus. Asyrius in Confessione fidei. Siud, siue Sulaka Patriarcha Nestorianorum in professione fidei circa annum Domini 1553. *Natus est à Patre ante omnia tempora, & natus est ex Virgine Maria Deus*
M m m m *perfe-*

perfectus, & homo perfectus absque diuisione: Filius Dei veri in duabus naturis, & ex duabus naturis in una persona. Neque passio, neque mors accidit diuinitati, sed humanitati. Hieremias patriarcha. Constantinopolitanus responso 1. c. 2: ac denique Gabriel Patriarcha Alexandrinus in confessione fidei circa annum Domini 1595. *Vnigenitus Dei Patris Filius veram, & integram naturam hominis assumpsit, corpus videlicet & animam rationalem, in unitate persona diuina, tanta unitate, ut vnus & idem Christus sit, Deus & homo, Dei filius, & hominis filius, ita quod vna natura non confunditur cum altera, nec altera euanesceat, sed in persona omnino vna sunt due perfectæ naturæ, diuina scilicet, & humana, saluis earundem proprietatibus, due voluntates, due operationes, ita ut Christus sit tantum vnus.*

Eamdem fidei veritatem, & iuxta illam debere propriè intelligi superius adducta scripturæ loca, testantur Patres Latini tam ante, quam post Concilium Ephesinum. Nouatianus lib. de Trinitate cap. 18. Cyprianus de Idolorum vanitate. Felix Papa ad Maximum Episcopum Alexandrinum. Eutychianus Papa ad Ioannem, & Episcopos Bæticæ. Caius Papa ad Felicem Episcopum. Lactantius lib. 4. institut. cap. 8. & 13. Iulius Papa ad Prosdociū: *Ad fidei plenitudinem Dei filius ex Maria Virgine natus predicatur: qui proinde inter homines moratus, non potenti quadam vi in homine operatus est: Istud enim in Prophetis, & Apostolis locum habet. Est autem perfectus Deus in carne, & homo perfectus in spiritu: non duo filij, sed vnus germanus filius, qui suscepit hominem, hoc est, humanam naturam.* Hilarius Pictauicus lib. 9. de Trinitate: *Naturam, inquit, Dei in virtute resurrectionis intellige: dispensationem hominis in morte cognosce.* Et cum sint utraque suis gesta naturis, Vnum tamen Christum Iesum cum memento esse, qui vtrumque est. Ambrosius lib. 1. de fide cap. 6. nec non lib. 1. de Incarnationis

Dominicæ Sacramento c. 6. & 7. Damasus Papa in professione fidei, quam scripsit ad Paulinum Thessalonicensē Episcopum. Phæbadius contra Arianos. Hieronymus ad cap. 3. ad Galatas, & 2. ad Titum, epistola 150. ad Hedibiam quæst. 9. *Hac dicimus, non quod alium Deum, alium hominem esse credamus, & duas personas faciamus in vno filio Dei, sicut noua hæresis calumniatur: sed vnus atque idem filius Dei, & filius hominis est: & quicquid loquitur, aliud referimus ad diuinam eius gloriam, aliud ad nostram salutem.* Augustinus epist. 57. ad Dardanū quæst. 1. & epist. 102. ad Euodium; sermone 191. de tempore, in Ioannem de Verbis Domini, sermone 58. *Licet, inquit, vnā personam in Christo credamus, duas tamen substantias, id est naturas esse facimus, diuinitatis scilicet, & humanitatis, assumpticis, & assumptæ; creatricis, & creatæ. Quæ tamen substantia non sunt confusæ, sed vnitæ, atque in vna eademque persona inseparabiles, & in sua semper proprietate manentes;* Et in Enchiridio ad Laurentium c. 35. *Christus Iesus Dei filius, & Deus, & homo est. Deus ante omnia secula, homo in nostro seculo. Deus, quia Dei Verbum, Deus enim erat Verbum: homo autem, quia in unitatem persone accessit Verbo anima rationalis, & caro.* Quod igitur paulo post subiungit Christum esse vnum quidem, sed aliud propter verbum, & aliud propter hominem, nihil fauet Nestorio, quasi vbi sit aliud, & aliud, ibi supposita sint, vel personæ distinctæ, cum expressè dicat vnā esse in Christo personam, indeque concludat ipsum vnum, & eundem esse Filium Dei, & filium hominis, sed vult tantum præfato loquendi modo significare, propter diuersitatem, & distinctionem naturarum, distinctas proprietates illi conuenire, vt hæc eius verba sequentia clarè demonstrant, Propter Verbum æqualis Patri, propter hominem minor. Et certè, quamuis Augustinus non ita manifestè suam aperuisset mentem, si vis est faciendū

in hac particula aliud, qua etiam alij Patres in hoc mysterio vti sunt, simpliciter, & absolute loquendo negari debet, ibi esse distincta supposita necessario, vbi est aliud, & aliud, sed ad veram significationem Philosophicam, & Theologicam huius termini aliud, sola naturarum distinctio sufficit, vt habetur ex Concilio Lateranensi sub Innocentio III. & refertur Extrau. de Summa Trinitate, & fide Catholica capit. *damaunimus*, definiente filium in diuinis esse alium a suo Patre, non tamen aliud, eo quod eandem numero essentiam, vel naturam habet cum illo, Hæc est ergo distinctio inter duas istas particulas *alius* & *aliud*, quod prior distinctionem tantum suppositorum significet, non obstante identitate eiusdem numero essentiae: posterior verò significet distinctionem naturarum, non obstante vnitatem suppositi vel personæ. Vnde rectè dicimus filium in diuinis esse alium à Patre, non tamen esse aliud, cum sit distinctio realis inter eiusmodi personas; non tamen possumus dicere simpliciter filium esse aliud à Patre, quia sic loquendo significarem duas esse naturas distinctas in Patre & filio, quod est hæreticum; ideoque quia in Christo Domino dantur duæ naturæ distinctæ à se inuicem realiter, integræ, & inconfusæ, licet vna sit numero persona, S. Augustinus rectè potuit dicere in Christo esse aliud, & aliud, quia sensus eius est solum iste, quod in Christo Domino sint duæ naturæ integræ, & impermixtæ, quod esse verissimum ostendemus sequenti capite cōtra Eutychianos, Sanctus autem Augustinus non ait Christum esse alium, & alium, qua particula distinctio, vel diuersitas personarum significatur, & quomodo debuisset loqui, vt Nestorianis fauere diceretur.

Post Concilium Ephesinum Vincētius Lirinensis aduersus hæreses c. 19. Maximus Taurinensis homilia 1. de Epiphania Domini. Arnobius Iunior in Psalm. 68. & lib. 1. de Deo Trino,

Bibliot. Theol. Tom. V.

& Vno. Leo Magnus sermone 1. de Natiuitate Domini cap. 2. sermone 3. de passione cap. 1. & 17. cap. 1. vbi explicans hæc verba, *Deus meus, quare me dereliquisti*, ait, illa non esse accipienda, tanquam fixo Iesu in Crucis ligno, paternæ ab eo deitatis omnipotentia recessisset, cum in tantam vnitatem Dei, & hominis natura conuenerit, vt nec supplicio potuerit dirimi, nec morie disungi. Eucherius Lugdunensis Dominicæ 4. aduentus feria 4. Hæc itaque virtus obumbravit Mariam, & ex duabus naturis Christum Dominum operata est. Sicut enim anima rationalis, & caro vnus est homo, ita Deus, & homo vnus est Christus. Claudianus Momertus lib. 1. c. 3. Christus homo verus, & Deus verus, ex duplici substantia vna persona, & Deus homo, & homo Deus est, idem gloria Dominus. Vigilius Tridentinus lib. 4. contra Eutychem. Fulgentius lib. 1. ad Thrasimundum cap. 7. & 20. lib. 3. c. 9. Seuerinus Boetius lib. de duabus in Christo naturis, & vna persona; Cassiodorus in Psalm. 2. & 3. *Homini susceptio est Verbum caro factum. Quapropter gloriam suam, & exaltationem capitis sui caro dicit, quam suscepit omnipotens verbum, vt diuina humanaque substantia vna esset, sine aliqua confusione persona.* Hormisdas Papa epistola 76. ad Iustinū Imperat. Ioannes Papa II. epistola 3. ad Auenum, & Liborium, & de duabus in Christo naturis. Primasius ad cap. 2. ad Colossenses: *Supplementum est credere, Deum verum, & hominem verum, vnā personam, ex duabus substantijs: quia hoc est fidei fundamentum, quod nobis sufficit ad vitam, etiam si aliquid scientia minus interim habeatis.* Gregorius Magnus lib. 18. morat. c. 27. *Non equari potest gloria Vnigeniti habita per naturam, alijs accepta per gratiam. Mediator quippe Dei, atque hominum, homo Christus Iesus, non sicut iste hæreticus (Nestorius) despicit, alter in humanitate, alter in Deitate est. Et paulo post; Et quamuis ipse aliud ex Patre, aliud ex Virgine, non tamen alius ex Patre,*

tre, alius ex Virgine: sed ipse est aternus ex Patre, ipse temporalis ex Matre. Ipse qui fecit, ipse qui factus est, &c. ipse conditoris templum, ipse conditor templi &c. Isidorus Hispalensis de doctrina, & fide Ecclesiasticorum dogmatum cap. 2. & lib. 7. Originum cap. 2. Eligius homilia 1. Verbum illud, quod in principio erat, & apud Deum erat, & Deus erat Verbum, per quod omnia facta sunt, & sine quo factum est nihil, in fine seculorum caro factum est, & habitauit in nobis, ut mediator fieret Dei, & hominum, homo Iesus Christus, verus Deus, & verus homo in unitate persona. Hildephonsus contra eos, qui disputant de perpetua Virginitate Mariæ. Agatho Papa epistola ad Constantinum, Heraclium, & Tiberium. Beda ad cap. 5. Lucæ. Alcuinus lib. 3. de Trinitate cap. 13. Adrianus I. epistola ad Episcopos Gallie de errore Elipandi Toletani Episcopi. Paulinus Aquileiensis aduersus Felicem Vrgelitanum. Haymonius homilia in feria sexta post Pascha, & ad e. 2. prioris ad Timotheum: Dominus Iesus in una persona verus Deus, & verus homo est. Si solummodo Deus esset, non poterat esse mediator noster: quia ipse in natura diuinitatis vnus substantie est cum Patre. Et contra si solummodo homo purus esset, nequaquam mediator esset inter nos, & Deum Patrem, quia peccator esset, & similis nobis omnibus. Accepit ergo humanitatem nostram, qui Deus erat: & per hoc, quia sine peccato conceptus, natus, & conuersatus est, Deus: verus & homo existens, innocenter pro nobis mortuus, factus est mediator noster: quia nemo est Deus, & homo nisi ipse solus. Angelonius in lib. 1. Regum cap. 13. Rabanus Maurus lib. 4. de Vniuerso cap. 10. Remigius Antisiodonensis ad cap. 3. Zachariæ Pelegrinus Laureacensis in Symbolo fidei. Beruo Augiensis sermone de Natiuitate Christi, & sermone de Paschate. Leo IX. epistola ad Petrum Antiochenum. Algerus lib. 1. de Eucharistia cap. 2. Anselmus Cantuariensis lib. 2. Cur Deus homo cap. 18. Ho-

norius Augustodunensis de Philosophia Mundi cap. 13. Rupertus Tuitiensis lib. 1. in Ioannis Euangelium cap. 1. Hugo Victorinus de Sacramentis fidei lib. 2. par. 1. cap. 9. Bernardus sermone de B. Maria, & sermone 2. de Natali Domini. Petrus Cluniacensis lib. 5. epist. 1. Alexander Halesius part. 3. q. 19. memb. 2. Diuus Thomas lib. 2. contra errores Græcorum, & 3. part. Summa quæst. 2. & quæst. 16. articulo 5. Diuus Bonauentura tam in 3. sentent. quam 3. parte Centiloquij cap. 27. Tandem qui deinceps sequuti sunt omnes Theologi Scholastici, & alij Doctores Catholici, qui de hac materia scripserunt, eandem veritatem docuerunt, pro hæreticis verò habitis, qui illam impugnarunt.

Quoniam præter argumenta superior adducta, in verbi Dei cum scripti, tum traditi autoritate fundata, quatenus mysterium Incarnationis, ac diuinitatis Christi filij Mariæ Virginis, multaque alia per illud reuelata, cum his necessariò connexa subsistere, ac verificari non possunt, absque vnitatem personæ Verbi diuini in Christo Domino ex duabus, & in duabus naturis, diuina scilicet, & humana subsistentis, quia, inquam, præter argumenta inde desumpta, nullam habemus rationem naturalem, qua positiue hanc veritatem, seu mysterium fidei probare possimus, superest modo vt negatiue id prætermus, soluendo nimirum nonnullas aduersariorum obiectiones: è ratione naturali desumptas, quibus conantur probare illud esse impossibile, seu contradictionem inuoluere; prius tamen explicatis aliquibus etiam scripturæ locis, cum quibus vnionem hypostaticam Verbi cum Sacrosancta Christi Humanitate pugnare iidem contendunt, vel quod idem est; unitatem personæ in Christo.

Mathei 27. vbi Christus in Cruce Deum alloquens ait: Deus meus, ut quid dereliquisti me; inde enim sequi videtur, ita in Christo Deum, seu di-

uinita-

unitatem fuisse, ut abesse ab illo posset, ac proinde non fuisse illi intrinsicè substantialiterque vnitam personam Verbi, sed solum accidentaliter.

Item Ioannis 2. filius Dei per hæc verba, *soluite templum hoc*, significauit humanitatem Christi fuisse templum suum; sed templum, & qui habitat in templo distinguuntur substantia; ergo etiam Verbum Dei, & humanitas Christi.

Insuper cap. 2. ad Philipenses Filius Dei dicitur, *in similitudinem hominum factus, & habitum inuentus, ut homo*; huiusmodi enim verbis indicari videtur, cum verè hominem non fuisse, sed vestitum humanitate, quæ instar erat vestis, manente extra Verbū humanitas in persona propria hominis, & sicut tunica illud contegente.

Pluribus tandem in locis Sacra Scriptura multa tribuntur Christo quæ non possunt propriè conuenire vni, & eidem, sed postulant diuersas personas, nunc enim dicitur seruus, nunc vermis, opprobrium hominum, filius hominis, quæ omnia & his similia non possunt propriè conuenire ei qui est Deus. Eoque magis quo plures Patres ad illud Ioannis 1. *Et Verbum caro factum est*, dicunt ab eo hominem assumptum fuisse, at homo importat suppositum. Igitur duæ in Christo fuerunt personæ.

Ad primum respondetur, huiusmodi derelictionem, de qua ibi loquitur Christus, non fuisse naturæ, vel personæ, quasi Verbum diuinum reliquerit humanitatem à se assumptam, nam quod semel assumpsit, nunquam dimisit; sed hoc sensu Deus dicitur dereliquisse Christum tempore passionis: quod ad magis manifestandam tum veritatem humanæ naturæ, quæ est in Christo Domino, tum grauitatem, & acerbitatem doloris, quem Christus pro nobis moriendo patiebatur, Deus tunc nihil consolationis dederit inferiori parti eius animæ, quo releuaretur à tanto dolore. Quare, ut rectè

aduertit S. Cyrillus Alexandrinus lib. 1. de fide Incarnationis ad Reginas, hæc particula Christi Domini ita loquentis, *Vt quid dereliquisti me*, non est dubitantis, sed dolentis tantum; Respondent etiam aliqui, Christum dici derelictum, quia permissus est mori, manenteque vnione partium humanitatis cum Verbo, non remanserit tamen priuilegium immortalitatis, quod erat illi humanitati ex vi vnionis veluti connaturale, ut Christus nos redimeret, ac morte sua seruaret.

Ad secundum libenter admittitur, per hanc particulam, *templum*, ibi intelligi totam humanitatem Christi Domini, quæ tam respectu solius diuinitatis, quam Verbi sibi hypostaticè vnitæ, appellatur metaphoricè templum. Primum Christum Dominum ibi nomine templi intellexisse, significareque voluisse totam suam humanitatem, verbum istud *soluite* demonstrat; nam cum Iudei peterent à Christo signum aliquod suæ potestatis, respondit eis per ista verba, *soluite templum hoc*; quorum sensus est, occidetis me, & soluētis hoc corpus meum à me, anima, quod tamen resuscitabo post triduum, illudque animæ meæ reuniā: mortem enim, & dissolutionem humanitatis consistere in separatione animæ à corpore, non autem personæ Verbi, quæ erat diuina, à corpore, & anima, clarè constat, ideoque semper manserunt vnitæ Verbo. Totam verò Christi Domini humanitatem comparatiuè ad diuinitatem, ut distinctam virtualiter à personalitate Verbi; rectè dici eius templum, patet ex eo, quod verè substantialiter, & realiter illi inest, ad eum modum quo Apostolus ad Colossenses cap. 2. ita de Christo ait, *In ipso habitas omnis plenitudo diuinitatis corporaliter*, iuxta explicationem Digni Augustini epistola 57. ad Dardanum versus finem. Potest etiam humanitas Christi Domini dici *templum*, comparata ad verbum diuinum, licet illa per hoc

hoc subsistat, etque sit substantialiter, & hypostaticè vnita, eodem sensu, quo corpus nostrum substantialiter vnitū animæ, dicitur domus eius, & tabernaculum, 1. Petri cap. 1. nec non 2. Corinth. cap. 2. & alibi; vnde sicut ex eo, quod anima est in corpore, tanquam in tabernaculo, non licet colligere, duas esse personas in homine, sed bene inferitur esse duas naturas; ita etiam ex eo quod Verbum Incarnatum appellat suam humanitatem templum, potest quidem colligi, duas esse naturas in Christo diuinam, & humanam, non duas tamen personas, sicut etiam Gregorius Magnus tandem humanitatem vocans Verbi tabernaculum loco superius citato, asserit nihilominus personaliter illi vniri.

Ad tertium dicitur, Theodoretum initio fauentem Nestorio male collegisse ex dicto Apostoli in commentario ad illud, Filium Dei non esse factū hominem, sed *induisse* hominem. Nam *habitu* inuentus vt homo, & in *similitudinem* hominum factus Filius Dei dicitur, non quia non verè sit, ac substantialiter factus homo; sed quia sine mutatione sui talis factus est; perinde ac homo sine mutatione suæ substantiæ vestitur, vt explicat S. Augustinus lib. 83. qq. quæst. 73. nomen enim Græcum, pro quo latine legimus habitum, non solum figuram, sed etiam indumentum significat, vt ibi docent Sacri Interpretes. Tali autem modo loquendi Apostoli, quo, in *similitudinem* hominum factus, & *habitu* inuentus vt homo dicitur Filius Dei, veritatem confirmari naturæ humanæ ab eo personaliter assumptæ, clarè patet ex antecedentibus; vbi dicitur, quod *exinanitus semetipsum formam serui accipiens*, per contrapositionem ad *formam Dei* in qua erat, vnde sicut prius erat verus Deus per formam Dei, hoc est per veram eius naturam, & essentiam, ita per Incarnationis exinanitionem, factus est verus homo, formam eius; hoc est veram humanitatis essentiam

hypostaticè assumendo: præsertim cū ex dictis Verbi Incarnatio alio sensu vocari non possit exinanitio quam ob talem cum ipso vnionem.

Responderi etiam potest in sententia illorum, qui Græcum nomen Schimati, ibi idem esse putant, ac *figura*, plus adhuc significare Paulum intendisse quam hominem esse Christum; nempe non tantum hominem esse naturam, sed etiam accidentibus homini similem esse voluisse, infirmitatibus nempe humanis obnoxium, cum enim naturam posset assumere sine defectibus, miserisque naturæ, maluit eam his omnibus, præter peccatum, oneratam suscipere, iuxta illud Isaæ 53. *Vere languores nostros ipse tulit, & dolores nostros ipse portauit.*

Ad vltimum responderetur, quod opposita passim in Scriptura Christo Domino tribuantur, hoc solum arguere in eo distinctionem naturarum, diuinæ scilicet, ac humanæ, quibus distinctæ proprietates respondent, quod libenter concedimus, non tamen dualitatē personarum, quod Nestorius intendebat; sicut rectè intelligimus vnicum tantum esse numero suppositum in homine, vt ex anima, & corpore composito, quamuis proprietates animæ, & corporis sint sibi inuicem oppositæ.

Ob eandem rationem dualitatis naturæ rectè etiam Christus simul dicitur Filius Dei, secundum quod æternaliter ab eo procedit in natura diuinæ, & filius Mariæ, secundum quod ab ea processit in natura humana; ex dictis enim supra ad veram rationem Matris Dei, vtque Filius Dei, dicatur etiam Filius Mariæ, non requiritur, quod Beata Virgo Maria attigerit personam Verbi diuini, sed satis fuit, quod eodem modo, quo aliæ matres naturales, genuerit naturam, quæ subsistat personalitate eiusdem Verbi; quo autem puncto Beata Virgo vniuit corpus, & animam Christi inter se, eodem fuit humanitas inde resultans vnita Verbo; quod duobus modis fieri potuisse docent

cent Theologi in tractatu de Incarnatione . Primò vt anima, & corpus Chriſti prius cum Verbo vniretur, quam inter ſe; & Beata Virgo eas partes vnitas iam Verbo inter ſe vnierit. Secundò vt partes humanitatis prius inter ſe Beata Virgo vnierit, quas deindè vnitas verbum aſſumpſerit; quod parum refert ad noſtrum intentum, Beata enim Virgo non dicitur mater Dei per hoc quod concurrerit ad vnionem hypſtaticam Verbi cum humanitate Chriſti, ſed quod illam genuerit, vniendo partes eius, ſicut cæteræ matres in generatione filiorum ſuorum, eodemq; momento reali, quicquid ſit de prioritate, vel poſterioritate naturæ, ſecundum quam procedunt duo allati modi, Verbum illam terminari .

Tandem ad illum modum loquendi nonnullorum Patrū aſſerentium, quod Verbum aſſumpſerit hominem, pater ex dictis ſupra illos eo non fuiſſe uſos in ſenſu Neſtorij, ſed per hominem intellexiſſe humanitatem, & naturam hominis, non autem ſubſiſtentiam, & perſonam . Nam homo quamuis ſit perſona, dicit tamen de formali ſolam naturam, connotat autem ſubſiſtentiam . Vnde rectè Diuus Thomas 3. p. q. 4. art. 2. in corpore: *Nomen homo ſignificat naturā humanam, prout nata eſt in ſuppoſito eſſe, vt dicit Damascenus: & iterum ibidem ad 1. Dicimus hominem aſſumptum, quia eius natura eſt aſſumpta, & quia aſſumptio ternio aia eſt ad hoc vt filius Dei ſit homo; & ad 3. Dicendum quod filius Dei non eſt homo quem aſſumpſit, ſed cuius naturam aſſumpſit .* Quam explicationem iam olim longè ante Diuum Thomam Ioannes Maxentius dederat dialogo 1. contra Neſtorianos his verbis: *Nonnulli Sancti Patres non quidem ſicut vos ò Neſtoriani, ſed ad naturam potius reſpicientes, hominem aſſumptum à Deo dicere comprobantur, Eſi autem talis modus loquendi ita piè exponi poſſit, ne daretur tamen occaſio errandi, videturque cum hæreticis illo abutentibus conuenire, meritò deinceps ab eo ab-*

ſtinuerunt Theologi, reprehenditurque Ludouicus Viues à Francisco Suarez 3. p. q. 4. art. 3. quod aſſeruit eius uſum eſſe retinendum, reprehenderitque Diuum Thomam contrarium docentem . Veniamus iam ad ſolutionem rationum .

Rationes, quibus aduerſarij intendunt probare impoſſibilitatem myſterij huc uſque à nobis propugnati, ſunt primo, quia ob realem identitatem naturæ diuinæ, & perſonæ Verbi, ſi vnio facta fuiſſet in perſona, facta quoque fuiſſet in natura, dicereturque proindè incarnata, ſed talis vnio facta non fuit in natura, ergo neque in perſona Verbi diuini .

Secundò, vbi duæ ſunt intellectuales ſubſtantiæ completæ, & indiuiduæ, ibi ſunt duæ perſonæ, cum ex Boetio communiter à Philoſophis recepto, perſona nihil ſit aliud, quam naturæ rationalis indiuidua ſubſtantia, atqui in Chriſto duæ ſunt naturæ completæ, & ſimiliter indiuiduæ, quia ambæ ſingulares: ergo & duæ ſunt perſonæ, diuina nimirum, & humana .

Tertiò, cum vix intelligatur quid ſit ſubſiſtentia, multique eam à natura minimè diſtinguant; alij in ſola negatione conſtituant, aut in modo realiter eodem cum ipſa natura; videtur ſequi vbiſcunque natura ſit, ibi quoque eſſe ſubſiſtentiam; ac proindè cum in Chriſto humana natura ſit, in ea etiam ſubſiſtentiam remaniſſe .

Tandè ſi perſona Verbi diuini perſonaliter terminaret naturam humanā Chriſti, faceret aliquam cum ea compositionem, quod videtur abſurdum, ſic enim perſona Verbi ſe haberet, vel per modum partis, vel per modum alicuius potentialis, cum tamen ſit actus puriſſimus .

Verùm hæ, & aliæ ſimiles rationes, quæ deſumi poſſunt ex difficultatibus in explicatione myſterij Incarnationis occurrentibus, nullam proſus contradictionem inuoluunt, quæ nos vel minimum

nimum remouere debeant à fidei Catholicæ veritate. Ad primum ergo respondetur, in diuinis naturam diuinam & personam Verbi, seu eius subsistentiam, ita realiter esse vnum & idem, vt tamen virtualiter eminentialiter distinguantur, quod sufficit vt vnio hypostatica cum solo verbo, non autem cum natura, dicatur immediatè facta, atque adeo solum Verbum Incarnatum; quamquam in sensu identico hæc propositio possit concedi, vnio naturæ humanæ in Christo facta est in re, quæ est diuina, essentia, ob realem eius indistinctionem à persona Verbi. Vtrum autem propterea natura diuina possit dici Incarnata, negatiuè cum Diuo Thoma 3. p. quæst. 3. art. 2. respondendum est, talis enim denominatio, seu esse *Incarnatum* propriè loquendo, importat esse id in quo immediatè, & proximè vnio humanitatis facta est, iuxta illud S. Ioannis *Verbum caro factum est*, vnde cum hæc vnio non sit facta immediatè in natura diuina, sed in ipsa persona Verbi diuini, sit vt, loquendo propriè, dicendum non sit naturam diuinam fuisse Incarnatam; si autem loquendo minus propriè, solummodo per hanc propositionem significaretur naturam diuinam fuisse vnitam humanitati, non importando quod natura diuina sit terminus talis vnionis, aut generationis temporalis Beatissimæ Virginis, tunc quia diuina natura fuit vnita naturæ humanæ in Christo, quatenus duæ illæ naturæ habent idem numero suppositum, vel personam, in qua sibi inuicem vniuntur, sicut duæ partes lineæ in aliquo puncto copulante illas, natura diuina posset dici hoc sensu incarnata, eoque nonnulli Patres vsi sunt huiusmodi propositione; vel potius per illam, seu nomine *diuina natura Incarnata*, intellexerunt secundam solam personam Trinitatis, vt colligitur ex antecedentibus, & consequentibus, nec non etiam ex appositione particulæ Verbi; ne tamen detur occasio credendi omnes personas diuinas fuisse incarnatas, aut Incarnatæ

nationem fuisse factam in aliquo absoluto illis communi, S. Damascenus lib. 3. de fide Orthodox. cap. 6. reijcit eiusmodi propositionis vsum, *diuina natura est Incarnata*; ideoque licet personæ Patris, & Spiritus Sancti sint speciali quodam titulo in ipsa Christi Domini humanitate, nullo tamen modo dicuntur incarnatæ, cum hæc vnio ad eas se se non terminauerit etiam mediatè.

Ad secundū facile respondetur, humanitatem, seu humanam Christi naturam alio sensu dici completam, & indiuiduam, quam in allata Boetii definitione personæ hæc particula *indiuidua substantia* sumatur: nā humanitas Christi Domini hoc tantum sensu est indiuidua, quo indiuiduum opponitur vniuersali, & significat naturam humanam Christo Domini esse singularem, non vniuersalem; at in definitione personæ accipitur pro *incommunicabili*, quatenus natura rationalis beneficio personalitatis ita completè existit per se, & in se, vt non sit in alio tanquam in sustentante; vnde cum humanitas Christi Domini præcisè considerata, tam secundum omnes suas partes *essenciales*, quam integrales non sit talis, sed adhuc posset vltimum complementum, quo hoc vtrumque habeat, propterea illa, vt sic considerata nō est persona; similiter eadem Christi humanitas, alio modo dicitur esse completa substantia, & compleri, per ipsam personam, seu subsistentiam suam, & quædam per modum essendi, priori enim modo dicitur completa, quatenus habet omnes suas partes, etiam integrantes; posteriori vero perficitur à personalitate, quam quidem personalitatem substantia priori modo considerata non includit; sicque non potest appellari persona, & in definitione personæ duas istas particulas *indiuidua substantia*, sumi loco istorum *incommunicabilis subsistentia*, communiter docent Theologi, & Philosophi agendo de hac materia.

Ad tertium respondetur falsum esse, quod

quod vbiicumque sit natura rationalis, ibi etiam sit eius subsistentia, loquendo de subsistentia propriè dicta, siue illa sit negatio, vel in negatio consistat, siue non, cum mysterium Incarnationis iuxta fidem perfectum fuerit per vnionem quamdam substantialem naturæ humanæ ad personam Verbi, nõ resultante iam ab ista præuenta, vt requiritur ad talem vnionem, humana subsistentia; quatenus si est negatio essendi in alio tanquam in sustentante, subsistentia Verbi illam impediuit, quia non assumpsit naturam prius subsistentem humanitus, sed reddidit illam, semper subsistentem diuinitus; si autem non est negatio, sed modus quidam realis, iuxta probabiliorẽ sententiam, quem quarto tomo modum totalitatis appellauimus, eius quoque resultantia in natura assumpta impedita est, substituta iam ipsius loco personalitate Verbi diuini; cum enim hæc per se subsistentia non competat substantiæ creatæ nisi præsupposita ad hoc influentia primæ causæ, supposito semel decreto mysterii Incarnationis, siue quod Verbum, caro fieri deberet, talis influentia nunquam adfuit humanæ naturæ Christi, ad hoc, vt subsisteret in propria creatæ subsistentia, sed vt subsisteret solum in increata, scilicet in Verbo. Et si autem forsan modus non possit existere sine re, cuius est modus intrinsecus, rem tamen sine modo posse existere, siue separari ab eo posse, docent omnes Philosophi.

Ad quartum libenter admittimus secundum Concilia, & Patres, quod vnio hypostatica sit vera compositio, Christi quæ persona dici possit composita, sed inde negamus oriri aliquā in Verbo imperfectionem. Nam præcisè loquendo, compositio est vnio plurium rerum, ex quibus vnum resultat, quæque huic formali conceptui compositionis alia superadduntur, inuoluentia imperfectionem, non sunt de essentia compositionis, vt sic: præcipuè quando alterum componentium est infinitè

perfectioris, seque habet per modum actus purissimi in ratione termini, vt hic. Quare non est de essentia compositionis, vt extrema componentia semper habeant rationẽ partis, respectu compositi; nec vt realiter in omnibus ab eo distinguantur, nec vt sint minus perfectæ, quam compositum: nec vt se mutuo perficiant: nec vt natura sua ordinentur ad totum compositum: & sic de alijs, de quibus Doctores fusius disputare solent 3. parte D. Thomæ ad q. 1. art. 4.

Quibus huc vsque argumentis ostendimus in Christo vnā esse personam, iisdem remanet æquè probatam, illam esse personam Verbi Diuini; cum expressè in scripturis de illo solodicaretur, quod *Caro factum sit*, illique omnia tribuantur, quæ ad hoc mysterium consequuntur; tum etiam, quia ea est vnica persona in Christo, quam hæc pronomina demonstratiua, *Ego, tu, qui, ipse*, & his similia significant in propositionibus formatis de Christo; sed hæc pronomina significant in huiusmodi propositionibus personam Verbi diuini: illa igitur sola, & vnica persona, quæ est in Christo, est persona Verbi diuini.

Quod enim illa sit persona humana ipsiusmet Christi, nemini sanæ mentis dubium suboriri potest, præter quam enim homo Christus non dicitur in Scriptura assumpsisse naturam diuinā, seu Deum factum esse, terminando illam actiue propria personalitate, id etiā videtur prorsus impossibile. Nam quælibet natura habens personam alienam accipit ab illa aliquam, perfectionem, quia personalitas, vt diximus, est complementum eius naturæ, cuius est personalitas, faciens illam subsistere per se, & in se; at natura diuina nullam accipere potest perfectionem ab humana persona creatæ, seu ab ea quæ naturaliter deberetur humanitati Christi Domini, illa igitur vnica persona, quæ est in Christo non solum non est, sed non potest esse persona creatæ humana.

N n n

Simi-

Similiter ex dictis constat, nedum in Christo dicendum, vnam esse personam, sed & vnam hypostasim, seu vñi suppositum; Quod enim aliqui hæretici, forsitanque ipsemet Nestorius, vt suū facilius errorem occultarent, concesserunt in Christo esse quidem vnam tantum personam, sed duas hypostasēs, aut supposita, personam Verbo accommodantes, quia cum sit nomen dignitatis, principalis dignitas erat Verbi diuini Christo communicata, aut è contrario dicentes substantiam, vel hypostasim esse Verbi, personam verò hominis, fortè, quia per accidentalem vnionem docebant Verbum quasi induisse personam hominis; talis inquam, distinctio non nisi ab animo cauillandi, aut supina terminorum ignorantia proficisci potuit. Etsi enim dubitatum olim fuerit inter Latinos de nomine hypostasis, an naturam, vel suppositū significaret, postea tamen constitit significare suppositum, vnde suppositū, seu supposititalitatem, personalitatem, hypostasim, substantiam, vnum & idē esse affirmant Theologi post Concilia, & Patres, eaque solum distingui penes id, quod personalitas dicatur tantum de natura intellectuali, propter dignitatem, qua cæteris eminet substantijs: substantia verò, supposititalitas, seu etiam suppositum, & hypostasis tam dicuntur de alijs substantijs non intellectualibus, quàm intellectualibus; vnde etiam loquentes de hoc mysterio vtuntur passim indifferenter prædictis vocibus, modoque dicunt vnionem hanc factam esse in persona Verbi, modo in eius substantia; modò vnam tantum esse in Christo personam, modo vnam tantum substantiam, quæ Græcè hypostasis dicitur; imo ad definiendam expressius hanc veritatem, Concilia addunt vnionem factam esse, non secundum dignitatem, sed secundum substantiam; Igitur quā ex dictis certum est, vnicam esse in Christo diuinā Verbi personam, tam certo quoque affirmari debet, vnicam esse in illo hy-

postasim, seu suppositum vnicum eiusdem Verbi, quia persona idem est, quod hypostasis, ac suppositum, solumque addit quod sit in natura intellectuali; vnde si in Christo essent duo supposita cum vtrumque esset intellectualis naturæ, duæ quoque personæ essent. Solum est aduertendum nonnullos cum Diuo Bonaventura in 3. distinct. 6. art. 2. q. 1. explicare præfatam sententiam distinguentem in Christo personam ab hypostasi, vel supposito, vt nomine suppositi non intelligant id, in quo substantificatur totum esse rei (vt ipsi loquuntur) sed id quod obijciatur generi, vel speciei, vt hoc modo humanitas possit dici suppositum. Verum licet huiusmodi explicatio nihil habeat fidei contrarium, in ea tamen abusus est nominum; nam suppositum formaliter, & propriè substantiam incommunicabilem significat, sique sit in natura intellectuali personalitatem, quæ in Christo proinde distincta non est à personalitate Verbi; imò, si propriè de genere, & specie sit sermo, quod in Christo Domino subijciatur illis, est ipsa persona incarnata, non enim humanitas est homo, sed Christus, seu persona Verbi faciens illam subsistere. Tantum de hac controuersia, quam Theologi cum Diuo Thoma tractant 3. par. qu. 2.

De modo vnionis Verbi, art. 2.

Vtrum vnio Verbi Incarnati facta sit in persona.



CAPVT X.

Statuitur aduersus Eutychanos in Oriente, aut alibi adhuc existentes, ita per Incarnationem, seu per unionem persone Verbi diuini cum natura humana, duas naturas fuisse in Christo Domino, diuinam scilicet, & humanam, ut etiam post illam remanserint, & adhuc remaneant in illo integra, inconfusa, & impermixta.

Prima huius veritatis Catholicæ definitio habetur in epistola decretali de Incarnatione, Sancti Leonis Papæ I. ad Flavianum Constantinopolitanum, condemnantis Eutychem, quod assereret post Incarnationem, vnâ ex duabus naturis, diuinâ, & humanâ, factam fuisse, Christumque proinde non in duabus, sed ex duabus naturis subsistere.

Cum autem vnâ ex dictis duabus naturam factam fuisse multipliciter intelligi possit: primo quia natura humana esse desit, per conuersionem in diuinitatem; secundò quia mansit, & simul cum diuinitate ita confusa est, ut omnino mixta fuerit, vel ex vtraque vna tertia natura distincta resultaret; tertio quia diuinitas ipsa conuersa est in humanitatem; non est eadem doctorum sententia, in quo ex his modo, vel sensu suam Eutyches defenderit hæresim. Suarez enim in 3. partem disp. 7. sect. sensit Eutychem vnâ tantum naturam post Incarnationem adinuisse, quatenus humanam conuersam in diuinam existimauit. E contrario Vasquez ibidem disp. 14. cap. 1. negat Eutychem vnâ naturam per conuersionem posuisse, sed vnâ ex duabus constata per compositionem, & mixtionem, neutra tamen consumpta, adeo ut verum esset dicere vtramque mansisse, sed inter se confusas, & mixtas, vti elementa in corpore. Bellarminus tamen lib. 3. de Incarnatione cap. 2. affirmat eum tenuisse, quod diuinitas conuersa in

Bibliot. Theologic. Tom. V.

humanitatem, vel in corpus fuerit, atque adeo concessisse diuinitatem in Christo passam, mortuam, ac sepultam fuisse, quod fieri non posset, nisi diuinitas in carnem transisset: quare etiam, siue senserit carnem in diuinitatem, aut è contra diuinitatem in carnem fuisse conuersam, debuit admittere in Christo corpus duntaxat phantasticum, vel ex alia natura cœlesti, vel aerea cum Manicheis: vti apparet ex Vigilio lib. 1. ex quinque, quos scripsit valde eruditè contra Nestorium, & Eutychem pro defensione epistolæ citatæ Sancti Leonis, & Concilij Chalcedonensis. Vtrū autem Eutyches opinatus sit humanam in Christo naturam prius tempore, vel natura solum existisse ante Incarnationem, minus etiam certè constat; Vasquez enim prioritatem temporis illum posuisse negat; de hac autem locutum fuisse putat Franciscus Macedo schola 11. cap. 4. docuisseque Christum prius tempore fuisse hominem in sua natura constitutum, & deinde eius naturam assumptam fuisse à Verbo, conuersamque in diuinitatem.

Verum quidquid sit de his, quæ ad historiam pertinent, & iuxta quam sententia Suarezii videtur probabilior, nisi malimus dicere Eutychem pro incōstantia hæreticis propria, nunc vno, nunc altero, secundum quod occasio ferebat, modo, suam hæresim defendisse, præfatisque diuersis sententijs locū dedisse; nos in præsentī contra illam, & eius adhuc sequaces asserimus in Christo Domino post Incarnationem duas permanisse naturas integras, & inconfusas, diuinam videlicet, & humanam, non autem vnâ solum, quocunque ex dictis, aut alio simili modo talis explicetur vnitas.

Quod Concilium Chalcedonense à S. Leone Papa congregatum, eius definitioni inhærens, tum alia omnia superius citata constantissimè deinceps docuerunt; quæ autem pro legitimitate Concilij Ephesini I. contra Nestorianos adduximus, eadem contra Euty-

chianos probant, validum, ac legitimum fuisse Concilium Chalcedonense I. ritèque in illo Eutychetem, Dioscorum, & alios eorum sequaces fuisse condemnatos, & ab Ecclesiâ proscriptos.

Felix Papa III. Petrum Gnaphæum Episcopum Antiochenum deposuit, quod addiderit, vt in Trisagio poneretur crux, videlicet Sanctus Dens, Sanctus fortis, Sanctus immortalis, qui crucifixus es pro nobis, non alia certe ratione nisi quia diuinam naturam crederet incarnatam, aut eam vnâ secundum Eutychetem cum humana factam quamuis alij Nestorianum illum faciant, ex Damasceno lib. 3. cap. 10. vbi ait eum addidisse quartam Trinitati personam, scilicet Christi hominis, & ideo addidisse in Trisagio dictas particulas, vt hunc dinideret ab omnibus tribus personis.

Præcipua autem scripturæ loca, quibus veritas Catholica reuelata habetur, quæque definitioni Ecclesiæ locum præbuerunt, sunt illa omnia, & his similia, superiori capite adducta, quibus Christus post Incarnationem simul vocatur verus Deus, verusque homo, & hominis filius, tribuunturque illi omnia vtriusque naturæ propria, inde enim manifeste sequitur, post Incarnationem remansisse, & adhuc remanere in Christo, illas integras, inconfusas, & impermixtas, tali efformato argumento. Quicumque est verus, & perfectus Deus, & simul etiam verus, perfectusque homo, in eo verè, & propriè loquendo duæ sunt naturæ, scilicet diuina, & humana, quia forma denominans Deum est Deitas, forma autem denominans hominem est humanitas: Sed ex sacris litteris Christus post Incarnationem passim vocatur verus, & perfectus Deus, verus, & perfectus homo. Igitur in Christo post Incarnationem verè, & propriè loquendo remanere, & ad huc remanent præfatæ duæ naturæ integræ, inconfusæ, & impermixtæ.

Neque obstat huic veritati, quod obijciunt aduersarij Sanctum Ioannem cap. 2. eodem modo expressisse mysterium Incarnationis istis verbis, *Et verbum caro factum est*, quo cap. 2. explicuit conuersionem aquæ in vinum ita dicendo, *vt autem gustauit Architrictinus aquam vinum factam*; atque adeo, quod sicut hæc aqua verè & propriè fuit à Christo Domino conuersa in vinum, ita quoque natura humana in Verbum, hæc inquam, obiectio nihil concludit. Nam termini *facere*, & *fieri*, quando etiam dicuntur de aliqua substantia, non semper important conuersionem substantialem vt Patet Genes. 2. *Factus est Adam in animam viuentem*, & ex illo Christi Domini ad Paralyticum. *Ecce sanus factus es*; sed tales loquendi modi sunt intelligendi, accommodatè ex antecedentibus, & consequentibus ad res; ideoque cum personam existentem fieri aliquid, non sit illam conuerti in id, quod dicitur fieri, sed ad veritatem huius locutionis sufficiat, nouam aliquam formam illi vniri, quæ hanc personam denominet formaliter talem, vt constat exemplis statim allatis, dumque aliquis dicitur factus Rex, aut princeps: inde fit, vt quia Verbum diuinum est immutabile, simulque assumpta per Incarnationem natura humana vocetur verus Deus, & verus homo, dicatur ab Euangelista hoc tantum sensu *caro factum*, seu *homo*, quod naturam humanam sibi adiunxerit in vnionem hypostasis, quemadmodum etiam significatur verbis istis sequentibus, & *habitu in nobis*, id est fuit in carne eiusdem speciei cum nostra, iuxta interpretationem SS. Hilarij lib. 12. de Trinitate, & Ambrosij lib. de Sacramento Dominicæ Incarnationis cap. 6. At locus, vbi aqua dicitur vinû facta, & res, de qua in illo agitur, petunt intelligi de vera, & reali conuersione aquæ in vinum verè, & propriè dictum, cuius sunt ad inuicem capaces substantiæ creatæ, quia agebatur de conuiuio, & de succurrendo necessitati conuiuantium,

tium, qui carebant vino, vt intelligitur ex illo verbo Beatissimæ Virginis ad Christum, *vinum non habens*; talisque aqua vinum ibi facta nusquam dicitur simul aquam, & vinū fuisse, aut vtriusque proprietates habuisse, vt in scripturis vbique asseritur de Verbo diuino carne, & homine factō vtramque naturam, & earum proprietates habuisse post vnionem eius cum natura humana. Quare Diuus Gregorius rectè ait lib. 9. epist. 62. *Verbum carnem dicimus factum, non immutando quod erat, sed suscipiendo quod nō erat, nostra auxit, sua non minuit.*

Eodem modo debet intelligi locus ad Philippenfes cap. 2. vbi Christus dicitur *in similitudinem hominum factus, & habitu inuentus vt homo*; quæ enim verba præmittuntur *formam serui accipiens*, clarè indicant Verbum Incarnatum similit̃ hominibus factum esse ratione humanitatis assumptæ. Vel etiā, vt superiori capite diximus, tali modo loquendi voluit significare Apostolus, Christum nedum hominem fuisse naturā, sed etiam accidentibus homini similem; quemadmodum ait 2. Corinth. 5. quod Deus, *eum, qui non nouerat peccatum, pro nobis peccatum fecit*, & ad Galat. 3. dicitur, *factus pro nobis maledictum*, non quia Verbum conuersum sit in peccatum, seu maledictum, sed quia carnem assumpsit, in similitudinē carnis peccati, in qua se hostiam offerre posset pro peccato.

Similiter 1. Corinth. 15. dicitur Christus *Secundus homo de Cælo, Cælestis* non quia, vt explicant aduersarij, humana eius natura fuerit in diuinam, conuersa, sed vocatur *homo de Cælo*, ratione suæ diuinæ generationis, qua vt subsistens in natura diuina est à Patre, *Cælestis* vero, propter dotes corporis gloriosi, quas post suam resurrectionem habuit; ibi enim Apostolum fuisse locutum de conditione corporum gloriosorum post vniuersalem hominum resurrectionem, & de Christo secundum statum quem habuit post suam resur-

rectionem clarè patet ex textu.

Diuinæ scripturæ ita intellectæ accedit etiam Traditio, qua omnes veteres Patres, vt irrefragabiles eius testes, superiori capite adducti, constantissimè docuerunt tanquam certum fidei dogma, Christum Iesum vna constare Verbi diuini persona, duabus naturis, diuina & humana, inter se coniunctis, non confusis, salua cuiusque naturæ proprietate. Nec refert, quod nonnulli interdum loquentes de hoc mysterio vtantur nomine *mixtionis, mixturæ*, aut similibus, illo enim tam ex antecessantibus, quam ex consequentibus, se satis explicant, scilicet nihil aliud intendere, quàm in hoc mysterio duas naturas vnitas esse in eadem persona. Verbi, contra Nestorium, vt expressè notauit S. Augustinus epist. 3. vbi postquam appellauit hoc mysterium *mixturam*, ait se ita illud nominare, vt tamen in ea nolit admittere commixtionem naturarum, sed velit vnāquamque naturam seruare suam integritatem.

Iustinus quoque Martyr, vbi apologia 2. pro Christianis, videtur dicere, ita Verbum carnem esse factum, sicut in Eucharistia panis sit corpus Christi, *Quemadmodum, inquit, per Verbum Dei caro factus Iesus Christus seruator noster, carnem, & sanguinem pro salute nostra habuit, sic etiam per verbum precationis, & gratiarum actionis Sacramen ab ipso alimoniam, qua mutata nutrit nostras carnes, & sanguinem, illius incarnati Iesu carnem, & sanguinem esse didicimus*; talis comparatio in hoc solum consistit, quod sicut Verbum Incarnatum veram carnem, & sanguinem habuit; ita sub speciebus panis, & vini per consecrationem, seu verba consecratoria est vera caro, verusque sanguis Iesu Christi, non autem in modo vnionis, seu mutationis posita est, vt ipsa Iustini verba clarè significant, quæque habet in expositione fidei de recta confessione, si sit eius liber, vt dignus eo videtur, vbi expressè ait: *Filius cum vnus sit, & dua*

naturæ, altera divina edit miracula, altera humilia excipit.

Tandem quod de Cyrillo Alexandrino possit obijci, epistola ad successum ita locutum fuisse, *Non oportet intelligere duas naturas, sed unam naturam Verbi Dei Incarnatam*, vt retulit Eustachius Beriti Episcopus in Concilio Chalcedonenſi act. 2. circa finem; proptereaque Dioscorum, cum à Catholicis Episcopis recederet, dixisse in vltimis verbis illius actionis se sequi Sanctos Patres Cyrillum, Athanasium, & Gregorium, qui semper vnā naturam Verbi incarnatam, & non duas post adunationem docuerant; Respondetur in dicta propositione vnū esse certum aliud vero dubium, quod certum, Cyrillum per illam haud negasse duas in Christo naturas in sensu controuerso, cum enim passim in suis operibus illas admittat sine confusione, vt videre est lib. de Incarnatione Vnigeniti cap. 12. epist. 1. ad Successum, & epistola 28. ad Ioannem Antiochenum, quæ in dicta act. 1. Concil. Chalcedonen. recitatur, indicetque in ista Cyrillus quosdam hoc sibi imposuisse, quos infanire dicit, nemo non videt vel mediocriter prudens, si quando duas videtur negare in Christo naturas, id non absolute, sed cum adiectione intelligendum esse, nimirum, ita vt sint personaliter distinctæ, siue ita, vt *constituant alium, & alium hominem, & Deum*, vt ipsemet loquitur epistola 2. ad Successum, & eodem sensu lib. 1. de fide ad Reginas circa principium, negat duas alteras, quæ adoratur, & alteram quæ non adoratur, ob distinctas, quas illis Nestorius tribuebat personas, semper enim contra illum in huiusmodi locis agit.

Quod dubium, est, quomodo altera præfatæ propositionis pars affirmans, qua asserit, *vnā naturam Verbi Dei Incarnatam*, sit intelligenda. Primo enim aliqui exponunt, naturam ibi pro subsistentia sumptam esse; citanturque pro tali expositione ipsamet Cyrilli verba epist. 1. ad Successum, & libro ad Euop-

tium in defensione secundi anathematis, cum enim Theodoretus primum, Nestorij, partibus fauens ipsum reprehenderet, quod vnionem secundum subsistentiam ponendo videretur significare mixturam diuinitatis, & carnis factam esse, respōdit Cyrillus per vnionem secundum subsistentiam, nihil aliud se significare voluisse, quam *Verbi naturam*, hoc est subsistentiam, quæ est ipsum Verbum, verè humanæ naturæ vnitam esse citra vllam conuersionem, & confusionem? Quare Damascenus lib. 3. cap. 6. cum ex sententia Cyrilli, & Athanasij, Verbi naturam incarnatam esse dixisset, subdit, *Cum Verbi naturam dicimus, Verbum ipsum significamus*. Idem tamen Damascenus cap. 11. eiusdem libri hanc expositionē rejicit ex verbis eiusdem Cyrilli epistola 2. ad Successum, sed non videntur ita clara, vt dictæ expositioni contraria dici possint. Altera eiusdem locutionis explicatio est, quod Verbi natura essentialis sit vna, illam vero post vnionem esse incarnatam, id est, carni vnitam, quod alias ipse dicit, esse vnā tanquam Incarnati Verbi, nam quia, illa vna natura identificatur cum Verbo non potuit Verbum vniri carni, quin etiam natura illa manserit, eidem carni vnita; & in hunc modum exposuit illam locutionem quinta Synodus colat. 8. can. 8. vbi per eam vocem, vnā naturam incarnatam, vnionem naturarum secundum subsistentiam significatam esse dicit; Concilium quoque Lateranense sub Martino I. idem asserit Can. 5. Si quis, inquit, non confiteatur propriè, & vere vnā naturam Dei Verbi incarnatam, ex hoc quod incarnata dicitur nostra substantia perfectè in ipso Christo Deo, & indiminutè absque tantummodo peccato significata, sit condemnatus. Verum quicquid sit de huiusmodi sensibus, alias Orthodoxis, vtrum quæderent menti Cyrilli, aut aliquis alius, certum est eum, vt dicebam, semper admississe in Christo dualitatem trinarum citra vllam conuersionem, aut

contu-

confusionem in vnitare Verbi subsistentium.

Vltimò probatur nostra conclusio rationibus, & si enim nulla supererat ratio naturalis, qua possit ostendi duas esse in Christo naturas, diuinam, & humanam, nihilominus supposita semel fide huius mysterij, siue quod Verbum diuinum in plenitudine temporis assumpserit naturam humanam Christi, quod non negant aduersarij, rectè probari potest præfatas naturas non potuisse fieri vnā, vllò ex allatis ab illis modo, proindeque terminum huius vnionis non fuisse aliquam substantialem naturam ex humanitate, & diuinitate constitutam, aut factam vnā.

Quare sic arguo, non potuit illa natura resultare ex duabus, fierique vnā, nisi, vel per confusionem, mixtionem, & transmutationem duarum naturarum in vnā tertiam, sicut accidit in productione mixti ex simplicibus substantialiter transmutatis; vel per conuersionem humanitatis in diuinitatē, aut è contra diuinitatis in humanitatem; vel denique, non per transmutationem alicuius naturæ in aliam, sed per compositionem, qua vnā natura ex duabus resultat, veraque in suo esse integra manente, solumque in vnione mutatione facta, ad eum modum, quo ex anima, & corpore vnā natura con surgere dicitur: Sed duæ naturæ in Christo, ex quibus Eutyches, eiusque sequaces falsi sunt Christum subsistere, non tamen in illis, nullo ex præfatis modis potuerunt fieri vnā natura; Igitur nedum ex duabus, sed in duabus post Incarnationem subsistit naturis, diuina scilicet, & humana, integris, inconfusis, & impermixtis. Maior huius argumenti cum sit certa ab enumeratione partium, probatur Minor.

Primò, argumento communi tribus primis modis, desumpto ex immutabilitate Dei, Malachiæ 3. *Ego Dominus, & non mutor.* 1. Timoth. 6. *Qui solus habet immortalitatem.* S. Iacobi 1.

Apud quem non est transmutatio, nec vicissitudinis eburnatio; Sed in omni vera mixtione, & conuersione requiritur, vt termini, qui miscentur, & conuertuntur, recipiant in seipsis aliquam mutationem suæ mixtioni, & conuersioni proportionatam, ita vt *terminus à quo*, secundum aliquam rationem designat, & *terminus ad quem* recipiat similiter aliquam mutationem, ratione cuius in seipso habeat intrinsecè aliquam nouam dependentiam, & nouum quendam modum existendi, vt patet, facta inductione per omnes conuersiones; Igitur, cum inter extrema, siue inter naturas, ex quibus post vnionem, deberet in Christo, aliquo ex præfatis modis, vnā fieri, vel constitui naturā, secundum aduersarios, reperiatur natura diuina, ex citatis Scripturæ locis, & similibus absolutè, & simpliciter immutabilis, imò & incapax etiā obumbrationis, mutabilitatis, & minimæ cuiusque vicissitudinis, manifestè sequitur eam nullo ex dictis modo fieri potuisse vnā in Christo.

Secundò probatur eadem minor, quo ad primum vnitatis modum specialiter, quia ex omnibus Philosophis post Aristotelem lib. 1. de generat. cap. 10. mixtio reperitur solum inter eas res corporeas, quæ mutuo agunt, & patiuntur, quæque habent communē materiam, cuiusmodi diuinitatem, & humanitatem non esse, satis constat etiā solo lumine naturæ. Insuper illa natura, quæ ex mixtione duarum præexistentium vnā fieret, non esset amplius nec diuina, nec humana, sed tertia ab vtraque diuersa; quod sanè est ineptum, & impossibile, non solum quia ex Scriptura Christus Dominus est verus Deus, & verus homo, ac proinde verè post vtriusque naturæ vnionem, vtraque præditus esse debet natura, verum etiam, quia repugnat diuinitati degenerare in aliam naturam, suamque amittere substantiam, vt abeat in aliam tertiam.

Tertiò probatur eadem prima minor

nor huius argumenti, quo ad secundum modum vnitatis per conuersionem humanitatis in diuinitatem, præter quam enim est impossibilis, cum adhuc per illam Christus desisset esse homo, non possent de facto illi attribui omnia, prout in Scriptura tribuuntur, quæ competunt illi ratione naturæ humanæ, sed sola diuinitas deberet dici passa, mortua, & sepulta; nec minus etiam Pater, & Spiritus Sanctus fuissent incarnati, quam Verbum, quia illa vnio, in qua secundum aduersarios consisteret hoc mysterium, immediatè facta esset in natura diuina communi omnibus tribus personis.

Quartò probatur dicta minor, quo ad tertium vnitatis modum per conuersionem diuinitatis in humanitatem, non solum quia est impossibilis, sed etiam quia Christus sic desisset, & non desisset esse Deus; desisset quidem sola remanente, vt supponitur, natura humana, in quam diuina esset conuersa; non desisset autem, quia remaneret semper persona Verbi, à qua diuina natura est inseparabilis, atque adeo à Christo, quamdiu eius natura terminatur à diuino Verbo, nisi dicant aduersarij tres diuinas personas habere, tres etiam naturas realiter distinctas, quarum illa Verbi in humanitatem conuersa, desineret tam ipsum, quam Christus, cuius terminaret naturam, esse Deus, quæ omnia quam sunt absurda, & contra omnem diuinarum Scripturarum autoritatem, tam Eutychemis errorem abominabilem reddere debent, quocumque se vertat.

Quintò tandem probatur quoad quartum vnitatis modum per compositionem; etsi enim sit omnibus alijs plausibilior (est tamen absolutè falsus, & impossibilis; nec alia datur compositio diuinitatis in Christo cum humanitate, quam mediata, non autem immediata, ita vt fiat ex illis vna integra natura per compositionem, tanquam ex materia, & forma. Nec refert quod interdum Patres mysterium Incarna-

tionis, siue vnionem per illam factam comparent eum coniunctione animæ, & corporis; in tali enim exemplo, & alijs similibus, quibus tam hoc, quam alia fidei mysteria explicantur, non requiritur, nec querenda est exacta, in omnibus similitudo, nulla siquidem reperiri potest, alias mysterium hoc, & alia non essent singularia, vt rectè scribit Augustinus epistola 3. ad Volusianum; imo Diuus Hilarius lib. 10. de Trinitate ait, exempla quæ ad hoc mysterium declarandum afferri solent, in pluribus esse dissimilia, quam similia. In exemplo igitur adducto tenet similitudo potissimum in hoc, quod sicut corpus, & anima quamuis diuersæ naturæ sint, in vna persona conueniunt, & per illam incommunicabiliter subsistunt; ita diuina, & humana natura, quamuis distinctæ sint, in vna Christi persona copulantur; est autem in hoc differentia, quod cum illæ sint naturæ imperfectæ, & essentielles partes, non tantum vnā personam, sed etiam vnā naturam immediatè componunt, natura autem diuina, & humana, quia sunt integræ, & perfectæ, ideo non possunt ad componendam vnā tertiam naturam immediatè coniungi, sed solum mediate ad constituendum Christum, Christi enim nomen significat duas naturas, diuinam, & humanam integras, inconfusas, impermixtas vnica diuini personalitate Verbi subsistentes.

Illam autem mediatam vnionem duarum naturarum diuinæ & humanæ in vna, & eadem personalitate Verbi diuini esse veram quandam compositionem, habetur ex secunda Agathonis Papæ epistola recepta in 6. Synodo Generali a. 4. vbi loquens de duabus naturis in Christo Domino existentibus, ita circa medium ait; *Ex quibus inconfuse, inseparabiliter, & incommunicabiliter est compositus; quem loquendi modum prius adhuc usurpauerat quinta Synodus Generalis collat. 8. canone. 7. vbi sermone habito de duabus*

duabus naturis existentibus in Christo Domino, dicitur esse *compositus ex illis*; illum etiam ex Patribus habent Sanctus Gregorius homilia 38. in Evangelia, & Sanctus Ioannes Damascenus lib. 3. de fide Orthodoxa cap. 4. alique plures. Cuius ratio est, quoniam ubi duo realiter distincta coniunguntur in aliquo ad constituendum vnum, manentque in illo vno, ibi illud vnum est compositum ex illis; sed in Christo Domino duę naturę, diuina & humana realiter à se inuicē distinctę coniunguntur in personalitate Verbi diuini, & vnum tantum constituunt Christum, Deum hominem, quemadmodum patet ex dictis: Igitur in Christo Domino est vera compositio ex duabus naturis, diuina, & humana, in ipsa personalitate Verbi diuini.

Verum est tamen, quod si hæc posterior compositio conferatur cum priori personę diuinę cum humana natura, illa est tantum minus principalis, & quasi resultans, ista autem magis principalis, vt pote immediata ad instar compositionis creatę personalitatis cum sua natura. Quapropter de hac Concilia & Patres expressius loquuntur, eamque vocant *personālē, hypostaticam*, alijsque id genus nominibus; & ideo etiam, vt posterior hæc compositio non includatur in priori, nomen hoc persona, dum est sermo de illa, non debet sumi in concreto, id est, pro toto illo, quod constituitur ex natura diuina, & personalitate Verbi, sed in abstracto: quia alias hæc posterior compositio includeretur in priori, sicut natura diuina includitur in persona diuina considerata in concreto.

Quatenus autem Eutyches credidisset, in aliqua præsertim temporis prioritate, naturam humanam antequam vniretur Verbo subsistentem fuisse, vt ex illa, & natura diuina fieret Christus, tumque natura humana assumpta conuerteretur in diuinitatem, aut vice versa, vt vnica duntaxat in Christo remaneret natura secundum ipsum, ac

Bibliot. Theol. Tom. V.

proinde non in duabus, sed in vna tantum subsisteret natura, vt re vera, cum docuisse testatur Sanctus Leo Papa tam in suo rescripto contra hæresim Eutychetis, quam in epistola ad Iulianum Episcopum Coensem; impugnatur quoque falsitas talis dogmatis, quicquid enim sit de possibili, id nos asserimus repugnare his, quę Deus in hoc Incarnationis mysterio de facto statuit, & per diuinas Scripturas hominibus reuelauit; si quidem dum recentent temporalem generationem Christi Domini, & primam omnium eius conceptionem, dicunt illum esse conceptum de Spiritu Sancto ex Beatissima Virgine: quod esset falsum, si hæc opinio Eutychetis esset vera, vnde consequenter in sua confessione fidei tam in Concilio Constantinopolitano, cui Flavianus præerat, quam Ephesino II. Prædatorio dicto facta, hanc partem Symboli reticuit. Insuper ex ipsę Scripturis, nominatim ex cap. 1. Ioannis, vbi Christus ille, *qui habitauit in nobis*, dicitur esse verbum ipsum Incarnatum, constat, Christum aliud non esse, nisi verum illum Deum, & hominem, qui formaliter, vt Deus, & homo est, extitit per Incarnationem diuini Verbi, quę ante vnionem naturę diuinę, & humanę ne intelligi quidem potest. Igitur cum Scriptura aperte pugnat, quod ait Eutyches, vt refert Flavianus epist. 2. ad Sanctum Leonē, in Christo Domino ante vnionem, fuisse duas illas naturas prius tempore subsistentes. Quomodo enim in Christo fuerunt ante vnionem, si ante vnionem non fuit formaliter Christus, qui vt talis, vt diximus, aliud non est, nisi verus ille Deus, & homo, qui formaliter, vt homo, & Deus est, extitit per Incarnationem Verbi diuini, atque adeo necessario per vnionem naturę diuinę, & humanę. Qua de causā Sanctus Leo rescripto superius citato, siue epistola 10. ad Flavianum capite ultimo, cum hæc verba Eutychetis retulisset, *Confiteor ex duabus naturis fuisse*

O o o o

Domini

Dominum nostrum ante adunationem, post adunationem verò unam naturam confiteor, rectè concludit, Miror tam absurdum, tamque peruersum eius professionem &c. cum tam impiè duarum naturarum ante Incarnationem Vnigenitus Dei Filius fuisse dicatur, quàm nefariè postquam Verbum caro factum est, natura in eo singularis asseritur.

Tandem quatenus idem hereticus voluisset, vnā Christo post adunationem fuisse naturam, per conuersionem totius naturæ humanæ, hoc est tantæ animæ, quam corporis in diuinitatem, & consequenter tenuisset cum Manichæis, & alijs antiquioribus hæreticis, verum & humanum in Christo corpus non fuisse, sed phantasticum, aut cæleste, tale dogma non minus, quam alia diuinis repugnant Scripturis; quæ vbique loquuntur de Christo Domino tanquam de vero homine, sed quis verus homo esse non potest, nisi sit vero corpore, & anima rationali tanquam forma illi vnita præditus; igitur Christus non habuit corpus phantasticum, sed verum, ac naturale, eiusdem speciei cum cæteris hominibus, carne, ossibus, & quatuor humoribus constans, cæterisque proprietatibus, quæ humanum corpus necessario comitantur. Quod & adhuc demonstrant illa Scripturæ loca, quibus Isaïe 53. dicitur: *Languores ipse tulit, & dolores nostros ipse portauit*; 1. Petri cap. 2. *Pro nobis passus est nobis relinquens exemplum*, pluraque alia similia, quibus nostris corporeis infirmitatibus, ac miserijs, exceptis illis à peccato prouenientibus, dicitur Christum obnoxium fuisse. Vnde hæc veritas definita fuit in omnibus Concilijs superiori capite citatis, illamque docuerunt vnanimiter Patres ibidem adducti, inter quos potissimum consulendus est Tertullianus lib. de Carne Christi, & Augustinus in libris, quos multos, & illustres scripsit contra Manichæos; Vtrum autem Hilarius oppositum senserit, affirmat Val-

ques 3. parte disput. 59. cap. 1. alii autem illum excusant cum Diuo Thoma 3. par. q. 15. art. 1. ad 1. siue quod nunquam ita sensit, siue quod retractauit sententiam, teste Dionysio Carthusiano in 3. sentent. distinct. 11.

Quod obiciunt primo aduersarij, & in quo maximè nitebatur, vt dicunt, Eutyches, si in Christo duæ sunt naturæ, duas quoque debere esse personas, nullius est momenti, cum alia sit ratio naturæ, alia personæ. Vnde sicut in diuinis, vbi natura, & persona re non distinguuntur, ob solam tamen virtuale inter illa distinctionem, credimus esse personas tres, cum vna numero naturæ; ita possunt vice versa esse in Christo duæ naturæ, cum sola persona Verbi, quæ ob suam infinitatem potest facere subsistere naturam humanam, præstando illi perfectiori modo, quicquid propria personalitas illi tribuere valeret.

Secundo obiciunt, Pater, Filius, & Spiritus dicuntur vnus tantum Deus, propter vnitatem essentiae licet sint tres personæ realiter distinctæ: Ergo à contrario, si duæ naturæ integræ ponantur in Christo duo erunt Christi. Respondetur hæc nomina, homo, Christus, esse substantiua, quorum hæc est conditio, vt ad sui multiplicationem requirant pluralitatem suppositorum, & naturarum, seu formarum quas significant, vt docent Philosophi, & Theologi. Vnde quia in tribus personis diuinis, vnica est numero diuinitas, licet possimus dicere tres esse habentes eam, vnum tamen solum dicimus esse Deum: ita quia licet in Christo duæ sint naturæ integræ, impermixtæ, & inconfusæ, illæ tamen sunt in eodē simplicissimo supposito Verbi diuini, rectè dicitur Christum esse tantummodo vnum & non duo. De præsentī hæcenus controuersia aduersus Eutychanos, quibus persuasa semel dualitate naturarum in Christo, difficile non erit suadere etiam in eodem duas esse voluntates, duasque operationes, cum

Sectio X. Caput XI. & XII. 659

cum Monothelitæ hæretici è Scholæ Eutychiana prodierint, multique eorum illas negauerint ea ratione solum quod duas in Christo naturas non agnouerint, De hac materia agunt, Theologi cum Diuo Thoma 3. parte quæst. 2.

CAPVT XI.

Aduersus Armenos, quod Sancta noua legis Sacramenta, nedum significatiua, sed insuper causatiua sint diuine gratiæ.

QUam nonnulli Armeni, Orientalesque hæretici Sacramentis nouæ legis negant causalitatem diuinæ gratiæ, quia est error communis omnibus ferme hæreticis Occiduarum partium, ideo sequenti sectione illius refutationem differimus.

CAPVT XII.

Statuitur contra Armenos, & Abyssinos necessitas Baptismi in ratione medij omnibus hominibus cuiuscunque ætatis, & conditionis.

ET si septenarium Sacramentorum nouæ legis numerum, vna cum Ecclesia Romana Catholica, non solum Armeniorum Ecclesia semper a principio sit confessâ, verum etiam ipsi eorum Speudomagistri, ex quibus Vartanus in monitis ad Armen. cap. 1. ita scribit: *Paulus Apostolus discipulum suum Dionysium de septem Ecclesiæ Sacramentis erudit.* Et rursus cap. 6. *Septem Ecclesiæ Sacramenta iugiter exercemus. Christianismus enim in septem Ecclesiæ Sacramentis nitiur.* Quæ cum Vartanus scripserit, vt Armeni, & eius scripta testantur, duo ferè ante sæcula, quam celebraretur Concilium Florentinum, facile conuincitur mendacii

Kemnitius Lutheri sectator, quando in 2. part. Examinis Concil. Trident. cap. de numero Sacramentorum ait, *Septenarium numerum Sacramentorum à Florentina Synodo Armenis obtrusum fuisse; cum cum per mille, & eo amplius annos ignorassent.*

Et si, inquam, à principio Armenii septenarium numerum, imo & singulorum usum habuerint, non defuerunt tamen falsi inter eos Magistri, qui in eorum substantiis corrupendis studiosissimi fuerunt, quam ob causam debuit, ac voluit Florentina Synodus hac de re plenius, minutiusque illos instruere, ne falsis eorum Magistrorum doctrinis deciperentur; ex his vnus fuit prædictus Vartanus, tùm Ioannes Episcopus Arm. & Gregorius Dattieuensis, qui primùm circa Sacramentum Baptismi plures habuerunt errores; primò, quod siue in re, siue in voto non sit necessarius necessitate mediij ad salutem; vnde si infantes, in mortis periculo constituti, nequeant solemniter baptizari, eos mori sinunt sine baptismo, ita Ioannes Episc. Arm. apud Armacanum lib. 8. cap. 34. 36. & 37. Secundo circa materiam, quatenus Vartanus loco citato docet, confirmationem, seu Chrismatis vngtionem adeo esse necessariam ad verum Baptisma perficiendum; vt nisi baptizandus ipso Chrismate vngatur, non baptizatus censi debeat. Terrio circa formam, in quantum idem Vartanus cap. 2. & Gregorius Dattieuensis in lib. interrogat. tract. 34. excludentes formam Latinam: *Ego te baptizo* &c. docent ad Baptismi valorem requiri illam: *Baptizetur N. seruus Christi* &c. licereque in baptismo trinæ immersionis ter repetere totam baptismi formam, vt habetur in eorum rituali. Quarto circa Ministrum Baptismi, ad quem ita necessarium esse Sacerdotem asserit præfatus Gregorius, vt etiam in casu necessitatis, seu periculo mortis, absente Sacerdote, nemini alteri liceat baptizare. Quare mos est apud Arme-

nos, ut infantes in mortis periculo constituti, si absit Sacerdos, mori permittantur sine baptismo: quod sepiissime accidit præsertim in partu mulierum; primum ex his erroribus impugnavimus in præsentī capite, cæteros deinceps.

Igitur pro intelligentia difficultatis, & controuersię, notandum est primò, rem paulo altius petendo, necdū adultos, de quibus nulla apud hæreticos mouetur difficultas, esse capaces Sacramenti baptismi, verum etiam omnes infantes tam Christianorum, quàm quorumcumque infidelium, ut sectione sequenti, contra Anabaptistas, Deo dante probabimus. Quia enim capacitas alicuius rei, vel formę recipiendę præsupponitur necessitati eius in subiecto, propterea etiam prius supponendum fuit omnes homines cuiuscunque sint ætatis, & conditionis esse capaces Sacramenti Baptismi, de quo etiam non dubitant, quod sciam aduersarij, cum quibus rem habemus, quam explicare, quibus ille sit necessarius.

Secundò observandum est duplicem distingui necessitatem: vnam præcepti, quando nimirum aliquid est faciendū, vel habendum, non quod finis nequeat obtineri sine illo; sed quia præcipitur fieri, & cōtempus præcepti parit peccatum. Alteram mediij, quando scilicet finis non potest comparari sine illo, inter quas necessitates hoc est discrimen, quod posterior nullam recipiat excusationem, secus autem prior, ut quando præceptum ignoratur inuincibiliter, vel adimpleri non potest propter aliquam legitimam causam.

Tertiò observandum est, triplicem distingui solere Baptismum; fluminis, fluminis, & sanguinis. E quibus tamen, solus Baptismus fluminis, est verum Sacramentum: & consequenter iuxta Apostolum Ephes. 4. & Symbolum Ecclesię, est vnum baptisma; reliqua enim duo dicuntur metaphorice solum talia: quia in necessitate supplēt

defectum Sacramenti Baptismi: eo quod ad positionem illorum Deus cōfert gratiam non baptizatis. Vndè Baptismus fluminis est non baptizati, cōtriti, desiderium Sacramenti Baptismi, conceptum ex inspiratione fluminis sacri, siue Spiritus Sancti; Baptismus autem sanguinis est martyrium non baptizati, siue est martyrium, præcedēs Baptismi Sacramentum; Ad quod in paruulis, & adultis à natiuitate amen- tibus, non est aliud requisitum, quàm ut illis mors inferatur, in odium Christi, Christianę Religionis, in ratione vero utentibus, quatuor sunt necessaria: primò, mortis irrogatio, odio Christi; fidei, alteriusque virtutis perfectę. Secundò acceptatio mortis, ob dictas causas. Tertiò, non resistētia, nisi fieret ad tuendam rempublicam Christianam, contra infideles. Quartò fides, charitas, & status gratię: saltem ante consummatum morte martyrium.

Quartò aduertendum est, cum Baptismus aquę in adultis possit suppleri voto eius, seu actu charitatis, vel martyrio realiter, etiam in paruulis, quæritur, vel difficultatem esse posse, an infantibus non patientibus pro Christo, quibus aquę Baptismus ex aliqua occasione non potest conferri; possit per aliquod remedium suppleri, cuius applicatione morientes consequantur à Deo remissionem peccati originalis, & vitam æternam. Cumque insuper omnes infantes possint reduci ad duas classes, primam infantium Gentilium, vel etiam Iudæorum, ad quos nōdum peruenit Euangelij promulgato, vel si aliquando peruenit, ita tamen est longa plurium seculorū serie in illis oblitterata, ac si nihil quicquam de illa planè audierint, vel si quid audierint, credibilitas tamen doctrinæ Euangelicę nondum est illis sufficienter probata, vel proposita. Alteram infantium, quorum parentes iam sunt Christiani. Ex hac paruulorum distinctione, dum agitur de necessitate Baptismi pro salute ipsorum, duplex oritur difficultas:

Prima

Prima de infantibus prioris classis, an Baptismus aquæ sit illis ita necessarius ad consequendam vitam æternam, ut circa martyrium aliter saluari non possint, etiam si remedium, quod vigeat tempore legis naturæ, vel Circumcisio, quæ valebat tempore legis Moisaicæ, illis applicetur, vel aliquod aliud. Secunda de infantibus Christianorum, quibus propter aliquod incidens Baptismus fluminis non potest administrari, vtrum possint aliquo alio remedio sibi collato saluari, v. g. voto, & oratione parentum maximè si exterius adhibeatur aliquod signum, quo tale votum videatur applicari paruulis; ut fenserunt Gerson Cancellarius Parisiensis sermone de Natiuitate Beatissimæ Virginis considerat. 2. Gabriel Biel in 4. distinct. 4. quæst. 2. & Caietanus in 3. partem quæst. 68. articulo 2. & 11. inter quos tamen hæc est differentia, quod primi loquuntur de lege solum extraordinaria, non de omnibus, & singulis, sed tantum de aliquibus, & adhuc in confuso, quare præfati aucthores dicunt non posse certò, & infallibiliter affirmari, quod hic, & iste infans, cui, sine vlla parentum negligentia, Baptismus applicari non potest, sic saluetur precibus, & voto parentum; qui adhuc maxima pietate, & deuotione debent esse insignes, ut id consequantur; Caietanus autem videtur etiam loqui de lege communi, & ordinaria.

Quare notandum est quintò necessitatem Baptismi respectu infantium posse concipi tribus modis. Primus est de absoluta, & extraordinaria Dei potentia, quasi Deus illos non possit aliter saluare, & de hoc nulla est difficultas, omnes enim admittere debent Deum posse quociescumque, & quomocumque voluerit, eos alio remedio, vel etià ex mero misericordiæ suæ actu saluare. Secundus modus est loquendo de lege communi, & ordinaria, ita ut omnes illi Gentilium, vel Iudæorum filii, quibus Baptismus aquæ non confertur, si

aliquod aliud remedium, exempli causa, Circumcisio, vel illud, quod fuit remedium legis naturæ, applicetur, vel sacrificium aliquod in finem delendi in illis peccatum originale Deo offeratur: nihilominus sic morientes puniantur æterna pœna damni; Vel si sint Christianorum filii, & pereant sine aliqua parentum culpa, ita ut Baptismus aquæ non potuerit ante mortem illis administrari, tunc possint de lege Dei ordinaria saluari aliquo modo, v. g. oratione, fide, vel voto parentum, sicut adulti possunt de communi lege saluari per votum Baptismi, quando non datur eis occasio suscipiendi realiter Baptismus aquæ. Tercius modus est, non quidem de lege communi, & ordinaria, sed tantum de speciali, vtrum ex aliquo singulari priuilegio Dei, infantes Christianorum aliqui interdum saluentur sine Baptismo aquæ realiter suscepto, Deo eius defectum supplente, propter orationes, & vota parentum, per quos non steterit, quin eorum paruuli peruenirent ad Baptismum. His prenotatis sit.

Prima Conclusio: Baptismus aquæ, vbi realiter potest suscipi, est necessarius necessitate mediæ omnibus hominibus, cuiuscumque sint ætatis, & conditionis, nec non etiam abstrahendo à modo, scilicet, quod vbi reipsa accipi non potest, habeatur in voto efficaci ab adultis, vel quod fiat per sanguinem, seu martyrium tam in illis, quam in paruulis, & adultis à natiuitate amentibus. Ista conclusio est de fide, tam contra præfatos Armenorum Speudomagistros, quam plures alios hæreticos, quos refert Iodocus Coccius tom. 2. Thesauri Catholici lib. 5. de Baptismo art. 4. & 6.

Prima huius veritatis definitio habetur in varijs Summorum Pontificum decretalibus epistolis. Melchisedes enim scribens ad Episcopos Hispaniæ ait: *Spiritus Sanctus super aquas Baptismi salutifero descendit ilapsus. In Baptismo regeneramur ad vitam, Regeneratio per se saluat,*

saluat, mox in pace beati sæculi recipiendos. Confirmatio armat, & instruit ad agones mundi huius, et prælia referuandos. Syricius epist. 1. ad Himerium cap. 2. & Innocentius I. epistola 32. ad Concilium Mileuitanum idem docent: Cœlestinus I. in epistola ad Galliarum Episcopos cap. 12. Leo I. epistola 39. ad Leonem Rauennatensem Episcopum cap. 1. de paruulis, qui in captiuitatem deuenerunt, & baptismum non reminiscantur se consecutos, quod sint baptizandi, & epist. 86. ad Nicetam: *A paruulo, inquit, recens nato usque ad decrepitum senem, quamlibet corporis ætatem gerant, sicut nullus prohibendus est à Baptismo: ita nullus est, qui non peccato moriatur in Baptismo. Sed paruuli originali, maiores autem in his omnibus moriuntur peccatis, quacumque malè viuendo addidere ad illud, quod nascendo traxere.* Gelasius epist. 5. De paruulis autem quod asserit Pelagius, sine sacro Baptismate pro solo originali peccato non posse damnari, satis impia, satis prophana propositio est &c. Gregorius Magnus lib. 1. epist. 41. *Nos quod tertio mergimus, triduanæ sepultura Sacramenta signamus, ut dum tertio infans ab aquis educitur, resurrectio triduanæ temporis exprimaturs.* & lib. 3. cap. 9. *Presbyteri baptizatos infantes signare sacro in frontibus Chrismate non presumant:* Item lib. 9. epist. 39. *Si qui sunt, qui dicunt peccata in baptismate specie tenuis dimittis, quid est hac predicatione infidelius, in qua ipsum fidei Sacramentum festinant soluere?* &c. Gregorius III. epistola ad Bonifacium: *Pro paruulis verò, qui à parentibus subraçti sunt, & an baptizati sunt, an non, ignorant, hos ut baptizare debeas secundum Patrum traditionem, si non fuerit qui testificetur, ratio poscit.* Zacharias Papa epistola ad Bonifacium; ac tandem Innocentius III. Decretalium constitutionum lib. 3. titulo 42. *Nunc indistinctè intonat vox Euangelica: Nisi quis renatus fuerit ex aqua, & Spiritu Sancto, non intrabit in Regnum Dei: ab hac genera-*

litate nec sexum, nec ætatem excludens.

Ex Concilij Generalibus Constantinopolitanum I. ait in Symbolo: *Credimus unum baptismam, in remissionem peccatorum.* Lateranense sub Innocentio III. *Sacramentum Baptismi, quod ad inuocationem indiuiduæ Trinitatis, consecratur in aqua, tam paruulis, quam adultis, in forma Ecclesie à quocumque ritè collatum, proficit ad salutem.* Vienneuse in Clementinis cap. 1. idem asserit; Florentinum sub Eugenio IV. in decreto eiusdem; & Tridentinum, sessione 5. in decreto de originali peccato, can. 3. & sequent. nec non sessione 6. cap. 4. & 7. de Baptismo Can. 5. Concilia autem provincialia, vbi hæc eadem fides asruitur, sunt plura, Cartaginense V. Mileuitanum, Africanum, Bracarense II. Matisconense II. Toletanum IV. & XII. VVormatiense, Merense.

Loca verò Scripturæ, quibus hæc Ecclesie fides, ac definitio de necessitate Baptismi omnibus hominibus, cuiuscumque sint ætatis, & conditionis, potissimum innititur, sunt Marci 16. v. 16. *Qui crediderit, & baptizatus fuerit, saluus erit:* Ioannis 3. v. 5. *Amen, amen dico tibi, nisi quis renatus fuerit ex aqua, & Spiritu Sancto, non potest introire in Regnum Dei;* quo maxime loco significari baptismum aquæ, nec non importari eum, abstrahendo à modo, esse necessarium necessitate medij, cum exprimat defectum eius annexam habere; in non renato ex illo priuationem vitæ æternæ, docent Patres inferius citandi præsertim Tertullianus lib. de Baptismo cap. 12. & 13. vbi distinguens necessitatem medij à necessitate præcepti, ait hanc haberi Cap. 28. *S. Math. vbi Christus ad suos Discipulos dixit: Euntes ergo docete omnes gentes, baptizantes eos in nomine Patris, & Filij, & Spiritus Sancti:* illam verò loco citato Sancti Ioannis.

Hoc idem asserit lib. de anima cap. 39. nec non S. Cyprianus epist. 72. & 73. Sanctus Augustinus contra Pelagianos.

gianos. Quod enim Caluinus præfata S. Ioannis verba ita aperta ad metaphoram detorqueat, & per aquam intelligat Spiritum Sanctum, atque adeo ibi mentionem non fieri Sacramenti Baptismi, cuius sola vera aqua sensibilis habens veræ, & naturalis aquæ formam, est valida, & sufficiens materia remota, Hunnius Lutheranus vocat, *glossam diaboli contortam, violentam, coactam, quamque ipse textus refellit euidentissime*; Eiusdem furfuris alia est Danzi, qui licet admittat præfatum Ioannis locum esse intelligendum de Baptismo aquæ, & nomen aquæ ibi sumi pro aqua elementari, negat tamen inde colligi necessitatem Baptismi, quia, inquit, hæc particula *&* debet sumi pro disiunctiua, aut, vel, quasi sensus verborum Christi Domini sit ille, *nisi quis renatus fuerit aqua, vel Spiritu Sancto, non erit saluus*; Omnes siquidem Patres dictam particulam *&* copulatiuè explicant, ita vt aqua, & Spiritus Sanctus requirantur ad regenerationem spiritualem per Baptismum; alias posset aliqua talis regeneratio dari per solam applicationem aquæ elementaris cum exclusione Spiritus Sancti, quod est absurdum. Ratio est, quia vbi duo præcipiuntur, & dicuntur necessaria solummodo sub disiunctione, ibi sufficit cuiuslibet eorum seorsim ab alio obseruatio, ad consequendum id ad quod ordinatur, & præcipitur, nec est necesse simul, & collectiue vtrumque facere: hæc enim est natura & conditio præcepti disiunctiue facti; Igitur si præfati præcepti Christi Domini sensus esset tantum disiunctiuus, quemadmodum iuxta Caluinum, & eius sectatores, spiritualis regeneratio ibi assignata per hunc terminum, *Spiritu Sancto*, sufficeret, seclusa ablutione exteriori etiam in voto, & affectu, sola similiter exterior ablutio, excluso Spiritu Sancto, satis esset pro obtinenda salute æterna.

Neque etiam valet contra hunc S. Ioannis locum, quod eodem modo ex

illo colligenda videtur necessitas Baptismi, quo ex eiusdem verbis cap. 6. *Nisi manducaueritis carnem filij hominis, & biberitis eius sanguinem, non habebitis vitam in vobis*: colligitur necessitas fumenda Eucharistiæ; sed ex his verbis non habetur Sacramentum Eucharistiæ necessarium esse necessitate mediij, ergo nec id habetur ex alijs respectu Sacramenti Baptismi. Respondetur enim negando paritatem, primo quia modus iste loquendi impersonaliter in primo præcepto, *Nisi quis renatus fuerit*, alius est ab illo decreto in secundo ad personas vt habentes vsum rationis, vnde non eadem oritur necessitas ex vtraque, sed prior loquendi modus importat absolutam necessitatem mediij, posterior vero, cum solos adultos rationis capaces respiciat, solam necessitatem præcepti. Vel quod idem est, præceptum de accipienda Eucharistia non fuit à Christo prolatum per modum generalis constitutionis, dicendo, *Nisi quis manducauerit*, sicut ait de Baptismo, *Nisi quis renatus fuerit ex aqua*, sed tantum dixit, *Nisi manducaueritis*, adeoque direxit sic sermonem ad audientes, scilicet ad eos solum, qui essent capaces discretionis, & suscipiendi obligationem talis præcepti; cum hi soli, non autem paruuli, ne vitam amittant, indigeant Eucharistia; sicut etiam cum ait Lucæ 13. *Nisi penitentiam habueritis, omnes similiter peribitis*, non omnes prorsus adultos est allocutus, sed duntaxat peccatores, cum hi soli, ne pereant, indigeant poenitentia.

Altera disparitas desumitur ex diuersa ratione, atque vi vtriusque Sacramenti, scilicet Baptismi, & Eucharistiæ, cur præceptum de Baptismo dici debeat generale respectu omnium, etiam paruulorum, proindeque importare necessitatem mediij, non autem aliud de Eucharistia. Quia nimirum Baptismus est ad regenerationem, sine qua nemo potest habere spiritualem vitam. Non enim aliquis prius viuunt, quam

quam generetur. Et præterea dubium non est cum aduersarijs, quin huius generationis spiritualis paruuli quoque capaces sint, vt in primo notando supposuimus. At Eucharistia non est propriè ad regenerationem, verùm ad nutritionem spiritualement, & consequenter ad restaurationem spiritualis virtutis, quæ per quotidiana peccata actualia, perditur. Vnde nonnisi adultos, qui peccare actualiter possunt, atque adeò aliquid de spiritualibus viribus amittere, quod restauratione indigeat, in illa sententia Ioann. 6. de necessitate Eucharistiæ ad vitam æternam, comprehendere debemus. In alia autem de necessitate baptismi cap. 3. paruulos etiam oportet includere; quoniam hi quoque regeneratione spirituali simpliciter opus habent, vt spiritualement vitam acquirant, & eiusmodi quoque regenerationis participes esse possunt. Quare etiam Actor. 2. 38. dicitur à S. Petro: *Baptizetur unusquisque vestrum in nomine Iesu Christi in remissionem peccatorum vestrorum, & accipietis donum Spiritus Sancti.*

Quia autem, vt notauimus supra, agimus in præsentia de necessitate Baptismi abstrahendo à modo, scilicet, quod re ipsa accipiatur, vel tantum habeatur in voto efficaci per actum doloris perfecti de peccatis cum aliquo desiderio recipiendi baptismum aquæ; vel quod fiat per sanguinem, & martyriũ, quatenus et si baptismus aquæ consideratur præcisè secundum suam essentiam & naturam distinguatur ab alijs duobus, qui dicuntur flammis, vel pœnitentiæ, & sanguinis; nihilominus tamen hi duo vicem eius supplere dicuntur, delendo nimirum in non baptizatis peccatum originale, & alia sibi coniuncta, per gratiam, quæ tunc confertur à Deo, qui ex institutione Christi principalis est effectus Baptismi aquæ; vnde etiam, quæ ante huiusmodi institutionem, perfectus dolor de peccatis, & martyrium baptismi nomen haud habebant, nunc ea supposita illud habent,

delentque peccatũ originale prout includunt aliqua ratione baptismũ aquæ in voto, dicuntque ordinem, & habitudinem ad illum tanquam analogata ad suum analogum, baptismũ aquæ sine villo ad ea ordine illud remittente, vbi realiter suscipitur; Agendo, inquam, in nostra cõclusionem de necessitate baptismi in sensu explicato, non desunt loca Scripturæ, quibus probetur, simulque in eo intelligendum esse præfactum Sancti Ioannis locum cap. 3. *Nisi quis renatus fuerit, &c.*

Huiusmodi sunt maximè sequentia, de charitate Ioannis 14. 21. *Qui autem diligit me, diligetur à Patre meo; & ego diligam eum; & manifestabo ei meipsum;* de morte pro Christo, Matth. 10. 39. *Qui perdidit animam suam propter me inueniet eam; & ibidem: Qui me confitebitur coram hominibus, confitebor & ego eum coram Patre meo.* Cum enim tales promissiones vitæ æternæ, & ex consequenti gratiæ iustificantis, quæ ad illam necessariò prærequiritur, tam simpliciter, & absolute fiant omnibus adultis diligentibus Deum, nulla autem facta distinctione ætatis, omnibus, & singulis martyribus, quia infantes etiam possunt martyrium pati pro Christo, licet actu cum diligere nequeant; quàm ijs qui Sacramentum baptismi debite receperunt; tamque generales sint, ac illa comminatio Christi Domini explicantis necessitatem baptismi in ratione medii ad consequendam vitam æternam loco citato S. Ioannis; manifestè sequitur tam certum esse, adultum perfecto charitatis actu, verumque martyrem, etiam infantem sua passione, vbi non datur eis opportunitas realiter suscipiendi baptismum aquæ, gratiam consequi, remissionemque omnium peccatorum, propter dictas Christi promissiones. Quam certum est, neminem sine baptismo esse saluandum, propter illud Christi Domini, *Nisi quis renatus fuerit ex aqua, & Spiritu Sancto, &c.* atque adeò restringendam nõ esse talem sententiam ad susceptionem realem baptis-

mi, sed ubi alicui non suppetit facultas ita illum recipiendi, satis esse baptismum, qui dicitur *fluminis*, nec non aliū qui dicitur sanguinis, ita dictos, quia, ut statim notauimus, suppleunt tunc vicem baptismi aquæ, & in ordine ad illum remittunt peccatum originale; ut docent Patres inferius citandi, singulartiter Tertullianus, Cyprianus, Ambrosius, Augustinus, Leo Papa, Bernardus, & alij.

Quodque attinet ad Martyrium, illud nimirum prodesse etiam paruulis, supplere; in illis vicem baptismi aquæ, habemus expressam Ecclesiæ auctoritatem; quæ ideo celebrat solemniter festum diem Innocentum, tanquam omnino Sanctorum, hoc ipso, quod Christi causa sunt occisi; verisimile enim saltem est, nonnullos inter illos fuisse, quibus non fuerat applicatū aliud salutis remedium, nempè Circumcisionis; cum probabile sit, aliquos fuisse occisos ante octauum à natiuitate diē, quo primum die circumcidere licebat: Occidebantur enim omnes sine discrimine à bimatu, & infra; nec non etiam inter istos infantes, aliquos fuisse Gentilium, qui fortè tunc in illis partibus habitabant. Quare meritò Sotus in 4. sentent. dist. 3. quæst. vnica art. 1. r. alijque Theologi communiter existimant plusquam falsam, id est erroneam esse, cumque auctoritate Ecclesiæ pugnantem opinionem Armacani lib. 8. de qq. Armenorum, cap. 37. & Adriani in quæstione de baptismo, quæstiuncula 3. ad 3. asserentium, Martyrium per se nihil prodesse paruulis, proindeque Ecclesiam non celebrare festum omnium illorum Innocentum, sed eorum duntaxat, qui alioqui fuissent per Circumcisionem, vel per remedium legis naturæ sibi applicatum ante octauum diē purgati à peccato originali. Nā cū Sancti Patres de Sanctis Innocentibus agētes, deque Ecclesiæ vsu in illis colēdis, non ideo dicant eos sic coli, quia fuerint aliquo prius remedio iustificati, sed affirmēt simpliciter, & absolute absque

Bibliot. Theol. Tom. V.

vlla profus distinctione, illos omnes, nullo excepto, quamuis probabile sit, non eos omnes fuisse à peccato originali emundatos, ut diximus, præcisè ob Martyriū pro Christo Domino perpesum, coli, & venerari ab Ecclesiā; quin imo Diuus Augustinus lib. 3. de Symbolo ad Cathecumenos cap. 4. & Sanctus Leo serm. 1. de Epiphania c. 3. inferius adducendi, præsentientes huiusmodi distinctionem expressè docuerint: *Illos tali suo martyrio purgatos fuisse à peccato originali*, quibus nimirum antea non fuerat dimissum, & *Christū iam Martyrj tribuisse dignitatem, quibus nondum sanguinis sui impenderat redemptionem*, quam tamen impedisset, si iam omnes fuissent à peccato originali purgati, cum nec circumcisio legis Moisaicæ, nec remedium legis naturæ deleurent peccatum originale, nisi ex Christi Domini sanguine, seu applicatione passionis, & mortis Christi Domini; dubitari non potest, quin martyrium illis etiam profuerit infantibus, qui adhuc detinebantur in peccato originali, eumque habuerit in ipsis effectum, quem noster baptismus aquæ habet in nobis comparatione eiusdem peccati delendi.

Quamuis enim non satis inter Doctores conueniat, quomodo Martyriū ipsum valeat ad salutem, præsertim paruulis, qui nō oppeunt mortem ex proprio actu charitatis, tamen certum est apud omnes, illud aliqua tandem ratione ad eam valere. Et nonnulli quidem existimant, quod valeat ex opere operato, id est, ita ut saltem tanquam causa moralis conferat, secundum adductam supra Christi promissionem, gratiam Martyribus, quam tamen quia nō confert, ut signum ipsius ex peculiari institutione diuina, ideo non habet rationem Sacramenti, ut male inferunt, vel malè concedunt aliqui, inter quos est Maior in 4. dist. 4. q. 3. quē refellit Sotus loco superius citato art. 1. r. Si cū etiam controuersa est inter eosdē Doctores Catholicos, quale debeat ef-

P p p p se in

se in adultis hoc votum baptismi aquæ, quod deficiente eius copia sufficiat ad salutem. Explicitumve, an verò satis sit implicitum? Cui breuiter respondeo cum distinctione, nempe si quis non audierit expressè de Christo, Religio- neque Christiana sufficere votum Baptismi implicitum, quod in ipsa legiti- ma pœnitentia, & charitate, atque adeo in baptismo ipso flaminis conti- netur; hoc enim ipso, quod aliquis de- bita charitate diligit Deum, & pecca- torum illum pœnitet, ita comparatus est, vt si de baptismo aquæ audierit, veller illum suscipere, quod est habere votum illius implicitum. Si quis autem Christi, Religionisque Christianæ notitiam habet, huic votum expressû Baptismi necessarium esse ad salutem videtur; colliguntque aliqui doctores ex Concil. Trident. sess. 6. cap. 6. vbi di- citur post fidem Christi ex auditu con- ceptam, &c. necessarium ad iustifica- tionem esse in adultis *Baptismi saltem propositum*. Etenim propositum, quasi consilium quoddam expressum, & de- liberatum faciendi aliquid, significat.

Post verbum Dei scriptum satis hic vsque expensum habemus etiam tradi- tum pro necessitate baptismi in sensu explicato, omnibus hominibus cuius- cunque sint ætatis, & conditionis, pro- vt Patres infallibiles illius testes vnani- miter affirmant; dum, vt omnia simul comprehendamus, vniuersim docent, baptismum esse primum nouæ legis Sa- cramentum, sine quo nemo saluari po- test; tum in speciali infantes esse bap- tizandos; propria fide carere, & sine bap- tismo, aut aquæ, aut sanguinis per mar- tyrium saluari non posse.

Ex Patribus Græcis Clémens Roma- nus epist. 4. & lib. 6. Constitut. Apostol. cap. 15. *Baptizate*, inquit, *pueros ve- stros infantes*, &c. Dionysius Areopa- gita Ecclesiast. Hierarch. cap. 3. & 7. Iustinus Martyr in Apologia ad Anto- ninum Pium. Irenæus lib. 2. cap. 39. *Omnes venit Christus per semetipsum saluare omnes*, inquam, *qui per eum*

renascuntur in Deum, infantes, & parvulos, & pueros, & iuvenes, & se- niores. Item lib. 3. cap. 19. Clemens Alexandrinus lib. 1. Pedagog. cap. 6. Origenes homil. 8. in Leuiticum, 4. in Cantica traç. 7. in Marthæum, homilia 14. in Lucam. *Quia per Baptismi Sa- cramentû natiuitatis sordes deponuntur, propterea baptizantur paruuli. Nisi enim quis renatus fuerit, &c.* & libro 5. in c. 6. ad Romanos; Gregorius Taumaturgus in orat. de Baptismo Christi, siue Theo- phania Domini; Eusebius Cæsariensis Viæ Constantini lib. 4. cap. 61. Cyril- lus Hierosolymitanus præfat. in Cate- cheses, & Catecheci 3. Basilium Ma- gnus exhortatione ad Baptismum, quæ est homilia 13. libro de Spiritu S. c. 14. & 15. vbi expressissime Baptismû aquæ, & eius necessitatē confirmat ex illa sen- tentia Ioannis 3. *Nisi quis renatus fue- rit ex aqua, & Spiritu Sancto &c.* vnde quod ait Kemnitius in examine can. 2. sess. 7. Concil. Trident. Basilium aquâ in illo loco interpretatum alicubi esse tribulationem, falsum est, nec reperitur talis locus, sed etiam si alicubi ita me- taphoricè illam aquam intellexisset, cer- tum tamen est ex eius sententia dicto loco *proprie* in primis accipi debere. Gregorius Nazianzenus orat. 40. quæ est in Sanctum Baptisma; vbi dum ait: *Si eum, qui animo tantum, & voluntate non autem reipsâ cadem perpetravit, ce- dis damnandum putas: sit sanè is quoque apud te pro baptizato, qui baptismum ci- tra baptismi suspensionem experiri. Sin- autem illud absurdum est: quomodo hoc consistere possit haud sanè perspicio.* Hæc, inquam, verba nihil obstant dictis de necessitate, & valore baptismi in voto, cum quis non habet copiam illius in- re; loquitur enim Nazianzenus de eo qui cupit quidem baptismum, sed sine adiuncto perfectæ charitatis, vel pœni- tentiæ actu, quo assequatur præcipuum baptismi effectum, nempe salutem, iuxta promissiones diuinas contentas in Scriptura. Talis autem, etsi ob bap- tismi contemptum à Deo non puniretur,

ut etiam ibi Nazianzenus dicit, haud tamen consequeretur salutem. Siquidem non quaecumque votum baptismi ad illam sufficit, sed quod sit coniunctum cum perfecta charitate, vel poenitentia. Sanctus Epiphanius heresi 8. de Epicuri secta: *Magna, inquit, Circumcisio Baptismus, circumcidit nos à peccatis, & obsequat nos in nomen Dei.* Gregor. Nyssenus in oratione de Sancto Baptismate; Ioannes Chrysostomus homilia 39. & 40. in Genesim, in Psalmum 14. homilia 25. in Ioannem, homilia ad Neophytos, & de Adam, & Eva: *Idèd, inquit, pradicat Ecclesia Catholica ubique diffusa, debere paruulos baptizari propter originale peccatum.* Cyrillus Alexandrinus de recta fide ad Theodosium, & lib. 2. in Ioannem cap. 41. Isidorus Pelusiota lib. 3. epist. 195. *Quidam nimis tenuiter, & ciuine aiunt, infantes, quando scilicet baptizantur, spurciam eam, quæ ob Adam transgressionem ad humanam naturam transfusa est, eluere.* Ego vero hoc quidem etiam fieri persuasum habeo: at non solum: (neque enim id tam magnum esset) verum alia quoque multa, naturam nostram longè superantia, beneficia nobis concessa esse, quæ ibi prosequitur. Theodoretus ad cap. 10. epist. ad Hebræos. Diadochus de perfectione spirituali cap. 78. Olympiodorus Diaconus ad cap. 9. Iob: *Quid attinet de homine plura dicere? Quandoquidem neque hominis procreationem sine sorde, & peccato esse contingit? Proindè baptizantur infantes, ut macula, quam ex Adam præuicatione contraxerant, eluatur.* Andreas Cæsariensis ad cap. 12. Apocalypsis. Ioannes Maxentius in professione fidei: *Propterea recentes ab utero paruulos non tantum, ut adoptionem mereantur, aut propter regnum calorum, sed in remissionem peccatorum credimus baptizari ne pereant in æternum.* Procopius Gazæus ad cap. 1. Isaïæ. Iustinianus Imperat. in Authentic. de Samaritanis: Anastasius Synaites lib. 6. Hexam. Isychius Hierosolymitanus lib. 1. in Leuiticum cap. 5. & lib. 2. cap. 6. Ger-

Biblioth. Theol. Tom. V.

manus Constantinopolitanus in Theoria; Ioannes Damascenus lib. 2. Orthodoxæ fidei, cap. 9. Euthymius ad cap. 5. Ioannis. Theodorus Balsamon. ad can. 85. Synodi Trullani, *ut scilicet baptizarentur, de quibus dubitabatur, an baptizati essent.* Zaga Zabo Aethiops in confessione fidei Aethyopica. Hieremias Constantinopolitanus Patriarcha Responsio 1. cap. 9. *Nono dicitur, baptizandos esse infantes, nec adultiorē aetatem expectandam esse. Hoc apud nos quoque firmiter ne quid accidat re dilata. Hæcenus Græci, Orientalesque Patres, & Doctores.*

Ex Patribus Latinis eiusdem veritatis testibus, primus occurrit Tertullianus de Baptismo cap. 4. 5. 12. & 13. *Hic ergo scelestissimi illi (Caini hæretici) prouocant quæstiones. Aded dicunt, Baptismus non est necessarius, quibus fides satis est, &c. quod ibi refutat, ostendens necessitatē baptismi in lege Euangelica; & in libro, quem Scorpium inscripsit, versus finem asserit, talem esse martyrii efficaciam, ut suppleat vicem baptismi aque.* Cyprianus epistola 2. 59. 76. sed 59. potissimum agit de baptismo infantium, & 53. ad Iubaianum, nec non in præfatione suæ ad Martyres exhortationis expressè docet Cathecumenos integram fidem, & veritatem Ecclesiæ tenentes, quibus non datur occasio recipiendi baptismum aquæ, raptos ad martyrium non priuari baptismi Sacramento, scilicet quoad effectum eius, ut potè, inquit, qui baptizentur gloriosissimo, & maximo sanguinis baptismi. Vndè, ubi in epistola 54. ad Cornelium ait, *Martyrium non sufficere lapsis, ad gloriam, nisi prius acceperint ab Episcopo pacem, & absolutionem peccatorum,* proptereaque à fortiori inferunt aliqui martyrium non sufficere ad salutem nisi baptismus aquæ de facto recipiatur. Respondendum est Cyprianum, & Patres Concilij Africani ibi tantum locutos fuisse de eo casu, in quo lapsi possunt accipere beneficium absolutionis antequam patiantur martyrium;

Pppp 2 quia

quia in tali opportunitate, hæc omis-
sio reputatur esse, ex parte lapsorum,
quædam præsumptio, & contemptus
absolutionis accipiendæ, sicut ex parte
Pastorum Ecclesiæ nolenium illam
impendere, quædam negligentia, & cru-
delis esset durities, ut clarè intelligitur
ex ipsometextu. At instante pericu-
lo mortis, & negata opportunitate re-
cipiendi baptismum aquæ, martyrium
supplere illius effectum docuit apertè
Cyprianus locis citatis, quique inter
opera eius author est libri de singula-
ritate Clericorum, ubi ait martyrium
idè tam appellari baptismum, quam
coronam, quia, inquit, baptizat pariter,
& coronat: Quare nos similiter asseri-
mus; si quis nondum baptizatus rapiat-
ur ad Martyrium, & ei liberum, seu
etiam opportunum sit, ante illud susci-
pere baptismum aquæ, tunc tenetur il-
lum recipere; & si ex contemptu illum
non reciperet, ut martyr dicendus non
esset, ita nec per martyrium Sacramen-
ti Baptismi effectum percipere: sicque
aliquando legimus in historijs Marty-
rum, quosdam nondum baptizatos, in-
carceratos tamen propter Christum, li-
cet martyrium illorum instaret, fuisse
etiam in ipso carcere baptizatos bap-
tismo aquæ, cuius copiam habebant.

Lactantius Firmianus lib. 3. Institut.
cap. 26. Hilarius contra Arianos, & in
psal. 63. Ambrosius lib. 10. epist. 84. de
Mysterio Paschæ cap. 5. & lib. 2. de
Abraham cap. 11. *Nisi quis renatus fue-
rit ex aqua, & Spiritu Sancto, non potest
introire in regnum Dei. Vtique nullum
excipit, non infantem, non aliqua præ-
uenientum necessitate. Habeant illam operti-
am panarum. immunitatem, nescio an habeant
regni honorem.* Quod autem lib. de ijs
qui initiantur cap. 4. doceat, Cathecu-
menos, si absque baptismo aquæ de-
cedant, non consequi vitam æternam; at-
que adeo satis non esse ad salutem vo-
tum illius; siue baptismum fluminis; re-
sponderetur id minimè sequi in Cathe-
cumenis, aut alijs adultis, qui, nulla
sibi cõpia facta accipiendi baptismum,

aquæ, eliciunt perfectum charitatis,
vel contritionis actum, tales enim sal-
uari, Ambrosiù tenuisse satis colligitur
ex oratione fnebri sin obitu Valenti-
niani Iunioris, ubi cum, quamvis non
baptizatum credit esse saluum, eo quod
cum voto baptismi mortuus fuisset.
Quare loco citato loquitur solum de
Cathecumenis, qui sua graui negligen-
tia, vel aliquo contemptu omiserunt ba-
ptismum, quique consequenter licet
veram potuerint habere fidem, secus
autem perfectam charitatem, quæ ne-
quaquam stare potest cum dicta negli-
gentia, vel contemptu, sicut nec salus
sine illa.

Pacianus sermone de baptismo. Op-
ratus Mileuitanus lib. 3. & 5. contra
Parmenianum. Hieronymus epist. 83.
ad Oceanum cap. 27. ad Lætam, dialo-
go 3. contra Pelagianos cap. 6. & alibi
passim. Chromatius ad cap. 6. Marthæ.
Augustinus lib. 1. cap. 13. & lib. 3. c. 3.
contra duas epistolas Pelagianorum;
in Enchiridio ad Laurentium c. 6. lib. 4.
contra Donatistas cap. 23. & 24. ubi de
baptismo paruulorum, etsi nondum pos-
sint corde credere; item de Genesi ad
litteram lib. 10. c. 23. epist. 28. ad Hie-
ronymum; & 89. Libro autem 13. de
Ciuitate Dei cap. 7. Baptismum sangui-
nis agnoscit, nec non lib. 4. contra Do-
natistas cap. 22. tum lib. 3. de Symbolo
ad Cathecumenos cap. 4. ubi agens de
spiritualibus bonis, quæ Herodes suo
infanticidio causauit Innocentibus in-
ter alia ait: *Nam & ipsi, qui moriebant-
ur, natura filij iræ erant, scilicet qui ex
Hebræis circumcisi adhuc non fuerant,
sed quid eis præsinit gratia, nisi erueret
eos de potestate tenebrarum, præsinit eis
Christus, ut pro Christo morerentur præ-
stiti, ut suo sanguine ab originali peccato
diluerentur, nati sunt ad mortem, sed
continuo eos mors reddidit uitæ.* Deni-
que Baptismum etiam fluminis supplere
vicem baptismi aquæ in adultis do-
cet lib. 4. contra Donatistas citatis ca-
pitibus 22. & 25. item lib. 5. cap. 2. Vn-
dè quod ait tractatu 13. in Ioannem, &
lib. 1.

lib.1. de Symbolo ad Cathecumenos cap. 8. *Peccatum in ijs remanere, quamdiu sunt Cathecumeni*, eodem modo debet intelligi, ac simile Sancti Ambrosij dictum, vt notauimus supra; vel etiam dici potest Augustinum primo loco sermonem habere de Cathecumeno arroganti, qui ex eo quod viuat continens (est enim hoc eius exemplum) vel exerceat aliqua opera exteriora, nobiliora, operibus exterioribus alicuius fidelis baptizati coniugati putat ex superbia, se non indigere baptismo, cumque de dignatur; & tali rectè ait Diuus Augustinus, quantumcumque proficiat, id est exerceat opera exteriora nobilia, vt quod viuat cælebs continens, & alia id genus præstet, quæ ostendant abundantiam alicuius gratiæ exterioris, sicut videntur fuisse in nonnullis Gentilibus actus exteriores aliquarum virtutum, in quibus tamen non erat gratia iustificans, sarcinam iniquitatis, id est peccata dimitti tantum cum venerit ad baptismum, huiusmodi enim arrogantia est quidam obex gratiæ, qui tunc tollitur, cum debite venit de facto ad baptismum æquæ cuius copiam habet, vel si non habet, perfecta peccatorum suorum contritione.

Maximus Taurinensis homilia 2. de eleemosyna; Leo Papa I. serm. 1. de Epiphania cap. 3. Baptismum sanguinis, siue peccati originalis remissionem per martyrrium in Sanctis Innocentibus agnoscit. Arnobius Romanus ad psal. 74. explicans illud, *in confregisti capita draconum in aquis*; & ad psal. 104. Petrus Chrisologus homil. 137. Eucherius Lugdunensis homilia generali de Sancta Trinitate. Prosper lib. 1. de vocatione Gentium cap. 22. & lib. 2. c. 20. necessitatem baptismi asserit; Epigrammate autem 87. suppleri per martyrrium:

Si mundo moritur diuino fonte renascens

*Fitque nouus uita, qui sepelitur aqua:
Fraudati non sunt sacro baptismo Christi,*

Fons quibus ipsa sui sanguinis unda fuit:

Et quidquid sacri fert mystica forma lacus,

Id totum impleuit gloria martyrij.

Cæsarius Arclatenfis homil. 5. & 7. de Paschate. Faustus Rhegiensis lib. 1. de libero arbitrio c. 15. Fulgentius de Incarnatione, & gratia Christi cap. 30. & de fide ad Petrum Diaconum cap. 27. Primasius cap. 4. ad Rom. Cassiodorus ad Psalmum 22. & 50. Gregorius Magnus lib. 4. Moral. cap. 3. Isidorus Hispalensis lib. 2. de Ecclesiasticis officiis cap. 24. & lib. 1. de summo bono c. 24. Eucherius Gallus lib. 4. Regum cap. 20. Aponius in Cantic. lib. 3. Beda lib. qu. q. 15. ad cap. 7. Marci, & 8. Ioannis. Alcuinus lib. 2. in Ioannem, & de diuinis officiis cap. 21. Haimonius homilia in Octaua Pentecostes, & homilia de Ascensione Domini. Vyalafrius Strabo de rebus Ecclesiasticis cap. 26. Amalarius Treuirensis lib. 1. de officiis Ecclesiasticis cap. 24. Rabanus Maurus lib. 1. de institutione Cleri cap. 26. & de Vniuerso lib. 4. cap. 10. Paschasius Ratbertus de corpore, & sanguine Domini cap. 3. Remigius Antiodorensis ad psal. 17. & 77. Smaragdus Abbas in epist. de Sabato Pentecostes. Fulbertus Carnotensis epist. 1. ad Adeodatum. Anselmus ad cap. 15. Matthæi 6. ad Romanos, & 7. prioris ad Corinthios: *Nec paruuli de quibuslibet Sanctis, in suisque procreati, originalis peccati reatu absoluntur, nisi in Christo fuerint baptizati.* Iuo Carnotensis sermone de Sacramentis Dedicationis. Rupertus lib. 4. de diuinis officiis cap. 18. Bernardus epist. 77. & 290. serm. 66. in Cantica, ubi disputans contra Petrobusianos, qui negabant paruulos esse baptizandos ait: *Qui hæc credit, facile huic persuadebitur, merito Ecclesiam præsumere non solum, paruulis in sua fide baptizatis salutem sed etiam interfecit pro Christo infansibus coronam martyrij.* Vbi mellissus apertè docet, nec non epistola 77. ad Hugonem, Baptismum sanguinis supple

plere vicem baptismi aquæ, etiam in paruulis, tum in adultis baptismum flammis: In maiori, inquit, aetate, quisquis post vulgatum baptismi ubique remedium, renuit iam baptizari, generali originalique macule addit, & ex proprio crimine superbia, duplicem secum portans iustissima damnationis causam, si sic de corpore exire contigerit. Tamen si ante exitum respuerit, & voluerit, & petierit baptizari, sed mortis præoccupatus articulo fortè obtinere nequiverit, dum non desit fides recta, spes pia, charitas sincera, propitijs mihi sis Deus, quia huic ego ob solam aquam, si defuerit, nequaquam omnino possum desperare salutem, nec vacuam credere fidem, nec confundere spem, nec excidere charitatem, tantum si aquam non contemptus, sed sola, ut dixi prohibeat impossibilitas. Hugo Victorinus tr. 5. de Sacramento baptismi cap. 6. *Queritur de paruulis, qui sine baptismo moriuntur, non ex contemptu Religionis, sed quia non potest succurri ipsi necessitate aliqua, virum saluentur? Ad quod dicitur, quod non saluantur: quia non habent fidem, quæ in adultis, cum non sit contemptus Religionis, vicem baptismi supplet; ubi non de quacumque, sed de fide charitate formata loquitur. Idem docet lib. 2. de anima cap. 28. Richardus Victorinus tract. de iudiciaria potestate: Parvulorum, inquit, statim post baptismum morientium, tam est certa saluatio, quam non credentium certa damnatio. Petrus Lombardus in 4. sent. dist. 3. l. de causa institutionis Baptismi; dist. 4. quid profit Baptismus his qui cum fide, & charitate ad baptismum accedunt; quodq; paruulis non sufficit fides Ecclesiæ sine Sacramento; Tandem, qui deinceps secuti sunt, omnes Theologi, Catholicique doctores, hanc à maioribus acceptam veritatem de necessitate Baptismi in ratione medij omnibus hominibus cuiuscunque sint ætatis, & conditionis, abstrahendo à modo, nobis etiam fideliter consignarunt, præsertim Angelicus Doctor Dives Thomas Aquinas.*

Ratio autem talis necessitatis desumitur ex hoc, quod, ut diximus tom. 3. lib. 3. sect. 3. cap. 6. extra veram, & unicam Christi Ecclesiam non est salus, vel quod idem est, nullus saluari potest, nisi ut Christianus, hoc est, per Christum, cuius membrum fiat per ingressum in veram ipsius Ecclesiam; iuxta illud Act. 4. *Non est aliud nomen sub cælo datum hominibus, in quo oporteat nos salvos fieri; & Roman. 5. Sicut per unius delictum in omnes homines in condemnationem; sic per unius iustitiam in omnes homines in iustificationem vita.* Sed nequit homo fieri Christianus, seu membrum Christi per ingressum in veram eius Ecclesiam, nisi baptismum aquæ regeneratus, qui solus est Sacramentum; vel in huius impossibilitate, baptismum, aut sanguinis, nempe martyrii, aut daminis, id est, charitatis, vel poenitentia, qui dicitur etiam baptismus in voto; Ad æternam igitur salutem necessarius est necessitate medij cunctis hominibus, cuiuscunque sint ætatis, & conditionis, baptismus abstrahendo à dictis modis: adeo ut illa priuatur infans, si moriatur sine baptismum, vel aquæ, vel sanguinis, nam voti eius capax non est; & adultus, si moriatur sine baptismi voto, seu desiderio, quod procedat ex fide per charitatem operante, ac proinde illum iustificante.

Insuper probatur, huiusmodi necessitatem baptismi restringendam non esse ad solum aquæ baptismum in re susceptum, seu quod idem est, illam Christi sententiam Ioannis 3. *Nisi qui renatus fuerit, &c.* si intelligatur de solo aquæ baptismum, non esse ita generalem, quin idem Christus alia sua sententia, superius citata, non minus generali viros pro se martyres fecerit exceptos, quinque consequenter martyrium baptismi aquæ effectum supplere possit, delendo in non eo baptizatis peccatum originale: Si enim Christus rem ita se habere noluisse, non ita morem pro se oppetitum commendasset, nulla etiā distinctione facta infantium, & adultorum,

rum, quia scilicet, infantes quoque martyrij sunt capaces, ad illud enim non requiritur, quod ex propria charitate, aut alia virtute subeat, sed sufficit sola mors actualis, pro Christo recepta, vnde præcisè sumptum solet definiri, *actualis mors pro Christo, vel Deo recepta*; quo modo abstrahit ab actu virtutis, & non virtutis actu; consideramus autem postea quo ad modum, quo potest euenire, diuiditur in illud, quod est per opus alicuius virtutis puta charitatis, fortitudinis, siue etiam religionis; & in illud, quod est opus duntaxat toleratum, seu actualis mors pro Christo tolerata; quo priori modo, licet sit tantum in adultis habentibus vsum rationis, posteriori tamen posse reperiri in infantibus, & amentibus, Deumque annexuisse vtrique modo infallibiliter collationem gratiæ sanctificantis, clarè demonstrant, quæ adduximus supra de Sanctis Innocentibus.

Tandem baptismum aquæ suppleri quoque in adultis, eius copiam non habentibus, per baptismum fluminis, siue per actum perfectæ charitatis, vel contritionis, patet tum ex citata superioris sententia Ioannis 14. *tum ex eo quod idem Christus Dominus apud Sanctum Marcum capite vltimo sic dicens: Qui crediderit, & baptizatus fuerit, saluus erit, non adiecit, qui verò crediderit, & non baptizatus fuerit, condemnabitur, sed tantum simpliciter, nulla facta iterum mentione baptismi, sed duntaxat veræ, & viuæ fidei, hoc modo, qui verò non crediderit condemnabitur*; tali enim verborum temperamento Diuus Bernardus epist. 77. ad Hugonem, in qua ex professo probat nostram propositionem, docet significari, occasione posse dari adulto, qua baptismi aquæ omisso salutem nihilominus consequatur: At hoc habet maxime locum, quando adultus nondum baptizatus debitam habet charitatem, suorumque peccatorum contritionem, nec stat per eum quin baptizetur: Ergo tunc consequetur salutem, & ex conse-

quenti remissionem tam originalis culpæ, quam aliorum peccatorum, sicque baptismus fluminis, suppl. bit vicem baptismi fluminis; Tum quia 2. Corint. 8 ait Apostolus: *Si voluntas prompta est, secundum id quod habet, accepta est, non secundum id quod non habet*, nam voluntas apud Deum pro facto reputatur, quando deest operis ipsius facultas: sed cōtritus de peccatis desiderans baptismum aquæ, promptam habet pro eo recipiendo voluntatem, si opportunitas adesset: Igitur voluntas eius accepta est Deo, & proinde supplet, quod præstaret baptismus aquæ. Tum denique ex sequenti ratione, quicumque enim potest habere vltimam dispositionem ad gratiam iustificantem sine reali susceptione baptismi aquæ, potest etiam, & sine illo habere eandem gratiam, si quidem forma sequitur ad vltimam dispositionem, & ex consequenti potest habere remissionem peccati originalis, & actualium, si quæ sint in illo: atqui potest quis adultus, nondum baptizatus habere debitam contritionem de suis peccatis, quæ est vna ex vltimis ad gratiam dispositionibus, vt patet de Cornelio Centurione Act. 10. qui post præceptum baptismi promulgatū iustificatus est ante realem susceptionem baptismi aquæ: Igitur aliquis adultus ante illam debitè contritus de suis peccatis, potest accipere remissionem illorum, & ex consequenti talis contritio, quæ tunc nihil est aliud, quam baptismus fluminis, vel baptismus aquæ in voto, poterit supplere vicem baptismi aquæ in re, seu realem eius susceptionem.

Priusquam ad alias deueniamus conclusiones, superest vt vni, aut alteri obiectioni contra iam prædictam breuiter satisfaciemus. Prima est, quia tota baptismi necessitas in ratione mediij, fundatur in eo, quod ad consequendam vitam æternam, deletio peccati originalis prærequiratur; sed aut tale peccatum non datur, aut si datur eius deletio potest alio medio, quam baptismi aquæ

aquæ obtineri, nimirum per solam Dei gratiâ, quæ non alligatur signis exterioribus, de quorum tamen numero est baptisumus aquæ: ille igitur non est hominibus necessitate medijs ad salutem necessarijs.

Respondetur ad hoc argumentum, primò negando minorem, quo ad primam partem, iam enim ostendimus supra cap. 4. dari peccatum originale; sed esto non daretur, non propterea statim neganda esset baptisumi necessitas; Pelagiani enim, licet negarent peccatum originale esse in pueris, & baptisum ex hoc capere, seu titulo illis esse necessarium; attamen concedebant illis esse necessarium pro consequendo regno cœlorum, & ita explicabant locum S. Ioannis cap. 3. *Nisi quis renatus fuerit &c.* Quod in altera eiusdem minoris parte dicitur, alio quam baptismo aquæ medio, posse tolli peccatum originale, nimirum per solam Dei gratiam, negandum est si sermo sit de facto, seu iuxta potentiâ eius ordinariam; Pro cuius explanatione aduertendum est, gratiam, quæ Deus remittit peccatum, vel homines sanctificat, posse considerari dupliciter. Primo per respectum, & comparisonem ad absolutam Dei potentiâ, quæ antequam statuerit aliquid hoc vel illo modo tantum esse faciendum, potest quicquid non implicat fieri. Secundò per respectum, & comparisonem ad ordinariâ tantû eius potentiâ, quæ decreuit ista hoc & isto modo facere, & iuxta hanc duntaxat suam institutionem homines gubernare, etiam in ordine ad vltimum finem vitæ æternæ. Etsi igitur libenter admittamus, gratiam illam, quæ peccatum deletur, hominesque iustificat, spectatam in ordine ad absolutam Dei potentiâ, non esse alligatam aliquibus signis exterioribus à se institutis, quatenus dubio procul potest absque illis intermediare suam infundere gratiam; quia tamen hic debemus considerare

talem gratiam per respectum ad ordinariam Dei potentiam, & constitutiones ab illo actas; iuxta quas, secundum quod nobis diuinitus reuelatum fuit, voluit remissionem peccatorum, hominibus non baptizari, non aliter fieri, quam per baptisum, inde fit, quod secunda etiam minoris pars, pro vt applicatur præsentì controuersiæ, quæ tantum procedit de eo, quod Christus Dominus de facto instituit, sit simpliciter, & absolutè falsa. Nec propterea sequitur, gratiam illam, quæ peccatum tollitur, non pendere omnino à gratuito Dei beneplacito, quocumque enim modo conferatur, siue cum Sacramentis, siue absque illis, semper est effectus gratuite voluntatis eius, cuius Sacramenta sunt mere libera instrumenta, nullisque antecedentibus hominum meritis instituta.

Secundò responderi potest, ad eandem secundam minoris partem, reducendo illam ad bonum sensum nostræ conclusionis, & concedendo, si sermo sit, quod baptisumus aquæ ijs, qui baptizari possunt, non ita ad salutem necessarius sit, vt nullo alio modo, neque in vllò casu, sine illo reipsa suscepto, salutem consequi valeant: Quæ sane ratio est ad salutem necessaria, ipsa gratia, & remissio peccatorum, vt patet. Quando enim alicui non suppetit facultas suscipiendi realiter baptisum aquæ, voluit Deus, vt probauimus supra, suppleri eius effectum per baptisum fluminis, & sanguinis; nulla autem alia ratione, vt dicitur in sequentibus conclusionibus.

Altera obiectio est. Quia eadem videtur esse ratio baptisumi in noua lege, ac circumcisionis in veteri, sed non omnes etiam infantes Iudæorum, qui sine circumcisione moriebantur, in lege Mosaica, damnabantur exempli gratia, qui moriebantur ante diem octauum. Item qui in deserto mortui sunt eo tempore, quo omnia fuit circumcisio, vt habetur libri Iosue cap. 5.

Ergo

Ergo neque etiam omnes, qui in noua lege moriuntur sine baptismo aquæ, damnantur.

Respondetur ad hoc argumentum, concedendo maiorem, eandem scilicet esse conditionem baptismi, ac circumcissionis, quo ad deletionem peccati originalis; vnde sicut qui in lege Mosaica moriebantur infantes sine circumcissione post octauum diem, vel ante illum sine remedio legis naturæ, damnabantur ob solum peccatum originale, ita & qui in noua lege moriuntur sine baptismo aquæ, vel sanguinis, cuius per martyrium sunt etiam capaces infantes, damnantur quoque ob idem peccatum. Cæterum dispar fuit ratio circumcissionis, quo ad tempus, quo debebat conferri ex diuina institutione, scilicet ad diem octauum natiuitatis; quare qui ante illum moriebantur, cum non possent, præcisè loquendo, damnari ex defectu circumcissionis illis non applicatæ, debebat illis subueniri per remedium legis naturæ, quodcumque illud fuerit, quo etiam facilius peccatum originale remittebatur: At Christus Dominus instituendo necessitatem baptismi, locutus est simpliciter, & absolute, nullum determinando natiuitatis tempus, *Nisi quis, inquit, renatus fuerit ex aqua, & Spiritu Sancto, non potest introire in Regnum Dei*: Vnde cum infans statim atque egreditur, possit validè, & fructuosè baptizari, quoniam loco & tempore: item & aqua, eius materia remota sit cuilibet obuia, nullumque infans ex baptismo incurrit periculum vitæ, faciliè intelligitur non esse eandem quo ad hoc baptismi conditionem, quæ fuit circumcissionis, aliquos videlicet nondum octauum diem affectos potuisse saluari, imò & de facto fuisse saluatos alio remedio, quam circumcissione, qui nunc in eadem ætate sine baptismo aquæ reipsa suscepto, non possunt saluari.

Quantum ad Circumcisionem per tot annos intermissam, vt dicitur loco
Biblior. Theol. Tom. V.

citato libri Iosue, fatemur id esse verum, sed id esse factum vel ex dispensatione Dei, vt volunt aliqui, vel vt ait Diuus Thomas 3: p. q. 70. art. 4. ad 3. *Populus in deserto prætermittens mandatum circumcissionis excusabatur: tum quia nesciebant, quando castra mouenda erant: tum quia, vt Damascenus dicit, non necesse erat eos aliquod signum distinctionis habere, cum seorsim ab alijs populis habitabant. Et tamen vt Augustinus dicit, inobedientiam incurrerant, qui ex contemptu prætermittiebant. Videtur tamen quod nulli incircumcisi mortui fuerint in deserto: quia vt in Psal. 104. dicitur, non erat in tribubus eorum infirmus: sed illi soli videntur mortui in deserto, qui fuerant in Aegypto incircumcisi. Si tamen aliqui incircumcisi mortui sunt, eadem ratio est de his, & de his, qui moriebantur ante circumcissionis institutionem. Quod etiam intelligendum est de pueris, qui moriebantur ante octauum diem tempore legis. Eos nimirum excludos non fuisse à salute, quia utebantur remedio legis naturæ: quod in lege noua est abrogatum, eiusque loco solum habemus baptismum.*

Secunda conclusio, omnibus, & singulis infantibus quorumcumque infidelium, tam eorum, ad quos euulgatio Euangelij prætenditur nondum sufficienter facta, quam eorum quibus est facta sufficienter, Baptismus aquæ est, extra verum pro Christo martyrium, simpliciter, & absolute necessarius ad salutem; nihilque illis prodesse potest remedium legis naturæ, vel etiam circumcisio Mosaica. Ista conclusio habetur pro certissima ab omnibus Theologis, videturque essentialiter connexa cum præcedenti; qua ostendimus sub illa sententia Christi Domini Ioannis 3. *Nisi quis renatus fuerit &c.* comprehendì omnes homines, cuiuscumque sint ætatis, & conditionis, speciatimque de infantibus illam Patres intellexisse, nulla prorsus distinctione illorum facta, singulariter autem Diuus Augustinus hanc conclusionem docet

libro de natura, & gratia cap. 2. agens de necessitate baptismi, etiam respectu infantium, qui sunt ex parentibus infidelibus; nec non epistola 90. & 105. ubi ait: *Quisquis dixerit quod in Christo uiuificabuntur paruuli, qui sine Sacramenti eius participatione de uita exeunt, & contra Apostolicam prædicationem uenit, & totam condemnat Ecclesiam, ubi propterea cum paruulis baptizandis festinatur, & curritur, quia sine dubio creditur eos in Christo uiuificari non posse que ultimæ particulæ satis denotant absolutam necessitatem baptismi in quibuscumque infantibus, iuxta communem sensum totius Ecclesiæ, excepto unico casu, si uidelicet interficerentur pro Christo, proprioque sanguine baptizarentur, ut idem S. Augustinus docet locis superiori conclusionem citatis. Eandem veritatem tradit Diuus Prosper lib. 2. de uocatione Gentium cap. 20. ubi agens etiam de multitudine infantium, qui in tot hominū ætatibus, non recipiunt baptismum, cum tamen Deus uelit omnes homines saluos fieri; nihilominus asserit illos omnes priuari uita æterna ex secrete quodam Dei iudicio. Quid hoc profundius? inquit, quid mirabilius esse potest? neque enim credi fas est, eos qui regenerationis non adepti sunt Sacramentum (id est baptismum aquæ) ad uolum beatorum pertinere consortium. Itē Sanctus Fulgentius lib. de fide ad Petrum cap. 27. *Firmissime tene, & nullatenus dubites, non solum homines iam ratione utentes, uerum etiam paruulos, qui siue in ueris matrum uisceribus incipiunt, & ibi moriuntur, siue cum de matribus nati, sine Sacramento sanati baptismatis, quod datur in nomine Patris, & Filij, & Spiritus Sancti, de hoc loco transseunt, ignis æterni sempiterno supplicio puniendos.**

Nec ab his dissentit S. Bernardus in epistola 77. ad Hugonem Victorinum, ut uolunt aliqui, sed tantum probat baptismum non obligasse statim, atque Christus dixit Nicædonio, *Nisi*

quis renatus fuerit &c. tunc enim nondum illum instituerat; cœterum pro eo tempore, quod post mortem eius futurum erat, facta iam sufficienti Euangelij promulgatione, expressè docet, nullam dari excusationem ratione cuius baptismus non sit necessarius etiā infantibus: *Sane, inquit, infantes, qui hanc prohibente etate non possunt habere fidem, hoc est cordis ad Deum conuersionem, consequenter nec salutem, si absque baptismi perceptione moriuntur.*

Sanctus etiam Thomas uerbis expressis hanc conclusionem docet; lectione enim 3. ad cap. 10. epistolæ ad Romanos, mouens eandem, quam hic discutimus controuersiam, sic illi respondet: *Namquid ergo illi ad quos non peruenit (Apostolica prædication) ut potè si fuerint in syluis, excusationem habent de peccato infidelitatis? ad hoc dicendum est, quod secundum sententiam Domini, quæ habetur Ioannis 17. Illi qui loquentem Dominum per se, uel per eius discipulos, non audierunt, excusationem habent de peccato infidelitatis, non tamen beneficium Dei consequuntur, ut scilicet iustificentur ab alijs peccatis, uel quæ nascendo contraxerunt, uel male uiuendo addiderunt, sed pro his meritis damnantur. Quæ Diui Thomæ uerba sunt diligenter aduertenda, in illis enim habetur tota fere solutio omnium argumentorum aduersariorum, quibus dum aiunt, Deum esse Iudicem iustum, atque adeo non punire homines, antiquam præceptum audiant, propterea que eos, ad quos non peruenit diuulgatio fidei Christianæ, non damnari ex hoc quod baptismum aquæ non accipiant, sed sufficere ad remissionem peccati originalis, & iustificationem illis obtinendam, præsertim paruulis, si remedia legis naturæ, uel etiam circumcisio ipsis applicentur, euincitur tantum homines cuiusmodi, non damnari propter omissionem baptismi sumptam formaliter, seu secundum quod cadit sub præceptum, eo quod inuincibilis ignorantia alicuius præcepti excusat à peccato:*

peccato : sed loquendo propriè dam-
nantur propter originale peccatum ,
semper in illis remanens, cuius remis-
sionem non acceperunt defectu Bap-
tismi sibi applicati, tanquam vnici re-
medij, pro quibuslibet infantibus ex-
tra martyrium ex hac vita decedenti-
bus, instituti in lege Euangelica ; re-
spectu cuius excusatio rationabilis a
violatione præcepti, non infert legiti-
mam, & rationabilem excusationem,
de non vsurpando illo, vt necessario in
ratione medij, quasi tali medio non
vsurpato, finis tamen non desineret ob-
tineri, per alia supradicta media; vt sa-
tis patet in omnibus illis, quæ neces-
saria dicuntur necessitate medij .

Probatur insuper nostra conclusio
omnibus illis Sacræ Scripturæ locis,
nec non argumentis, quibus supra c.6.
ostendimus legem veterem nedum
iam esse mortuam, & inutilem, sed etiã
mortiferam, proindeque esse illicitum
Circumcisionis Sacramentum, adeò vt
ex Apostolo ad Galat. cap.5. Christus
illa vtentibus nihil profit ; *Dico vobis ,
quoniam si circumcidamini Christus vobis
nihil proderit* . Cui non obstat,
quod gentes illæ, quibus Augustinus
ibidem notat Apostolum loqui, iam
essent ad Christum conuersæ, eiusque
lex eis sufficienter per Apostolum pu-
blicata ; hanc enim circumcisionis sal-
tem inutilitatem, non fundat præcisè,
in eo quod iam amplexi fuissent fidem
Christi, sed in eo quod vis eius, & effi-
cacia iam omnino cessasset. *Primò* enim
ad hunc finem præmittit cap. 4. præ-
cedenti historiam Agar & Saræ, Ismae-
lis & Isaac, Genes. 2. r. camque sic in-
terpretatur, vt Agar significet vetus
testamentum, & quæ ad illud pertinēt,
Sarà verò nouum, & ad illud spectan-
tia. Postea subiungit dictum hoc Abra-
hæ de Agar, & filio eius, *Eijce ancillam,
& filium eius*, de cessatione legis vete-
ris, & eorum quæ ad illam pertinebāt,
quo ad aliquem fructum gratiæ, per
legem nouam obtinendæ, *Non enim ,
inquit, heres eris filius ancillæ cum filio*

libera, id est, qui circumciditur, non
habebit æternam hæreditatem cum
Christianis . *Secundò* ait cap.5. circum-
cisionis receptionem esse quamdam
falsæ religionis professionem, nimirum
Iudaismi, *Testificor*, inquit, *rursus om-
ni homini circumcidenti se, quoniam de-
bitor est vniuersæ legis faciendæ*; nam li-
cet circumcisio fuerit antiquior lege
Mosaica, ab eo tamen tempore, quo
hec lex fuit data, cœpit esse signum
protestatiuum Iudaicæ religionis. Quo
etiam loci notanda est particula, *omnis*,
quæ cum sit signum vniuersale, deno-
tat omnem hominem, nullo excepto,
ac proinde voluisse Apostolum ibi cir-
cumcisionem nulli hominum, siue Gē-
tili, siue Iudæo, siue infanti, siue adul-
to, prodesse ad salutem animæ; vt pa-
tet ex sequentibus verbis: *Euacuati
estis à Christo, qui in lege iustificamini ,
& à gratia excidistis*; & paulò inferius,
Ergo euacuatum est scandalum crucis; id
est vt Sanctus Augustinus in commen-
tarijs ad hanc epistolam explicat, *Chri-
stus gratis, seu frustra mortuus est, si
circumcisio etiam nunc homines iusti-
ficer* .

Ex quibus prima desumitur ratio
pro nostra conclusione. Nam quod ha-
bet de facto impossibilitatem cum
iure hæreditatis æternæ Christianis
proprio; item quod est signum falsæ
religionis protestatiuum; nec non ve-
ræ destructiuum, euacuando nimirum
mysterium crucis, seu facièdo, vt Chri-
stus gratis, & frustra sit mortuus; illud
non est tale, ad cuius applicationem
alicui paruulo, siue ex parentibus Iu-
dæis, siue ex Gentilibus orto gratia
iustificans à peccato originali confere-
tur, imo potius habet oppositionem
cum infusione illius, vt ex se patet: Ac
circumcisio, post sufficientem Euan-
gelij promulgationem modo superius
explicato cap.6. applicata siue adultis,
siue paruulis tam Iudæorum, quàm
Gentilium, habet impossibilitatem
cum iure hæreditatis æternæ, quia fa-
cit eum, cui applicatur, excedere a

gratia Christi: item est signum protestantium falsæ fidæi, qui enim illam suscipit, se constituit debitorem vniuersæ legis Mosaicæ obseruandæ, quæ nunc est propriè falsa, cum sit significatiua futurorum, quæ tamen iam sunt completa; item euacuat mysterium crucis, religionemque Christianam in eo fundatam, faciendo quod Christus sit frustra mortuus, cum iam sine illo per circumcisionem vita æterna possit obtineri: Igitur circumcisio non est talis, vt post dictam legis Euangelicæ promulgationem, ad sui applicationem, siue paruulis, siue adultis, tam Iudæorum, quàm Gentilium factam, peccatum originale remittatur, gratiaque sanctificans conferatur.

Quæ etiam ratio, mutato solum nomine circumcisionis in nomen remedij, quo peccatum originale debebatur in statu legis naturæ, potest facile accommodari ad similem eius inutilitatem probandam, in statu legis Euangelicæ; quia licet remedium istud, non eo modo esset protestantium falsæ religionis, quo circumcisio nunc, attramen non esset protestantium veræ illius religionis, nimirum Christianæ, & Catholicæ, in qua sola veram animæ salutem reperiri satis ostendimus tom. 3. lib. 3. scilicet 3. cap. 6. & præterea alia eiusdè minoris propositionis particulæ tam bene ei competunt, quàm circumcisioni, vt patet illas considerari: Igitur, cum omnia salutis remedia pro prædictis Iudæorum, & Gentilium filijs, reuocentur ad hæc duo, scilicet circumcisionem, & remedium legis naturæ, si ista in noua lege sunt inutilia, minimeque sufficiunt ad illorum iustificationem, manifestè sequitur, Baptismum aquæ reipsa susceptum esse illis absolutè, & simpliciter ad salutem animæ necessarium, extra verum pro Christo martyrium.

Quidam recentiores in oppositam nostræ conclusioni sententiam non modo ocriter inclinantes, scilicet Baptismum aquæ infantibus Iudæorum,

& infidelium, non esse simpliciter, & absolutè necessarium, sed si sint Iudæorum filijs, eis circumcissione subueniri; si verò Gentilium, remedijs, quæ in statu legis naturæ sufficebant pro delendo peccato originali, respondentæ allatam rationem, quàm scripturæ loca, in quibus fundatur, & significatur legem veterem, eiusque Sacramenta, nunc esse mortua, imò, & mortifera, non debere intelligi de radicali, & inchoata mortificatione, in promulgatione legis Christianæ primum per Apostolos facta, verum de consummata, post sufficientem nimirum promulgationem, ijs tantum factam, quibus licet eius credibiles sufficientibus argumentis probata fuerit, illam tamen amplecti noluerunt. Vnde, inquit, in nouo orbe, ante ingressum Christophori Colombi, remedia legis naturæ, vel etiam circumcisio, & quodcumque aliud signum externum, quo infideles illi utebantur ad protestandum veri Dei cultum, tunc applicata eorū paruulis sufficebant ad remissionem peccati originalis, & iustificationem illis obtinebant; imo si qui adhuc supersint infideles, ad quos hæc diuulgatio fidei Christianæ, sufficiensque illius necessitatis propositio per argumenta rationalia credibilitatis, nondum sit facta, volunt prædicta legis naturæ, vel etiam Mosaicæ remedia, istis eiusmodi infantibus, etiam hodierna die sufficere, sicque veterem legem, & eius Sacramenta, vel etiam legis naturæ, fuisse quidem post mortem Christi, indeque secutam nouæ legis promulgationem, radicaliter, & initiatiuè mortua, non autem formaliter, & consummatiue, imo nunquam fore talia absolutè, & simpliciter, respectu quorumcumque; & omnium singulorum hominum, nisi vbi & quando præfata euulgatio legis Christianæ cum sufficienti probatione credibilitatis eius facta fuerit illis omnibus, & per consequens Baptismum aquæ nondum esse eorum infantibus necessarium ad obtinendam salutem æternam.

Verum

Verum hæc responsio, doctrinaque in ea contenta, licet quamdam præ se ferre videatur apparentiam misericordiae, & pietatis, omnino tamen aliena est à sensu diuinarum Scripturarum, Sanctorumque Patrum illas interpretantium, qui, ut vidimus cap. 6. vnanimiter docent, legem veterem vna cum Sacramento Circumcisionis simpliciter & absolute nedum cessasse, verum etiā mortiferam redditam fuisse, post sufficientem ab Apostolis factam Euangelij diuulgationem, non autem comparatè ad hos, & hos tantum infantes, vel homines; Insuper tam latè extendunt necessitatem Baptismi aquæ, in ratione medij, quam peccatum originale latè patet: sed peccatum istud contrahitur non solum à filiis Christianorum, vel aliorum, qui aliquid audierunt de fide Christiana, nec vno tantum sæculo, nec in vno tantum loco; sed ab omnibus etiam infidelium, & Iudæorum filiis, quouis loco, & tempore nascantur, nulla habita ratione ignorantie, vel notitiæ de peccato originali incurso, vel non incurso: Igitur iuxta eosdem Patres, Baptismus etiam aquæ, nullo facto discrimine inter filios eorum, qui audierunt aliquid de Christo, & filios eorum, qui nihil de eo audierunt etiā inculpabiliter, simpliciter, & absolute dicendus est necessarius ad salutem, saltem à prædicto tempore promulgationis eius, minimeque illis prodesse, remedia legis naturæ, vel Mosaicæ; Quia, ut notauimus supra ex D. Thoma, & in hoc tota ferè est aduersariorum hallucinatio, possunt quidem parentes dicta remedia filiis applicantes excusari à peccato infidelitatis, pro toto illo tempore, quo Euangelij ignorantiam inuincibilem habuerunt, vel etiam non facta sufficienti illius propositione, inculpabiliter non crediderunt in Christum, nec legem eius, & Sacramenta receperunt; Cæterum talis ignorantia, vel non sufficiens propositio, aut promulgatio non operatur, ut quæ Sacramenta priorum le-

gum nedum mortua, sed & mortifera sunt reddita, per institutionem alterius nouæ, possint aliquibus prodesse eoque saluare, toto illo tempore quo laborant inuincibili, aut inculpabili talis legis ignorantia.

Vnde secunda desumitur ratio ad probandam nostram conclusionem, quam sic efformo. Quando lex aliqua est solummodo ad definitum tempus instituta, tunc tali tempore absoluto, illa non viget amplius, nisi legislator nouæ suæ voluntatis explicatione illam proroget ad longiorem temporis durationem; Sed Deus primarius institutor tum remedij legis naturæ pro delendo peccato originali, tum circumcissionis in lege Mosaicæ, passim in veteri testamento significat talia earum Sacramenta, & alia ad cultum earum proprium pertinentia fore tantum vsque ad Christum; nec alicubi legimus eum, aut Christum noua suæ voluntatis explicatione illa prorogasse ad longiorem temporis durationem, imo vsque ad finem Mundi, ut ex opposita, sequitur sententia; sed potius, ut Christus esset perfectus legislator, perfectus mediator Dei, & hominum, nec daretur aliud nomen, in quo aliquos oporteret sauos fieri, aliaque Ecclesia, præter veram Christi Ecclesiam, in qua quis saluaretur, vbique in scripturis, circumcissionis, & consequenter remedij legis naturæ inutilitas ad salutem post Christi aduentum, legisque Euangelicæ institutionem, prædicatur, ut vidimus; Ergo cum totum tempus a Deo concessum pro lege naturæ, & Mosaicæ, quo ad eorum Sacramenta, & proprios ritus iam effluerit, nec vllibi prorogatum fuisse reperitur, nulla ratione vigent amplius, sed simpliciter, & absolute respectu cuiuscumque hominis, vel infantis, sunt dicenda, planè inutilia, pro eis remittendo originali peccato; nec ad id opus est vltiori promulgatione, aut noua aliqua lege reuocatoria, tempus enim semel pro alicuius legis duratione determi-

terminatum dicitur seipso solo interpellare, sicut in contractibus locatio-
num alicuius fundi, terminus designa-
tus in i. l. s.

Tertiò tandem probatur conclusio,
quia dum dicitur, nullam esse salutem
extra veram Christi Ecclesiam, seu Ec-
clesiam Romano Catholicam, hoc etiã
sensu asseritur, quod omnia Sacramen-
ta, quibus verè homines saluantur sint
illius, per proprietatem à Christo Do-
mino concessam iuxta illud Apostoli
1. Corinth. 4. *Sic nos existimet homo, ut
ministros Christi, & dispensatores myste-
riorum Dei;* Sed circumcisio, & reme-
dium legis naturæ, pro obtinenda re-
missione peccati originalis, nunc sunt
extra Ecclesiam Romano Catholicam,
vel quod idem est, non sunt Sacramen-
ta veræ Christi Ecclesiæ; Ergo appli-
cata infantibus Iudæorum, & infidelium,
quibus talis Ecclesia nòdum innotuit,
nullo modo profunt ad salutem; sed à
Deo data fuerunt ut duratura, & pro-
futura duntaxat ad tempus illud, quo
Christus voluit Baptismum à se institu-
tum in remissionem dicti peccati ori-
ginalis esse necessarium, quia alias tunc
non ex vi solius suæ legis, aut incorpo-
rationis suæ propriæ Ecclesiæ, quam
omnes Patres fieri docent per solum
Baptismum, cum exclusionem cuiuscun-
que alterius, homines à tali peccato
liberarentur; verum etiam sine ali-
quo suæ legis remedio, aut Sacramen-
to, possent saluari, quod destruit ratio-
nem perfecti, & consummati legislato-
ris, item solius mediatoris Dei, & ho-
minum, qua scripturæ ubique eum
fuisse diuinitus honoratum affirmant.

Ad potissimum aduersariorum ar-
gumentum ex suauitate diuinæ prou-
identiae desumptum, iuxta quam asse-
runt debuisse Deum relinquere paru-
lis infidelium, & Iudæorum opportu-
num aliquod salutis remedium, pro to-
to illo tempore, quo sufficiens ad pa-
rentes eorum non peruenit Christianæ
legis promulgatio; Respondetur sua-
uem Dei prouidentiam, in hac, & alijs

ei similibus rebus non esse metiedam
iuxta rationes humanas, & affectum,
quasi sensualem, quo plerique hominū
possunt erga se, & alios effici; sed de-
bere æstimari ex diuinis rationibus, &
ex modo quo Sacra Scripturæ, & Ec-
clesia loquuntur de mysterijs nostræ fi-
dei, & de iustificatione hominum, vt
passim docent Patres, præcipuè Diuus
Augustinus lib. de corrept. & grat. cap.
7. 8. & alibi passim agens cum Pela-
gianis, & Semipelagianis: *Quare sicut
idem Augustinus tam epist. 49. qu. 2.
quam lib. de præd. destinatione Sancto-
rum cap. 9. vbiab eo quaeritur, cur
Christus Dominus prius non venerit?
item eodem lib. cap. 8. cur non det om-
nibus, & singulis gratiam singulariter
efficacem? item, quare uni, & non alteri
detur perseuerantia?* vt libro citato de
correctione, & gratia cap. 8. recurrit
cum Apostolo ad insurabile Dei iu-
diciū; ita & nos insistentes eorum
doctrina, & responsioni, quam faciunt
ad similes relatas difficultates, dicimus
infantes istos, quorum parentes nihil
de Christo, & eius doctrina vnquam
audierunt, non damnari ob omissionē
baptismi sumptam formaliter, sic enim
forſan repugna et inſiſtitati bonitatis
diuinæ, sed ob peccatum originale cum
quo, & in quo moriuntur, defectu ba-
ptismi sibi applicati, tanquam vaici
remedij, pro quibuslibet infantibus ex-
tra martyrium ex hac vita decedenti-
bas, ex secreto quidem, & occulto, sed
tamen iusto Dei iudicio, & sicut secre-
tum illud iudiciū, quo statuit eo tan-
tum tempore in Mundum venire, quo
venit de facto, & non ante, nullum
attulit præiudiciū ei prouidentiae,
qua præcedentibus sæculis homines
gubernauit, eo quod, de medijs ad eo-
rum salutem, tunc necessarijs, sufficiē-
ter, quantum est ex parte eius, proui-
derat, & tunc homines tantum damna-
bantur ob peccata cum quibus mo-
riebantur: ita etiam occultum illud iu-
diciū Dei, quo promulgatio Euan-
gelij nondum peruenit ad parētes isto-
rum

rum infantum, nullo modo præiudicat suavi prouidentia, qua nunc post aduentum Christi regit hoc vniuersum, eo quod instituendo Sacramentum Baptismi, & alia id genus media ad salutem vitæ æternæ, illis sufficienter prouidit in causis saltem vniuersalibus, & ob solum originale peccatum, quo adhuc manent infecti, arcentur ab illa.

Tertia Conclusio, Nullus paruulus, quantumuis ex parentibus Christianis ortus, extra martirium, lege communi, & ordinaria saluatur sine baptismo aquæ reipsa suscepto. Ista conclusio, vt iacet, & procedit de communi lege, est pariter certissima inter Theologos, adeo vt eius oppositum videatur nonnullis hæreticum, vt Soto in 4. sentent. distinct. 5. quæst. vnica art. 2. alijs, vt Ruaro Tapero in expositione articulorum Louanienfium art. 2. pium quidem secundum speciem, attamen contra Apostolicam prædicationem; alijs ad minus erroneum, vt Gabrieli Vafques in 3. part. disput. 151. capit. 3. quamobrem iussu Summi Pontificis Pij V. in editione Romana operum D. Thome, commentarij Caietani id docentis in articulo 2. & 9. quæst. 68. Sancti Thomæ fuerunt expuncti.

Prima huius conclusionis probatio defumitur ex iisdem Scripturæ, & Patrum locis, quibus primam probauimus, præferri ex illo S. Ioannis cap. 3. quo comprehendit omnes homines cuiuscumque ætatis, & conditionis ostendimus, illumque ad infantes in casu nostræ conclusionis, quibus scilicet absque aliqua parentum negligentia, baptismus aquæ non potest applicari ante mortem, expressè extendit Sanctus Ambrosius à nobis citatus lib. 2. de Abraham cap. 11. vbi post verba Christi Domini Ioannis. 3. *Nisi quis renatus fuerit, &c.* hæc subiungit, *utique nullum excipit, non infantem, non aliqua necessitate præuentum*: & Diuus Augustinus lib. de natura, & gratia capit. 2. alludens ad eundem locum, loquensque de paruulo, cui per mortem præ-

uento subueniri non potuit per baptismum, ait, *Absoluat eum Pelagius, & aperiat ei contra sententiam Domini, regnum celorum, sed non eum absoluit Apostolus*. Quamobrem iuxta communem totius Ecclesiæ praxim, omnes paruuli decedentes absque reali susceptione baptismi aquæ, non obstante voto illo parentum, & signo illo exteriori eis applicato, quo Caietanus existimauit istos paruulos posse saluari, Christiana priuantur sepultura. Quod certè non fieret, si tale parentum votum, & signum externum illi adiunctum, vbi sine vlla eorum negligentia baptismus aquæ non potest applicari infantibus ante mortem, sufficeret illis de lege communi ad æternam salutem.

Probatur insuper ratione, quia illud solum, & nihil aliud, est ordinarium remedium in Ecclesia pro remittendo peccato originali infantibus, quod vel est à Christo institutum, vel quod ex natura sua, est vltima dispositio ad gratiam sanctificantem, vt in adultis est perfectus charitatis, vel contritionis actus, ex dictis supra; sed Christus Dominus instituit solum Baptismum aquæ reipsa susceptum pro infantibus, extra martirium morientibus, nec parentum votum est ex sua propria conditione, & natura aliqua dispositio vltima ad gratiam iustificantem: ergo nullo alio medio quam baptismi aquæ infantes morientes in infantia saluantur.

Maior huius argumenti est certissima, nisi velimus alioqui infinitam esse licentiam fingendi remedia salutis; aut dicere Deum non sufficienter tot infantibus prouidisse, qui Ecclesiam certo non docuisset, imo latere voluisset, quæ sit omnino via ad salutem eorum necessaria.

Minor verò quo ad primam partem probatur primò ex omnibus relatis Scripturæ, Patrum, Summorum Pontificum, & Conciliorum auctoritatibus pro prima conclusione, vt statim dicebam. Et magis in speciali illam docet Inno-

Innocentius I. epistola sua ad Concilium Carthaginense, & Mileuitanum, ubi ait: *esse fatuum dicere parvulos posse donari præmijs vite æternæ sine baptismo*; tùm Concilium Tridentinum sess. 5. in decreto de peccato originali can. 4. ubi dicens anathema negantibus peccatum originale in infantibus, ait: *necesse esse illud in eis expiari lauacro regenerationis, ut vitam æternam consequantur*; quo loci particula, *necesse est*, denotat absolutam necessitatem mediij; Concilium autem ibi loqui de baptismo aquæ in re suscepto, patet tum ex eo, quod illum vocat lauacrum regenerationis, tum quia facit expressam mentionem verbalis eius formæ.

Secundò eadem pars minoris probatur, quoniam si quod aliud à baptismo aquæ remedium ordinarium extaret in Ecclesia, quo peccatum originale remitteretur infantibus, Sancti Patres, qui disputabant contra Pelagiũ, male contra illum protulissent sententiam Christi Domini Ioannis. 3. *Nisi quis renatus fuerit, &c.* nec Pelagiani coacti fuissent admittere omnimodam & simpliciter absolutam necessitatem baptismi, pro salute infantum morientium extra martyrium; respondissent enim, aditum vitæ æternæ alia via illis patere, aut modo, scilicet illo, quem hæc prima pars nostræ minoris negat, quod tamen nunquam responderunt, imò Sanctus Augustinus lib. 3. contra Iulianum cap. 10. & 12. scribit Pelagium, *Timore suæ damnationis, damna se eos, qui dicunt infantes, si non baptizentur, habere vitam æternam*. Quod etiam Cælestius facit apud eundem, Sanctum Augustinum lib. 2. contra Pelagium, & Cælestium de peccato originali cap. 5. & 6. Quatenus in Ecclesia nullum aliud vnquam remedium à Christo Domino institutum, vt ordinarium, præter baptismum habitum est pro infantibus in infantia morientibus.

Quod insuper votum istud parentũ, & signum externum illi adiunctum nõ

sit ex sua propria conditione, & natura aliqua dispositio vltima ad gratiam sanctificantem, quæ est altera minoris pars, constat ex eo, quod ratio talis vltimæ dispositionis conuenit tantum proprijs actibus contritionis, & dilectionis Dei super omnia, eius qui tunc iustificatur; quale non est in infantibus dictum parentum votum, vt satis per se patet.

Neque huic probationi, nostræque conclusionis veritati quidquam obest, si dicatur primò in vtraque lege naturæ, et Moylis, remedio ordinario deficiente parvulis, solam fidem parentũ illis sufficisse ad salutem; in lege quidem naturæ, quia ex S. Gregorio lib. 4. Moral. cap. 2. *Quod apud nos valet aqua baptismatis, hoc apud veteres egit, vel pro parvulis sola fides, vel pro maioribus virtus sacrificij*; In lege verò Mosaica, quia parvulis periclitantibus ante diē octauum succurrebatur eodem remedio legis naturæ. Igitur cum lex Evangelica non sit deterior lege naturæ, & Mosaica, si baptismus, qui in ea est proprium, & ordinarium pro istis infatibus remediũ aliquando deest, illis sola fides parẽtum eos ex insigni pietate offerentium Deo, sufficiet ad salutem. Aut si dicatur secundo, quod sicut infantes, etiam in statu infantie ante baptismum aquæ receptum, sunt capaces baptismi sanguinis, seu martyrij, & hoc supplet in illis vicem baptismi aquæ, vt diximus supra; ita similiter cum fides illa, & ardentissima orationes parentum pro salute sui paruuli constituti in extrema necessitate, nihil sint aliud, quam votum quoddam baptismi aquæ, isti infantes saluabuntur per illud, tanquam per baptismum flaminis.

Respondetur enim ad primum, non ideo infantes iustificatos fuisse in lege naturæ, & interdum in lege Moylis per fidem parentum, quia talis fides esset in eorum filijs aliqua vltima dispositio ad gratiam; hoc enim est impossibile, ex natura sua; Sed quia tunc huiusmodi

modi fides erat ex ordinatione diuina, signum sensibile, seu Sacramentum, quo remittebatur peccatum originale, quod illi non competit in statu nouæ legis, sed soli baptismo; quare cum nec habeat modo rationem Sacramenti, nec sit ex conditione, aut natura sua, vltima ad gratiam dispositio, non potest dici remedium sufficiens paruulis morientibus absque baptismo aquæ realiter suscepto, vt salutem æternam per illud obtinere, regnumque coelorum intrare affirmetur. Quo circa aduertendum est, fidem illam, per quam paruuli in lege naturæ mundabantur ab originali peccato, & accipiebant gratiam iustificantem, non fuisse necessario actum aliquem elicitem supernaturalem fidei interioris parentum illos offerentium Deo; sed fuit tantum actus fidei quoad obiectum, hoc sensu supernaturalis, quod applicans tale remedium, intendebat facere, quod veri cultores Dei faciebant ad tollendum peccatum originale; eo modo quo apud nos valet etiam baptismus, ad quem hæc eadem fides, quo ad obiectum sufficit; nam quicumque, etiam Paganus, abluuit paruulum nondum baptizatum, professendo hanc, vel æquiualentem formam, *Ego te baptizo &c.* & intendendo facere, quod vera facit Ecclesia, purgat paruulum à peccato originali ministerialiter producendo in eo gratiam sanctificantem; tantumque penes hoc dispar est conditio talis actus fidei, pro vt exercebatur toto tempore legis naturæ pro quibuscumque paruulis, & in lege Mosaica pro femellis tantum, & masculis ante diem octauum morientibus, ab eo actu, qui nunc exercetur à baptizante, quod actus ille fidei supernaturalis ex obiecto requisitus in lege naturali, & Mosaica, non esset determinatus ad aliquod signum sensibile, certum in specie, sed in confuso, vt communiter docent Theologi 3. p. quæst. 60. in noua autem lege sit determinatus ad ablutionem aquæ elementaris, factam etiam sub certa verborum forma.

Bibliot. Theol. Tom. V.

At secundum dicitur, infantes, etiam in statu infantie ante baptismum aquæ receptum, esse quidam capaces baptismi sanguinis, seu martyrii, suppletis in illis vicem baptismi aquæ, quia ad martyrium vt sic, satis est actualis mors pro Christo tolerata, talis enim mors ex natura sua est in signe charitatis opus, absque villo alio actu in paruulis, vnde Sanctus Augustinus relatus à Sancto Thoma 2. 2. quæst. 124. art. 1. ad 1. alloquens Sanctos Innocentes sic ait, *Non habebatis etatem qua in passurum Christum crederetis, sed habebatis carum, in qua pro Christo passuro passionem sustineretis*; Secus autem res se habet in baptismo flaminis, qui aliter vocatur baptismus in voto, vt enim quis per eum saluetur, tale votum debet esse personale, seu eius particularis personæ, quæ pro seipsa indiget baptismo aquæ, nec potest illum reipsa accipere, cuius voti, seu actus charitatis, vel contritionis illud includentis, cum sint incapaces pueri; incapaces quoque dicendi sunt baptismi flaminis, quodque per illum suppleatur, vt in adultis baptismus aquæ. Deinde ea tantum fides sufficit paruulo ad salutem, quæ illum facit formaliter membrum viuum Ecclesiæ; quod fides parentum, quantumuis pienssimorum, præstare non potest, sed sola fides formata inherens animæ saluandi. Igitur cum hæc fides detur infanti extra martyrium, cuius etiam est capax in utero matris non ob fidem eius, sed quia cum illa interficitur in odium Christi, & religionis eius, solūmodo per baptismum aquæ, etiam per hunc solum fit formaliter fidelis, & tale membrum Ecclesiæ; ita vt fides parentum, vel responsio offerentium pueros ad baptismum sit tantum ceremonialis, vnde si illa iam præmissa, paruulum ante ablutionem baptismalem, & formæ prolationem mori contingeret, nullo modo saluaretur. Quod maxime significauit Diuus Augustinus cap. 12. libri de dono persecutantæ, quando ait, *Festinantibus parentibus, & ministris paratis,*

R r r

ratis, paruulam non baptizari, sed casu aliquo impediēte Baptismum perire.

Quarta, & vltima conclusio. Nullus infancium; etiam speciali priuilegio saluatur de facto in statu nouæ legis, sine baptismo aquæ in re suscepto, per quod cumque votum, aut quamlibet parentum deuotionem, nisi specialis, & aque certa reuelatio habeatur pro hac re. Ista quoque conclusio, quæ tantum procedit, supposita ordinatione Dei, & institutione Sacramentorum nouæ legis, est ita certa, vt contrariam Gersonis, Gabrielis, & aliorum temerariam esse reputet Gabriel Vasques 3. p. disp. 151. cap. 3. Illam in re probant omnia etiam argumenta pro præcedentibus adducta, quibus ostendimus Concilia, & Patres ita diuinas interpretari Scripturas de absoluta, & omnimoda necessitate Baptismi aquæ in re suscepti pro infancibus extra martyrium decedentibus, vt expressè dicant eos, etiam præuentos necessitate, non saluari absque illo: quod in re est dicere eos per nullum aliud remedium, nec proinde per votum, vel orationem parentum etiam ex speciali priuilegio saluari de facto. Idque magis apertè tradit Diuus Augustinus tum loco statim citato libri de perseuerantia, vbi scribit cum infancem excludi à vita æternæ, cui baptismus in re non fuit collatus, et si parentes præ sua fide, & deuotione, ministrique Ecclesiæ, vt suo satisfacerent muneris, nihil omiserint, vt ei procurarent, & conferrent baptismum; verba eius sunt. *Quid dicam, quod paruulus aliquando antequam illi per ministerium baptizantis, succurri possit, expirat; plerumque enim festinantibus parentibus, & paratis ministris, vt baptismus paruulo datur, Deo tamen nolente non datur; qui cum paruulum non tenuit, vt daretur. Tum libro de peccator, meritis, & remissis, cap. 23. vbi ita habet, Nulla ergo ex nostro arbitrio, præter baptismum Christi, salus æterna promittatur infancibus, quam non promittit Scriptura animis nascentibus omnibus ingenijs præferenda. Quibus sanè verbis nihil opportunius*

adduci posse videtur, tam ad probandam omnimodam, & absolutam necessitatē baptismi aquæ in re suscepti pro infancibus extra martyrium decedentibus, quam ad retundendas falsas eorum imaginationes, seuque coniecturas, qui contra manifestam Ecclesiæ traditionē ad vota parentum, aut alia similia confugiunt remedia, vbi non datur opportunitas suscipiendi realiter aquæ baptismum.

Prima nostræ conclusionis ratio est, quia nullus eximitur à regula generali comprehendente omnes, & singulos homines in negotio salutis, nisi per Sacram Scripturam, aut traditionem, specialemque aliquam Dei reuelationem, constet illum excipi à tali regula, siue lege, vt satis patet exemplo sumpto a peccato originali, quod omnes contrahimus, neque audemus aliquem eximere ab illo, nisi constet aliquo ex prædictis modis, quia Deus, & Christus Dominus alligarunt suam potentiam institutis suis, & ordinationibus, aliqui frustra esset potentia ordinaria; sed generalem habemus legē Dei, & Christi Domini obligantem omnes, & singulos homines ad recipiendum baptismum, tanquam necessarium necessitate mediæ, ita vt quicumque illum non recipiant in re, vel in voto personali extra martyrium, nunquam sint vitam æternam consecuturi, vt huc vsque ad copiam probauimus; aduersarij verò nullum scripturæ locum, nullam traditionem, nullam specialem adducunt Dei reuelationem, quibus infantes isti excipiantur à dicta lege generali, aut dicantur saluari absque baptismo in re, vel aliquod aliud remedium fuisse institutum pro illis; ergo cum ex dictis superiorij conclusionis sint incapaces voti baptismi, quia est personale, tale siquidē votum præcisè, & formaliter sumptum, nihil est aliud, quam perfectus dolor de peccatis, cum desiderio aliquo recipiendi baptismum aquæ, seu actualis conuersio animæ ad Deum, per charitatem, cum aliquo de desiderio baptismi, manifestè

festè patet, nullum infanclum etiã speciali priuilegio saluari de facto sine baptismo aquæ in re suscepto, per quodcumque votum, & quamlibet parentũ deuotionem, nisi, vt dicebatur in conclusione, specialis, eaque certa reuelatio extaret pro hac re, cuius signum est euident, quod parens ille condemnaretur ab Ecclesia, qui sine tali reuelatione ab eadem Ecclesia examinanda, affirmaret bonis suis operibus, & precibus suis effecisse apud Deum, vt filius sibi nasceretur absque peccato originali.

Si dicant aduersarij, votum parentum pro baptizandis filiis, non esse quidem in illis votum baptismi formaliter, cum tale votum debeat esse personale loquendo propriè, nihil tamen impedire, quod votum illud parentum, non possit reputari votum eiusmodi infantium, ad cuius positionem, non tanquam Sacramenti, aut vltimæ dispositionis ad gratiam, sed meræ conditionis sine qua non cõferat illis Deus speciali priuilegio gratiam sanctificantem. Respondetur concedendo libenter id nullam inuoluere contradictionem, si Deus ita statuere voluisset, cõterum loquendo de potestã eius ordinaria, vel secundum id, quod de facto Deus suæ reuelauit Ecclesiæ, tam ratio præcedens, quam alia huc vsque allata demonstrant contrarium.

Indeque altera deducitur ratio pro nostra conclusione; nam, quicquid sit de iure ciuili, vel gentium vel naturæ, loquendo de iure diuino, siue de ijs, quæ spectant ad ius diuinum, cuiusmodi sunt bona, vel detrimenta hominum supernaturalia, in tantum voluntas parentum potest reputari moraliter voluntas filiorum, in quantum Deus ita statuit, siue quod idem est, quod voluntas parentum reputetur voluntas filiorum, quoad bonum supernaturale, vel malum ei oppositum, tantum provenire potest ex aliqua institutione, vel pacto Dei; sed Deus nullibi statuit, præterquam pro gratia originali, & peccato origina-

li ad posteros protoparentis Adami transmittendis, vt in huiusmodi rebus ad bonum animæ supernaturale spectantibus, voluntas parentum reputaretur voluntas filiorum, nihil enim tale ab aduersarijs proferri potest, seu ex sacris litteris, seu ex traditione diuina; Igitur voluntas illa parentum, qua ardentè desiderant suis filiis constitutis in extrema aliqua necessitate baptismum, aquæ, reputari non potest voluntas ipsorum, vt supernaturalem eius consequatur effectum, siue remissionem peccati originalis per gratiam sanctificantem.

Si quis autem diceret in huiusmodi rebus voluntatem parentum veluti ex natura rei reputari moraliter voluntatẽ infantium, nihil esset absurdus, non solum, quia quæ pertinent ad ius diuinum posituum primam suam à diuina voluntate originem ducere debent; verum etiam, quia, vt præfata bona voluntas parentum semper esset sufficiens conditio, vel medium ad consequendũ baptismi aquæ effectum in suis paruulis sine illo realiter suscepto morientibus, ita opposita voluntas, qua ex hypothefi nollent suos paruulos baptizari, faceret, quod etsi de facto baptizarentur per sufficientem ablutionem cum prolotione formæ legitimæ à ministro habente debitam intentionem, validè non baptizarentur, quia voluntas parentis ex natura rei, atque adeo necessario reputaretur voluntas filij, vt supponit responsio.

Quæ ab aduersarijs contra has duas vltimas conclusiones obijciuntur, ad hæc potissimum reducuntur; primò quod purus aliquis homo potest alteri promereri de congruo primam gratiã; igitur cum in præfati parentes infantis supponantur esse in statu gratiæ iustificantis, ardentescque fundere orationes pro illo, non data baptismi in re opportunitate sine vlla eorum culpa, impetrabunt ei per meritum de congruo primam gratiam, & consequenter iustificabitur. Secundò, quod Deus non des-

picit/preces humilium in se sperantiū.
Tertio, quod alias Deus sufficienter nō
providisset tot parvulorum salutē, cum
nullum reſteret medium, quo baptis-
mi aquæ copia non habita poſſint ſaluari,
quam votum parentum, quo illis deſi-
derant huiusmodi baptiſmum; Quarto
tandem ſi homines adulj cum aqua
baptizari nequeunt, excuſantur ob im-
potentiam, ac ſaluari poſſunt per votū
eius; multo magis excuſari, ac ſaluari
debent parvulj, qui ſunt naturaliter im-
potentes, per votum parentum.

Respondetur ad primum, pūrum
hominem poſſe quidem alteri prome-
reri de congruo primam gratiam exci-
tantem, cuius beneficio pro ſua liber-
tate conſentiendo vocationi diuinæ, iu-
ſtificetur; non autem gratiam iuſtificā-
tem immediate conferendam, qualem
in præſenti caſu oratio parentum debe-
ret impetrare iſtis infantibus.

Ad ſecundum dicitur, verum eſſe
de precibus bene, & vt decet factis, nā
ſtultas, & vanas negligit Deus inter
quas eſt hæc oratio parentum poſtulan-
tium à Deo, vt in caſu mortis iuſtificet
infantem abſque baptiſmo aquæ in reſ
ſuſceptos vt enim rectè obſeruat Diuus
Thomas 1. p. q. 23. art. 8. & 23. quæſt.
83. art. 2. vanum eſt, ac ſtultum orare.
Deum, vt mutet diſpoſitionem ſuę pro-
videntię, & eſt tantum orandus pro
executione illius: Quare, cum Deus
firma lege ſtatuert ſaluare tantum iſtos
infantes, extra martyrium, per baptiſ-
mum aquæ, nullumque aliud remediū
pro illis ſalvandis ordinauerit, vt, quæ
huc uſque adduximus, efficaciter pro-
bant, potius eſſet orandus, vt dignaretur
promerere vitam iſtis infantibus, &
ab illis dimouere pericula, vt ſic ad ba-
ptiſmum peruenirent.

Ad tertium reſpondetur primò, ad-
uerſarios ipſos teneri illud ſolvere in-
tor infidelium filijs. Secundo dico, me-
dium ſufficiens, & eius applicationem,
valde diſtingui, ſive aliud eſſe carere
medio ſufficienti, & aliud carere appli-
catione illius, vt communiter Theologi

docent: Iſti autem infantes tunc pere-
unt, non defectu mediij ſufficientis, quia
baptiſmus aquæ à Chriſto Domino in-
ſtitutus, eſt per ſe ſufficiens ad ſaluan-
dum illos; ſed pereunt tantum defectu
applicationis eius, quæ impeditur fieri
per quaſdam cauſas naturales, quas
Deus non eo ſine diſpoſuit, vt ſalem
infantem impedirent baptizari, ſed pro-
pter alios fines, vel maioris gloriæ ſuæ,
vel boni vniuerſi, quod Deus non ſpene-
tur peruertere, propter cuiusmodi parti-
culare factum.

Ad quartum denique reſpondetur,
quod baptiſmus, vel in re, vel in voto
eſt neceſſarius ad ſalutem non ſolum
neceſſitate præcepti, ſed etiam mediij;
quia tollit peccatum originale, & actua-
le per primam gratiam iuſtificantem, ſi-
ne qua nemo abſolute ſaluari poſteſt.
Quamvis autem impotentia quemlibet
excuſet ab obſervatione præcepti, vt
ſcilicet non committat nouum pecca-
tum, nec damnetur, ſi præceptum non
impleat; non tamen illum excuſat, vt
ſaluari poſſit ſine medio neceſſario, hoc
eſt, ſine gratia iuſtificante, quæ per ba-
ptiſmum tribuitur. Quia verò poſteſt adul-
tus, & non poſteſt parvulus per baptiſ-
mum in voto iuſtificari: ideo poſteſt
prior, & non poſterior ſaluari ſine ba-
ptiſmo in re, ad quem habet impotentia.
Qua de cauſa, etiamſi idem ſit
morbus, idem peccatum originale, ea-
dem neceſſitas baptiſmi aquæ in iſtis
infantibus, ac in adulto nondum bap-
tizato habente votum baptiſmi; quia ta-
men curatio morbi non eſt à cauſa
morbi, ſed à remedio ad illum ſanandū
applicato, & baptiſmus flaminis
habet locum in adulto, in infante autē
minime. Inde quoque ſit, vt non obſtan-
tali identitate morbi ſpiritualis, & ne-
ceſſitatis, infans iſte damnetur, adultus
verò ſaluetur per votum baptiſmi aquæ,
ſeu baptiſmum flaminis. Tantum de
preſenti controuerſia, quam tractant
Theologi cum Diuo Thoma 3. p. q. 68.
quia autem aduerſarij, quibuſcum agi-
mus, nec vllus alius, quem legerim, hæreti-

hæreticus, dubitant de necessitate baptismi quo ad rationem præcepti, tam de illa, quam de tempore, quo cepit, & alijs huiusmodi agemus tomo sequenti, vbi Deo iuvante breue totius Theologiæ compendium daturi sumus iuxta methodum, ac doctrinam Divi Thomæ in sua Summa.

C A P U T XIII.

Statuitur adversus Armenos, Sacrum Chrisma non adeo esse necessarium ad verum Baptisma perficiendum, ut nisi baptizandus ipso ungetur, non baptizatus censeri debeat.

Hunc errorem de vñctionis necessitate ad baptismi substantiã, ac validitatem, licet Guido Carmelita de hæresibus, verbo, Armeni, aliq; Scriptores, toti eorum nationi tribuant, nihilominus non desunt, qui Vartano solum, & eius sequacibus, seu Vartanistis Armenis imputandum credant. Id quod docuit etiã, teste Archudio libro de Sacrament. cap. 13. Simeon Græcus Thessalonicensis, ita scribens: *Non erit perfectè quispiam baptizatus, qui non susceperit unguentum.* At huiusmodi errorem esse contra fidem, primò patet ex eo, quod sola vera aqua sensibilis, habens verã, & naturalis aquæ formã, sit valida, & sufficiens materia remota Sacramenti baptismi, vt definitum fuit in Concilio Lateranensi, item Tridentino sess. 7. Can. 2. tum ex illo Ioannis 3. *Nisi quis renatus fuerit ex aqua, & Spiritu Sancto;* quem de Sacramento baptismi, nec non consequenter de vera aqua sensibili elementari, in quo confertur, intelligi debere docent omnes Patres. Ibi enim Christus Dominus agebat de necessitate spiritualis regenerationis, vt etiam denotat particula illa textus *renatus*, quæ tantum fit per baptismum, vt ait Apostolus ad Titum. cap. 3. *Salvos nos facit per lavacrum regenerationis;* & ad Ephes. 5. *mundans eam*

lavacro aquæ in verbo vite; & non per aliquod aliud Sacramentum, nam alia Sacramenta alios habent speciales effectus; Tum ex alijs locis, vbi Christus author Sacramentorum, cū iussit Apostolos baptizare, meminit solius ablutionis cum inuocatione Trinitatis dicens: *Baptizantes eos in nomine Patris, & Filij, & Spiritus Sancti;* nec non ex eo quod Eunuchus Act. 8. vbi vidit veram, & naturalem aquam dixit Philippo ipsi prædicanti Christum, & eius legem, *Ecce aqua quis prohibet me baptizari;* Sacrum igitur Chrisma nequaquam est materia baptismi, & consequenter non est adeo necessariũ ad illud, vt sine ipso sit inualidus. Patet vtraque consequentia, quia in tantum necessariò requireretur, in quantum, esset simul cum aqua, vera baptismi materia, alio enim modo ad eum concurrere posse non videtur: sed Christus qui est author Sacramentorum nouæ legis, nullibi instituit Sacrum Chrisma simul cum aqua, pro necessaria materia baptismi, locis eum citatis, & alijs, vbi de illo sermonem habuit, non meminit Chrismatis, aut Vñctionis, sed tantum aquæ, & ablutionis cum inuocatione Sanctissimæ Trinitatis; merum igitur est figmentum, quod præfati hæretici asserunt de necessitate Chrismatis ad baptismi validitatem.

Secundò probatur fidei veritas, quia dum cõtra illam astruunt dictam Chrismatis necessitatem, vel est sermo de illo, quod in consecratione aquæ baptismalis ter infunditur crucis speciei, in Sabbatho Paschæ, & Pentecostes; vel de oleo benedicto, Cathecumenorum dicto, quo homo baptizandus à Sacerdote in scapulis, & pectore ungi solet; vel de Chrismate, quo iam baptizatus ungi solet in vertice; quæ vñctio, sicut & omnis alia Chrismatis licet primis sæculis à solis Episcopis fieri solita esset, postea tamen introductũ fuit, vt ea quæ in vertice fit, Presbyteris commissa fuerit, Chrismatione quæ in frõte baptizati adhibetur per Sacramen-

mentum confirmationis reservata iure ordinario solis Episcopis; vel tandem, est sermo de hac vltima Chrismatione, vel vnctione; sed nulla ex his necessaria est, vt baptismus dicatur validè collatus; id ergo gratis ab aduersarijs asseritur. Maior huius argumenti videtur esse certa ab enumeratione partium.

Minor verò probatur quoad singulas partes, primaque patet ex eo, quod vnctio, quam ad baptismi valorem desiderant aduersarij, debet secundum ipsos, fieri in baptizato, illa autem, quam primo loco attulimus non adhibetur baptizato, sed est mera Chrismatis infusio, pro consecratione aquæ baptismalis, non per modum materiæ necessariæ, sed purè duntaxat ceremoniæ Ecclesiasticæ requisita; vnde est altera huius partis probatio, quia quod est mera ceremonia Ecclesiastica, in administratione baptismi, non potest dici necessarium ad validam ipsius collationem, sed consecratio aquæ baptismalis, cum trina infusione Chrismatis, crucis specie, est mera ceremonia Ecclesiastica, illiusque tanquam talis meminerunt Dionysius Arcopagita cap. 2. Ecclef. Hierarch. p. 2. S. Cyprian. lib. 1. epist. 12. S. Basilius lib. de Spiritu Sancto cap. 27. Ambrosius lib. 1. de Sacrament. cap. 5. & de iis, qui mysterijs initiantur cap. 3. S. Augustinus lib. 6. contra Iulianum cap. 8. de qua etiam legi potest Cardinalis Baronius ad annum Christi 417. versus finem; talis igitur Chrismatis vsus minimè dicendus est necessarius, ad baptismi substantiam, seu valorem.

Probatur secunda pars, primò, quia licet oleum Cathecumenorū interdum generali vocabulo Chrismatis, quod vnctionem, seu vnguentum significat, comprehendatur, non est tamen Chrisma propriè dictum, ex oleo, & balsamo confectum, quale requirunt aduersarij in valida administratione Sacramenti baptismi, sed ex solo oleo, proptereaque non Chrisma simpliciter, sed

oleum Cathecumenorum cum addito vocatur, cuius ratio est, quoniam Sacrum Chrisma, seu odoriferum oleum, ex propria consecratione, & institutione, significat donum Spiritus Sancti, quod Cathecumenis Sacramentaliter non confertur, sed ijs tantum, qui Christi corpori, siue Ecclesiæ per baptismum inserti sunt. Secundò probatur, quia, quod homo baptizandus à Sacerdote, oleo benedicto, quod Cathecumenorū dicitur, in scapulis, & pectore vngatur præviè ad baptismum, est mera quoque eius ceremonia, cuius mentionem faciunt Ambrosius lib. 1. de Sacrament. cap. 2. Chrysostomus homilia 6. in cap. 2. epist. ad Colossenses: *Inungitur, inquit, baptizandus more athletarum, qui stadium sunt ingressuri*, Amalarius lib. 1. de institut. Clericorum cap. 27. Innocentius III. cap. vn. de Sacram. vnct. §. quia, verò.

Probatur tertia pars, quoniam et si oleum, quo baptizatos presbyter in fronte vngere solet, sit verum, proprièque dictum Chrisma, hoc est, cum balsami admixtione, nihilominus hæc etià est vna ex ceremonijs quæ ipsum baptismum iam collatum sequuntur, vt quod recens baptizatus induatur veste candida, quod illi cereus accensus in manus detur, &c. cuius mentio habetur apud Dionysium citato c. 2. Ecclesiast. Hierarchia, Nazianzenum orat. 40. in Sacrum baptismum, Ambrosium lib. 3. de Sacrament. cap. 3. & lib. de ijs qui initiantur cap. 6. Hieronymum Dialogo aduersus Luciferianos, Concilium Arauf. can. 1. Alcuinum de diuinis officijs cap. de Sabbato Sancto; significat autem hæc vnctio in vertice, ait Catechismus Romanus part. 2. de baptismo nu. 57. baptizatum, ab eo die Christo capiti tanquam membrum coniunctum esse, atque eius corpori insitum, & ea re Christianum à Christo, Christum verò à Chrismate appellari.

Quarta denique pars probatur ex eo quod impositio manus cum vnctione frontis ex Chrismate pertinet ad Sacra men-

cramentum Confirmationis, baptiſmus autem, & confirmatio ſunt duo Sacramenta inter ſe numero, & ſpecie diuerſa, quorum vnumquodque completum eſt in ſua ſpecie, independenterque ab altero ſuum producit effectum; conſtat igitur nullam prorsus vnctionem, quæcunque illa ſit, aut quocumque adhibeatur modo, neceſſariam eſſe ad baptiſmi validitatem.

Tertiò tandem probatur noſtra propoſitio contra Armenos ex ipſomet eorum rituali, vbi præcipitur Presbytero, vt in baptiſmo, immediatè poſt ablu- tionem, ac formæ prolationem, & antequam baptizatum Chriſmate inungat atque confirmet, dicat ſic: *Chriſti ſanguine redemptus, & à peccati ſubiectione liberatus eſſi filium Patris Cæleſtis adoptatus, coheres Chriſti factus, & templum Spiritus Sancti*; Si igitur baptizatus à peccati ſubiectione liberatus eſt, factuſque templum Spiritus Sancti, antequam Chriſmate conſignetur; quomodo baptiſma ſecundum ſe, ac ſine Chriſmatis vnctione receptum, non habet eſſe ratum, perfectumque vnde quaque Sacramentum?

Obijciunt primò aduerſarij: Non perfectè baptizatur, qui Spiritum Sanctum non accipit iuxta illud Ioannis 3. *Niſi quis renatus fuerit ex aqua, & Spiritu Sancto, non poteſt intrare in regnum Dei*; Sed Spiritus Sanctus tribuitur baptizato per Chriſma, ſeu confirmationem iuxta illud Act. cap. *Tunc imponebant manus ſuper illos, & accipiebant Spiritum Sanctum*; Ergo Baptiſma ſine Chriſmate datum, non erit perfectum.

Reſponderetur ad hoc argumentum, concedendo maiorem benè intellectâ, & negando minorem, quatenus licet per Chriſma, ſeu confirmationem detur Spiritus Sanctus, non tamen per illam ſolùm, vt intenditur in minori, verùm etiam per baptiſma ſine Chriſmate, vt ſtatim dicebamus ex rituali Eccleſiæ Armenæ, imo per quodlibet aliud Sacramentum, donatur nobis vnus & idem Spiritus Sanctus: quanquam

non eundem ad finem: nam in baptiſmo datur ad regenerationem ſpiritua- lem; in Cõfirmatione ad robur, & aug- mentum fidei; in Euchariftia ad nutri- tionem ſpiritualement, ſeu continuationem augmenti ſpiritualis; in Pœnitentia ad remiſſionem peccatorum; in extrema Vnctione ad finalem perfeuerantiã, in adepta ſaluatione, & allevatione; in Ordine ad pium uſum poteſtatis ſacræ per illum traditæ; denique in matrimo- nio, ad fidelem, & caſtum amorem, coniugalem, Chriſtianamque proliſ edu- cationem; vt fuſius in tractatu de Sacra- mentis explicari ſolet.

Neque etiam per illa verba in pro- bationem maioris adducta: *Niſi quis renatus fuerit ex aqua, & Spiritu Sancto*, &c. intelligitur gratia Spiritus Sancti creata, per quam formaliter iuſtifica- mur, dicimurque conſequenter illum recipere, ſed gratia Spiritus Sancti increata, per quam effectiue dicimur à Deo ſanctificari in baptiſmo, ſeu regene- rari ſpiritualiter; cum enim ibi Chriſtus Dominus ageret de regeneratione ſpirituali, & modum, quo illa eſſet faci- enda non caperet Nicodemus, vt ipſe ſua interrogatione ſignificauit, eam ibi explicuit, vtramque cauſam illius effi- ciendæ exponens, *aquam*, instrumenta- lem, *Spiritum Sanctum*, principalem, vt docent Patres ſuperiori capite citati.

Aduertendum inſuper, loco citato Actuum, & alijs, interdum dici, fide- les accepiſſe Spiritum Sanctum in con- firmatione, quia initio naſcentis Eccle- ſiæ dabatur per illam augmentum, ac robur illud gratiæ Spiritus Sancti, viſi- bilibus ſignis, nempè ſub ſpecie ignis, & cum dono linguarum; quod tunc, vt fides magis confirmari, ac propagari poſſet, erat expediens: cum ſolum in alijs Sacramentis idem Spiritus Sanctus, eiufque gratia communicaretur modo inuiſibili.

Obijciunt ſecundò, communiter dici, quod Confirmatio perficit baptiſmo initiatum; ergo baptiſma, ſine confir- matione collatum, non erit perfectum, aut completum.

Re-

Respondetur concedendo antecedens, & negando consequentiam; aliud enim est dicere, hominem illum, qui per baptismum duntaxat spiritualiter regeneratur, non esse spiritualiter omnino ex parte perfectum, sed adhuc egero robore, quo confortetur ad præliandum pro fide, quodque per Christum illi confertur; & aliud, ipsum baptismum non esse in sua ratione perfectum, aut completum Sacramentum sine Chrismate, quod omnino est falsum, cum sic habeat totum id, quod ad esse suum perfectum, & ex parte materiæ, & ex parte formæ desideratur, sitque perfectissima hominis, per peccatum mortui, regeneratio spiritualis. Unde ex antecedenti, si quando talis modus loquendi usurpatur à Patribus, aut à fidelibus; malè insertur baptismus, sine confirmatione collatum, non esse perfectum in suo genere Sacramentum, sicuti ex hoc quod confirmatus per Eucharistiam, spiritualiter nutriatur, malè argueretur confirmationem sine illa non esse perfectum quoque, & completum in suo genere Sacramentum; in omni enim genere talia esse non debent, præstarique per vnum solum, quod per cætera, ad perficiendos fideles.

Tertia obiectio desumitur ex usu Orientalis Ecclesiæ, quo semper fuit solitum conferre simul cum baptismo confirmationem; signum enim est, quod hæc ad illum sit necessaria, quodque si ab illo separaretur, vnum perfectum Sacramentum veluti in duas partes divideretur.

Respondetur ad hoc argumentum, primo, approbato usu Ecclesiæ Orientalis, quem Theologi communiter docent esse licitum, cum id etiam fastidit Ecclesia primitiva, ut ex Dionysio colligitur cap. 2. Ecclesiasticæ Hierarchiæ, malè tamen inde colligi non esse duo Sacramenta essentialiter distincta, & ab inuicem independentia, sed duas tantum partes vnius Sacramenti perfecti, & completi; sicuti ex eo quod ibidem immediate post baptismum, & cō-

firmationem etiam paruulis Sacra datur Eucharistia malè argueretur non esse Sacramentum ab illis diuersum; cum identitas Sacramentorum non desumatur ex simultanea eorundem collatione, sed ex identitate materiæ, & formæ à Christo institutarum; igitur cum omnia præfata Sacramenta suas habeant materias, & formas proprias diuersas, quantumvis simul administrentur, semper erunt Sacramenta ab inuicè distincta, suosque effectus independentem producentia.

Secundo respondetur, Sacramentum baptismi, & confirmationis non conferri debere simul necessario ex institutione Christi, sed liberè iuxta diuersos Ecclesiarum ritus, proutdèque malè argui vnum ritus alio non esse perfectum, aut completum, ex eo quod in aliqua simul conferantur, cum in alia separatim id fiat, ut in Ecclesia Latina. Liberum autem esse, baptismum, & confirmationem separatim conferre, & consequenter id non esse vnum perfectum Sacramentum in duas partes diuidere, sed duo perfecta Sacramenta suis debitis temporibus administrare, prout vniuscuiusque natura exigit, patet primo exemplo Christi Domini, qui iuxta probabiliorem Diui Augustini sententiam epist. 108. & lib. 3. de origine animæ cap. 9. quem sequitur Diuus Thomas 3. par. q. 38. art. 6. ad 2. Apostolos baptizauit, seu ut Nicephorus lib. 2. cap. 3. ex Euodio refert, Petrum, Apostolorum caput, qui deinde Ioannem, Iacobum, & Andream baptizauit, & hi deinceps cæteros Apostolos, ut scilicet per baptismum quoque susciperent augmentum gratiæ, & characterem, sicut hi nimirum, qui antea licet iustificati per actum dilectionis Dei super omnia baptizantur; & qui doctrinam de necessitate baptismi alijs tradituri erant, eam usu suo, & exemplo confirmarent, nulla præfata existente causa, cur Christus in illo communi præcepto baptismi enim eis dispensaret; & tamen tam Christus, quam Petrus non statim confir-

confirmationē baptizatis contulerunt; sed cum ante passionem Christi fuissent baptizati, vt colligi non absurdè potest ex illo sermone Christi Domini apud Ioannem cap. 13. *Qui lotus est, non indiget nisi ut pedes lauet*; postea confirmationem susceperunt in die Pentecostes.

Præterea A& Apostol. cap. 8. Philippus Diaconus baptizauit Eunuchum Reginae Candacis, quem tamen Chrismate non confirmauit, neque confirmare poterat, cum esset solum Diaconus. Idem legitur ibidem multos in Samaria baptizasse, qui deinde ab Apostolis illuc venientibus confirmationis Sacramentum susceperunt. Item cap. 9. Ananias baptizauit Paulum, quem chrismare certè non potuit, nam erat laicus, quare illa manuum eius impositio super Paulum, quæ baptismum præcesserat, non fuit, nec esse poterat ad illum confirmandum, sed tantum ad visum illi restituendum; non igitur necessario coniungi debent baptismus, & confirmatio, quasi sint vnus, & eiusdem Sacramenti partes; aut quasi baptisma per confirmationem, tanquam per quid necessario ad illud requisitum compleri, aut perfici opus sit. Ex qua etiam diuersitate ministrorum baptismi, & confirmationis demonstratum habetur argumentum, quod illa non sint vnum, & idem perfectum Sacramentum, vel quod vnctio, cuius solus Episcopus est minister ordinarius, non sit de essentia baptismi, cuius quiuis homo ratione prædictus potest esse minister, ita vt Sacramentum valeat, vt dicitur infra cap. 16.

Esti autem olim in more positum fuerit, vt infantibus quoque, statim post Baptismum, confirmationis Sacramentum conferretur, quem propterea, vbi adhuc viget, retineri posse tradit Sotus in 4. sentent. dist. 7. quæst. vnica art. 8. nihilominus, cum non sit de necessitate salutis, sed detur ad robur gratiæ conferendum pro fide propugnanda, cuius infantes non sunt adhuc capaces.

Biblioth. Theol. Tom. V.

meritò in Ecclesia Latina non statim post baptismum, sed commodiorem post tempore, cum rationis vsum affectui sunt, confirmantur, quando & fidem profiteri, & pro ea certare possunt. Quemadmodum, licet olim in Ecclesijs consuetudo fuerit communicandi etiam iasantes, quia tamen habet rationem spiritualis alimonie, restauratis vires animæ, quæ tum per internum concupiscentiæ fomitem, tum externas spiritualium hostium insidias debilitantur, quod in paruulis locum non habet, si quidem hi per baptismi laucrum regenerati, & Christo incorporati, adeptam iam Filiorum Dei gratiam in illa etate amittere non possunt, vt loquitur Concilium Tridentinum; inde etiã ob maiorem dignissimam huius Sacramenti reuerentiam, non immeritò illis denegatur. Hactenus de presenti controuersia, quam tractat Theologi cum Diuo Thoma 3. parte quæst. 66. de pertinentibus ad Sacramentum Baptismi, artic. 3. *An aqua sit propria materia baptismi.*

C A P V T XIV.

Ostenditur aduersus nonnullos Armenorum Pseudomagistros legitimam esse Baptismi formam, qua dicunt Latini, Ego te baptizo in nomine Patris, & Filij, & Spiritus sancti.

Quia in forma, qua præcepit Apostolis Christus Dominus Math. 28. vt baptizarent, eorumque successores deinceps in nomine Patris, & filij, & Spiritus sancti, actio ablutiva, quæ est materia proxima Sacramenti Baptismi, multipliciter exprimi potest, vel per primam personam verbi indicatiui actiui, dicendo, *Ego te baptizo in nomine Patris, & filij, & Spiritus sancti*, iuxta morem Ecclesiæ Latinæ; vel per tertiam personam verbi imperatiui passiuæ, dicendo, *Baptizetur seruus Dei, vel serua Dei in nomine Patris, & filij, & Spiritus sancti*, iuxta ritum Ecclesiæ

SSSS

clerici

eleſiæ Græcæ; vel denique per tertiam perſonam verbi indicatiui paſſiui, dicendo, *Baptizatur N. ſeruus Chriſti in nomine Patris, & filij, & Spiritus ſancti*, iuxta conſuetudinem Armenorū; Vartanus eorum Spemagogiſter in monitis ad eoſdem cap. 2. improbat tanquā illegitimam Latinorum formam; quia inquit, *Dominus præcepit Apoſtoliſ, ut in nomine Patris, & filij, & Spiritus ſancti baptizarent, & non etiam in nomine proprio. Qui autem dicit ego te baptizo, &c. indicat, ſe in ſuo etiam nomine baptizare; & ideo Paulus 1. Corinth. 1. inquit: Gratias ago Deo, quod neminem veſtrum baptizauit, ne quis dicat, quod in nomine meo baptizati eſtis. Eundem ſecutus eſt errorem Gregorius Dattieuſis in lib. Interrog. tractat. 34. vbi agit de baptiſmo num. 29. Quia autem præſati authores ſumentes pro non dubio, quod eſt falſum; ſcilicet Latinos improbare formam Græci, & Armeni Baptiſmatis, inde quoque pro illius deſenſione, vltionis quoque telum in Latinam formam coniiciunt, vel vt Latinos Armenis magis odioſos reddant.*

Nos primū aſſerimus has formas baptiſmi, quibus Græci, & Armeni vtuntur, ſufficientes eſſe, & validas, ita enim expreſſe declarauit Summus Pōtiſex Eugenius IV. in ſuo decreto vniōnis quod refertur in calce Cōcilij Florentini. Cuius tota ratio à priori eſt voluntas Chriſti Domini inſtituentis: quam ſignificauit Mathei 28. vbi ſimul tradens Apoſtoliſ præceptum, & explicans ritum baptizandi ait, *Baptizantes eos, in nomine Patris, & filij, & Spiritus Sancti*. Actio enim miniſtri, ſeu ablutio per illum facta, quæ eſt materia proxima Sacramenti Baptiſmi, quamque Chriſtus per illam particulam *baptizantes*, non ſolum præcepit, ſed etiā exprimi ab ipſo miniſtro voluit, per verbum *baptizo*, aut aliud in ſignificatione ei ſimile, ſufficienter, & æquiualeuter exprimitur, tam ſub ratione actionis, quæ tunc exerceetur à miniſtro, & pro vt ab illo egreditur, dicendo,

Ego te baptizo &c. quam ſub ratione paſſionis, & quatenus de facto recipitur in ſubiecto, dicendo, *Baptizatur, vel Baptizatur ſeruus Chriſti, &c.*

In forma igitur Baptiſmi, hæc particula, *Baptizo*, eſt de eſſentia eius, debetque illa, vel alia ei æquiualens inter baptizandum debet proferri, ita vt ſi quis cum debita intentione effundat aquam ſupra baptizandum, hæc tantū verba pronuntiando, *in nomine Patris, & filij, & Spiritus Sancti*, Baptiſmus non ſit validus, vt expreſſe deſinuit Alexander III. & refertur Extra. cap. 1. de Baptiſmo, *Si quis*, inquit, *puerum ter in aqua immerſerit in nomine Patris, & filij, & Spiritus Sancti, & non dixerit, Ego te baptizo in nomine Patris, & filij, & Spiritus ſancti, non eſt baptizatus*. In cuius oppoſitum Claremontenſis Epiſcopus ſua de hac re epiſtola ad Mauritium Pariſienſem Epiſcopum, & ad Stephanum Sancti Eueſtij apud Aurelias Abbatem, quæ extat in Bibliotheca Patrum, notat ſuo tempore hanc peſſimorum fuiſſe in terra ſua, conſuetudinem, vt, qui in neceſſitatis articulo baptizabant, omiſſis ceremonijs, infundendo tantum aquam, quod ibi vocat *undeiare*, quaſi *undam* iacere, dicerent tantum, *in nomine Patris, & filij, & Spiritus ſancti*: quare dabiſ de valore talis Baptiſmi, conſulit citata epiſtola præſatos Epiſcopum, & Abbatem, cui licet minus ſcite reſponderit Abbas, hanc particulam, *Ego te baptizo*, vel aliam æquiualentem, non eſſe de ſubſtantia baptiſmi, ſed fuiſſe inductam ab Eccleſia, vt eſſet de ſolemnitate, inquit, *miniſterij*; nihilominus ſententia Mauritij ad eundem Epiſcopū fuit omnino contraria, ſcilicet prolationem huius particulæ, vel alterius æquivalentis, *Baptizo*, eſſe de ſubſtantia formæ baptiſmi, ita vt illa omiſſa, quantumuis cætera obſeruentur, talis baptiſmus ſit nullus; idque ſapienter ex authoritate Sacre Scripturæ, & Sanctorum Patrum refert acceptum, ſic ſcribendū: *In quem modum forma baptiſmi*

plisimi tradi, & recipi debeat Scripturarum
divinarum auctoritate, & Sanctorum
Patrum testimonio, tandem habemus in
hunc modum, scilicet, *Ego te baptizo in
nomine Patris, & filij, & Spiritus sancti,*
& tanta est verborum vivacitas, ut nihil
immutari, nihil innovari oporteat, nisi
verò tota hæc verba simul à quocumque,
& à quacunque lingua proferantur, Ba-
ptismus esse non credimus; Cæterum
quod verbum illud Baptizo, aut aliud
æquivalens, proferendum à baptizan-
te ex institutione Christi, ut sit quod
in administratione huius Sacramenti
ipso exteriori ablutionis actu sit, &
exercetur, sensibili formæ verbo signi-
ficetur, vno aut altero ex dictis modo
exprimatur, merè accidentaliter se ha-
bet ad formam baptismi, nec illà sub-
stantialiter immutat, ex traditione, &
declaratione Ecclesiæ hoc modo intel-
ligentis istud Christi Domini Matth. 28.
*Baptizantes eos in nomine Patris, & filij,
& Spiritus sancti.*

Cui non obstat, quod apud Alber-
tum Magnum in 4. sentent. distin. 3.
art. 2. Gregorius Papa iusserit Græcos
aliquos hoc modo baptizatos, *Bapti-
zetur servus Christi &c.* iterum sub cõ-
ditione baptizari; nec non quod sta-
tim ex Alexandro III. retulimus, nimi-
rum, eum qui omisit hæc verba, *Ego
te baptizo, licet adhibuerit cætera, nõ
baptizasse.* Ad primum enim respon-
detur primò, historiam hanc esse du-
biam. Secundò, admittitur eius veritate,
responderetur tunc nondum fuisse, de-
claratam formam Græcorum esse vali-
dam; nec Gregorium id discutere, ac
definire tunc voluisse: ideoque cum in
dubio debeat Baptismus sub conditio-
ne iterari, potuit Summus Pontifex
eligendo partem tutiorem, omninoq;
certam, iubere, ut iterum rebaptizaren-
tur sub conditione. Ad secundum Ale-
xandri III. dicitur eum accepisse illa
verba, *Ego te baptizo,* non materialiter,
sed formaliter, id est, ut significant
actum ipsum baptismi ut exercitum,
qui sic per utramque formam Latinam

& Græcam sufficienter, & æquivalen-
ter exprimitur, quamvis non per eam-
dem materialiter particulam.

Vnde refelli debet quorundam Ca-
nonistarum sententia; qui existimant
Latinos non posse validè sub Græcorum
forma baptizare: nam licet illis sit ve-
titum, quia unusquisque tenetur sequi
morem suæ Ecclesiæ in administrandis
Sacramentis; nihilominus Baptismus
sub eorum forma collatus non deficit
esse validus, cum essentia Sacramenti
Baptismi, eadem sit in Ecclesia Græca
ac Latina, & ex consequenti essentia-
lia utrobique habeantur, cum sola dif-
ferentia accidentali in modo signifi-
candi.

Secundò asserimus, formam, qua in
baptizando utuntur Latini, scilicet, *Ego
te baptizo in nomine Patris, & filij, &
Spiritus sancti,* esse legitimam, adeo ut
baptismus sub illa à quocumque colla-
tus sit validus. Ista propositio est de
fide contra præfatos pseudomagistros
Armenorum, eorumque sequaces. Nec
illam negant ipsimet nostrorum tem-
porum hæretici Calvinistæ, & Luthe-
ranæ, licet nonnulli eorum falso existi-
ment certam verborum formam non
esse ad baptismum conficiendum ne-
cessariam.

Hæc veritas fuit expressè definita ab
Alexandro III. loco superius citato;
tùm in Concilio Lateranensi ut refer-
tur cap. firmiter; ac demum in Tridē-
tino sess. 7. de Baptismo cap. 4. fun-
datur in citato Matth. loco cap. 28. v.
19. *Euntes ergo docete omnes gentes, ba-
ptizantes eos in nomine Patris, & filij,
& Spiritus sancti.* Sed maximè in ver-
bo Dei per Apostolos Ecclesiæ tradi-
to, semperque in ea fideliter custodito;
si enim illud secludatur, & auctoritas
Ecclesiæ in vero scripturæ sensu asse-
quendo, & declarando, solisque scri-
pturæ verbis inhæreamus, nec aduer-
sarij, nec nos possumus efficaciter, &
validè probare, quod hæc, vel alia
æquivalens forma sit proferenda inter
baptizandum, cum expressè in Scrip-
tura

tura non habeatur, sed tantum quo ad rem significatam præfaro Matthæi loco; quam Ecclesia iuxta traditionem, in ea relictam, Sanctorum Patrum, Historique Ecclesiasticæ testimonio vbi-que firmatam, cum doceat, tum exprimi posse per verbum *Baptizo* à Latinis, quam per verbum *Baptizetur*, aut *Baptizatur* à Græcis, & Armenis, illisque vtendum esse præscribat, necessario fatendum est, vtramque formam, esse validam, tantumque distingui accidentaliter in modo significandi; nec non in eo, quod in forma latinorum, per verbum, *Baptizo* explicitè causa instrumentalis, cuiusmodi est minister, principalis autem, qualis est Deus, particula *in nomine* &c. exprimitur; in forma autem Græcorum, & Armenorum, implicitè solum, & virtualiter significetur minister, per verbum *Baptizetur*; Etsi enim talis forma modo imperatiui passiuo enuntiat, indeque videri posset, personam ministri baptizantis ne implicitè quidem significari, sed fieri tantum mentionem actus baptismi, vt exercetur, & personæ illius, qui baptizatur; siquidem omne imperium semper dirigitur ad aliquid, ab ipso imperante distinctum, v.g. ad aliquam causam imperanti obedientem, vel ad effectum, qui ad nutum ipsius ponitur in rerum natura; quia tamen quædocumque verba sunt ita practica, vt ex vi suæ institutionis debeant significare applicationem materiæ fieri à ministro proferente formam; vel etiam, quando quis applicat se, vel causam, effectus producendi ad agendum, & loquitur practice per modum imperij, tunc innuit se facere, quod hæc eius verba significant, & sic loquendo exprimit, saltem implicitè, se vt verè aliquam causam effectus, qui tunc produci- tur, siue moralem, siue physicam, siue principalem, siue ministerialem tantum, & instrumentalem, pro ratione suæ conditionis, & effectus practice significari per verba, vt exempli gratia, quando Deus in creatione mundi lo-

quendo practice dixit, *fuit lux*, non tantum producebat lucem; sed etiam simul significabat, saltem implicitè, se esse qui illam producebat.

Inde fit, quod, cum in forma baptismi verba sint ita practica, vt necessariò debeant significare applicationem materiæ fieri à ministro proferente formam verborum, quia vt ait Eugenius in decreto explicans, quæ sint essentialia formæ baptismi, inter alia ita loquitur de ipsa actione, *si exprimitur actus, qui per ipsam exercetur minister cum Sanctissima Trinitatis inuocatione perficitur Sacramentum*, fit, inquam, quod talis forma, etiam si exprimat per vocem imperantis, *Baptizetur*, ita quidè primò per se, & directè ad effectum dirigatur, vt tamen dicat etiam specialem ordinem ad eum, qui huiusmodi effectum produci imperat, tanquam ad aliquam causam illius, hic & nunc producendi efficacem, quia, vt dicebam, est oratio, seu locutio practica, rei, non à quacumque causa faciendæ, sed à supposito imperante, ita vt sublata sua efficiencia siue morali, siue physica; iste numero effectus hic, & nunc non fieret, cum eius sit applicare significationem practicam signis Sacramentalibus à Christo Domino impositam ad suum exercitium.

Per quod satis patet ad argumentum Vartani, per illa nimirum verba formæ Latinorum, *Ego te baptizo* &c. vbi etià particula illa, *Ego*, non ponitur ex necessitate, sed ad maiorem expressionem intentionis, non indicari ministrum, se in suo etiam nomine baptizare, sed tantum explicitè esse instrumentum, quod in nomine, & virtute Trinitatis actum illum exercet, tanquam causa principalis, à qua suam habet efficaciam baptismus. Nec aliud significare, voluit Apostolus loco citato 1. Corinth. 1. quosdam eorum reprehendens, quod pro diuersitate meritum in ministris baptizantibus, crederent quoque diuersa, aut meliora esse baptismata, indeque gloriarentur de ministris

stris & quibus erant baptizati, sequen-
tibus denominarent.

Ex quo Corinthiorum vitio, quod
in illis fuisse notant expressè Chryso-
stomus, & Theodoretus in præfatum
Apostoli locum, colligo ego, tunc ba-
ptismi formam, non eam, quæ nunc
vtrunt Græci, aut Armeni, fuisse, sed
qua latini; si quidem ex Græcâ, ubi
minister implicitè solum exprimitur,
talem occasionem gloriandi de illo ita
facile sumere non poterant, sicut ex la-
tina, in qua expressa, & explicita sit
illius mentio.

Idem etiam argui potest ex ipsismet
Pauli verbis, quæ Vartanus, ut iuxta
sensum suum exponeret, malitiosè de-
truncavit dicens: *Ideo Paulus 1. Corinti.*
1. inquit gratias ago Deo, quod neminem
vestrum baptizavi, ne quis dicat, quod in
nomine meo baptizati estis. Vt ostendas se
neminem baptizasse per illud verbum,
actuum, baptizo te, quod significat bap-
tizare in nomine, & virtute propria; hæc
enim expositio sic ad nostrum intentum
retorqueri potest contra suum autho-
rem: Ergo si dixisset Apostolus; ali-
quem vestrum baptizavi: vique iuxta
dictam expositionem ostendisset, se il-
lum baptizasse per verbum actuum,
Baptizo te, unde etiam haberetur hoc
verbum non importare significationem
in nomine, & virtute baptizantis: sed
re vera ita dixit Apostolus, si integra
eius verba citentur, ait enim: *Vnusquis-*
que vestrum dicit, ego quidem sum Pau-
lus: ego autem Apollo; ego verò Cephas; ego
autem Christi: Divisus est Christus in un-
quid Paulus crucifixus est pro vobis; aut
in nomine Pauli baptizati estis? gratias
ago Deo, quod neminem vestrum bapti-
zavi, nisi Crispum, & Caium; ne quis di-
cat quod in nomine meo baptizati estis: ba-
pizavi autem & Stephanum domum: cate-
rum nescio si quem alium baptizaverim.
Ex ipsa igitur Vartani interpretatione
sequitur, quod hos Paulus baptizave-
rat non per verbum passivum, sed acti-
vum, dicendo: *Ego te baptizo*: tamen si
ita baptizabat non in nomine proprio,

sed ut Dei minister in nomine, & virtu-
te Trinitatis. Id quod postiora eius
verba apertius declarant; dum subdit
cap. 3. *Cum enim quis dicat: ego quidem*
sum Paulus, alius autem ego Apollo: no-
ne carnales estis? quid igitur est Apollo?
quid verò Paulus? ministri eius cui credi-
distis: & unicuique sicut Dominus dedit.
Ego plantavi, Apollo rigavit, sed Deus
incrementum dedit.

Verum autem, quod nonnulli in
Græca Ecclesia fuerint gloriati de ijs
per quos fuerunt baptizati, id fuerit
Græcis occasio murande: formulæ ba-
ptismi à modo enuntiandi illam acti-
vè, in modum illam enuntiandi passi-
vè, quem postea amplexi fuerint Ar-
meni, partem affirmativam tenet Di-
uus Thomas 3. part. quest. 66. art. 5.
ad 1. Quo tamen id contigerit tempo-
re, & sub quo Episcopo Constantino-
politano, vel alio Græcæ Ecclesiæ
incertum est. Hoc vnum tantum de-
bet esse certum, quod licet aliqui ex
Græcis Patribus, ut de Sancto Chry-
sostomo fuit probat Petrus Archidius
lib. 2. de baptismo cap. 8. existima-
runt modum hunc enuntiandi verbo
passivo, id quod quis opere exequitur,
facere ad commendationem eius mo-
destiæ; & esse signum aliquod illius,
nullus tamen illorum unquam censuit
tales locutiones verbo passivo expres-
sas, esse quo ad substantiam alterius si-
gnificationis ab iisdem locutionibus
verbo activo in prima persona indica-
tivi modi explicatis, & proinde sicut
iuxta priorem modum ita, & iuxta po-
steriorem licita, & valida est baptismi
collatio; tantumque sufficiat de præ-
senti controversia, de qua agunt Theo-
logi cum D. Thome 3. p. q. 66. art. 5.

CAP. V. XV.

Offenditur aduersus eisdem Archiepiscopus, in baptismo trina immersionis, iuxta eorum ritum, licet non posse ministrum iter repetere totam Baptismi formam, ita ut in unaquaque immersione dicat, Baptizetur N. seruis Christi, in nomine Patris, & filij, & Spiritus Sancti.

Ablutionem aquæ esse proximam Baptismi materiam haud negant aduersarij, cum quibus agimus in præfati; nec vllus eorum; qui aquam pro remota eius materia agnoscunt; & hæc veritas clare elicitur ex Scriptura; tam Sancti Matthæi cap. 28. quam ad Ephesios 5. & ad Titum 3. istæ enim particule; baptizantes, lauacrum; quæ ibi vsurpantur, significant huiusmodi ablu- tionem aquæ; ita vt, qui poneret illam solum iuxta corpus alterius, nec infunderet; vel aspergeret; cum illud, ea non immergeret, nullo pacto diceretur eum abluere; qui ablutio præter iuxta positionem aquæ; postulat contactum; eius physicius ad corpus, quod ablu- ent; cum diffusionem aquæ; unde ablutio, supra aquam ad diuersum eius circuli id quod abluuntur, estque aliquid ab ipsa aqua; secundum se considerata; distin- ctum; cum sine illa aqua possit esse, si- ne qua tamen requiritur esse ablutio. Cum autem per se requiratur ad ha- ptismum corporalis ablutio per aquam; modus tamen abluionis per accidens se habet ad essentiam, vel substantiam illius; velique proinde conferri po- test vno, & quolibet istorum modorum nimirum, vel per asperionem, vel per infusionem, vel denique per immersionem: vt constat ex epistola S. Cypriani ad Magnum 76. idque vniuersimodo docent Theologi cum Diuo Thoma 3. p. q. 66. art. 7. cuius ratio est, quod aqua assumitur in Sacramento Baptismi, ad vsum abluionis corporalis, per quam.

-A-

significatur interior ablutio peccatorum; omnis igitur vera ablutio hominis est, sufficiens proxima materia baptismi; sed quilibet modus ex tribus assigna- tis, est vera ablutio hominis, ut ex se- patet; quilibet ergo illorum est suffi- ciens materia proxima baptismi. Et hanc rationem, pro valore baptismi per asperionem collati, quæ Apostolos vfos fuisse communiter docetur; vbi Act. cap. 2. & 4. dicitur eos modo tria millia hominum, modo quinque millia vno die baptizasse, vrget Sanctus Cy- prianus citata epistola. Notandum ta- men est in hoc vnumquemque debere seruare consuetudinem suæ Ecclesiæ; quam si extra casum necessitatis, vel honestatis, etiam sub lato omni scan- dalo, & contemptu, non retineat, sed aliam vsurpet, peccat ex communi Theologorum consensu.

Tandem sicut ad abluionem, quæ est proxima baptismi materia, per acci- dens se habet, quod fiat vno, vel al- tero ex dictis modis, ita etiam per acci- dens se habet, quod sit vna, vel tri- na, quare ad substantiam Sacramenti Baptismi, siue fiat per asperionem, siue per infusionem, siue per immersio- nem, vna, siue aspersio, siue infusio, siue immersio sufficit, & trina non est necessaria, sed tantum pertinet ad ceremoniam, vel solemnitatem Sacra- menti: proptereaque Diuus Thomas questione citata art. 8. docet diuersis ex causis, secundum ordinationem Ec- clesiæ, quandoque institutum esse vnu modum; quandoque alium. Quia enim, inquit, à principio nascentis Ecclesiæ, quidam de Trinitate male sentiebant, Christum purum hominem esse aesti- mantes, nec dici Filium Dei, & Deum, nisi propter meritum eius, quod præ- cipue fuit in morte; ideo non baptiza- bant in nomine Trinitatis, sed in cõ- memoratione mortis Christi, & vna immersione, quod reprobatum fuit in primitiua Ecclesia. Vnde in canonibus Apostolorum legitur, si quis Presbyter aut Episcopus non trinam immersio-

nem

nem vnus myſterij celebret, ſed ſemel mergat in baptiſmate (quod dari à quibuſdam dicitur in morte Domini) depo-
natur. Non enim nobis dixit Domi-
nus, in morte mea baptizate, ſed in no-
mine Patris, & Filij, & Spiritus Sancti.
Poſtmodum verò inoleuit quorundam
Schismaticorum, & hæreticorum error,
homines rebaptizantium: ſicut de Do-
naſtiſtis Auguſtinus narrat tract. 11. ſu-
per Ioannem. Et ideo in deſertationem
erroris eorum fuit ſtatutum in Conci-
lio Tolerano IV. can. 5. quod fieret vna
ſola immerſio. Vbi ſic legitur, Propter
vitandum Schiſmatis ſcandalum, vel
hæretici dogmatis uſum, ſimplam te-
neamus baptiſmi immerſionem. Vbi
etiam reſertur reſponſio S. Gregorij
Papæ ad Leandrum lib. 1. regiſt. epiſt.
41. ſcribentis, *Reprehenſibile eſſe nulla-
tenus poteſt, infantem in baptiſmate vel
ter, vel ſemel immergere. Quoniam &
in tribus immerſionibus perſonarum Tri-
nitas, & in vna poteſt diuinitatis ſingu-
laritas deſignari.* Quatenus præſati hæ-
retici per trinam immerſionem induce-
bant tres diſtinctas eſſentias in diuinis.

In hoc ergo ſita eſt præſens contro-
uerſia, vtrum in baptiſmo trinæ immer-
ſionis, licet poſſit miniſter ter repetere
totam baptiſmi formam; quod præſati
Armenorum Spudomagiſtri, aſſerunt,
nos autem Catholici conſtanter nega-
mus. Ratio eſt, quia vt infra contra
Abyſſinos offendemus, vnum eſt baptiſ-
ma, quod iterari nullatenus poteſt; ſi
autem in eius adminiſtratione, cum tri-
na immerſione, vel etiam inuſione, ter
etiam tota forma à miniſtro pronuntia-
reretur, certè non fieret vnum, ſed triplex
baptiſma, ſeu bis illud iteraretur; id
igitur pro illicito omnino habendum
eſt. Maior cum ſit certa, nec ab aduer-
ſariis negetur, proſtatur maior; quia
cum vnumquodque Sacramentum per
ſuam formam, & materiam complea-
tur, iam poſt primam formæ pronun-
tiationem, & immerſionem in aquam,
perfectum haberetur Sacramentum, vna
ſi quidem immerſio ſufficit ad validi-

tatem baptiſmi, ita vt aliæ duæ ſint rã-
tum de eius ſolemnitate, & ex inſtituto
Eccleſiæ adhibendæ, ſi ſimul cum illa
tota proferatur forma: Vbi igitur iterũ,
ac tertio eadem forma repeteretur in
ſecunda, & tertia merſione, iam ſecun-
dò, ac tertio rebaptizaretur oblatuſ:
quod profeſſo non eſſet aliud, quàm
bis in caſſum idem iterare Sacramentũ,
eique inferre iniuriam, ac proinde com-
mittere ſacrilgium; vt docet Diuus
Thomas 3. p. q. 66. art. 8. ad 3. *Intentio*,
inquit, *requiritur ad baptiſmum; & ideo
ex intentione miniſtri Eccleſiæ, qui inten-
dit vnum baptiſma dare trina immerſio-
ne, efficitur vnum baptiſma. Vnde Hie-
ronymus dicit ſuper epiſtolam ad Philipp.*
Licet ter baptizetur, id eſt immergatur,
propter myſterium Trinitatis: tamen vnum
baptiſma reputatur. Si verò intenderet ad
vnam quamque immerſionem, vnum ba-
p̄tiſma dare, ad ſingulas immerſiones re-
petens verba formæ, peccaret, quantum in
ſe eſt, pluries baptizans.

In tali igitur baptiſmo debent Ar-
meni Miniſtri ſemel tantum formam
pronuntiare, ita vt in prima merſione
dicatur: *Niſernus Ieſu Chriſti baptizatur*
per me in nomine Patris: in ſecunda: &
filij: in tertia, & Spiritus Sancti. Iuxta
antiquum Eccleſiæ tum Orientalis, tum
Occidentaliſ morem; cuius meminer
S. Clemenſis in can. 49. Apoſtolor. Dio-
nyſius Areopagita de Eccleſ. Hierarch.
Cyrillus Hieroſol. Catech. 2. Baſilius
lib. de Spiritu Sancto cap. 29. Chryſo-
ſtomus homil. 24. in Ioann. Auguſtinus
ſerm. 91. & 201. alijque Sancti Patres:
à quo ritu non debet Armeni recedere,
præſertim ob allatam ex Diuo Thoma
rationem. Sic enim, licet ter immerga-
tur oblatuſ ad ſignificandum triduum
ſepulture Chriſti, ac etiam Trinitatem
diuinarum Perſonarum, vnum tamen
reputatur baptiſma ob vnicaſ formæ
prolationem.

CAPVT XVI.

Statuitur aduersus Armenos Sacramentum Baptismi validè conferri posse à quolibet homine.

Cum in administratione Sacramentorum, sicut & in multis negotijs humanis, aliud sit facere aliquid validè, & aliud licitè: hoc enim secundum respicit conscientiam, & significat illud, quod asseritur sic fieri, non tantùm exerceri sicut exigit natura, & eius instructio præcisè, verùm etiam tuta conscientia, & absque peccato. Primum verò respicit substantiam rei, quæ dicitur fieri validè, & significat illam ita fieri, ut tunc constet omnibus suis partibus essentialibus, abstrahendo ab eo, quod qui illam exercet, faciat illam tuta conscientia, & absque periculo animæ. In præsentem non agimus de licita Sacramenti Baptismi collatione, siue de illis, quibus competat ex officio, & licitè baptizare; sed tantum asserimus quemlibet hominem siue virum, siue feminam, siue pagani, siue fidelem, siue Diaconum, vel Pastorem Ecclesiæ legitimè vocatum, siue non pastorem, siue non vocatum posse validè administrare Sacramentum Baptismi, modo adhibeat formam, & materiam legitimas cum debita intentione; atque adeo sacerdotè non esse necessarium eius ministrum, ut docent nonnulli Armenorum Speculomagistri.

Prima huius veritatis definitio habetur ex Gelasio Papa epistola ad Episcopos per Lucaniam, & Brutios constitutos cap. 9. *Diaconi absque Episcopo, vel Presbytero baptizare non audeant, nisi longius constitutis extrema necessitas compellat. Quod & laicis Christianis facere plerumque conceditur.* Nicolao I. ad consulta Bulgarorum cap. 104. A quodam Iudæo, nescitis utrum Christiano, an pagano, multos in patria vestra baptizatos asseritis, & quid inde sit agen-

dum consultitis. Hi profectò, si in nomine Trinitatis, vel tantum in nomine Christi (sicut in actibus Apostolorum legitur) baptizati sunt: vnum quippe idemque est, ut Sanctus Ambrosius exponit: constare eos non esse rebaptizandos denuo. Quomodo autem, quod hic Pontifex de baptismo in nomine Christi collato dicit, intelligi debeat, explicuimus tomo 3. lib. 3. sect. 4. capit. 17. viderique potest Diuus Thomas 3. par. q. 66. art. 6. Urbano II. epist. ad Vitalem Presbyterum, approbante baptismum à foemina collatum. Ex Concilio Lateranensi Oecumenico sub Innocentio III. cap. 1. *Sacramentum Baptismi, quod ad inuocationem indiuiduæ Trinitatis consecratur in aqua, tam paruulis, quam adultis, in forma Ecclesiæ à quocumque rite collatum, proficit ad salutem.* Tum denique ex Florentino sub Eugenio IV. ubi in decreto, pro Armenis specialiter edito, sic habetur: *Minister huius Sacramenti est sacerdos, cui ex officio competit baptizare. In causa autem necessitatis non solum sacerdos, vel Diaconus; sed etiam laicus, vel mulier: imo etiam paganus, & hereticus baptizare potest, dummodo formam seruet Ecclesiæ, & facere intendat quod facit Ecclesiæ.*

Ex Concilijs autem particularibus, Elibertinum, circa tempora Concilij Nicæni celebratum, can. 38. docet, fideles Laicos posse baptizare, cum Ecclesiæ procul abest, & aliquis Cathecumenus vicinus est morti. Et Carthaginense IV. cui Sanctus Augustinus interfuit. Can. 100. prout citatur à Magistro sententiarum in 4. dist. 6. & a Gratiano can. *Mulier*. de Consecrat. distinct. 4. ait: *Mulier baptizare non præsumat, nisi necessitate cogente.*

Loca Scripturæ vnde hæc Ecclesiæ fides, quemque semper tenuit, vsus promanauit, habentur Exodi 4. v. 24. ubi Sephora Moyse vxor, filium suum circumcidisse legitur. lib. 2. Machabæorum cap. 6. refertur quoque duas mulieres natos suos circumcidisse: indè enim arguitur, cum in lege Evangelica nihil

nihil prorsus in contrarium iubeatur, licere etiam sceminis in casu necessitatis baptizare, quia circumcisio baptismi figura fuit; nec ea minus est ad salutem necessarius. Act. Apostolorum cap. 8. Philippus Diaconus baptizabat, & tamen non erat sacerdos. Item cap. 9. Paulus Apostolus baptizatus fuit ab Anania, qui nec Sacerdos, nec Diaconus erat, sed laicus: non igitur solis sacerdotibus, sed etiam Diaconis, & laicis licet quandoque baptizare.

Sed ex divina traditione, perpetuo Ecclesiae usu, ab ipso eius exordio, veterumque Patrum testimonio firmata; potissimum hæc veritas comprobatur. Tertullianus enim lib. de Baptismo c. 17. expressè ait, *etiam laicis ius esse baptizandi*, imo & ab omnibus exerceri posse, monet tamen id non licere laicis, nisi ubi, vel loci, vel temporis, vel personæ cōditio compellat. D. Hieronymus dialogo aduersus Luciferianos c. 4. *Sine Episcopi iussione neque Presbyter, neque Diaconus ius habent baptizandi: quod frequenter, si tamen necessitas cogat, scimus etiam laicis licere.* Alexander Episcopus Alexandrinus cum Concilio Clericorum ratum habuit baptismum, quod Athanasius adhuc puer, & laicus alijs pueris contulerat, secundum religionis nostræ ritum, ut refert Rufinus lib. 1. hist. Eccles. cap. 14. & Zozomenus lib. 2. cap. 16. Sanctus Augustinus lib. 2. contra Parmenianum cap. 13. distinguens inter validum, & licitum baptismum, loquensque de ministro eius hæc habet: *Sed etsi nulla necessitate usurpetur, & à quolibet cuilibet detur, quod datum fuerit, non potest dici non datum, quamvis rectè possit dici illicitè datum &c.* Et hæc quidem alia questio est, *utrum & ab ijs, qui nunquam fuerunt Christiani, possit baptismus dari, nec aliquid temere inde affirmandum est, sine auctoritate tanti Concilij, quantum tantæ rei sufficit.* De ijs vero, qui ab Ecclesia unitate separati sunt, nulla iam questio est, quin & habeant, & dare possint. Item ad Fortunatum: *In necessitate,*

cum Episcopi, aut Presbyteri, aut quilibet ministrorum non inueniuntur, & urgeat periculum eius, qui petit, ne sine Sacramento hanc vitam finiat, etiam laicos solere dare Sacramentum, quod acceperunt, solemus dicere. Idem prorsus docent Isidorus Hispalensis lib. 2. de offic. Eccles. cap. 24. VValafridus Strabo de rebus Ecclesiast. cap. 16. Hugo Victorinus de Sacramento Baptis. cap. 8. Iacobus Vitriacus in octaua Epiphaniæ, *Non solum, inquit, utriusque sexus fideles, sed & Saraceni, & heretici in necessitate possunt baptizare sub inuocatione Trinitatis, dummodo quod intendit Ecclesia, ipsi intendant facere, licet ex baptismo nullum crederent fructum provenire.* &c. Tum denique Diuus Thomas in 4. sentent. dist. 5. & 3. p. qu. 67. quique deinceps secuti sunt omnes Scholastici.

Ratio autem à priori huius veritatis est sola Christi Domini institutio, quæ ut sibi reuelatam Ecclesia semper obseruauit, fidelibusque credendam proposuit. At præcipua huius institutionis congruentia fundatur in hoc, quod, ut ait Diuus Thomas loco citato sentent. Baptisma inter alia sacramenta est maxima necessitatis: tum, quia pueris non potest aliter subueniri: tum, quia etiam nec adultis, quantum ad remissionem totius peccati: & ideo ea, quæ ad necessitatem Sacramenti requiruntur, debuerunt esse communissima, & ex parte materie, scilicet aquæ, quæ ubique haberi potest, & ex parte ministri, ut quilibet homo baptizare possit. Et sanctificatio materie, & benedictio præcedens baptismum, non est de necessitate Sacramenti, sed de solemnitate. Et peccat, si aliquis non ordinatus baptizet, nisi necessitate imminente, tamen Sacramentum confert. Hactenus Diuus Thomas. Igitur, cum frequentes casus necessitatis possint occurrere, quibus absit Sacerdos, vel pastor, Christus pro sua erga nos suaui providentiæ, voluit ut baptismus, stante eius necessitate in ratione mediij, posset validè conferri à quolibet homine debitam materiam, & formam ex legitima

intentione applicante.

Quæ ab aduersarijs in contrarium obijciuntur primò ex Patribus, nullius sunt momenti, laborantque solum in æquivoco, quatenus quod Summorum Pontificum, Conciliorum, & Patrum definitiones prohibent tantum faciendum, tanquam illicitum, illi nulla facta distinctione illiciti ab inualido, assumunt pro se, quasi Patres vellent baptismum eiusmodi esse nullum, cū tamen ex collatione aliorum capitum, vel etiam ex ipsis circumstantijs rerum, locorum, temporum, aut personarum, antecedentibusque, & consequentibus facile possit colligi eos tantum loqui de illicito.

Similiter, quod in particulari obijciunt secundo, mulieres non posse baptizare, quia prohibitum est illis sacra officia tractare; intelligendum solum est de solemnī officio, & extra casum necessitatis, ut respondet Divus Thomas 3. p. q. 67. art. 4. ad 1. ideoque Apostolus 1. Corinth. 14. & 1. ad Timoth. 2. non præcipit simpliciter mulieribus, *ut taceant*, sed adhibet hanc particulam, *in Ecclesia*, id est in conventu, & officio publico, non autem ne priuatim domi suæ doceant quando, & ubi occurrit necessitas, ut patet exemplo Aquilæ, & uxoris eius Priscillæ Act. 18. qui Apollinem in fide Domini diligentius instruxerunt. Igitur, si cū ministerium verbi, quamvis sit proprium Apostolorum, & Episcoporum, qui eis succedant; tamen in casu necessitatis omnes possunt, & tenentur docere, & instruere ignorantes; ita pari ratione, licet munus baptizandi, sit proprium Sacerdotum, nihilominus in necessitate licebit etiam laicis, & foeminis baptizare: immo à fortiori, cum baptismus sit magis necessarius, si que ex alia parte magis proprium Apostolorum, & Episcoporum docere, & prædicare, quam baptizare, ut Paulus 1. Corinth. 1. testatur, dicens: *Non misit me Christus baptizare, sed evangelizare.*

Per quod etiam patet ad tertiam

obiectionem; nimirum baptizare pertinere ad officium prælationis, siue eius tantum esse baptizare validè, qui habet aliquam iurisdictionem spirituale in aliqua membra Ecclesiæ; qualem non habent laicus, paganus, & mulier, sed soli Sacerdotes curam animarum habentes. Respondetur enim ex Divo Thoma loco citato ad 2. quod quando baptismus solemniter, & ordinariè celebratur, debet aliquis Sacramentum Baptismi suscipere à Presbytero curā animarum habente, vel ab aliquo vice eius. Hoc tamen non requiritur in articulo necessitatis, in quo laicus, paganus, & mulier possunt baptizare. Ibidemque ad 3. idem Sanctus Doctor rectè aduertit differre inter se generationem carnalem, & spirituale, quantum ad præsens institutum: quod in generatione carnali masculus, & femina operantur secundum virtutem propriæ naturæ; & ideo foemina non potest esse principium generationis actiui, sed passivi tantum. In generatione autem spirituali neuter operatur in virtute propria, sed instrumentaliter tantum per virtutem Christi; & ideo eodem modo potest vir & mulier in casu necessitatis baptizare. Sique mulier etiam extra casum necessitatis baptizaret, non esset rebaptizandus, peccaret tamen baptizans, & alij, qui ad hoc cooperarentur, vel baptismum ab ea suscipiendo, vel ei baptizandum aliquem offerendo.

Quarto & ultimo obijciunt, eandem esse rationem Baptismi conferendi, ac Eucharistiæ administrandæ, & celebrandæ, sed solis sacerdotibus data, est potestas administrandæ, & celebrandæ Eucharistiæ; igitur & baptizandi. Respondetur primo negando paritatē, ob diuersam vtriusque Sacramenti naturam, ac necessitatem, iuxta Christi Domini, qui est author Sacramentorum nouæ legis, & caput totius Ecclesiæ, institutionem; quod enim Sacramentū Baptismi voluerit esse necessarium in ratione mediij ad salutem omnibus hominibus

minibus cuiuscumque sint ætatis, & conditionis, consequenter dedit hanc potestatem validè baptismum conferendi, incorporandique per illum hominis in suam Ecclesiam, cuilibet homini habenti vsum rationis cuiuscumque sit ille conditionis, & sexus, vt docent quæ attulimus in probationem nostræ conclusionis; Quæ necessitas cum non reperiatur in Sacramēto Eucharistiæ, conueniens fuit quod Christus Dominus non omnibus, sed solis Sacerdotibus illius confectionem cōmitteret. Secundò respondetur, si obiectio procedat de confectione Eucharistiæ, disparem esse conditionem eius, ac baptismi, quia pendet à charactere, quem soli sacerdotes habent impressum; administratio verò baptismi non item, ita volente Christo Domino, ob rationem, & congruentiam statim allatam. Si verò procedat obiectio de simplici porrectione tantum Eucharistiæ iam consecratæ. Respondetur in primitiua Ecclesia eam aliquando fuisse permissam laicis Christianis, vt docent Theologi in tractatu de Eucharistia.

Itaque in fine huius capitis notandum est, hortari debere Armeniorum Parochos; nec non omnes alios, ad obstrictes suarum nationum instruendas, de materia, & forma Sacramenti Baptismi, cum intentione faciendi quod intendit vera Ecclesia; vbi illum conferunt; vt, cum in mortis periculo constitutos viderint infantes, vbi nascuntur, eos citò priuatim baptizent, modo ab alijs maioribus baptizari nequeant; ne immani crudelitate sine baptismo decedentes æternaliter pereant: qui tamen si postea superuixerint, non debet eos sacerdos rebaptizare, sed tantum reliqua baptismi Sacramentalia, seu ceremonias illis adhibere; quæ cum pertineant ad solemnitatem, & non ad necessitatem baptismi, fieri non debent, nec possunt à laicis, & mulieribus, sed solummodo à ministris Ecclesiæ, quorum est solem-

Biblioth. Theol. Tom. V.

niter baptizare, de quibus non agimus modo, & videri potest, nec non de præsentī controuersia Diuus Thomas eiusque interpretes 3. p. q. 67.

C A P V T XVII.

Probatur contra Abyssinos illicitam esse Baptismi iterationem.

SI quam singulis annis in die Epiphaniæ Abyssini faciunt ceremoniā exeundi ad flumen, & ibi se ablundi, interim dum multæ dicuntur orationes à Presbyteris, sit tantum ob deuotionem Baptismi Domini nostri Iesu Christi, vt de hac re interrogatus respondit Frater Tecla Maria apud nostrū Thomam à Iesu lib. 7. de conuersione omnium gentium cap. 13. id ipsi licitum esse dubium non est. At si fiat ad iterandum Baptisma, vt sentire videtur Aluarezius in historia Aethiopica, cap. 18. quatenus refert eos singulis annis in præfato Epiphaniæ die, benedicto prius aquarum stagno, trina immersione tam mares, quam fœminas præmissa Baptismi forma, in eo ablui, omnino illicitum esse dicendum est; talisque error, vt ex eodem authore non obscurè colligitur, suam ab hæresi Noatianorum originem traxisse videtur, falso existimantium non esse in Ecclesia potestatem reconciliandi lapsos, vt enim illi sine spe non remanerent, aliterum Baptisma Abyssini iuxta dictum ritum admiscere.

Vnum igitur hominem semel tantum baptizari posse, atque ita Sacramentum Baptismi non esse iterabile, neque posse esse, nisi vnum numero in eodem subiecto, certa fide tenendum est. Prima huius veritatis definitio habetur in epistola 37. Leonis Papæ, ad Leonem Episcopum Rauennatem cap. 1. Scimus, inquit, inexpiable esse facinus, quoties cogitur aliquis lauacrum, quod regenerandis semel tributum est, bis subire Apostolica reclamante doctrina, quæ vnā predicat in Trinitate Deitatem, vnā in

T t t t 2 fide

fide confessionem, unum in Baptismo Sacramentum. Et epistola 79. ad Nicetam cap. 7. Hanc regulam seruandam omnibus Ecclesiis predicamus, ut lauacrum semel initum, nulla iteratione violetur: dicente Apostolo, Vnus Dominus, una fides, unum baptisma. Tum in Concilijs Generalibus Viennensi, prout habetur in c. vnico §. vltimo de Summa Trinit. lib. 6. Florentino in decreto Eugenij, & Tridentino sess. 7. cap. 9. de Sacramentis in genere, & 11. de Baptismo. In Concilio autem Carthagenensi I. sub Syluestro I. ex diuersis Prouincijs Aphricanis ad Carthaginem congregato, cap. 1. Graius Episcopus Carthagenensis, qui praesidebat in Concilio, dixit: Ergo si vobis placet consideremus primum titulum rebaptizationis. Vnde sanctitatem vestram postulo; ut mentis vestre placita producat. Vniuersi Episcopi dixerunt, absit. Illicitas esse sancimus rebaptizationes, & satis esse alienum à sincera fide, & Catholica disciplina rebaptizari.

Duo autem sunt præcipua Scripturæ testimonia, quibus hæc fidei veritas innitur; primum Ephes. 4. *Vnus Dominus, una fides, unum baptisma. Quod non tantum de vnitatem specifica, verum etiam numerica baptismi, eo nimirum sensu, quod Sacramentum Baptismi vnum tantum numero recipi possit in eodem supposito, ita ut iterari nequeat, interpretatur Leo Papa locis statim citatis, (S. Ambrosius lib. de poenitent. cap. 2. nec non Diuus Anselmus ibi, Diuus Thomas 3. p. q. 66. art. 9. alijque plures.*

Alterum habetur ad Hebræos c. 6. v. 4. *Impossibile est enim, eos qui semel sunt illuminati, gustauerunt etiam donum celeste, & participes facti sunt Spiritus Sancti, gustauerunt nihilominus bonum Dei verbum, virtutesque seculi venturi, & prolapsi sunt, rursus renouari ad poenitentiam, rursus crucifigentes sibi metipsis filium Dei, & offensus habentes. Ibi enim Apostolus loquitur ad eos, qui baptizati sunt, & post baptismum peccauerunt,*

quos illuminatos vocat; quia per fidem diuinitus illuminamur, cuius Baptismus est Sacramentum, ac solemnitas eius professio; ideoque communiter à Patribus, præsertim Græcis, ipse baptismus *illuminatio*, & baptizati *illuminati* vocari solent. Non intendit autem Paulus, ut Tertullianus lib. de Pudicitia cap. 2. hæreticque Nouatiani existimarunt, non posse hos illuminatos, à statu gratiæ semel lapsos, ad eum per poenitentiam redire; hoc enim contrarium esset eidem Apostolo 1. Corinth. 5. docenti etiam fidelibus, & baptizatis peccata per poenitentiam condonari; sed tantum asserit, huiusmodi hominem lapsum non posse iterum renouari, utique per baptismam; ut hunc locum interpretantur Ambrosius lib. de poenitent. cap. 2. Epiphanius hæresi 59. Chrysostomus homil. 9. in epist. ad Hebræos. Augustinus lib. de vera, & falsa poenitentia c. 3. Theodoretus in cap. 6. epistolæ ad Hebræos, Philastrius hæresi 89. alijque plures.

Sed hæc veritas, præfatorumque Scripturæ locorum iuxta illam intelligentiam potissimum habet fundamentum in traditione, seu verbo Dei non scripto, perpetuo Ecclesiæ vsu, Patrumque testimonio comprobato, nec non ipsomet Apostolico Symbolo, in quo habetur sensu iam explicato, *Confiteor unum baptismum in remissionem peccatorum*; Sicut etiam ex eorumdem Apostolorum doctrina à Christo ipsis tradita dixit Clemens Romanus lib. 6. constitut. c. 5. *Vno baptismosumus consenti, qui in Domini mortem traditur*; & infra de his, qui baptismum iterare audent, ait, *Crucifigunt Dominum, derident diuinum*. Ideo autem, qui post primum baptismum, alterum suscipere tentant, dicuntur iterum Christum crucifigere, iuxta modum loquendi Apostoli, loco citato ad Hebræos, quia representatione, & professione ipsa, vel protestantur Christum bis mortuum, vel significant, primam Christi mortem non sibi sufficere ad salutem, & alia indigere, præter

ter citatos Patres, eandem veritatem testantur, & docent Tertullianus libro de Baptismo cap. 15. Cyprianus epist. 63. ad Cæciliū, Optatus Milevitanus lib. 5. contra Parmen. Basilii lib. de Spiritu Sancto cap. 15. Augustinus tract. 5. & 15. in Ioannem, in libris contra Donatistas, & alij Patres deinceps.

Vnica autem ratio à priori huius veritatis est institutio Christi Domini, ab illa enim, & non aliunde originem sumpsit, quod Sacramentorum Baptismi iterari non possit. Nam quæ sunt de necessitate Sacramentorum, cū in sola rei natura non habeant fundamentum, ex voluntate instituentis orta sunt. Cum igitur, quod ablutio facta, sub debita verborum forma, si fiat circa hominem iam baptizatum, non sit Sacramentum, nec signum rei sacræ, neque ex ipsa rei natura provenire potuerit, neque ex sola Ecclesiæ institutione; si enim ex vi institutionis Christi, illud esset subiectum capax talis Sacramenti, Ecclesia impedire non posset, quominus, adhibitis materia, & forma legitimis, tale Sacramentum conficeretur; necessariò fatendum est, hominem semel baptizatum, diuino iure esse subiectum incapax alterius baptismi, atque hoc modo ex diuino iure esse, vt hoc Sacramentum iterari non possit.

Porro vt hæc Christi institutio ex prædictis definitionibus, ac testimonijs sufficienter nobis constat, non ita desunt etiam plures illius rationes, seu congruentiæ optimæ. Prima est, quia Baptismus, inquit Diuus Thomas, est quædam spiritualis regeneratio: prout scilicet aliquis moritur veteri vitæ, & incipit nouam vitam agere. Vnde dicitur Ioann. 3. *Nisi quis renatus fuerit ex aqua, & Spiritu sancto, non potest introire in Regnum Dei.* Vnius autem non est nisi vna generatio: & ideo non potest Baptismus iterari, sicut nec carnalis generatio. Vnde August. tract. 11. in Ioann. dicit super illud cap. 5. *Namquid potest in ventrem matris*

suæ iterato introire, & renasci? Sic etiam intellige natiuitatem Spiritus, quomodo intellexit Nicodemus natiuitatem carnis & quomodo enim vterus non potest repeti, sic nec baptismus.

Secunda congruentia est, quoniam in morte Christi baptizamur, per quā morimur peccato, & resurgimus in nouitatem vitæ. Vnde Rom. 6. dicitur, *Quicumque baptizati sumus in Christo Iesu, in morte ipsius baptizati sumus: consepulti enim sumus cum illo per baptismum in mortem: vt quomodo Christus surrexit à mortuis per gloriam Patris, ita & nos in nouitate vitæ ambulemus.* Christus autem semel tantum mortuus est: & ideo baptismus iterari non debet; propter quod Hebræor. 6. contra quosdam rebaptizari volentes dicitur, *Vt notauimus supra, Rursum crucifigentes sibi metipsos filium Dei, vbi glossa dicit, Vna Christi mors, vnum baptisma consecrauit.*

Tertia est, quod Baptismus institutus est, vt per illum etiam Christo cōsignemur, & efficiamur membra eius; & Ecclesiæ eius, ideoque per illum imprimitur character, qui est effectus omnino inseparabilis à Baptismo, atque omnino indelebilis, postquam semel impressus est; vnde sicut characteres eiusdem rationis multiplicari non possunt in eodem subiecto, ita neque Baptismata iterari. Et hoc est, quod Augustinus dicit lib. 2. contra epist. Parmen. cap. 13. quod character militaris non repetitur, & quod non minus hæret Sacramentum Christi, quam corporalis hæc nota: cum videamus nec apostatas carere baptismate, quibus utique per poenitentiam redeuntibus, non restituitur.

Quarta, & vltima desumitur ex fine huius Sacramenti, principaliter enim ordinatur ad remissionem peccati originalis: hoc igitur peccatum vt vnicū est, & iterari non potest, ita remedium illius semel tantum applicari oportet, sicut in circumcisione fiebat; Ideoque ait Apostolus Rom. 5. *Sicut per vnius deli-*

delictum in omnes homines in condemnationem, sic per unius iustitiam, in omnes homines in iustificationem vite.

Primò obijci possunt nonnulla Conciliorum, & Patrum loca, quibus expressè statuitur hereticos ad Ecclesiâ Catholicam confugientes, rebaptizari debere. Respondetur id minimè statutum fuisse, quod crederetur ab illis, aut Baptismum iterari posse, aut hereticorum Baptismum absolutè inualidū esse, ideoque reprimendum esse, ubi aliqui eorum ad Catholicam confuebant Ecclesiâ; sed Concilium Nycænum can. 19. fanciuit, si quis confugisset ad Ecclesiâ Catholicam de Paulianistis, & Cataphrygis, rebaptizari eum omnino debere; quia debitam non adhibebant formam, non baptizantes in nomine Trinitatis, vt ex Diuo Gregorio epistola ad Quirinum. Episcopum refert Diuus Thomas 3. p. q. 66. art. 9.

Secundò obijcitur, saltem ex Christi institutione non esse, sed Ecclesiæ, quod Baptismus iterari non possit: Hugo enim Victorinus lib. 2. de Sacram. 6. cap. 13. ait: *Valde rationabili definitione à Sanctis Patribus institutum est, ut qui semel Baptismi Sacramentum percipisse cognoscitur, nulla ratione illud iterato accipias.* Respondetur, quod ait, *institutum est*, perinde dictum esse, ac si diceretur traditum, declaratum, ac definitum est, prout satis colligitur ex antecedenti particula, *definitione*; vel etiam quia, quæ iuris sunt diuini, sæpe sæpius ab Ecclesiâ instituta, siue præcepta dicuntur.

Tertiò, licet originale peccatum iterari non possit, tamen post illud remissum possunt alia committi, quibus Baptismi effectus destruat, & amittatur; ergo vt ille effectus possit reparari, oportuit Baptismum iterari. Respondetur per superuenientia post Baptismum peccata, deperdi quidem gratiam Baptismalem, sed non characterem, ideoque non debere Baptismū iterari; sed ad summum ex argumento

concludi, necessarium, seu conueniēs fuisse, institui aliquod à Baptismo Sacramentum, nimirum pœnitentia: quo peccata post Baptismum commissa deleberentur; quæ propterea metaphoricè dicitur secunda post naufragium tabula, nam naus, id est, Baptismus, est prima; quatenus pœnitentia superueniens tollit peccatum, quod impediēbat effectum Baptismi quo ad gratiam.

Quartò, Eucharistia est perfectius Sacramentum, quam Baptismus. Sed Sacramentum Eucharistiæ, quantum uis in eo recolatur memoria passionis Christi, quæ fuit vnica, iteratur; Ergo videtur, quod multo magis Baptismus possit iterari. Respondetur ad hoc argumentum negando paritatem, etsi enim, vt ait Diuus Thomas loco citato ad 5. vtrumque Sacramentum sit representatiuum Dominicæ mortis, & passionis, aliter tamen, & aliter. Nam in Baptismo cōmemoratur mors Christi, in quantum homo Christo commoritur, & in nouam vitam regeneratur, nec non per impressionem characteris indelebiter ascribitur militiæ Christianæ. In Sacramento autem Eucharistiæ commemoratur mors Christi, in quantum ipse Christus passus exhibetur nobis quasi paschale conuiuium, secundum illud 1. Corinth. 5. *Pascha nostrum immolatus est Christus: itaque epulemur.* Vnde quia homo semel nascitur, multoties autem cibatur: conueniens fuit semel tantum dari Baptismum, multoties autem Eucharistiam.

Quintò, fieri potest, vt Baptismus semel datus non habeat suum effectum remittendi peccata ob indispositionē suscipientis, ergo hac saltem de causa oporteret eum posse iterari. Respondetur ad hoc argumentum Sacramentum Baptismi nunquam carere suo effectū secundo, qui est characteris impressio, nec etiam per se, & quantum est ex parte Sacramenti, primario, qui est gratia sanctificans, vnde cum in institutione Sacramentorum attendi debeant ea, quæ sunt per se, non quæ per

per accidens ex defectu subiecti, propter hanc causam non fuit necessarium iterari Baptismum; Præsertim cum in hoc casu, quando Baptismus impeditur, ne suum effectum habeat præcisè propter dispositionem suscipientis, recedente fictione, & impedimento ablato, possit reuiuiscere, suumque postea habere effectum. Fictio enim hic non est simulatio, qua suscipiens Sacramentum, simulat se velle ex animo illud suscipere; quod tamen non vult. Sed fictio est simulatio exterior internæ dispositionis, requisitæ ad primum effectum Sacramenti: qui enim indispositus indigne accedit ad Sacramentum, exterius præ se fert, & fingit se accedere cum debita dispositione ad recipiendum primum effectum, gratiam sanctificantem, & non tantum secundarium, characterem. Hac autem sublatâ suscipientis fictione, seu indispositione, Sacramentum informe reuiuiscere, conferreque gratiam vnanimiter docent Theologi.

Vltimò tandem obijciunt. Baptismus est necessarius ad salutem. Sed de quibusdam verè baptizatis, aliquando dubitatur, an sint baptizati, ergo ubi baptizantur, videtur Baptismus iterari. Respondetur in tali casu dubietatis, an baptismus fuerit datus, vel an fuerit validus, si dubium sit morale, & probabile, Baptismus esse dandum sub conditione, vt habetur ex Decretali Alexandri III. ubi etiam significatur conditionem esse his verbis exprimendam: *Si baptizatus es, non te baptizo; sed si nondum baptizatus es ego te baptizo, &c.* quamuis autem in solemnî baptismo, tum maximè quando dubium est publicum, debeat talis conditio exprimi, vt omnis occasio scandalî auferatur; attamen ubi dubium occultum est, priuatimque Baptismus confertur, satis esse, si illa mente, atque intentione concipiatur, docent Theologi. Quia autem dictum dubium potest esse duplex vnum iuris, alterum facti; iuris dicitur, quando constat ad-

hibitam esse materiam, vel formam dubiam; facti verò, quando absolute incertum est, an datus sit baptismus; quod duobus modis potest contingere. Primo vt sit omnino negatiuum, quia videlicet nulla sunt indicia ad iudicandum, hominem esse baptizatum. Alio modo potest esse dubium, quasi positiuum, vt accidit, quando sunt aliqua indicia apparentia ad credendum, hominem esse baptizatum, non tamen sufficientia, & aliunde sunt etiam verisimiles coniecturæ quæ oppositum persuadeant. In omnibus prædictis euentibus debere dari baptismum sub conditione docent expressè Leo Papatum in epistolis supra citatis, tum in epist. 92. ad Rusticum cap. 15. Gregorius III. epist. 4. ad Bonifacium, sexta Synodus can. 84. Concilium Carthag. V. cap. 6. Concilium Africanum cap. 39. & Vormaticense can. 70. Et ubique ratio redditur, ne homo exponatur periculo damnationis ob carentiâ Baptismi. Ideoque in huiusmodi dubio semper inclinandum est in fauorem hominis baptizandi, præsertim si sit paruulus, quia salus eius est res maximi momenti, nec alia suppetit ei ad salutem via; & alioqui nulla fit iniuria Sacramento, tum quia debita intentio, & conditio apposta omne periculum reiterationis excludit; tum quia non intelligitur esse iteratum, quod nescitur, aut ambigitur esse factum, vt rectè notat Diuus Thomas loco citato.



CAPVT XVII.

Statuitur aduersus Armenos natura Sacramenti confirmationis, ordinarium-que eius ministrum esse solum Episcopum.

Quia Armeni non tam Sacramenti confirmationis existentiam negant, quam circa eius naturam, & ministrum errant, ideo præsupposito, quod tale sacramentum Christus Dominus instituerit, vt sequenti sectione ostendamus contra hæreticos Occidentis, nunc, quæ ad eius naturam, & ministrum spectant, paulo longius explicabimus pro rei gravitate, & difficultate.

Vartanus Armenus, eiusque sequaces asserere tenentur materiam confirmationis esse vnguentum Chrismatis, ritondum ab Episcopo, benedictum, formam autem verba, quæ profert Episcopus, dum illud benedicit, & consecrat; eo ipso quod asserunt, tunc confici hoc Sacramentum, cum Chrisma ab Episcopo benedicitur; sicut accidit, cū consecratur Eucharistia; vndè cap. 4. de monitis ad Armenios ait: *Videmus oculis carnis in Eucharistia panem, & vinum: oculis autem fidei, & intellectus, Christi corpus, & sanguinem intelligimus & in Chrismate videmus oculis olem, si de vero Spiritum Sanctum.* Quo etiam in errore versatos fuisse nonnullos Græcorum, vt Gabrielè Philadelphiensem, Nicolaum Cabasilam, & Marcum Ephesium refert Arcudius author ipse Græcus lib. 2. de Confirmat. cap. 6. Noster etiam Thomas à Iesu lib. 7. de conuers. Gent. cap. 6. ait Orientales alios idem sensisse, nimirum, *in oleo Sancto Chrismatis esse personam Spiritus Sancti, sicut est persona Christi in Eucharistia.*

Consequenter ad hunc errorem, vt præfati hæretici docent, vnguentum, seu Chrisma à solis Episcopis consecrandum esse, tenentur quoque docere, solum Episcopum esse ministrum Sa-

cramenti confirmationis, quod tunc ex ipsis conficitur, quando Chrisma ab Episcopo benedicitur; proindeque vñtionem Chrismatis, quæ fit in fronte baptizati à Sacerdote, non esse Sacramentum à Baptismate distinctum, sed requisitum quoddam ad ipsius Baptismi substantiam necessarium; quod refutauimus supra. Sed in hoc sibi contradicunt, dum enim Vartanus in confutatione epistolæ Romani Pontificis, num. 11. Latinos in hac re carpens, quod asserunt ordinarium Confirmationis ministrum esse solum Episcopum, ait: *Errant praterea; quia baptismum in duo diuidunt, ita vt Presbyter apud eos baptizet, & Episcopus Chrismet, & Spiritum Sanctum impertiat; quasi nequeat Presbyter Spiritum Sanctum tribuere.* Et Gregorius Daciensis in tract. de Sacrament. cap. de confirmatione; *Nostri Sacerdotes Chrismandi facultatem habent, sicut habent Latini Episcopi: sunt enim in hac potestate Episcopi Latinorum æquales hoc dixerim ad eorum retundendam contradictionem libidinem; ceterum re vera quilibet Sacerdos potest omnia Sacramenta perficere, præter Ordinem, cuius collatio, sicut etiam Altaris, & Ecclesiæ benedictio ad Episcopum pertinet.* Dum, inquam, talia præfati Armenorum Pseudomagistri affutunt, tenentur sibi contradicendo asserere, vñtionem Chrismatis in fronte baptizati à Sacerdote factam, esse Sacramentum quoque confirmationis, tam ab eo, cuius ex ipsis solus Episcopus est minister, distinctum, quàm à Sacramento Baptismi, eiusque ordinarii ministrum esse. Sacerdotem, alias malè probarent id illi conuenire, asserendo, quemlibet posse Sacerdotem omnia Sacramenta perficere, præter ordinem, iniusteque Latinos vellicarent, qui solum asserunt Episcopum esse ministrum ordinarii Sacramenti confirmationis, ex suppositione, quod sic distinctum à Baptismo, & non idem essentialiter cum illo; imo probauimus supra talis identitatis impossibilitatem, ex eo quod, vt statim dicemus, diuersi sunt

sunt vnctionis, & Baptismi ministri ordinarij .

Verum vt certa ab incertis separemus, dilucideque controuersiam proponamus, notandum est primò, quod cum prius Armena Ecclesia Chrism, inualide conficeret ex oleo sesami, quia non ita facilè erat inuenire in Armenia oleum oliuarum; postea tamen melius instructa, vsurpauit in hoc Sacramento, vt materiam necessariam, oleum oliuarum, balsamo admixtum, nec non alijs etiam odoriferis aromatis, verum ad maiorem duntaxat solemnitatem, iuxta morem Orientalis Ecclesiæ, vnde in hoc cum Romana Catholica sentit Ecclesia, differtque solum, quod si non omnes, saltem nonnulli Armeni, vt vidimus, asserunt, tunc confici Chrismatis Sacramentum, cum ab Episcopo benedicatur, proindeque materiam eius esse vnguentum Chrismatis nondum ab Episcopo benedictum, formam autem verba, quæ proferuntur ab Episcopo, dum illud benedicit, & consecrat. Sed hoc falsum, esse infra ostendemus.

Secundò notandum est in hoc etiam conuenire Armenos cum Ecclesia Catholica, quod sacrum Chrisma, quo inungunt primùm frontem baptizati, eumque confirmare dicuntur, à solis Episcopis consecrari possit; imò non quibusuis Episcopis, sed ipsimet Patriarchæ hoc reseruant, ad maiorem rei solemnitatem; quare apud ipsos, sicut & apud Latinos, materia remota, necessaria ad validitatem huius Sacramenti, est oleum oliuarum, balzamo admixtum, & ab Episcopo consecratum.

Tertiò aduertendum est, nec eos etià diffidere à nobis circa materiam proximam huius Sacramenti, quam dicimus, esse vnctionem ex oleo balzamato, vt patet ex ipsa ratione materiæ proximæ cõsistentis in hoc, quod sit actualis vsus materiæ remotæ; quæ in confirmatione cum sit oleum balzamatum, alius actualis eius vsus esse non potest, quam vnctio ex eo facta, sicut in Sacra-

Biblioth. Theologic. Tom. V.

mento Baptismi ablutio ex aqua; ideoque Patres communiter vocant hoc Sacramentum vnctionem. In hoc quoque cum Latinis concordant, quod huiusmodi confirmatiua vnctio Chrismatis debet fieri in frõte baptizati per modum crucis, & immediatè manu, seu digito ministri. Etsi enim inungat etiam oculos, aures, nares, os, manus, pectus, scapulas, & pedes: quod faciunt more Gregorum, qui tamen, vt refert Arcudius, in hac re variant: nam eorum vetustissimum quoddam Euchologium recenset membra vngenda, frontem, oculos, nares, os, aures; Cyrillus Hierosol. Catechesi Mystag. frontem, aures, nares, pectus: Euchologia vero typis excusa, quibus modo passim vtitur Græci, frontem, oculos, nares, os, aures, pectus, manus, & pedes, quibus membris Armenij addunt etiam scapulas, ex tali variatione satis ostendunt, reliquas partes corporis præter frontem vngere, non esse de necessitate huius Sacramenti; nec non ex ritu illud conferendi immediatè post baptismum, quo, ad solam frontis vnctionem, proferunt formam, vt habetur in Rituali Armenico, his verbis: *Postea consignet Chrismate primùm frontem, dicens: Vnguentum suauè in nomine Iesu Christi effusum est super te, signaculum donorum caelestium, in nomine Patris, & filij, & Spiritus Sancti. Secundum est autem, in vnctione huius tantum primi membri inuocandam esse diuinam Trinitatem. Deinde oculos, dicens: Vnctio Sanctificationis, quæ in nomine Iesu Christi, illuminet oculos tuos, ne vquam obdormias in morte. Aures, dicens: Vnctio Sanctificationis fiat tibi ad audiendum diuina præcepta. Nares, dicens: Vnctio Sanctificationis, quæ in nomine Iesu Christi, fiat tibi odor suauitatis vna in vitam. Os, dicens: Vnctio Sanctificationis, quæ in nomine Iesu Christi, sit tibi oris custodia, & ostium munitum lebiorem tuorum. Manus in vola, dicens: Vnctio Sanctificationis, quæ in nomine Iesu Christi, sit tibi causa bonorum operum. Pedes, dicens: Vnctio diuina,*

Vuuu quæ

qua in nomine Iesu Christi, cor mundum confirmet in te, & Spiritum rectum innouet in visceribus tuis. Scapulas, dicens; *Vnctio diuina, quæ in nomine Iesu Christi, sit tibi sentum munitionis, in quo possis omnia tela nequissimi ignea extinguere. Pedes, dicens: Vnctio diuina, quæ in nomine Iesu Christi, dirigat gressus tuos in vitam æternam.* Hactenus præfatum rituale. Cum autem ita conueniant, inunctionem cōfirmatiuum debere fieri in fronte baptizati per modum crucis, & immediate manu, seu digito ministri, in hoc differunt à Latinis, quod citati Pseudomagistri, alijque eorum consecranei docent præter Episcopum, esse quoque Presbyterum talis inunctionis ministrum ordinarium; cum nos asseramus eum esse solum Episcopum.

Quartò tandem, & vltimò obseruandum est, formam in administratione huius Sacramenti ab Armenis vsurpari solitam, statimque ex eorum rituali relata, nimirum. *Vnguentum suauæ in nomine Iesu Christi effusum est super te, signaculum donorum celestium, in nomine Patris, & filij, & Spiritus Sancti, esse validam; æquivalereque formæ Latino-rum, Signo te signo crucis, & confirmo te Chrismate salutis, in nomine Patris, & filij, & Spiritus Sancti.* Ea enim est legitima, & conueniens forma Sacramenti, quæ exprimitur causa præcipua, ministerialis, suscipiens, actus, & effectus Sacramenti, maxime quando consistit in actione: atqui prædicta Armenorum forma confirmationis, sicut & nostra explicat ista omnia, Trinitatem, vt causam præcipuam, hac particula, *In nomine Patris, & filij, & Spiritus Sancti*, ministerialem, & actum etiam exercitum ab ea super oblatum, cum dicitur, *Vnguentum suauæ effusum est super te*: tum denique effectum, characterem scilicet, & gratiam roboris, per illa verba, signaculum donorum celestium; Minimè ergo dubitandum videtur, quin ea sit legitima forma, quinque saltem præstantior, ac tutior illa, quæ Græci vultur, consistente in his duntaxat ver-

bis: *Signaculum donationis Spiritus Sancti*; quibus toties repetitis iniungunt prædictas corporis partes; cuius tamen sufficiency Arcudius loco citato multis rationibus, & autoritatibus comprobare, atque explicare nititur, verum Nicolaus Ylambertus doctor, & socius Sorbonicus 3. p. quaest. 72. disput. 4. art. 3. vbi hanc difficultatem mouet, sic eam resoluit; saluo meliori iudicio aliorum, hæc forma non mihi videtur esse simpliciter, & absolute loquendo, sufficiens pro validitate huius Sacramenti, sed donec Apostolica sedes aliud declarauerit, dubia.

At quicquid sit de hoc, quod in forma Armenica additur: *In nomine Iesu Christi*, non est de essentia illius, imò posset omitti, cum sufficienter sit postea explicatum per inuocationem trium, personarum, possitque occasionem aliquibus præbere non subiiciendi inuocationem illam Trinitatis, quæ ad substantiam huius Sacramenti pertinet, & omitti non debet, eodem modo, & ob easdem rationes, quibus est etiam essentialis formæ baptismi; quia ita exprimitur causa principalis huius Sacramenti, & homo per illud deputatur ad fidei professionem, cuius præcipuum mysterium est Sanctissima Trinitas. Cætera autem verba, quæ proferuntur in vñctione aliorum membrorum, quæque non omnino eadem sunt in omnibus Armenorum ritualibus; nam, quod in aliquibus legitur, *Vnctio Sanctificationis diuina, &c.* in alijs habetur, *signaculum hoc Sanctificationis diuinum*, licet non sint de essentia formæ, admitti tamen possunt, dummodo in frontis vñctione ad modum crucis vera forma dicatur. Dixi ad modum crucis quia talis inunctionis est ex necessitate huius Sacramenti. Illud enim est de necessitate alicuius Sacramenti, quod per verba essentialia formæ exprimitur fieri à ministro: sed inunctio facta per modum crucis exprimitur hac particula formæ huius Sacramenti apud Latinos, *signo te signo crucis*, quæ est essentialis formæ, cui in

Armen.

Armenica æquiualeat illa, *signaculum donorum celestium*, nam signatio ista, significatur fieri modo Christiano, omnis autem signatio Christianorum fit in modum crucis, quæ propterea vocatur eorum signaculum; hæc igitur inunctio debet ex necessitate Sacramenti fieri in modum crucis: notatque expresse Pontificale, Episcopum confirmantem dicendo, *signo te signo crucis*, debere producere suo pollice intincto Chrismate signum crucis in fronte suscipiētis hoc Sacramentum. Docent tamen doctores non esse de necessitate huius Sacramenti, quod dicta inunctio per modum crucis, fiat pollice dextro, sed ad summum ex necessitate præcepti, ad decetiam, & maiorem commoditatem, unde potest fieri manu, seu digito alio Episcopi, non tamen mediante aliquo instrumento. Cuius rationem reddunt aliqui, quia Sacramentum hoc est quædam manuum impositio etiam essentialiter, Apostoli enim, de quibus Act. 8. scribitur. *Tunc imponebat manus super illos*, scilicet Samaritanos nuper baptizatos, & accipiebant Spiritum Sanctum, quem locum de Sacramento confirmationis intelligunt Patres, ut sectione sequenti probabimus contra Nouatores Occidentis, nec enim aduersarii, cum quibus modo agimus, id negant, eodem rieu essentiali confirmabant, quo nunc Episcopi: sed nullam præter iam explicatam impositionem manuum possumus assignare in confirmatione: & si unctio hæc fieret tantum mediante aliquo instrumento, iam nulla esset manuum impositio: igitur debet hæc unctio fieri immediatè manu, seu digito Episcopi.

Similiter ubi asseritur, confirmationem debere fieri in fronte, unde aliquando Patres vocant hoc Sacramentum, *signaculum in fronte*; rediditurque ratio, eo quod detur ad consequendum robur gratiæ, ut non erubescamus confiteri Christum, frons autem consecratur esse sedes pudoris, & verenditiæ; non debet intelligi unctiōe

Bibliot. Theol. Tom. V.

huius partis esse huic Sacramento ita essentialem, ut si quis fronte careat, ideo priuetur hoc Sacramento; sed Ysambertus loco citato disput. 3. de Sacramento Confirmationis disput. 2. art. 6. docet, quod sicut in Sacramento extremæ unctiōis, ubi quis caret brachio, aut altera parte, quæ solet inungi, tunc inunctio fit in ea parte, quæ ipsi brachio, vel ei qua caret, est propinquior, ita etiam in præsentī casu debet fieri in ea parte capitis, quæ vel tenet locum frontis, vel ei est proxima: ut enim in priori casu mancus ille non desinit esse capax tam Sacramenti Extremæ unctiōis, quam eius effectus, ita & in posteriori. Quam etiam restrictionem faciliè admittit Ledesma, qui apud Suarez de Sacramentis disput. 33. sect. 3. existimat unctiōem factam in alia parte sufficere.

Ex huc usque prænotatis facile colligitur, de duobus potissimum inter nos & aduersarios esse controuersiam. Primum an Sacramentum quod Patres vocant Chrismatis, seu confirmationis consistat in benedictione eiusdem Chrismatis, an vero in applicatione eiusdem, sub debita verborum forma, in fronte baptizati. Secundò an supposito quod consistat in dicta applicatione, eius ordinarius minister, tam sit simplex Sacerdos, quam Episcopus. Confirmationem enim esse propriè dictum nouæ legis Sacramentum, cum aduersarii absolute non negent, sed potius erreat in explicanda eius natura, id modo supponimus, probauimus autem supra, contra illos cap. 12. non esse idem cum baptismo Sacramentum, aut essentialē eius partem. Sit igitur.

Prima conclusio. Chrismatis, seu confirmationis Sacramentū non consistit in consecratione, nec in substantia Chrismatis; sed in vsu illius, hoc est in oblatione, vel inunctione frontis per illud cum debita forma. Ista conclusio est de fide; cuius expressa definitio, vel declaratio habetur in pluribus Summorum Pontificum litteris decretalibus,

Vuuu 2 nec

nec non concilijs tum Generalibus, tū particularibus, quatenus docent, confici hoc Sacramentum, quando manus impositio, siue vñctio Chrismatis ad crucis formam fit in fronte baptizati à ministro competenti cum debita verborum prolatione. Ita ex Summis Pontificibus Urbanus I. in epistola ad vniuersos Episcopos; *Omnes, inquit, fideles per manuum impositionem Episcoporum Spiritum Sanctum per baptismum accipere debent, ut pleni Christiani inueniantur.* de consecrat. d. 5. c. omnes fideles. Eusebius epist. 3. ibidem relata. *Manus impositionis Sacramentum magna veneratione tenendum est, quod ab alijs perfici non potest, nisi à summis Sacerdotibus nam si aliter presumpsum fuerit, irritum habeatur, & vacuum, nec inter Ecclesiastica computabitur Sacramenta.* Verum Pinius, & alij eam supposititiam censent, quod in ipsa fiat mentio de inuentione Sanctæ crucis, eiusque festiuitate tum instituta, nisi velimus dicere in hac parte corruptam fuisse, vt accidit in pluribus alijs. Melchisedes in epistola ad Episcopos Hispanie relata de consecrat. dist. 5. c. Spiritus Sanctus: *Questus, inquit, utrum manus esset Sacramentum manus impositio Episcoporum, aut Baptismus, scilicet utrumque magnum esse Sacramentum.* Et sicut vnum à maioribus fit, quod à minoribus perfici non potest, ita & maiore veneratione tenendum est; tum stabilita Baptismi necessitate ait. *Ex quibus colligitur, quod Baptismus est maioris necessitatis, manus vero impositio maioris dignitatis ex ministro.* Innocentius I. epistola ad Decentium Eugubinum cap. 3. *De consignandis infantibus manifestum est, non ab alijs, quam ab Episcopo, fieri licere.* Nam Presbyteri, licet sint Sacerdotes, Pontificatus tamen apicem non habent. &c. Leo I. epist. 37. cap. 2. *Quod si ab hereticis baptizatum quempiam fuisse construerit, erga hunc nullatenus Sacramentum regenerationis iteretur: Sed hoc tantum, quod ibi defuit conferatur, ut per Episcopalem manus impositionem virtutem Sancti Spiritus consequatur.*

Gelasius in epist. ad Episcopos per Lucaniam, & Brutios, & Siciliam constitutos cap. 7. & 8. Gregorius Magnus lib. 3. epist. 9. *Presbyteri baptizatos in facies sacro signare in frontibus Christumate non presumant: Sed Presbyteri baptizatos ungant in pectore, ut Episcopi postmodum ungere debeant in fronte.* Gregorius III. epist. 2. & 4. ad Bonifacium. Nicolaus I. epist. ad Rodolphum Bituricensem Episcopum. Innocentius III. in epist. ad L. Vicarium apud Constantinopolim, & alia ad Patriarcham Constantinopolitanum, cuius verba sequenti conclusione referuntur.

Ex Concilijs autem Generalibus Florentinum sub Eugenio IV. eandem veritatem tradit in decreto; cuius verba sunt: *Secundum Sacramentum est confectum, cuius materia est Chrisma confirmatio ex oleo, quod nitorem significat conscientie: & balsamo, quod odorem significat bonæ famæ, per Episcopum benedicto.* Forma autem est: *signo te signo crucis, confirmo te Chrismate salutis.* Ordinarium minister est Episcopus. Et cum cæteras unctiones simplex Sacerdos & aleat exprimere, hanc non nisi Episcopus debet conferre: quia de solis Apostolis legitur (quorum vicem tenent Episcopi) quod per manus impositionem Spiritum Sanctum dubant, loco autem illius manus impositionis, datur in Ecclesia confirmatio. Quam eandem doctrinam quantum ad nostrum intentum habet Concilium Tridentinum sess. 7. de Confirmatione can. 1. vbi expressè ait, non confectionem Chrismatis, sed confirmationem baptizatorum esse verum, & proprium Sacramentum.

At plura sunt Concilia particularia, in quibus idem prorsus docetur. Laodicense can. 48. *Oportet eos, qui illuminantur, post baptismum inungi supercælesti Chrismate, & esse Regni Cælesti participes.* Elibertinum cap. 38. Arelatense I. cap. 8. & II. cap. 17. Toletanum I. cap. 20. Araulicanum cap. 1. & 2. vbi ait: *Hæreticos, in moris discrimine positos, si Catholicis esse desiderant, si desint*
Episco-

Episcopos, à Presbyteris cum Chrismate, & benedictione consignari placet. Quod de Sacramento Confirmationis, à simplici etiam Sacerdote extraordinarie conferendo, multi intelligunt, vt dicitur infra. Cabilonense II. cap. 27. Parisiense lib. 2. cap. 33. Meldense cap. 6. Senonense de Sacramento Confirmationis: Sacramentum, inquit, Confirmationis Christus instituit, cum paruulis manus imponeret. Vnde nunc impositionis manus, nunc Confirmationis appellatum est sacramentum. Baptismo si quidem regeneramur ad vitam, post baptismum hoc Sacramento confirmamur ad pugnam: in baptismo abluimur, post baptismum hoc Sacramento roboramur, cuius conferendi potestas Episcopis à Christo concessa, donum Dei est, quod afferuit Petrus pecunia possideri non posse.

Præcipua scripturæ loca, quibus hæc fidei veritas, ac doctrina reuelata habetur, sunt Actor. 8. Vers. 14. *Cum autem audissent Apostoli, qui erant in Ierosolymis, quod recepiſſet Samaria verbum Dei: miserunt ad eos Petrum, & Ioannem. Qui cum venissent, orauerunt pro ipsis, ut acciperent Spiritum Sanctum. Nondum enim in quenquam illorum venerat, sed baptizati tantum erat in nomine Domini Iesu. Tunc imponebant manus super illos, & accipiebant Spiritum Sanctum.* Et cap. 19. V. 5. *His auditis baptizati sunt in nomine Domini Iesu. Et cum imposuisset illis manus Paulus, venit Spiritus Sanctus super eos, & loquebantur linguis, & prophetabant.* Per huiusmodi enim manuum impositionem, de qua fit ibi sermo, quicquid sit de alia manuum impositione hæreticorum reconciliatiua, olim vsurpata, Sacramentum confirmationis intelligi docent tum Summi Pontifices, & Concilia statim citata, tum Veteres Patres statim adducendi; imo frontis Chriſmationem cum manuum impositione in hoc Sacramento coincidere offendens seſſione sequenti aduersus Nouatores; vt apertè docere videtur Innocentius III. in epist. ad Patriarcham Constantinopolitanum:

Per frontis Chriſmationem, inquit, manus impositio designatur, quæ alio nomine dicitur confirmatio: quia per eam Spiritus Sanctus ad augmentum datur, & robor. Non igitur Chriſmatis, seu confirmationis Sacramentum consistit in consecratione, aut in substantia Chriſmatis, sed in vsu illius per frontis Chriſmationem, aut manus impositionem.

Ad hoc idem Sacramentum si pertinet, vt volunt aliqui, quod habetur. Corinth. 1. 21. *Qui autem confirmat nos vobiscum in Christo, & qui vnxit nos Deus: qui signauit nos, & dedit pignus Spiritus in cordibus nostris: & Ephes. 4. 30. Nolite contristare Spiritum Sanctum Dei: in quo signati estis in die redemptionis.* Certe huiusmodi locis clarè patet illud situm esse in actione obſignatiua, vel inunctiua, non autem in consecratione Chriſmatis, quod si interdum dicitur Sacramentum, prout Fabianus illud appellat in epist. 2. vbi ait: *Sicut ipsius diei (Cenæ Domini) sollemnitates per singulos annos est celebranda: ita ipsius Sancti Chriſmatis confessio per singulos annos est agenda, & de anno in annum renouanda, & fidelibus tradenda; quia nouum Sacramentum est per singulos annos, & iam dicto die innouandum; id debet intelligi quia est materia Sacramenti confirmationis, vt plerumque materia, nec non etiam forma Sacramentorum vocari solent etiam Sacramenta, quia sunt partes eorum essentielles.*

Præter verbum scriptum, habetur etiam pro eadem veritate traditum, perpetuo Ecclesiæ consensu, & vsu firmitum, nec non Sanctorum, ac veterum Patrum irrefragabili autoritate. Ex Grecis sunt Clemens I. Constitut. Apostol. lib. 3. cap. 16. & 17. & lib. 7. cap. 23. Dionysius Areopagita Eccles. Hierachiz cap. 2. par. 2. *Sic indutum baptizatum ad Pontificem ducunt: ille diuino ac deifico prorsus unguento virum signans, Sacratissime communionis participem facit;* tum part. 3. cap. 4. Clemens Alezandrinus lib. 6. Stromatum,

tum, vbi vocat hoc Sacramentum, *Beatum signaculum*; Origenes homil. 8. in *Leuiticum*. Eusebius Cæsariensis lib. 6. Hist. Eccles. cap. 35. vbi agens de Nouato ait; quod, morbo elapsus, neque cætera, quibus post baptismum secundum Ecclesiæ canonem, imbuti oportuerat, acquisiuit, neque sigillo ab Episcopo obsignatus fuit; sic enim vocat Sacramentum confirmationis; Cyrillus Hierosolimitanus Catechesi 3. *Mythagogica*; Amphilocheus in vita Sancti Basilij; Maximinus Episcopus baptizauit Basilium, & Eubulam, vestiuit albis, atque ungens eos Sancto Chrismate tradidit eis *viuificam communionem*. Gregorius Nazianzenus orat. 40. quæ est oratio in Sanctum Baptisma. Epiphanius hæresi 22. Ioannes Chrysostomus ad cap. 8. Act. Apostol. vbi ait, huius Sacramenti administrationem, donum solum Apostolorum fuisse; item Ildorus Pelusiota lib. 1. epist. 45. Theodoretus ad cap. 1. Canticorum: *Sacri Baptismatis mysterium recordare, in quo initiatur, post Sathana abnegationem, & Dei confessionem, veluti signo ac nota quadam regia, spiritualis unguenti Chrismate inuncti, sub ea visibili unguenti specie inuisibilem Sanctissimi Spiritus gratiam suscipiunt*. Oecumenius ad cap. 8. Apostolorum; Theodorus Balsamon ad canonem 48. Synodi Trullensis: *Canon, inquit, vocauit Sanctum unguentum Chrisma, & non simpliciter Chrisma, sed supercaleste, ut quod per sanctas preces, & inuocationem Sancti Spiritus Sanctificatur, & eos, qui inunguntur, Sanctificet, & regni cælorum faciat participes, etc.* Simon Thesalonicensis lib. 2. de Sacramentis: *Petrus, & Ioannes imponebant manus, et accipiebant Spiritum Sanctum, quod est Chrisma. Impositio enim manuum præbet Chrisma, id est Sacramentum confirmationis, sicut fiebat ab Apostolis, et per eos à multis alijs, etc.* Seuerus Alexandrinus in ordine Baptismi; *Tunc signat oleo oline Sacerdos eum, qui baptizatur, tribus crucibus super frontem eius factis atque in hunc modum dicit; Signetur talis N. oleo*

laetitia aduersus omnem efficaciam inimicam ad insidiationem: quæ est bona oliua in Ecclesia Sancta Catholica, et Apostolica, signaculo positionis, filiorum adoptionis in nomine Patris, & filij, & Spiritus Sancti, Amen. Hieremias Constantinopolitanus Responsione 1. cap. 2. *Mox is, qui baptizatus est, Sacro unguento Ungendus est: Chrisma enim hoc sigillum, et signum Christi est, etc.* Id ipsum tandem colligitur ex rituali Armeniorum superius citato, vbi vocatur, & communiter etiã ab omnibus, Chrismatis Sacramentum, *Signaculum*, vt ostendant illud non consistere in consecratione, nec in substantia Chrismatis; sed in vsu illius, vt nos asserimus, & huc vsque probauimus.

Græci Patribus ad stipulantur Latini; Tertullianus lib. de Baptismo cap. 8. *De hinc manus imponitur, per benedictionem aduocans, & inuitans Spiritum Sanctum, etc.* Et de Resurrectione carnis cap. 8. *Caro ungitur, ut anima consecratur: caro signatur, ut et anima muniat: caro manus impositione adunbratur, ut et anima Spiritu illuminetur*. demum de Præscriptione aduersus hæreticos cap. 40. *Tingit et ipse quosdam, visque credentes et fideles: signat illic et frontibus milites suos: celebrat et panis oblationem*. Cyprianus epist. 72. & 73. ad Iubaianum. Pacianus sermone de Baptismo, & epistola 1. ad Sympronianum. Optatus Mileuitanus lib. 7. contra Donatistas. Ambrosius lib. de his, qui mysterijs initiantur, cap. 7. lib. 3. de Sacrament. cap. 2. *Sequitur Spirituale signaculum, quod audistis hodie legi, quia post fontem superest, ut perfectio fiat, quando ad inuocationem Sacerdotis Spiritus Sanctus infunditur, etc.* item lib. 6. cap. 3. & lib. 1. de Spiritu Sancto cap. 6. Prudentius in Pylchomachia de luxuria & sobrietate, post inscripta oleo frontis signacula, etc. Hieronymus Dialogo aduersus Luciferianos cap. 4. Augustinus tract. 6. in epistolam Ioannis, vbi asserit quod, etsi ad impositionem manuum, non iam vt olim fiant miracula,

cala, non desinunt propterea fideles accipere Spiritum Sanctum; libro autem 15. de Trinitate cap. 26. dum referens, quod Actorum 10. dicitur de Christo, *Quoniam unxit illum Deus Spiritu Sancto*, ait, *Non utique oleo visibili, sed dono gratia, quod visibili significatur unguento, quo baptizatos ungit Ecclesia*, satis huiusmodi verbis significare videtur, in Sacramento confirmationis, aliam non fuisse manus impositionem, nisi ipsammet unguenti, seu Chrismatis inunctionem; quam lib. 2. contra litteras Petilian, æque vocat Sacramentum, ac ipsum Baptismum: *In hoc*, inquit, *unguento Sacramentum Chrismatis vult interpretari, quod quidem in genere visibillum signaculorum Sacrosanctum est, sicut ipse Baptismus*. Eucherius Lugdunensis homilia in die Pentecostes: *Advertamus*, inquit, *summæ diuitias bonitatis: quod nunc in confirmandis neophytis manus impositio tribuit singulis hoc tunc Spiritus Sancti descensio in credentium populo donauit vniuersis*, &c. vbi mysterij confirmationis naturam, ac necessitatem egregie explicat. Prosper sent. 342. Primalius in cap. 13. ad Hebræos, *Donum Spiritus Sancti datur in Baptismo, per impositionem manus Episcoporum*. Fortunatus vitæ S. Mauritij cap. 15. Isidorus Hispalensis lib. 2. de officiis Ecclesiasticis cap. 26. & lib. 6. Etymolog. cap. de officiis. Aponius lib. 1. in Cantica. Beda in psal. 26. *Sciendum autem, quod illa unctio, quæ per manuum impositionem ab Episcopis, quasi alia à duabus prædictis et vulgo Confirmatio dicitur, eadem est cum secunda: propter arrogantiæ tamen non concessa est singulis Sacerdotibus, sicut et multa alia; & ad caput 8. Act. Apostol. Presbyteris sue extra Episcopum, sue presente Episcopo baptizent, Chrismate baptizatos ungere licet, non tamen frontem ex eodem oleo signare, quod solis debetur Episcopis, cum tradunt Spiritum paracletum baptizatis*. Marcellinus Presbyter Vitæ S. Suniberti cap. 63. VVilibaldus Eistetenensis vitæ S. Bonifacij cap. 20. Alcuinus de diui-

nis officiis cap. 19. de Sabbato S. Paschæ. Haymonius Homil in feriam 2. Paschæ: *Baptizatos ungit Ecclesia, dum per impositionem manus Episcopi Spiritus Septiformis inuocatur*. Et ad cap. 6. epist. ad Hebræos: *Impositionem manuum appellat confirmationem, per quam plenissime creditur accipiendus Spiritus Sanctus, quod post Baptismum ad confirmationem unitatis in Ecclesia à Pontificibus fieri solet*. VValafridus Strabo de rebus Ecclesiasticis: *Confirmatio et tunc ad primos Ecclesie pastores pertinuit, et nunc pertinere non dubitatur*. Vnde in Canonibus sæpè interdicitur Presbyteris, ne Chrisma conficiant, neque baptizatos in fronte consignent; quod solis debetur Episcopis. Amalarius Treuirensis lib. 1. cap. 27. Rabanus Maurus de institutione Cler. lib. 1. cap. 30. *Novissimè à summo Sacerdote per impositionem manus Paracletus traditur illi Spiritus Sanctus, ut roboretur per Spiritum Sanctum, ad predicandum alijs idem donum, quod ipse in baptismo consecutus est, per gratiam vita donatus æterna*. Signatur enim baptizatus cum Chrismate per Sacerdotem in capitis summitate, per Pontificem vero in fronte, &c. Quibus vltimis verbis impositionem manus, explicat per signationem Baptizati cum Chrismate in fronte Smaragdus in diademate Monachorum cap. 71. & in epist. de Sabbato Pentecostes. Abbo Floriacensis vitæ S. Edmundi cap. 8. Berno Augiēsis ser. 1. de Pentecoste. Petrus Damianus ser. 1. in dedicatione Ecclesiar: *Secundum Sacramentum est confirmatio: in Baptismo Spiritus datur ad veniam, hic ad pugnam: ibi mundamur ab iniquitatibus, hic virtutibus præmunimur. Nonne in superliminari fronte domus nostræ terrestris consecrata manus Sacri Chrismatis imprimi unctionem? Nec quilibet tanti mysterij legitur executor, sed solus Episcopus, etc.* Iuo Carnotensis ser. de excellentia Sacrorum ordinum, & serm. de conuenientia veteris ac noui Testamenti. Populi baptizati quasi panes oblationis liniuntur, sum per manus impositionem

nem Sacro Chrismate, ad agonem fortiter tolerandum contra spirituales nequitias, confirmantur: Rupertus Tuitiensis lib. 5. de diuinis officiis: cap. 16. Postquam per seipsum veniens Christus Dei filius à Deo Patre Cælesti, & vero unguento est delibutus iam non soli Pontifices, & Reges sed & omnis Ecclesia vnctione Chrismatis per manuum impositionem consecratur. Quod solis debetur Episcopis vt consignent, & Spiritum Sanctum tradant. Hugo Victorinus de Sacrament. fidei lib. 2. part. cap. Manus impositio, quæ usitato nomine confirmatio vocatur, quæ Christianus vnctione Chrismatis per impositionem manuum in fronte signatur, solis Episcopis, Apostolorum vicariis, debetur, vt Christianum consignent; idem habet parte 15. cap. 1. vbi tria distinguit genera olei Sancti, & de Chrismate, quod est oleum cum balsamo mixtum, ait, quod illi baptizatos Sacerdos, ungit in vertice, sicut eodem Pontifex per impositionem manuum confirmados ungit in fronte; Quo loquendi modo, sicut & duorum præcedentium doctorum clarè significari videtur impositionem manuum spectantem ad Sacramentum confirmationis, esse ipsammet Chrismatis vnctionem, quæ fit manu, vel digito Episcopi in frontibus baptizatorum. Tandem Petrus Lombardus Magister sententiarum, lib. 4. dist. 7. quique illum deinceps secuti sunt omnes Doctores Catholici eandem, quam hic principaliter intendimus fidei doctrinam à maioribus acceptam nobis tradiderūt: tunc videlicet, cum vnguentum ex oleo & balsamo mixtum benedicitur, & consecratur, non confici hoc Sacramentum, sed tantum preparari materiam, quæ ad illud conficiendum, & ad gratiam Spiritus Sancti significandam sit apta; confici autem, quando vnctio huius vnguenti ad crucis formam in fronte, baptizati applicatur à ministro competentis per manus impositionem, cum debita verborum prolatione.

Ratio à Priori huius veritatis, sola est Christi Domini institutio, quæ suf-

ficienter colligitur ex huc vsque dictis, qui hoc Sacramentum vnctionis noluit esse permanens, sicuti sectione sequenti Deo dante probabimus contra hæreticos Occidentis Eucharistiæ Sacramentum esse permanens; igitur non potest consistere in consecratione, nec in substantia Chrismatis, ad vsum confirmationis asseruati, sicut in Ecclesia asseruatur Eucharistia, vt suo à fidelibus tempore recipiatur in Sacra communione; sed in vñ illius, hoc est, in obligatione frontis per illud cum debita forma. Alias si esset Sacramentum permanens, siue tunc conficeretur, quando vnguentum ab Episcopo consecratur, teneretur aduersarij asserere, fieri tunc etiam in illo transubstantiationem, quemadmodum contingit in Eucharistia, vel quid simile, quo nihil absurdius.

Secunda ratio desumitur ad hominem ex ipsamet huius Sacramenti forma, quam admittunt Armeni in suo rituali: *Vnguentum suauē in nomine Iesu Christi effusum est super te signaculum donorum Cælestium, etc.* vt supra; ea enim apertè significatur hoc Sacramentum, consistere formaliter, & essentialiter in vñ, seu applicatione olei balzamati consecrati ad frontem baptizati consignando illum; sicut enim ex hoc quod hoc verbum baptizo, vel aliud ei æquiualens, sit essentialē formæ Baptismi, exprimens proximam eius materiam, quæ est vera actualis ablutio, vt de facto exercetur circa corpus baptizandi, rectè colligitur Sacramentum Baptismi essentialiter consistere in vñ, seu applicatione aquæ naturalis, tanquam materiæ remotæ, ad corpus, ablundo illud, siquidem ablutio, quæ est baptismi essentialis, consistit formaliter, & essentialiter in vñ; Similiter ex hoc, quod iuxta dictum rituale, hoc verbum *effusum est super te vnguentum suauē in nomine Iesu Christi*, consignando frontem confirmandi, æquiualens verbo, *Signo te signo crucis, & confirmate Chrismate salutis*, in forma Latinorum, vt

notauimus supra, sit essentialiter formæ Confirmationis, exprimens proximam eius materiam, quæ est vera actualis vñctio, seu vnguenti effusio, vt de facto exercetur circa frontem confirmandi, rectè inferitur, hoc Sacramentum essentialiter quoque consistere in vsu, seu applicatione Chrismatis, tanquam materiæ remotæ, ad frontem, consignando illum, si quidem talis vñctio, quam ex admissa ab Armenis forma, supponimus esse Confirmationi essentialiter, sicut ablutionem Baptismo, consistit etiam formaliter, & essentialiter in vsu.

Tertiò denique probatur, quia aduersarij concedunt simplicem Sacerdotem, simul cum Episcopo, esse ordinarium Sacramenti Chrismatis, seu confirmationis ministrum; sed ex iisdem, vnguementum Chrismatis conficitur, & consecratur à solis Episcopis, quin imò id inter Armenos Patriarchæ referuatur: Hoc ergo Sacramentum non consistit in consecratione, nec in substantia Chrismatis, sed in vsu illius, qui secundum ipsos communis est Sacerdoti, & Episcopo.

Secunda Conclusio. Sanctæ Confirmationis ordinarius minister est solus Episcopus; ista conclusio, pro vt iacet, est de fide; cuius expressa definitio habetur in superius citatis Epistolis decretalibus, Urbani I. Melchiadis, Innocentij I. Leonis I. Gelasij I. Gregorij Magni, Gregorij III. Nicolai I. & Innocentij III. cuius verba, quia tam ad huius conclusionis probationem, quam ad sequentium decisionem, plurimum valere possunt; ea hic per extensum adducemus; In epistola igitur ad Luc. Vicarium apud Constantinopolim hæc scribit; *Pervenit sanè ad audientiam nostram, quod quidam simplices Sacerdotes apud Constantinopolim ea Sacramenta presumunt fidelibus exhibere, quæ ab Apostolorum tempore rite fuerant solis Pontificibus reservata, ut est Sacramentum confirmationis, quod Chrismando renatis soli debent Episcopi per manus impositionem conferre, ad excusandas excu-*

sationes in peccatis, & sui erroris fomentum solam consuetudinem pretendentes; cum diuturnitas temporis peccata non minuat, sed augmentes, quæ tanto graviora existunt, quanto infelicem animam diutius detinent alligatam. Volentes igitur hæc, & alia, quæ oculis diuinæ Maiestatis offendunt, de agro Dominico extirpari, discretionis tue per Apostolica scripta precipiendo mandamus, quatenus omnibus Latinis Presbyteris apud Constantinopolim constitutis districte prohibeas, ne talia de cætero sua temeritate presumant: quæ licet non sint à fidelibus contemnenda, tutius tamen est ea sine periculo ex necessitate, quæ legem non habet, omittere, quam vt ab his, quibus ea conferre non licet, ex temeritate quæ lege damnatur, non sine gravi periculo inaniter conferantur: cum umbra quedam ostendatur in opere, veritas autem non subeat in effectum. Et in epistola ad Patriarcham Constantinopolitanum; Per frontis Chrismationem manus impositio designatur, quæ alio nomine dicitur confirmatio: quia per eam Spiritus Sanctus ad augmentum datur, & robor. Vndè cum cæteras vñctiones semper Sacerdos vel Presbyter valeat exhibere, hanc non nisi summus Sacerdos, idest, Episcopus debet conferre: quia de solis Apostolis legitur, quorum Vicarij sunt Episcopi, quod per manus impositionem Spiritum Sanctum dabant, quemadmodum Actuum Apostolorum lectio manifestat.

Eadem habetur definitio in Concilio Generali Florentino superius citato, nec non Tridentino sess. 7. de Confirmatione Can. 3. *Si quis dixerit, Sanctæ Confirmationis ordinarium ministrum non esse solum Episcopum, sed quemvis simplicem Sacerdotem; anathema sit.* Et sess. 23. cap. 4. can. 7. *Si quis dixerit Episcopos non esse Presbyteris superiores; vel non habere potestatem confirmandi, & ordinandi; vel eam quam habent, illis esse cum Presbyteris communem anathema sit.* Tum in alijs pluribus Concilijs particularibus pro superiori conclusio-
ne adductis.

Præcipua scripturæ loca, quibus hæc

X x x x

fidei

fidei veritas, eiusque definitio innicitur, sunt superius allata ex cap. 8. & 19. A& Apost. vbi de solis Apostolis legitur, quod confirmarint fideles, qui ab alijs fuerant baptizati; idque non vt Presbyteros, sed vt Episcopos præstitisse, Summorum Pontificum, Conciliorumque citatorum definitione clare nobis constat, tum quod in hac re potissimum est, diuina traditione.

Verbo igitur diuino scripto, pro eadem veritate accedit traditum, communi sensu, & vsu Ecclesiæ, Sanctorumque Patrum autoritate irrefragabiliter contestatum, qui dum asserunt locis superius citatis, Episcopum, aut absolute, aut solum esse Sacramentum confirmationis ministerium, saltem loquuntur de ordinario. Hi sunt ex Græcis Clemens, Dionysius, Ioannes Chrysostomus, Isidorus Pelusiota; & ex Latinis Cyprianus, Ambrosius, dum enim lib. 3. de Sacrament. cap. 2. loquens de Sacramento confirmationis ait; *Ad inuocationem Sacerdotis Spiritum Sanctum infundis*, quasi per antonomasiam Episcopum, Sacerdotem vocat: est enim re vera Sacerdos, & Sacerdotum princeps: nec Ambrosius ait, Spiritum Sanctum dari ad inuocationem cuiuslibet Sacerdotis, sed simpliciter ac indefinite ad inuocationem Sacerdotis, scilicet principalis, ac præcipui, qualis est Episcopus. Hieronymus dialogo aduersus Luciferianos cap. 4. cuius verba proferre huc desuli, quia potissimum faciunt ad probationem præsentis conclusionis; ibi igitur Orthodoxum sic loquentem introducit; *Quod si hoc loco quæris, quare in Ecclesia baptizatus, nisi per manus Episcopi, non accipiat Spiritum Sanctum, quem nos asserimus in vero baptisinate tribui, discere hanc obseruationem ex ea auctoritate descendere, quod post ascensum Domini Spiritus Sanctus ad Apostolos descendit, & multis in locis idem factissimum reperimus, ad honorem potius Sacerdotij, quam ad legis necessitatem; Vbi est aduertendum hæc vltima verba, ad honorem potius Sacerdotij, quam*

ad legis necessitatem, non facere hunc sensum, quod ministerium Sacramenti Confirmationis, conueniat solis Episcopis, tantum ob honorē, non vero tantum solis ordinarijs eius ministris; nam verba eiusdem S. Hieronymi immediate sequentia satis declarant hunc sensum esse omnino alienum ab eius mente: sed hunc tantum esse, quod nimirum administratio Sacramenti confirmationis, eiusque susceptio non sit simpliciter, & absolute loquendo, necessaria ad salutem animæ, quasi absq; illo baptizati non possint saluari; ita enim subdit, Alioquin, si ad Episcopi tantum imprecationem, Spiritus Sanctus defluit, lugendi sunt, qui in viculis, aut in castellis, aut in remotioribus locis, per Presbyteros, et Diaconos baptizati, ante dormierunt, quam ab Episcopis inuiserentur, Quæ verba, conformiter ad doctrinam, quam S. Melchisedes citata sua epistola tradit, aperte docent, baptizatos non desinere saluari, licet ante mortem non acceperint hoc Sacramentum.

Diuis Augustinus lib. 15. de Trinitate cap. 26. *Neque enim aliquis discipulorum eius dedit Spiritum Sanctum. Orabant quippe, ut veniret in eos, quibus manum imponebant, non ipsum dabant. Quem morem in suis Prepositis etiam nunc seruat Ecclesia.* Isidorus lib. 2. de Officijs Ecclesiasticis. cap. 26: Primasius, Beda, & alij deinceps superiori conclusione citati.

Ratio autem à priori huius secundæ conclusionis, sicut & primæ est, sola Christi Domini voluntas & institutio, quæ sufficienter nobis innoteuit ex citatis Conciliorum, Summorumque Pontificum definitionibus, ita illam nobis ex verbo Dei scripto, & tradito credendam proponentibus. Congruentia verò est, non quod simpliciter hoc Sacramentum sit dignius Baptismo, & maiorem gratiam conferatnam & Eucharistie longo nobilior est, quam tamen simplices Sacerdotes ordinarië conficiunt; sed quod vt ait Diuisus Th. 3. part. q. 72. art. 11. Sacramentum

Con-

Confirmationis consummat, ac perficit baptizatum, dans illi plenitudinē Spiritus Sancti: ideoque collatio eius Episcopis reservatur, qui obtinent summā potestatem in Ecclesia. Item quia milites conscribere, proprium est Ducum, & Imperatorum: sed in Confirmatione milites Christi Domini conscribimur, hoc igitur ab Ecclesiæ Ducibus, ac primatibus, cuiusmodi sunt Episcopi, fieri debet.

Supereſt, ut antequam ad vltiora in hac controversia tranſeamus, breuiter ſatisfaciamus aduerſariorum obiectis contra hanc ſecundam conſolutionem. Primo obijciunt, Act. 9. Ananiam impoſuiſſe manus Paulo, ut impletur Spiritu Sancto, cum tamen non eſſet Episcopus. Reſpondetur *primò* ibi ſermonem non eſſe de Sacramento confirmationis, ſed de manũ impoſitione curatiua ſeu ſanatiua, ut patet, *primò*, quia ſcriptura non dicit, Ananiam impoſuiſſe manus Paulo ad dandum ei Spiritum Sanctum, ſed ait illi hunc modum, *Abijt Ananias, & introiuit tu domum: & imponens ei manus dixit: Saul frater, Dominus miſit me Ieſus, qui apparuit tibi in via qua veniebas, ut videras, & implearis Spiritu Sancto. Et conſeſtim ceciderunt ab oculis eius, tanquam ſcinia, & viſum recepit: et ſurgens baptizatus eſt.* Fuit ergo illa manũ impoſitio ſpectans ad gratiam gratis datam ſanitati, iuxta illud Marci vltimo, *Super egros manus imponent, et bene habebunt,* qua primò Paulus viſum recuperavit, deinde baptizatus Spiritum Sanctum recepit. *Secundò*, quia illa manũ impoſitio facta eſt ante baptiſmum: Sacramentum autem confirmationis adminiſtratur poſt baptiſmum, ea igitur non confirmatiua, ſed ut dicebamus mere curatiua fuit. *Tertiò*, quia Ananiam nedum Episcopum, ſed nec tunc Sacerdotem fuiſſe plures docent, non igitur per manũ impoſitionem adminiſtrauit Paulo Sacramentũ Confirmationis, cuius ſoli ſunt miniſtri ordinarij Episcopi, vel Sacerdotes ex ad-

uerſarijs. Reſpondetur *ſecundò*, gratis admiſſo, quod ibi fac ſermo de Sacramento Confirmationis, quodque iuſſu diuino contra legem ordinariam poruerit Paulus confirmari, antequam baptiſmum perciperet, ut iuxta textum tenentur concedere aduerſarij, nihil tamen concludi contra nos; *primò*, quia, qua ratione dicent aduerſarij, Paulum fuiſſe ab Anania confirmatum, priuſquam baptizatum, ſpeciali iuſſu Dei, qui ordinariam legem non abſtulit, ſed in ea diſpenſauit, eadem ratione nos quoque dicere poterimus, Paulum confirmatum fuiſſe ab Anania, quamuis non eſſet Episcopus, ſed ſimplex Sacerdos, ſingulari etiam iuſſu Dei diſpenſantis in hac lege de ordinario miniſtro huius Sacramenti. *Secundò*, quia non minori certitudine aſſerere poſſumus Ananiam tunc fuiſſe Episcopum, quam aduerſarij dicant eum fuiſſe tantum ſimplicem Sacerdotem, cum nihil ab ipſis adduci poſſit, quo oſtendant illum nondum fuiſſe in Episcopum conſecratum; nos autem in contrarium id probare poſſimus, ſuppoſito quod Paulo, ut ipſi in obiectione intendunt, Sacramentum Confirmationis dederit, quodque cum eo in lege ordinaria de miniſtro huius Sacramenti Deus non diſpenſauerit, (ſi quidem aliqua fieri ab illo præter legem ordinariam, affirmari non debet, ſine magno fundamento) eo quod ex verbo diuino, tam ſcripto, quam tradito, declarauerit nobis Eccleſia ſolum Episcopum eſſe ordinarij miniſtrum Sacramenti Confirmationis.

Secundo obijcitur illud 1. ad Timotheum 4. *Noli negligere gratiam, qua eſt in te, qua data eſt tibi per prophetiam, cum impoſitione manũ Presbyteri.* Reſpondetur *primò*, non eſſe legendum, *Presbyteri, ſed Presbyterij*; vnde illa particula non designat miniſtrum, ſed modum, ſeu ſpeciem illius manũ impoſitionis, qua non fuit Sacramentum Confirmationis, ſed Ordinis. Reſpondetur *ſecundò*, eſto legendum eſſet,

Presbyteri, fieretque ibi sermo de manus impositione confirmatiua per Sanctum Chrisma, nihil contra nos, illa enim particula, *Presbyteri*, simpliciter, ac indefinitè prolata, posset intelligi de Episcopo, sicut supra diximus, de nomine Sacerdotis. Præter quam quod Act. 20. Episcopi vocantur expressè Presbyteri, cum enim ibi prius dicatur, Paulum mittentem Ephesum vocasse maiores matu, seu Presbyteros, *Ecclesia*; ad eos postea loquens ait. *Attendite vobis, & vniuerso Gregi, in quo vos Spiritus Sanctus posuit Episcopos, regere Ecclesiam Dei quam acquisiuit sanguine suo.*

Tertio obijcitur Concilium Toletanum I. cap. 20. vbi dicitur: *Statutum vero est, diaconum non Chrismare, sed Presbyterum, absente Episcopo, præsentè vero non, nisi ab eo fuerit præceptum.* Quod Concilium, etli Prouinciale fuerit, confirmatum tamen fuit autoritate Leonis Papæ. Respondetur ad hoc argumentum dupliciter, & primò in sententia illorum, qui asserunt solum Episcopum esse ordinarium confirmationis ministrum, tam necessitate præcepti, quam necessitate Sacramenti; dicitur, in hoc Concilio, vbi statuit, *Presbyterum Chrismare absente Episcopo, etc.* non esse sermonem de vñctione Chrismati in frontibus, sed de ceremoniali vñctione, quæ in vertice fit in baptismo solemnì; Sacerdoti etiam illicita, nisi ex licentia Episcopi, vel in eius absentia, nam, vt ibidem dicitur, *Episcopo sane, certum est, quod omni tempore licet Chrisma conficere, sine conscientia autem Episcopi nihil penitus Presbyteri agere præsumant;* quod igitur olim nihil Presbytero agere liceret absque licentia Episcopi, vt habetur etiam ex Leone Papa epist. 86. alias 88. & Damaso in epist. 2. mirum non est, quod etiam hæc Ceremonialis vñctio ei fuerit in præfato concilio interdicta; nisi ex licentia Episcopi, vel in eius absentia. Et eodem modo loquitur Innocentius I. in epistola ad Decentium Eugubium cap.

3. vbi, vt vidimus supra, præmissò, quod *consignatio infantium, non ab alia, quam ab Episcopo, fieri liceat*, postea subiungit, *Presbyteris, seu extra Episcopum, seu præsentè Episcopo baptizent, chrismate baptizatos ungere licere, sed quod ab Episcopo fuerit consecratum, non tamen frontem ex eodem oleo signare, quod solis debetur Episcopis, cum tradunt Spiritum Paracletum;* quod enim dicit, *præsentè Episcopo*, intelligi rectè potest de licentia eius; quamquam dici etiam potest, hunc Pontificem ampliasse decretum Concilij Toletani, licereque per ipsum Presbyteris illam vñctionem ceremonialem, *sine extra Episcopum*, id est, in absentia, siue *præsentè* Episcopo, id est, in præsentia; cum per Concilium Toletanum, illis duntaxat liceret in absentia, non autem in præsentia. Quo sensu videtur intellexisse præfata Pontificis verba Hugo Victorinus lib. 2. de Sacrament. p. 7. cap. 3. dum ait: *Primis temporibus omnis vñctio Chrismatis per solos Pontifices fiebat: sed postquam institutum est, vt baptizatum Sacerdos in vertice linias, consignatio tamen frontis solis Pontificibus reservatur.*

In sententia verò illorum Doctorum, qui asserunt solum Episcopum esse quidem ordinarium Sacramenti confirmationis ministrum necessitate præcepti, non autem Sacramenti; siue quod idem est ministrum ordinarium huius Sacramenti ex institutione diuina esse Episcopum; simplicem verò Sacerdotem esse ex eadem institutione ministrum, non quidem ordinarium, sed ex iunctione, vel commissione, quæ si desit, peccat quidem sacerdos, illud conferendo, collatum tamen tenet; de quo sequenti conclusionè. Respondetur secundo, Concilium Toletanum citato canone loqui de vñctione confirmatiua, quam illicitam quidem esse existimauit Presbytero, præsentè Episcopo, nisi fieret de eius licentia, aut præcepto, non tamen invalidam; eo autem absente & validam, & licitam esse, vbi vrgeret necessitas illud conficiendi.

randi. Quemadmodum in Sacramen-
to Baptismi, cuius quia minister ordi-
narius, tam est Episcopus per totam
Dioecesim, quam sacerdos curatus per
totam suam Parochiam, illis præsen-
tibus. Diaconus licetè baptizare non po-
test baptismo solemnì, tam extra ne-
cessitatem, quam in necessitate, absque
concessione, delegatione, seu permis-
sione Episcopi, vel sacerdotis Parochi,
& præter peccatum mortale, quod cõ-
mittit, si secus facit incurrit irregulari-
tatem, ut habetur *cap. si quis*; validè ta-
men potest; & illis absentibus, tùm va-
lidè, tùm licetè, si fiat sine solemnitate,
& adsit necessitas.

Obijciuntur quartò duo primi cano-
nes Cõcilij Arausici I. quibus Chris-
matio, seu consignatio, ut per simpli-
cem sacerdotem ordinariè etiam con-
cedenda explicari videtur. Primi ver-
ba sunt; *Nullus ministrorum, qui bap-
tizandi recipit officium, sine Chrismate us-
quam debet progredi, quia inter nos pla-
cuit semel in baptismo chrismari. De eo
autem, qui in baptismo, quacumque ne-
cessitate faciente, chrismatus non fuerit,
in confirmatione sacerdos commovebitur,
Nam inter nos chrismatis ipsius non nisi
una benedictio est, non, præiudicantes cui-
quam hoc dicimus, sed ut necessaria ha-
beatur chrismatio.* Alterius, *Hæreticos
in mortis discrimine posuit, si catholici ef-
se desiderent, si desit Episcopus, à Presby-
teris cum chrismate, & benedictione con-
signari placeat.*

Respondetur ad hanc obiectiõnem
dupliciter, iuxta duplicem allatam sen-
tentiam. Prima enim negat illa verba,
chrismatus non fuerit, intelligenda esse
de illa chrismatione, quæ fit in fronte
per administrationem Sacramenti Con-
firmationis; sed tantum de illa ceremoni-
ali, quæ fit per ministrum baptizan-
tem in vertice eius, quem baptizat;
nam ideo præcipit ministrum, qui reci-
pit officium baptizandi, nunquam pro-
gredi sine chrismate, & quia poterat
aliquando contingere, hanc inter ba-
ptizandum omitti, propter aliquam

necessitatem, vel occasionem, Arausi-
canum Concilium hic præcipit, *ut in
confirmatione Sacerdos commoveatur*,
ubi per sacerdotem simpliciter, & inde-
finite sumpsum, rectè potest intelligi
Episcopus confirmaturus, non autem
simplex sacerdos, quasi ille possit con-
firmare; vel si quis ibi per sacerdotem
velit intelligi quemcumque simplicem
sacerdotem, dicendum est, Concilium
præcipere eum, cui in baptismo chris-
matio verticalis collata non fuit, ante-
quam accipiat ab Episcopo confirma-
tionis sacramentum, remitti ad simpli-
cem sacerdotem, qui dictam chrismati-
onem omissam illi conferat, ut ad il-
lum locum, relatum de consecrat. dist.
4. cap. *nullus ministrorum*, glossa re-
ctè explicat: unde quædam verbis im-
mediatè, sequentibus sic dicitur, *Nam
inter nos chrismatis ipsius, nonnisi una
benedictio est*, solum vult chrismationem
Episcopis propriam, quæ scilicet fit in
fronte, esse tantum vnam, quia non est
solum Episcopi administrare verticalè;
sed eam tantum, quæ convenit Sacra-
mento Confirmationis.

Ad secundum autem canonem res-
ponderetur, chrismationem, quæ ibi, si
desit Episcopus, permittitur Presbyte-
ris, esse tantum reconciliatoriam, & nõ
proprie sacramentalem, sed ceremoni-
alem pro admittendis hæreticis baptiza-
tis, & confirmatis pœnitentibus ad Ec-
clesiam redeuntibus; ut faciliè intelligi-
tur ex ipso textu huius secundi, & se-
quentis tertij canonis de *solemnitate
servanda pro moribundis pœnitentibus*;
nec non ex eo, quod limitatur ad solos
hæreticos; si enim locutus fuisset de
Sacramento Confirmationis, non erat
ad eos solos coarctandus, sed maiori ra-
tione extendendus ad omnes fideles in
mortis discrimine positos, quando non
adeest Episcopus, qui eos confirmet.
Ideo ergo Concilium de hæreticis spe-
cialiter loquitur, quia non agit de Sa-
cramento confirmationis, sed ut dice-
bam, de reconciliatione solemnì, quæ
olim ad Ecclesiæ gremium recipiebantur

etur hæretici, qui ab hæresi conuerterantur, in qua inter alias ceremonias in aliquibus regionibus, seu Prouincijs adhiberi solebat, quædam vnctio, seu consignatio chrismatis; vt ex hoc loco colligitur, aut sine illa, manus impositio, vt haberi videtur ex epistola 22. cap. 4. Innocentij I. vbi dicit, Clericos conuersos ex hæresi solere admitti ad communionem laicam per manus impositionem, & cap. 7. declarat id fieri per pœnitentiam, & addit interdum recipi in suo gradu, & ordine ad clericalem communionem; Quod autem huiusmodi vnctionis, vel manus impositionis purgatiuæ, seu reconciliatiuæ, quæ erat per modum cuiusdam publicæ pœnitentiæ, & absolutionis, si deesset Episcopus, presbyteri esse potuerint ministri, male intertur eos quandoq; valde posse, vel præsentem, vel absentem Episcopo conferre Sacramentum confirmationis, proindeque Episcopum nõ esse solum illius ministrum, necessitate præcepti, verum etiam necessitate Sacramenti, vt asserit prima sententia.

Secunda sententia, quæ docet solum Episcopum esse quidem ordinariũ Sacramenti confirmationis ministrum, necessitate præcepti, non autem Sacramenti, libenter admittit præfatos canones, & similes loqui de confirmatione; imò ex illis suum probat intentum, quod nimirum simplex sacerdos possit hoc Sacramentum valde etiam conferre, sed non semper licite, quia solus Episcopus, & non simplex Sacerdos, est illius ordinarius minister.

Quia igitur sanctæ confirmationis ordinariũ ministrum esse solum Episcopum, prout præcisè definit Concilium Tridentinum sess. 7. de confirmatione can. 3. dupliciter intelligi potest, primò, quod sit ordinarius minister necessarius non tantum ex necessitate præcepti, verum etiam necessitate Sacramenti, ita vt si sacerdos simplex propria autoritate, illud tentet conficere, nihil efficiat. Secundo, quod sit ordinarius minister necessarius tantum

ex necessitate præcepti, non autem Sacramenti, ita vt si simplex sacerdos propria autoritate, sine debita licentia, vel commissione, illud tentet conficere, peccet quidem, validè tamen operetur. Inde etiam Doctores Catholici in duas diuersas abiere sententias; primaque defendit, Episcopum esse ordinariũ Sacramenti confirmationis ministrum primo modo, & de illo intelligendum esse tam sacrum Concilium Tridentinum, quam cætera iura, quibus Episcopus asseritur minister ordinarius huius Sacramenti; secunda verò docet, esse tantum eius ordinariũ Episcopũ secundo modo, nihilque aliud Concilium, aut alia iura intendisse, aut saltem circa hoc nihil definire voluisse, sed disputationi doctorum reliquisse, vt in pluribus alijs materijs.

Præcipua primæ sententiæ fundamenta sunt quædam epistolæ decretales, Eusebij III. Damasc. I. Leonis, & Ioannis III. verum quia illæ nedum dubiæ, sed etiam supposititiæ, & sub finem septimi sæculi pia fraude ab Iſidoro Mercatore confectæ sub dictorum Pontificum nomine, à pluribus æstimantur, de quo consuli potest Cardinalis Baronius ad annum 865. num. 5. Petrus Marca lib. 3. concordiæ Sacerd. & Imper. cap. 5. & Lucas Holstenius dissert. 1. de Ministro confirmationis; Quæcunctus pro hac sententia possunt afferri, sunt eadem etiam Summorum Pontificum decreta, tum alia superius ad probationem secundæ conclusionis iam adducta; illa enim Episcopum solum esse ordinariũ Sacramenti confirmationis ministrum probare videntur, viroque necessitatis modo. Plures autem sunt, ijque gravissimi doctores huius sententiæ propugnatores, etiam qui tenent posse committi à Summo Pontifice simplici sacerdoti, vt Sacramentum confirmationis ritè, & validè ministret; vnde qui docent oppositum, eum Adriano, & Durando in 4. sentent. à fortiori debent hanc sententiã amplecti.

Plura

Plura etiam non desunt, quæ secundæ suffragentur sententiæ: præterquam enim primò multa à prima proferuntur sententiæ, quæ non pertinent propriè ad Sacramenti confirmationis collationem, ubi à Patribus ea dicuntur non licere presbyteris, sed solis Episcopis, ut est v.g. Chrismatis confectio: secundò, etiam si multoties ab illis sermo fiat de hoc Sacramento, dicaturque illius administratione ad solos Episcopos spectare, non autem ad presbyteros, aut simplices sacerdotes, id faciliè explicari potest ex antecedentibus, & consequentibus, non de inualida, sed illicita prorsus eorum administratione, ubi nimirum propria autoritate, ac sine debita superiorum licentia conferrent hoc Sacramentum, usurpando munus Episcoporum, qui soli ex institutione diuina sunt ordinarij eius ministri necessitate præcepti; hoc enim sufficit, ut presbyteri grauius peccent, illud conferendo sine debita eorum, vel Summi Pontificis licentia, & dispensatione, ut dicitur: *Tertiò* pro hac sententia facit exemplum, & constitutio S. Syluestri Papæ, de quo Anastasius in eius vita: *Hic constituit Chrisma ab Episcopo confici, & priuilegiū Episcopis dedit, ut baptizatum consignarent, propter hereticam suasionem. Hic & hoc constituit ut baptizatum liniret presbyter chrysmate leuatum de aqua, propter occasionem transitus mortis.*

Quod enim dicitur consignationis priuilegium à Syluestro datum fuisse Episcopis, vix aliud probat, quam eos esse illius ministros ordinarios necessitate tantum præcepti, simulque ostendit ante Syluestrum etiam Presbyteros saltem validè consignasse, & ab eo talem potestatem, qua prius passim forsan utebantur, restrictam fuisse ad casum necessitatis, ob priuilegium, & honorem ordinis Episcopalis, ad quem solum spectat ordinaria confirmandi potestas necessitate præcepti. Item solet afferri autoritas Innocentij, I. epistola ad Decentium cap. 6. ubi ait: *De his vero baptizatis, qui postea à demo-*

nio, vitio aliquo aut peccato interueniente, corripuntur, quæsumit dilectio tua, si à presbytero, vel diacono possint, aut debeant consignari: quod hoc nisi Episcopis, præcipere non licet, nisi ei manus imponenda omnino non est, nisi Episcopos auctoritatem dederis id efficiendi. Ut autem fiat, Episcopi est imperare, ut manus ei vel à presbytero, vel à ceteris clericis imponatur. Quæ quidem auctoritas, si fieret ibi sermo de Sacramento confirmationis, vel de consignatione, aut impositione manus confirmatiua, magni pro hac sententia esset momenti, verum nihil minus ibi loqui Innocentium, quàm de tali Sacramento, patet *Primo*, ex hoc quod nulla sit mentio chrysmatis, neque vñtionis, sed tantum consignationis, & manus impositionis, nisi dicatur, hæc coincidere in Sacramento confirmationis, manus impositionem, & chrysmatis vñtionem, quod nos libenter admittimus, sed negant nonnulli huius sententiæ sequaces, ut Lucas Holstenius loco superius citato. *Secundò*, quia hoc Sacramentum nunquam applicatum fuit Energumenis, seu correptis à dæmone in remedium, de quo ibi est sermo. *Tertiò*, quia consignatio, & manus impositio nedum ibi de licentia Episcopi permittitur presbytero, sed & cæteris inferioribus Clericis, qui tamen sunt incapaces ministrandi Sacramentum confirmationis; non eo igitur loco, est sermo de illo, sed indicatur tantum aliqua ceremonia, quæ olim fuit in usu, qua soli Episcopi utebantur ad expellendos demones; presbyteri autem, & inferiores Clerici solum ex licentia Episcopi.

Quartò, pro validitate Presbyteralis Chrysmationis pugnat principaliter usus Ecclesiæ Græcæ, quo nedum post schisma, sed etiam ante illud simplices Sacerdotes simul baptizare, & post baptismum chrysmare, seu confirmare consueuisse pluribus ostendit Petrus Arcudius lib. 2. de Confirmat. Lucas Holstenius dissertat. 1. de Ministro Confirmat. ubi etiam ad cap. 4. probat eundem

Græcorum vsum maxima habere præsidia in Occidentali Ecclesia. Quamobrem Latini in Concilio Florentino Chrismationē illam Presbyteralem nō posuerunt inter capita controuersa, neque vlla indē vnioni conciliandæ difficultas, aut mora obiecta fuit; quasi, vt inualida, iterari deberet, vel haberi.

Quintō, quod Summi Pontifices pro prima sententia superius adducti, præsertim Innocentius III. solis Episcopis Sacramenti Confirmationis administrationem tribuentes, cum exclusione Presbyterorū facilē intelligi possint, eos tantum exclusisse, non à valida, sed licita eiusdem Sacramenti administratione; qua nimirum sine debita, eorum ad quos spectat licentia, vt dicitur infra, illud propria conferre auctoritate, quasi eius ordinarij ministri, non secus ac Episcopi, temerariē præsumerent. Ideoque vbi Innocentius III. loco citato Presbyteralem reprehendit Chrismationem illam reprehensionem restringit ad Presbyteros Latinos, mandaq; ne illam de cætero sua temeritate præsumant: audaciam nimirum, & propriæ auctoritatis præsumptionem castigando, non verum & legitimum ministerij modum tollendo, aut, vt iteretur illud, quasi nullum, præcipiendo; vnde cum subiungit, tutius esse, & sine periculo ex necessitate Sacramentum Confirmationis, omittere quàm vt ab ijs, quibus illud conferre non licet, ex temeritate, non sine graui periculo, inaniter conferatur; cum umbra quædam ostendatur in opere, veritas autem non subeat in effectu; illæ particulæ, *inani-ter, umbra quædam*, quæ passim etiam vsurpantur in alijs Sacramentorum administrationibus, quæ quidem valida fuerunt, sed illicita, tantum adiectæ sunt, vel in odium talis illicitæ & malę collationis; vel ad grauitatem delicti exaggerandam; vel quia caret effectu eiusmodi Sacramentum, propter peccatum à dante, & recipiente simul commissum. Sicut 1. q. 1. c. *qui vult*, 1. & 2. dicitur de Presbytero per simoniam.

promoto, quod Sacerdos non est, sed inaniter solum vocatur. Sixtus etiam II. epist. 2. de Episcopo in aliena Diocesi, ait, quod irrita sit ordinatio. Idem, quoque habetur 1. q. 2. c. in multis. In quibus tamen, & similibus locis, quia nihil præcipitur de iterando Sacramento, propterea non de inualida absolutē sed illicita duntaxat illius administratione, ea intelligi solent.

Sextō tandem, & vltimo facit pro hac secunda sententia, quod, vt dicitur infra, Summus saltem Pontifex potest simplici Sacerdoti, absque eo quod ei conferat Ordinem Episcopalem, dare facultatem, & priuilegium conferendi Sacramentum Confirmationis; si autem Episcopus esset ex institutione diuina, ordinarius illius minister tam necessitate præcepti, quàm Sacramenti; difficile est explicatu, quomodo simplex Sacerdos possit ex dispensatione Sedis Apostolicæ illud validē etiam ministrare.

Hæc sunt præcipua huius sententiæ fundamenta, pro qua multi quoque sunt grauissimi Doctores, Franciscus Ferrariensis Ord. Prædicat. lib. 4. contra Gentes cap. 66. Alphonsus Salmeron Societ. Iesu, qui Tridentino interfuit Concilio tom. 12. tract. 26. in Act. Apostol. Lucas Hostenius in dissert. 1. de Ministro Confirmationis, Romæ cum Superiorum permissu typis excussa anno 1666. Pro eadem citari etiam debet Caietanus 3. par. q. 72. art. 11. quatenus putat, vel Episcopum non esse necessarium Confirmationis ministrum, necessitate Sacramenti, sed tantum præcepti, seclusa Pontificis dispensatione, vel si Episcopus est priori modo necessarius, non posse alium loco eius substitui, etiam Pontificia auctoritate. Vnde sit.

Tertia conclusio; Vtrique sententia præallata probabilis est, probabiliterq; defendi potest; Ista conclusio est contra Franciscum Suares 3. p. q. 72. art. 11. disp. 36. sect. 1. vbi docet eadem certitudine fidei certum esse, & quod solus Epi-

Episcopus sit ordinarius minister Confirmationis, & quod sit ordinarius minister, tam necessitate præcepti, quam Sacramenti. Ad probabilitatem autem vtriusque sententiæ sufficit doctorum, illas propugnantium autoritas; cum ab Ecclesia nihil circa hoc reperiatur expressè definitum, nisi quod Sanctæ Confirmationis ordinarius minister sit solus Episcopus, quæ definitio subsistit cum hoc, quod sit tantum ordinarius minister necessarius ex necessitate præcepti, non autem Sacramenti; ut Sacerdos, ob eandem necessitatem dicitur simpliciter ordinarius minister Sacramenti baptismi. Quemadmodum autem in prima sententia vitandum est extremum eorum, qui negant huius Sacramenti ministerium posse vlla ratione committi Sacerdoti simplici, ita in secunda fugiendum est aliud eorum, qui plus nimio Presbyteralem Chrismationem extollere videntur; etsi enim probabile sit, Sacerdotes simplices validè hoc Sacramentum, sua posse auctoritate conferre; nihilominus certum puto, eos nunquam id licitè posse, absque licentia Summi Pontificis, vel Episcopi, de quo infra, præsertim post Innocentij III. prohibitionem, qui loco citato maluit fideles carere Sacramento Confirmationis, quam dispensare cum simplicibus Sacerdotibus pro illo administrando; quod quidem non fecit, ex aliqua invidia boni Ecclesiæ, aut ex defectu auctoritatis, sed ex eo quod tunc temporis simplices illi Sacerdotes de quibus ibi agit, hoc tanquam sibi proprium, non minus quam baptizare, ex vi suæ ordinationis vendicabant, seque in hoc pares Episcopis faciebant; ideoque ad hanc hæresim retundendâ, cum Sacramentum hoc, non sit necessitatis, sed vtilitatis tantum, melius toti Ecclesiæ fuit aliquos sine illo decedere, quam istis Sacerdotibus, id ita sibi arrogantibus concedere, ut colligitur ex ipso textu Innocentij.

Quarta conclusio. Potest Summus Pontifex committere simplici Sacerdoti.

Biblist. Theol. Tom. V.

ti facultatem confirmandi; in hac conclusione, tanquam certiori conveniunt omnes ferè Theologi, contra Durandum, Adrianum, & alios; præcipue autem eam docent illi Theologi, qui, ut vidimus, tenent Episcopum tantum esse ordinarium Confirmationis ministrum, necessarium ex necessitate præcepti divini, non autem Sacramenti. Prima eius probatio desumitur ex facto S. Gregorij Magni, qui cum Sardinie Sacerdotes vetuisset baptizatos infantes signare sacro in fronte Chrismate, tali obsignatione Episcopis referuata, epist. 9. lib. 3. pauloque post Felix Episcopus, & Cyriacus Abbas inde Romam venientes retulissent Sanctissimo Pontifici, quosdam scandalizatos fuisse, quod Presbyteros Chrismate tangere in fronte eos, qui baptizati erant, prohibuisset; illam prohibitionem quasi excusans scribit Ianuario Metropolitæ Calaritano: *Et nos quidem secundum usum veterem Ecclesiæ nostræ fecimus; sed si omnino hac in re aliqui contristantur, ubi Episcopi desunt, ut Presbyteri etiam in frontibus baptizatos Chrismate tangere debeant, concedimus.* Ex quibus verbis nedum nostra habetur conclusio, sed insuper clarè colligi videtur Presbyteralem Chrismationem tunc in Occidente consuetam, nec pro invalida habitam fuisse, Sardis enim suæ in hoc Ecclesiæ vsum opponentibus, S. Gregorius non ut erroneum damnauit, neque ut legi diuinæ absolute aduersantem prohibuit. Sed potius, quod, cum talis functio pertineret ad Episcopos necessitate præcepti, tanquam ad ordinarios eius ministros, simplices tamen Sacerdotes contra veterem Romanæ Ecclesiæ vsum Innocentij I. & Gelasij decretis confirmatum, illam sine debita licentia passim sibi arrogare præsumpissent; quare concedit, ut deinceps, Episcopo deficiente, à Presbyteris præstari possit, nulla prorsus mentione facta, sin minus, invaliditatis alicuius, aut præteritæ, aut futuræ.

Secundo probatur conclusio ex decreto

Y y y

creto

creto Eugenij IV. quod habetur ad calceum Concilij Florentini, & ex Concilio Tridentino sess. 7. de Confirmatione can. 3. quæ ubi agunt de ministro huius Sacramenti, asseruntque esse solum Episcopum, addunt semper hanc particulam *ordinarium*, qua satis intuitu videtur dari posse extraordinarium ipso Episcopo inferiorem, simplicem nimirum ad minus Sacerdotem ex dispensatione Sedis Apostolicæ. Vnde etiam Eugenius loco citato expressè notat. *aliquando simplicem Sacerdotem per talem dispensationem, ex rationabili, & admodum urgente causa, hoc Sacramentum administrasse*; quæ singularis observatio, est aperta nostræ conclusionis approbatio: si enim tale factum, puta Gregorij Magni, & aliorum, esset nullum, & irritum, malè diceret Eugenius istam dispensationem fuisse ex causa rationabili, & admodum urgente, cum nulla possit afferri causa rationalis pro faciendo eo, quod est intrinsecè malum, iurique diuino repugnans, ut, iuxta oppositæ sententiæ authores, esset confirmatio à simplici Sacerdote, collata per dispensationem Summi Pontificis, non enim facienda sunt mala, ut indè eueniant bona.

Tertiò probatur ex Concilio Senonensi anno 1528. in decretis morum, cap. 38. quod cum dixisset Abbates nō habere potestatem confirmandi postea subdit: *quod si qui sint, qui contendant, sibi competere hanc facultatem ex privilegio, volumus, quod cum primum fuerint requisiti à suffraganeis nostris de privilegio fidem facere teneantur*: huiusmodi enim verbis, seu statuto apertè supponitur, Abbates etiā si non sint Episcopi, sed simplices Sacerdotes, ex privilegio posse hoc Sacramentum conferre.

Quartò ad eiusdè conclusionis probationem, nonnullæ quoque solent rationes afferri, sed cum materia, forma, & minister Sacramentorum pendeat ex institutione diuina, ad illam solum in præsentī casu, & similibus, tanquam ad unicā rationem recurrendum est;

primūque intelligendum, potuisse Christum Dominum instituere, ut Sacerdoti simplici ex vi suæ ordinationis non daretur potestas ordinaria proxima ad conferendum hoc Sacramentū, siue licitè, siue validè, sed hæc daretur soli Episcopo per consecrationem eius, & nihilominus simul voluisse eundem Christum, ut Sacerdos ex vi suæ ordinationis esset veluti in actu primò, aut potentia remota, ut adiuncta commissione, seu delegatione Pontificis posset hoc Sacramentum conferre, tam validè, quàm licitè, iuxta sententiam docentē, Episcopum esse ordinarium eius ministrum, non tantū ex necessitate præcepti, sed etiam Sacramenti; vel licitè solum iuxta aliam sententiam; in hoc enim institutionis modo nulla prorsus apparet repugnantia, imo potuit esse magna congruentia, ut nimirum in absentia Episcopi non carerent fideles aliqua via, & potestate obtinendi hoc Sacramentum, & habendi sufficientem ministrum eius. Eum autem de facto à Christo Domino observatum fuisse, clarè constat ex facto Gregorij Magni admirandæ Sanctitatis, & doctrinæ viro, nonnullorumque successorum eius, rum ex Concilij Florentino, & Tridentino locis citatis; nam cum dicunt ordinarium Confirmationis ministrum esse solum Episcopum, duo significant. Primum, Episcopum ex vi suæ ordinationis habere hanc indelebilem potestatem, ut ipsummet Tridentinum ait sess. 23. cap. 4. Secundum, ita habere Episcopum hanc ordinariā potestatem, ut tamen in simplici Sacerdote sit capacitas ad recipiendam illam saltem ex delegatione, & commissione.

Per quod patet ad omnia aduersariorum argumenta; nam dum primò dicunt Summum Pontificem non posse immutare ministrum Sacramentorum, utpote quid pertinens de iure diuino ad substantiam illorum; Respondetur in nostro casu, eum non immutare, sed constituere, vel declarare talem ministrum huius Sacramenti, qualem Christus

flus instituit, voluit autem Christus ministrum ordinarium, & ex officio esse solum Episcopum, extraordinariè verò posse, esse simplicem Sacerdotem, auctoritate Summi Pontificis supremi in Ecclesia Christi Vicarij ad hoc deputatum, hunc enim fuisse institutionis modum, probatum est ex usu, & traditione Ecclesiæ. Neque propterea hoc extendendum est ad quamcumque aliâ, aut materiam, aut formam, aut ministrum Sacramentorum, quia non oportet, eundem esse modum institutionis in omnibus, cum non sit in omnibus eadem ratio, vel necessitas, vel traditio Ecclesiæ, cui potissimum innituntur, quæ à Deo circa Sacramentorum essentiam, & institutionem reuelata sunt, & credenda. Erit tamen simile exemplum in minoribus Ordinibus, supponendo, quod sint verum Sacramentum: nam ordinarius minister eorum est solus Episcopus, & tamen possunt ex concessione Pontificis per simplicem Sacerdotem conferri. Atque hinc fit, characterem Episcopalem esse sufficiens principium Sacramenti Confirmationis, necessariū in ministro ordinario, & ex officio, non tamen absolute, & simpliciter, quia etiam character Sacerdotalis potest sufficere, non tamen per se, & veluti vi sua, sed quasi extensus, vel applicatus per concessionem Pontificis, ut simplex Sacerdos iuxta diuersitatem opinionum, illud aut validè, aut licitè ministrare valeat.

Vbi similiter aduersarij obijciunt secundo, administrationem Confirmationis esse proprium actum Ordinis, & characteris Episcopalis, atque adeo simplicem Sacerdotem, accedente etiam Summi Pontificis dispensatione, non esse illius capacem, siquidem per illam non creatur Episcopus, nec accipit characterem Episcopalem; aut si ad confirmandum non requiritur simpliciter, & absolute ordo, & character Episcopalis, tam benè posse Summum Pontificem dispensare cum laico baptizato, vel alio inferiore ipso Presbytero, ut

Biblion Theol. Tom. V.

validè confirmet. Respondetur administrationem Confirmationis in ratione ministri ordinarij, seu ex officio, esse actum ordinis, & characteris Episcopalis, ita ut illam, ut sic, reliqui ordinum inferiorum non possint exercere, saltem licitè; in ratione verò extraordinarij ministri, esse actum characteris Sacerdotis, supposita tamen dispensatione, seu commissione Summi Pontificis, ita ut simplex Sacerdos per suum characterem, secundum se & simpliciter spectatum, habeat remotam potentiam ad id munus obeundum; quæ tamen fiat proxima, aut validè, aut licitè, per supradictam Summi Pontificis deputationem, ut conditionem omnino essentialem, qua explicatur, & completur eius potentia. Undè, ut dicebamus ad primū, ad hoc ut quis sit minister ordinarius huius Sacramenti, vel ex officio, requiritur quidem absolute character Episcopalis: ut autem si tantum extraordinarius, sufficit Sacerdotalis cum præfata Summi Pontificis deputatione nihil reale Sacerdotali characteri superaddente; sed illum tantum complente per modum conditionis essentialis, ad id præstandum requisitæ. Cum enim character non tam sit potentia physica, quam moralis, seu signaculum quoddam, inducens quandam rationem moralem potentiæ, seu facultatis, facile intelligi potest in aliqua actione posse pendere ex concessione, seu facultate morali iuxta Christi institutionem, vel determinationem; quæ pro simplici Sacerdote in ministrum extraordinarium Sacramenti Confirmationis, nobis innotescit ex ipsa praxi Ecclesiæ, ut supra vidimus.

Ad aliam verò consequentiam, quæ infertur, si ad confirmationem dandam non requiritur ordo, & character Episcopalis necessariò, tam benè posse Summum Pontificem dispensare cum laico baptizato, vel alio Clerico ipso Sacerdote inferiore, ut validè, aut licitè confirmet, ceteri nonnulli illam admittant, de quibus consuli potest Sua-

rez 3. p. q. 73. art. 11. disp. 36. scilicet 2. nihilominus tamen cum eodem autore, & alijs communiter omnino neganda est, iuxta statim dicenda in sequenti conclusione, si prius nonnulla circa præsentem breuiter annotauero. *Primo* eam ita esse certam, vt saltem temerarium sit contrarium velle pertinaciter defendere, Ledesma enim ait 3. p. esse hæreticum. *Secundo*, Papam electum, & habentem iam supremam Ecclesiæ iurisdictionem, nondum tamen Episcopum consecratum, posse huius Sacramenti administrationem committere simplici sacerdoti, nec non etiam ipsam, si sit sacerdos, illud ministrare. secum dispensando. *Tertio*, simplicem sacerdotem, qui facultatem habuit à Summo Pontifice ministrandi hoc Sacramentum, posse, eo mortuo, illud conferre. *Quarto*, licet fortasse cesset ratio, vel necessitas, quæ mouet Pontificem ad hoc priuilegium concedendum, non propterea statim cessare ipso facto huiusmodi facultatem, nisi in casu sit expressum, ita vt sub ea conditione, vel limitatione data sit, alioqui si absolute concedatur, semper durare, etiam si causa non duret. *Quinto* tamen, posse hanc facultatem semel concessam reuocari, ita vt, sicut confirmatio collata à simplici Sacerdote, priusquam habeat à Pontifice auctoritatem est inualida, aut illicita, iuxta diuersitatem opinionum superius adductarum, ita etiam data post reuocationem auctoritatis, vel facultatis prius concessæ, quia per hanc facultatem non conferatur aliquis ordo, neque imprimatur aliquis character indelebilis, & ideo de se reuocari potest, sicut alia priuilegia; facta autem huiusmodi reuocatione, res manet in eodem statu, in quo antea erat quare tam impotens manet simplex Sacerdos ad ministrandum hoc Sacramentum post reuocatam prædictam facultatem, quam erat impotens ante illius concessionem.

Quinta conclusio. Nulli laico, neque inferiori ad Sacerdotem Clerico potest

Sacramenti Confirmationis ministeriū committi. In hac etiam conclusione, tanquam certissima conueniunt omnes ferè Theologi; cuius ratio fundamentalis est, quia in his quæ spectant ad substantiam Sacramentorum, nihil immutari, aut alterari potest à Christi Domini institutione, sed ex illa, vt vidimus supra, solus Episcopus est ordinarius minister huius Sacramenti, solusque Sacerdos est in potentia, vt ei possit committi hoc ministerium per Summum Pontificem, hæc enim sola exceptio constat nobis traditione, & praxi Ecclesiæ, quæ nulla firma, & probabili auctoritate extendi potest ad inferiores Clericos: id ergo temere non est faciendum. Vel aliter dispensatio in his, quæ sunt iuris diuini ordinarij, non potest fieri à summo Pontifice, nisi in his, quæ vel ab humana voluntate aliquo modo pendunt, vel in his, in quibus eodem iure diuino constat, concessam esse huiusmodi potestatem, & iuxta mensuram, nec non regulam ipso iure diuino definitam, quæ ex usu, & traditione Ecclesiæ certo colligenda est; In præsentem igitur Confirmationis Sacramentum, cum ordinarium ius diuinum sit, vt Episcopus illud ministret; quod verò alteri delegetur, sit dispensatio quædam ipso diuino iure concessa, extendi ad alios non potest, quam ad simplices Sacerdotes, respectu quorum, praxis Ecclesiæ hætenus solum docuit, hanc dispensationem habere locum, iuxta Christi Domini institutionem. Cuius optimam assert congruentiam Diuus Thomas, quod nimirum Sacerdos habet directam potestatem in corpus Christi verum, quam Diaconus, & consequenter quilibet inferior non habet, nec non etiam per se, & ex officio directam potestatem in corpus Christi mysticum ad remittenda peccata, & ad ministranda Sacramenta ex officio; meritoque proinde Christum voluisse, solum simplicem Sacerdotem esse capacem ministrandi Confirmationem, saltem per delegationem, aut extraordinarie;

narè; vt qui posset Corpus Christi conficere, & per Sacramentum illud populum fidelem spiritaliter reficere, posset etiam, deficiente Episcopo, illum confirmare, & ad Christianam militiam instruere.

Nunc maior est difficultas, vtrum solus Summus Pontifex Romanus, & nullo modo quicumque alius Episcopus, possit huius Sacramenti ministerium committere simplici sacerdoti; in hoc enim diuisi sunt Theologi; nonnullique docent, iam de facto non posse quidem Episcopos tale ministerium simplicibus sacerdotibus in suis Episcopatibus committere, quia hoc est eis à Summo Pontifice prohibitum, secus autem stando in solo iurè diuino, & seclusa prohibitione Summi Pontificis; Ita Alphonsus Salmeron Societatis Iesu tom. 12. tractat. 26. in Act. Apostol. Ledesma 3. p. quæst. 72. art. 11. & nouissime Lucas Holtenius in dissert. 1. de ministro confirmationis Romæ typis mandata anno 1666. vbi pagina 7. primò ait, *Ante schisma Chrismationis minister fuisse apud Græcos, & Episcopum, & Presbyterum: illum ordinaria, hunc extraordinaria, & delegata autoritate; quæ tamen longo, & perpetuo vsu ordinaria quodammodo euasit.* Secundo eodem iurè Græcorum Presbyteros post schisma solos chrismationem conferre, quo ante schisma, hoc est, ex consuetudine inneterata Ecclesiæ Orientalis. Vnde ad caput quintum de consensu Pontificio, quem author ab eo ibi refutatus exigebat, hæc ait, *Hic non opus est consuetudine longiori. Vniuersalis Ecclesiæ consuetudo sufficiebat pro lege, neque in ritualibus illis Sacramentorum consensus specialis, aut dispensatio Apostolica requirebatur &c.* & ad cap. 6. de approbatione Pontificia, *Nedum Orientalis, sed & Occidentis Ecclesiæ chrismationem Presbyteris olim permisisset; scientibus & approbantibus Romanis Pontificibus, nihilque sua dispensationi reseruatis, cum res ea plenissimè à Synodis, & Episcopis penderet.* Tum denique ad

cap. 7. concludit, *Chrismationem presbyteralem ex mera Episcopi voluntate, & iussu olim pependisse, si tamen ipse presens adesset Episcopus; nam absente Episcopo, libere, & absolute licebat hoc presbyteris, irrefragabili antiquitatis testimonio.* Hactenus præfatus Lucas Holtenius.

At alij Theologi communiter cum Diuo Thoma asserunt oppositum, solum videlicet supremum Pontificem, ex plenitudine potestatis, quam habet in Ecclesiâ, posse confirmationis ministerium committere simplici sacerdoti, tanquam ministro eius extraordinario; quæ sententia vt est magis inter Doctores communis, & probabilis, ita sit pro illa,

Sexta Conclusio. Solus Summus Pontifex potest dare simplici sacerdoti facultatem administrandi extraordinariè Sacramentum Confirmationis. Ratio eadem est, ac pro superioribus conclusionibus, in his videlicet, quæ sunt iuris diuini, absolute, & simpliciter, non posse dispensari, nisi iuxta modum, & mensuram, ipsomet iure diuino statutam, & concessam, prout de illa ab Ecclesiâ edocemur, sed ius ministrandi hoc Sacramentum est diuinum, lege ordinaria concessum Episcopis, in quo ex praxi, & traditione Ecclesiæ habemus, quod solus Summus Pontifex dispensare possit; si quidem à tempore Apostolorum ad hoc vsque tempus, nullus Episcopus particularium Dicecesium istud aliquando propria autoritate tentasse legitur; nec iura, quæ ab aduersarijs pro tali autoritate posunt adduci, sunt clara, aut necessario intelligenda de chrismatione confirmatiua, vbi chrismationem, ab Episcopis permitti posse simplicibus sacerdotibus dicitur, aut manum impositionem, imo potius in contrarium, cum decretum Eugenij sæpius citatum, quando facit mentionem huius concessionis, signanter solum meminerit Apostolicæ Sedis; Legitur, inquit, aliquando per Apostolicæ Sedis dispensationem, ex rationabili,

nabili, & urgente admodum causa simplici-
cem sacerdotem chrismate per Episcopum
confecto hoc administrasse Confirmationis
Sacramentum : Fatendum igitur est,
administrationem huius Sacramenti
ordinariam, esse quidem actum ordi-
nis Episcopalis, non tamen ipsam ad
illud ministrandum commissionem, de-
legando facultatem simplici sacerdoti;
sed hoc solum competere Summo Pō-
tifici ex vi supremæ illius potestatis,
qua totam regit Ecclesiam, quæ illi so-
li propria est, nec secundum omnes
suos actus est ei communis cum cœte-
ris Episcopis etiam respectu suarum
Ecclesiarum; Vnde quod nonnulli ad-
uersariorum dicunt, tantam habere
potestatem Episcopum in sua Provin-
cia, ac Papam in toto orbe, proinde-
que posse in illa sua autoritate com-
mittere simplici sacerdoti eandem
confirmationis administrationem, est
omnino falsum, & improbabile.

Deinde, si stando in iure diuino pos-
sent Episcopi hanc facultatem conce-
dere, solumque ex censura, & limita-
tione Ecclesiæ hoc esset Summo Pon-
tifici referuatum, vt volunt aduersarij,
cum nullibi prohibitum reperiatur E-
piscopis, ne vtantur hac potestate; i;
quodque facta sit illius referuatio, aut
coarctatio; si quidem nullum de hac re
exat Pontificum, aut Conciliarum de-
cretum, legeremus eos illam aliquan-
do ad actum reduxisse; quod cum nul-
libi referatur, dicendum eos non ami-
sisse hoc ius, per non usum, vt respon-
dere possent aliqui, quandoquidem
hoc non est privilegium, sed ordina-
rium ius; verum potius talem usum
nunquam habuisse, quia nunquam ha-
buerunt hanc potestatem, nec com-
petit illis.

Quod si quis dicat Græcis, sicut &
Armenijs, aliisque Orientalibus Chris-
tianis consuetudinem esse, ac fuisse
perpetuam, vt passim Presbyteri Chris-
matis Sacramentum conferant bapti-
zatis immediatè post baptismum, quod
tamen non faciunt ex facultate à Sū-

mis Pontificibus Romanis aliquando
sibi concessa. Respondet Petrus Ar-
chudius Græcus lib. 2. de Sacrament.
cap. 15. *Non quidem operè constare, à
quonam id obtinuerint, an à Romano
Pontifice, an ab alijs Episcopis; sed iuris-
simum esse dicere Græcorum Presbyteros
per suos Patriarchas, & Antistites eius-
modi facultatem à Summo Pontifice obti-
nuisse, à quo omnis iurisdictio, quasi à ca-
pite in alios, veluti membra mediatè vel
immediatè derivatur, & diffunditur.*

Additque paulo post: *Quicquid sit
de renouatione aliorum Pontificum, pro-
fecto cum in Concilio Florentino, post om-
nes Pontifices, qui renouarunt, Græci de
hac re interrogati, omnem difficultatem
(vt ibi asseritur) legitimè, & canonicè
dilexerint: ipse etiam Pontifex Eugenius
IV. reddita ab ijs rationi acquieuerit:
hoc vel vnum ad omnem controuersiam
de hac resedandam sufficere posse vide-
tur. Receperis sanè ab usitata consuetu-
dine aliorum voluntas Pontificum; atia-
men clarissimè apparet, denno accessisse
consensum Eugenij Pontificis dum Græ-
corum responsum sine ulla controuersia
admisit.* Hactenus Archudius de con-
firmatione, à Græcis Presbyteris col-
lata.

Quod de Græcis Archudius, idem
de Armenijs dici posse, asserit Cle-
mens Galanus Surrentinus Concilia-
tionis Ecclesiæ Armenæ cum Romana
&c. tom. 2. tract. 3. quæst. 4. §. 2.
Primò, quia Armeniorum Ecclesia iam
olim à principio Patriarchalibus Græ-
corum Cathedralis subiecta longo tem-
pore fuit: vnde si Græcis per legitimam
facultatem licuit, vt Presbyteri con-
firmarent, etiam ad Armenos eadem
facultas extendi debuit. *Secundo*, quia
Armeniorum Ecclesia post suum ab
Ecclesiâ Romana schisma pluries ad
vniionem rediit cum illa, atque in ijs
vniionibus tempore non modico persis-
tit, quo eorum Presbyteri similiter
confirmabant. *Tersò*, quia plures ex-
tant Romanorum Pontificum ad Ar-
menos Patriarchas epistolæ; in quibus
cum

cum sermo sit de confirmationis Sacramento, traditur quidem ea doctrina; quod ordinarius eius minister sit solus Episcopus; ceterum nullum sit verbum, quo Armenis Presbyteris eiusdem confirmationis administratio prohibeatur. Quarto denique, quia in Concilio Florentino, cum ad unionem cum Romana Ecclesia rursus venissent Armeni, editum fuit ab Eugenio IV. decretum pro illa, ubi Concilio approbante post hæc verba: *Ordinarius minister Sacramenti Chrismatis est Episcopus: & cum ceteras unctiones simplex sacerdos valeas exhibere, hanc non nisi Episcopus debes conferre* &c. subiicit alia iam superius citata: *Legitur tamen: aliquando per Apostolica Sedis dispensationem ex rationabili, & urgente admodum causa, simplicem sacerdotem Chrismate, per Episcopum confecto, hoc administrasse Confirmationis Sacramentum.*

Quare sic ad intentum discurri potest: Sciebat Eugenius Pontifex cum Concilio Florentino, Armenis, æquæ, ac Græcis, consuetudinem esse, ut Confirmatio daretur inter eos etiam a Presbyteris: maximè quod in præfato decreto dictum antea fuerat: *Deputamus de omni statu huius sacri Concilij viros, iuris diuini, & humani doctissimos, qui cum omni cura, studioque, & diligentia rem ipsam cum ipsis pertractauerunt oratoribus (nempe Armenis, qui ad Concilium venerant) ab eis accurate inquirentes eorum fidem iam circa diuinam unitatem essentia, & diuinarum Personarum Trinitatem; quàm Domini Nostri Iesu Christi humanitatem; & septem Ecclesia Sacramenta, atque alia ad fidem Orthodoxam, & ritus vniuersalis Ecclesia pertinentia.* Et tamen non solum eis consuetudine illa non interdixit; verum etiam significauit, aliquando per Apostolicæ Sedis dispensationem concessum fuisse: ut presbyteri confirmarent: Igitur per hæc verba concedere Armeniis videbatur Eugenius saltem permissu, ut eorum pres-

byteri confirmationem de more conferre possent.

Ex dictis in tota hac controuersia, breuiter colligo. *Primo*, expressè tantum ad fidem pertinere, illaque credendum esse; quod solus Episcopus sit ordinarius, & ex officio minister Sacramenti Confirmationis; *Secundo*, sub opinione versari, an sit ordinarius necessitate tantum præcepti, an verò tam illa, quàm necessitate Sacramenti: quo stante, ut iuxta sententiam admittentem, Episcopum esse ordinarium ministrum, utroque necessitatis modo, sequitur simplices sacerdotes nec validè, nec licitè propria autoritate conferre posse Sacramentum Confirmationis, ita iuxta aliam docentem, eum esse ordinarium ministrum necessitate duntaxat præcepti, dicendum illos licitè quidem id non posse, secus autem validè. *Tertio*, in vtraque sententia, capaces esse administrandi hoc Sacramentum extraordinariè ex dispensatione Sedis Apostolicæ. Ideoque si Græci, & Armeni vellent, ut deinceps illud à solis Episcopis sibi cõferretur, essent quidem laude dignissimi; si minus, quòdque à presbyteris detur, non statim pro inualidè dato habendum est; nec etiam illicitè, si existimèt istud fuisse illis concessum extraordinariè, aut eorum Patriarchis à Summo Pontifice pro illis, aliquo expresso indulto, aut saltem ad minus, tacito consensu Summi Pontificis id probe scientis, nec improbantis, sed potius tolerantis; secus autem si crederent autoritate propria se posse tale munus exercere; nisi aliquos excusaret ignorantia inuincibilis, dummodo tamen adhibeant legitimam materiam, & formam, quandoque cum illa frontè baptizati chrismate consignans, intentionem habeat conferendi aliud à Baptismate Sacramentum, nempe Confirmationem. Quippe cum semper soliti sint immediatè post Baptisma Chrismationem hanc facere; ipsorum plerique ob incertitiam putant, illam non esse Sacramentum

mentum à Baptismo distinctum, sed potius ceremoniam, vel circumstantiā quādam ad illum actum Baptismi pertinentem; sicut cum latini verticem puerorum chrismate post baptismum inungunt. Ob defectum autem huius tertij requisiti, quamvis nonnulli censeant non esse apud Græcos, & Armenos Confirmationis Sacramentum; nihilominus opposita sententia probabilior videtur, sufficereque ad validitatem Sacramenti, intentionem vniuersalem, quam omnes Græci, & Armeni Presbyteri habent faciendi per illam frontis chrismationem quicquid facere intendit vera Christi Ecclesia; hæc enim intentio corrigit intentionem, & errorem illum mentis particularem. Tantum de hac controuersia de qua Theologi agunt cum Diuo Thoma 3. p. q. 72.

CAPUT XIX.

Statuitur contra nonnullos Græcos eorumque in Oriente sequaces, Augustissimum Eucharistiæ Sacramentum ritè, & validè confici etiam in panis azymo.

OMnibus Latinis tanquam de fide tenentibus, & asserentibus, tam panem fermentatum, quam azymum esse materiam Eucharistiæ consecrandæ sufficientem, pro ut fuit verbis expressis definitum in litteris Sanctæ vniionis vtriusque Ecclesiæ, Latinæ nimirum, & Græcæ, in vltima sessione Concilij Florentini, huiusmodi enim panes ipse non differunt inter se, sed tantum accidentaliter, suntque ambo verus panis triticeus; nonnulli tamen Græci, præsertim post exortum schismæ, eo deuenerunt audaciæ, ut non tantum dixerint Christum Dominum consecrasse in panem fermentatum, verum etiam contenderint, solum hunc panem sufficere ad Sacramentum Eucharistiæ

validè conficiendum. Imò anno Christi 1654. tempore Leonis IX. Summi Pontificis, Michael tunc temporis Episcopus Constantinopolitanus præsumpsit anathematizare omnes videntes azymis, ut illi exprobrat prædictus Leo Summus Pontifex sua ad illum epistola, relata à Baronio tomo Annal. 11. ex quo factum est, ut iidem Græci nos Occidentales vocarent per derisionem *azymitas*, ut refert S. Anselmus lib. 3. epist. 134. ad Valerianum Episcopum; nec non altaria super quæ Latini sacerdotes celebrauerat, abluerent, nec assurgerent, quando Christi Domini Corpus deferrebat ad egrotos, ut narrat Iacobus Vitriacus in sua Orientali historia cap. 75. & in Occidentali cap. 38. Sunt etiam, qui tribuant eundem errorem Armenis, verum quidquid sit de nonnullis eorum, Clemens Galanus Sedis Apostolicæ ad ipsos Missionarius tom. 2. Concilia tract. 3. quest. 4. §. 3. expressè refert Armenos modo in hoc Sacramento conficiendo, uti panem azymo iuxta ritum Occidentalis Ecclesiæ; eundemque antiquitus morem ipsis fuisse scribit Nicephorus lib. 18. hist. cap. 53. Lutherani autem, & Caluinistæ, licet existiment tam panem azymum, quam fermentatum, sufficere ad substantiam huius Sacramenti, conuenientiorem tamen, magisque congruentem materiam esse asserunt panem fermentatum, quam azymum, dicuntque vsque ad Alexandrum III. Ecclesiam fuisse vsam fermentato, illum vero Pontificem, ut aliquid nouum, & inusitatum faceret, azymum introduxisse, quam consuetudinem ipsi despicientes, fermentatum in suis cænis Dominicis, ut vocant, adhibent. Verum sit.

Prima Conclusio. Tam fermentatus, quam azymus panis, est materia Eucharistiæ consecrandæ sufficiens. Ista conclusio est de fide; quia autem in illa, quo ad panem fermentatum, conueniunt Græci nobiscum, nos tantum de azymo probabimus. Primaque eius definitio.

definitio habetur citata epiſtola Leonis IX. vbi ſententiam Græcorum hereticam appellat, nec non Innocentij III. lib. 4. de myſter. cap. 4. Vnde quod Nouatores dicunt, azymi uſum eſſe rem nouam, & introductam ab Alexandro III. impudentiſſimum eſt mendacium, & contra omnem hiftoriæ veritatem; Quam autem præfati Pontifices à maioribus acceptam circa hoc nobis tradiderunt fidem, eandem expreſſis verbis confirmauit, definiuitque Eugenius IV. in Concilio Florentino in ſæpius citatis litteris vnionis, quibus tam ipſi Græcorum Epiſcôpi, quæ eorum Imperator, cum Latinis Patribus ſubſcribere; *Hoc ſacro, inquit, vniuerſali approbante Florentino Concilio, definiuimus, vt hæc fidei veritas ab omnibus Chriſtianis credatur, & ſuſcipiatur, in azymo, ſiue fermentato panis triticeo corpus Chriſti veraciſſe confici &c.*

Potiſſimum huius veritatis fidei, definitioniſque illius fundamentum deſumitur ex factò Chriſti Domini, Math. 26. Marci 14. & Luc. 22. vbi referunt eum, celebrâſſe Paſcha primo die azymorum, quando cæteri Iudæi immolabant, illique non licebat vti fermentato. Inde enim ſic ad intentum argui poteſt, Panis ille eſt ſufficiens materia Euchariftiæ conſecrandæ, in quo Chriſtus Dominus de factò primùm illam confecit: ſed panis ille erat tantùm azymus; ergo certa fide tenendū eſt, panem azymum eſſe ſufficientem materiam conſecrandæ Euchariftiæ. Maior huius argumenti debet eſſe apud omnes certa. qui admittunt Euchariftiæ Sacramentum, ſiquidem Chriſtus Dominus ſubijciendo illa verba; *Hoc facite in meam commemorationem*, iuſſit Apoſtolos, & eorum in ſacerdotio ſucceſſores, obſeruare inter conſiciendum Euchariftiam ea, qua ipſe tunc, vt ſubſtantialia fecerat: cum igitur panis conſecrandus ſit aliquid ſubſtantiale huic Sacramento conſiciendo, manifeſtè ſequitur, panem illum, in quo Chriſtus Dominus de factò tunc

conſecrauit, eſſe ex eius inſtitutione, ſaltem ſufficientem pro hoc eodem Sacramento conſiciendo materiam.

Minor verò probatur, quia panis ille, in quo Chriſtus conſecrauit, talis erat, qualis tunc lex Moſaica eum requirebat, nuſquam enim Chriſtus, qui ad Galatas 4. dicitur *factus ſub lege*, fuit præuaricator illius, ſed lex Moſaica, ſiue conſideretur penes diem, & horæ diei, qua Chriſtus Dominus primò cōfecit Euchariftiam, ſiue penes cœnam illam, in qua eandem primo conſecrauit, exigebat omnem, & quemlibet panem tunc apud Iudæos eſſe ſolummodo azymum; habemus enim tam ex ſacris litteris, quàm ex Sanctis Patribus, etiã Græcæ Eccleſiæ, Chriſtum Dominum eodem die, & tempore per legem ſtatuto celebrâſſe cum ipſis Iudæis cœnam Agni Paſchalis, & illum, peracta legali cœnâ, & vſuali inchoata, vel, vt alij volunt, preparata, illo eodem die inſtituiſſe Sacramentum Euchariftiæ; dies autem illa erat decima quarta luna primi menſis, qua, & ſequentibus diebus vſus panis fermentati erat omnino prohibitus, & ſolus azymus erat in vſu, vt expreſſè legitur cap. 12. Exodi: Panis igitur ille, in quo Chriſtus primò conſecrauit, fuit tantùm azymus.

Quia aduerſarij, vt effugiant vim huius argumenti in factò Chriſti fundati, quod proculdubio eſt demonſtratum, duo ſolent reſpondere; *Primò*, Chriſtum Dominum anno illo quo eſt mortuus, & inſtituit Sacramentum Euchariftiæ, cœnam legalem non celebrâſſe, id eſt, Paſcha Iudaicum, ſeu Agnum Paſchalem non comediſſe; atque adeo non in azymo, ſed in fermentato Euchariftiam confeciſſe inter cœnam communem, & vulgarem; *Secundo*, eum quidem cœnam legalem obſeruâſſe in comedendo Agno Paſchali, ſed anticipaſſe tempus à lege ſtatutum, luna nimirum 13. cum deberet fieri 14. primi menſis ad vesperam, Exod. 12. Leuit. 23. num. 28. *Primùm* etiam

etiam ostendemus Christum Dominum, eo die, quo instituit Sacramentum Eucharistiæ, cœnam legalem obseruasse; *Secundo*, in ea non præuenisse diem a lege præscriptum, sed decima quarta luna comedisse Agnum Paschalem ritu Iudaico; *Tertio* gratis admissa præfata anticipatione, vt Græci volunt, adhuc verisimilius esse, quod in azymo confecerit augustissimum Eucharistiæ Sacramentum.

Igitur pro intelligentia primi aduertendum est ex Diuo Chrysostomo homil. 81. in S. Matthæum, Iudeos, die illo, quo celebrabant Pascha Iudaicum, solitos esse duas cœnas facere, *legalem* vnâ, qua comedebant Agnum Paschalem stantes, & alias ceremonias in eius esu præscriptas Exod. 12. seruantes; alteram, quæ sequebatur, *communem*, & *vulgarem* pro corporali refectioe familiæ institutam, cui totæ alæde Agnus ille Paschalis adhuc anniculus, non sufficiebat; & in hac cœna pro more suæ gentis accumbebant mensæ; Sanctus enim Chrysostomus volens explicare, qua ratione Christus Dominus, & eius Apostoli non violauerint legem à Deo præscriptam, de comedendo Agno Paschali, stando, cū in Euangelio dicantur recubuisse, seu accubuisse, ita sibi obijcit, & respondet, *Quomodo autem si Pascha comedebant, aduersus legem recumbentes comedebant? sed dicere possumus, quia postquam comederunt Pascha, ad cœnandum recubuerunt.* Quo loci Sanctus Doctor non ait Christum Dominum eo anno, quo mortuus est, Agnum Paschalem non comedisse, sed potius verbis prioribus id clarè explicat, posterioribus autem communem, & vulgarem cœnam. Idque ad fidem pertinere patet, ex cap. 26. S. Matth. 14. S. Marci, & 22. S. Lucæ, vbi Christus sciscitantibus Discipulis, *Vbi vis paremus sibi comedere Pascha?* respondet, *Ite in Ciuitatem, ad quemdam, & dicite ei, Magister dicit tempus meum prope est, apud te facio Pascha cum Discipulis meis.* Inde

enim sic discursi potest ad præsens intentum. Eodem modo sumitur illa particula, Pascha, in responsione Christi Domini, ac in ipsa interrogatione discipulorum; alias inepta, nec ad propositum, & interrogantium intentionem esset responsio; sed particula hæc, Pascha, in interrogatione discipulorum supponit pro agno Paschali, & ijs, quæ ad eius esum erant requisitæ; item prædicta Christi responsio significabat, eū se apud istum hominem esse comesturum cum suis discipulis agnum Paschalem; nam loco istorum verborum, Matth. 26. *apud te facio Pascha cum discipulis meis*, Christus Dominus ait Marci 14. vbi est refectio mea, vbi Pascha cum discipulis manducam? quod idem habet Lucæ 22. minimè ergo dubitandum est, quin verè & de facto Christus Dominus manducauerit tunc agnum Paschalem; cum *facere Pascha*, & *comedere Pascha*, quæ in præfatis Euangelistarum locis sunt synonyma, non inueniantur in Sacra Scriptura, nisi pro vt pertinent ad esum Agni Paschalis.

Alter Scripturæ locus, vnde veritas hæc colligitur, habetur 1. Corinth. 11. vbi Apostolus agens de institutione Eucharistiæ, ait Christum consecrassè calicem, *postquam cœnauit*; sicut & Sanctus Lucas cap. 22. hæc autem verba, debere intelligi de cœna legali expleta, non autem de communi, patet ex Matth. cap. 26. & Marco 14. dicentibus, Christum inter cœnandum instituisse hoc Sacramentum: *cœnantis autem eis*, inquit S. Mathæus, & S. Marcus, *discumbentibus eis, & manducantibus*, hoc est in procinctu cœnæ communis, vel paulo post eam incepsam, vt exponunt sacri Interpretes.

Verbo Dei scripto adstipulatur traditum apud Sanctos, ac veteres Patres, tum Græcos, tum Latinos, Origenem tract. 35. in Math. ad illa verba, *prima die azymorum*; Chrysostomum loco superius relato, Hieronymum in cap. 26. S. Math. vbi ad illum versiculum, *cœnantis illis*, ait, *Postquam typicum Pascha*

cha fuerat impletum, & agni carnes cum Apostolis comederat, &c. Quare Concilium Tridentinum sess. 22. cap. 1. expressè docet, *Christum celebrato veteri Pascha, quod in memoriam exitus de Aegypto multitudo filiorum Israel immolabat, nouum instituisse Pascha, seipsum in Ecclesia per sacerdotes sub signis visibilibus immolandum, in memoriam transitus sui ex hoc mundo ad Patrem, quando per sui sanguinis effusionem nos redemit, eripuitque de potestate tenebrarum, & in regnum suum transfudit.* Nec mirum, quod ita Christus se gesserit, qui fuit vniuersæ veteris legis obseruantissimus; fuisse autem conuenientissimum, vt ibi comederetur agnus typicus, vbi verus agnus in nouo Testamento erat comedendus, siue Christum, peracta cæna prius legali, rectè instituisse Eucharistiam in communi cæna docet S. Thomas 3. p. q. 73. art. 5. in corpore ex S. Leone sermo. 7. de Passione Domini, scilicet *ut umbra cederent corpori, antiqua obseruantia nouo excluderetur Sacramento, hostia in hostiam transiret, sanguine sanguis auferretur, & legalis festiuitas dum mutatur, impleretur.*

Quibus non obstat, quod obiiciunt primò aduersarij, Christum Dominum in cæna vltima obseruasse alias omnino ceremonias ab ijs quas Deus in immolatione, & esu agni præscripsit; nam S. Matthæus cap. 26. narrat eum *discubuisse in cæna, eaque longissima, & longissimo sermone interpolata, in qua iusculum fuerit, quo panem intinctum Iudæ proditori tradiderit; cum in cæna Agni Paschalis manducantes deberent stare, baculos in manibus habere, festinanter comedere, nullum iusculum, admiscere aquo, sed illum tantummodo assum, non coctum aqua, comedere, calceos in pedibus habere, vt præcipitur Exodi 12. facile enim respondetur ex præmissa superius obseruatione de duplici cæna, Christum Dominum instituisse Sacramentum Eucharistiæ, nõ in cæna legali, sed ea iam expleta, in communi, & vulgari, tantum præpara-*

Biblioth. Theol. Tom. V.

ta, vel inchoata, vnde nil mirum, si recumbens mensæ pro more suæ gentis in cæna communi, non autem stans, & instituerit hoc Sacramentum. Notatque Diuus Augustinus tract. 55. in S. Ioannem, ad illa verba, vbi dicitur c. 13. Christus Dominus *cæna facta, surrexisse, & lauisse pedes Discipulorum, idem esse ac inchoata, seu facta quidè, & præparata, sed non consummata.* Non fuisse autem indecorum Christo Domino inter cænandum surgere a mensa illa communi pro facienda lotionem pedum discipulorum, patet ex multis mysterijs sub illa contentis, quodque potissimum illam fecerat in ordine ad Eucharistiam, quam in ista cæna erat mox instituturus.

Secundo obiicitur, Christus Dominus eodem die instituit Eucharistiæ Sacramentum, quo discipuli dixerunt ei Math. 26. *Vbi vis paremus tibi comedere Pascha?* ibidem enim Christus refertur vespere factò cænasse cum illis, & instituisse Eucharistiam: sed Christus Dominus non eo die celebrauit cænam legalem, seu non comedit Agnum Paschalem; Ergo illam non præmisit cæna vulgari, in qua instituit Eucharistiam. Maior huius argumenti cū sit certa; Minorem probant aduersarij, quia illa dies, qua Apostoli dixerunt Christo, *vbi vis paremus* &c. erat luna 13. nam Christus illo eodem capite, S. Mathæi 26. præmiserat, *Scitis quia post biduum Pascha fiet, & filius hominis tradetur, & crucifigetur: & dum subditur postea, prima die azymorum accessisse discipulos ad Iesum dicentes: vbi vis paremus tibi comedere Pascha?* ea particula, *prima die azymorum*, non videtur posse intelligi illa dies, quæ vere Agnus Paschalis comedebatur ritu Iudaico, sed tantum dies præparatoria eorum, quæ erant necessaria pro celebritate festi azymorum, vt indicat hæc Euangelij particula, *paremus tibi Pascha*; tum quia nunquam decima quarta primi mensis vocatur in scripturis prima dies azymorum, si quidem

Zzzz 2

vera

vera prima dies illorum, erat decima, quinta luna, quæ incipiebat post occasum solis diei decimæ quartæ, & illa ineunte Paschalis cæna celebrabatur; tum quia non est verisimile Discipulos Christi Domini, tam tardè cogitasse de præparanda Paschali cæna, vt primum illum diem azymorum propriè dictum, quo iuxta legem, Paschalis Agnus comedebatur, expectauerint: Igitur cum Christus Dominus esset legis obseruantissimus, iuxta quam talis solemnitas fieri debebat luna 15. si instituit Sacramentum Eucharistiæ luna 13. vt ex dictis constare videtur, necessario sequitur, anno illo quo est mortuus, & in cuius vltimæ cæna communi instituit hoc Sacramentum, cum illud instituisse non præmissa celebratione Agni Paschalis, alias non fuisset obseruator, sed præuaricator legis Iudaicæ, illum comedendo luna 13. atq; adeo non in azymo, sed fermentato tunc consecrassè.

Respondetur ad hoc argumentum, concedendo maiorem, & negando minorem; ad cuius probationem, negatur quoque diem illum, quo Apostoli dixerunt Christo, *Vbi vis paremus tibi comedere Pascha* è fuisse lunam 13. vel quod idem est, illum eundem numero diem, quo Christus dixit Discipulis, *Scitis, quia post biduum Pascha fiet*. Et si enim hæc verba Christi referantur eodem cap. 26. S. Matth. quo & illa discipulorum, non tamen fuerunt eodem die dictæ; quoniam eo die, quo præcepit discipulis, vt pararent sibi Pascha, fecit vltimam cænam, & à Iuda proditore est Iudæis traditus, vt patet ex citatis locis Euangelistarum; & ex fundamento aduersariorum; sed in die, quo dixit, *Scitis, quia post biduum Pascha fiet, & tradetur filius hominis*, non fuit traditus, alias dicendo, *post biduum*, mentitus fuisset, cum particula illa, & coniungat celebrationem agni Paschalis, & Christi Domini traditionem, vt vno, & eodem die futuram, tum etiam quia Euangelistæ narrant seniores fuisse

se congregatos biduo ante Pascha, vt Christum dolo tenerent; item Christum fuisse moratum in Bethania, ibi accubuisse mensæ apud Simonem Leprosum; ac tandem Iudam indignatum, conuenisse prædictos Principes, quæsiuisse opportunitatem tradendi Christum, primumque diem azymorum elegisse vt commodiorem, quæ omnia, iuxta narrationem Euangelistarum, nõ possunt intelligi vno & eodem die cõtigisse: Non igitur dies ille, quo Apostoli dixerunt Christo, vbi vis paremus tibi comedere Pascha, quoque Christus, vt concedunt etiam aduersarij, instituit Eucharistiæ, fuit luna 13. vt statim magis ostendemus, sed verus primus dies azymorum, in quo peracta cæna legali Christus Dominus in cæna communi instituit Eucharistiæ, atque adeo illam non in fermentato, sed in azymo confecit.

Ad id autem, quod aduersarij dicunt primò particulam illam, *prima die azymorum*, non posse intelligi de illo die festo, quo agnus comedebatur, sed de antecedenti, vel præparatorio, responderetur falsum esse, idque ex ipsismet Euangelistæ verbis perspicuè probari, sic enim Sanctus Lucas cap. 22. ait, *Venit autem dies azymorum, in qua necesse erat occidi Pascha*, quibus sanè verbis, determinat illam diem azymorum, fuisse eam diem, in qua, vel in cuius priori vespere, Agnus Paschalis iuxta legem erat immolandus; sed vespere illa, erat vespere posterior decimæ quartæ lunæ (quæ quia erat initium festi azymorum, dicitur prima dies azymorum) vt patet Exodi 12. præfacta igitur Euangelistarum verba, dum referant, *prima die azymorum accessisse discipulos ad Iesum dicentes: vbi vis paremus tibi comedere Pascha* ? non possunt intelligi, vt inepte aiunt aduersarij, de aliqua die antecedenti, sed necessario de ipsamet vera, & propria die azymorum, qua agnus comedebatur. Ideoque Sanctus Hieronymus ad citata verba expressè ait; *primam diem azymo-*

azymorum, esse decimam quartam diem mensis primi quando agnus immolatur, & luna plenissima est, & fermentum abijciatur; nam Exod. 12. & Leuit. 23. prima illa dies vocatur, dies festa, solennis, & celeberrima, in qua non debet fermentum reperiri in domibus, illa ergo, prima dies azymorum sola dici debet, non autem antecedentes à die decima vsque ad vesperam decimæ quartæ exclusiue, quibus licite fermentum domi seruari, & comedi poterat.

Ad secundum quod dicitur, non esse verisimile Discipulos Christi tam tardè cogitasse de preparanda Paschali cæna, vt primum illum diem azymorum propriè dictum expectauerint, quasi etiam illud tempus non fuerit sufficiens ad præparationem huiusmodi cænæ. Respondetur facile ex Iosepho lib. 5. de bello c. 45. apud Claudium Sanctesium repetit. 1. de Eucharistia cap. 7. fuisse Iudæis in more positum, vt Hierosolymitani ciues præpararent aduentantibus exteris pretio conducto cubicula, agnos, & reliqua, pro solemnitate agni Paschalis necessaria, proptereaque illos fuisse solitos adducere in urbem, iuxta præceptum Exodi 12. v. 3. agnos die decimæ, quos postea exteri ab illis emerent die immolationis faciendæ; vnde facile fuit Discipulis Christi eo ipso die, quo agnus erat immolandus ista omnia reperire; & hanc ciuium consuetudinem indicat Christus Math. 26. dicens, Ite in Ciuitatem ad quemdam, & dicite ei &c. item Lucæ 22. *Occurret vobis homo quidam, &c. sequimini eum in domum &c. ostendet vobis cenaculum magnum stratum, & ibi parate.* Ex quibus omnibus satis superque patet primum quod intendebamus, scilicet Christum anno illo, quo est mortuus, & in vltima cæna instituit Sacramentum Eucharistiæ, cænâ legalem celebrasse; tum eam huius Sacramenti institutioni præmississe, eadem prorsus die, quæ iuxta legem celebrari debebat, atque adeo panem illum, in quo Christus pri-

mò consecrauit, non fuisse fermentatum, sed azymum.

Nunc contra alios admittentes, Christum Dominum cænâ quidem legalem celebrasse, illamque institutioni Sacramenti Eucharistiæ præposuisse, sed anticipasse tempus à lege statutum, secundò nobis ostendendum est magis ex professo, cum in comedendo agno Paschali minimè præuenisse diem à lege præscriptum, sed decima quarta luna comedisse agnum Paschalem ritu Iudaico. Pro cuius intelligentia notandum est primò Exod. 12. Leuit. 23. & Num. 28. præceptum fuisse Iudæis vt 14. luna primi mensis ad vesperam, comederent agnum Paschalem ritu ibi præfixo.

Notandum secundò, in veteri lege solemnitate agni Paschalis, fuisse omnino diuersam à solemnitate azymorum, præceptumque de vtraque distinctum, vt patet ex locis statim adductis; traxerant enim originem ex duplici beneficio, festiuitas quidem agni Paschalis, ex conseruatione primogenitorum Israel, eo tempore, quo primogenita Aegyptiorum interficiebantur ab Angelo percutiente: azymorū verò celebritas, ex eo quod populus Israel, liber egressus de Aegypto, comedit azyma. Deindè solemnitas agni Paschalis vno tantum die, & adhuc ad vesperam istius diei fiebat, cum azymorum festiuitas septem duraret diebus.

Aduertendum est tertio, apud Iudæos dies ceremoniales, seu festiuitatum incepisse à vespera prima, seu statim ab occasu solis diei antecedentis festum, vsque ad vesperam eiussdē diei festi, quæ erat secunda vespera; exempli gratia dies Sabbathi computabatur à vespera feriæ sextæ, seu diei Veneris exeuntis, vsque ad occasum solis ipsius diei festi Sabbathi: ita enim præcipitur Leuit. 23. *à Vespera ad Vesperam celebrabitis Sabbathum vestrum;* vbi datur regula generalis celebrandorum festorum: item apud Iudæos menses fuisse

fuisse lunares, & incepisse à nouilunio docent Iosephus lib. 3. antiquit. Iud. cap. 10. & Philo Iudæus lib. de vita. Moysis; quique deioceps scripserunt de Calendario Hebræorum; de quo videri possunt dicta à nobis tom. 4. lib. 3. sect. 7. c. 19.

Notandum est quarto, & ultimo, vnam, & eandem vesperam, complete sumptam, apud Hebræos agentes de immolatione, & esu agni Paschalis, diuidi quasi in duas, quarum prior incipiebat post meridiem, sole iam inclinate, seu vergente ab hora nona illius diei vsque ad occasum; Posterior autem erat post occasum solis vsque ad finem crepusculi vespertini; cumque in priori immolaretur agnus Paschalis, & in posteriori comederetur, vt expressè notat Iosephus lib. 7. belli Iud. cap. 17. manifestè sequitur, tempus eius immolationis, fuisse distinctū à tempore eius comestitionis, vnde perit linguæ Hebræicæ obseruant hanc particulam, *ad vesperam*, cap. 12. Exodi, vbi agitur de immolatione agni, exprimi nomine duali, cuius sensus sit iste, *inter duas vesperas*.

His ita prænotatis, Græcis, vt suum errorem de consecratione Eucharistiæ, in pane fermentato facilius tueantur, afferentibus Christum Dominum tunc ita celebrauisse coenam legalem agni Paschalis, vt tamē vno die præueniret tempus statutum per legem, hoc est illum comedisse non 14. luna, sed 13. nos dicimus, id aperte repugnare expressissimis Euangelij verbis.

Primum enim Matth. 26. habetur: *Prima die azymorum accesserunt Discipuli ad Iesum decedentes, ubi vis paremus tibi comedere Pascha?* quo loci per primam diem azymorum intelligi debere primam diem azymorum propriè dictum, incidentem in lunam decimam quartam primi mensis, iam ostendimus supra. Item, dum Marci 14. v. 12. scribitur: *Et primo die azymorum, quando Pascha immolabant, scilicet Iudæi, dixerunt ei Discipuli: Quo vis eamus, & pa-*

remus tibi vt manduces Pascha? & Lucæ 22. v. 6. *Venit autem dies azymorum, in qua necesse erat occidi Pascha;* certè huiusmodi particula, *quando immolabant*, item, *necesse erat*, nec non illæ, quibus discipuli loquuntur de præparatione Paschatis, Christus verò Dominus ibidem exprimitur celebrasse Pascha cum illis, luce meridiana clarius significant hæc omnia, id est, interrogationem Discipulorum pro præparatione agni Paschalis, eius immolationem per Iudæos, obligationem, eius cadentem, in diem istum, & eius obseruationem à Christo Domino in eundem diem incidisse; & proinde, cum dies per legem constituta, esset 14. luna primi mensis ad vesperam, Christum alias Mosaicæ legis obseruantissimus ista die cænam agni Paschalis de facto celebrasse. Vndè Græci, quia, vident his Sacræ Scripturæ testimonijs apertissimè probari nostram sententiā, vt vno verbo illorum vim eludant, non erubescunt dicere, tres priores Euangelistas, quo ad hoc errasse, & per Sanctum Ioannem fuisse correctos; sed hæc responsio est blasphemæ, totam fidem, & auctoritatem sacræ Scripturæ destruens, qua enim facilitate vnus, aut alter Euangelista admittetur errasse, eadem & alij dicentur errasse, nosque respondere possemus, non tres priores Euangelistas, sed vnum potius Ioannē hallucinatum fuisse, quod cum Spiritui Sancto sit iniuriosum, tam propriè tristi priorum Euangeliorum primariò auctori, quam quarti, semper, & vbique infallibili, omnino dicendum, quod sicut dicendo Sancto Ioanni Euangelium non errauit; ita nec dicendo reliquis; omnesque Euangelistas tam in præsentī intento, quam in omnibus alijs esse perfectissimè concordēs, vt patebit ex solutionibus obiectionum, nec non ex sequenti argumento desumpto ex Euangelio S. Ioannis.

Quæcumque Sanctus Ioannes narrat à capite 13. incipiente his verbis: *Ante diem festum Paschæ*, vsque ad historiam

ſtoriam Paſſionis Chriſti, ea contigerūt poſt cœnam legalem, pridie mortis ipſius; ſed dies paſſionis, vel mortis Chriſti Domini incidit in decimam quintā lunam, cuius antecedens dies, erat decimaquarta luna: Ergo Chriſtus comedit agnum Paſchalem luna 14. Probat̃ur Maior ex ipſomet textu S. Ioannis, tūm quia, *ante diem feſtum Paſchæ*, idem ſonans, ac *pridie Paſchæ*, tūm quia verba ſequentia, *ſciens Jeſus quia venit hora eius, ut tranſeat ex hoc mundo ad Patrem*, idem quoque ſignificent, ac inſtare diem paſſionis eius. Nec reſert, quod in editione Græca Sancti Ioannis non habeatur, ut in editione vulgata, *Ante diem feſtum Paſchæ*, ſed ſimpliciter, *Ante feſtum Paſchæ*, cum enim multi ex Græcis Patribus illam particulā *diem*, legant, S. Cyrillus lib. 9. cap. 2. S. Chriſoſtomus homil. 69. in Ioan. Euthimius ibi, & omnes Latini, primum dici poſſet errore typographi cū ab authographo excidiſſet, illique reſtituendam eſſe; vel ſecundō, etiam ſi in illo nunquam fuiſſet, ſemper tamen fuiſſe ſubauditam, ut ipſe textus, & ſenſus ſententiæ fatis indicant; Sanctique Patres, etiam Græci interpretati ſunt, particulam ante de die immediatē præcedenti feſtum Paſchæ; de quibus conſuli poteſt Arcudius author Græcus lib. de Euchariftia cap. 4. Iam probatur Minor, diem nimirum Paſſionis Chriſti inciſiſſe in 15. lunam; quia incidit in eum diem, quo præſes ſolebat dimittere vnum de vinctis, & quo Pilatus dimiſit Barrabam, ut patet ex poſtremis verbis cap. 18. & primis cap. 19. eiufdem Sancti Ioannis, vbi dimiſſio Barrabæ, flagellatio, & crucifixio Chriſti Domini referuntur, ut vno, & eodem die factæ: ſed dimiſſio Barrabæ contigit luna 15 ſeu in prima illa die ſolemni aſymorum, nam ibi apud S. Ioannem ait Pilatus, *Eſt conſuetudo vobis, ut vnum dimittam vobis in Paſcha*, id eſt, ut habet S. Matth. *per diem ſolemne*; S. Marcus cap. 15. & S. Lucas cap. 23. *per diem feſtum*, dies autē

feſtus in Paſchate, nullus alius erat, quam primus, & vltimus Exod. 12. Igitur cum Paſſio Chriſti non potuerit, etiam iuxta aduerſarios, incidere in diem vltimum aſymorum, oportuit inciſiſſe in primum, & conſequenter in lunam decimamquintam.

Obijcitur primò. Sanctus Ioannes cap. 13. reſert cœnam vltimam Chriſti Domini, fuiſſe ante diem Paſchæ; ſed Chriſtus Dominus inſtituit Euchariftiam in vltima cœna, & dies, quæ præceſſit feſtum Paſchæ, fuit luna 13. nam luna 14. ad vesp̃eram iucipiebat feſtum Paſchæ; ergo Chriſtus Dominus inſtituit Euchariftiam luna 13.

Reſpondetur ex dictis per *diem feſtum Paſchæ*, apud S. Ioannem intelligi primum diem aſymorum; cum enim vesp̃era illa ita eſſet inter duos dies, ut eſſet finis vnus, nimirum 14. & principium alterius, ſcilicet 15. iuxta modum computandi dies apud Hebræos, factum eſt, ut aliquando computetur cum die præcedenti, quem terminat, aliquando cum ſequenti, quem inchoat, ut patet Exodi 12. vbi modo annueratur 14. lunæ, modo 15. Hoc autem S. Ioannis loco annueratur lunæ 14. & per *diem* intelligitur dies ille artificialis, qui incipit ab ortu ſolis, ut ſatis denotat particula illa *feſtum*; quia prima aſymorum erat valde ſolemnis, & licet luna 14. diceretur *dies Paſchæ*, propter immolationem, & comeltionē agni Paſchalis; ſola tamen luna 15. vocabatur, *dies feſtus Paſchæ*, ut habetur numeror. 28. *Decima quarta die menſis phaſe Domini eſt, & decimaquinta ſolemnitas*.

Secundo obijcitur. Iudæi mane illo, quo Chriſtum Pilato tradiderunt, introire noluerunt, in Prætorium, ne contaminarentur, ſed vt manducarent Paſcha, Ioan. 18. nondum ergo comederant agnum Paſchalem, ſed iſta die ad vesp̃eram illum comelturi erant; cū igitur dies illa eſſet luna 14. iuxta præceptum Exodi 12. Chriſtusque Dominus pridie comediſſet agnum Paſchalem,

Iem, manifestè sequi videtur comedisse illum luna 13.

Respondetur, vbi loco citato S. Ioannis dicuntur Iudæi noluisse *introyre in Prætorium, ne contaminarentur, sed ut manducarent Pascha*, ibi per *Pascha*, non intelligi agnum Paschalem; sed victimas Paschales, seu sacrificia, quæ illis azymorum diebus offerebantur Deo, vt patet Denteron. 16. Paralip. 2. cap. 35. vbi oues, boues, & cætera animalia, quæ istis diebus offerebantur, appellantur *Phase*, seu *Pasche*, quorum quidem sacrificiorum pars vna in holocaustum consumebatur, secunda cedebat in vsum Sacerdotum: tertia comedebatur à populo; requirebaturque in manducantibus saltem Sacerdotibus, Levitis, Principibus, & Magnatibus munditiam legalem, vt colligitur ex lib. 2. Paralip. cap. 30. & 35. propterea Marci 15. dicitur quidem, quod *Summi Sacerdotes cum Senioribus & Scribis, vniuerso Concilio, vincientes Iesum ducunt, & tradunt illum Pilato*: item ibi & Math. 27. quod illum accusât apud Pilatum, suadent populo, vt petat Barabam dimitti non Christum, cæterum, cû audita accusatione Pilatus introisset in Prætorium illi, vt pote Seniores, & Principes, illud ingredi noluerunt, ne legalem contraherent immunditiam, & sic prohiberentur edere de prædictis victimis, & sacrificijs Paschalibus. Quare quod aliqui volunt, nusquam in Sacris litteris manducare Pascha, dici, nisi de esu agni Paschalis, absolutè falsum est; negari tamen non potest, quin id specialiter dicatur de illo quatenus, vbi per immolationem, iugulationem & effusionem sanguinis erat immolatus, cedebat totus in comestionem familiæ, quæ si ei comedendo non sufficeret, reliquum comburebat Exod. 12.

Obijcitur tertio. Christus eo die celebrauit cænam agni Paschalis, comparatione cuius est mortuus posttridie; sed illa dies, cuius cõparatione posttridie mortuus est, fuit luna 13. si quidè hoc posttridie vocatur à S. Ioanne cap.

19. *parascenè Pasche*, eo quod esset dies præparatoria illorum, quæ erant necessaria pro celebrando Paschate, & ex consequenti erat luna 14. antecedens Pascha; Igitur dies quæ istam præcessit parascenæ, & cuius comparatione Christus posttridie mortuus est, fuit luna 13. consequenterque isto anno, anticipato tempore à lege statuto, comedit agnum Pascalem luna 13.

Respondetur ad hoc argumentum, concedendo maiorem, & negando minorem: ad cuius probationem dicitur hac particula *parascenè Pasche*, loco citato S. Ioannis, non significari diem, præparatoriam eorum quæ erant necessaria ad esum agni Paschalis, sed feriam sextam subsequenter, qua, quæ ad victum erant necessaria, disponebantur pro sequenti sabbato. Et si enim die primo azymorum liceret Iudæis præparare cibaria, vt patet Exodi 12. non tamen diebus Sabbati, vt habetur ibidem cap. 15. & 35. dum iubentur feria 6. colligere cibum pro eo die, & pro sequenti Sabbato. Quod autem, res ita se habeat, seu hæc parascenæ fuerit, non propter Pascha, vel agnum Paschalem immolandum, & comedendum, sed propter Sabbatum sequenti die obseruandum, ita clarè explicat ipsemet S. Ioannes, vt nullus sit dubitandi locus, nam cap. 19. quem diem, Versu 14. vocauerat parascenè Paschæ, eundem Versu 31. vocat parascenè Sabbati, dum ait, *Iudei ergo (quoniam parascenè erat) vt non remaneret in cruce corpora Sabbato (erat enim magnus ille dies Sabbati) rogauerunt Pilatum, vt frangerentur eorum crura, &c.* cui consonat Marcus cap. 15. V. 42. dicens: *Cum iam sero esset factum (quia erat parascenè, quod est ante Sabbatum) venit Ioseph ab Arimathæa; &c.* Cur autem S. Ioannes diem, quæ erat parascenè Sabbati, vocauerit etiam parascenè Paschæ, varias adducunt rationes sacri interpretes, vel quia erat Sabbati incidentis in vnum diem Paschalem, seu azymorum; vel quia erat ipsemet

met vnus dies Pascalis, seu aliquis ex septem diebus azymorum. Neque hanc interpretationem, aut similem necessario adhibendam, ne Evangelistas sibi contradicere cogamur asserere, destruit quod apostata Spalatensis lib. 5. de Repulioa Ecclesiastica capit. 6. num. 265. ait: illam esse violentam, & similem illi, qua quis vigiliam festi Sancti Ioannis Baptiste incidentem infra octauam festi Corporis Christi, vocaret vigiliam illius, cum vera esset vigilia Sancti Ioannis Baptiste; dispar enim est vtriusque ratio; nam habere vigiliam cum sit pluribus festis commune, ex isto, quem exemplificat Spalatensis, loquendi modo non satis intelligeretur, cuius festi esset ista vigilia; At quia soli Sabbato conueniebat in lege veteri habere parasceuen, vt diximus supra, inde est, quod Diuus Ioannes nomine parasceue Pasche rectè significare potuit parasceue Sabbati incidentis in vnum diem Paschalem seu azymorum, vel etiam, quia erat vnus aliquis ex septem diebus azymorum, aut parasceue Sabbati inciens in vno de Pasche diebus; remque ita de facto se habuisse, quicquid sit de nomine, iam clarè ostendimus.

Obijcitur quartò si Christus non 13. Sed 14. luna comedisset agnum Paschalem, Eucharistiamque instituisset, sequeretur cum fuisse cruci affixum in die festo, scilicet primo die azymorum, qui erat solemnissimus; at hoc falsum esse plura demonstrare videntur, *primum*, quod Iudæi Matth. 26. cogitantes de interficiendo Christo dicunt, *non in die festo* &c. *Secundum*, quod cum de hoc festo tale extet præceptum Exodi 12. *Nihil operis facietis in eo, exceptis ijs, quæ ad vescendum pertinent*, referunt tamen Evangelistæ Iosephum, eo, quo Christus mortuus est, mercatum esse syndonem, Simonemque Cyrenæum, iter fecisse Hierosolymam, quæ sunt opera erulia, non igitur fuit dies festus tertius, quod si Christus mortuus fuisset in die festo luna 15. eius resurre-

ctio necessario cecidisset in lunam 17. & proinde aliquando contingeret, vt Ecclesia eo die celebraret festum Pasche, quo Christus iacuit in sepulchro; idque toties, quoties Iudæum Pascha caderet in diem Sabbati, nam sequenti die, qui est Dominicus, celebramus nostrum Pascha, scilicet 16. die primæ mensis, quia Ecclesia celebrat suam Pascha die Dominica proximè sequenti lunæ 14. Hoc autem absurdum esse colligi videtur ex eo, quod non alia de causa primitiuæ Ecclesiæ ræpore abominata est Quattodecimanos, nisi quia Christi Domini resurrectio contigit decima septima die.

Respondetur ad hoc argumentum libenter concedendo Maiorem; Christum scilicet fuisse cruci affixum in die festo, & negando Minorem; ad cuius primam probationem dicitur, Iudæos quidem cogitantes de interficiendo Christo, strepituque, & iudicio forensi ad id requisito, dixisse *non in die festo*, non tamè propter illius solemnitatem, quasi in eo iudicium exercere crederetur esse opus illicitum, verum *ne tumultus fieret in populo*, vt expressè norant Evangelistæ; contraria nihilominus prævaluit opinio, videntes enim occasionem sibi oblatam à Iuda existimauerunt se obsequium præstituros Deo, si Christum interficerent; sicut Ioannis 7. non attenta celebritate festi Scenopægiæ voluerunt apprehendere Christum; & sequenti cap. 10. in die festo illum lapidare.

Ad secundam probationem de Syndone empta, & itinere facto, die quo mortuus est Christus, responderetur inde male colligi illum non fuisse festum; ista enim non fuere prohibita die festo; Primum quidem, quoniam non erat opus feruile, sed pietatis cum cederet in sepulturam Christi Domini; Tobias enim cap. 2. legitur sepelisse mortuos die festo; cautumque erat Deuteronom. cap. 21. vt qui in patibulo esset appensus, eadem die sepeliretur; vnde ex consequenti permittebantur ea, quæ ad

talem sepulchrum conducebant; sicuti erat emptio Syndonis, & aromatum, & pro more, quem Iudæi in sepelien- dis mortuis tenebant. Secundum item nota fuit prohibitum fieri die festo, quia dici potest, villam, & quæ redibat præfatus Simon, parum ab urbe distasse, tantumque habuisse iter unius Sabbati, id est, spatium quod in Sabbato licebat cuique peragere, cuius oppositum probare non possunt adversarii, sique probarent, cerè aliunde constare, quod Christus in die festo, scilicet primo die azymorum cruci affixus mortem subiecit, dicendum esset Simonem transgressum fuisse præceptum, si aliquod fuit, de non itinerando die festo.

Ad tertiam denique probationem respondetur, nihil esse absurdi, quod Ecclesia interdum eo die celebret festum Paschæ, quo Christus iacuit in sepulchro; non enim propterea celebramus præcisè nostrum Pascha, quia Christus die, illi determinatè correspondente, resurrexit: alias cum hic dies plerumque incidat in aliquam feriam hebdomadæ, & non semper in diem Dominicum, deberet festum Paschæ celebrari non die Dominico, sed quovis alio in quem incideret, sicut festum Natalis Domini, quod tamen est contra id, quod Sanctissimi Papæ, & Martyres Pius, & Victor, & post illos Patres Concilij Niceni definierunt, nos scilicet debetè celebrare festum Paschæ proximo die Dominico sequenti lunâ decimam quartam, primi mensis, eo quod tali die, quicumque alius sit lunæ, Christus de facto resurrexit à mortuis; vnde quemadmodum Iudæi celebrabant semper suum Pascha luna 14. in quæcumque septimanæ diem incideret, ita & nos Christiani, quia Christus Dominus resurrexit primo Dominico die, post Pascha Iudaicum seu proximè sequenti lunam 14. celebramus memoriam istius resurrectionis singulis annis primo simili Dominico die sequenti lunam 14. quæ Iudæi celebrabant suum Pascha, in quemcumque diem lunæ in-

cidat talis dies Dominicus; nullo habito respectu, quod illo anno quo Christus Dominus mortuus est, id contigerit luna 15. & 16. non resurrexisset, sed eius corpus iaceret in sepulchro. Quamobrem cum Iudæi celebrarent suum Pascha, ut diximus, luna 14. & solemnitatem azymorum 15. quæ est aliquid distinctum à ceremonia Paschatis ex dictis etiam supra, si dies Dominicus proximè sequens Pascha Iudaicum incidat in 15. lunam, rectè tali die nostrum celebramus Pascha, ut docet Venerabilis Bedæ lib. 3. Hist. Ecclesiast. Angl. cap. 25. hacque posse interdum evenire ait lib. de rat. temp. cap. 58. imò & de facto contigisse propè tempora Concilij Nicæni asserit Clavius in explicatione Kalend. Rom. cap. 18. Occasio siquidem decreti contra Quartodecimanos non fuit ipsa Christi Domini sepultura, sed tantum ne Pascha celebraremus cum Iudæis, & coleremus diem Dominicum, quo Christus Dominus resurrexit à mortuis.

En quomodo ex divinis scripturis ritè intellectis, & inter se combinatis habetur, quod Christus præviè ad institutionem Eucharistiæ, cenam legitimam celebrauit, id est, Pascha Iudaicè, anno illo quo mortuus est, nec diem à lege præscriptum præveniret, sed luna 14. id præstiterit, atque adeo non in fermentato, sed in azyino, qualem tunc lex Mosæica panem requirebat, consecisse Sacrosanctum Eucharistiæ Sacramentum. At quia apud Iudæos dies ceremonialis claudabatur duabus vespèris, una priori, altera posteriori, indeque dubium natum fuerit inter ipsos doctores Latinos, an quando dicimus Iudæos manducasse agnum Paschalem, & Christum post eius usum instituisse Eucharistiam luna 14. ad vespèram, id intelligatur de priori vespèra luna 14. quæ terminaret diem, seu lunam 13. & inchoaret lunam 14. an verò de posteriori vespèra, quæ terminaret diem seu lunam 14. & inchoaret diem seu lunam 15. aliquibus recentioribus estiman-

firmantibus id esse intelligendum de priori vespera inchoante Lunam, seu diem 14. nos cum sententia magis communi asserimus comestionem agni Paschalis, & institutionem Eucharistiæ contigisse posteriori vespera Lunæ 14. primi mensis; tum quia in eadē significatione debet in isto præcepto Exod. 12. accipi hæc particula, ad vesperam, qua communiter vsurpatur in alijs scripturæ locis; communiter autem in illis sumitur non pro initio diei, sed pro eius fine, & termino, Genes. 20. *Redeunte ad vesperam iacob de agro*, Exo. 18. *de mane usque ad vesperam*, Levit. 11. *erat immundus usque ad vesperam*; & sic de cæteris: in isto igitur præcepto Exod. 12. debet quoque particula, ad vesperam, accipi pro fine, & termino istius diei, de qua ibi est sermo. Tum maximè, quia eadem vespera Lunæ 14. Christus Dominus, & Iudæi celebrarunt cœnam legalem, Christusque post illā instituit Eucharistiam, qua Hebræi in Aegypto primum dictam cœnam celebrarunt iuxta diuinum præceptum; sed Iudæi illam primum celebrarunt in posteriori vespera Lunæ 14. siquidem Exod. 12. eadem nocte comedunt agnū Paschalem, & egrediuntur ex Aegypto; egrediuntur autem ex illa nocte præcedente diem 15. artificialem primi mensis, vt patet ex eodem capite Exodi, & nox ista est posterior vespera Lunæ 14. & prior 15. cum ab illa etiam incipiat vsus azymorum, vt ibidem constat; Christus ergo Dominus, & Iudæi celebrarunt cœnam legalem in posteriori vespera Lunæ 14. & in eadem Christus Dominus instituit Sacramentum Eucharistiæ. De quo videri possunt Sacri Interpretes, ad præfata scripturæ loca, ex Theologis verò Suarez 3. part. tom. 2. quæst. 46. disp. 40. sect. 2. & 3. tom. 3. q. 73. disp. 41. sect. 1.

Tertiò superest, vt breuiter ostendamus, gratis admissio, quod Christus anticipasset eo anno suæ mortis tempus à lege præscriptum, cœnassetque 13. lunæ, vt Græci volunt, adhuc tamen cer-

tius esse, cum in azymo Eucharistiam confecisset, vt docet Diuus Thomas in 4. dist. 11. q. 2. art. 2. quæstion. 3. Christus enim Dominus tunc celebrando illam cœnam agni, obseruasset singula, quæ in illa erant seruanda; siquidem Iudæi, quando alio tempore quam Lunæ 14. primi mensis comedeant agnū Paschalem, tenebantur tunc & illum comedere cum panibus azymis, & abstinere à fermentato pane per septem sequentes dies, vt expressè constat ex lib. Numer. cap. 9. & lib. 2. Paralipomen. cap. 3. Sicut ergo credendum est, quod Christus Dominus vsus esset laetis agrestibus in illa cœna, ita etiam quod pane azymo iuxta præscriptum legis. Si dicant primum aduersarij Christum habuisse potestatem supra legem Moisaicam, eiusque proinde ceremonijs adstrictum non fuisse; Responderetur eū, circa obseruationem illorum, quæ à lege præscribebantur, tali nunquam facto vsum esse potestate; nam hoc sensu ad Galat. 4. dicitur *factus sub lege*, & certè, si hac ratione, vt concedere debent aduersarij, esum agni Paschalis non omisit, dicendum quoque est, cæteras illum non omisisse ceremonias in hunc finem statutas. Si dicant secundo, in cœna quidem legali vsum esse Christū pane azymo, cæterisque etiam ceremonijs, sed illa absoluta, statim rediisse ad panem fermentatum, qui nondum erat prohibitus; Responderetur primò, tam incertum esse hoc, quam est incertum consecrarse in vino albo, aut rubro; ergo sicut esset erroneum alterutrum ex illis vinis præscribere, propter factum Christi, ita & præscribere panem fermentatum, vt faciunt aduersarij. Secundo cum ex dictis Christus consecraret in cœna vsuali, paulò post finitam legalem, verisimile satis est consecrarse in pane, & vino, quæ superfuerant ex cœna legali. Tertiò tandem, si ipsi dicunt, Christum anticipasse cœnam legalem, cur non etiam dicent ob eandem rationem anticipasse totam ceremoniam illorum dierum, in quibus post inchoa-

tum Pascha, & azyma; non licebat ad fermentatum redire? Igitur supposito, non tamen concessio, quod Christus eos, quo mortuus est anno, anticipauerit diē à lege præscriptū pro comedendo agnō Paschali, tunc tamen non est vsus pane fermentato, etiam inter consecrandum, sed tantum azymo.

Nunc, post diuini verbi, tam scripti, quam traditi auctoritatem, quæ ostendimus ex factō Christi cōtra Græcos, panem azymum esse materiam, conficiendæ Eucharistiæ sufficientem, idem probandum est ratione fundata in institutione Christi, qui, vt sufficienter per Ecclesiæ praxim, ac definitionem edocemur, voluit, quod panis confectus ex farina triticea naturali aqua subacta, & puro igne concoctus esset materia, saltem sufficiens huius Sacramenti; vnde cum huiusmodi panis, siue sit fermentatus, siue sit azymus, semper sit verus panis, de fermentato non est controuersia, de azymo autem innumera sunt Scripturæ loca, quibus absolute & simpliciter dicitur panis; habeatque insuper proprium panis vsum, quia licet fermentati vsus sit frequentior, quā azymi, eo quod est delectabilior, & aptior, vtriusque tamen vsus, est propriè panis vsus, scilicet, vt cum alijs cibis tanquam illorum comes adhibeatur; differuntque solum accidentaliter, quatenus in fermentato massa per fermentum extollitur, & ab eo excluditur simplicitas, & puritas, quam habet panis azymus; dubitari non potest quin vterque panis sit materia conficiendæ Eucharistiæ sufficiens.

Nec obstat, quod dixerimus Christum Dominum de facto consecrasse tantum in azymo, dum instituit Eucharistiam, quasi inde sequeretur azymū solum, non autem fermentatum panem posse esse materiam illius sufficientem. Respondetur enim duo debere distinguī in hoc vtroque pane. Primum, illud in quo conueniunt substantialiter, & est ratio veri panis. Alterum, penes quod distinguuntur à se inuicem acci-

dentaliter, & est esse fermentatum, & esse azymum, seu non fermentatum; Christus autem Dominus instituendo Eucharistiam, instituit illius materiam in ratione veri panis, & non in præcisa, & determinata ratione azymi; vnde cum ratio panis propriè dicti cōueniat etiam fermentato, inde fit, vt sit etiam sufficiens materia conficiendæ Eucharistiæ, licet Christus de facto in vltima Cœna consecrauerit tantum in azymo.

Ex quo intelligitur dici non posse, alterutrum panem esse simpliciter de necessitate Sacramenti in hac vel illa Ecclesia Græca aut Latina, præterquam enim hoc vsque dicta æque probant de omni Ecclesia; erroneum est asserere Sacramenta habere alias essentias in vna parte Ecclesiæ, ac in alia; siue Christum Dominum aliam materiam pro Græcis, aliam pro Latinis instituisse in Sacramento Eucharistiæ; sicut etiā, quod aut consuetudo, aut præceptum Ecclesiæ possit immutare, aut essentia- liter limitare materias Sacramentorū.

Secunda Conclusio. Azymus panis nendum est materia sufficiens, sed etiam conuenientior Eucharistiæ consecrandæ, quam fermentatus: ita omnes Latini contra Græcos. Cuius potissimam ratio fundatur in eo quod talis vsus sit conformior factō Christi, qui, vt vidimus supra, consecrauit in azymo. Cui adhuc vsui non desunt insuper plures congruentiæ rationes. Prima veluti literalis est, quia, vt ait Anselmus in epistola de fermentato, & azymo, panis azymus facilius, purius ac decetius conficitur: item ex Diuo Thoma 3. p. q. 74. art. 4. ad 4. magis est immunis ab omni corruptione. Secunda sumitur ex significatione, tum quia per illum significatur puritas, & Sanctitas ipsiusmet corporis Christi 1. Corinth. 5. per fermentatum autem non tanta puritas, & simplicitas, imo carentia alicuius puritatis, & simplicitatis, vt Apostolus ait ad Galatas 5. *Modicum fermentum totam massam corrumpit*; tum etiam illa, quæ requiritur in accedentibus ad hoc Sa-
cra-

cramentum. Et ſic de alijs, de quibus videri poſſunt Innocentius III. lib. 4. de myſterio Miſſæ cap. 4. Diuus Anſelmus epiſtola citata; Cardinalis Humbertus diſputatione de azymo, & fermentato, quæ Cardinalis Baronius refert ad calcem tomi 11. ſuorum Annalium, nec non Scholaſtici cum Magiſtro in 4. diſt. 11. & Diuo Thoma 3. part. qu. 74.

Nonnullas interim ſoluemus Græcorum obiectiones contra præcedentē doctrinam. Prima eſt, quod legalia ſunt per Chriſtum abrogata; ſed panes azymi ſunt aliquid legale, nam Leuit. 2. fermentum reiſcitur à ſacrificijs: Ergo panis azymus in ijs, quæ ſpectant ad legem Euangelicam, inter quæ eſt maximè Sacramentum Eucharistiæ, aut non eſt materia eius ſufficiens, aut ſaltem peræque conueniens, ac panis fermentatus.

Reſpondetur ad huius argumēti maiorem ex dictis ſupra cap. 6. legalia poſſe conſiderari duobus modis, primò formaliter, ſeu quatenus legalia, id eſt aſſumpta ad ſignificandum aliquid futurum in noua lege; & hoc modo admittimus ea fuiſſe per Chriſtum abrogata, & ſic eſſe nobis in lege noua prohibita; ſecus autem ſi conſiderentur ſecundo modo, nimirum materialiter, ſeu ſecundum ſuam realem, & phyſicam entitatem, aut perfectionem. Quare ad Minorem dicitur, panem azymum à nobis conſcientibus Sacramentū Eucharistiæ, non aſſumi tanquam aliquid legale, ſed quatenus eſt verus quidam panis propriè dictus, ob factum & exemplum Chriſti Domini primò conſecratis Eucharistiā, nec non ob maiorem, quam habet cum illa analogiam, vt diximus. Alias etiam eſſet ceremonia Iudaica, conſecrare in fermentato, quia interdum præcipiebatur Iudæis vt illo, & non azymo, vt conſtat Exod. 7. & 23. Leuit. cap. 7. item vt aqua in Baptiſmo, quia pariter Iudæi lauacris, varijsq; baptiſmaticis utebantur. Qua ratione igitur Græci, pane fermentato vtentes, negant ſe tali eius vſu iudaizare, aut

Iudaicam ceremoniam ſeruare, quia ſcilicet non faciunt more, & affectu Iudaico, neque ex veteris legis obligatione, ſic etiam nec Latini vtendo azymo iudaizant, quia tantum exemplo Chriſti, & affectu erga illum hoc totum faciunt.

Secunda obiectio eſt, quia ſolus ille panis eſt vera, ſufficiensque materia Sacramenti Eucharistiæ, qui propriè eſt vſualis; ſed panis azymus non eſt panis vſualis, ſed ſolus fermentatus, vt conſtat experientia; Ergo azymus panis, aut non eſt ſufficiens materia Eucharistiæ, aut ſaltem non eque apta, ac panis fermentatus.

Reſpondetur ad hoc argumentum concedendo Maiorem, & negando Minorem, ſi procedit, vt deber de panis ſimpliciter, ac per ſe vſuali, non autem de pane ſolummodo per accidens non vſuali. Theologi enim communiter notant, aliquem panem dici vſualem duobus modis, vno per ſe, altero per accidens; & ſimiliter non vſualem iſdem duobus modis. Panis ille dicitur per ſe vſualis, qui conſecitur ex farina verè, & propriè triticea, ſubigitur aqua naturali, & concoquitur naturali calore ignis; vſualis verò per accidens ille, quem homines, ob defectum panis ex farina verè triticea modo nunc deſcripto conſecti, plerumque conſciant ex alijs granis, quam tritici propriè dicti, & aſſumunt in cibum, & alimoniam corporis, occasione ſterilitatis locorū, paupertatis, vel caritatis annonæ, aut alterius ſimilis circumſtantiæ; & panis iſte rectè etiam dicitur non vſualis per ſe, cum tantum per accidens, nimirum occasione prædictorum incommodorum, aſſumatur in ſupplementum veri panis triticei: ille autem panis dicitur tantum per accidens non vſualis, qui cum in ſeipſo, & ipſa ſui conſeſione habeat omnes conditiones in pane verè, & per ſe vſuali ſuperius requiſitas, nihilominus occasione minoris delectationis, quam habet, v.g. defectu fermenti, aut ſalis in aliquibus regionibus, poſtponitur

nitur cōmuniter alteri carenti tali defectu, indeque maiorem delectabilitatem habenti; quemadmodū enim esse magis, & minus delectabile, habet se merè per accidens, ad rationem vini propriè dicti, ut patet ex eo quod inter vera vina dantur alia alijs suauiora: sic etiam maior, & minor delectabilitas habet se merè per accidens ad verum, & propriè dictum panem triticeum.

In responsione igitur ad obiectionē, asserimus panem azymum, esse panem simpliciter, ac per se vsualem, solumque posse dici per accidens non vsualē, quia ob minorem in eo, quam in fermentato repertam delectabilitatem, isti in esu communi solet postponi; vnde sicut vinum minus alio delectabile, semper est sufficiens, ac legitima materia Dominici calicis consecrandi, quia maior, & minor suauitas habet se tantum per accidens, ad formalem rationem vini verè vitiginei, & propriè dicti; sic etiam panis ille azymus, quo Latina Ecclesia vtitur, est sufficiens, atque legitima materia pro conficiendo corpore Christi Domini, quia minor illa suauitas, quæ in eo reperitur, semper relinquit in illo formalem rationem veri panis triticei, per se, & natura sua vsualis. Nec ea maior delectabilitas, quam habet panis fermentatus, facit, ut sit aptior, & conuenientior materia, Eucharistiæ, quam azymus, etsi enim inde panis, vbi assumitur in cibum, & alimoniam corporis, possit dici illi aptior, & conuenientior, non tamen vbi assumitur pro materia spiritalis: alimonie in augustissimo Eucharistiæ Sacramento, ob rationes superius allatas.

Dici etiam potest Christum Dominum instituisse Eucharistiā absolutē in pane propriè, & per se vsuali, etiam si illam consecraret in azymo, quatenus tempore eius institutionis, non erat alius, ut vidimus supra, panis vsualis Iudæis, quam azymus.

Tertiò obijciatur, si panis azymus necum sufficiens, sed insuper conue-

nientior esset materia Eucharistiæ sequeretur, quod Sacerdos Græcus posset in eo non solum validè, sed etiam licitè consecrare, cuius tamen oppositum docent omnes fere Doctores: Ergo &c.

Solutio huius obiectionis petit, ut vltimo loco explicemus, quinam possint, vel debeant, uti azymo, siue quod idem est, an, supposito, quod vterque panis fermentatus, & azymus, spectata præcisè Christi Domini institutione, sit materia sufficiens consecrando corpori Christi, par quoque sit conditio vtriusque panis, respectu corporis Christi Domini consecrandi, ac est veri vini rubri, & albi, respectu calicis, seu sanguinis Christi Domini pariter consecrandi. Pro quo fit.

Tertia conclusio, tam Græcis, quam Latinis, licet Ecclesiæ suæ consuetudinem obseruare. Hæc conclusio est communis, & certa inter Doctores, illamque docet Leo IX. in epist. ad Michaelem Patriarcham Constantinopolitanum cap. 29. vbi Latinorum consuetudinem defendens subdit, eam esse Romanæ Ecclesiæ moderationem, ac prudentiam, ut cum tam extra, quam intra illam multæ sint Græcorum Ecclesiæ, nullam à paterna sua traditione, proprioque ritu perturbet, sed potius eum seruari moneat, quod etiam nunc in Romana Ecclesia videmus obseruari. Vnde patet iure diuino neutrum horum esse præceptum, quia solum Christi factum non sufficit ad inducendum præceptum: nam licet, exempli gratia consecrauerit in vino albo, aut hora noctis, non ideo præcepit nos ita consecrare. Non solum autem ex alio testimonio scripto aut tradito, non potest huiusmodi præceptum colligi, quin potius nullū tale esse, clarè arguit Ecclesiæ consuetudo, qua tam Græcis, quam Latinis semper licuit Ecclesiæ suæ ritum sequi.

Quarta conclusio. Sacerdos Græcus celebrans in Ecclesia Græca tenetur consecrare in fermentato, Latinus ve-

ed Sacerdos celebrans in Eccleſia Latina tenetur conſecrare in azymo. Iſta conſuſio habetur in Concilio Florentino ſeſſ. vlt. in decreto; vbi conſecratio corporis Chriſti non permittitur cuilibet Sacerdoti indifferenter in pane fermentato, vel azymo, ſed è contrario verbis expreſſis; *Vnuſquiſque Sacerdos iubetur illud conſecrare in azymo, vel fermentato, iuxta ſua Eccleſia, ſive Occidentalis, ſive Orientalis conſuetudinem.* Vnde ſumitur ratio noſtræ conſuſionis; Vnuſquiſque in celebratione, & adminiſtratione Sacramentorum tenetur ſequi honeſtum morem, & ritum Eccleſiæ, in qua illa adminiſtrat, ſiquidem quodlibet membrum tenetur ſe ſe conformare capiti corporis ſui, præſertim ſi in hoc accedat lex, vel decretum Eccleſiæ Vniuerſalis; ſed ritus Eccleſiæ Græcæ habet, vt Græcus Sacerdos celebrans in ſua Græca Eccleſia, conſecret tantum in fermentato, Latina verò, vt Latinus Sacerdos celebrans in Eccleſia Latina conſecret ſolum in azymo, & vtrumque ritum Eccleſia vniuerſalis nedum approbavit, ſed inſuper iuſit, vnuſquemque Sacerdotem debere ſequi in illo ſuæ Eccleſiæ, ſive Orientalis, ſive Occidentalis conſuetudinem; cum vnaquæque ſuam habeat honeſtatem, ſuasque rationes; adeò vt ſi Græci redirent ad vnitatem Eccleſiæ, non poſſent ſine alio conſenſu totius Eccleſiæ talem conſuetudinem abrogare, ob prædictum Concilij Florentini decretum: Ergo Græcus Sacerdos celebrans in Græca Eccleſia tenetur cōſecrare in fermentato, & Latinus celebrans in Latina conſecrare in azymo; nullaque priuata perſona, aut particularis Eccleſia poteſt in hoc diſpenſare, præſertim quæ legem vniuerſalis Eccleſiæ abrogare, & immutare.

Per quod patet ad tertiam obſectionem ſuperius allatam contra ſecundam conſuſionem; quod enim poſſit, vel non poſſit Græcus Sacerdos conſecrare in azymo, non fundatur in hoc, quod

plures ſint rationes honeſtatis, & maior congruentia in pane azymo, quam in fermentato; ſed in ipſa praxi Eccleſiæ, quam quilibet tenetur ſequi, accedente maxime circa talem praxim, vel obſeruantiam decreto vniuerſalis Eccleſiæ: Quemadmodum enim in moraliſus plerumque contingit, vt maius bonum non ſit in præcepto, minus verò ſit; ita poteſt fieri in praxi Sacramentorum, vt materia minus conueniens ſit in præcepto, magis verò conueniens minimè.

Si quis autem dicat non debuiffe ab Eccleſia vniuerſali approbari, minusque præcipi ritum Eccleſiæ Græcæ conſecrandi in fermentato, ex eo quod ipſa ſit ſchiſmatica; Reſponderetur eam in hoc præciſè factò non eſſe ſchiſmaticam; aliud enim eſt improbare morem Eccleſiæ Latinæ, aſſerendo illum eſſe contra veritatem, & reuerentiã Sacramenti; aliud verò ſeruare ſuã propriam conſuetudinem; ſiquidem illud prius pertinet ad ſchiſma, & hæreſim, ideoque tenentur omnino Græci illud vitare, vt in illo Eccleſia Latina eos pro hæreticis habet, & condemnat; hoc autem poſterius, non pertinet ad ſchiſma, ſed ad quamdam conſuetudinem honeſtam, accidentaliter, duntaxat diſtinctam, ab ea quæ ſeruatur in Eccleſia Latina, quam ipſa proinde præcipere potuit, tenenturque Sacerdotes Græci obſeruare vt patet ex dictis. Idque ſub peccato mortali, obligatio enim rei alicuius faciendæ ſub tali culpa, colligitur tam ex grauitate rei præceptæ, quàm ex magnitudine poenæ impoſitæ tranſgredientibus iſtud præceptum; ſed conſecratio Eucharitiæ, cum ſit nobiliſſimum Eccleſiæ Sacramentum, eſt res grauis, magnique momenti: item priuatio officij, & beneficij in perpetuum, eſt Sacerdoti maxima poena, propter mortale peccatum ſolummodo inſiſſenda, quam capite finali de celebratione Miſſæ legimus fuiſſe impoſitam Latino Sacerdoti, eo quod in fermentato conſecrerat: Igitur cum eadem ſit ratio Græci Sa-

ei Sacerdotis cōsecrātis in Ecclesia Græca, ac Latini in Latina, obligatio cōsecrādi in fermentato Græci, sicut & in azymo respectu latini, est sub culpa mortali.

Quinta conclusio : Si Latinus Sacerdos tantum peregrinetur apud Græcos; Græcus apud Latinos, tunc quilibet eorum debet seruare ritum suæ Ecclesiæ in consecrando. Ista etiam conclusio est communis inter doctores, colligiturque tam ex citata Leonis IX. epist. cap. 19. quam ex citato quoque decreto Concilij Florentini, vbi statuitur, *unumquemque Sacerdotem debere consecrare iuxta ritum suæ Ecclesiæ*; at Latinus Sacerdos peregrinans est Latinæ Ecclesiæ, quia tunc respectu Græcorum, est alienigena, quemadmodum & Græcus, peregrinans, apud nos, est Ecclesiæ Græcæ, vnusquisque ergo ipsorum tenetur seruare consuetudinem suæ Ecclesiæ, Latinus consecrando in azymo, Græcus in fermentato.

Cui non obstat, quod communiter docent Theologi peregrinum teneri, aut saltem posse obseruare leges loci, in quo, & per quem transit; Præterquàm enim responderi potest præfata decreta speciali iure derogasse communi isti obligationi, aut licentiæ, cum expressè dicant, vtrumque debere sequi consuetudinem suæ Ecclesiæ; insuper additur has consuetudines, non tam esse consuetudines diuersorum locorum, particularium, quam generales quosdam ritus vtriusque Ecclesiæ, quas quādiu Latinus Sacerdos censetur esse membrum Ecclesiæ Latine, & Græcus Græcæ, vt contingit, quando Latinus Sacerdos tantum peregrinatur apud Græcos, & Græcus apud Latinos, ibique habitant alicuius tantum negotij consuecendi gratia, ad suos reuersuri, tenentur omnino seruare.

Sexta Conclusio, si Latinus Sacerdos commoretur apud Græcos non vt peregrinus, sed vt incola, neque ibi habeat propriam Ecclesiam Latinorum, tunc debet consecrare in fermentato, Græcus autem in azymo, si pariter commo-

retur apud Latinos, vt incola, neque habeat propriam Græcam Ecclesiam. In hac etiam conclusione conueniunt Theologi, cuius prima pars probatur ex præfatis decretis statuētibz, vnumquemque teneri sequi ritum suæ Ecclesiæ, sed tunc propria Ecclesia Sacerdotis latini est Græca, item propria Ecclesia Græci est Latina, nam eo ipso quo habent ibi fixum domicilium, cum animo permanendi, sunt partes istius Ecclesiæ, sicut in republica ciuili quicumque extraneus sit illius pars; Tunc igitur Latinus Sacerdos tenetur consecrare in fermentato, & Græcus in azymo.

Altera conclusio pars probatur, tum ex eo quod Leo IX. citata epistola conqueratur, quod Græci non permitterent, Latinos in suis Monasterijs, & in Ecclesijs; quas habebant in terris Græcorum, consecrare in azymo; tum experientia ipsa, qua Romæ Græci in suis Ecclesijs consecrant in fermentato, & Latini Constantinopoli in azymo; tum denique ratione, quatenus istæ Ecclesiæ, vel Monasteria eo ipso quo omnium consensu obtinentur à Latinis, & Græcis respectiue, seruanturque illis solis, censentur induere rationem, & cōditionem terræ, & regionis Latinæ Ecclesiæ, vel Græcæ; Igitur sicut oportet Latinum sacerdotem apud Latinos commorantē consecrare in azymo, & Græcum apud Græcos in fermentato; ita etiam & Latinum apud Græcos manentem consecrare in solo azymo, in Ecclesijs, & Monasterijs proprijs Latinorum, & similiter Græcum Sacerdotem in eodem casu consecrare in fermentato.

Cum satis pateat ex dictis, præceptū de faciendā consecratione in azymo esse tantum iuris Ecclesiastici, si quis inquirat, vtrum Latinus Sacerdos possit licitè, seu absque peccato consecrare in fermentato, vbi & quando aliquis casus necessitatis occurrit, v. g. celebrandi Missam in die Paschæ, ministrandi viaticum morienti; Respondent communiter Doctores, in nullo casu posse, quod etiam esse dicendum asserunt de

Sacer-

Sacerdote Græco conſecrante in Eccleſia Græca reſpectu azymi; de quo, nec non de tota hac controuerſia videri poſſunt cū Diuo Thoma 3. parte q. 74.

C A P U T XX.

Statuitur contra Armenos, vinum aqua mixtum eſſe legitimam calicis Domini conſecrandi materiam.

C^UM Aquarij hæretici, & Ebionitæ apud SS. Epiphanium hæreſi 30. & Auguſtinum hæreſi 64. longe ante docuiſſent, non in vino, ſed in aqua pura calicem Chriſti Domini eſſe conſecrandum, poſtea Armeni, vt conſtat ex ſexta Synodo Conſtantinopolitana in Trullo habita can. 32. & Nicephoro lib. 12. Hiſtor. Eccleſ. cap. 58. affirmare per oppoſitum cæperunt, nihil aquæ eſſe apponendum calici, ſed eum conſecrari debere in puro, & ſolo vino. Vnde in Conciliabulo Monachienſi paucorum Epiſcoporum hæreticorum ante annos fere mille præcipitanter celebrato à Ioanne Oſnienſi Patriarcha, in gratiam Homariſ Saracenorum Ducis, vt Armenam Eccleſiam à Catholica ſepararet, primùm in eam introductus fuit mos non amplius miſcendū aquam vino Sacri Calicis. Et quamvis in duobus vltimis ipſorum Concilijs, Siſenſi, & Adanenſi, in hunc præcipuè finem canonicè, ac generaliter congregatis, præcepta expreſſè fuerit vini, & aquæ mixtio ad ſacri calicis conſecrationem; nihilominus Vartanus lib. de monit. cap. 4. Stephanus Siu- nienſis lib. 2. contra Diaphyſitas cap. vlt. Gregorius Dattienſis in lib. interrogat. tract. de Sacrament. cap. de Euchariſtia, aliique plures Armeniorum Pſeudomagistri præfato potius conciliabulo adherentes, ritum ab eo præfixum ſequendum eſſe docuerunt.

Quia autem aquam vino miſceri debere, poteſt intelligi dupliciter, primò neceſſitate Sacramenti, ſecundò neceſſitate præcepti, vel diuini, vel Eccleſia-

ſtici, notandum eſt primò præſentem, controuerſiam non procedere priori modo; & ſi enim aliqui apud Sanctum Bernardum epiſt. 69. ad Guidonem putauerint iſtam mixtionem aquæ eſſe de eſſentia calicis Domini conſecrandi, communis tamen Theologorum ſententia eſt omnino oppoſita. Secundò, cum nō minori conſenſu doceant prædictam admixtionem aquæ non eſſe præceptam iure diuino, ſiue quod idem eſt, non eſſe neceſſariam neceſſitate præcepti diuini, de hac quoque inter nos, & aduerſarios non eſt quæſtio, ſed tantum de neceſſitate præcepti Eccleſiaſtici; ipſis enim id negantibus, Catholici omnes conſtanter affirmant, neceſſitate præcepti Eccleſiæ debere miſceri aquā vino conſecrando, atque adeo vinum aqua mixtum eſſe legitimam ſacri calicis conſecrandi materiam.

Prima huius veritatis declaratio habetur in epiſt. 1. Alexandri Papæ I. *Non debet, inquit, ut à Patribus acceptimus, & ipſa ratio docet, in calice Domini, aut vinum ſolum, aut aqua ſola offerri, ſed utrumque permixtum &c.* idem proſus docent Anicetus apud Burchardum lib. 5. cap. 29. & apud Iuonem part. 2. cap. 32. Iulius de Conſecratione diſt. 2. Innocentius III. lib. 2. myſt. Miſſæ cap. 58. Honorius III. C. *pernitioſus* de celebratione miſſæ.

Ex Concilijs autē Generalibus, Conſtantinopolitanum Trullanum, Quiniſextum dictū, Armenios de hoc errore non admiscendi aquam vino in Sacrificio Miſſæ, qui recens in eos irrepreſerat, reprehendens ait Can. 32. *Quoniam ad noſtrā cognitionem peruenit, quod in Armenorum regione vinum tantum in Sacra menſa offerunt, aquam illi non miſcentes, qui incruentum ſacrificium peragunt, &c.* Si quis ergo Epiſcopus, vel Presbyter non ſecundum traditum ab Apoſtoliſ ordinem facit, nec aquam vino miſcens ſic immaculatum offert ſacrificium, deponatur, vt imperfecet, ac ſimpliciter myſterium annuncians, & quæ tradita ſunt innouans.

Concilium Florentinum sess. vlt. in doctrina de Sacramentis, iisdem præcipit Armenis, ut deinceps in calice sacro vinum aqua temperent, quia omnes Ecclesiæ Latinorum, & Græcorum ita semper fecerunt; & addit: *Agna ideo admiscetur vino; quoniam iuxta testimonio Sanctorum Patrum, & Doctorum Ecclesiæ creditur, ipsum Dominum in vino aqua permixto instituisse hoc Sacramentum; deinde, quia hoc connenit Dominica Passionis representationi.* Concilium denique Tridentinum sess. 22. cap. 7. *monet præceptum esse ab Ecclesiâ Sacerdotibus, ut aquam vino in calice offerendo, miscant; tum quod Christum Dominum ita fecisse, credatur, tam etiam, quia è latere eius aqua simul cum sanguine exierit; quod Sacramentum hac mixtione recolitur: & cum aqua in Apocalypsi B. Ioannis populi dicantur, ipsius populi fidelis cum capite Christo unio representatur.*

Plura etiam sunt Concilia particularia, ubi eadem veritas habetur, Carthaginense III. cap. 24. Aurelianense IV. cap. 4. Antiochodorense cap. 8. Bracarense III. cap. 1. Vvormatiense cap. 4. Triburiense cap. 19. citans epistolam Alexandri successoris Euaristi, tum Silense, & Adanense, potissimum aduersus Armenos vrgenda, cum ad rem hanc excutiendam generaliter fuerint congregata, & post accuratam sacrorum librorum inspectionem, ac disputationem, cum aduersariis habitas, in quibus singulæ eorum nugæ doctissimè fuerunt refutatae, decretum tandem fuit sub grauissimis censurarum pænis, ut ritus ille offerendi purum vinum in sacrificio ab Armenis Ecclesiis penitus tolleretur. Adeo vt mirum sit, quomodo idem abusus, à tot tantisque Armenis Patribus synodice reiectus, in Armena ipsâ Ecclesiâ hæcenus perseueret.

Quamuis autem nullus sit scripturæ locus, in quo expressè habeatur, quod Christus vinum aqua dilutum in vltima cæna consecraret, id tamen satis colligi videtur ex eo, quod Euangelistæ, ac Diuus Paulus hanc rem commemo-

ranter dicunt, fuisse à Christo acceptum & Apostolis propinatum, non purum vinum, sed calicem, id est poculum, in quo vinum aqua temperatum fuisse verisimile est; tum, quia erat hoc maxime solitum in ea calidissima regione, ubi fortissima vina crescunt, debebatque proinde infusa aqua vis illorum non nihil infringi; tum etiam, quia non videtur credibile, in frugali Domini mensa, contra hunc morem, vinum fuisse adhibitum, quod aqua temperatum non esset.

Cæterum pro hoc ritu, quodque Ecclesiâ iure merito illum præcipere potuerit, habemus ipsummet Ecclesiæ Orientalis, & Occidentalis usum, tum Sanctorum, ac veterum vtriusque Patrum irrefragabile testimonium, qui hanc calicis mixtionem ab Apostolis, eorumque discipulis acceptam fuisse, vnanimiter attestantur. Ex Græcis Iustinus Martyr in apologia 2. ad Antoninum Pium, Irenæus lib. 4. cap. 57. & lib. 5. cap. 2. Basilii in sua Liturgia, Chrysostomus ibidem, vnde quod ait homil. 83. in Mattheum, *Christum Dominum post resurrectionem, bibisse vinum, & non aquam, ut improbam hæresim extirparet, & doceret in vino esse consecrandum*, quodque potissimum fuit aduersariorum fundamentum, ut habetur loco superius citato Sexti Concilii Constantinopolitani, nihil prorsus fauet eorum errori, cum idem Concilium expressè dicat mentem, & sensum Sancti Chrysostomi tantum fuisse, quod consecratio Dominici calicis non sit facienda in sola, & pura aqua, ibi enim disputat contra hæresim aquariorum, qui id asserbant, eam autem in consecratione calicis vino esse apponendam probet ex doctrina, quam ipsemet S. Chrysostomus tradidit Ecclesiæ Constantinopolitanæ in citata Liturgia, quando, inquit, *& sua Ecclesiâ, ubi est illi pastoralis administratio tradita, aquam vino miscendam tradidit, quando inuentum peragere sacrificium oportet.* Philo Carpathius in cantica, ad illud, *Potabo te in*

vinum

uino aromatica, & illud aliud, *Vmbilicus tuus crater tornabilis*: Proclus Conſtantinopolitanus de ordinatione diuinæ Liturgiæ. Theodoretus. dialogo 1. Germanus Conſtantinopolitanus in Theotia. Ioannes Damascenus lib. 4. de fide Orthodox. cap. 14. Samonas Gazaſis de Corpore, & ſanguine Chriſti. Theophilaſtus in cap. 19. Ioannis. *Confundantur*, inquit, *Armenij, qui non admifcent in myſteryis aquam vino*. Nicolaus Methonenſis ad eos, qui hæſitant de corpore, & ſanguine Chriſti. Theodorus Baſamon in Synodi Carthaginæſis canonem 40. aliique deinceps Doctores Græci, quos notandum eſt vocare calicem conſecrandum crama, quod teſte Plutarcho lib. de ſanitate, tuenda ſignificat vinum aqua mixtum, ſeu potum vini aqua mixti.

Patribus Græcis ſuffragantur Latini. Cyprianus lib. 2. epiſt. 3. Ambroſius lib. 4. de Sacramentis cap. 4. & 5. & lib. 5. cap. 1. Hieronymus in cap. 4. Marci. Auguſtinus lib. 4. de doct. Chriſti. cap. 21. & traſt. 120. in Ioannem. Eucherius Lugdunenſis homil. 5. de Paſcha. Genadius Maſilienſis lib. de dogmat. Eccleſiaſt. cap. 75. Beda ad cap. 14. Marci. Haymonius in Paſſionem Domini ſeculum Marcum; Chriſtianus Druthmarus ad cap. 26. Matth. Rabanus Maurus lib. 1. de inſtitut. Clericorum c. 31. Paſchaſius Ratbertus de corpore, & ſanguine Domini cap. 11. Anſelmus ad cap. 9. epiſt. ad Hebræos, cæteriſque deinceps.

In omnibus denique Liturgijs, Diui Petri, D. Iacobi, D. Marci, D. Clementis, Diui Baſilij, D. Ambroſij, D. Ioannis Chryſoſtomi, Aethiopum, expreſſa ſit mentio, huius moris aquam in ſancto calice miſcendi vino, quod in miſſa conſecrandum eſt; nec non in omnibus authoribus, qui de diuinis officiis, ac ſacrificio miſſæ ſcripſere, Iſidoro Hiſpalenſi lib. 1. de Eccleſ. officiis. cap. 18. Alcuino eſt. 39. VValafrido Strabone cap. 16. Amalario Treuirenſi lib. 3. cap. 19. Remigio Anti-

Biblioth. Theol. Tom. V.

ſiodorenſi cōmentario de aſſione Miſſæ. Ioanne Micrologo de Eccleſ. obſeruat. cap. 10. Ruperto Tuitienſi lib. 2. de diuinis officiis. cap. 21. Ioanne Beletmo Durando lib. 4. rationalis diuin. offici. cap. 30. & aliis deinceps.

Ex quibus omnibus clarè apparet, quam fabuloſè, & mendaciter Siuiniſis, & Dartiuienſis ſuperius citati, aſſeruerint, Apoſtolos, veteresque poſt eos Patres oppoſitum tradiſſe, viſque ad Chalcedonenſis Concilii tempora; ſiquidem omnes, iam à nobis adducti Patres, qui primis quinque floruerunt ſæculis, ſive ad annum Chriſti 451. quo Chalcedonenſe Concilium celebratum eſt contra Eutichetem, & Dioſcorum, expreſſis verbis præſatam ſacram mixturem fieri debere, atque ab ipſo Saluatore factam fuiſſe, tradunt ſummo conſenſu, vt videri poteſt locis à nobis citatis.

Rationes autem, ſeu congruentiæ, cur in conſecratione calicis aqua debeat vino admiſceri, plures ſunt. 1. ad ſignificandam vñionem humanitatis cum diuinitate in Chriſto Domino. 2. ad denotandam gratiam, quæ conferitur per hoc Sacramentum, in quo ipſe fons vitæ exiſtit: nam paſſim in ſacris litteris aqua ſignificat gratiam. 3. ad repræſentandum cruentum ſacrificium Crucis, cuius commemoratiuum eſt ſacrificium Miſſæ, ſiquidem ex latere Chriſti Domini pendens in Cruce fluit non tantum ſanguis, ſed & aqua, Ioannis 19. quam fuiſſe veram, & naturalem aquam docet Innocentius II. Extra. de celebratione Miſſarum cap. in quadam. 4. ad ſignificandam vñionem Chriſti Domini cum populo Chriſtiano, quæ per hoc Sacramentum efficitur. Et ſic de aliis myſticis ſignificationibus, de quibus videri poſſunt ſuperius citati Patres, & Doctores, per iſtam admixturem repræſentatis, ob quas maxime fieri debet, non autem ſolum, vel ob gentis conſuetudinem, vel ob ſobrietatem, licet iſtæ duæ ra-

B b b b b 2 ratiōne-

iones sint sufficientes, vt verisimiliter credamus Christum Dominum de facto in consecratione sanguinis sui, inter coenandum, vsum fuisse vino aqua temperato, vt notauimus supra.

Per quod patet ad obiectionem hæreticorum nostri temporis, propterea docentiam admixtionem aque esse rãtã ceremoniam quamdam indifferentem, nec præcipi debere, quia non habet rationem materiæ propriè dictæ pro consecratione Eucharistiæ; *Improbamus*, inquit Musculus in locis communibus cap. de cena Domini, *vsum illum, quo aqua vino in calice admiscetur à Papistis, idque non libera obseruatione, quod ferri possit, sed vsque adeo necessarium, ut eos damnet, qui solo vino absque aqua viuunt, &c. Non dubito in Orientalibus regionibus, ubi fortissima vina crescunt, catholicum fuisse morem infusa aqua vim vini nonnihil infringere. Ex eo tamen non debebant ponere legem Ecclesiis, & vsum vulgarem mysticis expositionibus palliare, & damnare eos, qui sine aqua mixtionem communicant.*

Respondetur enim, hæc duo valdè distingui, non esse de essentia rei aliquis in ordine ad humanos, & morales actus, & esse indifferens; nam in rebus eiusmodi dantur multæ circumstantiæ, quæ non spectant propriè ad earum essentiam, aut substantiam, & tamen sunt in aliquo præcepto, siue quod idem est, non sunt indifferentes, aut ad liberam obseruationem pertinentes, eo quod vel Rex, vel Respublica illas iusserit, ob graues aliquas rationes, vt videre est in contractibus, & aliis rebus similibus. Pari modo licet admixtio aquæ non sit de substantia materiæ calicis consecrandi, nihilominus supposito semel Ecclesiæ præcepto, & vñ, quo potuit, & voluit illam sacerdotibus consecrantibus præcipere, ad exemplum Christi Domini, & propter significationes supra explicatas, non est amplius ceremonia quædam indifferens, sed necessario obseruanda; ita vt sine illa sit quidem vali-

da, sed omnino illicita consecratio eallicis. Vnde quod iidem hæretici dicunt Armenos consecrassè in puro vino, vsquè ad Concilium Florentinum, nec propterea fuisse reprehensos tanquam de re illicita, falsum est; nam vt vidimus supra Concilium Constantinopolitanum VI. longè ante Florentinum, celebratum, quamprimum sciuit hunc eorum errorem, subito eisdem grauitè arguit, iussitque eorum sacerdotes consecrare in vino aqua mixto, sub pœna depositionis; quod autem hoc non obstante, nec etiam Concilio Florentino, vbi idem iussum fuit, cuique subscripserunt, & promiserunt se in omnibus, & singulis fideliter obtemperaturos, deniò consecrauerint, & adhuc consecrent in puro vino, non magis fauet hæreticis, quam quod Græci post Concilium Florentinum cui subscripserunt pro processione Spiritu sancti à Patre, & Filio, nunc post iteratum schisma, velint Spiritum sanctum à solo Patre procedere, quod tamen nec Lutherani, nec Calvinistæ admittente esse orthodoxum.

Supere est vt breuiter explicemus, quæ certitudine tenendum sit, admiscendâ esse aquam vino consecrando, cum enim tam Eugenius IV. in citato decreto, quàm Concilium Tridentinum sess. 22. cap. 7. dicant, *Christum Dominum credi miscuisse aquam vino in calice offerendo*, & Eugenius addat, *id esse iuxta testimonia Sanctorum Patrum*, quorum consensus, & traditio, vt alias diximus, arguit rem aliquam esse de fide, ad eandem quoque pertinere videtur, ad exemplum Christi Domini, miscendam esse aquam vino in calice consecrando, ita vt qui id negauerit censeatur verè hæreticus, vt affirmat Vasques 3. p. quæst. 74. disput. 179. num. 8.

Melior tamen videtur esse sententia opposita, etsi enim post præfata Concilia, vbi res diligenter examinata fuit, ac discussa, non potest negari sine nota grauissima temeritatis, quod Chri-

stus

rus Dominus consecrando calicem ei admiscuerit aquam, nihilominus, si agatur de rigore Theologico, non est propriè de fide, vt apertè docet Sæctus Thomas 3. part. quæst. 74. art. 6. in corpore, vbi ait, *id probabiliter credi*; Illud enim solum est de fide, quod habetur à Deo reuelatum vel expressè in sacris literis, vel ex traditione Patrû, & consensu, non quomodocumque cõsiderato, sed vt in rem de fide, indeque ab Ecclesia vt tale definitum fuit: sed nullibi reperitur expressè in sacris literis Christum Dominum fecisse hanc mixtionem, nec Patres in illam, vt in rem de fide, quod appareat ex modo loquendi ipsorum, consentiunt, vel vt talis ab Ecclesia in prædictis Concilijs definita, imo ex modo quo ista particula, *creditur*, applicatur ibi rationi, quam reddunt institutionis talis præcepti, videtur potius significari pura fides, & credulitas Ecclesiastica, quæ in gradu certitudinis est inferior fide Catholica; nec enim vllatenus contemnunt sententiam contrariam, vt hæreticam: Propriè igitur ad fidem Catholicam non pertinet, quod Christus Dominus admiscuerit aquam vino in calice consecrando: per quod pater ad fundamentum oppositæ sententiæ.

Vndè colligitur, primo Armenos nõ esse præcisè hæreticos ex eo, quod id negent, nec secundo ex eo, quod existiment, vinum purum, sine vlla aquæ mixtione, esse sufficientem calicis consecrandi materiam, vt enim diximus, & supponimus tanquam certum, mixtio aquæ non est de essentia Sacramenti pro calice consecrando, sed solum vinum, etiam admissio quod Christus illi aquam admiscuisset, nam ex dictis superiori capite, pro consecratione Corporis Christi in pane azymo, Christus Dominus non præcepit omnes, & singulas actiones, vel ceremonias, quibus est vsus in institutione, & prima consecratione huius Sacramenti, aut eos ad illius essentiam pertinere voluit, nisi aliunde id nobis certò constet,

quod in præsentī casu non ita se habere diximus. Possunt tamen esse hæretici, primò si dicant, vinum aqua temperatū, ita tamen vt per excessum illius supra quantitatem vini species eius nõ soluatur, non esse sufficientem materiā consecrandi calicis; secundo si dicant, Ecclesiam non habere auctoritatem, instituendi aliqua ad maiorem Sacramentorum solemnitate pertinentia, qualis est ceremonia admiscendi vino consecrādo paululum aquæ, cum enim materia calicis consecrandi possit duobus modis spectari; primò, tantum in ordine ad constituendum formaliter Sacramentum, & ad hoc, vt accidentia habeant sub se, per prolationem formæ consecratorię, ipsum sanguinem Christi Domini; secundo in ordine ad repræsentationem, & significationem mysticam, quam supra docuimus ex Concilijs, & Patribus denotari per hanc admixtionem; licet primum superet Ecclesiæ auctoritatem fundeturque in institutione diuina, qua solum vinum est de substantia materiæ calicis Domini consecrandi, secus autem secundo, præsertim cum hæc admixtio aquæ, vt inter præparandam materiam calicis consecrandi facta, non solū per Christum non fuerit exclusa, sed ab ipso met potius vsurpata, vt dictum fuit, quando Augustissimum Eucharistię Sacramentum in vltima cæna instituit.

Cœterum si Armeni neutrū ex istis negent, sed tantum afferant consecrationem Domini calicis esse faciendā in solo vino absque vlla vel modica aquæ admixtione, quia credunt Christum ea vsum non fuisse, ideoque non teneri in hoc obedire Ecclesiæ, non tam hæretici, quàm Schismatici, & inobedientes sunt æstimandi, eorumque panis obnoxij.

Quale tamen sit peccatum omissio huius mixtionis; Theologi communiter docent esse mortale, colliguntque tūm ex eo, quod sit contra vniuersalem consuetudinem totius Ecclesiæ, vt patet tam ex citato canone Trullano, quam

quàm ex citato decreto Eugenij, in re graui, vt pote ad Augustissimum Eucharistiæ Sacramentum, totalemque, & completam eius significationem pertinente; tum etiam ex pœna; relato canone Trullano imposita, quod Sacerdos in puro consecrans vino debeat deponi; nec non capite finali de celebratione Missarum, cum enim sit grauissima, indicat quoque culpam hanc esse mortalem. Per acciden- tam tamen, posse esse venialem communiter asserunt iidem Theologi, exempli gratia, quando fit per obliuionem, ignorantiam, vel negligentiam excusantem à peccato mortali, vt accidit in aliis materiis. Tantùm sufficiat pro præsentì contro- uersia, de qua videri potest Diuus Thomas cū Interpretibus suis 3. par. quæst. 74. quæ autem ab illis disputantur de transitu aquæ admixtæ calici consecrando in sanguinem Christi Domini, quomodocumque explicentur, nihil Rati- onis huc vique veritati officiunt, in fauorem aduersariorum.

CAPVT XXI.

Statuitur aduersus Iacobitas, dari verum Pœnitentiæ Sacramentum, illudque non confici, nisi per confessionem pœnitentis, & absolutionem Sacerdotis.

Quem habent errorem Iacobitæ, nonnullique alij Orientales, circa Sacramentum Pœnitentiæ, negantes illud esse verè, ac propriè dictum Sacramentum, aut saltem confici per exomologesim, hoc est, confessionem pœnitentis, & absolutionem sacerdotis, quia est cõmunis omnibus ferè hæreticis Occidentis, ideo in sectione sequenti commodius aduersus illos omnes hanc controuersiam agitabimus.

CAPVT XXII.

Ostenditur contra Armenos nullum dari peccatum tam enorme, vel etiam tantam peccatorum multitudinem, quæ per pœnitentiam, aut in ratione Sacramenti, aut in ratione virtutis sumptam, deleri non possit.

Et si de Sacramento Pœnitentiæ Armenij rectè nunc sentiant, eo- que vtantur non aliter, quam Catholica solet Ecclesia; nihilominus circa potissimum eius effectum, qui est remissio peccatorum mortalium, tribuitur hic error ipsis, quod putent aliqua esse tam enormia, vel etiam in tanta multitudine, vt per pœnitentiam deleri non possint, vt refert Præteolus, viderique potest Armacanus lib. 9. de quæst. Armenorum cap. 27. de quo tamen nihil habet Clemens Galanus tom. 2. Conciliationis Ecclesiæ Armenæ cum Romana, sed tantum aduertit quemdam Vartanum tam mira fraude, atque astutia, doctrinam de pœnitentia disposuisse, vt nihil ad aliud spectare tandem videatur (quamuis de industria id apertè non efferat) nisi ad Exomologesim, sacramentalem scilicet confessionem, è medio suæ nationis tollendam.

Pro explicatione, & intelligentia huius controuersiæ, notandum est primò eam valdè distingui ab illa, quæ fuit olim inter Nouatianum Presbyterum, Romanum, tempore Sanctorum Martyrum Cornelij Papæ, & Cypriani Carthaginensis Episcopi; Nouatianus enim, cuiusque sectatores, licet eos, qui post susceptum baptismum inciderant in grauissima peccata, siue mortalia, exhortarentur ad pœnitendum de suis peccatis, & ad Deum sibi conciliandum per lachrymas, & alia id genus opera; negabant tamen dari aliquod remedium in Ecclesia, quo Episcopi, & Sacerdotes possent iure, & potestate sibi per Christum tradita illos Deo reconciliare: cõtendebantque illis à Deo duntaxat veniam

niam ſuorum eiſmodi peccatorum eſſe ſpectandam; & propterea ad communionem non eſſe recipiendos, ſicque nullam eſſe in Eccleſia poteſtatem ad remittendum illis peccatum. Ita habetur ex Socrate lib. 4. hiſt. Eccleſiaſt. cap. 13. item ex Sancto Paciano epiſt. 1. ad Simpronianum Nouatianum, ubi poſtquam introduxit Nouatianum reſpondentem Deum ſolum remittere poenitentibus ſua peccata, ita inſtat, *Verum eſt, ſed & quod per ſacerdotes ſuos facit, ipſius poteſtas eſt; nam quid eſt illud, quod Apoſtoliſ dicit, que ligaueritis in terris, ligata erunt & in calis, cur hoc, ſi ligare hominibus, ac ſoluere non licebat?* Ex huiusmodi enim verbis clare colligi videtur, Nouatianum amiſiſſe remiſſionem quorumcumque peccatorum in poenitentibus baptizatis, ſolumque voluiſſe illam non poſſe fieri per ſacerdotes aliqua poteſtate ſibi à Deo ad hunc effectum conceſſa, atque adeo negaſſe abſolute Sacramentum Poenitentiae. Confirmaturque ex eo, quod illius ſectatores poſtea hanc eius hæreſim ita temperarunt, vt voluerint eſſe quidem aliquod remedium, quo Eccleſia per poteſtatem clauium poſſit remittere leuiora peccata, non tamen grauiora, & magis atrociora, vt intelligitur ex S. Ambroſio lib. 2. de poenitent. cap. 3. Nam ſi Nouatianus id etiam amiſiſſet, non erat, cur eius ſectatores præſata vſi fuiſſent diſtinctione, eamque S. Ambroſius reiſciſſet tanquam doctri-nae Nouatiani aduerſam; cuius hæc ſunt verba loco citato: *Sed aiunt ſe exceptis grauioribus criminibus relaxare veniam lenioribus; non hoc quidem auctor veſtri erroris Nouatus, qui nemini poenitentiam dandam putauit, ea ſcilicet contemplatione, vt quod ipſe ſoluere non poſſet, non ligaret, nè ligando, ſperari à ſe faceret ſolutionem; in eo igitur patrem veſtrum propria damnatis ſententia, qui diſtinctionem peccatorum facitis, que ſoluenda à vobis eſſe putetis, & que ſine remedio eſſe arbitramini.*

At verò hæretici, cum quibus modo agimus, licet admittant nedum virtu-

tem, ſed & Sacramentum poenitentiae; tanquam externum remedium per Deum in Eccleſia inſtitutum pro remittendis peccatis poſt baptiſmum commiſiſ; negant tamen vtrique valorem ineſſe ad remiſſionem quorundam peccatorum, grauiſſimorum, quantumvis quis vno, vel altero modo perfectam eorum habeat poenitentiam.

Vnde notandum eſt ſecundò, duobus modis intelligi poſſe, talia peccata non poſſe auferri per poenitentiam. Primò, quia vera poenitentia haberi non poteſt. Secundò quia licet habeatur, non ſufficit ad tollenda illa peccata; præſens cōtrouerſia non primo procedit modo, ſed ſecundò; Eſti enim communiter Theologi doceant in tractatu de gratia, ſemper poſſe haberi in hac vita poenitentiam ſufficientem ad remittenda peccata in quacumque grauitate, & multitudine, non deſuerunt tamen aliqui, qui opinati ſunt, nonnullos peccatores interdum peruenire in hac vita ad eum ſtatum, & peccatorum cumulum, vt iam non valeant ſufficientem poenitentiam agere, qua exeat ab ſtatu peccati; cū autem duo requirantur ad veram poenitentiam agendam, ſcilicet libertas arbitrij, & auxilium gratiae, præſati Doctores non aſſerunt, veram poenitentiam haberi non poſſe à nonnullis peccatoribus, vel quod in hac vita amiſerint libertatem ſufficientem ad agendam poenitentiam, propter grauitatem, aut multitudinem peccatorum; vel quod diuinae gratiae virtus non inſit, ad vincenda omnia peccata, & poenitentiam agendam, illis non obſtantibus in quacumque grauitate, & multitudine; vtrumque enim eſt falſum, quia peccatum non tollit vſum rationis, nec facultatem voluntatis in ſe minuit, ſed ad ſummum, auget habitus prauos, & inordinatos affectus, quibus nihilominus poteſt voluntas dominari, vt cum Diuo Thoma docent omnes Theologi 12. queſt. 85. art. 1. & 2. nec non 3. p. qu. 86. art. 1. non de eſſe virtutem gratiae, ad inducendam poenitentiam omnium quantumvis atro-

atro-

atrocium peccatorum, esset enim contra Dei omnipotentiam, & contra excellentiam diuinæ gratiæ, hanc virtutē illi denegare, vt rectē Dīus Thomas aduertit, sed tantum volunt illam, quæ ad hunc effectum sufficit, gratiam interdum denegari aliquibus hominibus propter suorum peccatorum grauitatē, & multitudinem, loquunturque de gratia sufficiente non de efficaci, nam de hac posteriore, non est dubium, quin multis hominibus non detur.

Quo in sensu, cum possint vterius duo alii distingui, vnus, vt respectu ipsarum culparum, & in poenam earum, sit hæc lex à Deo generaliter statuta, vt quicumque tale peccatum commiserit, vel ad talem statum, & multitudinem peccatorum peruenierit, omnino priuetur auxilijs necessarijs ad penitentiam eorum agendam, etiam si multo tempore in hac vita maneat; Alter respectu personarum aliquarum; Deo ita se habente, vt eis denegat talia auxilia propter sua peccata, quauis alijs habentibus similia, vel maiora, non denegat; nam cuius vult miseretur, & quem vult indurat Roman. 9. Dicti etiam Doctores non loquuntur in primo sensu, satis enim constat ex scriptura, & ex ipso vsu, Deus ex omnibus statibus conuertisse aliquando grauissimos peccatores ad poenitentiam, & in omnibus ætatibus, & temporibus, vt intelligeremus nullum genus peccatorum hominum exclusum esse à misericordia Dei; sed tantum in secundo, cuius oppositus licet sit probabilior, cum tamen non esse censura dignum existimant multi Doctores in materia de gratia; Quare, si, cum dicitur aliqua peccata atrociora non posse auferri per penitentiam, quia vera penitentia haberi non potest, hæc propositio reducitur ad hunc vltimum sensum, manifestè patet præsentē controuersiam in eo cum aduersarijs nõ procedere, sed in altero, quod, licet vera habeatur penitentia, non sufficit tamen ad tollenda quædam peccata grauissima, v. g. apostasiam à fide, aut ne-

gationem Christi in tormentis &c.

Tertio notandum est, hoc quod dicitur, veram penitentiam non sufficere ad tollenda dicta peccata, posse prouenire, vel ex ipsamet natura penitentia, quæ, quantum vera, non habet virtutē illa delendi; vel ex voluntate Dei nolentis eam acceptare, ad hunc effectum; secundum legem ordinariam. In præsentī controuersia præcipuum difficultatis punctum non est, an vera penitentia, seclusa diuina voluntate, nec ne, habeat, vel non habeat ex sola perfectione, aut natura sua, virtutem delendi omnia, prorsus peccata, etiam grauissima, hoc enim forsitan problematicè disputari potest; verum ad hoc tandem reducitur, an de facto Deus, secundum legem ordinariam, prout illam nobis reuelauit, voluerit, nec ne, veram hominum penitentiam acceptare, ad aliquorum grauissimorum peccatorum remissionem; aduersarijs enim negatiuam partem tenentibus, nõs tanquam de fide certū asserimus, nullum dari peccatum tam enorme, quod deleri, nõ voluerit Deus, per veram penitentiam, aut in ratione Sacramentis, aut in ratione virtutis sumptam, nam eo ipso, quod actus contritionis, post institutionem Sacramenti Penitentia, illud includit in voto, iam omne peccatum, quod per penitentia Sacramentum potest remitti, dicendū est, auferri etiam posse, per contritionem includentem votum eiusdem Sacramentis, iuxta doctrinam Concilij Trident. sess. 14. c. 4.

Prima huius veritatis definitio habetur in Concilio Generali Nicæno. I. can. 8. Tum Lateranensi, sub Innocentio III. relato cap. firmiter; Extra de Summa Trinitate, & Fide Catholica; ibi enim Concilium distinguit duplicem statum hominis adulti, vnum ante susceptionem baptismi, & ait, *Baptismum rite ei collatum proficere ad salutem*, id est remittere omnia, & singula peccata mortalia, quæcumque illa sint; alterum post baptismi susceptionem, de quo sic statuit, *si post susceptionem Baptismi, quis-*

quisquam prolapsus fuerit in peccatum, per veram poteſt ſemper penitentiam reparari; vbi diligenter notandæ ſunt duæ illæ particule, in peccatum, & ſemper, prior enim, cum ponatur indefinitè, & abſolutè, idem ſignificat, ac in aliquod peccatum, quodcumque, & qualecumque; illud ſit; poſterior verò, cum nullum excludat tempus vitæ humanæ, denotat, nullam quoque dari poſſe multitudinem peccatorum, quæ non poſſit deleri per veram penitentiam. Idem quoque docet Tridentinum ſeſſ. 6. cap. 14. & can. 29. ſeſſ. 14. cap. 1. & can. 1. Ex Concilij autem Provincialibus Arelatenſe II. cap. 9. Milevitanum cap. 13. & Arauſicanum c. 3.

At innumera ſunt Scripturæ teſtimonia, quibus hæc Eccleſiæ fides, ac deſinitio innitur, cum ita agant de remiſſione peccatorum per veram penitentiã accipiendã, vt expreſſè dicant nullum dari peccatum, quod per illam non poſſit tolli; nullumque tempus humanæ vitæ, quod excludat hominem à conſequenda venia quorumcumque peccatorum, ſi ad Deum conuerſus, ſerio de illis poenitentiam egerit; Deuteronomij cap. 4. 29. *cumque quaſieris ibi Dominum, inuenies eum, ſi tamen ex toto corde quaſieris, & tota tribulatione animæ ſuæ.* Iudith. cap. 5. v. 19. *Quotieſcumque autem poenituerunt ſe receſſiſſe à cultura Dei ſui, dedit eis Deus celi virtutem reſiſtendi.* Pſalmo 50. *Cor contritum, & humiliatum Deus non deſpicies.* Sapientiæ II. v. 24. *Sed mifereris omnium, quia omnia poteſ, & diſſimulas peccata hominum propter poenitentiam, id eſt patienter expectas, donec poenitentiam agat, & ſic veniam conſequantur.* Iſaię cap. 55. v. 7. *Derelinquat impius viam ſuam, & vir iniquus cogitationes ſuas, & reuertatur ad Dominum, & miſerebitur ei, & ad Deum noſtrum, quoniam multus eſt ad ignoſcendum.* Ieremiæ cap. 18. v. 8. *Si poenitentiam egerit gens illa à malo ſuo, quod locutus ſum aduerſus eam: agam & ego poenitentiam ſuper malo, quod cogitavi ut facerem ei.* Ezechielis cap. ver. 21. Si

autem impius egerit poenitentiam ab omnibus peccatis ſuis, &c. & verſ. 30. Conuertimini, & agite poenitentiam ab omnibus iniquitatibus veſtris, & non erit vobis in ruinam iniquitas. Item cap. 33. verſ. 12 *Impietas impij non nocebit ei, in quacumque die conuerſus fuerit ab impietate ſua.* Ioelis cap. 2. v. 12. *Conuertimini ad me in toto corde veſtro &c. Conuertimini ad Dominum Deum veſtrum, quia benignus, & miſericors eſt, patiens, & multe miſericordiæ, & preſtabilis ſuper malitiã, quia eiꝯ miſericordiã eſt maior, quam quælibet hominum iniquitas.* Zacharię cap. 1. v. 3. *Conuertimini ad me, ait Dominus exercituum, & ego conuertar ad vos.* Quibus ſanè, aliſque ſimilibus veteris teſtamenti locis, tam clarè comprobata habetur veritas noſtræ concluſionis, nec non ex eo, quod Deus paſſim tam in illo, quam tempore legis naturæ veris poenitentibus indulgentiam fecerit grauiffimorum etiã delictorum, vt de ea non ſit ambigendi locus.

Nec reſert, quod prædictæ promiſſiones in teſtamento veteri contineantur; quia non ſunt propriæ illius, cum non ſint de bonis temporalibus; neque ad iudicialia, aut ceremonialia præcepta pertineant, ſed ad moralem vitam, & internam ſanctitatem. Vnde ſicut ob hanc rationem, licet non prius fuerint ſcriptæ, prius nihilominus fuerunt factæ, & executioni mandatæ in illis, quibus tempore legis naturæ, remiſſa peccata fuerit, ita quoque extendi debent ad peccata, in ſtatu legis Euangelicæ commiſſa, poſt baptiſmi ſuſceptionem.

Inſuper lex Euangelica eſt longè ſuauior lege Moſaica, & vita æterna, poteſt facilius obtineri in illa, quàm in iſta; eſt enim lex Euangelica lex gratiæ, lex Moſaica verò lex ſeruitutis; Igitur ſi in lege veteri habuerunt locum prædictæ promiſſiones, fuitque aliquod remedium, quo, qui poſt receptam circumciſionem peccauerant, reconciliabantur Deo non tantùm ſemel, atque iterum, ſed ſæpe ſæpius, & tones, quocies

ties, quantumque grauissimè peccauerant; multo magis asseri debet eas valere in lege noua, darique remedium, quo qui peccant post baptismum, etiam atrociter, reconciliantur Deo.

Demum, si in lege noua res non ita se haberet, vel esset, quia in adductis, aut alijs veteris testamenti locis haberetur aliqua particula, qua promissiones in illis contentæ restringi deberent ad solum tempus legis Mosaicæ; vel quia Deus noluisse in illa veram acceptare pœnitentiam, ad aliquorum grauissimorum peccatorum post baptismum commissorum remissionem; sed primū dici non potest, cum potius contineant verba generalissima, respectu quorumcumque temporum, & hominum; nec etiam secundum, quia vt mox patebit, ex adducendis noui testamenti locis, nullum in eo quantumuis magnum, & reciduum peccatorem, verè postea pœnitentem, à sua misericordia maiori, quam quælibet hominum iniquitas, excludi voluit; ergo absque vilo fundamento restringitur ad solum tempus, vel homines legis Mosaicæ.

Primum igitur plura sunt noui testamenti loca, quibus habetur generalis prædicatio pœnitentiæ, tanquam necessariæ, & fructuosæ ad remissionem peccatorum, absque vlla eorum, vel temporis distinctione, vnde satis conuinci posset error aduersariorum; verum ex hoc, quod absolutè non negent pœnitentiæ vtilitatem sed tantum respectu quorundam atrocissimorum peccatorū post baptismi susceptionem patratōrū, ea magis illos vrgent testimonia, quibus talia legimus peccata, esse remissione digna, quæ putant ipsi esse irremissibilia, vt negationem Petri, qui iā tunc erat baptizatus, peccatum grauissimæ fornicationis, ob quod 1. Corinth. 5. fidelem eius reum excommunicat Apostolus, vt cum ad pœnitentiam trahat, & *Spiritus eius saluus fiat*: peccatū hæreseos, vel resistentium veritati, dum idem Apostolus 2. Timothei 2. monet eum, vt illos corripiat, si fortè per pœ-

nitentiam resipiscant; peccatum simoniæ, habemus enim Actor. capit. 8. exhortationem Petri ad Simonem Magū iam baptizatum, *vt pœnitentiam agat ab hac nequitia sua, & roget Deum, si fortè remittat illi &c.* vbi particula, *si fortè* nihil fauet aduersarijs, quia, vt rectè Sanctus Ambrosius notat lib. 2. de pœnitentia, & probat ex pluribus scripturæ locis; imò & Homeri lib. 3. Iliad, hæc particula *fortè*, non est semper signum dubitationis; sed quemadmodum Sanctus Gregorius docet homil. 9. in Ezechielem, Deus plerumque illa, vel simili vtitur, vt innuat libertatem nostræ voluntatis, vel difficultatem rei, de qua tunc loquitur.

Alia autem noui Testamenti loca, pro veritate nostræ conclusionis, sunt illamet, quibus aduersarij nobiscum sentiunt fuisse à Christo Domino promissum, & institutum Pœnitentiæ Sacramentum quo peccantes post baptismū possent Deo reconciliari; Matt. 18. v. 18 *Amen dico vobis, quacumque alligaueritis super terram, erunt ligata & in calo: & quacumque solueritis super terram, erūt soluta & in celo.* & Ioannis 20. v. 23. *Accipite Spiritum Sanctum: quorum remiseritis peccata, remittuntur eis: & quorum retinueritis retenta sunt.* Prædicta enim verba cum sint generalissima, malè ab aduersarijs restringuntur ad remissionem peccatorum duntaxat leuiorum, exclusi ab ea aliquibus grauioribus, contra apertum scripturæ textum, & receptam in Ecclesia traditionem.

In huius enim veritatis probationem non solum Verbi diuini scripti, sed etiā traditi authoritatem habemus, Sanctissimi enim Ecclesiæ Patres, irrefragabiles eius testes, vnanimi semper assensu illam docuerunt, tanquam diuinitus reuelatam, nec non iuxta illam præfata Scripturæ loca esse intelligenda; Præcipui ex Græcis, sunt Athanasius orat. de peccato in Spiritum Sanctum ad c. 11. Matthæi; Basilii homil. 29. quæ est de pœnitentia, Cyrilli Hierosolymitanus Catechesi 2. Epiphanius hæresi 59.

Chry-

Chryſoſtomus homil. 7. ad populum, & 23. in Matth. Ex Latinis Cyprianus ſerm. de ablutione pedum, & epiſt. 73. ad Iubaianum; Pacianus Epiſcopus Barcinonenſis in epiſtolis contra Nouatianos, tum in paraneſi ad pœnitentiã; Ambroſius lib. 2. de pœnitentia c. 4. & 5. vbi, vt etiam reſertur de pœnitentia diſtinct. 1. cap. 54. docet tantam eſſe propitiationem Dei erga penitentes, vt Iudas potuiſſet tanta miſeratione Dei, nō excludi à venia, ſi pœnitentiam non apud Iudæos, ſed apud Chriſtum egiſſet, ideoque ſuis in librum Leuitici annotationibus, obſeruat Iudam proditorum fuiſſe indignum venia: *quia, inquit, non intima mentis conuerſione ingemuit, nec ſedulo geſſis pœnitentiam: tanta enim pietatis eſt Dominus Ieſus, vt ipſi donarſet veniam, ſi Chriſti expectaſſet miſericordiam.* Hieronymus epiſt. 46. 48. 50. 54. & 61. nec non lib. 2. contra Iouinianum; Auguſtinus epiſt. 108. ſerm. 15. de verbis Apoſtoli, & 181. de tempore; lib. 2. de adulterinis coniugijs, cap. 6. & libro de vera, & falſa pœnitentia cap. 3. & 5. Gregorius Magnus lib. 3. epiſt. 103 & alij deinceps.

Ex quibus omnibus ſic efformo. rationem pro veritate Catholica; ſi quæ peccata poſt baptiſmi ſuſceptionem commiſſa, remitti non poſſent per veram pœnitentiam, id fieret maximè defectu diuinæ voluntatis, quia nimirum ordinaſſet Chriſtus, vt hæc, & illa peccata, non remitterentur verè de illis pœnitenti; vel quod idem, noluſſet in eorum remiſſionem acceptare veram pœnitentiam, ſiue in ratione virtutis, ſiue etiam in ratione Sacramenti conſideratam; ſed ex testimonijs Sacræ Scripturæ relatis, tum traditione, & Eccleſiæ definitione, quibus, modo vnicuique proprio, certò, & inſallibiliter voluntas Dei innoteſcit, non ſolum talis lex non habetur, ſed expreſſe contraria, remittendi: nimirum, quo ad culpam, omnia; & ſingula peccata, etiam poſt baptiſmum commiſſa, quorcuſcumque vera de illis fieret pœnitentia, ergo &c. Quæ ſanè lex eſt valdè

Bibl. Theologic. Tom. V.

conſentanea, tum miſericordiæ diuinæ, tum etiam iuſtitia; & inſinuat. redemptionis Chriſti, vt reſcè explicat Diuus Thomas 3. p. q. 86. art. 1. Suppoſita verò promiſſione Dei, ex parte ipſius veræ pœnitentiæ non deſunt quoque optimæ congruentiæ; quia nullus poteſt eſſe actus magis proportionatus ad hunc effectum; item quia tunc homo facit, quod poteſt, vt hanc remiſſionem conſequatur, attenta eius natura fragili, & infirma: inſuper quia in hac vita, homo ſemper eſt in ſtatu viæ, inde enim neceſſarium fuiſſe, & ad prouidentiam Dei maximè ſpectaſſe videtur, ei concedere aliquem modum, quo poſſet veniam peccatorum obtinere. Quæ & ſimiles rationes, non minus procedunt tempore legis nouæ in homine iam baptizato, quam in alijs, vt ſatis patet; imò quadam ratione maiorem vim habent in illo, cum ſit tempus gratiæ, & in quo Dei miſericordia liberalius operatur, iamque Chriſti redemptio perfecta eſt. Deinde, ni res ita ſe haberet baptiſmus, contra ipſum aduerſariorum uſum, vſque ad finem vitæ differendum eſſet, vt omnia peccata in vita commiſſa ſimul deleſet: eſſetque valdè temerarium antea baptizari, ſi poſtea non ſupereſſet pœnitentiæ remedium pro quibuſcumque peccatis: cum nemo ſibi certò poſſit promittere, quantumuis baptizatus, præſeruationem ab illis.

Hic autem per veram pœnitentiam, qua aſſerimus poſt baptiſmum remitti peccata mortalia, quantumuis grauiã, & multa, non ſolum intelligitur Sacramentum, ſed & virtus etiam pœnitentiæ; etſi enim verum ſit, quod actus virtutis pœnitentiæ, ſeu contritio nunc non remittat peccata poſt baptiſmum commiſſa, niſi cum voto Sacramenti, & in ordine ad illud, vt docet Concilium Tridentinum ſeſſ. 14. cap. 4. nihilominus tamen habita vera contritione, ea ſtatim remitti certum eſt: tum quia Sacramentum Pœnitentiæ non eſt inſtitutum ad coarctandam viam ſalutis; neq; ad conſtituendum hominem in periculo

damnationis, si expectanda semper esset realis susceptio illius Sacramenti ad obtinendam peccatorum veniam; tum etiam quia hic effectus est proportionatus illi dispositioni, & promissus à Deo sine temporum restrictione. Vnde, cum Doctor Louaniensis Michael Baius asseruisset per contritionem, vel auctum charitatis, statim infundi habitum gratiæ, & charitatis: non tamen remitti peccatum ante realem suspensionem Sacramenti penitentiae hæc opinio condemnata fuit à Summis Pontificibus Pio V. & Gregorio XIII.

Contra doctrinam fidei huc usque sufficienter stabilitam, nonnulla primò aduersarij obiciunt Scripturæ loca, Matth. 12. v. 31. *Omne peccatum, & blasphemia remittetur hominibus, spiritus autem blasphemia non remittetur*, Sec. Marci 3. v. 28. *Amen dico vobis, quoniam omnia dimittentur filiis hominum peccata, & blasphemia, quibus blasphemauerint: qui autem blasphemauerit in Spiritum sanctum, non habebit remissionem in aeternum, sed reus erit aeterni delicti*. Ad Hebræos cap. 6. *Impossibile est eos, qui semel sunt illuminati (id est baptizati) & prolapsi sunt, rursus renouari ad penitentiam*: & cap. 10. *Voluntariè peccantibus nobis post acceptam notitiam veritatis, iam non relinquitur pro peccatis hostia*. 1. Ioann. cap. 5. v. 16. *Est peccatum ad mortem, non pro illo dico, ut roget quis*.

Verùm hæc, & alia, si quæ sint similia scripturæ loca, nihil prorsus fauent aduersariorum errori, cum ipsimet teneantur illa explicare, & quam ipsi dabunt interpretationem, vel solutionem, possimus etiam nos adhibere; si quidem in duobus Matth. & Marci locis; omnia prorsus peccata dicuntur remissibilia, vno excepto blasphemie in Spiritum Sanctum, ad quem tamen aduersarij nõ restringunt irremissionem, sed potius eam ad alia plura extendunt peccata grauissima. Item non omnia peccata post baptismum commissa dicuntur ab ipsis irremissibilia, cum tamen locus Apostoli id sonare videtur.

Igitur ad duo prima loca diuersimodè responderi potest, secundum quod à Patribus diuersimodè sumitur, & explicatur blasphemia in Spiritum sanctum. Si enim per illam, iuxta Diuum Augustinum varijs in locis, lib. de vera, & falsa penitentia cap. 4. lib. 4. contra Cresconium cap. 8. Enchiridionis cap. 83. & epist. 50. ad Bonifacium, intelligatur finalis impoenitentia, rectè dicitur absolutè, & simpliciter irremissibilis, tam in hoc, quàm in futuro sæculo, quia cum illa hæc vita absoluitur: Si autem, per illam significatur peccatum ex certa malitia, id est ex electione mali, prout contemnit ea, quæ à peccato retrahere possunt, aut verò Spiritui malo tribuuntur diuina, & supernaturalia, opera, quæ Spiritus sanctus ad confirmandam fidem, vel ad convertendos peccatores, speciali prouidentia operatur: nam illud est propriè Spiritui sancto resistere, ut in varijs locis scriptura loquitur; Respondetur peccatum in Spiritum sanctum non dici præfatis in locis simpliciter, & absolutè irremissibile, sed tantum quatenus ratione specialis illius modi, quo committitur, maiorem pro sui remissione difficultatem reperit in peccatore, est autem satis familiare sacris litteris illud, quod est admodum difficile, vocare interdum impossibile.

Eodem etiam modo responderi potest primò ad Apostoli loca, iuxta interpretationem Patrum; qui volunt eum ibi loqui de peccato apostasiæ à vera fide, commisso ab ijs, qui post eius notitiam plenè acceptam, ex aliqua tamè singulari malitia, & voluntate deliberata recedunt ab Ecclesia, negari enim non potest, quin tale peccatum sit grauissimum, & ratione specialis modi, quo perpetratur, quantum ad consecutionem veniæ, difficillimum, non ita tamen, ut hæc difficultas impediatur, quod, acta de illo vera, & sincera penitentia, eius remissio absolutè accipi nõ possit. Si verò iuxta aliam Patrum explicationem, ibi fiat sermo de Sacramento

mento Baptismi, & singulari eius effectu, quatenus per illum remittuntur peccata omnia, tam quo ad totam penā illis debitam, quā quo ad culpam, recte ait Apostolus, semel illuminatos, seu baptizatos, qui grauiſſima commiſſere peccata, talem remiſſionem non poſſe ſibi polliceri, cum baptiſmus non iteretur, nec aliud medium ordinarium detur in Eccleſia, quod communiter talem effectuſum operetur; quod indicare videtur iſtud Apoſtoli ibidem, iam non relinquitur pro peccatis hoſtia, quę nimirum ſit talis, quo ad hunc effectuſum, qualis fuit baptiſmus ſemel collatus. Ceterum ex hac interpretatione, licet agatur de remiſſione peccatorum mortalium poſt baptiſma commiſſorum, non propterea ſequitur eam denegandam eſſe, ſive de illa agitur deneganda vero actui virtutis penitentię, aut debite ſuſceptioni illius in ratione Sacramenti, de quo tamen ſolo eſt controuerſia inter nos, & aduerſarios.

Ad vltimum ex epiſtola S. Ioannis, primò reſponderetur, ſi ibi per *peccatum ad mortem*, intelligatur quodcumque peccatum mortale, pro vt diſtinguitur à veniali, nihil ſauere aduerſarijs, qui admittunt peccata mortalia, minus tamen enormia, & grauiora poſt baptiſmum commiſſa, deleri poſſe per veram penitentiam. Si autem ibi, quod eſt probabilius, per *peccatum ad mortem*, intelligatur grauiſſimum aliquod inter mortalia peccatum, quod propterea ſpeciali appellatione vocat Ioannes *peccatum ad mortem*, quodque ſacri Interpreteris ad illum locum dicunt eſſe peccatum, vel blaſphemiam in Spiritum ſanctum; reſponderetur ſecundò, dum ait S. Ioannes, non pro illo dico, ut quis roget, his verbis eum non prohibere, aut non permittere Chriſtianis, vt orent pro eo, qui eſt infectus tali peccato; ſed ſenſus eorum eſt tantum iſte, ſe] non audere polliceri fore, vt qui orat pro tali peccatore, eiusque peccati remiſſione, illam ei certò impetret ob ſpecialem difficultatem, quam ſupra diximus re-

periri in ijs, qui illud ſpecialim committunt.

Secundò obijciunt aduerſarij, ſepè haberi in decretis, & antiquis canonibus, penitentiam ſemel tantum eſſe concedendam, ſeu non iterandam. Reſponderetur primò hæc non patrocinari aduerſarijs, qui abſolute volunt irremiſſibilia eſſe peccata, quę vocant atrociora, ac proinde pro illis, nec ſemel concedendam eſſe penitentiam. Secundò reſponderetur, in illis decretis non eſſe ſermonem de penitentia, vt eſt virtus, vel Sacramentum, & ad internam peccati remiſſionem ordinatur; ſed de quadam ſolemni penitentia, ad diſciplinā Eccleſiaſticam pertinente, quoniam peculiari ritu ab Eccleſia inſtituto olim fiebat ad publicam ſatiſfactionem, & ædificationem; quam proinde eadem Eccleſia pro diuerſitate temporum, perſonarum, & aliarum circumſtantiarum, nunc denegare, nunc concedere poterat, prout iudicabat ad fidelium ſalutem expedire. Ceterum nullibi ſacri canonis, aut Patres negant, ſed potius conſtanter aſſerunt in Eccleſia Catholica, ſeu eius Paſtoribus, & ſacerdotibus dari poteſtatem remittendi quęcumque peccata etiā grauiſſima poſt baptiſmum receptum commiſſa.

Tertiò obijcitur, ſi quas habent ſcripturę promiſſiones remittendi peccata, quotieſcumque de illis vita fiet penitentia, comprehenderent peccata etiam grauiſſima, ſequeretur inde, dari hominibus licentiam, & aſſam illa perpetrādi, ſed hoc eſt abſurdum, ergo & illud vnde ſequitur. Reſponderetur hoc argumentum retorqueri poſſe contra aduerſarios admittentes remiſſionem omniū aliorum peccatorum mortalium verum, ſicut non datur propterea licentia hominibus illa committendi, quia hoc nõ ſequitur per ſe ad remiſſionem, ſed ad hominum malitiam, qui interdum deteriores fiunt, eo quod Deus bonus ſit, totieſque remittat, quoties delinquimus; ita neque ex eo, quod pro ſua infinita miſericordia, grauiſſima etiam peccata dimit-

dimittat, sequitur licentia eadem liberius commitrendis; imo, ut rectè dixit S. Augustinus lib. de vera, & falsa poenitentia cap. 5. multo maior daretur, si homines desperarent illorum remissionem. Deinde quod aliqui ita malè videntur hac Dei misericordia, non ideo boni debuerunt privari fructu poenitentiae. De ista controuersia videri possunt cum Diuo Thoma eius Interpretes 3.p.q.86. & 22.q.14.

CAPVT XXIII.

Offenditur contra Armenos, Iacobitas, Cephos, & Abyssinos, matrimonium consummatum Christianorum non posse dissolui quo ad vinculum, ob adulterium alterius coniugum, aut aliam causam, & peccatum.

Quamuis Alphonsus Castro lib. 1. aduersus hæreses, tit. nuptiarum, hæres. 3. referat, Armenios primum asseruisse, Christianorum matrimonium non esse Sacramentum, nihilominus, talem nunc inter eos errorem non esse, sed vna cum Catholicis firmiter credere matrimonium esse sacramentum, tradunt expressè, qui apud illos missionarij fuerunt, præsertim verò Clemens Galanus rom. 2. Conciliationis Eccles. Armen. cum Romana. At cum tria distinguantur bona matrimonij, *Sacramentum*, quod attenditur penes vinculum indissolubile, quæ indissolubilitas vocatur Sacramentum, quia significat unionem Christi cum Ecclesia, *fides*, quæ attenditur penes copulam coniugalem, ne quis illam extra coniugium exerceat cum non coniuge; & *proles*, quæ est fructus matrimonij, ut amanter suscipiatur, benigne nutriatur, & religiosè educetur. Circa primum turpiter errarunt Armenij, Ioannes enim, Armenus Episcopus apud Arnachanum lib. 10. cap. 26. *Sentiant*, inquit, *Armeni matrimonium posse solui*: & licet idem, qui supra Clemens Galanus, asserat, se non legisse hanc eorum sententiam in Armenijs libris, imo

oppositum docere, præfules ipsorum, prudentiores, tamen testatur dirimi passim apud eos rata matrimonia etiam consummata, & coniuges ad aquas admitti nuptias; idque non solum ob causam fornicationis, sed cuiuscumque etiã grauis incommodi. De Iacobitis, Cephitis, & Abyssinis idem refert Thomas à Iesu lib. de conuersione omnium gentium. Caluinus quoque in Occidente eundem secutus est errorem lib. 4. institut. cap. 19. §. ultimo: & Kemnitius in suo examine ad can. 7. sess. 24. Concilij Tridentini.

Pro cuius refutatione, nec non controuersiae intelligentia, nonnulla sunt obseruanda. Primum, matrimonium diuidi in ratum, & consummatum. Ratum est illud, quod completum est legitimo contrahentium consensu, non copula coniugali: consummatum verò illud, quod completum est legitimo contrahentium consensu, copulaque coniugali.

Secundo notandum est, duplicem distinguui debere solutionem matrimonij: vnã propriam, scilicet quando non tantum impeditur vltus matrimonij, seu solutio debiti coniugalis, verum etiam ipsa obligatio omnino tollitur, ita ut qui contraxerunt matrimonium eidem restituantur libertati, in qua erant ante initum matrimonium; vnde ista solutio dicitur esse tam quo ad vinculum, quam quo torum, & cohabitationem. Altera solutio matrimonij est impropria, scilicet quando manente vinculo, ita ut alteri non liceat aliam coniugem ducere, ei tamen est liberum non habitare cum illa, nec ei reddere debitum; quare hæc solutio dicitur esse tantum quo ad torum, & habitationem.

Aduertendum est tertio, matrimonium fidelium ratum duntaxat, & non consummatum, posse solui tam quo ad vinculum, quam quo ad torum, & habitationem, per professionem alterius coniugum in aliqua religione approbata: ut habetur definitum in Concilio Tridentino sess. 24. can. 6. Item quando da-

tur causa aliqua legitima, vt ex parte boni alicuius publici, vel etiam ex parte contrahentium, tunc matrimonium tantum ratum posse dissolui ex dispensatione Summi Pontificis, multotiesq; dissolutum fuisse communiter docent Theologi, & Canonistæ.

Quartò notandum est, si sermo sit de matrimonio fidelium iam consummato, illud non posse dissolui etiam quo ad torum, & cohabitationem solum per ingressum, & professionem religionis vnus, contrahentium altero renitente, pertinere ad fidem, docent Theologi ex textu S. Pauli 1. Corinth. cap. 7. *Qui matrimonio iuncti sunt, præcipio non ego, sed Dominus, uxorem à viro non discedere &c.* quare, si quæ facta legatur monialis inuito marito, aut vice versa quis factus monachus inuita vxore, vt de Theone Abbate viro Sanctissimo, & miraculis claro refert. Calsianus collat. 21. cap. 9. & 10. dicendum est id de genere eorum esse, quæ solent vocari admiranda, non imitanda, factumque esse ex speciali Spiritus Sancti instinctu, sicut multa alia notantur in Sanctis, quæ non possunt trahi in exemplum. Ex mutuo autem coniugum consensu matrimonium consummatum solui posse quo ad torum, & cohabitationem per ingressum religionis vtriusque certum est; in eo, & stando iuri communi non dum restricto per ius Canonicum, per susceptionem sacrorum ordinum, & vnus tantum ingressum in religionem, accedente consensu alterius; secus autè quo ad vinculum, docente expressè Apostolo 1. Corinth: 7. *Mulierem alligatam esse legi quanto tempore vir eius viuuit, quod si dormierit vir eius liberatam esse à lege*, illa enim verba, *vir dormierit*, debent accipi in propria sua significatione, & sensu literali, secundum quem significant mortem naturalem; vnde cum talis mors non sequatur ex ingressu, & professione religionis facta ab vtroque contrahentium, vinculum matrimonii adhuc durat inter illos.

Quintò tandem certum est, matri-

monium consummatum Christianorum posse solui quo ad torum, & cohabitationem, ob fornicationem, vel aliam aliquam legitimam causam, vt habet Concilium Tridentinum citata sessione 24. can. 8. Quare inter nos, & aduersarios, controuersia de dissolubilitate matrimonij inter Christianos, non procedit omnibus præfatis modis; sed totum illius pondus reducitur ad hoc, vtrum matrimonium consummatum Christianorum possit dissolui, nec ne, quo ad vinculum, ob adulterium alterius coniugum, aut aliam causam, & peccatū. Aduersarij enim partem affirmatiuam tenentibus, ita vt sicut in lege Mosaica, Deo dispensante, permittebatur Iudæis sumpta occasione ab eorum duritia, vt possent licitè vxores, quas antea duxerant, dimittere causa adulterij, vel alterius rei; ita quoque in noua lege, ex ipsdem causis posse dissolui matrimonium à Christianis contractum, etiam quo ad vinculum, doceant. Nos contrarium tenemus, & tanquam de fide certum asserimus, in nullo prorsus casu, siue ob adulterium alterius coniugum, siue ob aliud peccatum, vel occasionem, matrimonium consummatum Christianorum posse dissolui quo ad vinculum, nec parti inuocenti licere aliud matrimonium contrahere, altera parte adhuc viuente.

Primam huius rei definitionem habemus in varijs Summorum Pontificum decretalibus epistolis; Euaristi epist. 2. Innocentij I. epist. 3. ad Exuperium c. 6. Nicolai I. epist. 59. Ioannis VIII. epist. 65. Alexandri III. de sponsalibus, & matrimonijs c. ex parte, & de diuortijs cap. quæsiuit Innocentij III. Decret. Constitut. lib. 4. tit. de diuortijs capit. gaudemus.

Cum in Synodo Trullensi Quinisexta dicta; & pro vniuersali habita, hæc eadem veritas de indissolubilitate matrimonij consummati Christianorum quo ad vinculum, can. 87. & 98. definita, ac declarata fuisset; illam quoque Concilium Florentinum Traſ. de Sacramentis,

mentis, & Tridentinum sess. 24. can. 5. & 7. definierunt.

Ex particularibus autem Ellbertinſi cap. 9. Arelatenſe l. cap. 10. errauit tamen in hoc, quod rem ad conſilium reducere videtur, non autem ad præceptum diuinum; *De his*, inquit, *qui coniuges ſuas in adulterio deprehendunt, & iidem ſunt adoleſcentes fideles, & prohibentur nubere*, placuit, *ut in quantum poteſt, conſilium eis detur, ne viuentibus vxoribus ſuis, licet adulteris, alias accipiant*; niſi talia verba fuerint forſan diſta, habita tantum ratione ad legem ciuilem, qua tunc temporis permittebatur quidem viſis dimittere vxores ob fornicationem carnalem ipſius vxoris, & poſſe aliam ducere vxorem, non autem vice verſa vxoribus; quomodo etiam loquitur Diuus Ambroſius, aut quicumque alius author commentariorum in 1. epiſtolam ad Corinth. c. 7. qui ſub eius nomine circumferuntur, vbi expreſſe notat, illud quod ibi dicitur de muliere, *aut reconcilietur viro ſuo, aut maneat innupta*, non dici de viro, quia, inquit, *viro licet ducere aliã*. Cum enim aliud ſit loqui habita tantum ratione ad legem ciuilem aliquid indulgentem, & aliud loqui habita ratione ad legem Dei, ſi quidem ſit interdum, ut quod lege Dei, & in conſcientia prohibetur, illud permittatur aliqua lege civili; inde præſatum Concilium habita ratione ad dictam legem ciuilem potuit ſtatuerе, ut in quantum poſſet, conſilium adoleſcentibus fidelibus daretur, ne illa vterentur, hoc eſt ne viuentibus vxoribus ſuis, licet adulteris, alias acciperent, legem ciuilem id permittentem antepoſuentes legi diuinæ prohibenti, vſonant priora verba, & *prohibentur nubere*. Eodem modo Ambroſius dicere potuit, viro licere ducere aliam vxorem; quam interpretationem ſi non addittant eius verba, reſpondendum eſt præſata commentaria non eſſe Ambroſij; nam lib. de Abraham cap. 4. & 7. nec non lib. 8. in Lucã expreſſe diſtinguens legem diuinam,

prohibentem, in hoc præſentis controverſiæ caſu, conuolare ad alias nuptias, & legem humanam id concedentem, illam ait eſſe huic præferendam. Haſ quoque duas leges diſtingunt Laſtanius lib. 6. cap. 23. Baſilius epiſt. ad Amphilochium cap. 9. Hieronymus epiſt. 30. in epitaphio Fabiolæ cap. 1. & Auguſtinus lib. 1. de nuptijs cap. 10.

Ideoq; in Concilio Mileuitano can. 17. cum Patres ſtatuiffent poenam aduerſus eos, qui dimiſſis vxoribus alias ducunt, addunt poſtulandam eſſe pro hac re legem ab Imperatore, qua hoc idem prohibeat in foro ciuili; verba canonis ſunt hæc: *Placuit, ut ſecundum Euangelicam, & Apoſtolicam diſciplinã, neque dimiſſus ab vxore, neque dimiſſa à marito, alteri coniungantur; ſed ita maneam, aut ſibi met reconcilientur. Quod ſi contempſerint, ad penitentiam redigantur. In qua cauſa legem imperialem petendam promulgari*. Idem plura, quæ deinceps ſecuta ſunt vbique concilia particularia, tradiderunt Anglicanum anno 670. cap. 10. Forouſienſe cap. 10. Triburienſe cap. 46. Nannetenſe c. 12.

Primus ſcripturæ locus, vbi hæc veritas fuit reuelata, habetur Matth. c. 5. Chriſtus enim Dominus ibi ſuperaddens legi Moſaicæ quæ ſpectabant ad Euangelicam perfectionem, ut patet ex iſtis verbis, *Dictum eſt autem: Qui cumque dimiſerit vxorem ſuam, dat ei libellum repudiij, Ego autem dico vobis &c.* reuocat matrimonium ad primam, quã habuit in lege naturali indiſſolubilitatem, etiam quo ad vinculum; vnde ſubdit, *Quia omnis, qui dimiſerit vxorem ſuam, excepta fornicationis cauſa, facit eam machari, & qui dimiſſam duxerit adulterat*: hac enim vltima particula ſignificat eum, qui repudiatam, vel dimiſſam ducit, peccare peccato adulterij, atque aded vinculum prioris matrimonij non eſſe ſolutum. Cui non obſtat, quod hic habeatur iſta particula, *excepta fornicationis cauſa, &c.* euſdẽ S. Matth. cap. 19. *niſi ob fornicationem*; Chriſtus namque Dominus ibi interrogatus

gatus de diuortio perfectò, ſeu quo ad vinculum, an ex quacumque cauſa liceat dimittere vxorem, ſic reſpondet. *Dico autem vobis, quia quicumque dimiſerit vxorem ſuam, niſi ob fornicationem, & aliam duxerit, machatur, & qui dimiſſam duxerit machatur*: quaſi à contrario ſenſu poſſit inferri, vt volunt hæretici, qui propter cauſam fornicationis dimittit vxorem, & aliam ducit, non machatur. Talis, inquam, particulæ, ſeu exceptionis appoſitio, nihil prorfus obeſt veritati fidei, tantum enim reſertur ad illam propoſitionis partem, *quicumque dimiſerit vxorem ſuam*, vt ſignificetur, licere præcipuè ob fornicationem, vt pote cum natura matrimonij intrinſecè pugnantem, quatenus per illam fit diuiſio carnis, quæ per matrimonium còſummatum eſt vna in vtroque coniuge, dimittere vxorem ſuam; ideoque Chriſtus Dominus dictam particulam exceptiuam ſtatim ſubiecit iſti parti propoſitionis, vt ſciremus, nec tunc quidem licere aliam ducere, quādo etiam licitè dimiſſa eſt vxor propter fornicationem, non autem ſequenti parti, nec eam quoque ſubintellexit, alias ſenſus huius parſis, *qui dimiſſam duxerit machatur*, eſſet iſ, *qui dimiſſam vxorem duxerit, excepta cauſa fornicationis, vel niſi ob fornicationem, machatur*, & conſequenter Chriſtus Dominus ſignificafſet vxorem dimiſſam ob adulterium, poſſe ab alio marito accipi in matrimonium, quod eſt abſurdum, & contra iuſtiſſimam Chriſti legem, ſic enim melior foret conditio vxoris fornicantis, & adulteræ, quā caſtæ, quæ iniuſtè dimiſſa, nubere alteri non poſſet: item cum nullus ex peccato commodum reportare debeat, ſequeretur contrarium in vxore ob fornicationē dimiſſa, tranſcundo ad aliud magis opatum connubium; ac tandem data fuiſſet adulterandi occaſio volentibus alia matrimonia quærere.

Per quod ſatis patet ad inſtantiam hæreticorum, libenter enim admittimus conſequentiam à contrario deſū-

Bibliot. Theol. Tom. V.

ptam valere, dummodo tamen illa, iuxta ſenſum ſuum non magis extendatur, quam ſe ſe extendat alia conſequentia ei oppoſita intra proprium ſuū ſenſum, quia ſic ſunt tantum contrariæ, & ſic tantum contrariorum contrariæ valent conſequentiæ: At Chriſtus Dominus, quando Matth. 19. dixit, *Quicumque dimiſerit vxorem ſuam, niſi ob fornicationem*, hac exceptione ſolum, affectit præcedentem illam particulam; *Quicumque dimiſerit vxorem ſuam*, non autem aliam ſequentem, vt diximus, & interpretantur communiter Patres inferius adducendi, præſertim Hieronymus in expoſitione eiufdem capitis, Auguſtinus lib. contra Adimantum, Manichæum cap. 3. & lib. 1. de adulterinis coniugiis cap. 8. & 9. Theophilaſtus in Matth. citato capite. Igitur, vt hic conſequentia à contrario ſenſu, ſit legitima, non debet inferri, vt hæretici faciunt, eum, qui in tali caſu aliam ducit, non machari, ſed tantum licere viro propter fornicationem dimittere vxorem, quo ad torum, vel cohabitationem, ſic enim ambæ contrariæ continentur conſequentiæ intra eòſdem limites, ac terminos.

Nec ſequitur ex eo, quod dicta particula exceptiuæ *niſi* &c. afficiat priorem duntaxat partem, propterea Chriſtum non reſpondiſſe directè ad quæſtionem ſibi à Phariſæis propoſitam, hæc enim ſunt verba illorum; *Si licet homini dimittere vxorem ſuam ex quacumque cauſa*, vbi loquantur tantum de dimiſſione, & quoniam ibi addiderant iſtam particulam, *quacumque ex cauſa*, ideo Chriſtus reſponder non licere vxorem dimittere, *niſi ob fornicationem*, loquens tantum de cauſa diuortij, quæ pugnat intrinſecè cum natura matrimonij, quicquid ſit de alijs; quam exceptionem non habent alij Euangeliftæ ſtatim citandi, quia etiam vel in interrogatione Phariſæorum non continetur iſta particula, *quacumque ex cauſa*, vt apud S. Marcum cap. 10. vel non ſit mentio iſtius interrogationis

D d d d d

Phari-

Pharisæorum, ut apud S. Lucam cap. 16. Quod verò spectat ad ducendam uxorem, priori ob fornicationem dimissam adhuc viuentem, respondet Christus, tã pro tempore præterito, quàm pro futuro, pro præterito in illis verbis, *Moses ad duriciam cordis vestri permisit vobis dimittere uxores vestras*, pro sequenti verò in illis; *qui dimissam duxerit machatur*, significans in noua lege, ad dissolutionem veteris, indissolubilitatem matrimonij consummati quo ad vinculum quacumque ex causa. Nec solùm Christum in eo sensu locutum fuisse, verum etiam Discipulos adstantes, verba ipsius intellexisse, clarè patet ex eorundem obiectione: *Si ita est causa hominis cum uxore, non expedit nubere*. Si enim Christus Dominus, quemadmodum in veteri lege, ita & in noua voluisset, ut intendunt aduersarij, licitum esse viro occasione adulterij, vel alterius rei, dimittere uxorem, & hac dimissa aliam accipere, sicque matrimonium consummatum dissolvere, quoad vinculum, malè dixissent discipuli, *non expedit nubere*, cum æque nunc quantum ad hoc expediret, ac tunc, si pro vtroque tempore, eadem lex matrimonij fuisset: in ordine ad eius dissolubilitatem, & non diuersimodum. Quare etiam Christus Dominus ex hac diuersitate, maiori que matrimonij in statu legis Euangelicæ, ac Mosaicæ indissolubilitate, sumpsit ibi occasionem prædicandi vi tatem castitatis.

Alia scripturæ loca pro eadem veritate habentur Marci cap. 10. & Lucæ cap. 16. quod dum eandem quam Matthæus historiam, & Christi Domini sententiam referunt, nulla vtuntur exceptione; Marci verba sunt, *Quicumque dimiserit uxorem suam, & aliam duxerit, adulterium committit super eam. Et si uxor dimiserit virum suum, & alij nupsit, machatur*; Lucæ autem; *Omnes qui dimittit uxorem suam, & alteram ducit, machatur*; & qui dimissam à viro ducit, machatur. Huiusmodi enim verbis, cum ita vniuersaliter Dominus iu-

beat nunquam dissolui matrimonium inter Christianos consummatum, ut nullam excipiat causam, ex qua liceat ad alias nuptias conuolare vtroque viuentem coniuge, manifestè constare videtur, particulam exceptiuam, quam habet Matthæus, afficere solum, ut diximus, priorem propositionis partem, illamque intelligendam esse de dimissione quo ad torum solum, in causa fornicationis.

Idem docet Apostolus, tùm epistola ad Romanos cap. 7. tùm 1. Corinth. cap. 7. *Iis autem, inquit, qui matrimonio iuncti sunt, præcipio, non ego, sed Dominus, uxorem à viro non discedere, quod si discesserit, manere innuptam, aut viro suo reconciliari, Et vir uxorem non dimittat.* Vbi Apostolus duplicem distinguit dissolutionem vxoris à viro: vnam iniustam, & eam verat fieri primis propositionis verbis; alteram verò iustam, legitimamque ex causa factam, ut ex causa fornicationis, & illam permittit quidem fieri, sed ea conditione ut vterque maneat innuptus vel sibi inuicem reconcilietur, si vterque non possit manere cælebs, in sequentibus verbis, *quod si discesserit &c.* prout explicant communiter Patres; præcipuè Hieronymus epist. 30. Augustinus lib. de bono coniugali cap. 7. & lib. 1. de adulterinis coniugijs cap. 1. Theodoretus in præfatum caput 1. epist. ad Corinth.

Huic veritati, præallatorumque iuxta illam scripturæ locorum intelligētē, ad stipulaturæ diuinæ quoque traditio, perpetuo Ecclesiæ vsu firmata, quo sæper pro hereticis habiti sunt illi, qui eam negauerunt, nec non puniti, qui aliquid contra eam tentarunt; tùm vnanimi Patrū consensu, Ecclesiæ Græcæ, & Latinæ. Ex Græcis præcipui sunt, Athanagoras in apologia pro Christianis; Clemens Alexandrinus lib. 2. Stromat. c. 12 vbi adducit citatum S. Matth. locum; Origenes tract. 7. in Matth. explicans locum epist. ad Rom. cap. 7. *Mulier ligata est, &c.* Basilii epist. ad Amphilo- chium can. 9. *Vir uxore dimissa &c.* Epipha-

Epiphanius heresi 55. contra Catharos; Chrysostomus homil. 17. in Matth. Victor Antiochenus in capit. 16. Luc. *Quicumque dimiseris uxorem suam, & aliam ducit, adulterium committit. Et si uxor per diuortium à viro diuellatur, atamen ob copulam initio initam iure ab illo seiungi nequit. Quamobrem prima adhuc superstita, alteri se coniungere adulterium vocat. Idem quoque de uxore alteri nubente pronuntiat.* Theopila-ctus ad cap. 7. prioris ad Corinthios.

Ex Latinis Tertullianus lib. 4. contra Marcionem cap. 34. & lib. de Monogamia cap. 9. Ambrosius lib. 8. in cap. 16. Lucæ. *Dimittis uxorem quasi iure sine crimine, & putas id tibi licere, quia lex humana non prohibet, sed diuina prohibet. Qui hominibus obsequeris, Deū verere. Audi legem Domini, cui obsequitur etiam qui leges scrunt: Quæ Deus coniunxit homo non separet. Sed non solum hic celeste præceptum, sed quoddam etiam opus Dei soluitur &c.* Hieronymus epist. 3. ad Oceanum, in epitaphio Fabiolæ cap. 1. *Præcepit Dominus uxorem non debere dimitti, excepta causa fornicationis, & si dimissa fueris manere innupta. Quicquid viris iubetur, hoc consequenter redundas in feminas. Neque enim adultera uxor dimittenda est, & vir machus retinendus. Si quis meretrici iungitur, unū corpus facit, ergo & quæ scortatori impuroque sociatur, unum cum eo corpus efficitur. Alia sunt leges Cæsarum, alia Christi: aliud Papinianus, aliud Paulus noster præcepit &c.* Item epist. 147. ad Aman-dum, & in cap. 19. Matthæi; Augustinus de bono coniugali cap. 7. ubi explicat locum 1. Corinth. 7. tum cap. 15. & 18. lib. 1. de adulterinis cap. 9. & 11. Restat, inquit, ut Matthæum intelligamus, à parte totum significare voluisse, eandem tamen tenuisse sententiam, non quidem ut dimittens uxorem, & alteram ducens, quidam machetur, id est, qui præter fornicationem dimiserit: quidam verò non machetur, id est, qui propter fornicationem dimiserit: sed omnis, qui dimittit uxorem suam, & ducit alteram, machari minime

Biblit. Theol. Tom. V.

dubitatur: Item lib. 2. cap. 4. 5. & 9. ubi explicat omnia superius citata scripturæ loca; & lib. 50. homil. 49. capit. 2. Quando igitur lib. 1. de nuptijs cap. 10 loquens de præsentī quæstione, ait venialiter peccari, sensus eius non est, qui dimissa vxore adultera adhuc viuente aliam accipiunt, peccare tantum venialiter, sed sensus est, eum esse dignum venia, id est excusatione, quia fallitur in eruenda illa veritate, ex sacris litteris, ita vt particula illa, *venialiter*, non referatur ad factū mariti, sed ad ignorantiam istius difficultatis ex sacris litteris. Primasius ad cap. 7. prioris ad Corinth. Isidorus Hispalensis lib. 2. de Eccles. offic. cap. 10. Beda in cap. 10. Marci. Carolus Magnus lib. 6. legum. cap. 87. Haymonius ad cap. 7. prioris ad Corinth. Anselmus Cantuariensis ad cap. 5. Matth. & 7. 1. ad Corinth. Iuo Carnorensis epist. 157. Rupertus lib. 2. in Genes. cap. 35. Petrus Lombardus lib. 4. distinct. 32. & 33. alique deinceps Theologi.

Ratio autem à priori huius veritatis fundata est in voluntate, & institutione Christi Domini: etsi enim matrimonium consummatum habeat aliquā indissolubilitatem à iure naturæ, & diuino ex prima sua institutione, illud tamen non esse absolute indissolubile, ita vt dissolubilitas eius sit intrinsecè mala, seu prohibita, quia mala, clarè constat, tum ex eo, quod in lege veteri Moyses, Deo dispensante permisit Iudæis, sumpta occasione ab eorum duritia, vt possent licite vxores, quas antea duxerant, dimittere ex quibusdā causis, & alias, istis adhuc viuentibus, accipere, vt habetur in cap. 24. Deuteronomijs; nam ibi præscribitur modus faciendi tale repudium, & vers. 4. eiusdem capituli significatur fuisse licitum vxori iam repudiatæ, alterum maritum ducere, nec permittitur vilo modo redire ad priorem adhuc viuentem; Deinde in Scriptura sacra nunquam repudium numeratur inter scelera populi Iudaici, nec legitur fuisse illi prohibum,

bitum, ab alijs iam repudiatas accipere in uxores; sed soli tantum sacerdoti Leuit. 21. vers. 13. Imò & repudium hoc, ante aduentum Christi Domini, fuisse etiam apud Ethnicos licitum videtur aperte docere factum Esther, quæ consilio Mardochæi legis Iudaicæ obseruantissimi, nupsit Regi Assuero, post Reginam Vasthi ab illo repudiatam. Tum ex eo, quod in statu etiam legis Euangelicæ, matrimonium infidelium consummatum, vno se ad fidem conuertente, dissolui possit quo ad vinculum, in aliquibus casibus. Primus est, si infidelis nolit habitare cum fidei, sed velit discedere. Secundus est, si infidelis nolit cohabitare cum eo sine contumelia Creatoris. Tertius est, si infidelis nolit manere cum prædicto fidei, nisi pertrahendo illum ad peccatū mortale; vt cōmuniter docēt Theologi, & Canonistæ; Quod igitur in statu legis Euangelicæ, matrimonium inter fideles consummatum in nullo prorsus casu dissolui possit quoad vinculum, nec parti innocenti liceat aliud matrimonium contrahere, altera parte adhuc viuentē, absolutē refundi non potest in naturam matrimonij, sed in Christi Domini voluntatem, ac institutionem, qua, vt satis nobis constat ex dictis, eleuando matrimonium ad naturam, & perfectionem Sacramenti, vtque significaret practicē gratiam sanctificationem in illud contrahentibus, qua quidē gratia contrahentes se se mutuo diligere, & hac mediante dilectione charitatem mutuam inter Christum, & Ecclesiam repræsentarent, vt ait Apostolus ad Ephesios 5. loquens de matrimonio baptizatorum, *Sacramentum hoc magnum est, Dico autem ego in Christo, et in Ecclesia*, voluit illud esse absolutē quo ad vinculum indissolubile. Vnde prima ratio congruentiæ huius indissolubilitatis, matrimonij consummati, iuxta institutionem Christi, desumitur ex hoc, quod non solum significat gratiam sanctificantem, seu coniunctionē Christi cum anima, verum etiam, ex

Apostolo loco citato, coniunctionem Christi cum Ecclesia per charitatem, & assumptionem humanæ naturæ, quæ omnino insolubilis est. Quia autem matrimonium ratum, & non consummatum, significat tantum vniōē Christi cum anima per gratiam, quæ vno solubilis est, ideo dirimi potest per vota monastica, vt notauimus supra; diciturque illi deesse aliquod in ratione Sacramenti, non quidem essentiale, aut accidentale, sed tantum integrale, quoniam, licet sit verum sacramentum, non tamen completum, quoad omnem significationem, vt diximus; quod etiā sufficit ad hoc, vt sit per monasticam professionem solubile; secus autem consummatum, aut ex quacumq; alia octasione, vel causa.

Altera ratio congruentiæ præfatæ indissolubilitatis matrimonij semel consummati, desumitur ex hoc quod sit Sacramentum nouæ legis, peculiarem consequenter gratiam conferens, quæ incommoda coniugij faciliē tolerēt; quale non erat matrimonium Iudæorum, indē enim Christus licitam in lege veteri Iudæis coniugibus ob eorum cordis duritiam, permissionem soluendi per repudium vinculum matrimonij, iure merito, locis superius citatis, reuocauit in noua; neque consequenter in utroque statu reperitur eadem causa, qua durante, eadem, quæ in veteri testamento lex, durare deberet in nouo, vt possent instare aduersarij, quorum etiam alijs obiectionibus parui momenti, v.g. ex matrimonio infidelium desumptis, vbi alter ad fidem conuertitur &c. quia satis patet ex dictis, tantum sufficiat de præsentī cōtrouersia; quam Theologi tractant cum Diuo Thoma 3. p. q. 49. supplementi.



CAPVT XXIV.

Statuitur aduersus nonnullos Orientales, tum Græcos, tum Armenos, tum Iacobitas, existentia Purgatorij.

Nomine Purgatorij locum aliquē, quidquid sit de qualitate illius, intelligunt Catholici Romani, in quo fidelium animę, quę vel reatu culpę venialis, vel debito poenę alicuius temporalis ob peccatum mortale remissū, adhuc obstrictę, migrauerunt ex corpore, cruciantur, vt diuinę iustitię satisfaciant, donec ab eiusmodi reatibus siue per suas poenas, siue per viuorum suffragia omnino expiatę; cœlestem beatitudinem consequantur. Cuius loci existentiam, cum omnes hæretici Orientales non negent, sed aliqui duntaxat, tum Græci, tum Armeni, tum Iacobitę, errore communi hæreticis Occidentis, Lutheranis, & Caluinistis, illum sequenti sectione refellemus.

CAPVT XXV.

Ostenditur contra Græcos, Armenos, Iacobitas, & alios fere omnes Orientis hæreticos, unumquemque iam hominem in die obitus, seu ante iudicium vniuersale, pro meritis retributionem accipere.

Est error ferè communis omnium Orientalium Christianorum, quod statim à morte vniuscuiusque non detur iudicium particulare, quo dignam operibus suis retributionem accipiat, ita vt animę iustorum, quibus nihil est purgandum, mox in cælum recipiantur, clarè Deum Trinum, & Vnum visurę; animę autem reproborum subeat poenę sibi debitas in inferno; sed hoc totum, post resurrectionem reservari dici iudicij vniuersalis; & interim pec-

catorum animas mœrore solum affici ex tormentis, quę illis debentur in tali die, residereque in aeris inuisibili loco; iustorum verò, collocatas esse sub octaua sphæra. Sic rem expressè docent, ex Armenis Ioannes Orodniensis lib. de hæresibus, Vartanus in monitis ad Arm. cap. 5. Dattieuensis in lib. interrogat. Vanachanus in tract. de locis animarū; solumque hic vltimus differt ab alijs, quod asserit, animas mediocriter iustas detineri quidem sub octaua sphæra cælorum, at Sanctorum Animas esse, nunc in Empyreo vna cum Christo, & Angelis: de illarum tamen gloria nihil dicit. Gręci quoque, vt refert Sanctus Thomas in opusc. de erroribus eorū; habeturq; in Concilio Florentino sess. 1. licet Sanctorum Animas beate agere, & pro nobis orare, & nostras preces exaudire faterentur, eas tamen non putabant in cœlum, atque ad conspectum Dei ante resurrectionem admitti. Ab hoc eodem errore alienus non fuit Lutherus ad cap. 25. Genesios, *Sancti, inquit, dormiunt, & nesciunt quid his agatur, & tamen quiescunt, & Caluinus lib. 3. institut. cap. 25. §. 6. docens, stultum, & temerarium esse, inquirere, in quo loco sint animæ iustorum, & an gloria fruantur nec ne.*

At fides Catholica contra hos omnes docet, iustorum animas post discessum ex hac vita, quibus nihil est purgandum, aut à quibus iam in Purgatorio debitę persolutę sunt poenę, recte in cœlum tendere, ibique glorificari Dei visione frui; reproborum autem animas æternis inferni poenis addici. Prima huius veritatis definitio habetur ex Alexandro III. capit. quod incipit *Apostolicam*, tit. de Presbytero non baptizato: Innocentio III. cap. Maiores Extra. de Baptismo, tum in fidei formula, quàm Clemens Papa IV. Michaeli Palæologo Græcorum Imperatori proposuit; quamque postea confirmans Nicolaus IV. ad Haytonem II. Armenię Regem, in Ecclesię Romanę communionem admitti petentem, etiam transmi-

transmisit. At Benedictus XI. in Extravaganti, quæ incipit, *Benedictus Deus*, omnium clarissimam de hac re definitionem exhibuit.

Ex Concilijs, duo Generalia idem confirmarunt, Florentinum sess. ult. Item definimus illorum animas, qui post baptismum susceptum, nullam omnino peccati maculam incurrerunt; illas etiam, quæ post contractam peccati maculam, vel in suis corporibus, vel ipsdem exuta corporibus suis purgatae, in celum mox recipi, & intueri clarè ipsum Deum, Trinum, & Unum sicuti est, pro meritum tamen diversitate, alium alio perfectius. Et Tridentinum sess. 25. in decreto de invocatione Sanctorum, ubi expressè docet, *Sanctos in celo una cum Christo regnare, & aeterna felicitate frui*. Cum prius Synodus Francofurdienfis anno 794. in epistola ad Hispaniæ Episcopos hæc scripsisset: *Sufficit nobis Sanctorum Patrum vestigia sequi, & illorum dicta firma tenere, quorum anima apud Deum, Dei filium, Dominum nostrum Iesum Christum, pro magno pietatis labore regnant in celis*. Hos ergo sequimini, ut horum doctrinæ inconcussa veritate inherentes, consortium aeternæ beatitudinis cum illis habere mereamini in celis.

Plura autem sunt Scripturæ loca, quibus hæc fidei veritas reuelata habetur, eiusque definitio innuitur; primum enim pro animarum reprobarum ad inferos deductione, statim à morte ipsorum, ab ipso mundi principio, dicitur Sap. 12. Ver. 23. *Vnde & illis, qui in vita sua insensatè, & iniuste vixerunt, per hæc quæ coluerunt, dedisti summa tormenta*. Et Lucæ 16. *Mortuus est autem & diues, & sepultus est in Inferno*, &c. quod respondent aduersarij, Christum ibi loquutum fuisse parabolam, narrasseque futura, tanquam præterita, est omnino falsum; nam præterquam asserunt communiter Sancti Patres, Sacrique interpretes, fuisse veram historiã, ex eo adhuc satis liquet, quod in illa referuntur propria nomina Lazari, &

Abrahæ, quod fieri nequaquam solet in parabolis. Deinde, etiam si esset parabola, non potest res, post diem iudicii futuras, enarrare; siquidem Diues ait: *Rogo te Pater Abraham, ut mittas Lazarum in domum Patris mei: habeo enim quinque fratres: ut testetur illis, ne, & ipsi veniant in hunc locum tormentorum*. Et respondit Abraham: *Habent Moysen, & Prophetas: audiant illos*. Et, si Moysen, & Prophetas non audiunt; neque, si quis ex mortuis resurrexerit, credent. Quæ quidem omnia vera esse nequaquam possunt post diem iudicii; quando nec fratres remanent in mundo; nec audiri possunt amplius Moyses, & Prophetæ, nec aliquis reperitur, qui à mortuis non resurrexerit: gratis igitur admissio, quod esset parabola, in ea Christus talia futura, tanquam præterita enarrare non potuit. Verum tamen est, ea, quæ in hac historia referuntur de oculis, lingua & digito, non esse propriè, sed translata solum, seu metaphoricè intelligenda; prout Scriptura in similibus referendis semper uti solet verbis, humanæ locutioni proportionatis. Item ubi dicitur, S. Iudæ Apostoli epist. cath. ver. 7. *Sicut Sodoma, & Gomorrha, & finitima civitates, simili modo exformicatae, & abeuntes post carnem alteram, factæ sunt exemplum, ignis aeterni penam sustinentes*, huiusmodi verbis, clarè significatur, Sodomitarum, atque Gomorrensiarum animas iamdiu ignis aeterni pœnam sustinere; similiter dum ait Ioannes Apocal. cap. 19. v. 20. *Et apprehensa est bestia, & cum ea pseudopropheta: qui fecit signa coram ipso, quibus seduxit eos, qui acceperunt characterem bestiae, & qui adorauerunt imaginem eius*. Vini missi sunt hi duo in stagnum ignis ardentis sulphure; reuelatum ei fuisse videtur, Antichristum in gehennam ignis mittendum fore, etiam ante diem extremi iudicii.

Loca Scripturæ, pro animarum iustorum, mox post mortem, in celum receptione, si nihil habent purgandum, aut eo, si habent, in Purgatorio sufficien-

cien-

cienter emundato, in ſtatu legis Euan-
gelicæ, quo cælum prius clauſum, per
Chriſti mortem reſeratum fuit, habentur
Lucæ cap. 23. vbi Chriſtus pendens
in Cruce ait latroni: *Hodie mecum eris.*
in Paradifo, hoc eſt in æterna futuri ſæ-
culi vita, illo die inchoanda, eo in loco,
in quo iuſtorum animæ requieſcebant,
quem alio nomine Iudæi vocabant ſi-
num Abrahæ, perficienda verò, quando
cum Chriſto in glorioſa ſua aſcenſione,
captiuam ducente captiuitatem, cæleſti
habitatione, claræque ibi Dei viſionis
fruiturus erat. Ibi enim Chriſtum Do-
minum non fuiſſe locutum de Paradifo
terreſtri, in quo Adam poſitus fuerat, vt
explicant aduerſarij, ſed de ſpirituſuali,
hoc eſt æterna Sanctorum gloria, cuius
terreſtris Paradifo figura fuit, & de
quo loquitur Apoſtolus 2. Corinth. 2.
cum ait, *ſe raptum fuiſſe in Paradifo*,
videlicet ſupra tertium cælum, vt antea
dixerat, colligitur tū ex eo, quod Chri-
ſtus promiſit latroni conſortium ſuum,
cum ait, *mecum eris in Paradifo*, mihi
ſocius in illo nunquam ſeparandus, vt
es ſocius in cruce, ac pœna, Chriſtum
enim Dominum non ſe tranſuſiſſe in
Paradiſum terreſtre, præſertim ibi
permanſurum, vſque ad finalis iudicij
diem, certiffimum eſt. Tum ex eo quod
promiſſio Chriſti debebat reſpondere
petitioni latronis: Latro autem non
petierat Paradifo terreſtre, ſed abſo-
lutè vnà cum ipſo Chriſto eſſe, cum
ait: *Memento mei, cum veneris in regnū
tuum*; igitur Chriſtus, promittendo il-
li Paradifo, Regnum ſuum promiſit,
id eſt, ſummam, & æternam felicitatē;
ſicque, vt ait Ambroſius vberior fuit
gratia, quam precatio, pluſque ei Do-
minus tribuit, quam rogatus fuerat; cum
enim non auderet dicere, fac me parti-
cipem regni tui, conſcius ipſe ſibi ſce-
lerum, vilitatiſque ſuæ, ſed ſufficeret
ipſi, ſi Ieſus memor ipſius à morte fo-
ret, cum veniſſet in regnum ſuum, non
ſolum virtualiter dixit ei Ieſus ero tui
memor, verum etiam expreſſè, *mecum
eris in Paradifo*, non vſus nomine re-

gni, dicens in regno meo, ne arrogan-
tius admittere videretur oblatum ſibi à
latrone honorem regis.

Ioannis 12. verſ. 26. vbi ait Chriſtus:
*Si quis mihi miniſtrat, me ſequatur: &
vbi ſum ego, illic & miniſter meus erit:*
cap. 14. v. 2. *In domo Patris mei manſio-
nes multe ſunt, ſi quo minus, dixiſſem
vobis. Quia vado parare vobis locum.
Et ſi abiero, & præparauero vobis locum:
iterum venio, & accipiam vos ad meipſū,
vt vbi ſum ego, vos ſitis.* cap. 17. verſ. 24.
*Pater quos dediſti mihi, volo, vt vbi ſum
ego, & illi ſint mecum:* Sed Chriſtus iam
eſt in cælo, ibique regnat glorioſus, er-
go dum vult, vt vbi ipſe eſt, illic ſui ſint
miniſtri, & diſcipuli, dicitque ſe vade-
re parare illis locum, neceſſario ſequi-
tur animas iuſtorum poſt diſceſſum ex
hæc vita, non alio recipi, quam in æter-
na tabernacula, ibique clara Dei viſio-
ne frui, interim dum ad completam eo-
rum beatitudinem fiat corporum reſur-
rectio, in die finalis iudicij.

Actorum cap. 7. Stephanus morte
imminente: *Vidiſti gloriam Dei, & Ieſum
ſtanteſ à dextris Dei, & ait ecce video
Cælos apertos*, non alia certè ratione,
niſi vt intelligeremus cælum antea clau-
ſum, iam poſt Chriſti mortem, glorio-
ſamque eius aſcenſionem, reſeratum
fuiſſe, Stephanoque paſuiſſe, vt ſtatim
poſt obitum in Paradifo gloriam reci-
peretur à Domino, ideoque exclamaſ-
ſe: *Domine Ieſu ſuſcipe ſpiritum meum.*

2. Corinth. 5. *ſcimus, quoniam ſi ter-
reſtris domus noſtra huius habitationis
diſſoluatur, ædificationem ex Deo habem-
us, domum non manufactam, æternam
in calis*, ſec. quorum verborum ſenſus
eſt, quod, ſi vita hæc mortalis perit, ha-
bemus ſtatim aliam longè meliorem,
æternam ſcilicet in cælis; Vnde bonum
eſt, cito mori in hoc mundo, vt cito
viuamus beati in cælo; non enim ait
Apoſtolus, poſtquam induiti fuerimus
corpus immortale in die iudicij, ſed
mox poſt diſſolutionem terreſtris do-
mus noſtræ, id eſt, corporis mortalis,
vt abſorbeat, quod mortale eſt, à vita

nos habituros domum, non manufactā, æternam in Cælis.

Ad Ephesios 4. vbi dicitur, *Christus ascendens in altum, captiuam duxit captiuitatem*, per particulam, in altum, significat Apostolus summum cælum, vt paulo post exponit sic dicens: *Qui descendit, ipse est & qui ascendit super omnes celos*. Illuc ergo animas Sanctorum Patrum, quæ respectiue ad gloriam Paradisi in Lympo, vel sinu Abrahæ veluti captiue detinebantur, secum adduxit, vt interpretantur cōmuniter Patres.

Ad Philippenfes cap. 1. ait Apostolus. *cupio dissolui, & esse cum Christo*, non per gratiam, quam iam habebat, sed per gloriam, quam post mortem, seu dissolutionem corporis expectabat; alias cum Christum in cælis esse dubium nō sit, frustra cum illo esse desiderasset Apostolus, si mox post mortem id non obtinuisset, sed eius anima expectare, alibi debuisset finale iudicium, vt cum Christo in gloria iungeretur, & illud asequi posset, quod promiserat idem Dominus Ioann. 12. dicens, *vbi sum ego, illic, & minister meus erit*.

Ad idem pertinent; quæ habentur epistola ad Hebræos cap. 4. v. 8. & 15. cap. 12. vbi ait, Ecclesiam Sanctorum, & iustorum perfectorum esse iam in cælesti Ierusalem; *Accessistis, inquit, ad montem Sion, & ciuitatem Dei viuentis, Ierusalem caelestem, &c.*

Scripturæ accedit traditio, docentibus vnanimiter Patribus, hanc veritatem tanquam diuinitus reuelatam, deque illa, & iuxta illam debere intelligi præfata Sacræ Scripturæ loca. Ex Græcis, sunt Dionysius Areopagita lib. de Eccles. Hierarch. cap. 7. par. 1. vbi loquens de Sanctis, ac iustis, in mortis articulo constitutis ait: *Norunt profecto, se totos percepturos exactissimam, ad Christi speciem, requiem, cum ad presentis vite finem peruenerint*. Ignatius in epist. ad Romanos anhelans ad martyrium: *Aqua viva, inquit, manens in me, intrinsecus mihi dicit: veni ad Patrem, &c.*

Irenæus lib. 1. cap. 2. *Iustis, & equis, & præcepta eius seruantiis, & in dilectione eius perseverantibus, quibusdam quidem ab initio, quibusdam autem ex penitentia, vitam donans, in corruptelam loco muneris confert, & claritatem æternam circumdat*. Vbi notandum quibusdam quidem ab initio, quoniam ijs, qui mox à baptismo moriuntur, vel qui pro Christo vitam ponunt; vel qui denique ita sunt perfecti, vt nihil purgandum habeant, statim donatur vita, & claritas æterna, aliis nonnisi post poenitentiam, hoc est satisfactionem in futuro sæculo poenis Purgatorii redditam. Vnde quod ait idem Irenæus lib. 5. c. 31. *Et discipulorum eius, propter quos hæc operatus est Dominus, anime abibunt in inuisibilem locum, definitum ijs à Deo, & ibi usque ad resurrectionem commorabuntur*; non significat Sanctorum animas interrim non esse in cælo beatas, nil velimus dicere cum sibi contradicere, sed præfatorum verborum sensus est, vel eas non esse in illa perfecta beatitudine, in qua est Christus, qui anima & corpore est beatus, cum id iusti habituri sint tantum in die resurrectionis; vel per inuisibilem locum, definitum ijs à Deo, vsque ad resurrectionem, intelligendū esse cælum, quatenus lib. 2. cap. 63. per hæc, quæ narrat Lucas cap. 16. de diuite, & Lazaro iam asseruerat, manifestissime declaratum esse, perseverare animas, & non de corpore ad corpus transire, &c. & dignam habitationem vnquamque gentem percipere etiam ante iudicium. Eusebius Cæsariensis lib. 10. Hist. Eccles. cap. 2. *Verum hi Sancti Martyres, &c.* & lib. 1. vitæ Constantini cap. 1. Athanasius tam in vita S. Antonii, vbi refert animam Ammonis Angelis stipatam, visam fuisse ab illo, pergere ad Cælum, quàm super illud Matth. 11. *Omnia mihi tradita sunt à Patre*. Cyrillus Hieropolymit. Catechesi 13. ad illud Lucæ 23. *Amen dico tibi hodie mecum eris in Paradiso*. Ephrem Syrus in serm. de ijs, qui in Christo obdormierunt: *E terra exierunt, & iam supernam Ierusalem inhabitabunt*.

habitant : vitę pręsentis vanitatem reliquerunt , & ad supernam beatitudinem perueniunt . Basiliius homil. in 40. Martyres : *Vos non terra contexit , sed calum excepit . Aperta sunt vobis Paradisi portę ; & orat. in Gordium Martyrem : Erat enim affectus , non ut qui in lictoris manibus deuenturus esset ; sed velut Angelorū manibus seipsum commissurus ; qui statim ipsum , recens mactatum assumptum ad beatam vitam translaturi essent .* Gregorius Nazianzenus orat. in laudem Cęsarii fratris in fine : *Tu vero sacrum , & diuinum caput ē cęlo quęso nos respice , &c. orat. in laudem Gorgonię sororis , & S. Basilii .* Epiphanius heresi 78. Gregorius Nyssenus orat. funebri in Magnum Meletium . Ioannes Chrysostomus ad cap. 12. Ioannis : *Vbi ego sum , inquit Christus , illic & minister meus erit . Vbi Christus ? in cęlis , ergo ante resurrectionem illuc anima , & mente transferemur , tum serm. 3. in epist. ad Philipp. Peccatores vbi sunt ? &c. & serm. 4. Et quid eligam ignoro . Quid ais ? cum hinc abiens ad calum sis migraturus , & cum Christo futurus , ignoras quid eligas ? sed longę nos absumus ā Pauli anima .* Marcus Eremita in pęceptis salutaribus : *Passionis Christi emolumenta sunt , inferni , mortisque spoliatio , earum quę cum Domino venerunt , animarū assumptione in calos ; &c. Synecius hymno 3. Cyrillus Alexandrinus lib. 12. in Ioan. cap. 36. Certam huius rei spem habemus , firmiter credentes , in manibus Dei nos post mortem futuros , vitamque multo meliorem , ac perpetuo cum Christo victuros . Ideo enim Paulus desiderauit resolui , & esse cum Christo .* Isidorus Pelusiota epist. 151. Theodoretus lib. 8. Gręcarum affectionum : *Animę triumphatorū Martyrum in cęlesti nunc patria vitam agunt , Choris inserta Angelorum , &c. Basiliius Seleuciensis de Lazari exultatione : Iustus ē vinis excedens ad Angelorum cętus hinc transmigrauit .* Cyrillus Eremita vitę Ioannis Salęntiarij cap. 13 *Dum ea de re Deum rogaret , &c. Leonitius Cyprius vitę Simeonis Sali c. 46.*

Biblioth. Theol. Tom. V.

Eustachius Presbyter orat. in S. Eutychium . Ioannes Damascenus , aut alius historię Barlaam cap. 40. Theosterictus orat. funebri in S. Nicetam , cum verō tempus venisset , quo dissolui haberet , &c. Theodorus Studites orat. funebri in S. Platonem cap. 47. Et nunc ille quidem in calis est , &c. Michael Syngelus in encomio Dionysij Areopagitę , O Sanctum & diuinum caput , &c. Theophylactus ad cap. 23. Lucę . *Dicendum est idē esse regnum Calorum , & Paradisum .* Lactro quidem est in paradiso , hoc est regno , &c. Occumenius ad cap. 9. ad Hebr. *Quod in Sancta Sanctorum Pontifex solus ingrediebatur , typus fuit , quod solus Christus , verus ille Pontifex , ipsum penetrauerit calum . Sed reliquum iam est , ut reuersus , hominum secum genus adducat .* Fuerat enim ante inuium , nunc verō per Christum peruium factum est . Gręci , qui Concilio Florentino interfuerunt , sessione vltima , *Ex nobis ipsi prosperemus , iustorum animas perfectam laureolam , in calo iam consecutas esse , ac impiorum perpetuas penas luere .* Gennadius Scholarius de Sanctorum truitione sectione 2. & 3.

Ex Latinis , Cyprianus serm. de mortalitate , *Considerandum est , &c. in lib. de exhortatione Martyrij cap. 12. Quis non omnibus viribus elaboret , ut cū Christo statim gaudeat : ut post tormenta , & supplicia terrena , ad premia diuina perueniat ? &c. Tam velociter migrandi quanta felicitas ; ut terris repente subtraharis , & in regnis cęlestibus reponaris .* Zeno Veronensis serm. de S. Arcadio Martyre : *Odignus gloriofi exitus finis , &c. Hilarius psal. 64. & 124. loquens de Apostolis , alijsque Sanctis , Quomodo possumus , inquit , montes non eos significatos esse , intelligere ; qui super terrenā naturam gloriofi , iam in Deo rebus exultant ?* Ambrosius ad cap. 22. Lucę , *Vnde te euocem Petre , &c. orat. de fide resurrectionis , Ego malim de vestro merito melius inducitis , & lib. 7. epist. 59. de S. Acholio : Quis igitur Acholius iam Superiorum incolę , possessor Ciniatis*
Eeecc eter-

atque, illius Ierusalem, quæ in celo est, &c. Hieronymus epist. 3. ad Heliodorū cap. 3. *Ante Christum Abraham apud inferos; post Christum latro in Paradiso &c.* epist. 24. de obitu Leæ, & 25. Blefillæ. 27. ad Eustochium in Epitaphio Paulæ cap. 14. Gaudentius Brixienſis tract. in dedicatione Basilicę Concilij Sanctorum, *In medijs cruciatibus &c.* Chromatius ad cap. 5. Matth. *Quia omnia, quæ pro nobis Dominus egit in Sacramentum salutis nostræ ostensa cognoscimus, in eo quod baptizato Domino Cali aperti sūt, idem monstratur, quia renatis in baptismo calorum regna paterent, quæ nobis filius Dei in corpore ad calum ascendens primus apernis.* Augustinus passim, sed præsertim lib. 20. de Civitate Dei cap. 13. *Anima Victrices &c.* lib. meditat. c. 23. *felix anima &c.* in Psal. 83. super illud: *Beati, qui habitant in domo tua Domine,* Et lib. 2. quæst. Euangelic. cap. 38. *Dicentes enim Angeli, quid statis intuentes in calum? quid aliud dixerunt, nisi nullo modo posse oculos hominum usque in illud penetrare secretum, quo ibas Dominus, cum in conspectu discipulorum ferretur in calum. Iam cætera secundum superiorem expositionem accipere possunt; quia secretum Patris bene intelligitur, ubi etiā ante resurrectionem iustorum animæ vivunt cum Deo.* Paulus Nolanus in martyrio S. Genesij, *In eo loco exoptato &c.* Petrus Chrysologus serm. 66. *Postquā Dominus, resurgens à mortuis, aperuit infernum, patefecit celos, Paradisi claustra reſerauit, dedit Sanctis Paradisi intrare requiem, ad celi gloriam pervenire.* Leo Magnus serm. de Ascensione Domini cap. 4. & de S. Laurentio capit. 4. Gennadius Massiliensis de Ecclesiast. dogmat. cap. 78. Fulgentius serm. de S. Stephano. Salonius in Ecclesiasten, *Spiritus filiorum Adam non simul cum corpore dissoluitur, sed mox ut egreditur de corpore, aut deducitur ad gloriam, aut demergitur ad penam.* Fortunatus lib. 8. de Senatu curiæ cœlestis, Gregorius Magnus in Psal. 4. *pœnitentialem, Beatitudo, inquit, & animabus Sanctorum*

ante resurrectionem tribuitur, & corporibus nihilominus post iudicium conferetur. lib. 13. in lob. cap. 15. *Quia auctoris nostri gratia redempti sumus, hoc iam cœlestis muneris habemus, ut cum à carnis nostræ inhabitatione subtrahimur, mox ad cœlestia pramia ducamur &c.* item lib. 4. dialogor. cap. 25. *Perfectorum animæ mox ut huius carnis claustra exennt, in cœlestis regni sedibus recipiuntur: quod & ipsa per se veritas attestatur dicens Luc, 17. Vbi cum fueris corpus, illuc congregabuntur & aquila. Quia ubi ipse Redemptor noster est corpore, illuc proculdubio iustorum colligitur animæ.* Et Paulus: *Cupio dissolui & esse cum Christo. Qui ergo Christum in celo esse non dubitat, nec Pauli animam esse in celo negat.* Isidorus Hispalensis lib. 1. de summo bono cap. 16. Iulianus Toletanus lib. 2. Prognosticon cap. 1. Beda lib. 3. hist. Anglic. cap. 8. de transitu Earcongotis filii regis. Alcuinus lib. de offic. Ecclesiast. cap. 18. Ambrosius Anbertus lib. 4. in Apocal. cap. 7. *Et data sunt illis singula stola alba &c.* *Ante resurrectionem quippe stolas singulas accepisse perhibentur electi: quia in sola adhuc animæ æternis beatitudinibus perfruuntur: binas autem in resurrectione accepturi sunt, quando cum animarum perfectio gaudio etiam corporis incorruptione vestientur.* Haymonius Dominica Septuagesimæ; Hincmarus in vita S. Remigij: *Nam ut iaceamus &c.* Rabanus Maurus lib. 4. de vniuerso cap. 10. Hucbaldus vitæ S. Lebuini cap. 15. Abbo Floriacensis vitæ S. Eadmundi cap. 16. Petrus Damianus serm. 2. de S. Appollinari. Anselmus ad caput. 5. 1. Corinth. ad capit. 1. epist. ad Philipp. & 12. ad Hebræos. Honorius Augustodunensis lib. 1. synopsis mundi cap. 139. Hugo Victorinus de clauſtro animæ cap. 41. *Luce clarius constat, quod perfectorum iustorum animæ, mox ut huius claustra carnis exeant, cœlestibus sedibus recipiuntur. Hoc autem ipsis iustis pro retributione sua iustitia crescit in die iudicij, quod nunc animarū sola, postmodum verò etiam corporum beatitudo*

titudine perfrenentur. Bernardus serm. in vigilia SS. Petri, & Pauli; & serm. 2. de Sancto Victore. Alexander Aleius par. 4. summa q. 15. membr. 4. art. 4. §. 4. *Iudicium illud erit quantum ad consummationem glorificationem in anima, & carne, quam nondum habent mortui: quamvis animae iam sine beate in calo.* Thomas Aquinas supplementi quaest. 69. art. 2. En quot & quantis Patrum testimonijs diuina praesentis veritatis ad nos peruenit traditio, quam licet vni, clarius alijs, quandoque exprefferint, omnes tamen simul illam sufficientissimè contestati sunt.

Vnica huius veritatis ratio à priori est voluntas diuina; cum enim res veròque modo fieri, nihil repugnaret, nullamque contradictionem inuolueret, de facto Deus, secundum quod ex hoc usque dictis ab eo reuelatū nobis fuit, voluit, ut in statu legis Euangelicæ, statim ac animæ iustorum absoluerent à corpore, ad caelos euolarent, nisi impedirentur aliquo reatu, vel macula, qua opoteret euolutionem differri, prius in purgatorio diluenda.

Rationes autem congruentiae talis voluntatis, à citatis Patribus allatae, duae sunt praecipuae; prima desumitur ex infinita perfectione redemptionis Christi, quae tam realiter per mortem eius consummata, conueniens erat, ut deinceps iustorum animae, statim per discessum ex hac vita, illic essent, ubi & Christus, iuxta promissionem eius, nam, ut ait Marcus Eremita, *Passionis Christi cuncta momenta sunt, inferni mortificatione spoliatio, earumque cum Domino uenerunt, animarum assumptio in caelos.* Unde cum ante Christi aduentum desisteretur potius dies mortis Sanctorum, & iustorum, ut notauit S. Basiliius orat. in S. Barlaam, nunc in Ecclesiae summa cum laetitia celebratur. *Mosque Ecclesiasticus, inquit Alcuinus superius citatus, obtinuit, diem illum non funebrem sed natalitium appellare. Inre enim nasci dicuntur, quidè pressuris huius mundi, nunquam de angustijs cuiusdam arctissimi* Biblioth. Theol. Tom. V.

ventris, ad illam spatiosissimam, & lucidissimam caelestis habitationis, emittuntur latitudinem.

Alteratio congruentiae desumitur ex hoc, quod iusti habuerunt iam in hac vita meritum aeternae beatitudinis, cum in alia vita non sit nouis meritis locus, verum haec ratio non valet, nisi praesupposita prima, nam etiam in veteri testamento iusti morientes habuerant iam in hac vita meritum aeternae beatitudinis, & tamen illam statim non obtinebant. In tantum igitur Deus voluit, ut nunc animae iustorum, statim post merita huius vitae, aeternam reciperent beatitudinem, tanquam coronae certaminis, & mercedem laboris, in quantum caelum antea clausum, post Christi mortem, gloriosamque Ascensionem patefactum est, vel, ut diximus ex Gregorio Papa lib. 13. in Iob. c. 15. *auctoris nostri gratia redempti sumus; hoc enim sublatum impedimento, non erat cur post militiae certamina, & mercenarii laborem statim non redderetur iustis corona, & merces, sed expectare illam deberent usque ad saeculi consummationem.*

Superest, ut nonnullis aduersariorum obiectionibus satisfaciamus, contra haec usque dicta de retributione penae, vel praemij ante iudicium vniuersale, reddenda in iudicio particulari cuiusque mox post obitum. Prima eruitur ex cap. 8. S. Matth. vers. 29. ubi duo habentes demonia occurrentes Christo dixerunt ei, *cur venisti hic, ante tempus torquere nos?* & Lucæ cap. 8. v. 31. *rogabant illum ne imperaret illis, ut in abyssum irent.* Inde enim colligi videtur demones nondum fuisse punitos, sed puniendos referuari in diem iudicii, atque adeo prauos etiam homines, cumque eadem ratio videatur esse de praemio beatitudinis, iustos quoque illud tantum reportaturos eodem die. Responderetur ad hanc obiectionem, quod sicut Sancti Angeli iam nunc glorificantur in caelis, & Dei faciem intuentur, iuxta Christi Domini testimo-

nium, qui ait Matth. 18. *Angeli eorum in calis semper vident faciem Patris mei*; ita consequenter perspicuum est, omnes prævaricatores Angelos, iam nunc inferni pœnis subiace, nec oppositum colligi potest ex præfatis scripturæ locis, aut alijs similibus; sed tantum in inferno, ibi per abyssū significato, quosdam eorum agere, ut habetur Apocal. 20. v. 3. cum animabus eorum, qui in impietate decesserunt, alios verò ad nostram exercitationem in aere hoc inferni versari, ita docente Apostolo Ephes. cap. 2. v. 2. & cap. 6. v. 12. qui tamē iisdem cum alijs exercuantur pœnis, suā secum ubique portantes gehennam, extremo tandem Christi iudicio Apocal. 20. v. 10. inferni carceribus detrudendos, concludendosque, ne amplius nocent. Quod ergo dæmones citato Lucæ loco abyssum deprecantur, non eo spectat, quod iam inferni penis non torqueantur, sed quod ipsis volupe sit inter homines versari, ut illos seducant, & ad se plures semper pertrahant: id quod in abisso non possunt, vbi nulli sunt, quos seducant, sed seducti duntaxat, quibus, secum puniendis, præstint. Amare autem videntur regiones illas præ alijs, in quibus mores hominum, propter longam consuetudinem, perspiciores habent, ac vbi maior est eis nocendi occasio, & spes, dum Marci c. 5. deprecantur Christum malum, ne se expelleret extra regionem.

Obijciunt secundo Matth. cap. 25. haberi; *Cam autem veneris filius hominis in maiestate sua, & omnes Angeli cum eo, tunc sedebit super sedem maiestatis sue. & congregabuntur ante eum omnes gentes. & separabis eos ad inuicem &c. tunc dicit rex his, qui à dextris eius erunt: Venite, benedicti Patris mei, possidete paratum vobis regnum à constitutione mundi &c. & his, qui à sinistris erunt: Discedite à me maledicti in ignem aeternum, qui paratus est diabolo, & Angelis eius.* Ex quo manifestum esse videtur, in finali tantum iudicio, & non antea, futuram esse operum retributionem.

Respondetur, die nouissimo futurum esse iudicium, & examen omnium hominum generale, quo omnes simul a Christo palam iudicabuntur, & cuilibet præmia, vel pœnæ publicè reddentur, & integrè; nunc enim solum animæ iudicantur, & præmij, aut pœnæ parte m. accipiunt, & hoc est, quod probant tū allatæ scripturæ, tum aliæ similes; quæ tamen minimè negant, ante generale illud iudicium, præcedere aliud particulare immediate post vnuscuiusque mortem, quo singulæ animæ, à corporibus separatæ, priuatim à Deo iudicentur, vel in infernum detrudi, vel in cælum recipi, vel esse recipiendas, post exsolutas in Purgatorio debitas pœnas. Nec propterea frustraneum fore vniuersale iudicium dicitur in solutione vltimæ obiectionis.

Obijciunt tertio, quod vnusquisque illico à morte, operum suorum retributionē accipiat, id contradicere Apostolo dicenti 2. Corinth. cap. 5. vers. 10. *Omnes enim nos manifestari oportet ante Tribunal Christi, ut referat vnusquisque propria corporis, pro vi gestis, siue bonum, siue malum.* Non igitur in anima solum reportabit, ut dicimus nos, sed in anima cum suo vnita corpore, in die vniuersalis iudicii, quo, ut ait idem Apostolus Roman. 14. *Omnes stabimus ante tribunal Christi.*

Respondetur primò si præfatus Apostoli locus legatur iuxta translationem Syriacam, qua vtuntur Armeni, & in qua loco, *propria corporis*, habetur, *in suo corpore*, facit potius pro nobis, quàm contra nos, dum enim dicitur, quod post resurrectionem, recipiet vnusquisque in suo corpore id, quod gessit; implicite significari videtur, quod in anima hoc idem recipiat ante resurrectionem in iudicio particulari; de quo nonnulli etiam intelligunt illud eiusdem Apostoli ad Hebr. 13. *Statutum est hominibus semel mori, & post hoc iudicium.* Si autem legatur ex vulgata nostra, *propria corporis*, sensus est, quod referet vnusquisque pœnam, vel præmium secundum

cundum ea, quæ gessit viuens in corpore, quatenus post dissolutionem ab eo, non datur amplius nouis meritis locus. Quæ quidem verba, vna cum alijs ex epist. ad Romanos citatis, tam de vniuersali iudicio possunt intelligi, quàm de particulari post mortem; de quo Hieronymus in cap. 2. Ioelis ait: *Quod in die iudicij futurum est omnibus, hoc in singulis die mortis impletur*, & Chrysostomus homil. 14. in Matth. Omnes animæ, cum hinc emigrauerint, ad terribile illud ducentur tribunal.

Obijcitur quartò locus eiusdem Apostoli ad Hebræos cap. 11. vbi enumerans iustos ab Abel vsque ad Prophetas ait in fine: *Et hi omnes testimonio fidei probati: non acceperunt repromissionem, Deo pro nobis melius aliquid providente, ut non sine nobis consummarentur*. Si enim illi, vt adducta verba sonare videntur, nondum suorum laborum præmium acceperunt, ne soli sine alijs glorificati fuissent, sequitur, nec vllum etiam sanctum illud accepisse, nec vsque ad diem iudicij accepturum; vt tunc omnes simul glorificentur.

Respondetur primò Apostolum ibi significare voluisse, nullum hominem, quantumuis iustum, ante Christi mortem, & in cælum ascensionem, beatitudinis repromissionem obtinuisse, sed tantum post illam, Deo pro nobis Christianis melius aliquid providente, vt non sine nobis, id est ante nos glorificarentur, cum hoc sit fructus passionis Christi, specialeque priuilegium, legis Euangelicæ præ veteri. Secundò dici etiam potest, locutum fuisse Apostolum de beatitudine integra, & consummata, animæ scilicet, & corporis, quæ habebitur post resurrectionem, cuius repromissionem sancti veteris testamenti non acceperunt, quasi iam resurrexissent, sed tantum habituri sunt cum cæteris noui testamenti iustis, & sanctis in die iudicii vniuersalis. Cæterum non negat Apostolus, Sanctos ante illud tempus secundum animas esse beatos beatitudine partiali, essentiali

tamen, quæ in visione, & fruitione Dei consistit, vt satis ostendimus supra, ex varijs eius, nec non alijs scripturæ locis.

Obijcitur quinto illud Apocal. 6. v. 9 *Vidi subtus altare animas interfectorum propter verbum Dei, & propter testimonium, quod habebant, & clamabant voce magna, dicentes: Vsq; quo Domine (Sanctus & verus) non iudicas, & non vindicas sanguinem nostrum de ijs, qui habitant in terra? Et date sunt illis singula stola albe: & dictum est illis, ut requiescerent adhuc tempus modicum, donec compleantur conscribi eorum, qui interficiendi sunt sicut & illi*. Ex quibus verbis duo inferunt aduersarij, primò animas Sanctorum Martyrum vilas à Ioanne fuisse, non in cælo, sed subtus altare, hoc est, in loco aliquo sublunari, quicumque sit ille, quiescere. Secundò, eas, vbicumque sint, nondum esse beatas, sed expectare, vt glorificentur, die iudicij, quando numerus Martyrum, expletus erit.

Respondetur, quinto sigillo aperto, animas Martyrum ibi petere accelerari iudicium finale, non vt in eo beatitudinem animæ, qua iam fruuntur, accipiant, sed per corporis resurrectionem vindicetur sanguis eorum de illis, qui eum effuderant, quasi credentes, eos in carne nunquam esse resurrecturos.

Ad primum, quod inferunt aduersarij, dicitur, per altare minimè significari locum aliquem sublunarem, siue is aer sit, siue Paradisus terrestris, siue altaria ipsa, prout diuersimodò aduersarij illud explicant; sed in hac visione symbolica, pro altari holocaustorum terrestris, in quo corpora Martyrum immolata, & sepulta sunt, sumitur altare thymiamatis Templi cælestis, in quo propriè animæ ipsorum, stolis albis indutæ, hoc est, cælesti, & æterna gloria coronatæ, dicuntur quiescere, cum enim Deus nos fecerit ad se, inquietum est cor nostrum, donec æternaliter in eo quiescat. Idque satis declaratur ex eo, quod de iisdem Martyribus subdi-

tur cap. 7. subsequenti; *Hi, qui amici sunt solis albis, qui sunt?* & unde uenerunt? & responsum fuit; *Hi sunt, qui uenerunt de tribulatione magna, & lauerunt stolas suas in sanguine Agni: ideo sunt ante thronum Dei, & seruiunt ei die, ac nocte in templo eius.* In hoc igitur cælesti templo assunt beatæ animæ apud altare thymiamatis, offerentes Deo thymiamata laudum, & orationum, ut clarè explicatur cap. 8. *dantesque sunt illis singula stolas albas, quæ gloriæ animæ significant, & dictum, ut requiescerent adhuc tempus modicum.* hoc est usque ad resurrectionem, quo alteram stolam, id est, gloriam corporis, adimpleto iam conseruorum numero, accepturi erant; ut nonnulli Patres superius citati interpretantur hunc locum; Augustinus serm. 4. de festo Innocentium, Gregorius Magnus in 4. Psalm. Penitentialem, Ambrosius Ansbertus lib. 4. in Apocal. cap. 7. Dionysius Carthusianus ad cap. 6. Apocal.

Obijciunt sexto Tertulliani, & Origenis auctoritatem; respondetur utriusque præcipue Tertullianum; re non dum ab Ecclesia definita, aut sufficienter explicata, perplexum, ac dubium in ea fuisse, lib. 4. contra Marcionem, cap. 34. Carmine contra eundem de Iudicio Domini; in Apologetico cap. 47. & in lib. de anima cap. 2. verum hi non præponendi; quidquid senserint, sed omnino postponendi sunt cæteris Patribus à nobis relatis, qui hanc ueritatem clarè, & expressè tanquam diuinitus reuelatam unanimitè docuerunt. Inter quos cum sit Diuus Augustinus, ubi in Enchiridione ait, *quod semper iuxta hominis mortem, & ultimam resurrectionem interpositum, animas ab illius receptaculis continet, sicut unaquæque digna est requie, vel ærumna*; Male arguunt aduersarii, hæc abdita receptacula non posse intelligi Paradisum, & infernum; quia, inquit in illis, etiam post resurrectionem ultimam animæ cum corporibus erunt: ne igitur pro nihilo distinguat tempus ante res-

surrectionem, & post resurrectionem; usque ad diem Iudicii non erunt nec in Paradiso, nec in inferno. Respondetur enim per illa uerba, quod animæ ab illis receptaculis continentur, sicut unaquæque digna est requie; & ærumna, satis denotari per huiusmodi receptacula, de quibus Augustinus loquitur, tam Paradisum, ubi requies, quam infernum, ubi ærumna, in quibus animæ aliquæ ante resurrectionem continentur. Ideo autem distinguitur tempus ante resurrectionem, & post: quia ante resurrectionem sunt ibi sine corpore, post autem erunt cum corpore; & quia in aliquibus receptaculis nunc sunt animæ in quibus post resurrectionem non erunt; ut explicat Diuus Thomas supplementi quæst. 69. art. 2. ad 2.

Septimò, & ultimo obijciunt, sequi ex ueritate catholica, quia asseritur statim post mortem quemlibet iudicari; & reddi unicuique retributionem secundum eius opera, quod frustra effectus iudicium uniuersale in nouissima die; quo nihil absurdius dei posse uidetur, tam clarè diuinis ubique scripturis testantibus illius manifestatem.

Respondetur, ut loco citato obseruat Diuus Thomas ad 4. Gregorius Papam eandem objectionem sibi proposuisse, & soluisse lib. 4. dialogor. c. 25. Si igitur, inquit, *nunc sunt in celo animæ iustarum, quid est quod in die iudicii pro iustitie sue retributione recipient?* & respondet, Hoc eis nimirum erecti in iudicio; *hæc nunc animarum sola, postmodum uel in etiam corporum beatitudine persoluentur. ut in ipsa quoque eternè gaudeant, in qua dolores pro Dominæ iracundia quæ preuulerunt.* Aded et sufficit, ne iudicij uiliberale; etiam si parte uitæ in morte præcesserit, frustra ex parte hominis fieri dicatur, quod in illo totus homo, ex animâ, & corpore constitutus, sit iudicandus; & penam, aut præmium sui integrum recepturus, cum post mortem solum animæ iudicentur, & præmijs, aut poenæ partem reportent. Dixi, ex par-

re hominis, quia præter hanc, licet alias plenè ſufficere poſſet ad institutionem iudicij vniuerſalis, non deſunt aliæ plures cauſæ, ob quas de factò Deus illud voluit, & conſequenter fructaneum nequaquam poteſt dici. *Prima* vt clarificetur filius hominis coram toto mundo, & qui in primo aduentu cum iniquis reputatus fuerat, & tanquam reus, iniuſtè iudicatus, appareat in ſecundo glorioſus, & iuſtus omnium iudex. *Secunda*, ad maiorem laudem, bonorum, & ignominiam malorum: vt nimirum iuſti, & ſancti, qui in ſuis certaminibus ſpectaculum facti ſunt mundo, & Angelis, & hominibus, ſimiliter etiam coram omnibus illis victores, & triumphatores agnoſcantur in die finalis iudicij. *Tertia* ad diuinę iuſtitie manifestationem, & ſi enim Deus nihil ſine iuſtitia, & æquitate agat, cauſæ tamen propter quas operatur, vniuerſos homines communiter latent: ignorant enim, cur hic, qui bonus eſt, ac pius, ſit pauper, & cur ille, qui malus eſt, ac impius, ſit diues; cur in iudicij humanis interdum innocentes opprimantur, & nocentes abſoluantur: cūque hæc, & ſimilia conſiderando, temere de Deo, eiufque prouidentia nõ nunquam iudicent, propterea Deus generale ſtatuit iudicium, in quo iuſtiſſimas horum omnium cauſas declarabit, adcò vt cogentur homines tunc exclamare, *Omnia in ſapientia feciſti, Domine, è altitudo diuitiarum ſapientia, & ſcientia, quam incomprehenſibilia ſunt iudicia tua!* Et ſic præclare docet Diuus Auguſtinus diem hunc vltimum, merito vocari diem iudicij, eo quod in eo rationes rerum omnium ita euidenter apparebunt, vt nullus amplius quæreſe dabitur locus. *Quarta* vt ſiſis mundi ſuo correſpondeat principio, omnia enim Deus in orbem, ſeu circulum condidit: vnde cum in principio mundi, duo interceſſerint: Primum, vniuerſalis omnium rerum creatio, & deinde vniuſcuſque hominis in ſingulari productio, ſicuti huic ſingulari

productioni reſpondet particulare iudicium, quod ſic in morte vniuſcuſque; ita etiam vniuerſali rerum creationi reſpondebit vniuerſale iudicium, in quo homines, tanquam iudicandi cõparebuntur rectè explicat Diuus Thomas in 4. diſt. 47. quæſt. 1. art. 1. & ſupplementi quæſt. 88. art. 2. reſponderq; ad primum, non propterea Deum bis iudicare in idipſum, quia nec priorem ſuam mutabit ſententiam, nec duas pro vno peccato inferet pœnas, quomodo intelligi debet Nahum Propheta dum ait cap. 1. *Non iudicat Deus bis in idipſum, & non conſurget duplex tribulatio.* Sed tantum pœna, quæ ante iudicium complete inſiſta non fuerat, in vltimo iudicio complebitur, poſtquam impij cruciabuntur, quo ad corpus, & animã ſimul.

Quoniam autem huc uſque dicta, pluſquam ſufficiunt ad reſutationem propoſiti erroris, nec ad illam neceſſariò conducunt, quæ inter Doctores ſaluæ fide diſputari ſolent, circa iudicium particulare, quod in morte vniuſcuſque fieri neceſſe eſt, vt dignam operum ſuorum retributionem accipiat; de illis tomo ſequenti agemus, vbi breuè totius Theologiæ inter Catholicos cõtrouerſæ compendium Deo iuuantè daturi ſumus.

C A P V T XXVI.

Statuitur aduerſus Armenos, Chriſtum, cum deſcendit ad inferos, non omnes inde animas liberaſſe, ſum bonas, tum malas, nec inferni locum ab eo ita deſtructum fuiſſe, vt deinceps ſubſiſtente ſit aeris regio ad animas peccatorum, ſeu reproborum excipiendas.

PRO intelligentia, & reſolutione huius controuerſiæ, ſupponimus Chriſtum Dominum quo ad animam, in triduo deſcendiſſe ad inferos, eſſi enim Caluinus id neget, ſeſtione ſequenti reſellendus, admittunt tamen tanquam fidei articulum Armenij, cum quibus

quibus modo agimus; sicut etiam, quod ante Christi mortem, præfatumque eius ad inferos descensum, omnes humanæ animæ, siue iustæ, siue iniustæ illuc è corporibus demigrarent; eo enim ipso quod asserunt Christum ad inferos descendentem, omnes inde animas liberasse, necessarii concedere tenentur, ibidem quoque eas fuisse, id est in inferioribus terræ visceribus; sic enim ait Iacob Genes. 37. *Descendam lugens ad filium meum in infernum*, hoc est ad Ioseph, quem credebatur à feris deuoratum, & iam inter mortuos esse. Et Iob. cap. 17. *Infernus domus mea est*. Et Christus Lucæ 16. *Mortuus est dives, & sepultus est in inferno*.

Secundò sciendum est, quod nec inficiantur omnes saltem aduersarii, in inferis hoc modo sumptis, pro visceribus terræ, diuersa tunc fuisse animarum post hanc vitam receptacula.

Primum fuit pro damnatis, quod cæteris est inferius, & propriè infernus dicitur, de quo ait Propheta Psal. 83. v. *Eruxisti animam meam ex inferno inferiori*, hoc est, ex inferno damnatorum, qui ei pro peccato debebatur. Secundum pro infantibus in peccato originali morientibus, quod dicitur lymbus puerorum. Tertium pro animabus, Deo quidem gratis, sed nondum perfectè in hac vita purgatis; quod appellatur Purgatorium. Quartum denique pro animabus sanctis, quæ decedebant ante Christi in Cælum Ascensionem, quod vocabatur sinus Abrahæ, nec non interdum lymbus Sanctorum Patrum.

Esti enim quandoque in scripturis, & Patribus hæc receptacula confundantur, & omnia communi inferorum nomine nuncupentur, ea tamen esse diuersa certum est, colligiturque manifestè ex diuersis panarum generibus unicuique proprijs. Nam omnis pena, aut est damni solum, aut etiam sensus, & iterum aut est æterna, aut temporalis, pro pena damni, & sensus æterna datur inferius damnatorum: pro pena damni, & sensus temporali, purgato-

rium: pro pena solius damni æternæ lymbus puerorum: ac tandem pro pena solius damni temporali, erat olim sinus Abrahæ, qui nunc vacuus est.

Tertio, loquendo de inferno damnatorum; notandum est, de fide quidè esse, dari certum aliquem locum, infernum à scripturis dictum, in quem reprobi per diuinam sententiam cruciandi, ab initio mundi mandati sunt, & vsque ad eius finem emandabuntur. Vtrum autem locus hic sit subter terram, & circa centrum ipsius, Andreas Duuallius 12. tract. de quatuor nouissimis quæst. 5. art. 1. docet non pertinere ad fidem, propter nonnullos ex Patribus, qui eum alibi constituunt, esse tamen adeo certum, ut iam citra temeritatem, à quoquam negari non possit; nec etiam ab aduersarijs, si consequenter loqui velint, nam eo ipso, quod asserunt inferni locum fuisse à Christo, illuc descendente, ita destructum, ut deinceps substituta sit æris regio ad animas peccatorum excipientes vsque ad diem iudicii, apertè videntur supponere inferni locum, ante Christi aduentum, pro animabus peccatorum destinatum, fuisse locum subter terram, & circa centrum ipsius. Quod etsi non supponerent, sed negarent, nihil adhuc faceret ad substantiam præsentis controuersiæ, in quantam disputamus, an Christus, cum descendit ad inferos, vbicumque sint, omnes inde animas liberauerit, etiam damnatorum; adeò ut pro illis penæ inferni non fuerint æternæ, sed tantum vsque ad illud tempus durare debuerint.

Quartò obseruandum est; infernum damnatorum non minus à creatione mundi capisse, quam ipsum cælum, non solum loquendo de eo secundum se, nempe centro terræ, supposito quod ibi sit, certum est enim illud esse à creatione mundi, sicut est elementum terræ; verum etiam de eo, pro ut est ad cruciandos impios destinatus, & pro ut in eo productus est ignis, tanquam instrumentum diuinæ iustitiæ, contra ipsos

iplos impios: Ideoque Christus Math. 25. dicit illis in die iudicii, *Ite maledicti in ignem eternum: qui parati estis diabolo, & Angelis eius;* cum enim Angeli ab initio mundi peccauerint, moxque post suum peccatum igne infernali puniti fuerint, necesse est tunc quoque illum extitisse.

Quintò supponimus probabile quidem esse; vt deducunt Cyrillus Alexandrinus lib. 12. in Ioann. cap. 36. & alii Patres ex illo Ecclesiastici 24. *Petrabo omnes inferiores partes terre, &c. & inspiciam omnes dormientes, & illuminabo omnes sperantes in Domino;* quod Christus Dominus descenderit ad omnia prorsus inferorum loca, ac proinde etiam ad damnatorum gehennam; licet non minus probabilis sit opposita sententia Diui Thomæ 3. p. q. 52. art. 2. docentis, Christum substantialiter descendisse solum ad eam inferni partem, in qua iusti detinebantur, videlicet sinum Abrahamæ, & Purgatorium; *Vt quos ipse,* inquit Sanctus Doctor, *per gratiam ipsius visitabat secundum diuinitatem, eos etiam secundum animam visitaret & loco.* Quare inter nos, & aduersarios, non est quæstio an Christus, nec ne substantialiter descenderit ad infernum damnatorum, & lymbum puerorum; parte enim affirmatiua, vt probabilis, imo vt certa adhuc admissa, non sequitur propterea cum omnes inde animas liberasse, cum talis descensus ob alias potuerit fieri causas, & de facto fuerit, nimirum, vt Christus, sicut viuorum, ita etiam mortuorum dominatum acciperet, & quasi possessionem caperet totius regni sui; tùm vt damnatos, qui iussu ipsius in carceribus, & tormentis tenebantur, incredulitatis, & impietatis argueret; terroremque Gehennæ, ac demonibus ipsis iniiceret, non autem vt eos conuerteret, & liberaret, vt probabimus infra. Vnde, sicut habetur citato Ecclesiastici loco, insepit quidem omnes dormientes, sed non illuminauit, nisi sperantes in Domino sanctas animas, qui-

Bibliot. Theol. Tom. V.

bus gloriæ lumen cum beatifica visione largitus est, vt docent Theologi 3. par. q. 52. art. 8.

Sextò, & vltimò certum est de fide, quod Christus sinum Abrahamæ penetrans inde liberarit omnes iustos; secumque illos in die Ascensionis conduxerit in cælum: vt ostendimus superiori capite; concedimusque etiam tanquam probabile aduersariis, liberasse quoque omnes pias animas a Purgatorii penis; quamuis opinio Diui Thomæ 3. par. q. 52. art. 8. sit probabilior, docentis accidere quidem potuisse, vt Christus aliquas animas ex Purgatorio liberarit, si ex deuotione peculiari ad futuram Christi passionem, id illæ meruissent in hac vita, vt tunc liberarentur, cum Christus in eum locum descenderet; non autem omnes; quia Christus non aliquid cōtulit vlli, nisi quod meruerat passione sua. Passio autem eius non habet temporalem virtutem, & transitoriam, sed sempiternam; secundum illud Hebræor. 10. *Vna oblatione consummauit in sempiternum sanctificatos.* Et sic non habuit tunc maiorem efficaciam passio Christi, quam habeat nunc. Ideoque illi, qui fuerunt tales, quales nunc sūt, qui in Purgatorio detinentur, non fuerunt à Purgatorio liberati per descensum Christi ad inferos. Si qui autem inuenti sunt tales, quales etiam nunc virtute passionis, Christi à Purgatorio liberantur, tales nihil prohibet per descensum Christi ad inferos à Purgatorio esse liberatos.

Hisita prænotatis, tota huius controuersie difficultas in hoc consistit, an anima Christi descendens ad inferos, sicut animas sanctas, quæ in sinu Abrahamæ erant, inde eas liberauit, essentialiter beatitudinem, ac cetera animæ dona, quæ illam consequuntur, eis cōferendo, vt probauimus superiori capite, ita quoque eduxerit de inferno animas damnatorum, comprehendendo sub damnatis, etiam pueros cum solo peccato originali vita functos, quia li-

F ffff

ccet

cet lin. poenę modo ab aliis differant; tamen in æternitate poenę damni eadem est illis, ac de cæteris ratio, & conditio; locoque inferni deinceps substituerit æris regionem, ad animas impiorum excipendas. Circa quod multi falsi Armeniorum magistri superiori capite citati partem affirmatiuam docent, nos autem negatiuam, scilicet, animam Christi descendēdo ad inferos non eduxisse de inferno animas damnatorum, nec mutasse eius locum. Quę sententia intellecta secundum ordinariam legem, atque vniuersaliter de omnibus damnatis (vt possit esse locus alicui priuilegio) est contra de fide. Propter quod Diuus Augustinus libr. de hæresibus. 79. inter illas ponit, quę asserit, Christo descendente ad inferos, credidisse incredulos, & omnes inde fuisse liberatos, secutus Philastriam libr. de hæresibus. cap. de descensu Christi ad inferos.

Expressa huius veritatis definitio habetur libr. 6. Regesti epist. Gregorii Magni, epistola 15. ad Georgium, & Theodorum Ecclesię Constantinopolitanę Clericos; his verbis: *Post discesum vestrum, dilectissimis filiis meis Diaconis narrantibus, agnouit, quod dilectio vestra dixisset, Omnipotentem Dominum Saluatorem Nostrium Iesum Christum, ad inferos descendentem, omnes, qui illic confiterentur eum Deum, saluasse, atque à penis debitis liberaffe. De qua re, volo, ut fraternitas vestra longe aliter sentiat. Descendens quippe ad inferos, solos illos per suam gratiam liberauit, qui eum & venturum esse crediderant, & precepta eius viuendo tenuerant. Quod etiam prius in Concilio Toletano IV. can. 1. definitum fuerat; explicans enim specialiter illud Symboli Apostolici Descendit ad inferos, vbi mox subiungit, ut sanctos, qui ibi tenebantur, erueret, satis innuit, Christum iude non liberasse animas damnatas.*

Præcipua Scripturę loca, quibus hæc veritas innuitur, sunt primum illa, vbi absoluit, & absque distinctione

per modum legis vniuersalis statutum habetur, penas damnatorum esse eternas, quam inflictionem superiori capite ostendimus, non differri vique ad vniuersale iudicium, sed mox, vt e corporibus migrarunt animæ, tam incepisse; inde enim manifeste sequitur, etiam penas eorum, qui ante Christi aduentum damnati sunt, esse eternas, atque adeo illos omnes non fuisse à Christo liberatos; si enim omnes fuissent liberati, eorum poena non perpetua, sed temporalis fuisset, contra expressa Scripturę testimonia generaliter docentis penas damnatorum esse eternas: *Isaia cap. 66. v. 24. Et egredientur, & videbunt cadauera virorum, qui peruericati sunt in me: vermis eorum non morietur, & ignis eorum non extinguetur. Ezechielis cap. 26. v. 19. Cum dedero te urbem desolatam, sicut Ciuitates, quæ non habitantur: & adduxero super te abyssum, & operuerit te aqua multa: & detraxero te cum his, qui descendunt in lacum ad populum sempiternum. Vbi damnati ratione eternitatis penarum vocantur populus sempiternus: Math. 3. Paleas autem comburet igne inextinguibili, & cap. 25. Ite maledicti in ignem æternum. Marci 9. 42. Et si scandalizaueris te manus tua, abscede illam: bonum est tibi debile introire in vitam, quam duas manus habentem ire in gehennam, in ignem inextinguibilem: Vbi vermis eorum non moritur, & ignis non extinguitur &c. Iudæ Apost. epist. Cathol. v. 7. Sicut Sodoma, & Gomorrha, & similia Ciuitates simili modo exformicata, & abeuntes post carnem alteram, facta sunt exemplum, ignis eterni panam sustinentes. 2. ad Thessalonic. cap. 1. v. 9. Qui penas dabunt in interitu eternas, à facie Domini, & à gloria virtutis eius.*

Quod respondent aduersarij, præfata scripturę loca, & similia debere intelligi de animabus damnatorum, vel poenis eorum, non ante, sed post mortem Christi Domini, omnino gratis dicitur & absque vlllo prorsus fundamē-

to, imo contra expreſſum ſcripturæ textum, nullibi tali diſtinctione vtentis, ſed vbique abſolutè dicentis, pœnas damnatorum eſſe æternas. Quæ propterea ſcripturæ authoritas nedum conuincit animam Chriſti ad inferos deſlapſam, omnium damnatorum animas inde non liberaſſe, verum etiam ſecundum communem legem diuinæ iuſtitie nullam ex illis fuiſſe eduſtā. Quicquid ſit an Chriſtus ex ſpeciali priuilegio talem alicui gratiam conferre voluerit; de quo non diſputamus modo cum aduerſarijs; quia licet videatur temerariū hoc affirmare contra generales regulas ſcripturæ ſine fundamento, vel authoritate, nonnulli tamen Doctores, inter quos Suares 3. p. q. 52. art. 8. diſput. 43. ſect. 3. exiſtimant, non eſſe ſimpliciter erroneum, vel hæreticum. Quia non eſt de fide, generalem illam legem, de æternitate pœnarum damnatorum, nullam prout diſpenſationem, priuilegiumue admittere.

Item Eccleſiaſtes cap. 9. vbi dicitur, *Si ceciderit lignū ad austrum, aut ad aquilonem, in quocumque loco ceciderit, ibi erit.* Significatur hominis iudiciū poſt obitum eſſe immutabile; ſue poſt huius vitæ tempus conſeſſum hominibus ad comparandam, vel amittendam vitam æternam, qui hic nō fuerit vſus medijs ad conſecutionem illius à Deo elargitis, ſecundum legem ordinariam obtinere amplius ſalutem non poſſe; atque adeo Chriſtum non eduxiſſe ab interno animas damnatorum. Sicut etiam verum non eſſet, quod Prouerb. 9. habetur: *Mortuo homine impio nulla erit vltra ſpes*; Si Chriſtus animas impiorum, ante mortem eius damnatorum liberaſſet.

Ex illo quoque Oſee 13. V. 14. *De manu mortis liberabo eos, de morte redimam eos: ero mors tua o mors, morſus tuus ero inferne*; colligitur Chriſtum interemiſſe quidem mortem, quia omnino illam extinxit, & perpetuam vitam hominibus obtinuit: infernum autē ſolum momordiſſe, quia non omnino illū

Biblioth. Theol. Tom. V.

euacuauit: ſed quendam ei partem, duntaxat eripuit, electos ſuos nimirum inde educendo, reprobos vero ibidem relinquendo, vt ait Gloſſa interlin. nam qui mordet, non totum ſed partem abducit; & interpretantur Diuus Auguſtinus ſerm. 137. de tempore; Gregorius Magnus lib. 12. Moral. cap. 8. & ex illis Magiſter ſent. lib. 2. diſtinct. 6.

Verbo Dei ſcripto adſtipulatur traditum, quatenus Sancti Patres, non ſolum in generali docent, tanquam quid ad fidem pertinens, animas hominum impiorum à morte corporum ſtatim, ad inferos detrufas ſemper fuiſſe, perpetuas ibi ſclerum pœnas, & ſupplicia luituras, verum etiam loquendo in particulari, de Chriſti deſcenſu ad inferos, expreſſe aſſerunt, non inde per eum liberatas fuiſſe damnatorum animas, ſimul cū omnibus animabus ijs, quæ iuſtæ fuerunt. Ex Græcis Iren. lib. 5. aduerſus hæreſes c. 31. Orig. hom. 15. in Gen. *Quod enim*, inquit, *dicit ad latronem, hodie tecum eris in paradiso: non hoc illi ſoli dictum, ſed etiā omnibus Sanctis, pro quibus in inferna deſcenderat*: Chriſtus enim Dominus, & ſi tunc in Paradiso non fuerit, quantum ad Locum, qui erat infernus, ſeu Sanctorum Patrum lymbus, fuit tamen quantum ad effectum, quia anima ipſius beata, beatificauit ibi animam latronis, & aliorum Sanctorum. Cyrillus Hieroſolymitanus Cathec. 4. & 14. Epiphanius lib. 1. hæreſi 42. inter Marcionis hæreſes refert, quod docuiſſet, *Chriſtum ad inferos deſcendiſſe, vt ſaluaret Cain, & Cores, & Daſhan, & Abiron, & Eſaus, & omnes gentes quæ non noverunt Deum Iudeorum*; libro vero 2. hæreſi 69. prope finem ait: *Volebat enim Deus omnia perſicere, quæ ad Paſſionis myſterium pertinent, & cum anima deſcendere ad inferna, ad operandum ſalutem eorum, qui illic prædormierunt, Sanctorum, inquam, Patriarcharum.* Chriſoſtomus ſerm. 4. in ſeriem quintam Paſſionis, & homil. 37. in Matth. vbi ex profeſſo reſellit hunc errorem de liberatione damna-

Fffff 2 torum

torum à Gehenna per Christi illuc descensum, vocatque fabulas aniles, atque Iudaicas. Cyrillus Alexandrinus lib. 1. in Isaiam cap. 5. Solus ex Græcis Clemens Alexandrinus lib. 6. Stromat. ante medium scribens Christum descendendo ad inferos, etiam damnatis prædicasse suum aduentum, ac fructum eius, si in ipsum crederent &c. hac in re deceptus fuit, secutus ex parte errorem Marcionis. Quod enim Gregorius Nazianzenus orat. 42. agēs de Christi descensu ad inferos inquit, *Virum omnes sine ulla exceptione aduentu suo saluos fecerit, an illic quoque eos dumtaxat, qui crediderunt, talia non scripsit, quasi de hac veritate dubitaret, sed solum vt proponeret, quid de hoc mysterio inquirere, scireque oporteat.* Ioanni vero Damasceno falso imponitur oratio illa pro defunctis, vbi refert de Falconilla, quod ab inferno liberata orationibus Sanctæ Theclæ fuerit.

Eidem veritati ex Latinis Patribus testimonium perhibent, Tertullianus in lib. de anima cap. 55. vbi ait, *Si Christus descendit ad inferiora terrarum, vt illic Patriarchas, & Prophetas compo- res sui faceret, habes & regionem Inferorum subterraneam credere.* Philastrius Brixianensis, qui, in libro de hæresibus vsque ad sua tempora post medium, hæreticos vocat eos, qui dicebant, *Domini in Inferum descendisse, & omni- bus post mortem ibidem renuntiassē, vt confitentes ibidem saluarentur: cum hoc sit contrarium dicenti Propheta Danid: In Inferno quis confitebitur tibi? & Apostolo: Quos quot sine lege peccauerunt, sine lege peribunt.* Hieronymus in illud Osee 13. *Ipse diripiet thesaurum omnis vas desiderabilis, Vasa, inquit, desiderabilia, quæ in thesauro reuebantur inferni, Sanctos intelligimus, quos alligatos a forte Domini eripuit, et rapuit, & vult de inferis, & quasi vasa pretiosissima secum perduxit in Paradisum.* Idem docet explicans illud Apostoli ad Ephesios 4. *Descendit in inferiora terrarum, sic enim ait: In-*

fiora autem terre infernus accipitur, ad quem Dominus, Saluator, qui descendit, vt Sanctorum animas, quæ ibi tenebantur incluse, secum ad celos victor abduceret. Augustinus lib. 20. de Ciuit. Dei cap. 15. *Non absurdè, inquit, credi videtur, antiquos etiam Sanctos, qui venturi Christi tenuerunt fidem, locis quidem à tormentis impiorum remotissimis: sed apud inferos fuisse, donec eos inde sanguis Christi, & ad ea loca descensus erueret.* Item lib. de hæres. 79. hæc habet: *Alia est hæresis eorum, qui descendente ad inferos Christo, credidisse incredulos, & omnes inde existimari liberatos.* Quando ergo idem Sanctus Doctor lib. 12. de Genesi cap. 33. & epist. 99. ad Euodium propter locum Act. 2. V. 24. *Quem Deus suscitauit, solutis doloribus inferni, asserit præter animas sanctas, quæ in sinu Abraham quiescebant, Christum liberauissē aliquas ex ijs, quæ dolores inferni patiebantur, non loquitur de animabus impijs, quas hæreticum existimabat, fuisse, Christo ad inferos descendente, conuersas, ac liberatas, sed de animabus, quæ adhuc luebant purgatorias penas, quarum multas illo beneficio dignas reperire potuit.* Immo nec improbabile est, si dicatur Christum annuntiassē animabus, in Purgatorio detentis, primum sui iubilæum, ac contulissē eis indulgentiam plenariam, liberando omnes à pænis purgatorii ex gratia speciali, vt docet Thomas Argentinensis in 3. dist. 22. quæst. vñica, art. 4. Maior ibidem, & Gabriel art. 3. dub. 3. Sotus in 4. distinct. 45. q. 1. art. 3. Et ratio est, quia Dominus non est alligatus Sacramentis, aut meritis nostris. Tamen, cum id non liquet, notauimus supra, probabiliorem esse oppositam Diui Thomæ sententiam.

Vñica autē ratio à priori assertæ veritatis, est diuina voluntas, cū enim nullū ex se videatur implicare contradiccionem, quod Christus si ita voluisset, descendendo in infernum omnes animas, etiam damnatorum, modo sibi bene

visto

viſo liberaſſet, de facto tamen rem ita ſe habere noluit, ſed potius, ſecundum quod nobis reuelauit, ſuamque per Eccleſiam credendum proponit, voluit, quod ſemel damnati, quive in præſenti vita non ſunt viſi medijs ab ipſo conceſſis ad ſalutem, conſequi illam amplius non poſſent, iuxta communem, ſeu ordinariam diuinæ iuſtitie legem.

Quare congruentes huiusmodi voluntatis rationes, illæ eadem ſunt, quibus Deus ſemel damnatos penis æternis decreuit eſſe obnoxios, quarum congruitatem viſi aduerſarij non negant in ijs, qui nunc damnantur, ita nec poſſunt negare in illis, qui ante mortem Chriſti damnati ſunt: proindeque dictas rationes hic adducere neceſſe non eſt, ſed conſuli poſſunt quæſt. 99. Supplemēti ſummæ Diui Thomæ, nec nō lib. 3. contra Gent. cap. 144.

Ex huc uſque, nec non ſuperiori capite dictis, ſatis patet altera propoſitionis noſtræ pars, Inferni ſcilicet locum non fuiſſe à Chriſto, illuc deſcendente ita deſtructum, vt deinceps ſubſtituta ſit aeris regio ad animas peccatorum excipiendas; quatenus oſtendimus, æterna reproborum ſupplicia, quo ad animas, non diſferri uſque ad vniuerſale iudicium, ſed illis ſtatim inſigi poſſe ſuam à corpore ſolutionem; nec eas à Chriſto fuiſſe liberatas, quæ iam ante eius mortem damnatæ in inferno degebant, ſi enim ibi erant, illasque inde Chriſtus non eduxit, dici non poteſt, eum deuſtaſſe inferni loca, cuiusue loco ſubſtituiſſe aeris regionem.

Superest, vt nonnullis aduerſariorum obiectionibus breuiter ſatisfaciamus; quarum primæ deſumuntur ex quibuſdam male intellectis ſcripturæ locis; Zachariæ 9. V. 9. *Tu quoque in Sanguine teſtamenti tui emiſiſti vinctos tuos de lacu, in quo non eſt aqua*: Vbi per vinctos in lacu, in quo non erat aqua, intelligunt impios detentos in inferni cruciatibus, vbi nulla erat aqua reſurrectionis, quos Chriſtus, de quo ibi eſt ſermo, deſcendens ad inferos, etiam

liberauit merito ſuæ paſſionis, ſeu pretioſiſſimi ſanguinis ſui. Reſpondetur primò hunc locum, & ſimiles, nihil fauere aduerſarijs, imò nec poſſe ab illis obijci, cum enim aſſerant animas damnatorum, tam ante, quam poſt Chriſti mortem reſeruari ad penas futuras poſt finale iudicium, conſequenter ad hunc errorem affirmare nequeunt, Chriſtum ad inferos deſcendentem, eas inde eruiſſe, ſi ibi non dum erant. Secundò reſpondetur admiſſo, quod in hoc loco fiat ſermo de Chriſti ad inferos deſceſſu, factaque tunc per eum animarum liberatione, per illam particulam *vinctos tuos*, debere tantum intelligi animas iuſtas, Deoque gratas, quæ detinebantur in ſinu Abrahamæ, vbi non erat aqua eius conſolationis, quam illæ in Chriſti ſperabant aduentu. Quippe improbi, & damnati non ſunt vincti Dei, de quibus Oſee Propheta cap. 2. ait: *Vos non populus meus, & ego non ero veſter Deus*, illas igitur, & non hos Chriſtus Dominus in ſanguine ſuæ paſſionis emiſit de lacu, iuxta Zachariæ prophetiam.

Secundò, vbi Pſal. 106. V. 16. dicitur, *Quia contriuiſti portas areas: & veſtes ferreas conſegregit*: hoc eſt, inquit, cum Chriſtus deſcendit ad inferos, originale, & actuale peccatum mortuorum, qui ibi detinebantur diſſoluit. Verùm adhuc ſuppoſito, quod ibi Regius Propheta loquatur de Chriſti ad inferos deſcenſu, eius tamen verba minimè faciunt ſenſum ab aduerſarijs intentum; ſed quem Chriſoſtomus ſuperius citatus homil. 37. in Matt. eorum errorem expreſſè conſutans habet: *Præſens enim hac vita rectè viuendi occaſionem, & opportunitatem habes: poſtquam verò diem tuū obieris iudicium, & pena conſequetur: in Inferno enim, Pſalmiſta dicit, quis conſitebitur tibi? Quomodo igitur area porte confractæ ſunt, et veſtes ferrei contriuiſt per corpus eius, tunc enim primò immortalē corpus hominis apparuit, quod etiam mortis ipſius tyrannicam diſſoluit poteſtatem; omnibꝫque oſtendit, vires mortis iam*

iam esse destruktas, non eorum, qui ante ipsum mortui fuerant, peccata dissoluta.

Tertiò ex illo loco Ioannis 12. *Ego si exaltatus fuero à terra, omnia traham ad me ipsum*, colligunt omnes etiam animas, quæ in infernis derinebantur carceribus, fuisse à Christo illuc descendente, liberatas. Sed præterquam, quod huiusmodi verba, *omnia traham ad me ipsum*, in pluribus alijs possunt intelligi sensibus, quam in isto de Christi ad inferos descensu, esto adhuc de illo essent intelligēda, nihil aduersariorum errori patrocinatur; his enim Christus tantum significauit omnes electos, & prædestinatos esse inde trahendos, vt exponit Diuus Hieronymus; *omnia, inquit, traham: id est omnia prædestinata, de quibus nihil perit*: nec non Gregorius Magnus citata superius epistola, ad Georgium, & Theodorum, vbi eos eiusdem hæreseos arguens sic habet. *Quod enim per Euangelium Dominus dicit: Cum exaltatus fuero à terra, omnia traham ad me ipsum; omnia videlicet electa. Nam trahi ad Deum post mortem non potuit, qui se à Deo male vinendo separauit.*

Quartò obijciunt illud Act. 2. v. 24. *Quem Deus suscitauit à mortuis, solutis inferni doloribus, iuxta quod impossibile erat teneri illum ab eo.* Dolores enim inferni, inquiunt aduersarij, erant illi, quos damnati periebantur ex supplicijs. Si igitur Christus resurrexit doloribus hisce solutis; sequitur eum resurrexisse, postquam damnatos à supplicijs liberauit.

Vt respondeamus huic obiectioni aduertendum est, non eodem modo codices omnes legere ista verba, *solutis inferni doloribus*; nam quidam, loco inferni, habent mortis, vt Chrysostomus, & Occumenius iuxta Græcum textum, in quo est thanatou; alij communiter inferni, cum Vulgata: sed diuisi sunt, quid inferni significetur nomine; aliqui enim per illud mortem significari putant, quod nonnunquam in scriptura infernum pro sepultura, atque adeo pro

morte sumi soleat. Quo sensu si intelligatur hic locus, manifestè patet eum, nihil suffragari aduersarijs, sed eo tantum denotari, immortalem iam esse Christum, quia exolutus est ab his doloribus, & molestijs, quibus subest homo in mortali statu. Et fauet huic interpretationi Syrorum lectio, quæ pro doloribus vertit *funes*. Nam sicut funes hominem ligatum trahunt, v.g. ad patibulum, sic dolores ad mortem. Iam ergo ab illis funibus solutus est Christus post resurrectionem, quia mors illi ultra non dominabitur. Siue etiam solutus doloribus est, quia sustinuit eos dolores, qui vitam abstulerunt; vel quia debitor creditori Patri persoluit dolores mortis, & mortem ipsam, quam pro peccatis hominum in seipsum tanquam fideiussor susceperat. Solutis enim huiusmodi doloribus, quos creditori suo debebat ex pacto, rectè dicitur ab eo suscitatus à mortuis.

Si autem, vt volunt alij multi, hic nomine inferni, subterraneus intelligatur locus, in quo mortuorum animæ in illud diem, seruate claudiebantur, dicimus quoque huiusmodi sensum nihil prorsus fauere aduersariorum errori; quatenus dolores inferni, qui dicuntur soluti, non eorum, qui illic debebant, sed ipsiusmet Christi fuisse, seu ad Christum referri debere, clarè sonat textus; non, quod ille, vt impie asseruit Calvinus sectione sequenti refellendus, gehennæ ignem, vel aliquos inferni dolores passus fuerit, sed vt ait Diuus Augustinus epist. 99. præuentus sit, ne illos etiam subiret, quibus, vt docet Diuus Thomas 3. p. q. 52. ait. 2. ad 2. Sancti Patres ibidem affligebantur ex dilatione expectatæ redemptionis, & beatitudinis nec nõ resurrectionis corporum vsque ad finale iudicium; cum scriptum sit Proverb. 13. *Spes, quæ differtur, affligit animam*. Solutis ergo inferni doloribus, id est solutus ab illis, dicitur Christus resurrexisse, non quia in triduo mortis alligatus fuerit, sed quia ne alligaretur, à Domino prouisum fuerat. Quo sensu Principes soluti legibus esse dicuntur, non

non quia subiecti fuerint aliquo tēpore, sed quia ne subessent, vt pote legibus superiores, cautum est. Vnde etiam hic hypallage quādam est, quia non tam soluti sunt dolore, quā ipse Christus à doloribus solutus est, & liber. Sicut Matthei 8. dicitur, *confestim mundata est lepra eius*, pro mundatus est à lepra. Isaia 6. *peccatum tuum mundabitur*, id est, à peccato mundaberis: et Ecclesiastici 28. *deprecanti tibi peccata soluentur*, id est solueris à peccatis.

Quod si cum alijs Interpretibus dicatur, dolores solutos, ad Christum nō referri, sed ad eos, quos ad inferos descendens inde liberauit, minime sub illis comprehenduntur damnati, vt satis probauimus supra; sed iustorum duntaxat animarū; quæ licet in sinu Abrahæ, id est, in consolatione secreter quietis tenerentur, à dolore tamen mortis, siue inferorum non erant omnino libere, quia nōdum superna in coelis gaudia videre poterant, donec fieret id quod Christo per Zachariam cap. 9. dictum est: *Tu quoque in sanguine testamenti tui emissisti vinctos hos de lacu*. Cum igitur duplex in inferno dolor tunc fuerit, alter, quem damnati capiebant ex æternis supplicijs, animarū verò purgantium ex poenis temporalibus; alter, quo, vt diximus, Sancti etiam Patres affligebantur, hunc secundū duntaxat dolorem soluit Christus in inferno, cum inde Sanctos Patres, in Abrahæ sinu detentos, eripuit, beatificam eis visionem communicādo.

Quintō obijciunt verba Diui Petri 1. epist. cap. 3. v. 19. *In quo & his, qui in carcere erant, spiritibus veniens prædicauit: qui increduli fuerant aliquando, quando expectabant Dei patientiam in diebus Noe, cum fabricaretur arca &c.* quibus significari putant aduersarij, Christum ad inferos descendentem, ibi etiam peccatoribus, & incredulis prædicasse Euangelium, multosque ex illis credentes, inde ab ipso fuisse liberatos.

Respondetur perobscurum quidem, ac difficile esse hunc sc̃ipure locum; nihil tamen facere ad intentum aduer-

sariorum, etiam si intelligatur de descensu Christi ad inferos, & de prædicatione ibi facta per animam assumptā; Diuus enim Augustinus epist. 99. ad Euodium, quem sequitur Diuus Thomas 3. par. quæst. 5. art. 2. ad 3. illum interpretatur de prædicatione facta ab ipso Deo per spiritum suum in diebus Noe; supposito namque, quod primo intelligatur modo, non propterea sequitur Christum prædicasse in inferno reprobis, & infidelibus ad eos conuertendos, cum id expressè hic non dicatur, & aliundè manifestè repugnet sacræ Scripturæ, vt vidimus supra, sed necessario dicendum est, eum prædicasse, seu præconem egisse animabus duntaxat iustorum in lyombo detentis, non vt eas conuerteret, nam antequam ex hac vita excederent, fuerant iam conuersæ, & egerant poenitentiam, sed lætissimum, quemque tam diu audissimè expectarant, nuntium illis afferret redemptionis, liberationis, ac beatitudinis suæ.

Verūm dupliciter instant aduersarij, primò Christum hic dici prædicasse his, qui in carcere erant & deinde his, qui increduli fuerant tempore Noe, prædicantis diluuium; sed sinus Abrahæ non potest propriè dici carcer, nec incredulæ vllæ animarū iustorum, quæ in illo detinebatur; loquitur ergo Petrus de prædicatione Christi facta reprobis, & infidelibus, ad eas conuertendas.

Respondetur ad primam huius instanz partem, falsum esse, quod sinus Abrahæ non fuerit, aut ab Apostolo carcer vocari non potuerit; etsi enim, comparatiuè ad infernum damnatorū, tantus non fuerit; nihilominus absolute talis fuit; non solum quia, iuxta opinionem Doctorum probabiliorem, locus ille sanctarum animarum fuit tenebrosus, proindeque in illo, tanquam in carcere, poterant dici esse in tenebris sensibilibus, verūm etiam quia, quod omnes asserunt, per luminis gloriæ, & visionis Dei carentiam, versabantur in tenebris spiritalibus. Qua pariter ratione, cum dici possint fuisse in vinculis,

lis, quia in eo loco detinebantur, & ab ingressu patriæ, & cælesti loco exulare, cogebantur, meritò etiam dici possunt fuisse absolutè in carcere.

Ad secundum quod dicitur, Christum prædicasse spiritibus illis, qui fuerant increduli tempore Noe, respondetur per hos Spiritus minimè intelligi animas aliquorum damnatorum, ob suam incredulitatem, sed potius colligi ex verbis Petri, iuxta Diui Hieronymi interpretationem, quod licet illæ animæ fuissent aliquando incredulæ, hoc est initio, cum fabricaretur arca, non credidissent Noë, culpanti peccata, & peccatoribus minitanti diluuium, postea, tamen crediderunt, præsertim cum re ipsa viderunt diluuium, à Noë prædicatum, inchoari: pœnitentiamque egerunt, ob quam à Christo descendentes ad inferos meruerunt inde cum cæteris iustis liberari: Petrus enim addens illam particulam *aliquando*, clarè significauit eas non semper perseuerasse in diuina incredulitate, sed ab ea tandem recedentes, mentem, vitamque correxisse.

Cur autem, cum Christus descendens ad inferos salutem omnibus bonis spiritibus annunciarit, indeque eos liberarit, Diuus tamen Petrus eorum duntaxat specialem fecit mentionem, qui fuerant in diebus Noë primum increduli, postea verò crediderunt, pœnitentiamque egerunt, & saluati sunt, varias adducunt rationes Sacri Interpretes; omnium tamen optima, textuique magis consona, videtur illa, quod, cum de istis maius esse posset dubium, an essent salui, nec ne; quia puniti fuerant à Deo, & submersi aquis diluuij, Diuus Petrus indicare voluit, etiam ex illis fuisse aliquos, qui in fine vitæ pœnitentiam egerint, & licet quantum ad corpus perierint; tamen quantum ad animam salui fuerint; atque adeo animam fidelibus addere, prout intendit in toto illo capite, ad patiendum pro Christo, & non desperandum inter calamitates huius mundi calamitates,

de diuina misericordia; summam, veluti rationem in coponendo, quod licet, plerumque in corpore affligamur, grauiterque à Deo puniamur, & ab eo idcirco derelicti credamur à multis, salutem nihilominus consequimur; quam rationem, vt efficacious persuaderet, dicto declarauit exemplo; nulli enim videbantur magis afflicti, & puniti, quam illi, tui tempore diluuij aquis diuinæ iustitiæ submersi fuerant, & tamen multi ex illis saluati sunt, ideoque Christus illis vna cum Sanctis alijs prædicauit, veniens in infernum, indeque eorum animas eduxit. Et ita etiam optimè intelliguntur verba cap. 4. v. 6. *Propter hoc enim & mortuis euangelizatum est: vt indidentur quidem secundum homines in carne, viuant autem secundum Deum in spiritu*; id est, vt secundum homines exterius iudicentur carne, hoc est, damnati existimentur humano iudicio, quia corpora eorum aquis necata fuerunt; tamen viuant secundum Deum, hoc est, animæ eorum saluæ sint apud Deum.

Omnes autem, qui diluuiò merisi sunt, vel ante illud per spatium centum annorum, quibus Noë fabricauit arcam, mortui sunt, fuisse impœnitentes, ideoque damnatos, nullo prorsus fundamento affirmare, & inde suum errorem vtique tueri possint aduersarij. Immo Diuus Hieronymus de ipsis diluuiò merisis docet oppositum in quæst. Hebraicis in Genesim capit. 6. vbi explicans illud, *Non permanebit spiritus meus in homine*, ait Deum puniuisse multos temporaliter aquis diluuij, ne puniret in Gehenna in æternum. Quæ sufficiunt ad plenam huius obiectionis solutionem.

Sextò obijcitur, Christus secundum animam descendens ad inferos, nedum locum, vbi iusti, sed & illum, vbi damnati detinebantur, penetravit, iuxta nonnullorum Patrum sententiam non alia ratione, nisi vt omnes prorsus liberaret. Responderetur, etiam admissò, quod Christus descenderet ad locum Gehennæ, non propterea sequi damnatorum

torum animas inde ab eo fuisse eductas, aut aliquod aliud commodum reportasse, sed tantum seipsum secundum animam illis manifestasse, ut eas ad se adorandum compelleret, generaliterque verum esset illud: *In nomine Iesu omne genu flectatur, caelestium, terrestrium, & infernorum*. Unde consequenter factum est, ut & earum malitiam, & pertinaciam reprehenderit, ipsæ verò ex superbia novam quandam afflictionem, invidiamque persenserint.

Septimò obijciunt infinitum Christi meritum, quo tunc potuit damnatos etiam liberare à suis cruciatibus. Respondetur id quidem forsàn potuisse de sua potentia absoluta; cæterum de facto noluisse clarè demonstrant, quæ adduximus supra de æternitate pœnarum semel damnatorum, quodque in altera vita, ut potè in termino, non relinquatur locus, merito, nec demerito; ac proinde, quæ Deo ingrata decedunt, & inimicæ, non posse amplius reconciliari cum illo, nec in eius redire gratiam. Deinde istud argumentum ex infinitate meritorum Christi desumptum, quia nimis probat, nimirum quod nemo esset, qui damneretur, nihil probat; Quod enim primò aduersarij solent respondere illam restringi ad redemptionem eorum, qui ante, non autem post Christi mortem damnati sunt, pugnat cum asserta ab eis meritorum eius infinitate, facitque, absque vllò prorsus fundamento, meliorem sortem illorum, qui Incarnationem Domini præcesserunt, quàm istorum qui post illam nati sunt. Similiter quod aiunt secundò, non saluatas quidem à Christo, descendente ad inferos, animas damnatorum; sed solum in aeris regionem eductas, ut post vniuersale iudicium ad inferos iterum reuertantur, plenum est contradictionis, & fatuitatis; si enim Christus eas solum in aeris regionem eduxit, relinquens eas prioribus cruciatibus, falsum est, quod asserunt, non damnari reprobos ad illos, nisi post vniuersale iudicium; sicut, ubi illis dicuntur solui, iam no-

Biblioth. Theol. Tom. V.

tauimus supra necessariò præexistere debuisse, atque adeò vsque ad præfatum tempus absolutè dilatos dici non posse. Deinde, cum ipsimet dicant, animas damnatorum haud alias in inferno pœnas sustinuisse antea, sicut nec sustinere modo in aere, præter mæstitudinem, quamdam ex timore suppliciorum post iudicium futurorum, nihil eis profuisset sola illa loci mutatio ex descensu Christi ad inferos, sine mutatione conditionis, ac status ipsarum; cum mæstitudo illa corporeo sensu carentibus nõ potuerit leuior in medio aeris fieri, quàm fuerit in medio terræ; his ergo responsionibus aduersarij, & ineptiunt, & sibi contradicunt.

Octauò, & vltimò nonnullas afferunt historias, quibus, ut refert Nicetas super orat. 42. S. Gregorij Nazianzeni, legitur, Platonem apparuisse cuidam Christiano sæpius ei maledicenti, atque dixisse: Ego quidem me peccatorem esse non inficio; verum, cum Christus in infernum descendit, nemo ante me, ad fidem accessit: tum nostra etiam suffragia valere damnatis ad eorum pœnas remittendas, multorum opinione ferente, quod Traiani animà orationibus Sancti Gregorij fuerit ab inferni pœnis erepta; unde mirum non est, quod Christus illuc descendens, animas quoque damnatas liberarit.

Respondetur ad hoc argumentum, primò historiam de Platone, & similes apocryphas esse, cum ostēderimus nullam in inferno redemptionem esse, Christumque proinde non prædicasse damnatis, ut spem salutis illis præberet; aliud verò exemplum Traiani nihil fauet aduersarijs, æternitatem pœnarum damnatorum post Christi mortem nobiscum admittentibus, falsumque esse, quod pro illis suffragia valere quidquā possint: quare dicimus præfatam Traiani historiam non esse, probatæ fidei, aut si talis sit, illum non fuisse simpliciter damnatum ad infernum, eoque immediatè translatus ad beatitudinem: sed reuocatum ad hanc vitam, ut pœnitentiam

G g g g

tiam

tiam ageret. Hastenus de præfenti controuersia, quæ tractant Theologi cum Diuo Thoma 3. part. quæst. 52. de descensu Christi ad inferos, & q. 99. supplementi de misericordia Dei respectu damnatorum; nos ultimo loco de illa egimus, quia pendebat ex doctrina præcedentis capituli, quod semper animæ reprobæ statim à morte inceperint pœnas sibi debitas in inferno luere. Nec non ad maiorem Dei gloriâ,

animarumque salutem de alijs inter nos & Orientales principaliter versantibus, in quibus si à veritate se vinci semel paterentur, faciliè in multis indifferentibus conueniremus: quarum etiam stâte diuersitate, Ecclesia Orientalis, sicut olim, ita & nunc cum Occidentali posset fieri vnum ouile, sub vno Romano Pontifice Supremo Ecclesiæ militantis Pastore in statu legis Euangelicæ. Fiat, fiat.



I N D E X

A L P H A B E T I C V S

Præcipuarum rerum, quæ in hac prima parte
Quinti Tomi Bibliothecæ Theologicæ
continentur.

Primus numerus Paginam; secundus Columnam indicat.

A



BYSSINORVM
fides diu incorru-
pta permāsit. pag.
497. 2.

Varj. Abyssino-
rū errores descri-
buntur. 498. et
seq.

Abraham sui generis principium consti-
tuunt Iudæi. 222. et seq.

Alexander Papa Primus in sua 1. epistola
asserit vinum debere aqua permisceri
in Sacrificio Missæ. 745. 2.

Anima hominis est immortalis, itaque
homo tenetur veram Religionem que-
rere, eamque amplecti. 285. 2.

Anima rationales nentiquam, vi scriptis
propagantur, aut gignuntur à parenti-
bus. 581. et seq.

Contra animæ immortalitatem obiectiones
soluuntur. 302. et seq.

Apostolorum prohibitio gentilibus in Sy-
ria conuersis à suffocatis, et sanguine
fuit, ut posset facilius ex Iudæis, &
Gentilibus vnus populus fidelis coale-
scere. 517. 618.

Arcana fidei Catholica omnem intellectus
creati capacitatem superant, nec tamen
sunt contra rationem, prout ly contra
Biblioth. Theol. Tom. V.

distinguntur à supra. 6. 1.

Argumentum duobus modis solui potest,
primo euidenter positivè, secundo, eni-
denter negativè. 6. 2.

Argumenta ex prophetijs Catholicam, at-
que Romanam confirmant fidem. 41. 2.

Armenia dicta est à Cappadocia usque ad
Caspium mare protensa. 500. 2.

Artaxercis decretum vs. Hierusalem iterū
edificaretur. 402. 1.

Atheismus est nomen Grecum significans
falsam, & impiam illorum persuasio-
nem, qui alicuius supremi Numinis
existentiam directè negant. 131. 2.

De Atheismi origine causas, et effectibus.
132. & 133.

Atheorum absurda Deum esse probant.
122. et seq.

Auhtoritas miraculorum missionem Dinæ
Ioannis, eiusque officium mirè confir-
mauit. 41. 2.

B

Baptismus est ad salutem necessarius
in ratione medij omnibus hominibus
cuiuscumque ætatis, et conditionis. 659.
et seq.

G g g g g 2 Ba-

I N D E X

Baptismus in Voto quando in re haberi non potest sufficit ad salutem animæ consequendum. 684. 2.

Baptismus verè perficitur sine Chrismatis unctione aduersus Armenos. 689. & seq.

Baptismus validè conferri potest à quolibet homine, & in quibus occasionibus. 696. & seq.

Contra baptismi necessitatem obiectiones diluuntur. 672. & seq.

D. Bernardus vocatur ab ipsomet Caluino pius Scriptor. 121. 1.

Berno Augiensis unicum esse Deum asserit. 246. 1.

C

Christiana Sanctitas non contaminatur per iniquitatem peccantium. 72. & sequent.

In Christo unica inuenitur persona, eaque persona Verbi. 629. 1.

Aduersariorum obiectiones solvuntur. 663. & seq.

Circumcisionis usus, non modò est illicitus, sed etiam mortiferus, aduersus Iacobitas, Abyssinos, nonnullosque Armenos. 611. & seq.

Confirmationis ordinarius minister est solus Episcopus. 713. 1.

Confirmationis Sacramentum non consistit in consecratione, nec in substantia chrismatis, sed in usu illius, id est, in obsecratione, seu frontis inunctione per illud cum debita forma. 707. 2.

Copiarum errores describuntur. 496. & seq.

Concilium Toletanum II. & III. Concilium Anglicanum, Concilia Foroliugj habita, Concilium Barense, Conciliū Lateranense tandem Concilium Generale Florentinum asserunt Spiritum Sanctum à Patre, & Filio procedere. 553. & seq.

Creaturæ testimonium perhibent de Diuinitate. 168. 1.

Euidenter credibilis est doctrina à Christo tradita, quam proficitur fides Ca-

tholica, & Romana. pag. 27. & sequens.

D

Deum existere ostenditur multis, ac varijs modis, & aduersariorum diluuntur obiectiones. 135. & seqq.

Deum esse est per se notum secundum se, non autem quoad nos viatores, nisi in confuso, & in aliqua ratione communis. 194. & seq.

De Dei existentia non potest dari ignorantia innincibilis. 204. & seq.

Deum esse, non est primum cognitum primitate originis. 210. & seq.

Deum non esse nisi unum ostenditur varijs tum Sacra Scripturæ, tum Sanctorum Patrum auctoritatibus. 237. & sequens.

Sacra doctrina potest principia sua veluti mediata in esse entis considerata à priori demonstrare, nimirum per immediata sibi correspondentia. 3. 1.

Sacra doctrina potest aliquando probare, sua principia immediata à posteriori, vel argumento ad hominem. 3. 2.

Ad Sacram doctrinam pertinet fidei veritates defendere. 1. & 2.

Dæmones non sunt simpliciter causa peccatis, sed libertas. 607. 1.

E

Ecclesiastica hystoria confirmant Catholicam fidem. 33. 1.

Entia omnium analogiam habere debent cum aliquo maximo ente. 162. & 163.

Eucharistia Sacramentum ritè, & validè conficitur in pane azymo apud Latinos & in fermentato apud Græcos. 728. & seq.

Græcorum & eorum sequacium, qui asserunt inualidam esse consecrationem, in pane azymo, obiectiones refelluntur. 729. & seq.

Eutychiani ab Eutychete heretico originè, & denominationem duxerunt. 489.

Euty-

ALPHABETICVS.

Emtychianorum errores describuntur, & condemnantur. 460. & seq.

F

Fidem Catholicam confirmat Sanctissimas eorum, qui eam coluerunt. 79. et sequent.

Fides illa, qua ueris, ac diuinis miraculis probata fuit, (qualis innemitur fides Catholica) non potest ullo modo esse falsa. 38. & seq.

Quod fides Catholica publicis ac euidentibus miraculis propagaretur conueniens fuit. 41. & seq.

Caluini obiectiones diluuntur. 45. & sequent.

Fides Catholica sine armis, sine eloquentia, sine aliquo bono sensibili, & temporali oblato, sed solum propter bona aeterna fuit per orbem propagata. pag. 90. 1.

Fides Catholica ab ipsomet Luthero commendatur. 120. & 121.

Primorum Fundatorum Ecclesie Romanae conditiones Fidei Catholicae ueritatem confirmant. 68. & 69.

G

Graeci olim floruerunt in Fide Catholica, eisque multum debet Ecclesia Latina. 482. 2.

Graci negant Spiritum Sanctum à Patre, et Filio procedere. 484. 1.

Afferunt Eucharistiae Sacramentum nullo modo confici in pane azymo. pag. 485. 2.

Docent non esse Purgatorium. Ibid. 2.

Dicunt Sanctos ante diem ultimi Iudicii non uidere Deum facie ad faciem. Ibid. 2.

Negant Summum Pontificem Romanum esse caput totius Ecclesiae, ac Diui Petri successorem. Ibid. 2.

Contra Graecos haereticos & Schismaticos multi Patres tam Graeci, quam Latini scripserunt. Ibid. & seq.

H

Historia multa manifestans infelicem exitum eorum, qui fuerunt Haereticarche. 49. 1. & 2.

Haeresium multarum descriptio. 482. & sequent.

Cum haereticis disputatio, pro fide munda, ac uerorum errores impugnentur, licet ac laudabilis est. 523. 2.

Haeresium multarum descriptio, nec non earundem refutatio. 482. & seq.

I

Iacobitarum Patriarchalis Ecclesia est in Mesopotamia, extra Ciuitatem Moradin in Monasterio Zafran. pag. 494. 2.

Iacobitarum errores varij. 495. 2.

Idolum est imago destinata ad cultum indebitum alicui creature tribuendum. 231. 1.

Ignorantia sectam Mahumetanam fouet, ac tuetur. 468. 1.

Inarnationem Verbi futuram asserunt testimonia Veteris testamenti. 378. & sequent.

Inarnationis tempus designatur. 382. & sequent.

Inarnationem iam fuisse adimpletam asserunt notae, & circumstantiae. 398. et sequent.

Satisfit Iudeorum obiectionibus, quibus probare conantur Dei uerbum non fuisse iam incarnatum. 427. & seq.

Israeliticus populus fuit particularis quaedam Dei Ecclesia multis à Deo priuilegijs insignita. 368. 2.

Iudaica Genti post multa secula fuit promissum, quod ex ipsa uerus nasceretur Messias. 670. 2.

Iudaei concedunt genus humanum peccato originali infectum à Messia sanari debere. 369. 1.

Nomina authorum, qui de rebus ad Iudeos spectantibus scripserunt. 440. 2.

L

Lex vetus Mosayca non fuit à Moyse, tanquam ab immediato Legislatore, sed à Deo ipsi Moyfi per Angelos tradita fuit. 611. 1.
 Per legem veterem cognouerunt Iudei se esse peccatores. ibid. 2.
 Lex vetus erat dispositio ad Christi legem suscipiendam. ibid. 2.
 Lex vetus fuit imperfecta, quia gratiam non conferebat. 612. 1.
 Legis veteris precepta fuerunt in triplici differentia, scilicet moralia, Ceremonialia, et Iudicialia. 612. et 613. 1. et 2.
 Legis veteris observatio post sufficientem legis Christi promulgationem non solum mortua, sed etiam mortifera est. ibid. et seq.
 Aduersariorum obiectiones diluuntur. & sequent.
 Libri Iudaeorum varietas. 481. et sequent.

M

Martyrium in parulis supplet vicem Baptismi. 664. 2.
 Martyrum constantia qui vitam posuere, ac in dies ponunt pro fide Catholica illius veritatem confirmant. 85. et sequent.
 Mahumetana lex vana, quia in illa nulla Sanctitas, nulla mutatio admirabilis, nulla patientia innuincibilis 464. et sequent.
 Mytheria fidei Catholicae sunt quidem supra, sed non contra naturam, ideoque non sunt impossibilia. 6. 1.
 Obiectiones in contrarium solvuntur. 7. 2.
 Contra Mytheria fidei nullum argumentum fuit insolubile. 9. et seq.
 Mytheria fidei Catholicae et Romanae sunt euidenter credibilia. 17. et seq.
 Quamuis mytheriorum credibilitas assertum non prebeant multae, semper sa-

mien firma, et inconcussa manent. 20. & seq.

Miracula ostendunt fidem Catholicam esse euidenter credibilem. 29. 2.
 Miraculum, quod est solius naturae cursus immutatio, ad solum Deum pertinet. 31. 1.
 Cur Deus aliquando patiatur prodigia ab hominibus pessimis fieri similia veris miraculis? 36. & seq.
 Miracula pro Christiana fide facta tum à Christo Domino tum à Viris Sanctis fuerunt semper vera. 1. & seq.
 Expedit modò non tot fieri miracula quot fiebant in Ecclesia primitiua. 63. 2.
 Modi tractandi cum hereticis declarantur. 480. & seq.
 Modus quo fides Catholica, & Romana fuit propagata. 90. & seq.
 Mores haereticorum à Sanctis Patribus describuntur. 515. & seq.
 Multitudo eorum qui Catholicam fidem amplexi fuere eam corroborat. 89. 1. & 2.
 Mutatio admirabilis Infidelium qui ex infidelitate ad Christianam fidem conuersi fuerunt, illius veritatem asserit. 83. & sequent.

N

Natura duplex est in Christo Diuina, scilicet, et humana. 65. & sequent.
 Naturalis instinctus persuadet verum Deum esse unum. 25. 1. & seq.
 Nestorius non fuit tam primus auctor, quam instaurator, ac propagator heresis, quae vocatur Nestoriana. 486. 2.
 Nestorius in haeresi pertinax remanens non solum exilium passus est, sed iusto Dei iudicio lingua eius fuit vermibus exesa, nec non toto corpore putrefacto miseram exhalauit animam. 487. 2.
 Nota duodecim ostendunt Messiam uenisse in hunc mundum. 398. et seq.

ALPHABETICVS.

O

Opera solummodo apparenter bona infelicem sortiuntur exitum. pag. 49. 1.

Oracula Prophetarum euidentiam credibilitatis Catholica fidei asserunt. 64. et sequent.

Ordo totius Vniuersi unitatem nec non Dei immultiplicitatem demonstrat. 256. 2.

P

Sancti Patres tam Græci, quàm Latini unânimi consensu Deum non esse nisi unum asserunt. 241. & seq.

Peccatum originale contrahunt Adæ posterius in ipsa generatione. 591. & seq.

Peccatum originali hominem subditum esse naturaliter demonstrari non potest. 597. 2.

Aduersariorum argumenta diluuntur. 599. et seq.

Persenerantia doni miraculorum in Ecclesia Romana probat veram esse Catholicam fidem. 57. 1.

Obiectionibus aduersariorum satisfi. 61. et 62.

Periurium contrariatur secundo primæ tabulæ præcepto, ideoque illicitum est. 628. 1.

Philosophi multi ut facerent homines liberos, eos fecerunt sacrilegos. 274. 1.

Polytheismus, significat Idololatrias Deorum pluralitatem admittentes. 216. 1.

Penitentia Sacramentum datur in Ecclesia Catholica. 750. 1.

Per penitentiam Sacramentum peccata quânis propè infinita sunt, & quantumvis enormia deleri possunt. 571. et seq.

Providentia suprema in rebus gubernandis verum Deum esse probat. 166. et 167.

Ad Dei providentiam spectat cura specialis de rebus ad Religionem pertinentibus. 272. et seq.

Q

Quærimonia Philosophorum veterum, scilicet quod natura respectu hominis, non fuit mater sed nouerca. 598. 2.

R

Ratio naturalis insufficiens est ad fundandam veram Religionis disciplinam. 307. et seq.

Veræ Religionis nota est antiquitas. pag. 346. 1.

Regulæ ad cognoscenda falsa miracula veris similia. 33. et seq.

Religionis Catholica integritas eam esse veram probat. 70. & seq.

Religionis veræ duo sunt munera, primum benè de Deo sentire, secundum res aliquas Deo offerre. 305. & 306.

In Religionis negotio nullo modo libertas, seu indifferencia admitti debet. 341. & sequent.

Sine vera Religione, salus nulla inueniri potest. 349. et seq.

Obiectiones asserentes, hominem sine vera Religione salutem adipisci posse soluntur. 361. et seq.

S

Scientiæ speculative Diuina existentia veritatem asserunt. 170. et seq. Scientiæ morales et effectiue Dei existentiam probant. 176. et seq.

Scitæ Mahumetana origo, et progressus explicantur. 141. et seq.

Scitæ Mahumetanae vanitas ex prophetarum defectu. 759. et seq.

Scitæ Mahumetana falsitas, absurdissimis rebus in ea contentis, ostenditur. 457. et sequent.

Figura Sepulchri Mahumetis. 479. 2.

Spiritum Sanctum à Patre, et Filio procedere-

I N D E X

cedere docet Athanasius Syrus. pag.
570. 2.

T

Testamenti Veteris nota, et indicia
ostendunt omnes promissiones de
Messia venturo esse adimpletas 397.
et seqnens.

Testimonia Veteris Testamenti promit-
tunt Messiam venturum. 378. et seq.
Cur Iudei testimonijs Prophetarum cre-
dere nolunt. 426. 1.

V

Veritas alicuius Religionis haberi
non potest nisi per veram fidem.
311. et seq.

Ita est una fides Catholica ut non sit alia
vera præter ipsam. 113. et seq.

Vnitās Dinię existentie multis rationi-
bus probatur. 224. et seq.

Vnica solummodo esse potest vera Religio.
334. et seq.

Contra verā Religionis unitatē obiectio-
nes soluuntur. 361. et seq.

Vniuersalitas Christianę Religionis pro-
bat eam esse veram. 92. et seq.

Donatistarum ac nouatorum obiecti-
bus satisfi. 96. 2.

Vniuersalitatis nota in sola Ecclesia Ro-
mana inuenitur. 99. et seq.

Refelluntur hereticorum obiectiões con-
tra Vniuersalitatis notam in sola Ec-
clesia Catholica, ac Romana. 102. 1. 2.

R E G E S T. V M .

† † † † † A B C D E F G H I K L M N O P Q R S T V X Y Z.

Aa Bb Cc Dd Ee Ff Gg Hh Ii Kk Ll Mm Nn Oo Pp Qq Rr Ss Tt
Vu Xx Yy Zz.


Aaa Bbb Ccc Ddd Eee Fff Ggg Hhh Iii Kkk Lll Mmm Nnn Ooo Ppp
Qqq Rrr Sss Ttt Vuu Xxx Yyy Zzz.

Aaaa Bbbb Cccc Dddd Eeee Ffff Gggg Hhhh Iiii Kkkk Llll Mmmm Nnnn
Oooo Pppp Qqqq Rrrr Ssss Tttt Vuuu Xxxx Yyyy Zzzz.

Aaaaa Bbbbbb Cccccc Dddddd Eeeee Fffff Ggggg

Omnes sunt Duerniones excepto ††† quod est Ternio.







5-2

